

**SCRIPTUM  
SUPER SENTENTIIS**

MAGISTRI PETRI LOMRARDI



SCRIPTUM  
SUPER SENTENTIIS

MAGISTRI PETRI LOMBARDI

recognovit atque iterum edidit

**R. P** Maria Fabianus **MOOS, O. P.**

TOME IV

*Nil obstat :*

Fr. H.-C. DESROCHES, O. P.,      Fr. JOSEPHUS KOPF,  
*Lector in S. Theologia      Doct. in S. Theologia.*

Imprimi potest :

Fr. Emmanuel CATHELINÉAU, O. P.,  
*Prior Provincialis.*

Lugduni, die XXV Maji 1947.

*Omnia jura vindicabuntur.*

DEO SANCTIFICATORI,  
QUI HOMINES PER SACRAMENTA  
AD FINEM ULTIMUM DUCIT,  
ET REMUNERATORI,  
QUI SINGULIS PRO MERITO  
VITAM ÆTERNAM CONFERT  
HOS TRACTATUS DOGMATICOS,  
PER MANUS B. V. MARIÆ,  
DEDICAT AUCTOR.



## PROŒMIUM

---



ī  
\$ / Quæ in præcedenti libro diximus, supervacuum iterare existimamus. Belli causa et in multis aliis rebus ex oboedientia occupati, hoc volumen cum magna interposita mora in lucem edimus. Quamobrem lectoribus benevolis et præsertim quos vocant subscriptoribus ex animo veniam petimus.

Si quidem adhuc multa menda in hoc opere reperient studiosi, cum benigna diligentia designare velint. Et si aliquando litteras grsecas codicum commiscuimus, id accidit, non tantum nostra culpa, sed malitia temporum et difficultate, ne dicamus impossibilitate bibliothecae adeundi et codices evolvendi.

Sicut jam in Tertio Sententiarum formulam VIDETUR QUOD, ita in hoc volumine ULTERIUS præfigendo I, II, III, vel IV uncis inclusa, et AD PRIMAM QUÆSTIONEM etc. typis capitalibus signare decrevimus, quippe quæ iterationes verborum QUÆSTIUNCULA et SOLUTIO quæ in codicibus desunt, supervacaneas officiant et impediunt ne moles libri amplius dilatetur.

Scribebamus in viculo EVEUX apud « Sedem de re oeconomica humanis moribus accommodata » in festo Pentecostes die XXV MAJI a. MCMXLVII.

fr. Maria Fabianus Moos,  
O. P.

EN SIGLA QUIBUS USI SUMUS IN CONFICIENDA  
HAC EDITIONE

*Pro Codicibus*

<i>a</i>	Bruxellis, Bibl. Regia	<i>α</i>	1562	Sæc. XIV
<i>β</i>				<sup>β</sup> 1568—XIII
<i>γ</i>		<i>γ</i>	1565	— XIV
<i>δ</i>	Parisiis, Bibl. Mazarinea	<i>δ</i>	844	— XIII
<i>e</i>		<i>e</i>	845	— XIII
<i>ζ</i>		<i>ζ</i>	846	— XIII
<i>η</i>		<i>η</i>	847	— XIII
<i>θ</i>	Parisiis, Bibl. National!	<i>θ</i>	849	— XIII
<i>ι</i>		<i>ι</i>	15341	— XIII
<i>κ</i>		<i>κ</i>	15342	— XIII
<i>λ</i>		<i>λ</i>	15343	— XIII
<i>μ</i>		<i>μ</i>	3043	— XIV
<i>ν</i>		<i>ν</i>	3044	— XIV
<i>ξ</i>		<i>ξ</i>	15775	— XIII
<i>ο</i>		<i>ο</i>	15776	— XIII
<i>π</i>		<i>π</i>	15777	— XIV
<i>ρ</i>		<i>ρ</i>	15778	— XIII
<i>τ</i>		<i>σ</i>	15779	— XIV
<i>υ</i>		<i>τ</i>	15780	— XIII
		<i>υ</i>	15781	— XIV

*Pro Editionibus*

- R. Romana (Piana) (1570-1571)  
A. Antwerpiana (1612)  
N. Nicolai seu Parisiensis prima (1660)  
V. Veneta secunda a Bernardo de Rubeis curata (1765-1788)  
P. Parmensis (1856-1857)  
F. Vives a D. Fretté curata (1882)  
Quar. Editio Sententiarum a collegio S. Bonaventuræ ad Claras  
Aguas recognita.

*Sigla generalia*

- ad.* = addit.  
*cor.* = corrigit.  
*om.* ~ omittit.  
*ed.* = editiones.  
*homot.* = homoteleton.  
Loca ( ) inclusa a nobis adduntur et semper sunt loca Patrum  
vel auctoritatum quæ in medium afferuntur.  
[ ] indicat lectionem quæ in mss. non satis fundari videbatur,  
aut quæ ex mera conjectura præbetur.

*Pro locis recitandis*

- G. = Patrologia Græca a Migne edita.  
L. = Patrologia -Latina a Migne edita.

I I\*  
I  
!  
u  
J  
I Y  
f  
i  
i

SANCTI THOMÆ AQUINATIS  
**SCRIPTUM**  
**SUPER QUARTO LIBRO**  
**SENTENTIARUM**  
DE  
**SACRAMENTIS**  
ET DE  
**RESURRECTIONE ET GLORIA RESURGENTIUM**

**PROLOGUS S. THOMÆ**

*Misit verbum suum, et sanavit eos, ei  
eripuit eos de interitionibus eorum. \**  
Ps. cvi, 20.

Ex peccato primi hominis humanum genus *duo* incurrerat : scilicet mortem et infirmitatem. *Mortem* propter separationem a vitæ principio, de quo in *Ps.* 'xxxv, 10) dicitur : « *Apud te est fons vitæ.* » Unde dicitur *Piom.* v, 12 : « *Per unum hominem peccatum in mundum intravit, et per peccatum mors.* » *Infirmitatem* vero<sup>2</sup> propter destitutionem gratiæ, quæ est hominis sanitas, quæ petitur *Jer.* xvii, 14 : « *Sana me Domine et sanabor.* » Et ideo in *Ps.* (vi, 3) dicitur : « *Miserere mei, Domine, quoniam infirmus sum.* »

Ad hoc autem sufficiens remedium haberi non poterat, nisi ex Verbo Dei qui<sup>3</sup> est *fons sapientiæ in excelsis*, *Eccli.* i, 5 et per consequens vitæ, quia « *sapientia vitam tribuit possessori* » *Eccl.* vii, 13. Unde dicitur *Joan.* v, 21 : « *Sicut Pater suscitavit mortuos et vivificavit; sic et Filius quos vult, vivificavit.* »

1. Sic cod. Ed. *ad.* : « et qui separatur ab hoc principio, de necessitate moritur; et hoc factum est per primum hominem. » — 2. *βδ om.* « vero ». — 3. Ed. « quod ».  
4. *·ηζ* et ed. *om.* « et ».

Ipsum est etiam verbum Dei, quo omnia portantur ; *Hebr.* i, 3 : « *Portans omnia verbo virtutis suæ* » ; et ideo est efficax ad infirmitatem tollendam. Unde in *Ps.* (xxxii, 6) dicitur : « *Verbo Domini cœli firmati sunt* » ; et *Sap.* xvi, 12 : « *Neque herba neque malagma sanavit eos, sed sermo tuus, Domine, qui sanat omnia.* » Sed quia « *vivus esi sermo Dei et efficax, et penetrabilior omni gladio ancipiti* », ut dicitur *Heb.* iv, 12, necessarium fuit ad hoc quod nobis medicina tam violenta proficeret, quod ei carnis nostræ infirmitas adjungeretur, ut nobis magis congrueret. *Hebr.* n, 17 : « *Debuit per omnia fratribus assimilari, ut misericors fieret.* » Et propter hoc, « *Verbum caro factum est, et habitavit in nobis* » ; *Joan.* i, 14. Sed quia hæc medicina tantæ est ellicaciæ ut omnes sanare possit ; — « *Virtus enim exibat de illo, ei sanabat omnes* », ut dicitur *Luc.* vi, 19 — ideo ab hac universali medicina et prima aliæ particulares medicinæ procedunt universali medicinæ conformes, quibus mediantibus virtus universalis medicinæ proveniat ad infirmos. Et hæc sunt sacramenta, in quibus sub tegumento rerum visibilium divina virtus secretius operatur salutem, ut *Augustinus*<sup>2</sup> dicit.

Sic ergo in verbis propositis tria tanguntur : scilicet confectio medicinæ et<sup>3</sup> sanatio ab infirmitate et liberatio a morte.

*Confectio medicinæ* tangitur in hoc quod dicit : « *Misit verbum suum* » : quod quidem referendum est et ad Verbi incarnationem, quod dicitur eo missum quod<sup>4</sup> caro factum ; *Gal.* iv, 4 : « *Misit Deus Filium suum factum ex muliere* » ; et ad sacramentorum institutionem in quibus accedit verbum ad elementum et fit sacramentum, ut sic sit conformitas sacramenti ad Verbum incarnatum. « *Sanctificatur enim creatura sensibilis per Verbum Dei et orationem* », *I Tim.* iv, 5.

*Sanatio autem ab infirmitate peccati et reliquiarum ejus* tangitur in hoc quod dicit : « *Et sanavit eos* » : quæ quidem sanatio per sacramenta fit. Unde ipsa sunt unguenta sanitatis quæ Christus quasi unguentarius confecit, *Eccli.* xxxviii, 7. Unde et in *Ps.* (cui, 3) dicitur : « *Qui propitiatur omnibus iniquitatibus tuis* », quantum ad peccata ; « *qui sanat omnes infirmitates tuas* », quantum ad peccatorum reliquias.

*Liberatio autem a morte* tangitur in hoc quod dicit<sup>5</sup> : « *Et eripuit eos de interitionibus eorum.* » Et quia interitus in mortem violentam sonare videtur, ideo congrue ad pœnalem mortem referri potest ; quia ratio pœnæ est ut contra voluntatem sit, sicut ratio culpæ ut sit voluntaria. Et ideo culpa ad infirmitatem reducitur, poena ad mortem, quia via ad poenam est culpa,

1. RANVP. « virtus ». — 2. Cf. *Isidorum*, lib. VI *Elymca.*, c. 19, u. 40 : L. 82, 255. — 3. Ed. *om.*, « et ». — 4. Ed. « a Deo missum quia ». — 5. Ed. « dicitur ».

sicut infirmitas ad mortem. Non solum autem separatio animæ a corpore mors dici potest, sed etiam omnes præsentis vitæ pœnalitates. Et ideo pluraliter interitiones nominantur, sicut et *II Cor.* xi, 23 : « *In mortibus frequenter* ». A morte ergo corruptionis naturæ eripiet Verbum incarnatum per resurrectionem ; « *quia in Christo omnes vivificabuntur* », *I Cor.* xv, 22 ; *Is.* xxvi, 19 : « *Vivent interfecti mei etc.* » ; sed a mortibus pœnalitatum per gloriam — tunc enim absorpta erit mors per victoriam, *I Cor.* xv, 54 — et de his in *Ps.* (cn, 4) dicitur : « *Qui redimit de interitu vitam tuam* », quantum ad primum ; « *qui coronat te in misericordia* », quantum ad secundum.

1. — Sic ergo ex verbis propositis **tria** possumus accipere circa hunc *Quartum librum* qui præ manibus habetur, scilicet **materiam** ; quia in eo agitur de sacramentis et de resurrectione et gloria resurgentium.

Item **continuationem ad Tertium librum** ; quia *in tertio* agebatur de missione Verbi in carnem, *in hoc autem libro* de effectibus incarnati Verbi ; ut quartus respondeat tertio, sicut secundus primo.

Item **divisionem** istius libri. Dividitur enim in partes *duas*. *In prima* determinat de sacramentis ; *in secunda* de resurrectione et gloria resurgentium, 43 d., ibi : « Postremo de conditione resurrectionis etc. »

Prima<sup>2</sup> dividitur in *duas*. *In prima* determinat de sacramentis in communi<sup>3</sup>. *In secunda* descendit ad sacramenta novæ legis, 2 d., ibi : « Jam ad sacramenta novæ legis etc. »

Prima in *duas*. *In prima* dicit<sup>4</sup> de quo est intentio ; *in secunda* prosequitur, ibi : « Sacramentum est sacræ rei signum etc. »

Circa primum *duo* facit. *Primo* proponit materiam de qua agendum est. (1, 2). *Secundo* ostendit quid de ea primo dicendum sit, ibi : « De quibus quatuor etc. » (3).

« Sacramentum est etc. » (4). Hic determinare incipit de sacramentis in communi. Et dividitur in partes *duas*. *In prima* determinat de sacramentis secundum se ; *in secunda* de divisione sacramenti in suas partes, ibi : « Duo autem sunt etc. »

Prima in *duas*. *In prima* ostendit quid est sacramentum ; *in secunda* necessitatem institutionis sacramentorum, ibi, « Triplici autem ex causa etc. » (8).

Prima in *duas*. *In prima* venatur genus sacramenti ; *in secunda* differentias, ibi : « Signorum vero etc. » (6).

Circa primum *duo* facit. *Primo* ponit sacramentum in genere signi. *Secundo* definit signum, ibi : « Signum<sup>5</sup> est res etc. » (5).

1. Ed. *ad.* « determinat ». — 2. P. « item. ». — 3. P. « prima dicitur de sacramentis in generali ». — 4. Ed. « dicitur ». — 5. Ed. *ad.* « vero ».

« Signorum vero etc. » **(6)**. Hic venatur differentias ; et *primo* unam differentiam communem omnibus sacramentis, quæ est ut imaginem gerat ; *secundo* aliam quæ est propria sacramentorum novæ legis, in quibus est perfecta ratio sacramenti, scilicet ut causa existât, ibi : « Sacramentum enim proprie dicitur etc. » **(7)**.

« Duo autem sunt etc. » **(9)**. Hic dividit sacramentum in suas partes ; et *primo* in partes intégrales ; *secundo* in partes subjectivas, ibi : « Jam videre restat etc. » **(10)**.

Et circa hoc<sup>2</sup> *duo* facit. *Primo* ostendit differentiam inter sacramenta veteris et novæ legis. *Secundo* determinat de quodam sacramento veteris legis, quod maxime cum sacramentis novæ legis communicat, ibi : « Fuit tamen<sup>3</sup> etc. » **(11)**. Quarum prima pars cum præcedentibus est de lectione præsentis.

1. Ed. « duas ». — 2. Ed. a h@c ». — 3. Ed. « autem ».

# LIBER QUARTUS

## DISTINCTIO I

### De sacramentis et signis sacramentalibus

1. His tractatis quæ ad doctrinam rerum pertinent quibus fruendum est et quibus utendum, et quæ fruuntur et utuntur, ad doctrinam signorum accedamus!

2. — Samaritanus enim vulnerato appropians, curationi ejus sacramentorum alligamenta adhibuit (Luc. x, 30), quia contra originalis peccati et actualis vulnera, sacramentorum remedia Deus instituit.

3. — De quibus quatuor primo consideranda occurrunt. Quid sit sacramentum; quare institutum; in quibus consistat et conficiatur; et quæ sit distantia inter sacramenta veteris et novæ lègis.

### Quid sit sacramentum

4. — « *Sacramentum est sacræ rei signum* ». (Aug. x, de Civ. Dei, c. 5; L. 41, 282) Dicitur tamen sacramentum etiam sacrum secretum, sicut dicitur<sup>2</sup> sacramentum Divinitatis<sup>3</sup>, ut sacramentum sit sacrum signans et sacrum signatum. Sed nunc agitur de sacramento secundum quod est signum.

Item. « *Sacramentum est invisibilis gratiæ visibilis forma* ». (Aug. h i, Qq. in Pent., q. 84; L. 34, 712.)

5. — « *Signum vero est res præter speciem quam ingerit sensibus, aliquid aliud ex se faciens in cognitionem venire* ». (Aug. de doctr. Christ, c. 1, n. 1; L. 34, 35.)

6. — « *Signorum vero alia sunt naturalia, ut fumus, significans ignem; alia data*. » (Ibid. n. 2.) Et eorum quæ data sunt, quædam sunt sacramenta, quædam non. Omne enim sacramentum est signum, sed non e converso.

Sacramentum ejus rei similitudinem gerit cujus signum est. « *Si enim sacramenta non haberent similitudinem rerum quarum sacramenta sunt, proprie sacramenta non dicerentur*. » (Aug. Ep. 98, n. 9; L. 33, 364.)

7. — Sacramentum enim proprie dicitur quod ita signum est gratiæ Dei et invisibilis gratiæ forma, ut ipsius imaginem gerat et causa existât. (*Summa Sent*, tract. 4, c. 1; L. 176, 177.) Non ergo<sup>4</sup> significandi tantum gratia sacramenta instituta sunt, sed etiam sanctificandi. (*Sum. Sent.* loc. cit.)

a. — Quæ enim significandi gratia tantum instituta sunt, solum signa sunt et non sacramenta; sicut fuerunt sacrificia carnalia et observantiæ<sup>5</sup> cæremoniales veteris legis, quæ nunquam poterant justos facere offerentes; quia, ut ait Apostolus (*Hebr. ix, 13*) « *sanguis hircorum et taurorum, et cinis vitulæ aspersus inquinatos sanctificabat ad emundationem carnis* », non animæ; nam inquinatio illa erat contactus mortui.

Unde Augustinus (iv, Qq. in Peni., q. 33; L. 34, 735) : « *Nihil aliud intelligo inquisitionem quam lex mundat, nisi contactum mortui hominis, quem qui tetigerat, immundus erat septem diebus, sed purificabatur secundum legem die tertio et septimo; et ita mundus erat* », ut jam intraret in templum.

1. Hunc prologumom. P. — 2. Ed. om. « dicitur ». — 3. Quar. < Deitatis ». — 4. Quar « igitur ». — 5. Cf. Lev. xvi. 15.

**b.** — Mundabant etiam interdum a corporali lepra illa legalia, sed nunquam *ex operibus legis* aliquis justificatus est, ut ait *Apostolus* !*Rom.* in, 20 et *Galat.* u, 16), etiam si in fide et in caritate fierent. Quare ? Quia imposuit ea Deus in servitutem, non in justificationem, et ut figura futuril essent, volens ea sibi ipsi potius offerri quam idolis. Illa ergo signa erant, sed tamen et<sup>2</sup> sacramenta, licet minus proprie, in Scripturis sæpe vocantur, quia signa erant rei sacræ, quam utique non præstabant. Illa autem *Apostolus* (loc. cit et *Act.* xv, 10) *opera legis* dicit quæ tantum significandi gratia vel in onus instituta sunt.

#### De causa institutionis SACRAMENTORUM

**8.** — « *Triplici autem ex causa sacramenta instituta sunt : propter humiliationem, eruditionem, exercitationem.*

*Propter humiliationem quidem, ut dum homo in sensibilibus rebus quæ natura infra ipsum sunt, ex præcepto Creatoris se reverendo subjicit, ex hac humilitate et obedientia Deo magis placeat, etl apud eum mereatur, cujus imperio salutem quærit in inferioribus se, et si non ab illis, sed per illa a Deo.*

*Propter eruditionem etiam instituta sunt, ut per id quod foris in specie visibili cernitur, ad invisibilem virtutem, quæ intus est, cognoscendam mens erudiat. Homo enim, qui ante peccatum sine medio Deum videbat, per peccatum adeo<sup>5</sup> hebuiC ut nequaquam divina queat<sup>5</sup> capere, nisi humanis excitatus<sup>5</sup>.*

*Propter exercitationem similiter instituta sunt ; quia cum homo otiosus esse non possit, proponitur ei utilis et salubris exercitatio in sacramentis, qua vanam et noxiam declinet occupationem<sup>7</sup>. »* Non enim facile capitur a tentatore qui bono vacat exercitio. Unde *Hieronymus* (*Ep.* 125 ad *Rustic.* ; L. 22, 1078) monet : « *Semper aliquid<sup>11</sup> operis facito, ut te occupatum diabolus inveniat.* »

« *Sunt autem exercitationum tres species. Una ad ædificationem animæ pertinet, alial<sup>2</sup> ad corporis fomentum, alia ad utriusque subversionem.* » (*Hugo* loc. cit.) Cum igitur absque sacramentis quibus non alligavit potentiam suam Deus, homini gratiam donare posset, prædictis de causis sacramenta instituit.

In quibus consistat et conficiatur sacramentum

**9.** — « *Duo autem sunt in quibus sacramentum consistit, scilicet verba et res : verba, ut invocatio Trinitatis ; res, ut aqua, oleum et hujusmodi.* »

De differentia sacramentorum veterum et novorum

**10.** — Jam videre restat differentiam<sup>13</sup> sacramentorum veterum et novorum, ut sacramenta vocemus quæ antiquitus res sacras significabant, ut sacrificia et oblationes et hujusmodi.

Eorum autem differentiam breviter *Augustinus* assignat dicens (*In ps.* 1xxiii, n. 2 ; L. 36, 931), « *quia illa promittebant tantum et significabant, hæc autem dant salutem.* »

1. Cf. *Rom.* v, 14. — 2. Ed. *om.* « et ». — 3. Ed. « de ». — 4. Ed. *ad.* « ut ». — 5. *Quar.* « agnoscendam ». — 6. Ed. « a Deo ». — 7. Ed. « habuit ». — 8. « ut nequeat divina ». — 9. Ed. « exercitatus ». — 10. *Hugo* a *S. Vict.* I De *Sacramentis*, p. 9, c. 3 (L. 176, 319 sq.) quædam verbotenus, alia contractim. *Quar.* — 11. Ed. *ad.* « Do- ni ». — 12. *Quar.* « altera ». — 13. *Quar.* « distantiam ».

## De circumcissione

**11.** — Fuit tamen inter illa sacramental sacramentum quoddam, scilicet circumcissionis, idem conferens remedium contra peccatum, quo nunc baptismus præstat.

**a.** — Unde Augustinus. (II de Nuptiis et Concupisc., c. 11, n. 24 ; L. 44, 450) : « *Ex quo instituta est circumcisio in populo Dei quæ? erat tunc « signaculum justitiæ fidei » (Rom. iv, 25), ad purgationem valebat magnis et parvulis originalis-veterisque peccati ; sicut baptismus ex illo valere coepit ad innovationem hominis, ex quo institutus est.* »

**b.** — Item Beda (Hom. de Circumcis. Domini ; L. 94, 54) : « *Idem salutiferæ curationis auxilium circumcisio in lege contra originalis peccati vulnus agebat, quod baptismus agere revelatæ gratiæ tempore consuevit, excepto quod regni coelestis januam nondum<sup>3</sup> intrare poterant ; tamen in sinu Abrahæ post mortem requie beata consolati, supernæ pacis ingressum spe felici expectabant.* »

**c.** — His aperte traditur per circumcissionem, ex quo instituta fuit, remissionem peccati originalis et actualis parvulis et majoribus a Deo præstitam, sicut nunc per baptismum datur.

De viris qui fuerunt ante circumcissionem, et de feminis  
QUÆ FUERUNT ANTE ET POST

**12.** — Quæritur autem<sup>4</sup> de viris qui fuerunt ante circumcissionem, et de feminis quæ fuerunt ante et post, quod remedium contra peccatum habuerint.

Quidam dicunt sacrificia et oblationes eis valuisse ad remissionem peccati. Sed melius est dicere illos qui de Abraham prodierunt, per circumcissionem justificatos ; mulieres vero per fidem et operationem bonam, vel suam, si adultæ erant, vel parentum, si parvulæ. Eos vero qui fuerunt ante circumcissionem parvulos, in fide parentum ; parentes vero per virtutem sacrificiorum, scilicet quam intelligebant spiritualiter in illis sacrificiis, justificatos.

Unde Gregorius (IV Moral., c. 3 ; L. 75, 635) : « *Quod apud nos valet aqua baptismi, hoc egit apud veteres vel pro parvulis sola fides, vel pro majoribus virtus sacrificii, vel pro his qui ex Abrahæ stirpe prodierunt, mysterium circumcliionis.* »

## De INSTITUTIONE ET CAUSA CIRCUMCISIONIS

**13.** — Hic dicendum est, in quo instituta fuerit circumcisio, et quare, et cur mutata per baptismum.

**a.** — Abraham primus mandatum circumcissionis habuit ad probationem obedientiæ ; nec ei soli præcepta fuit circumcisio, sed et semini ejus, id est omnibus Hebræis : quæ fiebat secundum legem octava<sup>5</sup> die, lapideo cultro, in carne præputii.

**b.** — Data autem fuit circumcisio pluribus de causis : scilicet ut per obedientiam mandati Abraham placeret Deo, cui per praevaricationem Adam displicuerat. Data etiam fuit in signum magnæ fidei Abrahæ, qui credidit se habiturum filium, in quo fieret benedictio omnium. Deinde ut hoc signo a ceteris nationibus discerneretur populus ille.

1. Quar. « et inter illa », om. « sacramenta ». — 2. Migne « quod ». — 3. Quar. « nec dum ». — 4. Ed. « etiam ». — 5. F. « octavo ».

**c.** — In carne vero præputii ideo jussa est fieri circumcisio, quia in remedium instituta est originalis peccati, quod a parentibus trahimus per concupiscentiam, quæ in parte illa magis dominatur. Et quia in parte illa culpam inobedientiæ primus homo sensit, decuit ut ibi signum obedientiæ acciperet.

#### Quare die octava et petrino cultro

**d.** — Fiebat autem octava die, etl petrino cultro, quia et in resurrectione communi octava ætate futura, per petram Christum omnis ab electis abscondetur corruptio, et per Christi resurrectionem octava die factam circumciditur a peccatis anima cujusque in eum credentis. « *Duæ ergo\* res sunt illius sacramenti.* » (Aug. in *Joan*, tract. 30, η. 5 ; L. 35, 1634.)

#### Quare per baptismum mutata sit circumcisio

**14.** — Ideo autem mutata est circumcisio per baptismum, quia sacramentum baptismi communius est et perfectius, quia pleniori gratia accumulatum. Ibi enim peccata solum dimittebantur, sed nec gratia ab bene operandum adjutrix, nec virtutum possessio vel augmentum ibi præstatur, ut in baptismo, ubi non tantummodo abolentur peccata, sed etiam gratia adjutrix confertur, et virtutes augentur. Unde *aqua refectiois\** (*Ps.* xxii, 2) dicitur : quæ4 aridos fecundat, et jam® fructificantes ampliori ubertate donat ; quia quantumcumque per fidem et caritatem ante habitam aliquis justus ad baptismum accedit, uberiorem ibi recipit gratiam ; sed non ita in circumcisione. Unde Abrahæ per fidem jam justificato signaculum tantum fuit ; nihil enim intus contulit.

#### De parvulis defunctis ante diem octavam

**15.** — Si vero quæritur de parvulis qui ante diem octavam moriebantur, ante quam non fiebat' circumcisio ex lege, utrum salvarentur vel non, idem potest responderi quod sentitur de parvulis ante baptismum defunctis, quos perire constat.

Unde Beda (ubi supra et in *Luc.* 2 ; L. 92, 337) : « *Qui nunc per Evangeliuml terribiliter et salubriter clamat* (*Joan*, iii, 5) : « Nisi quis renatus fuerit ex aqua et Spiritu sancto, non intrabitl in regnum Dei » : *ipse dudum clamat per suam legem* (*Gen.* xvii, 14) : « Anima9 cujus præputii caro circumcisa non fuerit, peribitl0 de populo suo, quia pactum meum irritum fecitl1 ». *Forte tamen sub lege ingruente necessitate mortis, ante octavam diem circumcidebant sine peccato filios, sicut modo in Ecclesia fit de baptismo.* †)

1. Quar. om. « et ». — 2. Quar. « igitur. » — 3. Ed. ad. « vel regenerationis ». — 4. Ed. « quia ». — 5. F. om. « jam », al. « etiam ». — 6. Ed. « antequam fieret ». — 7. Ed. ad. « suum ». — 8. Quar. « non potest intrare ». — 9. F. « Masculus ». — 10. F. « delebitur anima illa ». — 11. F. « feci ».

## QUÆSTIO I

Hic quaeruntur quinque :

*Primo*, quid sit sacramentum.

*Secundo*, de necessitate sacramentorum.

*Tertio*, ex quibus consistat sacramentum.

*Quarto*, de efficacia sacramentorum novæ legis.

*Quinio*, de efficacia sacramentorum veteris legis.

## ARTICULUS I

m

[III, q. 60, a. 1, 2, 3.]

**16. — AD PRIMUM SIC PROCEEDITUR.** VIDETUR QUOD INCONVENIENTER DEFINIATUR SACRAMENTUM PER HOC QUOD DICITUR ; « *Sacramentum est sacræ rei signum.* » (4).

1. Sacramenta enim sunt alligamenta sanitatis, ut dicitur in GLOSSA super illud *Ps. (cxlvi, 3 ; L. 113, 1073)* : « *Qui sanat contritos corde* ». Sed de ratione medicamenti non est ut aliquid significet, sed solum ut efficiat sanitatem. Ergo sacramentum non est signum.

**2. Præterea.** Omnes creaturæ sensibiles sunt signa invisibilium divinorum, ut patet *Rom. i, 20*, nec tamen dici possunt sacramenta. Ergo male definitur sacramentum « *sacræ rei signum* ».

**3. Præterea.** Serpens æneus de quo dicitur *Num. xxi*, signum fuit sacræ rei, scilicet crucis Christi, nec tamen fuit sacramentum. Ergo definitio prædicta est male data.

**4. Præterea.** Triplex est signum, scilicet *demonstrativum* quod est de præsentī, *rememorativum* quod est de præterito, *prognosticum* quod est de futuro. Sed nullum istorum competit sacramento, cum quandoque recipiens sacramentum, gratiam non habeat nec habuerit nec in posterum habiturus sit. Ergo nullo modo est signum.

**5. Præterea.** Signum contra causam dividitur. Sed aliquod sacramentum est causa. Ergo non omne sacramentum est signum.

[II]

**17. — ULTERIUS.** Videtur quod male definiatur signum cum dicitur : « *Signum est res præter speciem quam ingerit etc.* » (5).

1. P. om. « nec habuerit ». — 2. Ed. « non omne », et ad. « sacramentum. »

1. Unum enim oppositorum non debet poni in definitione alterius. Sed res et signa ex opposito dividuntur, ut patuit in 1 d. I libri. Ergo res non debet poni in definitione signi.

2. **Præterea.** Secundum Philosophum in libro *Priorum*, ( $\beta$  27, 70) omnis effectus suæ causæ signum esse potest. Sed quidam effectus sunt spirituales, qui nullam speciem ingerunt sensibus. Ergo non omne signum aliquam speciem sensibus ingerit.

3. **Præterea.** Omnis locutio fit per aliqua signa. Sed angeli loquuntur non prolato aliquo sensibili sermone, ut in II lib. d. 11 (q. 2, a. 3) dictum est. Ergo non omne signum est sensibile.

## [III]

18. — **ULTERIUS.** Videtur quod hæc definitio male datur : « *Sacramentum est invisibilis gratiæ visibilis forma, ut imaginem gerat, et causa existat* » (7).

1. Sicut enim in *Littera* (9) dicitur, in duobus sacramenta consistunt, scilicet in rebus et verbis. Sed *sicut* res sunt visibiles, *Ha* verba sunt audibilia. Ergo debuit dicere : « *Visibilis et audibilis.* »

2. **Præterea.** Omnis forma est intrinseca vel exemplaris. Sed sacramenta non sunt formæ intrinsecæ invisibilis gratiæ, ut per se patet ; nec iterum formæ exemplares, cum gratia invisibilis non imitetur rem visibilem, sed magis e converso. Ergo sacramentum nullo modo est forma invisibilis gratiæ.

3. **Præterea.** Character baptismalis est sacramentum et res, ut infra (d. 4, q. 1) dicitur ; et similiter corpus Christi verum existens in altari. Sed neutrum istorum<sup>3</sup> est visibilis forma. Ergo definitio non est bene data.

4. **Præterea.** *Imago* est quod ad imitationem alterius fit ; *forma* autem exemplaris est ad cujus imitationem aliquid fit. Ergo non est idem forma et imago respectu ejusdem. Sed sacramentum est forma invisibilis gratiæ. Ergo non est imago respectu ejusdem.

5. **Præterea.** In definitione generis non debet poni differentia constitutiva alicujus specierum in quas dividitur genus. Sed esse causam ejus quod figurat, est differentia sacramentorum novæ legis. Ergo non debet poni in definitione communi sacramenti.

## 1IV]

19. — **ULTERIUS.** Videtur QUOD DEFINITIO QUAM PONIT

1. RANVP. « visibilis ». — 2. RANVP. om. « magis ». — 3.  $\beta$  om. « istorum ».

Augustinus<sup>1</sup> sit incompetens ; scilicet : « *Sacramentum est in quo sub tegumento rerum visibilium divina virtus secretius operatur salutem* ».

1. Occultatio enim manifestationi opponitur. Sed signum instituitur ad manifestandum. Cum ergo tegumentum occultationem importet, videtur quod male ponatur in definitione sacramenti.

2. **Præterea.** Frequenter accipientes sacramenta salutem non consequuntur. Ergo opera<sup>2</sup> salutis non debent<sup>3</sup> poni in definitione sacramenti.

3. **Præterea.** In sanctis hominibus divina virtus operatur ad salutem ipsorum, ut dicitur Is. xxvi, 12 : « *Omnia opera nostra operatus es in nobis* » ; nec tamen sancti homines dicuntur sacramenta. Ergo idem quod<sup>4</sup> prius.

[V]

[III, q. 64, a. 2, ad 2.]

20. — **ULTERIUS.** Videtur quod definitio Hugonis de<sup>5</sup> Sancto Victore (lib. I *de sacram.*, p. 9, c. 2 ; L. 176, 317) sit incompetens, quæ talis est : « *Sacramentum est corporate vel materiale elementum extrinsecus\* oculis suppositum, ex institutione significans<sup>7</sup>, ex similitudine repræsentans<sup>8</sup>, ex sanctificatione invisibilem gratiam continens.* »

1. Materia enim non prædicatur de toto. Sed materiale elementum est materia sacramenti. Ergo male ponitur in definitione sacramenti ut genus.

2. **Præterea.** In quibusdam sacramentis non est elementum, sed elementatum, sicut in extrema unctione est oleum. Ergo definitio non est communis omnibus sacramentis.

3. **Præterea.** Similitudo est rerum differentium eadem qualitas. Sed non potest esse eadem qualitas rerum spiritualium ad corporalia ; ergo nec similitudo. Ergo male dicitur : « *Ex similitudine repræsentans.* »

4. **Præterea.** Si est aliqua similitudo, illa est ex naturali proprietate materialis elementi. Si ergo ex similitudine repræsentat, et idem est repræsentare quod significare, ut potest patere per definitionem signi in littera positam, ergo sacramentum non significat ex institutione.

21. — **RESPONSIO.** Dicendum **AD PRIMAM QUÆSTIONEM** quod sacramentum secundum proprietatem vocabuli

1. Cf. Isidorum, l. vi *Elymol.*, c. 19, n. 40 ; (L. 82, 255). — 2. Ed. « operatio ». — 3. Ed. « debet ». — 4. F. « quot. ». — 5. Ed. « a ». — 6. Migne « foris sensibilibus propositum, ex similitudine repræsentans et ex institutione significans, etc. ». — 7. Ed. « signans ». — 8. Ed. *ad* « et ».

videtur importare sanctitatem active, ut dicatur sacramentum quo aliquid sacratur, sicut ornamentum quo aliquid ornatur.

Sed quia actiones activorum debent<sup>1</sup> esse proportionate conditionibus passivorum, ideo in sanctificatione qua homo sanctificatur, debet esse talis sanctificandi modus qui homini competat secundum quod rationalis est, quia ex hoc est homo. In quantum autem est rationalis, habet cognitionem a sensibilibus ortam. Unde oportet quod sanctificetur hoc modo quod sua sanctificatio sibi innotescat et<sup>2</sup> per similitudines sensibilibus rerum. Et secundum hoc invenitur diversa acceptio sacramenti.

**22.** — *Aliquando* enim<sup>3</sup> sacramentum importat rem qua fit consecratio. Et sic *passio Christi* dicitur sacramentum. Et hæc est prima acceptio quam *Magister* ponit.

**23.** — *Aliquando* vero includit modum consecrationis qui homini competit secundum quod causæ sanctificantes et sua sanctificatio per similitudines sensibilibus sibi<sup>4</sup> notificantur. Et sic *sacramenta novæ legis* sacramenta dicuntur; quia *et* consecrant, *et* sanctitatem significant modo prædicto et etiam primas sanctificationis causas<sup>5</sup>: sicut baptismus sanctificat<sup>6</sup> et puritatem designat, et mortis Christi signum est.

**24.** — *Aliquando* autem<sup>7</sup> includit tantum significationem prædictarum consecrationum: sicut signum sanitatis dicitur sanum. Et hoc modo *sacramenta veteris legis* sacramenta dicuntur, in quantum significant ea quæ in Christo sunt gesta, et etiam sacramenta novæ legis.

**25.** — Relicto ergo primo modo dicendi sacramentum, quia de huiusmodi sacramentis dictum est in III libro, de sacramentis secundo et tertio modo dictis non poterit alia communis definitio assignari nisi dicatur: « *Sacramentum est sacræ rei signum*; » nisi quod oportet ut subintelligatur talis modus significandi qui est per similitudinem rei sensibilis, quod *Magister* addit<sup>8</sup> ut scilicet ejus similitudinem gerat.

**26.** — **AD PRIMUM** ergo dicendum quod quamvis significatio non sit de ratione curationis simpliciter, est tamen de ratione curationis talis quæ fit per sacramenta, ut ex dictis patet.

**27.** — **Ad secundum** dicendum quod res sensibiles non sunt signa divinorum ut sunt sacramenta, sed ut sunt in seipsis sacra. Sacramentum autem debet intelligi signum rei sacræ ut est sacramentum. Et ideo non<sup>9</sup> oportet quod omnes res sensibiles sint sacramenta.

**28.** — **Ad tertium** dicendum quod quamvis serpens æneus

1. Ed. « dicuntur ». — 2. Ed. om. « et ». — 3.  $\beta$  « autem ». — 4.  $\beta$  om. « sibi ». — 5. Ed. ad. « significant ». — 6. RANVP. om. « sanctificat ». — 7. RANVP. « etiam ». — 8. P. ad. « quod est id. ». — 9. RAVP. om. « non ».

esset signum rei sacræ sacramentis, non tamen in quantum sacramentis est actu; quia non ad hoc adhibebatur ut aliquis sanctificationis effectus perciperetur, sed solum effectus exterioris curationis. Et similis est ratio de imagine crucis quæ ponitur tantum ad repræsentandum.

**29.** — Ad quartum dicendum quod sacramenta novæ legis tria significant: scilicet causam primam sanctificantem, sicut baptismus, mortem Christi; et quantum ad hoc sunt signa rememoraliva. Item significant effectum sanctificationis quam faciunt, et hæc significatio est eis principalis; et sic sunt signa demonstrativa. Nec obstat, si aliquis sanctitatem non recipit; quia non est ex defectu sacramenti, quod, quantum in se est, natum est gratiam conferre. Item significant finem sanctificationis, scilicet æternam gloriam; et quantum ad hoc sunt signa prognostica.

**30.** — Sacramenta vero veteris legis erant totaliter signa prognostica.

**31.** — Ad quintum dicendum quod signum, quantum est in se, importat aliquid manifestum quoad nos, quo manuducimur in cognitionem alicujus occulti.

Et quia ut frequentius effectus sunt nobis manifestiores causas; ideo signum quandoque contra causam dividitur, sicut demonstratio « quia » dicitur per signum a communi, in I Phgs.; (a. 1, 184a, 18 s.; l. I, n. 6 s.); demonstratio autem « propter quid » est per causam.

Quandoque autem causa est manifesta quoad nos, utpote cadens sub sensu; effectus autem occultus, ut si expectatur in futurum. Et tunc nihil prohibet causam signum sui effectus dici.

**32.** — AD SECUNDAM QUÆSTIONEM dicendum quod, sicut dictum est, signum importat aliquod notum quoad nos, quo manuducimur in alterius cognitionem. Res autem primo nobis notæ, sunt res cadentes sub sensu, a quo omnis nostra cognitio ortum habet. Et ideo signum quantum ad primam sui institutionem significat aliquam rem sensibilem, prout per eam manuducimur in cognitionem alicujus occulti. Et sic Magister accipit hic signum.

**33.** — Contingit autem aliquando quod aliquod magis notum quoad nos, etiam si non sit res cadens sub sensu, quasi secundaria significatione signum dicatur; sicut dicit Philosophus in II Elh. (β 2. 1104b, 4; l. 3, n. 266), quod « signum generati

1. RA. « signant ». — 2. Ed. « sicut demonstratio « quia » est quæ dicitur esse per signum a communi, ut in I Phys. textu 4, dicitur... ».

*habitus in nobis oportet accipere fientem in opere delectationem* », quæ non est delectatio sensibilis, cum sit rationis.

**34.** — **AD PRIMUM** ergo dicendum quod definitio illa non est per oppositas res, sed per oppositas rationes. Unde etiam ibidem dictum est quod omne signum est res.

**35.** — **Ad secundum** dicendum quod in rebus intelligibilibus fit processus ab his quæ sunt notiora simpliciter, sicut patet in mathematicis. Unde ibi effectus non sunt signa causarum, sed in rebus sensibilibus.

**36.** — **Ad tertium** dicendum similiter de locutione angelorum, quod fit per ea quæ sunt notiora simpliciter. Unde boni possunt proprie dici signa, sed quasi *transumptioe*.

**37.** — **AD TERTIAM QUÆSTIONEM** dicendum quod illa definitio *Magistri* completissime rationem sacramenti designat, prout nunc de sacramentis loquimur. Ponitur enim efficientia sanctitatis in hoc quod dicitur: « *ut causa existât* »; et modus competens homini quantum ad cognitionem, in hoc quod dicitur: « *invisibilis gratiæ sensibilis forma* »; et modus significationis homini connaturalis, scilicet ex similitudine sensibilium, in hoc quod dicitur: « *ut imaginem gerat.* »

**38.** — **AD PRIMUM** ergo dicendum quod quia visus est nobilior inter alios sensus, et plures differentias rerum ostendit, ut dicitur in principio *2 Meta.* (A 1. 980a, 26-27; l. 1, n. 6); ideo, ut *Augustinus* dicit (lib. X *Confess.*, c. 35; L. 32, 802) « *nomen visus ad omnes alios sensus extenditur* », Et ideo « *visibilis* » ponitur hic pro sensibili communiter.

**39.** — **Ad secundum** dicendum quod *forma sumitur hic communiter pro figura*, secundum quod est in quarta specie qualitatis, et non pro forma exemplari; quia per mutationem figuræ imaginibus aliquid repræsentamus.

**40.** — *Vel si sumatur pro forma exemplari*, hoc esset<sup>3</sup> in quantum sacramenta sunt quodammodo causæ invisibilis gratiæ. Et ita in via generationis præcedunt, quamvis quantum ad institutionem imitentur.

**41.** — **Ad tertium** dicendum quod character baptisçialis et corpus Christi verum non dicuntur sacramenta nisi secundum quod conjunguntur exterioribus<sup>4</sup> signis sensibilibus.

**42.** — **Ad quartum** dicendum sicut ad secundum, quod forma quæ est figura, non habet oppositionem ad imaginem, cum figura imago dicatur.

**43.** — **Ad quintum** dicendum, quod *sacramentum non dividitur per sacramenta veteris et novæ legis* sicut genus per species, sed

1 « *α* dicit ». — 2. Ed. « *I* ». — 3. P. « *est* », — 4. RANVP. *om.* « *exterioribus* ».

*sicut analogum in suas partes*, ut sanum in habens sanitatem et significans eam. Sacramentum autem *simpliciter* est quod causât sanctitatem. Quod autem significat tantum, non est sacramentum nisi *secundum quid*. Et ideo esse causam, potest  
\* poni in definitione sacramenti, sicut habens sanitatem in definitione sani.

**44. — AD QUARTAM QUÆSTIONEM** dicendum quod definitio illa Augustini, si tamen in verbis illis sacramentum definire intendit, datur de sacramento quantum ad id quod est principale in ratione ipsius, scilicet *causare sanctitatem*.

Et quia sacramenta non sunt primæ causæ sanctitatis, sed quasi causæ secundariæ et instrumentales, ideo definiuntur sacramenta *sanctificationis instrumenta*. Actio autem non attribuitur instrumento, sed principali agenti, cujus virtute instrumenta ad opus applicantur, prout sunt mota ab ipso. Et ideo sacramenta non dicit esse sanctificantia, sed quod *in eis divina virtus occulta existens sanctificat*.

**45. — AD PRIMUM** ergo dicendum quod sacramentum est et2 causa et signum.

*Est quidem causa instrumentons*. Et ideo virtus agentis principalis occulte in ipso operatur, sicut virtus artis3 in serra.

**46. — Sed in quantum est signum**, est ad manifestandum hujusmodi occultationem ; ut sic ante significationem sit occultum, sed postquam significatio facta est actu, sit manifestum.

**47. — Ad secundum** dicendum quod hoc contingit per accidens ex defectu recipientium. Definitiones autem respiciunt hoc quod per se est, sicut quod ignis calefacit, quantum in se est, quamvis ex parte passivi impediri posset.

**48. — Ad tertium** dicendum quod in sacramentis Deus operatur salutem sicut in instrumentis, quibus mediantibus salus causatur ; sed in hominibus sicut in subjectis recipientibus salutem.4 Et ideo ratio non sequitur.

**49. — AD QUINTAM QUÆSTIONEM** dicendum quod definitio Hugonis de sancto Victore eadem est cum definitione quam Magister in *Littera* ponit, hoc excepto quod addit causam significationis quæ est institutio, et causam efficientiæ quæ est sanctificatio. Idem enim est dictum « *materiale elementum exterius oculis suppositum*,4 *ex institutione significans*, » quod « *invisibilis gratiæ visibilis forma* » ; et « *ex similitudine repræsentans* », idem est ei quod dicitur, « *ut imaginem gerat* » ; et « *ex sanctificatione invisibilem gratiam continens* », idem est ei quod dicitur « *ut causa existât* ».

1. Cf. n. 19. — 2. Ed. om. « et ». — 3. RANVP. ad. « vel artificis ». — 4. Ed. ad. « et ».

**50. — AD PRIMUM** ergo dicendum quod *sicut* formæ artificiales sunt accidentales<sup>1</sup>, <sup>1</sup> in artificialibus tota substantia est materia, et propter hoc prædicatur, ut dicatur, « *Phiala est aurum* » —; *ita* etiam cum sacramenti<sup>2</sup> forma non det esse substantiale, sed accidentale in genere causæ et signi, non est inconveniens ut materia sacramenti de ipso prædicetur et in ejus definitione sicut genus ponatur<sup>3</sup> hoc enim etiam in aliis accidentibus contingit, ut dicitur in VII *Meta.* (¶ 5. 1030b, 14 s.; l. 4, n. 1342 s.), ut cum dicitur : « *Simum est nasus curvus* ».

**51. — Ad secundum** dicendum quod elementum accipitur communiter pro quolibet corporali visibili, sive sit elementum simplex, sive elementatum. Et utimur tali modo loquendi propter verbum Augustini qui dicit (*in Joan.*, tract. 80, ¶. 3; L. 35, 1840) : « *Accedit verbum ad elementum et fit sacramentum.* » In baptismo enim qui est sacramentorum janua, materia est elementum simplex.

**52. — Ad tertium** dicendum quod inter corporalia et spiritualia non attenditur similitudo per participationem ejusdem qualitatis, sed per *proportionalitatem* quæ est similitudo proportionatorum; ut quod<sup>3</sup> *sicut* se habet aqua ad delendas corporales maculas, *ita* gratia ad abluendum spirituales. Et secundum hunc modum similitudinis transferuntur etiam corporalia ad spiritualia.

**53. — Ad quartum** dicendum quod res sensibilis secundum prædictam similitudinem ex naturali proprietate pluribus est conformis. Et ideo quantum est de se æqualiter potest quodlibet illorum significare. Ad hoc ergo quod ad unum determinetur, et sic sua significatio sit certa, oportet quod accedat institutio quæ ad unum determinet. Et sic repræsentatio quæ est ex similitudine naturalis proprietatis, importat aptitudinem quamdam ad significandum; sed<sup>4</sup> determinatio et complementum significationis ex institutione est.

## ARTICULUS II

### [I]

[III, q. 61, a. 1; III *Cg.* c. 119; IV, c. 55, 56]

**54. — AD SECUNDUM SIC PROCEDITUR.** Videtur quod SACRAMENTIS HUMANUM GENUS ETIAM POST LAPSUM NON INDI-GEAT.

**1.** Per gratiam enim et virtutes peccati vulnera sanantur

1. Ed. *ad.* « tamen », contra  $\alpha\gamma^{\wedge}\epsilon\eta$ ;  $\beta$  *ad.* « cum ». — 2. Ed. « in sacramentis ». — 3. Ed. *om.* « quod ». — 4. RANVP. « quia etsi representatio quæ est ex similitudine naturalis proprietatis importat aptitudinem quamdam ad significandum, attamen... ».

in nobis ; quia gratia a Sanctis dicitur sanitas et decor animæ. Philosophus etiam in II *Eth.*, ( $\beta$  2. 1104a, 11 ; l. 2, n. 260 s.), comparat virtutem sanitati corporali. Cum ergo sacramenta sint instituta ut medicinæ peccati, ut Hugo de sancto Victore dicit (lib. I *De sacram. fidei*, p. 8, c. 12 ; L. 176, 313), videtur quod eis non indigemus.

2. **Præterea.** Contraria contrariis curantur. Sed homo morbum peccati incurrerat, se per affectum' rebus temporalibus subjiciendo. Ergo videtur inconveniens modus curationis ut sub rebus sensibilibus humilietur, sicut Magister dicit.

3. **Præterea.** Illud quod est causa occultationis et erroris, non prodest ad eruditionem. Sed tradere spiritualia sub signis corporalibus est occultatio quædam spiritualium ; unde et pluribus est causa erroris : sicut patet de illis qui Deum credebant per lineamenta corporalia distingui propter modum loquendi symbolicum in Scripturis. Ergo non facit ad eruditionem nostram sacramentorum exhibitio, ut Magister dicit (8).

4. **Præterea.** I *Tim.* 1v2, 8 : « Corporalis exercitatio ad modicum utilis est. » Sed exercitatio quæ fit in sacramentis est corporalis, quia res quæ in usum veniunt corporales sunt. Ergo eis non indigemus propter exercitationem, ut iterum Magister dicit.

55. — **SED CONTRA.** Augustinus dicit *Contra Faustum* (l. XIX, c. 11 ; L. 42, 355), quod omnis religio habuit aliqua signa exteriora, in quibus conveniebant ad Deum colendum. Sed in Ecclesia Dei, post peccatum, in hoc mundo peregrinante est verissima religio. Ergo oportet in ea esse hujusmodi signa, et hæc sunt sacramenta ; ergo indigemus eis.

56. — **Præterea.** Medicina vulnerum debet esse proportionata. Sed vulnus peccati devenerat in humano genere usque ad corpus, in quo habitat lex peccati, ut dicitur *Bom.*, vu, 23. Ergo debuit medicina etiam per aliqua corporalia ei parari. Sed hujusmodi sunt sacramenta. Ergo sacramentis homo in statu naturæ lapsæ indiget.

[II]

[III S., d. 23, q. 2, a. 1, ad. 1 : III, q. 61, a. 2]

57. — **ULTERIUS.** Videtur quod etiam ante peccatum HOMO EIS INDIGUISSET.

1. Homo enim etiam ante peccatum gratia indigebat, ut in II lib. (c. 24, q. 1, a. 4, ad 2) dictum est. Sed sacramenta sunt instituta ad gratiæ collationem. Ergo homo eis in statu innocentiae indiguisset.

2. **Præterea.** Dionysius in i cap. *Eccles. Hierar.*, (n. 2 ; G. 3, 374), assignat hanc causam institutionis hujusmodi sensibilibus

1. Ed. « Id ». — 2. *abδ* « vi ».

figurarum in sacramentis ; quia per hujusmodi materiale elementum<sup>2</sup> melius reducimur<sup>3</sup> ad spiritualia<sup>4</sup>, propter connaturalitatem cognitionis nostræ ad sensibilia. Sed homo in statu innocentiae materialis erat, et ex sensibilibus cognitionem accipiens, propter quod etiam in paradiso dicitur positus ad operandum, ut naturales vires rerum experiretur. Ergo et tunc indiguit hujusmodi sacramentis.

3. **Praeterea.** Matrimonium sacramentum quoddam est. Hoc autem in paradiso fuit institutum in statu innocentiae, ut patet *Gen. ii.* Ergo in statu innocentiae homo sacramentis indigisset.

**58. — SED CONTRA.** *Mat.*, ix, 12 : « *Non opus est sanis medico* », nec etiam medicina. Sed *Hugo de sancto Auctore* dicit (*lib. I de Sacram.*, p. 9, c. 3 ; *L.* 176, 319) quod sacramenta sunt vasa medicinalia. Ergo non erant in statu innocentiae necessaria, cum morbus non erat.

**59. — Praeterea.** Sacramenta virtutem sortiuntur ex passione Christi. Unde et de latere ipsius in cruce pendentis fluxisse dicuntur. Sed si homo non peccasset, Christi passio non fuisset. Ergo nec sacramenta.

### [III]

[III, q. 61, a. 3]

**60. — ULTERIUS.** Videtur quod in statu legis naturæ SACRAMENTA NON FUERUNT NECESSARIA.

1. Non minus enim est necessaria eruditio quæ fit per præcepta quam illa quæ fit per sacramenta. Sed præcepta non fuerunt aliqua<sup>5</sup> data ab bene vivendum præter ea quibus naturali ratione ad bene vivendum informabantur. Ergo videtur quod nec sacramenta debuerunt pro tempore illo institui, cum ea lex naturalis non dicitet : quod patet ex hoc quod non sunt eadem apud omnes et secundum omne tempus.

2. **Praeterea.** Sacramenta, quando instituta sunt, necessaria sunt ad salutem, ut patet *Joan.*, iii, 5 : « *Nisi quis renatus fuerit etc.* ». Sed ea quæ ante legem scriptam videntur esse sacramenta, erant voto celebrata et non necessitate, ut *Hugo de sancto Victore* dicit (*lib. I de sacr.*, p. 11, c. 5 ; *L.* 176, 345). Ergo non erant sacramenta, et per consequens nec necessaria.

**61. — SED CONTRA.** Secundum *Hugonem* (*lib. I, de sacram.*, p. 8, c. 12 ; *L.* 176, 313) quandocumque fuit morbus, fuit et medicina morbi. Sed in statu legis naturæ erat morbus peccati. Ergo necessaria erat sacramentorum medicina.

1. RANVP. *ad.* « sensibiles figuras ». — 2. *η* et ed. « nostrum ». — 3. Ed. « manu ducitur ». — 4. *αη om.* « ad spiritualia ». — 5. Ed. « alia ».

## [IV]

[III, q. 61, a. 3]

**62.— ULTERIUS.** Videtur quod nec debuerunt supra illa SACRAMENTA LEGIS NATURÆ ALIA SUPERADDI IN LEGE MOYSI.

1. Quod enim superadditur alteri, debet esse magis ad perfectionem accedens. Sed sacramenta quæ fuerunt in lege naturæ, erant propinquissima perfectis sacramentis quæ sunt in lege nova, ut patet de oblatione Melchisedech. Ergo non debuit fieri superadditio per legem Moysi.

2. **Præterea.** Superadditio ad id quod bonum erat vel mutatio ejus non debet fieri nisi propter meliorationem. Sed sacramenta veteris legis non habebant alium effectum meliorem effectu sacramentorum legis naturæ, quia utraque sacramenta significabant tantum. Ergo non debuit fieri aliqua mutatio ipsorum vel superadditio ad ea.

**63. — SED CONTRA.** Sacramenta, ut Magister in *Littera* (8) dicit, ad eruditionem instituta sunt. Sed secundum Gregorium (*In Ezech.* lib. II, *hom.* 4, *n.* 12; L. 76, 980), per incrementum temporum crevit scientia sanctorum patrum, et fides etiam magis explicata est, ut in III lib. d. 25 (q. 2, a. 2, sol. 1, 96), dictum est. Ergo oportuit etiam in lege Moysi alia sacramenta superaddi sacramentis legis naturæ.

## [V]

[Infra, d. 2, q. 1, a. 4, sol. 1; III, q. 61, a. 4; IV Cg.1 c. 57.]

**64. — ULTERIUS.** Videtur QUOD IN LEGE NOVA NON DEBUE-  
RUNT ALIQUA SACRAMENTA REMANERE.

1. Veniente enim veritate cessat figura. Sed « *gratia et veritas jam per Christum Jesum facta est* », Jo an., i, 17. Ergo non indigemus sacramentis gratiam ipsius et veritatem significantibus.

2. **Præterea.** Apostolus, *Galat.* iv3, 2, 3, dicit quod antiqui patres erant *sub elementis mundi servientes*, sicut puer sub pædagogico usque ad præfinilium tempus a patre. Sed tempus plenitudinis est tempus incarnationis, ut ibidem dicitur. Ergo cum sacramentum sit materiale elementum, videtur quod ex tunc non debuerimus sub sacramentis salutem quærere.

**65. — SED CONTRA.** Quando est tempus medicandi, tunc magis necessariæ sunt medicinæ. Sed tempus aptissimum spirituali medicationi est tempus gratiæ. Unde in *Ps.* (ci, 14; lxiv, 12), *tempus miserendi, annus benignitatis Dei* dicitur. Ergo in statu gratiæ maxime necessaria sunt sacramenta quæ sunt medicinæ quædam.

**66. — RESPONSIO.** Dicendum **AD PRIMAM QUÆSTIONEM** quod sacramenta non erant necessaria necessitate absoluta, sicut necessarium est Deum esse, cum ex sola divinal benignitate<sup>2</sup> instituta sint, sed de *necessitate quæ est ex suppositione finis*; non ita tamen quod sine his Deus hominem sanare non posset, quia sacramentis virtutem suam non alligavit, ut in *Littera (8)* dicitur: sicut cibus necessarius est ad vitam humanam; sed quia per sacramenta magis congrue fit hominis reparatio: sicut equus dicitur necessarius ad iter, quia in equo facilius homo vadit.

**67. —** Hujusmodi autem congruitatis causa potest accipi ex hoc quo homo per peccatum præcipue circa sensibilia corruptus erat, eis detentus ne in Deum surgere posset.

Erat autem prædicta *corruptio quantum ad cognitionem*; quia humana mens circa sensibilia tantum occupari noverat, intantum ut quidam nihil extra sensibilia crederent; et si qui ad cognitionem intelligibilium pervenirent, ea secundum modum rerum sensibilibus judicabant.

*Similiter quantum ad affectionem*; quia eis quasi summis bonis inhaerebant, Deo postposito.

*Similiter etiam quantum ad actionem*; quia homo eis inordinate utebatur.

**68. —** Necessarium ergo fuit ad curationem peccatorum *ut* homo ex sensibilibus in spiritualia cognoscenda proficeret, *et* ut affectum quem circa ea habebat, in Deum referret, *et* eis ordinate et secundum divinam institutionem uteretur. Et ideo necessaria fuit sacramentorum institutio, per quæ homo ex sensibilibus de spiritualibus eruditur, *et hæc est secunda causa* quam *Magister* ponit; per quæ etiam affectum qui sensibilibus subjicitur, in Dei reverentiam referret, *et hæc est prima causa*; per quæ etiam circa ea in honorem Dei excitaretur, *et hæc est tertia\* causa*.

**69. — AD PRIMUM** ergo dicendum quod gratia et virtutes sanant *formaliter*, sicut sanitas; sed *sacramenta quodammodo effective*, sicut medicinæ quædam. Unde *sicut* non sequitur: sanitas sanat, ergo medicinæ non sunt necessariae; *ita* nec hæc: gratia sanat, ergo sacramenta non sunt necessaria; sed magis posset contrarium concludi.

**70. — Ad secundum** dicendum quod per eadem contrario modo fit virtus et corruptio, ut patet<sup>5</sup> in II *Eth.* ( $\beta$  7. 1107a, 29; 1. 8 et 9). Unde *sicut* corruptio virtutis facta est in homine per hoc quod se sub sensibilibus rebus humiliavit propter ipsa

1. PF. *om.* « divina ». — 2.  $\beta$  RANVP. « bonitate ». — 3. Ed. *ad.* « ut ». — 4. Cf. Hugonem de S. V., l. I *de Sacram.*, p. 9, c. 3; L. 176, 319. — 5. Ed. *om.* « patet ».

sensibilia ; *ita* reparatio virtutis convenienter fit per hoc quod homo sub eis humiliatur propter Dei reverentiam. Et sic contraria contrariis curantur, quia contraria debent accipi circa idem.

**71. — Ad tertium** dicendum quod remanentibus in sensibilibus prædictus modus tradendi spiritualia est occultus et erroris occasio ; a quibus etiam congruum est sancta occultare, ut Dionysius dicit, *Hier. Eccl.* 1 cap., (G. 3, 370.)

Sed eis qui instruuntur ex sensibilibus in spiritualem intellectum consurgere, est valde congruus, quia est conformis naturali cognitioni qua ex sensibilibus cognitionem intellectus accipit.

**72. — Ad quartum** dicendum quod corporalis exercitatio secundum se accepta ad modicum utilis est in comparatione ad pietatem, ut ibi Apostolus intendit ; sed si ei pietas adjungatur, sicut fit in sacramentis quæ ad religionis pietatem pertinent, est valde utilis.

**73. — AD SECUNDAM QUÆSTIONEM** dicendum quod utilitas sacramentorum est eruditio et curatio. *Quantum autem ad curationem* omnibus patet quod non erant necessaria sacramenta in statu innocentiae, cum tunc morbus non esset.

**74. —** Sed Quidam dicunt quod erant necessaria *quantum ad eruditionem* ; quia homo in statu etiam illo sensibilibus<sup>3</sup> utebatur, et ita ex sensibilibus ei<sup>4</sup> spiritualia significari congruebat.

**Sed hoc non videtur conveniens**, quia significatio fit ad acquirendum cognitionem de eo quod significatur.

Quamvis autem homo<sup>5</sup> in primo statu sensibilia cognosceret, et in eis etiam spiritualium similitudines inspiceret, non tamen ex sensibilibus spiritualium cognitionem accepisset<sup>6</sup>, sed magis ex influenza divini luminis. Et ideo sacramentis ad eruditionem non indigebat.

**75. —** Et hoc etiam in *Littera* (8) Magister significare videtur, quia refert hoc quod de eruditione dicit, ad defectum cognitionis qui est in statu peccati.

Et ideo dicendum est cum Aliis quod **in statu innocentiae sacramenta non fuissent**<sup>7</sup>.

**76. — AD PRIMUM** ergo dicendum quod sacramenta non sunt instituta ad gratiam conferendam, nisi prout gratia est sanans formaliter morbum peccati. Et sic in statu innocentiae homo gratia non indigebat.

**77. — Ad secundum** dicendum quod *in statu innocentiae* superiores partes hominis omnino inferioribus dominabantur. Et ideo quamvis homo haberet sensus et materialis esset, non tamen

1. RANVP. « est occulti erroris occasio », N. « occultus est erroris occasio ». — 2. F. « qui ». — 3. F. « sensibus ». — 4. Ed. om. « ei ». — 5. RANVP. om. « homo ». — 6. RANVP. « accipit ». — 7. RANVP. ad. « necessaria ».

intellectus ex sensibilibus cognitionem accipiebat, sed ex influentia divini luminis habebat.

Sed quia experientia etiam eorum quæ prius sciebamus, delectabilis est, ideo operabatur ad experiendum naturæ vires, non ut ex hoc habitum scientiæ acciperet, sed ut ex visione experientiam! eorum quæ sciebat, delectaretur.

**78. — Ad tertium** dicendum quod *matrimonium* non *fuisset in statu innocentiæ* in remedium, sed *in officium*. Et quia sacramenta remedia sunt, ideo proprie loquendo, non *fuisset sacramentum*, nisi forte in quantum rem sacram significabat; non quidem! ut illius sacræ rei, scilicet conjunctionis Christi et Ecclesiæ, per huiusmodi matrimonium homo in statu illo cognitionem accepisset; sed magis e converso ex cognitione prædictæ conjunctionis convenientiam et sanctitatem matrimonii cognovisset.

**79. — AD TERTIAM QUÆSTIONEM** dicendum quod ea quæ ab homine fiunt, a cognitione ortum oportet habere; alias non essent humana opera. Unde oportet quod operatio cognitioni respondeat, sicut effectus causæ.

**80. — In statu autem legis naturæ** non sufficiebat ad salutem sola naturalis cognitio, sed exigebatur fides aliquorum quæ supra rationem sunt. *Et post lapsum* exigebatur fides de reparatore per quem erat medicina morbi. Et ideo in statu illo non tantum erant necessaria opera quæ sunt de dictamine legis naturalis, sed etiam alia quæ essent protestationes et signa eorum quæ ad reparationem pertinebant. Et hæc erant illius temporis sacramenta, sicut sacrificia, decimæ, oblationes et huiusmodi.

**81. — AD PRIMUM** ergo dicendum quod præcepta quæ ordinant ad bene vivendum, sunt præcepta legis naturæ quæ respondent cognitioni naturali. Et quia cognitio naturalis sufficienter ea dictabat, nondum per contrariam consuetudinem omnino obtenebrata, ideo non erat tanta necessitas ut eorum expressio fieret, sicut sacramentorum quæ supernaturali cognitioni respondent.

**82. — Ad secundum** dicendum quod ante legem scriptam erant quædam sacramenta necessitatis, sicut illud fidei sacramentum quod ordinabatur ad deletionem originalis peccati; et similiter poenitentia quæ ordinabatur ad deletionem actualis; et similiter matrimonium quod ordinabatur ad multiplicationem humani generis. Sed sacrificia et oblationes et huiusmodi erant voluntatis et necessitatis? : *necessitatis in communi*, ut scilicet aliquid facerent in protestationem fidei suæ, qua Deo per patriæ

1. A « et non quidem illius ». — 2. RANVP. om, « voluntatis et necessitatis ».

religionem subjecti erant; *sed in speciali erant voluntatis*, utrum scilicet deberent sacrificia exhibere, vel oblationes, vel aliquid hujusmodi.

**83. — AD QUARTAM QUÆSTIONEM** dicendum quod cum sacramentorum usus fidei proportionaliter respondeat, sicut dictum est, oportuit quod secundum diversum statum fidei diversimode sacramenta traderentur. Fides autem quantum ad articulorum explicationem semper magis ac<sup>2</sup> magis crevit secundum vicinitatem<sup>3</sup> temporis gratiæ, ut in<sup>4</sup> III lib. d. 25 (q. 2, a. 2, sol. 1), dictum est. Et secundum hoc oportuit sacramenta magis ac magis determinari.

**84. —** Et propter hoc, quia *in Abraham* fides primo habuit quasi notabilem quantitatem, ut propter fidei religionem ab aliis separaretur, unde et pater fidei dicitur, ideo sibi signaculum sive sacramentum fidei determinatum fuit, scilicet circumcisio.

**85. —** Et quia *tempore Moysi* jam fides ad tantam quantitatem devenerat ut non solum in uno homine refulgeret vel in una<sup>5</sup> familia, sed in una tota gente, populo Dei multiplicato; ideo oportuit et legem dari, quæ non nisi populo ferri potest — unde *legis-posilwab* est pars politicæ, non æconomicæ vel monasticæ —<sup>1</sup> et sacramenta in speciali determinari et multiplicari. Et propter hoc necessarium fuit in lege Moysi determinari sacrificia, oblationes et decimas, quantum ad omnes singulares circumstantias, et matrimonia ordinari et pœnitentiæ satisfactiones distinguui.

**86. — AD PRIMUM** ergo dicendum quod quamvis oblatio Melchisedech perfectissime repræsentaret nostrum sacrificium quantum ad materiam, tamen etiam oportuit multas alias circumstantias repræsentari, sicut modum sumendi et passionem Christi, cujus est memoriale, quæ explicite figurantur<sup>7</sup> per agnum paschalem et per alia legis sacramenta.

**87. — Ad secundum** dicendum quod quamvis non sit facta melioratio per sacramenta veteris legis quantum ad alium effectum in genere, scilicet causare; facta est tamen quantum ad eundem effectum qui est significare, in quantum expressius et pluribus modis futura gratiæ significabantur sacramenta.

**88. — AD QUINTAM QUÆSTIONEM** dicendum quod eadem fides est etiam<sup>8</sup> modernorum et antiquorum, ut Augustinus dicit (in Joan, tract. 45, n. 9; L. 35, 1722), quia quem illi credebant venturum, nos credimus jam venisse. Et ideo cum sacra-

1. *β* « debent ». — 2. Ed. « et ». — 3. RANVP. « propinquitatem ». — 4. PF. *om.* « in ». — 5. RANVP. *om.* « una ». — 6. Ed. « legis positio ». — 7. RANVP. « significantur ». — 8. Ed. *om.* « etiam ».<sup>9</sup>

menta fidei correspondeant, sicut protestationes ipsius et ab eal virtutem habentia, oportet quod *sicut* antiqui patres redemptionis Christi participes effecti sunt per sacramenta quae erant signa futuri, *ita* et in nos redemptio ejus perveniat mediantibus aliquibus sacramentis significantibus quod jam factum est, quae sunt sacramenta novae legis.

**89.- AD PRIMUM** ergo dicendum quod, sicut dicit Dionysius in *Eccles. Hier.* (c. 5, n. 2 ; G. 3, 502), status novae legis medius est inter statum veteris legis et statum coelestis patriae. Et ideo etiam ea quae sunt novae legis, et sunt veritas respectu signorum veteris legis, et sunt figurae respectu manifestae et plenae cognitionis veritatis quae erit in patria. Et ideo adhuc oportet *in nova lege* quod maneant aliquae figurae ; *sed in patria*, ubi erit plenaria perceptio veritatis, omnes figurae cessabunt.

**90. — Ad secundum** dicendum quod sacramenta legalia gratiam non continebant. Et ideo Apostolus ibidem (*Gal. iv, 9*) nominat ea *egena* et *vacua*. Et propter hoc qui eis subdebantur, erant sub elementis pure corporalibus. Sed non est simile de sacramentis quae gratiam invisibilem continent.

### ARTICULES III

[Infra d. 13, q. 1, a. 2 ; sol. 6, ad. 2 ; III, q. 60, a. 6, 7 ; *Ver.*, q. 27, a. 4, ad 10.]

**91. — AD TERTIUM SIC PROCEEDITUR.** VIDETUR QUOD sacramenta non consistant in verbis et rebus.

1. Sacramentum enim est aliquid unum. Sed ex duobus quae non sunt conjuncta, non potest aliquid unum fieri, nec potest unum esse forma alterius. Cum ergo verba et res sint omnino separata, videtur quod ex eis non possit constare sacramentum, ut habeat pro forma verba, et res pro materia.

2. **Præterea.** *Sicut* in sacramentis requiruntur verba, *ita* et facta quaedam, ut dicit Hûgo de sancto Victore (lib. I *De sacram.*, p. 9, c. 6 ; L. 176, 326). Sed facta non ponuntur de integritate sacramenti. Ergo nec verba.

3. **Præterea.** Sacramenta sunt ad significandum et causandum. Sed utrumque horum potent fieri per res sine verbis. Ergo sacramenta non consistunt in his duobus.

4. **Præterea.** Sacramenta veteris legis erant signa nostrorum sacramentorum. Sed in illis non erant aliqua verba determinata. Ergo nec in nostris esse debent.

5. **Præterea.** Poenitentia et matrimonium sunt quaedam sacramenta. Sed de integritate eorum non sunt verba aliqua. Ergo

1. *α ad. α sicut* ».

hoc quod Magister dicit non est verum de omnibus sacramentis.

**92. — SED CONTRA.** Sacramenta « *ex similitudine repræsentant* », secundum Hugonem ; sed sacramenta repræsentant ea quæ circa Christum sunt gesta. Ergo cum in Christo fuerit verbum rei sensibili adjunctum, oportet quod hoc etiam sit in sacramentis.

**93. — Præterea.** Medicina debet proportionari morbo. Sed morbus peccati hominem quantum ad animam et corpus inferat. Ergo oportet in sacramentis esse verba quæ respondeant animæ, et res quæ respondeant corpori.

**94. — Præterea.** Secundum Hugonem (lib. I *De sacram.*, p. 9, c. 2 ; L. 176, 317), sacramenta « *ex sanctificatione invisibilem gratiam continent* ». Sed « *creatura... sanctificatur per verbum Dei* », *I Tim.*, iv, 5. Ergo oportet in sacramentis non solum res sed etiam verba esse.

**95. — RESPONSIO.** Dicendum quod *hoc est commune* omnibus sacramentis quod consistant in rebus sensibilibus invisibilem gratiam significantibus. Sed *hoc est speciale sacramentis novæ legis* quod rebus verba addantur, propter *tres rationes*.

**96. — Prima** est, quia hæc sacramenta non solum significant opus redemptionis quæ per Christum est facta, sicut alia sacramenta, sed ab ipsa Christi passione fluxerunt. Et ideo sicut effectus proximi, habent suæ causæ imaginem quantum possunt, ut scilicet ex rebus et verbis consistant, sicut Christus ex Verbo et carne.

**97. — Secunda ratio** est, quia non solum sunt signa futurorum, sicut sacramenta veteris legis, sed præsentium et præteritorum, ut prius dictum est, quæ possunt expressius significari quam futura, sicut et certius cognosci. Et ideo significatio verborum quæ est expressissima adjungitur significationi rerum.

**98. — Tertia ratio** est, quia gratiam continent ex sanctificatione quæ fit per verbum Dei, ut dictum est.

**99. — AD PRIMUM** ergo dicendum quod sacramentum est aliquid unum in genere signi vel causæ, quorum utrumque relationem importat. Non est autem inconveniens ut quæ sunt in se distincta uniantur in relatione ad aliquid unum, sicut accidit de multis trahentibus navem qui sunt una causa tractus navis. Et *sicut* pater et mater sunt unum in generatione ; *sic* etiam verba et res sunt unum in significando et causando, et per consequens efficiunt unum sacramentum.

Et quia virtus causandi est in rebus ex verbis significantibus,

1. Ed. *om.* per homot. « secundum Hugonem ; sed sacramenta repræsentant ». —  
2. Ed. *ad.* « in ». — 3. Ed. *ad.* « etiam ».

ut dictum est; ideo *verba* sunt *formalia*, et *res materiales*, per modum quo omne completivum forma dicitur.

**100.** — **Ad secundum** dicendum quod secundum Hugonem de sancto Victore<sup>1</sup>, ad sacramenta concurrunt verba et res et facta. Sed *facta* pertinent ad usum vel dispensationem sacramentorum, *verba* autem et *res* sunt de essentia sacramenti. Et ideo Magister in his duobus dicit constare sacramenta, et non in factis.

*Vel dicendum* quod facta ad res reducuntur.

**101.** — **Ad tertium** dicendum quod nec efficacia causandi nec expressio significandi poterat esse in rebus, nisi verba adjuvantur, ut dictum est.

**102.** — **Ad quartum** dicendum quod non est similis ratio de sacramentis veteris<sup>2</sup> et novæ legis, ut ex dictis patet.

**103.** — **Ad quintum** dicendum quod matrimonium secundum quod est in officium<sup>3</sup> et poenitentia secundum quod est virtus, non habent aliquam formam verborum; sed secundum quod utrumque est sacramentum in dispensatione ministrorum Ecclesiæ consistens, utrumque habet aliqua verba: sicut in *matrimonio* sunt verba experimentia consensum, et iterum benedictiones ab Ecclesia institute; in *poenitentia* autem est absolutio sacerdotis verbotenus facta.

## ARTICULUS IV

### [I]

[infra d. 18, q. 1, a. 3, sol. 1, ad. 1; I-II, q. 112, a. 1, ad. 2; III, q. 62, a. 1, a. 6; IV Cg., c. 57; Ver., q. 27, a. 4; Quodl. XII, q. 10; De Eccles. Sacram.; Gal., c. 2, l. 4.]

**104.** — **AD QUARTUM SIC PROCEDITUR.** Videtur quod SACRAMENTA NOVÆ LEGIS NON SINT CAUSA GRATIÆ.

1. Dicit enim Bernardus in *Serm. de cæna Domini* (n. 2; L. 183, 214): « *Sicut investitur canonicus per librum, abbas per baculum, episcopus per annulum; sic divisiones gratiarum diversis sunt traditæ sacramentis.* » Sed liber non est causa canonicatus, nec annulus episcopatus. Ergo nec sacramenta gratiæ.

2. **Praeterea.** Si sunt causæ gratiæ, oportet quod<sup>4</sup> secundum aliquod genus causæ. Sed constat quod non<sup>5</sup> sunt *causæ materiales nec formales*, cum sint extra essentiam gratiæ; nec iterum sunt *causæ finales*, quia magis sacramenta propter gratiam habendam quærentur quam e converso; nec iterum *causæ efficientes*, quia solus Deus efficit gratiam adeo quod nec etiam<sup>6</sup>

1. Ed. « quod sicut Hugo de Sancto Victore ibidem dicit ». — 2. *β ad.* « legis ». — 3. Ed. et Tjik « effectu », contra *απιδ.* — 4. Ed. *ad.* « sint ». — 5. Ed. *om.* « causæ ». — 6. RANVP. *om.* « etiam ».

angelis qui sunt nobiliores sensibilibus creaturis, hoc communicatur. Ergo nullo modo sacramenta sunt causa gratiæ.

3. **Praeterea.** Nobilius est agens patiente, secundum Augustinum in XII *de Gen., ad lilt.*, (c. 16, n. 33; L. 34, 467); et secundum Philosophum, in III *De anima* (y 5. 430a, 18-19; l. 10, n. 733), et iterum causa dignior est effectu. Sed tam anima rationalis quam gratia praevalent sensibilibus elementis. Ergo sacramentum quod est materiale elementum, ut prius dictum est, non potest agere in animam ad causandam gratiam in ipsa.

4. **Praeterea.** Omnis causa *vel* est univoca *vel* æquivoca. *In causa autem æquivoca* est aliquid nobiliori modo quam in oausatis, sicut calor in sole quam in aere; *in causa autem univoca* est aliquid eodem modo. Sed gratia non est in sacramentis neque eodem modo ut in anima, neque nobiliori modo. Ergo non sunt gratiæ neque univoce neque æquivoce; et ita nullo modo.

5. **Praeterea.** Sacramenta non causant gratiam in anima per modum influentiæ, quia sic crearent ipsam; nec iterum educunt eam de potentia materiæ, quia gratia non est in potentia naturali materiæ. Ergo nullo modo gratiam causant.

6. **Praeterea.** In sacramento altaris transsubstantiatur panis in corpus Christi: quod non potest fieri nisi virtute infinita, qualis non est virtus formæ illius sacramenti. Ergo illa virtus non causât dictam transsubstantiationem, et eadem ratione nec alia sacramenta quod significant causant.

105. — **SED CONTRA.** Hæc differentia assignatur communiter inter sacramenta novæ legis et veteris, quod *sacramenta novæ legis* efficiunt quod significant<sup>4</sup>: quod *sacramentis veteris legis* non competit. Figurant autem sacramenta invisibilem gratiam. Si ergo sacramenta novæ legis gratiam non causant, non differunt in aliquo a sacramentis veteris legis.

106. — **Praeterea.** Augustinus dicit (in *Joan.*, tract. 80, η. 3; L. 35, 1840) quod aqua baptismi « *corpus tangit et cor abluit* ». Sed cor non abluitur nisi per gratiam. Ergo sacramenta novæ legis gratiam causant.

## [II]

[Infra d. 8, q. 2, a. 3; III, q. 62, a. 4; q. 78, a. 4; *Ver.*, q. 27, a. 4, ad. 4; *Quodl.* XII, q. 10.]

107. — **ULTERIUS.** Videtur quod in sacramentis non sit aliqua virtus spiritalis<sup>5</sup> ad gratiam inducendam.

1. Quod enim non est in aliquo genere entium, non est ens.

1. Ed. « causandum ». — 2. *β om.* « in ipsa ». — 3. Ed. « nec ». — 4. RANVP. « figurant ». — 5. Ed. « specialis », cf. arg. 4.

Sed hujusmodi virtus non potest reduci ad aliquod decem generum, quia non est forma substantialis, ut per se patet ; neque in aliquo aliorum generum praeter qualitatem, nec etiam in qualitate<sup>2</sup>, ut patet discurrenti per quatuor species qualitatis. Ergo non est ens.

2. **Præterea.** Constat quod sacramenta non habent a seipsis hujusmodi virtutem. Si ergo est in eis, oportet quod a Deo habeant eam ; nec est assignare, ut videtur, quando eis data sit. *Non enim* in ipsa<sup>3</sup> institutione sacramentorum dari eis potuit ; quia res istæ et hæc verba tunc non erant, et non enti nihil datur. *Nec iterum* quotidie eis dat hanc virtutem, quia creatio dicitur esse hoc tempore solum quantum ad animas rationales et quantum ad gratiam. *Nec alio modo* potest eis dari, nisi in eis crearetur. *Nec iterum* est probabile quod tam nobilis virtus crearetur<sup>4</sup> in verbis quæ statim esse desinunt, et res etiam in brevi corrumpuntur. Ergo nullo modo hujusmodi virtus est in sacramentis.

3. **Præterea.** Dicta *virtus non potest computari inter minima bona* ; quia sic ad gratiam inducendam, quæ est de maximis bonis, efficaciam non haberet. *Nec iterum inter media*, cujusmodi sunt animæ potentiæ quibus homo bene et male utitur. Eadem ratione *nec iterum inter maxima*, cum neque sit gratia neque virtus mentis. Ergo non est aliquod bonum, et ita nihil est.

4. **Præterea.** Omne quod recipitur in aliquo, est in eo per modum recipientis. Et inde est quod virtus spiritualis non potest esse in re corporali. Sed hæc virtus quæ ordinatur ad gratiam inducendam, est maxime spiritualis. Ergo non potest esse in rebus corporalibus.

5. **Præterea.** Unius sacramenti non potest esse nisi una virtus, cum sit ad unum effectum. Sed una virtus non potest esse in diversis. Cum ergo in sacramento sint plura, scilicet verba et res, videtur quod non possit in sacramento esse aliqua virtus ad gratiam inducendam.

108. —<sup>1</sup> **SED CONTRA** est quod Augustinus dicit [*in Joan.*, tract. 80, n. 3 ; L. 35, 1840) : « *Quæ est vis aquæ ut corpus tangat et cor abluat ?* » Ergo habet aliquam virtutem. Similiter etiam Beda dicit [*in Luc.*, c. 3 ; L. 92, 358) : « *Christus tactu mundissimæ suæ carnis vim generativam contulit aquis.* »

109. — **Præterea.** Sacramenta medicinæ quædam sunt. Sed omnis medicina habet aliquam virtutem per quam fit efficax. Ergo et in sacramentis est aliqua virtus.

1. F. « aliquod ». — 2. F. « qualitatem ». — 3. RANVP. « ista ». — 4. A « creetur ». — 5. RANVP. « inter maxima. Cum ergo non sit gratia ».

## [H1]

[III, q. 62. a. 5 ; q. 64. 4. 2, ad 2.]

**110. — ULTERIUS.** Videtur QUOD HÆC VIRTUS NON SIT IN SACRAMENTIS A PASSIONE CHRISTI.

1. Christus enim, secundum quod homo, non dat Spiritum sanctum, neque gratiam causât, ut in I lib. d. 14 (q. 3, a. 1), dictum est. Sed passio convenit ei secundum quod homo. Ergo efficacia virtutis quæ est in sacramentis ad gratiam causandam, non potest esse a Christi passione, sed ab ejus Divinitate.

2. **Præterea.** *Bom.* iv1, 25, dicitur quod « *resurrexit propter justificationem nostram* ». Sed justificatio fit per infusionem gratiæ. Ergo magis a resurrectione sacramenta prædictam virtutem habent.

3. **Præterea.** Sacramenta dicuntur a fide efficaciam habere. Sed fides non solum est de passione sed etiam de aliis articulis. Ergo non solum a passione efficaciam habent.

**111. — SED CONTRA.** *Rom.* v, 14, super illud : « *Similitudinem praevaricationis Adæ* »2, *Glossa* (L. 114, 486) : « *Ex latere Christi profluxerunt sacramenta per quæ salvata est Ecclesia.* » Hoc autem factum est in passione. Ergo ex passione efficaciam habent.

**112. — Præterea.** Sacramenta sunt medicinæ contra peccata. Sed peccata srtnt ablata per Christi passionem, quia mortuus est « *propter delicia nostra* » : *Rom.* iv3, 25. Ergo a passione efficaciam habent.

## [IV]

[I/S. d. 15, q. 5, a. 1, sol. 1, ad 2 ; I, q. 43, a. 6, ad 4 ; III, q. 62, a. 3 ; *Ver.*, q. 27, a. 7.]

**113. — ULTERIUS.** Videtur QUOD SACRAMENTA NOVÆ LEGIS NON CONTINEANT GRATIAM.

1. Idem enim est subjectum gratiæ et gloriæ. Sed nihil potest esse subjectum gloriæ nisi creatura rationalis. Ergo nec in sacramento quod est materiale elementum, potest esse gratia.

2. **Si dicatur** quod gratia non est in sacramentis sicut in subjecto, sed sicut in vase.

**Contra.** Esse in vase significat esse in loco, secundum Philosophum in IV *Phys.* (8 3. 210a, 24 ; l. 4, n. 2, 3). Sed accidenti non competit esse in loco. Ergo non potest esse verum quod dictum est.

3. **Præterea.** Si Deus in sacramentis gratiam posuit, hoc non est nisi propter animam in quam gratia transfundi debet. Sed non potest eadem gratia quæ est in sacramentis in animam transfundi, quia accidens non transit de subjecto in subjectum.

1. *αβδ* « v ». — 2. *Ed. ad.* « dicit ». — 3. *αβδ* « v ».

Ergo frustra esset ibi. Et ita non est ibi, quia in operibus gratiæ minus est aliquid frustra quam in operibus naturæ.

4. **Præterea.** Secundum Philosophum in *I de An.* (a 5. 41 1a, 7 ; l. 14, n. 206), spiritualia, etiamsi sint in corporalibus, non dicuntur ab eis contineri, sed magis continere, sicut anima est in corpore et continet ipsum. Sed gratia est res spiritualis. Ergo etsi sit in sacramentis corporalibus, non debet dici contineri ab eis.

**114. — SED CONTRA** est quod dicitur in *Glossa, Gal. ivl, 9*, quod sacramenta veteris legis dicebantur egena et inania, quia gratiam non continebant. Sed hoc non potest dici de sacramentis novæ legis. Ergo gratiam continent.

**115. — Præterea.** Hoc patet per definitionem Hugonis de sancto Victore supra positam.

[V]

[*Infra*, d. 7, q. 2, a. 2, sol. 3 ; *II S.*, d. 26, a. 6, ad 5 ; *III*, q. 62, a. 2 ; q. 72, a. 7, ad 3 ; *Ver.*, q. 27, a. 5, ad 12.]

**116. — ULTERIUS.** VIDETUR QUOD GRATIA QUÆ EST IN SACRAMENTIS, NON DIFFERAT AB ILLA QUÆ EST IN VIRTUTIBUS ET DONIS.

1. Gratia enim quæ est in sacramentis, est gratia gratum faciens, quia fecit dignum vita æterna, ut patet de baptismo. Sed gratia gratum faciens est una tantum, quod patet ex unitate subjecti quod est essentia animæ et ex unitate effectus quod est Deo acceptum facere. Ergo cum gratia quæ est in virtutibus et donis, sit gratia gratum faciens, videtur quod eadem gratia sit hic et ibi.

2. **Præterea.** Unum uni opponitur. Sed tam gratia quæ est in sacramentis quam illa quæ est in virtutibus, opponitur peccato, quia utraque peccatum destruit. Ergo est una tantum gratia.

3. **Præterea.** Idem est motus in natura a termino et ad terminum. Sed gratia sacramentalis ordinatur contra peccatum, gratia autem virtutum ad perficiendum animam et Deo conjungendum. Ergo est una gratia<sup>2</sup>.

**117. — SED CONTRA.** Gratia in sacramento non datur nisi ei qui non fecte accedit. Sed talis habet gratiam virtutum. Cum ergo nulli detur quod jam habet, videtur quod gratia quam accipit in sacramento, sit alia.

**118. — Præterea.** Virtutes et dona sunt connexa propter gratiam, ut in *III* (d. 36, a. 2 et 3) dictum est ; non autem sacramenta. Ergo non est eadem gratia hic et ibi.

1. *αβδ* « *III* ». — 2. *Ed. ad.* « in Sacramento ».

**119. — RESPONSIO.** Dicendum **AD PRIMAM QUÆSTIONEM** quod omnes coguntur ponere sacramenta novæ legis aliquo modo causas gratiæ esse, propter auctoritates quæ hoc expresse dicunt. Sed diversi diversimode eas causas ponunt.

**120. —** Quidam enim dicunt quod non sunt causæ quasi facientes aliquid in anima, sed *causæ sine quibus non* : quia increata virtus quæ sola effectus ad gratiam pertinentes in anima facit, sacramentis assistit per quamdam Dei ordinationem et quasi pactionem. Sic enim ordinavit et quasi pepigit Deus, ut qui sacramenta accipiunt, simul ab iis gratiam recipiant, non quasi sacramenta aliquid faciant ad hoc.

Et est simile de illo qui accipit denarium plumbeum facta tali ordinatione, ut qui habuerit unum de illis denariis, habeat centum libras a rege : qui quidem denarius non dat illas centum libras, sed solus rex accipienti ipsum.

Et quia pactio talis non erat facta in sacramentis veteris legis, ut accedentes ad ipsa gratiam acciperent, ideo dicuntur gratiam non conferre, sed *promittebant tantum*.

**121. — Sed hoc non videtur sufficere ad salvandum dicta Sanctorum.** *Causa enim sine qua non*, si nihil omnino faciat ad inducendum effectum vel disponendo vel meliorando, quantum ad rationem causandi, nihil habebit supra causas per accidens : sicut album est causa domus, si ædificator sit albus. Et secundum hoc sacramenta essent causæ per accidens tantum sanctificationis.

Illa enim ordinatio quam dicunt sive pactio, nihil dat eis de ratione causæ, sed solum de ratione signi : sicut etiam denarius plumbeus est solum signum indicans quis debeat accipere.

Quod autem est per accidens, omittitur ab arte nec ponitur in definitione. Unde in definitione sacramenti non poneretur causalitas prædicta, nec Sancti multum curassent de ea dicere.

**122. —** Nec iterum sacramenta novæ legis quæ differunt a sacramentis veteris legis secundum ordinationem prædictam, differunt ab eis secundum rationem causæ, sed solum quantum ad modum significandi, inquantum hæc significant gratiam ut statim dandam, illa vero non.

**123. —** Et ideo Alii dicunt quod ex sacramentis *duo* consequuntur in anima. *Unum* quod est sacramentum et res, sicut character, vel aliquis ornatus animæ in sacramentis in quibus non imprimitur character ; *aliud* quod est res tantum, sicut gratia.

*Respectu ergo primi effectus* sunt sacramenta causæ aliquo modo *efficientes* ; sed *respectu secundi* sunt causæ *disponentes*

tali dispositione quæ est necessitas, nisi sit impedimentum ex parte recipientis. **Et hoc videtur magis Theologis et dictis Sanctorum conveniens.**

**124. — Ad cujus evidentiam sciendum est** quod causa efficiens **dupliciter** potest dividi. **Uno modo ex parte effectus** : scilicet in *disponentem* quæ causât dispositionem ad formam ultimam, et *perficientem* quæ inducit ultimam perfectionem.

**Alio modo ex parte ipsius causæ** in agens principale, et instrumentale. *Agens enim principale* est primum movens, *agens autem instrumentale* est movens motum.

**125. — Instrumento** autem competit *duplex* actio : *una* quam habet ex propria natura, *alia* quam habet prout motum a primo agente : sicut calor ignis qui est instrumentum virtutis nutritivæ, ut dicitur in II *de An.* ( $\beta$  4. 416b, 25 ; l. 9, n. 348), ex natura propria habet dissolvere et consumere et hujusmodi effectus ; sed in quantum est instrumentum animæ vegetabilis, generat carnem.

**126. — Sed sciendum** quod *actio instrumenti quandoque* pertingit ad ultimam perfectionem quam principale agens inducit, *aliquando* autem non ; *semper* tamen *pertingit ad aliquid ultra id quod competit sibi secundum suam naturam*, sive illud sit ultima forma, sive dispositio ; alias non ageret ut instrumentum. Sic qualitates activæ et passivæ elementorum pertingunt instrumentaliter ad formas materiales educendas de materia, non autem ad productionem animæ humanæ quæ est ab extrinseco.

**127. — Dicendum est ergo** quod *principale agens respectu justificationis Deus est*, nec indiget ad hoc aliquibus instrumentis ex parte sua ; sed propter congruitatem ex parte hominis justificandi, ut supra dictum est, *utitur sacramentis quasi quibusdam instrumentis justificationis.*

Hujusmodi autem materialibus instrumentis competit aliqua actio ex natura propria, sicut aquæ abluere et oleo facere nitidum corpus ; sed ulterius, in quantum sunt instrumenta divinæ misericordiæ justificantis, pertingunt instrumentaliter ad aliquem effectum in ipsa anima, quod primo correspondet sacramentis, sicut est character vel aliquid hujusmodi.

**128. — Ad ultimum autem effectum** quod est gratia, non pertingunt etiam instrumentaliter, nisi *dispositive*, in quantum hoc ad quod instrumentaliter effective pertingunt, est dispositio, quæ est necessitas, quantum in se est, ad gratiæ susceptionem.

**129. — Et quia** omne instrumentum agendo actionem naturalem quæ competit sibi in quantum est res quædam pertingit ad effectum qui competit sibi in quantum instrumentum : sicut

dolabrum dividendo suo acumine pertingit instrumentaliter ad formam scamni ; ideo etiam materiale elementum exercendo actionem naturalem, secundum quam est signum interioris effectus, pertingit ad interiorum effectum instrumentaliter.

**130.** — Et hoc est quod Augustinus dicit quod aqua baptismi « *corpus langil et cor abluit* ». Et ideo dicitur quod sacramenta efficiunt quod figurant.

**131.** — Et hunc modum justificandi videtur Magister tangere in *Littera* (8). Dicit enim quod homo non quaerit salutem in sacramentis quasi ab eis, sed per illa a Deo. Hæc enim præpositio « *a* » denotat principale agens ; sed hæc præpositio « *per* » denotat causam instrumentalem.

**132.** — **AD PRIMUM** ergo dicendum quod Bernardus, ut ex præcedentibus ibidem patet, non intendit ostendere similitudinem sacramentorum ad illa, nisi quantum ad significationem ; quia annulus est signum et baculus et similiter sacramenta, sed sacramenta ulterius sunt causæ.

**133.** — **Ad secundum** dicendum quod reducuntur ad genus causæ efficientis, non principalis, sed *instrumentalis*. Deus autem solus est causa gratiæ quasi principale agens, sed sacramenta quasi *instrumentaliter et dispositive*, ut dictum est, agentia sunt.

**134.** — **Ad tertium** dicendum quod agens non semper est nobilius patiente simpliciter loquendo, sed in quantum est agens. Agit enim ignis vel ferrum in corpus humanum, quod est simpliciter nobilius, quo tamen ignis est nobilior in quantum est actu calidus, et secundum hoc agit in corpus humanum.

Et sic non oportet quod res illæ materiales quæ sunt in sacramentis, sint simpliciter anima nobiliores, sed *secundum quid*. scilicet in quantum sunt instrumenta divinæ misericordiæ operantis ad justificationem.

Nec iterum oportet quod instrumentaliter agens sit simpliciter nobilius effectu ; quia effectus non proportionatur instrumento, sed principali agenti, qui quandoque per vilia instrumenta nobiliores effectus inducit : sicut medicus perducit ad sanitatem per clysterem.

**135.** — **Ad quartum** dicendum quod causa univoca vel non univoca, proprie loquendo et simpliciter sunt divisiones illius causæ cujus est similitudinem habere cum effectu ; hoc autem est principalis agentis et non instrumentalis, ut dicit Alexander I, secundum quod narrat Commentator in XI<sup>o</sup> *Meta.* (text. 24).

*Et ideo proprie loquendo, neque instrumentum est causa univoca, neque æquivoca.*

1. Aphrodisæus sic ex patria dictus, eximius Aristotelis interpres, qui desinente secundo post Christum sæculo floruit. — 2. Ed. « II ».

*Posset tamen reduci ad utrumlibet*, secundum quod principale agens, in cuius virtute instrumentum agit, est causa univoca vel non univoca.

**136.** — **Ad quintum** dicendum quod ex sacramentis causatur gratia per modum influentiæ ; nec tamen sacramenta sunt quæ influunt gratiam, sed per quæ Deus sicut per instrumenta animæ gratiam influit.

**137.** — **Ad sextum** dicendum quod in transsubstantiatione cum sit quasi quidem motus vel mutatio, *duo* sunt, scilicet recessus a terminum et accessus ad terminum.

Verba ergo sacramentalia pertingunt instrumentaliter ad transsubstantiationem quantum ad recessum a terminum a quo sed quantum ad accessum ad terminum ad quem non pertinent instrumentaliter, nisi dispositive, sicut in aliis sacramentis accidit.

**138.** — **AD SECUNDAM QUÆSTIONEM** dicendum quod propter auctoritates inductas necesse est ponere aliquam virtutem supernaturalem in sacramentis.

**139.** — Sustinentes autem primam opinionem dicunt quod illa virtus non est nisi quidam ordo ad aliquid.

**Sed hoc nihil est dictu;** quia virtus semper nominat principium alicujus et! præcipue prout sumitur hic pro virtute causæ. « *Ad aliquid* » autem, sive relatio, non potest esse principium actionis vel terminus, ut probatur in V *Phys.* (e 2. 225b, 11 ; l. 3, n. 7, 8). Et ideo ille ordo nullo modo potest habere nomen virtutis neque rationem.

**140.** — **Et propter hoc dicendum aliter** quod virtus agendi proportionatur agenti. Unde *alio modo* oportet ponere virtutem agendi in agente principali ; *alio modo* in agente instrumental!

*Agens enim principale agit secundum exigentiam suæ formæ.* Et ideo virtus activa in ipso est aliqua forma vel qualitas habens completum esse in natura.

**141.** — *Instrumentum autem agit ut motum ab alio.* Et ideo competit sibi virtus proportionata motui ; motus autem non est ens completum sed est via in ens quasi medium quid inter potentiam puram et actum purum, ut dicitur in III *Phys.* (*γ* l. 201\*, 10; l. 2, n. 3).

Et ideo virtus instrumenti in quantum hujusmodi, secundum quod agit ad effectum ultra id quod competit sibi secundum suam naturam, non est ens completum habens esse fixum in naturam, sed quoddam ens incompletum : sicut est virtus immu-

tandi visum in aere, inquantum est instrumentum motum ab exteriori visibili.

Et hujusmodi entia consueverunt intentiones nominari et habent aliquid simile cum ente quod est in anima quod est ens diminutum, ut dicitur in VI *Mela*<sup>2</sup>.

**142.** — Et quia sacramenta non faciunt effectum spirituales nisi inquantum sunt instrumenta; ideo **virtus spiritualis est in eis non quasi ens fixum, sed sicut ens incompletum.**

**143.** — **AD PRIMUM** ergo dicendum quod ens incompletum quod est in anima, dividitur contra ens distinctum per decem genera, ut patet in VI *Mela*- (e 2. 1026a, 35 ; 1.2, n. 1176). Et ideo talia entia incompleta, per se loquendo, non sunt in aliquo genere nisi per reductionem : sicut motus quantum ad suam substantiam reducitur ad illud genus in quo sunt termini motus, sicut imperfectum ad perfectum, quamvis ponatur in praedicamento passionis secundum quod importat ordinationem motus ad motum, ut dicit *Commentator* in III *Phys.* (text. comm. 4).

**144.** — Unde et virtus hæc quæ est in sacramentis reducitur ad idem<sup>3</sup> genus in quo est virtus completa principalis agentis quæ est qualitas, vel in qua esset, si in genere esset ; quia virtus increata non est in aliquo genere.

**145.** — **Ad secundum** dicendum quod instrumento datur virtus agendi instrumentaliter *dupliciter*. *Uno modo* quasi *inchoative*, quando constituitur in specie instrumenti. Et ideo dicit *Hugo de sancto Victore* quod « *continet gratiam ex sanctificatione* ».

**146.** — *Alio modo* datur *complete*, quando actu movetur a principali agente : sicut quando carpentarius utitur serra. Et similiter complete datur virtus sacramentis in ipso usu sacramentorum.

Nec est inconueniens, si virtus quæ motui proportionatur, datur rei statim vel post modicum desituras.

**147.** — **Ad tertium** dicendum quod *sicut* virtus prædicta non potest poni in aliquo genere entis nisi per reductionem ; *ita* nec constitui in aliquo gradu boni, nisi per reductionem. Reducitur autem ad bona maxima, in quibus est gratia quæ quodammodo est complementum ipsius virtutis, quasi finis ejus.

**148.** — **Ad quartum** dicendum quod in re corporali non potest esse virtus spiritualis secundum esse completum ; potest tamen ibi esse per modum intentionis : sicut in instrumentis motis ab artifice est virtus artis, et sermo audibilis existens causa disciplinae, ut dicitur in lib. de *Sensu et Sensato* (c. 1. 437a, 12 ; 1. 2,

1. F. « ad ».— 2. Locum invenire non contigit.— 3. Ed. « id ».

n. 31) continet intentiones animæ ; quodammodo etiam in motu est virtus substantiæ separatæ moventis, secundum Philosophos, et semen agit in virtute animæ, ut dicitur in XVI *De animal.* [β 1. 731», 29-31 ; 735a, 4-5).

**149.** — **Ad quantum** dicendum quod *sicut* virtus absoluta non est complete in quolibet congregatorum ad unam actionem quam nullus per se perficere potest, sicut est de tractu navis, sed est in omnibus simul, inquantum omnes sunt loco unius agentis, et sic virtus in eis existens suam retinet unitatem ; *ita* est etiam de instrumentis, quando unum non sufficit. Et sic etiam est in illis<sup>2</sup> multis quæ ad sacramentum exiguntur ; quia in omnibus est illa virtus simul acceptis complete, in singulis autem incomplete.

**150.** — **AD TERTIAM QUÆSTIONEM** dicendum quod *instrumentum* prædicto modo virtutem non recipit nisi secundum quod principali agenti continuatur, ut virtus ejus quodammodo in instrumentum transfundatur.

**151.** — Principale autem et per se agens ad justificationem est Deus sicut causa efficiens, et passio Christi sicut meritoria. Huic autem causæ continuatur sacramentum per fidem Ecclesiæ quæ<sup>3</sup> instrumentum refert ad principalem causam, et signum ad signatum.

Et ideo efficacia instrumentorum<sup>4</sup> vel virtus est *ex tribus* : scilicet *ex institutione divina* sicut ex principali causa agente, *ex passione Christi* sicut ex causa prima meritoria, *ex fide Ecclesiæ* sicut ex continuante instrumentum principali agenti.

**152.** — **AD PRIMUM** ergo dicendum quod Christus, secundum quod homo, est causa meritoria nostræ justificationis ; sed<sup>5</sup> secundum quod Deus, est causa influens gratiam.

**153.** — **Ad secundum** dicendum quod resurrectio est causa justificationis quantum ad terminum ad quem ; sed sacramenta magis respiciunt terminum a quo, et ideo directius respiciunt passionem, quæ ad peccati deletionem principaliter quasi satisfactio quædam ordinatur.

**154.** — **Ad tertium** dicendum quod fides dat efficaciam sacramentis, inquantum causæ principali eæ quodammodo continuat, ut dictum est. Et ideo fides passionis, a qua immediate et directe sacramenta efficaciam habent, sacramentis efficaciam largitur.

**155.** — **AD QUARTAM QUÆSTIONEM** dicendum quod,

1. α « *XI De animal.* » ; Ed. « I De generat. animal., c. II ». — 2. Ed. « alii ». — 3. Ed. ad. « et ». — 4. RANVP. ad. « sive sacramentorum ». — 5. β *om.* « sed ». — 6. P. *om.* « ea ».

quia omne agens agit sibi simile, ideo effectus agentis oportet quod aliquo modo sit in agente.

*In quibusdam enim est idem secundum speciem ; et ista dicuntur agentia univoca,-sicut calor est in igne calefaciente.*

*In quibusdam vero est idem secundum proportionem sive analogiam, sicut cum sol calefacit. Est enim in sole aliquid quod ita facit eum calefacientem sicut calor facit ignem calidum et secundum hoc calor dicitur esse in sole æquivoce, ut dicitur in libro de Substantia orbis (cap. 2). Ex quo patet quod illud quod est in effectu ut forma dans esse, est in agente, in quantum hujusmodi, ut virtus activa. Et ideo sicut se habet agens ad virtutem activam, ita se habet ad continendam formam effectus.*

**156.** — Et quia agens instrumentale non habet virtutem agendi ut<sup>1</sup> aliquod ens completum, sed per modum intentionis, ut dictum est; et forma introducta continetur in eo per modum intentionis : sicut sunt species colorum in aere, a quibus aer non denominatur coloratus. Et<sup>2</sup> hoc modo gratia est in sacramentis sicut in instrumento, non complete, sed incomplete quantum ad *quatuor*.

**157.** — *Primo*, quia in instrumento non est forma effectus secundum completam rationem speciei, sicut est in effectu jam completo et in causa univoca<sup>3</sup>.

**158.** — *Secundo*, quia est in eo per modum intentionis, et non secundum completum esse in natura : sicut forma effectus est in causa principali non univoca secundum perfectum esse in natura, quamvis non secundum completam rationem illius speciei sive formæ quam inducit in effectu, ut calor est in sole<sup>4</sup>.

**159.** — *Tertio*, quia non est in eo per modum intentionis quiescentis, sicut sunt intentiones rerum in anima, sed per modum intentionis fluentis *duplici* fluxu : quorum *unus* est *de potentia in actum* : sicut etiam in mobili est forma quæ est terminus motus, dum movetur ut fluens de potentia in actum ; et inter hæc cadit medium motus cujus virtute instrumentum agit ; *alius de agente in patiens*, inter quæ cadit medium instrumentum, prout unum est movens et alterum motum.

**160.** — *Quarto*, quia sacramentum etiam instrumentaliter non attingit directe ad ipsam gratiam, ut dictum est, sed dispositive.

**161.** — **AD PRIMUM** ergo dicendum quod gratia non est in sacramentis sicut in subjecto, sed sicut in causa dispositiva instrumentalis ; sed intentio illa quæ et virtus dicitur, est in sacramento sicut in subjecto.

1. R.ANVP. « ad ». — 2. Ed. « etiam ». — 3. *η om.* « et in causa univoca ». — 4. *β om.* « quamvis non secundam completam rationem illius speciei sive formæ quam inducit in effectu, ut calor est in sole » ; *η* sic brevius : « *Secundo*, quia non est in eo sicut causa efficiens in causa non univoca, sed per modum intentionis. »

**162.** — **Ad secundum** dicendum quod pulcherrime dictum est, gratiam contineri in sacramentis sicut in vase per quamdam similitudinem. *Sicut* enim quod est in vase, non denominat vas, sed in eo conservatur, ut possit inde accipi cum libet ; *ita* gratia quæ continetur in sacramentis, non denominat ipsa, nec qualificat ea secundum aliquod esse completum, sed gratiam in eis accipere poterit qui eis uti voluerit.

**163.** — **Ad tertium** dicendum quod forma effectus quæ est in agente principali vel instrumental!, non fit eadem numero in effectu. *Nec propter hoc frustra esi* ; quia non ad hoc ordinatur ut ipsamet in effectum fluat, sed ut ab ea vel per eam similis fiat in effectu. Causa enim efficiens non reducitur in idem numero cum forma generati, sed in idem specie, ut patet in II *Phi/s. Iß 7. 198*», 26 ; l. 11, n. 2).

**164.** — **Ad quartum** dicendum quod continere dicuntur, inquantum aliquo modo sunt causa ipsius.

**165.** — **AD QUINTAM QUÆSTIONEM** dicendum quod, sicut in III, 26 d. (a. 3, 4) dictum est, gratia gratum faciens est una, et est in essentia animæ sicut in subjecto, et ab ipsa fluunt virtutes et dona ad perficiendum potentias animæ, sicut etiam potentiæ fluunt ab essentia. Et distinguuntur istæ virtutes secundum diversos actus, ad quos oportet potentias animæ perfici.

**166.** — *Similiter* etiam a gratia illa quæ est in essentia animæ, effluit aliquid ad reparandum defectus qui ex peccato inciderunt ; et hoc diversificatur secundum diversitatem defectuum. Sed quia hujusmodi defectus non sunt ita noti sicut actus ad quos virtutes perficiunt ; ideo hic effectus ad reparandum defectum non habet speciale nomen, sicut virtus, sed retinet nomen suæ causæ, et dicitur gratia sacramentalis ad quam directe sacramenta ordinantur : quæ tamen<sup>2</sup> non potest esse sine gratia quæ respicit essentiam animæ, sicut nec virtutes<sup>3</sup>.

**167.** — Sed tamen gratia quæ est in essentia animæ, non potest esse sine virtutibus. Et ideo virtutes in ea habent connexionem. Potest autem esse sine gratia sacramentali. Et ideo gratiæ sacramentales connexionem non habent.

**168.** — Et ita patet quod gratia quam sacramentum directe continet, differt a gratia quæ est in virtutibus et donis ; quamvis etiam illam gratiam per quamdam continuationem contineant.

**169.** — **AD PRIMUM** ergo dicendum quod *gratia gratum faciens*, prout est in essentia animæ *est una* ; sed secundum quod fluit ad defectus potentiarum tollendos et potentias perficiendas *multiplicatur*.

1. Ed. *ad. « lib. »*. — 2. Ed. « quidem ». — 3. P. « virtus

**170.** — **Ad secundum** dicendum quod *gralia virtutum* opponitur peccato, secundum quod peccatum continet inordinationem actus ; sed *gratia sacramentalis* opponitur ei secundum quod vulnerat naturale bonum potentiarum.

**171.** — **Ad tertium** dicendum quod recessus a peccato, prout opponitur virtuti, et accessus ad perfectionem virtutis pertinent ad eandem gratiam ; non autem recessus a peccato secundum quod vulnerat naturam, quia requirit specialem medicinam, sicut in morbo corporali etiam patet.

## ARTICULUS V

### [I]

[Infra, d. 18, a. 3, sol. 1, ad 1 ; I-II, q. 103, a. 2 ; III, q. 62, a. 6 ; q. 72, a. 5, ad 3  
IV Cg., c. 57 ; Ver., q. 27, a. 3, ad 20 ; q. 28, a. 2, ad 12 ; Gal., c. 2, l. 4.]

**172.** — **AD QUINTUM SIC PROCEEDITUR.** Videtur quod SACRAMENTA VETERIS LEGIS GRATIAM CONFEREbant.

1. Utl supra dictum est, sacramenta a sacrando dicuntur, sicut ornatus, ab ornando, et munimenta a muniendio. Sed sine gratia non potest aliquid sacrari. Ergo sacramenta veteris legis gratiam conferebant.

2. **Præterea.** In *canone missae* fit oratio, ut sacrificium Ecclesiae Deo sit acceptum, sicut sacrificia antiquorum accepta fuerunt ; et Dan. iii, 39, 40, petitur ut sacrificium humiliati et contriti spiritus suscipiatur a Deo, sicut holocaustum arietum et taurorum. Sed sacrificium Ecclesiae et sacrificium contriti spiritus gratiam conferunt. Ergo et sacramenta veteris legis gratiam conferebant.

3. **Præterea.** Hugo de Sancto Victore dicit (lib. I *de Sacram.*, p. 8, c. 12 ; L. 176, 314) quod ex quo homo ægrotare coepit, Deus in sacramentis suis medicinam paravit. Sed medicina non potest exhiberi contra morbum peccati nisi per gratiam. Ergo sacramenta antiquorum gratiam conferebant.

4. **Præterea.** Homo periculosius infirmabatur in affectu per concupiscentiam quam in intellectu per ignorantiam. Sed sacramenta contra ignorantiam figurabant futuram salutem. Ergo multo amplius contra concupiscentiam gratiam conferebant.

5. **Præterea.** Impossibile est sine gratia satisfacere. Sed sacramenta veteris legis erant satisfactoria ; unde pro diversis peccatis diversa sacrificia injungebantur in lege, ut patet in 2 *Lev.* (xvi et xvii). Ergo gratiam conferebant.

**173.** — **SED CONTRA.** *Hebr.* x, 4 : « *Impossibile est sanguine hircorum et taurorum auferri peccata* ». Sed gratia tollit peccatum. Ergo antiqua sacramenta gratiam non conferebant.

**174. — Prætereā.** Per gratiam est vita animæ. Sed de præceptis veterum sacramentorum dicitur Ezech., xx, 25 : « *Dedi eis præcepta non bona, et judicia in quibus non vivent.* » Ergo gratiam non conferebant.

[11]

**175. — ULTERIUS.** Videtur quod eorum usus non erat MERITORIUS.

1. Nihil enim est meritorium nisi sit Deo acceptum. Sed sacramenta illa non erant Deo accepta. Super illud enim Is. I, 11 : « *Sanguinem hircorum nolui* », dicit Glossa (L. 113, 1234) : « *Præterito utens tempore, ostendit se nunquam sacrificia Judæorum amasse.* » Ergo eorum usus non erat meritorius.

2. **Prætereā.** Nullum opus inutile est meritorium. Sed occisio tot animalium erat omnino inutilis. Ergo non erat meritorium.

3. **Prætereā.** Nihil efficit nisi hoc quod a Deo institutum est. Sed illa sacramenta imposuit Deus in onus, sicut in *Littera (7b)* dicitur. Ergo eorum exercitium meritorium non erat.

4. **Prætereā.** Origines dicit (hom. 17 in *Numer.*, n. 1 ; G. 12, 703) quod illa ratione permisit Deus hoc sibi fieri qua permisit libellum repudii. Sed libellus repudii semper malus fuit, et nunquam meritorius. Ergo nec prædictorum sacramentorum usus.

**176. — SED CONTRA.** Dicit Beda (in *x Mare.*, v. 18 ; L. 92, 231) quod sacramenta veteris legis suo tempore custodita vitam conferebant æternam. Sed nihil perducit ad vitam æternam, nisi sit meritorium. Ergo erant meritoria.

**177. — Prætereā.** Omnis actus virtutis formata est meritorius. Sed usus sacramentorum, veteris legis erat actus latriæ quæ in sanctis viris caritate formata erat. Ergo erat meritorius.

Lin]

**178. — ULTERIUS.** Videtur quod non purgabant ab IMMUNDITIIS CARNIS.

1. *Aut* enim illæ immunditiæ sunt pure corporales, *aut* spirituales. »4 *corporalibus* pure non mundabant, immo magis inquinare videbantur. Similiter nec *a spiritualibus*, quia spirituales ab anima in corpus fiunt ; quia secundum Augustinum (lib. de *Continentia*, c. 2 ; L. 40, 350), non inquinatur corpus, nisi prius anima inquinata fuerit. Dicta autem sacramenta animam non mundabant, cum gratiam non conferrent. Ergo neque carnem.

2. **Prætereā.** Inter omnia sacramenta veteris legis magis erat purgativum cinis vitulæ aspersus. Sec hoc2 magis immundabat quam purgaret, quia sacerdos qui vitulum immolaverat immundus efficiebatur, ut patet *Num.* xix. Ergo nec alia sacramenta purgabant.

1. Ed. « meritoria ». — 2. Ed. « hic ».

3. **Præterea.** Sacramenta novæ legis sunt majoris eïficaciæ quam sacramenta veteris legis. Sacramenta autem novæ legis non purgant ab irregularibus. Ergo nec sacramenta veteris legis ab eis purgabant, quas irregularitates Magister hic exponit immunditias carnis.

179. — **SED CONTRA** est quod dicitur *Hebr. ix, 13* : « *Sanguis hircorum, et cinis vilulæ aspersus inquinatos sanctificat ad emundationem carnis.* »

180. — **Præterea.** *Sicut* sacramenta nostra dicuntur spiritualia, *ita* et illa carnalia dicebantur ; *Hebr. ix, 1* : « *Habuit prius testamentum justificationes culturæ* » ; *Glossa* : « *Non veras et spirituales, sed pro modo culturæ carnalis.* » Sed sacramenta novæ legis purgant ab immunditiis spiritualibus. Ergo illa purgabant ab immunditiis carnis.

181. — **RESPONSIO.** Dicendum **AD PRIMAM QUÆSTIONEM** quod in sacramento est *duo* considerare : scilicet ipsum sacramentum, et usum sacramenti.

*Ipsum sacramentum* dicitur a *Quibusdam opus operatum* ; *usus* autem sacramenti est ipsa operatio quæ a *Quibusdam opus operans* dicitur. Cum ergo dicitur sacramentum, per se loquendo gratiam conferre vel non conferre, justificare vel non justificare, referendum est *ad opus operatum*.

*De opere autem operato* in sacramentis veteris legis *duplex* est opinio.

182. — *Quidam* enim dicunt quod in illis sacramentis opus operatum erat signum sacramentorum novæ legis et passionis Christi a quo efficaciam habent. Et ideo illud opus operatum erat cum quadam protestatione fidei. Et ideo indirecte et ex consequenti habebant justificare, quasi mediantibus nostris sacramentis per ea significatis a Deo significationem habentia ut dicit *Hugo de sancto Victore* (lib. I *de Sacram.*, p. 9, c. 1 et 2 ; L. 176, 343). Nostra autem sacramenta directe et immediate justificant, quia ad hoc directe sunt instituta.

183. — **Sed hæc opinio non videtur convenire dictis** *Sanc-torum*. Dicunt enim quod lex erat occasio mortis, inquantum ostendebat peccatum et gratiam adjutricem non conferebat. Nec differt quantum ad hoc qualitercumque vel directe vel indirecte gratiam conferrent.

184. — **Et præterea.** Secundum hoc nulla esset vel valde modica præeminentia sacramentorum novæ legis ad sacramenta veteris legis ; quia etiam sacramenta novæ legis a fide et significatione causandi efficaciam habent, ut dictum est.

185. — Et ideo *Alii* dicunt et **melius** quod nullo modo sacramenta ipsa veteris legis, idest opus operatum in eis, gratiam conferebant, excepta circumcissione de qua post dicetur.

**186.** — Secundum hoc ergo **AD PRIMUM** dicendum quod sanctificatio *quandoque* importat emundationem et confirmationem spiritualem quæ fit per gratiam. Et sic sacramenta veteris legis non dicebantur sacramenta, nisi quasi signa sanctificantium, ut dictum est.

**187.** — *Alio modo* sanctificatio importat mancipationem alicujus ad aliquod sacrum. Et sic dicebantur sacramenta et quasi sanctificantia, quia per ea fiebat quaedam idoneitas ad sacros usus et in templo et in vasis et in ministris et in populo.

**188.** — Et per hunc etiam modum *apud gentiles* dicebantur *sacramenta militaria* quibus homo mancipabatur officio militari quod sacrum! reputabant, sicut et omnia quæ ad communitatem pertinebant.

**189.** — **Ad secundum** dicendum quod illa comparatio<sup>2</sup> *in canone missæ* non attenditur quantum ad ipsa operata, quia hoc sacrificium magis placet quam illa; sed petitur ut devotio istius offerentis placeat, sicut illorum placuit.

Et similiter etiam<sup>3</sup> *Daniel* comparat sacrificium, quale tunc poterat offerre, ad devotionem illorum qui sacrificia in lege praecepta in Jerusalem cum magna devotione obtulerant.

**190.** — **Ad tertium** dicendum quod sacramenta veteris legis dicebantur medicinæ *quantum ad significationem*, et non quantum **ad** collationem gratiæ.

**191.** — **Ad quartum** dicendum quod homo *tempore legis naturæ* relictus est sibi quantum ad cognitionem, et per ignorantiam erravit in idolatriam lapsus. Unde ut quantum ad omnia se infirmum inveniret, oportebat ut instructus per legem et sacramentorum ejus significationem, se impotentem cognosceret sine auxilio gratiæ. Et ideo congruum fuit ut illa sacramenta gratiam non conferrent, ut sic salus a solo Christo expectaretur.

**192.** — **Ad quintum** dicendum quod quamvis illa sacramenta peccata non diluerent quantum ad maculam, quia gratiam non conferebant, diminuiebant tamen reatum, inquantum onerosa erant. Et ideo satisfactoria esse poterant, præsupposita gratia ex fide mediatoris eis<sup>4</sup> collata.

**193.** — **AD SECUNDAM QUÆSTIONEM** dicendum quod de usu sacramentorum qui *opus operans* a quibusdam dicitur, est etiam *duplex* opinio.

**194.** — *Quidam* enim dixerunt quod usus ipse non erat meritorius, etiamsi in fide et caritate fieret<sup>5</sup>. Et hoc videtur *Magister* in *Littera (7b)* dicere.

1. PF. « sacramentum ». — 2. RANVP. « oratio ». — 3. Ed. om. « etiam ». — 4. P. « ei ». — 5. RANVP. « fierent ».

**Sed hoc videtur absurdum** quod labores sanctorum patrum in hujusmodi sacramentis Deo accepti non fuerint et quod opus virtutis possit esse non meritorium.

**195. — Et ideo communiter tenetur** quod usus eorum meritorius esse poterat, si ex caritate fieret.

**196. — Aliqui** tamen excusant *Magistrum*, dicentes quod ipse intellexerit ipsa opera operata non justificare quantumcumque in caritate fierent, quamvis ipsa operatio ex caritate facta possit esse meritoria in eo qui est in statu merendi.

**197. — AD PRIMUM** ergo dicendum quod sacrificia illa *per se loquendo nunquam, fuerunt Deo accepta*, quia gratiam non continebant, per quam aliquid est Deo acceptum ; sed *per accidens* erant et accepta et non accepta. *Accepta* quidem propter significationem et devotionem offerentium ; sed *non accepta* et abominabilia propter peccata et abusum offerentium, et quia eadem idolis immolabantur, et sic inquantum erant Deo accepta, poterant esse meritoria.

**198. — Ad secundum** dicendum quod quamvis occisio animalium esset secundum se inutilis, tamen inquantum ordinabatur ad cultum Dei, ex divina institutione utilis erat et ejus utilitate tanguntur in *Glossa Bom. v* : « *Lex data est ad domandum superbum* », ut scilicet Deo offerret potius quam idolis ; « *ad flagellandum durum* », inquantum erat ad satisfactionem ; *ad instruendum insipientem* », ratione significationis ; « *ad ostensionem delicii et humante infirmitatis* » : et hoc respondet primis duobus i « *ad manifestationem et testimonium gratiæ ei futurorum significationem* », et hoc exponit tertium.

**199. — Ad tertium** dicendum quod secundum *Augustinum* lex data est quantum ad hujusmodi sacramenta duris et superbis in flagellum et onus, ut oneratis divinis sacrificiis non liberet eis ad idololatriam declinare ; sed perfectis in signum et parvulis in pædagogum ; et quantum ad hoc poterat esse eorum usus meritorius.

**200. — Ad quartum** dicendum quod *Origenes*<sup>2</sup> loquitur de illis sacrificiis, secundum quod habebant aliquam rationem displicentiæ ex hoc quod idolis immolabaiitur ; et quantum ad hoc non habebant rationem meriti.

**201. — AD TERTIAM QUÆSTIONEM** dicendum quod veteris legis intentio erat homines ad timorem et reverentiam Dei inducere, et a carnalibus ad spiritualia trahere paulatim. Et ideo instituit multa impedimenta quibus homines ab usu illorum sacramentorum frequenter impedirentur, ut sic magis in

1. Cf., L. 117, 487. — 1. RANVP. « Magister ».

reverentia haberentur, quia omne rarum carum ; et sic etiam paulatim a carnalibus observantiis dissuescerent, quandoque totaliter ab eis abstrahendi in tempore gratiæ.

Et hæc impedimenta immunditiæ carnis dicebantur, quibus homo corporaliter accedere ad sancta idoneus efficiebatur ; et ab his carnis immunditiis sacramenta legis purgabant.

**202.** — **AD PRIMUM** ergo dicendum quod immunditiæ illæ non erant spirituales, quasi a peccato causatæ semper, sed quasi a sacramentis prohibentes.

**203.** — **Ad secundum** dicendum quod sacerdos lavabat manus et vestimenta, ne cum manibus sanguinolentis et cinerosis alia tangeret, et quia sacrorum ad communia non debet esse commixtio. Unde etiam uncti chrismate manus lavant, et abstergunt.

**204.** — *Immundus* autem reputabatur *propter tria*. *Primo* ut sacerdotes essent sub onere legis<sup>2</sup> sicut et alii. *Secundo* ad tollendum superbiam sacerdotum de hoc quod alios sanctificabant. *Tertio* ad significandum quod sacerdos novi Testamenti propter maximam sanctitatem sacrificii semper debet se idoneum reputare.

**205.** — **Ad tertium** dicendum quod in nova lege non sunt irregularitates tot sicut in veteri lege, nec sunt nisi in ministris Ecclesiæ, in quibus requiritur maxima idoneitas propter sacramentorum sanctitatem ; ideo tales irregularitates non ita facile absterguntur.

#### EXPOSITIO PRIMÆ PARTIS TEXTUS

**206.** — « Observantiæ cæremoniales. » **(7 a)** *Cæremonialia* dicuntur quæ secundum se non habent causam manifestam ipsorum factorum, quamvis possint habere causam manifestam suæ institutionis. Dicitur autem *cæremonia*, quasi munia Cereris quæ erat dea frugum, quia ei prius sacrificia instituta sunt, et exinde translatum est nomen ad omnem divinum cultum.

*Vel* sicut dicit *Valerius Maximus* (lib. I, c. 1, n. 10) dicuntur a Cære oppido, in quo prius Romani suos ritus instituerunt.

**207.** — « Mundabant etiam interdum a corporali lepra ; » **(7 b)** id est, mundatum ostendebant, quando signa aliqua quæ apparuerant, cessabant.

**208.** — « Sine medio Deum videbant ; » **(8 b)** id est, divinorum cognitionem non ex sensibilibus signis accipiebant, sed per infusionem. Et de hoc in II lib. d. 23 (q. 2, a. 1, ad. 1) dictum est.

1. N. « ab illis » ; P. om. « ab eis ». — 2. RANVP. om. « legis ». — 3. RANVP. om. « aliqua »

## DIVISIO SECUNDÆ PARTIS TEXTUS

**209.** — « Fuit tamen inter illa, etc. » (11)

Postquam determinavit *Magister* differentiam sacramentorum veteris et novæ legis, *hic determinat de quodam sacramento veteris legis, scilicet circumcissione*, quod cum sacramentis novæ legis aliquam convenientiam habet.

Et dividitur in partes *duas*. *In prima* determinat de circumcissione. *In secunda* movet quamdam quaestionem circa prædeterminata, ibi : « Si vero quaeritur etc. » (15).

*Prima in ires*. *In prima* determinat efficaciam circumcissionis ; *in secunda* institutionem ipsius, ibi : « Hic dicendum est in quo instituta, etc. » (13) ; *in tertia* determinat de mutatione ipsius per baptismum, ibi : « Ideo autem mutata est, etc. » (14)

Circa primum *duo* facit. *Primo* ostendit quam efficaciam circumcissio habeat. *Secundo* ostendit quod eamdem efficaciam contra originale habebant quædam remedia ante præceptum de circumcissione datum, ibi : « Quæritur autem de viris, etc. » (12)

## QUÆSTIO II

Hic quæruntur sex.

*Primo*, de necessitate circumcissionis.

*Secundo*, quibus competeret.

*Tertio*, de his quæ ad circumcissionem requirebantur.

*Quarto*, de efficacia circumcissionis.

*Quinto*, de mutatione ipsius.

*Sexto*, de remedio quod circumcissionem præcessit.

## ARTICULUS I

## M

[Supra q. 1, a. 2, sol. 4; infra, a. 2, sol. 1, 2; I-II, q. 102, a. 5, ad. 1.]

**210.** — **AD PRIMUM SIC PROCEDITUR.** Videtur quod NON FUERIT NECESSARIUM CIRCUMCISIONEM DARI.

1. Sapientis est enim facere aliquid quanto brevius potest. Sed per fidem et sacramenta legis naturæ sufficienter originale purgabatur. Ergo non oportebat in remedium originalis circumcissionem dari.

2. **Praeterea.** Peccato originali, quia ex alio<sup>2</sup> contractum est, non debetur poena sensibilis, nec expiatio per satisfactionem.

1. *α ad.* « est ». — 2. *α* « aliquo ».

Sed circumcisio pœnam sensibilem habebat. Ergo non erat conveniens remedium contra originale.

**211. — SED CONTRA.** Circumcisio est signaculum fidei quæ est in præputio patris nostri Abrahæ, *Rom.*, iv, 11. Sed conveniens fuit ifiam fidem significari, cujus oportet nos omnes imitatores existere. Ergo congruum fuit circumcisionem dari.

## [II]

[I-II, q. 103, a. 1, ad 3.]

**212. — ULTERIUS.** Videtur quod non debuerit dari ANTE LEGEM SCRIPTAM.

1. In lege naturæ non erat aliqua distinctio, cum<sup>2</sup> communis omnibus esset. Sed « *circumcisio* signum distinctivum est, quia secundum *Damascenum* *flib. IV de Fide orth.*, c. 25 ; G. 94, 1214), *est signum determinans Israel a Gentibus* ». Ergo non debebat dari ante legem scriptam.

2. **Præterea.** Præcepta quæ non sunt indita rationi naturali, debent ad populum per ministrorum officium tradi. Sed circumcisio non erat de dictamine legis naturalis. Ergo cum ante legem scriptam non esset ministrorum distinctio, videtur quod tunc dari non debuerit.

**213. — SED CONTRA.** Circumcisio, secundum *Apostolum* (*Rom.*, iv, 11), est *signum fidei*. Sed etiam ante legem scriptam distinctio erat fidelium a non fidelibus. Ergo tunc oportebat eis dari.

## [III]

[I-II, q. 102, a. 5, ad 1 ; III, q. 70, a. 2 ; *Rom.*, c. 4, l. 2, p. 61 ; *Gal., e.* 3, l. 6, p. 559.]

**214. — ULTERIUS.** Videtur quod non debuerit differri USQUE AD TEMPUS ABRAHÆ.

1. Quia etiam ante ipsum erant fideles ab infidelibus distincti. Sed circumcisio est signum fidei. Ergo ante tempus Abrahæ dari debuit.

2. **Præterea.** Circumcisio majorem habuit<sup>3</sup>, efficaciam quam sacramenta legis naturæ ; alias postea instituta non fuisset. Sed non minor erat necessitas efficacis remedii ante Abraham quam post. Ergo etiam ante eum dari debuit.

**215. — SED CONTRA.** Fides quæ sacramentis efficaciam significandi dat, est fides Mediatoris, ut supra dictum est. Sed Abrahæ primo dictæ sunt repromissiones de Mediatore ex semine ejus nascendo (*Galat.*, in, 16). Ergo ei primo signum fidei distinctum dari debuit in generationis membro.

1. RANVP. *ad.* « Quia », — 2. RANVP. *ad.* « lex ». — 3. Ed. « habet ».

**216. — RESPONSIO.** Dicendum **AD PRIMAM QUÆSTIONEM** quod *circumcisio primo et principaliter necessaria fuit ad expressiorem significationem quam sacramenta præcedentia fuissent.* Oportuit enim quod secundum processum temporis, *sicut explicatio fidei crescebat, ita cresceret distinctio signorum sacramentalium.*

Habet autem circumcisio expressam similitudinem ablationis originalis peccati *quantum ad quatuor. Primo quantum ad membrum generationis* per quam originale transfunditur. *Secundo quantum ad figuram circularem* in qua significatur circulus, qui est in processu originalis infectionis, secundum quod persona corrumpit naturam, et natura personam. *Tertio quantum ad poenam* quæ erat in circumcissione contra delectationem concupiscenti®, in qua præcipue viget fomitis virtus. *Quarto quantum ad sanguinis effusionem,* in quo significatur passio Christi, per quam pro originali satisfaciendum erat. Et quantum ad hanc utilitatem definitur circumcisio, quod « *est signaculum curationis ab originali* ».

**217. — Sed ex consequenti fuit alia utilitas circumcissionis** scilicet distinctio fidelis populi ab infideli propter fidem ejus cui data fuit circumcisio. Et quantum ad hoc definit **Damasce-nus** (ubi supra) circumcissionem sic : « *Circumcisio est signum determinans Israel a gentibus, cum quibus conversabatur.* »

**218. —** Habuit etiam **mysticam** significationem, et **moralem** quia erat signum castitatis servandæ, et **allegoricam** inquantum significabat purgationem per Christum futuram, et quasi **anagogicam** inquantum significabat depositionem corruptibilitatis et carnis et sanguinis in resurrectione.

**219. — AD PRIMUM** ergo dicendum quod has utilitates habuit circumcisio præ sacramentis legis naturæ. Et ideo post illa institui debuit.

**220. — Ad secundum** dicendum quod pœna illa non erat ad satisfactionem, sed tantum ad significationem.

**221. — AD SECUNDAM QUÆSTIONEM** dicendum quod lex scripta non debuit dari divinitus nisi populo fideli. Et ideo oportuit populum fidelem prius congregari et ab aliis distingui, quam lex divinitus ei daretur. Hoc autem non poterat fieri nisi per aliquod signum in quo fideles ad invicem convenirent et ab aliis distinguerentur : quod ad circumcissionem pertinet. Et ideo ante legislationem debuit circumcisio dari.

**222. — AD PRIMUM** ergo dicendum quod *circumcisio erat quodammodo legis naturæ,* inquantum tempore legis naturæ

data fuit, *el quodammodo legis scriptæ*, inquantum ad ipsam præparabat. Dispositiones autem distinctionem habent penes ea ad quæ disponunt.

**223.** — **Ad secundum** dicendum quod peccatum originale a nobis non habemus, sed aliunde. Et ideo aliunde totaliter remedium habet, nobis non cooperantibus, scilicet a Deo. Et propter hoc, sacramentum quod in remedium originalis erat, a Deo immediate præcipi debuit, sicut circumcisio et baptismus. Secus autem est de sacramentis legalibus quæ erant instituta ad satisfaciendum pro actualibus.

**224.** — **AD TERTIAM QUÆSTIONEM** dicendum quod ex corruptione peccati originalis humanum genus circa tempora Abrahæ usque ad profundissima peccatorum venerat, scilicet in infidelitatem et turpissimum vitium contra naturam. Et ideo *tunc* temporis primo conveniebat promissionem manifestam fieri de semine nascituro, in quo omnes gentes benedicerentur et a peccatis mundarentur. *Tunc etiam* oportebat in significatione aliquod exemplum fidei hominibus proponi contra infidelitatem ; fide signa castitatis dari contra corruptissimam concupiscentiam. *Et ideo Abrahæ primo data est circumcisio in signum paternitatis*, ut ex quo nasciturus erat peccatorum destructor *el in signum fidei et distinctionis ab infidelibus et in signum castitatis el munditiæ*.

**225.** — **AD PRIMUM** ergo dicendum quod ante Abraham fere omnes fideles erant ; circa tempora enim ejus dicitur idolatria incepisse.

**226.** — **Ad secundum** dicendum quod quia tunc temporis corruptio magis invaluerat, ideo etiam tunc oportebat efficacius remedium dari.

## ARTICULUS II

[1]

[Rom., c. 4, l. 2, p. 61.]

**227.** — **AD SECUNDUM SIC PROCEDITUR.** VIDETUR QUOD OMNIBUS POPULIS CIRCUMCISIO DARI DEBUERIT.

1. Data est enim in remedium contra originale. Sed morbus iste communis omnibus erat. Ergo et medicina debuit esse communis.

2. **Præterea.** Circumcisio data est in signum fidei. Sed Abrahæ fidem imitari omnes tenebantur, ac fides semper fuit de necessitate salutis. Ergo omnibus circumcisio dari debuit.

1. Ed. « significationem ». — 2. *αβ* « idolatriam ».

3. **Præterea.** *Gen.*, χvii, 10, dicitur : « *Hoc est pactum quod observabilis inter me et vos, el semen luurn post te. Circumcidetur in vobis omne masculinum* ». Sed de semine Abraham multi populi processerunt præter filios Israel, sicut Ismaelitæ, Idumæil. Ergo non solum filiis Israel circumcisio competebat.

228. — **SED CONTRA.** Circumcisio erat signum fidei. Sed unus tantum populus erat in quo fides et cultus Dei remansit, ceteris per idolatriam depravatis. Ergo ei<sup>2</sup> tantum circumcisio competebat.

229. — **Præterea.** Circumcisio significabat medicinam futuram per Christum. Sed tantum ex uno populo scilicet Israel, Christus nasciturus erat. Ergo tantum illi populo circumcisio competebat.

## [II]

[III, q. 70, a. 2, ad 4.]

230. — **ULTERIUS.** Videtur quod debuit hoc remedium ETIAM MULIERIBUS COMMUNITER DARI.

1. Circumcisio enim data erat in medicinam contra primam transgressionem. Sed prima transgressio incepit a femina. Ergo et feminis remedium dari debuit.

2. **Præterea.** Ubi eadem causa et<sup>3</sup> idem effectus. Sed eadem causa in viris est, ut eis circumcisio daretur et in mulieribus ; quia et ipsæ ad populum Dei pertinent, et in eis corruptio originalis est. Ergo et<sup>4</sup> eis remedium dari debuit.

231. — **SED CONTRA** est quod<sup>5</sup> Hugo de sancto Victore dicit (lib. I *de Sacram.*, p. 12, c. 2; L. 176, 350) « *solis masculis data est circumcisio carnis, quia sacra Scriptura per masculinum sexum animam, per femininum vero carnem significare consuevit, ut scilicet ostenderetur quod illa circumcisio animabus sanctificationem contulit, non abstulit carni corruptionem.* »

## [III]

[III, q. 37, a. 1.; q. 40, a. 4.]

232. — **ULTERIUS.** Videtur quod Christo circumcidi NON COMPETEBAIT.

1. Sabbati enim observatio vicinior erat præceptis moralibus inter quæ etiam computatur, quam circumcisio. Sed Christus sabbatum litteraliter non observabat. Unde dicebant de ipso, *Joan.*, ix, 16 : « *Non est hic homo a Deo, qui sabbatum non custodit.* » Ergo nec circumcisionem servare debuit.

2. **Præterea.** *Hebr.* vn, dicit *Glossa* quod Christus in lumbis Abraham decimatus non fuit, quia decima figurabat medicinam

1. Ed. *ad.* « etc. ». — 2. Ed. « eis. ». — 3. δ « ibi ». — 4. Ed. *om.* « et ». — 5. Ed. *am.* « est quod ». — 6. PF. « feminam ».

originalis, quod in Christo non fuit. Sed similiter circumcisio, ut dictum est, significat emundationem ab originali. Ergo Christo non competebat.

**233. — SED CONTRA.** *Gal. iv, 4* : « *Misit Deus Filium suum, factum<sup>2</sup> de muliere, factum sub lege* ». Sed illis qui sub lege erant, competit circumcisio. Ergo et Christo.

**234. — RESPONSIO.** Dicendum **AD PRIMAM QUÆSTIONEM** quod *sicut* peccatum per Adam in omnes transierat, *ita* oportebat per Christum in omnes sanctificationem a peccato transire. Unde ad praeerogativam sanctitatis ejus insinuandam oportebat quidquid ad Christum pertinebat, speciali sanctitate pollere.

Et ideo in populo de<sup>3</sup> quo Christus nasciturus erat, oportebat specialiter cultum Dei esse, et ipsum apud eos significari. Et quia circumcisio est signum distinguens populum Dei ab aliis, **ideo oportebat populo Israel specialiter circumcisionem datam esse**, non solum quantum ad illos qui de stirpe Jacob erant, sed **quantum ad omnes** qui ad populum illum qualitercumque pertinebant.

**235. — AD PRIMUM** ergo dicendum quod circumcisio erat remedium contra originale cum significatione sanctificationis nascituri seminis, propter quod erat in membro generationis. Et ideo hoc remedium illi tantum populo competebat ex quo Christus nasciturus erat. Apud alios autem manebant adhuc eadem remedia quæ fuerant ante circumcisionem data<sup>4</sup>, quia eis non oportebat specialia sanctitatis documenta et remedia dare.

**236. — Ad secundum** dicendum quod quamvis omnes tenebantur ad habendum fidem quam habuit Abraham, non tamen omnes tenebantur imitari Abraham in fide ; quia nec ad omnes notitia Abraham venerat, nec omnibus erat datus ut exemplum imitabile nisi mediante semine, in quo omnes gentes benedictionem Abraham consecuturæ<sup>5</sup> erant. Et ideo circumcisio, quæ erat signum fidei Abraham, non omnibus populis competebat.

**237. — Ad tertium** dicendum quod quantum ad promissionem factam Abraham, separatus est per electionem Dei Isaac ab Ismaele, et Jacob ab Esau, ut patet *Bom.*, ix, non autem aliqua segregatio facta est in filiis Israel. Et ideo omnes filii Israel pertinebant ad populum Dei peculiarem. Et propter hoc illis solis circumcisio competebat, quasi nunquam a familia Abraham separatis. Sed Ismael<sup>6</sup> et Esau tenebantur ad circumcisionem quamdiu erant in familia parentum, non autem post recessum ab eis.

1. *β ad.* « dicitur ». — 2. *Ed.* « natum ». — 3. *δ* « in ». — 4. *αβ* « datam ». — 5. *αβ* « consecuturi ». — 6. *Ed.* « Ismael autem ».

**238. — AD SECUNDAM QUÆSTIONEM** dicendum quod peccatum originale, ut II lib., (d. 31, q. 1, a. 1), dictum est, *quantum ad culpam et reatum* descendit a patre in filios ; *quantum autem ad pœnalitates* descendit a femina, quia pater est efficiens in generatione et mater materiam ministrat.

Circumcisio autem data est contra originale ad tollendum culpam, non autem ad tollendum carnis corruptionem, et ideo viris et non mulieribus data est ; et hæc est causa quæ in objectione tacta est.

Per hoc etiam ostenditur *sacramentum imperfectum*, et sua imperfectio in expectationem perfectionis ducit.

**239. — AD PRIMUM** ergo dicendum quod quamvis transgressio a femina inceperit, tamen transfusionis originalis peccati causa non fuit femina, sed vir, quia si vir non peccasset originale transfusum non fuisset. Et<sup>2</sup> ideo dicit Apostolus *Rom.*, v, 12, quod : « *per hominem peccatum in mundum intravit* ».

**240. — Ad secundum** dicendum quod jam patet quod non est eadem causa de<sup>3</sup> viris et mulieribus quantum ad hoc quod circumcisio contra originale ordinatur ; similiter etiam nec quantum ad hoc quod distinctivum est signum populi fidelis ab infideli, quia principaliter populi distinctio est ex parte virorum, quia mulieres viris subjectæ sunt. Et ideo etiam apud Hebræos non computabantur genealogiæ ex parte mulierum, sed ex parte virorum.

**241. — AD TERTIAM QUÆSTIONEM** dicendum quod Christo circumcisio competeat non propter indigentiam, sed propter decentiam : cuius potest<sup>4</sup> *multiplex* ratio assignari.

*Prima* est, ut ipse se ostenderet filium Abrahamæ, cui præceptum circumcisionis erat factum et promissio nascituri feminis, et sic Dei promissionem impletam insinuaret.

*Secundo*<sup>9</sup>, ut circumcisionem, sicut et alia legalia, suscipiens, ab onere legis nos liberaret.

*Tertio*<sup>9</sup>, ut fratrem Judæorum se ostenderet, ne haberent justam occasionem ipsum repellendi.

**242. — AD PRIMUM** ergo dicendum quod Christus *in pueritia* in nullo ab aliis pueris segregatus fuit quantum ad exteriorem conversationem. Et ideo omnia quæ ad pueros pertinebant in veteri lege, in se impleri<sup>7</sup> voluit.

*Sed quando jam ad perfectam ætatem pervenit*, ostendere debuit se dominum legis esse, et legem usque ad ipsum impositam fuisse. Et ideo in quibusdam supra legem operatus est, sicut de observatione sabbati et in tactu leprosi.

**243. — Ad secundum** dicendum quod decimatio erat actus

1. Ed. *om.* « autem ». — 2. Ed. *om.* « et ». — 3. Ed. « et ». — 4. Ed. *ad.* « in Christo ». — 5. Ed. « Secunda ». — 6. Ed. « Tertia ». — 7. Ed. « implere ».

tantum figuralis quantum ad illos qui in lumbis Abrahæ decimabantur, et ideo Christo non competebat, quia ab originali immunis fuit; sed circumcisio etiam habet alias causas præter significationem in filiis qui circumciduntur. Et ideo non est similis ratio de utroque.

### ARTICULUS III

[I-II, q. 102, a. 5, ad 1; III, q. 70, a. 3, ad 3; *Roin.*, c. 4, l. 2, 610.]

**244. — AD TERTIUM SIC PROCEDITUR.** Videtur quod OCTAVUS DIES NON REQUIRERETUR AD CIRCUMCISIONEM.

1. Alia enim remedia contra originale data sive in lege naturæ sive in lege gratiæ, tempus determinatum non habent. Ergo nec circumcisio habere debuit ad idem data.

2. **Præterea.** Poterat contingere quod dies octava<sup>2</sup> erat dies sabbati. Sed in die illo præcepta erat quies ab exterioribus operibus. Ergo non erat de necessitate circumcisionis quod octavo die fieret.

3. **Præterea.** Illi qui vagati sunt in deserto non fuerunt octavo die circumcisi, sed -postea tempore Josue in Galgala, Jos. v; et profuit illis circumcisio, nec illis obfuit ad transgressionem, ut videtur, qui in deserto mortui sunt incircumcisi. Ergo determinatio temporis non est de necessitate circumcisionis.

4. **Præterea.** Sicut prætermittitur determinatum tempus, si præveniatur, ita et si tardetur. Sed proselyti circumcidebantur post octavum<sup>3</sup> diem, et eis valebat. Ergo pueri poterant ante octavum diem circumcidi, et eis valere.

**245. — SED CONTRA.** — Circumcisio non habebat efficaciam nec obligationem nisi ex præcepto divino. Sed circumcisio fuit in præcepto secundum determinatum tempus. *Gen.*, xvii, 12: « *Infans octo dierum circumcidetur in vobis* ». Ergo et determinatum tempus erat de necessitate circumcisionis.

**246. — Præterea.** Significatio est de necessitate sacramenti. Sed octava<sup>4</sup> dies facit ad significationem. Ergo est de necessitate ipsius.

### [II]

[Supra, a. 2, sol. 1, ad 1; I-II, q. 102, a. 5, ad 1; III; q. 66, a. 7, ad 3; q. 70, a. 3, ad 1; *Joan.*, c. 7, l. 2, p. 217<sup>^</sup>; *Rom.*, c. 4, l. 2, p. 606, 61<sup>^</sup>.]

**247. — ULTERIUS.** Videtur QUOD DETERMINATIO MEMBRI NON FUERIT DE NECESSITATE CIRCUMCISIONIS.

1. In sacramentis<sup>5</sup> signum debet respondere signato. Sed

1. F. « octo dies non requirerentur », δ « octava ». — 2. Ed. « octavus ». — 3. δ « octavam ». — 4. β « octavus ». — 5. Ed. ad. « enim ».

purgatio originalis quæ significatur per circumcisionem, non est secundum aliquam partem determinatam, sed secundum totum. Ergo nec circumcisio debet aliquam partem determinatam habere.

**2. Præterea.** Sacramenta maximam honestatem in se habere debent. Sed njembra generationis videntur esse turpia et verecunda. Ergo non decuit ut in illo membro determinate aliquod sacramentum daretur.

**248. — SED CONTRA** est quod dicitur *Gen.*, xvii, 11 : « *Circumcidetis carnem præputii vestri etc.*1. »

[Hi]

[*Infra* (343) : III, q. 70, a. 3, ad 2 ; *Rom.*, c. 4, l. 2, 61b.]

**249. — ULTERIUS.** Videtur quod cultellus lapideus SIT DE NECESSITATE CIRCUMCISIONIS.

1. Circumcisioni enim baptismus successit. Sed determinatum instrumentum ablutionis, scilicet aqua, est de necessitate baptismi. Ergo et determinatum instrumentum incisionis esse debuit de necessitate circumcisionis, et præcipue propter significationem quæ in littera ponitur. Significatio enim est de ratione sacramenti.

2. **Præterea.** Gregorius dicit *super Ezech.* (hom. 10, n. 38 ; L. 76, 901) : « *In sanctorum vita cognoscimus quid in Scriptura intelligere debeamus.* » Sed sancti et præcipue legislatores, lapideo instrumento fecerunt circumcisionem, sicut legimus *Jos.* v, 25 et *Exod.* iv, 25 de Moyse. Ergo lapideum instrumentum erat de necessitate præcepti.

**250. — SED CONTRA.** Circumcisio non habebat vim nisi ex divina institutione. Sed in ejus institutione quæ tangitur, *Gen.*, xvii, nulla fit mentio de instrumento lapideo. Ergo non fuit de necessitate circumcisionis.

**251. — RESPONSIO.** Dicendum **AD PRIMAM QUÆSTIONEM** quod circumcisio et erat in præcepto et erat sacramentum. *Octavus? dies ergo erat de necessitate circumcisionis quantum ad obligationem præcepti*, ita quod reus transgressionis erat qui illud tempus non observabat. *Sed non erat de necessitate ejus quantum ad efficaciam, sacramenti* ; quia etiam in alio tempore circumcisio facta suum effectum sacramentalem habebat. Sicut etiam accidit de ministrantibus nostra sacramenta, qui servant materiam et formam debitam, et omittunt aliquid de ritu ad solemnitatem sacramenti ab Ecclesia institutam<sup>3</sup>.

*Determinationis autem hujus temporis causa est et mystica quæ tangitur in Littera (13d), et litteralis quæ tangitur a Rabbi*

1. Ed. om. « etc ». — 2. Ed. « Octava ». — 3. Ed. « instituto ».

Moyse, quia puer ante octavum diem est ita tener quasi in ventre matris. Et ideo *sicut* animalia non offerebantur propter prædictam causam ante octavum diem, *ita* nec puer circumcidebatur.

**252. — AD PRIMUM** ergo dicendum quod *remedium quod precessit circumcisionem*, computatur simpliciter inter sacramenta legis naturæ, quæ non habebant tantam determinationem secundum Hugonem de sancto Victore (I *de Sacram.*, p. 11, c. 3 ; L. 176, 3431, quantam habent sacramenta legis scriptæ, ad quam quodammodo pertinet circumcisio.

*Remedium autem quod circumcisionem sequitur*, scilicet baptismus, est magis generale et perfectius, nec debuit ita restringi. Et ideo non est similis ratio de circumcisione et aliis.

**253. — Ad secundum** dicendum quod dies sabbati non impediebat circumcisionem : non enim erat opus pure corporale, sed sacramentale ; sicut et sacrificia quæ in sabbato offerri licebat. Et ideo dicitur JoAn., vii, 23 : « *Circumcisionem accipit homo in sabbato et non solvitur lex Moysi* ».

**254. — Ad tertium** dicendum quod illis qui in deserto vagabantur dispensatio præcepti facta est propter necessitatem, quæ tangitur Jos., v, 5, 6 ; *quia scilicet* nesciebant quando castra movenda essent. *Et iterum quia* non erat necesse eos tunc aliquod signum distinctionis habere, ut Damascenus dicit (*de Fide orth.*, lib. IV, c. 25 ; G. 94, 1211), quando seorsum ab aliis hominibus habitabant ; et tamen quantum ad aliquos qui ex negligentia vel contemptu prætermittent, dicit Augustinus (*in Jos.*, q. 6 ; L. 34, 777) quod inobedientiam incurrebant.

Non autem constat quod aliqui de illis qui in deserto nati sunt, in deserto mortui sint. Et videtur probabile quod non, quia dicitur in Ps. (civ, 37) : « *Non erat in tribubus eorum infirmus* ». Unde illi qui de Ægypto egressi sunt, qui circumcisi erant, mortui sunt. Et ita nullus est ibi mortuus incircumcisus.

Si tamen aliqui incircumcisi ibi mortui sunt, idem dicendum est de eis et de illis qui ante circumcisionis institutionem moriebantur.

**255. — Ad quartum** dicendum quod Magister videtur sentire in *Littera* (15) quod licebat imminente mortis articulo diem prævenire.

Quidam vero dicunt Hugonem de sancto Victore (in lib. I *de Sacram.*, p. 12, c. 3 ; L. 176, 350) sequentes, quod non erat necessitas diem præveniendi ; quia illis qui ante octavum diem moriebantur, valebat ad salutem remedium quod ante circumcisionem fuerat, quod adhuc efficaciam habebat. *Et hoc confirmant per Judæos qui nunc sunt*, qui nunquam ante octavum diem

1. a « ita. » — 2. RANVP, om, « ibi ».

circumciduntur, *el per Glossam Procoer.*, iv, super illud : « *Unigenitus eram coram matre mea* » (L. 113, 1086), quæ dicit quod alius filius Bersabee parvulus non computatur, quia ante octavum diem mortuus, nominatus non fuit, et per consequens nec circumcisus. *Similiter etiam confirmant per simile* ; quia nullum animal offerebatur Domino ante octavum diem.

**256.** — **Secundum hanc ergo opinionem dicendum**, quod non est simile de præveniendi et differendo ; quia præceptum nullo modo quis transgredi debet, ut præveniat ; sed si transgressus fuerit differendo, debet, quantum potest, illud implere in quocumque tempore.

**257.** — **AD SECUNDAM QUÆSTIONEM** dicendum quod circumcisio erat *in signum purgationis originalis peccati, et in signum distinctionis populi*, ex quo Christus propagandus erat. *et in signum castitatis servandæ*, ut dictum est (224). *Et quantum ad omnia hæc decuit ut in membro generationis fieret*, quia per actum generationis et originale contrahitur, et Christus ab illo populo descendit, et in illo actu castitas consistit.

**Et ideo membrum generationis erat de necessitate circumcisionis, et quantum ad efficaciam sacramenti, et quantum ad obligationem præcepti.**

**258.** — **AD PRIMUM** ergo dicendum quod quamvis originale peccatum quantum ad essentiam non determinet aliquam partem corporis, neque quantum ad effectum ; tamen *quantum ad causam determinat*, ut dictum est.

**259.** — **Ad secundum** dicendum quod membrum generationis quod de se nobile erat, propter concupiscentiam quæ præcipue in parte illa viget, ignobile redditum est. Et ideo oportebat quod in illo membro præcipue medicina apponeretur<sup>2</sup> ; quia « *quæ inhonestiora<sup>3</sup> sunt nostra, majoremi habent honestatem*, ut dicitur *I Cor.*, xn, 23.

**260.** — **AD TERTIAM QUÆSTIONEM** dicendum quod sacramentum quod est signum et causa, efficit quod figurat. Et ideo *illa significatio est de necessitate sacramenti quæ ad effectum sacramenti refertur*, non autem illa quæ refertur ad causam principalem effectus, sed est de bene esse ipsius.

Cultellus autem lapideus non est de necessitate incisionis, per quam significat circumcisio suum effectum, scilicet purgationem originalis ; sed habet aliquam similitudinem ad causam principalem meritoriam remissionis originalis, scilicet Christum. Et

1. *β om.* « super illud ». — 2. F. « opponeretur ». — 3. Ed. « inhonesta ». — 4. Ed. « abundantioremi ».

ideo non erat de necessitate circumcisionis *neque* quantum ad obligationem praecepti, *neque* quantum ad efficaciam sacramenti, quod fieret cultello lapideo — quod ritus Judaeorum usque hodie ostendit — sed in principalibus circumcisionibus, in quibus Christum significari oportebat, tale instrumentum adhibitum est.

**261. — AD PRIMUM** ergo dicendum quod aqua de se habet maximam convenientiam ad ablutionem, per quam baptismus significat quod efficit, non autem lapis ad incisionem. Et ideo non est simile.

**262. — Ad secundum** dicendum quod hoc intelligendum est de illis quæ sancti observant quasi ex lege obligati, sic autem non est in proposito. Et ideo ratio non sequitur.

#### ARTICULUS IV

[I]

[III, q. 63, a. 1, ad 3 ; q. 70, a. 4, c ; q. 72, a. 5, ad 3.]

**263. — AD QUARTUM SIC PROCEEDITUR.** Videtur quod CIRCUMCISIO CHARACTEREM IMPRIMEBAT IN ANIMA.

1. In sacramentis enim effectus figuræ respondet. Sed circumcisisio exterius erat signum distinctivum, non solum purgativum. Ergo et interius characterem distinguentem imprimebat.

2. **Praeterea.** Omne sacramentum quod non reiteratur in nova lege, characterem imprimit. Sed circumcisisio in veteri lege non reiterabatur. Ergo characterem imprimebat.

3. **Praeterea.** Aliquis adultus circumcisisus poterat fictus accedere ; et sic tunc effectum circumcisisionis non suscipiebat ; postmodum autem deposita fictione circumcisisio ei valebat, alias non fuisset via salutis cum iterari non posset. Ergo habebat aliquem effectum manentem in anima, ratione cujus postea effectum ultimum circumcisisionis consequeretur ; et hoc est character. Ergo imprimebat characterem.

**264. — SED CONTRA.** In sacramentis novæ legis perfectissima tantum sunt illa quæ characterem imprimunt. Sed circumcisisio erat longe inferior sacramentis novæ legis. Ergo characterem non imprimebat.

**265. — Praeterea.** Character nos Trinitati configurat. Sed hoc indifferenter competit viris et mulieribus. Cum ergo circumcisisio mulieribus non competeret, videtur quod in ea character non imprimeretur.

1. *β om.* « circumcisisionis ». — 2. *Ed. ad.* « enim ».

## [H]

[Infra, d. 8, q. 1, a. 2, sol. 2, ad. 5 ; III, q. 33, a. 3, ad 3 ; q. 62, a. 6, ad 3 ; q. 70, a. 4 ; Ver., q. 28, a. 2, ad 12 ; Rom., c. 4, l. 2, p. 61b.]

**266. — ULTERIUS.** Videtur QUOD CIRCUMCISIO A PECCATO NON PURGARET.

1. Rom., in, 20 : « *Ex operibus legis non justificatur omnis caro coram illo* ». Sed alia opera legis, ut sacrificia, non videntur minus honesta fuisse quam circumcisio. Ergo nec circumcisio a peccato justificabat.

2. **Præterea.** Si ab aliquo peccato purgabat, præcipue videtur quod ab originali. Sed ab originali non purgabat, quod patet per hoc quod Joannes circumcisis octava die, ut dicitur Lue, i, dixit ad Jesum, Ματ., hi, 14 : « *Ego debeo a te baptizari* » ; Glossa : « *A peccato originali mundari.* » (Beda I in Mal., L. 92. 17d). Ergo nullo modo a peccato mundabat.

3. **Præterea.** Nihil impedit vitæ æternæ introitum nisi peccatum. Sed circumcisio januam vitæ æternæ non aperiebat, ut in *Littera* (III) dicitur. Ergo neque peccata purgabat.

4. **Præterea.** Quidquid tollit unum peccatum, tollit omnia ; quia « *impium est a Deo dimidiam sperare veniam.* » {*De vera et falsa Pœnil.*, c. 9 ; L. 40, 1121). Sed nunquam invenitur a sanctis dictum, quod circumcisio tolleret peccatum actuale. Ergo nec originale tollebat.

**267. — SED IN CONTRARIUM** sunt auctoritates in *Littera* (11) positæ.

## [III]

[III, q. 62, a. 6, ad 3 ; q. 70, a. 4 ; Ver., q. 28, a. 2, ad 12 ; Rom., c. 4, l. 2, p. 61b.]

**268. — ULTERIUS.** Videtur QUOD CIRCUMCISIO GRATIAM NON CONFERRERET.

1. Sacramentum enim non efficit nisi quod figurat. Sed circumcisio non significat gratiæ collationem, sed solum culpæ ablationem. Ergo gratiam non confert.

2. **Præterea.** Baptismus non amplius facit nisi quod aufert culpam et confert gratiam. Si ergo hoc ipsum circumcisio fitebat, baptismus in nullo circumcisionem excedit

3. **Præterea.** Propter hoc lex vetus dicebatur occidere, quia gratiam contra concupiscentiam non conferebat. Hoc autem non esset, si circumcisio quæ erat quodammodo legis sacramentum, gratiam conferret. Ergo gratiam non conferebat.

**269. — SED CONTRA.** In *Littera* (III) dicitur quod « *idem remedium præbebat circumcisio quod baptismus, excepto quod*

1. α ad. « purgabat vel ».

*januam regni caelestis non aperiabat.* » Sed baptismus gratiam confert, non solum culpam aufert. Ergo et circumcisio idem facit.

**270.** — **Praeterea.** Tenebra non expellitur nisi per praesentiam lucis. Sed gratia opponitur culpae, sicut lux tenebrae. Cum ergo circumcisio expelleret culpam, videtur quod gratiam conferret.

**271.** — **RESPONSIO. AD PRIMAM QUÆSTIONEM** dicendum quod character spiritualis est quoddam signum distinctivum per hoc quod hominem in aliquo statu perfectionis constituit, sicut in baptismo, confirmatione et ordine magis infra patebit.

**272.** — Circumcisio autem principaliter erat signum ad purgandum constitutum. Et ideo in ipsa non ponebatur homo in aliquo alio statu, et sic non competebat quod in ipsa character spiritualis conferretur.

**273.** — **AD PRIMUM** ergo dicendum quod *circumcisio principaliter significat per se ablationem*<sup>2</sup>, sed distinctionem ex consequenti et per accidens, inquantum aliqui circumcidebantur et aliqui non. Et ideo oportebat quod responderet ei effectus *quantum ad principalem significationem*, non autem quantum ad secundariam.

**274.** — **Ad secundum** dicendum quod circumcisio non iterabatur; quia causa ejus, scilicet originale peccatum, iterari non poterat; et non propter hoc quod character spiritualis in ipsa imprimeretur.

**275.** — **Ad tertium** dicendum quod *sicut* in baptismo manet character spiritualis, ratione cujus fictus<sup>3</sup> deposita fictione effectum baptismi recipit; *ita* manebat character exterior in circumcissione quæ hoc idem efficiebat<sup>4</sup>.

**276.** — **AD SECUNDAM QUÆSTIONEM** dicendum quod peccatum quod ex alio contrahitur, conveniens est ut per alium tollatur. Et ideo in quolibet statu *post peccatum* fuit aliquod remedium per quod originale peccatum ex virtute passionis Christi tolleretur. *Et iterum* quia non poterat puer natus, antequam haberet usum liberi arbitrii, se ad gratiam præparare, ne omnino sine remedio<sup>5</sup> relinqueretur, oportuit aliquod remedium dari quod ex ipso opere operato peccatum aboleret; et tale remedium fuit circumcisio. Et ideo ab omnibus conceditur quod peccatum auferebat, sicut significabat ablationem. Et in hoc cum sacramentis novæ legis quodammodo conveniebat, quod<sup>6</sup> efficiebat hoc quod figurabat.

1, u et ed. *ad.* « et ». — 2. « Ut ex ipsa nominis notione manifestum est, quod ali-  
quod incidit seu secari circulariter significat, ut et vox græca *περιτομή* ». — 3. « Non  
qui simulat se recipere, sed qui cum peccato recipit ». — 4. RANVP. « faciebat ». —  
5. RA. « religione ». — 6. Ed. « quia ».

*Operabatur autem circumcisio peccati dimissionem a posteriori.* In peccato enim originali tria sunt, scilicet culpa, reatus carentiæ visionis divinæ et fomes. *Prima duo* totaliter tolluntur, sed *tertium* per sacramenta diminuitur. Et ideo circumcisio quæ erat particularis abscissio, directe significabat et causabat diminutionem fomitis, et per consequens auferebat reatum carentiæ visionis æternæ, et per consequens culpam.

**277.** — *In baptismo autem e conversus est*; quia prius destruit culpam, cujus ablationem significat ablutio exterior et etiam causât, et per consequens destruit alia.

**278.** — **AD PRIMUM** ergo dicendum quod sacrificia erant instituta ad satisfaciendum pro peccatis actualibus quæ homo ex se perpetravit. Et ideo non oportebat quod peccata tollerentur per sacrificia, sicut peccatum originale per circumcisionem.

**279.** — **Ad secundum** dicendum quod circumcisio quamvis a peccato originali liberaret, non tamen per eam aliquis perfecte fructum liberationis consequi poterat, quia januam non aperiebat. Et secundum hoc Joannes circumciscus a peccato originali mundari indigebat.

**280.** — **Ad tertium** dicendum quod per circumcisionem auferebatur *impedimentum quod erat ex parte personæ*, ablato peccato originali, prout erat infectio hujus personæ; adhuc tamen manebat impedimentum ex parte naturæ, nondum soluto pretio. Et ideo *per accidens* erat quod januam regni cælestis non aperiebat; quia si etiam baptismus, eandem quantiim in se est gratiam conferens quam modo confert, eo tempore fuisset, januam non aperuisset; et si modo circumcisio locum haberet, januam aperiret.

**281.** — **Ad quartum** dicendum quod circumcisio directe contra originale ordinata fuit, sed ex consequenti etiam actuale tollebat ubi inveniebat. Sed tamen Sancti de hoc non loquuntur, quia ad hoc non erat circumcisio principaliter instituta.

**282.** — **AD TERTIAM QUÆSTIONEM** dicendum quod circa hoc est *multiplex* opinio.

Quidam enim dixerunt quod circumcisio, quantum est de se,

1. RA. « reatum visionis », sed N. notat : « Id est obligationem ad pœnam carentiæ visionis divinæ ».— 2. RANVP. « sacramentum ».— 3. ad RANVP. om. « carentiæ ».— 4. Hic S. Thomas innuere videtur quod circumcisio conferebat gratiam etiam ex opere operato, sed hanc sententiam postea revocavit, III, q. 62, a. 6, ad 3, ubi expresse dicit de opinione S. Doctor : « Quod de hac aliquando mihi visum est. Sed diligentius consideranti apparet hoc etiam non esse verum », et subjungit : « Et ideo melius dicendum. » Cf. etiam III, q. 70, a. 4 et Rom., 4, l. 2, p. 61 b.— 5. Ed. « e contrario ». — 6. β « propter ». — 7. RANVP. ad. : « scilicet per baptismum » et N. explanat : « Hoc nimirum est quod insinuat Beda cum ait eum debuisse *ab originalis peccati contagione mundari, quia ex muliere natus culpæ nævo non carebat*; quasi non a peccato ipso, sed a sequelis tantum ejus mundari debuerit. »

culpam tollebat, sed gratiam non conferebat, innitentes cuidam Glossæ quæ habetur *Rom.* iv, quæ dicit : « *In circumcissione peccata remittebantur, sed non gratia per eam præstatur.* » | (icebant enim, quod cum originale nihil aliud sit quam concupiscentia intensa cum carentia debitæ justitiæ, circumcisio sine hoc quod gratia conferretur, poterat auferre debitum, auferendo reatum, ut hoc quod? homo illam justitiam non habebat, non ei imputaretur ad poenam.

**Sed hoc non potest esse** ; quia manente inordinatione culpæ, nullo modo potest non imputari a Deo ad poenam, cum culpæ inordinatio per poenam ordinetur. Et ideo oportet, si imputatio ad poenam tollitur, quod inordinatio tollatur : quod sine gratia fieri non potest.

**283.** — Et ideo Alii dicunt quod circumcisio ex sua virtute culpam tollebat, et gratia circumcissione<sup>3</sup> conferebatur, non ex vi circumcissionis, sed ex divina liberalitate ablato gratiæ impedimento.

**Sed hoc non potest esse** ; quia quamvis ex parte recipientis prius sit expulsio contrarii quam introductio formæ, tamen ex parte causæ agentis est prius introductio formæ<sup>4</sup>, quia non expellitur contrarium nisi introducendo formam. Et ideo nisi circumcisio aliquo modo gratiam conferret, nullo modo culpam tolleret.

**284.** — Et ideo Ani dicunt quod circumcisio conferebat gratiam quantum ad effectus privativos, qui scilicet sunt auferre culpam, sed non quantum ad effectus positivos.

**Sed hoc nihil est** ; quia effectus ultimus gratiæ positivus, est facere dignum vita æterna : quod fiebat per circumcissionem, sicut et modo fit per baptismum.

**285.** — Et ideo Alii dicunt<sup>3</sup> probabilius ut videtur, quod *dabat gratiam quantum ad effectus privativos culpæ et reatus, et quantum ad quosdam effectus positivos, sicut ordinare<sup>6</sup> animam et facere dignum vita æterna ; non tamen quantum ad omnes quos*

1. Ed. ad. « non ». — 2. Ed. « ut patet per hoc quod si ». — 3. RANVP. « gratiam circumcisio conferebat », a « circumcisio ». — 4. RANVP. ad. « quam expulsio contrarii ». N. « Prius natura tantum non tempore; alterum quidem in genere causæ formalis, alterum in genere causæ materialis ». — 5. Hic S. Thomas admittit quod circumcisio gratiam conferebat tantum quoad effectus privativos, scilicet vitæ æternæ demeritum. Sed rebus maturius perpensis postea in III, q. 62, a. 6, ad 3, et q. 70, a. 4 et *Rom.*, c. 4, l. 2, p. 61b, sententiam illam reprobavit, et dixit circumcissionem solum esse signum fidei justificantis. Unde rejiciendæ sunt inventiones Petri de Tarentasia qui vult S. Thomam hic loqui de circumcissione primo et per se, in *Summa* vero de circumcissione ex consequenti, et Petri a Bergamo qui vult S. Thomam secundum opinionem Magistri in *Sententiis*, secundum suam in *Summa scriptis*. (*Concord*, dub. 342). — 6. « Quod autem hic inter effectus positivos gratiæ numeratur, animam ordinare, annon melius diceretur ornare? Sed ordinare manuscriptum etiam habet, ac explicari potest, vel ejus potentias debite disponere, vel eam ipsam ad vitam æternam dirigere. » N:

habet gratia baptismalis ; quia illa sufficit ad totaliter concupiscentiam reprimendam et meritorie agendum, ad quod gratia in circumcissione data sufficere non valebat. Et secundum hoc intelligitur Glossa inducta.

**286. — AD PRIMUM** ergo dicendum quod *sicut* in sacramento altaris est aliquid ex vi sacramenti, aliquid autem ex naturali concomitantia, ut infra dicitur ; *ita* circumcisio *principaliter* ordinata erat ad ablationem culpæ, sed *ex consequenti* ad collationem gratiæ.

**287. — Ad secundum** dicendum quod in baptismo amplior gratia datur, ut dictum est.

**288. — Ad tertium** dicendum quod gratia circumcisionis non sufficienter reprimebat concupiscentiam, sicut facit gratia novi Testamenti. Et ideo ratio non sequitur.

## ARTICULUS V

### W

[I-II, q. 103, a. 3 ; IV Cg., c. 57 ; Rom., c. 2, l. 4, p. 43<> ; c. 4, l. 2, p. 62"]

**289. — AD QUINTUM SIC PROCEEDITUR.** Videtur quod

1. CIRCUMCISIO CESSARE NON DEBUERIT.

1. *Gen.*, xvii, 13, dicitur quod circumcisio datur « *in fœdus æternum* ». Sed æternum est quod nullo fine clauditur. Ergo circumcisio cessare non debuit.

2. **Præterea.** Illud quod cum lege non incipit, cum lege cessare non debet. Sed circumcisio ante legem incepit; non enim est ex lege, sed ex patribus, ut dicitur *Joan. I* vu, 22. Ergo cum lege cessare non debuit.

3. **Præterea.** Figuralia quæ significant id quod semper faciendum est, non debent cessare, sicut de thurificatione quæ significat devotionem, patet. Sed « *circumcisio cordis, cujus laus ex Deo est* », ut dicitur *Rom.*, u, 29, semper facienda est ; et hanc significat exterior circumcisio. Ergo cessare non debuit.

1. F. ad. «et aliquem effectum positivum». — 2. « Ex verbis Christi sic loquentis : *Moyses dedit vobis circumcisionem, non quia ex Mōyse est, sed ex Patribus.* Nam licet eam præceperit Moyses, *Lev.*, XII, 3, jam Abrahæ præcepta erat, *Gen.*, xvii, 13». — 3. « Thus in Italia non erat antiquitus adhibitum in sacris deorum Gentilium. Quisque ad Deos ferebat quod obvium erat, mei vinum, lac, plerique vero fruges aut frugum primitias ; deinde dabant quæ ex frugibus his fiebant, farra et liba. Verum posteaquam thus ex Arabia in Græciam, atque in Italiam advectum est, quantum magnis impensis Romam asportabatur, facile tamen tantillum inde comparabant cujusque fortunæ homines etiam tenuissimi, quod Deo libarent. Pauperes tribus digitis tria grana thuris offerebant. Sed thuris usus in cultu veri Dei antiquissimus est. Unde reprobandum est Henricus Cannegieter asserens propositiones sequentes : 1. Christiani abhorruerunt a thuris usu in sacris ; 2. Thymiamata ex thure in veteri Ecclesia nulla fuerunt. — (vid. Henric. Cannegieteri *rescripta* Boxhormio, cap. 15 et 16) ».

**290. — SED CONTRA.** *Gal.* v1, 2 : « *Si circumcidimini, Chrislus nihil vobis proderit.* »

**291. — Praeterea.** Veniente perfecto frustra imperfectum remaneret ad idem ordinatum. Sed baptismus perfectius facit hoc ad quod circumcisio ordinata erat, quam circumcisio faceret. Ergo veniente baptismo circumcisio cessare debuit.

[H]

[I-H, q. 103, a. 3 et loca qlae 3.]

**292. — ULTERIUS.** Videtur quod nec alia legalia CESSARE DEBUERINT.

1. Christus enim, ut dicitur *Mat.*, v, non venit legem solvere, sed implere. Sed lex consistebat non tantum in moralibus, sed etiam in sacramentis legalibus. Ergo non venit ea solvere.

2. **Praeterea.** « *Apud Deum non est transmutatio*<sup>2</sup> » (*Jac.*, i, 17). Sed signum mutationis voluntatis est ut praeceptum quod prius datum est, postea revocetur. Cum ergo Deus hæc sacramenta præceperit, videtur quod cessare non debuerint<sup>3</sup>.

3. **Praeterea.** Præceptum non potest revocari nisi per æqualem vel superiorem. Sed Deus nunquam revocasse legitur præceptum de sacramentis legalibus in nova lege. Ergo adhuc durant.

**293. — SED CONTRA** est quod dicitur *Heb.* x, 1 : « *Umbrant habet lex futurorum bonorum* ». Sed veniente veritate cessat figura. Ergo veniente Christo legalia cessare debuerunt.

**294. — Praeterea.** *Hebr.* vn, 12 : « *Translato sacerdotio necesse est ut<sup>4</sup> legis translatio fiat.* » Sed in Christo translatum fuit sacerdotium, ut ibidem *Apostolus* probat. Ergo et legalia cessare debuerunt.

[III]

[I-II, q. 103, a. 4 ; q. 107, a. 2, ad *T* ; II-II, q. 93, a. 1 ; *Rom.*, c. 14, l. 1, p. 192 ; *Gal.*, c. 2, l. 3, p. 543 ; *Colos.*, c. 2, l. 4, p. 134a.]

**295. — ULTERIUS.** Videtur quod tempore gratiæ poterant sine peccato observari.

1. Omnis enim Christi actio nostra est instructio. Sed Christus tempore gratiæ ea servavit<sup>5</sup>, sicut in multis patet. Ergo licitum est tempore gratiæ ea servare.

2. **Praeterea.** Tempore Apostolorum etiam observabantur, sicut patet *Act.*, xvi, de Paulo qui circumcidit Timotheum, et de eodem *Act.*, xxi, qui purificatus per legem, templum intravit et hostias obtulit : quod non fecisset ad vitandum scandalum si peccatum fuisset ; quia veritas vitæ non est dimittenda propter

1. *aby* \$ « I ». — 2. « Nec naturæ, nec voluntatis », N. — 3. F. « debuerant ». — 4. Ed. *ad.* « ct ». — 5. Ed. « observavit ».

scandalum. Ergo sine peccato tempore gratiæ observari poterant.

**3. Præterea.** Omnis actus qui non est de se malus, potest sine peccato fieri, et meritorie, si recta intentione fiat. Sed sacrificare et circumcidi non sunt de se mala, alias nunquam licita fuissent. Ergo si bona intentione fiant, erunt meritoria etiam modo, nedum ut sint peccata.

**296. — SED CONTRA** est quod dicitur *Gal.*, v, 2 : « Si circumcidimini, Christus nihil vobis proderit ». Sed omne quod impedit profectum qui provenit ex Christi redemptione, est peccatum. Ergo circumcisio tempore gratiæ non poterat fieri sine peccato, et pari ratione nec alia sacramenta.

**297. — Præterea.** *Gal.*, iv, 9, super illud : « *Quomodo convertimini rursus ad egea et infirma elementa ?* » dicit GLOSSA : « *Ideo dicit, denuo, ut ostendat quod non distat modo lex post Christum ab antiqua idololatria.* » Sed idololatria nunquam poterat observari sine peccato. Ergo nec legalia post Christum.

#### [IV]

[Cf. loca qlæ 3 et *Colos.*, c. 2, l. 4, p. 135a.]

**298. — ULTERIUS.** Videtur quod usque modo teneamur ALIQUA LEGALIA OBSERVARE.

1. Tenemur enim ad observanda præcepta novi Testamenti et statuta Ecclesiæ. Sed præceptum Apostolorum in novo Testamento fuit de quibusdam legalibus observandis. *Act.* xv, 28 : « *Visum est Spiritui sancto et nobis nihil ultra imponere vobis oneris quam ut abstineatis vos ab immolatis simulacrorum et sanguine et suffocato et fornicatione* ». Ergo adhuc tenemur ad hæc legalia servanda.

2. Si dicatur quod fuit permissio Apostolorum pro tempore illo.

**Contra.** GLOSSA<sup>4</sup> (L. 114, 458) dicit hæc esse necessaria. Sed necessaria sunt sine quibus non est salus, et de quibus non est permissio, sed præceptum. Ergo adhuc observare tenemur.

**3. Si dicatur** quod per Paulum revocatum est, ut cum dicitur *I Tim.*, iv, 4 : « *Nihil rejiciendum quod cum gratiarum actione percipitur* ».

**Contra.** Inferior non potest præceptum superioris revocare. Sed Paulus fuit inferior quam totum Apostolorum Concilium in Jerusalem congregatum. Ergo non potuit revocare.

**299. — SED CONTRA.** Petrus ibidem dicit (*Act.* xv) quod per gratiam Christi salvamur in lege nova sine onere legis, sicut et patres nostri<sup>3</sup>. Unde hoc jugum non est fidelibus imponendum.

1. Ed. « iterum ». — 2. Ed. « iterum ». — 3. RANVP. « Sed si ».—<sup>1</sup> *i.* Ex Rabano Mauro desumpta. — 5. « Sed per gratiam Domini Jesu Christi credimus salvari quemadmodum et illi. » (*Act.*, xv. 11) Illi potius de Gentibus conversis videtur intelli-

Sed onus prædictum est observatio cæremonialium. Ergo ad ea servanda non tenemur.

**300. — RESPONSIO.** Dicendum **AD PRIMAM QUÆSTIONEM** quod cum venit quod perfectum est, evacuari debet quod ex parte est, si ad idem ordinetur ; quia *gratia non facit per duo quod per unum potest facere*, sicut nec natura.

**301. —** *Circumcisio autem imperfecta erat respectu baptismi tripliciter.*

*Primo quantum ad significationem* ; quia non ita significabat expresse emundationem totius hominis ab immunditia totius culpæ originalis, *sicut* ablutio baptismalis.

*Secundo, quantum ad efficaciam* ; quia non tam abundans gratia ad operandum et reprimendum fomitem in circumcisione dabatur sicut in baptismo.

*Tertio, quantum ad utilitatem* ; quia non erat ejus utilitas ita communis sicut baptismi, cum haberet determinatum populum, determinatum sexum et determinatum tempus : quod in baptismo non accidit.

**Et ideo adveniente tempore plenitudinis debuit cessare, baptismo substituto.**

**302. — AD PRIMUM** ergo dicendum quod tetræni hic accipitur pro sasculo, quod habet quidem finem, sed non est determinatus nobis.

**303. — Vel etiam dicendum** quod circumcisio corporalis potuit esse in foedus æternum quantum ad suum significatum, et quantum ad id quod ei succedit : sicut etiam fides potest dici semper manere ratione visionis, quæ ei succedit in patria.

**304. — Ad secundum** dicendum quod quamvis cum lege non inceperit circumcisio, tamen propter legem incepit quasi legis præparatorium. Et ideo cessante lege cessare debuit.

**305. — Ad tertium** dicendum quod *principalis significatio* ad quam circumcisio instituta est, est ablatio originalis culpæ, quia sacramentalis significatio refertur ad effectum. Hoc autem non semper faciendum erat per circumcisionem. Et ideo non oportebat quod circumcisio semper remaneret.

**306. — Alia autem significatio** est ex consequenti, et secundum illam non oportet accipi iudicium de duratione circumcisionis. Thurificationis autem significatio nunquam fuit ad significandum aliquid ut effectum ejus. Et ideo non est similis ratio,

gendum quam de Patribus, licet id quoque suo modo verum sit. Quasi dicat : Nos qui Judæi sumus quemadmodum et illi qui sunt gentes, quia utrisque necessaria est gratia Christi ut salventur. Augustinus e contra ad antiquos Patres *illi* refert lib. I, *Contra duas ep. Pelagianorum* (c. 21 ; L. 44, 569). — 1. *a om.* « etiam ». — 2. *α* « inceperat ». — 3. *a* « ablutio ».

**307.** — **AD SECUNDAM QUÆSTIONEM** dicendum quod *triplex* erat præcipua ratio cessationis legalium.

*Una est quia lex instituta fuit ad significandum gratiam novi Testamenti quæ per Christum facta est.* Et ideo venientel Christo cessare debuerunt, sicut veniente corpore cessat umbra. Et hanc causam tangit Apostolus *Hebr.*, x, 1 : « *Umbram habens lex futurorum bonorum etc.2.* ».

**308.** — *Alia ratio est ex imperfectione* ; quia in legalibus gratia non conferebatur quantam oportebat in novo Testamento dari. *Sicut enim virtus naturalis rei naturali proportionatur, ita virtus sacramentalis sacramento.* Unde oportuit alia sacramenta institui, in quibus amplior gratia conferretur. Et hanc causam tangit Apostolus *Heb.* vii, 18 « *Reprobatio quidem fit prioris3 mandati propter infirmitatem et inutilitatem* ».

**309.** — *Tertia accipitur ex parte eorum quibus lex data est qui erant parvuli.* Et ideo erant paulatim a pristina consuetudine idololatriæ abstrahendi, ut sic eis concederetur eadem Deo offerre quæ prius idolis obtulerant, vel offerri viderant, sicut Rabbi Moyses dicit. Sed postmodum quando ad perfectam ætatem humanum genus pervenit, debuit ab his observantiis liberum esse. Et hanc causam tangit Apostolus *Gal.* in et iv, et Petrus *Act.* xv, ostendens illa legalia\*in onus populo rudi imposita esse.

**310.** — **AD PRIMUM** ergo dicendum quod Christus in hoc legem implevit quod moralibus præceptis consilia apposuit et præcepta magis elucidavit ; sed figuris cæremonialium veritatem apposuit et ea in seipso suscepit4.

**311.** — **Ad secundum** dicendum quod non ex mutabilitate præcipientis, sed ex prudenti dispensatione contingit quod diversa præcepta diversis temporibus accomoda proponit, sicut est in proposito.

**312.** — **Ad tertium** dicendum quod Dominus ipso facto revocavit, adimplens in se quæ in figuram præceperat observanda5. Et ideo in sua passione dixit : « *Consummatum est* », Jo an. xix, 30.

**313.** — **AD TERTIAM QUÆSTIONEM** dicendum quod hæc quæstio videtur habere difficultatem ex quibusdam contrarietatibus quæ super hoc inveniuntur tam in canone6, quam in dictis Sanctorum. *Quandoque enim inveniuntur observata legalia tempore gratiæ, quandoque autem prohibita, et de hoc etiam Petrus a Paulo redargutus videtur, Gal. n.*

1. α « adveniente ». — 2. Ed. ont. « etc. ». — 3. VPF. « præcedent. ^ ». — 4. ft. *ad.* intra parenthesim : « (observanda) ». — 5. Ed. « Quod in figura præceperat observandum ». — 6. N. *ad.* \* sive canonica scriptura ».

**314.** — Et ideo super hoc Hieronymus et Augustinus diversa sensisse videntur. Volebat enim Hieronymus quod legalia statim post passionem Christi quantum ad illos ad quos gratia novi Testamenti manifeste divulgata erat, fuerunt mortifera ; sed Apostolos quadam pia dispensatione his usos fuisse ad vitandum scandalum Judæorum. Et ideo Petrus judaizans non peccavit, dispensatorie id faciens, secundum quod etiam dicitur *I Cor. ix, 22* : « *Omnibus omnia factus sum* ». Et similiter Paulus dispensatorie eum redarguit, ne gentiles exemplo Petri, quorum ipse Apostolus erat<sup>2</sup>, sacramenta quasi necessaria quærent ; quia et ipse invenitur eadem pia simulatione ea<sup>3</sup> servasse. Et sic uterque excusatur, et Petrus a culpa, et Paulus a procaci reprehensione.

**315.** — Sed quia non videtur conveniens quod Apostoli aliquid contra veritatem doctrinæ fecissent ad vitandum scandalum Judæorum, nec iterum videtur conveniens<sup>4</sup> quod Paulus in *Epistola ad Galatas* aliquid simulate diceret, ubi dicit Petrum reprehensibilem fuisse<sup>5</sup> ; ideo Augustinus (Ep. 82 ad Hieron. n. 15 ; L. 33, 281), **aliter dicit et melius**, quod **ante Christi passionem** legalia fuerunt observanda ex necessitate divinæ justificationis, et habuerunt adhuc effectum ; sed **post Christi passionem ante divulgationem Evangelii** observari poterant a Judæis ad fidem conversis, non spem in ipsis ponentibus, quasi alicujus virtutis essent, aut quasi sine eis gratia Christi non sufficeret ad salutem, sed ne omnino videretur lex vetus reprobanda, si statim quasif idoloratria fugeretur. Et ideo hoc modo erat mater synagoga deducenda ad tumultum cum honore. *Sed post divulgationem Evangelii* non solum non sunt salutifera, sed mortifera. Medio ergo tempore Petrus et Paulus et alii Apostoli legalia observabant non simulatorie, sed vere. Petrus tamen incaute se habuit in observatione legalium, nimis condescendens Judæis illis qui legalia observanda esse dicebant, ita ut aliqui ejus exemplo inducerentur ad ea observanda quasi necessaria. Et ideo vere reprehensibilis erat, et aliquam levem incurrit culpam ; et Paulus vere et non dispensative ipsum reprehendit.

**316.** — Et per hoc patet solutio **AD PRIMUM** et **secundum** ; quia ante Christi passionem, quando Christus ea servavit, non erant mortua nec mortifera, sed salutifera ; tempore vero Apostolorum ante divulgationem Evangelii erant quidem mortua, quasi nullius existentia utilitatis, sed non mortifera.

1. Ed. « hos. ». — 2. Ed. « veteris legis ». — 3. Ed. *om.* « ea ». — 4. *a om.* per homot. « quod Apostoli aliquid contra veritatem doctrinæ fecissent ad vitandum scandalum Judæorum, nec iterum videtur conveniens ». — 5. *a ad.* quæ supra omisit : « nec iterum videtur conveniens quod Apostoli aliquid contra veritatem doctrinæ fecissent ad vitandum Judeorum scandalum. Et ideo Augustinus dicit aliter et melius ». — 6. *a om.* « quasi ».

**E 317.** — **Ad tertium** dicendum quod una circumstantia mutata facit actum bonum in genere, vel malum. Et ideo legalia quæ & absque consideratione alicujus temporis sunt indifferentia, suo tempore facta fuerunt bona, tempore autem non suo observata, Èr sunt facta mala. Et ideo bona intentione fieri non possunt bene.

**318.** — **AD QUARTAM QUÆSTIONEM** dicendum quod circa hoc sunt *tres* opiniones.

Una opinio dixit quod ad litteram intelligendum est illud præceptum quod legitur in *Actibus*, et ejus obligatio usque nunc manet.

**Sed hoc manifeste contrariatur dictis Pauli** qui dicit<sup>2</sup> « *nihil esse commune, idest immundum, per Christum, nisi ei qui æstimat aliquid esse commune* », Rom. xiv, 14. **Et iterum est contra rationem**; quia cum hoc præceptum non sit morale, quia naturalis ratio illud non dictat, oportet quod sit cæremoniale. Et ideo ejus obligatio non manet magis quam aliorum.

**319.** — Et ideo Al ii dixerunt quod non est intelligendum ad litteram de sanguine animalis, et suffocato animali, sed de effusione sanguinis quæ fit per homicidium, et de suffocatione pauperum.

**Sed hoc non potest stare**; quia Hieronymus Ezech. xviii<sup>3</sup>, post illam expositionem mysticam, expositionem ponit litteralem quam dicit Apostolos etiam intendisse.

**320.** — Et ideo Al ii dicunt quod epistola Apostolorum non erat præceptorum quantum ad hoc quod abstinerent<sup>4</sup> ab idolothytis<sup>5</sup> et sanguine et suffocato; sed erat quædam provisio ad conservandam pacem, et communem vitam Gentilium et Judæorum fidelium. Et ideo *fornicationem* prohibuerunt quasi per se malum, quod apud Gentiles non reputabatur pro peccato. *Idolothytum*<sup>6</sup> autem prohibuerunt quasi illud quod posset suspicionem idolatriæ adhuc retentæ generare de Gentilibus in cordibus Judæorum; *sanguinem autem suffocatum* sicut quod Judæi abominabantur propter dissuetudinem, sicut etiam usque hodie<sup>1</sup> aliquis si socialiter vult alii convivere, oportet quod absteineat ab his quæ alter abominatur.

Et per hoc patet responsio **AD PRIMUM**.

**321.** — **Ad secundum** dicendum quod dicuntur esse necessaria *quantum* ad sensum mysticum præactum, *vel quantum* ad observandum communitatem vitæ inter Judæos et Gentiles.

**322.** — **Ad tertium** dicendum quod Paulus non revocavit,

1. *α ad.* « hujus modi ». — 2. Ed. « dixit ». — 3. Non in cap. xviii, sed potius in cap xiv, 31, ubi post interpretationem « juxta litteram », ponit Hieronymus interpretationem « juxta anagogen ». (L. 25, 444f. — 4. Ed. *ad.* « se ». — 5. RANVP. « immolatiis ». — 6. RANVP « Immolatiium ».

sed exposuit Apostolorum intentionem, sicut qui præsens fuerat quando sententia data erat. Unde dicit *I Cor. vii, 1* : « *De his autem quæ idolis immolantur, non habemus omnes scientiam* » ; quia non omnes intelligebant qualiter essent prohibita.

## ARTICULUS VI

ra

[*Infra*, d. 4, q. 3, a. 3, sol. 2, ad 3 ; III, q. 70, a. 4, ad 2 ; *Mal.* q. 4, a. 8, ad 12.]

**323. — AD SEXTUM SIC PROCEDITUR.** Videtur quod ANTE CIRCUMCISIONEM NON VALEBAT AD REMISSIONEM ORIGINALIS PECCATI PRO PARVULIS SOLA FIDES.

1. Efficacior enim est caritas quam fides. Sed caritas aliena nunquam sufficit ad meritum. Ergo nec fides ad justificationem.

2. **Præterea.** Si fides aliena valebat, ergo eadem ratione et infidelitas nocebat ; et ita ex peccato actuali parentum puer puniretur : quod est inconveniens.

3. **Præterea.** Fides non magis juvat alium quam habentem. Sed illi qui habebant fidem, non semper juvabantur a fide, quia poterat esse quod haberent fidem informem. Ergo nec puero valebat fides parentum ad delendum originale peccatum.

**324. — SED CONTRA** est quod Gregorius dicit in *Littera* (12).

**325. — Præterea.** Peccatum quod ex altero contrahitur, ex altero potest habere medicinam. Sed peccatum originale parvuli ex altero contrahebatur. Ergo poterat ex fide aliena ab ipso mundari.

[II]

[*Infra* d. 4, q. 3, a. 3, sol. 2, ad 3 ; III, q. 68, a. 1, ad 1 ; q. 70, q. 4, ad 2.]

**326. — ULTERIUS.** Videtur QUOD FIDES NON SUFFECERIT SINE ALIQUO EXTERIORI SIGNO.

1. Dicit enim Augustinus *contra Faustum* (lib. XIX, c. 11 ; L. 42, 355) quod in nullum nomen religionis, sive verum, sive falsum, poterant homines sine aliquo signo visibili [adunari] Sed per id quo originale deletur, homines in religionem veræ fidei adunantur, quia oportet hujusmodi remedium esse intrantum. Ergo oportebat quod fieret aliquo visibili signo.

2. **Præterea.** Actus mentis se potest extendere ad natos et non natos, sed conceptos, æqualiter. Si ergo fides sine exteriori signo sufficiebat ad deletionem originalis, videtur quod poterant

1. Ed. « dicitur ». — 2. Ed. « sufficit ». — 3. Ed. « etiam ». — 4. *αβγδ* « adjuvari », RANVP, « adunari », F, « adjurari », Augustinus « conglulari ». — 5. Ed. « illud ». — 6. *a ad.* « ad ». — 7. Intellige « se æqualiter ostendere ».

p<sup>88</sup> etiam nondum nati ab originali peccato per fidem mundari.  
 3. **Præterea.** Modo non valet fides ad salutem sine aliquo signo exteriori. Si ergo tunc valuisset, videtur quod fuisset majoris efficaciam quam modo.

327. — **SED CONTRA** est quia secundum hoc non esset differentia inter parvulos et adultos, quam tamen Gregorius assignat (12).

328. — **Præterea.** Omnia sacramenta illius temporis habebant totam efficaciam suam ex fide. Ergo tantum faciebat fides sine exteriori signo, quantum cum eo ; et ita exteriora signa non requirebantur, ut videtur.

## [III]

[I-II, q. 103, a. 1, ad 1 ; III, q. 68, a. 1, ad. 1.]

329. — **ULTERIUS.** Videtur QUOD IN ADULTIS NON REQUIRERETUR SACRIFICIUM VEL ALIUD HUIUSMODI.

1. Non minus enim valet alicui fides propria quam alteri fides aliena. Sed pueris sufficiebat fides aliena sine exteriori signo, ut probatum est. Ergo et adultis.

2. **Præterea.** Hugo de sancto Victore dicit (lib. I *de Sacram.*, p. 11, c. 3 ; 4, 5 ; L. 176, 343), quod nullus obligabatur ad sacramenta, illius temporis, sed voto celebrabantur. Sed quod est huiusmodi, non est de necessitate salutis. Ergo absque sacrificiis poterat emundari ab originali.

330. — **SED CONTRA** est quod Gregorius in *Littera* (12) dicit quod « pro parvulis sola fides, pro adultis sacrificia et oblationes2. »

331. — **RESPONSIO [AD PRIMAM QUÆSTIONEM]**3 dicendum quod peccatum originale est peccatum naturæ. Natura autem reparari non poterat nisi per Christum. Et ideo nunquam poterat remitti peccatum originale alicujus nisi facta relatione et quadam continuatione illius qui curari debebat, ad Christum : quod per fidem fiebat. Et ideo fides Mediatoris semper fuit efficax ad curandum ab originali, in illis quidem qui usum liberi arbitrii habebant, propria ; in aliis4 aliena, ut nec eis omnino deesset divinum remedium.

332. — **AD PRIMUM** ergo dicendum quod fides est in cognitione, caritas autem in affectione. *Affectio* autem est ejus quod est sibi bonum ; sed *cognitio* est ejus quod est verum simpliciter. Et ideo fides poterat magis respicere Mediatorem, prout erat causa salutis alteri, quam caritas. Et propter hoc magis justificatio quæ fit in sacramentis, attribuitur fidei quam caritati.

1. « Nempe quod pro parvulis eo tempore sola fides et pro adultis oblationes vel sacrificia valerent ». N. — 2. N. *ad.* « valebant ». — 3. Ed. et cod. *om.* « ad primam questionem ». — 4. Ed. *ad.* « vero ».

**333.** — **Ad secundum** dicendum quod fides aliena non juvabat inquantum erat actus personae, sed ex parte illa qua respiciebat objectum suum<sup>1</sup> quod erat medicina totius naturæ; in quo habebat quamdam similitudinem cum sacramentis nostris, inquantum justificabat ex objecto, *quasi ex opere operato*, non autem ex opere operante.

**334.** — Et per hoc patet solutio **ad tertium**; quia formatio et informitas fidei sunt conditiones ejus *ex parte operantis*, non autem ex parte objecti. Et ideo informitas fidei in parente non impediēbat effectum salutis in filio; impediēbat autem in ipso, quia informitas illa proveniebat ex aliquo quod erat contrarium salutis, scilicet ex peccato mortali.

**335.** — **AD SECUNDAM QUÆSTIONEM** dicendum quod circa hoc est *duplex* opinio.

Quidam enim dicunt quod non sufficiebat fides sine protestatione fidei facta per aliquod exterius signum; et erat differentia inter parvulos et adultos quantum ad hoc tantum quod parvulis sufficiebat fides aliena cum exteriori signo ab aliis facta, sed adultis fides propria cum signo ab eis facta.

**336.** — Sed quia **hoc non videtur consonare cum verbis** Gregorii in *Littera* positus, ideo Alii **probabilius dicunt** quod parvulis sufficiebat sola fides sine omni exteriori signo; non autem habitus fidei solum, sed motus ejus relatus ad salutem pueri in vi cujusdam intensionis<sup>2</sup> interioris fidei, quicumque esset ille qui quoquo modo<sup>3</sup> professionem fidei suæ ad puerum<sup>4</sup> referret<sup>5</sup>; magis tamen pertinebat hoc ad parentes, qui pueri curam habere debebant, et per quos originale contraxerat.

**337.** — **AD PRIMUM** ergo dicendum<sup>6</sup> quod illud signum<sup>7</sup> per quod homines tempore legis naturæ in veram religionem congregabantur, non habebat virtutem nisi ex fide. Et ideo non erat necessitatis, sed pro voto celebrabatur, ut unus alii innotesceret.

**338.** — **Ad secundum** dicendum quod puer adhuc in utero matris existens, quantum ad humanam cognitionem pertinet, non habet esse distinctum a matre<sup>8</sup>. Et ideo per actum hominis gratiam consequi non potest nec nunc ut mundetur ab originali per baptismum, nec tunc ut mundaretur per fidem parentum.

1. N. *ad*. « scilicet Christum ». — 2. « Nec certe ullo modo consonat. Nam cum non possit *intelligi* propria parvulorum, sed aliena offerentium fides, quomodo sola sufficere parvulis diceretur, si eam alicui signo exteriori conjunctam esse oporteret, quantumvis ab aliis non a parvulis exhibito ». N. — 3. *a* « quicumque esset et quocumque modo ». N. « quicumque esset ille qui quocumque modo ». — 4. N. *ad*. « suum ». — 5. *ad* « inferret ». — 6. RANVP. *ad*. « secundum hoc ». — 7. Ed. *om.* « signum ». — 8. Id est, nondum humana cogitione apprehenditur quod habeat *esse* distinctum a matre, immo nec certum esse potest quod habeat in eo statu *esse* humanum. N.

Sed divinitus mundari potest, sicut de sanctificatis in utero apparet.

**339.** — **A**§1 **tertium** dicendum quod fidei efficacia non est diminuta, cum omnia sacramenta ex fide efficaciam habeant : sed est ei aliquid adjunctum quod necesse est observari : sicut non est minoris efficiaciæ lex moris in religioso quam in saeculari ; quamvis præcepta moralia sufficiant ad salutem saeculari, sed in religioso requiruntur consilia, ad quæ se ex voto obligavit.

**340.** — **AD TERTIAM QUÆSTIONEM** dicendum quod *illa sacramenta legis naturæ* non erant ex præcepto divino obligantia, sed *ex voto celebrabantur* ; secundum quod unicuique dictabat sua mens, ut fides suam aliis exteriori signo profiteretur ad honorem Dei, secundum quod habitus caritatis inclinabat ad exteriores actus. Et sic dicimus de caritate quod sufficit motus interior. Quando autem habet tempus operandi, requiruntur etiam exteriores actus.

**341.** — *Ita etiam quantum ad adultos in lege naturæ sufficiebat sola fides*, cum etiam modo sufficiat ei qui non ex contemptu sacramenta dimittit ; sed ipsa fides, quando tempus habebat, instigabat ut se aliquibus signis exterioribus demonstraret. Quando autem illa signa adhibebantur, non erat efficacia remissionis culpæ ex illis exterioribus, sed ex interiori fide. Et sic intelligenda sunt verba Gregorii.

Et per hoc patet solutio ad objecta.

#### EXPOSITIO SECUNDÆ PARTIS TEXTUS

**342.** — « In sinu Abrahæ, » (**IP**) sinus Abrahæ vocatur limbus patrum, in quo distincti erant sancti ab aliis. Et quia Abraham primus ab infidelibus loco et ritu se separasse legitur, ideo dicitur Abrahæ sinus.

**343.** — « Lapideo cultro, » (**13a**) intelligendum est non semper, sed in quibusdam notabilibus circumcisionibus, sicut legitur *Exod.* 4, et *Jos.*, 5.

**344.** — « In carne vero præputii » (**13c**). Caro præputii dicitur hic pellicula contegens carnem, quia in ipsa carne, ubi concupiscentia magis est, non poterat abscissio fieri sine periculo.

**345.** — « Tamen sub lege, ingruente etc » (**15a**). Magister hic loquitur secundum opinionem suam ; tamen *alia opinio* quæ supra posita est *videtur esse magis probabilis*.

## DISTINCTIO II

### De sacramentis novæ legis

1. — Jam ad sacramenta novæ legis accedamus quæ sunt : baptismus, confirmatio, panis benedictio, idest eucharistia, pœnitentia, unctio extrema, ordo, conjugium. Quorum alia remedium contra peccatum præbent et gratiam adjutricem conferunt, ut baptismus ; alia in remedium tantum sunt, ut conjugium ; alia gratia et virtute nos fulciunt, ut eucharistia et ordo.

Quare mox post hominis casum non fuerint instituta

2. — Si vero quæritur quare non fuerint hæc sacramenta instituta mox post hominis lapsum, cum in his sit justitia et salus, dicimus non<sup>2</sup> ante adventum Christi qui gratiam attulit, gratiæ sacramenta fuisse danda, quæ ex ipsius morte et passione virtutem sortita sunt. Christus autem venire noluit, antequam homo de lege naturali et scripta convinceretur quod neutra juvare posset.

Quod sacramentum conjugii fuit ante peccatum

3. — « *Fuit tamen conjugium ante peccatum institutum non utique propter remedium, sed ad sacramentum et ad officium?* » ; post peccatum vero fuit<sup>4</sup> remedium contra carnalis concupiscentiæ corruptelam : de quo suo loco tractabimus, (d. 26.)

### De baptismo

4. — Nunc vero de baptismi sacramento videamus quod inter novæ gratiæ sacramenta primum est.

Baptismum Christi Joannes suo baptismo prænuntiavit, qui primus baptizasse legitur, sed in aqua non in spiritu, sicut ipse ait : (Joan, i, 26). « *Ego baptizo* » *cos in aqua, in poenitentiam*<sup>5</sup> ». Sola enim corpora abluebat, a peccatis vera non mundabat.

Baptismus Joannis erat in poenitentiam, non in remissionem; baptismus vero Christi in remissionem ; quia Joannes baptizans homines ad poenitentiam vocabat, et quos baptizabat, poenitere docebat, secundum illud (Marc., i, 5). « *Veniebant ad Joannem in Jordanem, confidentes peccata sua.* » Sed in baptismo Joannis non dabatur peccatorum remissio quæ data est in Christi baptismo.

1. Quar. « benedictionis ». — 2. N. F. om. « non », sed F. ad. ante « fuisse danda ». — 3. Hugo de S. V., *I De Sacram.*, p. 8, c. 11 et 13 ; II, p. 11, c. 1 et 3 (L. 176 . 311 180, 481). — 4. Quar. ad. « in ». — 5. Cf. *Sum. Sent*, tract. 5, c. 1 (L. 176, 127)

## Quid utilitatis habebat baptismus Joannis

5. — « *Ad quid ergo utilis erat baptismus Joannis? Quia homines usu baptizandi praeparabat ad baptismum Christi.* »

6. — Sed quaeritur quare dictus est baptismus Joannis, sicut Veritas dicit (Mat., xxi, 25): « *Baptismus Joannis unde est?* » Quia ibi Joannis operatio tantum visibilis erat exterius lavantis, non invisibilis gratia Dei interius operantis. Sed tamen et illa Joannis operatio a Deo erat, et baptismus ille a Deo erat, non ab homine; sed hominis dictus est, quia nihil gerebatur quod non ageret homo.

7. — Si vero quaeritur an sacramentum fuerit, satis potest concedi ex eo sensu quo legalia signa dicuntur sacramenta. Significabat enim baptismus Joannis rem sacram, scilicet baptismum Christi, qui non tantum est poenitentiae, sed et remissionis peccatorum.

## De forma baptismi Joannis et de baptizatis ab eo

8. — Hic considerandum est, si baptizati a Joanne, iterum baptizati sint\* baptismi Christi et qua forma verborum usus sit Joannes.

Illi qui baptizati sunt a Joanne, nescientes Spiritum sanctum esse, ac spem ponentes in illius baptismo, postea baptizati sunt baptismi Christi. Baptismus autem Joannis in nomine venturi tradebatur.

Unde Hieronymus<sup>5</sup> *super Joelem* (c. 2; L. 25, 976). « *Qui dicit se in Christum credere, non credens in Spiritum sanctum, perfectae fidei oculos non habebit.* » Unde baptizati a Joanne in nomine venturi, idest Domini Jesu, quia dixerunt (Act., xix, 2). « *Sed neque si Spiritus sanctus est audivimus* », iterum baptizabantur<sup>6</sup>; immo verum baptisma accipiebant<sup>7</sup>.

Illi vero qui spem non posuerunt in baptismo Joannis, et Patrem et Filium et Spiritum sanctum credebant, non postea baptizati fuerunt, sed impositione manuum ab Apostolis super eos facta Spiritum sanctum receperunt. Alii vero qui non ita credebant, baptizati sunt baptismi Christi, ut praedictum est.

Unde Hieronymus ep. 69 *ad Oceanum*, (n. 6; L. 22, 660). « *Qui Spiritum sanctum nesciebant, cum baptismum a Joanne acceperunt<sup>9</sup>, iterum baptizati sunt baptismi Christi, ut praedictum est<sup>10</sup>, ne quis ex Judaeis vel Gentibus putaret aquam sine Spiritu sancto ad salutem posse sufficere.* »

De hoc etiam Ambrosius (in libro I *de Spiritu sancto*, c. 3, n. 41; L. 16, 713) ait: « *Quidam negaverunt se scire Spiritum sanctum, cum baptizatos se dicerent baptismi Joannis, qui in advenientis Jesu, non in suo baptizavit nomine... Isti ergo quia nec in Christi nomine, nec cum fide Spiritus sancti baptizati fuerant, non potuerunt accipere baptismi sacramentum. Baptizati sunt ergo in nomine Christi; nec iteratum est in his baptisma, sed innovatum.* » (Ibid., n. 42.)

## DIVISIO TEXTUS

## 9. — « Jam ad sacramenta novae legis, etc. » (1)

Postquam determinavit Magister de sacramentis in communi, hic descendit ad sacramenta novae legis, de quibus principaliter intendit.

1. Ibid. — 2. Quar. om. « quaeritur ». — 3. Quar. « signabat ». — 4. N. V. P. F. « sunt ». — 5. Quar. « et non credit in Spiritum sanctum, nondum habet claros oculos. » — 6. F. « baptizantur ». — 7. Quoad sensum ap. Hieronymum, loc. cit. — 8. Ed. om. « post ». — 9. Ed. « ceperunt ». — 10. Quar. om. « baptismi Christi, ut praedictum est ».

Et dividitur in partes *duas*. *In prima* determinat de quibusdam quæ præexiguntur ad sacramenta novæ legis; *in secunda* prosequitur de eis, 3 d., ibi : « Post hoc videndum est etc.1 »

Prima dividitur in *duas*. *In prima* determinat quædam quæ præexiguntur ad sacramenta novæ legis ordine doctrinæ. *In secunda* determinat de baptismo Joannis quod præexigebatur ad ea ut dispositio, sive præparatio, ibi : « Nunc autem de baptismo2 etc. » (4)

Circa primum *duo* facit. *Primo* ponit distinctionem sacramentorum novæ legis et quantum ad numerum et quantum ad effectum. *Secundo* ponit eorum institutionem, ibi : « Si vero quæratur etc. » (2).

Ubi *primo* ponit communem sacramentorum novæ legis institutionem. *Secundo* excipit matrimonium quantum ad aliquid, ibi : « Fuit tamen conjugium etc.3 » (3)

« Nunc vero4 de baptismo etc.5 (4). *Hic delerminat de baptismo Joannis*. Et circa hoc *duo* facit. *Primo* determinat de ipso baptismo secundum se; *secundo* de eo quantum ad suscipientes, ibi : « Hic considerandum est etc. » (8)

Circa primum *duo* facit. *Primo* ostendit differentiam baptismi Joannis ad baptismum Christi. *Secundo* ostendit quasdam condiciones baptismi Joannis6; *primo* utilitatem, ibi : « Ad quid ergo etc.7 » (5); *secundo* nomen, ibi : « Sed quæritur quare dicitus est etc.8 » (6); *tertio* genus, ibi : « Si vero quæritur etc. » (7)

Hic est duplex quæstio.

Primo de sacramentis novæ legis in generali.

Secundo de baptismo Joannis.

## QUÆSTIO I

Circa primum quæruntur quatuor.

*Primo*, de distinctione9 sacramentorum quantum ad effectum.

*Secundo*, de distinctione eorum quantum ad numerum.

*Tertio*, de ordine ipsorum.

*Quarto*, de institutione eorum.

1. Ed. *om.* « etc. » — 2. Ed. « baptismi a. — 3. Ed. *om.* « etc. » — 4. Ed. « autem », — 5. Ed. « baptismi » et *om.* « etc. » — 6. Ed. *ad.* « et ». — 7. Ed. *om.* « etc. » — 8. Ed. *om.* « etc. » — 9. *ab* RA?SV., contra 3 η « definitione ».

## ARTICULUS I

## [I]

[III, q. 65, a. 1, c. et ad 5.]

**10. — AD PRIMUM SIC PROCEDITUR.** Videtur quod NON OMNIA SACRAMENTA SINT INSTITUTA IN REMEDIUM CONTRA ALIQUEM ANIMÆ DEFECTUM.

1. Sacramentum enim a sanctitate dicitur. Sed sapientia non semper importat remedium contra defectum, sed etiam confirmationem in bono. Ergo non omne sacramentum est ad remedium institutum.

2. **Præterea.** Omne remedium contra aliquem defectum ad purgationem pertinet. Sed Dionysius (de *Eccles. Hier.*, c. 1, p. 1, n. 3 ; G. 3, 503) distinguit sacramenta quæ pertinent ad perfectionem, scilicet confirmationem et eucharistiam, ab illis quæ pertinent ad purgationem, sicut est baptismus. Ergo non omne sacramentum est ad remedium.

3. **Præterea.** Hoc videtur ex divisione quam Magister ponit in *Littera* (1). Quibusdam enim attribuit remedium conferre et gratiam, sicut baptismo ; quibusdam gratiam tantum sicut confirmationi et ordini ; matrimonio autem remedii collationem tantum. Ergo non omne sacramentum est ad remedium institutum.

**11. — SED CONTRA** est quod Hugo de sancto Victore dicit (I de *Sacram.*, p. 9, c. 3 ; L. 176, 319) quod sacramenta sunt vasa medicinalia. Sed omnis medicina est in remedium alicujus morbi. Ergo et omne sacramentum est in remedium alicujus defectus spiritualis.

**12. — Præterea.** Sacramenta, ut dictum est, habent efficaciam a passione Christi. Sed passio Christi directe ordinatur ad tollendos defectus nostros. Ergo et sacramenta in remedium ordinata sunt.

## [II]

[Infra d. 26, q. 2, a. 3, c. et ad 4.]

**13. — ULTERIUS.** Videtur quod aliquod sacramentum sit tantum in remedium, scilicet matrimonium.

1. Solus enim consensus mutuus matrimonium facit. Sed consensus non potest esse causa gratiæ, quia gratia non est ex actibus nostris. Ergo in matrimonio gratia non confertur. Et sic est in remedium tantum.

1. Ed. « intelligitur ». — 2. Ed. « definitione ».

2. **Præterea.** Secundum Hugonem (I de Sacram., p. 9, c. 2; L. 176, 317), sacramenta ex sanctificatione invisibilem gratiam continent. Sed sanctificatio quæ fit per ministros Ecclesiæ non est de essentia matrimonii quantum ad sacramenti necessitatem, sed solum est de solemnitate ipsius. Ergo non confertur ibi gratia. Et sic idem quod prius.

3. **Præterea.** Hoc Magister expresse in *Liltera (I)* dicit.

14. — **SED CONTRA.** Definitio generis debet omnibus speciebus convenire. Sed in definitione sacramenti novæ legis ponitur: « *ut causa gratiæ existat.* » Ergo convenit matrimonio. Et sic non est tantum in remedium.

### [III]

15. — **ULTERIUS.** Videtur quod sacramenta non sint IN REMEDIUM CONTRA PÆNAM, SED SOLUM CONTRA CULPAM.

1. Sacramenta enim efficaciam habent ex hoc quod gratiam continent. Sed gratia non opponitur pœnæ, sed culpæ. Ergo sacramenta non ordinantur in remedium contra pœnam.

2. **Præterea.** Sapientis medici est per causam curare effectum. Sed causa pœnæ est culpa. Ergo cum Christus sit sapientissimus medicus, non instituit aliqua sacramenta ad curandum pœnam, nisi ea quæ curant et culpam.

16. — **SED CONTRA.** Extrema unctio contra infirmitatem videtur ordinari, ut patet *Jac. ull.*, (14). Sed infirmitas poena est. Cum ergo extrema unctio sit sacramentum, aliquod sacramentum ordinabitur contra pœnam, et non tantum contra culpam.

### [IV]

[*Infra d. 16, q. 1, a. 2, sol. 3, ad 1; d. 17, q. 3, a. 3, sol. 3, ad 2; III, q. 65, a. 1, ad 8; Mat. q. 7, a. 11, ad 14.*]

17. **ULTERIUS.** — Videtur quod aliquod sacramentum ORDINETUR CONTRA CULPAM VENIALEM.

1. Quædam enim sacramenta sunt nociva, nisi deposito mortali accipiantur, sicut patet de eucharistia et de ordine. Sed dantur in remedium alicujus culpæ. Ergo dantur contra venialem.

2. **Præterea.** Medecina spiritualis magis debet apponi contra culpam quam contra pœnam. Sed peccatum veniale culpa aliqua est. Cum ergo aliqua sacramenta ordinentur contra pœnam, multo fortius videtur quod aliquod possit ordinari contra culpam venialem.

18. — **SED CONTRA.** Pœnitentia ordinatur contra mortale

1. *α om.* « contra ».

et veniale peccatum : quod patet ex *Magistro* qui infra determinat de poenitentia venialium, et *Augustinum* in lib. *de Pœnitenlia* (*Serm.* 352, c. 2 ; L. 39, 1556). Sed poenitentia sufficit contra mortale nec aliud sacramentum contra mortale ordinatur. Ergo multo magis sufficit contra veniale ; nec oportet aliquod sacramentum speciale contra veniale ordinari.

**19. — RESPONSIO.** Dicendum **AD PRIMAM QUÆSTIONEM** quod quandocumque ad perfectionem alicujus rei oportet aliquid apponere ultra id quod requirit ordo illius naturæ secundum se consideratæ hoc accidit ad subveniendum alicui defectui illius rei : sicut quando ad sustentationem corporis non sufficit cibum ministrare, nisi addantur aliqua digestiva, signum est defectus in virtute digerente.

Ex ordine autem humanæ naturæ nihil aliud requiritur ad ejus perfectionem spiritualem, nisi Deus influens et gratia et virtutes influxæ.

**20. —** Unde cum aliquæ res corporales adhibentur ad hominis sanctificationem ex quibus secundum ordinem naturæ sanctificatio hominis non dependet, signum est quod hoc sit ad subveniendum alicui defectui ipsius. Et ideo cum hoc inveniat in omnibus sacramentis, **omnia sacramenta in remedium alicujus spiritualis defectus instituta sunt.**

**21. — AD PRIMUM** ergo dicendum quod ex hoc ipso quod ad sanctitatem homo perducitur per ea quæ naturæ secundum se consideratæ ordo non requirit, signum est quod alicui defectui remedium adhibetur. Unde quamvis sacramenta ex ratione sanctificationis non habeant quod sint in remedium, habent tamen hoc ex modo sanctificandi.

**22. — Ad secundum** dicendum quod defectus spiritualis *dupliciter* contingit, sicut et corporalis.

*Uno modo* ex positione contrarii, sicut quando corpus est ægrum et quando in anima est peccatum.

*Alio modo* ex subtractione ejus quod ad perfectionem necessarium erat vel corporis vel animæ : sicut quando corpus est debile ad exercenda corporalia opera, et similiter quando spiritus ad exequenda spiritualia.

*Remedia* ergo quæ dantur *contra primum defectum*, aliquid realiter tollunt. Et ideo *purgationis rationem habent*

*Remedia* autem quæ sunt *contra defectum secundum*, non tollunt aliquid secundum rem, sed solum aliquid adjiciunt ad perfectionem. Et ideo talia remedia non *dicuntur* purgare, sed *perficere*. Et hæc eadem sunt quæ *Magister* dicit nos « *gratia*

*et virtute fulcire » in quantum perfectiva sunt ; nihilominus tamen in remedium alicujus defectus sunt.*

Unde patet solutio **ad tertium.**

**23. — AD SECUNDAM QUÆSTIONEM** dicendum quod circa hoc sunt *duæ opiniones.*

Una est quod in matrimonio gratia aliqua non confertur ; sed tantummodo sit in remedium contra concupiscentiam.

Hoc autem non videtur convenienter dictum ; quia *aut* intelligitur esse in remedium concupiscentiæ, quasi concupiscentiam reprimens : quod sine gratia esse non potest ; *aut* quasi concupiscentiæ in parte satisfaciens : quod quidem facit ex ipsa natura actus, non intellecta etiam ratione sacramenti ; et præterea concupiscentia non reprimitur per hoc quod ei satisfit, sed magis augetur, ut Philosophus dicit in III *Eth.* ( $\gamma$  15. 1119b, 8-10 ; l. 22. n. 646) ; *aut* in quantum excusat concupiscentis actum, qui sine matrimonio deformis esset ; et hoc quidem facit per bona matrimonii qua ; ei conveniunt etiam in quantum est in officium, et ratione suæ significationis cum qua communicat cum sacramentis veteris legis ; et ita per hoc non haberet aliquid præ illis, ut cum sacramentis novæ legis computari debeat.

**24. —** Et propter hoc Alii dicunt quod matrimonium consideratur in *triplici* statu. *Primo ante peccatum* et tunc erat tantum in ollicium. *Secundo sub lege*, ubi ex ipsa sanctificatione sua excusabilem reddebat matrimonii actum qui absque hoc turpis fuisset. *Tertio sub statu gratiæ*, ubi ulterius gratiam confert ad concupiscentiam reprimendam, ut scilicet « *unusquisque possideat vas suum in honorem, et non in contumeliam, sicut et gentes quæ ignorant Deum* », I *The.*, iv, 4. Et *Tob.* vi, 17, dicitur quod in illis qui in timore Dei uxores accipiunt, dæmon potestatem non habet.

**25. — AD PRIMUM** ergo dicendum quod *sicut* res corporales quæ sunt in aliis sacramentis non habent ut propria virtute gratiam conferre possint, sed ex institutione divina, *ita* etiam est de illis quæ matrimonium causant, quæ ex ipsa institutione divina habent quod ad gratiam instrumentaliter disponant, nisi sit defectus ex parte nostra.

**26. — Ad secundum** dicendum quod *quædam sacramenta* sunt ad quorum efficaciam præexigitur sanctificatio materiæ, ut patet in confirmatione vel extrema unctione ; *quædam* vero non præexigunt prædictam sanctificationem, sicut patet in baptismo. Unde benedictio materiæ quæ fit a ministro non est de necessitate, sed *de solemnitate sacramenti.* *Et similiter est etiam de matrimonio.*

27. — **Ad tertium** dicendum quod unumquodque denominatur ab eo ad quod est. Gratia autem quæ in matrimonio confertur, secundum quod est sacramentum Ecclesiæ in fide Christi celebratum ordinatur directe ad reprimendum concupiscentiam quæ concurrit ad actum matrimonii. Et ideo Magister dicit quod matrimonium est tantum in remedium ; sed hoc est per gratiam quæ in eo confertur.

28. — **AD TERTIAM QUÆSTIONEM** dicendum quod *duplex* est pœna peccati. *Quædarp quæ pro peccato infligitur*, sicut poena inferni et flagella quibus a Deo temporaliter punimur ; *quædam ex ipso peccato consequens immediate*, et per consequens ad peccatum ordinans, sicut est debilitatio naturæ ad resistendum peccato, et hujusmodi.

*Contra primam autem pœnam non datur sacramentum in remedium directe*, sed ex consequenti, ut scilicet curata causa, scilicet peccato, cesset effectus, scilicet poena ; sed **contra secundam pœnam datur directe aliquod sacramentum**, illa scilicet quæ in remedium sunt contra defectum contingentem ex subtractione necessarii, non ex positione contrarii.

29. — **AD PRIMUM** ergo dicendum quod pœnæ contra quas dictum est sacramentum ordinari, etiam ad gratiam contrarietatem habent ; quia ex subtractione gratiæ contingunt et in contrarium gratiæ ordinant.

30. — **Ad secundum** dicendum quod *sicut est in medicina corporali*- quod curato morbo adhuc remanent aliquæ reliquæ morbi ex morbo causatæ, contra quas oportet specialia medicamenta dari ; *ita etiam est in medicina spiritali* ; et propter hoc contra prædictas pœnas oportet esse aliqua sacramenta.

31. — **AD QUARTAM QUÆSTIONEM** dicendum quod circa hoc est *duplex* opinio.

*Quidam enim dicunt aliqua sacramenta in remedium venialis dari, sicut eucharistiam et extremam unctionem.*

**Sed hoc non videtur convenienter dictum ; quia** poenitentia purgativa est universaliter omnis peccati actualis, mortalis et venialis. Unde ad hoc non oportebat aliquod sacramentum institui.

*Et præterea.* Etiam non existentibus venialibus, adhuc necessitas illorum sacramentorum esset ad copummandum in bonum, secundum doctrinam Dionysii.

32. — **Et ideo aliter dicendum** quod contra veniale non ordinatur aliquod sacramentum ad curationem ipsius principaliter institutum, quamvis ex consequenti multa sacramenta contra venialia valeant.

*Veniale enim et culpa est ei dispositio ad culpam, imperfectam tamen culpæ rationem habens, ita quod gratiam non excludit.*

*El ideo inquantum culpa est, potest tolli per omnia sacramenta quæ contra culpam tollendam ordinantur; inquantum vero est dispositio ad culpam, et ablata mortali culpa remanens, potest tolli etiam per sacramenta illa quæ contra pœnam ex culpa relictam et ad culpam inclinantem ordinantur.*

**33. — AD PRIMUM** ergo dicendum quod illa sacramenta quæ gratiam in suscipiente præexigunt non ordinantur directe contra culpam; quia non sunt ad tollendum contrarium, sed ad supplendum defectum.

**34. — Ad secundum** dicendum quod sacramentum quod tollit mortalem culpam, sufficit etiam ad tollendum venialem. Et ideo contra veniale non oportet aliquod sacramentum dari, sicut contra reliquias culpæ, ad quarum ablationem poenitentia non ex toto sufficit sine aliis sacramentis.

## ARTICULUS II

[III, q. 65, a. 1; IV Cg. c. 58; De Eccles. Sacram.]

**35. — AD SECUNDUM SIC PROCEDITUR.** Videtur quod NON DEBEANT ESSE SEPTEM SACRAMENTA.

1. Sicut enim supra dictum est, omnia sacramenta efficaciam habent a passione Christi. Sed unum sacramentum est quod directe est repræsentativum passionis Christi et ipsum totum Christum continet, scilicet eucharistia. Ergo illud sacramentum sufficeret.

2. **Præterea.** Quod potest fieri per unum, non debet fieri per plura. Sed per baptismum tolluntur omnia peccata. Ergo non oportebat quod aliquod aliud sacramentum contra culpam ordinaretur.

3. **Præterea.** Sacramenta in remediufri contra defectum ordinantur. Sed duplex est defectus, scilicet culpæ quæ est quasi contrarium, et pœnæ quæ ex defectu gratiæ accidit, ut dictum est (22). Ergo duo sacramenta sufficerent.

4. **Præterea.** In lege nova, ubi manifestior est veritas, minimum debet esse de figuris. Sed in lege naturæ, secundum Hugonem (*I de Sacram.*, p. 11, c. 3; L. 176, 343), erant tantum tria sacramenta: scilicet oblationes, decimæ et sacrificia. Ergo non debent esse plura sacramenta in lege nova quam tria.

5. **Præterea.** Sacramenta legalia nostrorum sacramentorum figuræ fuerunt. Sed ipsi non habuerunt aliqua sacramenta respondentia confirmationi et extremæ unctioni. Ergo nec nos hujusmodi sacramenta habere debemus.

**6. Præterea.** Dionysius in *Eccl. Hierar.*, ubi de sacramentis tractat, matrimonium et poenitentiam omittit. Ergo videtur quod non sint nisi quinque sacramenta.

**36. — SED CONTRA.** Videtur quod sint plura.

7. Omne enim illud quod in remedium peccati datur, videtur esse sacramentum. Sed aqua benedicta est hujusmodi, quia per eam venialia tolluntur. Ergo est sacramentum.

8. **Præterea.** *Sicut* circa concupiscentiam quæ est in venereis, contingit esse peccatum intemperantiæ ; *ita* circa concupiscentiam quæ est in cibis et potibus. Sed contra primam concupiscentiam habemus unum sacramentum. Ergo et contra secundam habere debemus.

9. **Præterea.** Dionysius (*De Eccl. Hier.*, c. 6, p. 3; G. 3, 534) inter sacramenta nominat monasticam consummationem, sive consecrationem. Sed non computatur inter septem sacramenta hic enumerata. Ergo sunt plura quam septem.

10. **Præterea.** Oblationes et decimæ in lege naturæ erant sacramenta, secundum Hugonem (*Z de Sacram.*, p. 11, c. 3 ; L. 176, 343). Cum ergo modo sint oblationes et decimæ, videtur quod sint sacramenta. Et sic idem quod prius.

11. **Præterea.** Sacramenta ex sanctificatione invisibilem gratiam continent, secundum Hugonem (*Z de Sacram.*, p. 9, c. 2 ; L. 176, 317). Sed multæ sunt sanctificationes per ministros Ecclesiæ factæ quæ hic non numerantur : sicut consecratio templi et altaris et sacrarum vestium et hujusmodi. Ergo sunt plura sacramenta quam septem.

**37. — RESPONSIO.** Dicendum quod sacramenta ex hoc quod sunt sacramenta, habent quod sint in remedium contra defectum aliquem ; ex hoc autem quod sunt sacramenta Ecclesiæ, habent per ministros Ecclesiæ dispensari et in membra Ecclesiæ transfundi. Et ideo *dupliciter* potest accipi numerus sacramentorum proprie.

**Primo ex defectibus contra quos sacramenta ordinantur.** Ordinantur autem sacramenta, ut ex dictis patet, ad tollendum contrarium et ad supplendum defectum.

Contrarium autem sanctitati est culpa : quæ quidem *dupliciter* tollitur. *Uno modo*, impediendo ne fiat ; et hoc modo in remedium culpæ **matrimonium** ordinatur. *Alio modo* subtrahendo jam existentem ; et sic contra originalem culpam ordinatur **baptismus**, contra actuale **poenitentia**.

Secundum remedium præbent supplendo quod deficit et ea quæ perfectionis sunt effectiva. Est autem *duplex* perfectio. *Una* formæ ad actum ; et hanc quidem perfectionem facit **ordo** quantum ad executionem bonorum, quia reddit hominem idoneum ad dispensationem sacramentorum ; sed quantum ad perpessio-

nem difficilium facit dictam perfectionem **confirmatio** quai hominem fortem reddit, ut nomen Christi propter pressuras mundi confiteri non refugiat.

*Alia* autem perfectio est in ordine ad finem, ad quem per actus pervenitur; et hanc quidem perfectionem quantum ad finem intra facit **extrema unctio** quæ est quædam delibutio præparans in gloriam resurrectionis; quantum vero ad finem extra facit **eucharistia** quæ membra capiti conjungit. Et quia hic est ultimus terminus nostræ sanctificationis, ideo dicit Dionysius (De *Eccl. Hier.*, c. 2 et 3; G. 3, 391 sq.), quod omnis alia sanctificatio in eucharistiam terminatur, quia et ordinati et baptizati eucharistiam sumunt.

**38. — Si autem considerantur sacramenta ut sunt Ecclesiæ sacramenta**, scilicet per ministros Ecclesiæ dispensanda, sic potest secundum doctrinam Dionysii (c. 5 *Eccles. Hier.*, n. 3; Cr. 3, 503), modo numerus eorum accipi. In qualibet enim hierarchia oportet esse actionem hierarchicam, et exercentes eam, et recipientes.

*Recipientes* autem per ipsas actiones superiorum in suis gradibus perficiuntur; et ideo ex parte eorum non debet esse aliquod speciale sacramentum, per quod receptivi sacramentorum fiant.

*Aelio* autem *hierarchica* est triplex scilicet purgare, illuminare, perficere. Sed quia nullum sacramentum novæ legis purgat sine gratiæ infusione quæ illuminatio dicitur, ideo Dionysius in sacramentis conjungit purgationem illuminationi. Potest autem esse in sacramentis *purgatio* vel a culpa; et sic habet purgativam et illuminativam vim quantum ad originale **baptismus**, quantum ad actuale **poenitentia**; vel a reliquiis culpæ, et sic **extrema unctio** purgare habet; vel a causa culpæ quæ est concupiscentia, et sic **matrimonium** quod eam reprimit et ordinat, vim purgativam habet.

*Perfectio* autem est *duplex*, scilicet perfectio formæ, et ad hanc est **confirmatio** quæ hominem in seipso consistere facit, ut a contrariis non facile solvatur; et perfectio finis, et ad hanc est **eucharistia** quæ nos fini conjungit.

*Ex parte autem exercentium* actiones hierarchicas accipitur unum sacramentum, scilicet **ordo** per quem ministri ecclesiæ ponuntur in statu exercendi hierarchicas actiones.

**38 bis.** — Potest et aliter accipi numerus sacramentorum **secundum conditionem eorum quibus per sacramenta subvenitur**. Sunt enim sacramenta in remedium data. Xui igitur in remedium unius personæ, aut totius Ecclesiæ.

*Si primo modo, aut* quantum ad ingressum, et sic est **baptis-**

**mus**; *aul* quantum ad egressum, et sic est **extrema unctio**; *aut* quantum ad progressum, et hoc dupliciter: *uno modo* quantum ad executionem virtutis, *vel* ut a malis non superemur, et quantum ad hoc est **confirmatio**, *vel* ut bonis adhæreamus, et quantum ad hoc est **eucharistia**; *alio modo* quantum ad reparationem virtutis, si ipsam in pugna spirituali aliquo modo lædi contingit, et sic est **poenitentia**.

Si *in remedium lotius Ecclesiæ*: *aut* ad regimen et multiplicationem ipsius spiritualem, et sic est **ordo**, quia principatus bonum multitudinis est secundum *Philosophum* in *V Elh.* (e 3. 1130a, 2; l. 2, n. 909); *aut* quantum ad multiplicationem materialem fidelium, et sic est **matrimonium**.

**39.** — *Quidam* autem accipiunt numerum sacramentorum *secundum adaptationem ad virtutes*, ut fidei respondeat baptismus, quod sacramentum fidei dicitur; spei extrema unctio, per quam homo præparatur quodammodo ad futuram gloriam; caritati eucharistia; prudentiæ ordo; justitiæ poenitentia; temperantiæ matrimonium; fortitudini confirmatio.

**40.** — *Quidam vero adaptant diversis generibus culparum et pœnarum*; ut baptismus sit contra culpam originalem, poenitentia contra actualem mortalem, extrema unctio contra venialem, ordo contra ignorantiam, matrimonium contra concupiscentiam, confirmatio contra infirmitatem, eucharistia contra malitiam, quia est sacramentum caritatis quæ per se opponitur malitiæ. Hæc enim quatuor dicit *Beda* (in cap. x *Lucæ*) ex peccato consecuta.

**41.** — **AD PRIMUM** ergo dicendum quod quamvis eucharistia sit memoriale ipsius dominicæ passionis, ipsum Christum continens. non tamen quantum ad omnes effectus ejus.

**42.** — **Vel dicendum** quod propter prædictam rationem eucharistia ordinatur ad ultimum effectum passionis Christi, quasi completissime ab ea efficaciam habens. Et ideo, quantum est de se, valet contra omnes spirituales defectus. Unde et cum singulis sacramentis exhibetur, quasi consummans effectum uniuscujusque. Sed tamen præexigit alia sacramenta, ut idoneus quis reddatur ad tanti perceptionem mysterii: sicut etiam in naturalibus ultima forma non datur nisi præcedentibus omnibus dispositionibus.

**43.** — **Ad secundum** dicendum quod *baptismus* est sacramentum intrantum, quia facit hominem primo participem redemptionis Christi conspeliens eum in similitudinem mortis Christi. **Et ideo non potest iterari**, sicut nec passio Christi.

Et quia peccata actualia iterantur, ideo contra culpam actualem oportuit aliud remedium adhiberi, scilicet poenitentiam, quamvis etiam baptismus ipsam dealeat.

**44. — Ad tertium** dicendum quod defectus illi sunt generales, et non habent eandem rationem in omnibus suis partibus. Et ideo oportuit contra diversas partes eorum diversa remedia adhiberi.

**45. — Ad quartum** dicendum quod in lege naturæ multa signa gratiæ præcesserunt, sicut diluvium, occisio Abel et hujusmodi, quæ tamen non debent dici sacramenta; sed illa tantum quæ ad aliquod remedium exhibebantur. Ea enim significabant rem sacram, ut actu sacramentem, quod est de ratione sacramenti ut supra dictum est. Et ideo *in lege naturæ* Hugo tantum ponit *tria sacramenta*: scilicet sacrificia, oblationes et decimas; quia per hæc, ut dicit Gregorius, remedium ante circumcisionem contra originale erat.

Et quamvis tunc esset tempus figurarum magis quam modo, non oportebat esse signa determinata ad determinatos effectus gratiæ, sicut modo sunt. Et ideo in quadam generalitate sacramenta illa, nostra sacramenta, et ipsorum causam, scilicet passionem Christi, significabant: sicut quod per sacrificia significabatur passio, per oblationes dispositio patientis ad passionem, quia ipse se voluntarie obtulit ad passionem: Is., Iui, per decimas autem comparatio patientis ad illos pro quibus patiebatur, qui imperfecti erant, ab ipso omnem perfectionem expectantes, sicut novem per decem complentur.

Horum autem duo referuntur ad eucharistiam: scilicet sacrificium quantum ad significatum, et oblatio quantum ad materiam et usum, sed decima præfigurabat baptismum, in quantum aliquid auferebatur. Matrimonium autem et pænitentia et ordo erant illo tempore, sed tamen non computantur inter sacramenta illius temporis, quia non fiebant cum aliqua consecratione. Quilibet enim primogenitus, secundum Hieronymum (ep. 73 *ad Evangelium*, n. 6; L. 22, 680) sacerdos erat; nec erat aliquis modus determinatus ipsorum, nisi secundum instinctum naturæ, prout cuique ratio fide innata dictabat esse faciendum.

**46. — Ad quintum** dicendum quod *tempore legis scriptæ* jam plura cum aliqua consecratione celebrabantur quæ nostris sacramentis quasi figuræ respondent, quia per circumcisionem nostrum baptisma figuratur; per oblationes et sacrificia eucharistia; per diversos ritus expiationum pænitentia; per consecrationes Aaron et filiorum ejus noster ordo; et per matrimonium jam ad aliquas certas personas determinatum et sub lege constitutum, nostrum matrimonium. Sed extremæ unctionis non debuit præcedere figura, quia extrema unctio est directivum et præparatorium in gloriam, quam tunc statim post mortem consequi non poterant, sicut modo possunt. Similiter nec confirmatio, in qua complementum Spiritus sancti datur. Tempus

autem illud non erat tempus plenitudinis, sicut tempus istud.

**47.** — **Ad sextum** dicendum quod *Dionysius* non intendit determinare ibi de sacramentis, sed de actionibus hierarchicis quæ consistunt in consecratione per ministros Ecclesiæ facta. Et quia matrimonium et poenitentia possunt habere suum effectum sine tali consecratione, ideo de eis non determinavit.

**48.** — **Ad septimum** dicendum quod *aqua benedicta* non ordinatur directe ad remedium præstandum, sed ad removendum prohibens. Unde datur contra daemones nequitias et venialia, et omne quod effectum sacramentorum impedire posset : propter hoc non est sacramentum, quia removens prohibens est agens per accidens ; *sed est sacramentale*, quasi dispositio quædam ad sacramenta.

**49.** — **Ad octavum** dicendum quod concupiscentia quæ est in actu generativæ, habet specialem foeditatem ab aliis concupiscentiis ; quia præter hoc quod est infectiva personæ, quod habet commune cum aliis, et idem remedium habens, scilicet poenitentiam, est etiam infectio naturæ. Et ideo debet habere speciale remedium, secundum quod ad purgationem naturæ ordinatur.

**50.** — **Ad nonum** dicendum quod ad quamlibet eminentiam status datur aliqua sanctificatio, cum sit ibi necessarium speciale auxilium gratiæ : sicut in consecratione regum et monachorum et monialium. Et ideo sunt actiones hierarchicæ et propter hoc *Dionysius* de eis determinat. Non tamen habent rationem sacramenti ; sed solum illa eminentia per quam homo efficitur sacrorum dispensator.

**51.** — **Ad decimum** dicendum quod oblationes et decimæ erant sacramenta? tunc in quantum erant figurales ; sed quantum ad hoc nunc non manent ; sed solum secundum quod sunt morales ad usum ministrorum Ecclesiæ et pauperum deputatæ. Et ideo nunc non sunt sacramenta.

**52.** — **Ad undecimum** dicendum quod omnes illæ sanctificationes ordinantur ad sacramentum eucharistiæ. Et ideo non sunt sacramenta, sed sacramentalia quædam.

### ARTICULUS III

[III, q. 65, a. 3.]

**53.** — **AD TERTIUM SIC PROCEditur.** Videtur quod sacramenta inconvenienter a Magistro hic ordinantur.

1. « *Prius enim est quod animale est quam quod spirituale* » ;

1. Ed. *om.* « est ». — 2. Ed. *om.* « sacramenta ».

*1 Cor.*, xv, 46. Sed matrimonium ad vitam animale pertinet, omnia autem alia sacramenta ad vitam spiritualem. Ergo matrimonium est omnibus prius.

2. **Praeterea.** Agens naturaliter prior est sua actione, unde et in jure prius determinatur de officiis quam de actionibus. Sed per sacramentum ordinis constituuntur dispensatores aliorum sacramentorum. Ergo ordo inter alia primo debet poni.

3. **Praeterea.** Bonum commune est divinius quam bonum personarum, ut dicitur in *I Eth.* (a 1. 1094b, 9-10 ; 1. 2, n. 30). Sed matrimonium et ordo ordinantur in remedium commune, alia autem in remedium unius personae, ut dictum est (**38 bis**). Ergo illa duo sacramenta ante alia poni debent.

4. **Praeterea.** Eucharistia perficit nos conjungendo fini, ut dictum est (**38**). Sed finis est ultimum in adeptione. Ergo eucharistia post omnia debet poni.

5. **Praeterea.** Purgatio praecedit illuminationem et perfectionem. Sed secundum Dionysium (*De Eccles. Hier.*, c. 5, p. 1, n. 3; G. 3, 503), eucharistia pertinet ad perfectionem, similiter et confirmatio. Ergo poenitentia quae maxime ad purgationem pertinet, videtur quod antea debet poni.

6. **Praeterea.** Dionysius (ubi supra) ponit eucharistiam ante confirmationem. Cum ergo Magister contrarium faciat, videtur quod inconvenienter ordinat.

54. — **RESPONSIO.** Dicendum quod *prius et posterius* multipliciter dicitur. Sed in his quae ad actiones pertinent, prius quoad nos est illud quod est prius in via generationis. Et ideo secundum hanc viam Magister sacramenta quae sanctificationes quaedam sunt, ordinat.

*Prius enim in via generationis* est bonum privatum quam commune, quod consurgit ex bonis singulorum : sicut homo est prior domo, et domus civitate. Et ideo sacramenta quae in remedium unius personae ordinantur prius ponuntur, inter quae primo ponitur illud quod pertinet *ad intrantes*, scilicet **baptismus** ; ultimo illud quod pertinet *ad exeuntes*, scilicet **extrema unctio** ; in medio illa quae pertinent *ad progredientes*, quae hoc modo ordinantur. Quia enim perfici in bono est essentialius virtuti, et commune singulis progredientibus ad virtutem ; sed resurgence a peccato accidit huic progressui ex parte subjecti quod cecidit, unde non est omnibus commune, et quantum ad perfectionem ad bonum perfectio in forma praecedit in via generationis perfectionem in consecutione finis ; ideo *inter sacramenta quae ad progressum in bonum pertinent, primo ponitur confirmatio*, quae est ad perfectionem similem perfec-

1. *ad ad.* «autem» — 2. *Ed. om.* « in ».

tioni formæ ; *secundo eucharistia*, quæ est ad perfectionem in fine ; *tertio pœnitentia* quæ est ad reparationem virtutis amissæ.

*Inter sacramenta autem quæ ad remedium lotius Ecclesie deputantur, primo ponitur ordo* ; quia *matrimonium*, in quantum matrimonium, per ordinem dispensatur, secundum quod est sacramentum.

55. — **AD PRIMUM** ergo dicendum quod **matrimonium** secundum quod pertinet ad vitam animalem, non est sacramentum, sed naturæ officium : sed *secundum quod habet aliquid spiritualis quantum ad signum et effectum, sic sacramentum est*. Et quia minimum habet de spiritualitate, ideo *ultimo* inter sacramenta ponitur.

56. — **Ad secundum** dicendum quod in sacramentorum actionibus **ordo** non constituit principalem agentem, sed ministrum, et instrumentum quoddam divinæ operationis. In iudiciis autem iudex secundum formam scientiæ et justitiæ operatur non solum sicut instrumentum. Et ideo in jure præmittuntur ea quæ ad officia pertinent, sed in sacramentis non oportet.

57. — **Ad tertium** dicendum quod quamvis bonum commune sit divinius, tamen bonum singulare est prius in via generationis. Et ideo etiam *Philosophus* monasticam politicæ præmisit. ut patet in *X Eth.* (k 10. 118P, 13 sq. ; l. 16, n. 2179-80).

58. — **Ad quartum** dicendum quod conjunctio ad finem est *duplex*.

*Una secundum plenam participationem ipsius*. Et hæc conjunctio non efficitur per aliquod sacramentum, sed sacramenta ad eam disponunt, et inter omnia vicinius **extrema unctio**. Et ideo *ultimo ponitur* interea quæ ad remedium unius personæ ordinantur.

*Alio modo secundum imperfectam* qualis est fruitio viæ, et ad hanc ordinatur **eucharistia**. Et ideo non oportet quod ponatur ultima simpliciter, sed *ultima in progressum ad bonum*.

59. — **Ad quintum** dicendum quod poenitentia non dicit purgationem absolute respectu cujuslibet impuritatis spiritualis, hoc enim ad baptismum pertinet, sed purgationem in casu, scilicet quando aliquis a statu virtutis cecidit, ut iterum ad bonum redeat ; et hæc est *secunda tabula post naufragium*, secundum *Hieronymum* (*Ep.* 120 *de virginitate servanda ad Demetriadem*, n. 9 ; L. 22, 1115). Et ideo **pœnitentia** ponitur post illa sacramenta quæ ad consummationem in bonum ordinantur.

60. — **Ad sextum** dicendum quod *Dionysius* consideravit in eis ordinem magis quantum ad dispensationem eorum quam

1. a « in quantum ». — 2. Ed. « ista ». — 3. Ed. « progressu », contra *αβγδζζη*.

quantum ad effectum. Et quia eucharistia statim baptizatis datur, si sint adulti, non autem confirmatio, ideo post baptismum immediate **eucharistiam** posuit.

## ARTICULUS IV

ra

[Supra d. 1, q. 1, a. 2. sol. 5; III, q. 61, a. 4; IV Cg. c. 57.]

**61. — AD QUARTUM SIC PROCEEDITUR.** Videtur quod NON DEBUERINT IN NOVA LEGE ALIQUA SACRAMENTA DE NOVO INSTITUI.

1. Natura enim operatur breviori via qua potest; et hoc ad ordinationem naturæ pertinet. Sed gratia est magis ordinata quam natura. Cum ergo brevior via esset quod sacramenta jam in veteri lege existentia<sup>2</sup> perficerentur quam aliqua de novo instituerentur, videtur quod non debuerunt<sup>3</sup> aliqua de novo institui.

2. **Præterea.** *Sicut* sacramenta sunt necessaria ad salutem, *ita* et præcepta. Sed Christus non alia præcepta moralia instituit, sed præexistentia consiliis perfecit. Ergo nec nova sacramenta instituire debuit.

**62. — SED CONTRA.** Sacramenta sunt medicinæ spirituales, ut prius dictum est. Sed non competit eadem medicina parvulo et adulto. Cum ergo status legis comparetur puerili ætati, status autem temporis gratiæ ætati perfectæ, ut patet *Gal.* iv, videtur quod alia sacramenta fuerunt<sup>4</sup> tempore gratiæ instituenda.

[ñ

[Supra d. 1, q. 1, a. 2, sol. 3 et 4; III, q. 61, a. 3.]

**63. — ULTERIUS.** Videtur quod hæc eadem debuerit A PRINCIPIO MUNDI POST PECCATUM INSTITUERE.

1. Quia ad crudelem medicum pertinet ut efficacem medicinam non statim infirmo proponat, sed eum diu periclitari sinat. Sed a Deo omnis crudelitas relegata est. Ergo sacramenta novæ legis quæ sunt efficacissimæ medicinæ, debuerunt statim post peccatum humano generi exhiberi.

2. **Præterea.** Sacramenta novæ legis totam efficaciam habent ex passione Christi. Sed passio Christi operabatur etiam a principio mundi post peccatum ad reparationem, secundum quod

1. Ed. *om.* « Et ». — 2. Ed. *om.* « via esset quod sacramenta jam in veteri lege existentia ». — 3. Ed. « debuerint ». — 4. Ed. *ad.* « etiam »; *ñ ad.* « in ».

erat credita, ut in III lib., d. 19<sup>1</sup> (q. 1, a. 1, sol. 2, ad 2) dictum est. Ergo et tunc sacramenta institui debuerunt.

64. — **SED CONTRA.** Gratia perficit naturam. Sed natura procedit ex imperfectioribus ad perfectiora, sicut patet in omni motu et generatione ; et similiter etiam ars. Ergo et similiter gratia debuit prius imperfecte et postea copiose per efficacia sacramenta<sup>2</sup> dari.

## [III]

[Supra, d. 1, a. 2, sol. 5 ; III, q. 61, a. 4 ; IV Cg. c. 57.]

65. — **ULTERIUS.** Videtur quod statim Christo nato sacramenta institui debuerunt.

1. Sunt enim sacramenta novæ legis gratiam continentia. Sed tempus gratiæ ex tunc incepit. Ergo tunc institui debuerunt.

2. **Præterea.** Sacramenta adjuvant ad implendum præcepta. Sed præcepta moralia omnia simul data fuerunt in ipso initio legis. Ergo et sacramenta gratiæ in ipso initio gratiæ omnia simul dari debuerunt.

66. — **SED CONTRA** est quia « quæ a Deo sunt, ordinata sunt », Bom. xiii, 1. Sed iste est debitus ordo, ut causa effectum præcedat, et ut illud quod prius est, primo tradatur. Ergo cum passio Christi sit causa efficaciam sacramentis præbens, et unum sacramentum sit alio prius, ut dictum est, videtur quod non debuerunt institui statim Christo nato.

## [IV]

[Infra, d. 7, q. 1, a. 1, sol. 1, ad 1 ; d. 13, q. 1, a. 2, sol. 6, ad 1, 3 ; d. 17, q. 3, a. 1, sol. 5 ; I-II, q. 108, a. 2 ; III, q. 64, a. 2 ; in Joan., c. 1, l. 14.]

67. — **ULTERIUS.** Videtur quod sacramenta novæ legis NON SUNT OMNIA A CHRISTO INSTITUTA.

1. Quia de confirmatione et extrema unctione non legitur aliquid dixisse. Sed extrema unctio et confirmatio sunt sacramenta novæ legis. Ergo non omnia sacramenta novæ legis sunt instituta a Christo.

2. **Præterea.** Non minoris auctoritatis est mysterium sacerdotii novæ legis quam legis naturæ. Sed qui sacramenta dispensabant in lege naturæ, scilicet sacerdotes, pro suo libitu sacramentis visibilibus suam fidem profitebantur. Ergo multo fortius hoc debet esse in lege nova, quæ etiam est majoris libertatis.

68. — **SED CONTRA.** Sacramenta novæ legis efficiunt quod significant, sed ex institutione significant secundum Hugonem

1. Ed. om. « d. 19 ». — 2. Ed. « efficaciam sacramenti ».

<1 *De Sacram.*, p. 9, c. 2 ; L. 176, 317). Ergo ex institutione efficaciam habent. Sed efficacia sacramentorum non est nisi a Deo, qui solus peccata remittit. Ergo non potuit esse a puro homine sacramentorum institutio.

**69. — RESPONSIO.** Dicendum **AD PRIMAM QUÆSTIONEM** quod sacramenta signa sunt remedii ad quod ordinantur. Sunt autem signa repræsentantia effectus spirituales ex similitudine sensibilium rerum quibus in sacramento est usu. Et ideo cum in nova lege oportuerit esse sacramenta majoris efficaciam propter perfectionem testamenti, debuerunt etiam esse alia signa quæ expressius gratiam figurarent. Et ideo **oportuit nova sacramenta institui.**

**70. AD PRIMUM** ergo dicendum quod quamvis natura brevissime operetur, tamen nihil omittit de contingentibus quibus aliquid optime fieri possit et similiter gratia. Et ideo *in sacramentis instituendis* non solum attenditur qualiter aliquid breviter fiat, sed qualiter congruenter.

**71. — Ad secundum** dicendum quod præcepta moralia consequuntur naturam humanam, cum sint de dictamine rationis naturalis. Et ideo permanent eadem in qualibet lege et in quolibet statu hominis. Et propter hoc non est simile de præceptis et sacramentis, quæ ex sola institutione efficaciam habent.

**72. — AD SECUNDAM QUÆSTIONEM** dicendum quod *sacramenta novæ legis*, quia gratiam continent, non sunt vacua, sed plena. Et ideo non *competebat* ea *institui* nisi **tempore plenitudinis**, quod est tempus **Incarnationis**. Quare autem Christus suum adventum distulerit, et non statim post peccatum carnem assumerit, in III lib. d. II (q. 1, a. 4) dictum est.

**73. — AD PRIMUM** ergo dicendum quod *aliter est in morbo spirituali et corporali.*

Non enim potest aliquis a **morbo spirituali** congrue curari, nisi prius morbum cognoscat et medicinam desideret, si sit cognitionis capax. Et ideo oportuit ut homo sibi relinqueretur, et sic primo *tempore legis naturæ infirmum se cognosceret per ignorantiam*, ad idololatriam declinando ; et deinde *tempore legis scriptæ* quæ auxilium contra ignorantiam præbebat, *recognosceret se infirmum per concupiscentiam*, ad peccata declinando, et sic salutem ab alio expectaret, qui et viam salutis docuit contra ignorantiam et sacramenta gratiæ dedit contra infirmitatem concupiscentiæ, ut dicitur **Joan, i, 17** : « *Gratia et veritas per Jesum Christum facta est.* »

1. Ed. « quarum ». — 2. Ed. *om* « d. 1 ».

**In morbo autem corporali** hoc non requiritur, quia corpus non est cognitionis capax.

**74. — Ad secundum** dicendum quod quamvis etiam ex tunc passio Christi efficaciam haberet, non tamen tantam efficaciam in humana natura pro qua nondum satisfactum erat, habebat, sicut post satisfactionem habuit, et post Christi Incarnationem quæ totam naturam humanam significavit, ut fieret magis ad gratiam recipiendam idonea.

**75. — AD TERTIAM QUÆSTIONEM** dicendum quod sacramenta novæ legis *dupliciter* instituta sunt.

*Priino* ad documentum et exercitium quoddam. Et sic potuerunt ante passionem Christi institui.

*Secundo* quantum ad necessitatem et obligationem. Et sic eorum institutio non fuit ante passionem, quia adhuc legalia non fuerunt mortua. Unde a tempore prædicationis Christi usque ad passionem, sacramenta novæ legis simul currebant cum legalibus, et utraque ad salutem operabantur.

Sic ergo *quantum ad secundum* modum institutionis omnia simul in passione Christi instituta sunt ; *sed quantum ad primum*. oportuit ut primo instituerentur illa quæ sunt majoris necessitatis ; unde statim in principio prædicationis suæ **pœnitentiam** prædicavit, ut legitur **Mat. iv, 17**, et **baptismum** docuit ut legitur **Joan. hi. Alia autem sacramenta** processu temporis instituit et docuit.

**76. — AD PRIMUM** ergo dicendum quod tempus gratiæ dicitur quantum ad initium et quantum ad complementum.

*Complementum* autem ejus non fuit ante passionem et resurrectionem Christi. Unde **Joan. vu, 39**, dicitur : « *Nondum erat Spiritus datus, quia nondum erat Jesus glorificatus.* »

*Principium* autem ejus potest attendi *dupliciter*. *Primo* quantum ad præsentiam gratiæ in mundo, et sic fuit in ipsa incarnatione. *Secundo* quantum ad ejus diffusionem, et sic fuit in prædicatione sive baptismo Christi ; et ante non oportebat institui sacramenta.

**77. — Ad secundum** dicendum quod præcepta moralia homini natura dictat, et ideo statim potuerunt homini simul proponi ; non autem est ita de sacramentis.

**78. — AD QUARTAM QUÆSTIONEM** dicendum quod circa hoc est *duplex* opinio.

Quidam enim dicunt non *omnia sacramenta a Christo immediate instituta fuisse* ; sed *quædam* ipse per se instituit, *quædam* vero

1. Ed. « potuerant ». — 2. Ed. « fuerant ». — 3. Ed. *om.* « ejus ».

Apostolis instituenda commisit : scilicet **confirmationem** in qua Spiritus sanctus datur ad robur, cujus institutio esse non debuit ante plenam Spiritus sancti missionem ; et **extremam unctionem** quæ cum ad gloriam resurrectionis sit immediatum et proximum præparatorium, ante resurrectionem institui non debuit.

79. — Sed quia institutio sacramentorum videtur ad potestatem plenitudinis in sacramentis pertinere quam sibi Christus reservavit in sacramentis, cum ex institutione sacramenta habeant quod significant ; ideo Alii **probabilius dicunt** quod *sicut* hominis puri non est sacramenta mutare vel a sacramentis absolvere, *ita* nec nova sacramenta instituere. Et ideo **omnia sacramenta novæ legis ab ipso Christo institutionem habent.**

80. — Secundum hoc ergo dicendum **AD PRIMUM** quod ipse sacramentum confirmationis instituit, quando pueris sibi præsentatis manus imposuit ; similiter extremam unctionem, quando Apostolos ad prædicandum mittens, oleo inungere infirmos disposuit, ut sic curarentur.

81. — **Ad secundum** dicendum quod sacramenta illa legis naturæ non habebant aliquam efficaciam ex opere operato, sed solum ex fide. Et ideo determinatio eorum ab homine puro habente fidem fieri poterat. Non autem ita est de sacramentis novæ legis, quæ ex opere operato gratiam conferunt.

## QUÆSTIO II

Deinde quæritur de baptismo Joannis.

Et circa hoc quærentur quatuor :

*Primo*, utrum fuerit sacramentum.

*Secundo*, de efficacia ipsius.

*Tertio*, quibus competebat.

*Quarto*, utrum baptizati a Joanne essent baptismo Christi baptizandi.

### ARTICULUS I

ra

82. — **AD PRIMUM SIC PROCEDITUR.** Videtur quod baptismus Joannis non fuerit sacramentum.

1. Jo an, iii, super illud : « *Erat Joannes baptizans etc.* », dicit

1. *a ad.* « et ». — 2. Ed. st η : « aliis probabilius videtur »

Glossa (Aug. in Joan. tr. 4, n. 13 ; L. 35, 1411) : « *Quantum catechumenis nondum baptizatis prodest doctrina fidei, tantum profuit baptismus Joannis ante baptismum Christi.* » Sed catechismus non est sacramentum, sed sacramentale. Ergo baptismus Joannis non erat sacramentum sed sacramentale.

2. **Præterea.** Omne sacramentum est alicujus legis sacramentum. Sed baptismus Joannis non erat sacramentum legis naturæ, neque legis veteris ; quia, sicut Augustinus dicit (tr. 5 in Joan. n. 4; L. 35, 1416), nulli præcedentium Prophetarum fuit datum baptizare, nisi soli Joanni : quod non contingit de sacramentis veteris legis. Similiter necl est sacramentum novæ legis, quia prædicationem Christi præcessit. Ergo non erat sacramentum.

**83. — SED CONTRA.** Sacramentum est « *sacræ rei signum* ». Sed baptismus Joannis figurabat baptismum Christi. Ergo erat sacramentum.

### M

**84. — ULTERIUS.** Videtur quod non baptizaverit sub hac forma : « *Ego baptizo te in nomine venturi.* »

1. Christus enim in cujus nomine baptizabat, jam venerat. Ergo non competebat forma illa pro illo tempore.

2. **Præterea.** Eadem est fides de Christo venturo quæ erat in patribus et de Christo qui jam venit, quam nos habemus. Ergo eadem est forma baptismi in nomine venturi, et nomine Christi. Ergo et baptismus idem. Sed Apostoli baptizaverunt in nomine Christi, ut infra dicitur. Si ergo Joannes baptizavit in nomine venturi, idem fuit baptisma Joannis et discipulorum Christi : quod falsum est.

**85. — SED CONTRA** est quod dicitur *Act. xix, 4* : « *Baptizabai Joannes populum dicens, in eum qui venturus est.* »

### [III]

[III, q. 38, a. 2 ; in *Mal.*, c. 21.]

**86. — ULTERIUS.** Videtur quod non fuit institutus a Deo.

1. Nullum enim sacramentum a Deo institutum nominatur a ministro : non enim dicitur baptismus Petri. Sed baptismus ille dicitur baptismus Joannis. Ergo non fuit a Deo institutus.

2. **Præterea.** Sacramenta legis naturæ quæ ad sacramenta Christi disponebant, a Deo institutionem non habuerunt, sed ex voto celebrabantur, secundum Hugonem (/ *De sacr.*, p. 11,

1. Ed. « non ». — 2. Ed. om. « et ».

c. 3 ; L. 176, 343). Sed baptismus Joannis fuit præparatorius ad sacramenta Christi. Ergo non debuit habere institutionem a Deo.

**87. — SED CONTRA** est quod dicitur Jo an, i, 33 : « *Qui misit me baptizare, ille mihi dixit etc.* »

## [IV]

[III, q. 38, a. 4 ; q. 39, a. 3, ad 4 ; in Jo an, e. 3, l. 4]

**88. — ULTERIUS.** Videtur quod debuit statim Christo BAPTIZATO CESSARE.

1. Quia super illud Jo an, i, 29 : « *Vidit Joannes Jesum venientem ad se* », dicit Augustinus (tr. 4 in Jo an., n. 14; L. 35, 1412) : « *Baplizatus est Dominus baptismo Joannis, et cessavit baptismus Joannis.* »

2. **Præterea.** Baptismus Joannis erat præparatorius ad baptismum Christi. Sed baptismus Christi incepit statim Christo baptizato, quia statim *tactu mundissimæ suæ carnis vim regenerativam contulit aquis, ut dicit Beda (in Luc. in ; L. 92, 358).* Ergo statim debuit cessare.

**89. — SED CONTRA** est quod legitur Jo an, hi, quod post baptismum Christi baptizabat Joannes, et discipuli ejus similiter baptizabant. Ergo baptismus Joannis non cessavit statim Christo baptizato.

**90. — RESPONSIO.** Dicendum **AD PRIMAM QUÆSTIONEM** quod secundum Hugonem de sancto Victore (*I de sacram., p. 11, c. 6; L. 176, 345*), secundum processum temporis et majorem propinquitatem ad tempus gratiæ, oportuit alia et alia sacramenta institui. Unde quia in Joanne quodammodo incepit tempus gratiæ, quia « *lex et Prophetæ usque ad Joannem* » Mat. xi, 13, non quasi ab ipso esset gratia, sed quia ad gratiam viam præparabat, ideo ejus baptismus fuit aliquod sacramentum : quod quidem erat initiatio quædam sacramentorum gratiæ, quamvis gratia in eo non conferretur.

**91. — Unde Dicendum** quod *baptismus Joannis* sacramentum erat quodammodo *medium inler sacramenta veteris et novæ legis* : sicut dispositio ad formam media est quodammodo inter privationem et formam. *Conveniebat enim quodammodo cum sacramentis veteris legis* in hoc quod erat signum tantum ; *cum sacramentis autem legis novæ* in materia, et quodammodo in forma.

**92. — AD PRIMUM** ergo dicendum quod baptismus Joannis habet aliquid simile cum sacramentalibus baptismi, inquantum

1. αβδ « et cum sacramentis novæ Legis », contra ζη et ed

erat dispositio ad baptismum Christi ; sed inquantum præcessit institutionem baptismi Christi, differt a sacramentalibus, et est sacramentum per se : sicut sacramenta veteris legis, quæ etiam suo modo, licet non tam de propinquo, ad sacramenta novæ legis disponebant.

**93. — Ad secundum** dicendum quod dispositio reducitur ad genus formæ ad quam disponit. Et ideo baptismus Joannis reducitur ad sacramenta novæ legis, sicut incompletum in genere illo. Et hoc patet ex ordine procedendi quem *Magister* (8) servat.

**94. — AD SECUNDAM QUÆSTIONEM** dicendum quod utilitas rei ex forma sua consequitur. Et ideo formæ sacramentorum ostendunt id ex quo sacramenta efficaciam *et* utilitatem habent. Et quia utilitas **baptismi Joannis** tota erat disponere ad Christum, ideo **hæc erat sua forma competens, ut in nomine venturi baptizaret.**

**95. — AD PRIMUM** ergo dicendum quod quamvis jam venisset in carne, non tamen jam venerat ad baptizandum et alia salutis nostræ opera exercendum.

**96. — Ad secundum** dicendum quod *fides*, cum sit cognitio quædam, *respicit rei veritatem*. Et quia diversitas temporum consignificatorum non diversificat veritatem, ideo nec fides penes hoc diversificatur.

*Sed sacramenta respiciunt effectum.* Et quia non eodem modo se habet ad actum hoc quod jam est et hoc quod expectatur futurum, quia ad id quod expectatur futurum actus ordinantur ut disponentes, ab eo autem quod jam est effective aliquid producitur ; ideo diversificatio formæ per futurum et præsens designat diversitatem sacramenti.

**97. — AD TERTIAM QUÆSTIONEM** dicendum quod Joannes suum baptismum instituit præcepto divino. Unde patet quod **institutio ipsius fuit a Deo per auctoritatem<sup>2</sup>, ab ipso Joanne per ministerium.**

**98. — AD PRIMUM** ergo dicendum quod *propter tres rationes baptismus a Joanne nomen accepit.*

*Primo*, quia ipse fuit sui baptismi institutor aliquo modo ; Petrus autem nullo modo baptismi quo baptizabat.

*Secundo*, quia nihil in illo baptismo efficiebatur quod Joannes non faceret.

*Tertio*, quia sibi soli erat datum illius baptismi ministerium.

**99. — Ad secundum** dicendum quod fides magis determinabatur secundum appropinquationem ad Christum. Et ideo etiam

1 Ed « illud ». — 2. Ed. ad. « et ».

sacramenta quæ quædam fidei protestationes sunt, magis a Christo remota, minus determinata esse debuerunt. Et quia baptismus Joannis de propinquo ad Christi sacramenta disponebat, ideo debuit magis habere determinationem quam sacramenta legis naturæ.

**100. — AD QUARTAM QUÆSTIONEM** dicendum quod *cessatio baptismi Joannis potest accipi dupliciter.*

*Uno modo* quando cessavit **totaliter.** Et hoc fuit Joanne in carcerem misso, quia ministerium illud soli Joanni concessum est.

*Alio modo quantum ad maximum suum posse.* Et sic cessavit baptizato Christo, quia ex tunc ejus baptismus non fuit præcipuus, sed alius fuit eo dignior : sicut cessat officium legati domino suo superveniente, quamvis et aliqua exerceat.

Et per hoc patet solutio ad objecta.

## ARTICULUS II

[III, q. 38, a. 3.]

**101. — AD SECUNDUM SIC PROCEDITUR.** Videtur quod baptismus Joannis gratiam contulerit.

1. *Mat. i :* « *Eral Joannes baptizans el prædicans baplismum pænitiæ in remissionem peccatorum.* » Sed remissio peccatorum non fit sine gratia. Ergo baptismus ille gratiam contulit.

2. **Praeterea.** Damascenus dicit (*de Fide orth.*, lib. IV, c. 9 ; G. 94, 1123) : « *Purgat Joannes ad spiritum per aquam.* » Sed purgatio spiritualis non fit sine gratia. Ergo ille baptismus gratiam contulit.

3. **Praeterea.** Augustinus dicit (**lib. V contra Donalistas**, c. 10 ; L. 43, 183) : « *Ita credam Joannem bapizasse in aqua in remissionem peccatorum, ut ab eo baptizatis in spe remitterentur peccata.* » Sed spes de remissione peccatorum non potest esse nisi per gratiam. Ergo baptismus ille gratiam contulit.

4. **Praeterea.** Baptismus Joannis propinquior fuit baptismo Christi quam circumcisio. Sed circumcisio gratiam contulit, ut dictum est (d. 1, q. 2, a. 5, sol. 3). Ergo multo fortius baptismus Joannis.

5. **Praeterea.** Sacramentum non instituitur nisi ad causandum gratiam vel significandum. Sed gratia sufficienter per sacramenta veteris legis erat significata. Si ergo baptismus Joannis gratiam non contulit, pro nihilo institutus fuit.

1. Ed. *om.* « ad objecta ». — 2. Ed. *om.* « ad »

**102. — SED CONTRA.** Gratia non confertur sine Spiritu sancto. Sed in baptismo Joannis non conferebatur Spiritus sanctus, sed aqua tantum, ut patet *Act.* i, 5 : « *Joannes quidem baptizavit aqua; vos autem baptizabimini Spiritu sancto etc.* » Ergo in illo baptismo non erat gratia.

**103. — Præterea.** Non est idem effectus dispositionis et perfectionis. Si ergo baptismus Joannis ad baptismum Christi disponebat, cujus est gratiam conferre, quia « *gratia et veritas per Jesum Christum facta est* » ; *Joan.* i, 17, videtur quod baptismus Joannis gratiam non contulit.

**104. — RESPONSIO.** Dicendum quod hoc ab hominibus conceditur quod non efficiebatur aliquid per baptismum Joannis quod non esset operatio hominis. Et quia gratia non potest ab homine dari, ideo patet quod **baptismus Joannis gratiam non conferebat.**

**105. — AD PRIMUM** ergo dicendum quod illa auctoritas sic exponenda est, ut referatur ad diversa baptismata hoc modo : « *Erat Joannes baptizans, scilicet baptismo suo, et prædicans, scilicet baptismum Christi, qui est in remissionem peccatorum* ». Si autem referatur utrumque ad baptismum Joannis, sic dicitur esse in remissionem peccatorum ; quia baptizatis imponebat dignos fructus pœnitentiæ agere, quibus peccatorum remissionem consequerentur. Unde **baptismus ille erat quasi quædam protestatio et professio pœnitentiæ.**

**106. — Ad secundum** dicendum quod baptismus ille purgare dicitur modo prædicto, *vel* etiam materialiter a sordibus corporalibus in signum spiritualis purgationis per Christum futuræ ; *vel* a caecitate ignorantiae per doctrinam Joannis Christum annuntiantis.

**107. — Ad tertium** dicendum quod spes semper ex gratia procedit, non tamen semper ex gratia habita, sed quandoque ex gratia expectata. Et sic baptismus Joannis spem faciebat remissionis peccatorum, non conferens gratiam, sed promittens eam in hoc quod præfigurabat baptismum Christi quo gratia daretur.

**108. — Ad quartum** dicendum quod quamvis baptismus Joannis magis conveniret cum baptismo Christi quam circumcisio quantum ad materiam, non tamen conveniebat magis quantum ad causam institutionis ; quia *circumcisio* ad necessitatem instituta erat ut remedium contra originale ; sed *baptismus Joannis*, ut assuefaceret ad baptismum Christi.

**109. — Ad quintum** dicendum quod baptismus Joannis exprès-

1 Ed. om. « etc ».

sius figurabat baptismum Christi quam sacramenta veteris legis propter majorem similitudinem ad ipsum. Et ideo magis de propinquo præparabat ad ipsum etl significatione et quadam pœnitentiæ protestatione.

### ARTICULUS III

[I]

[III, q. 39, a. 1, 2 ; *in Mal.*, c. 3.]

**110. — AD TERTIUM SIC PROCEDITUR.** Videtur quod Christo non competeret baptizari baptismo Joannis.

1. Baptismus enim Joannis erat baptismus pœnitentiæ, ut dicitur *Act.* xx2. Sed Christo non competit pœnitentia, sicut nec peccatum. Ergo nec baptizari baptismo Joannis.

2. **Præterea.** Omnis Christi actio est nostra instructio. Sed non instruimur baptizari baptismo Joannis. Ergo non debuit Christus illo baptismo baptizari.

**111. — SED CONTRA** est quod ipse ad baptismum Joannis vadens dixit : « *Sic deed nos implere omnem /usliliam* », *Mat.* hi, 15.

[H]

[III, q. 38, a. 4.]

**112. — ULTERIUS.** Videtur quod nulli alii hoc baptismo debuerunt baptizari.

1. Hoc enim est solius Christi ut a sacramentis non accipiat, sed magis eis conferat. Sed baptismus Joannis erat tale sacramentum a quo non poterat aliquid accipi. Ergo soli Christo competebat.

2. **Præterea.** Sacramenta eadem ratione omnibus competunt. Sed non erat necessarium quod omnes baptismo Joannis baptizarentur. Ergo nulli præter Christum ipso baptizari debuerunt.

**113. — SED CONTRA** est quod dicitur *Mar.* i, 5 : *Egre diebantur ad illum Israelitæ3 universi et baptizabantur ab eo.* »

[III]

**114. — 'ULTERIUS.** Videtur quod debuerunt illo baptismo pueri baptizari.

1. Erat enim ille baptismus signum baptismi Christi. Sed baptismus Christi competit pueris. Ergo et ille.

2. **Præterea.** Circumcisio dabatur etiam pueris, et eis principaliter. Sed baptismus Joannis est medium inter circumcisionem et baptismum Christi, qui datur indifferenter magnis et parvis. Ergo et baptismus Joannis parvis dari debuit.

**115. — SED CONTRA,** quia baptismus ille erat ut assuefacerent ad baptismum Christi. Sed hoc non poterat esse nisi ratione illorum qui discretionem habebant. Ergo pueris ille baptismus non competebat.

**116. — RESPONSIO [AD PRIMAM QUÆSTIONEM2].** Dicendum quod Christus pluribus de causis a Joanne baptizari voluit, quarum *tres* tanguntur in *Glossa Marc*, i, 9 (L. 114, 181) : scilicet propter humilitatem implendam ut ipsemet dicit *Mat. in.*, ut baptismum Joannis approbaret, et ut aquas consecraret suæ carnis tactu et sic baptismum suum institueret.

*Quartam*, causam tangit *Augustinus* in libro *de natura bonis* ut scilicet ostenderet non interesse quis a quo baptizaretur.

*Quintam* tangit in lib. *Quæstionum veteris et novi Testamenti* (q. 49; L. 35, 2249), scilicet ad exemplum baptismi proponendum illis qui erant futuri filii Dei per fidem.

*Sextam* tangit *Chrysostomus* (*hom. 12, in Mal.*, n. 2; G. 57, 446), ut scilicet in baptismo miracula ostendens, evacuaret illorum errorem qui Joannem Christo majorem credebant.

**117. — AD PRIMUM** ergo dicendum quod, sicut dictum est, Christus a sacramentis nihil accepit. Et ideo non dicitur baptismus Joannis baptismus poenitentiae quoad Christum, sed quoad alios qui ad poenitentiam per ipsum præparabantur; et sicut etiam circumcisio Christi non fuit in remedium originalis peccati a quo Christus immunis erat.

**118. — Ad secundum** dicendum quod actio Christi est instructio nostra, non -ut omnino eodem modo agamus sicut Christus fecit, sed ut pro modo nostro Christum imitemur. Et ideo per baptismum suum dedit nobis exemplum, ut baptizaremur illo baptismo qui nobis competit, per quem scilicet remissionem peccatorum consequamur.

**119. — AD SECUNDAM QUÆSTIONEM** dicendum quod, sicut dicit *Augustinus* in lib. *de Baptismo contra Donalistas*, (V, c. 9; L. 43,182), si **Joannes** solum Christum baptizasset, videretur melioris baptismi dispensator quanto melior erat qui baptizabatur. Et si omnes baptizasset, videretur quod Christi baptismus non sufficeret ad salutem. Et ideo **quosdam alios baptizavit**, sed non omnes.

1. Ed. « assuescerent ». — 2. Ed. et cod. *om.* « ad primam quæstionem ». — 3. Cf. *tr.* 6 in *Joan.*, n. 7; L. 35, 1428. — 4. Ed. *om.* « et ». — 5. Ed. *om.* « omnino ».

**120.** — **AD PRIMUM** ergo dicendum quod quamvis alii a baptismo Joannis non acciperent gratiam; accipiebant tamen quoddam signum gratiæ suscipiendæ et servandæ pœnitentiæ.

**Ad secundum** patet solutio ex dictis.

**121.** — **AD TERTIAM QUÆSTIONEM** dicendum quod baptismus Joannis erat baptismus pœnitentiæ. Et quia **pueris** non competit pœnitentia, ideo **non competebat** eis **ille baptismus**.

**122.** — Nec est simile de baptismo Christi et circumcisione quæ ordinantur contra originale peccatum, quod in pueris est. Et per hoc patet solutio ad objecta.

#### ARTICULUS IV

[*Infra Expos. Lit. (136)*; III, q. 38, a. 6; q. 66, a. 9, ad 2; *in Mat. c. 3.*]

**123.** — **AD QUARTUM SIC PROCEDITUR.** Videtur quod BAPTIZATI BAPTISMO JOANNIS, NON DEBEBANT BAPTIZARI BAPTISMO Christi.

1. *Act.* enim *vm*, 15 et 16, dicitur quod Apostoli in Samariam venientes, illos qui baptizati erant in nomine Jesu non baptizabant, sed tantum manus imponebant. Cum ergo baptismus in nomine Jesu sine collatione Spiritus sancti sit baptismus Joannis, videtur quod baptizati baptismo Joannis, non baptizabantur baptismo Christi.

2. **Præterea.** Hieronymus super illud *Joelis II*, « *Effundam de spiritu meo* » (*L. 25, 976*) dicit quod hæc est causa quare quidam baptizati a Joanne, baptismo Christi iterum baptizati sunt a Paulo, *Act. xix*, quia fidem Trinitatis non habebant, quia neque si Spiritus sanctus est audierant. Si ergo aliqui baptizati essent a Joanne, fidem Trinitatis habentes, videtur quod iterum baptizari non debuerint baptismo Christi.

3. **Præterea.** In Apostolis debuit ostendi omne illud quod est necessarium ad salutem. Sed Apostolis post baptismum Joannis solus baptismus Spiritus sancti prænuntiatur, *Act. i*. Ergo non erat necessarium quod baptismo Christi iterum baptizarentur.

4. **Præterea.** Ad baptismum requiritur aqua et Spiritus sanctus. Sed per baptismum Joannis erat facta ablutio aquæ. Ergo non oportebat nisi quod suppleretur quod deerat, scilicet Spiritus sanctus.

**124.** — **SED CONTRA** est quod dicitur *Joan. hi, 5*: « *Nisi quis renatus fuerit ex aqua et Spiritu sancto, etc.* » Sed baptismus Joannis non regenerabat aliquo modo. Ergo necessarium erat ut iterum baptismo Christi baptizarentur.

**125.** — **Præterea.** Augustinus dicit (*tr. 5 in Joan.*, n. 16;

L. 35, 1422), quod baptizabat Joannes, et non est baptizatum. Sed de necessitate salutis tempore gratiæ est quod homo sit baptizatus, vel saltem propositum baptismi habuerat. Ergo oportebat eos qui baptismum Joannis susceperant iterum baptizari baptismo Christi.

**126. — Præterea.** Impositio manuum præcedente baptismo Joannis non imprimebat characterem baptismalem. Sed character talis est de necessitate salutis vel in actu vel in proposito. Ergo oportebat quod baptizati baptismo Joannis iterum baptizarentur baptismo Christi, et non sufficiebat eis manus impositio.

**127. — RESPONSIO.** Dicendum quod circa hoc est *duplex opinio*.

Quidam enim dicunt quod baptismus Joannis erat præparatorius ad Christum suscipiendum. Et ideo si quis baptismum Joannis suscepisset in eo sistens, non referens ad Christum, baptismus in eo frustraretur a fine suo. Et ideo oportebat eum iterum baptizari baptismo Christi.

Si autem non figeret spem suam in baptismo Joannis, sed ulterius referret ad Christum, sic ex gratia Christi et baptismo Joannis præaccepto efficiebatur quasi unum quid. Et ideo non oportebat quod iterum aqua baptizaretur, sed solum quod Spiritum sanctum per manus impositionem acciperet. **Et hæc videtur fuisse Magistri opinio in Littera (8).**

**128. —** Sed quia sacramenta novæ legis ex ipso opere operato efficaciam habent, ideo videtur quod spes et fides illius qui baptismum suscipit, nihil faciat ad sacramentum, quamvis posset facere ad rem sacramenti impediendam vel promovendam. Unde quantumcumque spem suam aliquis ad Christum referret baptizatus baptismo Joannis, baptismum novæ legis non consequeretur. Et ideo si baptismus novæ legis est de necessitate salutis, oportebat quod iterum illo baptismo baptizaretur.

**129. — Præterea.** Hoc est generale in omnibus sacramentis, quod si omittatur aliquid quod est de substantia sacramenti, oportet illud sacramentum iterari. Unde cum non esset forma debita in baptismo Joannis, oportebat quod iteraretur baptismus. **Et hoc habet communior opinio, quæ etiam ex verbis Augustini confirmatur, qui dicit super Joan. hom. V (n. 6 ; L. 35, 1416) :** « *Qui baptizati sunt baptismate Joannis, non eis sufficit. Baptizandi enim sunt baptismate Christi.* »

**130. —** Et ideo secundum hoc dicendum **AD PRIMUM** quod ibi agitur de illis qui baptizati erant a Philippo, quod constat

1. *aß* « habeat », contra *ζη* et ed. — 2. Ed. *om.* « hoc ». — 3. Ed. « id ». — 4. Ed. de quo ».

quod baptismo Christi baptizaverat. Sed non erat ibi datus Spiritus sanctus ad robor, sicut in confirmatione datur; quia ille non fuit Philippus Apostolus, sed unus de septem diaconibus, et ideo non poterat manus imponere, quia hoc Episcoporum est. Et propter hoc missi sunt ad hoc Petrus et Joannes.

**131.** — **Ad secundum** dicendum quod Hieronymus non vult tangere causam rebaptizationis, sed insufficientiam fidei ipsorum ad salutem, ut patet ex verbis praecedentibus. Praemittit enim: « *Qui dicit se credere in Christum, et non credit in Spiritum sanctum, nondum habet claros oculos.* » Insufficientiam autem fidei non posset esse causa quare aliqui baptizarentur, sed quare instruendi essent, sicut et nunc fit.

**132.** — **Ad tertium** dicendum quod Apostoli creduntur baptizati fuisse baptismo Christi, quamvis scriptum non inveniatur, ut dicitur in Glossa Jo an, xiii super illud: « *Qui lotus est, etc.* » (L. 114, 405). Ex quo enim ipsi alios baptizabant, ut habetur Jo an, iit 1, videtur quod et ipsi venientes ad Christum baptizati fuerunt<sup>2</sup>. Si tamen Christus qui habuit potestatem remittere, de peccato eos sine baptismo ex privilegio quodam sanctificare voluisset, et qui virtutem suam sacramentis non alligavit<sup>3</sup>, non esset ad consequentiam trahendum.

Ex auctoritate autem inducta non habetur quod Apostoli tantum baptismo Joannis baptizati erant, sed comparatio quaedam baptismi flaminis ad baptismum Joannis.

**133.** — **Ad quartum** dicendum quod ad baptismum requiritur aqua cum debita forma verborum<sup>4</sup>. Joannes autem non observabat formam baptismi Christi, nec iterum erat in eo efficacia sicut in baptismo Christi; et ideo quia omittebantur ea quae erant de necessitate sacramenti, oportebat iterum baptizari.

## EXPOSITIO TEXTUS

**134.** — « Quorum alia remedium. » (1)

**Sed contra.** Omnia sacramenta novae legis sunt in remedium et gratiam conferunt, ut dictum est. Ergo distinctio illa nulla videtur.

**Et dicendum** quod ista distinctio sacramentorum sumitur secundum id ad quod principaliter ordinantur. Quamvis ergo *omnia* aliquo modo gratiam conferant et in remedium sint, *quaedam* tamen principaliter ordinata sunt in remedium, con-

1. Ed. « iv ». — 2. Ed. « fuerint ». — 3. Ed. « Si tamen Christus qui habuit potestatem remittere et qui virtutem suam sacramentis non alligavit, de peccato eos sine baptismo ex privilegio quodam sanctificare voluisset ». — 4. Ed. *om.* « verborum ». — 5. Ed. « illa ». — 6. Ed. *ad.* « sacramenta ».

tra aliquem specialem morbum, ut matrimonium contra concupiscentiam ; *quædam*. vero de sui prima intentione sunt ordinata ad remedium morbi et ad gratiam: sicut baptismus qui est spiritualis regeneratio, per quam vetus homo corrumpitur et novus generatur ; *quædam* autem, quia gratiam præsupponunt, ordinantur ad gratiæ perfectionem sicut eucharistia. Et sic intelligenda sunt verba *Magistri* : « *Non utique propter remedium, sed ad sacramentum.* » Et debet accipi sacramentum large pro quolibet signo rei sacræ.

**135.** — « Baptismum Christi Joannes, etc. » (4)

Ideo potius baptismus Christi quam alia sacramenta novæ legis præparatorium habuit, quia baptismus est janua sacramentorum et ipse facit aliis viam ; unde alio præparatorio sacramenta alia non indigebant.

**136.** — « Iterum baptizabantur, immo verum baptisma, etc. »

Ex hoc patet quod præcedens baptismus non reputabatur aliquibus pro baptismo ; quia qui baptisma Christi accipiebant, non iterato baptizabantur, sed verum baptisma de novo accipiebant. Et ideo quasi corrigens quod dixerat : « iterum baptizabantur », addit, « immo verum baptisma accipiebant ». Et sic *Magister* per verba *Hieronymi* suam intentionem probare non potest.

## DISTINCTIO III

### Quid sit baptismus

1. — Post hæc videndum est quid sit baptismus, et quæ sit forma, et quando institutus, et quæ causa institutionis.

Baptismus dicitur tinctio<sup>1</sup>, idest ablutio corporis exterior facta sub forma verborum præscripta. Si enim ablutio fiat sine verbo, non est ibi sacramentum; sed accedente verbo ad elementum, fit sacramentum; non utique ipsum elementum fit sacramentum, sed ablutio facta in elemento.

Unde Augustinus (trat., 80 in Joann., n. 3; L. 35, 1840) : « *Verbo baptisma consecratur. Detrahe verbum, et quid est aqua nisi aqua? Accedit verbum ad elementum et fit sacramentum. Unde ista<sup>9</sup> tanta virtus aquæ ut corpus tangat et cor abluat, nisi faciente verbo? Non quia dicitur, sed quia creditur. Nam<sup>3</sup> et in ipso verbo aliud est sonus transiens, aliud est virtus intus manens.* »

In duobus ergo consistit sacramentum baptismi, scilicet<sup>4</sup> verbo et elemento. Ergo etsi alia desint<sup>5</sup> quæ ad decorem sacramenti instituta sunt, non ideo minus est verum sacramentum et sanctum, si verbum sit ibi et elementum. Nam et in hoc sacramento et in aliis quædam solent fieri ad decorem et honestatem sacramenti, quædam ad substantiam et causam sacramenti pertinentia. De substantia hujus sacramenti sunt verbum et elementum, cetera ad solemnitatem ejus pertinent.

### De forma baptismi

2. — Sed quod est illud verbum quo accedente ad elementum, fit sacramentum?

Veritas tee docet, quæ hujus sacramenti formam tradens (Mat., xxviii, 19) ait discipulis : « *Ite, docete omnes gentes, baptizantes eos in nomine Patris et Filii et Spiritus sancti.* » Invocatio igitur Trinitatis verbum dicitur quo baptisma consecratur. Et hæc est forma verborum sub qua traditur baptismus.

Unde Bonifacio Episcopo<sup>7</sup> Zacharias Papa (Ivo Decret, p. 1, c. 169; I Pan., c. 63; L. 161, 102, 1060) ait : « *Firmissime præceptum est in Synodo Anglorum uts quicumque, sine invocatione Trinitatis mersus fuisset<sup>9</sup>, sacramentum regenerationis non haberet : quod, omnino verum est. Quod si mersus in fonte baptismi quis fuerit sine invocatione Trinitatis, perfectus Christianus non est, nisi in nomine Patris et Filii et Spiritus sancti fuerit baptizatus.* »

3. — Legitur tamen in *Actibus Apostolorum* (cap. vin, 12). Apostolos baptizasse « *in nomine Christi.* » Sed in hoc nomine, ut exponit Ambrosius (lib. I de Spiritu sancto, c. 3, n. 44.; L. 16, 715) tota Trinitas intelligitur.

1. Ed. «intinctio». — 2. Quar. «Unde est h:cc». — 3. Ed. «Namque». — 4. Ed. ad. « in ». — 5. Ed. « desunt ». — 6. Ed. om. « te ». — 7. Quar. om. « ilonifacio Episcopo ». — 8. Quar. om. « ut ». — 9. Quar. ad « quod ».

f\* « *Intelligitur enim, cum Christum dicis, et Pater a quo unctus est, et ipse qui unctus est et Spiritus sanctus per quem unctus est.* »

Unde Nicolaus Papa (ad consulta Burgarorum, n. 104; L. 119, 1014) : « *A quodam Judæo multos baptizatos asseritis, et quid inde agendum sit, consultis. Hi profecto si in nomine sanctæ Trinitatis, vel in nomine Christi, sicut in Actibus Apostolorum legimus baptizentur, baptizati sunt : unum enim idemque est, ut exponit Ambrosius.* »

Si in nomine Patris tantum vel Spiritus sancti possit tradi  
BAPTISMUS

Hic quaeritur an baptismus esset verus, si diceretur in nomine Patris tantum, vel Spiritus sancti tantum, ut cum dicitur in nomine Christi.

Ambrosius videtur dicere quod si fide mysterium Trinitatis teneatur, et una persona tantum nominetur, plenum esset sacramentum ; et, e converso, si tres nominentur, et non recte de aliquo illorum sentiatur, vacuum fieri<sup>2</sup> mysterium Trinitatis. Ait enim sic (Lib. I de Spiritu sancto c. 3, n. 42 ; L. 16, 713) : « *Ubi non est plenum baptismi sacramentum, nec principium nec species aliqua baptismi æstimatur. Plenum autem est, si Patrem et Filium et Spiritum sanctum fatearis. Si unum neges, totum subrues. Et sicut si unum in sermone<sup>3</sup> comprehendas vel Patrem vel Filium vel Spiritum sanctum, fide autem nec Patrem nec Filium nec Spiritum sanctum abneges, plenum est fidei sacramentum ; ita etiam licet Patrem et Filium et Spiritum sanctum dicas, et Patris et Filii et Spiritus sancti minuas potestatem, vacuum est omne mysterium... Cum enim dicitur in nomine Christi, per unitatem nominis impletum est mysterium, nec a Christi baptisate Spiritus separatur, quia Christus baptizavit in Spiritu.* » (n. 43).

• Quæstio Ambrosii

« *Nunc consideremus utrum sicut Christi nomine legimus baptismi plenum esse sacramentum, ita etiam Spiritu sancto nuncupato nihil desit ad mysterii plenitudinem. Rationem sequamur<sup>5</sup>. Qui unum dixerit, Trinitatem significavit<sup>6</sup> Si Christum dicas, et Patrem a quo unctus est Filius, et ipsum<sup>7</sup> qui unctus est<sup>8</sup> Filium, et Spiritum sanctum quo unctus est, designasti. Scriptum est enim [Act., x, 38]. : « Hunc esse Jesum a Nazareth quem unxit Deus Spiritu sancto. » Et si Patrem dicas, Filium ejus et Spiritum oris ejus pariter indicas, si tamen id etiam corde comprehendas. Et si Spiritum sanctum dicas, Deum Patrem a quo procedit, et Filium ejus cujus est Spiritus, nuncupasti. Unde, ut rationi copuletur auctoritas, Dominus dicit (Act., i, 5). « Vos autem baptizabimini in Spiritu sancto » (n. 44). Ex quo indicat nos recte posse baptizari in Spiritu sancto. »*

Perstringit præmissorum intelligentiam cum  
DETERMINATIONE CUJUSDAM DICTI

4. — Ex his àpèrte intellexisti in nomine Christi verum baptisma tradi ; ubi<sup>9</sup> nihilominus insinuari videtur, verum baptisma dari posse in nomine Patris tantum vel Spiritus sancti ; si tamen ille qui baptizat, fidem Trinitatis teneat, quæ Trinitas in quolibet horum nominum intelligitur.

1. Ed. « est ». — 2. Ed. « fieret ». — 3. F. « Et sicut si in unum sermonem ». — 4. Quar. om. « enim ». — 5. Ed. « sequimur ». — 6. Quar. « signavit ». — 7. Ed. « Christum ». — 8. F. ad. « scilicet ». — 9. Ed. « Unde ».

Si autem aliquis perverse credens et errorem inducere intendens, unum de tribus tantum nuncupet, non implevit mysterium.

Quod vero ait, « *nominatis tribus vacuum esse mysterium, si baptizans minuat potestatem Patris et Filii vel Spiritus sancti* », idest, sil male sentiat de potentia alicujus horum, non credens unam potentiam trium; intelligendum est hoc super eum qui non intendit nec credit baptizare, qui non tantum caret fide, sed etiam intentionem baptizandi non habet.

Qui ergo baptizat in nomine Christi, baptizat in nomine Trinitatis quæ ibi intelligitur. Tutius est tamen tres personas ibi nominare, ut<sup>2</sup> dicatur: « *In nomine Patris et Filii et Spiritus sancti.* » Non in nominibus, sed in nomine, idest in invocatione vel in confessione Patris et Filii et Spiritus sancti. Invocatur enim ibi tota<sup>3</sup> Trinitas, ut invisibiliter ibi operetur per se, sicut extra visibiliter per ministrum. Si autem dicatur, *in nominibus*, non est ibi sacramentum, quia non servatur forma baptismi<sup>4</sup>.

#### De institutione baptismi

5. — De institutione baptismi, quando coeperit, variæ sunt aestimationes. Alii dicunt tunc esse institutum, cum Nicodemo Christus ait (Joan., hi, 15): « *Nisi quis renatus fuerit ex aqua et Spiritu sancto* ».

Alii dicunt institutionem baptismi factam, cum Apostolis dixit (Mat., ult. 19): « *Ite, docete omnes gentes, baptizantes eos in nomine Patris et Filii et Spiritus sancti.* » Sed hoc dixit eis post resurrectionem, præcipiens eis de vocatione gentium; quos ante passionem binos et binos<sup>5</sup> miserat ad prædicandum in Judæa et ad baptizandum, dicens (Mat., x, 5): « *In viam gentium ne abieritis.* » Jam ergo institutus erat baptismus, quia baptizabant simul et prædicabant.

#### De forma in qua baptizaverunt Apostoli ante passionem Christi

Si vero quæritur in qua forma tunc baptizaverunt, sane dici potest: in nomine Trinitatis, scilicet in ea forma in qua baptizaverunt postea gentes: quæ ante passionem potest intelligi fuisse tradita, licet non sit scriptum. Non ergo tunc illam formam Christus prius tradidit, cum ad evangelizandum gentibus misit; sed quam ante tradiderat, mittens eos in Judæam, post iteravit cum ad gentes misit.

Commodius ergo dicitur institutio facta, quando Christus a Joanne baptizatus est in Jordane: quod dispensavit, non quia mundari voluerit<sup>8</sup>, cum sine peccato fuerit; sed quia « *contactu mundse carnis suse vim regenerativam contulit aquis!* », ut qui postea immergeretur invocato nomine Trinitatis, a peccatis purgaretur. Tunc igitur<sup>8</sup> institutus est baptismus Christi, in quo Trinitas cujus mysterium ibi innotuit, interius hominem<sup>9</sup> baptizat.

#### Quare in aqua tantum fiat

6. — Celebratur autem hoc sacramentum tantum<sup>10</sup> in aqua, non alio liquore, ut Christus ait (Joan., hi, 5): « *Nisi quis renatus fuerit ex*

1. Quar. om. « si ». — 2. F. ad « ibi ». — 3. Quar. om. « tota ». — 4. Quar. om. « baptismi ». — 5. Ed. om. « et binos ». — 6. F. « voluit ». — 7. Cf. C. *Nunquam aquæ* (10) De consecrat, d. 4 (L, 161, 1364). — 8. F. « Tunc ergo invocato nomine Trinitatis ». — 9. F. « homines ». — 10. F. om. « tantum ».

*aqua, etc...* » Ideo uniformiter id fieri in aqua praecipitur, ut intelligatur quod « *sicut aqua sordes corporis ac vestes abluit, ita baptismus maculas animae sordesque vitiorum emundando abstergit.* » [in Ep. ad Rom., vi, 4 ; L. 17, 100]. Vel ideo ut nullum inopia excusaret : quod posset fieri, si in vino et oleo fletet ; et ut communis materia baptizandi inveniretur apud omnes. Quod aqua significavit quæ de latere Christi manavit, sicut sanguis alterius sacramenti signum fuit. Non igitur in aliquo liquore potest consecrari baptismus, nisi in aqua.

De immersione, quoties fieri debeat

7. — De immersione vero, si quæritur quomodo fieri debeat præeise, respondemus : vel<sup>1</sup> semel vel tertio pro vario more Ecclesiæ.

Unde Gregorius (lib. I, ep. 43 ; L. 77, 497) : « *De trina immersione baptismi nil verius responderi potest, quam quod vos ipsi sensitis ; quia in una fide nihil officit Ecclesiæ sanctæ consuetudo diversa. Quia enim in tribus subsistentiis una substantia est, reprehensibile esse nullatenus potest infantem in baptismo vell ter vel semel mergere, quia et in tribus mersionibus personarum Trinitas, et in una potest Divinitatis singularitas designari. Nos vero qui tertio mergimus<sup>2</sup>, etiam triduanæ sepulture sacramentum signamus.* »

Secundum hoc enim licet non modo ter, sed etiam semel mergere tantum.

Ibi tamen dumtaxat semel mergere licet, ubi consuetudo Ecclesiæ talis existit. Si quis vero id facere incipiat, ubi consuetudo talis non est, vel semel tantum mergendum esse<sup>3</sup> asserat, reprehensibilem se constituit.

Unde Haymo [in Epist. ad Rom., xiv, 5 ; L. 117, 488) : « *In suo sensu abundabat Cyprianus, cum semel mergebat in baptismo parvulos<sup>4</sup> qui quod intelligebat, studiosè implebat, bonis operibus abundando, licet in hoc nescius delinqueret. Sed quia bonis operibus abundabat, postea correctus a Deo abundavit altiori sensu, ter illos mergendo,* »

Ecce habemus<sup>5</sup> quia deliquit qui semel mersit ; sed hoc ideo quia aliter se habebat consuetudo illius Ecclesiæ, vel quia unam tantum faciendam mersionem asserebat.

De trina mersione Augustinus ait [serm. ad neophytos ; L. 40, 1211). « *Postquam nos credere promisimus, tertio capita in sacro fonte dimersimus : qui ordo baptizandi<sup>6</sup> duplici mysterii significatione celebratur. Recte enim tertio mersi<sup>7</sup> estis, quia<sup>8</sup> accepistis baptismum in nomine Trinitatis. Recte tertio mersi<sup>9</sup>, quia<sup>10</sup> accepisti baptismum « in nomine Christi », qui die tertia resurrexit a mortuis. Illa enim tertio repetita mersi<sup>11</sup> typum dominicæ exprimit sepulture. »*

Constat ergo baptizandos tertio debere immergi ; et tamen si semel tantum immergantur, verum baptismum accipiunt. Et qui semel immergit tantum, non peccat, nisi Ecclesiæ consuetudo obsistat, vel hoc modo tantum debere fieri asserat.

Quando circumcisio amisit vim suam

8. — Solet etiam quæri si circumcisio amisit statim vim suam ab institutione baptismi.

Ad quod dicimus in Christi morte terminata esse legalia omnia. Ex

1. F. « vel ». — 2. F. « ergo ». — 3. F. « ut ». — 4. F. om. « vel ». — 5. F. « immergimus ». — 6. F. om. « enim ». — 7. F. om. « esse ». — 8. Quar. « habes ». — 9. Quar. « baptismi » ; Migne. « baptismatis ». — 10. F. « immersi ». — 11. F. « quia ». — 12. F. « immersi ». — 13. F. « quia ». — 14. F. « immersio ».

tunc igitur circumcisio perdidit vim suam ; ita quod postea non profuerit, sed potius obfuerit<sup>2</sup> observatoribus suis. Sed usque ad oblationem veræ hostiæ potuit prodesse. Si enim ante passionem legalia finem habuissent, non ea imminente vetus pascha cum discipulis manducasset<sup>3</sup>.

#### De CAUSA INSTITUTIONIS

9. — Causa vero institutionis baptismi est innovatio mentis, ut homo qui per peccatum vetus fuerat, per gratiam baptismi renovetur : quod fit depositione vitiorum et collatione virtutum. Sic enim fit quisque novus homo, cum abolitis peccatis ornatur virtutibus. Abolitio peccatorum pellit foeditatem, appositio virtutum affert decorem. Et hæc est res hujus sacramenti, scilicet interior munditia.

Quæritur an baptismus aperuit cælum, quod non aperuit  
CIRCUMCISIO

10. — Si quæritur utrum baptismus aperuerit cælum, quod non aperuit circumcisio, dicimus quia<sup>4</sup> nec baptismus nec circumcisio aditum regni nobis aperuit, sed hostia Salvatoris quæ si tempore circumcisionis oblata fuisset, illius temporis homines in regnum intrassent. Res ergo hujus sacramenti justificatio est.

#### DIVISIO TEXTUS

11. — « Post hæc videndum est<sup>5</sup>, etc. » (1)

Postquam determinavit Magister de his quæ præxiguntur ad sacramenta novæ legis, *hic incipit determinare de singulis sacramentorum novæ legis.*

Et dividitur in partes duas. *In prima* determinat de illis sacramentis quæ sunt ordinata in remedium unius personæ; *in secunda* de illis quæ sunt ordinata in remedium totius Ecclesiæ, 24 d. ibi : « Nunc ad considerationem sacræ ordinationis etc.<sup>6</sup> »

Prima dividitur in tres. *In prima* determinat de sacramento intransantum, scilicet baptismo; *in secunda* de sacramentis progredientium 7 d., ibi : « Nunc de sacramento confirmationis etc.<sup>7</sup> »; *in tertia* de sacramento exeuntium, scilicet extrema unctione 23 d., ibi : « Præter præmissa est aliud sacramentum, etc.<sup>8</sup> »

Prima in tres. *In prima* determinat de baptismo secundum se ; *in secunda* de baptismo per<sup>9</sup> comparisonem ad recipientes, 4 d., ibi : « Hic dicendum est, aliquos etc. ; » *in tertia* secundum comparisonem ad ministrantes, 5 d., ibi : « Post hæc sciendum est, sacramentum baptismi etc.<sup>10</sup> »

1. F. « ergo ». — 2. Quar. « obfuit ». — 3. CL Mat. xxvi, 2 ; Marc., xiv, 1 ; Luc, xxii, 1 ; Joan., xiii, 1. — 4. F. « quod. ». — 5. Ed. om. « etc. ». — 6. Ed. om. « etc. ». — 7. Ed. om. « etc. ». — 8. Ed. om. « etc. ». — 9. a « secundum ». — 10. Ed. om. « etc. ».

k Prima in duas. In prima determinat de baptismo secundum  
l se. In secunda determinat de eo per comparisonem ad circum-  
j cisionem, ibi : « Solet etiam quæri si circumcisio etc.1 » (8)

l Prima in duas. In prima determinat quid est baptismus ;  
l in secunda de his quæ ad baptismum requiruntur, ibi : « Sed  
j quod est illud verbum etc.2 » (2)

l Hæc pars dividitur in tres secundum tria quæ exiguntur ad  
" baptismum. In prima enim determinat de forma baptismi ;  
Sj in secunda de materia ejus, ibi : « Celebratur autem etc.3 ; » in  
) tertia de ipso actu ablutionis vel immersionis, ibi : « De immer-  
sione vero etc.4 » (7)

Prima in duas. In prima determinat de forma baptismi ;  
in secunda de institutione ipsius, ibi : « De institutione bap-  
tismi. » (5)

Circa primum duo facit. Primo determinat formam baptismi.  
Secundo movet quamdam quæstionem circa formam baptismi  
et determinat eam, ibi : « Hic quæritur an baptismus etc.6 »

Prima in duas. In prima determinat formam principalem  
baptismi ; in secunda quamdam formam secundariam pro tempore  
observatam, ibi : « Legitur tamen in Actibus Apostolorum etc.7 »

« Solet etiam quæri. » (8) Hic determinat de baptismo per  
comparisonem ad circumcisionem. Et circa hoc tria facit. Primo  
determinat cessationem circumcisionis ; secundo institutionem  
baptismi, ibi : « Causa vero institutionis etc.8 » (9) ; tertio effectum  
utriusque, ibi : « Si quæritur utrum baptismus etc.10 » (10)

Hic quaeruntur quinque.

Primo, quid sit baptismus.

Secundo, de forma ipsius.

Tertio, de materia ejus.

Quarto, de intentione.

Quinto, de institutione.

## ARTICULUS I

[1]

[Infra, Expos. lit. ; III, q. 61, a. 1.]

**12. — AD PRIMUM SIC PROCEDITUR.** Videtur quod  
INCONVENIENTER SIT ASSIGNATA HÆC DEFINITIO BAPTISMI QUÆ  
in Littera (1) ponitur, scilicet : « *Baptismus est ablutio corporis  
exterior, facta sub forma præscripta verborum.* »

1. Manente enim definito, manet definitio. Sed transeunte

1. Ed. om. « etc. ». — 2. Ed. om. « etc. ». — 3. Ed. om. « etc. ». — 4. Ed. om.  
« etc. » — 5. ad « vero, etc. ». — 6. Ed. om. « an baptismus etc. ». — 7. Ed. om.  
« etc. ». — 8. Ed. om. « etc. ». — 9. Ed. om. « etc. ».

ablutione quæ est quædam actio vel passio, manet baptismus. Ergo baptismus non est ablutio.

2. **Praeterea.** *Sacramentum*, secundum Hugonem (*Idē sacram.*, p. 9, c. 2 ; L. 176, 317) *est materiale elementum*. Ablutio autem non est materiale elementum, sed elementi usus. Ergo baptismus, cum sit sacramentum, non erit ablutio.

3. **Praeterea.** Sacramentum est in genere relationis, cum sit causa vel signum, sicut supra (d. 1, 24,25) dictum est. Sed baptismus est sacramentum. Ergo inconvenienter ponitur in genere actionis vel passionis.

4. **Praeterea.** In definitione instrumenti debet poni illud ad quod est. Sed baptismus, sicut et alia sacramenta, ut prius dictum est (d. 1,44), sunt instrumenta sanctificationis. Ergo cum in definitione ejus nulla mentio fiat de sanctificatione, videtur inconvenienter esse assignata.

## [II]

13. — **ULTERIUS.** Videtur quod etiam inconvenienter assignetur definitio Hugonis (II *De sacram.*, p. 6, c. 2 L. 176, 443) quæ talis est : « *Baptismus esi aqua diluendis criminibus sanctificata per verbum Dei.* »

1. Nihil enim fit in seipso. Sed baptismus fit in aqua. Ergo baptismus non est aqua.

2. **Praeterea.** In definitione alicujus non debet poni aliquid quod non sit de essentia ejus. Sed sanctificatio materiæ non est de essentia baptismi, quia in mari vel in flumine potest fieri baptismus. Ergo sanctificatio aquæ non debet poni in definitione baptismi.

3. **Praeterea.** Definitio debet converti cum definito. Sed potest esse aqua sanctificata verbo vitæ diluendis criminibus et tamen non erit baptismus, sicut quando non fit intinctio. Ergo hæc non est competens baptismi definitio.

4. **Praeterea.** Effectus qui potest impediri non debet poni in definitione causæ, quia tunc definitio esset in minus quam definitum. Sed potest impediri quod per baptismum diluantur crimina. Ergo non debet dilutio criminum in definitione baptismi poni.

## [III]

14. — **ULTERIUS.** Videtur quod etiam inconvenienter assignetur definitio Dionysii, quam ponit 2 cap. *Cal. Hier.* (η. 1 ; G. 3, 391), ubi dicit : « *Quoddam ergo est principium sanctissimorum mandatorum sacræ actionis, et ad aliorum divinorum*

*mandatorum*1 *el sacrarum actionum suscepivam opportunitatem, formans nostros animales habitus ad supercælestis quietis anagogem, nostrum iter faciens, sacræ et divinissimæ noslræ regenerationis traditio.* »

1. Principium enim reducitur ad genus principiatorum. Sed sacramentum non est in genere præcepti, sed in genere sacramenti. Ergo non debet dici principium sanctissimorum mandatorum.

2. **Præterea.** Non dicitur esse principium sanctorum mandatorum nisi in quantum præparat viam ad alia mandata. Ergo superfluum fuit postea addere : « *Ad suscepivam opportunitatem aliorum nos formans.* »

3. **Præterea.** Nihil formari potest ad divina eloquia nisi quod est perceptivum eorum. Sed hoc quod est animale in nobis non percipit divina eloquia, sed solum hoc quod est rationale. Ergo male dixit : « *Formans animales habitus ad divina eloquia.* »

4. **Præterea.** Forma et materia sunt de essentia rei. Sed ipse nullam mentionem facit de materia et forma baptismi. Ergo videtur quod insufficienter definiat.

## [IV]

**15. — ULTERIUS.** Videtur quod inconvenienter assignetur DEFINITIO QUAM DAMASCENUS ponit in IV lib. (*De fide Orth.*, cap. 9 ; G. 94, 1122) sic dicens : « *Baptismus est per quem primitias Spiritus sancti accipimus, et principium alterius vitæ fit nobis regeneratio*2, *sigillum*3, *custodia et illuminatio.* »

1. Aliqui enim prius habent Spiritum sanctum et spiritualem vitam quam baptismum consequantur : sicut patet de Cornelio *Act. x.* Ergo per baptismum non semper accipimus primitias Spiritus sancti, nec est baptismus principium alterius vitæ in nobis.

2. **Præterea.** Idem non debet poni in definitione sui ipsius. Sed regeneratio est idem quod baptismus. Ergo non debet poni in definitione baptismi.

3. **Præterea.** Illuminatio fit per virtutes intellectuales. Sed baptismus non est intellectualis virtus, sed sacramentum. Ergo non debet sibi attribui illuminatio.

4. **Præterea.** Custodia fit in nobis per divinam providentiam, de qua dicitur in *ps. (cxx, 4)* : « *Ecce non dormitabit neque dormiet qui custodit Israel.* » Ergo non debet hoc baptismo attribui.

**16. — RESPONSIO.** Dicendum AD PRIMAM QUÆSTIO-

1. Ed. « eloquiorum ». — 2. Ed. *ad.* « et ». — 3. Ed. *ad.* « et ».

**NEM** quod secundum doctrinam **Philosoghi** in lib. *Post.* (β 10. 94», 11-14 ; 1. 8) *triplex* est genus definitionis.

*Quaedam* enim sunt definitiones *materiales*, quas dicimus demonstrationis conclusiones.

*Quaedam formales* quæ sunt principia demonstrationis.

*Quædam materiales et formales simul* quæ sunt demonstrationes positione differentes ; quia habent medium demonstrationis in quantum continent definitionem formalem, et conclusionem in quantum continent materialem, sed deest solus ordo terminorum. Quia autem omne completivum quodammodo formale est respectu ejus quod completur, ideo definitio formalis non dicitur quæ solum continet hoc quod est completivum respectu alterius.

Et quia in causis est talis ordo quod materia completur per formam, et forma per efficientem, et efficiens per finem ; ideo definitio *quandoque* materialis dicitur quæ comprehendit tantum materiam rei, formalis autem quæ comprehendit formam : sicut : « *Ira est accensio sanguinis circa cor* », dicitur materialis definitio ; et « *Ira est appetitus in vindictam* », dicitur formalis.

*Quandoque* autem materialis comprehendit formam et materiam, sed formalis causam efficientem : sicut hæc dicitur materialis : « *Tonitruum esi continuus sonus in nubibus* » ; hæc autem formalis : « *Tonitruum est extinctio ignis in nube.* »

*Quandoque* autem definitio materialis comprehendit materiam et formam et efficientem, formalis autem finem : sicut : « *Domus est coopertorium factum ex lapidibus et lignis per talem modum et talem artem* », est definitio materialis respectu hujus : « *Domus est cooperimentum prohibens nos a frigoribus et caumatibus* » ; et hoc præcipue accidit in instrumentis, quia in eis quasi tota ratio speciei a fine sumitur.

**17.** — Et quia baptismus, cum sit sacramentum, quoddam instrumentum est, ideo *definitio materialis* ejus erit quæ comprehendit materiam et formam ejus et efficientem ; et *formalis* quæ comprehendit finem. Et sic **definitio quam Magister in Littera ponit, est materialis.** Continet enim materiam in hoc quod dicit : « *Ablutio exterior* » ; et innuit efficientem in hoc quod dicit, « *facta* » ; et ponit formam in hoc quod dicit, « *sub forma verborum etc.* »

**18.** — Et sciendum quod Augustinus ponit eandem definitionem, quamvis sub aliis verbis. Dicit enim : « *Baptismus est tinctio in aqua verbo vilæ sanctificata.* »

**19.** — **AD PRIMUM** ergo dicendum quod in sacramento

1. In secunda ed. Vivès deficit textus genuinus a quaestiuncula IV usque hic et loco ejus habetur quaestiuncula II, et principium quaestiunculæ III, d. 11, q. II, a. 1.

fl. baptismi sunt *tria*. *Aliquid quod est sacramentum tantum*, sicut  
 I aqua exterius fluit, et hoc transfluit et non manet. Et *aliquid*  
 I *quod est sacramentum et res*, et hoc semper manet, scilicet cha-  
 ,I racter. Et *aliquid quod est res tantum*, quod quandoque manet,  
 l quandoque transit, scilicet gratia.

j Magister ergo hic definit baptismum quantum ad id quod est  
 I sacramentum tantum, quia intendit ipsum *materialiter* definire.

3 20. — **Ad secundum** dicendum quod sacramentum novæ legis  
 1 est signum et causa gratiæ, unde secundum hoc est sacramen-  
 A tum, secundum quod habet significare et causare. Aqua autem  
 1 non habet significare et causare effectum baptismi, nisi secun-  
 m dum quod est abluens. Unde essentialiter baptismus est ipsa  
 ablutio; quia ad ablutionem interiorem causandam institutus  
 est, quam significando causât ipsa exterior ablutio. Sed aqua  
 est materia ejus remota, et ablutio ipsa est materiale baptismo;  
 sed verbum vitæ est forma completiva sacramenti.

j 21. — Augustinus autem et Magister definiunt baptismum  
 per materiam proximam quæ prædicatur proprie de baptismo:  
 sicut materia in artificialibus, ut « *phiala est argentum* »; sed  
 I Hugo definivit per materiam remotam quæ non ita proprie  
 prædicatur, nisi per causam<sup>2</sup>.

22. — **Ad tertium** dicendum quod baptismus, inquantum est  
 sacramentum, est in genere signi causæ; et in hoc genere consti-  
 titur per formam verborum, a qua habet significationem et  
 efficaciam sacramentalem. *Sicut* autem artificialia non ponuntur  
 in genere ex forma simpliciter, sed ex materia — non enim  
 dicimus quod domus sit in genere qualitatis nisi inquantum  
 artificiale figuratum, sed dicitur esse in genere substantiæ — *ita*  
 etiam est de sacramentis. *Baptismus enim simpliciter est in genere*  
*ablutionis*; sed *secundum quid*, scilicet inquantum est sacramen-  
 tum, est *in genere relationis*.

23. — **Ad quartum** dicendum quod finis ad quem est sacra-  
 mentum, est ultimum formale ipsius, a quo sumitur formalis  
 definitio. Magister autem non intendit hic definire baptismum  
 formaliter, sed materialiter; et ideo sanctificationem prætermisit.

24. — **AD SECUNDAM QUÆSTIONEM** dicendum quod defi-  
 nitio illa Hugonis complectitur et materiam baptismi in hoc  
 quod dicit, « *Aqua* », et finem in hoc quod dicit, « *diluendis cri-  
 minibus* », et formam in hoc quod dicit, « *per verbum vitæ sanc-  
 tificala* ». Unde est definitio composita ex materiali et formali,  
 quasi demonstratio positione differens; et complete essentiam  
 baptismi complectitur, excepto quod actus ablutionis inter-

1. Ed. « hæc ». — 2. Ed. *ad*. « remotam ». — 3. Ed. « per ».

mittitur qui facit materiam proximam baptismo, quamvis ex aliis quæ ponuntur, intelligi possit.

**25. — AD PRIMUM** ergo dicendum quod hæc est propria prædicatio, « *Baptismus fit in aqua* »; sed hæc est per causam prædicatio, « *Baptismus est aqua* ».

**26. — Ad secundum** dicendum quod ibi non tangitur sanctificatio, nisi illa quæ fit per formam baptismi quæ consistit in invocatione Trinitatis. Et hæc sanctificatio est de necessitate baptismi.

**27. — Ad tertium** dicendum quod sacramenta non efficiunt nisi id quod figurant. Ex hoc autem ipso quod ponitur dilutio criminum, effectus baptismi potest accipi; quia baptismus materialiter non consistit in aqua nisi secundum quod est abluens. Quandocumque autem est aqua sanctificata in actu ablutionis, est baptismus.

**28. — Ad quartum** dicendum quod idem numero quandoque est effectus alicujus et finis: sicut sanitas est effectus et finis medicantis; sed effectus, secundum quod producit per actum medici, finis autem secundum quod est intentum a medico. Medicus autem potest impediri a productione sanitatis, sed non ab intentione. Et ideo sanitas potest poni in definitione ut est finis, non autem ut est effectus. Et similiter dilutio criminum in definitione sacramenti.

**29. — AD TERTIAM QUÆSTIONEM** dicendum quod Dionysius ex definitione baptismi data intendit procedere ad ea quæ materialiter in baptismo requiruntur. Unde post hanc definitionem datam, ritum baptismi ponit. Et ideo ponit eam ut demonstrationis principium. Et propter hoc est *definitio totaliter formalis*.

*Et est sciendum quod in verbis ejusdem aliquid ponitur quasi definitum, et aliquid ponitur tamquam definitio.*

**30. — Tamquam definitum** ponitur, scilicet « *traditio sacræ et divinissimæ regenerationis* ». Ista enim est quædam circumlocutio baptismi, qua ipse frequenter utitur. Et hoc patet ex hoc quod ibi baptismum non nominat, ut sit sensus: « *Quoddam est principium etc.* », scilicet « *sacræ et divinissimæ etc.* »

**31. — Quasi definitio ponitur** hoc quod dicit: « *Principium sanctissimorum, etc.* » Et ponit tria ad quæ baptismus ordinatur, quæ formaliter rationem ejus complent.

**Unum est quod competii ei secundum quod est janua sacramentorum.** Et quantum ad hoc dicit quod est « *principium sanctissimorum mandatorum sacræ actionis.* » Actiones enim sacræ

1. a « ideo ». — 2. αδ « quasi ». — 3. Ed. « sacræ »

nominat actiones hierarchicas, scilicet purgare, illuminare et perficere, quæ præcipue in nostra hierarchia consistunt in dispensatione sacramentorum : quæ quidem actiones nobis sub præcepto traditæ sunt, et ad eas est principium baptismus quasi-eorum janua.

**Aliud** *esi quod competit sibi inquantum esi causa*, prout scilicet characterem imprimit, et gratiam confert, secundum quod homo informatur et idoneus redditur ad aliorum sacramentorum perceptionem. Et quantum ad hoc dicit quod est « *formans* » per characterem et gratiam « *nostros animales habitus* », idest, vires animæ, « *ad susceptivam opportunitatem* », idest ad idoneam et opportunam susceptionem « *divinorum eloquiorum* », quantum ad doctrinam fidei, « *ei sacrarum actionum* », quantum ad alia sacramenta quæ nulli non baptizato debent conferri.

**Tertium** *competit sibi inquantum est signum et figura caelestium*, et secundum hoc per baptismum manuducimur in caelestium contemplationem. Et quantum ad hoc dicit quod est « *faciens iter nostrum* », idest præparans nobis contemplationis viam ad « *anagogem* », idest sursum ductionem « *supercaelestis quietis* », quæ consistit in contemplatione spiritualium.

**32.** — **Vel potest dici** quod *per secundum* tangit finem proximum baptismi quantum ad ea quæ sunt viæ ; *per tertium* autem tangit finem remotum et ultimum, quantum ad ea quæ sunt patriæ, ad quam nos baptismus perducit per gratiam quam confert, quæ est res significata et non contenta.

**33.** — **AD PRIMUM** ergo dicendum quod Dionysius determinat de baptismo secundum quod est actio quædam hierarchica. Et ideo definit ipsum ut « *principium mandatorum* », non quorumlibet ; sed illorum quibus actiones hierarchicæ nobis traduntur.

**34.** — **Ad secundum** dicendum quod per primum tangit tantum ordinem baptismi ad alia sacramenta, sed per secundum tangit effectum, quo mediante ad alia percipienda idonee perducit, ut ex dictis patet.

**35.** — **Ad tertium** dicendum quod animales habitus hic dicuntur ab anima, et non ab animalitate, qua scilicet cum aliis animalibus communicamus ; ut ostendat quod baptismus non solum corpus exterius lavat, sed etiam animam interius format.

**36.** — **Ad quartum** dicendum quod hæc definitio est principium omnium quæ Dionysius de baptismo tradit ; unde in principio statim hanc definitionem ponit. Et quia in omnibus quæ sunt propter finem<sup>2</sup>, ex fine debet accipi et forma competens fini, et materia competens formæ et fini, et<sup>3</sup> ideo in hac defi-

1. Ed. ad. « sacramenta ». — 2' Ed. ad. « et ». — 3. Ed. om. « et ».

nitio non posuit formam et materiam, sed solum ea ad quæ baptismus ordinatur quasi ad finem proximum vel remotum.

**37. — AD QUARTAM QUÆSTIONEM** dicendum quod *Damascenus*<sup>1</sup> prædictam definitionem venatur ex hoc ipso quod baptismus regeneratio dicitur. Cum enim generatio sit motus ad esse, constat quod baptismus est per quem nobis traditur spirituale esse. Et quia nullus potest agere actionem alicujus naturæ, nisi prius habeat esse in natura illa, ideo concludit<sup>2</sup> quod baptismus est principium omnium spiritualium actionum.

Et secundum hoc *Damascenus* baptismum definit adhuc per priora quam *Dionysius*, in quantum accipit primum effectum baptismi qui est constituere in spirituali vita, ex qua habet quod regeneratio dicatur. Et ideo definit baptismum ut principium spiritualis vitæ in hoc quod dicit « *Principium alterius vitæ* », scilicet spiritualis quæ est altera a naturali; ut hæc generatio sit altera a naturali, et regeneratio dicatur; et iterum ut principium eorum quæ ad vitam primo<sup>3</sup> consequuntur, et ideo dicit: « *per quod fiunt primitive spiritus* », idest primi spiritus effectus in nobis.

Hi autem effectus *vel* consequuntur ipsam generationem, sicut filiatio, *vel* aliqua talis relatio, et sic per baptismum dicimur regenerari in filios Dei, et quantum ad hoc dicitur « *regeneratio* », *vel* consequuntur formam per generationem inductam; et hoc *tripliciter*.

*Primo* in ordine ad generantem, secundum quod per formam inductam genitus fit similis generanti; et quantum ad hoc dicit<sup>4</sup> « *sigillum* ».

*Secundo* quantum ad esse ipsius geniti, quod per formam conservatur; et quantum ad hoc dicit<sup>5</sup> « *Custodia* ».

*Tertio* quantum ad actionem ejus cujus forma est principium; et quantum ad hoc dicit « *illuminatio* ».

**38. — AD PRIMUM** ergo dicendum quod primitiæ spiritus dantur antequam percipiatur baptismus actu, sed non antequam percipiatur *proposito vel habituali*, sicut in Cornelio; *vel actuali*, sicut in aliis qui baptismi fidem habent.

**39. — Vel dicendum** quod hic loquitur de vita spirituali, secundum quod homo quantum ad exteriora reputatur membrum Ecclesiæ, quod non fit ante baptismum, quia ad actus fidelium nullus ante baptismum admittitur.

**40. — Ad secundum** dicendum quod regeneratio ponitur hic pro relatione consequente regenerationem, sicut est filiatio.

1. *αβη* « *Dionysius* » contra *ζ* et ed. — 2. Ed. « *concluditur* ». — 3. Ed. « *prima* ». — 4. Ed. « *dicitur* ». — 5. Ed. « *dicitur* ». — 6. Ed. *om.* « *vel* ».

**41. — Ad tertium** dicendum quod etiam Dionysius (*Eccle. Hierar.*, c. 5, n. 3 ; G. 3, 503) vim illuminativam baptismo attribuit, quod quidem ei competit in quantum est fidei sacramentum. Unde et baptizatus jam admittitur ad inspectionem sacramentorum quasi illuminatus ; non autem ante debet admitti, ne sancta canibus tradantur secundum Dionysium.

**42. — Ad quartum** dicendum quod custodia *conservationem* importat : quæ quidem est *a Deo sicut a principio efficiente, a gratia autem baptismati sicut a principio formali.*

## ARTICULUS II

[I]

[III, q. 60, a. 8 ; q. 61, a. 5 ; q. 84, a. 3 ; *ad Cor.*, c. 1, l. 2.]

**43. — AD SECUNDUM SIC PROCEDITUR.** Videtur quod integritas formæ baptismalis non contineatur in his verbis : « *Ego te baptizo in nomine Patris et Filii et Spiritus sancti.* »

1. Actio enim magis debet attribui principali agenti quam secundario. Sed principalis baptizans est Christus, ut patet Jo an, i, 33, ubi dicitur : « *Hic est qui baptizat* » ; homo autem est tantum minister baptismi. Ergo magis debuit dici : « *Christus te baptizat etc.* » quam « *Ego te baptizo* ».

2. **Præterea.** Secundum Grammaticos in verbis primæ et secundæ personæ intelligitur nominativus certus et determinatus. Sed « *baptizo* », est verbum primæ personæ. Ergo non fuit necessarium quod adderetur : « *Ego* ».

3. **Præterea.** Sacramenta habent a divina institutione efficaciam et virtutem. Sed ex forma quam Dominus tradidit Mat. ult. 19, ubi dicitur « *Docete omnes gentes etc.* », non potest haberi quod « *Ego te baptizo* » sit de forma baptismi ; quia hoc participium « *baptizantes* », ponitur ibi ad designandum exercitium actus, non quasi pars formæ. Ergo videtur quod non sit de necessitate formæ.

4. **Præterea.** Simul Dominus præcepit actum docendi et baptizandi, Mat. ult. Sed non exigitur ad docendum quod sacerdos dicat : « *Ego te doceo* ». Ergo similiter non exigitur ad baptismum quod dicat : « *Ego te baptizo* ».

5. **Præterea.** Verba non debent dirigi ad eum qui non est verborum sensus perceptivus. Sed quandoque baptizatus non potest percipere sensus verborum : sicut patet quando puer

baptizatur. Ergo non debet dicere : « *Baptizo te* », sed : « *Baptizo Joannem* ».

**6. Præterea.** Hoc videtur ex modo loquendi quo Dominus usus est, ponens baptizandos in tertia persona dicens : « *Baptizantes eos.* »

**7. Præterea.** Materia sacramenti non minus est de essentia sacramenti quam suscipiens sacramentum. Sed nulla mentio fit in forma de aqua quæ est materia sacramenti. Ergo non debet fieri mentio de recipiente, ut dicatur : « *Baptizo te.* »

**8. Præterea.** Baptismus a passione Christi efficaciam habet, et figura est mortis, ut patet *Horn.* vi. Ergo potius debuit in baptismi forma fieri mentio de fide passionis quam de fide Trinitatis.

**9. Præterea.** Omne illud in quo personæ non conveniunt, debet de eis pluraliter dici. Sed personæ distinguuntur quantum ad nomen ; quia Filii nomen Patri non convenit, nec e converso. Ergo non debuit dici : « *In nomine Patris, etc.* » sed : « *In nominibus.* »

## [II]

[*Infra, Exnos. Lit.* ; IIT, q. 61, a. 5 ; *Alat.*, c. 28 ; I *ad Cor.*, c. 1, l. 2.]

**44. — ULTERIUS.** Videtur quod liceat ea quæ in hac FORMA PONUNTUR, MUTARE SINE PRÆJUDICIO BAPTISMI.

1. Græci enim hanc formam baptizandi a sanctis Patribus<sup>1</sup> habent : « *Baptizetur servus Christi Nicolaus in nomine Patris etc.* » Sed apud omnes est unum baptisma. Ergo et noster similiter baptismus fieri posset.

2. **Præterea.** Hoc quod dicit : « *Ego baptizo te* », ponitur in forma ad exprimendum baptismi actum. Sed actus baptismi potest effici ab uno et duobus et in unum et in duos. Ergo potest fieri mutatio formæ, ut dicatur : « *Nos baptizamus vos.* »

**3. Præterea.** Ecclesia est ejusdem potestatis nunc cujus fuit<sup>3</sup> primitiva ecclesia quantum ad sacramentorum dispensationem. Sed primitiva Ecclesia mutavit formam baptismi, quia baptizabant in nomine Christi, sicut in *Act.* [c. 2 et 8) legitur. Ergo et nunc ecclesia formam mutare posset.

**4. Præterea.** Tres personæ in forma baptismi ponuntur ad exprimendum fidem Trinitatis. Sed ita exprimitur<sup>4</sup> fides Trinitatis, si dicatur<sup>5</sup> : « *in nomine Trinitatis* », sicut si dicitur : « *In nomine Patris et Filii et Spiritus sancti.* » Ergo potest ita mutatio fieri ut dicatur : « *In nomine Trinitatis.* »

1. Ed. *ad.* « illud ». — 2. Ed. *om.* « a sanctis Patribus ». — 3. Ed. « erat ». — 4. Ed. « exprimeretur ». — 5. Ed. « diceretur ».

**5. Præterea.** Virtus sacramentalis non consistit in verbis, nisi secundum quod ad significationem referuntur. Alias non esset virtutis alicujus nisi in una lingua, quia voces non sunt eadem apud omnes. Sed idem significat Pater quod genitor, et Filius quod genitus, et Spiritus sanctus quod ab utroque procedens. Ergo potest hoc modo fieri mutatio, ut dicatur : « *In nomine genitoris et geniti et procedentis ab utroque.* »

**6. Præterea.** Qui corrumpit verba mutat litteras et syllabas, et per consequens dictiones. Sed infra, d. 6, dicitur quod reputatur baptismus, quamvis aliquis verba corrupte proferat. Ergo potest fieri formæ mutatio.

## [III]

**45. — ULTERIUS.** Videtur quod non possit aliquid addi vel minui.

1. Non enim est minor necessitas in verbis quæ pertinent ad formas sacramentorum, quam in verbis sacræ Scripturæ. Sed in verbis sacræ Scripturæ non licet addere vel minuere, ut patet *Apoc. uti*. Ergo nec verbis formarum in sacramentis.

2. **Præterea.** In formis naturalibus ita est quod differentia addita vel subtracta variat speciem. Ergo et si in formis sacramentorum aliquid addatur vel subtrahatur, tolletur ratio illius sacramenti.

3. **Præterea.** Ariani non mutabant formam istam nisi per additionem. Dicebant enim : « *In nomine Patris majoris et Filii minoris* » ; et propter hoc non reputabantur baptizati. Ergo non licet addere vel diminuere.

**46. — 4. SED CONTRA.** In *Littera (4)* habetur ab Ambrosio quod si fides totius Trinitatis corde teneatur et una tantum persona nominata sit, verum baptismus est. Ergo licet aliquid de forma subtrahere.

**47. — 5. Præterea.** Actus baptizandi ponitur in forma ad excitandum attentionem<sup>2</sup>. Ergo, ut videtur, licet addere verbum intensionem significans<sup>3</sup>, ut dicatur : « *Intendo te baptizare.* »

## [IV]

**48. — ULTERIUS.** Adetur quod non possit fieri interruptio VEL TRANSPOSITIO.

1. Quia baptismus est unus actus. Unus autem est actus qui est continuus, ut dicitur in *V Phys. (e 4.228a, 20 ; l. 7, n. 2)*. Sed interruptio tollit continuitatem baptismi. Ergo tollit unitatem ejus. Ergo non debet fieri aliqua interruptio.

1. Ed. « Actis ». — 2. αδ « intensionem ». — 3. Ed. « signans ».

2. **Præterea.** *Sicut* ad fidem Trinitatis pertinent tres personæ, *Ha* et personarum ordo. Sed in transpositione variatur ordo. Ergo corrumpitur formal.

49. — **SED CONTRA** est quod transposita nomina et verba idem significant.

50. — **RESPONSIO.** Dicendum **AD PRIMAM QUÆSTIONEM** quod forma completiva rei media est quodammodo inter materiam quam perficit et causam efficientem a qua producitur, ut virtus efficientis mediante forma ad materiam traducatur. Et quia medium complectitur aliquo modo utrumque extremorum, ideo forma baptismi continet et principale efficiens, unde baptismus efficaciam habet, et materiam baptismi proximam quæ est actus ablutionis. Et ideo ponitur : « *In nomine Patris et Filii et Spiritus sancti* », tanquam principale efficiens a quo baptismus efficaciam habet ; et ponitur actus materialis et ea quæ 'circumstant ipsum scilicet conferens et recipiens, in hoc quod dicitur : « *Ego baptizo te.* »

51. — **AD PRIMUM** ergo dicendum quod principale agens significatur in invocatione Trinitatis quæ invisibiliter agit, et ideo relinquebatur ut cetera actum materialem poneretur agens secundarium, scilicet minister sacramenti.

52. — **Ad secundum** dicendum quod formæ sacramentorum non accipiuntur ut voces significativæ tantum, sed ut effectivæ. Et quia nihil agit nisi secundum quod perfectum est, ideo de integritate formæ baptismalis est ut ponatur totum quod ad baptismum requiritur, quamvis unum ex alio intelligi possit.

53. — **Ad tertium** dicendum quod in verbis illis Dominus principaliter non intendit tradere formam sacramenti, quia prius eis tradiderat, quando baptizabant etiam ante passionem ; sed intendit eis præcipere actum baptizandi secundum formam prius eis traditam. Et ideo ex verbis illis potest probabiliter accipi forma prædicta, quamvis non expresse ibi ponatur.

54. — **Ad quartum** dicendum quod quia baptismus est sacramentum necessitatis, et in sacramento requiritur intentio, ideo oportet exprimi omnia quæ intentionem determinant ad actum illum ; non autem ita in aliis actibus, in quibus non est tantum periculum, si intentio non adsit.

55. — **Vel dicendum** quod alii actus habent efficaciam ex ipso sui exercitio tantum, sed actus baptizandi habet efficaciam ex forma verborum. Et quia talis efficacia est sacramentalis, idcirco oportet quod verba formæ significando efficaciam actui præbeant. Et propter hoc oportet baptizantem actum suum

1. a« ordo ». — 2. Ed. *ad.* « eam ». — 3. Ed. « suo ».

verbo significare, quamvis hoc in aliis actibus non reperitur.

**56. — Ad quintum** dicendum quod ratio illa tenet de illis verbis quæ proferuntur causa significationis tantum, non autem de illis quæ proferuntur causa efficiendi, quæ oportet etiam ad res non intelligentes proferri, ut effectus verborum determinetur ad res illas. Unde dicitur : « *Exorcizo te creatura salis* ».

**57. — Ad sextum** dicendum quod Dominus præcipiebat actum baptismi, ut absentium, et ideo oportebat quod uteretur tertia persona ; secus autem est de illis qui exercent actum illum in præsentibus.

**58. — Ad septimum** dicendum quod aqua comprehenditur in definitione baptismi ; quia baptismus nihil aliud est quam ablutio facta in aqua. Et ideo esset nugatio, si iterum poneretur.

**59. — Ad octavum** dicendum quod actio semper magis attribuitur principali agenti, quia efficacius imprimit ad agendum — tota enim virtus mediæ causæ est a prima, sed non convertitur — etl quia prima causa a qua baptismus efficaciam habet, auctoritative est Trinitas, passio autem Christi causa secundaria et meritoria, ideo magis fit mentio de Trinitate quam de passione.

**60. — Ad nonum** dicendum quod nomen non competit voci nisi secundum quod facit notitiam de re ; nomen enim dicitur quasi notamen. Notitiam autem habemus de Trinitate per fidem. Et quia est una fides Trinitatis et una confessio fidei, quamvis sint diversæ voces significantes tres personas, ideo dicitur : « *In nomine* », quasi in invocatione quæ fit per confessionem exteriorem interioris fidei.

**61. — AD SECUNDAM QUÆSTIONEM** dicendum quod quia sacramenta efficaciam habent ex institutione divina, et principalius est in sacramentis forma quam etiam materia ; ideo *sicut* nulli licet mutare sacramentum vel aliquod novum instituere, *ita nulli licet mutare formam sacramenti quantum ad id quod est de essentia formæ* absque speciali consilio Spiritus sancti qui virtutem suam illis verbis non alligavit. Et si mutatur, nihil agitur, et præter hoc culpa incurritur.

**Si autem aliquid pertinet ad formam ex determinatione Ecclesiæ, si illud mutatur, nihilominus est sacramentum, sed culpa incurritur.**

In forma autem baptismi<sup>2</sup> essentialius est quod exprimit causam agentem a qua est tota efficacia, quam quod exprimit actum exercitum. *Et ideo quantum ad omnes invocatio Trinitatis est de essentia formæ, nec aliqui quantum ad hoc formam mutare possunt.*

1. Ed. om. « et ». — 2. Ed. « baptismal! ».

62. — Quidam vero dicebant quod actus exercitus non est de essentia formæ, et quod in illa invocatione Trinitatis essentia formæ consistit : quos refellit Alexander Papa<sup>1</sup> qui dicit quod non est baptismus illud lavacrum quo aliquis<sup>2</sup> in nomine Patris et Filii et Spiritus sancti nihil addendo baptizatur.

63. — AD PRIMUM ergo dicendum quod secundum opinionem Græcorum, de necessitate formæ est actus baptismi quantum ad significatum, sed non quantum ad consignificatum. Persona autem baptizans per ministerium non est de necessitate formæ, quia ex eo baptismus efficaciam non habet ; sed persona recipiens est de necessitate formæ, quia actus ad suscipientem terminatur. Et ideo *differunt in forma a nobis quantum ad tria*.

64. — Primo, quia personam ministri in forma non exprimunt. Et hoc dicunt ad removendum errorem qui fuit in primitiva Ecclesia, qui efficaciam baptismi baptizanti attribuebat, ut patet I Cor. III<sup>3</sup>.

65. — Secundo in hoc quod nonsignificant<sup>4</sup> actum sub alia persona, scilicet tertia, et sub alio modo, scilicet sub iunctivo vel optativo, ad significandum quod actus interior expectatur ab extra.

66. — Tertio quia personam baptizatam<sup>5</sup> ponunt in nominativo casu et in tertia persona ; quia quandoque baptizatus non habet intellectum ut ad eum possit dirigi sermo.

67. — Utrum autem ipsi mutent aliquid quod sit de substantia formæ, ut sic oportet rebaptizari, quamvis Quidam hoc dicant, non tamen est determinatum, sed dubium apud Quosdam, quibus videtur quod suiliciat actum baptismi significare ad perfectionem sacramenti, et quod consignificationis determinatio sit ex Ecclesiæ institutione.

Hoc autem certum quod forma qua nos utimur, melior est : tum quia perfectior est, ut patet ex supradictis ; tum quia magis consonat verbis Evangelii quod ministros baptizantes dicit ; tum propter auctoritatem Romanæ Ecclesiæ quæ hanc formam tradit, quæ nunquam a vera fide legitur declinasse, hanc formam ab Apostolis retinens. Et ideo non licet, præcipue Latinis, in forma Græcorum baptizare : quod si præsumerent, secundum Quosdam non esset baptismus, secundum Quosdam autem esset, sed graviter peccarent.

68. — Ad secundum dicendum quod unus actus qui uno agente expleri potest, non progreditur a pluribus agentibus simul, et ideo unus baptizans, cum ipse solus baptizare possit, debet significare actum suum non<sup>6</sup> a pluribus exeuntem, sed ut a se

1. Ed. « auctoritas Alexandri Papæ » : Alexander III c ψ. *Si quis, de baptismo et ejus effecti*. — 2. ἀδὴν « aliquid » contra ζ et ed. — 3. Ed. « III Cor. ». — 4. Ed. « significant ». — 5. Ed. om. « baptizatam ». — 6. Ed. ad. « ut ».

solo ; et ideo non potest dici : « *Nos baptizamus* » ; sed secundum Quosdam dici potest : « *Ego baptizo vos* », si necessitas adsit.

Nec est aliqua mutatio formæ, quantum ad significationem, quia plurale non est nisi singulare geminatum.

Potest et alia ratio assignari, quia « *Baptizo vos* », idem est quod « *Baptizo te et te* ». Et ideo per hoc non fit mutatio formæ quantum ad sensum, sed solum quantum ad vocem.

Sed « *Nos baptizamus* », idem est quod « *ego et ille* » ; non autem « *ego et ego* ». Unde non omnino est idem. Et ideo qui dicit : « *Nos baptizamus* », nihil facit. Qui autem dicit : « *Baptizo vos* », si simul plures baptizaret, baptizatum est ; sed peccat, nisi ex magna necessitate faciens.

**69. — Ad tertium** dicendum quod forma quam Dominus tradidit non fuit ab Apostolis mutata quantum ad intellectum, quia in Christi nomine tota Trinitas intelligitur, ut in *Littera* (3) habetur ; sed solum quantum ad vocem. Et hoc est quod *Quidam* dicunt quod est mutata forma sensibilis, sed non intelligibilis. Nec hoc ipsum potuissent, nisi ex familiari consilio Spiritus sancti.

Ratio autem mutationis fuit ut nomen Christi amabile redderetur, si in ejus nomine baptismus fieret. Et hoc etiam nunc Ecclesia posset, si speciale præceptum a Spiritu sancto haberet ; non autem propria auctoritate.

Et quia illius mutationis causa fuit conveniens illi tempori, ideo cessante causa, cessat effectus. Et modo non esset baptismus, si quis in Christi nomine baptizaret, ut communiter dicitur ; quamvis *Quidam* contrarium dicant.

**69. — Ad quartum** dicendum quod in nomine Trinitatis non exprimuntur ipsæ personæ, sed solum numerus personarum. Et ideo non sufficit dicere : « *in nomine Trinitatis* » ; nec esset baptismus, si diceretur.

**70. — Ad quintum** dicendum quod genitor non significat personam Patris sicut hypostasim subsistentem, ut hoc nomen « *Pater* », sed per modum actus. Et ideo non est eadem significatio, si dicatur « *In nomine genitoris* », et « *In nomine Patris* » ; et similis ratio est de aliis. Quamvis autem non sit eadem vox in Græco et Latino, tamen est eadem vocis significatio ; et in qualibet lingua verba illa pertinent ad formam quæ principaliter sunt instituta ad significandum personas illas.

**71. — Ad sextum** dicendum quod qui corrupte profert verba, aut hoc facit ex industria, et sic non videtur intendere quod Ecclesia intendit, unde non est baptismus ; aut hoc facit ex ignorantia vel defectu linguæ, et tunc dicitur quod si sit tanta corruptio quod omnino auferat sensum locutionis quod non est baptismus ;

si autem sensus locutionis remaneat, tunc erit baptismus. Et hoc præcipue accidit quod sensus non mutatur, quando fit corruptio *in fine*; quia ex parte finis mutatio variat consignificationem, non autem significationem, ut grammatici dicunt. Sed mutatio *ex parte principii* variat significationem. Unde corruptio talis, maxime si sit magna, omnino sensum locutionis auferret.

72. — Quando autem sensus locutionis aliquo modo manet, tunc quamvis mutetur forma quantum ad sonum sensibilem, non tamen mutatur quantum ad significationem; quia quamvis oratio corrupte prolata nihil significet ex veritate impositionis, significat tamen ex accommodatione usus.

73. — **AD TERTIAM QUÆSTIONEM** dicendum quod de **subtractione** hoc certum est quod si subtrahatur aliquid quod sit de essentia formæ quod non est baptismus, et ille qui baptizat graviter peccat. Et quia apud omnes invocatio Trinitatis est de essentia formæ, ideo hoc nullo modo subtrahi potest.

74. — Sed *Quidam* dicunt quod expressio actus non est de substantia formæ; unde si subtrahatur, facta sola Trinitatis invocatione, erit baptismus, quamvis peccet baptizans.

**Sed contra hoc est Decretalis** Alexandri Papæ tertii (ut supra), qui dicit quod si quis puerum in aqua ter merserit dicendo: « *In nomine Patris et Filii et Spiritus sancti,* » si<sup>2</sup> non dicat: « *Ego baptizo te* », talis immersio non facit baptismum. Oportet enim quod per formam virtus Trinitatis invocatæ ad materiam propositam determinetur, quod fit in expressione actus.

75. — Similiter etiam *expressio personæ baptizatæ* est de substantia formæ, quia per eam determinatur actus ad hunc baptismum.

76. —<sup>1</sup> Sed *expressio personæ baptizantis* dicitur quod non est de forma quantum ad necessitatem sacramenti, sed ex institutione Ecclesiæ, ut intentio magis feratur<sup>3</sup> ad actum illum. Et ideo si omittatur, erit baptismus, sed peccat omittens.

77. — **De additione** vero **duo** sunt observanda. *Primum est ex parte addentis*. Quia si adderet, intendens illud esse de forma, quasi volens per hoc novum ritum adducere, constat quod non intendit proferre formam qua utitur Ecclesia, et ita nec faceret quod Ecclesia facit: quare non esset baptismus. Secus autem est quia<sup>4</sup> ex aliqua causa adderet, ut ex devotione quadam.

*Secundum est ex parte ejus quod additur*: quod si est corruptivum formæ, tunc non est baptismus; si autem non, est baptis-

1. Ed. σθη. «quo i.» — 2. Ed. orn. «si». — 3. Ed. «referatur». — 4. Ed. «si quis».

mus secundum Quosdam, sicut si dicatur : « *In nomine Patris majoris et Filii minoris* », corrumpitur fides quam forma profitetur. Si autem addatur « *et beatæ Mariæ* », Quidam dicunt quod non est baptismus, quia non fit baptismus in virtute beatæ Mariæ ; fieret autem si diceretur : « *Et beata Maria juvet puerum istum* », vel aliquid hujusmodi.

**78.** — Alii autem dicunt et probabilius quod esset baptismus etiam primo modo additione facta. Quia secundum Magistrum : « *In nomine Patris* », idem est quod in invocatione. Potest autem in invocatione beatæ Mariæ fieri baptismus, cum invocatione Trinitatis ; non quasi ex virtute ejus baptismus efficaciam habeat, sicut habet ex virtute Trinitatis, sed ut ejus intercessio baptizato proficiat ad salutem.

Quidam autem addunt tertium considerandum. Dicunt enim quod si fiat additio in medio vel in principio, non est baptismus ; si autem in fine, est baptismus. **Sed hoc nullam videtur habere rationem.** Unde secundum Alios qualitercumque fiat additio non refert, dummodo non sit contraria formæ, et baptizans non intendat mutare ritum baptismi.

**79.** — **AD PRIMUM** ergo dicendum quod illud dicitur contra hæreticos qui addebant Scripturæ, vel minuebant ex ea propter fidei corruptionem. Et similiter in proposito additio vel subtractio corrumpens formam tollit baptismum.

**80.** — **Ad secundum** dicendum quod hoc est verum de differentia essentiali, non autem de accidentali. Unde si subtrahatur aliquid de essentia formæ existens, vel addatur aliquid non de essentia formæ, ac si sit de essentia formæ, non erit baptismus.

**81.** — **Ad tertium** dicendum quod additio illa corrumpebat fidem Trinitatis quam exprimit forma ; et ideo corrumpebat formam.

**82.** — **Ad quartum** dicendum quod secundum Quosdam sufficiebat quantum ad invocationem Trinitatis, ut nihil minueretur de forma intelligibili, quamvis minueretur de forma sensibili, quia in una persona omnes intelliguntur. Ideo dicebant quod una persona nominata plenus esset baptismus, si fides interius esset plena.

**83.** — Sed quia fides personæ baptizantis vel infidelitas nihil prodest nec nocet ad baptismum qui fit in fide Ecclesiæ, ideo quasi communiter modo dicitur quod oportet omnes tres personas exprimi. Et ideo *ad verbum Ambrosii multipliciter respondetur.*

**84.** — Quidam enim dicunt quod cum dicit : « *Plenum fit sacramentum* », ponit sacramentum pro fide ; quia qui unam

tantum personam confitetur, si alias corde teneat, plenam habet fidem.

**85.** — Quidam vero dicunt quod intelligitur quantum ad plenitudinem ipsius sacramenti quam habet ex fide : quod patet ex hoc quod dicit : « *Plenum est fidei sacramentum.* »

**86.** — Vel quod intelligatur secundum Quosdam in casu quando una persona nominata, puer vel sacerdos moreretur, creditur enim quod invisibilis sacerdos suppleret defectum, vel in casu simili, in quo Apostoli in nomine Christi baptizabant ; **et hoc magis consonat verbis ejus.**

**87.** — **Ad quintum** dicendum quod qui intendit aliquid facere, non est consequens quod faciat illud ; unde esset ad corruptionem formæ : « *Ego intendo te baptizare.* »

**88.** — **AD QUARTAM QUÆSTIONEM** dicendum quod cum forma verborum consistat in *tribus*, scilicet significatione, integritate verborum et ordine, Quidam dicunt quod quidquid horum mutetur vel varietur, *non erit baptismus.*

**89.** — Sed quia forma: sacramentorum sunt quædam fidei professiones, fidem autem non profitentur verba formæ nisi ratione suæ significationis ; ideo Alii dicunt quod dummodo servetur intellectus vel implicite vel explicite, etiam si non adsit vocum integritas nec ordo, *idem erit baptismus.*

**90.** — Sed quia sacramentum quantum ad formam et materiam debet esse ejusdem signum, ideo Alii dicunt *medio modo* quod requiritur et significatio plena, et verba integra quæ sunt de essentia formæ. Si autem ordo vel aliquid circa verba mutetur quod non tollit nec significationem nec integritatem verborum, erit baptismus.

**91.** — Et secundum hoc **AD PRIMUM** dicendum quod si fiat tanta interruptio quod intercipiat intentionem baptizantis, tunc non erit una forma. Et ideo utraque per se erit imperfecta, nec sufficiet ad baptismum : sicut si dicatur : « *In nomine Patris* », et interponat longam fabulam et postea dicat, « *el Filii* ».

**92.** — Si autem ita fiat prava interruptio, vel verbi non corruptentis formam, ut si dicatur : « *In nomine Patris omnipotentis* » ; aut silentii, aut tussis, vel alicujus hujusmodi quod intentionem non discontinuet ; tunc erit ab unitate intentionis unitas formæ. Constat enim quod continuans forma ex vocibus unitatem habere non potest, cum oratio sit quantitas discreta.

**93.** — **Ad secundum** dicendum quod Quidam dicunt quod

si sit talis ordo qui mutat intellectum, non fit baptismus ; ut si dicat : « *In nomine Patris baptizo te, et Filii et Spiritus sancti.* »

Si autem non mutetur intellectus, erit baptismus, ut si dicat : « *In nomine Patris et Filii et Spiritus sancti baptizo te.* »

**94.** — Alii vero dicunt quod qualitercumque mutetur ordo verborum, non videtur intellectus mutari ; et ideo erit baptismus, quamvis peccet transponens.

**95.** — **Et secundum hoc dicendum** quod ordo personarum non est qua<sup>4</sup> una sit prior altera, sed qua<sup>5</sup> una est ex altera ; quem ordinem ipsa nomina personarum ostendunt, quocumque ordine proferantur.

### APTICLLUS III

[I]

[*Infra, E. rpos. Lii. 164; d. 5, q. -, a. 1, sol. 1, 3 ; d. 17, q. 3, a. 4, sol. 3 ; IU, q. GG, q. 67, a. 3 ; q. 74, a. 1 ; IV Cg., c. 69 ; Ouodl. 1, q. 6, a. 1 ; in Joan., c. 3, i. 1.]*

**96.** — **AD TERTIUM SIC PROCEDITUR.** Videtur quod BAPTISMUS NON DEBEAT FIERI IN AQUA.

1. Ex similibus enim causis similes effectus producuntur. Sed baptismus habet similem effectum cum circumcissione. Cum ergo aqua in nullo conveniat cum instrumento circumcissionis, videtur quod non congrue fiat baptismus in aqua.

2. Præterea. Secundum Damascenum [*de Fide orthodox.*, lib. IV, c. 9 ; G. 94, 1122) et Dionysium [*de Eccl. Hierar.*, c. 5, p. 1, n. 3 ; G. 3, 503), baptismus habet vim illuminativam, et in eo Spiritus sanctus datur, et homo in filium Dei regeneratur. Sed ignis inter alia elementa plus habet de luce, et per eum ratione calor Spiritus sanctus qui est caritas significatur, et secundum Dionysium in fine *Cæl. Hier.* (cap. ult., n. 2 ; G. 3, 327), ignis maxime deiformitatem significat. Ergo baptismus debet fieri in igne, non in aqua.

3. Præterea. Secundum Damascenum (ubi supra), baptismus est principium vitæ, et est sacramentum maximæ necessitatis. Sed aer habet maximam convenientiam cum vita, quia est calidus et humidus, et est communissimum elementum, ut nulli propter ejus penuriam posset esse periculum, sicut quandoque parvulis est periculum propter defectum aquæ. Ergo baptismus debuit in aere fieri, et non in aqua.

4. Præterea. Per baptismum configuramur sepulturæ Christi, *Horn*, vi, 4. Sed Christus in terra sepultus est. Ergo baptismus debet in terra fieri, et non in aqua.

1. Ed. « mutet ». — 2. Ed. « dicatur ». — 3. Ed. « dicatur ». — 4. Ed. « quo ». — 5. Ed. « quo ». — 6. Ed. *ad.* « et ».

5. **Præterea.** Oleum et vinum ablutiva sunt et lætificantia et impinguantia. Sed baptismus præter ablutionem peccatorum, pinguedinem et lætitiã spiritualem tribuit. Ergo in his liquoribus fieri debet.

6. **Præterea.** Sacramenta de latere Christi fluxerunt. Sed *sicut* fluxit aqua, sicl et sanguis. Ergo in sanguine debet fieri baptismus.

97. — **SED CONTRA** est quod dicitur Jo an, in, 5 : « *Nisi quis renatus fuerit ex aqua et Spiritu sancto, etc.* »

98. — **Præterea.** Reparatio debet creationi respondere. Sed in creatione mundi Spiritus Domini commemoratur primo super aquas ferri, et ex aquis primo animam viventem produxisse, ut patet *Genes*, i. Ergo et Spiritus sanctus in opere reparationis primo dari debet in aqua, et per illum spiritualis vita. Et sic baptismus in aqua fieri debet, quod est principium\* alterius vita, et per quod primitias spiritus accepimus.

[H]

[III, q. 66, a. 4.]

99. — **ULTERIUS.** Videtur QUOD NON DEBEAT FIERI IN AQUA SIMPLICI.

1. Quia medicina debet esse infirmis proportionata. Sed nos quibus medicina baptismi adhibetur, habemus corpus ex elementis mixtum. Ergo aqua baptismi non debet esse elementum simplex.

2. **Præterea.** Sacramenta fluxerunt de latere Christi dormientis in cruce. Sed de latere ejus non est probabile fluxisse aquam quæ sit purum elementum, cum tale quid in corporibus mixtis non inveniatur. Ergo non debet in aqua simplici baptismus fieri.

3. **Præterea.** Pura elementa, secundum Philosophos, non sunt in extremis, sed in mediis elementorum, quia in extremis alterant se invicem. Si ergo oporteret in aqua simplici baptismum fieri, non posset apud nos fieri.

4. **Præterea.** Constat quod aqua maris non est simplex aqua — quod ejus amaritudo et salsedo demonstrat, quæ ex terrestri mixto contingit. — Sed in aqua maris potest fieri baptismus. Ergo non requiritur aqua simplex.

5. **Præterea.** Aqua competit baptismo ratione ablutionis. Sed quædam aqua mixta magis abluit, sicut iexivium et hujusmodi. Ergo magis baptismo competit.

100. — **SED CONTRA** est quod mixtum neutrum miscibilium est. Si ergo fiat<sup>1</sup> baptismus in aqua mixta, non fieret in aqua : quod esset contra doctrinam Evangelii.

1. α « ita ». — 2. E<L « fieret ».

## [III]

[III, s. 66, a. 4.]

**101. — ULTERIUS.** Videtur quod non in qualibet aqua SIMPLICI POSSIT FIERI BAPTISMUS.

1. Dominus enim tactu mundissimæ suæ carnis vim regenerativam contulit aquis (5). Sed non tetigit nisi aquas Jordanis. Ergo solæ illæ aquæ habent vim regenerativam. Et ita non in qualibet aqua potest fieri baptismus.

2. **Praeterea.** Baptismus non potest fieri nisi in aqua verbo vitæ sanctificata. Si ergo baptismus fieret in mari vel in aliquo fluvio, tota aqua fluminis esset sanctificata : quod videtur absurdum.

3. **Praeterea.** Quædam aquæ non habent vim abluendi, sed magis deturpant, sicut aquæ paludum. Ergo videtur quod in hujusmodi aquis non possit fieri baptismus.

**102. — SED CONTRA** est, quia materia baptismi debet esse communis, quia baptismus est sacramentum maximæ necessitatis. Sed hoc non esset, nisi in qualibet aqua baptismus fieri posset. Ergo in qualibet aqua potest fieri baptismus.

**103. — RESPONSIO.** Dicendum **AD PRIMAM QUÆSTIONEM** quod **ex institutione divina necessarium est baptismum in aqua fieri.** Possunt autem institutionis accipi *sex* rationes.

*Prima* est, quia aqua ratione diaphaneitatis habet aliquid de lumine, et ita competit baptismo qui habet vim illuminativam, secundum quod in eo gratia confertur.

*Secunda* est, quia ratione humiditatis habet vim ablutivam ; et ideo competit baptismo, in quo sordes culpæ mundantur.

*Tertia* est, quia ratione frigiditatis habet vim refrigerandi ; et ideo competit baptismo, in quo incendium fomitis mitigatur.

*Quarta* est, quia, ut dicitur *XVII de Animalibus (de Gener. animal., γ 11.762a 10 sq., 18 sq. S 2.767a, 31)* aqua maxime competit generationi et augmentation! rerum viventium. Unde et in principio mundi ex aqua primitus animalia producta sunt. Et sic competit baptismo, in quantum est regeneratio in spiritualem vitam.

*Quinta* est, quia in omnibus mundi partibus aqua invenitur.

*Sexta* est, quia est res quæ de facili ab omnibus potest haberi sine magno pretio. Et *hæ duæ* competunt baptismo prout est sacramentum necessitatis.

**104. — AD PRIMUM** ergo dicendum quod neque circumcisio

1. Itd. om. « est ».

neque baptismus tollunt originalem culpam ex virtute naturali ipsarum rerum, sed inquantum significant aliquid spirituale. Et in significatione communicat aqua cum instrumento circumcissionis, quia in utroque fit ablatio alicujus.

**105.** — **Ad secundum** dicendum quod ignis habet lucem ex se et calorem, qui est qualitas activa. Et quia Spiritus sanctus est primum agens deiformitatem in baptismo, et primum illuminans — baptismus autem est sicut quædam instrumentalis causa — ideo Spiritui sancto competit figurari per ignem, sed baptismo per aquam, qua mediante transfunditur lumen a Spiritu sancto in animam, sicut per diaphanum lumen corporale ad sensum.

**106.** — **Ad tertium** dicendum quod quamvis aer communicet cum vita, non tamen aer generationi viventium sicut aqua competit. Et propter hoc aqua magis competit baptismo quam aer.

**107.** — **Ad quartum** dicendum quod sepultura Christi est res significata, non contenta. Institutio autem sacramentalis materiæ attenditur principaliter quantum ad significationem rei contentæ. Magis autem competit aqua tali significationi in baptismo quam terra. Et ideo ratio non sequitur.

**108.** — **Ad quintum** dicendum quod vinum et oleum non habentur in usu ablutionis sicut aqua, nec ita bene abluunt, quia ex eis etiam aliquæ sordes contrahuntur, et desunt iterum aliæ conditiones quæ aquæ competunt. Et ideo non ita competit baptismo sicut aqua. Lætitia autem et devotionis pinguedo sunt quidam effectus baptismum consequentes, et non primi.

**109.** — **Ad sextum** dicendum quod ex latere Christi fluxit sanguis et aqua ; sed sanguis ad redimendum, ut dicitur *1 Petr.* I, 18, aqua autem ad abluendum. Et ideo aqua baptismo competit, et non sanguis.

**110.** — **AD SECUNDAM QUÆSTIONEM** dicendum quod permixtio aquæ potest esse *duplex*.

*Una quæ tollit speciem*, sicut quando per alterationem transit in aliam speciem : sicut per putrefactionem aliquam vel digestionem transit in vinum ; aut etiam per additionem tantam alterius liquoris quod solvatur species aquæ : sicut si parum aquæ multo vino admisceatur.

**111.** — *Alia permixtio est quæ non tollit speciem aquæ* : sicut quando alteratur aqua secundum aliquod accidens et manet species, ut patet in aqua calefacta ; vel quando additur aliquid aquæ quod vel non commisceatur: sicut si aliqua solida ponantur

1. Ed. « ab ». — 2. Ed. « Pinguedo autem devotionis et lætitudinis ». — 3. α58 « aliquam ».

in aqua ; vel si sit commiscibile, sicut aliquid humidum, tamen est tam parvæ quantitatis quod mixtionem non faciat, sed in aquam penitus convertatur.

**112.** — In aqua ergo primo modo permixta non potest fieri baptismus, quia jam non est aqua. **In aqua autem secundo modo potest fieri.**

**113.** — Ut autem cognoscatur quando sic vel sic permixta est aqua, sciendum est quod *sicut* diversitatem speciei in animalibus judicamus ex diversitate figurarum, *ita* etiam diversam speciem in elementis cognoscimus ex diversitate rari et densi. Et ideo si fiat tanta alteratio vel permixtio aquæ quod recedatur a termino raritatis et densitatis aquæ vel in actu vel in potentia, signum est quod sit species aquæ transmutata. Et dico *in potentia*, quando humor aliquis non condensatur et rarefit calido vel frigido sicut aqua, sed aliter : sicut patet in vino, oleo, lacte et hujusmodi.

**114.** — **AD PRIMUM** ergo dicendum quod non oportet quod aqua competat nobis<sup>2</sup> per convenientiam in naturali proprietate, sed significando effectum qui in nobis debet fieri.

**115.** — **Ad secundum** dicendum quod de corpore Christi exivit vera aqua, sicut verus sanguis ; et hoc ad probandum esse corpus Christi verum, non phantasticum, ut Manichæi ponunt. Fuit enim in eo compositio ex elementis, quod, probatum fuit ex eo quod aqua quæ est elementum prodiit ex ejus latere ; et compositionem humorum probavit sanguis effluens.

**116.** — **Ad tertium** dicendum quod quamvis aqua quæ est apud nos, sit aliquo modo alterata et habens aliquid de permixtione aliorum elementorum, non tamen amisit speciem propriam.

Et similiter dicendum est **ad quartum** de aqua maris.

**117.** — **Ad quintum** dicendum quod illae aquae quæ per aliquam transmutationem speciem aquæ amittunt, etsi retineant abluendi virtutem, tamen materia baptismi esse non possunt, quia prima virtus abluendi est in vera aqua ; et etiam purius abluit, quia ex aliis liquoribus corpora abluta aliquo modo inficiuntur ; communius etiam aqua utimur ad abluendum.

**118.** — *De lexivio* autem *Quidam* dicunt quod speciem aquæ amisit, unde baptismi materia esse non potest.

**Sed hoc non videtur** ; quia eadem ratione nec aqua transiens per mineras sulphureas et terras combustas posset esse materia baptismi : quod falsum est. Lexivium enim ab alia aqua non differt nisi in hoc quod per cineres transivit.

i. Septem cod. vetustissimos vidimus, in quibus uniformiter desideratur : « Ad primum ergo dicendum, quod non oportet quod aqua competat nobis per convenientiam in naturali proprietate, sed significando effectum qui in nobis debet fieri ; sic F. Sed hæc responsio habetur in cod. *ab*, quamvis desideretur in  $\delta$ . — 2.  $\alpha$  « morbis »

**119.** — **Unde videtur aliter dicendum** quod baptismus potest fieri in lexivio, sicut et in aquis sulphureis, et in aliis aquis quas ex terra per quam transeunt immutantur.

**•120.** — **AD TERTIAM QUÆSTIONEM** dicendum quod diversitas aquarum quæ est per loca et situs, est differentia accidentalis, unde non mutat speciem aquæ. **Et ideo in qualibet aqua hujusmodi, vel maris vel fluminis vel cisternæ vel fontis vel stagni, potest fieri baptismus.**

**121.** — **AD PRIMUM** ergo dicendum quod Dominus tangendo illam aquam dedit vim regenerativam in tota specie aquæ, instituens eam instrumentum baptismi.

**122.** — **Ad secundum** dicendum quod si baptizatur aliquis in mari, sola illa aqua maris pertinet ad baptismum quæ potest habere aliquem effectum in baptizato vel lavando vel infrigendo, et non totum mare.

**123.** — **Ad tertium** dicendum quod si aqua paludis esset intantum ingrossata quod recederet a vera raritate aquæ non esset baptismus — sicut sil esset lutum — alias esset baptismus, quia adhuc species aquæ manet.

#### ARTICULUS IV

[I]

[111, q. 66, a. 7.]

**124.** — **AD QUARTUM SIC PROCEDITUR.** Videtur quod IMMERSIO SIT DE NECESSITATE BAPTISMI.

1. Quia per baptismum configuramur sepulturæ Christi, ut dicitur *Rom.* vi, 4. Sed hoc non fit per baptismum nisi inquantum immergimur et occultamur in aqua, sicut Christus sub terra. Ergo immersio est de necessitate baptismi.

2. **Praeterea.** Baptismus datur in remedium contra originale peccatum. Sed originale peccatum est in toto corpore. Ergo totum debet immergi.

3. **Praeterea.** Si aliqua pars sufficeret ut intingeretur, præcipue videretur de membris genitalibus, in quibus præcipue originale manet et in quibus circumcisio fiebat. Sed ablutio non potest fieri congrue in illis membris, nisi totum corpus immergatur. Ergo totum corpus debet immergi.

**125.** — **SED CONTRA** est consuetudo in aliquibus Ecclesiis, in quibus quandoque per aspersionem et non per immersionem baptismus celebratur.

1. Ed. *om.* v. si>.

**126. — Præterea.** In baptismo beati Laurentii legitur quod Romanus ab eo baptizandus urceum aquæ attulit, in quo constat quod immergi non poterat. Ergo immersio non est de necessitate baptismi.

## [II]

[Infra d. 23, q. 1, a. 1, sol. 2; III, q. 66, a. 8.]

**127. — ULTERIUS.** Abdetur quod non debet esse trina.

1. Baptismus enim est tinctio in aqua verbo vitæ sanctificata, ut dicit Augustinus (in *Joan*, tract. 15, η. 4; L. 35, 1512). Sed unus est baptismus. Ergo debet esse una tinctio, sive immersio.

2. **Præterea.** Ad baptismum requiritur fides de unitate et de trinitate personarum. Sed trinitas personarum sufficienter exprimitur in forma. Ergo unitas essentiæ debet exprimi in unitate immersionis.

3. **Præterea.** Baptismus est figura passionis Christi. Sed una est passio Christi. Ergo una debet esse immersio in baptismo.

**128. — SED CONTRA** est quod Dionysius dicit, 2 cap. *Ccel. Hier.* (*Eccles*, p. 3, n. 7; G. 3, 403), quod debet fieri baptismus tribus immersionibus et elevationibus, ad designandum quod Christus in sepulcro jacuit tribus diebus et tribus noctibus.

**129. — Præterea.** Chrysostomus *super Joan*, m, (*hom.* 26, n. 2; G. 59, 448) : « *Fit immersio, ut discas quoniam virtus Patris et Filii et Spiritus sancti omnia hæc implet.* » Idem dicit Hieronymus *super episl. ad Phil?* (*Ephes*, iv; L. 26, 496).

## [III]

[Infra d. 23, q. 1, a. 1, sol. 2; III, q. 66, a. S.J]

**130. — ULTERIUS.** Videtur QUOD TRINA IMMERSIO SIT DE NECESSITATE SACRAMENTI.

1. Legitur enim in *Decretis de consecratione*, d. 6 (c. 79; L. 187, 1825) : « *Sz quis presbyter vel Episcopus semel immergat, et unam immersionem fecerit, deponatur.* » Hoc autem non esset, nisi trina immersio esset de necessitate sacramenti. Ergo est de necessitate sacramenti.

2. **Præterea.** *Sicut* fidei Trinitas<sup>3</sup> exprimitur per nomina trium personarum, *ita* per tres immersiones, ut ex dictis patet. Sed si non nominarentur tres personæ non esset baptismus. Ergo similiter si non trina immersio fiat.

1. Ed. « eccles. ». — 2. Ed. « Ephes. ». — 3. Ed. « fides Trinitatis », contra *αβυζην*.

3. **Præterea.** Si non trina immersio est de necessitate sacramenti, statim in prima immersione baptismus habet totum effectum suum. Ergo aliæ immersiones frustra adderentur, et fieret injuria sacramento.

131. — **SED CONTRA** est quod ipsa immersio non est de necessitate sacramenti. Ergo multo minus numerus immersionis.

132. — **Præterea.** Auctoritas Gregorii in *Littera (7)* posita dicit quod utrumque potest fieri servata Ecclesiæ consuetudine. Ergo non est de necessitate sacramenti neque una neque trina immersio.

133. — **RESPONSIO.** Dicendum **AD PRIMAM QUÆSTIONEM** quod baptismus abluitionem importat. Ablutio autem per aquam potest fieri non tantum *per modum immersionis*, sed *per modum aspersionis vel effusionis*. **Et ideo utroque modo potest fieri baptismus.** Et videtur quod Apostoli hoc modo baptizarent, cum legatur quod simul una die conversi sunt quinque millia, et alia tria millia. *Act. n et ni3.*

134. — Et ideo *quando consuetudo Ecclesiæ patitur, vel quando necessitas incumbit propter defectum aquae, sive propter periculum pueri de cuius morte timetur, vel etiam propter imbecillitatem sacerdotis non potentis sustentare infantem, potest sine immersione baptismus celebrari.*

135. — **AD PRIMUM** ergo dicendum quod etiam in effusione aquæ homo quodammodo sub aqua ponitur. Et ideo quodammodo Christo per baptismum consepeliatur.

136. — **Ad secundum** dicendum quod omnes operationes animales a capite principium habent, et quia baptismus format animales habitus secundum definitionem Dionysii prius (a. 1, 31) positam, non autem naturales vel vitales; ideo si sit caput aspersum aqua, in totum corpus aspersione reputatur. Sicut etiam juriste dicunt quod ubi caput hominis jacet, reputatur ac si totus homo sepultus esset ibidem. Non autem sic est de aliis partibus.

137. — **Ad tertium** dicendum quod quamvis originale peccatum consistat præcipue in membris genitalibus quantum ad originem, tamen in operationibus animalibus consummatur quantum ad rationem culpæ. Et ideo potius oportet baptismum adhiberi circa caput, si necessitas incumbit, ut non totum corpus possit immergi.

138. — **AD SECUNDAM QUÆSTIONEM** dicendum, quod **congruentissime fit trina immersio, tum** ad exprimendum in

1. *aβ* « fit ». — 2. Ed. loco *i* est *de* », habent « *inde* ». — 3. Ed. « *iv* ».

factis fidem Trinitatis, *turn* ad significandum Christi sepulturam cui per baptismum consepelitur, ut patet ex auctoritatibus inductis.

**139.** — **AD PRIMUM** ergo dicendum quod *Magister* exposuit functionem per ablutionem. Quamvis autem in trina immersione sit trina intinctio, tamen est una ablutio : sicut etiam in ablutionibus pure materialibus videmus contingere quod aliquid pluries in aquam immergitur vel aqua perfunditur, antequam ablutio una sit perfecta.

**140.** — **Ad secundum** dicendum quod **in** fide Trinitatis includitur fides Unitatis. Et ideo in baptismo cum fide Trinitatis expressa datur intelligi fides Unitatis et in forma verborum per hoc quod singulariter dicitur : « *In nomine* », et in immersione propter similitudinem immersionum. Non autem in fide Unitatis includitur fides Trinitatis. *Et ideo congruentius est ut etiam in actu baptismi fides Trinitatis exprimatur.*

**141.** — **Ad tertium** dicendum, quod quamvis passio Christi sit una, tamen Christus passus triduo in sepulcro quievit. Et hoc baptismus significare debuit trina immersione.

**142.** — **AD TERTIAM QÜÆSTIONEM** dicendum quod cum trina immersio non sit ad significandum rem in sacramento contentam quam oportet per materiam et usum sacramenti significari, sed significet rem significatam et non contentam — quæ significatio non est principalis in sacramento — *trina immersio*, ut in *Littera (7)* dicitur, *non est de necessitate sacramenti.*

**143.** — Si tamen omittatur contra consuetudinem Ecclesiæ, graviter aliquis peccat semel tantum immergens. Et ideo per canones pœna adhibetur.

Per quod patet solutio **AD PRIMUM.**

**144.** — **Ad secundum** dicendum quod *forma* principaliter debet significare illud unde est efficacia in sacramento, cum sit medium quo quasi pervenit efficacia ad materiam quæ verbo illo sanctificatur ; sed *materia* debet principaliter significare effectum qui immediate consequitur ex usu ejus.

**145.** — **Ad tertium** dicendum quod unitas intentionis in tribus immersionibus facit unitatem baptismi, ut dictum est. Et ideo quando aliquis intendit ter immergere, prima immersio non terminat intentionem baptizantis, et per consequens nec esse baptismi completur, nec per illam tantum habet effectum, nisi per ordinem ad alias ; unde aliæ non superfluent. Si autem non intendit nisi unam facere, prima sola complet baptismum, terminans intentionem baptizantis.

## ABTICULUS V

[I]

[III, q. 62, a. 6, ad 3; q. 70, a. 4; *ad Rom.*, c. 4, l. 2.]

**146. — AD QUINTUM SIC PROCEDITUR.** Videtur quod NON FUIT NECESSARIUM INSTITUERE BAPTISMUM POST CIRCUMCISIONEM.

1. « *Causa enim institutionis baptismi, ut in Littera (9) dicitur, est innovatio mentis.* » Sed circumcisio mentem innovabat, cum peccatum auferret et gratiam conferret, ut supra dictum est (d. 1, q. 2, a. 4, sol. 2 et 3). Ergo non fuit necessarium baptismum instituere.

2. **Præterea.** In sacramentis efficacia respondet significationi. Sed circumcisio expressius significat, ut videtur, ablationem originalis, et quantum ad causam ablationis quæ est effusio sanguinis Christi, et quantum ad causam traductionis quæ est generatio in membris generationis cum sanguinis effusione facta. Ergo habuit majorem efficaciam quam baptismus. Et ita non debuit post eam baptismus institui.

**147. — SED CONTRA.** Perfectum debet imperfecto succedere. Sed baptismus est perfectior circumcisione, quia communior est. Ergo debuit post circumcisionem institui.

[II]

[III, q. 6G, a. 2; q. 73, a. 5, ad 4.]

**148. — ULTERIUS.** Videtur QUOD FUERIT ANTE PASSIONEM INSTITUTUS.

1. Quia Dominus tactu carnis suæ vim regenerativam contulit aquis. (5) Sed hoc fuit ante passionem in baptismo suo. Ergo ante passionem institutus fuit.

2. **Præterea.** Jo an, h i, 5, dixit : « *Nisi quis renatus fuerit ex aqua et Spiritu sancto, etc.* » Sed hoc fuit ante passionem. Ergo baptismus ante passionem fuit institutus.

**149. — SED CONTRA.** Causam non præcedit effectus. Sed baptismus habet efficaciam a passione Christi. Ergo non debuit ante passionem institui.

**150. — Præterea.** Baptismus non fuit sine forma sua. Sed forma fuit instituta post passionem, Mat. ult. 19. Ergo et baptismus.

## [HI]

[III, q. 66, a. 2; q. 73, a. 5, ad 4.]

**151. — ULTERIUS.** Videtur quod statim in sua institutione FUIT OBLIGATORIUM.

1. Quia dicitur Jo an, iii, 5, quasi in principio institutionis : « *Nisi quis renatus fuerit etc.* » : quod obligationem importat. Ergo statim obligatorium fuit.

2. **Præterea.** Institutio sacramentorum novæ legis est per modum præcepti. Sed præceptum statim est obligatorium. Ergo institutio baptismi statim obligabat.

**152. — SED CONTRA.** Ad idem non sunt necessaria duo remedia. Sed ante passionem, jam instituto baptismo, homines obligabantur adhuc ad circumcisionem, quæ ad idem ordinatur cum baptismo. Ergo non obligabantur ad baptismum.

**153. — RESPONSIO.** Dicendum **AD PRIMAM QUÆSTIONEM** quod secundum Hugonem de sancto Victore (II de *Sacram.*, p. 6, c. 3; L. 176, 448), oportuit ut secundum processionem temporum spiritualium gratiarum signa magis ac magis evidentia darentur. **Et ideo oportuit quod baptismus post circumcisionem institueretur**; quia circumcisio significabat tantum in removendo; perfectio autem sanctificationis non est in removendo, sed in collatione gratiæ, cujus effectus aqua figurat, scilicet vitam, illuminationem et hujusmodi de quibus dictum est; et propter hoc significat ablutionem. Et iterum etiam est perfectio quantum ad usum, quia sexui utrique communis est, quod non erat de circumcisione.

**154. — AD PRIMUM** ergo dicendum quod quamvis circumcisio auferret culpam sicut baptismus, non tamen conferebat tantam plenitudinem gratiæ sicut baptismus, nec tantum diminuabat fomitem. Et ideo oportuit baptismum succedere. Innovatio enim non solum consistit in remotione culpæ, sed in collatione gratiæ.

**155. — Ad secundum** dicendum quod illæ significationes sunt rerum non contentarum. Et ideo de illis nihil ad propositum.

**156. — AD SECUNDAM QUÆSTIONEM** dicendum quod multiplex fuit baptismi institutio. Fuit enim *primo* institutus quantum ad materiam in baptismo Christi; tunc enim vim regenerativam aquis contulit; et aliquo modo fuit forma figurata per præsentiam trium personarum in signo visibili, quia Pater apparuit in voce, Filius in carne, Spiritus sanctus in co-

1. Ed. « importe t ».

lumba ; et similiter fructus baptismi ibi præflguratus fuit, quia cæli aperti sunt super eum.

157. — Sed *necessitas* ejus fuit declarata Jo an, iii, 5, ubi dicit : « *Nisi quis renatus fuerit, etc.* »

158. — Sed *usus* ejus fuit inchoatus quando misit discipulos ad prædicandum et baptizandum, ut patet Mat. x.

159. — Sed *efficaciam* habuit ex passione Christi, quantum ad ultimum effectum, qui est apertio januæ.

160. — Sed *divulgatio* ejus quantum ad omnes nationes præcepta fuit Mat. ult., 19, ubi dixit : « *Euntes, docete omnes gentes, etc.* »

161. — Et per hoc patet solutio ad objecta. Tamen sciendum quod Mat. ult., non *fuit forma* instituta, cum ante passionem in eadem forma baptizaverint sicut in *Littera (5)* dicitur, sed fuit *iterata*.

162. — AD TERTIAM QUÆSTIONEM dicendum quod *ante passionem* nullus obligabatur ad baptismum, quia tunc non erat institutus ad obligandum, sed ad exercitandum ; sed *post passionem obligatorium fuit*, quando circumcisio mortua fuit quantum ad omnes ad quos institutio potuit pervenire.

163. — Et per hoc patet solutio ad objecta. Dominus enim Jo an, iii, magis prædixit obligationem futuram quam narraret præsentem, nec præceptum obligat antequam sit divulgatum.

## EXPOSITIO TEXTUS

164. — « Baptismus dicitur corporis tinctio etc. » **(Ia) Sciendum est** quod baptizare in græco, idem est quod lavare. A lavando autem *duo* dicuntur : scilicet *lavacrum* quod significat aquam in qua fit lotio humano artificio præparatam ; *alio modo lolio*, quæ significat usum lavacri. Baptismus ergo potest significare ipsam aquam quæ dicitur lavacrum. Unde dicitur *Tit. m, 5* : « *Per lavacrum regenerationis etc.* » Et potest significare ipsam ablutionem. *Marc, vii, 8* : « *Tenenles baptismata hominum et urceorum* » ; idest ablutiones. Et ideo Hugo de sancto *Victore (II de Sacram., p. 6, c. 2 ; L 176, 443)*, definivit baptismum aquam quantum ad primam acceptionem ; *Magister* vero ablutionem quantum ad secundam. Sed hæc definitio est magis propria quia aqua non significat mundationem, neque causât, nisi secundum quod est abluens.

165. — « Unde est hæc tanta virtus aquæ, etc. » **(Ib) Quidi**

i Ed. om. « ejus ». — 2. Ed. « enim ». — 3. Ed. om. « etc. — 4. Ed. om. « etc

sit ista virtus, et quando sit data, dictum est supra, d. I (q. 1, a. 4, sol. 2).

**166.** — « Unde nihilominus insinuare videtur, etc.1 », **(4a)** Hoc est intelligendum in simili casu : sicut Apostoli in nomine Christi baptizabant ; alias *Magister* falsum diceret.

**167.** — « Celebratur autem hoc sacramentum etc.2 » **(6) Scien-**  
**dum** quod aqua est materia baptismi ; et potest *tripliciter* considerari.

*Quia secundum quod consideratur in sua natura est quasi materia remota, quia ex naturali proprietate habet aliquam convenientiam ad hoc quod sit baptismi materia ratione similitudinis.*

*Secundum autem quod est instituta ad hoc, accipiens vim regenerativam ex tactu carnis Salvatoris, sic est materia quasi disposita.*

*Secundum autem quod consideratur sub forma verborum, est quasi materia jam informata.*

**168.** — « Solet autem quæri, etc.3 » **(8)** De hoc dictum est supra d. I4 (q. 2, a. 5, sol. 1).

**169.** — « Aditum nobis regni aperuit. » **(10)** Apertio januæ non est aliud quam remotio impedimenti quod prohibebat totum humanum genus ab introitu cœli : quod quidem ablatum est per passionem Christi, ut dictum est in III lib., d. 185 (q. 1, a. 6, sol. 3).

1. Ed. om. « etc. » — 2. Ed. om. « etc. » — 3. Ed. om. < etc. » — 4. Ed. « prius ». — 5. Ed. om. « <I. 18 ».

## DISTINCTIO IV

QUOD ALII SUSCIPIANT SACRAMENTUM ET REM J ALII SACRAMENTUM  
ET NON REM J ALII REM ET NON SACRAMENTUM

1. — Hic dicendum est aliquos suscipere sacramentum et rem sacramentil : aliquos sacramentum et non rem, aliquos<sup>2</sup> rem et non sacramentum.

a. — Sacramentum et rem simul suscipiunt omnes parvuli qui in baptismo ab originali mundantur peccato. Quamvis *Quidam* diffiteantur illis qui perituri sunt parvulis in baptismo dimitti peccata, innitentes illi verbo Augustini (II *de peccator, ineritis et remissione*, c. 27, n. 44 ; L. 44, 177) : « *Sacramenta in solis electis efficiunt quod figurant* » ; non intelligentes illud ita esse accipiendum, quia cum in aliis efficiant sacramenta<sup>3</sup> remissionem, non hoc faciunt<sup>4</sup> eis ad salutem, sed<sup>5</sup> solis electis.

Nam quod omnibus parvulis in baptismo remittatur peccatum evidenter Augustinus dicit *Enchir.*, c. 43, n. 13; L. 40, 253) et habetur de Consecr. (d. 4 ; L. 187, 1847 : « *A parvulo, inquit, recenter nato usque ad decrepitem senem, sicut nullus prohibetur a baptismo, ita nullus est qui non peccato moriatur<sup>6</sup> ; sed parvuli tantum originali, majores vero etiam omnibus quæ male vivendo addiderunt ad illud* », nisi enormitas vitæ impediatur, idest fictio. Adulti vero qui cum fide baptizantur, sacramentum et rem suscipiunt.

### De FICTE ACCEDENTIBUS

2. — Qui vero sine fide vel accedunt ficte, sacramentum, non rem suscipiunt.

Unde Hieronymus (IV *in Ezech.*, c. 16, 4; L. 25, 127) : « *Sunt lavacra gentilium, hæreticorum, sed non lavant ad salutem. In Ecclesia etiam qui non plena fide baptismum accipiunt, non Spiritum sed aquam accipiunt<sup>7</sup>.* »

Augustinus etiam (*Enar. in ps.*, 77, n. 2 ; L. 36, 983) ait : « *Judæis omnibus communia erant sacramenta, sed non communis omnibus erat gratia, quæ est virtus sacramentorum. Ita et nunc communis est baptismus omnibus baptizatis, sed non virtus baptismi, idest ipsa gratia.* »

st. — Idem<sup>8</sup> (*Serm.*, 351, c. 2, n. 2 ; L. 39, 1537). « *Omnis qui jam suæ voluntatis arbiter constitutus est, cum accedit ad sacramentum fidelium, nisi pœniteat eum veteris vitæ, novam non potest inchoare. Ab hac pœnitentia cum baptizantur, soli parvuli immunes sunt.* »

His aliisque testimoniis aperte ostenditur, adultis sine fide et pœnitentia vera, in baptismo non conferri gratiam remissionis, quia nec parvulis sine fide aliena, qui propriam habere nequeunt, datur in baptismo remissio. Si quis ergo ficte accedit, non habens veram cordis contritionem, sacramentum sine re accipit.

3. — Videtur tamen Augustinus dicere *Ide Baptismo contra Donat.*

1. Quar. *om.* « sacramenti ». — 2. Quar. « alios ». — 3. Quar. *om.* « sacramenta », — 4. Ed. *ad.* « in ». — 5. Ed. *ad.* « in ». — 6. Ed. *ad.* « in baptismo ». — 7. E.J. « suscipiunt ». — 8. Ed. « Ite.n ».

lib. I, c. 12, η. 19 ; L. 43, HOJiquodl ficte accedenti, qui etiam habet odium fraternum in ipso momento quo baptizatur, omnia condonentur et post baptismum mox redeant. Sed non hoc asserendo dicit, immo hanc opinionem et præmissam sententiam conferendo. Ait enim sic<sup>2</sup> : « *His qui ficto corde baptizantur, aut peccata nullatenus dimittuntur, quia Spiritus sanctus disciplinae effugiet fictum ; aut in ipso temporis puncto per vim sacramenti dimissa, iterum per fictionem replicantur, ut etiam illud verum sit : Quotquot in Christo baptizati estis etc...* (Galat. m, 27) et illud : Spiritus sanctus disciplinae effugiet fictum (Sap., i, 5) ut induat eum Christum<sup>3</sup> sanctitas baptismi, exuat eum Christum<sup>4</sup> pernicies fictionis. » « *Nam redire dimissa peccata, ubi fraterna caritas non est, aperte Dominus docet (Mat., xviii) in illo servo a quo Dominus dimissum debitum petiit quia ille conseruo dimittere noluit.* » (Ibid., n. 20). « *Sic non impeditur baptismi gratia, quominus omnia peccata dimittantur, etiamsi fraternum odium in efus cui dimittuntur animo perseverat. Solvitur enim hesternus dies, et quidquid superest ; et solvitur etiam ipsa hora momentumque ante baptismum et in baptismo. Deinceps autem continuo reus esse incipit, non solum consequentium, sed etiam præteritorum dierum, horarum, momentorum, redeuntibus omnibus quæ dimissa sunt.* » (Ibid., n. 20).

4. — Hoc autem, ut prædiximus, non sub assertionem dixit : quod ostenditur ex eo quod ait in eodem libro, sic (Ibid., n. 18) : « *Si ad baptismum fictus accedit, dimissa sunt ei peccata, aut non sunt dimissa ? Eligant quod volunt<sup>5</sup>.* » Ecce aperte cernis, si tamen intendis, id dixisse Augustinum non asserendo, sed quærendo, et aliorum opinionem referendo.

Idem enim ait (ibid.) : « *Tunc valere incipit ad salutem baptismus, cum illa fictio veraci confessione recesserit, quæ corde in malitia perseverante peccatorum ablutionem non sinebat fieri.* » Non ergo ficte accedenti peccata dimittuntur.

#### Quomodo intelligatur illud : Quotquot in Christo BAPTIZATI ESTIS, CHRISTUM INDUISTIS

, 5. — Quæritur ergo quomodo illud accipiendum sit (Galat., m, 27) : « *Quotquot in Christo baptizati estis, Christum induistis.* »

Potest dici quod qui in Christo idest in Christi conformitate baptizantur (scilicet ut moriantur *vetustati peccati*, sicut Christus *vetustati pænæ*), induunt Christum, quem per gratiam inhabitantem habent. Potest et aliter solvi. Duobus enim modis induere Christum dicimur : vel assumptione sacramenti, vel rei perceptione.

— Unde Augustinus (*de Baptismo contra Donat.*, lib. V, c. 24, n. 34 ; L. 43, 193) : « *Induunt homines Christum aliquando usque ad sacramenti perceptionem, aliquando usque ad vitæ sanctificationem ; atque illud primum nobis et malis potest esse commune, hoc autem proprium est bonorum et piorum.* » Omnes ergo qui in Christi nomine baptizantur, Christum induunt vel secundum sacramenti perceptionem, vel secundum vitæ<sup>6</sup> sanctificationem.

#### De illis qui suscipiunt rem et non sacramentum

— Sunt et Al ii, ut supra posuimus, qui suscipiunt, rem et non sacramentum. Qui enim effundunt<sup>7</sup> sanguinem pro nomine Jesu, etsi non sacramentum, rem tamen accipiunt<sup>8</sup>.

1. Ed. *ad.* « etiam ». — 2. Ed. « sicut ». — 3. Ed. « Christo ». — 4. Ed. « Christo ». — 5. Ed. « voluerunt ». — 6. Ed. i accipiatur ». — 7. Quar. om. « vitæ ». — 8. Quar. « fundunt ». — 9. Quar. « percipiunt ».

Unde Augustinus (*De Civ., Dei*, lib. XIII, c. 7; L. 41,381) : « *Quicumque, non percepto regenerationis lavacro, pro confessione Christi moriuntur, tantum eis valet ad dimittenda peccata, quantum si abluerentur sacro fonte baptismi.* »

Audistil quod passio pro Christi nomine suscepta, supplet vicem baptismi.

7. — Nec tantum passio vicem baptismi implet, sed etiam fides et contritio, ubi necessitas excludit sacramentum, sicut aperte docet Augustinus (*De Baptism, contra Donat.*, lib. IV, c. 22, n. 29; L. 43, 173) dicens : « *Baptismi vicem aliquando implere passionem, de latrone illo, cui non baptizato dictum est (Luc., xxvi, 43.) « Hodie mecum eris in paradiso », beatus Cyprianus in libro IV de Baptismo (L. 3, 1124) non leve documentum assumit. Quod etiam atque etiam<sup>2</sup> considerans invenio non tantum passionem pro nomine Christi, id quod baptismo deerat, posse supplere, sed etiam fidem conversionemque cordis, si forte ad celebrandum mysterium baptismi in angustiis temporum succurri non potest.*

a. — Neque enim ille latro pro nomine Christi crucifixus est, sed pro meritis facinorum suorum; nec quia credidit, passus est, sed dum patitur, credit. Quantum igitur<sup>3</sup> valeat sine visibili<sup>4</sup> baptismi sacramento, quod Apostolus ait (*Rom.*, x, 10) : « *Corde creditur ad justitiam, ore autem confessio fit ad salutem* » : in illo latrone declaratum est. Sed tunc impletur invisibiliter, cum mysterium baptismi non contemptus religionis, sed articulus necessitatis excludit. » « *Et baptismus quidem potest etiam iiiessV ubi conversio cordis defuerit; conversio autem cordis potest quidem inesse non percepto baptismo, sed contempto baptismo non potest. Nec ullo modo dicenda est conversio cordis ad Deum, cum Dei sacramentum contemnitur.* » (*Ibid.* c. 25, n. 32).

Ecce hic habes non solum passionem, sed etiam fidem et contritionem conferre remissionem, ubi non contemnitur sacramentum, ut in latrone illo ostenditur, qui non per passionem, sed per fidem salvatus est sine baptismo.

Sed dicunt Quidam hoc retractasse Augustinum. Retravit quidem exemplum, sed non sententiam. Ait enim sic (lib. IV *Retract.*, cap. 18; L. 32, 638) : « *In libro IV de Baptismo, cum dicerem, vicem baptismi posse habere passionem, non satis idoneum posui illius latronis exemplum, qui, utrum non fuerit baptizatus, incertum est.* » Constat igitur<sup>5</sup> sine baptismo aliquis justificari et salvari.

b. — Unde Ambrosius de Valentiniano (*de obitu Valentin.*, n. 29 et 30; L. 16, 1368) : « *Ventrem meum doleo, ut prophético utar eloquio, quia quem regeneraturus eram, amisi. Ille tamen<sup>6</sup> gratiam quam poposcit, non amisit.* »

#### Quæ videntur obviare prædictis

8. — His autem videtur obviare quod Dominus ait<sup>9</sup> (*Joan.*, iii, 5) : « *Nisi quis renatus fuerit ex aqua et Spiritu sancto, non intrabit<sup>10</sup> in regnum coelorum* ». Quod si generaliter verum est, non videntur esse vera superius posita.

Sed illud intelligendum est de his<sup>11</sup> qui possunt et contemnunt baptizari. Vel ita intelligendum est : « *Nisi quis renatus fuerit ex aqua et Spiritu sancto* », idest ex ea regeneratione quæ fit per aquam et Spiritum

1. Ed. « Audistis ». — 2. Ed. « Quod etiam ego ». — 3. Ed. « ergo ». — 4. Ed. « visibilis ». — 5. Ed. « potest esse ». — 6. Ed. *ad.* « argumentum ». — 7. Ed. « ergo ». — 8. Ed. « Verumtamen ». — 9. Ed. « dicit ». — 10. Ed. « non potest intrare ». —

sanctum, non salvabitur. Illa autem regeneratio fit non tantum per baptismum, sed etl per poenitentiam et sanguinem.

Unde auctoritas dicit (L. 112, 746) ideo Apostolum «pluraliter dixisse : *fundamentum baptismatum, quia est baptismus in aqua, in sanguine, in poenitentia.* » Hoc autem non ideo dicit quod sacramentum baptismi fiat nisi in aqua, sed quia ipsius virtus, idest<sup>2</sup> sanctificatio datur non modo per aquam, sed per sanguinem vel<sup>3</sup> poenitentiam.

Ratio enim id suadet. Si enim parvulis non valentibus credere sufficit baptismus, multo magis sufficit fides adultis volentibus, sed<sup>4</sup> non valentibus baptizari.

Unde Augustinus : « *Quæris quid sit majus, fides, an aqua ? Non dubito quin respondeam, fides. Si ergo quod minus est, sanctificare potest : nonne quod majus est ? idest fides, de qua Christus ait. (Joan., xi, 25) : « Qui crediderit in me, etiam si mortuus fuerit, vivet.* »

9. — Sed dicunt Al iqui, nullum adultum in Christum credere vel caritatem habere sine baptismo, nisi sanguinem fundat pro Domino, subdita introducentes testimonia. Augustinus (*de fide ad Petrum*, c. 3, n. 43 ; L. 40, 767) ait : « *Ex illo tempore quo Salvator dixit : « Nisi quis renatus fuerit etc. » absque sacramento baptismi, præter eos qui in Ecclesia catholica sanguinem fundunt, aliquis vitam æternam accipere non potest.* »

a. — Item (*De eccl. Dogmat.*, c. 74 ; L. 58, 997) : « *Nullum catechumenum, quamvis in bonis operibus defunctum, vitam æternam habere credimus, excepto martyrio, ubi baptismi tota sacramenta complentur.* »

Item (*Ibid*, paulo superius) : « *Baptizatis tantum iter salutis esse credimus.* »

Sed quod in his minus dixit, in aliis capitulis supra positis supplevit. Et ideo hæc sic intelligenda sunt, ut illi soli habentes tempus baptizandi<sup>5</sup> excipiantur. Si enim aliquis habens fidem et caritatem voluerit baptizari et non valet<sup>3</sup>, necessitate præventus, supplet Omnipotentis benignitas quod sacramento defuerat. Dum enim solvere potest, nisi solvat, tenetur ; sed cum jam non potest, et tamen vult, non imputat ei Deus, qui suam potentiam sacramentis non alligavit.

Quod<sup>7</sup> vero invisibilis sanctificatio sine visibili sacramento quibusdam insit, aperte Augustinus *super Leviticum* tradit (q. 84 ; L. 34, 713), dicens « *invisibilem sanctificationem quibusdam affuisse et profuisse sine visibilibus sacramentis ; visibilem vero sanctificationem quæ fit sacramento visibili, sine invisibili posse adesse, non posse prodesse. Nec tamen visibile sacramentum ideo contemnendum\*, quia contemptor ejus invisibiliter sanctificari non potest. Hinc Cornelius et qui cum eo erant, jam spiritu sanctificati, baptizati sunt. (Act., x.) Nec superflua judicata\* est sanctificatio visibilis, quia invisibilis præcessit. Sine visibili ergo invisibilis sanctificatio esse potest, et prodesse ; visibilis autem quæ fit<sup>8</sup> sacramento tenus, sine invisibili prodesse non potest, cum illa sit omnis illius utilitas<sup>1</sup>. Simoni Mago visibilis baptismus non profuit, quia invisibilis<sup>2</sup> non adfuit ; sed quibus invisibilis adfuit, profuit.* »

Nec tantum valet fides aliena parvulo, quantum propria adulto.

10. — Parvulis enim non sufficit fides Ecclesie, sine sacramento, qui, si absque baptismo fuerint defuncti, etiam cum deferuntur ad baptismum, damnabuntur, sicut multis SANC TORUM auctoritatibus comprobatur.

1. Ed. « et ». — 2. Ed. « et ». — 3. Ed. « et ». — 4. Ed. « et ». — 5. Quar. om. (« baptizandi »). — 6. Quar. « potest ». — 7. Ed. « quia ». — 8. Ed. ad. « est ». — 9. Ed. « judicanda ». — 10. Ed. « sit ». — 11. Ed. « veritas ». — 12. Ed. « invisibiliter ».

**a.** — Ad hoc unum sufficiat Augustini<sup>1</sup> (*De fide ad Petrum*, c. 27 ; L. 40, 774) : « *Firmissime tene, parvulos qui vel in uteris matrum vivere incipiunt et ibi moriuntur vel de matribus nati sine sacramento baptismi de hoc seeculo transeunt, æterno supplicio puniendos, quia, etsi propriæ actionis peccatum? non habuerunt, originale tamen peccatum carnali<sup>2</sup> conceptione traxerunt.* »

**b.** — Et sicut parvuli qui sine baptismo moriuntur, infidelium adscribuntur numero ; ita qui baptizantur, fideles vocantur<sup>4</sup>, quia fidelium consortio non separantur, cum orat Ecclesia pro fidelibus defunctis. Fideles ergo sunt non propter virtutem, sed fidei sacramentum.

Unde Augustinus (Ep., 98, *ad Bonifacium*, n. 10 ; L. 33, 364) : « *Parvulum, etsi nondum fides illa quæ etiam in credentium voluntate consistit, jam tamen fidei ipsius sacramentum, idest baptismus, fidelem jacit. Nati<sup>5</sup> sicut credere respondetur, ita etiam fidelis vocatur, non rem ipsam mente annuendo, sed ipsius rei sacramentum percipiendo.* »

Quid prosit baptismus his qui cum fide accedunt

**11.** — Solet<sup>6</sup> quæri de illis qui jam sanctificati Spiritu cum fide et caritate ad baptismum accedunt, quid eis conferat baptismus. Nihil enim videtur eis<sup>7</sup> præstare, cum per fidem et contritionem jam remissis peccatis justificati sint<sup>8</sup>.

Ad quod sane dici potest, eos quidem per fidem et contritionem justificatos, idest a macula peccati purgatos, et a debito æternæ pœnæ absolutos, tamen adhuc teneri satisfactione temporalî, qua pœnitentes ligantur in Ecclesia. Cum autem baptismum percipiunt, et a peccatis, si qua interim post conversionem contraxerunt, mundantur et ab exteriori satisfactione absolvuntur, et adjutrix gratia omnisque virtus in eo augeatur, ut vere novus homo tunc dici possit. Fomes quoque peccati in eo amplius debilitatur.

Ideo Hieronymus<sup>9</sup> dicit quod fides quæ fidelibus<sup>10</sup> in aquis baptismi datur vel nutritur<sup>11</sup>, non habenti aliquando ibi datur, et jam habenti ut plenus habeat, datur<sup>12</sup>. Sic et de aliis intelligendum est.

Qui ergo mundus accedit, ibi fit mundior, et omni habenti, ibi amplius datur.

Quod vero omnis exterior satisfactio ibi relaxetur, Ambrosius<sup>13</sup> ostendit super illum locum (*Rom.* ix, 29 : « *Sine poenitentia sunt dona et vocatio Dei* », dicens (L. 17, 157) : « *Gratia Dei in baptismo non requirit gemitum vel planctum vel aliquod opus, sed omnia gratis<sup>14</sup> condonat.* » Quod quidem de exteriori gemitu vel planctu accipiendum est. Nam sine interiore nemo adultus renovatur ; sed exteriores satisfactiones et afflictiones, scilicet sordes pœnitentium, ibi dimittuntur. Multum ergo confert baptismus etiam jam per fidem justificato ; quia accedens ad baptismum, quasi ramus a columba portatur in arcam. Ante intus erat iudicio Dei, sed nunc etiam iudicio Ecclesiæ intus est.

Cum vero in baptismo peccatum deleatur, et satisfactio exterior non imputetur, quæritur cur poenalitas cui pro peccato addicti sumus non tollatur.

Hoc ideo fieri tradunt Sancti « *quia, si a poena homines per baptismum*

1. F. « Fulgentius ait ». — 2. Ed. « peccata ». — 3. Ed. *ad.* « concupiscentia ». — 4. Ed. « dicuntur ». — 5. Ed. *om.* « nam ». — 6. Ed. *ad.* « etiam ». — 7. Ed. *om.* « eis ». — 8. Ed. « sunt ». — 9. Locum invenire nullatenus contigit. — 10. Quar. « quæ fideles facit ». — 11. Quar. *ad.* « quia ». — 12. Quar. *om.* « datur ». — 13. F. « Ambrosiaster ». — 14. Quar. *o* gratia ».

*liberarentur, ipsam putarent baptismi pretium, non æternum regnum. Ideo, soluto reatu peccati, temporalis poena tamen manet, ut illa vita studiosius quærat quæ erit a pœnis omnibus aliena.* » Ideo etiam manet, ut sit dideli et certandi materia, et vincendi occasio : qui non vinceret, si non Vugnaret ; nec pugnaret, si baptismo immortalis fieret.

Ctyus REI BAPTISMUS OUI DATUR JAM JUSTO SIT SACRAMENTUM

12. — Si quæritur cujus rei baptismus ille sit sacramentum qui datur jam justo, dicimus, sacramentum esse et rei quæ præcessit, idest remissionis ante per fidem datas, et remissionis temporalis pœnæ, sive peccati, si habetur quod interim committitur, et novitatis ac munditiæ<sup>2</sup> ibi præstitæ. Omnis etenim rei signum est, cujus causa est.

Nec mireris rem aliquando præcedere sacramentum, cum aliquando etiam longe post sequatur, ut in illis qui fide accedunt, quibus, cum post pœnituerint, incipit baptismus prodesse, in quibus fuit baptismus sacramentum hujus sanctificationis quam poenitendo habent.

Sed si nunquam pœniterent, nec a figmento recederent, cujus rei sacramentum esset baptismus ab illis susceptus ? Potest dici : rei quæ ibi fieret, si eorum enormitas non impediret.

Si PARVULIS DATUR IN BAPTISMO gratia, qua possunt in majori ÆTATE PROFICERE

13. — Solet etiam quæri, si parvulis in baptismo datur gratia, qua cum tempus habuerint utendi libero arbitrio, possint « *velle et currere* ». (Rom., ix, 16). De adultis enim qui digne recipiunt sacramentum, non ambigitur quin gratiam operantem et cooperantem perceperint, quæ « *in vacuum* » eis cedit, si per liberum arbitrium post mortaliter deliquerint ; qui merito peccati gratiam appositam perdunt. Unde dicuntur « *contumeliam Spiritui sancto facere* » (Heb., 10, 29) et ipsum a se fugare.

De parvulis vero qui nondum ratione utuntur, quæstio est, an in baptismo receperint gratiam qua ad majorem venientes ætatem, possint velle et operari bonum.

Videtur quod non receperint, quia gratia illa caritas est et fides quæ voluntatem præparat et adjuvat. Sed quis dixerit eos accepisse fidem et caritatem ? Si vero gratiam non receperint<sup>3</sup>, qua bene operari possint<sup>4</sup>, cum fuerint adulti, non ergo sufficit eis in hoc statu gratia in baptismo data, nec per illam possunt modo boni esse, nisi aliq addatur : quæ si non additur, non est ex eorum culpa, quia justificati sunt a peccato.

Quidam putant gratiam operantem et cooperantem cunctis parvulis in baptismo dari in munere, non in usu, ut cum ad majorem venerint ætatem, ex munere sortiantur usum, nisi per liberum arbitrium usum muneris extinguant peccando ; et ita ex culpa eorum est, non ex defectu gratiæ, quod mali fiunt, qui ex Dei munere valentes habere usum bonum, per liberum arbitrium renuerunt et usum pravum elegerunt.

1. Quar. om. « et ». — 2. Ed. « omnis gratiæ ». — 3. Ed. « receperunt ». — 4. EJ « possunt ».

## DIVISIO TEXTUS

## 14. — « Hic dicendum est aliquos suscipere sacramentum etc. »

Postquam determinavit *Magister* de baptismo quantum ad ea quæ conveniunt ei secundum se considerato, hic *determinat de effectu baptismi per comparisonem ad accipientes*.

Et dividitur in partes *duas*. *In prima* determinat de effectu baptismi communiter quantum ad omnes; *in secunda* specialiter quantum ad parvulos, ibi: « Solet etiam quæri, si parvulis etc. » (13)

*Prima* dividitur in partes *tres*. *In prima* ostendit quomodo quidam recipiunt sacramentum et rem sacramenti; *in secunda* quomodo quidam sacramentum recipiunt, et non rem, ibi: « Qui vero sine fide etc. (2); *in tertia* quomodo quidam accipiunt rem, et non sacramentum, ibi: « Sunt et alii, ut supra posuimus, etc. » (6)

Circa secundum *duo* facit. *Primo* determinat veritatem. *Secundo* objicit in contrarium, ibi: « Videtur tamen Augustinus etc. » (3)

Et circa hoc *duo* facit. *Primo* objicit per auctoritatem Augustini qui contrarium ex auctoritate Apostoli probare videtur. *Secundo* solvit: *et primo* ad auctoritatem Augustini, ibi: « Hoc tamen, ut supra diximus, etc. » (4) *Secundo* ad auctoritatem Apostoli ibi: « Ouæritur ergo quomodo etc. »

« Sunt alii, etc. » (6) *Hic determinat de illis qui recipiunt rem sine sacramento*.

Et circa hoc *duo* facit. *Primo* ostendit quod quidam accipiunt rem sine sacramento. *Secundo* inquit quid postmodum per hujusmodi sacramentum addatur, quando sacramentum susceperint, ibi « Solet quæri de illis etc. » (11)

Circa primum *duo* facit. *Primo* ostendit veritatem. *Secundo* excludit errorem, ibi: « Sed dicunt aliqui etc. » (9)

Circa primum *duo* facit. *Primo* ostendit propositum. *Secundo* respondet cuidam objectioni, ibi: « His autem videntur obviare etc. » (8)

Circa primum *duo* facit. *Primo* ostendit quod patientes pro Christo, si non sunt baptizati, recipiunt *rem* sacramenti sine sacramento. *Secundo* ostendit idem de illis qui fidem et contritionem habent, ibi: « Nec tantum passio etc. » (7)

« Sed dicunt aliqui etc. » (9) *Hic excludit errorem dicentium non posse aliquem salvari per fidem et contritionem sine baptismo*.

*Et* circa hoc *duo* facit. *Primo* ostendit hoc esse falsum quantum ad adultos. *Secundo* ostendit hoc esse verum quantum ad parvulos, ibi: « Parvulis non sufficit etc. » (10)

Λ « Solet quæri de illis etc. » (11) *Hic determinat de baptismo  
eorum qui prius rem sacramenti susceperant.*

Λ **Et** circa hoc duo facit. *Primo* ostendit effectum baptismi in  
«is ; *secundo* significationem, ibi : « Si quæritur cuius rei etc. » (12)

Λ Hic est triplex quæstio.

*Primo* de eo effectu qui est in baptismo sacramentum et res,  
scilicet de characterē.

*Secundo* de eo quod est res tantum, scilicet effectu ultimo  
baptismi.

*Tertio* de suscipientibus alterum vel utrumque, quia de eo  
quod est sacramentum tantum, in præcedenti dist. dictum est.

## QUÆSTIO I

Circa primum quærentur quatuor.

*Primo*, an sit character.

*Secundo*, quid sit.

*Tertio*, in quo sit.

*Quarto*, a quo sit.

## ARTICULUS I

[*Infra*, a. 4, sol. 1, ad 1 ; III, q. 63, a. 1 ; *De Eccles. Sacram.*]

**15. — AD PRIMUM SIC PROCEDITUR.** Videtur quod  
CHARACTER NON SIT IN ANIMA.

1. Quia, ut in II *Eth.* (β 4.1105b, 19-20 ; l. 5, n. 290 ;, Philo-  
sophus dicit : « *Omne quod est in anima, esi potentia uel passio  
vel habitus* ». Sed character non est potentia, quia potentiæ  
omnibus hominibus communes sunt ; character autem non,  
cum sit distinctivum signum, sicut ipsum nomen ostendit ; et  
præterea sunt a natura, non autem character. Nec iterum est  
passio, quia passiones animæ contingunt cum aliqua transmu-  
tatione corporali, ut dicitur in IV *Eth.* (γ 15.1128b, 14-5 ; l. 7,  
n. 869-70) et pertinet ad sensitivam partem, ut dicitur in  
VII *Phys.* (ζ 2.244b, 11-12 ; l. 4, n. 2). Nec iterum est habitus,  
quia habitus ordinatur ad agendum, ut patet per definitionem  
Augustini (lib. *de Bono Conjug.*, c. 21 ; L. 40, 390) : « *Habitus*

1. Ed. « *Primo de effectu qui est baptismo..* » — 2. Ed. *om.* « *dist.* ». — 3. Ed.  
« *utrum* ».

*est quo quis agit, cum tempus fuerit* ». Ergo character<sup>2</sup>, non est aliquid in anima.

2. **Præterea.** Omne quod est, reducitur ad aliquod genus entis. Sed character non videtur posse reduci ad aliquod genus entis, nisi forte ad qualitatem. Qualitas autem esse non potest, cum sub nulla specie qualitatis contineatur. Non enim est habitus, ut probatum est; nec dispositio, cum non sit facile mobilis, immo omnino indelebilis; nec iterum est potentia naturalis, ut probatum est; nec impotentia, quia tunc sacramenta quæ characterem imprimunt, magis officerent quam juvarent; nec iterum est passio, ut probatum est; nec passibilis qualitas, cum non sit natus aliquam passionem sensui inferre, nec a passione aliqua innascatur; nec iterum est forma et circa aliquid constans figura, quia figura est terminatio quantitatis, anima autem non habet quantitatem. Ergo character nihil est.

3. **Præterea.** Contraria sunt in eodem genere. Sed ea quæ Christo competunt, sunt contraria his quæ ad diabolum pertinent. Cum ergo character bestię, de qua dicitur *Apoc. XIII*, nihil aliud sit quam peccatum mortale, videtur quod supra virtutem et gratiam non oporteat in anima aliquem characterem poni.

4. **Præterea.** Ea quæ sunt in sacramentis novæ legis, ordinantur ad causandum gratiam. Sed character non videtur posse gratiam causare, quia multi characterem habere dicuntur qui gratia carent. Ergo non videtur in sacramentis aliquis character imprimi.

53. **Si dicatur** quod est dispositio ad gratiam. **Contra** agens infinitum non requirit materiam dispositam; sed dispositio non est necessaria nisi ad hoc quod materia sit disposita. Cum ergo gratia sit ab agente infmitæ virtutis, videtur quod non oporteat characterem dari in sacramentis ad disponendum ad gratiam.

16. — **SED CONTRA** est quod *Damascenus (IV de Fide orlh., c. 9; G. 94, 1122)* in definitione baptismi ponit sigillum. Sed sigillum impressum in aliquo est character quidam. Ergo in sacramentis character imprimitur.

17. — **Præterea.** Ubi cumque est aliqua distinctio, competit esse aliquem characterem distinguentem. Sed per sacramenta fit distinctio fidelium ab infidelibus, et fidelium ab invicem. Ergo competit in sacramentis characterem dari.

18. — **Præterea.** Per sacramentum configuramur Christo, quia ab eo sacramenta efficaciam habent et ipsum significant. Sed configuratio fit per characterem assimilationis. Ergo in sacramentis competit esse characterem.

I. *α ad.* in arg. « sed secundum characterem nihil agimus ». — 2. *Ed. ad.* « collatus in baptismo ». — 3. *Ed. ad.* « Præterea ».

19. — **RESPONSIO.** Dicendum quod characterem in sacramentis quibusdam imprimi, omnes *Moderni* confitentur; sed in modo ponendi ipsum in anima partim differunt, et partim conveniunt.

20. — **Conveniunt** quidem in hoc quod omnes dicunt per characterem importari relationem triplicem. Est enim character signum distinctivum et configurativum. Inquantum ergo est signum, importat relationem ad signatum; inquantum autem est distinctivum, importat relationem ad ea a quibus distinguit; inquantum autem est configurativum, importat relationem ad ea quibus assimilât.

21. — **Differunt** autem in hoc, quia *Quidam* ponunt istis relationibus non subesse aliquod accidens absolutum, sed immediate in anima fundari istas relationes.

22. — **Hoc autem esse non potest**, quia signum per formam quam sensibus vel intellectui imprimit, facit aliquid in cognitionem venire. *Similiter etiam* nihil distinguitur ab alio nisi per aliquam formam. Similitudo etiam est relatio super unitate qualitatis fundata, ut dicitur in *V Mela*, (δ 15.1021a-, 10; l. 17, n. 1022). Unde patet quod quaslibet illarum relationum quam importat character, requirit aliquam formam substratam; et cum non sit forma substantialis, quia forma substantialis in sacramentis non datur, relinquitur quod forma substrata sit qualitas quædam, cujus unitas consignificationis similitudinem facit.

23. — Et ideo *Quidam* dicunt quod non est in aliqua quatuor specierum qualitatis, et tamen est in genere qualitatis, innitentes illi verbo *Philosophi* in *Prædicamentis* (*Categ.* c. 8. 10&, 25): « *Fortasse* », inquit « *apparebunt alii qualitatis modi* ».

24. — **Sed hoc est fuga quædam**, quia quamvis sint alii modi qualitatis, tamen omnes reducuntur ad has species: quod patet ex hoc quod nulla alia species inveniri adhuc potuit.

25. — Et ideo dicunt *Alii* quod est in quarta specie qualitatis, quia ipsa configuratio quam character suo nomine exprimit, importat unitatem figuræ, quæ est in specie quarta qualitatis. Et *Quidam* dicunt hanc figuram esse crucem Christi.

26. — **Sed hoc non potest stare**, quia *aut* figura proprie accipitur, *aut* metaphorice. *Si proprie* accipitur, sic importat terminationem quantitatis dimensionis quam constat in anima non esse. *Si autem metaphorice* dicatur, tunc oportet quod metaphora reducat ad proprietatem, quia res non ponitur in genere per id quod de eo metaphorice dicitur: sicut non dicitur quod Apostoli sint in genere qualitatis, quia eis dictum est

Math. V, 14, « *Vos eslis lux mundi* ». Nec poterit aliquid in quarta specie qualitatis inveniri quod sit in anima secundum proprietatem. Unde character de quo loquimur non potest fundari supra qualitatem quartæ speciei.

27. — Et ideo Quidam dicunt quod est in tertia specie qualitatis, eo quod sensui spirituali infert quandam mulcebrem passionem, inquantum animam ornat et decorat.

28. — **Sed hoc iterum non potest stare**, quia, sicut probat Philosophus in VII *Phys.* (ζ 2.244b, 14-245a,5; l. 4, n. 2) tertia species qualitatis non est nisi in sensibili parte animæ. Character autem a nullo ponitur in hac parte animæ, sed in intellectiva.

29. — **Et præterea** illæ qualitates semper habent ordinem ad aliquam transmutationem corporalem, vel quam inferunt, vel a qua causantur.

30. — Et ideo Alii dicunt quod est in prima specie qualitatis, et est quasi media inter dispositionem et habitum. Inquantum enim est difficile mobilis, convenit cum habitu, inquantum autem non est ultima perfectio, sed ad gratiam disponit, cum dispositione convenit.

31. — **Sed hoc non potest stare**, quia, secundum Philosophum in II *Elh.* β 4.1105b, 25-6; l. 5, n. 298) « *habitus est quo habemus nos ad passiones bene vel male* ». Et universaliter consideranti hæc apparet differentia inter habitum et potentiam, quia potentia est qua possumus aliquid simpliciter, habitus autem quo possumus illud bene vel male : sicut intellectus quo consideramus, scientia qua bene consideramus, concupiscibilis qua concupiscimus, temperantia qua bene concupiscimus, intemperantia qua male. Et similiter est de *dispositione*, quia dispositio nihil aliud est quam quidam habitus incompletus. Cum ergo character ordinetur ad aliquid simpliciter, non ad illud bene vel male, quia sacerdos potest conficere bene vel male, non potest esse quod qualitas supral quam fundatur relatio characteris sit habitus, sed magis potentia.

32. — Unde relinquitur quod non sit in prima specie qualitatis ; sed magis reducitur ad secundam, ut Quidam alii dicunt. Et hoc sic patet. *Sicut* enim cujuslibet existentis in aliqua natura, sunt aliquæ operationes propriæ, *ita* etiam in spirituali vita regenerati, ut Dionysius dicit in 2 c. *Eccles. Hier.* 2 (G. 3,391). Ubicumque autem sunt operationes propriæ, oportet quod sint principia propria illarum operationum. Unde *sicut* in aliis rebus sunt potentiæ naturales ad proprias operationes, *ita* etiam renati ad vitam spiritualem habent quasdam potentias, secundum quas possunt illa opera : quæ potentiæ sunt similes illis virtu-

tibus quibus sacramenta efficaciam habent sibi inditam ; quia *sicut* sacramenta causant gratiam instrumentaliter, ut supra d. II (q. 1, a. 4) dictum est, *ita* recipientes characterem operantur divina per ministerium. Minister autem est sicut instrumentum ejus cui ministrat. Unde dicit Philosophus in VIII *Eth.* [θ 13. 1161b, 4 ; l. 11, n. 1699) quod servus est<sup>2</sup> organum animatum. Et ideo tam virtus sacramenti quam minister qui est<sup>3</sup> character est instrumentalis.

33. — Et quod hujusmodi potentia sit character, patet si quis diligenter considerat verba Dionysii, a quo prima traditio characteris nobis advenit. Assignans enim ministerium ritus cujusdam qui in primitiva Ecclesia erat, quando adulti baptizabantur, quod accedenti ad baptismum Hierarcha, idest Pontifex, manum imponebat, et signabat eum signo crucis, et praecepiebat eum describi inter nomina Christianorum, ut de cetero ad divina cum aliis admitteretur, dicit quod<sup>4</sup> « *sic accedentem* », scilicet ad vitam spiritualem, « *divina beatitudo in sui participationem recipit, sicut sacerdos baptizandum, et proprio lumine quasi quodam signo ipsi tradit* », scilicet sui participationem, « *perficiens eum* », scilicet « *divinum et communicantem divinarum etc.* » Patet ergo quod ipse per hoc signum nihil aliud intendit quam illud quod facit eum participativum divinarum operationum. Unde **hoc signum nihil aliud est quam quædam potentia qua potest in actiones hierarchicas, quæ sunt ministrations et receptiones sacramentorum, et aliorum quæ ad fideles pertinent.** Et ad hoc quod has operationes bene exerceat indiget habitu gratiæ, sicut et aliæ potentiæ habitibus indigent.

34. — **AD PRIMUM** ergo dicendum quod non sunt habitus nec passiones, sed sunt potentiæ quædam consequentes animam, secundum quod est in vita spirituali regenerata. Et ideo non oportet quod omnibus insint, vel quod a natura sint.

35. — **Ad secundum** dicendum quod reducitur ad secundam speciem qualitatis, et est aliud modus ab illo quem Philosophus ibi ponit ; quia Philosophus non cognoscebat nisi operationes naturales, et ita non nisi potentias naturales. Constat autem quod apud nos oportet ponere potentias spirituales, sicut potentiam conficiendi et absolvendi et hujusmodi, et quod ad secundam speciem qualitatis reducantur : sicut habitus infusi in eadem specie qualitatis sunt cum habitibus naturalibus vel acquisitis.

36. — **Ad tertium** dicendum quod per hoc quod homo configuratur bestiæ, non accipit aliquam spiritualem potestatem, sicut per aliquam potestatem spiritualem homo assimilatur

1. Ed. om. « d. 1 ». — 2. Ed. ad. « sicut ». — 3. Ed. « et ». — 4. Ed. om « quod ».

Christo. Et ideo non est simile. Tamen ex littera *Apoc.* colligitur quod caractere bestiæ configuratur quis ad saeculares operationes. Unde dicit : « *Ut non possit emere vel vendere etc.* ». Et similiter caractere Christi aliquis configuratur ad actiones Christi.

**37.** — **Ad quartum** dicendum quod character est causa sacramentalis gratiæ; et quod quidam cum caractere gratiam non recipiunt, est ex eorum indispositione ad gratiam suscipiendam.

**38.** — **Ad quintum** dicendum quod character est dispositio ad gratiam per quamdam congruitatis dignitatem. Ex hoc enim ipso quod homo mancipatus est divinis actionibus et inter membra Christi connumeratus, fit ei quædam congruitas ad gratiam suscipiendam, quia Deus perfecte in sacramentis homini providet. Unde simul cum caractere quo datur homini ut possit exercere spirituales actiones fidelium vel passiones seu receptiones, datur gratia qua hoc bene possit.

## ARTICULUS II

### Π

[III, q. 63, a. 2.]

**39.** — **AD SECUNDUM SIC PROCEDITUR.** Videtur quod DEFINITIO QUÆ ATTRIBUITUR DIONYSIO DE CHARACTERE, NON bene assignetur, quæ talis est : « *Character est signum sanctum communionis fidei et sanctæ ordinationis, datum a Hierarcha.* »

1. Signum enim, ut in 1 d.2 dictum est, est quod speciem aliquam sensibus ingerit, et præter eam aliquid facit in cognitionem<sup>3</sup> venire. Sed character nullam<sup>4</sup> sensibus formam ingerit. Ergo non est signum.

2. **Præterea.** Potentiis quæ sunt principium actionis vel passionis magis congruit significari quam significare, quia causæ per effectus significantur. Sed character, ut dictum est (33), est potentia spiritualis. Ergo non est signum.

3. **Præterea.** Quidam habent characterem qui non habent fidem : sicut qui post baptismum in hæresim dilabuntur. Sed qui non habet fidem non communicat in fide. Ergo character non est signum communionis fidei ; vel erit signum falsum : quod absurdum est sentire de signo divinitus dato.

4. **Præterea.** Definitio debet omnibus quæ continentur sub definito communiter convenire. Sed esse signum sacræ ordina-

1. Ed. « hæc ». — 2. Ed. *om.* « in 1 d. ». — 3. Ed. « cogitationem ». — 4. Ed. « nullum ».

tionis non convenit omni characteri, sed solum characteri qui imprimatur in ordine. Ergo non est definitio bene assignata.

**5. Præterea.** Hierarcha, ut dictum est (33), est Pontifex. Sed in aliquibus sacramentis quæ conferuntur a simplicibus sacerdotibus vel etiam a laicis, imprimatur character. Ergo non debuit dicere : « datum a Hierarcha. »

[II]

[IU, q. 63, a. 3.]

**40. - ULTERIUS.** Videtur quod non bene assignetur quædam alia definitio magistralis quæ talis est : « *Character est distinctio a characteræ æterno impressa animæ rationali secundum imaginem, configurans trinitatem creatam Trinitati creati et recreanti, et distinguens a non configuratis secundum statum fidei.* »

1. Ubi enim est magna differentia, non oportet signa distinctionis dari. Sed infideles a fidelibus maxime differunt, et in vita et in ritu. Ergo non oportet quod detur aliquod signum distinctivum.

2. **Præterea.** Aut istud signum distinctionis fit propter hominem, aut propter Deum, aut propter Angelos. Non propter hominem, quia nec alii homines possunt cognoscere characterem nec ipsemet qui habet percipit se habere, signum autem oportet esse notum ; nec quoad Deum, qui sine hoc signo scit fideles ab infidelibus discernere ; et similiter nec quoad Angelos. Ergo illud signum distinctionis character non est.

3. **Præterea.** Homo non configuratur Trinitati nisi per imaginem et similitudinem. Sed prima configuratio est per naturam, secunda per gratiam. Ergo character nullo modo configuratur.

4. **Præterea.** Caritas est excellentior virtus quam fides. Sed caritati non ponitur aliquod distinguens signum, nec aliis virtutibus. Ergo nec fidei debet poni.

5. **Præterea.** Contrarium distinguit sufficienter a suo contrario. Sed fides infidelitati contraria est. Ergo sufficienter fideles ab infidelibus distinguit. Et ita non oportet quod per characterem distinguantur.

**41. — RESPONSIO.** Dicendum ad primam quæstionem quod illa definitio nusquam invenitur a Dionysio posita, sed potest accipi ex verbis ejus supra inductis ; et acciperetur adhuc convenientius si sic diceretur : « *Character est signum comma-*

1. α « omnino ».— 2. Ed. om. per homot. « signa distinctionis dari. Sed infideles a fidelibus maxime differunt, et in vita et in ritu. Ergo non oportet ».

*nionis potestatis divinatorum, et sacræ ordinationis fidelium, datum a divina beatitudine. » Et tangit quatuor causas.*

**Primo** genus characteris in quantum est character, scilicet signum : quod pertinet **ad causam formalem**.

**Secundo finem** : datur enim hoc signum ad duo : ut scilicet recipiens configuraretur quasi adscriptus ad communicandum divinis sacramentis et actionibus sacris ; et quantum ad hoc dicit : « *communione divinatorum potestatis* » ; et ut configuraretur coordinandus aliis, quibus eadem potestas data est, quod tangit in hoc quod dicit : « *et sacræ ordinationis fidelium* » : quæ duo excommunicatio suspendit ad tempus, quia privat hominem participatione divinatorum et communione fidelium.

**Tertio** ponit **materiam in qua**, in hoc quod dicit : « *datum a sacerdote.* »

**Quarto efficiens**, scilicet « *a divina beatitudine.* »

Tamen definitio prius posita potest etiam sustineri, ut in idem redeat cum ista ; ut hoc quod dicit, « *communione fidei* » refertur ad participationem sacramentorum et actionum fidelium ; quod autem dicit : « *et sanctæ ordinationis* », ponitur coordinatio ejus ad alios : « *accedenti datum a Hierarcha* » ponitur quantum ad causam efficientem instrumentalem, scilicet ministrum, qui configuratione exteriori configuratur interiori.

**42. — AD PRIMUM** ergo dicendum quod character accipit rationem signi, secundum quod per sacramentum visibile exterius efficitur et significatur<sup>1</sup>.

**43. — Ad secundum** dicendum quod *cum qualibet potestate* exterius datur aliquod visibile signum illius potestatis, sicut regi in signum regie potestatis datur corona et sceptrum, et pontifici mitra et baculus et annulus. *Et similiter cum spirituali potestate* quæ in sacramentis confertur, datur signum sacramentale exterius. Et per comparisonem ad illud exterius signum, ipsa spiritualis potentia dicitur signum, in quantum homo per eam configuratur et determinatur ad actiones spirituales.

**44. — Ad tertium** dicendum quod « *communio fidei* », ut patet per verba Dionysii, oportet quod recipiatur pro communione in sacramentis fidei et aliis actionibus quæ fidelibus competunt, ad quas nullus admittitur antequam characterem suscipiat spiritualis potestatis respectu illorum. Nec oportet quod omnis qui characterem habet, illas actiones bene exerceat, sicut nec omnibus qui habet potentiam, bene operetur<sup>2</sup> actum illius potentie.

**45. — Ad quartum** dicendum quod ordinatio non accipitur hic pro ordinis sacramento, sed pro coordinatione ad alios fideles,

1. Ed. « figurat ». — 2. ay « figuratur », contra β et cod. — 3. Ed. « operatur s.

ut in coetu fidelium aggregetur, quantum ad ea quæ fideles facere dicuntur, vel quantum ad ea quæ pro fidelibus fiunt.

**46.** — **Ad quintum** dicendum quod hoc quod dicitur : « *datum accedenti a Hierarcha* », non potest accipi a verbis Dionysii, sed magis sic : « *datum accedenti a divina beatitudine* » ; et sic cessat objectio.

Si autem accipiatur dans ministerio, sic dicitur a Hierarcha dari character baptismalis quantum ad maximam solemnitatem baptismi quæ quandoque per pontifices celebratur : sic enim Dionysius ibi ritum baptismi tradit, summum sacerdotem ministrum baptismi ponens, ut patet litteram ejus intuenti.

**47.** — **AD SECUNDAM QUÆSTIONEM** dicendum quod *in illa etiam definitione tanguntur quatuor causæ characteris.*

Nam **causa formalis** tangitur in hoc quod ponitur genus, cum dicit, « *distinctio* », id est distinctivum signum ; et est genus magis proximum quam genus in præcedenti definitione positum.

**Causa efficiens** tangitur in hoc quod dicit : « *Charactereterno* », idest Filio qui est « *figura substantiæ* » Patris ; *Hebr. I, 3.*

**Causa autem materialis** in qua ponitur cum dicit : « *animæ rationali impressa secundum imaginem* ».

**Causa vero finalis** ponitur *duplex*, scilicet *configuratio*, in hoc quod dicit : « *Configurans etc.*<sup>1</sup> » idest configuratis ; *et distinctio* in hoc quod dicit : « *et distinguens etc.* » Et *sicut* ponitur hic genus proximum, *ita* finis proximus, et subjectum proximum, et efficiens appropriatum : in quo excedit prædictam definitionem **hæc definitio**, inquantum **per causas magis proximas datur.**

**48.** — **AD PRIMUM** ergo dicendum quod character non est signum tantum ut distinctionis nota, sed ut distinctionem causans, sicut et alia sacramentalia signa. Et ideo eo indiget ad distinctionem faciendam.

**49.** — **Ad secundum** dicendum quod istud distinctionis signum est et propter ipsum hominem qui suscipit, qui eo accipit distinctum posse ab aliis, et propter alios homines qui eum admittunt ad spirituales actiones, ex consignatione sacramentali exteriori interiore perpendentes ; et quoad Deum qui ejus actionibus spiritualibus efficaciam præbet.

**50.** — **Ad tertium** dicendum quod configuratio ista attenditur ad Deum secundum participationem divinæ potestatis, quæ non est neque per gratiam virtutum, neque per naturam.

**51.** — **Ad quartum** dicendum quod fides hominis nota est,

<sup>1</sup> Ed. hic et infra *om.* « etc. ». — <sup>2</sup> Ed. *om.* « hic ». — <sup>3</sup> Ed. « a. nittunt ». — <sup>4</sup> *β8* « C1)Q'ignificati'jæe »

caritas autem incerta. Nihil enim est alicui certius sua fide, ut Augustinus dicit, sed an caritatem habeat non est alicui certum. Et ideo distinctio data magis respicit fidem quam caritatem vel alias virtutes.

**52. — Vel dicendum** quod ista distinctio præcipue attenditur quantum ad operationes et receptiones quæ sunt in sacramentis, in quibus maxime operatur fides.

**53. — Ad quintum** dicendum quod fides sufficienter distinguit fideles ab infidelibus quantum ad actus fidei, non tamen quantum ad actus spirituales qui competunt fidelibus, quia ad hoc oportet quod spiritualis potentia addatur.

### ARTICULUS III

**54. — AD TERTIUM SIC PROCEDITUR.** Videtur quod CHARACTER SIT IN ESSENTIA ANIMÆ QUASI IN SUBJECTO.

1. Dispositio enim et habitus sunt in eodem subjecto. Sed character disponit ad habitum gratiæ. Cum ergo gratia sit in essentia animæ sicut in subjecto, videtur quod etiam character.

2. **Praeterea.** Nihil est subjectum potentiæ animæ nisi essentia animæ. Sed character, ut dictum est (33), est quædam spiritualis potentia. Ergo est in essentia animæ sicut in subjecto.

**55. — SED CONTRA.** Character configurat! Trinitatem creatam increatæ, ut patet ex definitione supra posita (40). Sed Trinitas increata consistit in potentiis, unitas autem in essentia, ut in I lib., d. 32 dictum est. Ergo character non est in essentia animæ.

[II]

[III, q. 63, a. 4.]

**56. — ULTERIUS.** Videtur quod non sit in una<sup>3</sup> potentia, SED IN PLURIBUS.

1. Quia, sicut ex prædicta definitione (40) patet, character est in anima rationali secundum imaginem, secundum quam etiam est configuratio hominis ad Deum. Sed imago non consistit in una tantum potentia, sed in pluribus. Ergo nec character.

2. **Praeterea.** « *Cujus esi potentia, ejus est actio\* et e converso* », ut dicitur in I *de Somno et vigilia* (c. 1, 454», 8; l. 1). Sed actio spiritualis ad quam ordinatur character est per plures potentias;

1. βδ « figurat ». — 2. Ed. om. « d. 3 ». — 3. Ed. ad. « tuntum ». -- 4. Ed. om. « actio », δ « actus ».

scilicet quia requiritur et affectiva et intellectiva. Ergo character est in pluribus potentiis, sicut spiritualis potentia.

**57. — SED CONTRA.** Unum accidens non est in pluribus subjectis. Sed in uno sacramento imprimitur unus character. Ergo non est in pluribus potentiis.

## [III]

[III. q. 63, a. 4, ad 3.]

**58. — ULTERIUS.** Videtur quod sit magis in affectiva QUAM COGNITIVA.

1. Quia character disponit ad gratiam. Sed gratia magis respicit affectivam. Ergo et character.

2. **Præterea.** Character est ad assimilandum nos Deo. Sed per affectum maxime Deo appropinquamus et similes ei efficitur. Ergo character est in affectiva.

**59. — SED CONTRA.** Characterem Dionysius lumini comparat. Sed lumen magis intellectivæ competit quam affectivæ. Ergo et character.

## [IV]

[III, q. 63, a. 5 ; q. 66, a. 9 ; ad Rom, c. 7, l. 1]

**60. — ULTERIUS.** VIDETUR QUOD CHARACTER NON INDELEBILITER INSIT POTENTIÆ CUI INEST.

1. Accidens enim diurnitatem habet ex causa et subjecto. Sed gratia est ab eadem causa et in eodem subjecto cum characterere. Ergo cum gratia amitti possit, et character similiter deleri poterit.

2. **Præterea :** « *Cum venerit quod perfectum est, evacuabitur quod ex parte est* » ; *I Cor. xm, 10.* Sed character est ex parte : datur enim ad distinguendum in operibus sacramentalibus quæ competunt secundum statum viæ. Ergo in patria character cessabit, et ita est delebilis

**61. — SED CONTRA.** Si character deleteretur, maxime per culpam deleteretur. Sed per culpam non deletur, quia sacerdos malus non reordinatur ut iterum characterem accipiat. Ergo character est indelebilis.

## [V]

[III, q. 63, a. 3.]

**62. — ULTERIUS.** Videtur quod Christus habuit characterem.

1. Ei. « habuerit ».

1. Ipse enim sacerdos fuit secundum ordinem Melchisedech., *Heb.* vii, quod est sacerdotium novi Testamenti. Sed tale sacerdotium requirit characterem. Ergo Christus habuit characterem.

2. **Præterea.** Nihil quod est perfectionis quantum ad animam vel dignitatis, Christo subtrahendum est. Sed character decorat et nobilitat animam in qua est. Ergo character in Christo fuit.

**63. — SED CONTRA.** Character est regenerantium et accipientium aliquid a sacramentis. Sed Christus non accepit aliquid a sacramentis, nec renatus est etiam, quia, sicut dicit Augustinus in *Enchir.* (c. 42 ; L. 40, 256), ipse solus ita potuit nasci, ut non esset ei epus renasci. Ergo non habet characterem.

**64. — RESPONSIO.** Dicendum **AD PRIMAM QUÆSTIONEM** quod natura proportionaliter spiritualitati substernitur sicut perfectibile perfectioni. Unde *sicut* gratia quæ est spiritualis vitæ principium est in essentia animæ sicut in subjecto, *ita et character* qui est spiritualis potentia **est sicut in subjecto naturali potentia animæ**, et non in essentia animæ, ut *Quidam* dicunt, nisi mediante potentia animæ.

**65. — AD PRIMUM** ergo dicendum quod dispositionem esse in eodem cum eo ad quod disponit non est necesse, nisi quando dispositio postea fit perfectio : sicut scientia quæ prius fuit dispositio, postea fit habitus. Et ideo scientia dispositio et scientia habitus sunt in eodem subjecto proximo.

**66. —** Non autem hoc oportet quando dispositio et perfectio differunt per essentiam, sed possunt esse in diversis subjectis ; et præcipue quando illa diversa habent ordinem ad invicem : sicut operatio sensibilis est dispositio ad intelligibilem operationem : et similiter *character est dispositio ad gratiam.*

**67. — Ad secundum** dicendum quod illa objectio procedit de potentiis naturalibus ; sed potentias spirituales oportet fundari in naturalibus.

**68. — AD SECUNDAM QUÆSTIONEM** dicendum quod esse in pluribus potentiis est *dupliciter* : *aut* ita quod æqualiter sit in omnibus. "sicut essentia animæ est in omnibus potentiis ; *aut* ita quod sit in una per prius, et per posterius respiciat alias mediante illa in qua primo est : sicut electio est in intellectu et appetitu, et formaliter in appetitu perficitur, ut patet per *Philosophum* in *VI Eth.* (§ 2.1139", 4-5 ; l. 2 n. 1137).

**69. —** Primo ergo modo nullum accidens potest esse in pluribus potentiis, quia accidens numeratur et distinguitur penes materiam et distinctionem subjecti. Et ideo cum **character**

1. Ed. « perfectione ».

sit accidens, non potest esse iri pluribus potentiis animæ primo modo, sed secundo modo, quia unam respicit per prius, et alias per posterius.

70. — AD PRIMUM ergo dicendum quod etiam potentiæ imaginis habent ordinem ad invicem, ut in I lib. dictum est. Et ideo quod est in una, potest aliquo modo ad alias redundare.

71. — Ad secundum dicendum quod quando ad unam actionem requiruntur plures potentiæ, in illa actione est principalis una potentia quasi movens et trahens alias in obsequium sui, et aliæ induunt quodammodo formam et modum ipsius. Et ideo ex eo quod est in principali potentia, potest actio illa sufficienter perfici.

72. — AD TERTIAM QUÆSTIONEM dicendum quod imago principaliter consistit in potentia cognitiva, quia ex memoria et intelligentia oritur voluntas. Unde tota imago est in intellectiva parte sicut in radice. Et ideo omne quod attribuitur homini ratione imaginis, principaliter respicit intellectivam et ex consequenti affectivam; quia etiam ex intellectiva parte habet homo quod sit homo, sed ex affectiva quod sit bonus vel malus. Et ideo quia character respicit imaginem, principaliter est in intellectiva parte.

73. — AD PRIMUM ergo dicendum quod gratia non est neque in intellectiva neque in affectiva, sed in essentia animæ; tamen magis de propinquo respicit affectivam, quia gratia datur ad bene operandum. Qualiter autem aliquis operetur, præcipue ex voluntate pendet.

Sed character datur ad exercendas actiones spirituales aliquas simpliciter. Quod autem bene vel male fiant, hoc est per gratiam et per habitum virtutum. Et ideo non est similis ratio de characteribus et gratia.

74. — Ad secundum dicendum quod assimilatio in bonitate præcipue est ad Deum per voluntatem, sed assimilatio in esse et posse magis est ex parte intellectus; quia ex hoc ipso quod aliquid esse immateriale habet, intellectivum est et potentiam habet quodammodo infinitam, secundum quod intellectus universalium est, quæ quodammodo infinita sunt virtute. Et ideo cum conformitas characteris respiciat spirituales potestatem, magis competit intellectivæ parti quam affectivæ.

75. — AD QUARTAM QUÆSTIONEM dicendum quod impressio characteris est per quamdam animæ rationalis sancti-

1. Ed. « aliquando ». — 2. Ed. om. « et modum ». — 3. ab « caritate », contra <sup>ms</sup> et cod.

fictionem, prout sanctificatio dicitur deputatio alicujus ad aliquid sacrum.

Ad hanc autem sanctificationem non magis active comparatur anima sanctificanda, quam aqua sanctificanda vel oleum vel chrisma ad sui sanctificationem ; nisi quod homo se subjicit tali sanctificationi per consensum, res autem prædictæ subjiciuntur, quia libero arbitrio carent.

**76. — Et ideo qualitercumque anima varietur per proprias operationes, nunquam characterem amittit :** sicut nec chrisma vell oleum aut panis consecratus nunquam<sup>1</sup> sanctificationem perdunt, qualitercumque transmutentur, dummodo non corumpantur.

**77. — AD PRIMUM** ergo dicendum quod *causa indelebilis characteris est e<sup>3</sup> ex parte subjecti* quod est incorruptibile, *et ex parte causæ* quæ est invariabilis.

*Gratia* autem habet aliquo modo causam non efficientem, sed disponentem ex parte subjecti ; quia, secundum Augustinum (*serm.* 159, c. 11 ; L. 38,923) : « *qui creavit te sine te, non justificabit te sine te* ». Et ideo per indispositionem subjecti gratia amittitur.

**78. — Ad secundum** dicendum quod per characterem homo configuratur ad hoc quod sit de cœtu fidelium, et particeps hierarchicarum actionum. Ecclesiastic<sup>2</sup> autem hierarchiæ succedit cœlestis. Et ideo ad communionem fidelium in Ecclesia triumphanti,<sup>4</sup> et ad participationem actionum coelestis hierarchiæ character in patria perficiet ; et sic erit ad alios<sup>5</sup> actus : sicut virtutes et dona in damnatis etiam manent. Sed hoc est per accidens præter intentionem imprimētis characterem, quod recipiens damnatur. Et ideo non est ibi ordinatus ad aliquem finem, quia quæ præter intentionem accidunt, carent ordine ad finem. Tamen Deus qui nihil inordinatum relinquit, elicit ex hoc aliquo bonum, scilicet quod apparet<sup>6</sup> justior eorum damnatio qui tantum munus neglexerunt.

**79. — AD QUINTAM QUÆSTIONEM** dicendum quod *Quidam* dicunt quod Christus non habuit characterem baptismalem, quia a baptismo nihil accepit : habuit autem characterem ordinis qui pertinet ad quemdam eminentiæ statum.

**80. — Sed melius est ut dicatur quod Christus nullum characterem habuit ;** quia ipse habuit potestatem plenitudinis in sacramentis, quasi ea instituens et eis efficaciam præbens. Unde *sicut* poterat inducere effectum sacramenti in aliquo sine sacra-

1. Ed. « nec ». — 2. Ed. « nec panis consecratus unquam ». — 3. Ed. *om.* « et ». — 4. Ed. « triumphante ». — 5. Ed. « illos ». — 6. Ed. « apparet ».

f. mento exteriori, *ila* ex parte ipsius ad hoc non requirebatur ali-  
 Γ quod sacramentale interius.

I **81. — AD PRIMUM** ergo dicendum quod ipse fuit sacerdos,  
 " quasi sacerdotium instituens. Et ideo ejus non est habere cha-  
 racterem, sed illius qui sacerdotium aliunde recipit, ut per  
 characterem principali sacerdoti configuretur.

' **82. — Ad secundum** dicendum quod aliquid est perfectionis  
 ' I in nobis quod non esset Christi, sicut gratia adoptionis ; et simi-  
 i liter est de characterem, quia poneret in eo potestatem spiritualem  
 coarctatam et ab alio derivatam.

#### AKTICULUS IV

[I]

[III, q. 63, a. 6; *ad Hebr.*, r. 11, l. 7.]

**83. — AD QUARTUM SIC PROCEditur.** VIDETUR QUOD  
 NON SOLUM IN SACRAMENTIS NOVÆ LEGIS CHARACTER IMPRIMATUR.

1. Characteris enim est effectus configurare et distinguere.  
 Sed hoc faciunt virtutes, quia eis boni et a malis distinguuntur  
 et Deo assimilantur. Ergo per virtutes et non per sacramenta  
 novæ legis tantum, character imprimitur.

2. **Præterea.** *Sicut* per sacramenta novæ legis distinguitur  
 populus fidelis ab infideli, *ila* per sacramenta veteris legis distin-  
 guebatur. Ergo sacramenta novæ legis non magis imprimunt  
 characterem quam sacramenta veteris legis.

**84. — SED CONTRA.** Habens characterem non baptizatur,  
 quia alii characteres baptismum præsupponunt, qui etiam iterari  
 non debet. Sed habentes virtutem et qui sacramenta veteris  
 legis susceperant baptizabantur. Ergo neque per virtutes neque  
 per sacramenta veteris legis character imprimitur.

[H]

[*Infra*, d. 7, q. 2, a. 1, sol. 1, d. 23, q. 1, a. 2, sol. 3 ; III, q. 63, u. 6 ; *Eccles. Sacram.* :  
*ad Hebr.*, c. 11, l. 7.]

**85. — ULTERIUS.** Abdetur quod per omnia sacramenta  
 LEGIS NOVÆ IMPRIMATUR CHARACTER.

1. In quolibet enim sacramento novæ legis est aliquid quod  
 est sacramentum tantum, et aliquid quod est res tantum, et  
 aliquid quod est res et sacramentum. Sed character in baptismo  
 est illud quod est res et sacramentum. Ergo in quolibet sacra-  
 mento novæ legis imprimitur character.

1. Ed. « est ». — 2 Ed *ad.* « in ».

2. **Præterea.** Quolibet sacramento novæ legis confertur gratia, et distinguitur recipiens a non recipiente. Cum ergo character sit disponens ad gratiam et distinguat, videtur quod in quolibet sacramento novæ legis character imprimatur.

**86. — SED CONTRA.** Nullum sacramentum in quo character imprimatur iteratur, quia character indelebilis est. Sed quædam sacramenta iterantur. Ergo non omnia sacramenta novæ legis characterem imprimunt.

## [III]

[Cf. 2.]

**87. — ULTERIUS.** Videtur quod in sacramento baptismi character non imprimatur.

1. Baptismus enim sanguinis est dignior quam baptismus fluminis, quia meretur aureolam. Sed in baptismo sanguinis non imprimatur character. Ergo nec in baptismo fluminis.

2. **Præterea.** Baptismus fluminis non habet supra baptismum fluminis nisi aquam. Sed baptismus ratione aquæ non potest imprimere characterem, alias baptismus Joannis impressisset characterem : quod esse non potest, cum baptizati a Joanne iterum baptizarentur, ut supra (d. 2, **127-129**) dictum est. Ergo nec baptismus fluminis characterem imprimit.

**88. — SED CONTRA** est auctoritas Dionysii ex qua characteris traditio derivatur, quia ipse inducit verba illa unde definitio characteris accipitur in tractatu de baptismo.[IV]

## [IV]

[III, q. 63, a. 3.]

**89. — ULTERIUS.** Videtur quod character sit sicut a causa efficiente prima a solo filio.

1. « *Character enim est distinctio a characteræ æterno impressa* etc. », ut supra (a. 2, **40**) dictum est. Sed character æternus est solus Filius, sicut et imago. Ergo a solo Filio character imprimatur.

2. **Præterea.** Characteræ configuratur et assimilatur anima Deo. Sed principium assimilationis ad Deum est Filius. Unde Augustinus (*de vera Relig.*, c. 55, n. 113 ; L. 34, 172) Filium nominat similitudinem, per quam ad unitatem reformamur, ut patet I lib. d. 3. Ergo character est tantum a Filio.

**90. — SED CONTRA** est quod Dionysius dicit quod signum characteris datur a divina beatitudine. Sed divina beatitudo est communis tribus personis. Ergo character non datur a solo Filio.

1. Ed. « reformantur ».

**91. — RESPONSIO.** Dicendum **AD PRIMAM QUÆSTIONEM** quod sicut in II *Eth.* (§ 2. 1104), 27-29 ; l. 2, n. 264) dicit Philosophus : « *virtus ex quibus innascitur, ea operatur* », loquens de virtute acquisita. Et similiter est in omnibus virtutibus quæ ex aliquibus actibus aliquo modo causantur. Unde cum character sit virtus seu potentia spiritualis ad actiones sacramentales ordinata, si ex aliquo quod per nos fiat, imprimi **character** debeat, **oportet quod per sacramenta novæ legis imprimatur, et per ea tantum**, quia ad illas actiones tantum directe illa potentia ordinatur.

**92. — AD PRIMUM** ergo dicendum quod actiones spirituales ad quas character ordinat, intra Ecclesiam tantum exercentur. Et ideo pro nihilo potestas ad illas actiones daretur alicui, nisi tali modo quod innotesceret illis qui sunt de Ecclesia, ut eum ad tales actiones admittant. Per gratiam autem et virtutes non posset innotescere quia ignotæ sunt. Et ideo *oportet quod imprimatur character per signa visibilia sacramentorum*.

**93. — Ad secundum** dicendum quod sacramenta **veteris** legis ex opere operato nihil conferebant. Et ideo illæ actiones non requirebant aliquam spiritualem potestatem. Et ideo nec ab illis, nec ad illa imprimebatur character.

**94. — AD SECUNDAM QUÆSTIONEM** dicendum quod sacramenta legis novæ sunt sanctificationes quædam. Sanctificatio autem *duobus* modis accipitur. *Uno modo pro emundatione*, quia sanctum est mundum. *Alio modo pro mancipatione* ad aliquod sacrum, sicut dicitur altare sanctificari vel aliquod hujusmodi.

**95. — Omnia ergo sacramenta** sunt sanctificationes *primo modo*, quia omnia dantur in remedium contra aliquem defectum, ut prius d. 2 (q. 1, a. 1) dictum est; sed *quædam* sunt sanctificationes *etiam secundo modo*, sicut patet præcipue in ordine, quia ordinatus mancipatur ad aliquod sacrum; non autem omnia, sicut patet de poenitentia.

**96. — Quicumque autem mancipatur ad aliquid sacrum spirituale exercendum, oportet quod habeat spiritualem potestatem, et solum talis.** Et ideo *non omnia sacramenta novæ legis characterem imprimunt, sed quædam quæ etiam secundo modo sanctificationes sunt*.

**97. — AD PRIMUM** ergo dicendum quod quamvis illud quod est res et sacramentum in baptismo sit character, non tamen oportet quod sit character in omnibus sacramentis in quibus est res et sacramentum. Quid autem sit res et sacramentum in singulis, postea singillatim ostendetur.

**98. — Ad secundum** dicendum quod quamvis quodlibet sacramentum distinguat a non habente, non tamen tali distinctione indelebili qualis est distinctio in sacramentis sanctificantibus secundo modo. Et ideo non est simile de omnibus sacramentis.

**99. — AD TERTIAM QUÆSTIONEM** dicendum quod *sicut in naturalibus* est potentia activa et potentia naturalis passiva ; *ita etiam in spiritualibus est potentia spiritualis quasi passiva* per quam homo efficitur susceptivus spiritualium actionum. Et talis spiritualis potentia confertur in baptismo ; quia non baptizatus effectum aliorum sacramentorum suscipere non posset, unde per consequens nec aliis tradere. Et hæc est prima distinctio qua communiter totus populus fidelis, cujus est sacramentorum participem esse, ab aliis distinguitur.

**100. — Alia potentia est activa spiritualis** ordinata ad sacramentorum dispensationem, et aliarum sacrarum hierarchicarum actionum exercitium. **Et hæc potestas traditur in confirmatione et ordine**, ut suis locis patebit. Et quia in ecclesiastica hierarchia non omnes sunt agentes, ut puta purgantes, perficientes et illuminantes, sicut omnes sunt recipientes puta purgandi, illuminandi, perficiendi ut dicit Dionysius (*de Eccl. Hierar.* c. 6 ; G. 3,530) ; ideo isti duo characteres non distinguunt populum Dei universaliter ab aliis, sed quosdam de populo ab aliis.

**101. — AD PRIMUM** ergo dicendum quod baptismus sanguinis non habet efficaciam sacramentalem, sed solum meritatoriam. Et ideo ibi non confertur potestas spiritualis ad actiones hierarchicas, nec character sicut in baptismo fluminis quod est sacramentum.

**102. — Ad secundum** dicendum quod nec baptismus fluminis tantum, nec baptismus aquæ tantum sufficit ad sacramentum nova; legis. Et ideo neuter eorum characterem imprimit.

**103. — AD QUARTAM QUÆSTIONEM** dicendum quod omnis effectus in creatura est communiter a tota Trinitate. Unde et **character non est** tantum a Filio, sed **a tribus personis**.

**104. — Attribuitur autem Filio tum** propter rationem similitudinis ad proprium personæ, quia ipse per proprietatem est imago et figura sive character Patris ; *tum* quia virtus passionis Christi operatur in sacramentis.

Et per hoc patet solutio ad objecta.

## QUÆSTIO II

Deinde quaeritur de effectu baptismi qui est res et non sacramentum.

Et circa hoc quaeruntur tria.

*Primo*, de effectu ipsius quantum ad remotionem mali.

*Secundo*, de effectu ipsius quantum ad collationem boni.

*Tertio*, utrum effectus ejus aequaliter participatur.

## ARTICULUS I

IQ

///*Sent.* d. 32, q. 1, a. 1, ar.; 1; a. 2, ad 3. — *Infra*, d. 12, q. 2, a. 2, sol. 1, ad 3; d. 14, q. 2, a. 1, sol. 2, ad 3; d. 17, q. 2, a. 2, sol. 6, ad 3; *III. q.* 69, a. 1; q. 79, a. 5, ad 1; *IV Cg.*, c. 69, 72.]

**105. — AD PRIMUM SIC PROCEDITUR.** Videtur quod BAPTISMUS NON TOLLAT ACTUALEM CULPAM.

1. Baptismus enim non tollit actualem culpam nisi adsit contritio, quia nullus suæ voluntatis arbiter constitutus — in quo solum potest esse actualis culpa — potest inchoare novam vitam, nisi pœniteat eum veteris vitæ, ut in *Littera* (2 a) dicitur. Contritio autem per se etiam sine baptismo delet culpam actualem. Ergo baptismus nihil facit ad deletionem actualis culpæ.

2. **Præterea.** Diversorum morborum<sup>1</sup> diversæ sunt medicinæ, quia non sanat oculum quod sanat calcaneum, ut dicit Hieronymus (in *Mare*, ix, 27; L. 30,616). Sed baptismus directe ordinatur ut medicina contra peccatum originale. Ergo non poterat<sup>3</sup> salvare<sup>4</sup> ab actuali.

3. **Præterea.** Aliquis qui est in proposito peccandi, non potest consequi peccati remissionem. Sed contingit aliquem dum baptizatur, peccare venialiter vel in proposito peccandi venialiter remanere; nec tamen propter hoc reputatur fictus. Ergo etiam in non fictis baptismus non tollit culpam actualem.

**106. — SED CONTRA** est quod dicit Augustinus in *Enchir.* Jc. 44; L. 40,253): « *Baptizati non uni tantum peccato, sed multis, magis autem omnibus moriuntur quæcumque jam propria commiserunt vel cogitatione vel locutione vel opere.* » Sed hæc sunt peccata actualia. Ergo baptismus tollit culpam actualem.

**107. — Præterea.** Baptismus est ordinatus ad tollendum

1. Ed. *om.* « morborum ». — 2. Ed. « dicitur ». — 3. Ed. « poterit ». — 4. Ed. « sanare ». — 5. Ed. « aut ».

culpam originalem. Sed originale non potest tolli sine actuali in eo qui utrumque habet, quia impium est a Deo dimidiam sperare veniam, ut infra dicitur d. 151. Ergo baptismus tollit etiam culpam actualem.

## [II]

[Infra d. 14, q. 2, a. 1, sol. 2, ad 3; d. 18, q. 1, a. 3, sol. 2; III S. d. 19, a. 3, sol. 2; *Expos. Lit.*; III, q. 49, a. 3, ad 2; q. 68, a. 5; q. 69, a. 2; q. 79, a. 5, ad 1; q. 86, a. 4, ad 3; IV Cg., c. 59, 72; ad Rom., c. 11, l. 4.]

**108. — ULTERIUS.** Videtur QUOD NON TOLLAT OMNEM PÆNAM TEMPORALEM DEBITAM ACTUALI PECCATO.

1. Quia sicut Augustinus dicit (*in Ps.* 58, n. 13; L. 36, 701), *peccatum aut homo punit, aut Deus.* Si ergo homo in seipso non puniat peccatum quod commisit, a Deo punietur. Et ita per baptismum actualis peccati poena non totaliter tollitur.

2. **Præterea.** Culpa non potest ordinari nisi per poenam. Sed Deus nil inordinatum relinquit. Ergo non dimittit quin pro culpa aliquam poenam infligat. Et sic baptismus non absolvit ab omni pœna.

3. **Præterea.** Eucharistia est perfectius sacramentum quam baptismus, quia est speciale repræsentativum passionis Christi a qua est efficacia in sacramentis. Sed eucharistia non absolvit etiam non indigne percipientes ab omni pœna. Ergo multo minus baptismus.

**109. — SED CONTRA** est quod dicit Ambrosius *Bom.* xi, 29, super illud: « *Sine pœnitentia enim sunt dona Dei* » (L. 17, 154): « *Gratia Dei, inquit, in baptismo non requirit genitum vel planctum vel aliquod opus, sed omnia gratis condonat.* »

**110. — Præterea.** Christus sua simplici morte scilicet pœnai, duas mortes in nobis consumpsit ut dicitur in *Glossa Bom.* vi, 6, scilicet culpæ et pœnæ. Sed in baptismo configuratur homo morti Christi, ut ibidem (4) dicit Apostolus. Ergo absolvitur et a culpa et a pœna.

## [HI]

[Infra, d. 46, q. 2, a. 2, sol. 1, ad 3; II S. d. 32, q. 1 a. 2; d. 44, q. 2, a. 2, ad 2, 3; I-II, q. 85, a. 5, ad 2; q. 87, a. 7, ad 1; q. 109, a. 9; II-II, q. 104, a. 6, ad 1; III, q. 49, a. 3, ad 3; q. 52, a. 5, ad 2; q. 69, a. 3; a. 7, ad 3; IV Cg., c. 55; *De Malo*, q. 4, a. 6, ad 4; *Quadi.* VI, q. 9, a. 1.]

**111. — ULTERIUS.** Videtur quod etiam tollit omnem PÆNAM ORIGINALIS PECCATI.

1. Efficacius enim est donum Christi quam peccatum Adæ,

1. Ed. om. < d. 15 ». — 2. Ed. om. « nisi ». — 3. Ed. « qui ». — 4. Ed. « tollat ».

ut dicit Apostolus, *Bom.*, v. Sed omnis pœna peccati originalis est inducta per peccatum Adæ. Ergo per donum Christi, quod maxime in baptismo operatur omnis pœna tollitur.

2. **Præterea.** Baptismus directius ordinatur contra peccatum originale quam contra peccatum actuale. Sed tollit omnem pœnam actualis peccati, ut Ambrosius<sup>1</sup> dicit. Ergo et<sup>2</sup> tollit omnem pœnam originalis.

3. **Præterea.** Cessante causa cessat effectus. Sed causa pœnæ est culpa. Si ergo tollit culpam originalem, et per consequens aufert pœnam.

4. **Præterea.** Nullus qui est debitor alicujus pœnæ, evolat statim. Sed baptizatus, si statim moriatur, evolat. Ergo non est debitor alicujus pœnæ. Et sic baptismus absolvit ab omni pœna etiam originalis<sup>3</sup>.

112. — **SED CONTRA** est, quia etiam in baptizatis « *caro concupiscit adversus spiritum* ». (*Gal.*, v, 17.) Sed hæc pugna est ex peccato originali consecuta. Ergo non tollitur omnis pœna originalis peccati per baptismum.

113. — **Præterea.** Necessitas moriendi et incinerationis et pœnalitates hujus vitæ sunt pœnæ originalis peccati. Sed istæ adhuc manent in baptizatis. Ergo baptismus non tollit omnem pœnam originalis peccati.

114. — **RESPONSIO.** Dicendum **AD PRIMAM QUÆSTIONEM** quod in generatione qualibet per introductionem formæ omnis contraria forma expellitur, et etiam dispositio ad formam contrariam, nisi quandoque relinquatur ex indispositione recipientis formam.

115. — Unde cum baptismus sit regeneratio in vitam spiritualem, omne quod est spirituali vitæ contrarium, quod scilicet cum gratia stare non potest, quod<sup>4</sup> est spiritualis vitæ principium, per baptismum tollitur.

**Et ideo baptismus delet et originalem et actualem culpam mortalem, et quantum est de se etiam venialem** quæ disponit ad privationem gratiæ ; quamvis quandoque culpa venialis remaneat post baptismum mortali remota propter indispositionem recipientis baptismum.

116. — **AD PRIMUM** ergo dicendum quod baptismus înon requirit contritionem quasi concausam ad destructionem peccati actualis quasi de se ad hoc non sufficiat, sed solum ad removendam fictionem quæ est contraria dispositio impediens effectum baptismi.

117. — **Ad secundum** dicendum quod baptismus non ordina-

1. Ed. « Ambrosiaster ».— 2. Ed. om. « et ».— 3. Ed. « originalis ».— 4. Ed. « quæ ».

tur tantum contra culpam originalem — alias circumcisis in primitiva Ecclesia non fuisset necessarius baptismus — sed ordinatur ad destruendum omnem culpam quam inveniat et ad regenerandum in novam vitam destructa omni vetustate. Et ideo est sicut totum potentiale habens completam potentiam ad destruendum totaliter peccatum. Sed pœnitentia participat aliquid de potentia, quasi pars potentialis ordinata contra aha peccata, scilicet actualia, quia baptismus iterari non potest.

**118.** — **Ad tertium** dicendum quod quantum est de se. baptismus, ut dictum est, tollit omnem culpam originalem et actuaalem non solum mortalem, sed venialem, quæ quamvis non contrarietur gratiæ simpliciter, contrariatur tamen gratiæ baptismal! quæ debet esse perfecta ratione novitatis vitæ.

**119.** — *Sed potest impediri effectus ejus ex parte recipientis, si sit indispositus per fictionem.* Sed cum fictio sit per? peccatum, sicut peccatum mortale est peccatum simpliciter, ita facit fictum simpliciter, et totaliter effectum baptismi impedit quantum ad remissionem culpæ. Sed peccatum veniale quod in actu vel in proposito est, facit fictum secundum quid, sicut? et est secundum quid peccatum, ut dispositio ad peccatum. Et ideo impedit effectum baptismi non simpliciter, sed quantum ad remissionem illius venialis.

**120.** — **AD SECUNDAM QUÆSTIONEM** dicendum quod Christus per mortem suam sufficienter satisfacit pro peccatis totius humani generis etiamsi essent multo plura. Et quia homo per baptismum in mortem Christi baptizatur et ei commoritur et consepeletur, ut dicitur *Rom.* vi, ideo baptismus, quantum in se est, totam efficaciam passionis in baptizatum influit. Et **propter hoc absolvit** non solum a culpa, sed a **poena satisfactoria.**

**121.** — **AD PRIMUM** ergo dicendum quod per baptismum homo incorporatur Christo et efficitur membrum ejus. Et ideo pœna quam Christus sustinuit, reputatur isti in satisfactionem ; quia si patitur imum membrum, omnia alia compatiuntur, ut dicitur *I Cor.* x ii4, 26. Et ideo Deus in Christo peccata illa punivit<sup>5</sup>, sicut dicitur *Is.* l u i, 6, « *posuit in eo iniquitatem omnium nostrum* ».

**122.** — **Ad secundum** dicendum quod poena ordinat culpam **dupliciter.**

*Uno modo ut satisfaciens ;* et sic culpa remanet ordinata per satisfactionem Christi.

*Alio modo ut medicina sanans vel reseans membrum insanabile ;*

1. Ed. « ac ». — 2. Ed. om. « per ». — 3. Ed. om. « sicut ». — 4. aβγ « xi ». — 5. a « punit ».

el, sic culpa in baptizatis ordinatur ut sanata per gratiam oppositam.

**123.** — **Ad tertium** dicendum quod quamvis eucharistia sit memoriale passionis Christi, non ordinatur tamen ad hoc quod per ipsam homo regeneretur in membrum Christi crucifixi, sed ut jam regeneratus ei adhæreat, et in ipso perficiatur. Et ideo non est similis ratio de baptismo et eucharistia.

**124.** — **AD TERTIAM QUÆSTIONEM** dicendum quod in peccato originali talis fuit processus quod persona corrumpit naturam, et natura corrumpit personam. Unde *aliquid* consideratur in hoc peccato quod pertinet ad naturam, *aliquid* quod pertinet ad personam.

Passio autem Christi sufficienter peccatum originale abstulit quantum ad utrumque.

**125.** — Sed quia sacramenta personis adhibentur, ideo **baptismus hoc ab homine tollit quod ex corruptione naturæ in personam redundabat.** Et ideo ipsam infectionem culpæ, prout afficit personam, et peccatum illam quæ actum personæ privabat, scilicet carentiam visionis divinæ, baptismus aufert; **sed non aufert actu infectionem prout afficit naturam**: quod patet ex hoc quod baptizatus per actum naturæ originale transmittit in prolem, similiter nec pœnas quæ consequuntur principia naturæ destituta; gratia innocentie primi status, cujusmodi sunt rebellio carnis ad spiritum, mors et hujusmodi pœnalitates quæ consequuntur ex hoc ipso quod homo ex contrariis compositus est et quantum ad corpus et quantum ad animam quodammodo, scilicet quantum ad appetitum sensus et intellectus.

**126.** — Sed per gratiam baptismalem efficitur ut hæc pœnæ remanentes non dominantur in personam, sed magis ei subjiciantur et in utilitatem ipsius cedant, in quantum sunt materia virtutis et occasio humilitatis et exercitii.

**127.** — **AD PRIMUM** ergo dicendum quod passio Christi sufficienter aufert et illud quod est personæ et illud quod est naturæ per causam. Sed quia omnes homines in natura communiant, ideo effectus secundum legem communem curationis naturæ non erit nisi in fine mundi, quando omnibus electis jam congregatis, simul cum eis etiam alia creatura insensibilis liberabitur a servitute corruptionis, ut dicitur *Rom. viii, 21*.

**128.** — **Ad secundum** dicendum quod ea quæ ad peccatum actuale pertinent, sunt tantum personæ, quia « *actus individuum sunt* ». secundum Philosophum (*I Met. A 1.981*», 17: 1, 1, n. 20-22). Et ideo non est simile de pœna actuali et originali.

**129.** — **Ad tertium** dicendum quod tollitur culpa originalis per baptismum inquantum est infectiva personæ, non autem inquantum est infectiva naturæ per actum generationis. Et ideo pœnæ quæ ad corruptionem naturæ pertinent, etiam non tolluntur.

**130.** — **Ad quartum** dicendum quod baptizatus statim evolat, quia nulla poena debetur sibi ratione personæ, sed ratione natural humanæ, quæ post mortem non manet secundum hunc statum in quo sibi poena debetur.

## ARTICULUS II

### [I]

[II-II, q. 47, a. 14, ad 3.; III, q. 69, a. 6.]

**131.** — **AD SECUNDUM SIC PROCEditur.** Videtur quod PER BAPTISMUM NON CONFERANTUR PUERIS GRATIA ET VIRTUTES.

1. Dicit enim Augustinus in libro *de Baptismo parvulorum* (ep. 98, n. 10 ad Bonifacium ; L. 33, 364) : « *Parvulos fideles facit non fides ea quæ consistit in credentium voluntate, sed fidei sacramentum* ». Sed fides quæ est virtus consistit in credentium voluntate, ut in III libro, d. 231 (q. 2, a. 3, sol. 1), dictum est. Ergo parvuli baptizati non habent virtutem fidei, et pari ratione nec alias virtutes quæ etiam in voluntate consistunt.

**2. Præterea.** Si aliquid de novo recipiatur in aliquo, oportet quod recipiens vel influens alio modo se habeant nunc quam prius. Sed anima pueri baptizati non alio modo se habet dum baptizatur quam prius, quia proprium motum non habet, carens liberi abitrii usu ; nec Deus qui est influens gratiam et virtutes. Ergo pueri in baptismo gratiam et virtutes non recipiunt.

3. **Præterea.** Damascenus dicit (*de Fide orlhod.*, lib. II, c. 23 ; G. 94, 950) quod *substantia nullo modo est sine propria operatione*. Sed constat quod in puero non sunt operationes virtutum, quia non habet electionem, ut dicitur in III *Eth.* (γ 3.1111b, 8 ; l. 5, n. 435), quæ in opere virtutis requiritur. Ergo non habet virtutes.

4. **Præterea.** Virtutes cum sint habitus, habilitant ad actum. Sed pueri non sunt habiles ad agendum quæ secundum virtutem sunt. Ergo non recipiunt virtutes in baptismo.

**132.** — **SED CONTRA** Augustinus dicit quod fides datur et nutritur in baptismo : datur quantum ad parvulos, nutritur

quantum ad adultos. Sed fides est virtus. Ergo virtutes dantur parvulis in baptismo, et eadem ratione aliæ virtutes.

**133. — Præterea.** Nullus admittitur ad gloriam nisi habeat vestem nuptialem quæ est caritas. Sed pueri baptizati, si moriantur, statim evolant. Ergo habent caritatem quæ est magistra virtutum, et per consequens alias virtutes.

## [II]

[Supra, d. 3, q. 1, a. 1, sol. 3 ; *infra*, d. 9, a. 1, sol. 2 ; d. 18, q. 1, a. 3, sol. 1 ; III, q. 69, a. 4.]

**134. — ULTERIUS.** Videtur quod in adultis virtutes PER BAPTISMUM NON AUGEANTUR.

1. Augmentum enim virtutum est per meritum ; quia secundum Augustinum (ep. 186, c. 3, n. 10 ; L. 33, 819), caritas mereatur augeri, ut aucta mereatur et perfici. Sed in baptismo non operatur meritum baptizati quantum ad opus operatum. Ergo ex opere operato virtutes in baptismo non augentur.

2. **Præterea.** Cibus corporalis in eo qui jam pervenit ad quantitatem determinatam, non facit augmentum. Sed potest esse quod aliquis ante baptismum perveniat ad quantitatem gratiæ baptismalis quam puer<sup>2</sup> recipit, in qua<sup>3</sup> nullum est impedimentum. Ergo baptismus nihil supra gratiam adjiciet.

**135. — SED CONTRA.** Super illud Ps. xxn, 2 « *Super aquam refectionis educavit me* », dicit Glossa (Lombardi) : « *Per augmentum virtutis et bonæ operationis educavit in baptismo.* » Ergo baptismus auget virtutes habentibus.

## [III]

[Supra d. 3, q. 1, a. 1, sol. 4, ad 3 ; a. 3, sol. 1 ; d. 5, q. 2, a. 1, sol. 2 ; d. 8, q. 1, a. 1, sol. 1, ad 1 ; III, q. 69, a. 5.]

**136. — ULTERIUS.** Videtur quod baptismi effectus non sit illuminatio.

1. Quia illuminatio ad doctrinam pertinet. Sed doctrina fidei est per catechismum qui præcedit baptismum. Ergo non est effectus baptismi.

2. **Præterea.** Illuminatio contra ignorantiam ordinatur. Sed secundum Quosdam baptismus non ordinatur contra ignorantiam, sed magis ordo. Ergo illuminatio non est effectus baptismi, sed magis ordinis<sup>4</sup>.

**137. — SED CONTRA** est quod Damascenus (de *Fide orthodox.*, lib. IV, c. 9 ; G. 94, 1122) ponit inter effectus baptismi illuminationem, ut patet ex ejus definitione in præcedenti d. (15) inducta.

1. F. « fides datur », contra Ed. ἀβχδεη. — 2. Ed. *ad*. « in baptismo ». — 3. Ed. *a* et *contra* ; η. « in quo. » — 4. F. omnia verba hujus argumenti susdeque miscuit.

## [IV]

[Cf. «<sup>111</sup>» III.]

**138. — ULTERIUS.** Videtur quod fecundatio non sit EFFECTUS BAPTISMI.

1. Non enim idem est quo aliquis active generat et passive generatur. Sed baptismus est regeneratio passiva baptizati. Cum ergo fecunditas importet generationem activam, videtur quod non pertineat ad baptismum.

2. **Præterea.** Fecunditas est proprietas consequens aliquid quantum ad perfectum statum sui ; quia, ut dicitur in *IV Alet.*, (S3. 380a, 14-5) « *perfectum unumquodque est, quando potest alterum generare* ». Sed baptismus non ordinatur ad perficiendum, sicut eucharistia et confirmatio, secundum *Dionysium* (de *Eccles. Hierarch.*, c. 5, p. 1, n. 3 ; G. 3, 503), sed magis ad purgandum et illuminandum. Ergo baptismus non habet fecunditatem pro effectū.

**139. — SED CONTRA** est quod dicit *Glossa* (Lombardi; super illud *Ps.* xxn, 2, « *super aquam refectionis* » : « *Anima peccatorum ariditate sterilis fecundatur per baptismum.* »)

## [V]

[Cf. III]

**140. — ULTERIUS.** Videtur quod incorporari Christo non sit effectus baptismi.

1. Aliquis enim incorporatur Christo et membris ejus per fidem formatam, ut in III lib. d. 231, dixit *Magister*. Sed aliquis habet fidem formatam etiam ante baptismum. Ergo incorporatio non est effectus baptismi.

2. **Præterea.** Incorporatio est effectus eucharistiae. Sed ad eundem effectum non ordinantur diversa sacramenta. Ergo non est effectus baptismi.

**141. — SED CONTRA** est quod *Augustinus* dicit *ad Bonifacium* (ep. 98, n. 2; L. 33, 360) quod « *in baptismo aliquis membrum Christi efficitur* ». Sed hoc est Christo incorporari. Ergo incorporatio est effectus baptismi.

## [VI]

[111 S. d. 18, a. 6, sol. 3, ad 2 ; III, q. 39, a. 5 ; q. 69, a. 7 ; IV Cf., c. 69.]

**142. — ULTERIUS.** Videtur quod aperiatio januae non sit effectus baptismi.

1. *Ed. om.* « d. 23 ».

1. Quidam enim ante passionem Christi baptizati sunt. Sed tunc eis janua non est aperta ; quia si aliquis eorum tunc decessit, regnum non introivit. Ergo baptismus non aperit januam regni coelestis.

2. **Præterea.** Baptismus repræsentat passionem Christi, non resurrectionem, ut videtur. Sed in resurrectione est aperta janua, ut patet per collectam quæ dicitur in die Resurrectionis : « *Deus qui hodierna die per Unigenitum tuum æternitatis nobis aditum devota morte reserasti.* » Ergo **non** debet iste effectus baptismi attribui.

143. — **SED CONTRA** est auctoritas Bedæ (d. 1), supra inducta, quod in hoc differebat circumcisio a baptismo quod aditum regni coelestis non aperiebat.

144. — **RESPONSIO.** Dicendum **AD PRIMAM QUÆSTIONEM** quod circa hoc est *multiplex* opinio.

Quidam enim dixerunt quod pueris in baptismo nullo modo virtutes dantur, sed solum a peccato originali mundantur ; sed postea quando decedunt vel quando ad perfectam ætatem veniunt, eis virtutes conferuntur, si innocentiam servent.

145. — **Sed hæc opinio non potest stare** ; quia « *lignum cum præcisum fuerit, ubi ceciderit, ibi stabit* », *Eccle.* xi, 3. Et ideo si pueris ante mortem non fuissent collate virtutes et gratia operans et cooperans, nec in morte eis conferrentur, et sic non salvarentur : quod falsum est.

Videtur autem hæc opinio venisse ex hoc quod virtutes actus tantum esse credebant : quod falsum est, ut in II libro, d. 271 (q. 1, a. 1).

146. — Et ideo Al ii dicunt quod pueris in baptismo dantur gratia et virtutes non in seipsis, sed in radice sua, scilicet gratia quæ est radix virtutum, sicut essentia animæ potentialium ; sed postea quando solvuntur potentiæ, perfectis organis, effluunt virtutes in ipsos ab essentia animæ.

147. — **Sed hoc pro tanto esse non potest**, quia tunc si puer in furiam verteretur antequam ad perfectam ætatem veniret, nunquam in ipso potentiæ solverentur, et ita nunquam virtutes explicitè haberet. *Et præterea* quod potentiæ sint ligatæ aliquo impedimento, non impedit habitum, sed actum, quia dormientes et vinolenti habitus habent, sed ligatos.

148. — Et ideo Al ii dicunt, et **melius**, quod pueris in baptismo dantur gratia et virtutes ; sed habitus illi ligati sunt propter pueritiam, sicut in dormiente propter somnum. Sed pueritia

discedente inclinant ad bene operandum, nisi aliquis Spiritui sancto resistat.

**149. — AD PRIMUM** ergo dicendum quod Augustinus loquitur de fide et voluntate actuali quæ in pueris esse non potest.

**150. — Ad secundum** dicendum quod quamvis agens principale sit immobile, tamen agens instrumentale non eodem modo se habet nunc et prius ad puerum; quia nunc adhibetur sibi baptismus, non autem prius. Tamen etiam sine aliqua mutabilitate sui Deus alicui puero posset gratiam conferre etiam sine adhibitione sacramenti si ab æterno disposuisset se sic ei datum, sicut patet de sanctificatis in utero.

**151. — Ad tertium** dicendum quod duplex est actus virtutum. *Unus primus* qui est *perficere animam et potentias ejus*; et hunc actum etiam in pueris habent. *Alius est secundus* qui est *operari cum electione*; et hunc actum non semper habent, quia earum operationes sunt voluntariæ, et voluntas non habet necesse semper agere etiam in adultis.

**152. — Ad quartum** dicendum quod habitus facit habilem ad actum, tollendo inhabilitatem quæ est ex imperfectione potentiae, non autem tollendo inhabilitatem quæ est ex parte corporis, sicut patet in dormientibus.

**153. — AD SECUNDAM QUÆSTIONEM** dicendum quod « *per easdem causas quibus virtus generatur, et augetur* » ut dicit Philosophus in II *Eih.* (β 1.1103b, 7; l. 1, n. 252). Et ideo, quia baptismi est conferre virtutes\* et gratiam non habentibus, oportet quod in habentibus augeat.

**154. — AD PRIMUM** ergo dicendum quod in baptismo quamvis non operetur meritum baptizati, operatur ibi tamen meritum Christi, quod est efficacius.

**155. — Ad secundum** dicendum quod gratia non habet aliquem determinatum terminum ad quem pertingat, vel ultra [quem]6 procedere non possit, sicut est de quantitate animalis. Et ideo non est simile.

**156. — AD TERTIAM QUÆSTIONEM** dicendum quod lumen est quo dirigimur in visionem alicujus rei.

Baptismus autem dirigit in visionem spiritualem exteriorem et interiorem7. *Interiori quidem* in quantum baptismus dicitur sacramentum fidei quæ oculum mentis idoneum facit ad visionem divinorum; *exteriori vero*, quia baptizatis conceditur inspicere sacram eucharistiam, et non aliis, ut Dionysius dicit

1. Ed. « pueri », contra αβγδ η.— 2. αβδ « eorum ».— 3. Ed. « tollit ».— 4. Ed. om. « quibus ».— 5. Ed. « virtutem ».— 6. αβγδζη om. « quem ».— 7. Ed. ad. « in ».

(*Eccles. Hier.* c. 3, n. 7 ; G, 3, 436). Et ideo tam Damascene quam Dionysius baptismum vim illuminativam attribuunt.

**157.** — **AD PRIMUM** ergo dicendum quod fides principaliter est ex infusione, et quantum ad hoc per baptismum datur ; sed quantum ad determinationem suam est ex auditu, et sic homo ad fidem per catechismura instruitur.

**158.** — **Ad secundum** dicendum quod scientia plus dicit quam illuminationem<sup>1</sup>. Importat enim comprehensionem eorum ad quorum visionem illuminatio dirigebat. Et ideo scientia ad perfectionem pertinet. Unde Dionysius doctos perfectos nominat, et doctores perfectores. Et sic contra ignorantiam ordo datur, ut scilicet ordinati sint docti et etiam doctores aliorum.

**159.** — **AD QUARTAM QUÆSTIONEM** dicendum quod fecunditas dicitur *duplíciter*.

*Uno modo respectu fructus producendi in ipso qui dicitur fecundari*, sicut operationes virtutum quidam fructus boni dicuntur. **Et hoc modo fecundatur anima in baptismo**, cum in eo dentur virtutes non habentibus et augeantur habentibus.

**160.** — *Alio modo respectu fructus producendi in altero*, sicut cum aliquis per doctrinam et sollicitudinem pastorem in plebe Dei fructum facit. Et hoc modo fecundatio non pertinet ad baptismum, sed magis ad sacramentum ordinis.

**161.** — **AD PRIMUM** ergo dicendum quod ex eodem ex quo aliquid habet generationem in natura aliqua, habet quod faciat operationes illius naturæ. Et ideo cum per baptismum homo regeneretur in vitam spiritualem, per ipsum homo efficitur active fecundus et quasi genitor spiritualium operum.

**162.** — **Ad secundum** dicendum quod ratio illa procedit de secunda fecundatione

**163.** — **AD QUINTAM QUÆSTIONEM** dicendum quod incorporari Christo contingit *duplíciter*, scilicet merito et numero.

*Merito quidem* potest aliquis de Ecclesia effici, quod est Christo incorporari, etiam ante baptismum actu susceptum, sed non ante baptismi propositum vel ipsum baptismum post tempus gratiæ revelatæ.

*Sed numero* non potest aliquis effici de Ecclesia nisi per baptismum. Unde aliquis ante baptismum non admittitur ad perceptionem eucharistiæ et aliorum sacramentorum Ecclesiae, ut prius dictum est (**156**).

**164.** — **AD PRIMUM** ergo dicendum quod objectio illa procedit de prima incorporatione.

1. Ed. « illuminatio ».

**165.** — **Ad secundum** dicendum quod perceptio eucharistias præsupponit incorporationem absolute, quia capitis virtus non communicatur membro nisi jam unito. Sed per eucharistiam est perfecta influentia a capite in membro. Et quantum ad hanc perfectionem incorporatio est effectus eucharistiæ.

**166.** -- **AD SEXTAM QUÆSTIONEM** dicendum quod aperire januam regni cœlestis nihil aliud est quam amovere impedimentum quo aditus in regnum cœleste toti naturæ humanæ prohibebatur. Hoc ergo impedimentum absolute quantum ad omnes remotum fuit sufficienter per passionem Christi. Sed illa remotio efficienter fit quoad istum, secundum quod particeps fit passionis Christi jam factæ per baptismum. **Et sic baptismus quasi causa instrumentalis aperit januam regni cœlestis quoad istum, sed passio ut causa satisfactoria quoad omnes.**

**167.** — **AD PRIMUM** ergo dicendum quod hæc ratio erat, quia passio Christi in cuius virtute baptismus agit, nondum facta erat, nec per eam! aditus regni cœlestis apertus. Unde ratio probat quod baptismus non habet! hanc virtutem quasi causa principalis.

**168.** — **Ad secundum** dicendum quod aditus regni cœlestis aperitur *tripliciter*. *Uno modo* quantum ad gloriam animæ ; et sic in Passione apertus est. Unde dictum est latroni, Luc. XXIII, 43 : « *Hodie mecum eris in paradiso* ». *Alio modo* quantum ad gloriam corporis ; et sic apertus est in Resurrectione. *Alio modo* quantum ad locum gloriæ congruentem ; et sic est apertus in Ascensione.

**169.** — Et his tribus modis baptismus instrumentaliter aperit quod ad istum. Agit autem! virtute et Passionis et Resurrectionis et Ascensionis, in quantum homo configuratur Christo passo per immersionem qua quodammodo Christo consepelitur, et ei resurgenti quantum ad nitorem qui resultat ex aqua, et ascendenti quantum ad elevationem baptizati de sacro fonte. Unde *baptismus passioni appropriatur*, quia etiam gloria anima: principalior est et causa quodammodo aliorum. Et in hujus signum baptizato Domino coeli aperti sunt super eum, Mat. h i, 16.

1. Ed. « eum ». — 2. Ed. « habeat ». — 3. Ed. « enim ».

## ARTICULUS III

[I]

[III, q. 69, a. S.]

**170. — AD TERTIUM SIC PROCEDITUR.** Videtur QUOD BAPTISMUS NON ÆQUALEM EFFECTUM HABEAT IN OMNES QUANTUM AD REMOTIONEM MALI.

1. In adultis enim removet peccatum actuale et originale, sed in pueris originale tantum. Ergo plus efficit in adultis quam in pueris quantum ad mali remotionem.

2. **Præterea.** Mitigatio fomitis est effectus baptismi. Sed post baptismum in quibusdam invenitur fomes magis mitigatus quam in aliis. Ergo in eis efficacius baptismus se habuit in remotione mali.

**171. — SED CONTRA.** Baptismus habet efficaciam ad removendum malum, secundum quod habet quamdam similitudinem mortis. Sed morientium unus non magis moritur quam alius. Ergo et baptismus æqualiter in omnibus mala aufert.

[II]

**172. — ULTERIUS.** Videtur quod etiam æqualis gratia OMNIBUS IN BAPTISMO CONFERATUR, QUI NON FICTE ACCEDUNT.

1. In baptismo enim operatur passio Christi quæ habet quodammodo efficaciam infinitam. Sed finitum infinito additum nihil majus efficit. Cum ergo devotio accedentis qua unus alium excedit sit quoddam bonum finitum, videtur quod devotio vel aliquid hujusmodi efficere non possit quin omnes in baptismo æqualem gratiam consequantur.

2. **Præterea.** Ad baptismi effectum capiendum non requiritur alia concausa, sed solum ut impedimentum removeatur. Sed nullus recipit gratiam in baptismo nisi ab eo sit impedimentum remotum. Ergo omnes gratiam recipiunt æqualem.

**173. — SED CONTRA.** Damascenus dicit (*IV de Fide orth.*, c. 9; G. 94,1122; quod peccatorum remissio cunctis æqualiter a Christo datur, gratia autem Spiritus sancti secundum proportionem fidei et præparationem. Sed non omnes cum æquali fide nec æqualiter præparati ad baptismum accedunt. Ergo non omnes æqualiter gratiam consequuntur,

## [III]

**174. — ULTERIUS.** Videtur quod nec etiam pueri in BAPTISMO CONSEQUANTUR ÆQUALEM GRATIAM.

1. Quia in Angelis secundum quantitatem naturalium gratia infundebatur. Sed unus puerorum habet meliora naturalia quam alius. Ergo et majorem gratiam in baptismo recipit.

2. **Præterea.** Quidam in baptismo recipiunt gratiam finalem, qui innocentiam baptismalem usque ad finem servant, quidam autem non. Ergo etiam de pueris aliqui aliis majorem gratiam consequuntur.

**175. — SED CONTRA.** Gratia baptismalis in pueritia non opponitur nisi peccato originali. Sed unus puer non habet plus de peccato originali quam alius. Ergo nec majorem gratiam baptismalem recipit unus alio.

**176. — RESPONSIO.** Dicendum AD PRIMAM QUÆSTIONEM quod baptismus universaliter aufert in eo qui non fecte accedit culpam personam inficientem quam invenit, ut dictum est ; et sic accedit ad terminum. Ea autem quæ in termino sunt, intentionem non recipiunt.

**177. — Et ideo quantum ad remotionem culpæ, æqualem effectum habet baptismus in omnibus.** *Et similiter est de poena personali* quæ respondet culpæ originali prout est inficiens personam, scilicet carentia divinæ visionis.

**178. — Sed contra aliam pœnam ex principiis naturæ corruptæ consequentem,** sicut est concupiscentia vel formes, **remedium adhibetur in baptismo,** ut non dominantur per gratiam in baptismo collatam. Et ideo simile est de poena illa et de gratia.

**179. — AD PRIMUM** ergo dicendum quod hoc non est de efficacia baptismi quod non tot peccata destruit in uno quot in alio, sed quia non tot invenit in uno quot in alio : in quolibet enim destruit omnia quæ invenit.

**180. — Ad secundum** dicendum quod illa objectio procedit de secunda pœna quæ habet reprimi per baptismum ex parte gratiæ collate.

**181. — AD SECUNDAM QUÆSTIONEM** dicendum quod actus activorum recipiuntur in passivis secundum suam dispositionem.

**182. — Et ideo quamvis baptismus,** ut<sup>2</sup> passio Christi quæ in eo operatur, *quantum est de se, æqualem respectum ad omnes*

1. a « in ». — 2. a « aut », contra βγ; Fd. « ut et ».

*habeat, quia tamen quidam ad baptismum cum majori præparatione fidei et devotionis accedunt quam alii, ideo quidam aliis majorem gratiam consequuntur.* Nullus enim gratiam in termino recipit, ut intendi non possit per baptismum.

**183. — AD PRIMUM** ergo dicendum quod devotio baptizati non addit quasi concausa, ut efficienter agar ad gratiæ receptionem, sed additur quasi dispositio materialis. Et ideo secundum diversitatem ipsius participatur baptismi effectus.

**184. — Ad secundum** dicendum quod quando adultus baptizatur, non solum requiritur ad percipiendum baptismi effectum removens prohibens, scilicet fictionem, sed etiam requiritur dispositio quasi materialis, scilicet devotio et fides recipientis baptismum. Et secundum quod magis vel minus invenitur dispositus, effectum baptismi diversimode consequitur.

**185. — AD TERTIAM QUÆSTIONEM** dicendum quod in pueris baptizatis nihil ex parte eorum requiritur, sed habent quasi pro dispositione ad salutem fidem Ecclesiæ, et pro effectivo salutis virtutem passionis Christi quæ operatur in baptismo. **Et** hæc duo æqualiter ad omnes pueros se habent. Et ideo non differunt quantum ad effectum baptismi suscipiendum, sed **omnes æqualem gratiam suscipiunt.**

**186. — AD PRIMUM** ergo dicendum quod non est simile de pueris et de Angelis ; quia Angeli differunt specie, secundum multorum opinionem, pueri autem non. Unde non est tanta differentia naturalium in pueris sicut in Angelis.

**187. — Vel dicendum** quod in Angelis secundum proportionem gradus naturalium erat etiam proportio conatus qui ex parte eorum requirebatur, et ideo accipiebant gratiam secundum proportionem naturalium. In pueris autem non requiritur aliquis actus ex parte eorum. Et ideo non est simile.

**188. — Ad secundum** dicendum quod gratia accepta in pueris, non facit eis necessitatem ad bonum, sed inclinationem tantum. Et ideo postquam ad perfectam ætatem pervenerint, possunt diversimode gratia recepta uti. Et inde est quod quidam proficiunt et perserverant, quidam vero deficiunt, non ex diversa quantitate gratiæ in baptismo perceptæ.

## QUÆSTIO III

Deinde quaeritur de recipientibus baptismum.

Et circa hoc quaeruntur tria.

*Primo*, de pueris et aliis usu rationis carentibus, quos constat sacramentum et rem sacramenti percipere.

*Secundo*, de fictis qui recipiunt sacramentum et non rem sacramenti.

*Tertio*, de baptizatis baptismo flaminis et sanguinis, qui non recipiunt sacramentum, sed rem sacramenti.

## ARTICULUS I

[I]

*Infra* d. 9, a. 5, sol. 4, ad 2; d. 18, q. 1, a. 3, sol. 1: I-II, q. 113, a. 3, ad 1; III, q. 68, a. 9; *De Malo*, q. 6, a. 1; *Quodl. IV*, q. 7, a. 1; q. 12, a. 1.]

**189. — AD PRIMUM SIC PROCEEDITUR.** Videtur puod PUERI BAPTISMI SACRAMENTUM SUSCIPERE NON POSSINTI.

1. Marc, ult., 16 : « *Qui crediderit et baplizatus fuerit, salvus erit* »: ex quo patet quod credere præsупponitur ad baptismum. Sed pueri non possunt credere, quia non possunt aliquid « *cum assensione cogitare* ». Ergo pueri non possunt suscipere sacramentum baptismi.

2. **Præterea.** In baptismo fit quædam obligatio hominis ad ea quæ sunt fidei christianæ servanda. Sed obligatio non potest fieri nisi ab eo qui est suæ voluntatis arbiter constitutus. Ergo pueri sacramentum baptismi suscipere non possunt.

3. **Præterea.** « *Per baptismum, ut dicit Dionysius {Eccles. Hier., c. 2; G. 3, 391; fit aliquis particeps communionis divinatorum}* ». Sed pueris non competit sacra communicare. Ergo non competit eis sacramentum baptismi.

**190. — SED CONTRA** est quod Dionysius dicit, ult. cap., *Eccles. Hier.* (η, 11; G. 3, 566) quod « *divini nostri duces* », scilicet Apostoli « *probaverunt infantes recipi ad baptismum* ». Ergo pueri possunt sacramentum baptismi recipere.

**191. — Præterea.** Baptismus circumcisioni successit. Sed circumcisio pueris conferebatur. Ergo et baptismus debet pueris dari.

1. q ad. « Dicitur enim ».

## [II]

[*Infra*, d. 6, q. 2, a. 1, sol. 2, ad 1; d. 17, q. 3, a. 1, sol. 4; 111, q. 39, a. 3, ad 1; q. 68, a. 1.]

**192. — ULTERIUS.** Videtur quod melius sit baptismum differri quam statim in pueritia dare, nisi necessitas MORTIS EMERGAT.

1. Quia omnis Christi actio, nostra est instructio. Sed Christus baptismum accipere voluit in trigesimo anno vitæ suæ, ut dicitur Lue, in, 23. Ergo et similiter apud nos debet usque ad tempus perfectæ ætatis differri.

2. **Præterea.** Medicina efficax debet sumi quando maxime potest juvare. Sed baptismus maxime juvaret in fine vita? vel saltem in perfecta ætate; quia per ipsum omnia delicta adolescenti® et juventutis solverentur. Ergo usque tunc deberet differri.

3. **Præterea.** Magis afficitur homo ad ea quæ ex seipso acquirit quam ad ea quæ ab alio accipit, Unde et illi qui ex propria acquisitione divitias habent, non sunt ita liberales sicut qui ab aliis acceperunt, ut dicit Philosophus in *IV Eth.* (δ 2.1120). 10 s. : l. 2, n. 674-5). Sed pueri qui baptizantur, quasi ab aliis baptismum suscipiunt; adulti autem ex seipsis ad baptismum accedunt. Ergo magis allicerentur ad fidem christianam quæ in baptismo suscipitur, si baptizarentur adulti, quam si baptizarentur infantes.

**193. — SED CONTRA.** Medicina debet quam citius morbo apponi. Sed baptismus est medicina contra originale peccatum quod etiam in pueris est. Ergo debet eis baptismus dari statim.

**194. — Præterea.** Melius est impedire malum ne fiat, quam jam factum destruere. Sed per baptismum debilitatur fomes, ne dominetur in nobis et in peccatum actuale nos præcipitet; et sic in pueritia susceptus futura peccata impedit. Ergo melius est tunc dari baptismum quam postea ad destruendum peccata præterita.

## [III]

[*Zntra*, d. 6, q. 1, a. 2, sol. 3, ad 2; d. 23, q. 2, a. 2, sol. 3, ad 2; d. 25, q. 2, a. 1, ad 2; d. 34, a. 4, ad 1; MI, q. 113, a. 3, ad 1; 111, q. 68, a. 12; *De Ver.*, q. 28, a. 3, ad 2.]

**195. — ULTERIUS.** Videtur quod adultis usu rationis CARENTIBUS BAPTISMAI DARI NON DEBEAT.

1. In adultis enim non solum per baptismum originale, sed etiam actualia peccata solvuntur. Sed contra actuale peccatum quod quis ex seipso commisit requiritur proprius motus liberi

1. Ed. « baptismus ». —

arbitrii. Ergo his adultis qui usum liberi arbitrii non habent, baptismus dari non debet.

2. **Præterea.** Nulli contradicenti sacramentum exhiberi oportet. Sed quandoque amentes et furiosi contradicunt. Ergo eis baptismus dari non debet.

3. **Præterea.** Dormientes, secundum Philosophum (*V De generat, animal.* §1. 779, 1), vivunt vita plantæ. Sed baptismus non datur nisi viventi vita humana, quæ est secundum animam rationalem. Ergo dormienti baptismus dari non debet.

196. — **SED CONTRA** est quod Augustinus dicit *IV Confess. lc. 4* ; L. 32, 696), de amico suo qui cum desperaretur, baptizatus est nesciens, et tamen in ipso baptismus efficaciam habuit : quod patet ex hoc quod postea perversæ suasioni contradixit. Ergo etiam carentibus usu rationis, baptismus dari potest.

197. — **Præterea.** Pueri, qui nunquam habuerunt usum rationis, baptizantur. Ergo multo amplius illi qui aliquando habuerunt, quamvis nunc non habeant.

198. — **RESPONSIO.** Dicendum **AD PRIMAM QUÆSTIONEM** quod diversi status mundi comparantur diversis aetatibus unius hominis, sicut Augustinus dicit in lib. 83. *Quæstionum* (q. 58 ; L. 40,42). Unde *sicut* nullus status mundi fuit in quo esset humano generi præclusa via salutis, *ita* nulla ætas hominis unius est in qua sibi via salutis præcludatur.

199. — Unde cum in pueris sit peccatum originale, per quod a consecutione æternæ salutis impediuntur, oportet quod eis adhiberi possit aliquod remedium ad removendum prædictum impedimentum. Hoc autem est baptismus. Unde **divinæ misericordiae contradicit qui negat baptismum parvulis posse exhiberi. Et propter hoc hæreticum est hoc dicere.**

200. — **AD PRIMUM** ergo dicendum quod pueri quamvis non habeant actum fidei, habent tamen habitum quem in bap̄tismo suscipiunt, sicut et habitus aliarum virtutum. Sed si verbum Domini intelligatur de actu fidei, tunc referendum est ad illos tantum qui per doctrinam Apostolorum instruendi erant, de quibus prædixerat : « *Prædicale Evangelium omni creature* ». Nulli enim eorum quibus Evangelium prædicandum erat, baptismus dari debebat, nisi crederet.

201. — **Ad secundum** dicendum quod obligatio in baptismo non fit ad aliquid ad quod non omnis homo teneatur

202. — **Ad tertium** dicendum quod *sicut* ille qui adscribitur ad militiam non oportet quod statim in pugnam vadat, sed

quando opportunitas imminebit; *ita* nec ille qui in baptismo adscribitur ad divinas actiones, oportet quod statim ad eas dimittatur, sed quando tempus opportunum fuerit.

**203. — AD SECUNDAM QUÆSTIONEM** dicendum quod magis laudabile est quod pueri quam citius poterint baptizentur commode, non expectata perfecta ætate, *propter tres rationes*.

**Primo, quia propter imbecillitatem naturæ de facili mori possunt et damnari;** unde ut damnationis periculum evitetur, debent baptismo præveniri.

**204. — Secundo, propter infestationes dæmonum** qui non habent tantam potestatem in pueris baptizatis ab originali mundatis, quantam? in illis qui adhuc originale habent, *neque* quantum ad nocumenta spiritualia, *neque* quantum ad nocumenta corporalia.

**205. — Tertio, quia in pueritia facilius homo ad aliqua inducitur et firmius inhæret** secundum quod dicit Philosophus in II *Eth.* Q81. 1103», 23-5; l. 1, n. 254): « *Non parum differt ex juvene confeslim assuefieri, sed multum; magis autem omne* »; et hanc causam assignat Dionysius in fine *Ecetes. Hierar.* (n. 11; G. 3,567), dicens: « *Tradit autem puerum sacris symbolis* », idest sacramentalibus signis, « *summus sacerdos, ut cum eis conversetur, et neque formetur in vitam alteram, nisi divina contemplantem semper* ».

**206. — AD PRIMUM** ergo dicendum quod Christus suscepit baptismum quasi ipsum instituens vel consecrans. Hoc autem ad doctoris vel sacerdotis officium pertinet, nuntiare viam salutis. Et ideo ante tempus perfectæ ætatis, quod competit esse in doctore vel sacerdote, baptizari non debuit. Nec est simile de aliis qui baptismum suscipiunt, ut ab eo juventur.

**207. — Ad secundum** dicendum quod in baptismo confertur gratia ad bene vivendum, et peccata tolluntur præterita et impediuntur futura. Et ideo quamvis baptismus in fine vitæ susceptus plura peccata præterita tolleret, tamen pauciora impediret et ad pauciora bona promoveret, et ideo minus esset mitilis.

**208. — Præterea.** Multis casibus subjacet humana vita, et posset contingere ut qui baptismum in fine accipere expectaret, morte subita præventus expectatione sua frauderetur.

**209. — Ad tertium** dicendum quod gratia baptismalis non est per acquisitionem hominis, sed dono Dei.

**210. — Præterea.** Status paupertatis ante divitias acquisitas non inclinatur affectum ut homo paupertatem sequatur, sed magis

1. α «imminet» α «immineat», β «imminebat», γ «imminebit». — 2. Ed « quantum ».

ut paupertatem fugiat. Status autem peccati ante gratiam vel virtutem relinquit propter assuetudinem inclinationem in anima ut facilius in peccatum labatur. Et ideo non est simile de acquisitione pecuniæ etl gratiæ vel virtutis.

**211. — AD TERTIAM QUÆSTIONEM** dicendum quod de amentibus distinguendum est.

*Quidam* enim sunt qui ex nativitate amentes fuerunt et nunquam habent aliqua lucida intervalla. *Ei de talibus videtur esse idem iudicium quod de pueris.*

**212. —** *Quidam* autem amentiam incurrerunt ex infirmitate vel aliquo hujusmodi, et habent aliqua lucida intervalla. Et de istis dicendum est quod *si* antequam amentiam incurrerunt vel dum habent lucida intervalla *fuerunt in proposito baptismum suscipiendi, si necessitas sit, possunt baptizari,* et baptismi sacramentum suscipiunt et rem sacramenti, etiam si tunc actu dissentiant quando baptizantur in amentia existentes.

**213. —** *Si autem ante amentiam contradixerint, non recipiunt sacramentum neque rem sacramenti.*

**214. — AD PRIMUM** ergo dicendum quod *sicut* in adulto qui habet usum rationis, disponit ad gratiam baptismalem<sup>2</sup> suscipiendam motus liberi arbitrii quem habet dum baptizatur, *ita* in amente motus liberi arbitrii<sup>3</sup> quem habebat dum sane mentis erat.

**215. — Ad secundum** dicendum quod effectus baptismi in mente suscipitur, nec impeditur nisi ex contradictione mentis. Illi autem qui mentis usum non habent, non contradicunt mente, sed magis phantasia ducti. Et ideo talis contradictio effectus baptismi non impedit, quando mentis consensus præcessit.

**216. — Ad tertium** dicendum quod dormientes baptizandi non sunt, nisi periculum mortis immineat. Et tunc similiter distinguendum est de dormientibus sicut de illis qui amentiam incurrerunt<sup>4</sup> post statum sanæ mentis.

## ARTICULUS //

[I]

.*Sujwa*, q. 2, a. 1, sol. 1, ad 3; d. 12, q. 2, a. 1; sol. 3, ad 3; III, q. G9, a. 9; q. 37, a. 3, ad. 2.]

**217. — AD SECUNDUM SIC PROCEDITUR.** Videtur ouod NULLA INDISPOSITIO VOLUNTATIS HUMANÆ POSSIT EFFECTUM BAPTISMI IMPEDIRE.

1. *a* « vel ». — 2. *a om.* « baptismalem ». — 3. Ed. *om.* per *homot.* « quem habet dum baptizatur, ita in amente motus liberi arbitrii ». — 4. Ed. « incurrunt ».

1. Ea enim quæ sunt a natura, sunt magis permanentia quam ea quæ sunt a voluntate. Sed originale peccatum! est peccatum naturæ, quod baptismi effectum non impedit. Ergo nec aliqua indispositio voluntatis baptismum in suo effectu impedire potest.

2. **Præterea.** In naturalibus indispositio materiæ non impedit effectum agentis totaliter, nisi quando contraria dispositio quæ est in materia est fortior quam virtus agentis, sicut patet de aquositate lignorum per comparisonem ad calorem ignis. Sed « *virtus divina quæ in sacramentis secretius operatur salutem,* » ut Augustinus<sup>2</sup> dicit, est potentior qualibet indispositione nostra? voluntatis. Ergo non potest propter indispositionem voluntatis effectus baptismi totaliter tolli.

3. **Præterea.** Baptismus, sicut et alia sacramenta, instrumentum est divinæ misericordiæ operantis salutem. Sed divina misericordia operans salutem etiam voluntatem in bonum mutat per gratiam prævenientem. Ergo et baptismus indispositionem voluntatis magis tollit quam ab ea impediatur.

**218. — SED CONTRA.** Rom. xi, 29, super illud : « *Sine pœnitentia sunt dona Dei et vocatio* », dicit Ambrosius<sup>3</sup> (L. 17,161) quod gratia Dei in baptismo non requirit nisi solam fidem et contritionem. Sed per hæc duo tollitur omnis contrarietas voluntatis ad gratiam. Ergo requiritur ad baptismum ut indispositio voluntatis tollatur.

**219. — Præterea.** Secundum Augustinum (serm. 159, c. 11 : L. 38,923) : « *qui creavit te sine te, non justificabit te sine te* ». Sed ille qui habet indispositam voluntatem non cooperatur Deo, immo magis in contrarium operatur. Ergo in baptismo non justificatur.

## [II]

[Cf. qlam I]

**220. — ULTERIUS.** Videtur quod huiusmodi voluntatis INDISPOSITIO NON DEBEAT DICI FICTIO.

1. Secundum enim unumquoque peccati genus contingit voluntatem esse indispositam ad baptismalis gratiæ susceptionem. Sed fictio est speciale peccatum, quia opponitur speciali virtuti, scilicet veritati, ut patet per Philosophum in 1<sup>a</sup> 2<sup>a</sup> Eth. (δ 13.1127a, 20 ; l. 15, n. 834). Ergo non debet dici universale impedimentum baptismalis gratiæ.

2. **Præterea.** Augustinus dicit lib. I de *Baptism, contra Donalistas* (c. 12 ; L. 43,119 et lib. VII, c. 53 ; L. 43,242), quod

1. Ed. om. « peccatum ». — 2. Cf Isidor., lib. IV, *Etymol.* c. 19, n. 40, L. 82, 205.  
— 3. Ambrosiastfr. — 4. Ed. « v ».

« *fidus est qui non credit* ». Sed *sicut* in baptismo datur fides, *Ha* et aliæ virtutes et præcipue caritas per quam aliquis fit filius Dei. Ergo fictio non magis debet poni impedimentum baptismi, quam opposita aliarum virtutum.

3. **Præterea.** Secundum Augustinum (ubi supra) alio modo fictus est *qui indevotus accedit*. Sed indevotio potest esse sine peccato mortali; talis autem non habet aliquod impedimentum baptismi. Ergo impedimentum baptismi non debet dici fictio.

4. **Præterea.** Secundum Augustinum (ubi supra) alio modo dicitur fictus *qui aliter celebrat*. Sed qui non servat formam Ecclesiae, non confert sacramentum neque suscipit. Ergo talis fictio non est impedimentum sacramenti.

5. **Præterea.** Alio modo fictus ab Augustino (ubi supra) dicitur *qui contemnit suscipere*. Sed talis non suscipit. Ergo talis fictio non impedit sacramenti effectum.

### [III]

[Supra, d. 1, q. 2, a. 4, sol. 1, ad 3; d. 15, q. 1, a. 3, sol. 3, ad 2; III, q. 69, a. 10.]

**221. — ULTERIUS.** Videtur quod recedente fictione baptismus effectum non consequatur.

1. Opus enim mortuum nunquam vivificatur, ut infra, d. 14a dicitur. Sed opus mortuum dicitur quod in peccato mortali factum est. Cum ergo fecte accedens ad baptismum in peccato mortali sit, baptismus ille nunquam vivificari poterit, ut ei gratiam conferat

2. **Præterea.** Effectus baptismi est ab omni culpa et poena absolvere. Sed hoc non accidit recedente fictione, quia a pœna peccatorum quæ post baptismum commisit non absolvitur; alias esset majoris efficaciæ in fecte accedentibus quam in aliis, quibus ad deletionem sequentium peccatorum baptismus non operatur. Ergo recedente fictione baptismus non habet suum effectum.

3. **Præterea.** *Sicut* aliquis fecte accedit ad baptismum, *ita* etiam ad eucharistiam. Sed recedente fictione eucharistiæ effectum non percipit qui prius fictus accesserat. Ergo nec etiam recedente fictione aliquis baptismi effectum percipit.

**222. — SED CONTRA.** Remota causa removetur effectus. Sed causa impediens effectum baptismi erat fictio. Ergo remota fictione baptismus effectum suum habebit.

**223. — Præterea.** Cuilibet culpæ in statu viæ potest remedium adhiberi. Sed contra originalem culpam non est aliud remedium quam baptismus. Ergo cum fecte accedentibus originale non

remittatur, oporteret baptismum iterari si recedente fictione baptismus effectum suum non haberet : quod est inconveniens et haeticum.

**224. — RESPONSIO.** Dicendum **AD PRIMAM QUÆSTIONEM** quod *duplex est effectus baptismi*.

*Primus* quilibet est res et sacramentum, scilicet *character*. Et quia character non imprimitur ad præparandam<sup>2</sup> hominis voluntatem ut aliquid bene fiat, cum non sit habitus sed potentia, ut dictum est ; **ideo hunc effectum<sup>3</sup> voluntatis indispositio non impedit**, dummodo aliqualis sit voluntas sacramentum recipiendi.

**225. —** *Alius* effectus est qui est res et non sacramentum, Scilicet *gratia* et *virtutes<sup>4</sup> quæ ad ipsam consequuntur*, per quæ hominis voluntas præparatur ut, bene velit et bene operetur. **Et ideo ad hunc effectum percipiendum** non sufficit quaelibet voluntas sacramentum recipiendi, sed **requiritur voluntas talis a qua removeatur omnis indispositio<sup>5</sup> contraria gratiæ baptismal!**, quia contraria non se compatiuntur. Unde manente contraria dispositione, baptismus ultimum suum effectum habere non posset.

**226. — AD PRIMUM** ergo dicendum quod peccatum originale eo ipso quod non est voluntarium voluntate hujus personæ, habet quod in voluntate in qua ultimus effectus baptismi effici debet, indispositionem aliquam non causet ; et ideo effectum baptismi impedire non potest.

**227. — Ad secundum** dicendum quod de ratione voluntatis est ut cogi non possit. Et ideo non est similis ratio de indispositione voluntatis et aliarum rerum naturalium quæ per violentam actionem agentis dispositiones contrarias admittunt.

**228. — Ad tertium** dicendum quod *sicut* in his quæ ad esse naturæ spectant, quædam Deus operatur mediantibus rebus naturalibus, quædam autem sibi reservavit, *ita* etiam in his quæ ad gratiam pertinent, quædam operatur mediantibus sacramentis, quædam autem immediate operatur ; et quandoque præter legem naturæ, sicut et miracula facit præter rationes seminales seu naturales.

**229. —** Et de hujusmodi est permutatio voluntatis eorum qui gratiæ contrariam voluntatem habent non solum *habitu* — quod quandoque contingit in his qui non fecte accedunt sed ad gratiam disponentibus quam in ipso momento baptismi consequuntur — sed etiam eorum qui contrariam *actu* voluntatem habent, sicut de Paulo accidit, *Act. ix.*

1. Ed. *om.* « qui ». — 2. Ed. « præparandum ». — 3. Ed. « affectum ». — 4. Ed. *om.* « virtutes ». — 5. F. « dispositio ». — 6. Ed. « sed ».

**230.** — **AD SECUNDAM QUÆSTIONEM** dicendum quod ad hoc quod aliquis alicujus agentis effectum percipere debeat, oportet quod se habeat in debita dispositione ad causam agentem et ad effectum percipiendum. Et ideo indispositio voluntatis quæ effectum ultimum baptismi impedit est *duplex* : **una** secundum ordinem ad ipsum sacramentum ; **alia** secundum ordinem ad effectum sacramenti.

**231.** — **Ad ipsum autem sacramentum** contingit voluntatem esse indispositam *dupliciter* : *uno modo per* subtractionem necessarii ; *alio modo per* positionem contrarii.

Quia autem omnis actio est per contactum, ideo necessarium est quod recipiens sacramentum quodammodo contingat ipsum, *el per intellectum* quem quidem contactum facit *fides*, *ei per affectum* quem contactum facit *devotio*. Et ideo indispositus reputatur et qui non credit et qui indevotus accedit

Similiter autem *duplex* est contrarium quod subtrahi oportet.

*Unum est ex parte eorum quæ exterius aguntur* ; et sic indispositus est qui aliter celebrat.

*Aliud est ex parte virtutis intrinsecæ* quæ secretius operatur salutem ; et sic indispositus est qui contemnit.

**232.** — Similiter autem **per comparisonem ad effectum baptismi**, oportet quod disponatur aliquis adhibendo necessarium, scilicet fidem quæ cor purificat, et quod removeat contrarium, scilicet peccatum, per contritionem. Et ideo **Ambr osius** dicit quod non sunt necessaria ex hac parte nisi fides et contritio, tamen contritio etiam in devotione includitur.

**233.** — **AD PRIMUM** ergo dicendum quod fictio proprie est cum aliquis aliquid ostendit dicto vel facto quod non est in rei veritate. Hoc autem contingit *dupliciter*.

*Uno modo* quando ex hac intentione aliquid dicitur vel fit, ut aliud ostendatur quam rei veritas habet ; et tunc fictio est speciale peccatum, et sic non accipitur hic.

**234.** — *Alio modo* quando aliquid ostenditur quod rei veritas non habet dicto vel facto, etiam si non propter hoc dicatur vel fiat ; et sic accipitur hic fictio. Quicumque enim ad baptismum accedit, ostendit se veteri vitæ abrenunciare et novam inchoare. Unde si voluntas ejus adhuc in vetustate vitæ remaneat, aliud ostendit quam sit in rei veritate ; et ideo est fictio.

**235.** — **Ad secundum** dicendum quod in sacramentis præcipue fides operatur, per quam sacramenta quodammodo continentur suæ causæ principaliter agenti et etiam ipsi recipienti. Et ideo defectus fidei specialius pertinet ad fictionem quæ est in sacramentis, quam defectus aliarum virtutum.

**236.** — **Ad tertium** dicendum quod devotio hic accipitur voluntas consequendi baptismum totaliter, et quantum ad sacra-

mentum et quantum ad rem sacramenti. Et hujus devotionis defectus non potest sine peccato mortali esse ; quamvis defectus devotionis prout importat fervorem caritatis in reverentia Dei et divinorum, possit esse sine peccato mortali.

**237. — Ad quartum** dicendum quod aliter celebrans quoadque non variat ea quæ sunt de essentia sacramenti, *et tunc confertur sacramentum* ; sed non consequitur aliquis rem sacramenti, nisi suscipiens sacramentum sit immunis a culpa aliter celebrantis.

**238. — Ad quintum** dicendum quod non loquimur hic de contemptu quo aliquis abjicit sacramentum non recipiens ipsum, sed quo aliquis parvipendit non æstimans in eo esse efficaciam ad salvandum.

**239. — AD TERTIAM QUÆSTIONEM** dicendum quod in baptismo imprimitur character qui est immediata causa disponens ad gratiam. Et ideo, cum fictio characterem non auferat, recedente fictione quæ effectum characteris impediabat, character qui est praesens in anima incipit habere effectum suum. **Et ita baptismus recedente fictione, effectum suum consequitur.**

**240. — AD PRIMUM** ergo dicendum quod baptismus non habet efficaciam solum ex opere operante sed magis *ex opere operato* quod est opus Dei et non hominis ; et ideo non potest esse mortuum.

**241. — Ad secundum** dicendum quod baptismus recedente fictione habet idum effectum quem prius habuisset, si fictio non fuisset. Et ideo peccata præcedentia baptismus remittit et quoad culpam et quoad poenam ; sed peccata sequentia remittuntur virtute contritionis quæ fictionem amovet, quantum ad culpam, sed non quantum ad poenam totaliter.

**242. — Ad tertium** dicendum quod in eucharistia non imprimitur character cujus virtute possit aliquis virtutem sacramenti percipere fictione recedente. Et ideo non est simile.

### ARTICULUS III

#### [I]

[III, q. 66, a. 11 ; *Quodl. VI*, q. 3, a. 1 ; *in Joan.*, c. 3, l. 1.]

**243. — AD TERTIUM SIC PROCEDITUR.** Videtur quod PRÆTER BAPTISMUM FLUMINIS NON DEBEANT ALIA BAPTISMATA ESSE.

1. In omnibus enim quæ sunt unius speciei, est unus modus generationis. Sed baptismus est regeneratio in vitam spiritualem

quæ est unius rationis in omnibus generatis. Ergo debet esse regeneratio unius modil, et ita tantum baptismus fluminis.

**2. Præterea.** Baptismus condividitur contra alia sacramenta novæ legis. Sed alia sacramenta non multiplicantur : non enim sunt plures confirmationes neque plura sacerdotia et sic de aliis. Ergo etiam præter baptismum fluminis non debet esse aliquod baptisma.

**3. Præterea.** Sacramentum est genus baptismi. Sed alia quæ dicuntur baptismata non sunt sacramenta, quia non servatur debita forma et debita materia. Ergo non sunt baptismata.

**244. — SED CONTRA** est quod Damascenus determinat in IV lib. (*de Fide orth.* c. 9 ; G. 94,1124), plura genera baptismatum.

**245. †— Præterea.** *Heb.* vi, 2, super : « *Baptismatum docirinae* », dicit Glossa : « *Plura dicit, quia est baptisma aquæ, pœnitentiæ et sanguinis.* » Ergo sunt plura genera baptismatum.

[II]

[III, q. 66, a. 11 ; *Quodl.* VI, q. 3, a. 1 ; in *Joan.*, c. 3. 1. 1.]

**246. — ULTERIUS.** Videtur QUOD PœNITENTIÆ BAPTISMUS NON SUFFICIAT AD SALUTEM.

1. Character enim baptismalis videtur esse de pertinentibus ad salutem, eo quod per ipsum distinguitur populus Dei a non populo Dei. Sed per baptismum pœnitentiæ non imprimitur character. Ergo non sufficit ad salutem.

**2. Præterea.** Posita causa sufficiente superfluum videtur aliam causam addere. Si ergo baptismus pœnitentiæ ad salutem sufficeret necessitate imminente, tunc aliquis necessitatis articulum evadens non deberet baptismi aquæ baptizari : quod falsum est.

**3. Præterea.** Ætas puerilis magis est ad misericordiam inclinans quam ætas perfecta, ut patet per Glossam *Bom.* v, 7, super illud : « *Vix pro justo quis moritur etc.* » Sed pueris non remittitur peccatum originale pro sola fide et contritione aliorum, nisi baptismus aquæ eis adhibeatur. Ergo videtur quod nec adultis remittitur originale et actuale simul sine baptismi aquæ.

**247. — SED CONTRA.** Salus hominis cum sit de maximis bonis, non potest homini invito auferri. Sed in potestate hominis est impedire alium ne baptizetur baptismi aquæ. Ergo sine baptismi aquæ per solam fidem et contritionem potest esse salus.

**248. — Præterea.** *Bom.* VI, 23, dicitur : « *Gratia Dei vita æterna* ». Sed contritio non est sine gratia. Ergo qui habet fidem et contritionem, etiam sine baptismi aquæ salvatur.

1. Ed. præter F. « Ergo non debet esse regeneratio nisi unius modi », ay habent « non », sed ad. supra « nisi ». — 2. Ed. « remittatur ».

## [III]

[HI, q. 66, a. 11 ; *Quodl. VI*, q. 3, a. 1 ; *in Joan.*, c. 3, l. 1.]

**249. — ULTERIUS.** Videtur quod baptismus sanguinis NON SUPPLEAT VICEM BAPTISMI AQUÆ.

1. Baptismus enim aquæ habet efficaciam ex opere operato, baptismus autem sanguinis solum ex opere operante ; unde sine caritate non prodest, ut dicitur *I Cor.* xm. Sed in pueris nihil habet efficaciam ex opere operante, quia usum liberi arbitrii non habent. Ergo in eis baptismus sanguinis non supplet vicem baptismi aquæ.

2. **Præterea.** In baptismo sanguinis non est nisi pœna et causa. Sed poena quandoque non est proportionata ad tollendam tantam pœnam debitam pro peccatis ; nec etiam devotio ad causam passionis, cum quis pro Deo patitur, ad hoc sufficeret. Ergo baptismus sanguinis non semper totam pœnam debitam pro peccatis tollit, et ita non supplet in omnibus vicem baptismi aquæ.

3. **Præterea.** Alia multa sunt genera supererogationum, sicut virginitas cui etiam debetur aureola, et doctrina et hujusmodi. Sed hæc non suppleant locum baptismi. Ergo nec martyrium, ut videtur.

**250. — SED CONTRA** est quod Augustinus dicit de Cypriano (*de unico Baptis, contra Petit.*, c. 13, n. 22 ; L. 43,606), quod « *si quid in eo purgandum erat, passionis falce ablatum est.* » Ergo baptismus sanguinis purgat universaliter et etiam supplet locum baptismi aquæ.

**251. — Præterea.** Baptismus aquæ efficaciam habet ex passione Christi, cui nos conformat. Sed similiter baptismus sanguinis nos passioni Christi conformat. Ergo supplet vicem baptismi.

## [IV]

[III, q. 66, a. 12 ; *ad Hehr.* c. 6, l. 1.]

**252. — ULTERIUS.** Videtur quod baptismus aquæ sit POTIOR QUAM BAPTISMI SANGUINIS.

1. Baptismus enim sanguinis efficaciam habet ex opere operante illius qui patitur, baptismus autem aquæ ex passione Christi. Cum ergo passio Christi sit efflaciior quam opus operans alicujus puri hominis, baptismus aquæ nobilior erit quam baptismus sanguinis.

2. **Præterea.** Per baptismum aquæ datur homini gratia per quam debetur ei aurea, sed per baptismum sanguinis debetur

1. Ed. « totam ».

homini aureola. Ergo cum aurea sit nobilior quam aureola, et baptismus aquæ erit nobilior quam baptismus sanguinis.

**253.** — **SED CONTRA** est quod dicitur in *Glossa, Judic.* \i, super illud : « *Tolle vitulum etc.* »<sup>2</sup> : « *Baptismus in sanguine puriores reddit quam baptismus aquæ.* »

**254.** — **RESPONSIO.** Dicendum **AD PRIMAM QUÆSTIONEM** quod **proprie loquendo, unum esi tantum baptisma** quod in aqua celebratur sub determinata forma verborum, de qua Dominus dicit *Mat. ult.*, 19 : « *Docete omnes gentes, baptizantes eos in nomine Patris et Filii et Spiritus sancti.* »

**255.** — *Alia autem dicuntur baptismata per ordinem ad illud baptisma ; et hoc tripliciter.*

*Primo* dicitur aliquid baptisma quasi signum hujus baptismi. Et sic *diluvium* dicitur baptismus in quantum significat nostrum baptismum quantum ad salvationem spiritualis vitæ ex salvatione humani generis tunc facta in arca, ut patet *I Petr. m.*, 20, et *transitus maris rubri* qui significat baptismum nostrum quantum ad liberationem a servitute dæmonum, ut dicitur *I Cor.*, x, 1, 2 ; et *ablutiones quæ fiebant in lege* quæ significant nostrum baptismum quantum ad purgationem peccatorum quæ in ipso fit.

**256.** — *Alio modo* dicitur baptisma quasi causa aliqua nostrum baptismi. Et sic *baptismus Joannis* dicitur baptisma ut disponens ad nostrum baptismum ; et *baptismus*<sup>3</sup> quo *Christus baptizatus est*, ut dans efficaciam nostro baptismi.

**257.** — *Atio modo* dicitur aliquid baptismus secundum proportionem ad eundem effectum. Et sic dicitur baptismus *pœnitentiæ* et baptismus *sanguinis* de quibus *Magister* hic loquitur. *Vel quantum ad effectum secundarium* qui est consummatio in bono ; et sic dicitur *baptismus spiritus*, de quo dicitur *Act. i.*, 5.

Et hæc novem genera baptismatum ponit *Damascenus* (IV, *de Fide orth.*, c. 9 ; G. 94, 1123), sed *Magister* hic tangit illa tantum quæ habent convenientiam cum sacramento baptismi in principali effectu.

**258.** — **AD PRIMUM** ergo dicendum quod baptismus sanguinis et baptismus pœnitentiæ habent vim eandem regenerandi cum baptismo aquæ ; quia baptismus sanguinis et pœnitentiæ non valent ad regenerationem nisi ei qui habet baptismum aquæ in proposito, « quando scilicet *articulus necessitatis, non contemptus religionis sacramentum excludit* », ut in *Littera (7a)* dicitur ; et sic quodammodo agunt in vi baptismi aquæ.

**259.** — **Ad secundum** dicendum quod alia sacramenta non

1. Ed. *om.* per *homot.* \* Ergo cum aurea sit nobilior quam aureola ». — 2. Ed. *om.* « super illud : « *Tolle vitulum, etc.* » — 3. Ed. « baptismum ».

sunt tantæ necessitatis sicut baptismus ; et ideo non oportuit quod haberent aliqua supplementia cum articulus necessitatis sacramentum excludit.

**260.** — **Ad tertium** dicendum quod *duo baptismata* de quibus *Magister* facit mentionem in *Littera (6)*, non *conveniunt cum baptismi sacramento* in significando, sed *solum in causando* ; et ideo non proprie possunt dici sacramenta. Propter quod in *Littera (6)* dicitur quod tales suscipiunt rem sacramenti sine sacramento.

**261.** — **AD SECUNDAM QUÆSTIONEM** dicendum quod aliquid dicitur ad salutem sufficere *dupliciter*.

*Uno modo simpliciter et absolute* ; et sic baptismus pœnitentiæ sine baptismo aquæ non sufficit ad salutem.

**262.** — *Alio modo secundum quid et in casu* ; et sic sufficit, quando articulus necessitatis sacramentum excludit ne actu percipi possit. Tunc enim, quamvis sit poenitentia sine baptismo in actu, est tamen cum desiderio et proposito baptismi ; et voluntas pro facto reputatur ei qui non habet tempus operandi.

**263.** — **AD PRIMUM** ergo dicendum quod eadem ratio est de caractere baptismali et de ablutione aquæ exteriori, quia utrumque *simpliciter* est necessarium ad salutem, sed *in casu* sufficit propositum, quando articulus necessitatis sacramentum excludit.

**264.** — **Ad secundum** dicendum quod ratio illa procederet bene, si baptismus pœnitentiæ esset simpliciter et absolute ad salutem sufficiens.

**265.** — **Ad tertium** dicendum quod quamvis puerorum ætas sit magis miserabilis, tamen oportet si salvari debeant, quod in eis aliqua causa salutis sit. Et quia per proprium motum liberi arbitrii salvari non possunt, oportet quod per sacramentum baptismi salventur. Plus enim valet adulto fides propria, quam parvulo fides aliena. Quod enim aliquando fides aliena puero ad salutem sufficiebat cum aliqua protestatione hoc erat in quantum illa protestatio habebat vim sacramenti quam nunc habet baptismus aquæ.

**266.** — **AD TERTIAM QUÆSTIONEM** dicendum quod *baptismus aquæ* efficaciam habet a passione Christi, in quantum eam sacramentaliter repræsentat. *Baptismus autem sanguinis* passioni Christi conformatur realiter, non sacramentali representatione. Et ideo in his quæ sacramentalia sunt, **baptismus sanguinis** non supplet vicem baptismi aquæ, sicut est impressio

1. Ed. om. « sufficere ». — 2. Ed. « habeat ».

characteris et hujusmodi, sed **in eo quod est res tantum, supplet totaliter vicem baptismi aquæ quando articulus necessitatis sacramentum excludit.** *Sicut enim in baptismo aquæ liberatur homo ab omni culpa præcedente et pœna, ita in baptismo sanguinis.*

**267. — AD PRIMUM** ergo dicendum quod baptismus sanguinis non habet hoc tantum ex opere operante, neque quantum ad pœnam qua aliquis martyrîum explet, quam contingit non esse sufficientem ad satisfaciendum pro peccato ; neque quantum ad devotionem justæ voluntatis, quia contingit quod voluntate majori caritate informata aliquis sine martyrîo non potest ab omni pœna liberari, sed habet hoc ex imitatione passionis Christi. Unde de martyrîibus dicitur *Apoc. vn, 14* : « *Laverunt stolas suas in sanguine agni* ». *Et ideo pueri quamvis usum liberi arbitrii non habeant, si occidantur pro Christo, in suo sanguine baptizati salvantur.*

**268. — Ad secundum** dicendum quod quamvis illa pœna in se considerata, non esset sufficiens ad liberandum ab omni pœna peccati, tamen relata ad causam passionis accipit efficaciam a passione Christi cui aliquis per talem pœnam conformatur et ex hoc ab omni pœna absolvere potest.

**269. — Ad tertium** dicendum quod in aliis supererogationis et perfectionis operibus aut statibus, non est ita expressa conformitas ad passionem Christi sicut in baptismo sanguinis, neque etiam in baptismo pœnitentiæ ; et ideo non oportet quod in eis omnis pœna dimittatur.

**270. — Tamen in Vilis Patrum** dicitur quod quidam Patrum vidit eandem gratiam descendentem super eum qui habitum religionis assumit, et super eum qui baptizatur. Sed hoc non est quia talis a satisfactione absolvatur, sed quia eo ipso quod suam voluntatem etiam in servitutem redigit propter Deum, plenarie jam pro omni peccato satisfecit, quam cariorem habet omnibus rebus mundi, de quibus tantum posset dare quod elemosynis omnia peccata redimeret, etiam quantum ad pœnam.

**271. — AD QUARTAM QUÆSTIONEM** dicendum quod uterque baptismus efficaciam\* habet a passione Christi, secundum quod ei conformatur<sup>6</sup>. Et quia baptismus aquæ conformatur<sup>7</sup> ei sacramentali significatione, baptismus autem sanguinis realiter ; ideo quantum ad sacramentalia excedit baptismus aquæ, sicut est impressio characteris et hujusmodi ; sed quantum ad ea

1. Ed. « aliis ». — 2. Ed. « liberum arbitrium », om. « usum ». — 3. Ed. « vel ». — 4. Ed. « vel ». — 5. aβ « efficientiam », contra yS et ed. — 6. aS « conformatur ». — 7. aδ « conformatur ».

quæ sunt ultima res sacramentil excedit baptismus sanguinis, quia et gratia in baptismo sanguinis magis augetur habenti, et amplior datur non habenti, si impedimentum non adsit ; et remissio peccatorum quamvis non sit plenior, quia uterque omnem pœnam et culpam tollit, tamen est in baptismo sanguinis efficacior et fructuosior, quia secundis maculis non inquinatur, ut *Damascenus* dicit (ubi supra).

**272.** — Quod enim *Quidam* dicunt quod in baptismo sanguinis gratia non confertur, *apparel falsum esse* in pueris qui pro Christo occiduntur, et etiam in adultis quibus potest in ipso actu passionis gratia dari, sicut et in baptismo aquæ, si se ad eam disposuerint et obicem aliquam non ponant Spiritui sancto.

**273.** — *Ei hoc palet* per *Augustinum*<sup>2</sup> qui ad Fortunatum loquens de comparatione horum baptismatum, ait (*de Eccles. Dogm.* c. 41 ; L. 58, 1220) : « *Baptizalus confitetur fidem suam coram sacerdote, martyr coram persecutore ; ille post professionem Pontificis recipit Spiritum sanctum, hic templum efficitur Spiritus sancti.* » Nullus autem efficitur templum Spiritus sancti nisi gratiam accipiendo.

**274.** — **AD PRIMUM** ergo dicendum quod etiam baptismus sanguinis efficaciam habet a passione Christi, cui expressius conformatur quam baptismus aquæ.

**275.** — **Ad secundum** dicendum quod in baptismo sanguinis aliquis non solum aureolam meretur, sed etiam auream per gratiam tunc collatam vel augmentatam.

## EXPOSITIO TEXTUS

**276.** — « Omnes parvuli qui in baptismo etc. » **(1a)**. Non tamen soli parvuli, sed etiam quandoque adulti. Tamen de parvulis non est dubium quin recipiant ; de adultis autem est, quia per fictionem impediri possent ; et ideo parvulis potius exemplificat.

**277.** — « Nisi pœniteat eum veteris vitæ etc. » **(2a)**

**Contra.** Ergo baptismus non est primum sacramentum, sed pœnitentia.

**Et dicendum** quod loquitur de pœnitentia prout est virtus, non prout est sacramentum.

**278.** — « Non redire dimissa etc. », **(3a)** hoc qualiter verum sit, infra (d. 22 (q. 1, a.1), dicitur.

**279.** — « Induunt homines Christum aliquando etc. » **(5a)**.

**Induere** Christum nihil aliud est quam Christi similitudinem

1. Ed. « res et non sacramentum ». — 2. F. Gennadium.

assumere : quod contingit exterius per sacramentalem repræsentationem, et interius per realem imitationem.

**280.** — Nec tantum passio vicem baptismi etc. » (7)

(Constitutio non totaliter supplet, quia non semper a tota poena absolvit, quamvis absolvat ab omni culpa.

**281.** -- « Neque enim ille latro etc. » (7a)

**Contra** est quod Hieronymus dicit (*epist. ad Paulinum de institutione Monachi* ; L. 22, 5801 quod « *Christus homicidii pomam in illo latrone jecit esse martyrium.* »

**Et dicendum** quod habuit aliquid de martyrio, scilicet poenam et justam voluntatem ; et aliquid defuit ad martyrium, scilicet causa : sicut etiam in innocentibus defuit justa voluntas, sed fuit poena et causa.

**282.** — « Quem regeneraturus eram, amisit. » (7b) Amisisset eum dicit, quia gaudium et meritum quod de baptizazione ejus habiturus erat, amisit differens baptismum usque ad solemne tempus secundum morem Ecclesie qui tunc erat, vel usque ad perfectam instructionem.

« Ille autem gratiam baptismi non amisit », (7b) quia cum desiderio ejus decessit. Et hoc est verum quantum ad remissionem culpæ, sed non quantum ad remissionem omnis poenæ.

**283.** — « Ubi tota sacramenta baptismi etc. » (9a). Verum est quantum ad id quod est tantum res in sacramento.

**284.** — « .Eterno supplicio puniendos, » (10a) supplicium improprie nominat poenam damni, quam solam pueri sustinebunt, ut in II lib., d. 33 (q. 2, a. 2), dictum est.

**285.** — « Quia<sup>3</sup> fidelium consortio non separantur etc. » (10b) Orationes tamen illæ, non sunt pro eis suffragia, sed gratiarum actiones..

## DISTINCTIO V

Quod baptismus /eque bonus est, a bono vel a malo datus.

1. — Post hæc sciendum est sacramentum baptismi a bonis et a malis ministris dari, sicut a bonis et a malis sumitur. Nec melior est baptismus qui per meliorem datur, nec minus bonus qui per minus bonum datur, nec malus qui per malum datur. Nec majus munus datur in baptismo dato a bono, nec minus in baptismo dato a malo, sed æquale ; quia non est munus hominis, sed Dei.

Quod totum subditis declaratur testimoniis.

Augustinus ait [in Joan, tract. 5, η. 6 ; L. 35, 1417) : « *Baptismus talis est, qualis est ille in cuius potestate datur, non qualis est ille per cuius ministerium datur.* »

Item (de Unie. Bapt. cont. Petii., c. 11, n. 18 ; L. 43, 604) : « *Prorsus jieri potest ut aliqui verum habeant baptisma et non habeant veram fidem.* »

Item {III Contr. Crescon., Donat., c. 6, n. 6 ; L. 43, 499) : « *Si inter bonos ministros, cum sit alius alio melior, non est melior baptismus qui per meliorem datur ; nullo modo malus est qui etiam per malum datur, quia idem baptismus datur. Et ideo per ministros dispares Dei munus est æquale, quia non illorum, sed ejus est.* »

Idem [in Joan., tract. 6, η. 8 ; L. 35, 1429) : « *Cum baptizat malus, illud quod datum est unum est, nec impar propter impares ministros, sed par et æquale propter hoc : « Hic est qui baptizat.* »

Item (tract. 5, n. 15 ; L. 35, 1422) : « *Ego dico, et nos dicimus omnes, quia justos oportet esse per quos baptizatur, justos oportet esse tanti judicis ministros. Sint ministri justi, si volunt ; si autem noluerint esse justi qui sedent in cathedra Moysi, securum me fecit magister meus, scilicet Christus de quo Spiritus sanctus dicit : « Hic est qui baptizat.* »

Item (Ibid., n. 18) : « *Quos baptizavit Judas, Chritus baptizavit. Si quos ergo baptizavit ebriosus, homicida, adulter : si Christi erat baptismus, Christus baptizavit. Non timeo adulterum, nec ebriosum, non<sup>3</sup> homicidam, quia columbam attendo, per quam mihi dicitur : « Hic est qui baptizat.* »

Item {Ibid., n. 19) : « *Homicida dedit baptismum Christi : quod sacramentum tam sanctum est ut nec homicida ministrante polluat.* »

Item (De fide ad Petrum, c. 3, n. 43 ; L. 40, 767) : « *Si in hæresi quacumque vel schismate quisquam « in nomine Patris et Filii et Spiritus sancti » baptismi sacramentum acceperit, integrum sacramentum accepit ; sed salutem quæ virtus est sacramenti non habebit, si extra Ecclesiam catholicam ipsum sacramentum habuerit. Debet igitur<sup>4</sup> ad Ecclesiam redire, non ut sacramentum baptismi iterum accipiat — quod nemo debet in aliquo repetere — sed ut in societate catholica vitam accipiat. Baptismus enim extra Ecclesiam nequit prodesse. Ibi enim cuique prodesse potest baptismus ubi potest prodesse eleemosyna, scilicet in Ecclesia.* »

Item Isidorus (De Cons., d. 4, cap. « Romanus » ; L. 187, 1800) : « *Romanus Pontifex non hominem judicat qui baptizat, sed Spiritum Dei subministrare gratiam baptismi, licet paganus sit qui baptizat.* »

1. Ed. « non ». — 2. Ed. « facit ». — 3. Ed. « nec ». — 4. Ed. « ergo ».

In his perspicue cernis baptismum verum bonis et malis dari et a bonis et a malis ; et ipsum tamen æque sanctum esse et munus ejus æquale in bonis sive a malis baptizentur.

De potestate baptismi, et ministerio

2. — Quia ministerium tantum habent, non potestatem baptismi : potestatem enim sibi retinuit. Quod novit Joannes cum vidit columbam descendentem super Christum.

a. — Unde Augustinus (in Joan., tract. 5, η. 11 ; L. 35, 1419) : « *Quid noverat Joannes Baptista ? Dominum. Quid non noverat ? Potestatem dominici baptismi in nullum hominem a Domino transituram, sed ministerium plane transiturum : potestatem a Domino in neminem, sed ministerium in bonos et malos. Non exhorreat columba ministerium malorum, respiciat potestatem Domini. Quid facit tibi minister malus, ubi bonus est Dominus ?* »

Neque qui plantat neque qui rigat est, aliquid sed qui incrementum dat Deus (I Cor., m, 7). « *Si superbus fuerit minister, cum diabolo computatur; sed non contaminatur donum Christi. Quod per illum fluit, purum est. Per lapideum canalem transit aqua ad areolas : in canali lapideo nil generatur, sed hortus fructus plurimos affert.* » (Ibid., n. 15, coi. 1422). Habent igitur non modo boni, sed etiam mali, ministerium baptizandi, sed neutri potestatem baptismi.

b. — « *Ministerium enim dedit Christus servis sed potestatem sibi retinuit : quam si vellet, poterat servis dare, ut servus daret baptismum suum tamquam vice sua. Et potestatem suam constituere poterat in aliquo vel in aliquibus servis suis, ut tanta vis esset in baptismo servi, quanta est in baptismo Domini ; sed noluit, ne servus in servo spem poneret. Baptizat servus ut minister ; baptizat Dominus tanquam potestatem habens, quam si daret servis, ut scilicet ipsorum esset quod Domini erat, tot essent baptismi quot servi, ut2, sicut dictus est baptismus Joannis, sic diceretur baptismus Petri et Pauli. Quod ne fieret, retinuit sibi Dominus potestatem baptismi, servis autem ministerium dedit. Si ergo servus dicit se baptizare, recte dicit, sed tanquam minister baptizat. Et ideo non differt sive bonus sive malus baptizet.* » (Ibid., n. 7).

« *Inde etiam nemo dicit : Baptismus meus, cum tamen dicat : Evangelium meum, prudentia mea, licet hæc sint a Domino. In quibus differentia est. Alius enim alio melius operatur3 in evangelizando, et alius alio prudentior est. Alius autem alio magis minusve baptizatus, sive ab inferiori sive a majori baptizetur, dici non potest.* » (Lib. V de bapt. contra Donat., c. 14, n. 16 ; L. 43, 185).

Quæ fuit potestas baptismi quam potuit Christus dare servis

3. — Hic quæritur quæ sit illa potestas baptismi quam Christus sibi retinuit et potuit dare servis.

Hæc est ut plurimi volunt potestas dimittendi peccata in baptismo.

Sed potestas dimittendi peccata quæ in Deo est Deus est. Ideo Al ii dicunt, hanc potestatem non potuisse dare alicui servorum, quia nulli potuit dare ut esset quod ipse est, vel ut haberet essentiam quam ipse habet, cui hoc est esse quod posse. Dicunt etiam4 : Si hanc potentiam alicui dare potuit, potuit ei dare creaturas creare, quia non est hoc majoris potentiæ quam illud.

1. Ed. « ergo », — 2. Ed. « et », — 3. Ed. « operatus », — 4. Ed. « enim ».

Ad quod dici potest, quia potuit eis dare potentiam dimittendi peccata, et tamen non ipsam eandem qua ipse potens est, sed potentiam creatam, qua servus posset dimittere peccata, non! ut auctor remissionis, sed ut minister; nec tamen sine Deo auctore, ut sicut in ministerio habet exterius sanctificare, ita in ministerio haberet interius<sup>2</sup> mundare; et sicut illud facit Deo auctore qui cum eo et in eo operatur illud exterius, ita interius mundaret Deo auctore qui ejus verbo velut quodam ministerio uteretur. Ita etiam posset Deus per aliquem creare aliqua, non per eum tanquam auctorem, sed ministrum, cum quo et in quo operaretur; sicut in bonis operibus nostris ipse operatur et nos, nec ipse tantum nec nos tantum, sed ipse nobiscum et in nobis; et tamen in illis agendis ministri ejus sumus, non auctores. Ita ergo potuit dare servo potestatem dimittendi peccata in baptismo: id est, ut in mundatione interiori servus cum Domino operaretur; non servus sine Domino, nec Dominus sine servo, sed Dominus cum servo et in servo<sup>3</sup>. Unde Dominus dicitur sanctificare et servus; sed Dominus invisibili gratia, servus visibili sacramento.

Unde Augustinus *super Levit.* (lib. III Qq. in *Pentat.*, q. 84; L. 34, 712): « Dominus ait (*Ibid.*, xxii, 9): « Ego Dominus qui sanctifico. » *Et de Moyse etiam dictum est (E:rod., xxix, 24): « Et sanctificabis eum. » Sed Moyses sanctificabat visibilibus sacramentis per ministerium; Dominus autem invisibili gratia per Spiritum sanctum, ubi est totus fructus visibilibus sacramentorum; nam\* sine hac sanctificatione visibilia sacramenta nil<sup>5</sup> prosunt. »*

Si quis hoc melius aperire poterit, non invideo.

## DIVISIO TEXTUS

### 4. — « Post hæc sciendum est. » (1)

Postquam determinavit Magister de baptismo per comparisonem ad recipientes, *hic determinavi de ipso per comparisonem ad dantes.*

Et dividitur in duas partes. *In prima* ostendit a quibus dari possit baptismus; *in secunda* a quibus et qualiter dari debeat, 6 d.: « Nunc quibus liceat baptizare etc. »

Prima in *Ires.* *In prima* ostendit a quibus dari possit baptismus, quia a bonis et<sup>®</sup> malis. *In secunda* assignat hujus rationem, ibi: « Quia ministerium tantum habent etc. » (2) *In tertia* removet quamdam dubitationem, ibi: « Hic quæritur quæ sit<sup>7</sup> potestas baptismi etc. » (3)

Hic est duplex quæstio.

Prima de potestate baptizandi.

Secunda de ipsis baptizantibus.

1. Ed. *ad.* « tamen ». — 2. Quar. « intus ». — 3. Ed. *ad.* « sicut in exteriori ministerio Dominus operatur cum servo et in servo ». — 4. Quar. *om.* « Nam ». — 5. Quar. « nihil ». — 6. Ed. *ad.* « a ». — 7. *αβζη* « Hic quæritur si », contra *γ* et ed.

## QUÆSTIO I

Circa primum quæruntur tria.

*Primo*, quam potestatem Christus, secundum quod homo, in baptizando habuit.

*Secundo*, quam ministris contulerit.

*Tertio*, quam conferre potuerit, sed non contulit.

## ARTICULUS I

[III, q. 64, a. 3.; in *Joan.*, c. 1, l. 14 · I *ad Cor.*, c. 1, l. 2.]

**5. — AD PRIMUM SIC PROCEDITUR.** Videtur QUOD Christus, secundum quod homo, habuit potestatem dimit-  
tendi PECCATA.

1. Ματ. ix, 6, dicitur : « *Ut autem sciatis quia Filius hominis habet potestatem<sup>1</sup> dimittendi peccata, dixit<sup>2</sup> paralytico : Surge et ambula* ». Sed non oportebat signum ostendere ad probandum quod Deus haberet potestatem dimittendi peccatum, quia hoc Judæi confitebantur. Ergo etiam secundum quod homo habuit hanc potestatem.

2. **Præterea.** Christus, secundum quod homo, est redemptor<sup>3</sup> ut in III, d. 193 (q. 1, a. 4, sol. 1), dictum est. Sed non potest aliquis liberari a servitute peccati nisi sibi peccatum dimissum sit. Ergo Christus, secundum quod homo, habuit potestatem dimittendi peccata.

3. **Præterea.** Super illud *Joan*, v, 21 : « *Sicut Pater suscitavit mortuos etc.* », dicit *Augustinus* (tract. 23, n. 13 ; L. 35, 1591) : « *Judicat et suscitavit corpora, non Pater, sed Filius, secundum humanitatis dispensationem, quia minor est Patre.* » Sed suscitatio corporum attestatur suscitationem<sup>4</sup> animarum quæ fit per dimissionem peccati. Ergo Christus, secundum quod homo, potuit peccatum dimittere.

4. **Præterea.** Majus est imperium ejus quam invocatio nominis ejus. Sed ad invocationem nominis Christi dabatur baptismus et remissio peccatorum in primitiva Ecclesia. Ergo et ipse Christus suo imperio poterat peccata dimittere.

5. **Præterea.** Christus « *amplioris gloriæ præ Moyse habilus est* », quia non sicut servus vel minister, sicut *Moyse*, est in domo Dei, sed sicut dominus et heres, ut dicitur *Hebr.* m, 3. Sed si

1. Ed. ad. « in terra ». — 2. Ed. « ait ». — 3. Ed. *om.* « d. 19 ». — 4. Ed. « suscitationi ».

non haberet potestatem dimittendi peccatum, secundum quod homo, non esset sicut dominus, sed solum sicut minister, sicut et alii. Ergo habet potestatem dimittendi peccata.

**6. — SED CONTRA.** Illud quod est solius Dei, non convenit Christo inquantum est homo. Sed dimittere peccatum est hujusmodi, ut patet Is. x l iiii, 25 : « *Ego sum qui deleo iniquitates tuas propter me* ». Ergo non convenit Christo.

**7. — Præterea.** Nulli remittitur<sup>1</sup> peccatum, nisi per Spiritum sanctum. Sed Christus, secundum quod homo, non<sup>2</sup> poterat dare Spiritum sanctum, ut d. 15, 1 lib. (q. 6, a. 1, sol. 4) dictum est. Ergo non potest remittere peccata secundum quod homo.

**8. — Præterea.** Augustinus dicit *super Joan.*, (tract. 23, ubi supra) quod « *Christus secundum quod est Filius Dei, est vita quæ vivificat animas* ». Sed quod convenit sibi inquantum est Filius Dei, non competit ei secundum quod est homo. Ergo vivificare animas remittendo peccata, non competit ei secundum quod homo.

**9. — RESPONSIO.** Dicendum quod *triplex* est potestas absolventi a peccato in baptismo.

**Una potestas auctoritatis** ; et hæc solius Dei est, quia propria virtute peccata dimittit, quasi principalis causa remissionis peccati. Unde tali potestate Christus peccata remittere non poterat, secundum quod homo.

**10. — Alia potestas est ministerii** quæ eis competit qui sacramenta dispensant, in quibus divina virtus secretius operatur salutem.

**11. — Tertia** est media inter has duas quæ dicitur **potestas excellentiæ** ; et hanc Christus præ aliis habuit.

**12. —** Attenditur autem hæc excellentia quantum ad *tria*.

*Primo* quantum ad hoc quod ex merito passionis ejus baptismus efficaciam habet, non autem ex merito alicujus alterius<sup>3</sup> baptizantis. Unde non est melior baptismus a meliore baptizante datus.

*Secundo* quantum ad hoc quod Christus sine sacramento sacramentorum effectum conferre poterat quasi dominus et institutor sacramentorum : quod de aliis non est verum.

*Tertio* quantum ad hoc quod ad invocationem nominis ejus dabatur remissio peccatorum in baptismo in primitiva Ecclesia.

**13. —** Sed quia<sup>4</sup> rationes videntur procedere de prima potestate, ideo concedendæ sunt ultimæ<sup>5</sup>, et respondendum<sup>6</sup> ad primas.

**14. — AD PRIMUM** ergo dicendum quod Filius hominis

1. Ed. « dimittitur ». — 2. Ed. *om.* « non ». — 3. *aß* < alius, contra *γ* et ed. — 4. Ed. *ad.* « secundæ » ; *aß* « omnes », contra *€η*. — 5. Ed. « illæ ». — 6. Ed. *ad.* « est ».

habebat potestatem auctoritatis dimittendi peccata, non secundum quod homo, sed secundum quod Deus. Et ideo per miraculum ostensum hic probabatur quod ille homo esset Deus, cui natura obediebat quasi proprio Creatori.

**15.** — **Ad secundum** dicendum quod redemptor dicitur : *Uno modo propter usum potestatis auctoritativæ in absolvendo a peccato*, et sic Christus secundum quod Deus, redemptor est.

**16.** — *Alio modo propter effectum humilitatis* ; et sic competit ei secundum quod homo, in quantum per humilitatem passionis nobis remissionem meruit peccatorum. Et hoc pertinet *ad potestatem excellentiæ*, ut dictum est.

**17.** — **Ad tertium** dicendum quod *potestas quam Christus, secundum quod homo, habuit suscitandi corpora, non est potestas lanium ministerii*, sicut et Petrus mortuos suscitavit ; *neque est iterum potestas auctoritatis*, quia hoc solius Dei est ; sed **est potestas cujusdam excellentiæ** quæ ei competit ex unione ad Deum, ut scilicet imperio, non prece, mortuos suscitaret. *Et similiter habuit potestatem excellentiæ in remittendo peccata.*

**18.** — **Ad quartum** dicendum quod hoc quod ad invocationem nominis ejus conferebatur remissio peccatorum in baptismo, pertinet *ad potestatem excellentiæ*.

**19.** — **Ad quintum** dicendum quod non habuit tantum ministerii potestatem, sed altiore, ut dictum est.

## ARTICULUS II

[III, q. 64, a. 1 ; a. i.]

**20.** — **AD SECUNDUM SIC PROCEDITUR.** *Videtur QUOD MINISTRIS CONTULERIT POTESTATEM COOPERANDI AD INTERIOREM MUNDATIONEM.*

1. Ministris enim data est aliqua spiritualis potestas. Sed ad emundationem corporalem non requiritur aliqua spiritualis potestas, sed sufficit corporalis. Ergo ministri cooperantur ad emundationem internam.

2. **Præterea.** *Sicut* sanctificatio quædam adhibetur rebus sacramentalibus, *ita* etiam ministris sacramentorum. Sed res sacramentales « *ex sanctificatione invisibilem gratiam continent et conferunt* », secundum Hugonem de sancto Victore (I *de Sacram.*, p. 9, c. 2 ; L. 176,817). Ergo et<sup>2</sup> ministri sanctificati in<sup>3</sup> sua sanctificatione ad internam emundationem quæ est per gratiam operantur.

3. **Præterea.** Inter creaturas dignior est creatura rationalis

1. Ed. « emundationem », contra *αβγδεζ*. — 2. Ed. *om.* « et ». — 3. Ed. *om.* « in »

quam aliqua forma accidentalis. Sed gratia operatur interius ad peccati remissionem. Ergo et homo multo fortius habet potestatem interius cooperandi.

**4. Præterea.** Omnis actio alicujus formæ attribuitur habenti formam illam, quia calor agit secundum calidum. Sed remissio culpæ est actio gratiæ. Ergo habenti gratiam competit cooperari ad remissionem culpæ.

**5. Præterea.** Secundum Dionysium, 5 c. *Eccles. Hier.* (n. 3 ; G. 3, 503), ad ministros Ecclesiæ pertinet *purgare, illuminare, perficere*. Sed purgatio in Ecclesia fit a sordibus mentis. Ergo ministri Ecclesiæ cooperantur ad interiorem emundationem.

**21. — SED CONTRA.** Emundatio interior a peccatis fit per Spiritum sanctum. Sed ministri Ecclesiæ non dant Spiritum sanctum. Ergo nec cooperantur ad interiorem emundationem.

**22. — Præterea.** Majus est justificare impium quam creare cælum et terram (Augustinus, tract. 72 in Joan., n. 3 ; L. 35, 1823). Sed in creatione cæli et terræ nihil Deo cooperatur. Ergo nec in justificatione impii.

**23. — Præterea.** Hominis operatio etiam in actibus hierarchicis est sub operatione Angeli, ut dicit Dionysius (*Cæl. Hierar.*, c. 9, n. 2 ; G. 3, 259). Sed Angeli non possunt imprimere in affectum, ut in II lib. d. 8 (q. 1, a. 5), dictum est. Ergo cum affectum oporteat a peccatis mundari, videtur quod nec cooperetur ad emundationem interiorem.

**24. — RESPONSIO.** Dicendum quod cooperari alicui agenti dicitur *quatuor* modis. *Uno modo sicut adjuvans* ei cui auxilium præbet, cooperatur. *Alio modo sicut consilium præbens.* *Tertio modo* sicut *quo mediante* agens primum suum effectum inducit, sicut cooperantur instrumenta principali agenti. *Quarto modo sicut disponens* materiam ad effectum agentis principalis suscipiendum.

**25. —** *Primis ergo duobus modis in nulla actione aliquid Deo cooperatur* propter perfectam ejus potentiam quæ auxilio non indiget, et propter perfectam sapientiam quæ non indiget consilio, Is. x1, 13 : « *Quis adjuvit Spiritum Domini, aut quis consiliarius ejus fuit ?* »

**26. —** *Sed tertio modo cooperatur aliqua creatura Deo in aliqua actione, non tamen in omnibus.* Cum enim Deus sit primum agens omnium naturalium actionum, quidquid natura agit, hoc efficit quasi instrumentale agens cooperans primo agenti, quod est Deus.

**27. —** *Sed quædam* sunt quæ sibi Deus retinuit, immediate ea operans. Et *in his creatura* Deo non cooperatur hoc tertio modo, sed *quarto modo potest ei cooperari* : sicut patet in creatione animæ rationalis quam immediate Deus producit, sed tamen natura disponit materiam ad animæ rationalis receptionem.

**28.** — Et quia recreatio animæ creationi ipsius respondet, ideo **emundationem ipsius immediate operatur**; nec **aliquis ei quantum ad hoc cooperatur tertio modo**, sed **quarto**; et hoc *dupliciter*: vel *ex opere operante*, sive docendo, sive merendo; et sic homines ei cooperantur in peccatorum remissione, de quibus dicitur *I Cor.* ni, 9: «*Dei adjuutores sumus*»; vel *ex opere operato*, sicut qui conferunt sacramenta quæ ad gratiam disponunt, per quam fit remissio peccatorum; et hæc est *cooperatio ministerii* quæ ministris Ecclesiæ competit, de quibus dicitur *I Cor.* iv, 1: «*Sic nos existimet homo ut ministros Christi etc.*».

**29.** — **AD PRIMUM** ergo dicendum quod potestas spiritualis quæ ministris Ecclesiæ conceditur, ad aliquid interius se extendit, sicut virtus sacramentalis, sed non ad collationem gratiæ per quam est remissio peccatorum, nisi *dispensando*, sicut et de sacramentis dictum est.

Unde patet solutio **ad secundum**.

**30.** — **Ad tertium** dicendum quod *gratia non remittit culpam effective, sed formaliter*, sicut albedo aufert nigredinem. Et ideo non sequitur quod creaturæ rationali competat quæ non est forma.

**31.** — **Ad quartum** dicendum quod est *duplex* operatio formæ alicujus: scilicet *prima* quæ pertinet ad informationem subjecti, et *secunda* quæ dicitur usus vel actio, sicut considerare.

Primam ergo operationem non *participat habens formam a forma sed solum secundam*.

Remittere autem culpam competit gratiæ quantum ad operationem primam: sicut albedo eadem ratione qua facit album et aufert nigredinem a subjecto in quo est. Et ideo non oportet quod habens gratiam, hoc per gratiam participet.

**32.** — **Ad quintum** dicendum quod purgatio de qua Dionysius loquitur, est a tenebris ignorantiæ, sicut ipsemet dicit; unde magis pertinet ad intellectum quam ad affectum.

### ARTICULUS III

[I]

[*Supra*, a. 2; III, q. 64, a. 4; *Ver.* q. 27, a. 3, ad 17; *in Joan.*, c. 1, l. 14; *I ad Cor.*, c. 1, l. 2.]

**33.** — **AD TERTIUM SIC PROCEDITUR.** Videtur quod MINISTRIS CONFERRI POTUIT A Deo POTESTAS COOPERATIONIS.

1. Super illud<sup>3</sup> Jo an, i *Hic est qui baptizat*», dicit Augus-

1. Ed. *ad.* « rationalis ». — 2. Ed. *om.* « etc. ». — 3. F. « Nam super illud », α « Super illud enim », « contra βγ ».

t in u s (tract. 5, n. 7 ; L. 35, 1417), quod Joannes didicit quod potestatem mundandi a peccatis Christus dare potuit, sed non dedit : dedit autem potestatem ministerii. Ergo videtur quod potuerit dare potestatem cooperationis.

2. **Præterea.** Major est potestas auctoritatis quam cooperationis. Sed super illud *I Cor.* i, 13 : « *Divisus est Christus ?* » dicit GLOSSA (Aug., tract. 5 in *Joan.*, η. 6 ; L. 35, 1417), quod potuit eis dare auctoritatem baptizandi quibus contulit ministerium. Ergo multo fortius potuit cooperationem interius emundandi.

3. **Præterea.** Plus est expellere dæmonem quam seminatum ner ipsum, scilicet peccatum. Sed Deus dedit hominibus potestatem daemones expellendi, ut patet *Luc.* x, 17. Ergo multo fortius potuit dare potestatem expellendi peccatum.

34. — **SED CONTRA.** Omnes agens oportet quod sit simul cum patiente, ut probatur in VII *Phys.* (Æ2. 244a, 5sq. ; l. 3 et 4j. Sed non potest conferri alicui creaturae quod illabatur in animam rationalem. Ergo non potest conferri quod cooperetur ad interiorum emundationem.

35. — **Præterea.** Gratia est quædam inchoatio gloriæ. Sed non potest alicui creaturae communicari quod ab ipsa sit gloria, sicut neque quod sit summum bonum. Ergo potestas cooperationis ad gratiam habendam per quam fit peccatorum remissio, homini conferri non potuit.

## [II]

36. — **ULTERIUS.** VIDETUR QUOD NEC POTESTAS EXCELLENTIÆ.

1. Ματ. 2 x x v, 15, dicitur quod « *dedit unicuique secundum propriam virtutem* ». Sed non dedit potestatem excellentiæ nisi soli Christo. Ergo non potuit aliis conferri.

2. **Præterea.** Potestas excellentiæ competit Christo, secundum quod meritum ejus operatur ad remissionem omnium peccatorum, ut (a. 1) dictum est. Sed hoc non competit Christo nisi secundum quod ejus meritum habet quamdam infinitatem, ut in III lib. (d. 18, a. 6, sol. 1 ; d. 19, a. 1) dictum est. Ergo cum habere efficaciam infinitam in merendo non possit alicui creaturæ puræ conferri, videtur quod nec potestas excellentiæ.

3. **Præterea.** Potestas excellentiæ competit Christo secundum quod est caput Ecclesiæ de cujus plenitudine omnes accipimus. Sed hoc competit ei quia est unigenitus a Patre, ut dicitur *Joan.* i, 14. Ergo nulli puræ creaturæ communicari potuit.

37. — **SED CONTRA.** Quidquid competit Christo secundum

1. F. a dixit », ed. « dicit ». — 2. Ed. « Quia Mat. »

quod homo, potest et alii homini communicari. Sed potestas excellenti», ut dictum est, competit Christo secundum quod homo est. Ergo potest aliis hominibus communicari.

**38. — Præterea.** Ad potestatem excellentiae pertinet quod ad invocationem nominis Christi remissio peccatorum in baptismo detur. Sed potuit etiam hoc Deus conferre Petro vel Paulo, ut ad invocationem nominis ejus baptisma conferretur ut dicit Glossa *I Cor.*, i. Ergo potestas excellenti» potuit aliis conferri.

[III]

**39. — ULTERIUS.** Videtur quod potentia creandi potuerit CREATOR.® COMMUNICARI.

1. Plus enim Deus potest facere quam homo possit intelligere ; quia « *non esi impossibile apud Deum omne verbum* », ut dicitur Luc. i, 37. Sed Quidam Philosophi posuerunt in aliquibus creaturis potentiam creandi, sicut Avicenna qui dicit quod intelligentia prima producit secundam, et sic deinceps. Ergo Deus posset hoc creatur» communicare.

2. **Præterea.** Nihil potenti» divin» absolute accept.» subtrahendum est quod in se contradictionem non implicat vel defectum. Sed quod aliqua creatura habeat potentiam creandi hoc nullam contradictionem implicat, ut videtur ; neque ir. aliquem defectum sonat, immo magis in perfectionem divinam, quia *perfectum esi quod potest alterum facere quale ipsum est* », ut dicitur in IV *Meteor.* [§3. 380a, 14-5), et sic non ponit imperfectionem in Deo quod ipse Creator alios creatores constituat. Ergo hoc potenti» ejus subtrahendum non est.

3. **Præterea.** Forma est nobilior quam materia. Sed aliquibus creaturis collatum est ut possint producere formas. Ergo et potuit creatur» conferri ut possit producere materiam ; et hoc est creare. Ergo potentia creandi creatur» communicari potuit.

4. **Præterea.** Quanto est major resistentia tanto est major dillicultas in actione. Sed contrarium magis resistit actioni quam non ens, quod non potest agere. Si ergo creatur» collatum est ut possit aliquid ex contrario facere, multo fortius potuit ei conferri ut possit aliquid ex non ente facere : quod est creare.

**40. — SED CONTRA.** Creatur» non potest conferri quod habeat potentiam infinitam, cum sit essenti» finit». Sed creatio est opus potenti» infmit» : quod patet per distantiam infinitam quæ est inter ens et non ens. Ergo potentia creandi creatur» communicari non potuit.

**41. — Præterea.** Creatori debetur latria. Sed hoc non potest creatur» communicari ut ei latria debeatur, sicut nec quod sit

Deus. Ergo creaturæ non potest communicari potentia creandi.

**42. — Præterea.** Nihil agit nisi secundum quod est actu. Sed creaturæ non potest communicari quod sit actus purus. Ergo non potest sibi communicari quod agat se tota ; ergo neque quod agat totum quod est in re : quod est creare.

**43. — RESPONSIO.** Dicendum **AD PRIMAM QUÆSTIONEM** quod *dupliciter* dicitur aliquid non posse communicari alicui creaturæ : *aut* quia nulli creaturæ communicari potest, *aut* quia alicui potest communicari sed non isti.

Quidquid enim communicatum alicui traheret ipsum extra terminos suæ speciei, non potest sibi communicari : sicut equo non potest communicari quod habeat rationem, quamvis hoc communicatum sit homini. Quod autem communicatum alicui trahit ipsum extra terminos creaturæ non potest alicui creaturæ communicari. Potestas ergo auctoritatis communicata alicui traheret ipsum extra terminos creaturæ ; quia non potest esse quod creatura sit agens principale respectu nobilissimi effectus quo ultimo fini conjungimur, cujusmodi est gratia per quam fit remissio peccatorum.

Et ideo **Omnes dicunt quod potestas auctoritatis nulli creaturæ communicari potuit.**

**44. — Sed de potentia cooperationis est duplex opinio.**

Magister enim videtur in *Littera* (3) dicere quod potentia cooperationis ad emundationem interiorem possit alicui creaturæ conferri, quamvis non sit collata : quod non potest intelligi de cooperatione quæ fit per modum dispositionis, quia hæc collata est ministris Ecclesiæ, ut dictum est.

**45. — Alii dicunt contrarium quod conferri non potuit.**

**Utraque autem opinio aliquo modo sustineri potest.**

*Cooperatur enim aliquid Deo instrumentaliter duobus modis.*

*Uno modo* ita quod per virtutem aliquam habentem esse absolutum et completum in natura operetur ad effectum aliquem producendum non solum secundarium, sed principalem, sicut ignis cooperatur Deo in generatione ignis alterius.

**46. — Et hoc modo accipiendo cooperationem, non poterat conferri homini ut Deo cooperetur in interiori mundatione quæ fit per gratiam ;** quia gratia elevat hominem ad vitam quandam quæ est supra conditionem omnis naturæ creatæ. Est enim esse gratiæ supra esse naturale et hominis et Angeli quæ sunt supremæ creaturæ. Et ideo agens quod propria virtute sibi animam assimilât per gratiam, oportet quod sit supra omnem virtutem creatam. Et sic talis cooperatio excedet terminos creaturæ.

1. ἀβυδῆς « quia », sed ηζ corrigunt. — 2. Ed. ad. « antem ».

47. — *Alio modo* aliquid cooperatur Deo non per virtutem quæ habeat esse perfectum in natura, neque ad ultimum principalem effectum directe pertingendo, sicut de sacramentis in l d l (140-142) dictum est. Et hoc modo cooperari Deo in interiori emundatione, ut *Quidam* dicunt, *disponendo*, potuit homini conferri sine sacramentis, sicut sacramenta præbendo facit. **Et hoc modo cooperari pertinet ad potestatem excellentiæ in Christo**, ut dictum est.

48. — **AD PRIMUM** ergo dicendum quod hoc intelligitur *de potestate excellentiæ* quam Christus habuit etiam secundum quod homo : quæ includit potestatem cooperationis *secunde modo* dicta?, non autem de potestate cooperationis primo modo dictæ.

49. — **Ad secundum** dicendum quod auctoritas ibi accipitur non respectu emundationis, sed respectu institutionis sacramentorum. eis efficaciam præbendo per meritum baptizantis, quod ad potestatem excellentiæ? pertinet ; et hoc potuit eis conferri.

50. — **Vel dicendum** quod loquitur non de auctoritate prima sed de *subauctoritate*! quod patet ex eo quod sequitur in GLOSSA : « *Ita scilicet quod ipse principalis auctor existeret.* »

51. — **Ad tertium** dicendum quod hominibus datur potestas expellendi dæmones quantum ad effectum nocenti corporalis quem in vexatis faciunt non autem quantum ad effectum spiritualis nocenti quod est peccatum, quia hoc solius Dei est peccatum? expellere et a servitute dæmonis liberare. JOAN. VIN, 36 : « *Si Filius vos liberavit, vere liberi eritis* ».

52. — **AD SECUNDAM QUÆSTIONEM** dicendum quod *potestatem excellentiæ Deus homini puro conferre potuit, sed tamen non fuit decens*, ne spes in homine poneretur, et ut Ecclesiæ unum caput esse ostenderetur, a quo omnia membra spiritualem sensum et motum reciperent.

53. — **AD PRIMUM** ergo dicendum quod hoc intelligitur de illis quæ sunt necessaria ad perfectionem hominis *vel* quantum ad esse naturæ *vel* quantum ad esse gratiæ.

Non enim oportet quod Deus homini dederit omnem gratiam gratis datam quam dare potest, quia « *divisiones gratiarum, sunt* », et dat unicuique sicut vult, I Cor., xn, 4, 11.

54. — **Ad secundum** dicendum quod ad hoc quod homo purus cooperaretur Deo in interiori emundatione modo prædicto non oportet quod haberet efficaciam infinitam in merendo, quamvis Christus quodammodo habuerit infinitatem ; quia non

d. Ed. om. « in l d. » — 2. Ed. om. per *homot*, « quia hoc solius Dei est peccatum ».  
— 3. Ed. om. « Filius ».

cooperaretur respectu omnium, nec ita plene sicut Christus.

**55. — Ad tertium** dicendum quod gratia capitis in Christo distinguitur a gratia unionis, quamvis ex ipsa unione per quamdam condecensiam plenitudo omnis gratiæ et capitis et singularis personæ in illa anima fuerit.

Nec tamen sequitur quod si alicui quantum ad aliquid potestas excellentiæ conferretur, puta quod in nomine ejus baptismus daretur vel quod meritum ejus aliquo modo operaretur ad effectum baptismi in illo baptizato, quod esset simpliciter caput.

**56. — AD TERTIAM QUÆSTIONEM** dicendum quod communis opinio habet, quod creatio non potest alicui creaturæ communicari; quia est opus infinitæ potentiæ, propter distantiam infinitam quæ est inter simpliciter ens et simpliciter non ens, inter quæ est mutatio creationis. Potentia autem infinita non potest esse in essentia finita.

**57. —** Unde ex hoc ipso quod ponitur potentia infinita alicui communicari, ponitur consequenter quod illud habeat essentiam infinitam et per hoc habeat esse non receptum, sed purum et simplex. Et sic ponitur extra terminos creaturæ. **Et ideo nulli creaturæ secundum communem opinionem communicari potest talis potentia.**

**58. — AD PRIMUM** ergo dicendum quod illi philosophi qui hoc posuerunt, non intellexerunt plene rationem creationis<sup>2</sup> et quomodo requirit potentiam infinitam<sup>3</sup> agentem. Et ideo non intellexerunt impossibilitatem suæ positionis.

**59. — Ad secundum** dicendum quod *hoc etiam implicat contradictionem*, inquantum ponitur creaturam habere essentiam infinitam, et per consequens non esse creaturam; *et sonat in defectum divinæ majestatis*, cui ponitur aliquid in essentiæ infinitate posse æquari. Non enim oportet ut quod est perfectionis apud nos, scilicet posse facere aliquid æquale sibi, sit perfectionis apud Deum ut scilicet possit facere aliquid æquale sibi.

**60. — Ad tertium** dicendum quod nullum agens creatum facit formam, quia formæ non fiunt ut probatur in VII *Meta* [ç 8. 1033b, 5-6; l. 7, n. 1421] sed educuntur de potentia materiæ. Sed materia non potest educi de potentia alterius. Et ideo non est simile de forma et materia.

**61. — Ad quartum** dicendum quod *contrarium ex quo fit generatio, non impedit actionem agentis nisi dupliciter.*

*Uno modo, debilitando virtutem agentis, quod etiam non est*

1. Ed. om. « quod ». — 2. Ed. « creatoris ». — 3. Ed. om. « infinitam ». — 4. Ed. « etiam ».

universaliter verum, sed in hos tantum in quibus est mutua actio et passio, unde hoc accidit.

62. — *Alio modo, per se loquendo, elongando potentiam passivam patientis per indispositionem a receptione effectus agentis ; et hoc est in omnibus.*

63. — Constat autem quod nulla indispositio potest potentiam passivam tantum elongare ab effectu agentis percipiendo, quantum subtractio totaliter ipsius potentiae. Et ideo multo majoris virtutis est facere aliquid ex nihilo quam ex contrario, *simpliciter* loquendo, quamvis *secundum quid* hoc habeat aliquam difficultatem quæ non est in illo.

64. — Quia tamen *Magister* in *Littera* (3) dicit quod potest creaturæ communicari ministerium creationis et non auctoritas, si quis vellet eum in hoc sustinere, posset dicere quod tunc proprie aliquid creatur quando fit ex nullo præexistente. Unde patet quod creatio de sui ratione excludit præsuppositionem alicujus præexistentis. Hoc autem contingit *duplíciter*.

65. — *Uno modo* ita quod excludat omne præexistens et ex parte agentis et ex parte facti, ut scilicet creatio dicatur quando nec agens agit virtute alicujus agentis prioris, nec factum sit ex aliqua præexistente materia ; et hæc est *potentia auctoritatis in creando*, et est infinita. *Et ideo nulli creaturæ communicari potest.*

66. — *Alio modo* ita quod excludat præexistens ex parte facti, sed non ex parte agentis, ut scilicet dicatur creatio, licet minus proprie, quando aliquid agens virtute alicujus prioris agentis non ex præsupposita materia aliquem effectum producit, et sic erit *creationis ministerium*. Et ita aliqui philosophi posuerunt aliquas creaturas creare<sup>3</sup>. Et sic *Magister* dicit quod potuit communicari potentia creandi, non est autem alicui communicata.

67. — Secundum hoc ergo **ad quintum** dicendum esset secundum *Magistrum*, quod distantia inter ens et non ens requirit absolute infinitatem potentiae in eo qui facit aliquid ex simpliciter non ente. Quod enim in motibus virtus moventis proportionetur distantiae quæ est inter terminos, ideo contingit, quia ab illa distantia motus accipit quantitatem. « *Quanta enim est via, tantus est motus* », ut dicitur in *IV Phys.* (§ 11. 219a, 9 sq. ; I. 17, n. 6). Motus autem est proprius effectus virtutis moventis, in quantum hujusmodi, ei proportionatus.

68. — *Sed in creatione non sic est ;* quia non ens purum non est per se terminus creationis, sed per accidens se habet ad ipsam ; dicitur enim aliquid fieri ex non ente, idest post non ens. Unde

1. Ed. *ad « in »*. — 2. Ed. « aliquid ». — 3. *αβγ « creari »*, contra *·η ed.*

creatio non habet quantitatem ex distantia non entis ad ens, sed ab ente quod creatur. Et ideo non oportet quod potentia creantis proportionetur distantiae quæ est inter ens et non ens, sed solum ei quod creatur, quod non est infinitum. Et ideo non requiritur potentia infinita simpliciter, sed infinita secundum quid ut scilicet commensurata alicui materiae determinatas, sicut sunt omnia agentia naturalia et materialia. Ignis enim non habet effectum nisi in aliqua materia determinata, quia virtus ejus materialis est. Ideo etiam Philosophi non posuerunt creationem secundo modo, nisi in substantiis incorporeis et immaterialibus.

**69. — Vel dicendum** quod non est distantia infinita inter ens et non ens ex parte ipsius entis nisi ens sit infinitum ; quia tantum distat aliquid ab uno oppositorum, quantum participat de altero. Unde non distat in infinitum a non esse nisi quod esse infinitum habet, scilicet Deus, cui quanto reliqua entia sunt proximiora, tanto magis a non esse distant, sicut Augustinus dicit in lib. *Confession*, (xii, c. 7 ; L. 32, 828) quod « *Angelus factus est prope Deum, materia prope nihil.* »

**70. — Sed verum est quod dicta distantia est quodammodo infinita ex parte non entis simpliciter**, eo quod neque determinatam distantiam ab aliquo ente signato transcendit, quia nihil potest magis distare ab ente quam non ens. Contingit enim aliquam distantiam esse infinitam ex una parte et finitam ex altera, sicut quodcumque fit comparatio finiti ad infinitum. Nisi enim esset aliquo modo talis distantia finita, non distaret minus una creatura a Deo quam altera ; et nisi esset aliquo modo infinita, posset intelligi aliquid magis distans a creatura quacumque quam Deus. *Creatio autem non respicit hanc distantiam ex parte non entis, sed magis ex parte entis, quod est creationis terminus.*

**71. — Ad sextum dicendum** quod latria debetur Creatori in quantum ipse est primum agens, cujus virtute omnia alia agunt, et ipse non agit virtute alterius ; et hoc non potest alicui creaturæ communicari.

**72. — Ad septimum dicendum** quod quamvis nulla creatura sit in qua non sit aliquid de potentia, ad minus secundum quod ejus natura se habet ad esse quod recipit a Deo sicut potentia ad actum ; tamen aliqua creatura est in qua nihil de potentia remanet quæ non sit completa per actum, sicut est Angelus. *Et ideo talis creatura se sola potest agere*, quamvis primum principium suæ actionis sit aliquid aliud ab ipsa, scilicet Deus qui est primum agens.

QUÆSTIO II

Deinde quæritur qui possint baptizare.

Et circa hoc quaeruntur tria.

*Primo*, utrum possint baptizare tam ordinati quam non ordinati.

*Secundo*, utrum possint baptizare tam boni quam mali.

*Tertio*, utrum possint baptizare tam homines quam Angeli.

ARTICULUS I

[I]

[*Infra*, d. 17, q. 3, a. 3, sol. 2, ad 3; d. 20, a. 1, sol. 2, ad 3; d. 23, q. 2, a. 1, sol. 1; I-II, q. 100, a. 2, ad 1; III, q. 67, a. 3.]

**73. — AD PRIMUM SIC PROCEEDITUR.** Videtur quod NULLUS POSSIT BAPTIZARE NISI HABEAT ORDINEM.

1. Actum enim hierarchicum nullus potest exercere nisi sit hierarchiæ particeps. Sed illi qui non habent ordinem, non sunt participes hierarchiæ, quia non habent aliquem sacrum principatum. Ergo cum baptizare sit actus hierarchicus, quia *baptismus est purgatio et illuminatio*, ut dicit Dionysius in *Eccl. Hier.* (c. 5, n. 3; G. 3, 503), videtur quod nullus possit baptizare nisi habeat ordinem.

2. **Praeterea.** *Sicut* baptismus est sacramentum necessitatis, ita et poenitentia. Sed nullus potest absolvere sacramentaliter in poenitentia nisi habeat ordinem. Ergo et similiter nullus non ordinatus potest baptizare.

**74. — SED CONTRA** est quod Isidorus dicit (lib. II de *Offic.*, c. 25, n. 9; L. 83, 822) quod « *cum ultima necessitas cogit, etiam laicis fidelibus permittitur baptizare* ». Sed laici non habent ordinem. Ergo etc.

[II]

[III, q. 67, a. 1.]

**75. — ULTERIUS.** Videtur quod baptizare sit proprium ordinis diaconi.

1. Quia, secundum Dionysium, diaconi habent vim purgativam. Sed baptismus principaliter ad purgandum est institutus. Ergo diaconis competit baptizare ex proprio officio.

1. Ed. « illis ». — 2. F. « institus ».

2. **Præterea.** Marc., ult., 15, simul injungitur officium baptizandi cum prædicatione Evangelii. Sed prædicatio Evangelii pertinet ad diaconos ex proprio officio. Ergo et baptizare.

76. — **SED CONTRA** est quod Isidorus dicit (ubi supra, quod « *baptismi ministerium nec ipsis diaconibus implere est licitum* »).

## [III]

[III, q. 67, a. 5.]

77. — **ULTERIUS.** Videtur quod non baptizati baptizare NON POSSINT.

1. Minus enim est sacramentum recipere quam sacramentum conferre. Sed non baptizati non possunt sacramentum aliquod recipere ; quia, secundum Dionysium [*de Eccles. Hier.*, c. 2, p. 1 ; G. 3, 391) « *non sunt ad spirituales et hierarchicas actiones idonei* ». Ergo nec sacramentum baptismi conferre possunt.

2. **Præterea.** Si non baptizatus posset baptizare, et ipse baptismo indigeret, posset seipsum baptizare. Sed hoc est impossibile ; tum quia « *nulla res, secundum Augustinum, seipsam gignit ut sit* », baptismus autem regeneratio quædam est ; tum quia non posset servari forma Ecclesiæ. Ergo non baptizatus baptizare non potest.

78. — **SED CONTRA** est quod in *Littera* (1) dicitur, quod « *Romanus Pontifex non hominem judicat qui baptizat, sed spiritum Dei, quamvis paganus sit qui baptizet* ». Sed paganus non est baptizatus. Ergo non baptizatus potest baptizare.

79. — **RESPONSIO.** Dicendum **AD PRIMAM QUÆSTIONEM** quod *baptismus inter alia sacramenta est maximæ necessitatis, tum* quia pueris non potest aliter subveniri ; tum quia etiam nec adultis quantum ad remissionem totius pœnæ. Et ideo ea quæ ad necessitatem sacramenti requiruntur, debuerunt esse communissima et ex parte materiæ, scilicet aquæ quæ ubique haberi potest, et ex parte ministri, ut quilibet homo baptizare possit.

80. — *Et sic sanctificatio materiæ et benedictio præcedens baptismum non est de necessitate sacramenti, sed de solemnitate, quam non licet prætermittere propter Ecclesiæ institutionem.*

81. — **Ita etiam ordinatio ministri non est de necessitate sacramenti, sed de solemnitate.** Et peccat si aliquis non ordinatus baptizet, nisi necessitate imminente, tamen sacramentum confert.

82. — **AD PRIMUM** ergo dicendum quod homini non competit actus hierarchicus ex natura sua, sed ex divina institutione et sanctificatione ; et quamvis simpliciter gradum hierarchicum

1. Ed. « baptizat »

non contuleritl omni homini, tamen actum istum hierarchicum omnibus hominibus contulit propter necessitatem, sicut omnibus aquis vim regenerativam dedit.

**83.** — **Ad secundum** dicendum quod non est simile de penitentiae sacramento et baptismo ; quia aliquis sine absolutione sacramenti penitentiae potest salvari in necessitate, nec iterum absolutio sacerdotalis a tota poma absolvit ; sed in pueris non est aliquid aliud per quod possint salvari, nec quo adulti possint a tota pcena liberari. *Et ideo est majoris necessitatis quam poenitentia.*

**84.** — **AD SECUNDAM QUÆSTIONEM** dicendum quod in potentiis ordinatis ita est quod quiddam potest potentia inferior, potest superior ; sed non convertitur. Unde cum potestas sacerdotalis ordinis sit supra potestatem diaconi, sacerdos habet vim purgativam cum illuminativa ; sed diaconus habet purgativam tantum sine illuminativa.

**85.** — Et quia in omnibus sacramentis novæ legis est illuminatio gratiæ cum purgatione, **ideo non est diaconus proprius minister baptismi nec alicujus sacramenti sed aliquorum sacramentalium**, sicut exorcismi et expulsionis immundorum a divinis, ut cum dicit : « *Si quis Judæus est, abscedat* » ; et eruditionis eorum qui ignorant qualiter se habere debeant ad divina, ut cum dicit : « *Flectamus genua* », vel « *Humiliate vos ad benedictionem* », vel aliud hujusmodi.

**86.** — **AD PRIMUM** ergo dicendum quod baptismus non habet tantum purgare, sed illuminare, ut dicit Dionysius (*de Eccles. Hier.*, c. 5, p. 1, n. 3; G. 3, 502). Et ideo non competit diacono, sed sacerdoti.

**87.** — **Ad secundum** dicendum quod *ad\* diaconum* pertinet prædicare Evangelium et in Ecclesia recitare, quod est quasi loqui linguis ; sed *ad presbyterum* pertinet interpretari et exhortari, quod est quasi prophetare

**88.** — **AD TERTIAM QUÆSTIONEM** dicendum quod *sicut* aqua absque omni sanctificatione est materia baptismi, *ita* etiam homo absque omni sacramentali sanctificatione est baptismi minister quantum ad necessitatem sacramenti. **Unde non baptizatus potest baptizare, dummodo servet formam Ecclesiæ et habeat intentionem baptizandi.**

**89.** — **AD PRIMUM** ergo dicendum quod receptio aliorum sacramentorum non est tantæ necessitatis quantæ collatio istius.

1. Ed« « contulit », — 2. Ed. » et ». — 3. F. « a ».

& Et ideo aliquis potest conferre hoc sacramentum qui alia non posset percipere.

90. — **Ad secundum** dicendum quod quamvis posset aliquis non baptizatus baptizare alium, non tamen potest seipsum baptizare rationibus prædictis in objectione.

Sed quod Innocentius tertius in decretali quadam (*extra de baplis. ei ejus effectu*, cap. « Debitum »), dicit quodl : « *Judæus qui se ipsum in aquam immersit, dicens : Ego baptizo me in nomine Patris etc. si decessisset, ad patriam evolasset* », intelligendum est propter vim contritionis et devotionis, ex cujus magnitudine hoc procedere videbatur, ut inter Judæos existens, quasi periculo mortis se offerret.

## ARTICULUS II

### [I]

[*Infra*, d. 7, q. 3, a. 1, sol. 1, ad 2; III, q. 64, a. 5; a. 9; *IV Cgt.* c. 77; *ad Heb.* c. 7, l. 2.]

91. — **AD SECUNDUM SIC PROCEDITUR.** Videtur quod MALI SACRAMENTUM BAPTISMI CONFERRE NON POSSINT.

1. *Sicut* enim ad baptismum requiritur materia et forma, *ita et* minister. Sed si sit materia indebita vel forma, non erit baptismus. Ergo et similiter si sit minister indebitus. Sed mali non sunt debiti ministri; quia, sicut Augustinus dicit (*in Joan.*, tract. 5, η. 15; L. 35 1422) « *justos oportet esse per quos baptizatur* ». Ergo mali sacramentum conferre non possunt.

2. **Praeterea.** Membrum aridum non participat aliquam actionem corporis. Sed baptizare est aliqua actio corporis mystici. Cum ergo mali sint quasi membrum aridum, carentes pinguedine caritatis et gratiæ, videtur quod baptismum conferre non possint.

92. — **SED CONTRA** sunt plures auctoritates? in *Littera* (1).

### [II]

[Cf. qlam I.]

93. — **ULTERIUS.** Adetur QUOD PER EOS NON CONFERTUR RES SACRAMENTI.

1. *Eccli.*, xxxiv, 4 : « *Ab immundo quis mundabitur?* » Sed peccator omnis est immundus. Ergo ab eo nullus potest mundari. Cum ergo mundatio sit res sacramenti baptismi, videtur quod per malos res sacramenti non conferatur.

2. **Praeterea.** Sacerdotes sunt medii inter Deum et plebem,

1. Ed. *om.* « quod ». — 2. Ed. « rationes ».

divina in sacris praebentes populo etl per doctrinam, et ea quæ sunt populi repraesentantes Deo per orationem. Sed orationes malorum sacerdotum non prosunt plebi ; quia, secundum Gregorium in *Pastorali* (p. 1, c. 10 ; L. 77, 23), « *cum is qui displicet ad intercedendum mittitur, irati animus ad deteriora provocatur.* » Ergo nec sacramenta per malos ministros data prosunt ad effectum salutis.

**94. — SED CONTRA** est quod in *Littera (1)* dicitur : « *Cum baptizat malus, illud quod datum est, unum est, nec impar propter impares ministros.* ». Sed boni baptizando conferunt sacramentum et rem sacramenti. Ergo et mali.

## [III]

**95. • ULTERIUS.** VIDETUR QUOD PER MELIOREM MINISTRUM BAPTISMUS DATUS MAJOREM EFFECTUM HABEAT.

1. Multiplicata enim causa multiplicatur effectus. Sed baptismus ex opere operato gratiam confert. Similiter etiam patet quod sancti homines ex opere operante primam gratiam alicui merentur. Ergo si opus operans baptizantis adjungatur cum efficacia baptismi, major gratia dabitur.

2. **Præterea.** Baptismus magis est ordinatus ad spiritualem salutem quam ad corporalem. Sed aliquis baptizatus a sancto homine, meritis et intercessione baptizantis quandoque salutem corporalem consequitur : quod non est ex opere operato, quia baptismus ad hoc efficaciam non habet : sicut patet de Constantino quem Silvester baptizavit. Ergo etiam quantum ad spiritualem salutem baptismus a bono ministratus potest ampliorem effectum spiritualis salutis habere.

**96. — SED CONTRA** est quod in *Littera (1)* dicitur : « *Non est melior baptismus qui per meliorem ministrum datur, sed per ministros dispares Dei munus est æquale.* »

## [IV]

[*Infra*, d. 24, q. 1, a. 3, sol. 5 : III, q. 64, a. 6.]

**97. — ULTERIUS.** VIDETUR QUOD MALUS MINISTER PECCAT BAPTIZANS.

1. Quia, sicut Augustinus in *Littera (1)* dicit, « *justos oportet esse per quos baptizatur.* ». Si ergo non sint justus cum baptizent, faciunt quod non oportet. Ergo peccant.

2. **Præterea.** Eucharistiæ sacramentum non est majoris efficaciam quam baptismi. Sed peccat sacerdos indigne accedens ad

1. Ed. om. « et ».

illud sacramentum, ut patet *I Cor.*, xi, 27. Ergo et peccat, si sit malus, baptizando.

**98. — 3. SED CONTRA.** Ex officio habet quod baptizet. Ergo exequendo suum ministerium non peccat.

**99. — 4. Præterea.** Ipse tenetur baptizare. Ergo si baptizando peccat, esset perplexus : quod non potest esse.

[vi

**100. — ULTERIUS.** Videtur QUOD RECIPIENS IN SE VEL IN ALIO SACRAMENTUM A MALO SACERDOTE, PECCAT.

1. Quia consentiens peccanti ipse peccat. Sed sacerdos in aliquo casu peccat indigne baptizans. Ergo et ab eo baptismum accipiens vel exigens.

**2. Præterea.** Esto quod sacerdos non velit baptizare sine pretio, constat quod si datur ei pretium, simonia committitur : quod sine peccato fieri non potest. Ergo in aliquo casu peccat accipiens sacramentum baptismi a malo ministro.

**101. — SED CONTRA** est quod Augustinus in *Littera (1)* dicit : « *Nec timeo adulterum nec homicidam* ». Esset autem timendus, si ab eo accipiens sacramentum peccaret. Ergo nec peccat ab eo accipiens sacramentum.

**102. — RESPONSIO.** Dicendum **AD PRIMAM QUÆSTIONEM** quod in sacramentis est *aliquid* quod est de substantia sacramenti, et *aliquid* quod est de convenientia sacramenti et solemnitate.

Si ergo subtrahatur<sup>1</sup> aliquid quod est de substantia sacramenti, non erit verum sacramentum ; si autem subtrahatur<sup>2</sup> aliquid eorum quæ requiruntur ad solemnitatem vel convenientiam sacramenti, propter hoc non desinit esse sacramentum.

**103. —** Unde cum bonitas ministri non sit de substantia sacramenti, quia<sup>3</sup> omnino ignorata est, ea autem quæ sunt de substantia sacramenti oportet esse certa ; **patet quod subtracta bonitate ministri adhuc est sacramentum**, dummodo alia quæ sunt de substantia sacramenti observentur.

**104. — AD PRIMUM** ergo dicendum quod debitum dicitur *duplíciter*.

*Uno modo*, debito<sup>4</sup> necessitatis, et sic est debitus minister baptismi quilibet homo.

**105. — Alio modo**, debito convenientiæ vel<sup>5</sup> congruitatis. Et sic oportet ministrum esse bonum, sicut oportet aquam in qua fit baptismus esse mundam ob reverentiam sacramenti. Tamen

1. Ed. « subtraheretur ». — 2. Ed. « subtraheretur ». — 3. P. « quia non omnino certa est ; sed quandoque ignorata ». — 4. Ed. « debitum ». — 5. Ed. « et ».

si sit immunda, nihilominus fit in ea baptismus ; et similiter si sit minister malus, nihilominus confert baptismum.

**106.** — **Ad secundum** dicendum quod *duplex esi actio corporis*.

*Una est intranea*, sicut sentire, vivere et hujusmodi ; et tali actione non participat membrum aridum ; et similiter nec homo malus actione virtutum quæ huic proportionatur.

**107.** — *Alia est actio ad extra*. **Et** talis actio, bene potest fieri per membrum aridum : sicut percutere quod etiam omnino re inanimata fit, ut baculo ; et huic proportionaliter respondet ministratio sacramentorum.

**108.** — **AD SECUNDAM QUÆSTIONEM** dicendum quod *duplex* est agens : *unum* principale et *aliud* instrumentale.

*Agens autem principale*, cum agat sibi simile, oportet quod habeat formam quam inducit per suam actionem in agentibus univocis vel aliquam ignobiliorem in agentibus non univocis.

*Sed agens instrumentale* non oportet quod habeat formam quam inducit ut disponentem ipsum, sed solum per modum intentionis, sicut de forma scamni in serra patet, ut l d.4 (141), dictum est.

**109.** — *Agens autem principale in baptizando est ipse Deus per auctoritatem*, et ipse Christus secundum quod homo, cujus meritum operatur in baptismo ; et ex plenitudine divinæ bonitatis et gratiæ Christi pervenit gratia ad baptizatum.

*Sed baptizans est tantum agens instrumentale ; unde non refert ad rem sacramenti percipiendam, utrum ipse gratiam habeat, an non.*

**110.** — **AD PRIMUM** ergo dicendum quod actio non attribuitur instrumento secundum Philosophum (*De generat, animal., β 1. 734*», 28), proprie, sed principali agenti. Unde proprie et per se loquendo iste malus minister non est qui mundat, sed Christus, de quo dictum est, Jo an., i, 33 : « *Hic est qui baptizat.* »

**111.** — **Ad secundum** dicendum quod in oratione orans est sicut principale agens, non solum sicut instrumentale. **Et ideo requiritur ad efficaciam orationis quod ex opere operante effectum sortiatur, non solum ex opere operato, sicut esi in sacramentis**, Et ideo malorum orationes infructuosæ sunt, quantum ex eis est ; sed possunt esse fructuosæ aliis pro quibus oratur, propter eorum devotionem, vel in quantum orant in persona Ecclesiæ.

**112.** — **AD TERTIAM QUÆSTIONEM** dicendum quod aliquid dicitur effectus alicujus per se et per accidens.

1. Ed. « talem actionem », contra  $\alpha\beta\gamma\zeta\eta$ . — 2. Ed. « actionem ». — 3. Ed. « nobiliorem ». — 4. Ed. om. « Id. » — 5. Ed. « vel. »

*Per se quidem* effectus alicujus est quod per ipsum ad hoc ordinatum producitur, sicut domus ædificatoris.

*Per accidens* quod conjungitur ei quod est effectus per se, sicut si inhabitatio domus dicatur effectus ædificatoris.

**113. — Sic ergo dico quod effectus per se baptismi æqualis est a quocumque detur, vel a malo vel a bono,** ceteris paribus ex parte baptizati. Sed cum effectu baptismi potest aliquid aliud baptizato conferri, sive pertineat ad salutem corporis sive animæ, ex merito baptizantis<sup>2</sup>. *Ei hoc non esi proprie effectus baptismi,* quia baptismus non est causa nisi instrumentalis, et non est instrumentum agens in virtute ministri qui et ipse instrumentum est, sine<sup>3</sup> virtute Christi et Dei.

Et per hoc patet solutio ad objecta.

**114. — AD QUARTAM QUÆSTIONEM** dicendum quod *quicumque in peccato mortali existens, exhibet se ministrum Ecclesiæ in quocumque spirituali, peccat,* secundum Quorundam opinionem satis probabilem et quæ per auctoritatem Dionysii, confirmatur, ut infra (d. 24, q. 1, a. 3, sol. 1) melius ostendetur. **Et ideo sacerdos baptizans cum solemnitate, quasi ministrum Ecclesiæ se exhibens, peccat mortaliter ;** si autem simpliciter baptizet *in articulo necessitatis,* non quasi minister Ecclesiæ, sed sicut vetula baptizare posset, *non peccat.*

**115. — AD PRIMUM** ergo dicendum quod auctoritas Augustini non multum cogit, quia loquitur de opportunitate congruentiæ ; et præterea loquitur de illis qui baptizant ut ministri Ecclesiæ ; unde subdit : « *Justos oportet esse tanti judicis ministros* ».

**116. — Ad secundum** dicendum quod secus est de eucharistia, quia illud sacramentum nunquam nisi a ministris Ecclesiæ perfici potest. Et ideo semper aliquis celebrans illud sacramentum, ministrum Ecclesiæ se exhibet.

**117. — Ad tertium** dicendum quod quamvis ex officio competat sibi quod baptizet, tamen officium suum debet juste exercere, sicut dicitur *Deut. xvi, 20* : « *Juste quod justum est exequeris.* »

**118. — Ad quartum** dicendum quod ipse non est perplexus, quia potest conteri de peccato, et tunc baptizare et conficere.

**119. — AD QUINTAM QUÆSTIONEM** dicendum quod *malus minister aut* est præcisus ab Ecclesia *aut* non.

*Si sit præcisus ab Ecclesia, tunc peccat ab eo accipiens\* sacra-*

1. Ed. «habitatio». — 2. Ed. \*. baptismi ». — 3. Ed. « sed in ». — 4. Ed « recipiens ».

*mentum*, nisi in necessitate in qua posset etiam a Pagano vel Judæo suscipere.

**120.** — **SĪ** autem non sit *præcisus ab Ecclesia*, non peccat ab eo accipiens sacramentum, nisi per accidens, scilicet si ejus peccato communicet.

**121.** — **AD PRIMUM** ergo dicendum quod dato quod malus sacerdos peccet baptizando, non tamen oportet quod ille qui ab eo baptismum recipit vel exigit, etiam excepto casu necessitatis, peccet propter *duas* rationes.

*Primo* quia isti non potest esse certum quod ille sit in peccato mortali, cum in uno instanti Spiritus operetur justificationem impii.

*Secundo*, quia iste petit quod justum est quia a suo sacerdote debet sacramenta percipere. Nec propter hoc cogit vel inducit eum ad peccandum, quia ille potest reddere quod debet non peccando.

**122.** — **Ad secundum** dicendum quod *aut* ille qui est *baptizandus est adultus, aut non*.

*Si est adultus, sufficit ei petere baptismum ad salutem*, quia baptizatur baptismo flaminis; nec debet propter hoc simoniam committere.

**123.** — *Si autem sit puer* qui est baptizandus, *tunc potius debet ipsemel puerum baptizare*, quam pretium sacerdoti pro baptismo simoniace dare

**124.** — Et tamen licitum est ei aquam emere, si alias habere non posset, quia aqua non est sacrum quid; et si sit sanctificata, non operatur ad baptismum de necessitate ejus existens quasi sanctificata, sed quasi aqua; et ideo non emit aquam sanctificatam, sed aquam tantum.

**125.** — *Quidam vero dicunt quod potest pretium dare*; quia hoc non est simoniam committere, sed redimere vexationem suam.

**Sed primum melius videtur.**

### ARTICULUS III

[I]

[III, q. 64, a. 1.]

**126.** — **AD TERTIUM SIC PROCEDITUR.** Videtur quod DEMON IN FIGURA HOMINIS APPARENS POSSIT BAPTIZARE.

1. Dicit enim Augustinus super *Joan*, (tract. 5, η. 6; L. 35, 1417), quod « *talis est baptismus qualis ille in cuius potestate datur* ». Si ergo diabolus baptizet invocando potestatem Trinitatis, bonus est baptismus.

2. **Præterea.** In baptizante non requiritur assimilatio ad Deum per gratiam, quia etiam mali possunt baptizare; nec etiam assimilatio per characterem, quia etiam pagani baptizare possunt. Ergo sufficit assimilatio per naturam. Sed hoc est in dæmonibus. Ergo possunt baptizare.

127. — **SED CONTRA.** Ministri baptismi ad Christum est aliqua conventio. Sed nulla est conventio Christi ad diabolum, ut patet *II Cor.*, vi, 15. Ergo diabolus non potest conferre sacramentum baptismi.

## [II]

128. — **ULTERIUS.** VIDETUR QUOD BONUS ANGELUS IN FIGURA HOMINIS APPARENS, BAPTIZARE POSSIT.

1. *Baptismus* enim est actio hierarchica, quia est « *illuminatio et purgatio* », secundum Dionysium in *Eccl. Hier.*, cap. 5 (p. 1, n. 3; G. 3, 503). Sed Angeli exercent in nos hierarchicas actiones, quia purgant nos, perficiunt et illuminant. Ergo possunt baptizare.

2. **Præterea.** In actionibus hierarchicis ita est quod quamcumque actionem potest facere inferior, potest facere superior; sicut quidquid potest diaconus, potest sacerdos. Sed, secundum Dionysium, 12 cap. *Cæl. Hier.* (η. 1; G. 3, 292), quilibet Angelus est major summo sacerdote apud nos, qui ex eorum potestatis participatione Angelus dicitur, *Malach.* n. 7. Si ergo sacerdos homo potest baptizare, multo fortius Angelus.

129. — **SED CONTRA.** Baptismus est actio militantis Ecclesiae. Sed Angeli non sunt neque actu neque potentia de Ecclesia militante. Ergo baptizare non possunt.

130. — **RESPONSIO.** Dicendum **AD PRIMAM QUÆSTIONEM** quod *diabolus* in *figura sacerdotis apparens potest immergere, sed non sacramentum conferre*, propter duas rationes.

*Primo*, quia dispensatio sacramentorum non est concessa nisi hominibus qui conveniunt cum Verbo incarnato, a quo sacramenta fluxerunt in natura assumpta; et etiam cum sacramentis in quibus est spiritualis virtus in corporeis elementis, sicut et homines ex natura spirituali et corporali compositi sunt.

131. — *Secundo*, quia si baptizare se fingeret, semper esset timendum quod non faceret intentione baptizandi quæ ad sacramentum exigitur, sed intentione decipiendi; quia non esset probabile quod tantum bonum homini procuraret, sicut est spiritualis regeneratio.

1. αγ « ad baptismum ». — 2. Ed. concredita », contra αβγδζη. — 3. Ed. om. « quia ».

**132.** — **AD PRIMUM** ergo dicendum quod ubi datur baptis-  
mus, talis est qualis ille in cuius potestate datur. Sed diabolus  
nullo modo dare potest.

**133.** — **Ad secundum** dicendum quod homo peccator habet  
similitudinem cum Deo non solum quantum ad naturam divi-  
nam per imaginem, sed etiam quantum ad naturam assumptam.

**134.** — *Ei iterum.* In malis hominibus possibile est esse  
similitudinem per gratiam, non autem in daemonibus.

**135.** — *Et præterea.* Quod omnibus hominibus concessa est  
baptizandi potestas, hoc est propter necessitatem sacramenti  
ut omnibus possit de facili adesse baptizans.

**136.** — Sed diaboli conversatio non est cum hominibus.  
Unde non juvaret ad necessitatem sacramenti, si sibi potestas  
illa concederetur.

**137.** — **AD SECUNDAM QUÆSTIONEM** dicendum quod  
*Angelis bonis non est collata potestas baptizandi*, propter duas  
rationes.

*Primo*, quia non habent prædictam convenientiam cum sacra-  
mento, et cum Christo qui est auctor sacramenti.

*Secundo*, quia ad necessitatem baptismi non valeret potestas  
eis concessa, cum non sint in promptu hominibus, neq̄ per eos  
baptizarentur.

**138.** — Sed *sicut* Deus potentiam suam sacramentis non  
alligavit, *ita* nec potestatem consecrandi sacramenta alligavit  
aliquibus ministris. Unde qui dedit hanc potestatem hominibus  
posset dare et Angelis. Nec Angelus bonus baptizaret nisi divi-  
nitus potestate sibi concessa. Unde si baptizaret, non esset rebap-  
tizandus, dummodo constaret quod bonus Angelus esset : sicut  
et iudicatum est templum quod per Angelos consecratum est,  
non oportere per hominem consecrari, ut legitur in historia  
dedicationis sancti Michaelis.

**139.** — **AD PRIMUM** ergo dicendum quod Angeli actiones  
hierarchicas eis proportionaliter exequentur, scilicet<sup>3</sup> invisibi-  
liter ; non autem eis est proportionale ut per corporalia elementa<sup>4</sup>  
hierarchicas actiones perficiant.

**140.** — **Ad secundum** dicendum quod non oportet quod supe-  
rior potestas eodem modo operetur quo inferior, sed modo  
altiori. Et ideo non oportet si homines sacerdotes per sacramen-  
talia symbola actiones hierarchicas exequentur, quod hoc  
Angeli possint facere, sed modo altiori.

1. Ed. « ut »—. 2. Ed. « baptizantur » contra ;N. « ut per eos baptizarentur ».  
— 3. *αγ* « sed ». — 4. Ed. *om.* « elementa ».

## EXPOSITIO TEXTUS

**141.** —<sup>1</sup> « Quid noverat Joannes Baptista ? etc. » **(2a) Scien- dum est** quod Joannes antequam intraret eremum, Christum cognovit personaliter ex conversatione, cum fuerit ejus cognatus per carnem et scivit etiam dignitatem ejus ex prophetica revelatione, sed propter longam moram amiserat vultus ejus imaginationem ; unde personaliter eum non cognoscebat.

Et ideo Christo veniente ad baptismum, *tria* didicit, secundum diversos Sanctos ; quia, secundum Chrysostomum (hom. 17 in Joan., n. 3 ; G. 59, 378), didicit quod iste in persona erat ille quem praedicaverat venturum ; secundum Augustinum (tract. 5 in Joan., n. 6, L. 35, 1417), didicit quod haberet potestatem excellentiæ quam sibi retineret, tamen posset eam servis largiri : quod tamen in generali prius sciverat, sed tunc in speciali de hac persona cognovit ; sed secundum Hieronymum (lib. IV in Ezech. xlvii, 3 ; L. 25, 469), didicit quod per baptismum Christi non solum gratia conferretur mundans a culpa, sed etiam ab omni poena absolvens : quod<sup>1</sup> habet ab<sup>3</sup> ejus passione.

**142.** — « Ne tot essent<sup>3</sup> baptismi etc. » **(2b)**

**Hoc non videtur esse inconveniens** ; quia per hoc non differrent baptismi secundum speciem, cum haberent unam formam et unum effectum, sed differrent tantum secundum materiam, sicut et nunc differunt.

**Et dicendum** quod differrent secundum virtutem et secundum invocationem ; et sic esset occasio schismatis in Ecclesia, ut unus diceret : Ego sum Pauli, alius : Ego sum Petri.

1. Ed. « quot >. — 2. Ed. » ex ». — 3. Ed. « Tot essent ».

## DISTINCTIO VI

### Quibus liceat baptizare

1. — Nunc quibus liceat baptizare, addamus.

De hoc **Isidorus** ait (lib. II *de Officiis*, c. 25, n. 9 ; L. 83, 822 et habetur *de consecr.*, d. 4 « Constat » : L. 187, 1799) : « *Constat baptismum solis sacerdotibus esse traditum, ejusque ministerium nec ipsis diaconibus implere est licitum absque Episcopo vel presbytero; nisi his procul absentibus, ultima languoris cogat necessitas : quod et laicis fidelibus permittitur.* »

Item (ex Concilio Carthaginensi iv, *Decr.*, *de consecr.*, d. 4, c. 20 ; L. 187, 18001. « *Mulier quamvis sancta, baptizare non presumat, nisi necessitate cogente.* »

2. — De illis vero qui ab hæreticis baptizantur, utrum rebaptizandi sint, quæri solet.

Ad quod breviter dicimus, quia quicumque sit qui baptizet, si servatur forma a Christo tradita, verum baptismum dat. Et ideo qui illum sumit, non debet rebaptizari.

Unde **Beda** (*hom.* 12, lib. II ; L. 94, 198 ; et habetur *de consecr.*, d. 4, cap. « Sive hæreticus. » ; L. 187, 1817) : « *Sive hæreticus sive schismaticus sive facinorosus quisque in confessione sanctæ Trinitatis baptizet, non valet ille qui baptizatus est a bonis catholicis rebaptizari, ne confessio et Trinitatis invocatio videatur annullari.* »

Item **Augustinus** (lib. LXV *Qq. ad Orosium*, q. 59 ; L. 40, 750) : « *Quamvis unum sit baptismum et hæreticorum, scilicet eorum qui in nomine Patris et Filii et Spiritus sancti baptizantur, et Ecclesiæ catholicæ, tamen qui foris Ecclesiam baptizantur, non sumunt ad salutem baptismum, sed ad perniciem, habentes formam sacramenti, virtutem autem ejus abnegantes. Et ideo Ecclesia non eos rebaptizat qui in nomine Trinitatis baptizati sunt ; et ipsa est forma sacramenti.* »

Item (*ep.* 23, n. 2 ; L. 33, 95) : « *Rebaptizare hæreticum qui hæc sanctificationis signa perceperit, omnino peccatum est ; catholicum vero rebaptizare immanissimum scelus est.* »

Ex his aperte colligitur quod qui etiam ab hæreticis baptizati sunt, servato caractere Christi, rebaptizandi non sunt, sed tantum impositione manus reconciliandi, ut Spiritum sanctum accipiant, et in signum detestationis hæreticorum.

3. — Sunt tamen nonnulli Doctorum, ut **Cyprianus** et **Arius** quidam qui dicere videntur, ab hæreticis non posse tradi baptismum, et eos esse rebaptizandos, cum veniunt ad Ecclesiam qui ab illis dicuntur baptizati.

Sed hoc de illis verum est qui extra formam Ecclesiæ baptizare præsumunt.

**Cyprianus** tamen ibi a veritate deviasse videtur, qui ait de hæretico, I lib. *Ep.* 12 ; L. 176, 135) : « *Quomodo sanctificare aquam potest, cum ipse immundus est, et apud quem Spiritus sanctus non est ? Cum Dominus dicat in lege (Num xix, 22) : « Quæcumque tetigerit immundus, immunda erunt. » Quis potest dare quod ipse non habet ?*

1. Quar. *ad.* « et ». — 2. Ed. « baptizat ». — 3. Quar. « sanctitatis ». — 4. Quar. *om.* « rebaptizare ».

Hoc verol ex ignorantia eum dixisse Augustinus innuit dicens : *(De unico baptismo contra Petii., c. 13, n. 22 ; L. 43, 606) : « Martyrem gloriosum Cyprianum, qui apud hæreticos vel schismaticos datum baptismum nolebant agnoscere<sup>8</sup>, cum<sup>3</sup> eos nimis detestaretur, tanta ejus merita usque ad triumphum martyrii secuta sunt, ut et caritatis qua exellebat luce obumbratio illa fugaretur, et si quid purgandum erat passionis falce tolleretur. Nec nos qui baptismi veritatem et hæreticorum iniquitatem agnoscimus, ideo Cypriano meliores sumus ; sicut nec Petro, quia Gentes judaizare non cogimus. »*

Quod nullus in materno utero baptizetur

4. — Hoc etiam sciendum est «quod licet ter immergamur propter mysterium Trinitatis, tamen unum baptismum reputatur» (Hieronymus in Ep. ad Ephes., c. iv, n. 5; L. 26, 496).

5. — Illud etiam ignorandum non est quod in materno utero nullus baptizari potest, etiam si mater baptizetur.

a. — Unde Isidorus (lib I Serii, c. 22, n. 5; L. 83, 589) : « Qui in materinis uteris sunt, baptizari non possunt, quia qui natus adhuc secundum Adam non est, secundum Christum non potest renasci, neque regeneratio in eum dici potest in quem generatio non præcessit. »

Item Augustinus (ad Dardarnum, ep. 187, c. 9, n. 34; L. 33, 944) : « Non potest quisquam renasci antequam natus sit<sup>5</sup>. »

6. — Si vero opponitur de Jeremia et de Joanne Baptista qui ab utero sanctificati leguntur, quod etiam de Jacob quidam putant, dicimus : Si sanctificatio ibi accipitur interior emundatio, in miraculis divin<sup>o</sup> potent<sup>o</sup> esse habendum, ut Augustinus ait ambigue super hoc loquens (loc. cit., n. 24, coi. 840) : « Si usque adeo, inquit, in illo puero acceleratus est usus rationis et voluntatis, ut intra materna viscera jam posset agnoscere ele credere, quod in aliis parvulis expectat<sup>r</sup> ætas ut possint, in miraculis habendum esset divinæ potentiae, non ad humanam trahendum exemplum naturæ. Nam quando voluit Deus etiam jumentum loculum est (Num. XXII, 28). »

Idem<sup>8</sup>. « De Jeremia legitur (Jerem., i, 5) : « Priusquam exires de ventre, sanctificavi te. » Illa tamen sanctificatio qua efficitur templum Dei, non nisi renatorum est. « Nisi enim quis renatus fuerit ex aqua et Spiritu sancto, non intrabit in regnum Dei<sup>10</sup> » (Joan., iii, 5). Nemo autem renascitur, nisi prius nascatur. » (Ibid. n. 33). « Unde illa sanctificatio potest secundum prædestinationem accipi. » (c. 12, n. 37).

Ecce dubitanter videtur loqui, qui etiam in eodem dicit (n. 23, coi. 840) : « Non dictum est quia credidit infans in utero, sed « exultavit » ; nec Elisabeth dicit : Exultavit in fide, sed « exultavit in utero meo. » Et potuit esse hæc significatio tantæ rei a majoribus cognoscendæ, non a parvulo cognitæ. »

Absque assertione de hac sanctificatione loquitur, non definiens qualiter intelligenda sit illa sanctificatio, an sit signum futuræ rei, an veritas justificationis per Spiritum factæ. Sed melius est ut dicamus illos præter communem legem in uteris justificatos et gratia præventos, dimissis omnibus peccatis : quod etiam multis sanctorum testimoniis edocetur.

Si baptismus sit, verbis corrupte prolatis

7. — Quæri etiam solet, si corrupte verba illa proferantur, an baptismus sit.

1. Ed. « ergo ». — 2. Quar. « cognoscere ». — 3. Quar. « dum ». — 4. Ed. « eo ». — 5. Ed. om. « sit ». — 6. Quar. om. « et ». — 7. Quar. « expectatur ». — 8. Ed. « Tdeo ». — 9. F. « non potest intrare ». — 10. Quar. « coelorum ».

De hoc Zacharias Bonifacio scribit (Decr., *de Consecr.*, d. 4, cap. « Retulerunt »; L. 187, 1828) : « *Retulerunt mihi nuntii tui, quod fuerit sacerdos in eadem provincia qui latinam linguam penitus ignorabat, et dum baptizaret, nescius latini eloquii, infringens linguam, diceret : Baptizo te in nomine Patria et Filia et Spiritus sancta ; et propter hoc considerasti rebaptizare.* »

a. — *Sed si ille qui baptizavit, non errorem inducens vel hieresim, sed pro sola ignorantia romance locutionis infringendo linguam baptizans dixisset ; non possumus consentire ut denuo baptizentur.* »

8. — Præterea sciendum est quod illi « *de quibus nulla extant indicia inter propinquos vel clericos<sup>1</sup> vel vicinos<sup>2</sup>, quibus baptizati fuisse doceantur, agendum est ut renascantur, ne pereant, in quibus quod non ostenditur gestum, ratio non sinit ut videatur iteratum. Conferendum eis videtur quod collatum esse nescitur, quia non temeritas intervenit praesumptionis, ubi est diligentia pietatis.* » (Leo Papa, ep. 167, inq. 16 et 17 ; L. 54, 1208).

#### De illo qui pro ludo immergitur

9. — Solet etiam quæri de illo qui jocans sicut mimus, commemoratione tamen Trinitatis immergitur, utrum baptizatus sit.

a. — Hoc autem Augustinus non definit ita inquiring (VII, *de Baptis.*, contra Donat., c. 53, n. 102 ; L. 43, 243) : « *Si totum ludicre et mimice et joculariter ageretur, utrum approbandus esset baptismus qui sic daretur, divinum iudicium per alicujus revelationis miraculum oratione implorandum esse censerem.* »

Videtur tamen sapientibus non fuisse baptismus ; ut cum aliqui in balneum vel in flumen merguntur in nomine Trinitatis, non est tamen baptismus, quia non intentione baptizandi illud geritur. Nam in hoc et in aliis sacramentis, sicut forma est servanda, ita et intentio illud celebrandi est habenda. »

(*Illud etiam non te moveat quod quidam non ea fide parvulos ad baptismum ferunt, ut per Spiritum ad vitam regenerentur æternam ; sed eos putant hoc remedio temporalem retinere vel recipere<sup>3</sup> sanitatem. Non enim propterea illi non regenerantur, quia nec ab illis hac intentione effertur.* » (Augustinus, ep. 98, n. 5 ; L. 33, 361.)

#### De tempore deputato ad baptismum

10. — Agnoscendum est etiam in baptizandis electis duo tempora esse servanda, idest Pascha et Pentecosten, ut in sabbato Paschae vel Pentecostes baptismi sacramentum celebretur. Qui vero necessitate mortis vel periculi urgentur, omni tempore debent baptizari. » (Leo Papa, ep. 16, n. 5 ; L. 54, 700).

#### De responsione patrinoꝝ

11. — Porro cuncti ad baptismum venientes fidem suam profiteri debent et exponere ad quid petendum<sup>4</sup> venerint ad Ecclesiam. Unde et<sup>5</sup> baptizando quaeritur : « *Quid venisti ad Ecclesiam petere ?* » Qui si adultus est, pro se respondet : « *Fidem* », idest sacramentum fidei et doctrinam. Ita etiam per singula interrogatus respondet se credere in

1. Ed. « domesticos ». — 2. Ed. *ad*. « a ». — 3. Ed. « temporalem accipere ». — 4. Quar. « quid petere ». — 5. Ed. « etiam ».

Patrem et Filium et Spiritum sanctum! Si autem parvulus est, non valens credere vel loqui, alius pro eo respondet.

**a.** — Unde **Isidorus**, (*II de Offic.*, c. 25, n. 7; L. 83, 822) : « *Parvuli, alio proficiente, baptizantur, quia2 adhuc loqui vel credere nesciunt, sicut etiam seeris mutis vel surdis3 alius profitetur dum baptizantur.* » Sic et de penitentibus agendum est. « *Si autem? pro eo qui respondere potest, alius respondeat, non itidem valet, sicut dictum est (Joan., ix, 21) : « Ætatem habet, ipse de se loquatur.* »

**12.** — Si vero quæritur ex quo sensu pro parvulo dicatur : *Credo vel3 fidem peto* : dicimus de sacramento fidei id esse intelligendum quod respondetur petere cum defertur ad Ecclesiam, et habere cum baptizatur; ut sit sensus, cum dicitur : *Fidem peto*, idest, sacramentum fidei prirsto sum recipere; *credo*, idest, sacramentum fidei suscipio; quod est : hic parvulus præsto est sacramentum fidei accipere.

**a.** — Unde **Augustinus** (*ep. 98, ad Bonifacium*, n. 9; L. 33, 3G4) : « *Nihil aliud est credere quam fidem habere; et ideo, cum respondetur credere parvulus, qui fidei nondum affectum habet; respondetur fidem habere propter fidei sacramentum, et convertere se ad Deum propter conversionis sacramentum.* »

**13.** — Sed adhuc quæritur ex quo sensu pro parvulo respondeatur : « *Credo in Deum Patrem et in Jesum Christum et in Spiritum sanctum.* » Numquid de sacramento fidei an de fide mentis ibi agitur? Si de sacramento, cur nominatim distinguuntur personæ? Si vero de fidei affectu, quomodo verum est, cum ab eo careat parvulus? An illud facturus parvulus spondetur cum creverit? Sicut et omnibus pompis diaboli spondetur abrenuntiare; quod si non servaverit factus adultus, tenebitur ipse vel sponsor.

Sane® dici potest ibi sponderi pro parvulo, quod ad majorem ætatem si venerit, et pompis diaboli renuntiabit, et sanam fidem tenebit, cujus tunc sacramentum recipit. Hac autem sponsione parvulus pro quo fit, tenebitur, non sponsor; si tamen ut cautio impleatur quantum in se est, Operam dederit; quia exigitur a patrino ut sit diligens circa eum pro quo spondit', sollicitudo.

De hoc **Augustinus** [*serm. 1 ad neophytos*; L. 40, 1209) : « *Certissimam emisisti cautionem, qua renuntiare pompis diaboli spondidisti.* »

#### De catechismo et exorcismo

**14.** — Illa autem interrogatio et responsio fidei fit in catechumeno, cui additur exorcismus. Ante baptismum enim fit catechismus; post catechismum sequitur exorcismus, ut ab eo qui jam fide instructus est, adversaria virtus pellatur.

Exorcismus de græco in latinum dicitur adjuratio; catechismus instructio; catechizare8 est instruere, ut de Symbolo ac rudimentis fidei; exorcizare est adjurare, ut : « *Exi ab eo, immunde spiritus (Marc. 5, 8).* » Symbolum est signum vel collatio; signum, quia eo fideles ab infidelibus discernuntur; collatio, quia ibi totius fidei sufficientia et integritas est collata.

Catechismus et exorcismus neophytorum sunt, magisque sacramentalia quam sacramenta dici debent. Neophytus, novitiis interpretatur vel rudis; et dicitur neophytus nuper ad fidem conversus, vel in disciplina religiosæ conversationis rudis.

1. *Quar.* « et Filium etc. ». — 2. *Ed.* « qui ». — 3. *Ed.* « =icut etiam ægri vel muti vel surdi quorum vice ». — 4. *Ed.* « vero ». — 5. *Ed.* « et ». — 6. *Ed. ad. u etiam.*  
7. *Quar.* « respondit ». — 8. *Ed. ad.* « enim ».

Hæc igitur præcedunt baptismum, non quod sine istis non possit esse verus baptismus, sed ut baptizandus de fide instruat, et sciat cui debito fiat deinceps, et ut diaboli potestas in eo minuatur.

Unde Rabanus (*de institut., clericor.*, lib I, c. 25 ; L. 107, 310 et habetur *de Consecr.* d. 4, cap. « Ante baptismum » ; L. 187, 1818) : « *Ante baptismum catechizandi debet in homine prævenire officium, ut fidei catechumenus accipiat rudimentum et sciat cui debitor deinceps fiat.* »

Item Augustinus (*de Symbolo ad catechumenos*, serm. I, c. 1, n. 2 ; L. 40, 628) : « *Parvuli exsufflantur et exorcizantur, ut pellatur ab eis diaboli potestas* », scilicet « *ne jam contendat eos subvertere ne baptismum consequantur.* » (Raban., *ibid.*, c. 27). « *Non ergo ab infantibus creatura Dei exsufflatur vel exorcizatur, sed diabolus, ut recedat ab homine.* » (August., *loc. cit.*)

## DIVISIO TEXTUS

15. — « Nunc quibus liceat baptizare etc. » (1)

Superius determinavit Magister qui possunt baptizare ; *hic intendit determinare qui et qualiter congrue baptizent.*

Et dividitur in partes tres. *In prima* ostendit qualiter congrue fiat baptismus ex parte baptizantis ; *in secunda* qualiter congrue fiat ex parte baptizandi, utrum scilicet aliquis sit rebaptizandus vel non, ibi : « De illis vero qui ab hæreticis etc. » (2) ; *in tertia* qualiter congrue fiat quantum ad ritum baptismi, ibi : « Cognoscendum est etiam etc. » (10)

Secunda pars dividitur in tres. *In prima* ostendit utrum aliquis sit rebaptizandus propter defectum baptizantis ; *in secunda*, utrum sit rebaptizandus propter defectum baptizati, ibi : « Illud etiam ignorandum non est, etc. » ; (5) *in tertia*, utrum sit rebaptizandus propter defectum eorum quæ pertinent ab baptismum, ibi : « Quæri autem solet, etc. » (7)

Prima dividitur in tres. *In prima* ostendit quod baptizati ab hæreticis non sunt rebaptizandi. *Secundo* excludit opinionem contrariam, ibi : « Sunt tamen nonnulli doctorum etc. » (3) *In tertia* removet quamdam objectionem quæ rebaptizantibus patrocinari videtur, ibi : « Hoc etiam sciendum est etc. » (4) « Illud autem ignorandum non est etc. » (5) Hic inquit *utrum sit aliquis rebaptizandus propter defectum nativitatis ex utero.*

Et circa hoc duo facit. *Primo* ostendit quod illi qui nondum nati sunt, in maternis uteris existentes, non susceperunt baptismum baptizatis matribus ; unde baptizandi sunt. *Secundo* objicit in contrarium et solvit, ibi : « Si vero opponitur etc. » (6)

« Quæri etiam solet etc. » (7) Hic inquit *utrum sint aliqui rebaptizandi propter defectum eorum quæ ad baptismum requiruntur : et primo* utrum propter corruptionem formæ ; *secundo* utrum propter incertitudinem baptismalis ablutionis, ibi : « Præterea sciendum est, etc. » (8) ; *tertio* utrum propter defectum intentionis, ibi : « Solet etiam quæri de illo etc. » (9)

1. Ed. « ergo », — 2« Quar. om. « scilicet ». — 3. Ed. « autem ».

« Cognoscendum est etiam, etc. » (10) *Hic ostendit qualitè baptismus congrue fiat ex parte ritus.*

Et circa hoc *tria* facit. *Primo* ostendit quod tempus sit deputatum ad solemnem baptismi celebrationem. *Secundo* determinat de professione quæ præcedit baptismum, ibi : « Porro cuncti ad baptismum etc. » (11) *Tertio* determinat de catechismo et exorcismo, in quibus hujusmodi professio fit, ibi : « Illa autem interrogatio etc. » (14)

Circa quod *duo* facit. *Primo* ostendit propositum. *Secundo* movet duas quæstiones : *primam* ibi : « Si vero quæritur etc. » (12) ; *secundam* ibi : « Sed adhuc quæritur etc. » (13)

Hic est duplex quæstio.

*Prima* de his quæ requiruntur ad baptismum ex parte baptizantis et baptizati.

*Secunda* de ritu baptismi.

## QUÆSTIO I

Circa primum quærentur *tria*.

*Primo*, utrum requiratur in baptizando *nativitas ex utero*.

*Secundo*, utrum requiratur in utroque *intentio et voluntas*.

*Tertio*, utrum requiratur *fides*.

### ARTICULUS I

[I]

[III, q. 68, n. 11.]

**16. — AD PRIMUM SIC PROCEDITUR.** Videtur quod NATIVITAS EX UTERO NON SIT EXPECTANDA.

1. Nulli enim statui hominis præcluditur via salutis ab eo qui vult omnes homines salvos fieri. Sed existentes in matris uteris homines sunt, cum sint animam rationalem jam sortiti, et sunt in periculo damnationis propter peccatum originale contractum et facilitatem corruptionis. Ergo cum eis non possit remedium adhiberi perveniendi ad vitam nisi per baptismum, videtur quod debeant baptizari.

2. **Præterea.** Puer in materno utero existens est quasi quædam pars matris, sicut fructus pendens in arbore, pars arboris. Ergo baptizata matre, baptizatur puer in ventre ejus existens.

3. **Præterea.** Contingit quandoque jjuod aliqua pars prius egreditur, sicut legitur, *Gen. xxv, 25*, de Esau quod exivit primo manus ; et tamen timetur de periculo mortis. Ergo vide-

tur quod saltem in tali casu non sit expectanda nativitas ex utero sed pars egressa aspergenda baptismal! aqua.

**4. Præterea.** Mors æterna pejor est quam mors corporalis in infinitum. Sed de duobus malis eligendum est minus malum. Ergo debet mater scindi et extrahi puer, ut baptizatus a morte æterna liberetur et non expectari nativitas ex utero.

**17. — SED CONTRA.** *1 Cor.*, xv, 46 : « *Non prius quod spirituale! est, sed quod animale, etc.* » Sed baptismus est quædam regeneratio spiritualis. Ergo prius homo animali et carnali nativitate nasci debet quam baptizetur.

**18. — Præterea.** Baptismus est actio militantis Ecclesiæ. Sed quamdiu puer est in ventre matris, nondum connumeratur aliis membris Ecclesiæ. Ergo non potest sibi baptismus exhiberi.

[II]

**19. — ULTERIUS.** Videtur quod nullus etiam in materno UTERO POSSIT sanctificari per gratiæ gratum facientis DONUM.

1. Quia, ut *Isidorus* dicit (4a) « *regeneratio in eum<sup>2</sup> dici non potest in quem generatio non præcessit.* » Sed per gratiam gratum facientem fit homo filius Dei, et ita regeneratur. Ergo non potest homo sanctificari antequam nascatur ex utero.

2. **Præterea.** *Sicut* peccatum actuale contrahitur ex actu, ita peccatum<sup>3</sup> originale contrahitur ex origine. Sed peccatum actuale non potest remitti quamdiu homo est in actu peccandi. Ergo nec peccatum originale potest remitti puero in materno utero existent!, qui adhuc est actualiter in origine existens.

3. **Præterea.** Ubi est majus periculum, ibi magis divina misericordia subvenit. Sed illi qui morituri sunt antequam ex utero nascantur, sunt in maiori periculo quam *Joannes Baptista* et *Jeremias*, qui ex utero postmodum nati sunt. Si ergo non dicimus pueros dictos sanctificari in utero, ne præveniantur morte, videtur quod multo fortius nec *Joannes* nec *Jeremias* sanctificati fuerunt.

**20. — SED CONTRA** est quod dicitur *Jer.*, i, 5 : « *Antequam exires de vulva sanctificavi te* » ; et *Luc.* i, 15, dicitur de *Joanne* : « *Et Spiritu sancio replebitur adhuc ex utero matris suæ.* » Ergo aliqui in utero sanctificantur.

**21. — Præterea.** De nullo celebrat Ecclesia festum, nisi de sancto aliquo. Sed celebrat nativitatem *Joannis*. Ergo tunc nascens sanctus erat. Ergo in utero sanctificatus fuit.

1. Ed. « spiritale ». — 2. Ed. « eo ». — 3. Ed. *om.* « peccatum ».

## [III]

**22. — ULTERIUS.** Videtur quod sanctificati in utero NON SUNT BAPTIZANDI.

1. In sanctificatione enim in utero datur major gratia quam in baptismo ; quia sanctificationis gratia dicitur esse confirmans saltem contra mortale peccatum. Sed injuriam faceret baptismo qui baptizatum iterum baptizaret. Ergo injuriam facit sanctificationi in utero qui sanctificatum iterum sanctificaret baptizando.

2. **Præterea.** Natura non facit per plura quod per unum potest facere. Sed operatio gratiæ est ordinatior quam naturæ. Cum ergo ad salutem sufficiat gratia sanctificationis, videtur quod frustra baptismus addatur.

3. **Præterea.** Divina operatio non est minus efficax in sanatione spirituali quam corporali. Sed illis quos curavit corporaliter, non oportebat aliquem medicum ab homine superaddi. Ergo et illis quos curat per gratiam sanctificationis interius non sunt adhibenda sacramentorum medicamenta.

**23. — SED CONTRA.** Baptismus circumcisioni successit. Sed Joannes sanctificatus in utero, octavo die legitur circumcissus, Lue. i, 59. Ergo et sanctificatus in utero esset baptizandus.

**24. — Præterea.** Sanctificatio in utero est baptismus fluminis. Sed adulti baptizati per contritionem baptismo fluminis, sunt baptizandi baptismo fluminis. Ergo et similiter sanctificati in utero.

**25. — RESPONSIO.** Dicendum **AD PRIMAM QUÆSTIONEM** quod baptismus est actio hierarchica secundum Dionysium (c. 2 *Eccl. Hier.*, G. 3, 391); unde per ministros Ecclesiæ conferendus est, vel per eos qui in necessitate vicem ministrorum obtinent. *Puer autem quamdiu est in utero matris existens, non potest subjici operationi ministrorum Ecclesiæ nec est hominibus notus. Et ideo tunc baptizari non potest.*

**26. —** Quidam autem assignant alias causas quæ non sunt magni ponderis : quarum *una* est quod divina justitia exigit quod peccatum quodlibet non dimittatur sine pœna aliqua, quàm puer in baptismo sentit : quod esse non posset, dum adhuc est in utero matris.

**27. — Sed hoc nihil est** quia baptismus, secundum Ambrosium (in *Epist. ad Rom.*, xi, 29 ; L. 17, 161), non requirit pœnam exteriorem.

1. Ed. « natura ». — 2. a « qui ».

**28. — Et præterea.** Peccato originali non debetur pœna sensibilis inflictæ.

**29. — Alia** est quod gratia dat esse ordinatum. Et ideo regeneratio gratiæ præsupponit generationem naturæ.

*Alia* est quod puer quamdiu est in materno utero, adhuc conjungitur causæ originalis peccati; et ideo non potest ab eo mundari.

**30. — Sed hæ duæ causæ repugnant sanctificationi in utero, sicut et baptismo.**

**31. — Alia** est quod in baptismo debet esse aqua et spiritus contra infectionem carnis, et animæ per originale. Et ideo oportet præexistere ad baptismum nativatem in utero, quæ infunditur anima, et nativatem ex utero, quæ nascitur corpus.

**32. — Sed hoc nihil est;** quia nativitas neque est animæ neque corporis, sed conjuncti. Unde in nativitate in utero nascitur et corpus et anima.

**Unde primæ rationi standum est.**

**33. — AD PRIMUM** ergo dicendum quod non est ex defectu divinæ misericordiæ quod pueris<sup>2</sup> in maternis uteris existentibus remedium non exhibetur, sed quia non sunt capaces illius remedii, per quod secundum legem communem participes passionis Christi efficiantur, a qua est remissio peccatorum; quia non possunt subjici operationi ministrorum Ecclesiæ per quos talia remedia ministrantur.

**34. — Ad secundum** dicendum quod puer in materno utero existens, quamvis sit conjunctus matri secundum corpus quod ab ipsa trahit, tamen est omnino distinctus secundum animam rationalem quam ab extrinseco habet. Et ideo secundum immutationem corporalem matris, immutatur corporaliter, sed non oportet quod sanctificata matre per baptismum, spiritualiter sanctificetur.

**35. — Ad tertium** dicendum quod expectanda est totalis egressio ex utero, nisi periculum mortis timeatur. Tunc autem egressa parte principali scilicet capite, in quo operationes animæ magis manifestantur, ut *Quidam* dicunt, baptizari debet; secus autem est de aliis partibus, ut de manu et pede, quamvis non noceat etiam si tunc aspergerentur<sup>3</sup> illæ partes baptismali aqua, quia divina misericordia non est arctanda.

**36. —** Si tamen postea plenarie nascatur non est rebaptizandus, secundum *Quosdam*. Sed nihil periculi accidit, si ad majorem cautelam baptizetur sub hac forma: « *Si non es baptizatus, ego te baptizo* etc. »

**37. — Ad quartum** dicendum quod « *non sunt facienda mala,*

1. α « causatur », — 2. Ed. om. « pueris ». — 3. Ed. « asperguntur ».

*ut veniant bona* », sicut dicitur *Rom.*, m, 8. Et ideo homo potius debet dimittere perire infantem quam ipse pereat, homicidii crimen in matre committens.

**38. — AD SECUNDAM QUÆSTIONEM** dicendum quod *sicut* Deus non alligavit virtutem suam rebus naturalibus, ut non possit præter eas operari cum voluerit : quod in miraculosis actibus facit ; *ita* non alligavit virtutem suam sacramentis, ut non possit sine sacramentorum ministris aliquem sanctificare. Et ideo aliquos præter legem communem quasi miraculose in maternis uteris sanctificasse legitur, illos præcipue qui immediatius ordinabantur ad ejus sanctissimam conceptionem.

**39. —** Et ideo Mater sanctificata creditur, et Joannes Baptista qui ei in utero existent! testimonium perhibuit, et Jeremias qui ipsius conceptionem vaticinio expresso prædixit : « *Novum, inquit, faciet Dominus super terram. Mulier circumdabit virum* », *Jer.*, xxxi, 22.

**40. —** Et ideo etiam in *beata Virgine* fuit amplior sanctificatio, in qua fomes adeo debilitatus est vel extinctus, ut ad peccatum actuale nunquam inclinaretur ; aliis autem inclinavit ad veniale, non autem ad mortale.

**41. —** *Et in Joanne Baptista* etiam fuit *expressior quam in Jeremia* cujus interior sanctificatio exultatione quadam in notitiam hominum prodiit, quia dictum est : « *Exultavit infans, etc.* » *Luc.* i, 41, ut secundum gradum propinquitatis ad Christum sit gradus sanctificationis.

**42. — AD PRIMUM** ergo dicendum quod generatio spiritualis præsupponit naturalem sibi correspondentem. Et ideo generatio spiritualis quæ fit per ministerium hominum in baptismo præsupponit nativitatem ex utero qua homo in notitiam et societatem hominum prodit. Sed regeneratio quæ fit divinitus non præsupponit de necessitate nisi nativitatem in utero, qua homo a Deo creatus formatus est.

**43. — Ad secundum** dicendum quod jam formato puerperio anima rationali infusa, puer non accipit a matre nisi nutrimentum. Peccatum autem originale non contrahitur per actum nutritivæ, sed generativæ. Et ideo non est actu in contrahendo originale, nisi in ipsa infusione animæ. Et propter hoc nihil prohibet puerum in statu illo post infusionem a peccato originali mundari.

**44. — Ad tertium** dicendum quod ea quæ fiunt præter legem communem, non fiunt principaliter ad subveniendum uni personæ, sed ad insinuationem et commendationem gratiæ. Et ideo

1. α « habet ».

quamvis non fuerit tantum periculum in sanctificatis in utero qui prodituri erant, tamen quia eligebantur divinitus ut gratiæ speciales praecones et ministri, ideo tali privilegiata sanctificatione dotati sunt.

**45. — AD TERTIAM QUÆSTIONEM** dicendum quod **sanctificatus in utero debet baptizari**, propter *tres* rationes.

*Primo propter acquirendum characterem*, quo annumeretur<sup>1</sup> in populo<sup>2</sup> Dei et quasi deputetur ad percipienda divina sacramenta.

*Secundo, ut per baptismi perceptionem passioni Christi etiam corporaliter conformetur.*

*Tertio propter bonum obedientiæ* ; quia præceptum de baptismo omnibus datum est et ab omnibus impleri debet, nisi articulus necessitatis sacramentum excludat.

**46. — AD PRIMUM** ergo dicendum quod *baptismus* quantum ad aliquid *extensive excedit sanctificationem*, quia in baptismo imprimitur character et corporaliter homo morti Christi configuratur ; quamvis *intensive* in sanctificatione amplior gratia fortassis præbeatur. Et ideo non fit injuria sanctificationi, si sanctificatis baptismus conferatur.

**47. — Ad secundum** dicendum quod non totum quod facit baptismus factum est per sanctificationem, quia non imprimit characterem. Et ideo non frustra baptismus additur, in quo etiam sanctificatis gratia augetur<sup>3</sup>.

**48. — Ad tertium** dicendum quod per medicinam corporalem nihil addi posset ad salutem eorum quos Christus curaverat. Et ideo non est similis ratio.

## ARTICULUS II

### [I]

[*Infra*, d. 7, q. 3, a. 1, sol. 1, ad 3 ; d. 8, q. 2, a. 4, sol. 3, ad 1 ; d. 30, q. 1, a. 3, ad 3 ; III, q. 60, a. 8 ; q. 64, a. 8.]

**49. — AD SECUNDUM SIC PROCEDITUR.** Videtur quod INTENTIO BAPTIZANTIS NON REQUIRATUR<sup>4</sup> AD BAPTISMUM.

1. Intentio enim non requiritur ad opus nisi in principali agente, qui præstituit finem et per imperium suum alios movet ad finem intentum a se. Sed sacerdos baptizans non est principale agens, sed instrumentale, ut dictum est supra (d. 5, 28h Ergo non requiritur ejus intentio ad baptismum.

2. **Præterea.** Intentio hominis non est alicui certa nisi sibi.

1. βγ « annumeretur ». — 2. Ed. « ad populum ». — 3. Ed. « augetur ». — 4. Ed. « requiritur », contra αβγδνη.

I? Si ergo requiratur intentio ad baptismum, non erit certum de aliquo quod sit baptizatus, nisi apud eum qui baptizavit; et hoc est inconueniens quod homo sit in tanto dubio salutis.

3. **Præterea.** Sicut dicit Augustinus (*in Joan.*, tract. 5, n. 17; L. 35, 1423): «*ebriosus et furiosus baptizare possunt*». Sed isti, ut videtur, non possunt habere intentionem, quia priuantur usu rationis. Ergo intentio non requiritur ad baptismum.

4. **Præterea.** Intentio cogitationeml requirit. Sed frequenter et de facili cogitatio ad alia rapitur. Ergo frequenter baptismus impediretur.

50. — **SED CONTRA.** Ea quæ fiunt præter intentionem, sunt casualia. Sed hoc sacramentis non competit, cum habeant determinatos effectus et<sup>2</sup> determinatas causas. Ergo requiritur intentio in baptismo et in aliis sacramentis.

51. — **Præterea.** Opera quæ fiunt a voluntate, determinantur et specificantur intentione. Unde Ambrosius dicit (*III, de Offic.*, c. 30; L. 16, 71) quod «*affectus operi tuo nomen imponit*»; et in *Glossa Mat.*, xii, 35, dicitur: «*Quantum intendis, tantum facis.*» Sed baptizare est actus voluntarius<sup>3</sup>. Ergo requiritur in ipso intentio ex parte baptizantis.

## [II].

[*Infra, Expos. Lit.*; d. 11, q. 2, a. 1, sol. 3, ad 1; d. 30, q. 1, a. 3, ad 3; *III*, q. 64, a. 10; q. 74, a. 2, ad 2.]

52. — **ULTERIUS.** Videtur QUOD REQUIRATUR INTENTIO RECTA.

1. Requiritur enim intentio faciens<sup>4</sup> quod facit Ecclesia. Sed hoc intendere est rectæ intentionis. Ergo ad baptismum requiritur recta intentio.

2. **Præterea.** In omnibus ad quæ requiritur intentio, ita est quod per pravam intentionem vitiantur. Sed baptismus, dummodo detur, non potest esse pravus<sup>5</sup>, ut in præcedenti distinctione (103) dictum est. Ergo videtur quod prava intentio non possit conferre baptismum.

53. — **SED CONTRA.** Baptismus non impeditur ex malitia baptizantis. Sed perversa intentio pertinet ad malitiam baptizantis. Ergo perversa intentio in aliis non impedit baptismi effectum.

1. Ed. «*cognitionem*». — 2. α «*ad*». — 3. α «*voluntatis*». — 4. Ed. «*faciendi*» \* contra ἀβγδεζη. — 5. a *ad.* in marg. » nec vitari potest dummodo fiat ».

## [HI]

[*Infra*, d. 27, q. 1, a. 2, sol. 4; III, q. 68, a. 7, q. 69, a. 9].

**54. — ULTERIUS.** Videtur QUOD INTENTIO VEL VOLUNTAS NON REQUIRATUR IN BAPTIZATO.

1. Baptismus enim contra peccatum originale datur. Sed peccatum originale præter voluntatem et intentionem contrahitur. Ergo intentio et voluntas non requiruntur ad baptismum in baptizando.

2. **Præterea.** Pueri, dormientes et amentes possunt baptizari, ut supra d. 41 (q. 3, a. 1), dictum est. Sed illi carent intentione baptismi. Ergo ad baptismum non requiritur intentio ex parte baptizandi.

3. **Præterea.** « *Unaquæque res per eadem corrumpitur et fit, contrarie tamen facta* », ut dicitur in II *Elh.* (β 1. 1103b, 7 ; l. 1, n. 252). Si ergo intentione baptizandi fieret baptismus, tunc intentione ipsius character baptismalis deleri posset : quod falsum est.

**55. — SED CONTRA.** In baptismo fit quoddam spirituale connubium animæ ad Deum. Sed in conjugio requiritur consensus. Ergo et in baptismo.

**56. — Præterea.** Baptismi effectus magis impeditur ex parte baptizati quam ex parte baptizantis ; quia malitia baptizantis non impedit receptionem gratiæ in baptismo, quæ impediri potest per malitiam recipientis sacramentum. Sed defectus intentionis ex parte baptizantis impedit sacramentum. Ergo multo fortius defectus intentionis ex parte baptizati.

**57. — RESPONSIO.** Dicendum AD PRIMAM QUÆSTIONEM quod cum unius effectus una sit causa, si ex aliquibus pluribus causis unus effectus procedat, oportet quod illæ causæ sint aliquo modo factæ unum ad invicem. Ad effectum autem sacramenti videmus multa concurrere, scilicet ministrum, formam verborum et materiam. Hæc autem non possunt colligari ad invicem ut sint una causa, nisi per intentionem baptizantis, qui scilicet formam ad materiam applicat, suum vero ministerium ad utrumque, et totum hoc ad sacramenti collationem<sup>4</sup>. **Et ideo requiritur intentio baptizantis.**

**58. —** *Et similiter etiam in omnibus aliis sacramentis* requiritur intentio ministri cum debita materia et forma, non solum ad effectum sacramenti consequendum, sed ad sacramenti perceptionem.

1. Ed. *om.* « d. 4 ». — 2. Ed. *om.* « ex parte ». — 3. Ed. « possent ». — 4. *a ad.* in marg. « quasi in unum colligat ».

**59. — AD PRIMUM** ergo dicendum quod *duplex* est instrumentum, scilicet *animatum*, ut servus, et *inanimatum* ut securis, ut dicitur in VIII *Eth.* (θ 13. 1161», 4 ; l. 11, n. 1699).

*In instrumento igitur inanimato non* requiritur intentio propria, quia ipsa inclinatio instrumenti ad effectum per motum principalis agentis, locum intentionis supplet.

**60. — Sed in instrumento animato** quod non tantum agitur, sed aliquo modo agit, utpote per imperium agens et non per impulsum motus, requiritur intentio exequendi ministerium ad quod applicatum est.

**61. — Ad secundum** dicendum quod ad hoc dupliciter secundum diversas opiniones respondetur.

Quidam enim dicunt quod si desit mentalis intentio in baptizante, non confert sacramentum baptismi ; tamen *in adulto* supplet fides et devotio effectum baptismi, ut periculum ex hoc, baptizato qui ignorat intentionem baptizantis, nullum prove-niat.

**62. — Si autem sit puer**, tunc creditur pie quod summus sacerdos, scilicet Deus, defectum suppleat et salutem ei conferat. Si tamen non facit, non injuste facit, sicut nec in illo qui sacramento non subjicitur.

**63. — Alii** dicunt quod in baptismo et in aliis sacramentis quæ habent in forma actum exercitum, non requiritur mentalis intentio, sed sufficit expressio intentionis per verba ab Ecclesia instituta. Et ideo si forma servatur, nec aliquid exterius dicitur quod intentionem contrariam exprimat, baptizatus est. Non enim sine causa in sacramentis necessitatis, scilicet baptismo et quibusdam aliis, actus baptizantis tam sollicite expressus est ad intentionis expressionem.

**64. — Ad tertium** dicendum quod quamvis actu ebrius intentionem habere non possit, tamen ebriosus potest esse non actu ebrius et intentionem baptizandi habens baptizare.

**65. — Ad quartum** dicendum quod quamvis minister sacramenti debeat niti ad custodiendum cor suum quantum potest, ut maxime in verbis sacramentalis formæ intentionem habeat *actuales*, quia tamen cogitatio est valde labilis, etiam si tunc non adsit actualis intentio quando verba profert, dummodo prius intenderit et contraria intentio non intervenerit, sacramentum non impeditur, quia operatur tunc in vi principalis intentionis. Non enim oportet quod in opere semper intentio conjungatur in actu, sed sufficit quod opus ab intentione procedat.

**66. — AD SECUNDAM QUÆSTIONEM** dicendum quod

rectum est cujus medium non exit ab extremis. Sacramentum autem baptismi est quo mediante acquiritur effectus baptismi in anima baptizati. Unde tunc est recta intentio quando baptizans seu baptizatus sacramentum ordinat ad effectum sacramenti qui est salus.

**67. — Si ergo intentio adsit in baptizante,** quia intendit sacramentum conferre, **sed desit rectitudo,** quia ordinat sacramentum ad finem indebitum, **non propter hoc in recipiente impeditur perceptio sacramenti,** quia ad hoc fertur intentio baptizantis ; **neque effectus sacramenti,** quia mundatio interior a ministro sacramenti non est, unde ejus intentio ad hoc nihil facit.

**68. — Si autem in baptizato sit intentio percipiendi sacramentum, sed desit rectitudo intentionis, recipit** quidem quod intendit **sacramentum,** sed **non rem sacramenti** ; quia obicem per pravam intentionem Spiritui sancto ponit.

**69. — AD PRIMUM** ergo dicendum quod quamvis ad sacramentum requiratur intentio faciendi quod facit Ecclesia, non tamen requiritur, quasi de necessitate sacramenti existens, facere quod facit Ecclesia propter hoc propter quod Ecclesia facit ; et in hoc consistit rectitudo intentionis.

**70. — Ad secundum** dicendum quod baptismus non habet bonitatem ex ministro, sicut alia operatio voluntaria habet bonitatem ex operante. Et ideo non est simile.

**71. — AD TERTIAM QUÆSTIONEM** dicendum quod in baptismo baptizatus *duo* recipit, scilicet *sacramentum*, et *rem sacramenti*. Sed ad hæc duo recipienda non requiritur aliquid causans ex parte recipientis, sed solum impedimentum removens : quod quidem impedimentum nihil aliud est quam voluntas contraria alteri prædictorum.

**72. — Et ideo in adultis** et in habentibus usum rationis, in quibus potest esse contraria voluntas actu vel habitu, *requiritur et contritio*, sive devotio, ad percipiendam rem sacramenti, *et intentio*, vel voluntas ad recipiendum sacramentum.

**73. — In pueris autem absque utroque percipitur et sacramentum et res sacramenti,** et similiter est in carentibus usu rationis, nisi contraria voluntas habitu insit, etsi non actu.

**74. — Tamen sciendum quod non requiritur in adulto voluntas absoluta suscipiendi quod Ecclesia confert,** sed sufficit voluntas conditionata, sicut est in voluntariis mixtis, ut dicitur in III *Eth.* (*γ I. 1110a, 11 ; l. 1, n. 390*). *Et ideo si sit coactio sufficiens,* ita quod principium sit ex toto extral, nil conferente vim passo,

1. *αβδζη* « intra · sed ζ cor.

c-  
™  
\*

ut cum aliquis reclamans immergitur violenter, *tunc talis nec sacramentum suscipit, nec rem sacramenti.*

**75.** — *Si autem sit coactio inducens*, sicut minis vel flagellis, ita quod baptizatus potius eligat baptismum suscipere quam talia pati ; *tunc suscipit sacramentum, sed non rem sacramenti.*

**76.** — AD PRIMUM ergo dicendum quod intentio vel voluntas in baptizato, ut dictum est (68), non requiritur quasi causans deletionem culpæ originalis, sed solum quasi removens prohibens, scilicet contrariam voluntatem.

**77.** — Ad secundum dicendum quod in pueris non potest esse contraria voluntas neque actu neque habitu. Et ideo non requiritur voluntas vel intentio in eis, qua prohibens removeatur.

**78.** — In amentibus autem et dormientibus potest esse voluntas contraria habitualis, quamvis non sit actualis. Et ideo *si ante somnum vel furiam fuerunt contrariée voluntatis, non recipiunt sacramentum*, quia adhuc illa voluntas habitualiter manet.

*Si autem habuerunt propositum recipiendi baptismum*, et hoc per aliqua signa innotuit, *tunc in articulo necessitatis debet eis conferri baptismus* ; et suscipiunt sacramentum et rem sacramenti, etiam si furiosus tunc contradicat ; quia illa contradictio non procedit a voluntate rationis secundum quam est capax baptismalis gratiæ.

*Si autem necessitas non sii, debet in furiosis expectari lucidum intervallum, vel in dormientibus vigilia.* Tamen si baptizetur in statu illo, sacramentum suscipit, quamvis peccet baptizans.

**79.** — Ad tertium dicendum quod voluntas vel intentio baptismum suscipiendi non requiritur ad baptismum quasi causa vel dispositio characteris, sed solum sicut removens prohibens, ideo ratio non valet.

### ARTICULUS III

[I]

*Supra*, d. 2, q. 2, a. 4 ; d. 6, q. i, a. 3, sol. 1 ; q. 2, a. 2, sol. 3 ; d. 9, a. 2, sol. 2, ad 2 ; IU, q. 68, a. 8.]

**80.** — AD TERTIUM SIC PROCEDITUR. Videtur quod IN BAPTIZATO FIDES REQUIRATUR AD HOC QUOD SACRAMENTUM SUSCIPIAT.

**1.** Baptismus enim sacramentum fidei dicitur. Sed non nisi propter fidem recipientis ipsum. Ergo requiritur fides baptizandi.

**2. Præterea.** Marc. ult. 16, dicitur : « *Qui crediderit et bapuzalus fuerit* ». Ergo videtur quod requiritur in adulto quod credat ad hoc quod baptizetur.

3. **Præterea.** Fides essentialior est sacramento quam voluntas. Sed voluntas requiritur, ut dictum est. Ergo multo amplius fides.

81. — 4. **SED CONTRA.** Adulti non sunt peioris conditionis quam pueri. Sed in pueris sufficit fides Ecclesiæ ad baptismum, et non requiritur fides personæ illius. Ergo nec in adultis.

82. — 5. **Præterea.** Caritas propinquior est ad gratiam quam fides, quia caritas non potest esse sine gratia sicut fides. Sed non requiritur caritas in recipiente baptismum, quia sic nullus adultus de novo acciperet ibi gratiam. Ergo non requiritur fides.

## [II]

[III, q. 64, a. 9.]

83. — **ULTERIUS.** Videtur QUOD REQUIRATUR FIDES IN BAPTIZANTE.

1. Requiritur enim in baptizante intentio conferendi sacramentum. Sed infidelis quantum ad articulum baptismi non credit sacramentum baptismi. Ergo non potest intendere conferre illud, et ita non potest baptizare.

2. **Præterea.** Baptismus est sacramentum Ecclesiæ. Sed fides est per quam membra Ecclesiæ primo ad invicem uniuntur. Ergo qui non habet fidem, non potest baptizare, cum non sit de Ecclesia.

3. **Præterea.** Propinquius se habet ad baptismum baptizans quam offerens puerum ad baptizandum. Sed in offerente requiritur fides, quia respondet : « *Credo* ». Ergo multo fortius requiritur in baptizante.

84. — **SED CONTRA** est quod in *Littera* (2) determinatur quod hæretici verum baptismum conferunt. Hæretici autem infideles sunt. Ergo etc.

## [HI]

[III, q. 64, a. 9.]

85. — **ULTERIUS.** VIDETUR QUOD RECIPIENTES BAPTISMUM AB HÆRETICIS NON CONSEQUANTUR REM SACRAMENTI.

1. Quia Augustinus (2) dicit quod « *qui foris Ecclesiam baptizantur, non sumunt baptismum ad salutem, sed ad perniciem* ». Sed baptizati ab hæreticis sumunt baptismum extra Ecclesiam. Ergo non sumunt ad salutem ; et ita rem sacramenti non consequuntur.

2. **Præterea.** Quicumque accipit aliquid ab aliquo qui non habet jus dandi illud, injuste accipit. Sed hæreticus non habet

1. Ed. « nec ».

jus dandi baptismum, ut dicit Augustinus in lib. *de Baptismo contra Donat* (V, c. 15 ; L. 43, 186). « *Si, inquit, hæreticus jus baptizandi non habuit, tamen Christi est quod dedit.* » Ergo accipiens ab hæretico, injuste accipit, et ita peccat.

**86. — SED CONTRA.** Peccatum baptizantis non polluit baptismum, ut dictum est supra d. 5 (**103**). Sed infidelitas est quoddam peccatum. Ergo non impedit effectum baptismi in baptizato.

**87. — RESPONSIO.** Dicendum **AD PRIMAM QUÆSTIONEM** quod cum quæritur utrum fides requiratur vel sit necessaria ad baptismum, non intelligitur quæstio de necessitate absoluta, sed de necessitate quæ est ex conditione finis.

Est autem *duplex* finis in baptizatis. *Primus* est perceptio sacramenti. *Secundus* est perceptio rei sacramenti.

**88. — Dico ergo quod in adultis requiritur fides etiam personalis necessitate quæ est ex suppositione finis secundi ;** quia nisi credat, reputatur fictus, ut supra d. 4<sup>1</sup> (231) dictum est; **et ita non consequitur rem sacramenti. Non autem requiritur ad primum finem consequendum,** quia sacramentum percipit aliquis etiam si non credat.

**89. —** Unde Augustinus dicit (in lib. *de unico Bap. contra Petri.*, c. 11 ; L. 43, 604) quod « *prorsus fieri potest ut aliqui verum baptisma habeant, et non habeant fidem veram.* »

**In parvulis autem sufficit fides 'Ecclesiæ ad utrumque.**

**90. — AD PRIMUM** ergo dicendum quod baptismus dicitur fidei sacramentum, quia per eum homo cœtibus fidelium aggregatur. Et ideo qui accipit baptismum ostendit se fidem habere. Et si non habet, reputatur fictus, et rem sacramenti cum sacramento percepto non percipit.

**91. — Ad secundum** dicendum quod Dominus in verbis illis ostendit quid requiritur in baptizando ad salutem consequendam, quæ est res sacramenti ; unde subdit. « *Oui crediderit et baptizatus fuerit salvus erit.* »

**92. — Ad tertium** dicendum quod sacramentum baptismi in anima recipitur quantum ad characterem. Anima autem non potest alicui subijci invita. Et ideo *voluntas* seu intentio facit ad hoc quod homo se sacramento subijciat ; sed *fides* facit ad hoc quod *debito modo* se subijciat. Unde fides requiritur tantum **ad** receptionem rei sacramenti, sed intentio ad perceptionem sacramenti' simpliciter.

**93. —** Et quia aliæ rationes probant quod nec quantum ad ultimum effectum fides requiratur, ideo **ad quartum** dicendum

1. Ed. « velut ». — 2. Ed. *om.* « d. 4 ». — 3. Ed. « rei », contra  $\alpha\beta\gamma^{\wedge}\zeta\eta$ .

quod *in pueris* non potest esse contrarium gratiæ baptismalis ex personali voluntate ; et ideo *non requiritur personalis fides, sicut requiritur in adultis* ad consequendam rem sacramenti, in quibus potest esse personalis infidelitas.

**94.** — **Ad quintum** dicendum quod recta intentio requiritur ad consequendam rem sacramenti. *Fides* autem intentionem dirigit, et sine ea non potest esse, præcipue in talibus, intentio recta ; sed *caritas* ulterius facit intentionem meritoriam. Et ideo ad hoc quod homo præparet se ad gratiam in baptismo percipiendam præexigitur fides, sed non caritas; quia sufficit attritio præcedens, etsi non sit contritio.

**95.** — **AD SECUNDAM QUÆSTIONEM** dicendum quod *dum hæreticus vel quicumque infidelis debitam formam servet et intentionem baptizandi habeat, verum sacramentum confert*; quia baptismus non habet efficaciam ex merito baptizantis, sed ex merito Christi, qui operatur in baptizato per fidem propriam in adultis vel per fidem Ecclesiæ in pueris.

**96.** — **AD PRIMUM** ergo dicendum quod quamvis ille qui non credit baptismum esse sacramentum aut habere aliquam spiritualem virtutem, non intendat dum baptizat conferre sacramentum, tamen intendit facere quandoque quod facit Ecclesia, etsi illud reputet nihil esse. Et quia Ecclesia aliquid facit, ideo ex consequenti et implicite intendit aliquid facere, quamvis non explicite.

**97.** — **Ad secundum** dicendum quod quamvis hæreticus per fidem rectam non sit membrum Ecclesiæ, tamen in quantum servat morem Ecclesiæ in baptizando, baptismum Ecclesiæ tradit ; unde regenerat filios Christi et Ecclesiæ, non sibi vel hæresi suæ. *Sicut enim Jacob genuit filios per liberas et ancillas (Gen. xxxix), ita Christus per catholicos et hæreticos bonos et malos, ut Augustinus dicit contra Donat. (lib. V, c. 15 ; L.43, 186).*

**98.** — **Ad tertium** dicendum quod non requiritur fides personalis offerentium puerum ad baptismum, nec alicujus personæ determinatæ, sed solum fides Ecclesiæ militantis : quam non est possibile deficere totaliter, Deo hoc ordinante, qui dixit Mat. ult., 20 : « *Ecce ego vobiscum sum usque ad consummationem sæculi.* »

**99.** — *Si tamen deficeret, suppleret* illud quod de fide remansit in Ecclesia triumphante, scilicet visio ; nec offerens puerum ad baptismum in persona sua dicit : « *Credo* », sed in persona pueri, ut sit sensus « *Credo* », idest : sacramentum fidei præsto sum recipere.

**100.** — **AD TERTIAM QUÆSTIONEM** dicendum quod ille

1. Ed. « consequens ». — 2. Ed. « quod ». — 3. Ed. « Christo », contra *αβγβζζη. x*

qui baptizatur ab hæretico, propter peccatum hæretici non privatur gratia baptismali, sed quandoque propter peccatum proprium. Unde *si sil* puer, in quem culpa actualis non cadit, si baptizatur in forma Ecclesiæ, recipit sacramentum et rem sacramenti; *similiter si sil adultus* et baptizans non sit hæreticus manifestus et ab Ecclesia præcisus, vel si baptizatus sit in articulo necessitatis.

**101.** — *Si aulem sciat ipsum esse hærelicum* et baptismum ab ipso, suscipiat, hoc contingit vel quia favet hæresi suæ vél in contemptum Ecclesiæ vel propter aliquod temporale commodum; et *sic ipsemet peccat*; unde proprio peccato obicem ponit Spiritui sancto, ne consequatur rem sacramenti.

**102.** — **AD PRIMUM** ergo dicendum quod Augustinus loquitur in casu illo quando aliquis in favorem hæresis ab hæretico baptismum suscipit.

**103.** — **Ad secundum** dicendum quod jus dandi baptisma est ex *duobus*: scilicet *ex ordine sacerdotali, et ex jurisdictione*.

In hæretico ergo ab Ecclesia præciso manet jus dandi baptisma *quantum ad ordinem sacerdotalem*, si primo in Ecclesia sacerdos fuerit; *non* tamen manet *quantum ad jurisdictionem* quam amittit.

**104.** — Nec tamen sequitur quod baptismum ab hæretico suscipiens, semper injuste accipiat, cum credit eum habere jus dandi et non esse hæreticum, vel in casu necessitatis in quo quilibet habet potestatem baptizandi.

## QUÆSTIO II

Deinde quæritur de ritu baptismi.

Et circa hoc quæruntur tria.

*Primo*, de ritu ipsius baptismi.

*Secundo*, de ritu catechismi.

*Tertio*, de ritu exorcismi.

### ARTICULUS I

[I]

[*Supra*, d. 2, q. 1, a. 2, ad 2; d. 12, q. 3, a. 1, soi. 1, ad 2; d. 14, q. 1, a. 4, sol. 3; III, q. 66, a. 9; q. 80, a. 10, ad 1; q. 84, a. 10, ad 1, 5; *IV Cg.*, c. 69, 71; *in Joan.*, c. 3, l. 1; *ad Ephes.*, c. 4, l. 2; *ad Heb.*, c. 6, ,, 1]

**105.** — **AD PRIMUM SIC PROCEDITUR.** Videtur quod **BAPTISMUS ITERARI POSSIT.**

1. Quia eucharistia est sacramentum excellentius quam bap-

1. Ed. « baptismatis ».

tismus, quia est perfectio, secundum Dionysium (*de Eccles. Hier.*, c. 3 ; G. 3, 423). Sed eucharistia iteratur. Ergo et baptismus iterari potest.

2. **Præterea.** Gratia est principalior effectus baptismi quam character. Sed gratia amittitur, quamvis character non deleatur. Ergo videtur quod ratione gratiæ recuperandæ baptismus iterari debeat.

3. **Præterea.** *Sicut* ad unitatem actionis requiritur unitas temporis, *ita* et unitas agentis. Sed plures possunt aliquem simul baptizare, quia unus alium non impedit; et præcipue hoc necessarium est, si unus sit mutus qui verba proferre non possit, et alius mancus qui non possit immergere. Ergo et similiter potest aliquis pluries diversis temporibus baptizari.

**106. — SED CONTRA** est quod dicitur *Ephes*, iv, 5 : « *Una fides, unum baptismum.* » Ergo iterari non debet.

**107. — Præterea.** Baptismus contra originale datur. Sed originale peccatum non iteratur. Ergo nec baptismus iterari debet.

[II]

[III, q. 66, a. 10, aâ 1.]

**108. — ULTERIUS.** Videtur quod non debeant esse illa DUO TEMPORA DETERMINATA AD BAPTISMUM, SCILICET SABBATUM Paschæ et Pentecostes.

1. Quia periculo quantocius succurrendum est. Sed homo propter fragilitatem naturæ semper est in periculo vitæ suæ. Ergo non debet expectari tempus aliquod determinatum ad baptismum, sed statim baptizari.

2. **Præterea.** Per baptismum homo regeneratur in filium Dei ad imaginem Christi. Ergo præcipue in festo Nativitatis baptismus celebrari deberet.

3. **Præterea.** Baptismus Christi contulit aquis vim regenerativam. Sed Christus in die Epiphaniæ baptizatus fuit. Ergo tunc præcipue deberet homo baptizari.

4. **Præterea.** Baptismus habet efficaciam a passione Christi. Ergo in die Passionis dominicæ magis deberet celebrari baptismus, quam in sabbato Paschæ.

[III]

[III, q. 66, a. 10.]

**109. — ULTERIUS.** Videtur quod sacramentalia baptismi male ponantur a Dionysio (*de Eccles. Hier.*, c. 2, n. 2; G. 3, 394 sq.).

1. Ed. « quam citius ».

1. Ponit enim primo receptionem baptizandi ab Episcopo, quem summum sacerdotem dicit, præsentem omni ecclesiæ plenitudine. Debet enim baptizandus recipi ab eo qui est proprius baptismi minister. Talis autem est sacerdos, et non Episcopus. Ergo non oportet ponere receptionem ab Episcopo.

2. **Præterea.** Per manus impositionem datur Spiritus sanctus ad robur : quod ad confirmationem pertinet quæ baptismum sequitur. Ergo inconvenienter ponit quod Episcopus baptizando recepto manus ei ante baptismum imponit.

3. **Præterea.** Baptizandis sal in os mittitur, et aures et nares sputo liniuntur. Cum ergo de his Dionysius mentionem non faciat, videtur quod sacramentalia baptismi ponat insufficienter.

4. **Præterea.** Ipse ponit olei inunctionem ante baptismum, quo inungatur Christianus quasi ad pugnam, ut ipse dicit. Sed ad pugnam spiritualement præcipue ordinatur sacramentum confirmationis. Ergo videtur quod talis inunctio non debeat in baptismo fieri.

5. **Præterea.** Sacramenta sunt distincta. Ergo videtur quod non debeat simul cum baptismo connumerare eucharistiæ perceptionem et sacri chris-matis linitionem.

**110. — RESPONSIO.** Dicendum **AD PRIMAM QUÆSTIONEM** quod **baptismus nullo modo iterari debet** propter *quatuor* rationes.

**111.** — *Prima* sumitur *ex morbo contra quem datur, scilicet originale peccatum* quod non iteratur ; unde nec medicina iterari debet.

**112.** — *Secunda* sumitur *ex re sacramenti*, quia in baptismo deletur culpa et poena totaliter. Unde si frequenter liceret homini baptismum suscipere, esset quædam provocatio ad peccandum ; quia facilitas veniæ incentivum præbet delinquendi, ut dicit Gregorius<sup>5</sup> (Ambrosii *conc.* 8, in ps. 118, n. 26 ; L. 15, 1374).

**113.** — *Tertia* sumitur *ex sua significatione* ; quia configuratur morti Christi qui semel tantum mortuus est.

**114.** — *Quarta* sumitur *ex ipso sacramento, scilicet caractere*, quod indelibiliter manet. Unde fieret injuria sacramento si baptismus iteraretur, quasi prima sanctificatio non suffecisset.

**115.** — *El iterum*, quia ipsum sacramentum regeneratio quædam est : cujuslibet autem generatio est tantum semel.

**116.** — Quod autem nescitur esse factum, non iteratur. Unde si inveniatur pro certo aliquis defectus fuisse in baptismo eorum quæ sunt de essentia sacramenti, debet absolute iterum bapti-

1. Ed. o/n. « ecclesiæ ». — 2. Ed. « inungitur ». — 3. Ed. « debet ». — 4. Ed. *om*  
 † t ». — 5. F.c. Ambrosius ».

zari sub hac forma : « *Baptizo te, si non es baptizatus, in nomine Patris etc.* »

**117.** — **AD PRIMUM** ergo dicendum quod *sicut* in eucharistia? sacramento sanctificatur materia, *ita* in baptismo sanctificatur recipiens characteris impressionem. Unde *sicut* fieret injuria eucharistiae, si hostia consecrata consecraretur iterum ; *ita* fit injuria baptismo, si aliquis semel baptizatus iterum baptizaretur ; quia *sicut* ibi sanctificatio refertur ad materiam, *ita* hic ad suscipientem sacramentum.

**118.** — **Ad secundum** dicendum quod quamvis gratia sit dignior effectus baptismi quam character et sit quodammodo principalior, non tamen est ita proprius effectus ejus et in hoc non ita principalis ; quia gratia amissa, per alia sacramenta recuperari potest. Et ideo non oportet quod ad ipsam recuperandam iteretur baptismus.

**119.** — **Ad tertium** dicendum quod si plures simul immergerent, ita quod uterque diceret : « *Ego te baptizo etc.* », **baptizatum<sup>2</sup> esset**, quamvis peccarent non servantes ritum Ecclesiae. Nec tamen essent puniendi tamquam iterantes baptismum, nisi hoc intenderent ; quia contingit eandem actionem et ab uno et a pluribus exerceri ; non autem contingit eandem actionem esse quae in diversis temporibus fit.

Si autem dicant : « *Nos baptizamus te,* » **non erit baptismus** ; quia non servatur debita forma, ut supra d. 33 (61), dictum est.

**Similiter non erit baptismus**, si unus sit mancus et alius mutus, *uno proferente verba et alio immergente*, quia ipsa verba forma? ostendunt quod ab eodem debet fieri immersio et verborum pronuntiatio.

**120.** — **AD SECUNDAM QUÆSTIONEM** dicendum quod *in baptismo duo considerantur* : scilicet substantia sacramenti et solemnitas.

**Et quantum ad substantiam sacramenti non est aliquod tempus determinatum ad baptismum** ; immo quolibet die et qualibet hora baptismus celebrari potest.

**121.** — **Sed solemnitas celebratio baptismi in Ecclesia habet tempus deputatum**, scilicet duplex sabbatum de quo in *Littera* (10) dicitur. Cujus ratio est, quia *baptismus habet efficaciam ex duobus* : scilicet *ex virtute Spiritus sancti*, et ideo in vigilia Pentecostes celebratur solemniter baptismus ; *item ex passione Christi*, cujus morti aliquis configuratur per baptismum quasi consepultus

1. Ed. « sic ». — 2. N. « baptismus ». — 3. Ed. om. « d. 3 ».

Christo in mortem, ut dicitur, *Hom.* vi, 4 ; et ideo celebratur solemniter in die sepulturæ Christi, idest in vigilia Paschæ.

**122.** — **AD PRIMUM** ergo dicendum quod in necessitate non oportet expectare ista duo tempora. Unde dicitur *de Consecr.*, d. 4, (c. 15, L. 187, 1798) : «*De catechumenis baptizandis id decretum est ut in Paschali festivitate vel Pentecostes veniant ad baptismum ; ceteris autem solemnialibus infirmi tantum debent baptizari.* »

Et quia pueri quia infirmi computantur propter naturæ imbecillitatem et propter periculum damnationis, a qua non possunt aliter liberari, ideo nunc ipsi pueri baptizantur, et ut in pluribus<sup>3</sup> non expectantur hæc duo tempora, sicut in adultis expectari solebant.

**123.** — **Ad secundum** dicendum quod in festo Nativitatis recolitur nativitas Domini secundum carnem. Nos autem non efficimur fratres ejus nativitate carnis, sed spiritus. Et ideo non oportet quod tunc baptismus celebretur.

**124.** — **Ad tertium** dicendum quod per baptismum Christi est tantum materia præparata ad actum baptismi ; sed virtus agens in baptismo est meritum passionis Christi et virtus Spiritus sancti. Et quia agens in omnibus est principalius quam materia, ideo potius in duobus determinatis temporibus baptismus celebrari debet quam in Ephiphania.

**125.** — Tamen ideo specialiter non est institutum baptismum celebrari in die illa, ut excluderetur *Quorundam* error, qui dicebant, nunquam baptismum posse conferri nisi<sup>4</sup> illa die qua Dominus baptizatus est.

**126.** — **Ad quartum** dicendum quod homo in baptismo configuratur passioni Christi per modum cujusdam consepitionis. Ut *Apostolus*, *Rom.* vi, 4, dicit. Et ideo in die sepulturæ congruentius fit quam in die passionis.

**127.** — **AD TERTIAM QUÆSTIONEM** dicendum quod *Dionysius* prosequitur ritum baptismi qui in primitiva Ecclesia servabatur in solemnibus celebrationibus baptismi, quando adulti ad baptismum veniebant. Et ideo *quatuor* per ordinem ponit : quorum *primum* pertinet ad catechismum, *secundum* ad exorcismum, *tertium* ad baptismum, *quartum* ad baptismi complementum.

**128.** — **Quantum ad catechismum** pertinet, hæc per ordinem tanguntur<sup>8</sup>. *Primo* instructio de fide per prædicationem Episcopi. *Secundo* conversio infidelis ad fidem, et accessus ad Episco

1. Ed. *ad.* « in ». — 2. Ed. *om.* « qui ». — 3. Ed. « ut in pluribus et ». — 4. Ed. *ad.* « in ». — 5. Ed. « Quantum ad catechismum, pertinent hæc quæ hic per ordinem tanguntur ».

pum mediante patrino, quem anadochum dicit. *Terlio* gratiarum actio et oratio ab Episcopo et clericis facta. *Quarto* petitio baptismi et professio observantiæ christianæ religionis. *Quinio* manus impositio, et signatio ejus signo crucis. *Sexto* conscriptio baptizandi et anadochi.

**129.** — **Sed quantum ad exorcismum** ponuntur *quatuor*. *Primo* exsufflatio versus occidentalem partem et abrenuntiatio. *Secundo* manuū ad coelum erectio, cum sacra confessione fidei et professione christianæ religionis. *Tertio* oratio, benedictio et manus impositio. *Quarto* denudatio et unctio oleo sancto quod dicitur ad catechumenos.

**130.** — **Sed quantum ad baptismum** ponit trinam immersionem cum aliis quæ ad baptismum requiruntur.

**Quantum vero ad perfectionem baptismi** quæ consequitur, ponit *tria* scilicet vestis traditionem, linitionem chrismatis in vertice et eucharistiæ. perceptionem.

**131.** — **AD PRIMUM** ergo dicendum quod Dionysius tradit ritum baptismi quantum ad maximam sui solemnitatem. Et ideo non ponit solum ministrum sufficientem, sed excellentem.

**132.** — **Ad secundum** dicendum quod circa baptismum ut ex prædictis patet, *triplex* manus impositio datur. *Una* in catechismo, ut homo in fide roboretur in seipso; *alia* in exorcismo, ut roboretur in pugna adversus diabolum; *tertia* in confirmatione, ut roboretur in confessione fidei contra pressuras mundi.

**133.** — **Ad tertium** dicendum quod de istis sacramentalibus quæ pertinent ad solemnitatem baptismi, quædam fuerunt in primitiva Ecclesia quæ nunc non sunt; et quædam postea superaddita sunt.

Unde *exorcismo aliquid subtractum* est, ut patet per ritum quem docet Rabanus (lib. I de *Institut. cleric.*, c. 25; L. 107, 311), scilicet conversio ad occidentalem partem et orientalem; *ei aliquid additum*, scilicet salis cibatio et aurium et naris sputo linitio, ad designandum remotionem illorum quæ præcipue possunt impedire fidei doctrinam, cujus sacramentum percipiendum est.

**134.** — *Potest enim impediri ne recipiatur. Et contra hoc adaperiuntur aures* sputo ad recipiendum fidem ex auditu per verbum Dei, *et nares* ad quærendum doctrinam fidei per odorem bonum notitiæ suæ sparsum in conversatione et doctrina sanctorum; ad similitudinem ejus quod Dominus luto ex sputo facto linivit oculos cæci nati (Joan., ix). Ideo autem oculi non liniuntur, quia visus inventioni servit, fides autem non est per inventionem humanam.

*Potest etiam\* impediri divulgatio fidei* in confitentibus et do-

1. F. « manum ». — 2. Ed. « illis ». — 3. *ay* « fuerant ». — 4. *a* « autem ».

centibus ipsam ; *et ideo apponitur in ore sal discretionis*, ut omnis sermo fidelium sit sale conditus.

**135.** — **Ad quartum** dicendum quod circa baptismum est *triplex* inunctio.

*Una ante baptismum quæ fit oleo sancto* quod dicitur ad catechumenos, et hoc secundum **Dionysium**, ubi supra (n. 7 ; G.3, 395) et **Amrosium** (lib. I *de Sacram.*, c. 2 ; L. 16, 437), fit in signum pugnæ contra inimicum, sicut athletæ inunguntur ; vel secundum **Rabanum** (ubi supra), ut nullæ reliquiæ latentis inimici resideant ; quia quod emollitum est, facilius ablui ab intrinsecis sordibus potest.

**136.** — *Secunda fit post baptismum chrismate in vertice*, ut sicut per ablutionem aquæ significatur emundatio a peccatis, ita per chrismatis linitionem in vertice significetur gratia collata in mente ad bene operandum, ut odor boni exempli ad alios diffundatur.

**137.** — *Tertia fit in confirmatione*, de qua post dicitur (d. 7, q. 3, a. 3, sol. 2).

**138.** — **Ad quintum** dicendum quod *illa linitio chrismatis* non est sacramentum confirmationis, sed *datur tantum in signum*. sicut et vestis candida et candela accensa ; ut *per vestem candidam* significetur novitas vitæ et puritas, *per chrisma* odor bonæ famæ, *per candelam accensam* veritas doctrinæ.

Eucharistiæ autem perceptio non ponitur a **Dionysio** quasi sacramentale baptismi, sed *quia* jam baptizatus est configuratus, admittit ad sacram<sup>2</sup> mensam ; *et iterum quia* omne sacramentum per eucharistiam consummatur, ut **Dionysius** dicit (*de Eccles., Hier.*, c. 3, p. 1 ; G. 3, 423).

## ARTICULUS II

[I]

[III, q. 71, a. 1.]

**139.** — **AD SECUNDUM SIC PROCEEDITUR.** Videtur quod CATECHISMUS BAPTISMUM PRÆCEDERE NON DEBEAT.

1. Quia, sicut dicit **Augustinus** in lib. *de catechizandis rudibus* (c. 3 ; L. 40, 313) : « *Narratio plena<sup>3</sup> est cum quisque primo catechizatur, ab eo quod scriptum est, « in principio creavit Deus celum et terram », usque ad presentia tempora Ecclesiæ.* » Sed hoc non potest fieri nisi longissimo tempore. Cum ergo periculosum sit tantum differri baptismum, videtur quod non debeat catechismus baptismum præcedere.

1. Ed. « admittitur ». — 2. Ed. « sacramentalem ». — 3. *ay* « plena ». — 4. *ay* « prius ».

2. **Præterea.** Mat. v u, 6, dicitur : « *Nolite sanctum dare canibus.* » Sed sanctum ibi dicitur doctrina sacra quæ « *non est committenda immundis* », ut Dionysius dicit {*de Eccles. Hierar.*, c. 1 ; G. 3, 370). Cum ergo non baptizati sint immundi, videtur quod non debeant catechizari non baptizati.

3. **Præterea.** Baptismus est spiritualis *regeneratio* per quam datur esse spirituale, ut Dionysius dicit (*ibid.*, c. 2 ; G. 3, 391). Sed prius est accipere esse quam doctrinam. Ergo baptismus debet præcedere catechismum.

140. — **SED CONTRA** est quod dicitur Mat. ult., 19 : « *Docete omnes gentes, baptizantes eos, etc.* » Ergo doctrina fidei quæ ad catechismum pertinet, debet præcedere baptismum.

141. — **Præterea.** Nullus digne accedit ad baptismum qui fictus accedit. Sed non credens reputatur fictus secundum Augustinum. Cum ergo « *fides sit ex auditu, auditus per verbum Christi* », ut dicitur Rom. x. 17, videtur quod oporteat prius instrui aliquem per verbum Christi quam ad baptismum accedat.

## [II]

[III, q. 71, a. 4.]

142. — **ULTERIUS.** Videtur quod catechizare non sit OFFICIUM SACERDOTIS.

1. Quia, secundum Dionysium in *Eccles. Hier.* (c. 5, p. 1, n. 6 ; G. 3, 507) diaconi habent officium super omnes immundos, quia ipsi habent purgativam virtutem. Sed primus gradus immundorum sunt catechumeni, ut ipse dicit. Ergo ad diaconos pertinet eorum instructio.

2. **Præterea.** Illius videtur esse instruere baptizandum cujus est ad baptismum eum adducere. Hoc autem est *anadochi*, idest patrini, secundum Dionysium, et non sacerdotis. Ergo et catechizare non erit sacerdotis officium.

143. — **SED CONTRA** est quod dicit Nicolaus Papa (in Decr., *de consecr.* d. 4 ; L. 187, 1818) : « *Catechismi baptizandorum a sacerdotibus uniuscujusque ecclesie fieri possunt.* » Ergo videtur esse officium sacerdotum.

## [III]

[III, q. 71, a. 1, ad 2.]

144. — **ULTERIUS.** Videtur quod pueri non debeant CATECHIZARI.

1. Frustra enim adhibetur instructio ei qui non est perceptibilis disciplinæ. Sed puer non est perceptibilis disciplinæ, quia

1. Ed. ad. « autem ».

non habet usum liberi arbitrii. Ergo non debet ei instructio adhiberi.

2. **Præterea.** In catechismo requiritur confessio fidei et professio christianæ religionis, ut per Dionysium patet (de *Eccl. Hier.*, c. 2, p. 2, n. 5, 6 ; G. 3, 394-5). Sed hoc per se puer facere non potest, nec aliquis pro puero, quia nullus potest ex voto alterius obligari. Ergo videtur quod non debeant pueri catechizari.

3. **Præterea.** Si ipse pro puero confiteretur, ergo videtur quod ipse patris obligetur ad instruendum puerum de his quæ pertinent ad fidem Christianam ; et ita videtur quod sit valde periculosum puerum de sacro fonte levare, cum raro aliquis de pueri instructione curam gerat.

145. — **SED CONTRA** est quod ritus baptismi debet in omnibus similiter observari, ut ostendatur unitas baptismi. Si ergo adulti catechizantur, et similiter pueri catechizari debent.

146. — **Præterea.** Ad hoc est generalis Ecclesiae consuetudo.

147. — **RESPONSIO.** Dicendum **AD PRIMAM QUÆSTIONEM** quod *sicut in aliis scientiis* et doctrinis *quædam* sunt *communia*, quibus ignoratis necesse est artem ignorare ; quædam autem *propria*, quæ sine ignorantia illius doctrinæ ignorari possunt ; *ita etiam in doctrina fidei quædam sunt* quæ *communia* dicuntur **fidei rudimenta**, ad quæ credenda explicite omnes tenentur, sicut est fides Trinitatis et Incarnationis et Passionis et divini iudicii et Providentiæ Dei de factis hominum ; **et talis instructio catechismus dicitur.**

*De aliis autem debet instrui post baptismum*, temporis processu.

148. — **AD PRIMUM** ergo dicendum quod non est necessarium quod omnia in particulari addiscat quæ in tota Biblia continentur, sed in quadam summa, ut scilicet videat quomodo in quolibet statu mundi Deo cura fuit de hominibus.

149. — **Ad secundum** dicendum quod Dominus loquitur de illis immundis qui fidei contrariantur, non de illis qui ad fidem accedere volunt unde sequitur : « *ne ipsi conversi dirumpant vos* ».

150. — **Ad tertium** dicendum quod generatio naturalis non præsupponit aliquam cognitionem, et ideo non potest præexistere aliqua instructio ; sed spiritualis regeneratio præsupponit vitam naturæ<sup>2</sup>, et ideo potest præexistere aliqua instructio.

151. — **AD SECUNDAM QUÆSTIONEM** dicendum quod *triplex est instructio fidei.*

*Una admonitoria* qua quis ad fidem convertitur, *et hæc proprie*

1. Ed. « omnibus », contra *αβγδεζη*. — 2. Ed. « naturalem ».

*esi sacerdotum* quorum est prædicare et docere, unde et Dionysius (*Eccl. Hier.*, c. 5, p. 1, n. 6, 7 ; G. 3, 506), hanc instructionem Episcopo attribuit.

**152.** — *Alia esi instructio disciplinatis* qua quis instruitur qualiter ad baptismum accedere debet et quid credere debeat ; *etl hæc pertinet ad officium diaconi* et per consequens sacerdotis ; quia quidquid est diaconi, est etiam sacerdotis.

**153.** — *Tertia, quæ sequitur baptismum ; et hæc pertinet ad anadochum et ad prælalos Ecclesiæ.* Praelati enim Ecclesiæ habent quasi doctrinam generalem quæ per officium anadochi specialiter ad hunc vel illum adaptatur secundum quod ei competit.

**154.** — **AD PRIMUM** ergo dicendum quod in primitiva Ecclesia quando adulti ad baptismum veniebant, qui magna instructione indigebant, hoc per diaconos exercebatur, sacerdotibus circa majora occupatis ; et ideo Dionysius diaconibus attribuit.

**155.** — **Ad secundum** dicendum quod anadochus non instruit ante baptismum de fide, sed conversum jam recipit ad instructionem præsentans.

**156.** — **Ad tertium** dicendum quod quidquid est diaconi, licet etiam sacerdotibus facere. Unde per hoc non removetur quin catechizare sit officium diaconi.

**157.** — **AD TERTIAM QÜÆSTIONEM** dicendum quod catechismus est quasi quædam dispositio ad baptismum. Dispositiones autem debent proportionari illis ad quæ disponunt.

Unde *in adultis* in quibus in baptismo *requiritur propria fides ei propria voluntas*, requiritur et quod ipse per se catechizetur et per se confiteatur et Christianam religionem profiteatur.

**158.** — **In puero** autem cujus baptismus operatur tantum ex fide Ecclesiæ et merito Christi, **fit instructio mediante alio.** Unde eadem quibus instruendus est, proponuntur præsentante anadocho cui committitur in his instruendus ; et ipse loco ejus confessionem et professionem facit.

**159.** — **AD PRIMUM** ergo dicendum quod quamvis non sit tunc actu perceptibilis disciplinæ, tamen habet hujusmodi perceptibilitatem in radice quantum ad potentiam rationis quam habet ex natura et quantum ad habitum fidei quem recipit in baptismo.

**160.** — **Ad secundum** dicendum quod quamvis puer confiteri non possit per se vel profiteri, tamen alius vicem ejus supplet, non quidem suam propriam fidem confitens sed fidem pueri et quantum ad id quod nunc est, ut sit sensus : « *Credo* » ;

idest sacramentum fidei præsto sum accipere, in persona pueri loquens, ut Augustinus (12a) exponit ; et quantum ad id quod futurum est, ut sit sensus, « Credo » : idest quando ad perfectam ætatem veniam fidei consentiam, ut Dionysius exponit (de Eccl. Hier., c. 7, n. 11 ; G. 3, 566).

Et hoc quidem confiteri potest ex proposito sollicitudinis circa ipsum adhibendæ ut alio modo possit esse sensus, « Credo » ; idest, operam dabo ad hoc quod credat ; et in hoc ipse puer obligatur et anadochus ; quia de illis ad quæ omnes tenentur, non est inconueniens si unus alium obliget ; secus autem est de consiliis ad quæ non omnes tenentur.

**161.** — Ad tertium dicendum quod *non est ibi magnum periculum quantum ad modernum tempus*, quia parentes pueri sunt Christiani, et satis probabiliter potest æstimari quod eum in fide nutriente et etiam ex aliis quibus convivet, fidem addiscet.

**162.** — *Secus autem erat in primitiva Ecclesia*, ubi pueri cum infidelibus conservabantur ; et ideo diligentior cura adhibenda erat ab anadocho vel patrino.

**163.** — *Et similiter etiam nunc*, si pueri parentes de infidelitate suspecti essent, vel si inter infideles conversaturus foret puer.

### ARTICULUS III

#### [I]

[*Infra*, sol. 2, ad 4 ; III, q. 71, a. 2.]

**164.** — **AD TERTIUM SIC PROCEDITUR.** Videtur quod EXORCIMUS IN EODEM NON DEBEAT PRÆCEDERE BAPTISMUM.

1. Exorcismi enim contra energumenos instituti sunt. Sed non omnes qui accedunt ad baptismum sunt energumeni. Ergo non omnes sunt exorcizandi.

2. **Præterea.** Prius debet curari causa quam curetur effectus. Sed peccatum est causa quare in quibusdam diabolus potestatem habeat. Si ergo exorcismi sunt ad potestatem diaboli pellendam, videtur quod prius deberet aliquis per baptismum a peccato mundari, quam per exorcismum a potestate diaboli.

3. **Præterea.** Ad idem superfluum est diversa remedia ordinari. Sed ad potestates dæmonis arcendas sufficit aqua benedicta. Ergo non oportet ad hoc alios exorcismos esse.

**165.** — **SED CONTRA** est quod Cælestius Papa dicit (*De consec.*, d. 4, c. 53, L. 187, 1818) « *Sive parvuli sive juvenes ad regenerationis veniam sacramentum, non fontem vitæ prius adeant quam exorcismis et exsufflationibus clericorum immundus spiritus ab eis abjiciatur.* »

**166. — Præterea.** Alia quæ sanctificantur prius exorcizantur, sicut patet in aqua benedicta et in sale quod apponitur. Cum ergo in baptismo homo consecratur, videtur quod prius debeat exorcizari.

## [II]

[III, q. 71, a. 3.]

**167. — ULTERIUS.** Videtur quod exorcismus non habeat ALIQUEM EFFECTUM, SED SIT ALII SIGNIFICANDUM TANTUM.

1. Nihil enim plus exigitur ad sacramentum novæ legis nisi quod significet et efficiat quod significat. Si ergo ea quæ sunt in exorcismo, non solum significant sed etiam efficiunt, tunc per se sacramenta sunt et non sacramentalia.

2. **Præterea.** *Sicut* exorcismus præcedit baptismum, *ita* et quædam alia sacramentalia consequuntur ipsum, sicut primò (129-130) dictum est. Sed illa consequentia sunt tantum ad significandum. Ergo et exorcismus.

3. **Præterea.** Si aliquis exorcizatus puer ante baptismum moriatur, constat quod hoc eum a dæmone non liberat<sup>2</sup>. Ergo ad minus in anima ejus exorcismus nullum effectum habuit.

4. **Præterea.** Sicut dicit Cyprianus (ep. 69 ed. Hartel, c. 15, n. 1) : « *Scias diaboli nequitiam permanere usque ad aquam salutarem posse ; in baptismo autem nequitiam amittere.* » Sed aliquando etiam post baptismum exorcismus fit in aliis quibus in articulo necessitatis exorcismus omissus fuerat<sup>3</sup>, si periculum evadant. Ergo non liberat a potestate dæmonis et nullum alium effectum<sup>4</sup> habere videtur.

**168. — SED CONTRA.** Gregorius *super Ezech.*<sup>5</sup> [in *Evangelio* hom. 29, n. 4 ; L. 76, 1215). « *Sacerdos dum per exorcismi gratiam manus credentibus imponit, et habitare malignos spiritus in eorum mente contradicit, quid aliud facit, nisi quia dæmonia<sup>6</sup> ejicit.* » Ergo habet aliquem effectum.

**169. — Præterea<sup>7</sup>.** Exorcismi Salomonis habebant aliquem effectum ad pellendos dæmones. Ergo multo fortius exorcismi Ecclesiæ.

## [III]

[III, q. 71, a. 4.]

**170. — ULTERIUS.** Videtur quod exorcizare sit officium EORUM QUI IN SACRIS ORDINIBUS CONSTITUUNTUR.

1. Quia operari in immundis, secundum Dionysium (*Eccl.*

1. Ed. « prius ». — 2. Ed. « liberet ». — 3. Ed. « fuerit ». — 4. Ed. om. « alium effectum ». — 5. F. om. « Ezech ». — 6. Ed. « dæmones ». — 7. Ed. « Sed contra ».

*Hier.*, c. 5, η. 6 ; G. 3, 507), ad diaconum<sup>1</sup> pertinet. Sed inter immundos, secundum Dionysium secundum locum tenent energumeni. Cum ergo exorcizatio sit ad eos sicut catechizatio ad catechumenos, videtur quod sit eorum qui sunt in sacris ordinibus.

2. **Praeterea.** Catechismus præcedit exorcismum. Sed in artibus operativis ita est quod operatio principalioris artis semper sequitur, sicut patet de arte quæ secatur ligna et quæ compaginatur navem. Cum ergo catechismus per diaconos vel sacerdotes fiat, videtur quod exorcismus non possit fieri per illos qui sunt in minoribus ordinibus.

3. **Praeterea.** Ad hoc est consuetudo Ecclesiæ, quia exorcizatio solum per sacerdotes fit : quod etiam ex auctoritate Gregorii inducta patet.

171. — **SED CONTRA** est quod infra d. 24<sup>2</sup> dicit Magister quod ad exorcistas pertinet exorcismos memoriter tenere, manus super energumenos imponere. Ergo cum exorcista non sit sacerdos, videtur quod ille qui est in minoribus ordinibus constitutus possit exorcizare ex officio.

172. — **RESPONSIO.** Dicendum **AD PRIMAM QUÆSTIONEM** quod propter peccatum hominis diabolus potestatem accipit in hominem et in omnia quæ in usum hominis veniunt, in ipsius nocumentum. Et ideo<sup>3</sup> quia nulla est conventio Christi ad Belial, ideo quodcumque aliquid sanctificandum est ad cultum divinum, prius exorcizatur, ut liberatum a potestate diaboli qua illud<sup>4</sup> in nocumentum hominis assumere poterat, Deo consecratur. Et hoc patet in benedictione aquæ, in consecratione templi et in omnibus hujusmodi.

173. — Unde cum propria sanctificatio qua homo Deo consecratur sit in baptismo, **oportet quod etiam homo prius exorcizetur quam baptizetur** multo fortiori ratione quam alia res ; quia in ipso homine est causa quare diabolus potestatem accipit in hominem et in alia quæ sunt propter hominem, scilicet peccatum originale vel actuale. *Et hoc<sup>5</sup> significant ea quæ in exorcismo dicuntur,*<sup>6</sup> ut cum dicitur : « *Recede ab eo Satana* », et hujusmodi ; *et similiter ea quæ ibi fiunt*, quia ipsa *exufflatio* significat dæmonis expulsionem ; *benedictio autem* cum manus impositione præcludit expulso viam, ne redire possit ; *sal autem* in os missum, et *narium et aurium sputo linitio* significat remotionem impedimenti ipsius dæmonis respectu fidei docendæ vel addiscendæ, ut dictum est ; sed *olei inunctio* significat expeditio-

1. Ed. « diaconos » — 2. Ed. *om.* « d. 24 ». — 3. Ed. *om.* « ideo ». — 4. α « quam in » ; βγ<sup>η</sup> « quam illud » et *om.* « in ». — 5. Ed. < hæc ». 6. Ed. *ad.* « sed ».

nem hominis in pugna quam adversus diabolum suscipit, a cujus potestate exemptus est.

**174. — AD PRIMUM** ergo dicendum quod *energumeni* dicuntur *interius laborantes*, ab « *en* », quod est « *in* », et « *ergon* », quod est « *labor* ». Et quamvis non omnes baptizandi sint energumeni nec interius laborantes a diabolo vexati corporaliter, tamen interius laborant vel infirmantur propter infectionem fomitis diabolo in eis potestatem habente.

**175. — Ad secundum** dicendum quod quando effectus confirmant causam, tunc prius laborandum est ad curandum effectum, ut sic expeditus procedatur ad curationem causæ. Potestas autem dæmonis quæ ex peccato consequitur, et tenet et conservat hominem in malitia et in peccato. Et ideo prius evacuanda est potestas dæmonis vel debilitanda — quod in exorcismo fit — ne curationem causæ, idest peccati, in baptismo factam impedire possit.

**176. — Ad tertium** dicendum quod diabolum impugnat nos et ab exteriori et ab interiori. Aqua ergo benedicta ordinatur contra impugnationem diaboli quæ est ab exteriori, sed exorcismus contra impugnationem quæ est ab interiori. Unde et illi contra quos datur dicuntur energumeni, idest interius laborantes.

**177. — AD SECUNDAM QUÆSTIONEM** dicendum quod circa hoc est *duplex opinio*.

**Quidam** enim dicunt quod *ea quæ in exorcismo aguntur, sunt tantum signa eorum quæ postea in baptismo complentur*, in quo potestas dæmonis totaliter evacuatur, ut *Cyprianus* dicit in auctoritate inducta.

**178. — Sed hoc est contra auctoritatem Gregorii inductam**, et contra ea quæ in exorcizando dicuntur: quæ frustra dicerentur, nisi aliquem effectum haberent, præcipue cum per modum imperii et non solum per modum orationis dicantur in hoc quod dicitur: « *Ergo, maledicte diabole, exi ab eo* etc. »

**179. — Et ideo dicendum secundum Alios** quod non tantum significant, sed **etiam efficiunt aliquid, non tantum in corpore, sed etiam in anima**, quia in utroque est infectio fomitis. Effectus autem iste est debilitatio potestatis dæmonis, ne tantum possit in homine sicut ante, ne baptismum et alia bona in ipso impediat; sed potestas prædicta totaliter in baptismo aufertur. Sicut etiam Pharaon prius flagellatus est populo nondum de Ægypto egresso, et postea totaliter in mari rubro, quod est figura baptismi, submersus.

**180. — AD PRIMUM** ergo dicendum, quod **sacramenta novæ**

**legis habent effectum in conferendo gratiam** qua perfecte morbo subvenitur, contra quem sacramentum ordinatur; sed **sacramentalia** habent effectum *in removendo contrarias dispositiones vel impedimenta gratiæ*; et ideo secundum diversa impedimenta multiplicantur, nec in eis gratia confertur.

**181. — Ad secundum** dicendum quod non est simile de sacramentalibus quæ sequuntur et quæ præcedunt; quia ex quo baptismus plene effectum suum habet, non oportet quod impedientia baptismum tollantur, quia jam impediri non potest; tamen non est remotum quin unctio chrismatis post baptismum in vertice facta aliquem effectum ad gratiam conferendam vel conservandam habeat.

**182. — Ad tertium** dicendum quod *Præpositus* dixit quod exorcizatus ante baptismum decedens minores tenebras patietur.

**Sed hoc nihil est**; quia tenebræ illæ in sola carentia divinæ visionis consistunt, cum non habeant aliam pœnam sensibilem; et hoc in omnibus æqualiter erit.

**Et ideo dicendum aliter** quod non habet effectum in collatione gratiæ, sed solum in debilitatione potestatis dæmonis; et ideo hoc valet ei tantum in .vita.

**183. — Ad quartum** dicendum quod ad hoc quod uniformitas baptismi observetur, *oportet quod exorcismus si prætermisus fuit, post baptismum suppleatur*; **et tunc tantum significat**; vel forte etiam additur aliqua cohibitio ab impugnatione diaboli.

*Nec hoc est? inconveniens*, cum etiam per aquam benedictam qua post baptismum aspergimur, aliqua potestas dæmonis reprimatur.

**184. — AD TERTIAM QUÆSTIONEM** dicendum quod exorcizare ad exorcistas pertinet ex proprio officio ordinis; nihilominus tamen est et superiorum ordinum.

Tamen propter ostendendam unitatem baptismi, **consuetum est in Ecclesia ut totum quod ad baptismum pertinet, expleatur ab uno, scilicet a sacerdote**; et *præcipue nunc*, quando non venit magna multitudo simul ad baptismum et sunt multi sacerdotes.

**185. — In primitiva autem Ecclesia** quandoque magna turba simul ad baptismum accedebat, et erant, pauci sacerdotes. Unde hujusmodi sacramentalia relinquebantur in minoribus ordinibus<sup>3</sup>.

**186. · AD PRIMUM** ergo dicendum quod *Dionysius* sub ministris comprehendit omnes ordines inferiores. Et ideo ministri qui diaconi dicuntur, attribuit omnia quæ sunt inferiorum

1. Ecl. « Præ osilivus ». — 2. Ed. om. « est ». — 3. Ed. ad. » constitutis ».

ordinum ; quia forte in primitiva Ecclesia nondum erant illi ordines ita distincti propter paucitatem ministrorum.

**187.** — **Ad secundum** dicendum quod *sicut* exorcismus primo pertinet ad exorcistam, *ita* etiam primus ordo qui habet actum in catechizando est ordo lectorum, quamvis hoc postea per superiores ordines compleatur. Et ideo *sicut* catechismus praecedit exorcismum, *ita* ordo lectoris praecedit ordinem exorcistae.

**188.** — **Ad tertium** dicendum quod completa potestas in exorcizando competit sacerdoti. Et ideo quando non est magna necessitas, ipse secundum consuetudinem Ecclesiae exorcismi actum exequitur. Et secundum hanc consuetudinem loquitur, auctoritas Gregorii.

### EXPOSITIO TEXTUS

**189.** — Hoc etiam sciendum est quod licet ter immergatur etc. » (4) De trina immersione supra d. 3 dictum est.

**190.** — Acceleratus est usus rationis. » (6) Quia Augustinus super hoc ambigue loquitur, ideo diversimode Quidam de hoc senserunt.

Dixerunt enim Quidam quod Joannis exultatio non fuit aliquis motus corporalis, sed miraculosus quasi gaudentis, ut matri innotesceret matris Salvatoris adventus.

**191.** — Alii autem **dicunt aliter et melius** quod ad illud momentum datus est ei usus rationis ; nec est inconveniens si postea sit subtractus, sicut et gratia raptus ad momentum datur : secus autem est de gratia gratum faciente, quæ non subtrahitur sine culpa.

**192.** — « Non errorem inducens etc. » (7a) Quia si errorem vellet inducere, intendens mutare formam Ecclesiae, hoc ipso non intenderet facere quod Ecclesia facit ; et ideo non baptizaret. De corruptione autem formæ supra d. 3, dictum est.

**193.** — « Divinum iudicium per alicujus revelationis etc. » (9a)

**Videtur quod male dicat**; quia divinum iudicium non est hoc modo requirendum nisi in dubiis. Certum autem videtur quod si ludo fecit, intentio defuit et verus baptismus non fuit.

**Et dicendum** quod ludus aliquando excludit intentionem, et aliquando non. Cum enim ludo fieri dicantur quæ præter intentionem alicujus utilitatis fiunt ad solam delectationem, ludus baptizantium ludo potest excludere intentionem respectu utriusque effectus ablutionis, scilicet sacramenti collationis, et rei sacramenti ; et tunc non intendit facere quod facit Ecclesia in collatione sacramenti ; et ita talis ludus evacuat intentionem quæ requiritur in sacramento : vel potest excludere tantum secundum utilitatem, ut scilicet velit de hoc ludum suum

facere ex eo quod baptismi sacramentum conferat, non propter sanctificationem baptizandi hoc faciens ; et tunc manet intentio quæ sufficit ad baptismum. Et ideo<sup>1</sup> propter hoc dubium dixit Augustinus<sup>2</sup> : « *implorandum est divinum iudicium* ». Et ideo dicitur quod puer Athanasius ludendo simulans se Episcopum baptizavit quosdam, et iudicatum est ab Alexandro Episcopo ut non rebaptizarentur ; quia inventum est quod ipse intentionem baptizandi habuit : quod etiam patet ex hoc quod non baptizabat nisi catechumenos.

**194.** — « Cui additur exorcismus etc. » (14)

**Videtur quod exorcismus debeat præcedere catechismum,** quia prius removendum est malum quam perficiatur aliquis in bono.

**Et dicendum** quod verum est, si utrumque in eodem genere accipiatur. Sed catechismus ordinat ad bonum non efficiendo aliquid, sed solum instruendo ; exorcismus autem removet malum etiam<sup>3</sup> operando ; et instructio in talibus debet operationem præcedere, ut sciat homo quid in eo fieri debeat.

1. Ed. *om.* « ideo ». — 2. F. *om.* « dixit Augustinus ». — 3. Ed. « in ».

## DISTINCTIO VII

### De Confirmatione

1. — Nunc de sacramento Confirmationis addendum est, de cuius virtute quæri solet.

Forma enim aperta est, scilicet verba quæ dicit Episcopus, cum baptizatos in frontibus sacro signat chrismate.

### De ministro confirmationis

2. — Quod sacramentum « *ab aliis perfici non potest nisi a summis sacerdotibus, nec tempore Apostolorum ab aliis quam ab ipsis Apostolis legitur peractum; nec ab aliis quam ab illis qui locum eorum tenent, perfici potest aut debet. Nani si aliter præsumptum fuerit, irritum habetur et vacuum, nec inter ecclesiastica reputabitur sacramenta.* » (*Decret.* de Consecrat., d. 5, c. 4; L. 187, 1857).

3. — Gregorius<sup>2</sup>: « *Licet autem presbyteris baptizatos tangere in pectore, sed non chrismate signare in fronte.* » (*Lib. IV Ep. 9; L. 17,677; ep. 26, coi. 696.*)

### De effectu hujus sacramenti

4. — Virtus autem<sup>3</sup> hujus sacramenti est donatio Spiritus sancti ad robur, qui in baptismo datur<sup>4</sup> ad remissionem.

Unde Rabanes (*de institutione clericorum*, c. 30; L. 107, 314): « *A summo sacerdote per impositionem manus Paraclitus traditur baptizato, ut roboretur per Spiritum sanctum ad prædicandum aliis illud quod ipse in baptismo consecutus est.* »

a. — Item (Urbanus papa, *Ivo Decret.* p. 1, c. 260; L. 161, 121): « *Omnes fideles per manus<sup>1</sup> impositionem Episcoporum post baptismum accipere debent Spiritum sanctum, ut pleni Christiani inveniantur.* »

### Utrum hoc sacramentum sit dignius baptismo

b. — « *Scitote utrumque esse magnum<sup>5</sup> sacramentum, sed unum majori veneratione tenendum, sicut a majoribus datur.* » (*Melchides papa, Decret. de Consecrat.* d. 5, c. 3; L. 187, 1856).

Ecce majus dicit sacramentum confirmationis<sup>6</sup>, forte non ob majorem virtutem et utilitatem quam conferat, sed quia a dignioribus datur, et in digniori parte corporis fit, scilicet<sup>7</sup> in fronte; vel forte quia majus augmentum virtutum præstat, licet baptismus plus ad remissionem valeat.

Quod videtur innuere Rabanus (ubi supra) dicens, « *in unctione bap-*

1. Ed. « hoc ». — 2. Quar. *om.* « Gregorius », cf. infra (147). — 3. Quar. \* vero ». — 4. Quar. « datus est ». — 5. Quar. *om.* « magnum ». — 6. Ed. *ad.* « sed », — 7. Quar. « vel ». — 8. Quar. « idest »

*tismi Spiritum sanctum descendere ad habitationem Deo consecrandam ; in hoc vero ejusdem septiformem gratiam cum omni plenitudine sanctitatis et virtutis venire in hominem. »*

De ritu hujus sacramenti

5. — Hoc sacramentum tantum a jejunis accipi et jejunis tradi debet, sicut et baptismus, nisi aliter cogat necessitas.

Nec debet iterari, sicut nec baptismus vel ordo. Nulli enim sacramento facienda est injuria : quod fieri putatur, quando non iterandum iteratur.

Sed utrum aliqua vel nulla iterari possint, quæstio est.

Nam de baptismo et ordine quod non debeant iterari, aperte Augustinus. (*Contra Ep. Parmen* ; lib. II, c. 13, η. 28 ; L. 43, 70) ait : « *Utrumque sacramentum est, et quadam consecratione datur : illud quidem cum baptizatur, illud vero cum ordinatur. Ideoque in Ecclesia catholica utrumque non licet iterari* », quia neutri facienda est injuria. Quod indubitanter etiam de confirmatione tenendum est. De aliis vero utrum iterari valeant vel debeant, postea disseremus (d. 23).

DIVISIO TEXTUS

6. — « Nunc de sacramento confirmationis etc. »

Postquam determinavit Magister de sacramento intrantium, scilicet<sup>2</sup> baptismo, *hic intendit determinare de sacramentis quæ pertinent ad progredientes in via Dei.*

Et dividitur in partes duas. *In prima* determinat de sacramentis quibus progredientes in bono perficiuntur ; *in secunda* de sacramento quo a malo sublevantur quos cadere accidit, scilicet de poenitentia, d. 14, ibi : « Post hoc de poenitentia agendum est etc. »

*Prima in duas. In prima* determinat de sacramento confirmationis qua aliquis in seipso perficitur ad modum quo forma perficit ; *in secunda* de eucharistia qua aliquis perficitur per conjunctionem ad finem, 8 d., ibi : « Post sacramentum baptismi etc. »

*Prima in duas. In prima* tangit ea quæ sunt intra essentiam sacramenti, scilicet materiam et formam ; (1) *in secunda*, ea quæ sunt extra essentiam ipsius, ibi : « Quod<sup>3</sup> sacramentum ab aliis etc. » (2)

Et circa hoc tria facit. *Primo* determinat ministrum hujus sacramenti ; *secundo* effectum ibi : « Virtus autem hujus sacramenti etc. ; (4) *tertio* ritum, ibi : « Hoc sacramentum tantum etc. » (5)

Circa primum duo facit. *Primo* determinat veritatem. *Secundo* removet quamdam objectionem, ibi : « Gregorius tantum<sup>4</sup> etc. »

1. Ed. « dicit ». — 2. Ed. *ad.* « de ». — 3. Ed. « Hæc ». — 4. N. P. « Melchiades » F... *om.* « Tantum etc. ».

Hic est triplex quæstio

Primo<sup>1</sup> de ipso sacramento confirmationis.

Secundo<sup>2</sup> de effectu ejus.

Tertio<sup>3</sup> de celebratione ipsius.

## QUÆSTIO I

Circa primum quæruntur tria

*Primo*, utrum confirmatio sit sacramentum per se.

*Secundo* de materia ejus.

*Tertio*, de forma.

### ARTICULUS I

[I]

[*Supra*, d. 2, q. 1, a. 2; III, q. 65, a. 1; q. 72, a. 1; IV Cg., c. 58.]

**7. — AD PRIMUM SIC PROCEDITUR.** Videtur quod confirmatio NON SIT SACRAMENTUM.

1. Omne enim sacramentum efficaciam habet ab institutione divina. Sed confirmatio non legitur a Domino instituta. Ergo non est sacramentum.

2. **Præterea.** Illud cujus est usus in omnibus vel pluribus sacramentis, non videtur esse sacramentum per se. Sed, sicut dicit Dionysius (de *Eccles. Hierar.*, c. 4, p. 3, n. 10; G. 3, 483), usus sacri unguenti, scilicet chrismatis, est in aliis sacramentis pluribus, sicut patet in baptismo in quo infunditur chrisma in aqua baptismi, et baptizatus in vertice chrismatis inungitur, et similiter pontifices chrismatis inunctione consecrantur, et altare etiam in quo eucharistia consecranda est chrismate linitur, et calix similiter. Ergo confirmatio quæ dicitur chrismatio, non est aliquod speciale sacramentum, sed magis sacramentale.

3. **Præterea.** Sacramenta novæ legis in veteri præfigurata fuerunt. Sed nulla figura confirmationis in lege veteri legitur præcessisse. Ergo confirmatio non est sacramentum.

**8. — SED CONTRA** est quod Rabanus in *Littera* (4b) dicit : « *Scitote utrumque magnum esse sacramentum* », scilicet confirmationem et baptismum.

**9. — Præterea.** Hoc patet per definitionem sacramenti quæ competit confirmationi, quia<sup>4</sup> habet significationem gratiæ in

1. Ed. « Prima ». — 2. Ed. « Secunda ». — 3. Ed. « Tertia ». — 4. Ed. « quæ ».

linitione olei, et habet efficaciam, ut in Lz7/era(4a) dicitur, in collatione gratiæ ad plenitudinem sanctitatis. Ergo est sacramentum.

## [II]

**10. — ULTERIUS.** VIDETUR QUOD SIT SACRAMENTUM NECESSITATIS.

1. Quia, ut Rabanus in *Littera* (4a) dicit, « omnes fideles debent post baptismum per episcopos accipere Spiritum sanctum, ut pleni Christiani inveniantur. » Sed hoc est de necessitate salutis, ut aliquis sit plenus Christianus. Ergo sacramentum confirmationis est sacramentum necessitatis.

2. **Præterea.** Sacramentum confirmationis contra morbum peccati ordinatur. Sed hoc est de necessitate salutis, ut quis a morbo peccati liberetur. Ergo confirmatio est sacramentum necessitatis.

3. **Præterea.** *Sicut* ad justitiam exigitur recessus a malo, *ita* et accessus ad bonum. Sed baptismus operatur ad recessum a malo, quod ipsum ablutionis nomen ostendit; confirmatio autem ad accessum ad bonum, quod etiam ex nomine patet. Ergo *sicut* baptismus est de necessitate sanctificationis, *ita* et confirmatio.

**11. — SED CONTRA.** Sine eo quod est de necessitate salutis, non est salus. Sed pueri baptizati salvantur si ante confirmationem moriantur. Ergo non est sacramentum necessitatis.

**12. — Præterea.** Gratiæ et virtus suffiunt ad salutem. Sed in baptismo confertur gratia et plenitudo virtutum. Ergo baptismus sufficit ad salutem; et ita confirmatio non est sacramentum necessitatis.

## [III]

**13. — ULTERIUS.** Videtur quod baptismus sit nobilior sacramentum quam confirmatio.

1. Quia essentialia rei accidentalibus digniora sunt, sicut substantia accidente. Sed baptismus essentialiter se habet ad salutem, cum sit sacramentum necessitatis; confirmatio quasi accidentaliter, cum non sit necessitatis sacramentum. Ergo baptismus est nobilior sacramentum confirmationem.

2. **Præterea.** Effectus proportionatur suæ causæ. Sed baptismus habet majorem efficaciam in efficiendo; quia delet omnem culpam et poenam, quod non facit confirmatio. Ergo est nobilior sacramentum.

**14. — SED CONTRA.** Ad nobiliores actiones ordinatur

1. *αβ* « sufficit », contra *εη* et ed.

nobilius ministerium. Sed confirmatio datur a nobiliori ministro quam baptismus. Ergo confirmatio est nobilius sacramentum baptismo.

**15. — RESPONSIO.** Dicendum **AD PRIMAM QUÆSTIONEM** quod actiones quæ sunt ordinatæ ad aliquos effectus proprios et determinatos, recipiunt distinctionem secundum proportionem ad suos effectus. Unde si ad duos effectus distinctos ordinentur, erunt duæ diversæ actiones. Si autem ordinentur ad unum effectum, ita quod una disponat vel impedimentum removeat et alia perficiat et alia ornet perfectum, totum computatur pro una integra actione, sicut patet in operibus artificum.

**16. —** Unde cum sacramenta sint quædam actiones hierarchicæ secundum Dionysium (de *Eccl. Hier'*, c. 5, n. 1; G. 3, 499), ordinatæ ad aliquos effectus salutis, quando plures actiones sacramentales ordinantur ad unum effectum, una ut perficiens, alia ut disponens vel impedimentum removens vel aliquo modo ornans, tunc in illa quæ efficit effectum principalem consistit essentialiter ratio sacramenti. Aliæ autem non dicuntur per se sacramenta, sed sacramentalia quædam, quasi sacramentis adjuncta, sicut patet ex his quæ dicta sunt circa baptismum in exorcismo et catechismo et aliis hujusmodi concurrere.

**17. —** Quando autem sunt plures actiones ordinatæ ad effectus omnino distinctos, tunc sunt diversa sacramenta.

**Et ideo** cum **confirmatio** habeat per se effectum distinctum ab effectu baptismi, ut patebit, non est sacramentale baptismi, sed potius **per se est principale sacramentum.**

**18. — AD PRIMUM** ergo dicendum quod *circa institutionem hujus sacramenti est triplex opinio.*

*Una enim dicit quod hoc sacramentum non fuit institutum nec a Christo nec ab Apostolis, sed postea processu temporis in quodam Concilio. Et dicunt quod Dominus rem sacramenti hujus sine sacramento conferebat manus imponendo, similiter et Apostoli, eo quod ipsi confirmati fuerunt immediate a Spiritu sancto.*

**19. —** **Sed hoc videtur valde absonum**; quia secundum hoc Ecclesia tota die posset nova sacramenta instituere: quod falsum est, cum ipsi non sint factores legis, sed ministri, et fundamentum cujuslibet legis in sacramentis consistit.

**20. — Et præterea** in *Littera (2)* dicitur quod! « *tempore Apostolorum... non ab aliis quam ab Apostolis fuit peractum* ».

**21. —** Ideo **Alii** dicunt quod non *fuit* a Christo sed *ab Apostolis institutum hoc sacramentum.*

22. — **Sed hoc etiam non competit** ; quia et ipsi Apostoli quamvis essent bases Ecclesiæ, tamen non fuerunt legislatores ; unde ad eos non pertinebat sacramenta instituere.

23. — **Et ideo probabilior videtur** Aliorum opinio, qui dicunt **hoc sacramentum**, sicut et omnia alia, a **Christo fuisse instituta** ; quod patet ex hoc quod ipse etiam Dominus manus pueris imponebat, ut patet Mat. xix, 15. Nec obstat quod in Evangelio vel in Actibus Apostolorum non fit mentio de materia vel forma hujus sacramenti ; quia formæ sacramentales et alia quæ in sacramentis exiguntur, occultanda erant in primitiva Ecclesia propter irrisiones gentilium, ut Dionysius dicit ; unde etiam in fine *Eccl. Hier.* (c. 7, p. 3, n. 10 ; G. 3, 566<sup>^</sup> excusat se a determinatione formarum sacramentalium. Secus autem de baptismo quod erat sacramentum necessitatis, et statim cuilibet offerebatur in principio.

24. — **Ad secundum** dicendum quod quamvis materia confirmationis scilicet chrismate, utantur Ecclesiæ ministri in diversis sacramentis, tamen hoc sacramentum non consistit tantum in materia, sed in forma verborum et actu, sicut et sacramentum baptismi ; et hoc non utuntur in aliis sacramentis ; *et ideo est per se sacramentum.*

25. — **Ad tertium** dicendum quod *hoc sacramentum est ad perfectionem gratiæ.* Et quia status legis erat status imperfectionis eo quod « nihil ad perfectum adduxit lex » *'Hebr., vn, 19)*, ideo hoc sacramentum non habuit aliquid sibi respondens in veteri lege ; quamvis aliquo modo sit figuratum in unctione Pontificum, qua significabatur unctio Christi a quo hæc unctio derivatur.

26. — **AD SECUNDAM QUÆSTIONEM** dicendum quod *est triplex necessitas.*

**Una est necessitas absoluta**, sicut necessarium est Deum esse vel triangulum habere tres angulos.

**Alia est necessitas ex causa efficiente**, quæ dicitur necessitas coactionis.

**Tertia est necessitas ex suppositione finis** ; et est *duplex.* Quia *uno modo* dicitur necessarium sine quo aliquis non potest conservari *in esse*, sicut nutrimentum animali. *Alio modo* sine quo non potest haberi quod pertinet *ad bene esse*, sicut equus dicitur necessarius ambulare volenti, et medicina ad hoc quod homo sane vivat.

27. — Primis ergo duobus modis non **dicitur aliquod sacramentum** esse necessitatis, sed **tertia necessitate** ; *quædam* quidem quantum *ad primum modum*, illa scilicet sine quibus non potest

homo in spirituali vita vivere, sicut *ell baptismus et poenitentia* ; — *quædam* autem sine quibus non potest consequi aiiquem effectum qui est ad bene esse spiritualis vite ; et hoc modo *confirmatio* et omnia alia sunt necessaria.

Verumtamen contemptus cuiuslibet sacramenti est periculosus.

**28.** — Objectiones autem procedunt de primo modo tertiæ necessitatis. Et ideo dicendum **AD PRIMUM** quod *est plenitudo christianæ gratiæ sufficiens ad salutem*, et hæc datur in baptismo ; et est *plenitudo copiae gratiæ ad fortiter resistendum contra pressuras mundi, et hæc datur in confirmatione, et sine hac potest esse salus*.

**29.** — **Ad secundum** dicendum quod morbus peccati *duplíciter* expellitur.

*Uno modo* quo ad culpam originalem in baptismo et actualem in poenitentia ; *et hæc expulsio sufficit ad salutem*.

*Alio modo* quo ad pœnam inclinantem ad culpam ; et sic expellitur in confirmatione et in aliis sacramentis ; *et hæc non est de necessitate salutis*.

**30.** — **Ad tertium** dicendum quod in baptismo datur gratia quæ et<sup>2</sup> a peccato mundat et ab bene operandum perficit quantum ad sufficientiam salutis ; sed *in confirmatione additur amplius munus gratiæ* quod non est de necessitate salutis.

**31.** — **AD TERTIAM QUÆSTIONEM** dicendum quod *quinque* modis dicitur unum sacramentum esse dignius alio.

**Uno modo** *quoad rem sacramenti*, sive effectum ejus ; et sic baptismus qui delet omnem culpam et aufert omnem poenam, est maximum sacramentorum.

**Alio modo** *quantum ad id quod continetur in sacramento* ; et sic eucharistia est nobilissimum, in qua continetur ipse Christus.

**Tertio** *quantum ad gradum dignitatis in quo constituit* ; et sic ordo est dignissimum sacramentum.

**Quarto** *quantum ad ministrum*, et sic confirmatio et etiam ordo sunt dignissima, quia non nisi per Episcopum ministrantur.

**Quinto** *quantum ad significatum<sup>3</sup> et non contentum* ; et sic matrimonium est dignissimum, quia significat<sup>4</sup> conjunctionem duarum naturarum in persona Christi.

**32.** — Si tamen has dignitates ad invicem comparemus, invenitur illa dignitas potissima quam sacramentum habet ex contento, quia est essentialior ; et ideo **sacramentum eucharistiæ est simpliciter dignissimum**, et ad ipsum quodammodo alia sacramenta ordinantur.

**33.** — Dignitas autem quæ est in efficiendo, praevallet ei

1. Ed. « est ». — 2. Ed. om. « et ». — 3. Ed. « signatum ». — 4. Ed. « signat ».

quæ est in significando ; et illa quæ est in efficiendo respectu boni, simpliciter loquendo, prævalet ei quæ est in amotione mali. **Et ideo, simpliciter loquendo, post eucharistiam nobilius sacramentum est ordo** per quod homo et in gratia et in gradu dignitatis ponitur ; **et post hoc confirmatio** per quam perfectio gratiæ confertur ; **at post, baptismus** per quem fit plena remissio culpæ et pœnæ ; **et post, matrimonium** quod habet maximam significationem.

**34. — Poenitentia autem et extrema unctio ponuntur inter baptismum et matrimonium,** quia ordinantur directe ad remotionem mali ; quamvis in hoc *pœnitentia habeat minorem efficaciam quam baptismus*, quia ordinatur contra culpam actualem tantum et non delet totaliter pœnam ; *et adhuc minorem extrema unctio* quæ contra reliquias peccati ordinatur.

**35. — AD PRIMUM** ergo dicendum quod quamvis confirmatio se habeat quasi accidentaliter ad vitam spiritualem simpliciter acceptam, tamen ad vitam spiritualem secundum sui perfectam differentiam non habet se accidentaliter, sed essentialiter ; et ideo non oportet quod sit minoris dignitatis quam baptismus.

Sicut etiam rationale est differentia nobilior quam sensibile, quamvis animali in quantum animal accidat esse rationale, cui in quantum hujusmodi per se convenit esse sensibile.

**36. — Vel dicendum,** ut *Quidam* dicunt, quod confirmatio præsupponit baptismum ; unde *dupliciter* possunt comparari. *Uno modo ut accipiatur confirmatio cum præsuppositione baptismi ;* et sic *confirmatio simpliciter est nobilior*. Sicut etiam esse substantiale perfectum per accidentalia simpliciter, nobilius est quam esse substantiale simpliciter.

*Alio modo cum præcisione baptismi ;* **et sic quodammodo baptismus est nobilior** quantum ad majorem efficaciam in removendo malum.

**37. — Ad secundum** dicendum quod baptismus non habet majorem efficaciam simpliciter, sed solum in remotione mali, ut dictum est.

## ARTICULUS II

[I]

[III, q. 72, a. 2 ; q. 84, a. 1, ad 1 ; IV Cg. c. 60.]

**38. — AD SECUNDUM SIC PROCEDITUR.** **Videtur QUOD SACRAMENTUM ISTUD MATERIAM NON HABEAT.**

1. Sacramenta enim habent efficaciam ex divina institutione. Sed materia hujus sacramenti non legitur a Domino instituta. Ergo non habet determinatam materiam.

2. **Præterea.** Confirmatio datur ad plenitudinem sancti Spiritus percipiendam. Sed super Apostolos in die Pentecostes descendit Spiritus sancti plenitudo absque omni materia. Ergo hoc sacramentum materia non indiget.

3. **Præterea.** Apostoli formam nobis ecclesiastici ritus traderunt. Sed ipsi confirmabant manus imponendo sine aliqua materia, ut legitur in *Aci. Apostolorum*, (vm, 17). Ergo hoc sacramentum materiam non habet.

39. — **SED CONTRA** est, quia secundum Hugonem de S. Victore (l. I *de Sacramentis*, p. 9, c. 2; L. 176, 317), « *sacramentum est materiale elementum.* » Ergo debet omne sacramentum habere materiam.

40. — **Præterea.** Si omittitur<sup>1</sup> aliquid quod non sit de substantia sacramenti, non impeditur perceptio sacramenti. Sed si omitteret Episcopus chrismatis linitionem, non conferret sacramentum. Ergo materia est de essentia hujus sacramenti.

[II]

[III, q. 72. a. 2; q. 84, a. 1, ad 1: *IV Cg.*, c. 60.]

41. — **ULTERIUS.** Videtur quod chrisma non sit materia COMPETENS.

1. In sacramentis enim uniformitas observari debet. Sed in baptismo est materia simplex elementum, scilicet aqua. Ergo etiam in confirmatione aliquid elementum debet esse materia.

2. **Præterea.** Virtus agentis proportionatur agenti. Sed virtus agens in sacramentis est simplex. Ergo et materia debet esse simplex. Et ita materia confirmationis non debet esse commixta ex duobus liquoribus, scilicet oleo et balsamo.

3. **Præterea.** Materia sacramenti debet esse omnibus communis, quia omnibus sacramenta proponuntur in salutem. Sed oleum olivæ et balsamum non est apud omnes. Ergo non sunt convenientes materia alicujus sacramenti.

4. **Præterea.** Ex aliis etiam rebus fit oleum quam ex oliva, sicut ex nucibus et papavere. Ergo videtur quod etiam ex tali oleo posset fieri chrisma.

5. **Præterea.** Sacramentum confirmationis est ad roborandum<sup>2</sup> hominem in pugna spirituali. Sed vinum facit homines bonæ spei secundum Philosophum, III *Eth.*, iyll. 1117a, 14-5; l. 17, n. 578) quod ad fortitudinem pugnae exigitur; et similiter « *panis cor hominis confirmat* », ut dicitur in *Ps.* cm, 15. Ergo panis et vinum esset hujus sacramenti convenientior materia quam oleum et balsamum.

1. Ed. « omittatur ». — 2. Ed. « corroborandum ».

6. **Præterea.** Materia sacramenti debet habere significatio-  
nem et respectu effectus, et respectu alicujus quod in Christo  
præcessit a quo sacramenta profluxerunt. Sed per hujusmodi  
liquores nihil significatur in Christo præcedens. Ergo hujus-  
modi liquores non sunt conveniens materia hujus sacramenti.

## [III]

[*Supra*, d. 2, q. 1, a. 1, sol. 2, ad 2; d. 23, q. 1, a. 3, sol. 2, 3; III, q. 72, a. 3; *de*, 1<sup>o</sup>er.  
q. 27, a. 4, ad 10.]

**42. — ULTERIUS.** Videtur quod non exigatur materia  
PRIUS SANCTIFICATA.

1. Confirmatio enim ut in *Littera (4b)* dicitur, non est majoris  
virtutis quam baptismus. Sed in baptismo non requiritur materia  
prius sanctificata. Ergo nec in confirmatione.

2. **Præterea.** Secundum Augustinum, (tract. 80 in *Joan.*,  
n. 3; L. 35, c. 1840) « *accedit verbum ad elementum, ei fit sacra-  
mentum* ». Si ergo oporteret quod materia aliquibus verbis prius  
sanctificaretur, tunc etiam ipsum chrisma per se est quoddam  
sacramentum et non sacramenti materia.

3. **Præterea.** Sanctificatio non est iteranda circa idem. Sed  
per formam sacramenti sanctificatur materia, ut patet in bap-  
tismo, cujus materia est aqua verbo vitæ sanctificata; quod  
verbum supra, d. 3, (1) dixit Magister esse formam baptismi.  
Ergo non debet ante prolationem formæ sacramentalis aliqua  
sanctificatio circa materiam confirmationis adhiberi.

**43. — SED CONTRA** est communis usus Ecclesiæ, et etiam  
determinatio Dionysii (de *Eccl. Hier.*, c. 4, p. 2; G. 3, 474), qui  
ponit ritum consecrationis chris-matis.

**44. - - RESPONSIO.** Dicendum **AD PRIMAM QUÆSTIONEM**  
quod materia sacramenti dicitur illa res visibilis sub cujus tegu-  
mento divina virtus secretius operatur salutem. Et ideo ad hoc  
necessaria est materia sacramenti, ut ad effectum, ad quem  
virtus humana nullatenus attingit neque operando neque coo-  
perando, divina virtus in re visibili operans perducatur.

**45. — Et ideo in poenitentia et in matrimonio** cujus effectus  
aliquo modo dependet ex operatione humana, scilicet dolore de  
peccatis et consensu etiam in copulam conjugalem, *non requiritur  
talis materia.*

**46. — In baptismo** autem, cujus effectus totaliter est ab extrin-  
seco, nil coopérante interius baptizante, neque eo qui baptizatur,  
nisi ad removendum impedimentum, *requiritur materia sensibilis.*

**47. — Cum ergo effectus confirmationis** qui est plenitudo  
Spiritus sancti, sit omnino ab extrinseco, non per aliquam

operationem humanam, **non est dubium quod in sacramento confirmationis materia exigatur.**

**48. — AD PRIMUM** ergo dicendum quod *plenitudo Spiritus sancti non erat danda ante Christi resurrectionem et ascensionem*, sicut dicitur **J o a n.**, vii, 39 : « *Nondum erat Spiritus datus, quia nondum erat Jesus glorificalus* » ; et ideo secundum unam opinionem ea quæ ad hoc sacramentum pertinent non fuerunt ante Christi ascensionem instituenda.

**49. —** *Sed aliquo modo praefiguratum fuit hoc sacramentum in manus impositione Christi super pueros ; quamvis etiam illa manus impositio possit referri magis ad manus impositionem quæ fit super catechumenos, ut dictum est.*

*Nec hoc differt, sive Dominus ipsemet instituit, sive Apostoli ejus speciali præcepto.*

**50. — Secundum vero aliam opinionem dicendum quod Dominus materiam hujus sacramenti per seipsum instituit**, sicut et adventum Spiritus sancti promisit ; **sed denuntiandam Apostolis dereliquit**, quando usus sacramenti competebat, scilicet post plenam Spiritus sancti missionem.

**51. — Ad secundum** dicendum quod *sicut* sacramentum baptismi incepit in baptismo Christi, *ita* sacramentum confirmationis incepit in adventu Spiritus sancti in Apostolos. Et quia principia rerum debent esse notissima, ideo utrobique *Spiritus sanctus apparuit visibiliter; in baptismo* quidem in columbæ specie, *et in confirmatione* Apostolorum in linguis igneis. Et propter hoc non oportuit esse materiam in qua Spiritus sanctus secretius operatur salutem, ut **Augustinus** dicit (**Isidorus**, L. VI, *Elymol.*, c. 19, n. 40 ; L. 82, 255).

**52. — Ad tertium** dicendum quod Apostoli non confirmabant sine materia, nisi forte quando præter legem communem visibilibus signis Spiritus sanctus in eos descendebat quibus per Apostolos manus impositio facta fuerat ; tunc enim illa visibilis apparitio supplebat locum elementi visibilis.

**53. —** Quod autem aliquando materia uterentur, patet per **Dionysium** in 4 cap. *Eccl. Hier.* in principio (n. 1 ; G. 3, 471), ubi dicitur, quod est quædam perfectiva operatio quam duces nostri quos Apostolos nominat, « *chrismatis hostiam* » nominant, hostiam dicens communiter omnem ritum sacramenti.

**54. — AD SECUNDAM QUÆSTIONEM** dicendum quod, sicut dictum est, hoc sacramentum initium sumpsit ab adventu Spiritus sancti in discipulos, qui quamvis prius Spiritum sanctum habuissent in munere gratiæ quo perficiebantur ad ea quæ ad singulares personas eorum pertinebant, tamen in die etiam

Pentecostes acceperunt<sup>1</sup> Spiritum sanctum<sup>2</sup> in munere gratiæ quo perficiebantur ad promulgationem fidei in salutem aliorum. Et ideo facta est apparitio Spiritus sancti linguis igneis, « *ut verbis essent proflui* » ad divulgandam fidem Christi ; « *et caritate fervidi* », aliorum salutem quærentes. Et propter hoc dicitur Act., ii, 4 : « *Repleti sunt Spiritu sancto, et cæperunt loqui* ».

**55.** — *Igni autem nihil convenientius accipi potuit loco ejus in materia confirmationis quam oleum, tum* quia lucet, *tum* quia maxime est nutritivum ignis.

**56.** — *Figuræ autem linguæ nihil convenientius esse potuit quam balsamum* propter odorem, quia propter confessionem linguæ odor bonæ notiæ Dei diffunditur in omni loco.

**57.** — Et ideo *sicut* visibilis apparitio Spiritus sancti fuit in igne figurata figura linguæ, *ita materia confirmationis est oleum balsamatum*, ut oleum pertineat ad conscientiam quam oportet nitidam habere eos qui confessores divinæ fidei constituuntur ; et balsamum ad famam, quam oportet diffundere<sup>3</sup> et verbis et factis fidei confessores.

**58.** — **AD PRIMUM** ergo dicendum quod non debet in omnibus sacramentis observari uniformitas identitatis, sed proportionalitatis ; ut *sicut* materia unius sacramenti competit illi sacramento, *ita* materia alterius sacramenti etiam competit alii.

**59.** — Et quia baptismus est janua sacramentorum, quasi principium et elementum omnium aliorum, ideo sibi competit materia quæ sit simplex elementum, non autem ita aliis sacramentis in quibus additur aliquid speciale. Sicut corpora mixta habent aliquas virtutes superadditas speciem consequentes.

**60.** — **Ad secundum** dicendum quod virtus hujus sacramenti quamvis sit simplex in essentia, tamen est multiplex in effect<sup>4</sup> ; quia et hominem facit ferventem in conscientia et famosum per confessionem ; et ideo materia hujus sacramenti est et una et multiplex : una in actu, sed multiplex in virtute, sicut et alia mixta.

**61.** — **Ad tertium** dicendum quod illa ratio procedit in sacramentis necessitatis cujusmodi non est hoc sacramentum. Tamen oleum et balsamum quamvis non ubique terrarum crescant, tamen ubique de facili transportari possunt.

**62.** — **Ad quartum** dicendum quod proprietates olei perfectius in oleo olivæ inveniuntur, unde antonomastice oleum dicitur ; et præterea ipsa oliva propter vigorem perpetuum quem servat<sup>4</sup>, aliquid<sup>5</sup> adjuvat ad significationem mysterii.

1. Ed. « susceperunt ». — 2. Ed. RANVP. « sed », F. « scilicet ». — 3. Ed. « effundere ». — 4. Ed. « conservat ». — 5. Ed. *om.* « aliquid ».

**63.** — **Ad quintum** dicendum quod *vinum, et panis* roborant hominem per modum nutrimenti confortando hominem in seipso, ideo *magis competunt eucharistiæ* ; sed *oleum* facit expeditum et ferventem ad ea quæ exterius sunt, et ideo etiam pugiles oleo unguuntur ; et ideo **competit magis oleum huic sacramento.**

**64.** — **Ad sextum** dicendum quod hac unctione, ut dicit Hugo de sancto AGctore (II de Sacramentis, p. 2, c. 2; L. 176, 416), significatur illa unctio qua Christus unctus est ut rex et sacerdos oleo lætitiæ præ consortibus suis. Unde etiam a chrismate Christus dicitur, et a Christo Christianus. Et propter hoc etiam Dionysius (*Eccles. Hier.*, c. 4, p. 3, n. 10; G. 3, 483; per chrisma Christum significari dicit.

**65.** — **AD TERTIAM QUÆSTIONEM** dicendum quod materia sacramenti est quasi instrumentum sanctificationis. Est autem instrumentum et principalis agentis et ministri qui materia sacramenti utitur ad significandum.

Quodlibet autem sacramentum determinat sibi principale agens quantum ad necessitatem sacramenti, quia non habet efficaciam aliquam nisi ex auctoritate Domini et merito Christi ; sed non quodlibet sacramentum determinat sibi ministrum quantum ad necessitatem sacramenti, sed quandoque solum quantum ad solemnitatem, sicut patet in baptismo.

Et ideo ut materia sacramenti etiam principali agenti respondeat proportionaliter et ministro, illa sacramenta quæ ministrum sibi determinant, materiam sanctificatam exigunt, ut dispositio sacramenti a ministris Ecclesiæ descendere ostendatur. Sacramentum autem quod non determinat sibi ministrum nisi quantum ad solemnitatem, non habet materiam sanctificatam quantum ad necessitatem sacramenti, sed solum quantum ad solemnitatem, in cuius materia etiam chrisma in modum crucis effunditur.

**66.** — Et quia **sacramentum confirmationis** determinat sibi ministrum, ut dicitur<sup>1</sup>, ideo **materiam sanctificatam requirit ab eo qui est minister sacramenti, scilicet ab Episcopo.**

**67.** — **AD PRIMUM** ergo dicendum quod ad hoc nihil facit virtus sacramenti, sed determinatio ministri, ut dictum est.

**Vel dicendum** quod baptismus est sacramentum necessitatis, et ideo materiam communissimam habet, et propter hoc sanctificatione non indiget.

**68.** — **Ad secundum** dicendum quod Quidam dicunt ipsum chrisma esse sacramentum.

**Sed hoc falsum apparet** in hoc quod usus chrismatis in plu-

1. Ed. « dicitur ».

ribus est quam sacramentum confirmationis ; sicut patet de baptizato qui chrismate in fronte linitur, et de Pontifice cujus caput chrismate inungitur.

**69. — Ei ideo dicendum** quod **sacramentum confirmationis non est ipsum chrisma, sed linitio chrismatis sub forma præscripta verborum.** Illa autem benedictio vocalis chrismatis non est forma sacramenti, sed magis est quædam benedictio sacramentalis, sicut benedictio aquæ vel altaris.

**70. — Ad tertium** dicendum quod *sicut* instrumentum virtutem instrumentalem acquirit *dupliciter*, scilicet *quando* accipit formam instrumenti, *et quando* movetur a principali agente ad effectum ; *ita* etiam materia sacramenti *duplici* sanctificatione indiget : *una* qua instituitur materia propria sacramenti, et ad hoc est sanctificatio materiæ ; *alia* est quando applicatur ad effectum, quæ fit per formam sacramenti.

*Ei ideo non fit injuria sanctificationi, si duplex sanctificatio in talibus adhibeatur.*

### ARTICULUS III

#### [I]

[111, q. 72, a. 4; q. 84, a. 3; de forma absol. c. 1.]

**71. — AD TERTIUM SIC PROCEEDITUR. 1.** Videtur quod SACRAMENTUM CONFIRMATIONIS NON HABEAT FORMAM.

**1.** Sacramenta enim a Christo descenderunt. Sed Christus non legitur aliqua forma usus, manus imponens. Ergo cum illa manus impositio confirmationem designet, videtur quod confirmationis sacramentum non habeat aliquam formam.

**2. Præterea.** Apostoli etiam leguntur per manus impositionem Spiritum sanctum dedisse (*Act. vin. 17*). Sed illa manus impositio, ut *Sancti* dicunt, fuit confirmatio illorum quibus manus imponebant. Ergo cum non legatur eos sub aliqua forma verborum manus imposuisse, sicut leguntur in nomine Christi baptizasse (*Act. n, vm et x*), videtur quod hoc sacramentum non habeat formam.

**3. Præterea.** Sacramenta quæ habent formam, sub eisdem verbis apud omnes perficiuntur. Sed sacramentum confirmationis non perficitur eisdem verbis apud omnes. *Quidam* dicunt enim : « *Consigno te signo crucis et confirmo te chrismate salutis in nomine Patris et Filii et Spiritus sancti.* » *Quidam* autem dicunt : « *chrismate sanctificationis* ». Ergo hoc sacramentum non habet aliquam formam.

72. — **SED CONTRA** est quod Magister dicit in l d.1 (9) quod duo sunt in quibus sacramenta consistunt, verbum et res. Verba autem ad formam pertinent.

73. — **Præterea.** Augustinus dicit (*in Joan.*, trac. 80, η. 3; L. 35, 1840) : « *Accedit verbum ad elementum et fit sacramentum.* »

## [ΠI]

74. — **ULTERIUS.** Videtur quod illa forma verborum NON SIT COMPETENS.

1. In quolibet enim sacramento exigitur intentio. Sed ad designandum intentionem in forma baptismi exprimitur persona baptizans hoc pronomine « ego ». Ergo et in forma confirmationis hoc pronomen « ego » apponi debet.

2. **Præterea.** Consignatio videtur ad characteris impressionem pertinere. Sed characterem non imprimit minister magis hic quam in baptismo. Ergo cum in baptismo nulla fiat mentio de consignatione in forma, nec his fieri deberet de ipsa mentio.

3. **Præterea.** Per baptismum homo maxime configuratur passioni Christi. Sed in forma baptismi non fit mentio aliqua de Christi passione. Ergo nec in forma ista deberet fieri mentio de cruce.

4. **Præterea.** *Sicut* confirmatio habet formam determinatam, *ita* et baptismus. Sed in baptismi forma non fit mentio de materia ipsius : non enim dicitur : « *Baptizo te aqua* ». Ergo nec his deberet fieri mentio de chrismate.

5. **Præterea.** Formalis est de essentia sacramenti ; sed res sacramenti non est de essentia sacramenti, quia multi accipiunt sacramentum qui non accipiunt rem sacramenti. Ergo non debet res sacramenti poni in forma, sicut hic ponitur, « *chrismate salutis* ».

## [ΠI]

75. — **ULTERIUS.** Videtur quod forma ista non habeat IN HOC SACRAMENTO ALIQUAM EFFICACIAM.

1. Quia, secundum Hugonem de Sancto Auctore (**I de Sacramentis**, p. 9, c. 2; L. 176, 317), « *sacramentum ex sanctificatione invisibilem gratiam continet.* » Sed materia hujus sacramenti est sanctificata etiam ante formæ prolationem. Ergo formæ prolatio nullam efficaciam præbet sacramento.

2. **Præterea.** *Sicut* in eucharistia est sanctificatio hostiæ et usus ipsius, *ita* et hic. Sed ibi tota virtus sacramenti est in hostia sanctificata, ut patet in forma verborum quæ proferuntur, cum quis hostiam sumit cum dicitur : « *Corpus Domini nostri, etc2.* »

1. Ed. « dixit » et *om.* « in l d. ». — 2. Ed. *om.* « etc. »

Ergo etl similiter hic virtus sacramenti non consistit in verbis præmissis, quæ in usu materiæ hujus sacramenti dicuntur.

**76. — SED CONTRA** est quod forma est principalior in re quam in materia. Si ergo materia aliquid efficit, multo fortius forma.

**77. — RESPONSIO.** Dicendum **AD PRIMAM QUÆSTIONEM** quod ministri sacramentorum operantur in sacramentis benedicendo et sanctificando. *Et ideo secundum quod ad aliquod sacramentum requiritur minister, ita requiritur forma qua minister sacramentum dispensat.*

**78. — AD PRIMUM** ergo dicendum quod, sicut dictum est, illa manus impositio quam Dominus pueris exhibebat, non erat proprie sacramentum confirmationis quod non conveniebat exhiberi ante ipsius glorificationem; sed *vel* erat signum quoddam futuræ confirmationis, *vel* erat talis manus impositio qualis fit in catechismo et exorcismo.

Si tamen Dominus confirmasset sine forma vel materia, non esset inconveniens; quia ipse habebat excellentiæ potestatem in sacramentis, qui poterat effectum sacramenti sine sacramentalibus præbere: quod non est de aliis.

**79. — Ad secundum** dicendum quod *Quidam* dicunt quod Apostoli propter dignitatem et auctoritatem ipsorum confirmabant sine materia et forma per solam manus impositionem.

**Sed hoc non videtur bene dictum**; quia quantumcumque ipsi essent magnæ auctoritatis, tamen potestatem excellentiæ in sacramentis dispensandis non habebant.

**80. — Et ideo dicendum est<sup>2</sup> quod. Apostoli aliqua forma utebantur, quamvis non sit scripta.** Multa enim Apostoli servabant in sacramentorum dispensatione quæ nolebant divulgari propter irisionem Gentilium evitandam, sicut patet per *Apostolum*, qui dicit *1 Cor.*, ix, 34: « *Cætera, cum venero, disponam* »; et loquitur de celebratione sacramenti eucharistiæ. Et hoc est etiam quod *Dionysius* dicit in fine *Eccl. Hier.* (c. 7, n. 10; G. 3, 566 « *Consummativas autem invocationes* », idest verba quibus perficiuntur sacramenta, « *non est justum Scripturas interpretantibus, neque mysticum earum [sensem], aut in ipsis operatas ex Deo virtutes, ex occulto ad commune adducere: sed, ut nostra sacra traditio habet, sine pompa* » idest occulte, « *eas edocens, etc.* »

Ex quibus verbis *tria* possumus accipere. *Primo*, quia Apostoli in sacramentis utebantur forma verborum certa, quia ipse alibi in eodem lib. (c. 1, n. 5; G. 3, 375) dicit, quod tradit ritum sacramentorum sicut Apostoli docebant. *Secundo*, quod in occulto

1. *aß om.* « et », contra et ed. — 2. *Ed. om.* « est ».

tradebantur hujusmodi sacramentalia in primitiva Ecclesia. *Tertio*, quod in ipsis verbis est aliqua virtus : quod *Quidam* negant.

**81.** — **Ad tertium** dicendum quod variatio formæ in his quæ non sunt de essentia formæ, potest tolerari secundum diversas Ecclesiæ consuetudines, dummodo substantia formæ apud omnes servetur. Hoc autem quod a *Quibusdam* dicitur : « *chrismate salutis* », vel « *sanctificationis* », quasi in unum redit ; et ideo per hoc non removetur quin hoc sacramentum habeat determinatam formam.

**82.** — **AD SECUNDAM QUÆSTIONEM** dicendum quod *sicut* definitio indicare debet totum esse rei, si sit perfecta ; *ita* per formam sacramenti debet innotescere totum quod ad sacramentum pertinet. Sacramentum autem et est ad aliquem finem ordinatum, et ab aliqua causa principali efficaciam habet.

**83.** — Et ideo *tria* ponuntur in forma hujus sacramenti: quorum *primum pertinet ad finem* ad quem institutum est hoc sacramentum, qui est confessio fidei christianæ, cujus tota summa consistit in passione Christi ; unde Apostolus *I Cor.*, n, 2 : « *Non enim judicavi me scire aliquid, inter vos, nisi Jesum Christum et hunc crucifixum* ; iterum<sup>2</sup> et hujus articuli confessio majorem habet difficultatem ; quia, sicut dicitur in eadem Epistola, 1° cap. 23, « *Nos autem prædicamus Christum crucifixum, Judæis quidem scandalum, Gentibus autem stultitiam* » ; et ad hoc pertinet cum dicitur : « *Consigno te signo crucis* », ut crucis verbum non erubescat, sed publice confiteatur.

*Secundo* ponitur *ipse sacramentalis actus cum sua materia et effectu*, ut sic tangatur et id quod est sacramentum tantum, in hoc quod dicitur : « *Chrismate* » ; et id quod est res et sacramentum, in hoc quod dicit : « *Confirmo* », idest sacramentum confirmationis præbo ; et id quod est res et non sacramentum, in hoc quod dicit « *Salutis* ».

*Sed causa agens principalis*, unde sacramentum effectum habet, tangitur in hoc quod dicit : « *In nomine Patris* etc. »

**84.** — **AD PRIMUM** ergo dicendum quod baptismus est sacramentum necessitatis. Et ideo intentio baptizantis magis arctanda est ad actum sacramenti.

**Vel dicendum** quod baptizare potest quilibet, confirmare autem solus ille qui est in summo gradu Ecclesiæ, de quo præsumitur quod minus possit in dispensatione sacramenti deficere. Et ideo non requiritur tanta arctatio intentionis per verba in forma apposita.

**85.** — **Ad secundum** dicendum quod consignatio quæ ponitur

1. Ed. om. « Christum et hunc ». — 2. Ed. « ita ».

in forma, non pertinet ad consignationem characteris, sed ad consignationem crucis quæ fit in fronte linitione chrismatis propter confessionem fidei crucis. Et talis signatio non fit in baptismo, quia baptizatus non consecratur ad aliquid speciale, sed universaliter ad spiritualem vitam; consignatio autem importat quamdam adscriptionem vel aliquid speciale quod est in sacramento confirmationis.

**86.** — **Ad tertium** dicendum quod ille qui baptizatur, configuratur passioni Christi per fidem ejus quam habere in corde debet; et ideo non exigitur aliqua consignatio crucis exterioris, sed sufficit consignatio interior quæ est per characterem et conformatio<sup>2</sup> ad passionem Christi in consepelitione aquæ.

Sed confirmatio est sacramentum confessionis passionis Christi, sicut baptismus sacramentum fidei; et ideo exterius in manifesto imprimitur crucis signaculum et in forma exprimitur.

**87.** — **Ad quartum** dicendum quod in ipso actu baptismationis intelligitur determinata materia baptismi; non autem materia confirmationis intelligitur in ipso actu confirmandi, et ideo oportet quod materia addatur.

**88.** — **Ad quintum** dicendum quod in actu ablutionis magis expresse significatur res sacramenti in baptismo quam in linitione chrismatis; et ideo non oportet quod addatur effectus salutis ad majorem expressionem.

**89.** — **AD TERTIAM QUÆSTIONEM** dicendum quod formæ sacramentorum sunt ad perficiendum sacramenta; unde Dionysius vocat eas « *consummalivas invocationes* » ut dictum est. Et ideo in illo sacramento quod totum consistit in illa re sensibili sanctificata et non in usu illius rei, forma sacramenti dicitur illud quo materia sanctificatur, non autem illa verba quæ in materiae usu proferuntur, sicut patet in eucharistia.

**90.** — In illis autem sacramentis quæ perficiuntur in usu mater<sup>ed</sup>, sicut baptismus in ipsa tinctione vel ablutione, forma sacramenti est quæ dicitur in usu materiæ, non quæ dicitur in sanctificatione materiæ, quia illa sacramentale quoddam est.

**91.** — Et ideo cum sacramentum confirmationis, ut dictum est, perficiatur in usu materiæ, constat quod **illa verba quæ dicit Episcopus confirmans, sunt forma sacramenti**, et habent efficaciam sicut et aliæ formæ sacramentorum.

**92.** — **AD PRIMUM** ergo dicendum quod *duplex est sanctificatio sacramenti*, ut dictum est. *Ex prima* ergo sanctificatione quæ lit in benedictione materiæ, non habet ut actu conferat gratiam, sed *ex secunda*.

1. Loco « crucis exterior » ed. « exterior ». — 2. F. « conformatis autem » ed. « et configuratio ». — 3. Ed. « perficitur ».

**93.** — **Ad secundum** dicendum quod aliter est in sacramento eucharistiæ quam in aliis sacramentis ; quia ibi totum sacramentum consistit in ipsa hostia consecrata, eo quod ibi Christus realiter continetur, et non virtute tantum, sicut in aliis sacramentis. Et ideo forma sacramenti illius est! verba prolata in sanctificatione hostiæ.

## OUÆSTIO II

Deinde quæritur de effectu confirmationis.

Et circa hoc quæruntur duo.

*Primo*, de effectu qui est res et sacramentum, scilicet character.

*Secundo*, de effectu qui est res tantum, scilicet gratia.

### ARTICULUS I

[I]

[*Infra*, q. 3, a. 3, sol. 3; III, q. 63, a. 6; q. 72, a. 5.]

**94.** — **AD PRIMUM SIC PROCEEDITUR.** Videtur quod IN CONFIRMATIONE CHARACTER NON IMPRIMATUR.

1. « *Character* enim, ut supra d. 4 (q. 1, a. 1) dictum est, est *signum distinctiōtim*. » Sed pugna spiritualis omnibus indicitur. Cum ergo confirmationis sacramentum detur ad roborandum in pugna spirituali, videtur quod in ipsa non fiat aliqua distinctio alicujus ab altero per impressionem characteris.

2. **Præterea.** In veteri lege erat necessaria pugna spiritualis, sicut et in nova. Sed in lege veteri non erat aliquod sacramentum characterem imprimens, ut supra dictum est. Ergo nec confirmatio characterem imprimit.

3. **Præterea.** Supra (d. 4, q. 1, a. 1) dictum est, quod « *character est spiritualis potestas*. » Sed potestas spiritualis passiva<sup>2</sup>, scilicet participandi sacramenta alia, sufficienter traditur in baptismo ; potestas autem activa, scilicet dispensandi sacramenta, ad ordinem pertinet. Cum ergo confirmatus non constituatur in gradu alicujus ordinis vel dignitatis, videtur quod in confirmatione character non imprimatur.

**95.** — **SED CONTRA.** Character est signum conformans nos Trinitati. Sed *sicut* oportet nos conformari in sapientia et potentia, *ita* et in bonitate. Cum ergo in baptismo imprimatur

1. Ed. « sunt ». — 2. Ed. *om.* « passiva ». — 3. Ed. « perciendi ».

character fidei conformans nos divinæ sapientiæ, et in ordine character potestatis conformans nos divinæ potentiæ, videtur quod in confirmatione imprimatur character plenitudinis Spiritus sancti conformans nos divinæ bonitati.

**96. — Præterea.** Per characterem quasi adscribimur ad familiam Jesu Christi. Sed Christus *sicut* est Pater noster et sacerdos, *Ha* est et rex noster. Cum ergo per characterem baptismalem adscribamur ei quasi patri filii regenerati per baptismum, et per characterem ordinis quasi ministri sacerdoti summo, videtur quod simili ratione in confirmatione debeat imprimi character quo conformemur ei quasi milites regi.

[II]

**97. — ULTERIUS.** VIDETUR QUOD IDEM SIT CHARACTER CONFIRMATIONIS PER ESSENTIAM ET BAPTISMI.

**1.** Quia ad eandem formam seu speciem non potest esse nisi una assimilatio. Sed in Trinitate, ut Hilarius dicit *{de Synodis, n. 13 ; L. 10, 490}*, « *est species indifferens* ». Ergo cum character sit signum assimilans Trinitati, videtur quod character confirmationis non possit esse alius a caractere baptismi.

**2. Præterea.** In corporalibus ita est quod duo characteres non possunt esse in eadem parte. Sed characteris subjectum est universaliter una pars animæ, ut supra (d. 4, q. 1, a. 3, sol. 1) dictum est. Ergo post primum characterem non potest alius character superaddi.

**3. Præterea.** Ad ea quæ se necessario consequuntur, aliquis eodem caractere adscribitur ; sicut idem character est in sacerdote ad conficiendum<sup>3</sup> et ad absolvendum. Sed confessio fidei cujus sacramentum est confirmatio, consequitur de necessitate ad fidem cujus sacramentum est baptismus ; quia « *corde creditur ad justitiam, ore confessio fit ad salutem* » ; *Rom.*, x, 10. Ergo idem character est in baptismo et in confirmatione.

**98. — SED CONTRA.** Character est proprius effectus sacramenti et immediatus. Sed diversarum causarum proprii effectus sunt diversi. Cum ergo baptismus et confirmatio sint diversa sacramenta et characteres impressi erunt diversi.

**99. — Præterea.** Ideo baptismus iterari non potest, quia character est indelebilis. Si ergo idem esset character baptismi et confirmationis, post baptismum confirmatio non adderetur.

1. Ed. om. universaliter ». — 2. Ed. « necessaria ». — 3. Ed. « confitendum »

## [III]

[III, l. 72, a. 6]

**100. — ULTERIUS.** Videtur quod character confirmationis NON PRAESUPPONAT CHARACTEREM BAPTISMALEM.

1. Character enim confirmationis ad hoc datur quod homo fortiter Christum confiteatur. Sed aliqui ante baptismum fortiter Christum confessi sunt, ad martyrii palmam pervenientes. Ergo ante baptismum potest aliquis accipere characterem confirmationis.

2. **Præterea.** Character confirmationis est sacramentum et res. Sed homo etiam non baptizatus potest percipere id quod est sacramentum et res in eucharistia, scilicet corpus Domini verum, quamvis fem sacramenti non consequatur, inordinate accipiens; nisi forte credat se baptizatum. Ergo et similiter characterem confirmationis consequi potest non baptizatus,

3. **Præterea.** *Sicut* baptismus naturaliter præcedit confirmationem, *ita* unus ordo naturaliter præcedit alium. Sed aliquis accipit ordinis sequentis characterem qui non accipit characterem præcedentis, unde non reordinatur, sed quod defuerat suppletur. Ergo et characterem confirmationis potest homo accipere sine caractere baptismali.

**101. — SED CONTRA** est quod Dionysius dicit, 2 cap. *Eccl. Hier.* (p. 1; G. 3, 391), quod nihil divinitus traditarum operari potest qui non est regeneratus per baptismum. Sed character confirmationis est huiusmodi; ergo non potest aliquis characterem confirmationis percipere qui non est baptizatus.

**102. — Præterea.** Baptismus dicitur esse principium spiritualis vite, secundum Dionysium (*Eccl. Hier.*, c. 2, p. 1; G. 3, 391) et Damascenum (*IV de Fide orth.*, c. 9; G. 94, 1122). Sed remoto principio aufertur quod est post principium. Ergo qui non est baptizatus, non potest characterem confirmationis accipere,

**103. — RESPONSIO.** Dicendum **AD PRIMAM QUÆSTIONEM** quod character est distinctivum signum quo quis ab aliis distinguitur ad aliquid spirituale deputatus. Sed ad spirituale potest aliquis *tripliciter* deputari.

**104. — Uno modo, ut aliquis in se spiritualia participet;** et ad hoc quis deputatur *in baptismo*, quia jam baptizatus potest esse particeps omnis spiritualis receptionis. Unde character baptismalis, ut supra dictum est, est quasi quædam spiritualis potentia passiva.

1. Ed. € « traditum », ed. « traditorum ». — 2. Ed. om. « hoc ».

**105.** — **Alio modo**, ut *spiritualia quis in notitiam ducat per eorum fortem confessionem*; et ad hoc quis deputatur in *confirmatione*. Unde etiam tempore persecutionis eligebantur aliqui qui deberent in loco persecutionis remanere ad publice nomen Christi confitendum, aliis occulte credentibus sicut patet in *legenda beati Sebastiani*.

**106.** — **Tertio modo**, ut *etiam spiritualia credentibus tradat*; et ad hoc deputatur aliquis *per sacramentum ordinis*.

Et ideo *sicut in baptismo confertur character et in ordine, ita et in confirmatione*.

**107.** — **AD PRIMUM** ergo dicendum quod pugna spiritualis qua quis pugnat contra impediētes salutem sui ipsius, omnibus indicitur; sed ad hoc non datur sacramentum confirmationis, sed ad persistendum fortiter in pugna qua quis nomen Christi impugnat, et ut invictus confessor Christi permaneat; et huic pugnae non omnes exponuntur, sed solum confirmati.

**108.** — **Ad secundum** dicendum quod in veteri lege non erat tempus per stultitiam praedicationis propagandi cultum Dei, sed magis per generationem carnalem; et ideo tunc talis pugna de confessione fidei non multum erat.

**109.** — Nihilominus tamen distinctio hujus characteris in veteri lege figurata est, sicut et aliorum. In distinctione enim filiorum Israel ab Ægyptiis, significabatur *character baptismalis*; in distinctione timidorum a fortibus in bellis, *character confirmationis*; in distinctione Levitarum a fratribus suis, *character ordinis*.

**110.** — **Ad tertium** dicendum quod potestas characteris hujus est potestas activa, non ad conferendum spiritualia, quod est ordinis, sed magis ad confitendum publice. Et ideo confirmatus non constituitur in gradu alicujus ordinis, quia nullus ei subicitur in receptione divinorum ab ipso.

**111.** — **AD SECUNDAM QUÆSTIONEM** dicendum quod quælibet potentia de sui ratione importat ordinem ad aliquid; et ideo oportet potentiam proportionatam esse actui ad quem est, quia proprius actus non fit nisi in propria materia, secundum Philosophum in II *de Anima*, (β 2. 414a, 11; l. 4, n. 271-2). Et ideo oportet quod potentia distinguantur per distinctionem actuum ad quos ordinantur, sive sint potentia activæ, sive passivæ.

**112.** — Et quia character, ut supra (d. 4, q. 1, a. 1) dictum est, est potentia spiritualis, ideo cum character baptismalis

1. Ed. « sicuti ». — 2. a cor. in « confirmationis ».

non ad idem ordinetur cum caractere confirmationis, ut ex dictis patet, **planum esi quod non est idem uterque character.**

**113. — AD PRIMUM** ergo dicendum quod ad unam speciem seu formam quam aliquid perfecte repræsentat, non potest esse nisi una assimilatio. Et ideo Patris non est nisi una perfecta imago, scilicet Filius.

Sed si non sit perfecta repræsentatio, tunc possunt esse diversæ assimilationes ad unum simplex. Et ideo diversæ creaturæ diversimode secundum suum modum divinam similitudinem habent. Et propter hoc non est inconveniens, si sint diversi characteres in anima, Trinitati secundum diversa conformantes.

**114. — Ad secundum** dicendum quod *character corporalis* attenditur secundum figuram quæ consistit in terminatione figurati. Et quia impossibile est esse diversas terminationes unius rei, ideo impossibile est ut idem corpus secundum eandem partem diversimode figuretur aut characterizetur.

**115. — Sed character spiritualis** attenditur secundum aliquam spiritualem proprietatem. Non est autem inconveniens diversas proprietates non oppositas eisdem inesse secundum eandem partem. Et ideo in eadem parte animæ plures characteres esse possunt.

**116. — Ad tertium** dicendum quod quamvis cujuslibet baptizati et credentis sit confiteri, quando confessio ab eo expectatur; non tamen est cujuslibet se libere exponere, sed tantum confirmati.

**117. — Et hoc etiam, patet in Apostolis** in quibus hoc sacramentum initium sumpsit; quia ante adventum Spiritus sancti confirmantis eos erant clausæ fores cœnaculi propter metum Judæorum; postea repleti Spiritu sancto coeperunt loqui cum fiducia et publice verbum Dei, ut patet in *Actibus*, (cap. i et n).

**118. — AD TERTIAM QUÆSTIONEM** dicendum quod nihil potest participare actionem aut proprietatem alicujus naturæ nisi prius habeat subsistentiam in natura illa.

Unde cum per baptismum qui est spiritualis regeneratio, homo acquirat subsistentiam in vita spirituali christianæ religionis, non potest **non baptizatus** aliquid eorum quæ ad hanc spiritualem vitam pertinent, participare; et ideo **non potest percipere confirmationis characterem**. Et hanc rationem Dionysius assignat 2 cap. *Eccl. Hier.* (p. 1; G. 3, 391).

**119. — AD PRIMUM** ergo dicendum quod ad ea quæ sunt necessitatis, homo admittitur, etiam si illud non competat ei ex officio. Sicut patet quod etiam non habens ordinem in casu

1. Ed « vel ». — 2. Ed. *ad* « in ». — 3. Ed. « hoc ».

necessitatis baptizare potest licite, quamvis hoc non competat sibi ex officio.

**120.** — *Similiter etiam* quia confiteri nomen Christi, ubi confessio exquiritur est necessitatis, ideo etiam non baptizatis hoc competit, quamvis hoc non habeant ex officio characteris in Sacramento confirmationis suscepti.

**121.** — **Ad secundum** dicendum quod *in sacramento eucharistiae* illud quod est res et sacramentum, est extra suscipientem ; et ideo indispositio illius non impedit quin sit illud quod est res et sacramentum, scilicet corpus Christi verum.

Sed hoc quod est res et sacramentum *in confirmatione* est aliqua forma in suscipiente recepta ; et ideo indispositio recipientis impedit impressionem characteris.

**122.** — **Ad tertium** dicendum quod *ordo potentiae passivae ad activam* est ordo necessitatis ; quia qui non habet potentiam passivam ad aliquid recipiendum, nihil recipit nisi miraculose.

Sed *ordo potentiae inferioris activae ad superiorem* est tantum ordo congruitatis! et ideo carens caractere baptismal! qui est potentia passiva recipiendi spiritualia, nihil potest recipere de aliis spiritualibus ; carens autem caractere inferioris ordinis qui est potentia activa, potest recipere characterem superioris ordinis.

## ARTICULUS II

### [I]

[III, q. 72, a. 7.]

**123.** — **AD SECUNDUM SIC PROCEditur.** Videtur quod GRATIA GRATUM FACIENS IN CONFIRMATIONE NON CONFERATUR.

**1.** Gratia enim gratum faciens ordinatur contra culpam, et non contra poenam. Sed confirmatio ordinatur contra poenam et non contra culpam!, quia ille qui confirmatur jam non est impius, per baptismum justificatus. Ergo non recipit gratiam gratum facientem.

**2. Præterea.** Baptismus non habet minus ordinem ad gratiam gratum facientem quam confirmatio. Sed ille qui prius habuit gratiam, per baptismum non accipit gratiam gratum facientem. Ergo cum confirmatus jam habeat gratiam quam in baptismo suscepit, sicut patet in pueris, videtur quod in confirmatione gratia gratum faciens non conferatur.

**3. Præterea.** Ad id quod potest fieri in mortali peccato non

1. Ed. om. « ad superiorem est tantum ordo congruitatis ».

2. Ed. ont. « Sed confirmatio ordinatur contra poenam et non contra culpam ».

requiritur gratia gratum faciens. Sed aliqui in peccato mortali existentes possunt fortiter nomen Christi confiteri. Ergo cum confirmatio sit sacramentum confessionis Christi, videtur quod non detur ibi gratia gratum faciens.

**124. — SED CONTRA.** Sacramentum novae legis efficit quod figurat. Sed per unctionem chrismatis significatur unctio gratiæ. Ergo in confirmatione gratia gratum faciens confertur.

**125. — Præterea.** In *Littera* (4) dicitur quod datur ibi Spiritus sanctus. Sed in I libro dictum est (d. 16, q. 1, a. 2) quod missio Spiritus sancti non est sine gratia gratum faciente. Ergo in confirmatione datur gratia gratum faciens.

[II]

**126. — ULTERIUS.** Videtur quod sit eadem cum gratia BAPTISMALI.

1. Duo enim accidentia ejusdem speciei non possunt esse in eodem simplici et indivisibili. Sed subjectum gratiæ gratum facientis est essentia animæ quæ est una et simplex. Ergo in ea non possunt esse diversæ gratiæ. Et ideo cum gratia baptismalis sit ibi, gratia in confirmatione data erit penitus idem.

2. **Præterea.** Eadem est gratia quæ est in virtutibus et donis. Sed per baptismum confertur gratia cum omnibus virtutibus, ut supra dictum est (d. 1, q. 1, a. 4, sol. 5). In confirmatione autem datur gratia cum septiformi plenitudine Spiritus sancti, ut in *Littera* (4b) dicitur quod ad septem dona pertinet. Ergo eadem est gratia quæ datur in confirmatione et in baptismo.

3. **Præterea.** Major est distinctio virtutum quam gratiæ. Sed ad eandem virtutem pertinet credere et confiteri, scilicet ad fidem. Ergo multo fortius pertinet ad eandem gratiam. Ergo gratia baptismalis quæ perficit ad credendum et gratia confirmationis quæ perficit ad confitendum, est eadem gratia.

**127. — SED CONTRA.** Causæ diversæ inducunt diversos effectus. Sed aliud est sacramentum exterius in baptismo quam in confirmatione, et alius character interior, ut dictum est, quæ sunt causa gratiæ. Ergo et alia est gratia utrobique.

**128. — Præterea.** Contra diversos morbos datur diversa medicina. Sed contra alium morbum ordinatur confirmatio et baptismus, ut supra (d. 2, q. 1, a. 11) dictum est. Ergo alia est gratia quæ in medicinam morbi in sacramento utroque datur.

[III]

**129. — ULTERIUS.** Videtur quod gratia confirmationis NON PERFICIAT GRATIAM BAPTISMALEM.

1. Omnis enim perfectio quæ confirmationi adscribitur, ad

dona vel virtutes pertinet ; sicut fortiter confiteri et persistere, quod est fortitudinis virtutis vel doni. Sed in baptismo, ubi confertur gratia, conferuntur et virtutes et dona quæ in gratia connexionem habent, ut in III libl (q. 36) dictum est. Ergo gratia confirmationis non perficit gratiam baptismalem.

2. **Præterea.** « *Ex eodem, habitus generatur et perficitur* », ut dicitur in II *Eth.* (β l. 1103b, 7, l. 1, n. 252). Sed gratia baptismalis per baptismum acquiritur. Ergo non perficitur per confirmationem.

3. **Præterea.** In augmento fit idem ex eo quod auget et quod augetur. Sed gratia baptismalis differt a gratia confirmationis. Ergo gratia confirmationis non perficit gratiam baptismalem.

130. — **SED CONTRA.** Secundum Dionysium (*Eccl. Hier.*, c. 5, p. 1, n. 3; G. 3, 503) baptismus est illuminatio, chrisma autem est<sup>2</sup> perfectio. Sed perfectio consummat illuminationem sicut illuminatio purgationem. Ergo confirmatio chrismatis consummat gratiam baptismalem.

131. — **Præterea.** In omnibus perfectionibus ordinatis ad invicem ita est quod secunda perficit primam. Sed confirmationis gratia superadditur ad gratiam baptismalem. Ergo gratia confirmationis perficit gratiam baptismalem.

132. — **RESPONSIO.** Dicendum **AD PRIMAM QUÆSTIONEM** quod in quolibet sacramento est aliqua sanctificatio. Sed *quædam* est *sanctificatio* in sacramento quæ *est communis omnibus sacramentis*, scilicet emundatio a peccato vel a reliquis peccatis ; *et quædam* sanctificatio quæ est *specialis quibusdam sacramentis imprimentibus characterem, scilicet deputatio ad aliquid sacrum.*

Utraque autem sanctificatio gratiam gratum facientem requirit ; quia illud quod directe contrariatur peccato, est gratia ; contraria autem contrariis curantur. Unde idem remedium adhiberi non potest contra peccatum et sequelas ejus, nisi per gratiam gratum facientem. *Et ideo in omni sacramento novæ legis gratia gratum faciens confertur*, ut dictum est supra d. 23 (q. 1, a. 1, sol. 1, 2).

133. — Similiter autem accessus ad sacra non est licitus immundis, nec aliquis ab immunditia liberari potest nisi per gratiam, nec effici idoneus ad sacra administranda<sup>4</sup> vel percipienda ; et ideo oportet quod in sacramentis quæ characterem imprimunt, gratia gratum faciens imprimatur. Cum ergo **confirmatio** sit sacramentum novæ legis characterem imprimens, **ex duplici parte necessarium est quod gratiam gratum facientem conferat.**

1. Ed. om. « in III lib. » — 2. Ed. om. « est ». — 3. Ed. om. « d. 2 ». — 4. Ed. « ministranda ».

**134.** — **AD PRIMUM** ergo dicendum quod confirmatio ordinatur contra pœnam quæ est ex culpa causata et ad culpam inclinans, et ideo ex consequenti habet repugnantiam ad gratiam ; et propter hoc contra ipsam oportet quod gratia gratum faciens detur. Et ideo si invenit aliquam culpam quæ fictum non faciat, delet illam, sicut patet de culpa veniali ; quamvis non principaliter contra culpam ordinetur.

**135.** — **Ad secundum** dicendum quod *baptismus est sacramentum necessitatis*. Et ideo gratia quæ confertur in baptismo ordinatur in communem statum salutis et non in aliquem specialem effectum. Et propter hoc per baptismum ei qui habuit gratiam gratum facientem, non additur alia gratia nova, sed illa quæ prius inerat, augetur.

**136.** — *Secus autem est de confirmatione quæ non est sacramentum necessitatis*. Unde ejus gratia ad aliquem specialem effectum ordinatur. Et propter hoc gratia confirmationis potest addi ad gratiam quæ perficit in communi statu vitæ.

**137.** — **Ad tertium** dicendum quod quamvis aliquis possit constanter, etiamsi sit in<sup>2</sup> mortali peccato fidem Christi confiteri, non tamen est idonea illa confessio, quia « *non est speciosa laus in ore peccatoris* » (*Eccli*, xv, 9) ; nec iterum est meritoria ad salutem.

Sacramentum autem ordinatur non solum ad hoc quod aliquid fiat qualitercumque, sed ad hoc quod aliquid idonee fiat, nisi sit defectus ex parte recipientis sacramentum.

**138.** — **AD SECUNDAM QUÆSTIONEM** dicendum quod, sicut supra dictum est, sacramentales gratiæ ab<sup>3</sup> invicem distinctæ sunt secundum distinctionem eorum ad quæ ordinantur, sicut et virtutes, quamvis earum distinctio non ita appareat sicut distinctio virtutum, quia earum effectus non sunt ita manifesti sicut effectus virtutum.

**139.** — *Ita autem\* videmus in virtutibus moralibus* ; quia ubi est specialis difficultas, requiritur specialis virtus ; unde alia est virtus quæ dirigit in magnis sumptibus secundum magnificentiam, ab ea quæ in communibus donis et sumptibus perficit, scilicet liberalitate.

**140.** —<sup>1</sup> Et quia *gratia baptismatis* datur ad perficiendum in his quæ pertinent ad communem statum vitæ christianæ, *gratia autem confirmationis* ad perficiendum in his quæ sunt difficillima in statu isto, scilicet confiteri nomen Christi contra persecutores ; ideo speciali gratia ad hoc indiget. **Et propter hoc alia est**

1. Ed. « debet ». — 2. Ed. *om.* « in ». — 3. Ed. « ad ». — 4. Ed. « etiam »

**gratia -confirmationis a gratia baptismi**, et contra alium defectum datur.

**141.** — *Gratia enim baptismi* datur contra defectum qui impedit communem statum justitiæ in vita Christiana, scilicet contra peccatum originale et actuale ; *gratia autem confirmationis* contra defectum oppositum robori quod exigitur in confessoribus nominis Christi, scilicet infirmitati<sup>2</sup>.

**142.** — **AD PRIMUM** ergo dicendum quod gratia confirmationis et baptismi non sunt ejusdem speciei, ut dictum est. (140-1) Et ideo nihil prohibet quod in eodem indivisibili sint.

**143.** — **Vel dicendum** quod gratia baptismalis ex essentia animæ derivatur in intellectum quod est ad recte et perfecte credendum ; sed gratia confirmationis respicit magis irascibilem ad quam pertinet fortitudo et robor.

**144.** — **Ad secundum** dicendum quod gratia sacramentalis quæ est principalis effectus sacramenti, quamvis habeat connexionem cum gratia quæ est in virtutibus et donis, tamen est alia ab ea ; quia *gratia sacramentalis* perficit removendo primo et principaliter defectum ex peccato consequentem ; sed *gratia virtutum et donorum* perficit inclinando ab bonum virtutis et doni : sicut gratia confirmationis removendo infirmitatis morbum ; fortitudinis autem donum vel virtus<sup>3</sup> inclinando ad bonum quod est proprium virtuti vel dono. Et ideo quamvis in baptismo dentur virtutes et dona et similiter in confirmatione, non oportet quod sit eadem gratia sacramentalis utrobique.

**145.** — **Ad tertium** dicendum quod confiteri ubi ex confessione imminet mortis periculum, non est tantum fidei, sed indiget auxilio alterius virtutis scilicet fortitudinis ; et similiter etiam indiget alia gratia sacramentali quæ removeat effectum oppositum fortitudini.

**146.** — **AD TERTIAM QUÆSTIONEM** dicendum quod, ut supra dictum est, d. I4 (q. 5, a. 4, sol. 3) *sicut* gratia gratum faciens quæ perficit essentiam animæ, differt a virtutibus et donis quæ ab ipsa fluunt, *ita* etiam differt a gratia quæ est proprius effectus sacramentorum ; tamen est ei connexa, sicut et connexionem habet ad virtutes et dona. Unde in sacramentis principaliter datur gratia sacramentalis quæ differt in diversis sacramentis et per consequens gratia virtutum et donorum quæ est communis in omnibus sacramentis.

**147.** — **Secundum hoc ergo dico** quod<sup>5</sup> gratia baptismalis

1. Ed. « omnem » ; of. infra (164-5-6). — 2. Ed. « scilicet contra infirmitatem », contra ἀβυσσῶν. Agitur de spirituali infirmitate ut clare habetur infra q. 3, a. 3, q1a 3, arg. 2 (177) et (197). — 3. Ed. om. « virtus ». — 4. Ed. om. « d. 1 ». — 5. Ed. om. « dico quod ».

potest dici *duplīciter*. *Uno modo* illa quæ est principalis et proprius effectus baptismi, operans contra morbum ; *alio modo* gratia quæ est effectus baptismi ex consequenti et per quamdam connexionem ; et similiter distinguendum est de gratia confirmationis.

**148.** — *Accipiēdo ergo gratiam baptismalem et confirmationis primo modo, sic sunt diversæ gratiæ.* Et ideo non perficit eam directe quasi cedens in eandem essentiam cum ipsa, sed directe perficit ipsum baptizatum ad aliquid altius ; et per consequens etiam ipsa baptismalis gratia perfectius et nobilius esse habet : sicut<sup>2</sup> anima sensibilis est perfectior adjuncta rationali et virtus adjuncta dono et liberalitas adjuncta magnificentiæ.

**149.** — *Acbiēdo autem gratiam baptismalem et confirmationis secundo modo, sic directe auget eam,* cadens<sup>3</sup> in eandem essentiam cum ipsa, sicut baptismus directe auget gratiam quam prius invenit.

Et<sup>4</sup> per hoc patet responsio ad utramque partem.

### QUÆSTIO III

Deinde quæritur de celebratione hujus sacramenti.

Et circa hoc quæruntur tria.

*Primo*, quis possit conferre hoc sacramentum.

*Secundo*, quis debeat recipere.

*Tertio*, de ritu et modo recipiendi.

#### ARTICULUS I

[I]

[Sapra, d. 2, q. 2, a. 4, ad 1 ; d. 13, q. 1, a. 1, sol. 2, ad 2 ; d. 25, q. 1, a. 1 ; 111, q. fio, a. 3, ad 3 ; q. 72, a. 11 ; *IV Cg. c. fii*) ; *de Eccles. Sacramentis* ; *Quodl. AŸ, q. 7.*]

**150.** — **AD PRIMUM SIC PROCEDITUR.** Videtur quod **QUILIBET NON ORDINATUS POSSIT ALIUM CONFIRMARE.**

1. Efficacia enim sacramentorum est a virtute verborum. Sed quilibet, etiam non ordinatus, potest verba proferre quæ sunt forma hujus sacramenti. Ergo non ordinatus potest confirmare.

2. **Præterea.** Unumquodque potest agere secundum formam quam habet, quia unumquodque agit secundum quod est actu.

1. Ed. *om.* « per ». — 2. Ed. *ad.* « et ». — 3. Ed. « cedens », contra *αβγδ*. — 4. *αδ ad.* « sic ».

Sed aliquis non ordinatus habet characterem confirmationis. Ergo potest confirmare.

**3. Præterea.** Quanto aliquid sacramentum est majoris necessitatis, tanto indiget majori discretionem et attentione in ministrando. Sed baptismus est sacramentum necessitatis. Ergo cum illud quod requirit majorem discretionem debeat majoribus committi, videtur quod ex quo non ordinatus potest baptizare, etiam possit confirmare.

**151. — SED CONTRA** est quod Hugo de S. Victore dicit (**II de Sacramentis**, p. 2, c. 5; L. 176, 4181, quod administratio Ecclesiæ consistit in ordinibus ministrorum et sacramentis. Ergo *sicut* sine sacramento non potest quis confirmari, *ita* nec sine ordine confirmantis.

**152. — Præterea.** Unctio confirmationis est dignior quam extremæ unctionis. Sed illa non potest fieri nisi ab ordinatis, ut patet Jacob, *ult.* 14. Ergo nec ista.

[H]

**153. - ULTERIUS.** Videtur quod sacerdos simplex, ETIAMSI NON SIT EPISCOPUS, POSSIT CONFIRMARE.

1. Baptismus enim quantum ad aliquid est majoris efficaciam quam confirmatio. Sed sacerdos ex suo officio potest baptizare. Ergo et confirmare.

**2. Præterea.** *Sicut* confirmationis sacramentum ad perfectionem pertinet, *ita* et eucharistiæ secundum Dionysium (*Eccl. Hier.*, c. 5, p. 1, n. 2; G. 3, 503). Sed sacerdos est proprius minister sacramenti eucharistiæ. Ergo ipse potest confirmare.

**3. Præterea.** In sacramentis ex parte conferentis requiritur ordo et intentio. Sed Episcopus non habet aliquem ordinem vel characterem quem non habeat simplex sacerdos. Ergo *sicut* Episcopus, *ita* et sacerdos potest confirmare, si intentionem confirmandi habeat.

**154. — SED CONTRA.** Soli Episcopi in locum Apostolorum succedunt. Sed soli Apostoli in primitiva Ecclesia manus imponebant: quod erat confirmare. Ergo soli Episcopi nunc possunt confirmare.

**155. — Præterea.** In ordine ecclesiasticæ hierarchiæ, secundum Dionysium (ubi supra, n. 5; 506), soli Episcopi sunt *perfectores*. Sed secundum eundem, *sicut* aliquis per exorcismum purgatur et per baptismum illuminatur, *ita* per confirmationem christi perficitur. Ergo soli Episcopi possunt confirmare.

1. Ed. « loco »

## [III]

**156. — ULTERIUS.** Videtur quod sacerdos simplex ex COMMISSIONE PAPÆ NON POSSIT CONFIRMARE.

1. *Sicut* enim se habet hoc quod est sacerdotis ad sacerdotem, *ita* quod est Episcopi ad Episcopum. Sed nullus non sacerdos potest Papæ commissione eucharistiam conficere : quod est sacerdotum. Ergo similiter ex commissione Papæ nullus potest non Episcopus confirmare : quod est Episcopi.

2. **Præterea.** *Sicut* conferre sacerdotalem ordinem est Episcopi, *ita* et confirmare. Sed nullus non Episcopus ex mandato Papæ posset aliquem in sacerdotem promovere. Ergo nullus ex Papæ mandato, qui non sit Episcopus, potest præbere confirmationis sacramentum.

3. **Præterea.** Quicumque potest ex mandato vel ex commissione alicujus baptizare, si sine commissione baptizat eum qui non est sibi subditus extra casum necessitatis, baptizatus est, quamvis peccet. Sed si sacerdos sine commissione alicujus confirmet, non est confirmatum. Ergo non potest ex commissione Papæ confirmare.

**157. — SED CONTRA** est quod in *Littera* (3) dicitur quod *Gregorius* in casu permisit quod simplices sacerdotes possent confirmare.

**158. — Præterea.** Majus est ordinem conferre quam confirmare. Sed ex mandato Papæ aliqui non Episcopi conferunt quosdam ordines : sicut sunt Presbyteri Cardinales qui conferunt minores ordines. Ergo multo fortius ex mandato Papæ potest aliquis simplex sacerdos confirmare.

**159. — RESPONSIO.** Dicendum **AD PRIMAM QUÆSTIONEM** quod proprii dispensatores sacramentorum sunt ministri Ecclesiæ per sacramentum ordinis consecrati, ut sint medii inter Deum et plebem, divina populo tradentes. Et ideo solis eis competit ex officio sacramenta ministrare, nec per alium conferri possunt excepto baptismo propter necessitatem.

**Unde cum confirmatio** non sit sacramentum necessitatis, **non poterit nisi ab ordinatis conferri.**

**160. — AD PRIMUM** ergo dicendum quod efficacia sacramenti non tantum est ex verbis prolatis, sed etiam ex materia debita et persona conveniente. Et ideo, si sit defectus in persona ministri, verba prolata ab alio non possunt efficaciam sacramento præbere.

**161. — Ad secundum** dicendum quod perfectio personalis hujus vel illius nihil facit ad collationem sacramentorum : quod

patet ex hoc quod sacramenta conferuntur a bonis ministris et a malis ; sed exigitur quod sit perfectio hujus in quantum est minister Ecclesiæ : sicut in naturalibus ad hoc quod forma se in alteram materiam transfundat per sui similitudinem, requiritur qualitas activa. Et ideo quia per confirmationis sacramentum non efficitur aliquis minister Ecclesiæ, quamvis quamdam naturalem perfectionem consequetur, ideo non oportet quod quilibet confirmatus confirmare possit.

**162.** — **Ad tertium** dicendum quod omnia sacramenta indigent æqualiter intentione ; sed illa quæ omnibus sunt conferenda, non indigent discretionem qua unus repellatur et alius admittatur, quia a sacramentis necessitatis nullus debet excludi. Et ideo cuilibet etiam sacerdoti committitur illa sacramenta conferre, non autem illa quibus aliquis ad statum perfectionis promovetur.

**163.** — **AD SECUNDAM QUÆSTIONEM** dicendum quod in omnibus artibus et potentiis ordinatis vel habitibus, ita est quod ultima perfectio reservatur inducenda per supremam artem in genere illo : sicut artes quæ operantur circa materiam navis, reservant inductionem formæ arti superiori quæ navim compaginat, et illa reservat ulterius finem, scilicet usum navis, arti superiori, scilicet gubernatoriæ.

**164.** — Unde cum Episcopi in ecclesiastica hierarchia teneant supremum locum, illud quod est ultimum in actionibus hierarchicis, eis reservandum fuit. Et quia perficere aliquem hoc modo quod sit supra communem statum aliorum, est supremum in actionibus hierarchicis, ideo **sacramentum confirmationis et ordinis**, quibus hoc efficitur, **solis Episcopis dispensanda reservantur.**

**165.** — **AD PRIMUM** ergo dicendum quod baptismus, cum sit sacramentum necessitatis, communiter omnibus competit. Et ideo per ipsum non ponitur aliquis supra communem statum, sicut fit per confirmationem, ut prius (141) etiam dictum est.

**166.** — **Ad secundum** dicendum quod eucharistia, sicut confirmatio et ordo, est sacramentum perficiens. Sed in hoc differt ab aliis, quia *in ordine et confirmatione* illud quod est ibi res et sacramentum, est aliquid in suscipiente acquisitum ; et ideo suscipientem hæc sacramenta promovent ad perfectionem quamdam ultra communem statum fidelium ; *sed eucharistia* habet illud quod est res et sacramentum, in se, non in suscipiente.

**167.** — Et ideo per sumptionem eucharistiæ non acquirit aliquis perfectionem ultra communem statum, cum non imprimatur character ; sed perficit unumquemque in statu suo. Et

1. Ed. om. « a ». — 2. Ed. om. « quod sit ». — 3. Ed. om. « ideo ».

ideo etiam secundum Dionysium (*Eccles. Hier.* c. 3, p. 1 ; G. 3, 424) cuilibet sacramento, eucharistiæ perceptio adjungitur. Et ideo non est simile de eucharistia et de aliis.

**168. — Ad tertium** dicendum quod quamvis Episcopus non habeat aliquem ordinem supra sacerdotem, secundum quod ordines distinguuntur per actus relatos ad corpus Domini, verumtamen habet aliquem ordinem supra sacerdotem, secundum quod ordines distinguuntur per actus supra corpus mysticum.

Unde Dionysius in *Eccles. Hier.* (c. 5, p. 1, n. 5 ; G. 3, 506) ponit Episcopatum ordinem. Unde et cum quadam consecratione dignitas episcopalis confertur. Et ideo in promotione membrorum corporis mystici aliquid potest competere Episcopo quod non competit simplici sacerdoti.

**169. - - AD TERTIAM QUÆSTIONEM** dicendum quod *circa hoc esi multiplex opinio.*

Quidam enim dicunt quod presbyter simplex non possit ex mandato Papæ confirmare. Et quod dicitur in *Lillera* (3) de Gregorio, exponunt quod illi presbyteri ex mandato Papæ non conferrebant sacramentum confirmationis, sed aliquid sacramentale simile illi sacramento : sicut alicui porrigitur panis benedictus loco eucharistiæ.

**Sed non videtur conveniens** ut talem simulationem in dispensatione sacramentorum induxisset Gregorius vel sustinuisset, quia dispensatio sacramentorum pertinet ad veritatem doctrinæ quæ non est propter scandalum dimittenda.

**170. —** Et ideo Alii dicunt quod auctoritas Papæ tanta est quod ejus mandato quilibet potest conferre quod habet, ut confirmatus confirmare, sacerdos sacerdotium conferre, diaconus diaconatum ; non autem mandato ipsius potest aliquis conferre quod non habet, ut diaconus ordinem sacerdotalem.

**Sed hæc opinio videtur nimis ampla.** Et ideo *media eia* secundum Alios *lenenda est.*

**171. — Et ideo sciendum est** quod cum Episcopatus non addat aliquid supra sacerdotium per relationem ad corpus Domini verum, sed solum per relationem ad corpus<sup>2</sup> mysticum, Papa per hoc quod est Episcoporum summus, non dicitur habere plenitudinem potestatis per relationem ad corpus Domini verum, sed per relationem ad corpus mysticum. Et quia gratia sacramentalis descendit in corpus mysticum a capite, ideo omnis operatio in corpus mysticum sacramentalis per quam gratia datur, dependet ab operatione sacramentali super corpus Christi<sup>3</sup> verum. Et ideo solus sacerdos potest absolvere in foro paenitentiali, et baptizare ex officio.

1. Ed. « aliquod ». — 2. *a ad.* « Domini ». — 3. Ed. « Domini ».

**172. — Et ideo dicendum** quod *promovere ad illas perfectiones quæ non respiciunt corpus Domini verum, sed solum corpus mysticum potest, a Papa* qui habet plenitudinem pontificalis potestatis, *committi sacerdoti* qui habet actum summum super corpus Domini verum ; *non autem diacono* vel alicui inferiori, qui non habet perficere corpus verum, sicut nec absolvere in foro pœnitentialem.

**173. — Non autem potest simplici sacerdoti committere promovere ad perfectionem quæ respicit aliquo modo corpus Domini verum. Et ideo simplex sacerdos ex mandato Papæ non potest conferre ordinem sacerdotii** ; quia ordines sacri habent actum supra corpus Domini verum vel supra materiam ejus.

**174. — Potest autem concedere simplici sacerdoti quod conferat minores ordines**, quia isti nullum actum habent supra corpus Domini verum vel materiam ejus, nec etiam supra corpus mysticum actum per quem gratia conferatur ; sed habent ex officio quosdam actus secundarios et præparatorios.

**175. — Et similiter potest concedere alicui sacerdoti quod confirmet** ; quia confirmatio perficit eum in actu corporis mystici, non autem habet aliquam relationem ad corpus Domini verum.

Et per hoc de facili patet solutio ad objecta.

## ARTICULUS II

[!]

[III, q. 39, a. 1.]

**176. — AD SECUNDUM SIC PROCEDITUR.** Videtur QUOD Christus debuerit sacramentum confirmationis accipere.

1. Sacramentum enim confirmationis confert majorem plenitudinem gratiæ quam baptismus. Sed Christus baptizari voluit, ut tactu mundissimæ suæ carnis efficaciam baptismo præberet. Ergo similiter debuit confirmationem accipere.

2. **Præterea.** Confirmatio ad hoc datur ut homo in confessione veritatis usque ad mortem firmiter stet. Sed Christus dedit omnibus exemplum pro veritate moriendi. Ergo hoc sacramentum maxime debuit accipere.

**177. — SED CONTRA.** Confirmatur quod infirmum est. Sed infirmitas spiritualis in Christo non fuit. Ergo nec confirmari debuit.

1. Ed. ad. « Domini », γ ad. in margine et δ habet in margine « quia ordo sacer totaliter habet ».

## [II]

[III, q. 72, a. 8, c. et ad 2.]

**178. — ULTERIUS.** Videtur QUOD HOC SACRAMENTUM PUERIS NON SIT CONFERENDUM.

1. Quia hoc sacramentum supra communem statum promovet, sicut et sacramentum ordinis. Sed illud sacramentum non confertur pueris. Ergo nec istud.

2. **Præterea.** Hoc sacramentum datur ad confitendum fidem et ad pugnandum pro ipsa. Sed hoc non competit pueris. Ergo non debent hoc sacramentum suscipere.

**179. — SED CONTRA.** Gratia baptismalis est immediata dispositio ad gratiam confirmationis. Sed baptismus confertur pueris. Ergo confirmatio debet pueris dari.

## [III]

[III, q. 72, a. 8.]

**180. — ULTERIUS.** Videtur quod non debeat dari omnibus ADULTIS.

1. Illud enim quod omnibus datur, non excedit communem statum. Sed confirmatio ponit supra communem statum, ut (141) dictum est. Ergo non debet omnibus dari.

2. **Præterea.** Hoc sacramentum est ad robur in pugna spirituali. Sed pugnare non est *mulierum* propter imbecillitatem sexus. Ergo nec hoc sacramentum eis competit.

3. **Præterea.** Confirmatio est sacramentum confessionis. Sed *muti* non possunt confiteri. Ergo non debet eis dari hoc sacramentum.

4. **Præterea.** *Morientes* a pugna hujus vitæ subtrahuntur. Sed ad robur in pugna hujus vitæ datur confirmatio. Ergo non debet morientibus dari.

**181. — SED CONTRA** est quod dicit Hugo de S. Victore<sup>o</sup> [*II de Sacram.*, p. 7, c. 3 ; L. 176, 460) : « *omnino periculosum esset, si ab hac cita sine confirmatione migrare contingeret.* » Ergo omnibus dandum est hoc sacramentum.

**182. — Præterea.** Ad robur in hoc sacramento datur septiformis gratia Spiritus sancti. Sed hæc omnibus est necessaria. Ergo et sacramentum confirmationis omnibus dari competit.

**183. — RESPONSIO.** Dicendum AD PRIMAM QUÆSTIONEM quod *suscipere baptismum est in præcepto, cum sit sacramentum necessitatis.* Et ideo Dominus voluit baptizari, quamvis

1. Ed. ad. « ut dictum est ». — 2. Ed. ad. « supra ». — 3. Ed. ad. « quod ».

in baptismo nihil susciperet, sed magis contulerit, ut forma obediendi mandatis omnibus præberetur per ipsum. Et propter hoc dixit ad baptismum veniens : « Sic decet nos implere omnem justitiam » (Ματ., ii, 15). Justitia enim consistit in obedientia legis, ut Philosophus dicit V *Eth.* (e 2. 1129a, 33; 1.1, n. 895-6

**184.** —<sup>1</sup> Sed sacramentum confirmationis non est necessitatis, sed utilitatis alicujus consequendæ causa accipitur. **Et ideo cum Dominus non acceperit aliquid a sacramentis, non debuit sacramentum confirmationis accipere, sicut nec sacramentum ordinis;** quia potestas excellentiæ in sacramentis et plenitudo Spiritus sancti in ipso a sui conceptione fuit, et sic non oportebat nisi quod in ipso erat innotescere : quod factum est per adventum columbæ super ipsum.

Et per hoc patet solutio ad objecta.

**185.** — **AD SECUNDAM QUÆSTIONEM** dicendum quod perfectio quæ confertur in ordine et confirmatione in hoc differunt quod *perfectio ordinis* est ad aliquid dispensandum, *perfectio autem confirmationis* est ad standum fortiter in seipso.

Ad hoc autem quod dispensatio alicujus rei detur alicui rei requiritur idoneitas aliqua praeexistens in eo qui dispensationem recipit propter periculum quod potest imminere ex prava dispensatione. **Et ideo perfectio ordinis non confertur pueris.**

**186.** — Sed perfectio qua quis in seipso perficitur non præexigit aliam perfectionem, sed ipsa perfectione quis idoneus redditur, nec ex hoc aliquod periculum imminere potest. **Et ideo confirmatio potest puero tradi et convenienter traditur ; quia infantilis ætas non patitur fictionem qua effectus sacramenti impediatur.** Et ideo quamvis tunc non competat ei confiteri vel pugnare, certum tamen est quod effectum sacramenti piæ recipit per quem erit idoneus ad pugnam et confessionem ad perfectam ætatem veniens, nisi gratiam acceptam per peccatum amittat.

Et per hoc patet solutio ad objecta.

**187.** — **AD TERTIAM QUÆSTIONEM** dicendum quod, sicut dictum est (186), perfectio in confirmatione collata non præexigit aliam perfectionem, sed per eam quis in seipso perficitur, ut sit idoneus ad pugnam spiritualem. Et quia cuilibet est conveniens et bonum ut in pugna spirituali fortitudinem habeat, ideo **ab hoc sacramento nullus excludi debet qui sit baptizatus.**

**188.** — **AD PRIMUM** ergo dicendum quod non ponit supra communem statum quantum ad dispensationem alicujus sacra-

1. Ed. ad. « in a. — 2. Ed. om. « rei ». — 3. Ed. ad. \* irutraditione ».

menti, sed quantum ad confessionem sacramentorum ; et hæc perfectio vel excellentia omnibus membris Ecclesiæ competit per hoc sacramentum collata.

**189.** — **Ad secundum** dicendum quod etiam quædam mulieres in pugna spirituali gloriosum reportaverunt de hoste triumphum, sicut patet de beata Agnete et beata Cæcilia et aliis. *Unde ab hoc sacramento mulieres non sunt excludendæ.*

**190.** — **Ad tertium** dicendum quod quamvis *muti* non possint confiteri ore, possunt confiteri nutibus et possunt habere voluntatem et propositum confitendi ; et ideo eis non debet denegari hoc sacramentum.

**191.** — **Ad quartum** dicendum quod quamvis *morientes* abstrahantur a pugna, tamen vadunt ad locum præmii in quo secundum mensuram gratiæ datur mensura gloriæ ; et ideo *indigent plenitudine gratiæ* quæ in pugna perficit, propter finem pugnæ consequendum.

### ARTICULUS III

[I]

[III, q. 72, a. 10.]

**192.** — **AD TERTIUM SIC PROCEDITUR.** *Videtur quod non exigatur quod aliquis tangat aliquem ad confirmationem.*

Ille enim qui habet immediatam relationem ad principem, sicut liberi, non oportet quod mediantibus aliquibus coram principe compareat, sicut servi comparent mediantibus dominis et filiifamilias mediantibus patribus. Sed confirmandus jam habet immediatam relationem ad principem Ecclesiæ, cum sit membrum Ecclesiæ per baptismum. Ergo quamvis baptizatus per alium debeat præsentari, tamen confirmandus nullo modo debet per alium ad confirmationem teneri, præcipue si sit adultus.

2. **Piæterea.** Fortitudo minus competit mulieribus quam viris. *Prov. ult. 10 : « Mulierem fortem quis inveniet ? »* Sed confirmatio est sacramentum fortitudinis, quia in eo datur Spiritus sanctus ad robur. Ergo ad minus mulier non debet tenere virum ad confirmationem.

**193.** — **SED CONTRA.** *Videtur etiam quod non confirmatus possit tenere ad confirmationem.*

Quia majus est sacramentum conferre quam ad sacramentum

1. Ed. *ad.* « confirmationis », contra *αβγδεη*. — 2. Ed. « *ab* ». — 3. Ed. « teneat », contra *αβγδνη*.

suscipiendum aliquem tenere. Sed non confirmatus potest sacramentum baptismi conferre. Ergo multo fortius potest ad confirmationem tenere.

## [II]

[III, q. 72, a. 9, a. 11, ad 3; *IV Cg.* e. 60, *Quodl.* 17, q. 7; *ad Rom.*, c. 1, l. 5; c. 10, l. 2.]

**194. — ULTERIUS.** Videtur quod non debeat fieri LINITIO CHRISMATIS TANTUM IN FRONTE.

1. Quia vertex est nobilior pars corporis quam frons, quia ibi est organum cogitativæ, hic autem organum phantasie. Sed sacerdos qui est inferior quam Episcopus, ungit baptizatos chrismate in vertice. Ergo Episcopus non debet ungere chrismate confirmandos in fronte.

2. **Præterea.** Confirmatio est sacramentum confessionis. Sed confessio fit ore. Ergo unctio confirmationis magis deberet in ore fieri.

3. **Præterea.** Frons est locus nudus et patens. Sec hic de facili sordes contrahit. Cum ergo chrisma sit servandum ab omni inquinamento, videtur quod non congrue fiat unctio in fronte.

**195. — SED CONTRA.** In confirmatione datur Spiritus sanctus ad robur. Sed robur in fronte significatur, ut patet *Ezech.*, h i, 8 : « *Ecce dedi tibi frontem tuam durior'em frontibus eorum.* » Ergo in fronte debet fieri unctio confirmationis.

**196. — Præterea.** *Apoc.* vu. 3, Angelus dicit : « *Quoadusque signemus servos Dei vivi in frontibus eorum.* » Sed Episcopi dicuntur Angeli, ut patet *Apoc.* m. Ergo eorum est in fronte signare.

## [III]

[III, q. 72, a. 5.]

**197. ULTERIUS.** Videtur QUOD CONFIRMATIO POSSIT ITERARI.

1. *Sicut* enim confirmatio datur ad robur fidei, *ita* eucharistia ad robur caritatis. Sed eucharistia iteratur. Ergo et confirmatio.

2. **Præterea.** Si morbus iteratur, et medicina iterari debet. Sed morbus contra quem datur hoc sacramentum potest iterari, scilicet spiritualis infirmitas. Ergo et sacramentum debet iterari.

**198. — SED CONTRA.** *Sicut* in baptismo imprimitur character, *ita* et in confirmatione. Sed baptismus non iteratur. Ergo nec confirmatio.

1. Ed. confirmandos », contra *αβγδζη*. — 2 Ed. « dedi ». — 3. a « nostri ».

**199. — RESPONSIO.** Dicendum **AD PRIMAM QUÆSTIONEM** quod in sacramento confirmationis datur Spiritus sanctus ad robur. Unde propter hoc aliquis ad confirmationem accedit, quia se habere robur standi non præsumit. Et ideo institutum fuit ut ab altero teneatur, ad significandum quod per se stare non posset.

**200. — AD PRIMUM** ergo dicendum quod ille qui est mediator in hoc sacramento, non habet officium repræsentandi quasi extraneum, sicut est in baptismo, neque suscipiendi quasi instruendum, sed solum tenendi quasi infirmum.

**201. — Ad secundum** dicendum quod fortitudo spiritualis est per Christum in quo « *non est masculus et femina* », ut dicitur *ad Galat.*, m, 28 ; et ita non differt utrum vir mulierem vel mulier virum teneat, quamvis *Quidam* contrarium dicant, scilicet quod mulier virum tenere non potest.

**202. — AD SECUNDAM QUÆSTIONEM** dicendum quod homo potest impediri a libera et aperta confessione nominis ('.hristi propter *duo* : scilicet *propter timorem mortis, et propter confusionem* quæ est timor ignominie.

Utriusque autem signum præcipue in facie manifestatur, quia « *palescunt timentes et rubent oerecundati* », ut dicitur in IV *Eth.*, (8 15. 1128b, 13-4 ; l. 18, n. 870) et præcipue in fronte quæ est pars magis aperta, et imaginationi ex qua procedunt passiones prædictæ vicina.

Et ideo cum confirmatio detur ad liberam confessionem nominis Christi, **convenienter unguuntur confirmati in fronte.**

**203. — AD PRIMUM** ergo dicendum quod *unctio quæ datur in vertice a sacerdote*, significat dignitatem regalem et sacerdotalem in baptizato, quia incipit esse de numero illorum quibus dicitur : « *Vos estis gens sancta, regale sacerdotium* », I *Petr.*, n, 9 ; et ideo in vertice fit ad significandum eminentiam dignitatis collatæ.

*Sed unctio confirmationis* datur ad fortiter defendendam dignitatem acceptam, quod amplius est ; et ideo *in loco publico dari debet.*

**204. — Ad secundum** dicendum quod non datur hoc sacramentum ad confessionem simpliciter, sed ad libertatem confessionis ; et ideo debet dari ubi apparent illæ passiones quæ liberam confessionem impedire possunt.

**205. — Ad tertium** dicendum quod ex hoc non est periculum ; quia ligatur frons confirmati quousque desiccetur locus ; et post-

1. Ed. « signandum ».

modum etiam secundum Hugonem (lib. II *de Sacram.*, p. 7, c. 6 ; L. 176, 462) debet esse sub quadam disciplina custodiendi chrisma, ne scilicet caput lavet usque ad septem dies propter septem dona Spiritus sancti, sicut etiam Ecclesia septem diebus adventum Spiritus sancti in discipulos celebrat.

**206.** — **AD TERTIAM QŪÆSTIONEM** dicendum quod sacramentum quod habet effectum semper permanentem, non potest iterari sine injuria sacramenti. Et ideo quia in confirmatione imprimitur character qui est indelebilis, ideo **non debet iterari.**

**207.** — **AD PRIMUM** ergo dicendum quod eucharistia non imprimit characterem, nec illud quod est res et sacramentum est aliqua forma recepta in recipiente sacramentum, sicut est in confirmatione. Et ideo non est similis ratio.

**208.** — **Ad secundum** dicendum quod confirmatio datur contra infirmitatem, prout est contracta per originale peccatum ; et sic non redit, quamvis infirmitas actualis peccati redeat.

#### EXPOSITIO TEXTUS

**209.** — « Donatio Spiritus sancti ad robur. » (4)

**Contra.** « *Panis cor hominis confirmat* » ; (*ps.* cui, 15). Ergo magis pertinet ad eucharistiam quam ad confirmationem.

**Et dicendum** quod per eucharistiam roboratur caritas, per hoc autem sacramentum fides : in his enim duabus virtutibus tota virtus spiritualis ædificii consistit.

**210.** — **Vel dicendum** quod caritas perficit et roborat ad standum in seipso per modum cibi, sed confirmatio ad pugnam quam quis ab aliis patitur in confessione nominis Christi contra adversarios audaciam præbens.

**211.** — « Hoc sacramentum tantum a jejunis etc. » (5) Propter eminentiam Spiritus sancti qui cum sua plenitudine in hoc sacramento datur ad robur.

## DISTINCTIO VIII

### De sacramento altaris et eucharistiæ

1. — Post sacramentum baptismi et confirmationis sequitur eucharistiæ sacramentum. Per baptismum mundamur, per eucharistiam in bono consummamur. Baptismus æstus vitiorum extinguit, eucharistia spiritualiter reficit. Unde excellenter eucharistia dicitur, idest bona gratia, quia in hoc sacramento non modo est augmentum virtutis et gratiæ, sed ille totus sumitur qui est fons et origo totius gratiæ.

a. — Cujus figura præeesit, « *quando? manna pluit Deus patribus in deserto, qui quotidiano coeli pascebantur alimento; unde (Ps., lxxvii, 25). « Panem Angelorum manducavit homo. » Sed tunc qui panem illum manducaverint mortui sunt; iste vero panis vivus qui de cælo descendit, vitam mundo tribuit (Joan., vi). Manna illud est coelo, hoc super coelum. Illud scaturiebat\* in diem alterum reservatum: hoc ab omnium corruptione alienum, quicumque religiose gustaverit, corruptionem non videbit.* » (Ambros. de myster., c. 8, n. 47, 48; L. 16, 404).

b. — Illud datum fuit antiquis post transitum maris rubri, ubi submersis Ægyptiis liberati sunt Hebræi (Exod. xiv); ita hoc coeleste manna non nisi renatis præstari debet. Panis illo corporalis populum antiquum ad terram promissionis per desertum eduxit; hæc esca coelestis fideles hujus sæculi desertum transeuntes in coelum subvehit. Unde recte viaticum appellatur, quia in via nos reficiens usque ad patriam deducit. Sicut ergo in mari rubro figura baptismi præeesit, ita in manna significatio dominici corporis.

Hæc duo sacramenta demonstrata sunt, ubi de latere Christi sanguis et aqua fluxerunt; quia Christus per sanguinem redemptionis et aquam ablutionis nos redimere a diabolo et a peccato venit, sicut Israelites per sanguinem agni paschalis ab exterminatore, et per aquam maris rubri ab Ægyptiis liberavit.

Hujus etiam sacramenti ritum Melchiscdech ostendit, ubi panem et vinum Abrahæ obtulit. (Gen. xiv).

6. — Unde, ait Ambrosius (de Sacramentis, lib. IV, c. 3, n. 10; L. 16, 438), intelligi datur « *antiora esse sacramenta Christianorum quam Judæorum.* »

### De institutione sacramenti

2. — Hic etiam ante alia considerata occurrunt quatuor: scilicet sacramentum, institutio, forma et res.

Sacramentum Dominus instituit, quando post typicum agnum corpus et sanguinem suum discipulis in cæna porrexit.

Unde ait Eusebius Emisenus (*hom. de corpore et sanguine Christi*, n. 1; L. 30, 272): « *Quia corpus assumptum ablaturus erat ab oculis et*

1. Ed. « consummatur ». — 2. Ed. « quod ». — 3. Ed. « de ». — 4. Ei. « scatebat vermibus ». — 5. Ed. « profluxerunt ». — 6. Ed. om. « Christus ». — 7. Ed. ad « ut ». — 8. Ed. om. « ait ».

illaturus sideribus, necesse erat ut die Cænæ sacramentum nobis corporis et sanguinis consecraret, ut coleretur jugiter per mysterium quod semel offerebatur in pretium. »

### De forma

3. — Forma vero est quam ipse ibidem edidit dicens : « *Hoc est corpus meum* » ; et post (Mat., xxvi, 26, 27 : « *Hic est sanguis meus.* » Cuni enim hæc verba proferuntur, conversio fit panis et vini in substantiam corporis et sanguinis Christi. Reliqua ad Dei laudem dicuntur.

Unde Ambrosius (lib. IV de Sacramentis, c. 4, n. 14 ; L. 16, 439) : « *Sermone Christi hoc conficitur sacramentum, quia sermo Christi creaturam mutat ; et sic ex pane fit corpus Christi, et vinum cum aqua in calicem missum fit sanguis, consecratione verbi cœlestis.* »

a. — *Consecratio quibus fit verbis ? Attende quæ sunt verba.* « Accipite! et comedite ex eo omnes : Hoc est corpus meum » ; et iterum<sup>2</sup> : « Accipite et bibite ex hoc omnes : Hic est sanguis meus. »

b. — *Per reliqua omnia quæ dicuntur, laus Deo defertur ; oratio premititur pro populo, pro Regibus.* »

Item Augustinus<sup>2</sup> : « *Credendum est quod in illis verbis Christi sacramenta conficiantur. Reliqua omnia nihil aliud sunt quam laudes vel obsecrationes fidelium et petitiones.* »

Ecce quæ sit institutio et forma hujus sacramenti.

4. — Ubi consideratione dignum est, quare illud sacramentum post cœnam dedit discipulis.

Dominus igitur Jesus ad invisibilia patrnæ majestatis migraturus, celebrato cum discipulis typico pascha, quoddam memoriale eis commendare volens, sub specie panis et vini corpus et sanguinem suum ita<sup>4</sup> eis tradidit, ut ostenderet legis veteris sacramenta, inter quæ præcipuum erat agni paschalis sacrificium, in morte sua terminari, ac Legis Novæ sacramento substitui, in quibus excellit mysterium eucharistiæ. Ideo etiam post alia dedit, ut hoc unum arctius memoriæ discipulorum infigeretur, et ab Ecclesia deinceps frequentaretur.

Sed non exinde disciplinam sanxit in posterum, ut post alios cibos sumatur, quod potius a jejuniis sumi oportet, sicut Apostolus docet (/ Cor., xi, 31), ut singulari reverentia dijudicetur<sup>5</sup>, idest discernatur ab aliis cibis : quod Dominus Apostolis disponendum reliquit.

Unde Augustinus (ad Januarium, ep. 54, c. 6, n. 7 ; L. 33, 203) : « *Apparet, cum primo acceperunt discipuli eucharistiam, non eos accepisse jejunos. Non ideo tamen calumniandum est universæ Ecclesiæ, quod a jejuniis semper sumitur. Placuit enim Spiritui sancto ut in honorem\* tanti sacramenti prius in os christiani dominicum corpus intraret quam alii cibi ; ideo ubique mos iste servatur. Non enim, quia post cibos dedit Dominus, idcirco pransi vel cœnati illud accipere debent, ut illi faciebant quos Apostolus (I Cor., xi, 20) redarguit. Nam Salvator quo vehementius commendaret mysterii illius altitudinem, ultimum hoc voluit infigere cordibus et memoriæ discipulorum, a quibus ad passionem digressurus erat. Quo autem ordine deinceps sumeretur, Apostolis, per quos Ecclesias dispositurus erat, reservavit docendum.* »

1. Ed. ad. « ergo ». — 2. Quar. « item ». — 3. Anud Paschasium, de corp. et sang. Domini, c. 15, n. 1 ; L. 120, 1322. — 4. Quar. om. « ita ». — 5. Ed. « adjudicetur ». — 6. Quar. « honore ».

## De sacramento et re

5. — Nunc quid ibi sacramentum sit, et quid res, videamus.

« Sacramentum est invisibilis gratiae visibilis forma. » (Aug., de civ. Dei, c. 5 ; L. 41, 282; Forma ergo panis et vini quae ibi videtur, est sacramentum, idest « signum saerse rei; quia praeter speciem quam ingerit sensibus, aliquid aliud facit in cogitationem venire. » (Aug., de doctr. chr. c. 1, n. 1 ; L. 34, 35) Tenent ergo « species vocabula rerum quae ante fuerunt, scilicet panis et vini. » (Ivo, Decret, p. 2, c. 9 ; L. 161, 149).

» Hujus autem sacramenti gemina est res, una scilicet contenta et significata, altera significata et non contenta. Res contenta et significata est caro Christi quam de Virgine traxit, et sanguis quem pro nobis fudit. Res autem significata et non contenta, est unitas Ecclesiae in praedestinatiis, vocatis, justificatis et glorificatis. » (Hier., loc. infra cit.) Hæc est duplex caro Christi et sanguis.

Unde Hieronymus (in cap. i ad Ephes., v. 7 ; L. 26, 451) : « Dupliciter inquit, intelligitur caro Christi et sanguis ; vel illa quæ crucifixa est et sepulta, et sanguis qui militis lancea effusus est ; vel illa spiritualis ac divina de qua ipse ait (Joan., vi, 56) : « Caro mea vere est cibus, et sanguis meus vere est potus ; et : Nisi manducaveritis carnem meam, et biberitis meum sanguinem, non habebitis vitam in vobis. »

6. — « Sunt ergo hic tria distinguenda : unum quod tantum est sacramentum ; alterum quod est sacramentum et res ; et tertium quod est res et non sacramentum. Sacramentum et non res est species visibilis panis et vini. Sacramentum et res, caro Christi propria et sanguis. Res et non sacramentum, mystica ejus caro.

Porro illa species visibilis sacramentum est geminae rei, quia utramque rem significat et utriusque rei similitudinem gerit expressam. Nam sicut panis prae ceteris cibus corpus reficit et sustentat, et vinum hominem laetificat atque inebriat ; sic caro Christi interiorem hominem plus ceteris gratis spiritualiter reficit et saginat. Unde (Ps., xxv, 5) : « Calix tuus inebrians quam præclarus est ! » Habet etiam similitudinem cum re mystica, quæ est unitas fidelium ; quia sicut ex multis granis conficitur unum panis, et ex pluribus acinibus vinum in unum confluit, sic ex multis fidelium personis unitas ecclesiastica constat. » ((ex Glossa Lyrani in I Cor., xi, 23).

Unde Apostolus (I Cor., x, 17) « : Unus panis, unum corpus multi sumus, etc. »

Unde Augustinus (In Joan., tract. 62, n. 15 et sq. ; L. 35, 1613, sq.) : « Unus panis et unum corpus Ecclesia dicitur, pro eo quod, sicut unus panis ex multis granis et unum corpus ex multis membris componitur, sic Ecclesia ex multis fidelibus caritate copulante connectitur. » « Hoc mysterium pacis et unitatis nostræ Christus in sua mensa consecravit. Qui accipit hoc mysterium unitatis, et non tenet vinculum pacis, non accipit hoc mysterium pro se, sed contra se. » (Ivo, Decret, p. 2, c. 1 ; L. 161, 136).

« Cujus etiam sacramentum est corpus Christi proprium de Virgine sumptum ; quia ut corpus Christi ex multis membris purissimis et immaculatis constat, ita societas ecclesiastica ex multis personis a criminali macula liberis consistit. In cujus rei typo facta est arca Domini de lignis Setim, quæ sunt impuitribilia, et albae spinæ similia. » (Lyranus in I Cor., xi, 21).

## DIVISIO TEXTUS

## 6. — « Post sacramentum baptismi, etc1. » (1).

Postquam determinavit Magister de baptismo et confirmatione, *hic tertio determinat de eucharistiæ sacramento.*

Et dividitur in partes duas. *In prima* determinat ea quæ pertinent ad ipsum sacramentum. *In secunda* determinat de dispensantibus sacramentum 13 d., ibi : « Solet etiam quæri, utrum quicumque sacerdotes etc2. »

*Prima* in duas. *In prima* determinat ea quæ requiruntur ad hoc sacramentum in generali. *In secunda* prosequitur de eis in speciali, d. 10, ibi : « Sunt item alii præcedentium etc3. »

*Prima* iterum in duas. *In prima* determinat ea quæ requiruntur ad hoc sacramentum. *In secunda* determinat usum sacramenti, 9 d., ibi : « Et sicut duæ sunt res etc4. »

*Prima* autem in tres. *In prima* determinat præcedentia eucharistiæ® quibus hoc sacramentum figuratur. *In secunda* determinat concomitantia quibus hoc sacramentum integratur, scilicet formam et institutionem ibi : « Hic etiam ante alia etc. » (2). *In tertia* determinat consequentia quæ in hoc sacramento efficiuntur vel significantur, ibi : « Nunc quid sit ibi sacramentum etc. » (5).

*Secunda* pars dividitur in tres. *In prima* determinat institutionem ; *in secunda* formam ibi : « Forma vero est etc. » (3). *In tertia* movet quamdam quæstionem et solvit, ibi : « Ubi consideratione dignum est etc. » (4).

« Nunc quid ibi sit sacramentum etc. » (5). *Hic determinat de sacramento eucharistiæ per comparisonem ad significatum vel causatum ejus.*

Et circa hoc duo facit. *Primo* ostendit quid sit ibi res, et quid sacramentum. *Secundo* concludit eorum numerum et ordinem, ibi : « Sunt igitur hic tria distinguenda etc. » (6).

Hic est duplex quæstio

Prima 6 de ipso eucharistiæ sacramento.

Secunda de forma ipsius.

## QUÆSTIO I

Circa primum quærentur quatuor.

*Primo*, utrum eucharistia sit sacramentum.

*Secundo*, de significatione ejus.

*Tertio*, de institutione.

*Quarto*, de ordine sumendi hunc cibum respectu aliorum ciborum.

1. Ed. om. « etc. ». — 2. Ed. ont. « etc. ». — 3. Ed. om. « etc. ». — 4. Ed. om. « etc. ». — 5. ad ad. « in ». — 6. Ed. « Primus ».

## ARTICULUS I

## [I]

[III, q. 65, a. 1 ; q. 73, a. 1 ; q. 79, a. 5, 7 ; IV Cg., c. 61 ; I ad Cor. c. 11, l. 5.]

**7. — AD PRIMUM SIC PROCEEDITUR.** Videtur quod EUCHARISTIA NON SIT SACRAMENTUM.

1. Ad idem enim non debent diversa ordinari. Sed confirmatio est ad perficiendum, secundum Dionysium (de *Eccl. Hier.*, c. 5, p. 1, n. 3 ; G. 3, 503). Cum ergo secundum ipsum eucharistia etiam sit perfectio, videtur quod superfluat hoc sacramentum.

2. **Præterea.** In omni sacramento novæ legis idem quod figuratur, efficitur per signum figurans. Sed species panis et vini qua? figurant corpus Christi verum et mysticum, non efficiunt illud. Ergo eucharistia non est sacramentum novæ legis.

3. **Præterea.** « *Sacramentum est elementum materiale, secundum Hugonem, (lib. 1 de Sacrament., p. 9, c. 2 ; L. 176, 317), exterius oculis suppositum* ». Sed corpus Christi verum quod dicitur hic sacramentum et res similiter, non est oculis videntium suppositum. Ergo non est sacramentum.

4. **Præterea.** Omne sacramentum in ipsa sui susceptione consecratur et perficitur : sicut patet de baptismo quod perficitur in ipsa ablutione. Sed eucharistia consecratur ante sumpcionem. Ergo non est sacramentum.

5. **Præterea.** In omni alio sacramento illud quod est res et sacramentum, est aliquid effectum in suscipiente, sicut character in baptismo. Sed corpus Christi verum quod ponitur hic res et sacramentum, non est aliquid in recipiente effectum. Ergo non est sacramentum ejusdem rationis cum aliis.

8. — **SED CONTRA** est quod in collecta (pro *viris et defunctis* postcom.) dicitur : « *Præsta ut hoc tuum sacramentum non sit nobis reatus ad poenam.* »

9. — **Præterea.** Omnis actio per ministros Ecclesiæ dispensata, in qua ex ipso opere operato gratia confertur, est sacramentum. Sed eucharistia est hujusmodi. Ergo est sacramentum.

## [II]

[III, q. 73, a. 2 ; q. 78, a. 6, ad 2.]

**10. — ULTERIUS.** Videtur QUOD NON SIT UNUM SACRAMENTUM, SED MULTA.

1. Ed. « qui ». —

Primo per hoc quod in collecta (ut supra) dicitur : « *Purificent nos, quæsumus! Domine, sacramenta quæ sumpsimus* ».

2. **Præterea.** Sacramentum est in genere signi. Sed ea quæ sunt in genere signi, sicut nomina, plurificantur ad pluralitatem significantium, quamvis sit idem significatum; sicut « Marcus » et « Tullius » sunt duo nomina, quamvis sit eadem res significata. Cum ergo in eucharistia sint plura significantia<sup>3</sup>, sicut species panis et vini, videtur quod sint plura sacramenta.

3. **Præterea.** Unitas rei est ex forma sua. Sed in eucharistia sunt duæ formæ, una ad consecrationem panis, alia ad consecrationem sanguinis. Ergo sunt duo sacramenta.

4. **Præterea.** Ea quæ nec in genere nec in specie conveniunt, sunt plura simpliciter. Sed corpus Christi verum cum speciebus panis et vini sunt differentia et specie et genere. Ergo sunt plura simpliciter. Cum ergo utrumque dicatur sacramentum in eucharistia, videtur quod non sit unum sacramentum.

5. **Præterea.** Ex duobus perfectis non fit aliquid<sup>4</sup> unum. Sed Christus perfecte est sub utraque specie, scilicet panis et vini. Ergo ex his duobus non fit unum sacramentum.

11. — **SED CONTRA** est, quia si essent duo, tunc sacramenta novæ legis non essent tantum septem.

12. —<sup>1</sup> **Præterea.** Quæcumque ordinantur ad idem efficiendum et significandum, pertinent ad unum sacramentum. Sed omnia quæ in Eucharistia sunt, pertinent ad idem repræsentandum scilicet mortem Domini, et idem efficiendum, scilicet gratiam per quam homo incorporatur corpori mystico. Ergo est unum tantum sacramentum.

### [III]

[III, q. 73, a. 4 ; q. 79, a. 2, ad 1.]

13. — **ULTERIUS.** ATdetur quod non convenientibus NOMINIBUS NOMINETUR.

1. Norrien enim proprium debet alicui imponi ex eo quod sit sibi proprium. Sed bonitas gratiæ est communis omnibus sacramentis. Ergo ex hoc non debet imponi nomen proprium uni sacramento, ut dicatur *eucharistia*.

2. **Præterea.** Sicut in *Littera (Ib)* dicitur, hoc sacramentum ideo « *viaticum appellatur, quia in via nos reficiens, usque ad patriam deducit* ». Sed hoc est commune omnibus sacramentis, quæ nonnisi viatoribus dantur ad perveniendum ad gloriam

1. Ed. *om.* « quæsumus ». — 2. Ed. *ad.* « hæc ». — 3. Ed. « signantia ». — 4. *a* « aliquid ».

patriæ, quæ est res non contenta et significata in omnibus sacramentis. Ergo non convenienter *viaticum* appellatur.

3. **Præterea.** Causæ per effectus denominari solent. Sed adducere ad communionem fidelium est effectus baptismi, secundum Dionysium (de *Eccl. Hier.*, c. 3 ; G. 3, 391), ut ex prædictis patet. Ergo baptismus magis debet dici *communio* vel *synaxis* quam hoc sacramentum.

4. **Præterea.** In quolibet sacramento fit aliquid sacrum. Sed hoc importat sacrificii nomen. Ergo *sacrificium* etiam non est nomen proprium hujus sacramenti.

5. **Præterea.** Hostia videtur idem quod sacrificium. Sed Dionysius (c. 4, *Eccl. Hierar.*, n. 1 ; G. 3, 471), confirmationem nominat « *chrismatis hostiam* » Ergo neque *hostia* neque sacrificium est nomen proprium huic sacramento.

**14. — RESPONSIO.** Dicendum **AD PRIMAM QUÆSTIONEM** quod eucharistia sacramentum quoddam est, alio tamen modo ab omnibus aliis sacramentis.

Sacramentum enim secundum sui nominis proprietatem sanctitatem active importat. Unde secundum hoc aliquid habet rationem sacramenti secundum quod habet rationem sanctificationis, qua sanctum aliquid fit.

Dicitur autem aliquid sanctum *dupliciter*.

*Uno modo simpliciter et per se*, sicut quod est subjectum sanctitatis, sicut dicitur homo sanctus.

*Alio modo secundario et secundum quid*, ex eo quod habet ordinem ad hanc sanctitatem, vel sicut habens virtutem sanctificandi, sicut chrisma dicitur sanctum, vel quocumque alio modo ad aliquid sanctum deputetur, sicut altare sanctum.

Et ideo ea quibus aliquid fit sanctum primo modo, dicuntur sacramenta simpliciter ; illa autem quibus fit aliquid sanctum secundo modo, non dicuntur sacramenta, sed sacramentalia magis.

*In aliis ergo sacramentis fit aliquid sanctum primo modo*<sup>3</sup>, homo suscipiens sacramentum ; non autem elementum corporale sanctificans hominem, quia hoc est sanctum<sup>4</sup> secundo modo. Et ideo hoc quod pertinet ad sanctificationem materiæ in omnibus sacramentis non est sacramentum, sed sacramentale ; sed hoc quod pertinet ad usum materiæ qua homo sanctificatur, est sacramentum.

**15. — In hoc autem sacramento illud quod est sanctificans**

1. α < dictis ». — 2. α « Secundum Dionysium nominans », αβγδ&η « carismatis ». — 3. Ed. ad. « sicut », contra αβγδ&η. — 4. βγγ et ed. « sacramentum », sed η cor. in « sanctum », sicut ac habent.

*hominem, est sanctum primo modo, quasi subjectum sanctitatis, quia est ipse Christus. Et ideo ipsa sanctificatio materiæ est hic sacramentum ; sed sanctificatio hominis est effectus sacramenti.*

**16.** — Et ideo hoc sacramentum in se consideratum, est dignius omnibus sacramentis, quia habet absolutam sanctitatem etiam præter suscipientem ; alia autem non habent nisi in ordine ad aliud. **Et ideo hoc sacramentum est perfectio aliorum sacramentorum** ; quia omne quod est per aliud, reducitur ad id quod est per se, sicut patet de accidente et substantia.

**17.** — **AD PRIMUM** ergo dicendum quod « *perfectum unumquodque est, cum attingit propriam virtutem* », ut dicitur in VII *Phys.* (ζ 3. 246a, 13-4; I, 6, n. 2). « *Virtus autem est ultimum in re* », ut dicitur in I *Cæli et mundi* (a 11. 281a, 5 sq. ; I, 25, n. 41). Et ideo perfectio rei consistit in hoc quod res ad sui ultimum perducatur.

Est autem *dupliciter* ultimum rei : *unum* quod est in re, et aliud quod est extra rem : sicut in corporibus ultimum in corpore est superficies corporis contenti, ultimum extra, locus qui est superficies corporis continentis.

**18.** — **Ultimum autem cujuslibet rei in re ipsa est ipsa rei operatio, propter quam res est** : « *forma enim est finis generationis, non ipsius generati* », ut dicit Commentator in II *Phys.* (text, comm. 75). Unde res quæ habet formam substantialem per quam est, esse non dicitur perfecta simpliciter, sed *perfecta in esse*, vel perfecta perfectione prima ; et talem perfectionem quantum ad esse spirituale acquirit homo in baptismo, quo est regeneratio spiritualis. Et ideo Dionysius non ponit baptismum habentem vim perfectivam simpliciter, sed magis purgativam et illuminativam.

Sed *simpliciter perfectum* dicitur quod habet operationem suæ formæ. In hoc enim consistit virtus rei, secundum Philosophum in II *Eth.* [β 1. 1109a, 25 ; I, 1, n. 248-9) per cujus consecutionem aliquid dicitur perfectum, ut dictum est (17). Hominis autem operatio spiritualis est *duplex*.

*Una ipsius in quantum est persona privata* ; et quantum ad hoc perficit confirmatio quæ facit hominem non impeditum aliquo mundano timore in confessione fidei, et aliis quæ ad Christianam religionem spectant.

*Alia, in quantum est persona publica*, quasi membrum principale et influens aliis membris ; et quantum ad hoc perficit sacramentum ordinis.

1. Ed. « ista ». — 2. Ed. « hoc ». — 3. Ed. *om.* « id ». — 4. Ed. *ad.* « est ». — 5 y et ed. « seipsa », contra *αἴθεν*. — 6. Ed. « qui ».

**19. — Ultimum autem cujuslibet rei extra seipsam, est principium a quo res habet esse ;** quia per conjunctionem ad ipsum res complentur et firmantur, et propter distantiam ab ipso deficiunt, sicut corruptibilia propter longe distare a primo, ut dicitur in II de *Gener.* ( $\beta$  10. 336b, 30). Et ideo primum agens habet etiam rationem ultimi finis perficientis. Fons autem christianæ vitæ Christus est. Et ideo hoc modo eucharistia perficit, Christo conjungens. **Et ideo hoc sacramentum est perfectio omnium perfectionum,** ut dicit Dionysius (*Eccles. Hierar.*, c. 3 ; G. 3, 423). Unde et omnes qui sacramenta alia accipiunt, hoc sacramento in fine confirmantur, ut ipse dicit.

**20. — Ad secundum** dicendum quod *sicut* ad species sensibiles aliorum sacramentorum se habet virtus quæ interius inest quæ sanctificationem acquirit, ex qua sacramentum efficitur, secundum Hugonem<sup>2</sup> (lib. I de *Sacr.*, p. 9, c. 2 ; L. 176, 317) ; *ita* in hoc sacramento se habet ipsum corpus Christi quod per consecrationem sub speciebus illis fit. Unde *sicut* in aliis sacramentis materiale elementum non est causa virtutis quæ in ipso est, neque alicujus spiritualis effectus in homine, nisi mediante virtute secundum quod ex elemento et virtute quasi unum efficitur ; *ita* in hoc sacramento species non sunt causa corporis Christi, neque alicujus effectus in anima spiritualis, nisi mediante corpore Christi vero, secundum quod ex speciebus et corpore Christi fit unum sacramentum. Utrum autem species illæ secundum se habeant aliquem effectum corporalem, sicut aqua corporaliter abluit in baptismo, etiam non mediante spirituali virtute, infra (d. 12, q. 1, a. 2, sol. 5) dicitur.

**21. — Ad tertium** dicendum quod omne sacramentum est visibile, non tamen oportet quod quidquid est in sacramento, sit visibile. Videtur enim species sensibilis<sup>3</sup> aquæ in baptismo, sed non videtur virtus spiritualis, quæ secretius operatur salutem. Et similiter hic videntur species, sed non videtur verum corpus Christi.

**Vel dicendum** quod est visibile non in se, sed in speciebus quæ ipsum tegunt : sicut et substantia aliorum corporum videtur mediante colore.

**22. — Ad quartum** dicendum quod sanctitas quæ est in materiis aliorum sacramentorum, non est forma sanctitatis absolute, sed secundum ordinem ad aliud<sup>4</sup>, ut in I d. (23) dictum est ; et ideo non est simile de aliis sacramentis et de hoc, ut ex dictis patet (14-15).

**23. — Ad quintum** dicendum quod ex hoc ipso quod alia

1. *a ad.* « quod figurat ». — 2. *a ad.* « de S. Viet. » — 3. Ed. « visibilis ». — 4.  $\alpha$  « aliquid »,  $\gamma$  « illud », contra  $\beta\delta\eta$  ed.

sacramenta perficiuntur in acceptione vel collatione, contingit quod illud quod est in eis sacramentum et res, est aliquid acquisitum in suscipiente ; in hoc autem sacramento aliter est, ut ex dictis patet (14-16).

**24. — AD SECUNDAM QUÆSTIONEM** dicendum quod per se unum simpliciter et quod est numero unum, *tribus* modis dicitur.

*Uno modo* sicut indivisibile est unum, ut punctum et unitas, quod neque est multa actu neque potentia.

*Alio modo* quod est unum | continuitate, quod tamen est multa potentia, sicut linea.

*Tertio modo* quod est unum perfectione : sicut dicitur calceamentum unum, quia habet omnes partes quæ requiruntur ad calceamentum. Et hæc unitas dicitur in omnibus illis ad quorum integritatem aliqua exiguntur, sicut unus homo, una domus.

**25. —** Et quia ad esse sacramenti multa concurrunt, sicut forma et materia et hujusmodi, ideo ab hac unitate dicitur sacramentum unum esse. Illa enim sunt de integritate alicujus instrumenti quæ requiruntur ad operationem illam ad quam instrumentum deputatum est. *Hoc aulem sacramentum deputatum est ex divina institutione ad cibationem spirituales*, quæ per cibationem corporalem significatur. Et quia cibatio corporalis *duo* requirit, scilicet aliquid per modum cibi et aliquid per modum potus, ideo **ad integritatem hujus sacramenti ex divina institutione est aliquid per modum cibi**, scilicet corpus Christi, et **aliquid per modum potus**, scilicet sanguis.

**26. — AD PRIMUM** ergo dicendum quod dicitur pluraliter « sacramenta » propter materialem diversitatem signorum.

**27. — Ad secundum** dicendum quod ratio illa procedit quando utrumque signum habet integram significationem ; sic autem non est hic, quia cibatio spiritualis non significatur perfecte neque per panis tantum neque per vini tantum sumptionem, sed per utrumque simul, sicut est in significatione nominum compositorum.

**28. — Ad tertium** dicendum quod ratio illa procederet, si utraque forma responderet toti sacramento ; sed hoc falsum est, quia una forma respondet uni et alia alii eorum quæ ad sacramentum exiguntur.

**29. — Ad quartum** dicendum quod quamvis non sint unum in genere vel specie naturæ, possunt tamen esse unum per relationem ad unam operationem, ex qua unitate sumitur unitas sacramenti.

**30.** — **Ad quintum** dicendum quod quamvis Christus perfectus sit sub utraque specie, non tamen quantum ad integrum usum sacramenti est sub utroque, sed quantum ad diversos usus.

**31.** — **AD TERTIAM QUÆSTIONEM** dicendum quod in quolibet sacramento est *tria* considerare : scilicet originem, perfectionem et finem ad quem est.

*Origo* autem omnium sacramentorum est passio Christi, de cujus latere in cruce pendentis sacramenta profluxerunt, ut **SANCTI** dicunt.

*Perfectio* autem sacramenti est in hoc quod continet gratiam.

*Finis* autem sacramenti est *duplex* : *proximus*, scilicet sanctificatio recipientis et *ultimus*, scilicet vita æterna.

**32.** — Hæc autem per quamdam excellentiam in eucharistia inveniuntur. Quia *hoc sacramentum est specialiter in memoriam dominicæ passionis* ; unde **Mat. xxvii** « *Quotiescumque feceritis, in-mei memoriam facietis* » ; et ideo quantum ad originem vocatur **sacrificium** vel **hostia**.

**33.** — Similiter etiam gratiam non per modum intentionis continet sicut alia sacramenta, sed *plenitudinem gratiæ in suo fonte*; et ideo antonomastice **eucharistia** dicitur.

**34.** — Similiter etiam quia « *ipsa est consummatio omnium sanctificationum* », ut **Dionysius** dicit (ubi supra), id quod est omnium, scilicet *congregari ad unum, huic sacramento attribuitur* ; et dicitur **communio** vel **synaxis**, quod idem est, inquantum scilicet homo congregatur ad unum et ad seipsum et ad alios, ei quod est maxime unum conjunctus.

**35.** — Similiter etiam quantum *ad ultimum finem consequendum maximam efficaciam habet*, inquantum realiter continet hoc quo janua cæli nobis aperta est, scilicet sanguinem Christi ; et ideo specialiter? **viaticum** appellatur.

**36.** — Et per hæc patet solutio ad objecta ; quia ab eo quod est commune, aliquid antonomastice denominari potest.

## ARTICULUS II

[III, q. 61, a. 3, ad 3 ; q. 73, a. 6 ; q. 80, a. 10, ad 2.]

**37.** — **AD SECUNDUM SIC PROCEDITUR.** Videtur quod **HUC SACRAMENTO FIGURÆ ASSIGNARI NON DEBEANT.**

1. Nihil enim disponitur per aliquid sui generis ; albedinis enim non est albedo, nec motus est motus. Sed sacramentum est

1. *I Cor.* xi et *Luc.* xxii. — 2. F. « spiritualiter ».

signum. Ergo sacramento non debet aptari aliqua figura, quia in infinitum iretur.

2. **Præterea.** Sacramenta veteris legis dicuntur sacramentis novæ legis respondere, in quantum significant ipsa. In sacramentis autem novæ legis quæ sunt maximæ perfectionis non respondebant aliqua sacramenta in veteri lege, ut *Quidam* dicunt. Cum ergo hoc sacramentum sit maximæ perfectionis, videtur quod non debeant ei aliquæ figuræ assignari.

3. **Præterea.** *Sicut* eucharistia præfigurata est in agno paschali, *ita* et baptismus in transitu maris rubri, ut dicitur *1 Cor.*, x, 2. Cum ergo *Magister* non assignaverit aliquas figuras baptismi, videtur quod nec eucharistiæ figuras assignare debeat.

38. — **SED CONTRA.** Hoc sacramentum est specialiter memoriale passionis Christi. Sed passionem Christi<sup>2</sup> præcipue oportebat præfigurari, per quam nos redemit, ut fides antiquorum ad redemptorem ferretur. Ergo præcipue competebat<sup>3</sup> hoc sacramentum figurari.

39. — **Præterea.** Hoc sacramentum est dignissimum et difficillimum ad credendum. Sed talia maxime consueverunt præfigurari. Ergo etc.

## [II]

[III, q. 73, a. 6.]

40. — **ULTERIUS.** Videtur quod *Magister* inconvenienter ASSIGNET FIGURAS HUIUS SACRAMENTI.

1. Hoc enim sacramentum post baptismum datur. Sed agnus paschalis præcessit transitum maris rubri, in quo baptismus est præfiguratus. Ergo non est congrua figura huius sacramenti.

2. **Præterea.** In hoc sacramento aliquid offertur Deo. Sed *Melchisedech* non legitur Deo obtulisse, sed homini, scilicet *Abrahæ*, cui obtulit panem et vinum, ut dicitur *Gen.* xiv, 18. Ergo illa oblatio non est conveniens figura huius sacramenti.

3. **Præterea.** Idem non est signum sui ipsius. Sed sanguis qui consecratur in altari, est illemet quem *Christus* in cruce fudit pro nobis. Ergo ille non est signum vel figura istius.

4. **Præterea.** *Manna* habebat in se omnem saporis suavitatem, ut dicitur *Sap.* xvi, 20. Sed hoc sacramentum non habet in se omnem saporem spiritualem; quia sic haberet effectus omnium sacramentorum et alia sacramenta superfluerent. Ergo *manna* non est figura huius sacramenti.

5. **Præterea.** Nobilioris rei nobilior debet esse figura. Sed eucha-

1. Ed. om. « In ». — 2. *ab om.* « Christi », contra *γδεν* et ed. — 3. Ed. et e oportebat ».

ristia est nobilius sacramentum quam baptismus. Cum ergo baptismus habuerit figuram quæ præbebat remedium ex ipso opere operato contra originale, scilicet circumcisionem ; supradictæ autem figuræ non fuerunt tales ; videtur quod fuerunt incompetentes.

6. **Præterea.** In *canone Missæ* fit mentio de sacrificio Abrahæ et Abel. Et similiter omnia sacrificia legalia hujus veri sacrificii figura fuerunt. Ergo insufficienter posuit *Magister* figuras hujus sacramenti.

[III]

41. — **ULTERIUS.** λ-ÛDETUR QUOD IN LEGE MOYSI EXPRESSIUS FUIT FIGURATUM HOC SACRIFICIUM QUAM IN LEGE NATURÆ.

1. Ouia, secundum *Hugonem* [de *Sacr.* lib. II, p. 6, c. 3 ; L. 176, 4471] quanto magis appropinquavit passio Salvatoris, tanto signa fuerunt evidentiora. Sed ea quæ fuerunt in lege Moysi, fuerunt propinquiora ; ergo expressiora.

2. **Præterea.** In sacrificiis legis Moysi fiebat sanguinis effusio. Sed oblatio Melchisedech fuit sine sanguinis effusione. Ergo legalia sacrificia expressius figurabant sacramentum passionis Christi quam oblatio Melchisedech.

42. — **SED CONTRA.** Christus dicitur sacerdos secundum ordinem Melchisedech, non autem secundum sacerdotium legis Moysi, quod est sacerdotium Leviticum, ut patet *Hebr.* vn, 17. Ergo oblatio Melchisedech magis convenit cum sacrificio Christi quam sacrificium legis Moysi.

43. — **RESPONSIO.** Dicendum **AD PRIMAM QUÆSTIONEM** quod sacramenta novæ legis *tripliciter* se habent ad veterem legem :

*Quædam* enim *essentialiter* fuerunt in veteri lege, quamvis non ut sunt? sacramenta novæ legis, sed magis secundum quod sunt in officium vel actum virtutis : sicut poenitentia, ordo et matrimonium.

*Quædam* fuerunt *secundum aliquid* eis respondens non essentialiter, sicut baptismus et eucharistia.

*Quædam* autem *nihil* respondens habuerunt in veteri lege, sicut confirmatio et extrema unctio.

44. — **Cujus ratio** est, quia prima tria sacramenta non solum sunt sacramenta ; sed poenitentia est actus virtutis, ordo autem pertinet ad officium dispensationis sacramentorum, matrimonium autem ad officium naturæ ; et ideo in qualibet lege requiruntur.

1. Ed. « fuerint ». — 2. Ed. om. « sunt ».

45. — *Baptismus autem et eucharistia sunt sacramenta tantum gratiam continentia* <sup>j</sup> et ideo ante tempus gratiæ esse non debuerunt. Sed quia sunt sacramenta *necessitatis*, baptismus quidem quantum ad effectum, eucharistia autem quantum ad fidem ejus quod repræsentatur per ipsam ; ideo oportuit quod in lege Moysi haberent aliquid respondens.

46. — Sed *confirmatio et extrema unctio sunt sacramenta gratiam continentia* <sup>l</sup>; et ideo in veteri lege esse non debuerunt. Et quia *non* sunt sacramenta *necessitatis*, sed cujusdam superabundantis perfectionis<sup>2</sup>, ideo non oportet<sup>3</sup> quod haberent aliquid respondens, cum non esset tempus plenitudinis gratiæ ; et ideo hæc duo non fuerunt **præfiguranda** aliquibus expressis figuris, similiter neque prima tria, sed **tantum** duo media, scilicet **eucharistia et baptismus**.

47. — **AD PRIMUM** ergo dicendum quod oppositæ relationes possunt inesse eidem respectu diversorum, eo quod esse relativi est ad aliud<sup>4</sup> se habere, non autem proprietates absolutæ.

Et ideo *in relativis* contingit aliquid disponi per aliquid sui generis per accidens, et non per se : sicut filii est filius, non in quantum filius, sed in quantum pater ; et similiter signi potest esse signum in quantum est signatum.

*In absolutis* autem non contingit hoc. Unde qualitatis non est qualitas nec per se nec per accidens.

48. — **Ad secundum** dicendum quod una perfectio dicitur alia major<sup>5</sup> *dupliciter* : aut simpliciter, aut secundum statum. Sicut præmium essenziale quod aurea dicitur, est simpliciter majus quam præmium accidentale quod dicitur aureola ; sed aureola est major quantum ad statum habentis, quia non cui-libet datur, sed tantummodo illis qui sunt in statu perfectionis.

49. — **Et similiter dico** quod perfectio eucharistiæ est simpliciter major quam perfectio confirmationis et extremæ unctionis, sed illæ sunt majores secundum statum ; quia perfectio eucharistiæ quæ est per conjunctionem ad principium sanctitatis est omnibus de necessitate salutis, sed perfectio Spiritus sancti ad robur quæ est in confirmatione, vel perfectio purgationis a reliquiis peccati quæ est in extrema unctione, non est omnibus necessaria. Et ideo perfectioni eucharistiæ debet aliquid respondere in qualibet lege, non autem perfectioni confirmationis et extremæ unctionis nisi in lege in qua est status perfectionis, quæ est lex gratiæ.

50. — **Ad tertium** dicendum quod præfiguratio eucharistiæ

1. RANVP « conferentia ». — 2. *ꝑ ad.* « et ». — 3. Ed. « oportebat ». — 4. Ed. « aliquid ». — 5. Ed. « minor. ».

erat magis necessaria quam baptismi, *Ium*. ratione dignitatis, *turn* ratione difficultatis, *tum* propter necessitatem fidei ejus quod figuratur in eucharistia.

**51.** — Tamen *Ma g i s t e r* supra (d. 1 et 2) aliquas figuras baptismi posuit, scilicet circumcisionem et baptismum Joannis.

**52.** — **AD SECUNDAM QŪÆSTIONEM** dicendum quod aliquid potest figurari *dupliciter*.

*Uno modo per id quod est signum et causa.* Et hoc modo effusio sanguinis et aquæ ex latere Christi fuerunt? figura hujus sacramenti.

**53.** — *Alio modo per id quod est signum tantum.* Et sic quantum ad id quod est tantum sacramentum in eucharistia, fuit figura ejus **oblatio Melchisedech** ; quantum autem ad id quod est res et sacramentum, scilicet ipsum Christum passum, fuit figura **agnus paschalis** ; quantum autem ad id quod est res tantum, scilicet gratiam, fuit signum **manna** quæ reficiebat, omnem saporem suavitatis habens.

**54.** — **AD PRIMUM** ergo dicendum quod ratio illa valeret, si baptismi et eucharistias tantum esset una figura ; sunt autem plures. Et ideo non est inconueniens quod aliquam figuram baptismi præcedat aliqua figura eucharistiae, et ab aliqua præcedatur : sicut præcedit agnus paschalis transitum maris rubri, et sequitur circumcisionem.

**55.** — **Ad secundum** dicendum quod eucharistia offertur Deo in sanctificatione hostiæ, et offertur populo in ipsius sumptione ; et hoc significatum fuit in oblatione Melchisedech qui obtulit Abrahæ panem et vinum et benedixit Deo excelso.

**56.** — **Ad tertium** dicendum quod nihil sub eadem specie manens est signum sui ipsius ; sed aliquid secundum quod est in una specie, potest esse signum sui secundum quod est sub alia specie. Et similiter est in proposito dicendum quod aqua fluens de latere Christi figurabat populum qui ejus sanguine redimendus et reficiendus erat. Et ideo significabat aqua sanguini admixta hujus sacramenti usum.

**57.** — **Ad quartum** dicendum quod hoc<sup>3</sup> sacramentum habet omnem suavitatem, in quantum continet fontem omnis gratiæ, quamvis non ordinetur ejus usus ad omnes effectus sacramentalis<sup>4</sup> gratiæ.

**58.** — **Vel dicendum** quod etiam quantum ad effectum habet omnem suavitatis effectum in reficiendo, quia hoc solum sacramentum per modum refectionis operatur.

1. Ed. *ad.* « quæ fluxerunt ». — 2. Ed. » fuit ». — 3. Ed. *om.* « hoc ». — Ed. « sacramentis ».

**59.** — **Vel dicendum**, secundum Dionysium (de *Eccles. Hier.*, c. 3 ; G. 3, 4231 quod omnium sacramentorum effectus huic sacramento possunt adscribi, in quantum perfectio est omnis sacramenti, habens quasi in capitulo et summa omnia quæ alia sacramenta continent singillatim.

**60.** — **Ad quintum** dicendum quod *baptismus* est sacramentum necessitatis quantum ad effectum, quia delet peccatum originale, quo manente non est salus. Et ideo oportebat quod in veteri lege responderet sibi aliqua figura quæ contra originale remedium præberet, scilicet circumcisio.

**61.** — *Sed eucharistia* est sacramentum necessitatis quantum ad fidem ejus quod repræsentat, scilicet opus nostræ redemptionis. Et ideo non oportuit quod haberet figuras remedium præbentes, sed significantes tantum.

**62.** — **Ad sextum** dicendum quod quamvis in veteri lege fuerint plures figuræ materialiter, tamen omnes ad has reducuntur ; quia in omnibus sacrificiis et oblationibus antiquorum significabatur illud quod est res et sacramentum in eucharistia, quod etiam significatur per agnum paschalem, scilicet ipse Christus qui obtulit se Deo Patri pro nobis oblationem et hostiam.

**63.** — **Vel dicendum** quod istæ figuræ repræsentant corpus Christi secundum quod est in usu fidelium per esum<sup>3</sup>, quod patet de oblatione *Melchisedech*, qui panem et vinum edendum obtulit Abrahamæ ; et similiter *agnus paschalis edendus* a populo occidebatur ; et etiam *manna* ad esum populi a Deo providebatur ; aqua etiam sanguini admixta in passione Christi populum significat Christi sanguini communicantem.

Non autem ita est in aliis sacrificiis. Et ideo quamvis sint figuræ Christi passi, non tamen sunt propriæ figuræ hujus sacramenti. Fit autem in canone Missæ mentio de oblatione Abrahamæ et Abel, magis propter devotionem offerentium quam propter figuram rei oblatae.

**64.** — **AD TERTIAM QUÆSTIONEM** dicendum quod *quantum ad id quod est signum tantum* in hoc sacramento expressior figura hujus sacramenti fuit *oblatio Melchisedech* quam figuræ legis Moysi ; *sed quantum ad id quod est res et sacramentum*, expressior fuit *figura legis mosaicæ*, qua expressius Christus passus significabatur<sup>4</sup>.

**65.** — Et quia ritus sacramenti consistit in signis exterioribus, ideo **sacerdotium Christi quantum ad ritum magis convenit cum sacerdotio Melchisedech quam cum sacerdotio levitico** ; et etiam

1. Ed. « signantes ». — 2. a « Ad primum ergo ». — 3. *αβγ* « usum », contra η et ed. — 4. « significatur ».

quantum ad alias conditiones Melchisedech quas Apostolus plenius prosequitur.

Et per hoc patet solutio ad objecta.

### ARTICULUS III

[I]

[HI, q. 73, a. 5, q. S3, a. 2, ad 3; *de Ven. Sacram. All.*, c. 1; *Mi.*, c. 26; *I Cor.* c. 11, l. 4. n. 5.]

**66. — AD TERTIUM SIC PROCEditur.** Videtur quod nulla fuerit necessitas instituendi hoc sacramentum.

1. Veniente enim veritate debet cessare figura. Sed hoc sacramentum agitur in figuram dominicæ passionis, quæ jam realiter venit. Ergo non debuit hoc sacramentum institui.

2. **Praeterea.** Eadem actione aliquid instituitur et a contraria dispositione removetur. Sed ad eandem actionem non debet institui nisi unum sacramentum, sicut unum instrumentum est unius actionis. Cum ergo per baptismum mundemur a malo; videtur quod non oportuit institui aliquod sacramentum per quod « *in bono confirmemur* », scilicet eucharistiam, ut in *Littera* (1) dicitur.

3. **Praeterea.** « *Ex eisdem ex quibus sumus, et nutrimur* », ut in II de *Gener.* !β 8. 335a, 10) dicitur. Sed per baptismum qui est spiritualis regeneratio, acquirimus esse spirituale, ut Dionysius dicit, *Eccl. Hier.* (cap. 2, p. 1; G. 3, 391). Ergo per gratiam reficimur baptismalem. Et ita non oportet hoc sacramentum institui ad spiritualiter reficiendum, ut in *Littera* (1) dicitur.

**67. — SED COJNTRA.** Quia<sup>2</sup> ad perfectionem corporis exigitur quod membra capiti conjungantur. Sed per hoc sacramentum membra Ecclesiae suo capiti conjunguntur; unde JoAn, vi, 57, dicitur: « *Qui manducat carnem meam et bibit meum sanguinem, in me manet et ego in eo*3. » Ergo necessaria fuit hujus sacramenti institutio.

**68. — Praeterea.** Caritas non est minus necessaria quam fides. Sed habemus unum sacramentum fidei, scilicet baptismum. Cum ergo caritatis sacramentum sit eucharistia, unde et communio dicitur; videtur quod ejus institutio fuerit necessaria.

[II]

**69. — ULTERIUS.** Videtur quod ante adventum Christi DEBUERIT INSTITUI.

1. Christus enim est caput hominum justorum qui fuerunt a

1. Ed. « fuit ». — 2. Ed. *om.* « Quia ». — 3. Ed. « illo ».

principio mundi, ut in III lib. d. 13 (q. 2, a. 2, sol. 2, ad 4) dictum est. Si ergo per hoc sacramentum membra corporis mystico suo capiti jungantur, videtur quod debuerit a principio mundi institui.

2. **Præterea.** Populus Israel fuit populus a Deo dilectissimus ; unde dicitur *Exod.* vi, 22 : « *Filius meus primogenitus Israel* ». Sed hoc sacramentum est sacramentum caritatis, ut dictum est (68). Ergo debuit institui adhuc priore populo habente statum.

3. **Præterea.** Hoc sacramentum dicitur *viaticum*, quia tendentes ad patriam in via confortat et quotidianos etiam lapsus reparat. Sed patres qui erant ante adventum Christi, ad patriam tendebant, hospites et peregrinos se vocantes super terram, ut dicitur *Hebr.* xi, 13 ; et etiam quotidianis peccatis impediabantur. Ergo ante adventum Christi debuit hoc sacramentum institui.

70. — **SED CONTRA.** Hoc sacramentum continet Verbum incarnatum realiter. Ergo institui non potuit ante incarnationem Verbi.

71. — **Præterea.** Hoc sacramentum continet gratiæ plenitudinem ; unde et eucharistia dicitur. Sed tempus plenitudinis incepit ab incarnatione Christi. Ergo ante incarnationem hoc sacramentum institui non potuit.

[III]

72. — **ULTERIUS.** Videtur quod post passionem institui DEBUIT.

1. Quia hoc sacramentum est in memoriam dominicæ passionis, ut patet *I Cor.*, xi, 26. Sed memoria præteritorum est. Ergo et præterita passione Christi institui debuit.

2. **Præterea.** Eucharistia non nisi baptizatis debet dari. Sed baptismus fuit institutus post Christi passionem, quando Dominus discipulis formam baptizandi dedit. *Mat. ult.*, 19. Ergo et post passionem institui debuit eucharistia.

3. **Præterea.** In his quæ sibi invicem continue succedunt, ultimum primi debet conjungi primo secundi. Sed Dominus voluit in cœna ostendere terminationem veteris legis et continuationem novæ legis ad ipsam, ut ex *Littera* (4) habetur. Ergo debuit post cenam paschalem statim instituere primum sacramentum novæ legis et alia per ordinem, et sic post passionem eucharistiam quæ est ultimum.

73. — **SED CONTRA.** Videtur quod debuerit institui a PRINCIPIO PRÆDICATIONIS CHRISTI.

1. Ed. om. « a ».

4. Quia quæ primo capiuntur, arctius memoriæ imprimuntur, ut patet de his quæ homo a pueritia capit. Sed Dominus voluit ut hoc sacramentum arctissime memoriæ commendaretur. Ergo debuit a principio hoc instituere.

74. — **RESPONSIO.** Dicendum **AD PRIMAM QUÆSTIONEM** quod in quolibet genere actionum in quo inveniuntur plures actiones ordinatæ diversis agentibus ordinatis distributæ, oportet quod principalis illarum actionum attribuatür principali agenti, cujus virtute secundarii agentes operantur secundarias actiones : sicut patet in artibus quæ sub invicem continentur, ut militaris, equestris et frenorum factrix.

75. — Et quia invenimus diversas actiones sacramentales diversis sacramentis distributas quæ in virtute Verbi incarnati agunt, oportet ad perfectionem actionum hujus generis esse aliquam sacramentalem actionem quæ ipsimet principali agenti attribuatür, quod est Verbum incarnatum. Et ideo oportuit esse sacramentum, eucharistiæ quod ipsum Verbum incarnatum contineret, ceteris sacramentis tantum! in virtute ipsius agentibus.

76. — Et ideo convenienter in figura cibi hoc sacramentum institutum est ; quia inter alios sensus solus tactus est cui suum sensibile realiter conjungitur, similitudinibus tantum sensibilem ad alios sensus per medium pervenientibus. Gustus autem tactus quidam est; et inter alia quæ ad tactum pertinent, solus cibus est qui agit per conjunctionem sui ad cibatum, quia nutriens et nutritum fit unum ; alia<sup>2</sup> tangibilia agunt efficiendo aliquas impressiones in eo quod tangitur, sicut patet de calido, de frigido et hujusmodi.

77. — Et ideo cum omne sacramentum in figura alicujus rei sensibilis proponi debeat, **convenienter sacramentum in quo ipsum Verbum incarnatum nobis conjungendum continetur, proponitur nobis in figura cibi**, non quidem convertendi in nos per suam conjunctionem ad nos, sed potius **sua conjunctione nos in se<sup>3</sup> ipsum convertens**, secundum quod Augustinus ex persona Verbi incarnati dicit (lib. VII *Confess.*, c. 10 ; L. 32, 742) : « *Non in me mutabis in te, sicut cibum carnis tuse ; sed tu mutaberis in me.* »

78. — **AD PRIMUM** ergo dicendum quod secundum Dionysium nostra hierarchia est media inter cælestem et eam quæ in veteri lege erat. *Tempore enim legis* erat veritas promissa tantum ; sed *in statu novæ legis* est veritas inchoata per Jesum Christum ; *in patria autem* erit veritas consummata. (

Et ideo *in veteri lege* figuræ sine rebus proponebantur ; *in nova*

1. Ed. « tamen ». — 2. Ed. *ad.* « vero ». — 3. Ed. *om.* « se »

autem proponuntur figuræ cum rebus ; *in patria* autem res sine figuris. Et ideo orat Ecclesia (*posteam*. Sabbati IV Temp. Sept.) « *ut quod nunc spe gerimus in via, rerum veritate! capiamus in patria* ».

**79.** — **Ad secundum** dicendum quod obiectio illa procedit de perfectione illa qua aliquid ad formam receptam perficitur, qualis perfectio fit per baptismum, non autem de illa quæ est per conjunctionem ad principium perfectionis quæ fit per eucharistiam, ut supra (14-15) dictum est.

**80.** — **Ad tertium** dicendum quod de nutrimento corporali verum est nos eisdem nutriri ex quibus sumus, quia debet<sup>2</sup> cibus carnis nostræ in nos transmutari, et ideo oportet quod nobiscum in materia conveniat ; secus autem de cibo spirituali qui nos in seipsum transmutat.

**81.** — **AD SECUNDAM QUÆSTIONEM** dicendum quod sicut dictum est (15), in hoc sacramento ipse Christus qui est sanctificationis principale agens, realiter nobis proponitur. In veteri autem lege non exhibebatur<sup>3</sup>, sed promittebatur, incarnatione nondum facta. *Et ideo in veteri lege hujus sacramenti institutio esse non potuit.*

**82.** —<sup>1</sup> Unde *sacramenta veteris legis* habebant se ad modum sensibilium quæ per medium cognoscuntur, quæ quidem realiter sentienti non conjunguntur, sed suas similitudines ad sensus a longinquo transmittunt.

**83.** — *Sacramenta vero alia novæ legis* in quibus virtus Christi operatur, cum ipsum realiter non contineant, assimilantur sensibilibus tactus, quæ quidem non incorporantur sentienti, sed secundum aliquam qualitatem immutant.

**84.** — **Hoc autem sacramentum**, ut dictum est(25), quasi majoris perfectionis, similatur illi sensibili quod incorporatur sentienti, scilicet cibo ; unde **magis distat a modo sacramentorum veteris legis quam alia sacramenta novæ legis.**

**85.** — **AD PRIMUM** ergo dicendum quod Christus ab initio mundi erat caput justorum, non quasi habens actu conformitatem in natura cum membris Ecclesiæ, incarnatione nondum facta, sed solum secundum fidem incarnationem expectantium. Et ideo conjunctio corporis mystici ad suum caput pro tempore illo non poterat fieri per aliquod sacramentum realiter continens ipsum caput membris conforme, sed poterat per aliqua sacramenta figurari.

**86.** — **Ad secundum** dicendum quod populus Israel erat dilectissimus pro tempore illo, comparatione aliorum populorum

1. F. « veritates ». — 2. Ed. « oportet cibus ». — 3. a « existebat », e exigebatur ».

qui idolis serviebant, non autem comparatione populi novi testamenti de quo dicitur *I Petr.*, n, 9 : « *Vos estis gens sancta, populus acquisitionis.* »

**87. — Vel dicendum**, secundum Apostolum *Bom.*, ix, 8. « *Non qui sunt secundum carnem, sed qui ex promissione, hi computantur in semine* ». Unde populus novi testamenti non excluditur ab illo privilegio amoris ratione cujus Israel primogenitus Dei dicebatur.

**88. — Ad tertium** dicendum quod quamvis antiqui patres in via essent tendentes ad patriam, non tamen erant in statu perveniendi ante Christi incarnationem ; et ideo non compete-  
bat pro tempore illo viaticum esse, quo statim ad patriam perdu-  
cimur.

**89. — AD TERTIAM QUÆSTIONEM** dicendum quod *propter quatuor rationes hoc sacramentum in cæna institui debuit, el non ante.*

**Prima** apparet *ex ipsa necessitate sacramenti assignata* ; quia ad perfectionem nostram exigebatur ut caput nostrum etiam realiter nobis conjungeretur. Et ideo quamdiu sub propria specie cum hominibus conversatus est, non oportebat hoc sacramentum institui, sed quando ejus corporali præsentia destituenda erat Ecclesia. Et hæc ratio tangitur in *Littera (2)* ab Eusebio : « *Quia inquit, corpus assumptum ablaturus erat, etc.* »

**§0. — Secunda** sumitur *ex ejus figura*. Christus enim quamdiu in mundo conversatus est, figuras legis observare voluit, « *factus sub lege, ut eos qui sub lege erant redimeret.* » (*Gal.*, iv, 5.) Et quia veniente veritate cessat figura, ideo non debuit hoc sacramentum institui nisi Christo abscedente<sup>2</sup> per mortem, quando figuræ veteris legis terminandæ erant.

**91. — Tertia** ratio sumitur *ab ipsa repræsentatione hujus sacramenti*. Est enim repræsentativum dominicæ passionis ; et ideo congrue jam passione imminente instituitur.

**92. — Quarta** ratio sumitur *ex ritu quo frequentandum est hoc sacramentum*, ut ultimo traditum magis memoriæ teneretur.

**93. — AD PRIMUM** ergo dicendum quod imminente passione corda discipulorum magis erant affecta ad passionem, quam passione jam peracta, quando jam erant immemores pressuræ passionis propter gaudium resurrectionis ; et ideo memoriale passionis magis erat eis proponendum ante quam post. Nec tunc erat memoriale, sed magis instituebatur ut in memoriam in posterum celebrandum.

**94. — Ad secundum** dicendum quod baptismus etiam ante

1. 1. *ac* « distinguenda » — 2. Ed. « ascendente »

passionem institutus est quantum ad aliquid, ut supra (45) dictum est.

*El præterea.* Non oportet quod sit idem ordo institutionis sacramentorum et perceptionis ; quia ad finem qui nobis præstituitur, ultimo pervenimusl.

**95.** — *Eucharistia est quodammodo finis baptismi* ; quia per baptismum aliquis consecratur ad eucharistiæ perceptionem, sicut per ordinem ad ejus consecrationem. Et ideo ratio non procedit.

**96.** — **Ad tertium** dicendum quod quamvis *hoc sacramentum sit quasi ultimum in perceptione, est tamen primum in intentione.* Institutio autem ordini intentionis respondet ; et ideo terminatis sacramentis legalibus hoc primo instituendum fuit.

**97.** — **Ad quartum** dicendum quod ratio illa procedit de illis quæ a principio quis capere potest. Apostoli autem a principio non erant tanti capaces mysterii ; et ideo in fine hoc eis proponendum fuit.

**98.** — *Et præterea.* Ratio illa procedit de illis quæ memorise imprimuntur propter seipsa ; in illis autem quæ memoriæ imprimunt affectio ad dicentem, secus est ; quia tunc firmitus imprimuntur, quando affectionis motus ad dicentem major sentitur. Quanto autem aliquis ad amicum diutius conversatur, fit major dilectio ; et quando ab amicis separamur<sup>3</sup>, sentitur motus dilectionis ferventior propter dolorem separationis ; et ideo verba amicorum a nobis recedentium finaliter dicta magis memoriæ imprimuntur.

## ARTICULUS IV

[1]

[II-II, q. 147, a. 6, ad 2 ; III, q. 80, a. 8 : *I ad Cor.*, c. 11, l. 4.]

**99.** — **AD QUARTUM SIC PROCEDITUR.** Videtur quod hoc sacramentum a non jejunis licite sumi possit.

**1.** Hoc enim sacramentum a Domino in cœna institutum est. Sed Ecclesia observat ea quæ Dominus servavit in sacramentorum traditione, sicut formam et materiam. Ergo et ritum debet servare, ut jam pransis hoc sacramentum traderetur.

**2. Præterea.** *I Cor.*, xiv, 33, dicitur : « *Dum\* convenitis ad manducandum, invicem expectate. Si quis autem esurit, domi manducet.* » Loquitur autem de manducatione corporis Christi. Ergo postquam aliquis domi manducaverit potest in Ecclesia corpus Christi manducare licite.

i. Ed. ad. «Sed».— 2. Ed. «imprimi».— 3. Ed. «separatur».— 4. Ed. «Quum»

3. **Præterea.** *De Consecratione*, d. 1 (cap. « Sacramenta » ; !.. 187, 17211 dicitur : « *Sacramenta altaris nonnisi a jejunis hominibus celebrantur, excepto uno die anniversario, quo cæna Domini celebratur* ». Ergo ad minus illo die potest aliquis post alios cibos corpus Christi sumere.

**100. — SED CONTRA** est quod dicitur *de Consecr.*, d. 2 (cap. « Liquido apparet » ; L. 187, 1757) : « *Placuit Spiritui sancio in honorem tanti sacramenti prius in os Christiani dominicum corpus intrare* ».

**101. — Præterea.** Hoc sacramentum cum magna reverentia sumendum est. Sed post cibum non est aliquis ita sobrius et modestus sicut ante. Ergo non debet post cibum sumi.

[II]

**102. — ULTERIUS.** VIDETUR QUOD NON QUÆLIBET CIBI SUMPTIO PERCEPTIONEM HUIUS SACRAMENTI IMPEDIAT.

1. Ouia sumptio cibi et potus in parva quantitate in nullo sobrietatem diminuit, immo magis auget naturam confortando. Sed ideo oportet a jejunis sumi, ut cum reverentia sumatur et sobrietate. Ergo non quælibet sumptio cibi impedit perceptionem hujus sacramenti.

2. **Præterea.** Ad perceptionem hujus sacramenti exigitur quod homo sit jejunus. Sed quædam sunt quæ non frangunt jejunium, sicut aqua et medicinæ quædam. Ergo videtur quod post earum susceptioneml homo possit hoc sacramentum percipere.

3. **Præterea.** Corpus Christi *sicut* in os intrat, *ita* in ventrem trajicitur. Sed si aliquæ cibi reliquiæ in ore remaneant et postmodum de mane in ventrem trajiciantur, non impeditur quis a sumptione corporis Christi ; quia hoc posset sacerdoti accidere etiam dum est in ipsa celebratione sacramenti, quando non deberet a sumptione corporis Christi desistere. Ergo nec cibum in os missus debet a perceptione hujus sacramenti impedire, in parva quantitate sumptus.

**103. — SED CONTRA** est quod ex hoc ipso sacramento reverentia exhibetur quod prius in os corpus Domini sumitur a Christianis. Sed quicumque cibum præponeretur, et in quacumque quantitate non esset corpus Domini prius acceptum. Ergo quælibet sumptio cibi impedit a perceptione hujus sacramenti.

1. Ed. « sumptionem ».

## [III]

**104. — ULTERIUS.** Videtur QUOD HOMO NON STATIM DEBET COMEDERE POST CORPORIS CHRISTI SUMPTIONEM.

1. Per hoc quod dicitur *de Consecr.*, d. 2, (cap. « Tribus » ; L. 187, 740) : « *Si mane dominica portio editur, usque ad sextam ministri jejurent qui eam consumpserunt, et si in tertia vel quarta hora acceperint, jejurent usque ad vesperam* ».

2. **Præterea.** Non minor reverentia exhibenda est sacramento jam sumpto quam sumendo. Sed ante perceptionem non est aliquis cibus sumendus. Ergo nec post, quousque in ventre remaneat.

**105. — SED CONTRA** est contraria consuetudo totius Ecclesiæ.

**106. — RESPONSIO.** Dicendum **AD PRIMAM QUÆSTIONEM** quod hoc sacramentum tantum a jejunis percipi debet, nisi propter necessitatem imminentis mortis, ne contingat sine viatico ex hac vita transire : quod oportet esse in reverentiam tanti sacramenti præcipue propter *tria* institutum esse<sup>2</sup>.

**107. — Primo** propter ipsam sanctitatem sacramenti ; ut os Christiani quo sumendum est, non sit alio cibo prius imbutum, sed quasi novum et purum ad perceptionem ejus reservetur.

**108. — Secundo** propter devotionem quæ exigitur ex parte recipientis, et attentionem quæ ex cibis acceptis impediri posset, fumis a stomacho ad caput ascendentibus.

**109. — Tertio** propter periculum vomitus vel alicujus hujusmodi.

**110. — AD PRIMUM** ergo dicendum quod forma et materia sunt servata a Domino instituyente hoc sacramentum quasi essentialia sacramento ; et ideo oportuit quod Ecclesia hæc retineret.

**111. —** Sed ordinem sumendi servavit Dominus quasi convenientem institutioni sacramenti ; unde non oportet quod Ecclesia servet, quia non oportet quod illud quod convenit principio vel generationi alicujus rei quod<sup>3</sup> competat ei quando jam est<sup>4</sup> in esse perfecto ; et similiter quod competit sacramento quantum ad sui institutionem, non oportet quod competat ei quantum ad suum usum.

**112. — Ad secundum** dicendum quod Apostolus non intendit quod fideles post cibos sumptos domi in Ecclesia corpus Christi

1. Ed. « eum ». — 2. Ed. *om.* « esse ». — 3. Ed. *om.* « quod ». — 4. Ed. *om.* « est ».

sumant ; sed illos redarguit quia hunc cibum volebant aliis cibis commiscere, quos in Ecclesia sumebant.

**113.** — **Ad tertium** dicendum quod forte Ecclesia aliquo tempore sustinuit in die cœnæ sumi corpus Christi post alios cibos in repræsentationem dominicæ cœnæ, sed nunc abrogatum est decretum illud per communem consuetudinem ; *vel* loquitur quantum ad astantes qui non sumunt.

**114.** — **AD SECUNDAM QUÆSTIONEM** dicendum quod, sicut dictum est (107), in reverentiam sanctitatis hujus sacramenti institutum est quod os Christiani suscipientis corpus Christi quasi novum ad ipsum sumendum accedat. Quantalibet autem cibi assumptio hanc auferret novitatem. Et ideo **quælibet cibi sumptio impedimentum præbet eucharistiae sumptioni.**

**115.** — **AD PRIMUM** ergo dicendum quod legis præcepta se habent ad ea quæ agenda sunt *sicut universalia ad singularia*, ut dicitur in *V Eth.*, (e 14. 1137b, 13-4 ; l. 16, n. 1083-4). Quia enim legislator non potest ad omnes eventus attendere, oportet quod ad ea quæ in pluribus accidunt [attendens<sup>2</sup>], universalem legem constituat, ut lex universalis sit.

**116.** — Et quia ut frequenter per cibum turbatur hominis discretio et sobrietas quæ præcipue in hoc sacramento exigitur, ideo universaliter prohibitum est post cibum corpus Christi sumi, quamvis aliqua cibi sumptio non impediatur rationem ; præcipue cum nihil periculi accidat, si post cibum sumptum abstinence a perceptione hujus sacramenti, quia in articulo necessitatis licet accipere<sup>3</sup> post alios cibos.

**117.** — **Ad secundum** dicendum quod *duplex est jejunium* ; scilicet naturæ et Ecclesiæ.

*Jejunium naturæ* est quo quis jejunos dicitur ante cibum sumptum illa die, etiam si pluries postea comesturus sit ; et quia hoc jejunium dicitur ex privatione cibi præassumpti, ideo quælibet cibi sumptio hoc jejunium tollit.

**118.** — *Jejunium autem Ecclesiæ* est quo quis<sup>4</sup> dicitur jejunos secundum modum ab Ecclesia institutum ad carnis afflictionem. Et hoc jejunium manet etiam post unicam comestionem, nec solvitur nisi per secundam sumptionem illorum quæ in cibum et refectionem de se consueverunt assumi. Et ideo ea quæ propter alios cibos accipi consueverunt, vel digerendos, sicut electuaria, vel deducendos per membra, sicut potus vini aut aquæ, hujusmodi jejunium non solvunt quamvis etiam aliquo modo nutriant.

**119.** — **Ad debitam ergo sumptionem dominici corporis** non

1. Ed. « quia ». — 2. *αβγδ€η* « attendentes », sed *a cor.* — 3. Ed. « sumere ». — 4. Ed. *om.* « quis ».

exigitur jejunium Ecclesiæ, quia etiam præter dies jejunii hoc sacramentum celebratur ; sed **requiritur jejunium naturæ propter reverentiam sacramenti**. Et ideo secundum communem sententiam *elecluaria et vinum præassumpla impediunt a perceptione eucharistiæ*.

**120. — Sed de aqua, diversa est opinio.** Quidam enim dicunt quod quia nullo modo nutrit, non solvit neque jejunium naturæ neque jejunium Ecclesiæ. Sed quamvis aqua in se non nutriat, tamen commixta nutrit. In stomacho autem oportet quod aliis humoribus admisceatur ; et ideo in nutrimentum cedere potest.

**121. —** Et propter hoc *Alii probabilius et securius dicunt quod etiam post aquæ potum corpus Christi non sumendum est.*

**122. — Ad tertium** dicendum quod jejunium naturæ dicitur per privationem actus comestionis secundum quod comestio etiam potationem<sup>1</sup> includit. Comestio autem principaliter<sup>2</sup> dicitur a sumptione exterioris cibi, quamvis terminetur ad trajectionem cibi in ventrem, et ulterius ad nutritionem. Et ideo quæ interius geruntur sine exterioris cibi sumptione non videntur solvere jejunium naturæ, nec impedire eucharistiæ perceptionem, sicut deglutitio salivæ ; et similiter videtur de his quæ infra<sup>3</sup> dentes remanent, et etiam de eructationibus ; tamen potest sine periculo abstineri.

**123. — AD TERTIAM QUÆSTIONEM** dicendum quod secundum consuetudinem Ecclesiæ propter reverentiam tanti sacramenti, post ejus sumptionem homo debet in gratiarum actione persistere. Unde etiam in Missa oratio gratiarum actionis post communionem dicitur, et sacerdotes post celebrationem suas speciales orationes habent ad gratiarum actionem.

**124. —** Et ideo oportet esse aliquod intervallum inter sumptionem eucharistiæ et aliorum ciborum. Sed quia non requiritur magnum intervallum, et « *quod parum deest, nihil deesse videtur* », ut dicitur in *II Phys.* (β 5. 197a, 29-30 ; 1. 9, n. 7), ideo possemus **sub hoc sensu** concedere quod statim **potest aliquis cibos alios sumere post eucharistiæ sumptionem**.

**125. — AD PRIMUM** ergo dicendum quod illud decretum loquitur secundum consuetudinem primitivæ Ecclesiæ, quando propter paucitatem ministrorum rarius Missarum solemnia celebrabantur, et cum majori præparatione. Unde *Dionysius* narrat de *Caio*<sup>4</sup> in suis epistolis (*ep.* 8, n. 6 ; G. 3, 1098) quod nunquam Missam celebrabat nisi aliqua divina revelatione prius percepta. Et ideo nunc per contrariam consuetudinem abrogatum est.

**126. — Ad secundum** dicendum quod sacramentum post

1. Ed. «potionem». — 2. Ed. «principalis». — 3. Ed. «intra». — 4. Ed. «Carpo».

sui sumptionem effectum proprium causât. Et ideo oportet actualiter *in ipsa sumptione* cor hominis in devotione persistere, sed *post perceptionem* sufficit quod habitu devotio teneatur, quia non potest semper in actu esse. Et ideo ea quæ possunt actum impedire, prohibentur magis ante sumptionem sacramenti quam post.

## QUÆSTIO II

Deinde quæritur de forma hujus sacramenti.

Et circa hoc quærentur quatuor.

*Primo*, de forma qua corpus Christi consecratur.

*Secundo*, de forma qua consecratur ipsius sanguis.

*Tertio*, de virtute utriusque.

*Quarto*, de comparatione unius ad aliam.

### ARTICULUS I

[I]

[*Infra*, a. 2, sol. 1; a. 4, sol. 3; 111, q. 78, a. 1; *in Mat.* c. 26; 7 *ad Cor.*, c. 11, l. 5.]

**127. — AD PRIMUM SIC PROCEDITUR.** VIDETUR QUOD hæc non sit forma consecrationis panis : « *Hoc est corpus meum.* »

1. Sacramenta enim habent efficaciam ex institutione divina. Sed Dominus instituens hoc sacramentum non consecravit his verbis, sed post consecrationem et fractionem hæc verba protulit. Unde dicitur : *Mat.*, xxvi, 26 : « *Cænantibus illis accepit Jesus panem et benedixit ac fregit deditque discipulis suis et ait : Accipite etc.* » Ergo in prædictis verbis non consistit forma consecrationis panis.

2. **Præterea.** Forma baptismi consistit in verbis quæ dicuntur in ipso usu baptismi. Sed hæc verba non dicuntur in usu eucharistiæ, sed magis in sanctificatione materiæ. Ergo in his verbis non consistit forma hujus sacramenti.

[II]

[III, q. 78, a. 1, ad. 2.]

**128. — ULTERIUS.** Videtur quod non tantum in his verbis consistat forma : « *Hoc est corpus meum.* »

1. Sicut enim dicit Eusebius Emisenus {*De Consecratione*

1. α « ejus ». — 2. Ed. « eis ». — 3. Ed. om. « etc ».

d. 2, c. 35, L. 187, 1745) : « *invisibilis sacerdos visibiles creaturas in suum corpus convertit dicens : Accipite et comedite, etc.* » Ergo hæc etiam est forma : « *Accipite et comedite* ».

2. **Præterea.** Illud quod non est de substantia formæ, non debet interponi inter substantialia formæ in hoc sacramento sicut nec in aliis. Sed inter hæc verba in libris Romanis interposita invenitur hæc conjunctio « *enim* ». Ergo hoc etiam est de forma, et non tantum verbal prædicta.

## [III]

[III, q. 75, a. 2 ; q. 78, a. 2 ; in *Mat.* c. 26 ; *I ad Cor.* c. 11, l. 5.]

**129.- ULTERIUS.** Videtur QUOD FORMA HÆC NON SIT CONVENIENS.

1. In forma enim sacramenti debet exprimi hoc quod in sacramento geritur per actum convenientem materiæ, sicut in forma baptismi dicitur : « *Ego te baptizo* » ; et in forma confirmationis : « *Confirmo te chrismate salutis* ». Sed non ponitur in verbis præmissis aliquid pertinens ad transsubstantiationem quæ fit in hoc sacramento, panis scilicet in corpus Christi. Ergo non est conveniens forma.

2. **Præterea.** Hoc sacramentum dispensatur per ministros Ecclesiæ, sicut et alia sacramenta. Sed in formis aliorum sacramentorum ponitur aliquid pertinens ad ministrum. Ergo cum in hac forma non ponatur actus ministri, videtur quod sit incompetens.

## [IV]

[III, q. 78, a. 2 ; in *Mal.* c. 26 ; *I ad Cor.*, c. 11, l. 5.]

**130. — ULTERIUS.** Videtur quod singulæ partes inconvenienter PONANTUR.

1. Hoc enim pronomen « *hoc* » demonstrativum est. *Aut* ergo importat demonstrationem ut conceptam, *aut* ut exercitam.

*Si ut conceptam*, sic sumitur ut res quædarn, et non ut habens ordinem ad rem aliam, ut si dicerem' : « *Hoc pronomen hoc* ». Sed sanctificatio sacramenti non fit nisi per hoc quod verba formæ ordinantur ad materiam ex intentione proferentis. Ergo secundum hoc non posset verbis prædictis fieri consecratio aliqua corporis Christi.

*Si autem importat demonstrationem ut exercitam*, *aut* facit « demonstrationem ad intellectum, *aut* ad sensum.

*Si ad intellectum* ut sit sensus : « *Hoc* », idest significatum per

1. æ « illa » — 2. a « « inconveniens ». — 3. Ed. « diceretur ».

hoc, « *esi corpus meum* » ; tunc iterum significatio verborum non refertur ad hanc materiam panis. Sed sacramenta significando efficiunt ; et de formis sacramentorum Augustinus dicit : (tract. 80 in *Joan.*, n. 3 ; L. 36, 1840) « *Accédail verbum ad elementum, et fit sacramentum* ». Ergo adhuc per verba prædicta non fit transsubstantiatio.

*Si autem faciat*2 demonstrationem *ad sensum*, ergo demonstrabit substantiam contentam sub illis speciebus sensibilibus. Sed illa substantia est panis, de quo non potest dici quod sit corpus Christi. Ergo non erit vera hæc locutio : « *Hoc est corpus meum* ».

2. **Præterea.** Quod transit in pliquid, non est illud ; quia omnis motus et factio<sup>3</sup> est ex incontinenti, ut dicit Philosophus in I *Phys.* (a 15. 188a, 31 sq. ; l. 10, n. 4). Sed verum est dicere quod hæc substantia demonstrata fit corpus Christi vel transit in corpus Christi. Ergo non vere dicitur : « *Hoc est corpus meum* ».

3. **Præterea.** Significatum<sup>4</sup> debet respondere signo. Sed panis est corpus homogeneum. Ergo significatio ejus est respectu alicujus partis homogeneæ corporis Christi. Non nisi carnis ; quia de ipsa dicit Dominus, *Joan.*, vi, 56 : « *Caro mea vera est cibus* ». Ergo potius dici debuit : « *Hæc est caro mea* », quam « *Hoc est corpus meum* ».

4. **Præterea.** Sijut dictum est(130), oportet quod hoc pronomen « *hoc* » faciat demonstrationem exercitam, ad hoc quod fiat consecratio corporis Christi ex hac materia. Sed non potest hoc esse, nisi quando demonstratio profertur ex persona loquentis ; quia si proferretur a recitante verba alterius, non faceret demonstrationem ad istam materiam, sed quasi materialiter sumeretur. Ergo oportet quod verba prædicta proferantur quasi ex persona sacerdotis ea enuntiantis. Sed panis non convertitur in corpus sacerdotis, sed in corpus Christi. Ergo deberet dicere : « *Hoc est corpus Christi* » et non : « *Hoc est corpus meum* » ; quia hoc posset esse erroris materia.

## [V]

[III, q. 78, a. 1.]

**131. — ULTERIUS.** Videtur quod verba quæ circa formam dicuntur, non convenienter ponantur.

1. Sicut enim dicit Dionysius in principio de *divin. Nom.* (G. 3,587) « *Non est audendum dicere aliquid de divinis præier ea quæ nobis ex sacris eloquiis sunt expressa* ». Sed in Evangeliiis®

1. Ed. « accedit », — 2. Ed. « facit », — 3. α « perfectio », — 4. Ed. « Signatum », 5. α « Evangelio ».

non legitur quod Dominus instituens hoc sacramentum in cœna, oculos ad cœlum levaverit. Ergo inconvenienter præmittitur : « *Subelevatis oculis in cœlum* ».

2. **Præterea.** In baptismo non licet fieri mutationem verborum etiam per verba ejusdem significationis, ut pro loco : « Patris », « Genitoris » poneretur. Sed in nullo Evangelio sunt hæc verba : « *Accipite et manducate* » ; sed *Accipite et comedite*. Ergo inconvenienter dicitur : « *Manducate* ».

3. **Præterea.** In nullo Evangeliorum<sup>3</sup> ponitur « *omnes* ». Ergo videtur quod præsumptuosum fuit addere.

**132. — RESPONSIO.** Dicendum **AD PRIMAM QUÆSTIONEM** quod per formam cujuslibet sacramenti oportet quod exprimat hoc in quo substantia sacramenti consistit : sicut in forma baptismi ablutio exprimitur qua baptismi perficitur sacramentum. Tota autem perfectio hujus sacramenti in ipsa materiæ consecratione consistit, quæ est per transsubstantiationem panis in corpus Christi ; et hanc transsubstantiationem exprimunt verba hæc : « *Hoc est corpus meum* ». **Et ideo hæc verba sunt forma hujus sacramenti.**

**133. — AD PRIMUM** ergo dicendum quod circa hoc *quadruplex* est opinio.

Quidam enim dixerunt quod Christus qui habebat potestatem excellentiæ in sacramentis, absque omni forma virtute<sup>4</sup> divina confecit, et postea verba protulit sub quibus alii deinceps consecrabant<sup>5</sup>. Et hanc opinionem tangit Innocentius (lib. IV de *Mysler. Missæ*, c. 6 ; L. 217, 859) dicens : « *Sane dici potest quod Christus virtute divina confecit, et postea formam expressit sub qua posterii benedicerent.* »

**134. — Sed hoc non videtur conveniens** ; quia in textu Evangelii dicitur : « *Benedixit* », quod aliquibus verbis factum est. Innocentius autem loquitur opinionem narrando, vel tangendo ordinem quo virtus consecrationis a Christo in quo primo erat, ad verba derivata est.

**135. — Et ideo Al ii dicunt quod confecit quidem sub aliqua forma verborum, non autem sub his, sed sub aliis verbis ignotis.**

**136. — Sed hoc etiam videtur inconveniens** ; quia sacerdos his verbis conficiens ea profert ut tunc a Christo prolata ; unde si tunc eis non fiebat confectio, nec modo fieret.

**137. — Et ideo Al ii dicunt quod confecit sub eisdem verbis, sed ea bis protulit : primo tacite, cum benedixit ; secundo aperte, cum distribuit, ut formam consecrandi aliis traderet.**

1. Ed. « elevatis ». — 2. Ed. « si ». — 2. Ed. et e « Evangelio », contra *αβγ&η*. — 4. « in potestate divina ». — 5. Ed. « consecrarent ».

**138.** — **Sed hoc etiam videtur inconueniens** ; quia non proferuntur a sacerdote consecrante in persona Christi, ut in occulto prolata. Non enim benedixit dicens : « *Hoc esi corpus meum* », sed « *dedit* dicens : *Accipite*, etc. »

**139.** — Et ideo Al ii dicunt et **melius**, quod Christus ea semel tantum protulit et eis semel prolatis consecravit et formam consecrandi dedit. Hoc enim participium « *dicens* » non importat concomitantiam solum ad hoc verbum « *dedit* », sed ad hoc cum aliis praedictis, ut sit sensus : Dum benedixit et fregit et dedit discipulis, hæc verba protulit : « *Accipite* etc. ».

**140.** — Vel, secundum Quosdam, Evangelista non observat ordinem verborum quo a Domino fuerunt prolata ; ordo enim fuit talis : Accepit panem et benedixit dicens : « *Accipite* etc. » **Sed primum melius est.**

**141.** — **Ad secundum** dicendum quod perfectio aliorum sacramentorum consistit in usu materiæ, istius autem in materiæ consecratione. Et ideo forma etiam in aliis sacramentis est in verbis quæ dicuntur in usu sacramenti ; in hoc autem forma sacramenti est in verbis quæ dicuntur in consecratione materiæ<sup>3</sup>.

**142.** — **AD SECUNDAM QUÆSTIONEM** dicendum quod in hoc sacramento sicut in aliis *duo* sunt : scilicet consecratio materiæ et usus materiæ consecratæ. Et hæc duo per verba Domini exprimuntur.

In hoc enim quod dicitur : « *Accipite et manducate ex hoc omnes* », præcipitur usus sacramenti ; in hoc autem quod dicitur : « *Hoc est corpus meum* », traditur materiæ consecratio.

**143.** — Et quia consecratio materiæ est ad usum fidelium, ideo usus præmittitur in demonstratione<sup>4</sup> sacramenti, quamvis sequatur in executione ; quia finis est prior in intentione et cognitione, et ultimus in operatione.

**144.** — Sed quia, ut dictum est (**132**), usus materiæ in hoc sacramento non est de essentia sacramenti, sicut in aliis, ideo illa verba quæ ad usum pertinent, non *sunt de forma*, sed *tantum illa quæ ad consecrationem materiæ perlinent*, scilicet, « *Hoc est corpus meum.* »

**145.** — **AD PRIMUM** ergo dicendum quod quamvis usus sacramenti non sit de essentia sacramenti, est tamen ad completum esse ipsius in quantum pertingit ad hoc quod institutum est. Et ideo quandoque dicuntur esse de forma non solum illa quæ pertinent ad consecrationem sed etiam illa quæ pertinent ad usum;

1. γ « sed benedixit, fregit, dedit discipulis suis ». — 2. Ed. « fuerant ». — 3. Ed. ad. « consecratæ ». — 4. Ed. « institutione »

et sic loquitur Ambrosius et Eusebius et Magister in *Lit-tera* (2, 3).

**146.** — **Ad secundum** dicendum quod hæc conjunctio « *enim* » importat ordinem consecrationis ad usum materiæ consecratæ : et ideo *sicut* verba quæ pertinent ad usum non sunt de forma, *ita* nec prædicta conjunctio.

Apponi autem<sup>1</sup> debet secundum usum Romanæ Ecclesiæ quæ a beato Petro initium sumpsit.

**147.** — *Nec est simile de hoc sacramento et de aliis.* Verba enim formæ hujus sacramenti proferuntur a ministro in persona Christi quasi recitative ; et ideo oportet apponere continuationem ad recitationem præmissam, quam facit conjunctio « *enim* ». Aliorum autem sacramentorum formæ ex persona ministri proferuntur ; et ideo non oportet interponere aliquid quod non sit de forma ratione continuationis, cum absolute proferantur.

**148.** — **AD TERTIAM QUÆSTIONEM** dicendum quod minister in sacramentis *dupliciter* operatur.

*Uno modo*<sup>2</sup> verba pronuntians ; *alio modo* actum aliquem exteriorem exercens, ut in baptismo patet. Et utrumque istorum est sacramentalis causa ejus quod divina virtute quæ in sacramentis latet perficitur.

**149.** — Causa autem sacramentalis significando efficit. Unde in illis sacramentis in quibus utroque modo minister operatur, oportet quod verba prolata significant actum exercitum, et actus exterior significet interiorem effectum, ut in baptismo patet : quia ablutio exterior quam verba formæ exprimunt, significat interiorem ablutionem quam divina virtus perficit in sacramento latens.

**150.** — Ubi ergo minister non operatur nisi verba pronuntians, oportet quod verborum significatio immediate ad hoc quod efficitur<sup>3</sup> referatur.

**151.** — *In hoc autem sacramento* cujus<sup>4</sup> perfectio in ipsa materiæ consecratione consistit, *non habet minister actum nisi pronuntiationem*<sup>5</sup> *verborum*, sicut nec in aliqua alia materiæ sanctificatione. Unde oportet quod verba formæ significant hoc quod virtus divina in secreto facit. Hoc autem est esse corpus Christi sub speciebus illis. **Et ideo hæc est conveniens forma huic<sup>6</sup> sacramento** : « *Hoc est corpus meum* », **quæ hoc quod dictum est significat.**

**152.** — **AD PRIMUM** ergo dicendum quod in hoc sacramento non geritur aliquid a ministro quod sit de essentia sacramenti,

1. F. om. « autem ». — 2. Ed. ad. « ut ». — 3. α « perficitur », e « reficitur » — 4. βγ « ejus ». — 5. Ed. « pronuntiatione ». — 6. Ed. « in ».

sicut erat in baptismo. Unde oportet quod verba significant id tantum quod divina virtute geritur. Omne autem faciens causât ipsam factionem in hoc quod factum est ; nec oportet esse assimilationem factionis ad facientem, sed facti ad facientem, quia ad hoc est intentio facientis.

*Sicut* autem in operibus artis et naturæ requiritur inter faciens et factum similitudo secundum formam naturalem et artificialem ; *ita* in causis sacramentalibus requiritur assimilatio vel repræsentatio per modum significationis ; unde verba prolata in hoc sacramento non debent significare<sup>2</sup> ipsam factionem vel transsubstantiationem ut in fieri, sed ut in factum esse.

**153.** — Unde hæc non esset conveniens forma hujus sacramenti : « *Hoc fit corpus meum* », quia per hoc non significatur aliquid esse vel non esse ; et similiter nec hæc : « *Hoc mutetur* » vel « *transsubstantietur in corpus meum* », quia non significatur esse vel non esse hoc, quod est principaliter intentum in hoc sacramento.

**154.** — **Vel dicendum** quod alia verba significant<sup>3</sup> agere et pati, et ita motum aliquem, et quia in transsubstantiatione non est motus aliquis, cum non sit subjectum commune, nec mutatio. quia terminus transsubstantiationis est præexistens actu ; ideo per nullum verbum congrue potuit tradi forma sacramenti hujus nisi per verbum substantivum.

**155.** — **Ad secundum** dicendum quod minister non habet actum exteriorem in consecratione in qua consistit essentia hujus sacramenti, quamvis habeat actum exteriorem in dispensatione quæ consequitur ad sacramentum. Et ideo actus ministri in forma quæ est essentia sacramenti poni non debuit.

**156.** — **AD QUARTAM QUÆSTIONEM** dicendum quod, sicut dictum est (152), verba formæ transsubstantiationem in suo termino significare<sup>4</sup> debent, non secundum quod consideratur ut in fieri. Esse autem est terminus transsubstantiationis cujus extrema vel termini sunt duæ substantiæ. Et ideo in verbis formæ significantur<sup>5</sup> duo termini transsubstantiationis, et ipsa transsubstantiatio prout est in suo termino per verbum essendi.

**157.** — In termino autem transsubstantiationis substantia quæ erat terminus a quo non manet quantum ad naturam speciei, sed solum quantum ad ejus accidentia, quibus ejus individuatio cognoscebatur, sed substantia quæ est terminus ad quem, in termino transsubstantiationis continetur in sacramento integre, et quo ad naturam speciei, et quo ad accidentia propria.

1. Ed. « illud ». — 2. Ed. « signare ». — 3. Ed. « signant ». — 4. Ed. « signaro ». — 5. Ed. « signantur ».

**158.** — Et ideo *ex parte termini a quo*, non ponitur illud quod significaret naturam speciei, sed pronomen demonstrativum quod notificat individuationem per accidentia, prout cadunt sub sensu. *Ex parte autem termini ad quem*, ponitur nomen designans naturam speciei, et pronomen non demonstrativum hujus substantiæ prout est sub sacramento, sed prout est Christi in propria specie visibilis, quia sic verba formæ pronuntiavit.

**Unde patet quod congrue in his quatuor verbis forma consistit :** « *Hoc est corpus meum* ».

**159.** — **AD PRIMUM** ergo dicendum quod circa hoc est *multiplex* opinio.

Quidam enim dicunt quod hoc pronomen « *hoc* » nullam demonstrationem facit, quia sumitur materialiter, cum verba illa recitative a sacerdote proferantur.

**160.** — **Sed hoc non potest stare** ; quia secundum hoc verba illa nullum ordinem haberent ad materiam præsentem, et sic non fieret sacramentum. Augustinus enim dicit (tract. 80, in Joan., n. 3; L. 35, 1840) : « *Accedit verbum ad elementum, et fit sacramentum.* »

**161.** — **Et prætereà.** Eadem difficultas remanet de verbis istis<sup>2</sup> secundum quod fuerunt ab ipso Christo prolata.

**162.** — Et ideo Al ii dicunt quod facit demonstrationem ad intellectum, et est sensus : « *Hoc est corpus meum* » ; idest, per hunc panem vel per has species significatur corpus meum, vel significatum per « *hoc corpus meum*<sup>3</sup> ».

**163.** — **Sed illud iterum stare non potest** ; quia cum in sacramenti non efficiatur nisi quod significatur virtute dictorum verborum, non fieret corpus Christi in altari secundum rei<sup>4</sup> veritatem, sed secundum significationem tantum : *quod est hæreticum* ; vel verba præmissa non *essent* forma hujus sacramenti. Nec potest dici quod intentio proferentis verba facit ut his verbis consecratur virtute divinitus collata ; quia virtus data sacramenti consequitur significationem, et intentio ministri non potest ad alium effectum sacramenta perducere, nisi qui eis significatur.

**164.** — Et ideo Al ii dicunt quod « *hoc* » facit demonstrationem ad sensum, et demonstrat panem non simpliciter, sed secundum quod est transsubstantiatus in corpus Christi.

**165.** — **Sed contra hoc est**, quia panis transsubstantiatus jam non est panis. Sed dum profertur hoc pronomen « *hoc* » nondum facta est transsubstantiatio, quia jam alia verba non essent de essentia formæ.

1. Ed. et e « *signat* », contra *αβγδη*. — 2. Ed. « *iste* ». — 3. *αβ* « *significatur hoc meum* », e *om.* per homot. — 4. Ed. *om.* « *rei* ».

**166.** — Cum igitur non possit ad sensum demonstrari quod actu non subest sensui, non poterit prædicto modo demonstratio sumi, nisi dicatur, sicut Al ii dicunt quod<sup>2</sup> totus sensus locutionis et omnium partium ejus referendus est ad ultimum instans pronuntiationis verborum, quia pro illo instanti pro quo res est, habet locutio veritatem ; et est simile cum dicitur : « *Nunc taceo* » vel<sup>3</sup> « *Nunc bibo* », si statim tacere vel bibere incipiat.

**167.** — **Sed hoc iterum non potest stare** ; quia secundum hoc significatio horum verborum præsupponeret transsubstantiationem jam factam ; ergo virtute verborum non fieret.

**168.** — **Et præterea.** Secundum hoc, sensus hujus locutionis erit : « *Corpus meum est corpus meum* » : quod quidem virtute horum verborum non fit.

**169.** — **Et ideo aliter dicendum** quod ea quæ sunt in voce, proportionantur his quæ sunt in anima. *Conceptio autem animæ duobus modis* se habet.

*Uno modo ut repræsentatio rei tantum*, sicut est in omnibus cognitionibus acceptis a rebus ; et tunc veritas conceptionis præsupponit entitatem rei sicut propriam mensuram, ut dicitur in *Meta. h.* 1. 1053a, 31 ; 1. 2, n. 1956-9) et per modum hujusmodi conceptionum se habent<sup>4</sup> locutiones quæ causa significationis tantum proferuntur.

**170.** — *Alio modo conceptio animæ non est repræsentativa rei*, sed magis *præsignativa* sicut exemplar factivum, sicut patet in scientia practica qua; est causa rei ; et veritas hujus conceptionis non præsupponit entitatem rei, sed præcedit ipsam naturaliter quasi causa ejus<sup>5</sup>, etsi simul sint tempore. Et ad hunc modum se habent verba præmissa quia sunt significativa<sup>6</sup> et factiva ejus quod significatur. Unde veritas et significatio hujus locutionis præcedit naturaliter entitatem rei quam significat<sup>7</sup>, et non præsupponit ipsam, quamvis sit simul cum ipsa tempore, sicut causa propria cum proprio effectu.

**171.** — Sed quia significatio et veritas locutionis quæ est simul tempore cum transsubstantiatione consurgit ex consignificationibus partium successive prolatarum ; ideo oportet quod dictio ultimo prolata compleat significationem locutionis, sicut differentia specificata ; et simul cum significatione fiat entitas rei ; et per consequens significationes primarum partium præcedant transsubstantiationem, quæ quidem non successive fit, sed in instanti ultimo per significationem locutionis jam perfectam.

**172.** — Sic ergo *hoc pronomen « hoc » neque demonstrat terminum ad quem transsubstantiationis determinate*, quia jam signifi-

1. a « ergo ». — 2. Ed. « quia ». — 3. Ed. om. « vel ». — 4. F. ad. a omnes ». — 5. Ed. om. « ejus ». — 6. a et ed. « significantia ». — 7. Ed. « signat ».

catio locutionis præsupponeret entitatem rei significatæ et non esset causa ejus ; *neque iterum demonstrat terminum a quo determinate*, quia ejus significatio impediret veritatem significationis totius locutionis, cum terminus a quo non remaneat in ultimo instanti locutionis. *Relinquitur ergo quod demonstret hoc quod est commune utrique termino indeterminate.*

173. — *Sicut* autem in formalibus<sup>1</sup> mutationibus commune utrique termino est subjectum vel materia, distinguuntur autem termini per formas accidentales vel substantiales ; *ita* in transsubstantiatione commune est<sup>2</sup> accidentia sensibilia quæ remanent ; diversitas autem est substantiarum. Unde sensus est : « *Hoc contentum sub his speciebus est corpus meum* ». Et hæc est causa quare cum pronomine non ponitur aliquod nomen, ne demonstratio ad aliquam speciem substantial determinetur.

174. — *Sicut* enim in locutione quæ significat tantum alterationem per se subjectum est subjectum<sup>3</sup> commune alterationis, ut cum dicitur : « *Hoc fit album* » ; *ita* oportet quod in locutione quæ facit transsubstantiationem, subjectum sit hoc quod est commune in transsubstantiatione.

175. — **Ad secundum** dicendum quod ratio illa procederet, si demonstratio pronominis ferretur ad contentum sub speciebus, secundum quod est determinatum ad speciem panis ; quia corpus Christi non potest prædicari de pane, nisi cum verbo importante transitum. Sed sic non intelligitur demonstratio pronominis, sed sicut dictum est (172).

176. — **Ad tertium** dicendum quod Dominus, Jo an., vi, loquebatur de hoc sacramento tantum secundum quod est activum<sup>4</sup> refectionis ; et quia refectioni magis convenit caro quam corpus secundum similitudinem ad refectionem corporalem, ideo ibi potius dixit carnem quam corpus.

177. — Sed in forma sacramenti debet exprimi et *essentia sacramenti* et *significatio ipsius*, et ideo potius debet dici corpus quam caro ; *tum* quia essentialiter in hoc sacramento continetur ex vi sacramenti non solum caro, sed totum corpus Christi ; *tum* quia hoc sacramentum significat repræsentando Christi passionem quæ erat per totum corpus.

178. —<sup>1</sup> Significat etiam quasi rem ultimam, *corpus mysticum*, scilicet Ecclesiam quæ propter distinctionem officiorum habet similitudinem cum toto corpore ratione distinctionis membrorum. Panis autem non est figura rei contentæ in sacramento secundum quod est corpus homogœum, sed secundum quod ex diversis

1. *a* « corporalibus ».— 2. *P.* « communia sunt ». *a* ad. supra « sunt ». — 3. *a om.* per *homot.* « est subjectum », *a* post, manu supra restituit ; *γ* et *F. om.* « subjectum » ; contra *βδ* et editiones præcedentes *F.* — 4. *γ* in margine « ad actum » sicut *ε* et ed. ; *δ* « aptum refectioni » contra *αβ*.

conficitur granis ; unde sua significatio magis aptatur ad totum corpus quam ad carnem.

**179.** — **Ad quartum** dicendum quod hoc sacramentum directe repræsentativum est dominicæ passionis, qua Christus ut sacerdos et hostia Deo se obtulit in ara crucis.

**180.** — Hostia autem quam sacerdos offert est una cum illa quam Christus obtulit secundum rem, quia Christum realiter continet. Minister autem offerens non est idem realiter, unde oportet quod sit idem repræsentatione. Et ideo sacerdos consecrans prout gerit personam Christi, profert verba consecrationis recitative ex persona Christi, ne hostia alia videatur.

**181.** — Et quia per ea quæ gerit respectu exterioris materiæ, Christi personam repræsentat ; ideo verba illa simul et recitative et significative tenentur respectu præsentis materiæ quæ est figura illius quam Christus præsentem habuit. Et propter hoc dicitur convenientius : « *Hoc est corpus meum* » quam : « *Hoc est corpus Christi* ».

**182.** — **Vel etiam** propter hoc quod sacerdos non habet actum exteriorem, qui sit sacramentaliter causa consecrationis, sed in solis verbis prolatis consistit virtus consecrationis ; et ideo ex persona illius proferuntur cujus virtute fit transsubstantiatio.

**183.** — **AD QUINTAM QŪÆSTIONEM** dicendum quod multa sunt a Domino facta vel dicta quæ Evangelistæ non scripserunt, ut patet **J o a n., x x i, 25**, quæ tamen Ecclesia postea ab Apostolis accepta fideliter conservavit<sup>3</sup>.

**184.** — Et secundum hoc dicendum **AD PRIMUM** quod<sup>4</sup> sicut **Innocentius Papa 5** dicit ilib. iv de *Sacro Altaris Mystero*. c. 5 ; L. 217, 8586) quamvis nusquam in sacra Scriptura legatur quod Dominus ad cælum oculos sublevaverit in ccena, tamen hoc Ecclesia ex traditione Apostolorum recitat, et satis rationabiliter potest ex aliis locis Scripturæ colligi.

**185.** — Legitur enim **J o a n., x i, 41** quod in suscitatione Lazari oculos ad Patrem elevaverit; et similiter **J o a n., x v i i, 1**, orationem ad Patrem fundens.

Hoc autem in arduis faciebat, gratias agens et exemplum nobis ad Deum recurrendi præbens secundum illud *Ps. c x x i i, 1* : « *Ad te levavi oculos meos*, etc. ».

**186.** — Et quia hoc sacramentum arduissimum est, ideo instituens hoc sacramentum probabiliter colligitur quod oculos ad Patrem levaverit, gratias agens Patri de reparatione humani generis quæ hoc sacramento figuratur, et nobis ostendens virtute divina hoc confici sacramentum.

1. Ed. « recitatione ». — 2. Ed. « significatione ». — 3. Ed. « observavit ». — 4. Ed. om. « quod ». — 5. Ed. om. « Papa ». — 6. Ed. ad. « quod ».

**187.** — **Ad secundum** dicendum quod, sicut dictum est (144) hæc verba : « *Accipite et manducate ex hoc omnes* », non sunt de substantia formæ ; et ideo non est tanta vis facienda, ut penitus eadem observentur.

**188.** — **Et præterea.** « *Comedere* » et « *manducare* », in nullo differentem habent significationem ; r.t. quamvis circa ista verba non ponatur in Evangeliiis verbum manducandi, ponitur tamen parum ante, Luc., χχii, 15 : « *Desiderio desideravi hoc pascha manducare vobiscum, etc.* »

**189.** — **Ad tertium** dicendum quod quamvis non exprimatur in Evangelio hæc determinatio « *omnes* », tamen intelligitur, quia sacramentalis manducatio est omnium, quamvis non spiritualis ; ideo autem exprimitur circa sumptionem sanguinis in Evangeliiis prædicta dictio, quia sanguis in redemptionem effusus est ; redemptio autem est omnium quantum [ad sufficientiam, quamvis non quantum<sup>2</sup>] ad efficaciam.

**190.** — **Vel** quia ultimo traditur sumptio sanguinis, quod circa eam dicitur, circa sumptionem corporis similiter intelligendum est.

## ARTICULUS II

[I]

[Illi q. 78, a. 3 ; *In Mal.*, c. 26 ; *I ad Cor.*, c. 11, l. 6.]

**191.** — **AD SECUNDUM SIC PROCEDITUR.** Videtur QUOD FORMA CONSECRATIONIS SANGUINIS CONSISTAT IN HIS TANTUM verbis : « *Hic est calix sanguinis mei* », et hoc quod additur : « *Novi et æterni testamenti, mysterium fidei qui pro vobis et pro nullis effundetur in remissionem peccatorum* » non SIT DE FORMA.

1. Evangelist® enim convenire debent in his quæ sunt de substantia formæ hujus sacramenti, quia verba formæ hujus sacramenti recitative dicuntur ex persona Christi. Sed non conveniunt in verbis illis appositis, quia in nullo Evangelistarum leguntur, nec ab Apostolo, *I Cor.*, χi, haberi possunt. Ergo non sunt de forma hujus sacramenti.

2. **Præterea.** *Sicut* panis transsubstantiatur in corpus Christi per consecrationem, *ita* vinum in Christi sanguinem. Sed consecratio quæ fit his verbis : « *Hoc est corpus meum* », sufficit ad transsubstantiationem panis in corpus Christi. Ergo et hæc verba : « *Hic est calix sanguinis mei* », sufficiunt ad transsubstantiationem vini in sanguinem Christi. Ergo verba quæ sequuntur non sunt de forma.

1. Ed. « etiam ». — 2. *om.* per *homot.* forsan « ad sufficientiam, quamvis non quantum » contra ed. Cf. *Infra*, a. 2, q. 3 arg. 7 et ad 7, 219. — III S d. 19, a. 2, 42 ; III, q. 78, a. 2 ; q. 79, a. 7, ad 2.

3. **Præterea.** Proprietates naturaliter consequuntur substantiam rei. Sed illud quod sequitur substantiam, non potest esse factivum transsubstantiationis. Ergo cum illa verba quæ sequuntur designent aliquas proprietates sanguinis in quem fit transsubstantiatio, videtur quod non sit de forma.

**192. — SED CONTRA** est quia Luc., xxii, 20, interponuntur prædicta verba verbis formæ; ita enim dicitur: « *Hic est calix novi testamenti in meo sanguine.* »

**193. — Præterea.** Hoc videtur ex ritu consecrationis; quia sacerdos non deponit calicem usque ad verba illa: « *Hæc quotiescumque feceritis* » quæ non sunt de forma, quamvis sint Domini verba.

## [II]

**194. — ULTERIUS.** Videtur quod hæc verba inconvenienter ponantur: « *Hic est calix sanguinis mei.* »

1. Unius modi est transsubstantiatio panis in corpus Christi et vini in sanguinem. Sed in transsubstantiatione panis in corpus Christi ponitur corpus Christi in recto. Ergo in consecratione vini poni debet sanguis Christi in recto, ut dicatur, sicut Magister dicit in *Littera* (3): « *Hic est sanguis meus* »; sicut etiam habetur *Mat.*, xxvi, 28.

2. **Præterea.** In forma transsubstantiante ex parte prædicati poni debet terminus in quem fit transsubstantiatio, ut ex dictis patet (158). Sed transsubstantiatio non fit in calicem alicujus. Ergo non debet prædicari in forma transsubstantiante.

3. **Præterea.** In forma sacramenti non debet poni aliquid quod non sit de substantia sacramenti. Sed calix non est de substantia sacramenti dum sit vas quoddam. Ergo\* non debet poni in forma sacramenti.

**195. — SED CONTRA** est quod dicitur Luc., xxii, 20: « *Hic est calix novi Testamenti in etc.* »

**Ad idem** est etiam usus Ecclesiæ.

## [III]

**196. — ULTERIUS.** Videtur quod etiam verba QUÆ sequuntur, inconvenienter ponantur.

1. Testamentum enim videtur pertinere ad traditionem mandatorum; unde et tabulas continentes decem præcepta, dicuntur tabulas testamenti. Sed traditio sacramentorum est alia a traditione mandatorum. Ergo in sacramentis non debet fieri mentio de testamento.

1. Ed. « ponuntur ». — 2. Ed. *ad. t enim* ». — 3. *ad ad.* « est ».

2. **Præterea.** Ambrosius dicit (IV *de Sacram.*, c. 3 ; L. 16, 457) nostra sacramenta antiquiora esse sacramentis Judæorum. Sed sacramenta Judæorum non pertinent ad novum testamentum, sed ad vetus. Ergo nec in sacramento isto de quo Ambrosius loquitur, debet apponi « *Novi testamenti* ».

3. **Præterea.** Novum et æternum videntur ad invicem contrarietatem habere ; quia æternum est quod caret principio, novum autem est quod quantum ad sui principium est propinquum. Ergo est oppositio in adjecto<sup>2</sup>.

4. **Præterea.** Illud quod potest esse juvamentum erroris, non debet apponi in forma sacramenti. Sed, sicut dicit Innocentius III (lib. IV *de Sacro Altaris Mysterio*, c. 35 ; L. 217,8781. quod dicitur : « *Hoc mysterium* », quibusdam est adjuvamentum erroris, qui dicunt corpus Christi verum in altari non contineri, sed per significationem tantum. Ergo inconvenienter ponitur in forma.

5. **Præterea.** Hoc sacramentum, ut prius dictum est (34), præcipue videtur esse sacramentum caritatis, sicut et baptismus sacramentum fidei. Ergo inconvenienter dicitur : « *Mysterium fidei* » ; sed magis dicendum esset : « *Mysterium caritatis* ».

6. **Præterea.** Sicut sanguis Christi pro nobis est effusus, ita corpus Christi pro nobis est traditum, ut ex verbis etiam Domini habetur, Luc. xxii, 19 : « *Hoc est corpus meum, quod pro vobis tradetur* ». Cum ergo hoc non apponatur in forma corporis consecrandi, nec in consecratione sanguinis de effusione fieri mentio deberet.

7. **Præterea.** Quod dicitur : « *Pro vobis et pro multis effundetur* », aut accipitur de effusione quantum ad sufficientiam, aut quantum ad efficaciam.

*Si quantum ad sufficientiam*, sic pro omnibus effusus est, non solum pro multis.

*Si autem quantum ad efficaciam* quam habet solum in electis, non videtur distinguendum fuisse inter Apostolos et alios.

8. **Præterea.** Baptismus magis ordinatur contra amotionem mali quam eucharistia quæ maxime ordinatur ad perfectionem in bono. Sed in forma baptismi non fit mentio de remissione peccatorum. Ergo nec hic deberet dici : « *In remissionem peccatorum*<sup>3</sup>. »

**197. — RESPONSIO.** Dicendum AD PRIMAM QUÆSTIONEM quod circa hoc *diversimode* aliqui dixerunt.

Quidam enim dicunt quod hoc est tantum de forma : « *Hic est*

1. F. « contrarietatem ». — 2. F. « objecto ». — 3. *a om. ner homot.* « Era-o nec hic... ».

*calix sanguinis mei* », ut forma utriusque consecrationis sit consimilis.

**198.** — Sed quia conditiones! appositæ ad subjectum vel prædicatum sunt de integritate locutionis alicujus, ideo **Alii probabilius dicunt quod totum quod sequitur est de forma**, cum totum hoc quod additur non sit locutio per se, sed sit determinatio prædicati.

**199.** — **AD PRIMUM** ergo dicendum quod verba supradicta ex magna parte possunt ex diversis locis sacræ Scripturæ colligi, quamvis non inveniantur alicubi simul scripta. Quod enim dicitur : « *Hic est calix* », habetur Luc. xxii, 20 et *I Cor.*, xi, 25. Quod autem dicitur : « *Novi leslamenli* », ex tribus habetur, *Mã t.* xxvi, 28 et *Mar c.* xiv, 24 et Luc. xxii, 20. Quod autem dicitur, « *ælerni* » et iterum, « *Mysterium fidei* », ex traditione Domini habetur quæ per Apostolos ad Ecclesiam pervenit, secundum illud *I Cor.*, xi, 23 : « *Ego! accipi a Domino quod et Iradidi vobis* ». Evangelistæ enim non intendebant formas et ritus sacramentorum tradere, sed dicta et facta Domini enarrare.

**200.** — **Ad secundum** dicendum quod cum eucharistiæ sacramentum sit memoriale dominicæ passionis, in consecratione corporis Christi non repræsentatur nisi passionis subjectum<sup>§</sup>; sed in consecratione sanguinis repræsentatur passionis mysterium — non enim a corpore Christi sanguis ejus seorsum fuit nisi per passionem — ; et ideo conditiones dominicæ passionis exprimuntur per verba sequentia magis in consecratione sanguinis quam in consecratione corporis.

**201.** — **Ad tertium** dicendum quod quamvis illa quæ sequuntur sint ut proprietates consequentes Christi sanguinem in quantum hujusmodi, sunt tamen essentialia sanguini Christi in quantum est per passionem effusus. Non autem seorsum a corpore consecraretur sanguis Christi, sicut nec aliæ partes ejus, nisi pro eo quod est in passione effusus. Et ideo illa quæ sequuntur sunt essentialia sanguini, prout in hoc sacramento consecratur ; et ideo oportet quod sint de substantia formæ.

**202.** — **AD SECUNDAM QUÆSTIONEM** dicendum quod hæc locutio : « *Hic esi calix sanguinis mei* », figurativa est, et potest intelligi *dupliciter*.

*Uno modo ut sit metonymica locutio*, ut ponatur continens pro contento, secundum quod dicere consuevimus, « *Bibe calicem vini* », idest vinum contentum in calice. Ideo autem talis modus locutionis congruus est huic formæ, quia sanguis de sui ratione

1. *yô ad.* » quæ sunt », *aß ad.* » sunt » et post, manu *ad.* supra « quæ ». — 2. *Ed. ad.* « enim ». — 3. *Ed.* « substantia ».

non dicit aliquid potabile, immo magis aliquid quod natura abhorret in potum. Et quia in hoc sacramento sanguis Christi consecratur ut potus, ideo oportuit aliquid addi quod ad potum pertinere, scilicet calicem.

**203.** — *Alio modo potest intelligi, ut sit metaphorica locutio, ut per calicem passio Christi designetur. Sicut enim calix vini inebriat, ita et passio sui amaritudine quasi hominem extra se ponit : Thren., m, 15 : « Replevit me amaritudinibus, inebriavit me absynthio ».* Et hoc modo loquendi usus est Dominus de sua passione loquens, ut patet Mat. xxvi, 39 : « Transeat a me calix iste » ; et hic modus loquendi etiam est conveniens in hac forma ; quia, ut dictum est, in consecratione sanguinis exprimitur directe mysterium passionis.

**204.** — Nec obstat quod solet objici quod locutiones figurativæ faciunt distrahere intellectum et ita sunt causæ evagationis, quia mens sacerdotis debet esse adeo fixa ad ea quæ dicit, quod non qualibet levi actione evagetur.

**205.** — **AD PRIMUM** ergo dicendum quod corpus de sui ratione non dicit aliquid repugnans cibo ex ipsa sui nominatione, sicut sanguis repugnat potui ; et ideo non est similis ratio.

**206.** — Magister autem non posuit formam quantum ad verba, sed quantum ad sensum.

**207.** — **Ad secundum** dicendum quod *transsubstantiatio vini non fit* in ipsum calicem, sed *in* contentum, scilicet *sanguinem Christi*, prout est potus et prout est per passionem fusus ; et ideo objectio cessat.

**208.** — **Ad tertium** dicendum quod quamvis vas illud non sit de substantia sacramenti, tamen contentum et significatum est de substantia sacramenti ; et secundum hoc intelligitur locutio.

**209.** — **AD TERTIAM QUÆSTIONEM** dicendum quod, sicut dictum est (200), verba illa quæ adduntur in consecratione sanguinis exprimunt conditiones passionis, et præcipue secundum quod operantur<sup>2</sup> in sacramentis.

Sunt autem *tria* in passione consideranda, secundum quod in sacramentis operatur.

**210.** — **Primo effectus quem inducit**, qui est remissio peccatorum ; et hoc tangitur in hoc quod dicit : « *qui pro vobis et pro multis* etc. »

**211.** — **Secundo medium quo iste effectus in alios traducitur**, quod est *fides*, qua mediante habet effectum et in his qui præcesserunt et in his qui sequuntur ; et quantum ad hoc dicit, « *Mys-*

1. Ed. « occasione » € « levigatione ». — 2. Ed. « operatur ».

*terium fidei* » : quod quidem potest referri etl ad ipsam passionem quæ est mysterium fidei, ut occultum quoddam latens in fide omnium Christi fidelium, et præcipue antiquorum apud quos erat in mysterio abscondita? diversimode figurata ; et ad ipsum sanguinem prout in sacramento continetur, quod quidem latet sub speciebus et maximam habet difficultatem ad credendum ; unde antonomastice dicitur « *Mysterium fidei* ».

**212.** — **Tertio finis ad quem perducit**, qui est æternorum perceptio, ad quem introducit Christus per sanguinem propriæ passionis, in quo novum testamentum confirmatur, non quidem promittens temporalia, ut prius, sed æterna ; et quantum ad hoc dicit : « *Novi et æterni testamenti* ».

Et quia finis prius est in intentione, ideo, fine præmisso, per medium ad effectum passionis ostendendum verba formæ perducunt.

**213.** — **AD PRIMUM** ergo dicendum quod testamentum proprie est hereditatis percipiendæ institutio filiis a patre. Et ideo testamentum proprie pertinet ad promissionem honorum quæ nobis a Patre coelesti disponuntur, ad quod quidem testamentum præcepta se habent sicut via ad consequendum hereditatem percipiendam ; et ita per posterius testamentum ad mandata pertinet.

**214.** — **Ad secundum** dicendum quod antiquitas illa intelligitur quantum ad similitudinem ritus. Dicitur autem hoc testamentum novum et ratione hujus sacramenti quod in renovatione mundi institutum est tempore gratiæ, et iterum ratione promissionis per sanguinem Christi confirmatæ quæ vetus impedimentum consequendæ hereditatis amovit ; et sic quasi quædam innovatio promissionis per mortem Christi facta est.

**215.** — **Ad tertium** dicendum quod dicitur novum et æternum diversis rationibus : **novum** quidem ratione jam dicta ; **æternum**, vel ratione bonorum æternorum de quibus est testamentum, vel ratione hujus sacramenti continentis Christum qui est persona æterna, vel ratione prædestinationis æternæ hanc gratiam præparantis.

**216.** — **Ad quartum** dicendum quod nihil prohibet id quod esi in aliquo occultatum et figuratum, secundum veritatem ibidem esse. Et ideo frivolum juvamentum sui erroris accipiunt qui negant Christi sanguinem secundum veritatem in altari esse propter hoc quod est ibi etiam secundum mysterium.

**217.** — **Ad quintum** dicendum quod eucharistia dicitur sacramentum caritatis Christi expressivum et nostræ factivum. Sed fides supponitur ad effectum hujusmodi sacramenti, quod

1. Ed. om. « et ». — 2. Ed. « abscondite ». — 3. Ed. « qua ».

mediante aliquis effectum participet. Et ideo potius ponit ut medium perducens ad effectum fidem quam caritatem.

**218.** — **Ad sextum** dicendum quod hujus solutio ex dictis patet ; quia hoc accidit propter hoc quod in consecratione corporis non significatur passio, sicut in consecratione sanguinis.

**219.** — **Ad septimum** dicendum quod sanguis Christi effusus est pro omnibus quoad sufficientiam, sed pro electis tantum quoad efficaciam ; et ne putaretur effusus pro Judæis tantum electis quibus promissio facta fuerat, ideo dicit « *vobis* », qui ex Judæis, et « *multis* », scilicet multitudine gentium.

**220.** — **Vel** per Apostolos sacerdotes significat quibus median- tibus ad alios effectus passionis per dispensationem sacramen- torum pervenit, qui etiam pro seipsis et pro aliis orant.

**221.** — **Ad octavum** dicendum quod remissio peccatorum non ponitur hic ut proprius effectus hujus sacramenti, sed ut effectus passionis quæ per consecrationem sanguinis exprimitur.

De mutatione autem, additione et subtractione idem dicendum est<sup>2</sup> hic quod supra dictum<sup>3</sup> est de forma baptismi d. 3 (q. 1, a. 2, sol. 2, 3 et 4).

### ARTICULUS III

[III, q. 78, a. 4 ; in *Mat.*, c. 26.]

**222.** — **AD TERTIUM SIC PROCEDITUR.** Videtur quod VERBIS PRÆDICTIS NON INSIT ALIQUA VIS CREATA AD TRANSSUB- STANTIATIONEM FACIENDAM.

1. *Damasceus* enim dicit (IV *de Fide*, c. 13 ; G. 194, 1139), quod « *sola virtute Spiritus sancti fit conversio panis in corpus Christi* ». Sed virtus Spiritus sancti non est virtus creata. Ergo nulla virtus creata inest his verbis, per quam fiat transsubstan- tiatio.

2. **Præterea.** Opus transsubstantiationis videtur esse diffi- cilius quam opus creationis ; quia citius ratio consentit creationi quam huic conversioni, cum quidam etiam philosophi ratione naturali ducti creationem posuerint. Sed nulla virtus creata, secundum communem opinionem, potest Deo cooperari in opere creationis. Ergo multo minus in opere hujus conversionis.

3. **Præterea.** Difficilius est convertere panem in substantiam corporis Christi, quam purissimos sanguines Virginis ; quia corpus Christi et sanguines Virginis habent materiam commu- nem, quæ est subjectum conversionis : quod non potest esse in conversione panis in corpus Christi. Sed in formatione corporis

1. Ed. « designat ». — 2. Ed. *om.* « est ». — 3. Ed. « positum ».

Christi ex Virgine non fuit aliqua virtus creata active operans, ut in III lib. d. 3 (q. 2, a. 2) dictum est. Ergo nec verbis prædictis inest aliqua virtus creata ad transsubstantiandum.

4. **Præterea.** Nulla virtus creata potest operari aliquid supra naturam. Sed conversio panis in corpus Christi est maxime supra naturam, cum non servetur modus mutationis naturalis ; quia neque est subjectum commune, et terminus ad quem est præexistens actu. Ergo non potest per virtutem creatam verbis formæ collatam-hujusmodi conversio fieri.

5. **Præterea.** Virtus activa directe proportionatur ei ad quod actio terminatur ; quia hoc est intentum ab agente et ex eo denominatur actio. Sed corpus Christi ad quod terminatur conversio, est multo dignius qualibet pura creatura. Ergo cum agens debet esse nobiliter factum, non potest aliqua virtute creata aliquid in corpus Christi converti.

6. **Præterea.** Faciens et factum, causa et causatum, debent esse simul ; quia quod non est, non potest aliquid facere vel alicujus causa existere. Sed cum conversio prædicta fiat in instanti et verba formæ successive proferantur, quando fit conversio, verba illa non possunt simul esse, nisi secundum aliquid minimum sui. Ergo in virtute aliqua quæ insit verbis, non potest fieri hujusmodi conversio.

7. **Præterea.** Verba ista non habent virtutem ex seipsis : hoc planum est. Si ergo habent aliquam hujusmodi virtutem, oportet quod eis sit divinitus data. Oportet autem hanc virtutem esse simplicem, cum ejus effectus sit in instanti. Simplex autem virtus non potest successive dari, et ejus subjectum oportet esse simplex. Cum ergo verba prædicta compositionem habeant et successionem, non potest ipsis talis virtus esse collata.

8. **Præterea.** Inconveniens videtur facere aliquid nobilissimum quod statim desinat esse. Sed virtus transsubstantians est nobilissima : quod patet ex nobilitate effectus. Ergo cum verba formæ statim esse desinant, inconveniens videtur si eis virtus transsubstantiandi data est a Deo.

9. **Præterea.** Verba ista non faciunt conversionem prædictam, nisi a sacerdote dicta. Sed anima sacerdotis magis est capax virtutis alicujus divinæ quam verba prolata ab ipso. Ergo magis dicendum est quod hæc virtus in sacerdote sit quam in verbis : si tamen aliqua virtus creata ad transsubstantiationem operetur.

**223. — SED CONTRA** est quod Dionysius dicit in fine *Eccl. Hier.* (n. 10; G. 3, 566) in « *ipsis* », scilicet « *consummatis invocationibus* », idest formis sacramentorum, « *esse virtutes operationes ex Deo* ». Sed verba prædicta sunt forma dignissimi sacra-

1. Ed. « debeat ». — 2. *af ad.* « in », contra γδέζη et ed. — 3. Ed. « ei ».

menti. Ergo est in ipsis aliqua virtus ad transsubstantiandum.

**224.** — **Præterea.** Ambrosius dicit (IV *de Sacram.*, c. 4 ; L. 16, 458) quod sermo Christi creaturas mutat, et sic ex pane fit corpus Christi consecratione coelestis verbi. Verbum autem Christi est forma prædicta a Christo instituta et ex ejus persona recitata. Ergo virtute horum verborum fit transsubstantiatio.

**225.** — **Præterea.** Sacerdos non operatur ad transsubstantiationem nisi proferendo verba. Si ergo verbis non inesset virtus ad transsubstantiandum, tunc sacerdos non haberet aliquam potestatem spiritualemente conficiendi ; et sic non haberet ordinem, qui est quædam potestas ad hoc principaliter.

**226.** — **RESPONSIO.** Dicendum quod circa hoc est *duplex* opinio.

Quidam enim dicunt quod nulla virtus creata inest his verbis, qua fiat transsubstantiatio ; sed quod dicitur quodam alia virtute horum verborum transsubstantiationem fieri, intelligendum est quod divina institutione firmatum est ut ad prolationem horum verborum conversio prædicta fiat virtute divina tantum ; et sic etiam dicunt in omnibus aliis sacramentis, ut supra d. 1. (q. 1, a. 2, sol. 2) dictum est.

**227.** — *Sed hæc opinio dignitati sacramentorum novæ legis derogat et dictis sanctorum obviare videtur.*

**228.** — **Et ideo dicendum est quod in verbis prædictis**, sicut et in aliis formis sacramentorum, **inest aliqua virtus ex Deo** ; sed hæc virtus non est qualitas **habens** esse completum in natura, qualiter est virtus alicujus principalis agentis secundum formam suam, sed habet **esse incompletum**, sicut virtus quæ est in instrumento ex intentione principalis agentis, et sicut similitudines colorum in aere, ut supra d. 1 (q. 1, a. 2, sol. 2) dictum est.

**229.** — **AD PRIMUM** ergo dicendum quod dictio exclusiva adjuncta principali agenti non excludit agens instrumentale. Non enim sequitur : Solus hic faber facit cultellum ; ergo martellus nihil ad hoc operatus est. Virtus enim instrumenti non est nisi quædam redundantia virtutis agentis principalis ; unde in toto actio non attribuitur instrumento, sed principali agenti, secundum Philosophum (*De gener, animal*, β 6. 742a, 25.)

**230.** — Et propter hoc ex hoc quod dicitur quod sola virtute Spiritus sancti fit hujusmodi conversio, non excluditur virtus instrumentalis quæ est in verbis præmissis.

**231.** — **Ad secundum** dicendum quod virtus creata præsupponit materiam in qua operetur : quod quidem contingit esse *dupliciter*.

*Uno modo* ita quod sit mutationis subjectum, sicut accidit in conversionibus naturalibus.

*Alio modo* ita quod subsit termino a quo, non autem mutationi, sicut accidit in dicta conversione.

**232.** — Sed creatio neutro modo materiam præsupponit ; et ideo magis potest aliquid Deo cooperari instrumentaliter in hac conversione quam in opere creationis.

**233.** — Utrum autem majoris virtutis sit ista conversio vel creatio, dicitur infra d. 11.(q. 1, a. 3, sol. 4).

**234.** — **Ad tertium** dicendum quod si in conceptione unio includatur quæ simul cum ipsa facta est, major difficultas fuit in conceptione quam in transsubstantiatione ; quia illa unio est terminata ad esse divinæ personæ, hæc autem transsubstantiatio ad corpus Christi, quia panis non convertitur nisi in corpus Christi.

Si autem conceptionis opus includat tantum conversionem sanguinum purissimorum Virginis in corpus Christi, sic major difficultas est in hac conversione quam in illa, unde potuit etiam alicui creaturæ conferre quod in illa conceptione sibi cooperaretur ; quamvis non fuisset conveniens propter dignitatem Christi servandam, quod tunc fiebat simpliciter, prius non existens : quod hic non accidit. Et ideo nihil deperit dignitati corporis (Christi, si aliqua creatura accipiat instrumentalem virtutem operandi in id quod in corpus Christi transsubstantiatur.

**235.** — **Ad quartum** dicendum quod nulla creatura potest agere ea quæ sunt supra naturam quasi principale agens, potest tamen agere quasi agens instrumentale a virtute increata motum ; quia *sicut* creaturæ inest obedientiæ potentia ut in ea fiat quidquid Creator disposuerit, *ita* ut ea mediante fiat : quod est ratio instrumenti.

**236.** — **Ad quintum** dicendum quod virtus agentis principalis respicit principaliter terminum ad quem ; sed virtus causæ instrumentalis quandoque non attingit ad terminum ad quem, sed habet operationem suam in his quæ sunt circa terminum : sicut qualitates activæ dementes non attingunt ad animæ rationalis introductionem.

**237.** — *Et similiter hic contingit* ; quia virtus illa instrumentalis quæ inest verbis, habet operationem supra substantiam panis, quia « *verbum ad elementum accedit* », secundum Augustinum (160), non est autem aliquo modo causa eorum quæ in termino ad quem sunt, sicut quod sint accidentia sine subjecto, vel alicujus hujusmodi ; et ideo objectio cessat.

**238.** — **Ad sextum** dicendum quod virtus hæc conversiva quæ est in his verbis, cum sit sacramentalis, sequitur significa-

1. Ed. *ad*, « conceptione ». — 2. Ed. *ad*. « etiam ».

tionem, ut dictum est (226-7). Significatio autem existentis conversionis, cum importet ordinem unius ad alterum, non potest fieri per dictionem, sed oportet quod per orationem fiat ; cujus partes quamvis successive proterantur, tamen significatio est tota simul, quod tunc complet ultima orationis particula ad modum differentiae ultimae in definitionibus ; et hac significatione existente, in ultimo prolationis instanti fit transsubstantiatio.

**239.** — **Ad septimum** dicendum quod significatio orationis, quamvis relata ad partes quibus fit significatio videatur composita, tamen relata ad rem significatam simplex est, in quantum significat unum quiddam, scilicet compositionem hujus cum hoc : sicut etiam Philosophus dicit in *V Meta*, (δ 14. 1020b, 7-8; l. 16, n. 990) quod substantia senarii non est bis tria, sed semel sex quam ibi qualitatem nominat.

Unde *sicut* ad hanc qualitatem senarii se habent partes ejus ut dispositiones materiales, non ut qualitates partium, sicut partes unius qualitatis totius ; *ita* significationes partium sunt dispositiones ad significationem totius orationis quae consurgit ex significatione ultimae partis in ordine ad omnes praecedentes ; quia virtus conversiva sequitur significationem, ut dictum est (238).

Et ideo in ipso complemento significationis datur illa virtus orationi toti, ita quod singulae partes se habent materialiter tantum ad illam virtutem.

**240.** — **Ad octavum** dicendum quod valde conveniens est quod omne quod<sup>2</sup> est propter aliquid, esse desinat perfecto hoc ad quod erat. Et quia virtus illa non erat ad perfectionem ejus cui dabatur, sed magis ad faciendum conversionem de qua loquimur, cum sit tantum instrumentalis virtus, ut dictum est (229), ideo non est inconveniens, si statim conversione facta, et verba et virtus verborum esse desinant.

**241.** — **Ad nonum** dicendum quod quando aliquod opus perficitur pluribus instrumentis, virtus instrumentalis non est complete in uno, sed incomplete in utroque, sicut manu et penna scribitur.

**242.** — *Ei similiter contingit in proposito* ; quia virtus instrumentalis ad faciendam praedictam conversionem non tantum est in verbo sed in sacerdote ; sed in utroque incomplete, quia nec sacerdos sine verbo, nec verbum sine sacerdote conficere potest.

**243.** — Et quia sacerdos est similior principali agenti quam verbum, quia gerit ejus figuram, ideo, *simpliciter loquendo, sua virtus instrumentalis est major et dignior*, unde etiam permanet et ad multos hujusmodi effectus se habet, virtus autem verbi

1. Ed. om. « quid ». — 2. Ed. om. « omne quod ». — 3. Ed. « vel ».

transit et ad semel tantum est ; *sed secundum quid est potentior virtus verbi*, inquantum effectui propropinquior, quasi<sup>2</sup> signum ipsius : sicut etiam penna est scripturæ propinquior, sed manus scribenti.

## ARTICULUS IV

### [I]

[*Infra*, d. 11, q. 2, a. 1, sol, 1, ad 4 ; III, q. 78, a. 6 ; *In Mat.*, c. 26 ; *I ad Cor.*, c. 11,1, 6.)

**244. — AD QUARTUM SIC PROCEEDITUR.** Videtur quod FORMÆ EXPECTENT SE IN OPERANDO.

1. *Sicut* enim se habet res ad rem, *ita* se habet forma ad formam. Sed res corporis non est sine re sanguinis, quia non consecratur corpus Christi signe sanguine. Ergo nec forma corporis operatur sine forma sanguinis.

2. **Præterea.** Hoc sacramentum est unum. Sed propter unitatem sacramenti species duæ, scilicet panis et vini, se habent in ratione unius signi, ut dictum est (25). Ergo similiter duæ formæ se habent in ratione unius formæ. Sed in una forma partes se expectant invicem ad agendum, ut dictum est (28). Ergo et forma corporis expectat formam sanguinis.

3. **Præterea.** In baptismo tres immersiones se expectant in agendo. Ergo et similiter hæ duæ prolationes verborum.

**245. — SED CONTRA.** Si statim verbis prolatis, quando est orationis significatio, non esset ibi verum corpus Christi, hæc esset falsa : « *Hoc est corpus meum.* » Sed in sacramento veritatis non contingit aliquid<sup>3</sup> esse falsum. Ergo forma prima non expectat secundam in operando.

**246. — Præterea.** Hostia non est adoranda ante consecrationem. Sed secundum communem morem<sup>4</sup> Ecclesiæ, statim dictis primis verbis forihæ super panem, ante formam sanguinis elevatur hostia a<sup>5</sup> populo adoranda. Ergo ante formam sanguinis hostia est consecrata.

### [II]

[III, q. 83, a. 6, ad 1.]

**247. — ULTERIUS.** Videtur quod deficiente sacerdote post corporis Christi consecrationem non debet alius PROCEDERE AD CONSECRATIONEM SANGUINIS.

I. *αβ om.* « effectui », red *ad.* -upra ; contra *yS* et ed. — 2. *α* « quam », *β* « quod », *δ* « quia » contra *γ η* et ed. — 3. Ed. « aliquod. » — 4. Ed. « modum ». — 5. Ed. *ont.* « a ».

1. Quia unius sacramenti unus debet esse minister. Sed consecratio utraque ad unum sacerdotem pertinet. Ergo ab uno ministro fieri debet.

2. **Præterea.** Sacerdos consecrans gerit figuram Christi, ex cujus persona verba proferuntur. Sed Christus non est divisus, ut dicitur *I Cor.*, i, 13. Ergo nec verba dividi debent ut a diversis proferantur.

**248. — SED CONTRA.** Ad perfectionem hujus sacramenti utraque consecratio requiritur. Si ergo consecrato corpore non consecratur sanguis, sacramentum remanet imperfectum : quod est inconveniens.

### [III]

**249. — ULTERIUS.** Videtur quod hæc verba sine aliis QUÆ IN CANONE MISSÆ DICUNTUR, NON HABEANT VIM CONFICIENDI.

1. Quia in hoc sacramento requiritur intentio faciendi quod facit Ecclesia, et sic intentio debet esse secundum statuta Ecclesiæ regulata. Sed proferens hæc verba tantum, non servat Ecclesiæ statuta. Ergo non conficit.

2. **Præterea.** Verba quibus fit consecratio, per se prolata, ad personam dicentis referuntur. Sed conversio panis et vini non fit in corpus et sanguinem dicentis, sed in corpus et sanguinem Christi. Ergo sine verbis præmissis quibus verba formæ determinantur ad personam Christi, scilicet : « *Qui pridie quam pateretur* etc. » non potest fieri conversio.

3. **Præterea.** Si verbis prædictis tantum posset fieri consecratio, tunc aliquis in periculo mortis existens, posset licite sine verbis præcedentibus conficere : sicut aliquis in necessitate potest baptizare omissis illis quæ sunt ad decorem sacramenti. Sed hoc nunquam licet. Ergo sine verbis aliis ista non habent vim convertendi.

**250. — SED CONTRA** est quod *Ambrosius* dicit (*IV de Sacr.*, c. 4 ; L. 16, 458) : « *Sacramentum istud quod accipis, sermone Domini conficitur* » ; et loquitur de verbis prædictis. Ergo sine aliis ista prolata habent vim conficiendi.

**251. — Præterea.** Virtus conversiva sequitur significationem verborum, ut dictum est (**239**). Sed verba formæ absque præcedentibus sufficienter significant hoc quod in sacramento hoc faciendum est. Ergo sine aliis habent vim conversivam.

**252. — RESPONSIO.** Dicendum **AD PRIMAM QUÆSTIONEM** quod *Quidam* dixerunt quod prima forma non habet effectum suum nisi prolata forma secunda ; nec secunda haberet effectum, nisi prima prius prolata ; nec tamen periculose ado-

ratur hostia ante consecrationem sanguinis, quia non adoratur quod est, sed quod erit.

**253. — Sed illud non potest stare ;** quia forma materiæ proportionari debet ; unde *sicut* materiæ distinctæ sunt nec ad invicem commixtæ, *ita* formæ divisim operantur : quod patet ex hoc quod utraque per se completam significationem habet.

**254. — Et ideo dicendum cum Aliis quod formæ prædictæ non expectant se mutuo in operando.**

**255. — AD PRIMUM** ergo dicendum quod in hoc sacramento *dupliciter* aliquid continetur: scilicet *ex vi sacramenti* et *ex naturali concomitantia*. Et quia sacramentum est institutum in usum fidelium, ideo *ex vi sacramenti* continetur in hoc sacramento quod in usum fidelium venit. Et quia in pane consecrato non continetur sanguis Christi secundum quod est in usum potus fidelium, ideo non continetur ibi *ex vi sacramenti*, *sed ex naturali concomitantia* qua convenit ut corpus Christi non sit sine sanguine ; et e contrario est de vino consecrato. Unde panis non convertitur per vim primorum verborum in corpus exsanguē, sed in corpus sine sanguine veniente in usum potus fidelium.

**256. — Causa** autem quare divisim sanguis a corpore consecratur, cum nunc non sit divisus, potest sumi ex usu ad quem est sacramentum, quia manducatio in cibo et potu consistit ; et ex eo quod per sacramentum repræsentatur, quia in passione sanguis Christi a corpore divisus fuit.

**257. — Ad secundum** dicendum quod duæ formæ in hoc sacramento non pertinent ad unum sacramentum quasi unam formam constituent, sicut ex diversis dictionibus constituitur una forma ; sed pertinent ad unum sacramentum mediantibus diversis partibus hujus sacramenti ; et ideo utraque habet seorsum effectum suum supra partem ad quam ordinatur.

**258. — Ad tertium** dicendum quod tres immersiones referuntur ad unum characterem qui est res et sacramentum in baptismo, sed diversæ formæ referuntur ad diversa quæ sunt res et sacramentum hic ; et ideo non est simile.

**259. — AD SECUNDAM QUÆSTIONEM** dicendum quod secundum statutum *concilii Toletani* [*Decret*, c. 7, q. 1, c. « Nihil contra », L. 187, 572) si sacerdos impeditur ut cœptum Missarum officium explere non possit, alius sacerdos debet explere quod ille inchoavit, ita quod incipiat sequens sacerdos ubi primus dimisit, si sciatur ; si autem nesciatur, debet a capite incipere, Non enim dicitur iteratum quod nescitur esse factum.

1. αδ « istud ». — 2. δ « cum sanguine », P « et sanguinem », F. « ex sanguine », contra αβγ, quamvis postea βγ cor. in « et sanguinem ».

**260.** — *Nec aliquid per hoc derogatur unitati sacramenti* ; quia omnes unum sumus in Christo propter fidei unitatem.

**261.** — Secundum tamen Innocentium tertium (*De sacro altaris mysterio*, lib. IV, c. 22 ; L. 217, 872) consultius est ut illa hostia jam consecrata seorsum posita, super aliam deinceps totum officium iteretur.

Et per hoc patet solutio ad objecta.

**262.** — **AD TERTIAM QUÆSTIONEM** dicendum quod Quidam dixerunt quod ista verba in quibus forma consistit (132), ut dictum est, si per se dicantur sine aliis, non faciunt conversionem ad minus sine illis quæ sunt in canone Missæ.

**263.** — **Sed hoc non videtur probabile** ; quia secundum Augustinum (*in Joan.*, tract. 80, η. 3 ; L. 35, 1840' « *accedit verbum ad elementum et fit sacramentum* ». Verbum autem quo accedente ad elementum fit sacramentum, a Sanctis dicitur esse verbum Salvatoris ; unde alia sunt de solemnitate sacramenti, non de necessitate.

**264.** — **Et ideo cum Aliis dicendum est quod in his verbis sine aliis potest confici corpus Christi**, *quamvis graviter peccaret qui hoc faceret.*

**265.** — **Et quod hæc opinio sit verior, patet** ex hoc quod non sit idem canon Missæ apud omnes et secundum diversa tempora, diversa sunt in canone Missæ superaddita.

**266.** — **AD PRIMUM** ergo dicendum quod ad sacramentum requiritur intentio faciendi quod facit Ecclesia in essentialibus sacramento, non autem in his quæ pertinent ad decorem vel solemnitatem sacramenti, sicut in baptismo patet.

**267.** — **Ad secundum** dicendum quod ex ipsa intentione proferentis possunt verba formæ ad personam Christi referri, etiam verbis aliis non præmissis, si sacerdos verba prædicta in persona Christi dicere intenderet.

**268.** — **Ad tertium** dicendum quod *baptismus* est sacramentum necessitatis ; et ideo concessum est ut imminente necessitatis articulo possit aliquis baptizare sine solemnitate ab Ecclesia instituta.

**269.** — *Secus autem est de hoc sacramento* ; quia alicui in necessitate constituto sufficeret spiritualiter manducare, si sacramentaliter manducare non posset ; et ideo in nullo casu a peccato excusaretur.

1. *aβ ad. « et » sed β expungit.* — 2. *α « intenderit ».*

## EXPOSITIO TEXTUS

[*Injra d. 13, Expos. Lit.* ; d. 15, q. 4, a. 3, sui. 1 ; III, q. 83, a. 4 ; *1 ad Tim.* c. 2. l. 1.]

270. — « Post sacramentum baptismi et confirmationis etc.

i<sup>h</sup>-

**Videtur quod male ordinet.** Quia quod est per essentiam, prius est quam id quod est per participationem. In hoc autem sacramento continetur Christus per essentiam, in aliis vero per participationem suæ virtutis. Ergo hoc sacramentum ante omnia alia determinare debuit.

271. — **Præterea.** Dionysius (*De eccles. Hier.* ; G. 3, 391 sq.) aliter ordinat. Prius enim de baptismo, et postea de eucharistia, et postea de chrismate determinat. Ergo videtur quod Magister hic ordinem pervertat.

272. — **Et dicendum ad primum** quod sacramenta sunt ordinata ad usum fidelium. Unde ordo sacramentorum non attenditur secundum contentorum ordinem, sed secundum quod veniunt in usum fidelium. Et ideo baptismus ante eucharistiam ab omnibus ponitur.

273. — **Ad secundum** dicendum quod Dionysius determinat de sacramentis secundum quod sunt actiones hierarchicæ, ut supra d. 2 (q. 1, a. 2, c.) dictum est ; et ideo ordinem sacramentorum attendit, secundum quod per ea distinguuntur personæ, ut in hierarchia et ordine.

274. — Et quia *eucharistia* non importat aliquam distinctionem supra baptismum, cum ex hoc ipso quod baptizatur aliquis ad eucharistiæ perceptionem deputetur, confirmatio autem addit ; ideo præmittit eucharistiam confirmationi, sicut commune ad proprium.

275. — Magister autem determinat de sacramentis secundum quod sacramenta sunt medicinæ quædam sanctificantes ; et ideo secundum ordinem sanctificationum ordinat sacramenta ; et quia amplioris sanctificationis est eucharistia quam confirmatio, ideo postremo de ea determinat.

276. — « Intelligi datur antiquiora esse etc. » (Ie).

**Videtur hoc esse falsum** ; quia hoc sacramentum quoad rem fuit ante adventum Christi, quoad speciem autem et ritum fuerunt sacrificia quæ erant sacramenta Judæorum, etiam ante Melchisedech.

**Et dicendum** quod loquitur quantum ad figuram hujus sacramenti per similitudinem speciei et ritus. Sacramenta autem quæ in lege naturæ fiebant, non erant figuræ sacramentorum veteris legis, sed magis passionis Christi.

277. — « Consecratio quibus fit verbis ? » (3a).

**Videtur falsum esse quod dicit** ; quia non dicitur : « *Accipite et edite, sed manducate* » ; et præterea hoc non est de forma, ut dictum est supra (144). **Item** non dicitur : « *Hic esi sanguis meus* », sed : « *Hic est calix sanguinis mei.* »

**Et dicendum** quod Magister non intendit hic definite ponere

verba quibus fit consecratio, sed explanare quod verbis Domini

fit; non tamen in omnibus verbis quæ ipse ponit, nec eisdem numero, sed eisdem quoad sensum.

**278.** — « Reliqua autem omnia quæ dicuntur, etc. » (3b).

**Sciendum** quod eorum quæ in officio Missæ dicuntur, *quædam* dicuntur per sacerdotem, *quædam* per ministros, *quædam* a toto choro.

*Ea quidem quibus populus immediate ordinatur ad Deum, per sacerdotes tantum dicuntur* qui sunt mediatores inter populum et Deum: quorum *quædam dicuntur publice*, spectantia ad totum populum in cuius persona ipse solus ea Deo proponit, sicut orationes et gratiarum actiones; *quædam pricativæ*, quæ ad officium ipsius tantum spectant, ut consecrationes et hujusmodi orationes quas ipse pro populo facit, non tamen in persona populi orans; et in omnibus præmittit: « *Dominus vobiscum* », ut mens populi Deo conjungatur ad ipsum per intentionem erecti. Et quia populus in his quæ ad Deum sunt, sacerdotem ducem habet, ideo in fine cujuslibet orationis populus consentit respondens: « *Armen* ». Unde et omnis sacerdotis oratio alte terminatur, etiam si privatim fiat.

**279.** — *Ad ea vero quæ per ministerium aliorum divinitus sunt tradita*, per ministros altaris populus ordinatur.

**280.** — *Ea vero quæ ad dispositionem populi perlinent*, chorus prosequitur: quorum *quædam* a sacerdote inchoantur, quæ ad ea pertinent quæ rationem humanam excedunt, quasi divinitus accepta; *quædam* chorus per seipsum, quibus illa declarantur quæ rationi sunt consona.

Item *quædam* pertinent ad populum ut præparatoria ad divina percipienda; et hæc a choro præmittuntur his quæ a ministris et sacerdote dicuntur; *quædam* vero ex perceptione divinorum in populo causata et hæc sequuntur.

**281.** — **His ergo visis, sciendum est** quod quia omnis nostra operatio a Deo inchoata, circulariter in ipsum terminari debet, ideo Missæ officium incipit ab oratione et terminatur in gratiarum actione. Unde *tres* habet partes principales: scilicet *principium* orationis quod durat usque ad epistolam; *medium*, celebrationem ipsam quæ durat usque ad postcommunionem; et *finem* gratiarum actionis exinde usque in finem.

**282.** — **Prima pars duo** continet: scilicet populi præparatio- nem ad orationem et ipsam orationem<sup>3</sup>. *Præparatur* autem populus ad orationem *tripliciter*.

*Primo per devotionem* quæ excitatur in introitu; unde et sumitur ex aliquo pertinente ad solemnitatem in cuius devotionem populus congregatur, et psalmus etiam adjungitur.

*Secundo per humiliationem* quæ fit per « *Kyrie eleison* », quia misericordiam petentes miseriam profitentur, et dicitur novies

1. Ed. « per reliqua ». — 2. Ed. om. « non ». — 3. ἀβσϵη om. per homot. « et ipsam orationem ».

propter novem ordines Angelorum vel propter fidem Trinitatis, secundum quod quaelibet personal in se consideratur et in ordine ad alias duas<sup>2</sup>.

*Tertio per rectam intentionem* quæ ad cælestem patriam et gloriam dirigenda est, quæ omnem rationem humanam excedit ; et hoc fit per « *Gloria in excelsis* », quam<sup>2</sup> chorus prosequitur sacerdote inchoante ; et ideo non dicitur nisi in solemnitatibus quæ nobis cælestem solemnitatem repræsentant ; in officiis vero luctus omnino intermittitur.

*Deinde sequitur oratio ad Deum pro populo fusa* quam sacerdos publice proponit præmisso « *Dominus vobiscum* », quod sumitur de *Ruth*, ii, 4. Pontifex autem dicit : « *Pax vobis* » gerens typum Christi qui his verbis discipulos post resurrectionem allocutus est, *Johann.*, xx, 19, 21.

**283. — Secunda autem pars principalis** tres partes continet. *Prima* est populi instructio usque ad offertorium ; *secunda*, materie oblatio usque ad præfationem ; *tertia*, sacramenti consummatio usque ad postcommunione.

*Instructio autem populi* fit per verbum Dei, quod quidem a Deo per ministros suos ad populum pervenit. Et ideo ea quæ ad instructionem plebis pertinent non dicuntur a sacerdote, sed a ministris.

*Ministerium autem verbi Dei est triplex. Primum auctoritatis*, quod competit Christo qui dicitur minister, *Rom.*, xv, 8, de quo dicitur *Mat.*, v, ii, 29 : « *Erat autem P in potestate docens* ».

*Secundum manifestæ veritatis* quæ competit prædicatoribus novi testamenti, de quo dicitur *II Cor.*, m, 6 : « *Qui et idoneos nos fecit ministros, etc.* »

*Tertium figuracionis* quod competit prædicatoribus veteris testamenti.

Et ideo doctrinam Christi proponit *diaconus*. Et quia Christus non solum est homo, sed Deus ; ideo diaconus præmittit : « *Dominus vobiscum* », ut ad Christum quasi ad Deum homines attentos faciat.

Doctrina vero prædicatorum novi testamenti proponitur *per subdiaconos*. Nec obstat quod aliquando ab eis legitur loco Epistolæ aliquid de veteri Testamento, quia prædicatores novi testamenti etiam vetus prædicant.

Doctrina vero prædicatorum veteris testamenti *per inferiores ministros* legitur non semper, sed illis diebus quibus præcipue configuratio novi et veteris testamenti designatur, ut in jejuniis quatuor temporum, et quando aliqua celebrantur quæ in veteri lege figurata sunt, sicut passio, nativitas, baptismus et aliquid hujusmodi.

Et quia utraque doctrina ordinat ad Christum, et eorum qui præibant, et eorum qui sequebantur ; ideo doctrina Christi postponitur quasi finis.

1. *βγ ad.* « et ». — 2. Ed. *om.* « duas ». — 3. *αδ* « quem », ed. « quod », contra *βγνη*. — *It.* *β* « enim ». — 5. Ed. « aliquid ».

*Ex doctrina autem ordinante ad Christum duplex effectus* in populo provenit, quibus etiam homo præparatur ad doctrinam Christi : scilicet *perfectus virtutum* qui per graduale insinuat — dicitur enim a gradu quo ascenditur de virtute in virtutem, vel a gradibus altaris ante quos dicitur, — *et exultatio habita de aeternorum spe*, quod insinuat « *Alleluia* » ; unde et replicatur propter stolam animæ et corporis. *In diebus vero et officiis lucius* intermittitur, et loco ejus tractus ponitur qui asperitate vocum et prolixitate verborum præsentis miseræ incolatum insinuat. *Tempore autem Resurrectionis duplex « Alleluia »* dicitur propter gaudium resurrectionis capitis et membrorum.

*Effectus autem evangelicæ doctrinae est fidei confessio* ; quæ, quia supra rationem est, a sacerdote inchoatur symbolum fidei et chorus prosequitur, nec dicitur nisi in illis solemnitatibus de quibus fit mentio in symbolo, sicut de nativitate, resurrectione, de Apostolis qui fidei fundatores extiterunt, ut dicitur *1 Cor.*, m, 10 : « *Ut sapiens architectus fundamentum posui.* »

**284.** — Deinde sequitur *secunda pars secundæ principalis quæ perlinet ad materiam consecrandæ oblationem* ; et hic *tria* continentur<sup>4</sup>. *Praemittitur enim offerentium exultatio*, quasi præparatoria, in offertorio, quia « *hilarem datorem diligit Deus* », *11 Cor.*, ix, 7 ; *exprimitur ipsa oblatio dum dicitur* : « *Suscipe sancta Trinitas* » ; *petitur oblationis acceptatio*<sup>5</sup> per orationes secreto dictas, quia hoc sacerdotis tantum est Deum oblationibus placare, ad quam orationem sacerdos per humilitationem<sup>6</sup> se præparat dicens « *In spiritu humilitatis etc.* »<sup>7</sup>. Et quia hæc *tria* prædicta exigunt mentis erectionem ad Deum, ideo omnibus tribus præmittitur : « *Dominus vobiscum* », loco cujus quando oratio secreta facienda est, dicitur : « *Orate fratres.* »

**285.** — *Tertia pars secundæ principalis partis quæ ad sacramenti perceptionem pertinet, tria* continet : *Primo* præparationem ; *secundo* sacramenti perfectionem, ibi : « *Te igitur etc.* » ; *tertio* sacramenti sumptionem<sup>8</sup>, ibi : « *Oremus. Præceptis etc.* »<sup>9</sup>.

*Praeparatio autem populi et ministrorum et sacerdotis ad tantum sacramentum* fit per devotam Dei laudem ; unde in præfatione, in qua fit dicta præparatio *tria* continentur.

*Primo* populi excitatio ad laudem, ubi sacerdos præmisso « *Dominus vobiscum* » quod ad totam hanc tertiam partem referendum est, inducit ad mentis erectionem, dicens : « *Sursum corda* », et ad gratiarum actionem, dicens : « *Gratias agamus etc.* »<sup>10</sup>.

*Secundo* Deum implorat ad laudem suscipiendum, ostendens laudis debitum, dicens : « *Vere dignum* », ratione dominii, unde subdit : « *Domine sancte* » ; « *justum* » ratione paternitatis, unde subdit : « *Pater omnipotens* » ; « *æquum* », ratione Deitatis, unde subdit : « *Æterne Deus* » ; « *salutare* » ratione redemptionis, unde subdit : « *Per Christum Dominum nostrum* ». Quandoque vero

1. Ed. om. † in ». — 2. Ed. om. « dicitur ». — 3. Ed. « hæc ». — 4. Ed. « continet ». — 5. Ed. « acceptio ». — 6. Ed. « humilitatem ». — 7. Ed. om. « etc. ». — 8. Ed. « susceptionem ». — 9. Ed. om. « etc. ». — 10. Ed. om. « etc. » et sæpe hic.

adjungitur aliqua alia laudis materia secundum congruentiam solemnitatis, sicut : « *Et te in Assumptione* etc. » ; etiam proponens laudis exemplum : « *Per quem majestatem* etc. »

*Tertio* populus laudes exsolvit et Divinitatis, assumens Angelorum verba : « *Sanctus, sanctus, sanctus* etc. » Is., vi, 3 ; et humanitatis Christi, assumens verba puerorum : « *Benedictus qui venit*, etc. » Mat., xxi, 9.

**286.** — Illa aytem **pars quæ perfectionem sacramenti continet**, in *Ires* dividitur, secundum tria quæ sunt de integritate hujus sacramenti : scilicet *aliquid* quod est sacramentum tantum ; *aliquid* quod est res et sacramentum ; *aliquid* quod est res tantum.

In *prima* ergo<sup>2</sup> parte continetur benedictio oblatæ materiæ quæ est tantum sacramentum ; in *secunda* corporis et sanguinis Christi consecratio, quod est res et sacramentum, ibi : « *Quam oblationem* » ; in *tertia*, effectus sacramenti postulatio quod est res tantum, ibi : « *Supra quæ propitio* etc. »

Circa primum *duo* facit sacerdos. *Primo* petit oblationis benedictionem quæ dicitur donum a Deo nobis datum, munus Deo a nobis oblatum, sacrificium ad nostram salutem a Deo sanctificatum. *Secundo* petit offerentibus sive pro quibus offertur salutem. ibi : « *in primis quæ tibi* etc. »

Ubi *tria* facit. *Primo* commemorat eos pro quorum utilitate offertur hostia tam quantum ad generalem statum Ecclesiæ, quam quantum ad speciales personas, ibi : « *Memento.* » *Secundo* commemorat eos in quorum offertur reverentia, ibi : « *Communicantes* » ; et ponitur Virgo quæ Christum in templo obtulit, Apostoli qui ritum offerendi nobis tradiderunt, et Martyres qui seipsos Deo obtulerunt, non autem Confessores, quia de eis<sup>3</sup> antiquitus non solemnizabat Ecclesia, vel quia non sunt passi sicut Christus, cujus passionis memoriale est hoc sacramentum. *Tertio* concluditur expresse quid per oblationem hostiæ impetrandum petatur, ibi : « *Hanc igitur oblationem* etc. »

**287.** — « *Quam oblationem* ». Hæc pars ad consecrationem pertinet, quæ *tria* continet. *Primo* imploratur consecrantis virtus. *Secundo* perficitur consecratio, ibi : « *Qui pridie.* » *Tertio* exponitur rei consecratæ commemoratio, ibi : « *Unde et memores* etc. »

Verba autem illa quæ ibi dicuntur : « *Benedictam, adscriptam*, etc. » possunt referri *uno modo* ad hoc quod est res contenta in hoc sacramento, scilicet Christum qui est hostia « *benedicta* » ab omni macula peccati immunis ; « *adscripta* », idest præfigurata figuris veteris testamenti et prædestinatione divina præordinata ; « *rata* », quia non transitoria ; « *rationalis* », propter congruitatem ad placandum ; « *acceptabilis* », propter efficaciam.

*Alio modo* possunt referri ad ipsam hostiam, quæ est sacra-

1. Ed. « proponitur ». — 2. Ed. « igitur. » — 3. Ed. « iis ».

mentum tantum ; quam petit fieri : « *benedictam* », ut Deus eam consecret ; sed ut confirmet quantum ad memoriam : « *adscriptam* » ; quantum ad propositum immobile : « *ratam* » ; ut eam acceptet : « *rationabilem* », quantum ad iudicium rationis ; « *acceptabilem* », quantum ad beneplacitum voluntatis.

*Tertio modo* possunt referri ad effectum. Unde dicit : « *Benedictam* », per quam benedicimur ; « *adscriptam* », per quam in coelis adscribamur ; « *rufam* », per quam in membris Christi censeamur ; « *rationabilem* », per quam a bestiali sensu eruamur ; « *acceptabilem* », per quam Deo accepti simus.

**288**, — « *Supra quæ propitio* etc.<sup>3</sup> ». Hic petit sacerdos sacramenti effectum : et *primo* effectum gratiæ ; *secundo* effectum gloriæ, ibi : « *Memento etiam Domine* etc. »

*Circa primum duo* facit. *Primo* petit acceptari sacramentum, quod est gratiæ causa. *Secundo* petit dari gratiæ donum, ibi : « *Supplices te rogamus* » ; cujus expositio infra, 13 d. ponetur.

Effectum autem gloriæ *primo* petit jam mortuis, ibi « *Memento* » ; *secundo* adhuc vivis, ibi : « *Nobis quoque*, etc. »

Completur autem canon Missæ more orationum aliarum in Christo ibi : « *Per Christum Dominum nostrum* etc. » per quem hoc sacramentum originem habet et quantum ad substantiam ; unde dicit, « *creas* », propter esse naturæ, « *sanctificas* », propter esse sacramenti ; et quantum ad virtutem ; unde dicit, « *Vivificas* », propter effectum gratiæ quæ est vita animæ ; « *benedicis* », propter gratiæ augmentum ; et quantum ad operationem sive usum ; unde dicit : « *Et præstas nobis* ».

**289**. — « *Oremus. Præceptis salutaribus*, etc. » *Hic ponitur sacramenti perceptio*, ad quam præmittitur præparatio communis et specialis.

*Communis triplex* : *primo* enim ponitur sacramenti petitio in oratione dominica, in qua dicitur : « *Panem nostrum* etc. » ; *secundo* percipientium expiatio per orationem sacerdotis : « *Libera nos* » ; *tertio* pacis adimpletio, ibi : « *Pax Domini*. » Hoc enim sacramentum est sanctitatis et pacis ; et quia pax Christi exsuperat omnem sensum, ideo pacis petitio a sacerdote inchoatur, cum dicit « *Pax Domini* », et a choro completur, cum dicitur : « *Agnus Dei* » ; et sic tria a sacerdote incepta prosequitur, scilicet, « *Gloria in excelsis* », quod pertinet ad spem ; « *Credo in unum Deum* », quod pertinet ad fidem ; « *Pax Domini* », quod pertinet ad caritatem. Petit autem populus misericordiam quantum ad amotionem mali contra miseriam culpæ et pœnæ, et pacem quantum ad consecutionem omnis boni ; unde ter « *Agnus Dei* » dicitur.

*Præparatio autem specialis sacerdotis* sumentis fit per orationes quas privatim dicit : « *Domine Jesu Christe* », et si quæ aliæ sunt.

**290**. — *Tertia pars principalis est gratiarum actionis*, et continet *duo* : *rememorationem accepti beneficii* in cantu antiphonæ

1. Ed. « et ». — 2. Ed. « ante ». — 3. Ed. *om t* « etc. » et multipliciter postea.

post communionem, et *gratiarum actionem* in oratione quam sacerdos prosequitur, ut conformiter finis Missæ principio respondeat.

**291.** — Sciendum autem quod in officio Missæ, ubi passio repræsentatur, *quædam* continentur *verba græca*, sicut « *Kyrie eleison* », idest Domine miserere ; *quædam hebraica*, sicut « *Alleluia* », idest laudate Deum, « *Sabaoth* », idest exercituum, « *Hosanna* », salva obsecro, « *Arnen* », idest vere vel fiat ; *quædam latina quæ* patent ; quia his tribus linguis scriptus est titulus crucis Christi, J o a n . , x i x , 20.

## DISTINCTIO IX

### De duobus modis manducandi

1. — Et sicut duæ sunt res illius sacramenti, ita etiam duo modi manducandi: Unus sacramentalis, scilicet quo boni et mali edunt; alter spiritualis, quo soli boni manducant. » (Glossa Lyrani ad I Cor., xi, 29.)

Unde Augustinus (serm. 71, c. 11, n. 7; L. 38, 453) « *Quid est Christum manducare? Non est hoc solum in sacramento corpus ejus accipere — multi enim indigne accipiunt — sed in ipso manere, et habere ipsum in se manentem. Spiritualiter enim manducat qui in unitate Christi et Ecclesie quam sacramentum significat manet.* » « *Nam qui discordat a Christo nec carnem Christi manducat, nec sanguinem bibit, etsi tantæ rei sacramentum ad iudicium sui quotidie accipiat.* » (lib. Sent. Prosp. n. 341; L. 45, 1890.)

a. — Spiritualem manducationem Augustinus distinguens a sacramentali (in Joan., tr. 25, n. 12; L. 35, 1602): « *Ut quid paras ventrem et dentem? Crede et manducasti.* » « *Crede enim in eum, hoc est manducare panem et vinum\*.* *Qui credit in eum, manducat eum.* » (Ibid., tr. 26, n. 1)

Item (ibid., n. 18; L. 35, 1614): « *Quomodo manducandus est Christus? Quomodo ipse dicit* (Joan., vi, 57): « *Qui manducat meam carnem et bibit meum sanguinem, in me manet et ego in illo.* » *Si in me manet et ego in eo, tunc bibit: qui vero in me non manet, nec ego in illo, etsi accipit sacramentum, acquirit magnum tormentum.* »

b. — Item (Beda in I Cor., x, 16): « *Nulli ambigendum est, tunc quemquam corporis et sanguinis Domini participem fieri, quando Christi membrum efficitur, nec alienari ab illius panis calicisque consortio, etiamsi antequam illum panem edat et calicem bibat, de hoc seculo in unitate corporis Christi constitutus abscedat; quia illius sacramenti beneficio non privatur, quando ille habere hoc quod illud sacramentum significat, invenitur.* » In illo enim sacramento corpus et sanguinem suum nobis commendavit, quod et fecit nos ipsos. Nam et nos corpus ipsius facti sumus.

Item (Sent. Prosp., n. 341; L. 45, 1890). « *Qui discordat a Christo, non manducat carnem ejus, nec bibit sanguinem, etsi tantæ rei sacramentum ad iudicium sibi quotidie accipit.* »

### De errore quorundam qui dicunt a bonis tantum corpus Christi sumi

2. — Hæc verba et alia hujusmodi, ubi de spirituali manducatione agitur, Quidam obtuso corde legentes, erroris caligine involuti sunt, adeo ut præsumperint dicere, corpus et sanguinem Christi a bonis tantum sumi, et non a malis.

3. — Sed indubitanter tenendum est a bonis sumi non modo sacramentaliter, sed et spiritualiter; a malis vero tantum sacramentaliter; idest sub sacramento, scilicet sub specie visibili carnem Christi de Virgine

1. Quar. ad. « et ». — 2. Quar. om. « scilicet ». — 3. Ed. « comedere ». — 4. Ed. « verum ». — 5. Quar. « quemque ». — 6. Quar. « sanguinisque ». — 7. Quar. « in ». — 8. Ed. « signat ».

sumptam, et sanguinem pro nobis fusum sumi, sed non mysticam, quæ tantum bonorum est.

Quod subditis probatur testimoniis.

Gregorius<sup>1</sup> (tie Corp, et Sang. Dom. c. 20 ; L. 150, 436) : « *Est quidem in peccatoribus et indigne sumentibus vera Christi caro et verus sanguis, sed essentia, non salubri efficientia.* »

a. — Item Augustinus (in Joan., tr. 6, n. 15 et tr. 62, n. 1 ; L. 35, 1432, 1801) : « *Multi indigne accipiunt corpus Domini, de quibus ait Apostolus (I Cor., xi, 29) : « Qui manducat panem et bibit calicem Domini indigne, iudicium sibi manducat et bibit. » Per quod docemur quam sit cavendum male accipere bonum. Ecce enim jactum est<sup>2</sup> malum, dum male accipitur bonum ; sicut e contra<sup>3</sup> Apostolo factum est bonum, cum bene accipitur malum, scilicet dum stimulus satanæ patienter portatur. Ergo et mala prosunt bonis, sicut angelus satanæ Paulo, et sancta obsunt malis ; bonis sunt ad salutem, malis ad iudicium. Unde qui manducat et bibit indigne, iudicium sibi manducat et bibit ; non quia res illa mala est. sed quia malus male accipit quod bonum est.* »

Idem (lib. V de Bapt. cont. Donat, c. 8, n. 9 ; L. 43, 181) : « *Indigne quis sumens corpus Christi, non efficit ut, quia malus est, malum sit quod accipit ; vel quia non ad salutem accipit, nihil accipiat. Corpus enim et sanguis Domini nihilominus erat in illis quibus ait Apostolus : « Qui manducat indigne etc.* »

His aliisque pluribus aperte ostenditur quod etiam a<sup>4</sup> malis verum corpus Christi et sanguis sumitur, sed sacramentaliter, non spiritualiter.

#### De intelligentia quorundam verborum

4. — Secundum hos duos modos sumendi intelligentia quorundam verborum ambigue dictorum distinguenda est.

Ait enim Augustinus (Glossa ad I Cor., xi, 24) : « *Bonus accipit sacramentum et rem sacramenti ; malus vero sacramentum et non rem.* »

Sacramentum hic dicit corpus Christi proprium de Virgine natum<sup>5</sup> ; rem vero spiritualem Christi carnem. Bonus ergo utramque Christi carnem accipit ; malus vero tantum sacramentum, idest corpus Christi sub sacramento, et non rem spiritualem.

Item (in Glossa) : « *Non manducans manducat, et manducans non manducat ; quia non manducans sacramentaliter aliquando manducat spiritualiter* », et e converso.

a. — Et qui manducant spiritualiter, veritatem carnis et sanguinis dicuntur sumere, « *quia ipsam efficientiam habent, idest remissionem peccatorum* », (Lanfrancus de corp, et sang. Dom. c. 20 ; L. 150, 436) pro quo videtur orari, cum dicitur : « *Perficiant in nobis, Domine, quæsumus, tua sacramenta quod continent, ut quod nunc specie gerimus, rerum veritate capiamus.* (Postcom. in sabbato IV Temp, septembris) » Rerum veritatem dicit ipsam efficientiam ; quasi dicat : Per hæc sacramenta præsta ut sicut sacramentaliter carnem Christi sumimus, ita spiritualiter sumamus. « *Vel petit sacerdos ut Christus, qui nunc specie panis et vini sumitur, manifesta visione, sicut in essentia Divinitatis est, quandoque capiatur.* »

Constat ergo<sup>7</sup> a bonis et a malis sumi corpus Christi ; sed a bonis ad salutem, a malis ad perniciem.

1. Lanfrancus. — 2. Ed. om. « est ». — 3. Ed. « contra ». — 4. Ed. om. « a », — 5. Quar. « ductum ». — 6. Quar. om. « dicat ». — 7. Quar. « igitur ».

## DIVISIO TEXTUS

5. —<sup>1</sup> « Et sicut sunt duæ res, etc! » (1).

Postquam determinavit Magister de sacramento eucharistiæ secundum se, *hic determinat de usu ipsius*.

Et dividitur in partes tres. *In prima* distinguit duos modos manducandi corpus Christi. *In secunda* excludit ex determinatis quemdam errorem, ibi : « Hæc verba et alia hujusmodi etc. » (2). *In tertia* manifestat quædam dubia ex prædeterminatis, ibi : « Secundum hos duos modos etc. (4). »

*Secunda* dividitur in duas. *In prima* ponit errorem. *In secunda* excludit ipsum, ibi : « Sed indubitanter tenendum etc. » (3).

Hic quaeruntur quinque :

*Primo*, de ipsa manducatione corporis Christi.

*Secundo*, qui possint manducare.

*Tertio*, utrum peccatoribus liceat corpus Christi manducare.

*Quarto*, utrum corporaliter pollutis.

*Quinto*, quibus sit dandum ad manducandum.

## ARTICULUS I

[I]

6. — **AD PRIMUM SIC PROCEDITUR.** Videtur quod Corpus Christi non debeat sumi per modum manducationis.

1. Quia quod manducatur per os intrat. « *Omne autem quod per os intrat, in ventrem vadit et per secessum emittitur* », ut dicitur Mat. xv, 17 : quod dignitati corporis Christi non competit. Ergo non debet per modum manducationis sumi.

2. **Præterea.** Quod manducatur, ad manducantem trahitur. Sed, dicit dicit Dionysius, 4 cap. de *Div. Nom.* (G. 3, 693) nos non trahimus Deum ad nos, sed magis nos in Deum. Ergo non debemus<sup>2</sup> Deo conjungi per modum manducationis.

3. **Præterea.** Hoc sacramentum ordinatur ad refectionem mentis. Sed refectio mentis quæ erit in patria, erit per visionem. Ergo corpus Christi deberet dari videndum, non manducandum.

7. — **SED CONTRA** est quod dicitur Jo an., vi, 56 : « *Caro mea vere est cibus* ». Sed usus cibi non est ut videatur, sed ut manducetur. Ergo non debet videri tantum corpus Christi, sed manducari.

8. — **Præterea.** Oportet membra capiti realiter conjungi, ad

1. Ed. *cm.* « etc » et sic deinceps. — 2. Ed. *ad.* « nos ».

hoc quod vivificentur. Sed per visum non conjungitur nobis aliquid realiter, sed secundum similitudinem tantum. Ergo non per visum, sed per manducationem corpus Christi sumi debet.

**9. — ULTERIUS.** Videtur quod manducatio corporis Christi sit de necessitate salutis.

1. *Sicut* enim dicitur de baptismo, Jo an., hi, 8 : « Nisi quis renatus fuerit ex aqua et Spiritu sancto, non potest introire in reanum caelorum! »; ita dictum est Jo an., xi, 54 : « Nisi manducaveritis carnem Filii hominis et biberitis ejus sanguinem non habebitis vitam in vobis. » Sed propter verba praedicta dicitur baptismus sacramentum necessitatis. Ergo eadem ratione manducatio corporis Christi est de necessitate salutis.

2. **Præterea.** Innocentius III dicit (*de sacro Altaris mysterio* lib. IV, c. 42; L. 217, 883) quod « *manducandus est agnus, ut a vastante Angelo prolega mur.* » Sed protegi a vastante Angelo est de necessitate salutis. Ergo et praedicta manducatio.

3. **Præterea.** Per istam manducationem Christo incorporamur. Sed hoc est de necessitate salutis, sicut et a peccato mundari. Ergo praedicta manducatio est de necessitate salutis, sicut et poenitentia<sup>1</sup> et baptismus quibus a peccatis mundamur.

**10. — SED CONTRA.** Pueri baptizati salutem consequuntur, cum gratia in baptismo detur. Sed eis non datur corpus Christi manducandum. Ergo manducatio praedicta non est de necessitate salutis.

**11. — Præterea.** Baptismi ministerium propter hoc quod est de necessitate salutis, omnibus est concessum in casu necessitatis. Sed hoc sacramentum per solos sacerdotes perfici potest. Ergo non est sacramentum necessitatis.

### [III]

[III, q. 80, a. 1 ; *De Ven. Sacram. Altar.*, serm. 17 : in *Joan.*, c. 6, l. 6, 7 ; *I ad Cor.*, c. 11, l. 7.]

**12. — ULTERIUS.** VIDETUR QUOD MALE DISTINGUANTUR duo modi manducationis in *Littera* (1).

1. Corpus<sup>2</sup> Christi est cibus spiritualis. Sed cibi corporalis manducatio semper est corporalis. Ergo et hujus cibi manducatio semper est spiritualis ; et ita non sunt duo modi manducationis.

2. **Præterea.** In aliis sacramentis non attenditur aliqua distinctio nisi ex parte recipientis tantum, sicut quod quidam

1. Ed. « Dei », — 2. Ed. *ad.* « enim ».

accedunt ficti, quidam non. Sed hæc distinctio videtur esse **ex** parte ipsius sacramenti. Ergo inconvenienter ponitur.

3. **Præterea.** Ubi unum propter alterum, ibi unum tantum. Sed manducatio sacramentalis est propter spiritualem. Ergo una non debet contra alteram distingui.

13. — **SED CONTRA.** Videtur QUOD SINT PLURES MODI.

4. Quia usus hujus sacramenti dicitur manducatio. Sed in hoc sacramento sunt tria : scilicet id quod est sacramentum tantum, et id quod est res et sacramentum, et id quod est res tantum. Ergo debent esse tres modi manducationis.

14. — **Præterea.** In baptismo etiam fit trimembris divisio suscipientium : quidam enim suscipiunt rem et sacramentum ; quidam sacramentum et non rem ; quidam rem et non sacramentum. Sed susceptio hujus sacramenti dicitur manducatio. Ergo hic etiam debet distingui triplex modus manducandi.

15. — **RESPONSIO.** Dicendum **AD PRIMAM QUÆSTIONEM** quod, sicut supra<sup>3</sup> (d. 8, 16) dictum est, ad perfectionem sacramentorum novæ legis exigitur quod sit aliquod sacramentum in quo Christus nobis realiter jungatur et uniatur, non solum per participationem virtutis ejus sicut est in aliis sacramentis. Et quia sacramentum est sensibile signum, ideo oportet quod alicui sensui usus sacramenti approprietur.

16. — In sensibilibus autem est *triplex* differentia.

*Quædam* enim sentientibus neque junguntur neque uniuntur, sicut ea quæ sentiuntur per medium extrinsecum ut in visu præcipue accidit et auditu et olfactu, sed solum similitudines sensibilibus ad sensum referuntur.

*Quædam* autem sensibilia junguntur quidem, sed non uniuntur realiter, sed secundum assimilationem qualitatis<sup>4</sup> tantum, sicut accidit in tactu ; quia qualitates tangibilium immutant tactum nec tamen ex tangente et tacto fit unum nisi secundum quid.

*Quædam* autem et junguntur et uniuntur, sicut accidit in cibis et potibus.

17. — **Et ideo sumptio hujus sacramenti congrue per modum manducationis fit.** *Alia vero sacramenta novæ legis* quibus per virtutem eis inditam Christo simulamur<sup>5</sup>, fiunt in tangendo tantum, ut baptismus. *Figure autem veteris testamenti* quæ solam similitudinem Christi venturi habebant, significabant per modum visionis.

**Competit etiam manducatio passioni Christi in hoc sacra-**

1. Ed. « aliam ». — 2. Ed. om. « et ». — 3. Ed. om. « supra ». — 4. γ « quantitatis ». — 5. Ed. « assimilamur ».

**mento repraesentatae**, per quam corpus Christi vulneratum fuit ; **convenit etiam effectui**, qui est robur animæ.

18. — **AD PRIMUM** ergo dicendum quod ratio illa procedit de cibo qui ordinatur ad refecionem corporis quem oportet digeri, et sic impuro separato in membra converti ; sed cibus iste ordinatur ad refecionem mentis ; et propter hoc ratio non sequitur.

19. — **Ad secundum** dicendum quod de ratione manducationis est quod aliquid per os introrsum sumatur ; sed *esse in aliter* in spiritualibus et! corporalibus sumitur ; quia in corporalibus quod est in, continetur sicut locatum in loco ; in spiritualibus autem quod est in, continet sicut anima corpus. Et ideo convenienter cibus corporis trahitur ad corpus ut contentum ad continens ; cibus autem mentis trahit ad se mentem, ut continens contentum : propter quod Augustinus (VII, *Conf.*, c. 10; L. 32, 742) dicit sibi dictum : « *Non tu me mutabis in te sicut cibum carnis tuæ ; sed tu mutaberis in me.* »

20. — **Ad tertium** dicendum quod res visa beatificans per essentiam suam videnti conjungetur in patria : quod quidem non accidit in visione corporali. Et quia oportebat hanc conjunctionem significari per aliquod sensibile signum, oportuit illud sensibile ad hoc assumi quod realiter conjungatur et uniatur.

21. — *In patria* autem signis sacramentalibus opus non erit ; nihilominus propter similitudinem ad ea quæ nunc geruntur, frequenter illis beata visio nobis per figuram manducationis in Scriptura exprimitur.

22. — **AD SECUNDAM QUÆSTIONEM** dicendum quod gratia est sufficiens causa gloriæ ; unde omne illud sine quo potest haberi gratia, non est de necessitate salutis. Hoc autem sacramentum gratiam præsupponit, quia præsupponit baptismum in quo gratia datur ; nec debet peccato præveniri quod gratiam privet ; et ideo **quantum est de se, non est de necessitate salutis.**

23. — **Sed de ordinatione Ecclesiæ** homines obligantur secundum Ecclesiæ statutum corpus Christi **semel in ànno** sumere.

24. — **AD PRIMUM** ergo dicendum quod Dominus loquitur de manducatione spirituali sine qua non potest esse salus.

25. — **Ad secundum** dicendum quod Innocentius loquitur quantum ad institutionem Ecclesiæ, vel etiam quantum ad manducationem spiritualem.

26. — **Ad tertium** dicendum quod incorporatio spiritualis ad

1. Ed. *ad.* « aliter in ».

Christum potest esse sine manducatione sacramentali. Et ideo non oportet quod sit sacramenti susceptio de necessitate salutis.

**27. — AD TERTIAM QŪÆSTIONEM** dicendum quod divisio formalis alicujus sumitur penes id quod competit ei per se et non per accidens.

Usus autem alicujus rei per se et non per accidens, est quando utitur quis re aliqua ad hoc ad quod instituta est.

**28. —** Unde cum manducatio dicat usum hujus sacramenti, quod quidem ad hoc institutum est ut quis re sacramenti potiatur, distinguetur manducatio secundum duas res hujus sacramenti : **ut manducatio sacramentalis** respondeat ei quod est res et sacramentum ; **manducatio vero spiritualis** ei quod est res lanium.

**29. — AD PRIMUM** ergo dicendum quod manducatio cibi corporalis non præsупponit aliam manducationem quæ sit ejus causa, sicut manducatio spiritualis præsупponit sacramentalem quasi causam.

Unde in his qui sacramentaliter manducant, potest ex defectu manducantium impediri effectus sacramenti qui est spiritualis manducatio. Et ideo possunt hæ manducationes ab invicem separari, et propter hoc oportet eas distinguere.

**30. — Ad secundum** dicendum quod *perfectio aliorum sacramentorum in ipso usu consistit*, et ideo eorum distinctio non potest nisi ex parte recipientium sumi ; *sed perfectio hujus sacramenti in ipsa materiæ consecratione consistit*, et ideo potest esse hic distinctio ex parte ipsius sacramenti.

**31. — Ad tertium** dicendum quod verbum illud intelligitur in his quæ hoc modo ad se invicem ordinantur quod ab invicem separari non possunt : sicut quando talis effectus nunquam potest esse sine tali causa, nec e converso ; et tunc etiam non excluditur diversitas rerum inter causam et causatum, sed ponitur necessitas ordinis.

**32. — Ad quartum** dicendum quod id quod est hic res et sacramentum, nunquam separatur ab eo quod est sacramentum tantum ; et si separaretur usus ejus quod est sacramentum tantum, esset accidentaliss<sup>3</sup> usus ; et ideo penes hoc non debet sumi aliquis modus manducationis specialis.

**33. — Ad quintum** dicendum quod hic etiam posset talis fieri distinctio<sup>4</sup>. *Quibusdam enim conjunguntur duæ manducationes*, et hi suscipiunt rem et sacramentum ; *et in quibusdam*

1. *αβη* « spiritualis », *γ* « corporalis », *ε* « ut manducatio sacramentalis respondeat ei quod est sacramentum, et ut spiritualis, manducatio respondeat ei quod est res tantum. » — 2. *α* « sacramentalis ». — 3. *α* « actualis », *γ* « accidentaliter ». — 4. Ed. ad. \* in ».

*separantur*, et hi suscipiunt vel rem tantum vel sacramentum tantum.

Sed quia hæc divisio magis se tenet ex parte suscipientium quam ex parte sacramenti, ideo non est propria huic sacramento sicut baptismo.

## ARTICULUS II

[I]

[III, q. 80, a. 3; *I ad Cor.*, c. 11, l. 7.]

**34. — AD SECUNDUM SIC PROCEEDITUR,** Videtur quod PECCATOR NON MANDUCET CORPUS CHRISTI SACRAMENTALITER.

1. Ouia, ut dicitur *Sap.*, i, 4 : « *In malevolam animam non introibit sapientia, nec habitabit in corpore subdito peccatis* ». Sed Christus qui est res contenta in hoc sacramento, est Dei sapientia, ut habetur *I Cor.*, i, 24. Ergo a peccatore sumi non potest.

2. **Præterea.** Cibus iste non vadit in ventrem, sed in mentem. Non autem vadit in mentem peccatoris. Ergo nullo modo corpus Christi sumit.

3. **Præterea.** Nihil indecens debet fieri a sapiente. Sed hoc est valde indecens quod corpus tam pretiosum in immundo corpore ponatur. Ergo cum corpus peccatoris sit immundum, non recipiet verum corpus Christi.

**35. — SED CONTRA.** Majus videtur consecrare corpus Christi quam sumere. Sed peccator potest consecrare. Ergo et sumere.

**36. — Præterea.** Christi corpus non est magis nobile sub sacramento quam in specie propria. Sed in specie propria permisit se a peccatoribus tractari. Ergo et sub specie sacramenti a peccatoribus manducari potest.[II]

[II]

[III, q. 80, a. 3; *I ad Cor.*, e. 11, l. 7.]

**37. — ULTERIUS.** Videtur quod infideles sacramentaliter comedunt.

1. Ouia, sicut dicit Hugo de S. Victore (*II de Sacram.*, p. 8, c. 13; L. 176, 471), quamdiu sensus corporalis afficitur, præsentia carnis non tollitur. Sed sensus corporalis infidelis afficitur. Ergo præsentiam corporalem carnis Christi non amittit.

2. **Præterea.** Infidelis potest recipere characterem qui est

1. Ed. \* comedant ».

res et sacramentum, in baptismo. Sed fides operatur in baptismo sicut in eucharistia. Ergo et corpus Christi sacramentaliter potest manducare.

3. **Prætereal.** Plus est conficere corpus Christi quam sumere. Sed haereticus habens ordinem potest conficere, ut infra dicitur (d. 13, q. 1, a. 1, sol. 3). Ergo et potest sacramentaliter manducare.

**38. — SED CONTRA.** In forma hujus sacramenti ponitur « *Mysterium fidei* ». Ergo hi qui fide carent, sacramentaliter manducare non possunt.

**39. — Prætearea.** De ratione sacramenti est quod significet et efficiat. Sed in eo qui non habet fidem non efficit aliquid, nec aliquid ei significat. Ergo sacramentaliter non manducat.

### [III]

[III, q. 80, a. 3.]

**40. — ULTERIUS.** Videtur quod creatura irrationalis non sumat aliquo modo corpus Christi.

*Primo* per hoc quod Magister infra dicit, quod hoc quod a brutis sumitur, non est corpus Christi.

**2. Prætearea.** Hoc sacramentum est majoris perfectionis quam baptismus. Sed quantumcumque brutum animal aqua abluatur, non dicitur baptismi sacramentum percipere aliquo modo. Ergo neque sacramentum corporis Christi poterit aliquo modo percipere.

3. **Prætearea.** Constat quod non percipit spiritualiter, quia non credit; neque sacramentaliter, quia sacramenta creaturæ rationali sunt tradita. Si ergo aliquo modo sumat, erit tertius modus manducandi præter duos in *Littera* (1) assignatos.

**41. — SED CONTRA.** Deus magis abominatur peccatorem quam creaturam irrationalem<sup>2</sup>, in qua non est nisi quod Deus in ea fecit, qui solus culpam non fecit. Sed, sicut in *Littera* (3) determinatur, corpus Christi verum a peccatoribus sumitur. Ergo et a brutis.

**42. — Prætearea.** Si corpus Christi per negligentiam vel quocumque modo in aliquem locum immundum projiciatur, non dicitur quod desinat esse sub speciebus corpus Christi. Ergo non oportet dici quod sub speciebus a brutis comestis desinat esse corpus Christi. Sed species possunt a brutis manducari. Ergo et corpus Christi.

<sup>1</sup>. Hoc argumentum *om. βγ*, sed restituunt post primum *Sed contra*. — 2. Ed. « rationalem ».

## [IV]

[III, q. 80, a. 2.]

**43. — ULTERIUS.** Videtur QUOD QUI NON MANDUCAT SACRAMENTALITER, NON MANDUCET SPIRITUALITER.

1. Sacramentalis enim manducatio est propter spiritualem. Si ergo spiritualis sine corporali haberi possit, frustra aliquis sacramentali uteretur.

2. **Præterea.** Spiritualis manducatio est per fidem et caritatem per quæ aliquis Christo incorporatur. Sed antiqui patres fidem et caritatem habuerunt. Ergo si spiritualis manducatio esse posset sine sacramentali, ipsi spiritualiter manducassent : quod non potest esse, quia usus sacramenti non potest esse ante ejus institutionem.

**44. — SED CONTRA.** Aliquis potest percipere rem baptismi sine sacramento, ut supra d. 4 (q. 3, a. 3) dictum est. Sed baptismi sacramentum est majoris necessitatis quam hoc. Ergo potest etiam spiritualiter manducare quis sine sacramenti manducatione.

## [V]

[III, q. 80, a. 2.]

**45. — ULTERIUS.** Videtur quod etiam Angelus corpus Christi possit manducare spiritualiter.

1. Quia super illud *Ps.*, [lxxvii, 25], « *Panem Angelorum manducavit homo* », dicit GLOSSA (L. 113, 969) : « *Idest corpus Christi qui est vere cibus Angelorum.* »

2. **Præterea.** Quicumque potest manducare sacramentaliter, potest etiam manducare spiritualiter. Sed Angelus in carne assumpta potest manducare sacramentaliter. Ergo etiam sine corpore assumpto potest manducare spiritualiter.

**46. — SED CONTRA.** Manducare est usus sacramenti. Sed sacramenta non sunt data Angelis ad usum, sed hominibus. Ergo Angeli non possunt spiritualiter manducare.

**47. — RESPONSIO.** Dicendum AD PRIMAM QUÆSTIONEM quod Quidam dixerunt corpus Christi secundum rei veritatem a peccatoribus non sumi; quia quam cito labiis peccatoris tangebatur, desinebat sub speciebus esse corpus Christi : *inlantum dignitati sacramenti deferentes quod derogabant veritati.*

**48. —** Si enim vere corpus Christi sub speciebus erat per conversionem panis et vini in substantiam corporis Christi, speciebus remanentibus, non poterit esse quod desinat esse ibi corpus Christi, nisi per aliquam contrariam mutationem ejus quod prius vertebatur in corpus Christi.

Et quia de illo non manent nisi species solæ, quæ ad utramque substantiam communiter se habent, sicut subjectum in naturalibus mutationibus duabus formis, ideo quamdiu species non mutantur, nullo modo desinit ibi esse corpus Christi : sicut nec in mutationibus formalibus forma introducta desinit esse in subjecto, donec subjectum ad formam aliam transmutetur.

**49.** — Speciebus autem in aliquid transmutari non competit nisi secundum quod habent aliquam proprietatem substantiæ in hoc quod sunt sine subjecto ; unde nihil potest eas transmutare ad aliam substantiam, nisi quod transmutaret substantiam panis et vini, si ibi esset : quod solus tactus labiorum, vel divisio quæ est per dentes, vel trajectio in ventrem non faceret, sed sola digestio quæ est a calore naturali convertente cibum.

**50.** — Unde patet quod veritati sacramenti derogat qui dicit, quod ad solum tactum labiorum desinit esse corpus Christi a peccatore sumptum.

*Ei ideo hac opinione lanquam hærelica de medio sublata, ejus contrarium ab omnibus tenetur.*

**51.** — **AD PRIMUM** ergo dicendum quod auctoritas illa loquitur de spirituali inhabitatione, et non de sacramentali vel corporali ; quia Christus etiam peccatoribus corpus suum tractandum exhibuit.

**52.** — **Ad secundum** dicendum quod cum dicitur, « cibus iste non transit in ventrem, sed in mentem », hæc præpositio *in* non denotat terminum motus localis, sed finem sumptionis ; videtur enim quasi localiter quocumque species vadunt ; sed non sumitur propter ventris repletionem, sicut corporales cibi, sed propter mentis refectionem, in qua ejus effectus recipitur, non ipsa materia corporis, quia mentem inhabitare per essentiam sola Divinitas potest.

**53.** — **Ad tertium** dicendum quod ex hoc quod corpus Christi sumitur a peccatoribus, nullo modo corpus Christi aliquam immunditiam contrahit ; quia labia peccatoris non tangunt nisi species, sub quibus secundum veritatem est corpus Christi ; et præterea in hoc dat exemplum mansuetudinis et humilitatis.

**54.** — **AD SECUNDAM QUÆSTIONEM** dicendum quod manducatio est actus transiens a manducante in manducatum.

Unde « *sacramentaliter manducare* » potest intelligi *duplíciter*.

*Uno modo* ut adverbium determinet manducationem *ex parte manducati* ; et sic quicumque sumit species, sacramentaliter manducat id est sumit hoc quod est sacramentum in eucharistia, id est verum corpus Christi.

1. Ed. « remanent ». — 2. F. om. « solus ». — 3. Ed. ad « in ». — 4. α « vere ». — 5. αγ « accipit ».

**55.** — *Alio modo* ut determinet manducationem e.r *parle manducantis* ; et sic solus ille sacramentaliter manducat qui utitur cibo illo visibili ut sacramento.

**56.** —<sup>1</sup> Infidelis autem circa id quod est significatum in hoc sacramento errans, non utitur speciebus illis ut sacramento, cum non credat in Christum secundum quod sub hoc sacramento continetur ; unde talis non sacramentaliter manducat.

Et quia actio est magis propinqua agenti quam patienti, ideo sensus secundus est magis proprius; et ideo secundum hunc sensum dicendum quod *infidelis non credens rem hujus sacramenti, non manducat sacramentaliter.*

**57.** — **AD PRIMUM** ergo dicendum quod illa objectio procedit secundum primum sensum.

**58.** — **Ad secundum** dicendum quod percipiens baptismum se habet tantum ut patiens. Unde *ad hoc quod, aliquis recipiat sacramentaliter baptismum, non exigitur nisi quod subjiciat se actioni Ecclesiae, ut scilicet intendat recipere quidquid illa facit, quamvis quandoque credat illam<sup>2</sup> nihil facere ; sed percipiens eucharistiam non solum se habet ut recipiens seu patiens, sed etiam ut agens, inquantum manducat ; ideo ad hoc quod<sup>3</sup> sacramentaliter manducet, oportet quod ipsemet utatur sacramento ut sacramento.*

**59.** — **Ad tertium** dicendum quod consecrare eucharistiam non est uti sacramento, sed quodammodo efficere ipsum ; sed manducare est uti sacramento. Actio autem utentis recipiō modum ab eo quo quis utitur, sed actio efficientis non recipi modum ab eo quod<sup>4</sup> quis efficit, sed<sup>1</sup> a virtute activa. Un'e aliquis dicitur conficere sacramentum, et non conficere sacr<sup>l</sup> mentaliter ; dicitur autem manducare et sacramentum, et sacd-mentaliter.

Et ideo non est mirum, si aliquid requiritur ad hoc quod aliqui manducet sacramentaliter quod non requiritur ad hoc quo conficiat sacramentum.

**60.** — **AD TERTIAM QUÆSTIONEM** dicendum quod circ<sup>o</sup> hoc est *duplex* opinio.

Quid a m enim dicunt quod corpus Christi non manducatur a brutis ita quod in ventrem trajiciatur, eo quod corpus Christi non est sub speciebus illis nisi prout est ordinabile ad usum humanum. Ex quo autem in ventrem muris descendunt species, non possunt ordinari ad usum humanum ; et ideo desinit esse corpus Christi.

1. Ed. « non utitur speciebus illis ut sacramento, sive non credit in Christum... », η « sive non credat. » — 2. Ed. « illa ». — 3. Ed. « ut ». — 4. Ed. « quo ».

**61. — Sed hæc ratio non valet propter duo.**

*Primo, quia supponit falsum.* Cum enim non statim species in ventrem trajectæ esse desinant, vel in aliud convertantur, possent adhuc de ventre animalis extrahi et in usum venire.

*Secundo, quia quamvis aliquid ordinetur ad usum aliquem, non tamen oportet quod esse desinat, quando quis eo uti non potest.*

**62. — Et ideo secundum Alios dicendum quod verum corpus Christi manet adhuc sub speciebus a brutis ore acceptis, et in ventrem trajectis.**

**63. — AD PRIMUM** ergo dicendum quod nulla ordinatio bruti est ad corpus Christi, secundum quam possit Christo incorporari; et ideo non sumunt corpus Christi nisi per accidens, in quantum sumunt illud sub quo est corpus Christi. Et sic Magister intellexit quod non sumitur corpus Christi<sup>2</sup> a brutis<sup>1</sup> vel loquitur secundum aliam opinionem.

**64. — Ad secundum** dicendum quod illud quod est sacramentum in baptismo, est aliquis effectus inductus in recipiente, cujus creatura irrationalis capax esse non potest; et ideo *Sacramentum baptismi* creatura irrationalis neque per se neque per accidens recipit.

**65. —** Sed *sacramentum eucharistiæ* consistit in ipsa materiæ consecratione; et ideo potest creatura irrationalis ipsum accipere non per se, sed per accidens.

**66. — Ad tertium** dicendum quod creatura irrationalis nullo modo spiritualiter manducat, neque sacramentaliter; quia neque utitur manducato ut sacramento, neque manducat sacramentum secundum rationem sacramenti, sicut neque<sup>3</sup> sacramentaliter dicitur<sup>4</sup> manducare<sup>5</sup> infidelis qui intendit recipere hoc quod recipit Ecclesia, quamvis hoc credat nihil esse.

**67. — Et similiter etiam** ille qui manducaret hostiam consecratam, nesciens eam consecratam esse, non manducaret sacramentaliter aliquo modo, quia non manducaret<sup>6</sup> sacramentum nisi per accidens; nisi quod<sup>7</sup> plus accederet ad sacramentalem manducationem, in quantum est aptus natus sacramentum ut sacramentum manducare; quod bruto non competit.

Nec tamen oportet quod sit alius modus manducationis tertius a duobus prædictis; quia hoc quod est per accidens, in divisionem non cadit.

**68. — AD QUARTAM QUÆSTIONEM** dicendum quod Chri-

1. Ed. « possunt ». — 2. *γ om.* per *homol.* « Et sic Magister... corpus Christi ». — 3. Ed. « nec ». — 4. Ed. *om.* « dicitur ». — 5. Ed. « manducat ». — 6. Ed. *om.* per *homot.* « sacramentaliter aliquo modo, quia non manducaret ». — 7. F. « tamen » loco « nisi quod. »

stus est spiritualis electorum cibus, non quidem in alios conversus, sed ad se convertens eos quos reficit. Unde spiritualiter Christum manducare est Christo incorporari : quod per fidem et caritatem contingit.

Et quia Christus in seipso est spiritualis cibus, ideo in sacramentali cibo significatur et continetur.

Prius ergo naturaliter est Christum esse cibum spirituales quam esse cibum spirituales sub sacramento contentum ; quia prius est aliquid naturaliter proprietatem aliquam habens, quam similitudinem proprietatis illius ei significatio aliqua adhibeat. Unde non quicumque manducat Christum spiritualiter manducat hoc sacramentum spiritualiter.

**69.** — Utroque tamen modo convenit spiritualiter manducare non manducantem sacramentaliter. Manducat enim spiritualiter Christum qui fidem et caritatem ad ipsum habet sine ordine ad hoc sacramentum ; non tamen **manducat talis spiritualiter hoc sacramentum, sed solum ille qui habet fidem et caritatem ad Christum cum devotione et proposito sumendi hoc sacramentum,** etiamsi sacramentaliter non manducet.

**70.** — **AD PRIMUM** ergo dicendum quod baptizatus baptismo flaminis, emundationem consecutus est propter propositum baptimi sacramentalis, et accipiens sacramentum ampliorem gratiam consequitur ; ita etiam qui spiritualiter manducavit, in proposito et devotione habuit manducationem sacramentalem, ad quam accedens ex ipsa vi sacramenti<sup>2</sup> majorem gratiam consequitur unde non sequitur quod sacramentalis manducatio superfluat.

**71.** — **Ad secundum** dicendum quod antiqui patres *non* manducaverunt spiritualiter hoc sacramentum quia nondum erat institutum, nec consecratio præcesserat ; manducaverunt tamen spiritualiter Christum ; et secundum hoc dicitur *I Cor.*, x, 3, quod « *omnes eandem escam manducaverunt spirituales.* »

**72.** — **AD QUINTAM QUÆSTIONEM** dicendum quod **manducare hoc sacramentum spiritualiter non competit Angelis ;** quia eis Christus sub sacramento *non* proponitur, sed in nuda veritate.

*Christum tamen quodammodo spiritualiter manducant, et quodammodo non.* Cum enim spiritualiter manducare sit Christo incorporari, secundum hoc aliquis Christum manducare potest secundum quod ejus membrum effici potest et Christus esse caput ejus. Est autem Christus caput Angelorum *quodammodo*, quia secundum rationem influentias, et secundum conformita-

1. Ed. ad. « sicut ». — 2. y < sacramenti manducation\* ».

tern naturæ in genere ; *ei quodammodo non*, quia non secundum conformitatem in specie, ut in III lib. d. 13 (q. 1, a. 2, sol. 1, c.) dictum est.

Et ideo uno modo spiritualiter manducant Christum, et alio modo non.

**73. — AD PRIMUM** ergo dicendum quod *Christus* dicitur *esca Angelorum eil secundum Divinitatem*, in quantum Angelos reficit; *ei secundum humanitatem*, secundum quod in ipsum « *desiderant Angeli prospicere* », I *Pelr.* i, 13 ; non tamen secundum conformitatem naturæ in specie.

**74. — Ad secundum** dicendum quod si Angelus assumpto corpore species manducaret, non tamen manducaret sacramentaliter ; quia non manducaret sacramentum secundum rationem sacramenti, cum non habeat fidem, sed manifestam visionem ; neque habet conformitatem naturæ ; et ideo non manducaret sacramentum nisi per accidens.

### ARTICULUS III

[I]

[HI, q. 80, a. 4 ; q. 79, a. 3 ; I ad Cor., c. 11, j. 7.)

**75. — AD TERTIUM SIC PROCEditur.** Videtur quod NON PECCET QUIS CUM CONSCIENTIA PECCATI MORTALIS CORPUS Christi manducans.

1. Quia secundum Augustinum (lib. II de *lib. Arb.*, c. 19; L. 32,1267) maximis bonis nullus male utitur. Sed corpus Christi de maximis bonis est. Ergo nullus potest ipso utendo peccare.

2. **Præterea.** Infirmi non minus egent medicina quam medico. Sed Christus in propria specie veniens ut medicus, non refugit peccatorum consortium ; quia, sicut ipse dicit, Lue. v2, 31, « *non egeni qui sani sunt medico, sed qui male habent.* » Ergo cum Christus sub sacramento proponatur ut medicina, non debet peccatoribus subtrahi.

3. **Præterea.** Nullus peccat faciendo quod tenetur. Sed iste peccator tenetur ex præcepto Ecclesiæ semel in anno corpus Christi sumere. Ergo quamvis sit in proposito peccandi, non peccat corpus Christi sumendo.

**76. — SED CONTRA.** I *Cor.*, xi, 29 : « *Qui manducat indigne, iudicium sibi manducat.* » Sed qui cum conscientia peccati mortalis manducat, indigne manducat. Ergo etc.

**77. — Præterea.** Deus magis horret sordes spirituales quæ

1, Ed. om. « et ». — 2. αβγ « tx ». — 2. αβδ ad. » ad ». contra et Ed.

sunt peccata, quam sordes corporales. Sed peccaret qui corpus Christi in lutum projiceret. Ergo peccat qui Christum in corpus suum peccato infectum intromittit.

[H]

[III, q. 79, a. 3 ; q. 80, a. 4 ; *I ad Cor.*, c. 11, l. 7.]

**78. — ULTERIUS.** Videtur quod etiam ille qui non habet CONSCIENTIAM PECCATI MORTALIS, IN PECCATO MORTALI EXISTENS peccet corpus Christi sumendo.

1. Peccatum enim facit hominem indigne accedere ad corpus Christi. Sed ignorantia peccati cui homo subjacet, non tollit peccatum, immo gravissime peccat qui ignorat, secundum Ambrosium. Ergo cum indigne accedens peccet mortaliter, videtur quod habens peccatum cujus non est conscius, accedens peccet.

2. **Præterea.** In meliori statu est justus habens conscientiam peccati mortalis cui non subjacet, quam peccator subjacens peccato cujus non est conscius, quia hoc videtur esse præsumptionis, primum autem humilitatis, quia secundum Gregorium (ep. 64, lib. 11; L. 77, 11951, « *bonarum mentium est ibi culpam agnoscere ubi culpa non est.* » Sed justus carens peccato peccat, si cum conscientia peccati mortalis accedat. Ergo multo fortius peccator qui peccati sui sibi non est conscius.

3. **Præterea.** Ubi cumque requiritur examinatio, ibi est necessaria rei veritas et non opinio tantum. Sed ad hoc quod aliquis digne accedat ad corpus Christi, requiritur diligens examinatio sui ipsius, ut patet *I Cor.*, χ1, 28 : « *Probel seipsum homo, et sic de pane illo edat,* » Ergo necessarium est quod sit puritas a peccato secundum veritatem, et non solum secundum æstimationem.

**79. — SED CONTRA.** *Eccl.* ix1, 1, dicitur : « *Nemo scii utrum odio vel amore dignus sil* ». Si ergo habens peccatum cujus non est conscius, peccaret corpus Christi sumendo ; quicumque sumit, exponeret se periculo peccati mortalis ; et ita nullus sumere deberet.

**80. — Præterea.** Ignorantia facti excusat. Sed ignorantia peccati est hujusmodi. Ergo excusat.

[III]

[III, q. 80, a. 5 ; *I ad Cor.*, e. 11, J. 7.]

**81. — ULTERIUS.** Videtur quod manducans, indigne corpus Christi, magis peccat<sup>2</sup> quam quodcumque aliud peccatum committat<sup>3</sup>.

1. *aβ ð xi* ». — 2. Ed « peccet ». — 3. Ed. « comittens ».

1. Super illud *Marc*, xiv, 21 : « *Væ homini illi etc.* », dicit *Glossa* (L. 114, 231). « *Væ homini illi qui ad mensam Domini accedit indigne; isle enim in exemplum Judæ Filium hominis tradit* » ; et in *I Cor.*, xi, 27, dicitur quod est « *reus... sanguinis Domini.* » Sed Judas et illi qui sanguinem Domini fuderunt gravissime peccaverunt. Ergo et hoc peccatum est ceteris gravius.

2. **Præterea.** Plus peccaret qui corpus Christi projiceret in lutum quam qui aliquod aliud peccatum committeret, puta fornicationem vel aliquid<sup>2</sup> hujusmodi. Sed Deus plus horret sordes peccati quam sordes luti. Ergo peccator sumens corpus Christi gravius peccat quam quodlibet aliud peccatum committens.

**82. — 3. SED CONTRA.** Quod est per se malum, est majus malum quam quod est per accidens malum. Sed alia peccata sunt per se mala, ut fornicatio<sup>3</sup>. Manducare autem corpus Christi est per se bonum et per accidens malum. Ergo est minus malum.

## [IV]

**83. - · ULTERIUS.** Videtur quod minus peccat hæreticus MANDUCANS CORPUS CHRISTI QUAM FIDELIS PECCATOR.

1. Quia pejus est contemnere Christum quam contemnere sacramentum Christi. Sed fidelis peccator manducans contemnit Christum quem sub sacramento vere esse credit ; infidelis autem contemnit sacramentum in hoc quod sub eo Christum esse non credit. Ergo infidelis minus peccat.

2. **Præterea.** Quanto aliquod peccatum est magis dissonum a ratione, tanto est gravius. Sed peccatum fidelis indigne sumentis est contra rationem naturalem manifeste ; non autem illius qui non credit sub hoc sacramento Christum secundum veritatem esse, quia hoc supra rationem est et supra sensum. Ergo infidelis minus peccat.

**84. — 3. SED CONTRA.** Quanto aliquis magis elongatur a Christo realiter, tanto magis debet elongari sacramentaliter. Sed infidelis magis elongatur realiter ; quia prima unio ad Christum est per fidem qua ille caret. Ergo magis peccat accedendo ad Christum sacramentaliter.

## [V]

**85. — ULTERIUS.** Videtur quod subjacens peccato carnis, MAGIS PECCAT ACCEDENS AD HOC SACRAMENTUM QUAM SUBJACENS PECCATO SPIRITUALI.

1. Ed. « dicitur ». — 2. Ed. « aliud ». — 3. Ed. *ad.* « sed » et *om.* « autem ».

1. Quia peccatum manducantium corpus Christi in peccato carnis existentium comparatur peccato Judæ ; unde Hieronymus (ep. ad Oceanum, n. 2 ; L. 22, 288) : « *Quid tibi cum feminis qui ad altare cum Deo fabularis ?* » « *Dic sacerdos, dic clerice, qualiter eisdem labiis Filium Dei oscularis, quibus osculatus es filiam meretricis ? O Juda, osculo Filium hominis tradis.* » Sed peccatum Judæ fuit gravissimum. Ergo talis gravius peccat.

2. **Præterea.** In peccato carnis est immunditia mentis et corporis. Ergo magis facit contumeliam sacramento qui cum peccato carnis corpus Christi manducat, quam qui manducat cum peccato spirituali, ubi est immunditia mentis tantum.

**86. — SED CONTRA.** Gregorius dicit (XXXI Morat., c. 45 ; L. 76, 620) quod « *peccata spiritualia sunt majoris culpæ* » : cujus ratio est quia peccata carnis magis ex infirmitate accidunt. Sed ex hoc est aliquis indignus corporis et sanguinis Domini quod culpæ subjacet. Ergo minus peccat accedens cum peccato carnis quam cum peccato spirituali.

## [VI]

**87. — ULTERIUS.** Videtur QUOD PECCATOR PECCAT VIDENDO corpus Christi.

1. Quia corpus Christi est dignius quam arca Testamenti. Sed Bethsamitæ videntes arcam Domini, quia peccatores erant, percussi sunt, ut dicitur *I Reg. vi, 19*. Ergo multo fortius peccator videns corpus Christi peccat.

2. **Præterea.** Publicanus laudatur, Lue. xviii, 13, de hoc quod oculos non levabat ad coelum. Sed corpus Christi est dignius cælo. Ergo debent peccatores ab aspectu corporis Christi abstinere.

**88. — SED CONTRA** est consuetudo Ecclesiæ, secundum quam elevatur corpus Christi ab omnibus aspiciendum sine aliqua discretione videntium. Ergo non peccat peccator videns.

**89. — RESPONSIO. AD PRIMAM QUÆSTIONEM** quod **quilibet cum conscientia peccati mortalis manducans corpus Christi, peccat mortaliter**, quia abutitur sacramento ; et quanto sacramentum est dignius, tanto abusus est periculosior.

Ratio autem hujus ex *tribus* potest sumi.

**90. — Primo** ex eo quod est sacramentum lanium, ex quo apparet quod hoc sacramentum in modum cibi proponitur ; cibis autem non competit nisi viventibus. Unde si carens vita spirituali per peccatum mortale accipiat hoc sacramentum, abutitur ipso.

**91. — Secundo** *ex eo quod esi ibi res et sacramentum*, quod est ipse Christus qui est sanctus sanctorum ; unde receptaculum ejus debet esse sanctum. Et ideo si aliquis cum contrario sanctitatis corpus Christi sumat, sacramento abutitur.

**92. — Tertio** *ex eo quod est res tantum*, quod est corpus Christi mysticum ; quia ex hoc ipso quod aliquis ad hoc sacramentum accedit, significat se ad unitatem corporis mystici tendere. Unde si peccatum in conscientia teneat, per quod a corpore mystico separatur, fictionis culpam incurrit et ita abutitur sacramento.

**93. — AD PRIMUM** ergo dicendum quod verbum Augustini intelligendum est de eo quo utitur quis sicut eliciente actum usus ; sic enim « *virtutibus*, quas maxima bona dicit, *nullus male utitur.* » Sed non est intelligendum de eo quo quis utitur quasi objecto usus ; sic enim etiam virtutibus aliquis male utitur qui de virtutibus gloriatur et superbit ; et ita etiam aliquis potest corpore Christi male uti sicut objecto usus.

**94. — Ad secundum** dicendum quod *duplex* est medicina.

*Una* *removens morbum* ; et talis infirmis debetur ; et huic comparatur baptismus et poenitentia.

*Alia* *est promovens in perfectam sanitatem* ; et talis non debetur infirmis, sed jam sanis ; et huic comparatur hæc medicina.

Utraque autem medicina per medicum datur. Unde non sequitur, si medicus non fugit infirmi consortium, quod quælibet ejus medicina infirmis dari debeat.

**95. — Ad tertium** dicendum quod habens conscientiam mortalis quod dimittere non proponit, *peccat* accedens ad sumendum corpus Christi, *quia indigne accedit.* *Peccat etiam* non accedendo tempore ab Ecclesia constituto, *quia inobediens est.* *Non tamen est perplexus*, quia potest se ab hoc dubio eripere, peccati propositum dimittendo.

**96. —** Nihilominus tamen manente tali proposito minus peccat non sumendo quam sumendo ; quia illud quod est malum secundum se, est majus malum quam illud quod est malum quia prohibitum ; unde prius se debet dimittere excommunicari, quam cum proposito peccati corpus Christi sumat.

**97. — AD SECUNDAM QUÆSTIONEM** dicendum quod ignorantia circumstantiæ a peccato excusat, adhibita debita diligencia, præcipue quando est talis circumstantia cujus certitudo plene haberi non potest.

**Quod autem aliquis sit omnino a peccato immunis, per certitudinem sciri non potest ;** I Cor., iv, 4 : « *Nihil mihi conscius sum, sed non in hoc justificatus sum.* »

1. *ay* « quis ». — 2. Ed. *ad.* « est » — 3. Ed. *om.* « debito ».

**98. — Potest tamen de hoc haberi aliqua conjectura**, præcipue per *quatuor* signa, sicut Bernardus dicit (in I serm. *Sepluag.*; !.. 183, 163). *Primo*, cum quis devote verba Dei audit; quia « *qui est ex Deo, verba Dei audit* »; Jo an., viii, 47. *Secundo*, cum quis se promptum ad bene operandum invenit; quia « *probatio dilectionis exhibitio est operis* », ut dicit Gregorius {*homit.* 30 in *Evang.*, η. 1; L. 76, 1120}. *Tertio*, cum quis a peccatis abstinendi in futurum propositum habet. *Quarto*, cum de præteritis dolet; quia in his vera pœnitentia, secundum Gregorium (lib. XI *Epist.*, indict. 4, ep. 45; L. 77, 1163) consistit.

**99. —** Unde si aliquis, per hujusmodi signa, facta diligenti discussione suæ conscientia, quamvis forte non sufficienti, ad corpus i hristi devote accedat, aliquo peccato mortali in ipso remanentel quod ejus cognitionem præterfugiat, non peccat, immo magis ex vi sacramenti peccati remissionem consequitur.

**100. —** Unde Augustinus dicit in quodam sermone {*De Consecr.*, d. 2, cap. « *Invitat* »; L. 187, 1766} quod « *quando corpus Christi manducatur, vivificat mortuos* ».

**101. — AD PRIMUM** ergo dicendum quod *duplex* est ignorantia peccati.

**Una qua ignoratur an aliquid peccatum sit.**

Et hæc quidem ignorantia *si sit in sola cognitione consistens, quandoque excusat peccatum*, sicut cum ignoratur circumstantia quæ peccatum facit: sicut cum quis commiscetur alienæ quam credit suam; et hic non habet locum auctoritas Ambrosii.

**102. — Quandoque autem non excusat**, sicut cum est ignorantia universalis juris, immo ignorantia grave peccatum est; et videtur in his quæ per se mala sunt, *ad infidelitatem perlinere*; in his autem quæ sunt mala quia prohibita, *ad negligenciam*; et hic habet aliquo modo locum verbum Ambrosii propter ignorantia periculum; quia medicina non quæritur cum morbus ignoratur; et etiam propter infidelitatem quæ est et gravissimum peccatum.

**103. — Si autem sil talis ignorantia in cognitione simul el affectione consistens**, sicut ignorantia electionis, quando quis in illicitum improhibite fertur ac si esset licitum, sicut dicit Philo sophus {*Eih.* η 9. 1151a, 10-20; l. 8, n. 1430-2} de his qui ex habitu alicujus vitii operantur ut intemperati, tunc gravissime peccat qui ignorat, quia hæc ignorantia provenit *ex contemptu*.

**104. — Alia ignorantia peccati est, qua illud quod scitur esse peccatum, jam non creditur esse, sed sibi dimissum esse**; et talis ignorantia non excusat nec aggravat illud peccatum cujus ignorantia dicitur; sed potest excusare respectu sequentis pec-

cati, respectu cuius peccatum præcedens quod ignoratum est, sé habet utl circumstantia quæ peccatum in actu sequenti induceret, si sciretur. *Et ita esi in proposito.*

**105.** — **Unde** quamvis sit indignus ratione præcedentis peccati, **non tamen indigne accedit**, quia ignorantia excusat a peccato illum accessum, ut dictum est (99).

**106.** — **Ad secundum** dicendum quod *sicut* ignorantia circumstantis quæ causât peccatum, excusat a peccato, *ita* error circumstantiæ talis causât peccatum, ut patet in eo qui accedit ad suam quam credit non esse suam.

*Et similiter est in proposito* ; quia justus credens se peccatorem, errat in hac circumstantia.

**107.** — Unde si tali opinione manente corpus Christi manducaret, constat quod eligeret se peccatorem corpus Christi manducare, et ita electio esset prava et peccaret.

Sed electio non est prava<sup>2</sup> in eo qui peccatum habet quod nescii. Et ideo quamvis justus sit simpliciter melius dispositus, tamen est pejus dispositus quantum ad hoc.

**108.** — **Ad tertium** dicendum quod examinatio requiritur, ne ignorantia ex negligentia procedat ; quia talis ignorantia non excusaret.

**109.** — **AD TERTIAM QUÆSTIONEM** dicendum quod *sicut* meritum præcipue consistit penes caritatem, *ita*<sup>3</sup> demeritum præcipue consistit penes contemptum Dei. Unde secundum quod aliquis Deum per actum peccati magis contemnit, secundum hoc majorem reatum incurrit. Et ideo ilia peccata quæ in actuali contemptu consistunt, sunt graviora illis in quibus non est contemptus nisi ex consequenti et quasi interpretatus : sicut accidit in fruitione creaturæ, per quam aliquis delectationi intendit, ex cuius intentione a præceptis Dei discedit, et sic per consequens percipientem contemnit.

Peccatum autem blasphemiam in contemptu principaliter consistit. Et similiter peccatum accedentis indigne ad corpus Christi, irreverentia quædam et contemptus essentialiter est.

**110.** — **Sciendum autem** quod contemptus ex *duplici* parte mensurari potest.

*Uno modo ex parte contemnentis* ; et sic non potest fieri comparatio unius generis peccati ad aliud genus, sed unius particularis peccati ad aliud, quia contingit in uno veniali peccato ex genere esse majorem contemptum actualem quam in uno gravissimo peccato mortali ex genere.

**111.** — *Alio modo ex parte ejus quod contemnitur* ; et sic est

1. α · sicut ». — 2. a om. per homot. « et peccaret... prava ». — 3. Ed. « item ».

talis ordo peccatorum quod **illud in quo ipse Deus in seipso**

**etiam contemnitur, est peccatum gravissimum**, sicut peccatum infidelitatis et blasphemiae ; **et post hoc illud peccatum in quo contemnitur Deus in sacramento**, et inter alia praecipue in isto in quo essentialiter Christus Deus et homo continetur, non tamen contemptus iste est circa Christum, ut est Deus et homo, sed prout est in sacramento ; **et post, peccatum illud in quo contemnitur Deus in membris suis ; et post, peccatum in quo contemnitur Deus in praecipis suis**, quod commune est omni peccato mortali.

**112. — Et secundum hoc patet quod peccatum de quo nunc agitur**, neque est omnium gravissimum neque est omnium minimum, sed **est medium** inter peccata quae committuntur in Deum et alia peccata quae committuntur in proximum vel in seipsum. **Unde ad utraque argumenta oportet respondere.**

**113. — AD PRIMUM** ergo dicendum quod peccatum indigne corpus Christi manducantium comparatur peccato Christum occidentium, inquantum utrumque peccatum in ipsum Christum committitur ; sed tamen *peccatum Christum occidentium majus est*, quia illud peccatum commissum est *in ipsam Christi personam*, hoc autem peccatum committitur in ipsum secundum quod est sub sacramento.

**114. — Ad secundum** dicendum quod ille qui corpus Christi in lutum projiceret, magis peccaret quam manducans peccator ; quia magis abutitur sacramento secundum quod longius a debito usu sacramenti recedit quod ab homine justo sumendum est.

**115. — Ad tertium** dicendum quod quamvis corpus Christi manducare non sit malum nisi per accidens, tamen manducare corpus Christi indigne est malum per se. Nullum enim peccatum dicitur malum per se nisi propter corruptionem alicujus circumstantiae.

**116. — AD QUARTAM QUÆSTIONEM** dicendum quod indigne manducante est *duo* peccata considerare : scilicet peccatum quo indignus redditur ad manducandum, et peccatum quo indigne manducat.

Ouia ergo peccatum infidelitatis est gravius aliis peccatis, ideo infidelis manducans indignior est ad manducandum. Sed quia non credit illud quod sumit esse tantae dignitatis quantae est, ideo non tantum peccat in abusu ; quia ignorantia infidelitatis quamvis non excuset sequens peccatum a toto, excusat tamen a tanto, ut patet de peccato occidentium Christum ; quia, « *si cognovis-*

1. aj8 om. per homot. . Deus in membris suis... contemnitur », sed β ad. in margine. — 2. α « quam illud peccatum quod ». — 3. Ed. « quod ». — 4. Ed. ad. « ceteris ». — 5. Ed. « sumitur ».

*sent, nunquam Dominum<sup>1</sup> gloriæ crucifixissent », I Cor., π, 8; et per hanc ignorantiam eorum peccatum alleviatum est, ut Anselmus dicit; et similiter<sup>2</sup> Paulus de seipso dicit, I Tim., i, 13: « Misericordiam consecuius sum quia ignorans feci in incredulitate mea<sup>3</sup>. »*

**Et ideo infidelis indignior manducat, sed peccator fidelis magis indigne.**

**117. — AD PRIMUM** ergo dicendum quod infidelis quantum ad peccatum infidelitatis contemnit Christum in sua persona, quia ejus doctrinæ repugnat; quantum autem ad manducationem contemnit quidem non expresse sed interpretative, in quantum illa ignorantia qua Christum sub sacramento esse non credit, non est invincibilis; unde quia potest facere ut credat, perinde reputatur ac si credat, in genere peccati; quamvis actualis et expressus contemptus aggravet quantitatem istius peccati; et sic quantum ad ipsam manducationem magis fidelis peccator peccat.

**118. — Ad secundum** dicendum quod quamvis ea quæ sunt fidei et præcipue circa hoc sacramentum, non sint ita rationi humanæ consona secundum se considerata, tamen ut dicta a Deo et prodigiis approbata, sunt maxime rationi consona. Nihil enim est a Deo rationi consonum, sicut quod Deo sit credendum in omnibus quæ dicit et contestatur. Doctrina autem fidei « cum accepisset principium enarrandi a Domino, contestante Deo signis ei prodigiis et variis Spiritus sancti distributionibus, per eos qui audierunt, in nos confirmata est », Hebr., u, 3. Et ideo peccatum infidelitatis est gravius etiam<sup>4</sup> quam peccatum indigne manducantis<sup>5</sup>.

**119. — Tertium** autem argumentum concludit quod infidelis indignior sit; et hoc concedendum est.

**120. — AD QUINTAM QUÆSTIONEM** dicendum quod ad hoc quod aliquis digne corpus Christi manducet, duo requiruntur: scilicet ut sit in statu gratiæ per quam capiti Christo tmitur, et quod in actu mens ejus feratur ad divina; unde et sacerdos monet populum sursum corda ad Deum habere.

**121. — Peccatum** autem quanto est gravius, tanto magis a gratia elongat. Unde cum peccata spiritualia secundum genus sint graviora carnalibus, ut per Gregorium (loc. cit.J, patet — quamvis aliquod carnale aliquo spirituali sit gravius, loquendo in genere — per peccatum spirituale aliquis efficitur magis indignus manducationis corporis Christi quam per peccatum carnale

1. y « Deum ». — 2. γ om. « et similiter ». — 3. Ed. om. « mea ». — 4. Ed. om. « etiam ». — 5. a « manducantium ».

quantum ad primum quod requirebatur ad digne manducandum.

**122.** — Sed quia per peccatum carnale, per luxuriam præcipue, mens humana deprimitur ut ad superna ferri non possit, quia etiam « *in aculo matrimoniali Spiritus sanctus corda Prophetarum non tangit* », ut Hieronymus dicit (lib. *adv. Jovin.*, n. 36; L. 23, 255) et secundum Philosophum in VII *Elh.* [*η* 5. 1147a, 15; l. 3, n. 1342) impossibile est hominem aliquid intelligere in ipsa delectatione carnali; ideo per peccatum carnale homo magis indignus accedit quantum ad secundum quod exigebatur ad digne manducandum.

**123.** — Sed quia multo gravius est habitum gratiæ tollere quam actum virtutis impedire, cum illud pertineat ad peccatum mortale semper, hoc autem interdum ad veniale, major indignitas relinquitur ex defectu primi quam ex defectu secundi. Et ideo, **simpliciter loquendo, plus peccat qui peccato majori irretitus accedit**, nisi per ignorantiam excusetur.

**124.** — Certius autem cognosci potest peccatum mortale in peccatis carnis, præcipue luxuria, quam in peccatis spiritualibus. Et ideo *quantum ad hoc per accidens* peccat plus accedens cum carnali peccato; quamvis simpliciter et per se loquendo peccet plus accedens cum spirituali, si spirituale carnali sit gravius.

**125.** — **AD PRIMUM** ergo dicendum quod hoc idem quod de peccato luxuriæ dicit Hieronymus, de quolibet peccato mortali dici potest; quia qui manducat indigne, reus est corporis et sanguinis Domini aliquo modo, ut dictum est (81).

**126.** — **Ad secundum** dicendum quod illa immunditia corporis procedit ex immunditia mentis; quia non inquinatur corpus nisi de consensu mentis, ut dicit Lucia. Unde magis pensatur indignitas ex mente quam ex carne.

**127.** — **AD SEXTAM QUÆSTIONEM** dicendum quod ea quæ in sacramentis geruntur exterius, debent respondere his quæ interius geruntur. Unde secundum quod homo ad Christum accedit interius mente, ita ad ejus sacramentum debet accedere corpore.

**128.** — *Quidam autem non accedunt neque fide neque caritate*; unde tales arcendi sunt ab inspectione sacramenti et assumptione.

**129.** — *Quidam autem accedunt fide sine caritate*; et tales possunt videre, sed non sumere; quia per caritatem aliquis Christo incorporatur, sed per fidem accedens, adhuc longius stat.

**130.** — **AD PRIMUM** ergo dicendum quod hoc non erat

propter dignitatem arcæ quod prohibita erat videri, sed propter figuram : « *omnia enim in figura contingebant illis* », *I Cor.*, x, 11 : quia non licet nisi majoribus et perfectis secreta fidei quæ per arcam significantur, curiose scrutari ; quia « *qui perscrutator est majestatis, opprimetur a gloria* » ; [*Prov.*] xxv, 27.]

**131. — Ad secundum** dicendum quod humilitas alicujus commendatur in hoc etiam quod a licitis abstinet. Et ideo non sequitur, si aliquis peccator abstinens ab hoc ad tempus laudatur, quod propter hoc non abstinens peccet.

#### ARTICULUS IV

[I]

[III, q. 80, a. 7.]

• **132. — AD QUARTUM SIC PROCEEDITUR.** Videtur quod NOCTURNA POLLUTIO QUÆ IN SOMNIS ACCIDIT SIT PECCATUM.

1. Meritum enim et demeritum, cum sint contraria, nata sunt fieri circa idem. Sed homo in somnis mereri potest, sicut patet de Salomone qui dormiens a Domino sapientiæ donum impetravit : *II Paralip.*, i. Ergo et potest aliquis tentari. Ergo si in somnis in aliquod peccatum consentiat, peccatum est : quod in nocturna pollutione frequenter accidit.

2. **Præterea.** Quicumque non habet mentem ligatam non excusatur a peccato, si aliquod turpe committere consentiat. Sed mens dormientis non videtur esse ligata, cum non sit actus corporis ex cujus passione somnus accidit ; immo videtur quod debeat esse magis libera, quia immobilitatis exterioribus sensibus, interiores, a quibus immediate mens accipit, confortantur ; et quædam quandoque de futuris mente dormiens percipit quæ vigilans percipere non potest. Ergo non excusatur a peccato, si in aliquod turpe consentiat. Et sic idem quod prius.

3. **Præterea.** Quicumque potest deliberare et ratiocinari, videtur usum liberi arbitrii habere, quod inquirendo eligit. Sed dormiens, ut experimento scitur, interdum argumentatur et argumenta solvit et legit. Ergo habet usum liberi arbitrii. Et sic idem quod prius.

4. **Præterea.** Quicumque potest consentire et dissentire alicui turpi, reus esse videtur si consentiat, quia talis videtur esse dominus sui actus. Sed dormiens aliquando dissentit turpitudini præsentatæ, aliquando autem consentit. Ergo quando consentit, videtur esse reus peccati.

1, *αβγ* « *Ecclesiastici xv* ».

5. **Præterea.** Actiones et motus ex terminis judicantur. Sed nocturna pollutio frequenter vigilia finitur quamvis in somno inchoetur. Ergo est judicanda ac si in vigilia fieret ; et ita est peccatum.

**133. — SED CONTRA** est quod Augustinus dicit XII *super Genes, ad litteram* (c. 15, L. 34, 466) : « *Ipsa phantasia quæ fit in cogitatione sermocinantis, cum expressa fuerit in visione somniantis, ut inter illam et veram conjunctionem corporum non discernatur, continue movetur caro et sequitur quod eum motum sequi solet ; cum hoc tamen sine peccato fiat quod sine peccato a vigilantibus dicitur, quod ut diceretur sine dubio cogitatum est.* »

**134. — Præterea.** Philosophus dicit in I *Eth.*, (a 13, 1102b, 5; l. 20, n. 234-5) quod « *secundum dimidium vilæ, scilicet somnum, non differt felix a misero neque vitiosus a studioso* ». Sed secundum peccatum differunt. Ergo peccatum non potest in somnis accidere.

## [II]

**135. — ULTERIUS.** Videtur quod non impediatur a sumptione corporis Christi.

1. Veniale enim peccatum magis displicet Deo quam quælibet immunditia corporalis quæ fit sine peccato. Sed nocturna pollutio non est peccatum, ut ex auctoritate Augustini inducta (133) patet. Ergo cum veniale peccatum non impediret a sumptione corporis Christi, multo minus nocturna pollutio impedit.

2. **Præterea.** Non est dubium quin peccatum mortale plus impedit quam nocturna pollutio. Sed aliquis post peccatum mortale confessum, potest corpus Christi manducare. Ergo multo fortius qui pollutionem nocturnam confessus est, potest eade die manducare corpus Christi.

3. **Præterea.** Homo debet impedire peccatum alterius mortale, quantumcumque potest. Sed si aliquis in peccato mortali existens celebret Missam, constat quod peccat mortaliter. Ergo si aliquis non habens conscientiam peccati mortalis possit hoc impedire celebrando loco ejus, videtur quod debeat celebrare, etiamsi sit pollutus nocturna pollutione.

4. **Præterea.** Turpis cogitatio aliquando sine peccato accidit, ut ex verbis Augustini inductis (133) patet ; crapulatio autem sine peccato accidere non potest. Sed secundum Gregorium (lib. IX *Epist.*, indict. 4, ep. 64 ; L. 77, 1198) pollutio quæ ex crapula accidit, a communione non impedit, si necessitas incumbat. Ergo nec illa quæ ex turpi cogitatione præcedente in vigilia

1. Ed. « tam ». — 2. Ed. « quam ».

procedit, nec illa quæ ex infirmitate naturæ, ut Gregorius dicit. Ergo nulla pollutio impedit.

**136. — SED CONTRA** est quod dicitur *Levit*, xv, 16 : « *I'ŕ a quo egreditur semen coitus immundus erit usque ad vesperum.* » Sed immundis non licet sancta tangere. Ergo multo minus corpus Christi manducare.

**137. — Præterea.** Isidores dicit (lib. III *Seni.*, c. 6, n. 14 ; L. 83, 671) et habetur in *Decr.*, d. 6 (cap. « Non est peccatum », L. 187, 42) : « *Qui nocturna illusionel pollutur, quamvis extra memoriam turpium cogitationum se sentiat inquinatum, tamen hoc2 ut lentaretur suæ culpæ tribuat, et suam immunditiam statim fletibus tergat3.* » Sed ille qui purgatione indiget, debet a perceptione hujus sacramenti abstinere. Ergo pollutus nocturna pollutione impeditur a perceptione corporis Christi.

### [III]

**138. -- ULTERIUS**, λ IDETUR QUOD PROPTER IMMUNDITIAM PURE CORPORALEM ALIQUIS A PERCEPTIONE HUIUS SACRAMENTI IMPEDIATUR.

1. *Deui.*, xxiii, 12: « *Habebitis4 locum extra castra λ*, dicit Glossa (L. 113, 478) : « *Corporalem munditiam diligit Deus* ». Ergo corporalem immunditiam odit. Et ita propter corporalem immunditiam debet homo ab hoc sacramento abstinere.

2. **Præterea.** Major est dignitas hujus sacramenti -quam omnium sacramentorum veteris testamenti. Sed in veteri lege et mulieres post partum, et patientes fluxum menstrui, et seminiflui immundi reputabantur respectu sacramentorum veteris testamenti. Ergo multo fortius debent abstinere a perceptione hujus sacramenti.

3. **Præterea.** Sacerdoti leproso interdicitur facultas celebrandi, ut patet *Extra, de clerico ægrotante5 vel debilitato3*, « *Tua nos* ». Ergo eadem ratione propter lepram debet laicus a perceptione hujus sacramenti abstinere.

**139. — SED CONTRA.** Poena non debetur pænæ, sed culpæ ; alioquin consurgeret duplex tribulatio, quod est contra id quod dicitur *Nahum* i, 9. Sed omnes prædictæ immunditiæ corporales pænæ quædam sunt. Ergo propter eas non debet aliquis a sacramento altaris impediri, quod est maxima poena.

**140. — Præterea7.** Naturalibus non meremur neque [demeremur. Sed omnes prædictæ immunditiæ ex causis naturalibus accidunt. Ergo propter eas non meretur aliquis a participatione hujus sacramenti impediri.

1. Ed. « pollutione ». — 2. Ed. « hic ». — 3. γ « tangat ». — 4. Ed « habebis ». — 5. Ed. « ægro ». — 6. Ed. « debili ». — 7. α ad. « in ».

**141. — RESPONSIO.** Dicendum **AD PRIMAM QUÆSTIONEM** quod omne peccatum, secundum Augustinum (de *lih. Arb.*, lib. III, c. 17 ; !. 32, 1294 ; et lib. de *duab. Animal.* c. 10 ; L. 42, 103 ; est in voluntate. Motus autem voluntatis præsupponit iudicium rationis, eo quod est apparentis boni vel vere vel falso. Unde ubi non potest esse iudicium rationis, non potest esse bona voluntatis motus.

**142. —** *In somnis autem iudicium rationis impeditur.* Iudicium enim perfectum haberi non potest de aliqua cognitione, nisi per resolutionem ad principium unde cognitio ortum habet : sicut patet quod cognitio conclusionum ortum habet a principiis ; unde iudicium rectum de conclusione haberi non potest nisi resolvendo ad principia [indemonstrabilia]. (Ium ergo omnis cognitio intellectus nostri a sensu oriatur, non potest esse iudicium rectum nisi reducatur ad sensum. Et ideo Philosophus dicit in *VIEZ/i.* (ζ 12. 1143a, 36 sq. ; l. 9, n. 1247-50), quod *sicut* principia indemonstrabilia quorum est intellectus, sunt extrema, scilicet resolutionis, *ita* et singularia quorum est sensus. In somno autem sensue ligati sunt. Et ideo nullum iudicium animæ est liberum, neque rationis neque sensus communis. Et ideo neque motus appetitivæ partis est liber. Et propter hoc in somno non potest aliquis peccare neque mereri.

**143. —** Sed tamen potest in somno accidere signum peccati vel meriti, inquantum somnia habent causas imaginationes vigilantium. Ende dicit Philosophus in *I Eth.* (a 13. 1102b, 10 ; l. 20, n. 235), quod « *inquantum paulatim pertranseunt quidam motuum, scilicet, a vigilantibus ad dormientes, meliora fiunt? phantasmata studiosorum quam quorumlibet* » ; et Augustinus, *XII super Genes.* p. 15 ; E. 34, 466), quod « *propter affectionem animæ bonam etiam in somnis quædam ejus merita clarent.* »

**144. — AD PRIMUM** ergo dicendum quod secundum quod Augustinus ibidem dicit, Salomonis petitio in somnis facta placuisse Deo et remunerationem invenisse dicitur *pro bono desiderio prius habito*, quod in somno per signum sanctæ petitionis claruit, non quod tunc in somno intellexit.

**145. — Ad secundum** dicendum quod mens humana habet duos respectus : *unum* ad superiora ad quibus illustratur ; *alium* ad corpus a quo recipit et quod regit.

*Ex parte ergo illa qua anima a supernis accipit*, per somnum non ligatur, immo magis libera redditur quanto fit a corporalibus curis magis absoluta. *El ideo etiam ex influentia superni luminis aliqua de futuris percipere potest dormiens quæ vigilans scire non posset.*

1. ἀβγάξη ' demonstrabilia », F. « demonstrativa », contra P. ANVP. — 2. Ed. « sunt ». — 3. Ed. « somnis ». — 4. RANVP « meruerit ». — 5. Ed. om. « a ».

**146.** — *Ex parte autem illa qua a corpore recipit, oportet quod ligetur quantum ad ultimum iudicium et completum, ligatis sensibus a quibus ejus cognitio initium sumit; quamvis etiam imaginatio ejus non ligetur, quæ immediate ei species rerum subministrat.*

**147.** — **Ad tertium** dicendum quod *actus liberi arbitrii esi eligere*, secundum quod patet ex Augustini definitione in II lib., d. 24, (q. 1, a. 1) posita. *Electio autem est quasi conclusio consilii*, ut dicitur in III Eth. (y 5. 1113a, 4; l. 9, n. 484). Unde ad iudicium pertinet vel iudicium præsupponit. *Et ideo* quamvis aliquem usum rationis *homo dormiens* habere possit secundum quod sensus minus ligantur, tamen *usum liberi arbitrii in eligendo habere non potest.*

**148.** — **Ad quartum** dicendum quod secundum quod sensus magis vel minus ligatur a passione somni, secundum hoc etiam iudicium rationis magis vel minus impeditur. Unde quandoque homo dormiens considerat hæc quæ apparent somnia esse.

Sed quia in dormiendo nunquam sunt sensus soluti ex toto, ideo etiam rationis iudicium non est ex toto liberum; unde semper cum aliqua falsitate iudicium rationis est. etiam si quantum ad aliquid sit verum. Et inde contingit quod aliquis in somno aliquando consentit turpitudini, aliquando non.

Quia tamen iudicium rationis non est omnino liberum, et per consequens nec liberi arbitrii usus; *ideo nec talis consensus vel dissensus potest esse meritorius vel demeritorius in se.*

**149.** — **Ad quintum** dicendum quod corporales motus non pertinent ad meritum vel demeritum, nisi secundum quod a voluntate quasi a principio causantur. *Et ideo nocturna pollutio magis iudicatur quantum ad rationem meriti vel demeriti, secundum principium quod est in dormiendo, quam secundum terminum qui est in vigilando;* quia ex quo in dormiente exciatus est motus carnis, non subjacet voluntati vigilantis ulterius motus ille, nec reputatur evigilasse, quousque perfecte usum liberi arbitrii recuperavit.

**150.** — *Potest tamen contingere quod in ipsa evigilatione peccatum oriatur, si quidem pollutio propter delectationem placeat: quod quidem erit veniale peccatum, si sit ex surreptione talis placentia; mortale autem, si sit cum deliberante consensu et præcipue cum appetitu futuri. Ista autem placentia non facit præteritam pollutionem peccatum, quia ipsius causa non est. sed ipsa in se peccatum est.*

**151.** — *Si autem placeat ut naturæ exoneratio vel allevialio, peccatum non creditur.*

**152.** — **AD SECUNDAM QUÆSTIONEM** dicendum quod ad

hoc quod homo digne ad sacramentum eucharistiæ accedat, *tria* requiruntur.

*Primo* munditia conscientiae, quæ non nisi per peccatum tollitur.

*Secundo* erectio mentis ad Deum per actualem devotionem ; et hæc per mentis hebetudinem vel occupationem aut evagationem interdum sine peccato amittitur.

*Tertio* etiam! munditia corporalis. Unde et celebrantes, vel tractaturi aliquod sacramentum, propter reverentiam manus lavant.

Unde *primo et* principaliter peccatum impedit, *secundo* indevotio sive hebetudo mentis, *tertio* corporalis immunditia. Et hæc tria quandoque concurrunt in aliqua pollutione nocturna, quandoque duo ex his, quandoque unum tantum. Et secundum hoc homo magis vel minus impeditur. Et ideo distinguendæ sunt pollutionum materies.'

**153.** — Distinguitur autem *dupliciter* pollutio nocturna. **Primo quantum ad causam.** Eorum enim quæ in somnis apparent, *triplex* est causa.

*Una extrinseca spiritualis*, sicut in his quæ per spirituales substantias nobis revelantur.

*Alia intrinseca spiritualis*, sicut<sup>2</sup> quando phantasmata quæ apparent dormientibus, sunt reliquiæ præcedentium cogitationum.

*Tertia est corporalis intrinseca*, sicut quando phlegma dulce ad linguam decurrit, somniat homo comedere dulcia. Unde medici ex somniis, corporis dispositionem conjiciunt.

Pollutio ergo *quandoque* ex illusionem accidit, quando phantasmata per causam extrinsecam spiritualem, scilicet dæmones, commoventur ; *quandoque* ex reliquiis<sup>3</sup> præteritarum cogitationum, quod est causa spiritualis intrinseca ; *quandoque* ex causa intrinseca naturali : quæ quidem causa *vel fuit voluntati subjecta*, sicut<sup>4</sup> est quando ex superfluitate cibi aut potus præcedente pollutio accidit ; *vel non fuit voluntati subjecta, sive* accidat ex debilitate natura<sup>?</sup> impotentis retinere semen, *sive* ex ejus virtute superflua expellentis, *sive* quocumque alio modo in idem redit.

**154.** — **Secundo distinguitur pollutio quantum ad modum ;** quia *quandoque* accidit sine imaginatione, *quandoque* cum imaginatione ; et hoc *dupliciter* : quia *quandoque* in ipsa somni imaginatione homo turpitudini consentit, *quandoque* dissentit, et tamen pollutio accidit.

*Quando igitur<sup>5</sup> sine imaginatione* pollutio accidit, signum est quod pollutio ex causa sit corporali intrinseca.

1. Ed. om. « etiam ». — 2. Ed. om. « sicut ». — 3. Ed. « reliquis ». — 4. Ed. « et ». — 5. Ed. « ergo ».

*Sed quando cum imaginatione, potest sic vel sic esse.*

In omnibus igitur prædictis pollutionibus corporalis immunditia est communis ; sed quædam mentis hebetatio non est nisi in illis pollutionibus quæ cum imaginatione accidunt ; quia in illis quæ sine imaginatione accidunt, anima nihil participare videtur. Nulla autem dictarum est peccatum ut ex dictis patet ; sed potest esse effectus peccati significans præcedens peccatum veniale vel mortale.

155. — Peccatum autem mortale ex necessitate præcepti a perceptione eucharistiæ impedit, quia mortaliter peccat qui cum conscientia peccati mortatis accedit. Hebetudo autem mentis et immunditia corporalis ex quadam indecentia honestatis ; quia indevotio quædam videtur sic accedere, nisi necessitas urgeat.

156. — F.t ideo considerandum est, utrum in causa pollutionis possit inveniri peccatum præcedens ; quia *cogitatio turpium quandoque est sine peccato*, sicut cum in cogitatione tantum manet, ut cum quis disputans de talibus, oportet quod loquens cogitet ; *aliquando etiam cum peccato veniali*, quando ad affectionem cogitatio pertingens in sola delectatione finitur ; *quandoque autem etiam mortale*<sup>2</sup>, quando consensus adjungitur. Et quia cogitationi tali de propinquo est delectatio, et delectationi consensus, unde<sup>3</sup> in dubium potest verti utrum sequens pollutio ex peccato acciderit vel non, et aut veniali aut mortali ; satis tamen probabiliter potest conjici non præcessisse consensus<sup>4</sup>, quando in ipsa somni imaginatione<sup>5</sup> anima dissentit ; non tamen oportet quod, si consentiat, quod<sup>6</sup> consensus in vigilando præcessit ; quia hoc potest accidere propter ligamen iudicii rationis, quod quandoque magis quandoque minus est liberum in somno.

**Unde in tali pollutione si ad causam recurrens dubitet de consensu, omnino abstinere debet.** Si autem expresse inveniatur consensus non præcessisse, et necessitas urgeat, aut aliqua causa potior reformet pactum<sup>7</sup>, potest accedere, aut etiam celebrare non obstante corporis immunditia, aut hebetatione mentis ; alias si necessitas non incumbat, videtur non exhibere debitam reverentiam sacramento. Non tamen si celebrat, mortaliter peccat, sed *venialiter* : sicut cum quis quandoque mentis evagationem patitur.

157. — **Quando autem ex illusionione accidit, si illusionis causa in nobis præcessit, puta cum quis indevotus ad dormiendum**

1. *ab* « cognitione ». — 2. Ed. « quandoque etiam cuni mortali ». — 3. Ed. « inde etiam ». — 4. Ed. « consensus ». — 5. Ed. « animatione ». — 6. Ed. *om.* « quod » et habent « præcesserit ». — 7. *βγ€η* et aliquæ cd. « pactum » ; *α* « peractum » ; *PF.* « actum ».

accesserit ; idem est iudicium etl de pollutione quæ ex cogitatione præcedenti causatur.

**158.** — *Si autem in nobis causa non præcesserit*, immo magis causa contraria, et hoc frequenter accidat, et præcipue in diebus quibus quis communicare debet, signum est quod diabolus homini fructum eucharistiæ percipiendæ auferre conatur. Unde in tali casu consultum fuit cuidam monacho, ut in *collationibus Patrum* legitur (coi. xxn, c. 6; L. 49, 1227), quod communicaret; et sic diabolus videns se non posse consequi intentum, ab illusionem cessavit.

**159.** — *Si autem ex cibo præcedenti aut potu acciderit*, idem est iudicium etl de pollutione quæ ex turpi cogitatione processit ; nisi intantum quod non ita de facili accidit peccare mortaliter in sumptione cibi sicut in cogitatione turpi, et quod aliquando hæc pollutio sine imaginatione accidit, illa vero numquam.

**160.** — *Illam autem quæ ex naturæ dispositione accidit*, non est signum alicujus peccati, sed *potest hebetationem mentis inducere*, si cum imaginatione contingat, immunditiam autem corporalem habet. Etl ideo si necessitas immineat vel devotio exposcat, talis non impeditur, et præcipue quando nonl cum imaginatione accidit.

Tamen si propter reverentiam absterneat, laudandus est, quando infirmitas non est perpetua.

**161.** — Et quia non ita de facili potest percipi ex qua causa contingat, ideo **tutius est abstinere, nisi necessitas incumbat**. Debet autem abstinere, ut dicunt, usque ad viginti quatuor horas ; quia in tali spatio natura deordinata per corporalem immunditiam et mentis hebetationem, reordinatur.

**162.** — **AD PRIMUM** ergo dicendum quod quamvis peccatum quodlibet veniale magis ad impuritatem pertineat mentis secundum se quam pollutio nocturna, et secundum hoc magis Deo displiceat ; tamen peccatum veniale non ita hebetat animam et corpus inquinat, nec ita de facili est signum peccati mortalis, sicut pollutio. *Et ideo ratio non sequitur*.

**163.** — **Ad secundum** dicendum quod *non esset consulendum alicui quod statim post peccatum mortale etiam contritus et confessus, ad eucharistiam accederet* ; sed deberet, nisi magna necessitas urgeret, per aliquod tempus propter reverentiam abstinere.

*Et præterea*. Confessio purgat maculam mentis, non autem immunditiam corporalem et hebetudinem quæ contingit in mente ex depressione ipsius ad carnem.

**164.** — **Ad tertium** dicendum quod *Quidam* dicunt quod homo debet peccare venialiter, ut alium a peccato mortali impediatur.

1. Ed. « ac. ».— 2. Ed. « ac ».— 3. *ab* « vero » contra *y* et ed.— 4. Ed. *om.* « et » — 5. *abŷen om.* sed *y* expungit « cum » et *ad.* « sine » in margine, et *cij superad.*

**Sed hoc dictum contradictionem implicat** ; quia ex hoc ipso quod dicitur peccatum, ponitur indebitum fieri. Unde si aliquid fit quod nullo modo possit non esse peccatum, non debet fieri, nec etiam bonum est fieri, nec licitum, ut alius a peccato mortali liberetur ; quamvis ad hoc ex quadam pietate animi etiam multi boni inclinarentur.

**165.** — ' Sed potest hoc contingere ut aliquid quod alias esset peccatum veniale, ex tali causa factum desineret esse peccatum : sicut dicere aliquod verbum otiosum quod non esset otiosum<sup>3</sup> si diceretur causa piæ utilitatis. *Unde si talis pollutio sit quæ in casu necessitatis non impediatur, deberet pollutus in casu proposito celebrare* ; alias non.

**166.** — **Ad quartum** dicendum quod *turpis cogitatio dicitur* non solum quæ de turpibus est, quia de eis potest esse honesta cogitatio ; sed *quæ turpitudinem habet propter delectationem vel consensum adjunctum*. Et hæc quidem turpitudine, magis horrenda est quam illa quæ in cibo accidit ; *tum* quia magis vitari potest, cum dillicillimum sit<sup>4</sup> in cibo modum tenere ; *tum* quia est magis propinqua ad mortale peccatum.

**167.** — **AD TERTIAM QUÆSTIONEM** dicendum quod cum iste cibus non sit corporis sed mentis cibus, magis in ejus sump-tione consideranda est dispositio mentis quam corporis. Et ideo *distinguendum est* in immunditia corporali tantum ; quia *aut* est perpetua, sicut lepra, aut diuturna ; *vel* est temporalis et cito purgabilis.

**168.** — *Si quidem sii perpetua vel diuturna* tunc nullo modo propter hoc quis abstinere debet, ne propter immunditiam corporis perdatur fructus mentis : sicut accidit in leprosis et patientibus fluxum sanguinis vel seminis.

**169.** — *Si autem sit temporalis et facile expurgabitur*, tunc si aliquis in mente sit bene dispositus, sumere non prohibetur ; quamvis etiam possit ad tempus laudabiliter abstinere propter reverentiam tanti sacramenti.

**170.** — **AD PRIMUM** ergo dicendum quod Deus<sup>5</sup> diligit corporalem munditiam et immunditiam odit, secundum quod pertinet ad reverentiam vel irreverentiam sacramenti. *Et ideo si ex devotione mentis, non propter irreverentiam, aliquis cum immunditia corporali accedat, Deus acceptat*.

**171.** — **Ad secundum** dicendum quod *prohibilio immundorum in lege a sanctis magis erat propter significationem quam prop-*

1. Ed. « inclinentur ». — 2. Ed. « est ». — 3. a om. per homot. « quod non esset otiosum ». — 4. a ad. « cogitando de turpi magis quam ». — 5. a « Dominus ».

ter ipsas res. *Ei ideo non oportet quod similiter fiat in novo testamento, ubi veniente veritate figuræ cessaverunt.*

**172. — Ad tertium** dicendum quod interdicatur sacerdoti leproso ne celebret publice coram populo propter horrorem ; tamen secreto bene potest ex devotione celebrare, nisi sit adeo corruptus quod ministerium sine periculo explere non possit. *Leprosus* tamen ad sacerdotium promoveri non debet.

## ARTICULUS V

[1]

[n/ra, d. 11, 292-3 ; III, q. 80, a. 6 ; q. 81, a. 2 ; *Quodl.* V, q. 6, a. 2.]

**173. — AD QUINTUM SIC PROCEDITUR.** *Videtur quod SACERDOS DARE NON DEBEAT CORPUS CHRISTI PETENTI, SI SCIAT IPSUM ESSE PECCATOREM.*

1. Medicus enim non debet dare infirmo medicinam quam scit ei esse mortiferam. Sed sacerdos scit peccatori corpus Christi esse mortis<sup>2</sup> causam. Ergo non debet ei dare.

2. **Præterea.** Contra veritatem vitæ non est faciendum aliquid propter vitandum scandalum. Sed dare corpus Christi peccatori est contra veritatem vitæ, cum sit contra præceptum Domini, *Mat.*, vii, 6 : « *Nolite sanctum dare canibus* ». Ergo quantumcumque possit sequi scandalum, nullo modo est ei dandum : sicut nec pro aliquo scandalo vitando deberet dari cani, aut in lutum projici.

3. **Præterea.** De duobus malis minus malum eligendum est. Sed peccatori minus est malum si infametur, quam si corpus Christi manducet indigne. Ergo magis sacerdos debet ei negare in publico, etiamsi crimen ipsius in notitiam venire debeat, quam ei dare.

4. **Præterea.** Si dat ei hostiam non consecratam, nullum scandalum erit. Ergo videtur quod hoc debeat' magis facere.

**174. — SED CONTRA.** Omnis Christi actio nostra est instructio. Sed Christus dedit corpus suum in cœna Judæ, ut habetur *Joan.*, xiii, 26, et *Dionysius* dicit: (de *Eccles. Hier.*, c. 3, p. 3, n. 1 ; *G.* 3, 427) « *quamvis sciret eum peccatorem* ». Ergo et sacerdos peccatori petenti denegare non debet.

**175. — Præterea.** *Augustinus* (*Glossa*, L. 113, 875) dicit : « *Non prohibeat dispensator pingues terræ, idest peccatores, ad mensam Domini manducare* ».

1, Ed. « sit » — 2. Ed. « mortiferam ». — 3. Ed. « debet ».

## [II]

**176. — ULTERIUS.** Videtur quod suspectis de crimine  
**ETIAM DARI DEBEAT.**

1. Suspicio enim dubium importat. Sed dubia in meliorem partem interpretanda sunt. Ergo videtur quod debeat ei dari ac si esset justus.

*i. Præterea.* Experimentum non sumitur de aliquo crimine, nisi de quo suspicio præcessit. Sed corpus Christi dandum est aliquando alicui ad experimentum de peccato sumendum sub his verbis : « *Corpus Domini sit tibi ad probationem hodie* » ; ut dicitur in *Decr.*, d. 2, q. 5, (c. 23 : L. 187, 615k Ergo dari debet suspectis.

**177. — SED CONTRA.** Si suspectis de crimine daretur corpus Christi, esset scandalum populo videnti et scienti. Sed scandalum vitandum est. Ergo non oportet eis dari corpus Christi.

## [III]

[*Infra*, d. 23, q. 2, a. 2, sol. 3, 4 ; III, q. 80, a. 8 ; in *Joan.* c. 6, l. 7.]

**178. — ULTERIUS.** Videtur quod amentibus corpus Christi dari non debeat.

1. Quia ad hoc quod aliquis corpus Christi sumat, requiritur diligens examinatio, ut patet *1 Cor.*, xi, 28 : « *Probet autem seipsum homo*, etcl. » Sed hoc non potest in amente procedere. Ergo non debet ei eucharistia dari.

2. *Præterea.* Inter amentes etiam energumeni computantur ; sed secundum Dionysium, 3° c. *Eccl. Hier.*, (G. 3, 423) energumeni etiam ab inspectione divinorum arcentur ; unde statim post Evangelium in primitiva Ecclesia per vocem diaconi cum catechumenis excludebantur. Ergo non debet eis dari eucharistia.

**179. — SED CONTRA.** Cassianus dicit (coli, vu, c. 30 ; L. 49, 709-10) : « *Eis qui ab incommodis vexantur spiritibus, communionem sacrosanciam a senioribus nostris nunquam meminimus interdictam.* » Ergo cum tales sint amentes, amentibus debet dari.

**180. — Præterea.** In *Decret.* 26 c., q. 6 (cap. « Qui recedunt » ; L. 187, 1359) dicitur : « *Amentibus etiam quæcumque pietatis sunt, conferenda sunt* » ; et loquitur de reconciliatione et sacra communione.

\*

## [IV]

[*Infra*, d. 23, q. 2, a. 2, sol. 3 et 4; *HI*, q. 80, a. 8; *in Joan.* c. 6, l. 7.]

**181. — ULTERIUS.** Videtur quod etiam pueris dandum sit corpus Christi.

1. Quia per baptismum aliquis adscribitur ad corporis Christi sumptionem; unde et baptizato conferendum est, ut Dionysius dicit (de *Eccl. Hier.*, c. 2, p. 2, n. 7; G. 3, 895). Sed pueri baptizati sunt. Ergo et eis corpus Christi debet dari.

2. **Præterea.** Vita spiritualis *sicut* est per baptismum, *ila* est per eucharistiam, quia dicitur *Joan*, vi, 58: « *Qui manducat me, vivit propter me* ». Sed pueris datur baptismus ut habeant spiritualement vitam. Ergo et similiter debet dari eis eucharistia.

**182. — SED CONTRA** est quod iste « *cibus est grandium* », ut patet per Augustinum in lib. *Confes.* (VII, c. 10; L. 32, 742). Sed pueri nondum sunt grandes in fide. Ergo non debet eis dari.

**183. — RESPONSIO.** Dicendum **AD PRIMAM QUÆSTIONEM** quod si sacerdos sciat peccatum alicujus qui eucharistiam petit per confessionem vel alio quolibet modo, distinguendum est; quia *aut* peccatum est occultum, *aut* manifestum.

*Si esi occultum, aut* exigit in occulto, *aut* in manifesto.

*Si in occulto, debet ei denegare* et monere ne in publico petat.

**184. — Si autem in manifesto** petit, **debet ei dare.** *Primo*, quia pro peccato occulto pœnam inferens publicam, est confessionis revelator aut proditor criminis. *Secundo*, quia quilibet Christianus habet jus in perceptione eucharistiæ, nisi illud per peccatum mortale amittat. Unde cum in facie Ecclesiæ non constet istum amisisse jus suum, non debet ei in facie Ecclesiæ denegari; alias daretur facultas malis sacerdotibus pro suo libito punire maxima pœna quos vellent. *Tertio* propter incertitudinem status sumentis; quia « *spiritus ubi vult, spirat* » (*Joan.*, hi, 8). Unde subito potest esse compunctus et divinitus a peccato purgatus, et divina inspiratione ad sacramentum accedere. *Quarto*, quia esset scandalum, si denegaretur.

**185. — Si vero peccatum est manifestum, debet ei denegare** sive in occulto sive in manifesto petat.

**186. — AD PRIMUM** ergo dicendum quod potius eligeret *medicus* medicinam esse mortiferam infirmo quam sibi, si alterum oporteret.

*Et similiter sacerdos potius deberet eligere quod peccator assumat ad perditionem suam, quam ipse deneget in perditionem propriam, scandalizando et peccatum occultum revelando.*

1. a « ilium ». — 2. Ed. « oportet ». — 3. Ed. « potuit ». — 4. Ed. « denegari », contra *αβγδε*; *η om.* 185. — 5. Ed. « alterutrum ».

**187.** — *El præterea.* Non est certum utrum sit ei mortifera, quia subito homo spiritu Dei mutatur, et iterum! in ipsa petitione peccabit mortaliter in mortale peccatum consentiens.

**188.** — **Ad secundum** dicendum quod non dimittitur tantum propter scandalum, sed propter alias causas quæ faciunt; nec esset contra veritatem vitæ, si negaret. Dominus ergo non prohibuit simpliciter dare, sed voluntatem dandi dicens: « *Nolite sanctam etc.* » *Sacerdos autem in casu proposito non dat propria, sponte, sed magis coactus.* Nec est similis ratio de animalibus brutis et de projectione in lutum, quia causæ prædictæ non sunt ibi.

**189.** — **Ad tertium** dicendum quod secundum Innocentium (IV de *sacro Altaris mysterio*, c. 13; L.217, 865) « *cum nemo debeat unum<sup>3</sup> mortale committere ut proximus aliud noncommittal, eligendum est potius sacerdoti non proderere peccatorem, quam ut ille non peccet; sed peccator debet potius eligere ut abstinendo reddatur suspectus quam communicando manducet indignus.* »

**190.** — **Ad quartum** dicendum quod *nullo modo debet dari hostia non consecrata pro consecrata; tum* quia in sacramento veritatis non debet esse aliqua fictio; *tum* quia cum manducans adoret quod manducat, ut dicit Augustinus {in *Ps. xviii*, n. 9; L. 36, 1264} daret sacerdos ei occasionem idolatræ. Unde *Decretalis* dicit in casu consimili (extra, de *celebr. Miss.*, cap. « De homine »,) quod « *falsa sunt abjicienda remedia quæ sunt veris periculis graviora.* »

**RATIONES QUÆ SUNT AD OPPOSITUM** procedunt<sup>4</sup>, quando peccator occultus publice petit.

**191.** — **AD SECUNDAM QUÆSTIONEM** dicendum quod *triplex est suspicio.*

*Quædam violenta* ad cuius contrarium non admittitur probatio: sicut si inveniatur solus cum sola nudus<sup>5</sup> in lecto, loco secreto et tempore apto ad commixtionem.

*Alia esi probabilis*: sicut si inveniatur solus cum sola colloquens in locis suspectis et frequenter.

*Tertia est præsumptuosa* quæ ex levi conjectura ortum habet.

**192.** — Hæc autem *ultima* deponenda est; *in secunda non debet denegari*, quia pcena non infligitur ubi culpa ignoratur; *sed de prima est idem iudicium quod de peccato.*

Unde si sit suspicio procedens ex fama publica, non debet ei dari neque in occulto neque in manifesto; si autem sit singularis ipsius sacerdotis, sic debet dari in publico, sed non in occulto.

**193.** — **AD PRIMUM** ergo dicendum quod quamvis non habeatur in prima suspicione certitudo sensibilis vel per demon-

1. Ed. « utrum », contra *αβγδ&η*. — 2. RANVP « ne ». — 3. α *ad* \* peccatum ». — 4. Ed. *ad* « solum ». — 5. γ *ad*. « cum nuda ».

strationem, tamen *habetur talis certitudo quæ sufficit ad probationem juris*. Non enim in omnibus est similiter certitudo requirenda, ut dicitur *I Elh.* (a l. 1094», 13 ; l. 3, n. 32).

**194.** — **Ad secundum** dicendum quod decretum illud abrogatum est ; quia *facere tales probationes est lentare Deum*.

*Vel dicendum* quod intentio illius decreti non est ut talis purgatio fiat, sed ut propter timorem talis purgationis a furtis absterneantur.

**195.** — **AD TERTIAM QUÆSTIONEM** dicendum quod de amentibus distinguendum est.

*Quidam enim dicuntur large amentes*, quia debilem mentem habent, sicut dicitur invisibile quod male videtur ; et tamen sunt aliquo modo docibiles eorum quæ ad fidem et devotionem sacramenti pertineant<sup>2</sup> ; et talibus non oportet corpus Christi denegari.

**196.** *Quidam vero sunt omnino carentes iudicio rationis. Et isti vel fuerunt tales a nativitate*, et tunc eis non debet dari, quia non possunt ad devotionem induci quæ requiritur ad hoc sacramentum quamvis *Quidam* contrarium dicant ; *vel incidunt in amentiam post fidem et devotionem* sacramenti, et tunc debet eis dari, nisi timeatur periculum vel de vomitu vel de exspuitione aut aliquo hujusmodi.

**197.** — Et hoc patet per hoc quod habetur in *Decret.*, c. 26, q. 6 (cap. « Is qui » ; L. 187, 1359) : « *Si is qui infirmitate poenitentiam petit et dum sacerdos invitatus ad eum venit; vertatur in phrenesim, accepto testimonio ab astantibus qui petitionem, audierunt, et reconcilietur ei eucharistia ejus ori infundatur.* »

**198.** — **AD PRIMUM** ergo dicendum quod *in isto casu præcedens devotio computatur ei ad dignam manducationem*.

**199.** — **Ad secundum** dicendum quod *dæmoniis non est deneganda communio*, nisi forte certum sit quod pro aliquo crimine a diabolo torqueantur. Et de talibus loquitur *Dionysius*.

**200.** — **Vel dicendum, et melius**, quod *ipse vocat energumenos illos in quibus adhuc viget virtus daemonis propter peccatum originale nondum extirpalum* eo quod nondum baptismi gratiam consecuti sunt, quibus adhibetur exorcismus post catechismum ante baptismum. Unde ipse ponit eos secundo loco post catechumenos.

**201.** — **AD QUARTAM QUÆSTIONEM** dicendum quod *pueris carentibus usu rationis* qui non possunt distinguere inter cibum spirituales et corporales, non debet eucharistia dari ; quamvis *Quidam Græci* contrarium teneant, **irrationabiliter**

1. Ed. « absterneat ». — 2. Ed. « pertinent ». — 3. Ed. *om.* « a ».

autem ; quia ad eucharistiæ sumptionem exigitur actualis devotio, quam tales pueri habere non possunt.

**202.** — *Pueris autem jam incipientibus habere discretionem*, etiam ante perfectam aetatem, puta cum sint decem vel undecim annorum, aut circa hoc, **postet dari**, si in eis signa discretionis appareant et devotionis.

**203.** — **AD PRIMUM** ergo dicendum quod *pueri baptizati acquirunt jus percipiendi corpus Christi*, non tamen statim, sed *tempore competenti* : sicut et jus percipiendae hereditatis, habent, quamvis eam statim non possideant. Dionysius autem assignat ritum baptismi quoad adultos, ut patet inspicienti verba ejus.

**204.** — **Ad secundum** dicendum quod *per baptismum datur primus actus vitae spiritualis*, unde est de necessitate salutis, et ideo pueris baptismus dandus est ; sed *per eucharistiam datur complementum spiritualis vitae*, et ideo illis qui perfectionis secundæ quæ est per actualem devotionem possunt esse capaces, debet dari, prout habetur *de Consecr.*, d. 41, « In ecclesia », (L. 187, 1845), ubi dicitur : « *Non cogitent vitam habere posse qui sunt expertes corporis et sanguinis Domini* » ; et loquitur de pueris.

Intelligendum est<sup>3</sup> *quantum ad rem sacramenti quæ est unitas Ecclesiæ extra quam non est salus neque<sup>4</sup> vita*, et non quantum ad sacramentalem manducationem.

## EXPOSITIO TEXTUS

**205.** — « Crede, et manducasti. » **(1a)**. Intelligendum est de manducatione spirituali et fide formata. Ideo autem potius fidem commemorat, quia ipsa est quæ maxime in sacramentis **operatur**.

**206.** — « Nos corpus Christi facti sumus » **(1b)**. Ergo spiritualiter manducamus nosipsos.

**Et dicendum** quod nos non sumus corpus ipsius nisi ratione unionis quam manducando spiritualiter acquirimus.

**207.** — « Ecce factum est malum. » **(3a)**. **Contrarium** dicit supra eodem capite : « Indigne quis sumens corpus Christi, non efficit ut malum sit quod accipit. »

**Et dicendum** quod non sit malum in se, sed sit malum, idest nocivum, isti<sup>4</sup>.

**208.** — « Ita spiritualiter sumamus » **(4a)**. **Contra** ; quia in patria nullus usus sacramenti erit; ergo nec spiritualis sumptio.

**Et dicendum** quod dicitur spiritualis sumptio consecutio «rei sacramenti, quam sacramentum statim non efficit, sed tantum significat, scilicet fruitio Divinitatis, quam etiam significat sacramentalis manducatio.

1. *αβγ* « d. 14 », — 2. Ed. « cogitetis », — 3. Ed. *ad.* « autem r. — 4. Ed. nec \ — 5. Ed. *om.* « facti », — 6. Ed. « si ».

## DISTINCTIO X

De hteresi illorum oui dicunt corpus Christi non esse in  
ALTARI NISI IN SIGNO

1. — Sunt item Ai.n, praecedentium insaniam transcendentis, qui Dei virtutem juxta modum naturalium rerum metientes, audacius ac periculosius veritati contradicunt, asserentes in altari non esse corpus Christi vel sanguinem, nec substantiam panis vel vini in substantiam carnis et sanguinis converti; sed ita Christum dixisse: « *Hoc est corpus meum* », sicut Apostolus dicit (I Cor., x, 4): « *Petra autem erat Christus.* » Dicunt enim ibi esse corpus Christi tantum in sacramento, idest in signo et tantum in signol manducari a bonis.

Qui errandi occasionem sumunt, a verbis Veritatis, unde<sup>2</sup> « *prima hæresis facta est in discipulis Christi. Cum enim diceret (Joan., vi, 54): « Nisi quis manducaverit, carnem meam et biberit sanguinem meum, non habebit vitam æternam », illi non intelligentes dixerunt (vers. 61): « Durus est hic sermo et quis potest eum audire? et abierunt retro. Illis discedentibus instruxit duodecim qui remanserant: « Spiritus est, inquit, qui vivificat: caro nihil prodest. Verba quæ locutus sum vobis, spiritus et vita sunt. » intellexisti spiritualiter? Spiritus et vita sunt: intellexisti carnaliter? Jilitin sic spiritus et vita sunt. sed tibi non sunt. Spiritualiter intelligite? quæ locutus sum.*

a. — *Non hoc corpus quod videtis manducaturi estis, et bibituri illum sanguinem quem fusuri sunt qui me crucifigent. Sacramentum aliquod vobis commendavi; spiritualiter intellectum vivificabit vos<sup>1</sup> caro autem non prodest quidquam.* »

Sunt etiam et<sup>4</sup> alia illorum insaniam fomite ministrantia.

Ait enim Augustinus {in Joan. tr. 30, n. 1; L. 36, 1632}: « *Donec sseculum finiatur, sursum est Dominus; sed tamen etiam hic nobiscum est Veritas, Dominus\*. Corpus enim in quo resurrexit\*, uno loco esse oportet; veritas autem ejus ubique diffusa est.* »

Item (ad Dardan. ep. 187, c. 3, n. 10; L. 33, 836): « *Una persona est Deus et homo, ubique per id quod est Deus, in coelo per id quod homo est.* »

Christus etiam dicit (Mat., xxvi, 11): « *Pauperes semper habebitis vobiscum, me autem non semper habebitis.* »

His aliisque utuntur præfati haeretici ins assertionem sui erroris.

### Determinatio præmissorum

2. — Quæ ex eadem ratione omnia accipienda sunt. Non enim verbis his negatur, verum corpus Christi a fidelibus sumi, vel in altari esse; sed in<sup>10</sup> his Veritas Apostolos et<sup>4n</sup> eis nos instruxit, quod ipsius corpus

1. Ed. om. per *homol.* a et tantum in signo ». — 2. Ex Aug. in ps. 54, n. 23; L. 36, 643 t verbotenus autem legitur in Ai.gero I de Sacr. c. 11; L. 180, 772. — 3. Ed. « intellige ». — 4. Ed. om. « et ». — 5. Ed. « Domini ». — 6. Ed. ad. « in ». — 7. Ed. om. « est ». — 8. Ed. « assertione ». — 9. Ed. om. « verbis ». — 10. Quar. om. un ».

non in partes discerptum, ut putaverunt illi discipuli qui retro ierunt sed integrum ; nec visibiliter in forma humana, sed invisibiliter sub forma panis et vini, corpus et sanguinem nobis traderet.

**a.** — Quem sensum Augustinus<sup>1</sup> confirmat dicens : « *Ipsum quidem et non ipsum corpus quod videbatur manducatur : ipsum quidem invisibiliter, non ipsum visibiliter* ».

Item (in ps. 98, n. 9 ; L. 37, 12G4) « *Etsi necesse est illud visibiliter celebrari, necesse est tamen invisibiliter intelligi* ».

Ita etiam intelligendum est corpus Christi esse in uno loco, scilicet visibiliter in forma humana ; veritas tamen ejus, idest Divinitas, ubique est ; veritas etiam ejus, idest verum corpus, in omni altari est, ubicumque celebratur.

Sic etiam illud intelligendum est : « *Pauperes semper habebitis vobiscum, me autem non semper habebitis* » ; secundum corporalem praesentiam scilicet, qua cum eis conversabatur.

Similiter per id quod homo est, in coelo est visibiliter<sup>2</sup> ; invisibiliter autem est in altari, quia non in forma humana apparet, sed forma panis et vini operitur. Unde et invisibilis caro ejus dicitur quae vere est in altari, sed quia non in specie sua apparet, invisibilis dicitur.

**b.** — Ait, enim Augustinus<sup>3</sup> : « *Hoc est quod dicimus, quod modis omnibus approbare contendimus, sacrificium Ecclesiae duobus confici, duobus constare, visibili elementorum specie et invisibili Domini nostri Jesu Christi carne et sanguine : sacramento, et re sacramenti, idest corpore Christi, sicut Christi persona constat, et conficitur ex Deo et homine, cum Christus sit verus Deus et homo : quia omnis res illarum rerum naturam et veritatem in se continet ex quibus conficitur. Conficitur autem sacrificium Ecclesiae duobus : sacramento et re sacramenti, idest corpore Christi. Est ergo<sup>4</sup> sacramentum et res sacramenti, idem corpus Christi.* »

Ecce invisibilem dixit carnem Christi, quia forma panis operata sumitur et tractatur. Idemque corpus Christi dixit esse sacramentum et rem : ex quo confirmatur quod supra (d. 8, c. 7) diximus.

**3.** — Deinde addit quod magis movet lectorem : « *Caro, inquit, ejus est quam sub\* forma panis operatam in sacramento accipimus ; et sanguis ejus, quem sub vini specie ac sapore potamus. Caro videlicet carnis, et sanguis sacramentum est sanguinis : carne et sanguine, utroque invisibili, intelligibili ef spiritali, significatur corpus Christi visibile et palpabile, plenum gratia et divina majestate.* »

#### Quæ SIT INTELLIGENTIA PRÆMISSORUM

**4.** — Attende his dilisenter, quia tropo quodam utitur hic Augustinus, quo solent res significantes rerum sortiri vocabula quas significant. Hic enim visibilis species panis vocatur nomine carnis et visibilis species vini, nomine sanguinis. Invisibilis vero et intelligibilis dicitur caro Christi ; quia secundum illam speciem non videtur caro, sed intelligitur ; ita et sanguis. Caro ergo invisibilis dicitur esse sacramentum carnis visibilis quia species panis, secundum quam illa non videtur caro, est sacramentum carnis visibilis, quia carne invisibili, idest specie, secundum quam caro Christi non videtur caro, significatur corpus Christi quod est visibile et palpabile, ubi in sua forma apparet. Ita et de sanguine accipi debet.

Quem sensum confirmat Augustinus<sup>8</sup>, aperiens qualiter praedicta intel-

1. Cf. Ivo, *Decret.*, p. 2, c. 9 ; II Pan. e. 134 ; L. 161, 156, 1075 et invenitur apud Higonem ; L. 176, 146 ; et Algerum loc. cit. n. 9. — 2. Quar. ad. « scilicet ». — 3. Lanfrancus, *de corp. et sang. Dom.*, e. 10, L. 150, 421. — 4. Quar. « igitur ». — 5. Ed. « id est ». — 6. Quar. om. « sub ». — 7. Quar. om. « et ». — 7. Cf. Higoem, Algerum (L. 180, 753) et Lanfrancum, loc. cit., c. 14. \*

ligenda sint, quia obscure dixerat, consequenter dicens, ita panem vocari corpus Christi, cum vere sit sacramentum corporis Christi quod in cruce positum est; sicut ipsa immolatio quæ fit manibus sacerdotis, vocatur Christi passio non rei veritate sed significante mysterio, et sicut « *sacramentum fidei dicitur fides* »\*.

**a.** — Satis responsum est hæreticis objectionibus eorum qui negant verum corpus Christi in altari esse, et panem in corpus vel vinum in sanguinem mystica consecratione converti dicentes: Quis audeat manducare Dominum suum? Quis etiam audeat dicere quotidie formari corpus Christi de materia vel substantia, quæ non fuit caro Virginis?

Auctoritatibus probat verum corpus Christi esse in altari, et in id panem converti

**5.** — Hæc et his similia obijciunt illi, in divino mysterio legem naturæ sectantes: quorum perfidiam subdita convincunt testimonia.

**a.** — Ait enim Veritas (Mat., xxvi, 26): « *Accipite: hoc est corpus meum* ».

Item Ambrosius (*de Mysteriis*, c. 9, n. 52; L. 16, 406): « *Si tantum valuit sermo Eliæ ut ignem de coelo deponeret, non valebit tantum sermo Christi, ut substantias mutet? De totius mundi operibus legitur (Ps. cxivni, 5). « Quia ipse dixit, et facta sunt etc ».* Sermo igitur, idest Filius<sup>2</sup>, qui potuit ex nihilo jacere quod non erat, non potest ea quæ sunt, in id mutare quod non erant? Non enim minus est causare quam mutare novas naturas rebus. »

**b.** — Item (ibid., 53): « *Si ordinem quærimus, viro mixta jemina generare consueverat. Liqueat ergo quod præter naturam ordinem Virgo generavit; et hoc quod conficimus corpus, ex Virgine est. Quid ergo hic quæris naturam ordinem in Christi corpore, cum præter naturam sit ipse partus ex Virgine?* »

Item (ibid., 54): « *Ante benedictionem alia species nominatur; post consecrationem corpus significatur. Ante consecrationem aliud dicitur; post consecrationem sanguis nuncupatur. Tu dicis, Arnen, idest<sup>3</sup> verum est. Quod sermo sonat, affectus sentiat.* »

Item Augustinus<sup>4</sup>: « *In specie panis et vini quam videmus, res invisibiles, idest carnem et sanguinem, honoramus; nec similiter pendimus has duas species sicut ante consecrationem pendebamus, cum fideliter fateamur ante consecrationem panem esse et vinum, quod natura formavit; post consecrationem vero carnem Christi et sanguinem, quod benedictio consecravit.* »

Item Ambrosius (lib. IV de Sacram., c. 4, n. 14; L. 16, 439): « *Panis est in altari usitatus ante verba sacra; ubi accessit consecratio, de pane fit Christi caro. Quomodo autem potest quod panis est, esse corpus Christi? Consecratione quæ fit sermone Christi.* »

**c.** — Item (ibid., 15, col. 460): « *Si tanta vis est in sermone Domini, ut incipientibus esse quæ non erant; quanto magis operatorius est, ut sint quæ erant et in aliud commutentur? Et sic quod erat, panis ante consecrationem, jam corpus Christi est post consecrationem, quia sermo Christi creaturam mutat; et sic ex pane fit corpus Christi, et vinum cum aqua in calice missum fit sanguis consecratione verbi collectis.* »

Item Augustinus<sup>5</sup>: « *Sicut per Spiritum sanctum<sup>3</sup> vera Christi caro sine coitu creatur, ita per eundem ex substantia panis et vini idem corpus Christi et sanguis consecratur. Corpus Christi<sup>3</sup> et veritas est et figura: veritas, dum*

1. Arc. ep. 98, n. 9; L. 83, 364. — 2. Quar. om. « idest Filius ». — 3. Quar. « igitur ». — 4. Quar. » lior est ». — 5. Iva Decret, p. 2, c. 9; I Pan. c. 123; L. 161, 153, 1071. — 6. Quar. « incipient ». — 7. Paschasii «, in lib. de corp. et sang. Dom., c. 4, n. 1; L. 120, 1278. — 8. Quar, om. « sanctum ». — 9. Quar. om. per bo-mot. « et sanguis consecratur. Corpus chrcti ».

*corpus Christi et sanguis virtute Spiritus ex panis vini que substantia efficitur ; figura vero est id quod exterius sentitur. »*

Item Eusebius Emisenus (Decr. *de Consecr.*, d. 2 eap. « *Quia corpus* »; L. 187 1745) : « *Invisibilis sacerdos, visibiles creaturas in substantiam, corporis et sanguinis sui verbo suo secreta potestate commutat. »*

*Ex his aliisque pluribus constat verum corpus Christi et sanguinem in altari esse ; immo integrum Christum ibi sub utraque specie, et substantiam panis in corpus, vini que substantiam in sanguinem converti.*

## DIVISIO TEXTUS

### 6. — « Sunt item Al ii præcedentium insaniam etc. » (1).

Postquam determinavit Magister quod in hoc sacramento tria inveniuntur, aliquid quod est sacramentum tantum, et aliquid quod est res et sacramentum, et aliquid quod est res tantum, et secundum hoc diversimode diversi manducant ; *in parte ista incipit prosequi de singulis dictorum trium in specidli.*

Unde dividitur in partes tres. *In prima* determinat de ipso vero corpore Christi, quod est sacramentum et res contenta iii sacramento ; *in secunda* de speciebus panis et vini, quæ sunt sacramentum tantum, 12 d. ibi : « Si autem quæritur de accidentibus etc. » *In tertia* determinat de effectu sacramenti qui est res tantum, in fine dist., ibi (10) : « Institutum est hoc sacramentum. »

*Prima in duas.* *In prima* ostendit verum corpus Christi in altari contineri sub sacramento. *In secunda* determinat de transubstantiatione, per quam fit ut ibi sit verum corpus Christi, d. 11 : « Si autem quæritur qualis sit etc. »

*Prima in tres.* *In prima* ponit errorem quorundam negantium veritatem quam asserere intendit, et probationes illorum. *In secunda* solvit probationes ipsorum, ibi : « Quæ ex eadem ratione etc. » (2). *In tertia* inducit auctoritates ad veritatem probandam, ibi : « Hæc et his similia objiciunt etc. » (5).

*Secunda* pars dividitur in partes tres. *In prima* exponit auctoritates quas illi errantes pro se inducunt, et expositionem prædictam Sanctorum confirmat. *In secunda* ostendit dubitationem esse de quadam auctoritate Augustini inducta pro se, ibi : « Deinde addit quod magis movet etc. » (3). *In tertia* exponit eam ibi : « Attende his diligenter etc. » (4).

Hic quatuor quæruntur.

*Primo*, utrum corpus Christi contineatur in hoc sacramento.

*Secundo*, utrum totus Christus contineatur in sacramento sub speciebus quæ manent.

*Tertio*, qualiter sit ibi.

*Quarto*, quomodo possit agnosci corpus Christi secundum quod esse sub sacramento.

1. Ed. « eorum ». — 2. RANVP. ad. « verum ».

## ARTICULUS I

[III, q. 75, a. 1; IV Cg. c. 61 sq; De Ven. Sacram. Altar. eerm. 11; in Mal., c. 26: in Joan., c. 6, l. 6; I ad Cor., c. 11, l. 5.]

**7. —AD PRIMUM SIC PROCEEDITUR.** Videtur quod in SACRAMENTO ALTARIS NON CONTINEATUR VERUM CORPUS CHRISTI.

1. In his enim quæ ad pietatem *et* reverentiam pertinent divinam, nihil debet esse quod incrudelitatem vel irreverentiam sonet. Sed manducare carnes hominis sonat in quamdam bestialem crudelitatem<sup>1</sup> et irreverentiam manducati. Ergo et in sacrameito pietatis quod ad manducationis usum ordinatur, non debet esse verum corpus Christi quod manducatur.

**2. Præterea.** Sacramenta ordinantur ad utilitatem nostram. Sed Jo an., vi, 64, dicitur: « *Caro non prodest quidquam* ». Ergo corpus Christi sive ejus caro, non debet esse in hoc sacramento, sed solum ejus spiritalis virtus.

**3. Præterea.** Gregorius dicit in *homil. de regulo* (n. 1; L. 76, 1211): « *Corporalem præsentiam Domini quærebat, qui per spiritum nunquam<sup>2</sup> deerat. Minus itaque in illum credidit, quem non putabat posse salutem dare, nisi præsens esset in corpore.* » Sed non ponimus quod corpus Christi sit in altari, nisi ut nobis sit causa salutis. Ergo videtur quod ex infirmitate fidei procedat.

**4. Præterea.** Nihil potest esse nunc ubi prius non fuit, loco præexistente, nisi ipsum mutetur. Sed corpus Christi ante consecrationem non erat in altari. Si ergo post consecrationem sit ibi secundum veritatem, oportet quod aliquo modo sit mutatum: quod non potest dici. Ergo non est ibi verum corpus Christi.

**5. Præterea.** Nullum corpus potest esse simul in diversis locis. Sed corpus Christi vere est in cælo quo ascendit. Ergo impossibile est quod sit in altari.

**Probatio primæ.** Nihil continetur extra suos terminos, si terminos habeat; sed termini cujuslibet corporis locati sunt simul cum terminis<sup>3</sup> corporis locantis. Ergo nullum corpus locatum in uno loco, potest esse extra terminos illius loci. Et ita non potest esse in duobus locis simul.

**6. Præterea.** Eadem ratione potest poni corpus Christi esse in diversis locis et esse ubique, sicut ponentes Angelum esse in diversis locis dicunt quod est etiam ubique<sup>4</sup> si velit. Sed ponere quod corpus Christi ubique possit esse, est hæreticum, quia hoc solius Divinitatis est. Ergo non potest esse in diversis locis simul.

**7. Præterea.** Angelus est simplicior quam corpus Christi.

1. RANVP. *ad « manducantis »*. — 2. *Ed.* « nusquam ». — 3. *Ed.* « termino ». — 4. RANVP. « est ubicumque ».

Sed Angelus non potest esse simul in pluribus locis. Ergo neque corpus Christi. Et sic idem quod prius.

**8. Præterea.** Corpus Christi, in quantum corpus, non habet quod sit in pluribus locis, quia sic cuilibet corpori conveniret; neque in quantum gloriosum, quia multo fortius spiritui glorificato conveniret: neque in quantum Divinitati unitum, quia unio non ponit ipsum extra limites corporis. Ergo nullo modo sibi competit.

**8. — SED CONTRA.** *I Cor.*, xi, 29: « *Qui manducat et bibit indigne iudicium sibi manducat et bibit, non dijudicabit corpus Domini* ». Sed si esset corpus Christi ibi secundum solam significationem, non oporteret dijudicare hunc cibum ab aliis; quia quilibet panis eadem ratione significat corpus Christi. Ergo oportet ponere quod sit ibi verum corpus Christi.

**9. — Præterea.** Veritas in novo testamento debet respondere figuris veteris testamenti. Sed in veteri testamento ipse agnus qui figurabat Christum, sumebatur in cibum, ut patet *Exod.* xn. 8. Ergo in nova lege ipsum verum corpus Christi quod per agnum significatur, debet manducari.

**10. — Præterea.** *Dei*, xxxn, 4 dicitur: « *Dei perfecta sunt opera.* » Sed non perfecte conjungeremur Deo per sacramenta quæ nobis tradidit, nisi sub aliquo eorum ipse vere contineretur. Ergo in hoc sacramento verum corpus Christi continetur; **quia** non est aliud assignare sacramentum in quo Christus realiter contineatur.

**11. —** Ad hoc etiam sunt multæ auctoritates in *Littera* (5) positæ.

**12. — RESPONSIO.** Dicendum quod **sub sacramento altaris continetur verum corpus Christi** quod de Virgine traxit; et **contrarium dicere est hæresis**, quia derogatur veritati Scriptura qua Dominus dicit, *Mat.*, xxvi, 26, et alibi: « *Hoc est corpus meum* ».

Ratio autem quare oportet quod in hoc sacramento ipse Christus contineatur, in principio hujus tractatus (d. 8, 15' dicta est; quia scilicet non ita perfecte nobis Christus conjungeretur, si sola sacramenta illa haberemus in quibus conjungitur nobis Christus per virtutem suam in sacramentis illis participatam. *Et ideo oportet esse aliquod sacramentum in quo Christus non participative, sed per suam essentiam contineatur, ut sit perfecta conjunctio capitis ad membra.*

**13. —** Consequuntur etiam et aliæ utilitates, sicut *ostensio maximæ caritatis* in hoc quod seipsum dat nobis in cibum,

1. η « ei ». — 2. γ ῥ significabat ». — 3. Ed. « derogal ». — 4. γ et P. « consequenter ».

*sublevatio spei* ex tam familiari conjunctione ad ipsum, *et maximum meritum fidei* in hoc quod creduntur multa in hoc sacramento quæ non solum præter rationem sunt, sed etiam contra sensum, ut videtur ; et multæ aliæ utilitates quæ explicari sufficienter non possunt.

**14. — AD PRIMUM** ergo dicendum quod in crudelitatem sonaret et maximam irreverentiam, si corpus Christi ad modum cibi corporalis manducaretur, ut scilicet ipsum verum corpus Christi dilaniaretur et dentibus attereretur. Hoc autem non contingit in sacramentali manducatione ; quia *ipsum per manducationem non laceratur*, sed manducantes integros facit, speciebus sub quibus latet divisus, ut infra dicitur (**84**).

**15. — Ad secundum** dicendum quod nihil prodesset *caro Christi* corporaliter manducata, ut dictum est (**14**) ; *multum autem prodest sacramentaliter manducata*.

Unde Augustinus dicit (tr. 27 in Joan., n. 5 ; L. 35, 1617) : « *Caro non prodest quidquam, sed quomodo illi intellexerunt ; sic enim intellexerunt carnem quomodo in cadavere venditur<sup>1</sup>, aut in macello dilaniatur.*

**16. — Ad tertium** dicendum quod non *dicimus verum corpus Christi esse in altari*, eo quod aliter non posset salutem conferre, sicut regulus credebat ; sed *quia iste est convenientissimus modus salvandi*, sicut et convenientissimus modus<sup>2</sup> reparationis humanæ fuit per hoc quod « *Verbum caro factum est et habitavit in nobis* », (Joann., i, 14) quamvis etiam alius modus reparationis fuit possibilis.

**17. — Ad quartum** dicendum quod non oportet semper illud quod est nunc ubi prius non fuit localiter, mutatum esse ; quia potest aliquid esse conversum in ipsum, sicut cum aer in ignem convertitur. Sed tamen ignis mutatur mutatione generationis ; et hoc accidit quia ignis in illa conversione non est terminus generationis, sed compositum ex subjecto generationis, scilicet materia, et termino, scilicet forma. Unde forma ipsa quæ est terminus, per se non generatur, ut in λΠΙ *Mela*, (ζ 6. 1033b, 5-6 ; l. 7, n. 1419-20) probatur ; generatur autem per accidens, quia non est per se subsistens, sed in alio, quo mutato mutari dicitur.

**18. — Corpus ergo<sup>3</sup> Christi est in altari cum prius non fuerit, quia panis conversus est in ipsum**, ita quod ipsum totum corpus est terminus per se conversionis, sicut ibi erat forma ; non tamen est ens<sup>4</sup> in alio sicut forma, sed per se subsistens. *Et ita<sup>5</sup> non*

1. Ed. « in cadavere vertitur », contra ἀβυσσῶν. Migne habet : « quomodo in cadavere laniatur, aut in macello venditur ». — 2. *ay om.* per *homot.* « salvandi, sicut et convenientissimus modus », sed a *tor.* — 3. Ed. « autem ». — 4. Ed. *om.* « ens ». — 5. Ed. « ideo ».

*oportet quod sit localiter molium neque generatum per se, neque per accidens.*

**19.** — **Ad quintum** dicendum quod nullum corpus comparatur ad locum nisi mediantibus dimensionibus quantitatis. Et ideo *ibi* est corpus aliquod ut in loco, ubi commensurantur dimensiones ejus dimensionibus loci. Et secundum hoc corpus Christi non est nisi in uno loco tantum, scilicet in cælo. Sed quia conversa est in corpus Christi substantia panis, qui prius erat in hoc loco determinate mediantibus dimensionibus suis quæ manent transsubstantiatione facta, ideo manet locus, non quidem immediate habens ordinem ad corpus Christi secundum proprias dimensiones, sed secundum dimensiones panis remanentes, sub quibus succedit corpus Christi substantiæ panis. **Et ideo non est hic** ut in loco per se loquendo, sed **ut in sacramento, non solum significante, sed continente ipsum ex vi conversionis factæ.**

**20.** — Et sic patet quod corpus Christi non est extra terminos loci sui per quem modum competit ei esse alicubi vel esse extra aliquid ex dimensionibus propriis. Esse autem alicubi per commensurationem propriarum dimensionum est per se alicubi esse. Et similiter esse extra aliquid secundum situm propriarum dimensionum est per se extra aliquid esse.

**21.** — Sed *corpus Christi* est extra terminos loci sui qui competit ei secundum proprias dimensiones, quasi<sup>2</sup> per accidens, et *hoc modo est sub sacramento quo competit ei esse alicubi ratione illarum dimensionum quæ remanserunt<sup>3</sup> ex illo corpore quod conversum est in corpus Christi.*

**22.** — **Ad sextum** dicendum quod sicut ex dictis patet, **(21)** corpus Christi non dicitur esse alicubi nisi ratione dimensionum propriarum, et illius corporis quod in ipsum conversum est. Non est autem possibile quod dimensiones propriæ ejus sint **ubique**, neque quod corpus in ipsum convertendum ubique sit. *Et ideo quamvis corpus Christi sil in pluribus locis aliquo modo, non tamen potest esse ubique.*

**23.** — **Ad septimum** dicendum quod ratio illa bene sequetur, si ratione propriorum terminorum esset in pluribus locis,

1; η « Et sic patet quod corpus Christi *non* est extra terminos loci sui secundum quod ei competit esse alicubi vel extra esse, sed est extra terminos illius loci quasi per accidens, secundum quod competit ei esse alicubi ratione illarum dimensionum quæ remanserunt ex illo corpore quod conversum est in corpus Christi. » — κ et ed. præter F. contra *αβγδ ζθι* « secundum quod ei competit esse alicubi intus vel extra ex dimensionibus propriis, quod est per se alicubi esse intus vel extra ; sed est extra terminos loci quasi per accidens, secundum quod competit ei esse alicubi ratione illarum dimensionum qua? remanent ex illo corpore quod conversum est in corpus Christi. » *K om.* « quod est alicubi vel extra esse » et habet « remanserunt » loco « remanent ». — 2. Ed. *om.* « secundum proprias dimensiones » et loco « quasi », habent « quodsi ». — 3. Ed. « remanent ».

quod multo fortius Angelo conveniret; sed *convenit ei inquantum aliquod corpus convertitur in corpus Christi*, non autem in Angelum.

**24. — Ad octavum** dicendum quod *hoc non competit corpori Christi* neque inquantum est corpus, neque inquantum est glorificatum, neque inquantum Divinitati unitum, sed *inquantum est terminus conversionis*. Unde similiter accideret de corpore lapidis, si Deus simili modo panis substantiam in lapidem converteret: quod non est dubium eum posse.

## ARTICULUS II

[1]

[III, q. 76, a. 1, 2; IV C., c. 64; Quodl. VII, q. 4, a. 1; in Mal. c. 26; in Joan., c. 6, l. 6; I ad Cor., c. 11, L. 6.]

**25. — AD SECUNDUM SIC PROCEDITUR.** Videtur quod Christus non contineatur sub sacramento quantum ad ANIMAM.

1. Quia Christo non competit esse in altari, ut dictum est, **(21)** nisi secundum quod panis in ipsum convertitur. Sed constat quod panis non convertitur in animam Christi. Ergo anima Christi non est ibi.

2. **Praeterea.** Christus est in sacramento altaris, ut cibus fidelium. Sed non est cibus secundum animam, sed secundum corpus; quia dicit, Jo an., vi, 56: « *Caro mea vere est cibus* ». Ergo non est ibi secundum animam.

3. **Praeterea.** Forma sacramenti debet respondere sacramento. Sed in forma non fit mentio de anima, sed solum de corpore; quia dicitur: « *Hoc est corpus meum* ». Ergo non est ibi secundum animam.

**26. — SED CONTRA.** Quaecumque non separantur secundum esse, ubicumque est unum, et aliud. Sed unum est esse **anima**; Christi et corporis, sicutl materiae et formae. Ergo cum corpus Christi sit in altari, erit ibi anima.

**27. — Praeterea.** Corpus Christi non est in sacramento inanimatum. Sed corpus sine anima est inanimatum. Ergo Christus non est ibi secundum corpus tantum, sed etiam secundum animam.

1. a ad. « esse »

[HI, q. 76, a. 2, IV Cg. c. 64; in Joan., c. 6, l. 6; I ad Cor, c. 11, l. 6.]

**28. — ULTERIUS.** Videtur quod sub specie panis Christus NON CONTINEATUR NISI QUANTUM AD CARNEM ANIMATAM.

**1.- Quia**, ut dictum est (**25, 2.**), corpus Christi est ibi secundum quod: cibus. Sed esse cibum non convenit nisi carni; unde Jo an., vi, **56** : « *Caro mea vere esi cibus* ». Ergo non est ibi aliqua pars corporis, nisi caro.

**2. Præterea.** Quod jam est, non oportet fieri. Si ergo in pane consecrato sunt omnes partes corporis Christi, erit ibi sanguis; ergo non oporteret quod per consecrationem vini iterum ibi fieret.

**3. Præterea.** Deus in revelationibus veritatem ostendit; alias revelatio esset causa erroris, quod est inconueniens. Sed species panis ostensa est aliquando ut caro tantum, sicut legitur in *vita beati Gregarii* (lib. II, n. 41; L. 75, 103). Ergo non est sub specie panis aliquid de corpore Christi nisi caro, et non sanguis vel os vel aliquid hujusmodi.

**29. — SED CONTRA.** *Sicut* corpus Christi significatur in sacramento, *ita* continetur ibi. Sed significatur secundum quod est; alias significatio esset falsa. Ergo est ibi secundum quod est. Sed caro non est sine sanguine et aliis partibus corporis. Ergo est ibi non solum caro, sed etiam aliæ partes corporis.

**30. — Præterea.** In specie panis significatur totum id quod est res tantum sine sacramento, scilicet unitas corporis mystici, et similiter in vino, ut ex dictis, 8 d., (6) patet. Sed *sicut* significatur id quod est res tantum, *ita* significatur et continetur id quod est res et sacramentum. Ergo et totus Christus qui est res et sacramentum, continetur sub utraque specie.[III]

### [III]

[III, q. 76, a. 3: IV Cg. e. 67; Quodl. VII, q. 4, a. 1; In Mal., c. 26; I ad Cor. c. 11, l. 5.]

**31. — ULTERIUS.** Videtur quod non sit ibi corpus Christi SECUNDUM PROPRIAM QUANTITATEM.

**1.** Nihil enim quod manet convertitur in alterum. Sed quantitas panis manet. Ergo non convertitur in quantitatem corporis Christi. Sed corpus Christi non est in altari, ut dictum est (**21**), nisi ut est terminus conversionis. Ergo non est ibi secundum propriam quantitatem.

**2. Præterea.** Secundum Philosophum in IV<sup>2</sup> Phys. (S l. 209a, 4-6; l. 2, n. 2), corpus naturale non potest esse simul cum dimen-

sionibus separatis ; quia tunc duæ dimensiones essent simul, sil dimensiones panis manent. Ergo sub eisdem dimensionibus non potest esse corpus Christi cum dimensionibus propriæ quantitatis.

3. **Præterea.** Accidens plus dependet a substantia quam substantia ab accidente. Sed ex parte ejus quod est sacramentum tantum, invenitur accidens sine substantia. Ergo multo magis potest poni ex parte ejus quod est res et sacramentum, quod sit substantia sine accidente ; et ita corpus Christi sine quantitate.

4. **Præterea.** Sicut dictum est supra (19), ubicumque est corpus aliquid secundum proprias dimensiones, est ibi ut in loco. Sed corpus Christi non est sub sacramento ut in loco, quia jam esset extra terminos loci proprii. Ergo impossibile est quod sit ibi secundum dimensiones proprias.

32. — **SED CONTRA.** Subjectum nunquam separatur a propria passione. Sed substantiæ corporalis propria passio est quantitas dimensiva. Ergo cum substantia corporis Christi sil sub sacramento, eta quantitas ejus dimensiva erit.

33. — **Præterea.** De ratione corporis vivi est organisatio, ut patet in II de *Anima* ( $\beta$  l. 412a, 27-412b, 6; l. 1, n. 230-2). Sed organisatio requirit diversum situm partium ; situs autem præsupponit quantitatem. Ergo oportet, cum corpus Christi sit vivum sub sacramento, quod sit ibi sub propria quantitate.

#### [IV]

[III, q. 76, a. 4 IV Cg, c. 63, 64, 67 ; *Quadi.* VII, q. 4, a. 1.]

34. — **ULTERIUS.** Videtur (ouod non sit ibi secundum TOTAM QUANTITATEM SUAM.

1. Constat enim quod quantitas corporis Christi non invenitur extra corpus Christi, ut corpus Christi sit sine propria quantitate. Sed constat quod corpus Christi non est ultra dimensiones panis, neque aliqua pars dimensionis est sub<sup>3</sup> qua non sit Corpus Christi. Ergo si est ibi quantitas tota corporis Christi, neque excedit dimensiones panis, neque exceditur. Sed communis animi conceptio est quod duæ quantitates, quarum una alteri superposita neque excedit neque exceditur, sunt æquaiēs, ut patet in principio Euclidis. Ergo quantitas corporis Christi tota æquatur quantitati panis : quod est falsum ; quia contingit esse etiam<sup>4</sup> majorem et minorem.

2. **Præterea.** Nullum corpus secundum totam suam quantitatem potest contineri indifferenter a<sup>5</sup> magna et parva quanti-

1. e et ed. « Sed ». — 2. Ed. « etiam ». — 3. Ed. « in ». — 4. Ed. *om.* « etiam »  
— 5. Ed. *om.* « a » ;  $\eta$  « sub

tate extrinseca. Sed corpus Christi continetur indifferenter sub parva parte vel magna panis consecrati. Ergo non est ibi secundum totam suam quantitatem.

3. **Praeterea.** Quodcumque sub aliqua quantitate extrinseca continetur corpus aliquod habens partes distinctas secundum suam intrinsecam quantitatem totam, contingit assignare sub qua parte illius quantitatis singulae partes contineantur. Sed corpus Christi, cum sit organicum, habet partes distinctas. Si ergo secundum totam suam quantitatem continetur sub dimensionibus, erit assignare ubi sit caput ejus et manus et pes : quod est impossibile, quia parvitas quantitatis non sufficit ad talem distantiam, et praecipue cum partes habeant distantias determinatas, propter multa intermedia quae habent quantitates determinatas.

35. — **SED CONTRA.** Totalitas corporis attenditur secundum totalitatem quantitatis ejus; quia secundum quantitatem dividitur et partes habet. Sed secundum Augustinum (*De Consecr.*, dist. 2, cap. « Oui manducat »; L. 187, 17721. « *Christus totus manducatur in sacramento* ». Ergo est ibi secundum totam suam quantitatem.

36. — **Praeterea.** Impossibile est aliquid esse alicubi secundum partem quantitatis et non secundum totam, nisi divisa quantitate ipsius. Sed quantitas corporis Christi non dividitur actu, quia corpus illud est impassibile<sup>2</sup>. Ergo cum in sacramento contineatur aliquid quantitatis corporis ejus, impossibile est dicere quod non contineatur in toto.

37. — **RESPONSIO.** Dicendum **AD PRIMAM QUÆSTIONEM** quod in sacramento altaris continetur aliquid *duplíciter* : **uno modo** ex vi sacramenti, **alio modo** ex naturali concomitantia.

**Ex vi quidem sacramenti** continetur ibi illud ad quod conversio terminatur.

Ad quid autem terminatur conversio, sciri potest ex *tribus*.

*Primo ex eo quod convertebatur*; non enim convertitur materia sacramenti nisi in id ad quod habet similitudinem secundum proprietatem naturae suae, sicut vinum in sanguinem.

*Secundo ex significatione forme* cujus virtute fit conversio. Unde in illud conversio terminatur quod est significatum per formam.

*Tertio ex usu sacramenti*; quia quod pertinet ad cibum continetur sub specie panis ex vi sacramenti : quod pertinet ad potum, sub specie vini.

38. — **Ex naturali autem concomitantia**, et quasi per accidens, continetur sub sacramento illud quod per se non est terminus conversionis, sed sine quo terminus conversionis esse non potest.

1. RANVP. « Formalitas ». — 2. RANVP. « dividi est impossibile ».

Secundum hoc ergo patet quod cum anima Christi non habeat similitudinem cum substantia panis, nec in forma sacramenti de anima fiat mentio, nec anima conveniat ad usum sacramenti qui est manducare et bibere ; ad animam non terminatur conversio panis nec vini, sed ad corpus et sanguinem Christi, quæ ab anima nunc separata non sunt. **Et ideo anima non continetur ibi ex vi sacramenti, sed tamen continetur ibi ex naturali concomitantia ad corpus quod vivificat.**

**39.** — Unde si fuisset facta conversio panis in corpus Christi quando erat mortuum, anima non fuisset sub sacramento.

*Et quod dictum est de anima, debet intelligi de Divinitate ; nisi quod Divinitas ejus, etiam printer sacramentum est ubique.*

Et per hoc patet responsio ad objecta.

**40.** — **AD SECUNDAM QUÆSTIONEM** dicendum quod duplex est usus sacramenti, scilicet manducare et bibere. *Manducare* autem est usus cibi sicci ; sed *bibere* est usus cibi humidi, qui potus dicitur. *Et ideo sub specie panis qui ad usum manducationis ordinatur, continetur ex vi sacramenti non solum caro Christi, sed os et omnes hujusmodi partes ; non autem sanguis, quia continetur ex vi sacramenti sub specie vini qui ad usum potus ordinatur ; quamvis ex naturali concomitantia et sanguis sibi sub specie panis, et caro sub specie vini.*

**41.** — **AD PRIMUM** ergo dicendum quod *ponitur ibi pars pro toto, scilicet caro pro toto corpore ;* et hanc partem specialiter posuit ut per similitudinem corporalis manducationis, cui præcipue caro apta est, manduceret ad sacramentalem, quamvis etiam ossa et aliæ hujusmodi partes manducationi aliquo modo competant, cum secundum *Avicennam* quædam animalia ipsis nutriantur.

**42.** — **Ad secundum** dicendum quod illud quod jam est, non fit eo modo quo est, sed alio modo potest fieri ; quia quod est potentia, fit actu. Et ideo *sanguis Christi, qui est sub sacramento hostia consecrata non ex vi sacramenti, fit ibi per consecrationem vini ex vi sacramenti existens ;* sicut etiam quod est in uno loco per accidens fit ibi per se quandoque.

**43.** — **Ad tertium** dicendum quod *visus corporalis, ut dicitur (107-9), non potest videre corpus Christi secundum quod est sub sacramento.* Quid autem illud sit quod quandoque in hoc sacramento in specie carnis aut sanguinis apparet, infra dicetur (**118**).

**44.** — **AD TERTIAM QUÆSTIONEM** dicendum quod substantia panis quæ convertitur in corpus Christi, non habet aliquam proportionem similitudinis ad quantitatem vel alia acci-

**dentia** Christi, sed tantummodo ad substantiam ejus corporis. Et ideo, cum nihil convertatur in corpus Christi de pane nisi substantia panis, quia accidentia manent<sup>1</sup>, constat quod conversio illa terminatur directe ad substantiam, non autem ad accidentia, quia accidentia<sup>2</sup> panis remanent. Et ideo **quantitas et alia accidentia propria corporis Christi non sunt ibi** ex vi sacramenti ; sunt tamen ibi **secundum rei veritatem ex naturali concomitantia accidentis** ad subjectum, ut de anima dictum est (37-39).

45. — **AD PRIMUM** ergo dicendum quod ratio illa probat quod *non* sit ibi *ex vi sacramenti* ; et hoc concedo.

46. — <sup>1</sup> **Ad secundum** dicendum quod quia dimensiones corporis Christi non sunt ibi ex vi sacramenti, sed solum ex eo quod concomitantur inseparabiliter substantiam, constat quod contrario ordine sunt ibi dimensiones propriæ corporis Christi, et dimensiones locati corporis in loco.

Corporis enim locati substantia non habet ordinem ad locum nisi mediantibus dimensionibus. Et ideo, quia dimensiones corporis locati non possunt esse simul cum aliis dimensionibus, sequitur ex consequenti quod substantia corporis locati non possit esse simul cum aliis dimensionibus neque separatis, neque in alio corpore existentibus.

47. — *Sed hic e contrario substantia corporis Christi per se immediate ordinatur ad hoc quod sit sub sacramento ; et dimensiones ejus propriæ ex consequenti et per accidens.* Substantia autem ex hoc quod est substantia non prohibetur esse simul cum dimensionibus quibuscumque, sive conjunctis sibi, sive separatis, aut existentibus in alio subjecto : sicut substantia Angeli potest esse simul ubi est aliud corpus. *Et ideo etiam corpus Christi sub propria quantitate potest esse sub dimensionibus panis.*

48. — **Ad tertium** dicendum quod non potest fieri sine mutatione panis quod ejus accidentia sine substantia remaneant. Et similiter non posset fieri quod substantia corporis Christi esset sine accidentibus sine sua mutatione. Posset autem Deus hoc facere ut sine accidentibus propriis esset, ad minus<sup>3</sup> aliquibus, sine mutatione<sup>4</sup> intrinseca<sup>5</sup>, et quia non est inconveniens panem mutari, esset autem inconveniens Christum mutari in mutatione ; ideo non est simile quod inducit ratio.

49. — **Ad quartum** dicendum quod quamvis corpus Christi cum quantitate propria sit sub sacramento, non est tamen ibi mediante sua quantitate. Et ideo non est ibi ut in loco.

<sup>1</sup> η om. « quia accidentia manent ». — 2. γ om. per homot. « quia accidentia » ; <sup>3</sup> q « non autem ad accidentia quæ remanent ». — 3. γ ad « ab ». — 4. afteq et FP. ori. « sine mutatione ». 5. — κ om. « intrinseca », sed P. ad. « absque transsubstantiation? » ; δ « ad minus aliquibus intrinsecis... esset autem inconveniens Christum mutari intrinseca mutatione ».

**50. — AD QUARTAM QUÆSTIONEM** dicendum quod quæ ratione ponitur **ibi** pars quantitatis, eadem ratione **poni debet ibi esse tota quantitas** ; quia *sicut* corpus Christi non separatur a propria quantitate, *ita* una pars quantitatis non separatur ab alia : utrumque enim sine mutatione intrinseca corporis Christi non posset evenire.

**51. — AD PRIMUM** ergo dicendum quod in superpositione directe quantitas applicatur quantitati. Et quia quantitas Christi non directe applicatur quantitati panis, quia non. mediante ipsa corpus Christi sub dimensione panis est ; ideo non est ibi aliqua superpositio quantitatis ad quantitatem, nec aliqua commensuratio quantitatum. *Ei ideo non sequitur quod sint æquales.*

**52. — Ad secundum** dicendum quod *sicut* illa quæ non habent quantitatem possunt esse indifferenter sub magna et parva quantitate : sicut patet de anima quæ est indifferenter in magno et parvo corpore ; *ita* illud quod non ratione suæ quantitatis continetur sub aliqua quantitate, *potest esse indifferenter in magna et parva quantitate*, sicut est in proposito.

**53. — Ad tertium** dicendum quod situs, sicut objectio tangit, quantitatem præsupponit. Et quia quantitas Christi nullam habitudinem habet ad dimensiones panis, ideo etiam nec situs partium corporis Christi. Et ideo quamvis corpus Christi, prout est sub sacramento, habeat partes distinctas et situatas situ naturali, *non est tamen assignare in partibus dimensionum panis, ubi singulæ partes corporis Christi jaceant.*

**54. —** Nec tamen sequitur quod dicamus corpus Christi confusum, quia *ordinem habent partes in se* ; sed secundum ordinem illum non comparantur ad dimensiones exteriores.

### ARTICULUS III

[I]

[*Supra*, 19-21 ; III, q. 75. a. 1, ad 3 ; q. 76, a. 5 ; IV Cg. c. 62, 64, 67 ;  
De 36 *ari.*, a. 33.]

**55. — AD TERTIUM SIC PROCEDITUR.** Videtur quod corpus Christi contineatur sub sacramento circumscriptive.

1. Omne enim corpus quod est in loco, circumscribitur. Sed corpus Christi est sub sacramento sicut in loco : quod patet, quia non est alium modum assignare de modis « essendi in » quos

1. Ed. « eadem ratione ibi poni debet etiam tota quantitas ». — 2. Ed. « et sic », contra *αβγδ€η*. — 3. Ed. » similitudinem ».

assignat Philosophus in IV *Phys.* (δ 3. 210s, 14 sq.; l. 4, η. 1, sq.) Ergo corpus Christi est in loco circumscriptive.

2. **Præterea.** In *Sex principiis* (Gilberti Porretani; ed. Heysse, n. 25, p. 27), dicitur quod « *proprium est positionis primo loco substantiæ inhærere* ». Sed corporis Christi substantia non denudatur aliis proprietatibus, prout est sub sacramento. Ergo neque positione. Ergo secundum quod est sub sacramento, est in loco; quia positio ordinem partium in loco dicit.

3. **Præterea.** Omne corpus quod continetur superficie alterius corporis, ita quod non excedit neque exceditur, circumscribitur illa superficie sicut loco. Sed corpus Christi totum, ut dictum est, (50) continetur sub ultima superficie dimensionum panis quæ manent, et nec excedit nec exceditur. Ergo est sicut in loco circumscriptive.

4. **Præterea.** Omne quod replet locum' circumscribitur loco. Sed corpus Christi replet locum dimensionum, alias esset vacuum. Ergo corpus Christi circumscribitur speciebus illis.

56. — **SED CONTRA.** Omne corpus quod circumscribitur loco, commensuratur loco circumscribenti; quia locus et locatum sunt æqualia, ut dicitur in IV *Phys.*, (δ 4. 211a, 1-2; l. 5, n. 2). Sed corpus Christi non commensuratur quantitati dimensionum, ut dictum est (41). Ergo non est ibi sicut in loco circumscriptive.

57. — **Præterea.** Omne corpus quod circumscribitur loco aliquo, partes ejus habent situm determinatum in loco illo. Sed hoc, ut dictum est (47), non convenit corpori Christi ratione dimensionum illarum. Ergo non continetur eis circumscriptive.

[Cf. 1]

58. — **ULTERIUS.** Videtur quod contineatur sub eis SALTEM DEFINITIVE.

1. Quia plus distat a natura loci Angelus quam corpus Christi. Sed Angelus non potest esse in loco quin loco definiatur, ut communiter dicitur. Ergo multo fortius corpus Christi est definitive sub speciebus illis.

2. **Præterea.** Omne corporale individuum est determinatum ad hic et nunc. Sed corpus Christi est hujusmodi. Ergo determinatur ad hic. Ergo est definitive sub speciebus.

3. **Præterea.** Omne finitum existens alicubi, definitive est ibi. Sed corpus Christi est hujusmodi. Ergo etc.

1. RANVP. ad. « el nunc ».

**59. — SED CONTRA.** Omne quod est definitive alicubi, ita est ibi quod non alibi. Sed corpus Christi non ita est sub speciebus quod non alibi. Ergo non est definitive sub eis.

**60. — Præterea.** Omne quod potest sine sua mutatione alibi esse quam hic, non est hic definitive. Propter hoc enim ponimus Angelos moveri, quia loco definiuntur. Sed corpus Christi potest alicubi<sup>2</sup> esse quam sub speciebus istis<sup>3</sup> sine omni mutatione vel sua vel specierum : puta, si alicubi corpus Christi consecratur. Ergo non erat hic definitive.

[III]

[III, q. 76, a. 3 ; IV Cg. c. 67 ; Quodl. VII, q. 4, a. 1 ; in Mat. c. 26 ;  
I ad Cor., c. 11 .l. 5.]

**61. — ULTERIUS.** Videtur quod corpus Christi non POSSIT ESSE TOTUM SUB QUALIBET PARTE SPECIERUM.

1. Dimensiones enim panis remanentes possunt in infinitum dividi. Si ergo in qualibet parte dimensionum illarum esset corpus Christi totum, esset infinities sub eisdem dimensionibus : quod est impossibile.

2. **Præterea.** Quæcumque uni et eidem sunt simul, sibi invicem sunt simul. Sed si in qualibet parte dimensionum est totum corpus Christi, ubicumque est pars corporis Christi, esset totum corpus Christi. Ergo ubi esset una pars, esset alia, et<sup>4</sup> hoc repugnat distinctioni partium quæ requiritur in corpore organico. Ergo non est possibile quod totum corpus Christi sub qualibet parte specierum sit.

3. **Præterea.** Augustinus dicit (*ep.* 166, n. 4 ; L. 33, 721), quod *proprium est spiritus quod possit simul in diversis partibus totius esse.* Sed corpus Christi non ponitur neque per unionem neque per gloriam extra limites corporis, ut possit percipere proprietatem spiritus. Ergo corpus Christi non est totum in qualibet parte specierum.

**62. — SED CONTRA** est quod Hilarius dicit (de *Consecr.*, d. 2, cap. « *Ubi* » ; L. 187, 1773) « *ubi pars est corporis, et totum* » ; et loquitur de corpore Domini in sacramento. Sed in qualibet parte dimensionum est aliqua pars corporis Domini. Ergo in qualibet parte dimensionum est totum.

**63. — Præterea.** Panis consecratus est quoddam totum homogeneum, idest unius rationis in toto et in partibus. Sed sub toto est totum corpus. Ergo sub qualibet parte corporis est totum.

1. Ed. « sui ». — 2. ε et ed. hic et infra « alibi ». — 3. Ed. « illis ». — 4. Ed. « sed. ».

## [IV]

[III, q. 76, a. 6; de 36 Art., art. 34.]

**64. — ULTERIUS.** Videtur quod corpus Christi movetur ad motum hostie.

1. Omne enim quod desinit esse ubi prius erat, et incipit esse ubi prius non erat, movetur vel per se vel per accidens: Sed corpus Christi translata hostia desinit esse ubi prius erat, scilicet in altari; et incipit esse ubi prius non erat, scilicet in pixide vel in ore. Ergo corpus Christi movetur ad motum hostie, vel per se vel per accidens.

2. **Praeterea.** Secundum Philosophum in II Top., Q3 7. 113», '29, 30) « *moventibus nobis, moventur ea quæ in nobis sunt* ». Sed corpus Christi vere continetur sub speciebus illis. Ergo speciebus translatis, et ipsum transfertur.

3. **Praeterea.** Anima vel Angelus magis recedit a natura quam corpus Christi. Sed anima vel Angelus movetur per accidens, moto corpore unito vel assumpto. Ergo multo fortius corpus Christi.

**65. — 4. SED CONTRA.** Nullum quietum manens in eodem loco movetur per se vel per accidens. Sed corpus Christi est huiusmodi. Ergo etc.

**66. — 5. Praeterea.** Quod movetur per accidens ad motum alterius, definitive est in illo. Unde Deus non movetur ad motum alicujus, nec anima ad motum manus. Sed corpus Christi non est definitive sub speciebus illis. Ergo non movetur ad motum illarum.

**67. — RESPONSIO.** Dicendum **AD PRIMAM QUÆSTIONEM** quod locus dicitur circumscribere locatum ex eo quod in circuitu describit figuram locati; quia loci proprii et locati oportet esse unam figuram; figura autem est qualitas circa quantitatem.

**68. —** Et quia corpus Christi non habet ordinem ad species sub quibus continetur mediante quantitate, sed e converso, ut dictum est (47); ideo neque figura corporis Christi respondet figura specierum, sicut patet ad sensum.

**69. — Et ideo patet quod non est sub speciebus circumscriptive,** et per consequens nec est in eis sicut in loco; quia nihil per se, proprie loquendo, est in loco ut in loco, nisi quod loco circumscribitur.

**70. — AD PRIMUM** ergo dicendum quod comparatio corporis Christi ad species sub quibus est, non est similis alicui compara-

1. < rj F. « movens \* contra aβy.

tioni naturali. Et ideo non potest reduci, proprie loquendo, ad aliquem modorum a Philosopho assignatorum. Tamen habet aliquam similitudinem cum illo modo quo aliquid dicitur esse in loco secundum quod esse in loco est esse in aliquo separato extra substantiam suam, quod non est ejus causa. Et secundum hoc etiam Innocentius *elicit corpus Christi esse in pluribus locis*, quod continetur sub pluribus speciebus.

**71. — Ad secundum** dicendum quod quamvis corpus Christi non denudetur positione neque aliqua suarum proprietatum, ex hoc quod est sub sacramento, *non tamen sequitur quod secundum quod habet figuram et quantitatem et positionem, comparetur ad species sacramenti* : sicut homo non comparatur ad locum ex hoc quod habet animam vel mediante anima, quamvis per hoc quod in loco est, anima non privetur.

**72. — Ad tertium** dicendum quod *ad circumscriptionem plus exigitur, scilicet quod locatum configuretur loco, aut e converso ; et hoc non est in proposito*, ratione jam dicta.

**73. — Ad quartum** dicendum quod corpus naturale non habet quod repleat locum ex parte materiæ, neque ex parte formæ, sed ex parte dimensionum. Unde secundum Philosophum in IV *Phys.*, (δ 1. 290», 4-6 ; l. 2, n. 2) et<sup>2</sup> in III *Meta*, (β 2. 998», 13 ; l. 7, n. 419), dimensiones separatae si ponantur esse, vel corpus mathematicum quod idem est, replent locum, et non possunt esse simul cum alio corpore. Nec obstat quod ipse in IV *Phys.*, in capitulo de vacuo, [δ 6. 213», 11 sq. ; l. 9) videtur uti dimensionibus separatis quasi vacuo, quia procedit ex suppositione illorum qui ponebant dimensiones separatas existentes inter terminos corporis continentis, esse locum. Unde sequitur quod quando illæ dimensiones fuerunt sine corpore sensibili quod<sup>4</sup> dicatur vacuum ; sic enim vacuum ponebant.

**74. — Et ideo dicendum est in proposito quod cum corpus Christi** non comparetur ad locum istum in quo est sub sacramento, mediantibus propriis dimensionibus, **non replet locum**, neque tamen locus ille est vacuus, quia repletur dimensionibus separatis sacramenti corporis Christi.

**75. — AD SECUNDAM QUÆSTIONEM** dicendum quod *ad hoc quod aliquid sit in loco definitive, duo* requiruntur. *Primum* est ut competat ibi esse ei, quia quod non est in aliquo loco, non potest loco illo definiri. *Secundum* est quod sit ibi sicut in loco commensurato aliquo modo suæ quantitati vel virtuti. Corpus enim bicubitale non definitur loco unius cubiti, quamvis aliquo

1. β et F. om. « per ». — 2. Ed. om. « et ». — 3. Ed. om. in capitulo ». — 4. Ed. om. « quod ».

**modo** sit ibi ; neque anima est definitive in manu, quia est et in **aliis** partibus, eo quod non est in manu secundum totam virtutem suam.

**Et** ideo omne quod habet quantitatem finitam, vel virtutem finitam oportet quod sit definitive in loco in quo est. Et ideo **Angeli** definitive sunt in loco, non tamen Deus.

**76. — Corpus autem Christi** quamvis secundum veritatem sit **sub** speciebus, non tamen competit ei esse ibi ratione sui ; quia **neque** ratione suæ quantitatis, ut dictum est (47), neque ratione suæ virtutis, sed ratione illius quod in ipsum conversum est ibi præexistens, cujus dimensiones adhuc manent, quibus ad locum illum determinabatur. Et ideo **non definitur loco illo, sed simili modo potest esse alibi, ubicumque fuerint panis dimensiones conversi in ipsum.**

**77. — AD PRIMUM** ergo dicendum quod *Angelus est in loco quo definitur*, non quia aliquid convertatur in ipsum, sed *ratione suæ operationis virtutis et essentialiæ*. Et ideo non potest esse nisi in uno loco, quia substantia rei non est nisi semel.

**78. — Ad secundum** dicendum quod *corpus Christi*, sicut et alia corpora, determinatur ad unum locum qui competit ei *ratione suæ quantitatis*, quia ibi est ut in loco ; sed *non hoc modo sub speciebus est*. Et ideo ratio non sequitur.

**79. — Ad tertium** dicendum quod finitum et infinitum sunt passiones quantitatis, secundum Philosophum in I *Phys.* (a 2. 185a, 33-4 ; l. 3, n. 2). Unde cum corpus Christi non habeat ex **ratione** suæ quantitatis quod sit ubi consecratur, *sed magis ex conversione alterius in ipsum corpus Christi*, esse sic in pluribus, et non definitive in uno, non pertinet ad ejus finitatem vel infinitatem, sed magis ad numerum eorum quæ convertuntur in ipsum.

**80. — AD TERTIAM QUÆSTIONEM** dicendum quod circa hoc est *duplex* opinio.

Quidam enim dicunt quod hostia remanente integra, Christus totus est sub tota hostia, non tamen sub qualibet hostiæ parte ; sed hostia divisa, Christus totus remanet sub qualibet parte.

*Et ponunt exemplum de speculo* ; quia Augustinus dicit quod *sicut* fracto speculo multiplicantur species vel imagines, sic post **fractionem** quot sunt partes, toties est ibi Christus ; constat **autem** quod ante fractionem speculi non erat ibi nisi una imago.

**81. — Istud autem non potest stare** ; quia hostia integra manente, aliquo modo est corpus Christi sub partibus hostiæ. Si **ergo non** sit ibi secundum totum, erit secundum partem ; sed

1. Ed. om. « esse ibi ».

omne quod est totum in toto, et pars ejus in parte, est ibi situ-  
liter ; et ita corpus Christi esset situ-liter sub sacramento et  
circumscriptive : quod est impossibile.

**82.** — *Exemplum autem non esi conveniens* ; quia imago spe-  
culi non est ibi ut forma absolute quiescens in subjecto, sed  
aggeneratur ex reverberatione, et ideo quamdiu est una super-  
ficies speculi, fit una reverberatio, et per consequens una imago  
resultat : fracto autem speculo sunt multæ superficies, et per  
consequens multæ reflexiones et multæ imagines resultantēs-

**83.** — *Si aulem esset forma absolute quiescens in subjecto ; aut  
esset consequens quantitatem, sicut albedo quæ fundatur in super-  
ficie,; aut præcedens quantitatem, sicut forma substantialis.*

*Si primo modo, de necessitate esset tota in toto et pars in parte  
ante fractionem speculi et post ; si autem esset præcedens quan-  
titem, esset ante et post, et tota in toto et tota in partibus : sicut  
tota forma substantialis ligni est in qualibet parte ejus, quia  
totalitas formæ substantialis non respicit quantitatis totalita-  
tem, sicut est de totalitate formarum accidentalium quæ fun-  
dantur in quantitate, et præsupponunt ipsam.*

**84.** — *Corpus autem Christi continetur absolute sub speciebus.*  
Et hoc non convenit substantia-<sup>l</sup> mediante quantitate, ut dictum  
est (47), sed ratione substantiaj inquantum substantia panis est  
conversa. **Et ideo etiam ante fractionem est totum in toto, et  
totum in partibus** ; quia ubicumque erat tota natura panis, est  
tota natura corporis Christi, et per consequens etiam totum  
corpus et tota quantitas ejus. **Et hæc est alia opinio quæ magis  
vera videtur.**

**85.** — **AD PRIMUM** ergo dicendum quod unitas rei conse-  
quitur esse ipsius. Partes autem alicujus continui homogenei  
ante divisionem non habent esse actu, sed potentia tantum ;  
et ideo nulla illarum habet unitatem propriam in actu ; unde  
actu non est accipere ipsarum numerum, sed potentia tantum.  
Et propter hoc forma quæ est tota in toto tali et tota in partibus  
ejus, non dicitur ante divisionem continui esse ibi pluries actu,  
sed solum potentia ; sed post divisionem multiplicatur secundum  
actum, sicut patet de anima in animalibus annulosis.

**86.** — *El similiter corpus Christi ante divisionem hostiæ,  
quamvis sit totum sub qualibet parte hostiæ, non est tamen plu-  
ries actu sub partibus illis, sed tantum potentia. Nec est incon-  
veniens quod sit ibi infinities in potentia.*

**87.** — **Ad secundum** dicendum quod confusio opponitur ordini  
partium qui pertinet ad rationem situs. Et quia corpus Christi  
non est situ-liter sub sacramento, ideo non sequitur ibi aliqua

confusio partium ex hoc quod in quolibet signato hostiæ est totum corpus<sup>1</sup>, et quælibet pars ejus. *Quamvis enim non sil accipere ordinem partium corporis Christi secundum comparationem ad partes hostiæ*, tamen est accipere ordinem ipsarum partium ad invicem in corpore Christi secundum propriam qualitatem.

**88.** — **Ad tertium** dicendum quod spiritui competit esse totum in toto et in qualibet parte ; quia non habet quantitatem, nec a quantitate substantia ejus dependet.

**89.** — *Corpus aulem Chrisii* quamvis in se consideratum non absolvatur a propria quantitate, tamen non comparatur ad hostiam sub qua est, secundum propriam quantitatem, et ideo non est spiritus, sed *participat quantum ad aliquid<sup>3</sup> proprietatem spiritus 'secundum comparationem ad species sub quibus continetur.*

**90.** — **AD QUARTAM QUÆSTIONEM** dicendum quod moveri in loco includit esse in loco. Unde ad hoc quod aliquid *per se* moveatur in loco, oportet quod per se sit in loco, et quod per se moveatur, non ad motum alterius.

**91.** — *Sed per accidens* aliquid movetur in loco *dupliciter* : *uno modo* quia per accidens est in loco, sicut formæ moventur per accidens ; *alio modo* quia per se est in loco sed per accidens movetur in loco, sicut patet in his quæ vehuntur ; quia locus quem mutant, est per se eorum proprius locus, vel communis.

**92.** — **Corpus autem Christi** in loco quem species transmutant, non est per se neque sicut in loco proprio, neque sicut in loco communi, sicut ex dictis patere potest. Et ideo per se in illo moveri non potest, neque per accidens, sicut corpora per accidens moventur ; sed hoc modo quo aliquid **et per accidens est in loco, et per accidens movetur.**

**93.** — Nec differt, ut *Quidam* dicunt differre, utrum species moveantur in eodem loco, aut transferantur de loco ad locum ; quia quod in eodem loco secundum substantiam manens movetur, mutat locum non solum secundum partes, sed secundum totum, ut in VI *Phys.* (ζ 9. 240a, 29 sq. ; l. 11, n. 12) probatur.

**94.** — Et secundum hoc patet solutio ad utramque partem, **præter ultimum ad quod<sup>3</sup>** dicendum quod quamvis non definiatur hoc loco, tamen perfecte est ibi et quantum ad substantiam et quantum ad virtutem, tamen per accidens ; *non autem in manu perfecte est anima* ; unde non est simile.

1. Ed. *ad.* « Christi ». — 2. *ay om.* « aliquid », sed a *ad.* in marg. « ad hoc. » — 3. Ed. « ad secundum » ; δ « Et ideo dicendum est ad illud ultimum ».

## ARTICULUS IV

[I]

[III, q. 76, a. 7, a. 8.]

**95. — AD QUARTUM SIC PROCEDITUR.** Videtur quod OCVLVS GLORIFICATVS POSSIT VIDERE IPSVM VERVM CORPVS Christi sup. speciebus existens.

1. Ipse enim Christus sub speciebus existens, videt seipsum ibi corporali oculo. Sed corpora glorificata conformantur corpori ejus, ut dicitur *Philip*, m, 21. Ergo et alius oculus glorificatus, puta A'rginis, potest hoc idem.

2. **Præterea.** Ideo, ut infra dicitur (120), corpus Christi sub alia specie proponitur, ut fides habeat meritum. Sed illi qui sunt in gloria non habent fidem. Ergo ipsi ad ipsam substantiam corporis ejus videndam pertingunt corporali oculo, etiam secundum quod est sub sacramento.

3. **Præterea.** Propter velamen specierum quibus verum corpus Christi velatur, decipitur sensus viatoris. Sed status gloriæ non patitur deceptionem neque velamen. Ergo ipsam substantiam corporis Christi sub sacramento vident.

**96. — SED CONTRA.** Major magnitudo in aequali distantia visa, sub majori angulo videtur, ut perspectivi probant. Sed major est quantitas corporis Christi quam hostiæ hujus, et distantia ad oculum est eadem. Ergo oculus videns corpus Christi et hostiam, videt corpus Christi sub majori angulo. Sed corpus Christi videtur sub specie hostiæ. Ergo minor angulus continet majorem : quod est impossibile.

**97. — Præterea.** Corpus non est natum movere visum nisi moto medio. Sed medium non movetur a colore corporis Christi, quia nos etiam videremus. Ergo impossibile est quod ab aliquo oculo videatur; nullus enim oculus videt, nisi motus a colore.

[II]

[III, q. 76, a. 8 ; de Ven. Sacram. Altar., serm. 11.]

**98. — ULTERIUS.** Videtur quod quando apparet in specie CARNIS VEL PUERI IN ALTARI, QUOD2 VIDEATUR IN SPECIE PROPRIA.

1. Corpus enim Christi non est nisi sub specie propria, vej sub specie panis. Sed tunc desinunt ibi esse species panis. Ergo si non est species propria illa in qua videtur, nullo modo erit ibi.

1. Ed. « videt ». — 2. Ed. om. « quod ».

2. **Præterea.** Illa ostensio est ad ædificationem fidei. Sed non confirmaretur fides, si Christus in specie alterius carnis apparet. Ergo in specie propria ibi apparet.

3. **Præterea.** Nihil potest apparere in aliquo quod non est in eo. Sed in sacramento altaris non est nisi species panis quæ est tantum sacramentum ; et corpus Christi, quod est res contenta ; illud autem quod ibi apparet, non est species panis. Ergo est species corporis Christi.

**99. — SED CONTRA.** Cum in hoc sacramento non sit aliqua deceptio, ergo oportet secundum veritatem ibi esse illud quod sensus percipit. Sed sensus percipit ibi quasdam parvas dimensiones quarum iudicium ad ipsum pertinet. Ergo sunt ibi illæ dimensiones. Sed illæ non sunt dimensiones corporis Christi, cum sint multo minores. Ergo sunt ibi aliæ dimensiones quam dimensiones corporis Christi, et super illas fundantur species quæ ibi apparent. Cum ergo species corporis Christi non fundentur nisi super dimensiones proprias, non videtur ibi corpus Christi in propria specie.

**100. — Præterea.** Superficies illius speciei quæ ibi apparet, tangit aërem circumstantem. Ergo illud cuius est illa superficies, est ibi sicut in loco. Sed corpus Christi non est ibi sicut in loco, ut dictum est. (69) Ergo illa species quæ ibi apparet, non est species corporis Christi.

## [III]

**101. — ULTERIUS.** Videtur quod in hoc casu debeat SUMI.

1. Quia in sumente exigitur devotio. Sed talis ostensio fit ad augmeritandum devotionem. Ergo tunc magis debet sumi.

2. **Præterea.** Ille qui consecrat, secundum canones debet sumere : quod non posset nisi illud quod sub specie carnis apparet, sumeret. Ergo debet sumere.

**102. — SED CONTRA.** Nihil horrendum est committendum in hoc sacramento. Sed horrendum est comedere carnem crudam. Ergo illud quod in substantia carnis crudæ apparet, non est sumendum.

## [IV]

**103. — ULTERIUS.** Videtur quod nec Angelus possit VIDERE CORPUS CHRISTI SUB SACRAMENTO.

1. Quia quidam sancti sunt majores quibusdam Angelis, ut habetur per Glossam *I Cor.*, vi, 3, super illud : « *Angelos judica-*

1. Ed. « debet ».

*bimus* ». Sed oculus glorificatus hominis sancti non potest ipsum videre. Ergo nec Angelus.

2. **Præterea.** Quod est in se visibile, si ab aliquo non videatur, hoc est propter defectum videntis. Sed oculus glorificatus qui non videt corpus Christi sub sacramento, ab omni defectu est immunis. Ergo corpus Christi non est de se visibile sub sacramento existens. Sed quod de se non est visibile, a nullo potest videri. Ergo nec Angelus corpus Christi videre potest sub sacramento.

**104. — SED CONTRA.** Gregorius (II *Moral.*, c. 3 ; L. 76, 556) : « *Quid est quod non videant qui videntem omnia vident?* » Sed Angeli vident Deum videntem omnia, ut patet Mat., xviii, 10 : « *Angeli eorum semper vident faciem Patris* ». Ergo vident corpus Christi sub sacramento

## [V]

**105. — ULTERIUS.** Videtur quod comprehendi possit intellectu viatoris.

1. Quod enim est supra intellectum est supra sermonem, ut patet *in lib. de Causis* (propos. 6). Sed nos loquimur de corpore Christi sub sacramento contento. Ergo non est omnino supra intellectum nostrum.

2. **Præterea.** Nullus tenetur ad impossibile. Sed quilibet tenetur concedere et mente tenere corpus Christi verum esse sub sacramento. Ergo mente capi potest.

**106. — SED CONTRA.** Intellectus noster ortum habet a sensu. Sed corpus Christi sub sacramento non cadit in sensum, ut probatum est. Ergo non cadit in intellectum nostrum.

**107. — RESPONSIO.** Dicendum **AD PRIMAM QUÆSTIONEM** quod nihil videtur corporali visu, nisi per hoc quod oculus ejus<sup>2</sup> movetur ab objecto secundum similitudinem coloris in ipso existentis<sup>3</sup> : quæ quidem similitudo primo fit in medio, et deinde in sensu.

Corpus autem Christi non habet ordinem ad species sub quibus est, ratione quantitatis suæ ; et ideo non potest aggenerari similitudo coloris ejus in aere contingente species, *duplici* ratione.

**108. — Primo, quia omnis actio corporalis requirit contactum ;** tactus autem corporalis<sup>4</sup> consequitur quantitatem, quia nihil est aliud quam conjunctio terminorum duarum quantitatum. Et ideo corpus Christi non tangit aerem circumstantem. **Et propter**

1. Ed. « Qui ». — 2. Ed. *om.* « ejus ». — 3. *aß* « existens », contra *γ* et ed. — 4. Ed. « corporalium ».

**hoc non potest in ipso aggenerare similitudinem coloris sui.**

**109.** — *Secundo, quia color consequitur quantitatem*, cum immediatum subjectum ejus sit superficies. Et quia corpus Christi non habet ordinem ad hunc locum ratione suæ quantitatis, ideo nec ratione sui coloris. Et ideo *sicut* non conjungitur aeri circumstanti secundum quantitatem, *ita non assimilât sibi ipsum, aggenerando similitudinem coloris sui in eo.*

**110.** — **AD PRIMUM** ergo dicendum quod si oculus Christi esset extra species sacramenti, non videret substantiam suam intra species contentam ex natura gloriæ nisi, miraculose. *Et ideo non oportet quod oculus glorificatus videat, nisi forte per miraculum.*

**111.** — **Ad secundum** dicendum quod comprehensores, quamvis forte non videant corporali visione corpus Christi sub sacramento, vident tamen visione intellectuali plena. *Et ideo non oportet quod habeant de eo fidem, sed perfectam cognitionem.*

**112.** — **Ad tertium** dicendum quod *sensus in hoc sacramento non decipitur*; quia sensus non habet judicare de substantia sed de formis sensibilibus. Et ideo cum formæ sensibiles sint ibi vere, in judicio sensus non est deceptio.

**113.** — *Sed potest esse deceptio in judicio intellectus*, nisi adsit fides vel plena cognitio. Et quamvis lateat visum corporalem beatorum, non tamen latet ipsos, quia intellectu conspiciunt: sicut etiam essentiam Dei non videt oculus corporis, sed oculus mentis ipsorum, ut Augustinus dicit in lib. *de videndo Deo* (L. 33, 596).

**114.** — **AD SECUNDAM QUÆSTIONEM** dicendum quod **absque omni dubio dicendum est illud quod ibi apparet esse verum corpus Christi**, alias non adoraretur, sicut et prius erat quando in specie panis videbatur.

Sed utrum species illa quæ ibi apparet, sit species corporis Christi, difficile est determinare.

**115.** — *Quidam enim dicunt quod species illa carnis vel pueri est tantum in oculo videntis.* Et hoc forte aliquando verum est, cum ab uno videatur in specie panis et ab alio in specie carnis vel pueri; et ab eodem etiam quandoque post modicum iterum in specie panis videtur quod prius in specie carnis videbatur. Et secundum hoc potest fieri divino miraculo ut similitudo corporis Christi fiat in oculo, sicut naturaliter fieret, si corpus Christi præsens esset. Nec est deceptio; quia non fit nisi ad instructionem fidei et devotionem excitandam.

**116.** — Sed quia aliquando ab omnibus ita videtur, et quando-

que ita diu servatur in tali specie, ideo Al ii dicunt quod vera species corporis Christi extra existens visum immutat. Nec obstat quod videtur in minori quantitate et non in specie gloriosa ; quia in potestate corporis gloriosi est, ut se ostendat in toto vel in parte, et in specie gloriosa vel non gloriosa. Sed quia mutatio visus ab aliquo corpore per medium, fit per contactum ejus quod sentitur, ad medium quo sentitur, oportebit secundum hoc dicere quod corpus Christi secundum hoc tangat<sup>1</sup> medium visionis, et per consequens quod sit ibi sicut in loco; et ita quod vel sit<sup>2</sup> simul in pluribus locis, vel quod<sup>3</sup> localiter motum sit de coelo descendens : quod tamen ei non est impossibile.

**117. — Sed huic obviat quod** Gu it mundus dicit (in II de *Veritate Eucharistiæ*; L. 149, 1449-50) quod « *de multorum episcoporum consilio sigillatum fuit hoc quod apparebat in specie corporis Christi, et positum in altari.* » Corpus autem Christi, si ibi esset localiter, dispareret postquam apparuisset, sicut accidit discipulis euntibus in Emmaus ; nullo autem modo reservaretur inclusum.

**118. — Et ideo securius videtur dicere** quod *sicut* quando videbatur corpus Christi in specie panis, erant quædam dimensiones subsistentes, et in illis alia sensibilia<sup>4</sup> accidentia fundabantur ; *ita illæ eædem dimensiones manent, et eis alia accidentia sensibilia<sup>4</sup> superducuntur divina virtute*, quæ speciem carnis prætendunt, sicut et accidentia quæ prius erant, prætendebant speciem panis. Et potest esse quod postea<sup>6</sup> eadem virtute, illis accidentibus recedentibus, iterum accidentia panis reducantur, cum etiam naturali actione quandoque aliquod illorum accidentium immutari posset, dimensionibus maffectibus, sicut odor vini vel sapor, si diu conservaretur.

**119. — AD PRIMUM** ergo dicendum quod adhuc species panis manent quantum ad dimensiones quæ prius subsistebant **et** principales erant in sacramento, quamvis color et alia hujusmodi non maneant<sup>6</sup>, divina virtute hoc faciente. *Et ideo sub illis dimensionibus adhuc manet corpus Christi.*

**120. — Ad secundum** dicendum quod in hoc aedificatur fides et<sup>7</sup> excitatur devotio quia *illa accidentia sunt similia omnino accidentibus carnis Christi veræ*, quod non erat de accidentibus panis ; *quamvis non sint ipsam<sup>1</sup> accidentia corporis Christi.*

**121. — Ad tertium** dicendum quod quamvis *illa accidentia carnis ibi prius non essent, tamen sunt superinducta ad fidei instructionem divina virtute.*

1. Ed. « tangit ». — 2. Ed. « si ». — 3. γ et P. quia ». — 4. Ed. om. « sensibilia ». — 5. Ed. om. « postea ». — 6. α « remaneant ». — 7. α « vel ».

122. — **AD TERTIAM QUÆSTIONEM** dicendum quod usus sacramenti debet materiæ sacramenti competere, sicut ablutio aquæ in baptismo. Et quia corpus Christi in hoc sacramento sub specie panis nobis proponitur, ideo usus sacramenti est per manducationem, 'ut supra dictum est (40).

Cum ergo in specie propria, vel in specie carnis cruentatæ apparens, vel in simili specie, non habeat rationem cibi, **non debet assumi ab eo cui sic apparet, sed ab alio cui sub specie panis apparet.**

Si autem omnibus sub specie carnis appareret, tunc deberet cum reliquiis poni.

123. — **AD PRIMUM** ergo dicendum quod *devotio* non *excitatur hic* ad manducandum, quia non in specie cibi proponitur, sed *ad venerandum*.

124. — **Ad secundum** dicendum quod *in tali casu sacerdos debet iterum celebrare*, ut *Quidam* dicunt, et corpus Christi sumere ; et si secundo hoc accideret, iterum tertio.

125. — *Quidam* autem dicunt quod *in tali casu sufficit spiritualis manducatio*, nec propter hoc efficitur transgressor constitutionis Ecclesiæ ; quia ad ea quæ frequentius accidunt, leges aptantur.

126. — **AD QUARTAM QUÆSTIONEM** dicendum quod Angelus nihil videt corporali visione ; quia etsi corpus assumat, non tamen conceditur quod videat per corpus assumptum. Unde relinquitur quod in ipso non est nisi visus intellectualis, qui quidem non est recipiendo a sensibilibus, ut in II lib. d. 3 (q. 2, a. 1, ad 2) dictum est, sed vel per species innatas, quantum ad ea quæ naturali cognitione intelligunt, vel per Acerbum quod vident, quantum ad ea quæ supra naturalem cognitionem ipsorum sunt.

127. — Et quia Angeli sunt beati, oportet quod habeant plenam visionem eorum omnium de quibus est fides quantum ad visionem gloriosam quæ fidei succedit. Et ideo *sicut fides credit corpus Christi esse sub sacramento, ita in visione beata Angeli vident.*

128. — **Credo autem** quod omnia quæ sunt fidei, sunt supra naturalem cognitionem Angelorum, sicut supra naturalem rationem hominum. Et ideo mysteria fidei dicuntur esse « *abscondita a saeculis in Deo* », ut dicitur *Eph.*, m, 9. **Unde naturali cognitione non vident Angeli corpus Christi sub sacramento, sed solum beata.**

129. — *Dæmones* vero nullo modo vident plenarie, sed « *credunt et contremiscunt* ». (*Jac.*, ii, 19.)

130. — **AD PRIMUM** ergo dicendum quod *beati visione intel*

*lectuali gloriae vident corpus Christi sub sacramento, quamvis non corporali, in qua cum Angelis non communicant.*

**131.** — **Ad secundum** dicendum quod de se *secundum quod est sub sacramento*, non est visibile *corpus Christi* visu corporali ; *est tamen visibile visu intellectuali.*

**132.** — **AD QUINTAM QUÆSTIONEM** dicendum quod sicut in III lib. dictum est d. 24 (49), illa tantum intellectus noster videre dicitur, proprie loquendo, quorum essentia ei repræsentantur sive lumine naturali, sive lumine gratia aut gloriae. Et ideo per consequens videre dicitur illa a principio quæ statim cognitis terminis, quasi visis essentiis terminorum, cognoscuntur, et per consequens tantum illa quæ reducuntur in illa principia sicut conclusiones scientiarum. Quæ vero nullo modo ordinem habent ad principia naturaliter cognita, nec ad sensus perceptionem, non potest in statu viæ videre.

**133.** — Et quia **corpus Christi esse sub sacramento** nullum ordinem habet ad principia naturaliter cognita, quæ sunt principia scientiarum, nec etiam sensu a nobis apprehendi potest, ideo **intellectus viatoris nullo modo hoc videre potest et multo minus comprehendere** ; quia aliquid videtur quod non comprehenditur, sicut essentia divina in patria; nisi « *videre* » largo modo dicto, secundum quod dicimur ea quæ sunt fidei, videre in speculo et ænigmate, *I Cor.*, xm, 12.

**134.** — **AD PRIMUM** ergo dicendum quod *sicut* imperfecte videmus, *ita* etiam et deficienter loquimur.

**135.** — **Ad secundum** dicendum quod *nullus lenptur videre in praesenti*, sed tenetur credere. Fides autem de non visis est. Credere autem est possibile.

## EXPOSITIO TEXTUS

**136.** — « Non hoc corpus quod videtis, etc.2 » (1a). Intelligendum est per se, idest secundum quod videtur in forma sua.

**137.** — « Ipsum quidem *et non* ipsum corpus. » (2a). **Videtur esse contradictio.**

**Et dicendum** quod non est ; quia ipsum corpus Christi in propria specie non manducatur ; et hoc dicit « *visibiliter* » Augustinus, quia in propria specie corpus Christi videri potest ; sed sub specie panis manducatur ; et hoc dicit « *invisibiliter* », quia in propria specie videri non potest.

**138.** — « Sacrificium Ecclesiae duobus confici. » (2b). Non quod ex eis fiat unum in essentia, sed quia ex eis fit unum sacramentum,

1. F. ad. « non ». — 2. Ed. om. hic et sæpius infra « etc. ».

Qualiter autem persona Christi dicatur composita ex duabus naturis, dictum est in III lib. d. 6.

**139.** — «Caro carnis, et sanguis sacramentum est sanguinis. » (3).

**Videtur hoc esse falsum** ; quia nihil est signum sui ipsius.

**Et dicendum** quod carnem quæ significat, nominat ipsas species quæ sunt signum carnis ; et hoc tropice, ut Magister dicit. Et ipsæ species cum carne contenta dicuntur caro invisibilis, quia sub specie illa caro Christi non videtur. Carnem autem significatam nominat ipsam carnem Christi, secundum quod sub propria forma videtur ; unde et « *visibiliter* » dicitur.

**140.** — « Quis audeat manducare etc. » (4a).

**Ad primam** harum rationum responsum est in primo articulo hujus distinctionis.

**Ad secundam** patebit solutio ex his quæ dicentur in sequenti distinctione (4).

**141.** — « Si tantum valuit sermo Eliæ (5a). » Locus est a minori. Unde intelligendum est quod plus valeat sermo Christi, et in persona Christi prolatus ; quia sermo Eliæ non habebat in seipso virtutem aliquam, sed operabatur per modum intercessionis ; sermo autem Christi, scilicet forma hujus sacramenti, habet virtutem intraneam, de qua d. 8 (288) supra dictum est.

**142.** — « Quid ergo hic quaeris naturæ ordinem ? etc. » (5b). **Ergo videtur** quod non licet disputare per rationes de hoc sacramento.

**Et dicendum** quod loquitur contra illos qui nihil in hoc sacramento et in aliis quæ sunt fidei, volunt credere, nisi\* quod per naturalem rationem probari potest ; non autem contra illos qui ex principiis fidei disputant, et qui ex principiis naturalibus non volunt probare quæ sunt fidei, sed sustinere ; quia quæ sunt fidei, quamvis sint supra rationem, non tamen sunt contra rationem : alias Deus esset sibi contrarius, si alia posuisset in ratione quam rei veritas habet.

**143.** — « Si tanta vis est in sermone Domini (5b).

**Videtur quod hæc probatio non valeat** ; quia sermo quo omnia facta sunt ex nihilo, est Verbum increatum ; nunc autem loqui debuit de verbo creato, scilicet forma sacramenti.

**Et dicendum** quod auctoritas hujus virtutis residet in Verbo increato, sed in verbo creato est instrumentaliter tantum, ut dictum est.

**144.** — « Sicut per Spiritum sanctum etc. » (5d).

**Videtur** quod ista transsubstantiatio non debeat appropriari Spiritui sancto, sed magis Filio.

**Et dicendum** est quod appropriatur Filio sicut operanti, quia ipse est sacerdos et hostia ; Spiritui autem sancto sicut quo operatur, quia ipse est virtus de illo exiens ad sanandum, Lue. vi, 19.

1. Ed. om. « in sequenti distinctione ». — 2. Ed. « sub. » — 3. *αβονι*. « in ». — 4. Ed. *ad*. « hoc », contra *αβι*.

## DISTINCTIO XI

### De modo conversionis

1. — Si autem quæritur qualis sit illa conversio, an formalis, an substantialis vel alterius generis, definire non sufficio.

2. — Formalem tamen non esse cognosco, quia species rerum quæ ante fuerant, remanent, et sapor et pondus.

3. — Quibusdam esse videtur substantialis, dicentibus sic substantiam converti in substantiam, ut hæc essentialiter fiat illa : cui sensui præmissæ auctoritates consentire videntur.

### Oppositio

4. — Sed huic sententiæ sic opponitur ab Aliis. Si substantia panis, inquit, vel vini convertitur substantialiter in corpus vel in sanguinem Christi, quotidie fit aliqua substantia corpus vel sanguis Christi, quæ ante non erat ; et hodie est aliquid corpus Christi quod heri non erat ; et quotidie augetur corpus Christi atque formatur de materia de qua in conceptione non fuit factum.

Quibus hoc modo responderi potest : quia non ea ratione dicitur corpus Christi confici verbo cælesti, quod ipsum corpus in conceptu Virginis formatum deinceps formetur, sed quia substantia panis vel vini quæ ante non fuerat corpus Christi vel sanguis, verbo cælesti fit corpus et sanguis. Et ideo sacerdotes dicuntur conficere corpus Christi et sanguinem, quia eorum ministerio substantia panis fit caro et substantia vini fit sanguis Christi. Nec tamen aliquid additur corpori vel sanguini, nec augetur corpus Christi vel sanguis.

### Quomodo dicitur corpus Christi CONFICI DE SUBSTANTIA PANIS

a. — « Si vero quæris modum quo id fieri possit, breviter respondeo. *Mysterium fidei credi salubriter potest ; investigari salubriter non potest* ».

Quod ergo corpus Christi panis mutatione in id non augmentatur, nec sanguis ex vini conversione, ejus voluntati et potenti adseribatur qui idem corpus de Virgine eduxit. Fit ergo substantia illa ista sine ejus augmento.

5. — Nec tamen concedunt Quidam quod substantia panis, aliquando sit caro Christi, etsi fiat caro Christi : sicut farina facta est panis, et aqua facta est vinum, nec tamen dicitur : farina est panis et aqua est vinum.

Alii vero concedunt illud quod era\* panis vel vinum post consecrationem esse corpus et sanguinem ; non tamen sequitur : Panis est caro Christi, vel vinum est sanguis, quia substantia panis vel vini, postquam

1. Quar. om. « in ». — 2. Ed. om. « quia ». — 3. Quar. om. per homot. « panis it caro et substantia ». — 4. Cfr. Alger., *I de Sacram.*, e. 9, l. ISO : 767. — 5. Quar. « hujus ». — 6. Ed. <sup>h</sup> lit ». — 7. Quar. « nec ».

facta est caro Christi vel sanguis, non est substantia panis vel vini, sed caro et sanguis.

Ideo distinguendum videtur, cum dicitur : Substantia panis, vel id quod erat panis, modo est corpus Christi. Manens enim panis non est corpus Christi ; sed mutata in id quod facta est, est corpus Christi. Nec dicimus substantiam panis vel vini materiam esse corporis vel sanguinis, quia non de ea ut de materia formatur corpus ; sed ipsa formatur in illud et efficitur illud.

Unde Augustinus in libro *de Trin.* (III, c. 4, n. 10 ; L. 42, 874) : « *Corpus Christi dicimus illud quod ex fructibus terræ acceptum et prece mystica consecratum, sumimus in memoriam dominicæ passionis. Quod cum per manus hominis ad illam visibilem speciem perducatur, non sanctificatur, ut sit tam dignum sacramentum, nisi operante invisibiliter Spiritu Dei.* »

Asserunt dictum panem transire in corpus Christi

6. — Quidam vero sic dicunt conversionem illam esse intelligendam, ut sub illis accidentibus sub quibus erat prius substantia panis et vini, post consecrationem sit substantia corporis et sanguinis, sic tamen ut non eis afficiatur. Et sic asserunt dictum panem transire in corpus Christi, quia ubi erat panis, nunc est corpus Christi.

Quod si est, quid ergo fit de substantia panis et vini ? Illi dicunt, vel in præeamentem materiam resolvi, vel in nihilum redigi.

7. — Alii vero putaverunt ibi substantiam panis et vini remanere, et ibidem corpus Christi esse et sanguinem ; et hac ratione dici illam substantiam fieri istam, quia ubi est hæc, est et illa — quod mirum est — et ipsam substantiam panis vel vini dicunt esse sacramentum.

Sed quod non sit ibi substantia nisi corpus Christi et sanguis, ex prædictis et subditis aperte ostenditur.

Ait enim Ambrosius (*de Consec.*, d. 2, cap. : « Omnia » : L. 187, 1771) : « *Panem istum quem sumimus in mysterio, illum intelligo utique qui manu sancti Spiritus formatus est in utero Virginis, et igne passionis decoctus in ara crucis. Panis enim Angelorum factus est cibus hominum. Unde Veritas\* ait (Joan., vi, 41) : « Ego sum panis vivus qui de coelo descendi » ; et iterum, (ibid. 52) : « Panis quem ego dabo, caro mea est pro mundi vita ». Ex his namque duabus sententiis aperte datur intelligi, quia panis ille et iste, non duo sed unus panis et una caro procul dubio unum efficitur corpus, illud vere, illud sane, quod sumptum est de Virgine, quod resurrexit et in coelum ascendit.* »

a. — Item Gregorius (lib. IV *Dial.*, c. 58 ; L. 77, 425) : « *Quis fidelium habere dubium possit in ipsa immolationis hora ad sacerdotis vocem celos aperiri, in illo Christi mysterio, Angelorum chorus adesse, summa et ima sociariis, unum quid ex invisibilibus atque visibilibus fieri.* »

Idem (*De Consec.*, d. 2, cap. « Quid sit sanguis » ; L. 187, 1769) : « *Eodem momento et in cælum rapitur ministerio Angelorum consociandum corpori Christi, et ante oculos sacerdotis in altari videtur. Sicut Divinitas Verbi f totum implet mundum, ita multis locis illud corpus consecratur. Nec sunt tamen multa corpora Christi sed unum corpus et unus sanguis. Ideoque sive plus sive minus quis inde percipiat, omnes equaliter corpus Christi integerrime sumunt.* »

Post consecrationem ergo non est ibi substantia panis vel vini, licet species remaneant. Est enim ibi species panis et vini, sicut et sapor ; unde aliud videtur, aliud intelligitur.

1. Quar. « id est ». — 2. Quar. *ad.* « ex ». — 3. Quar. *om.* « enim ». — 4. Quar. *om.* « Veritas ». — 5. Ed. *ad.* « et idem ». — 6. Quar. « igitur ».

## Quare sub alia specie sumatur

8. — Sub alia autem specie tribus de causis carnem et sanguinem tradidit Christus, et deinceps sumendum instituit, ut fides scilicet haberet meritum, quæ est de his quæ non videntur; quia « *fides non habet meritum, cuius humana ratio præbet experimentum* » (Gregorius, *hom.* 26, n. 1; L. 76, 1197). Et ideo etiam ne abhorreret animus quod cerneret oculus; quia non habemus in usu carnem crudam et sanguinem comedere. Quia ergo Christum vorari dentibus fas non est, in mysterio carnem et sanguinem nobis commendavit. Et etiam ideo ne ab incredulis religioni insultaretur.

Unde Augustinus<sup>3</sup>: « *Nihil rationabilius quam ut sanguinis similitudinem sumamus, ut ito el veritas non desit, et ridiculum nullum fiat a\* paganis, quod cruorem occisi hominis bibamus.* » Ne ergo<sup>5</sup> hoc fieret, « *et ne veluti quidam horror esset certioris, in similitudinem accipimus\* sacramentum*7. »

Ex præmissis jam liquet quare non sub alia specie, et quare sub ista hoc sacramentum Dominus celebraverit, et celebrari a nobis instituerit.

## Quare sub duplici specie

9. — Sed quare sub duplici specie sumitur, cum sub alterutra lotus sit Christus?

a. — » *Ut ostenderetur lotam humanam naturam assumpsisse, ut totam redimeret. Panis enim ad carnem refertur, vinum ad animam; quia vinum operatur sanguinem, in quo sedes animæ a Physicis esse dicitur. Ideo ergo in duabus speciebus celebratur, ut animæ et carnis susceptio in Christo, et ulriusque liberatio in nobis significetur\*.* »

b. — Valet enim, ut ait Ambrosius (in *I ad Cor.*, xi, 26, L. 17, 243). « *ad tuitionem corporis et animæ quod percipimus; quia caro Christi pro salute corporis, sanguis vero pro anima nostra offertur, sicut præfiguravit Moyses.* » Caro, inquit (Lev. xvii, 2), pro corpore vestro<sup>9</sup> offertur, sanguis<sup>10</sup> pro anima. Sed tamen « *sub utraque specie sumitur, quod ad utrumque valet; quia sub utraque sumitur ipsell totus Christus. Sed si in altera tantum sumeretur, ad alterius tantum, idest animæ vel corporis, non ad ulriusque pariter tuitionem valere significaretur. Sub utraque specie tamen totus sumitur Christus; nec plus sub utraque, nec minus sub altera tantum sumitur*12. »

« *Eadem enim ratio est, ut ait Hilarius, (De Consec., d. 2. « Ubi pars »; L. 187, 1773), in corpore Christi quæ in manna præcessit, de quo dicitur (Exod. 16, 18) : « Qui plus collegerat, non habuit amplius; nec qui minus paraverat, habuit minus.* »

c. — Et licet sub utraque specie sumatur totus Christus, tamen non lit conversio panis nisi in carnem, nec vini nisi in sanguinem. Nec debent dici duo sacramenta, sed unum, quia sub utraque specie idem sumitur; neque debet iterari sacramentum, quia benedictio non repetitur super speciem eandem; neque aliæ substantiæ in sacrificium veritatis offerri debent, quia de aliis non potest consecrari corpus Christi vel sanguis.

1. Ed. « ubi ». — 2. Ed. ad. « christianæ ». — 3. Paschasius *de corp. et sang.* Dorn. c. 13; L. 120, 1315. — 4. Ed. om. « a », — 5. Quar. « igitur ». — 6. Quar. « accipis ». — 7. Ambros. *IV de sacram.*, e. 4, n. 20; L. 16, 443. — 8. Glossa Lyrani ad *I Cor.* xi, 26. — 9. Quar. « nostro ». — 10. Quar. ad. « vero ». — 11. Quar. om. « ipse ». — 12. *Sum. Sent.*, tr. 6, c. 6; L. 176, 142.

## Quare aqua admisceatur

10. — Aqua vero admiscenda est vino, quia aqua populum significat qui per Christi passionem redemptus est.

a. — « *Calix ergo dominicus juxta canonum præceptum {De Consec. d. 2 c. 1 et 2 ; c. 83 ; L. 187, 1731, 1776}, aqua et vino mixtus debet offerri ; quia videmus in aqua populum intelligi, in vino ostendi sanguinem Christi. Cum ergo in calice vino aqua miscetur, Christo populus adunatur, et credentium plebs ei quem credit copulatur : quæ copulatio aquæ et vini sic miscetur in calice Christi, ut mixtio illa non possit separari. Nam si vinum quis tantum offerat, sanguis Christi incipit esse sine nobis.* »

Si vero quaeritur, an irritum sit quod geritur, si aqua prætermittatur, audi quod sequitur in eodem canone : « *Non potest, inquit, calix Domini esse aqua sola aut vinum solum, nisi utrumque misceatur.* »

Item Cyprianus (ep. 63, n. 13 ; L. 4, 384) : « *Calix Domini non est aqua sola aut vinum solum, nisi utrumque misceatur : sicut nec corpus Domini potest esse farina sola nec aqua sola, nisi utrumque fuerit adunatum, et panis unius compage solidatum.* » Si quis tamen non intendens introducere hæresim, oblivione vel ignorantia aquam prætermiserit, non videtur esse irritum sacramentum : sed ille graviter est corripiendus. Nam et Græcorum Ecclesia non apponere aquam dicitur.

b. — Quod etiam ex dictis Cypriani videtur posse colligi. Ait enim (ibid n. 17) : « *Si quis de antecessoribus nostris vel ignoranter vel simpliciter hoc non servaverit quod nos Dominus facere et exemplo et magisterio docuit ; potest simplicitati ejus indulgentia Domini venia concedi. Nobis vero non potest ignosci, qui nunc a Domino instructi sumus, ut calicem Domini cum vino mixtum, secundum quod Dominus obtulit, offeramus.* »

Ex hoc videtur quod si quis simpliciter vel ignoranter vinum offerat sine aqua, sacramentum conficiat.

c. — Aqua vero nullatenus sine vino potest offerri in sacrificium ; nec panis nisi de frumento ; nec granum frumenti, nisi redactum fuerit in panem, quia Christus et panem se dicit, (Joan., vi, 41,51) et grano frumenti se comparat (xn, 24). Quod ergo supra (a) dictum est, non posse vinum solum offerri, determinari oportet ; recipit enim exceptionem. Non potest, nisi simpliciter vel ignoranter fiat ; vel non potest, idest non debet. Quibusdam tamen videtur hoc generaliter verum.

11. — Colligitur etiam ex prædictis quod Christus vinum aqua mixtum dedit discipulis. Corpus vero tale dedit quale tunc habuit, idest mortale et passibile. Nunc vero sumitur a nobis immortale et impassibile ; nec tamen majorem habet efficaciam<sup>5</sup>.

12. — Eucharistia quoque intincta non debet dari populo pro supplemento communionis, quia non legitur Christus alicui discipulorum præbuisse panem intinctum, nisi Judæ. Tunc vero non accepit Judas corpus Christi, sed tantum panem. Corpus vero et sanguinem Christi ante cum aliis discipulis perceperat.

## DIVISIO TEXTUS

13. — « Si autem quaeritur qualis sit illa conversio etc.<sup>4</sup> » (1).  
Postquam determinavit Magister de re contenta in hoc sacramento, ostendens quod verum corpus ibi continetur, *hic*

1. Quar. « igitur ». — 2. Ed. ad « de ». — 3. Quar. « efficientiam ». — 4. Ed. om. « qualis sit illa conversio, etc. ».

*intendit determinare de conversione panis in corpus Christi, ex qua contingit ut sub sacramento corpus Christi veruml contineatur.*

Et dividitur in partes *duas*. *In prima* determinat de prædicta conversione panis in corpus Christi. *In secunda* ostendit qualiter species remaneant substantiali conversione facta, ibi : « Sub alia autem specie etc. » (7).

Circa primum *tria* facit. *Primo* inquit qualis sit prædicta conversio. *Secundo* determinat hanc quæstionem quantum ad id in quo omnes conveniunt, ibi : « Formalem tamen etc. » (2). *Tertio* determinat eam quantum ad id in quo diversi diversa opinantur, ibi : « Quibusdam videtur, etc. » (3).

Et hæc dividitur in partes *tres* secundum tres opiniones quas ponit ; *secunda* pars incipit ibi : « Quidam vero sic dicunt etc. » (6) ; *tertia* ibi : « Alii vero putaverunt etc. » (7).

Circa primum *tria* facit. *Primo* ponit opinionem. *Secundo* objicit in contrarium et solvit, ibi : « Sed huic sententiæ, etc. » (4). *Tertio* ostendit quæ locutiones sint concedendæ vel negandæ secundum hanc opinionem ibi : « Nec tamen concedunt quidam etc. » (5).

« Sub alia autem specie etc. » (8). *Hic ostendit qualiter species remaneant substantiali conversione facta*. Et dividitur in partes *duas*. *In prima* ostendit quare sub alia specie corpus Christi verum in sacramento exhibeatur. *In secunda* determinat de usu sive distributione dictarum specierum, ibi : « Colligitur etiam εκ prædictis etc. » (11).

Circa primum *tria* facit. *Primo* ostendit quare sub alia specie corpus Christi proponatur in sacramento ; *secundo* quare sub duplici, ibi : « Sed quare sub duplici etc. » ; (9) ; *tertio* de admixtione tertii elementi, scilicet aquæ, ibi : « Aqua vero admiscenda etc. » (10).

« Colligitur etiam etc. » (11). *Hic determinat de distributione specierum* ; et *primo* quomodo Christus distribuerit ; *secundo* quomodo nunc distribuendum sit, ibi : « Eucharistia quoque etc. » (12).

Hic est triplex quæstio.

*Prima* de conversione panis in corpus Christi et vini in sanguinem.

*Secunda* de materia hujus sacramenti cujus species post conversionem remanent.

*Tertia* de usu sacramenti istius in ipsa? sui prima institutione, qua Christus ipsum discipulis dedit.

1. Ed. om. « verum ». — 2. Ed. om. « ipsa ».

## QUÆSTIO I

Circa primum quæruntur quatuor.

*Primo*, utrum post consecrationem remaneat ibi panis.

*Secundo*, utrum annihiletur.

*Terlio*, utrum convertatur in corpus Christi.

*Quarto*, de locutionibus quæ in hac materia concedendæ sunt.

## ARTICULUS I

[Ī]

[III, q. 75, a. - ; ZΓ Cg. c. 63 ; in *Mat.* c. 26; *I ad Cor.* c. 11, l. 4.]

**14. — AD PRIMUM SIC PROCEDITUR.** Videtur quod SUBSTANTIA PANIS REMANEAT POST CONSECRATIONEM, UT DICIT TERTIA OPINIO.

1. Damascenus enim dicit (IV *de Fid. orlh.*, c. 13 ; G. 94, 1144; « *Quia consuetudo est hominibus comedere panem et vinum, conjugavit eis Divinitatem, et fecit ea corpus et sanguinem suum.* » Sed conjunctio requirit utrumque conjunctorum existere actu. Ergo panis remanet cum corpore Christi.

2. **Præterea.** Illud quod de pane remanet in hoc sacramento post consecrationem, cum sit sacramentum tantum, debet verum corpus Christi et etiam mysticum significare. Sed significatio talis non competit pani nisi ratione substantiæ suæ secundum quam ex diversis granis conficitur, secundum quam etiam reficere et nutrire habet. Ergo oportet quod remaneat in substantia panis.

3. **Præterea.** Illud ad quod pauciora difficilia sequuntur est magis eligendum. Sed ad hanc positionem sequuntur pauciora difficilia, cum nihil aliud sequatur nisi quod duo corpora sint in eodem loco : quod non est inconveniens de corpore glorioso ratione suæ subtilitatis. Ergo hæc opinio est alii praeligenda.

**15. — SED CONTRA.** Hoc pronomen *hoc*, cum sit demonstrativum ad sensum, demonstrat substantiam sub speciebus immediate latentem. Sed si substantia panis ibi remaneret, ipsa immediate accidentibus subesset, quia eis afficeretur. Ergo ad ipsam ferretur demonstratio hujus pronomini *hoc*, cum dicitur : « *Hoc est Corpus meum* » ; et sic locutio *esset falsa : quod est inconveniens et hæreticum*, quia est in doctrina religionis proposita. Ergo et prædicta positio est hæretica.

1. Ed. ad. « sola ».

**16. — Præterea.** Si substantia panis ibi remaneret, tunc sumens hoc sacramentum non solum sumeret spiritualem cibum, sed etiam<sup>1</sup> corporalem. Sed corporalis cibi sumptio impedit a sacramento ulterius eadem die percipiendo, ut supra d. 8 (**114**) dictum est. Ergo qui semel sumpsisset corpus Christi, non posset iterato sumere : quod est contra ritum hujus sacramenti.

## [II]

[*Infra*, d. 12, 28-31 : **III**, q. 75, a. 5 ; *IV Cg.* c. 62, 63, 65 ;  
*Contra. Græc. Armen.* c. 8 **I ad Cor.** c. 11, L. 5.]

**17. — ULTERIUS.** Videtur QUOD NON DEBEANT SPECIES PANIS REMANERE.

1. Quia in sacramento veritatis non debet esse aliqua deceptio. Sed cum accidentia ducant in cognitionem ejus quod quid est, secundum Philosophum in I de *Anima* (a l. 402b, 21 ; l. 1, n. 15), deceptio videtur ostendere illius accidentia cujus substantia non manet. Ergo ex quo substantia panis non manet, non deberent accidentia ejus remanere<sup>2</sup>.

2. **Præterea.** Causæ in *Littera* (**8**) assignatae non videntur convenientes. Fides enim quamvis experimentum rationis effugiat, tamen rationis contradictionem non requirit ; quia ea quæ sunt fidei non sunt contra rationem, sed supra. Sed quod sub alia specie videatur, hoc non solum contra rationem, sed etiam contra sensum apparet. Ergo non deberet sub alia specie apparere propter meritum fidei.

3. **Præterea.** Supposita fide hujus sacramenti per quam corpus Christi sine sui detrimento manducari creditur, non esset horridum illud<sup>3</sup> sumere in quacumque specie apparet. Sed fides necessaria est ad sumendum. Ergo secunda causa quam assignat nulla est.

4. **Præterea.** Illud quod aliquando fit ad confirmationem fidei, si semper fieret, non esset irrisio, sed major confirmatio. Sed aliquando ad confirmationem fidei alicujus dubitantis de hoc sacramento ostenditur corpus Christi sub specie carnis, sicut legitur in *vita beati Gregorii* (lib. II, n. 41 ; L. 75, 103) et in *vitis patrum*. Ergo non esset ad irrisionem, si semper in specie propria ostenderetur.

**18. — SED CONTRA.** Sacramentum est sensibile signum, ut in Ia d. (25) dictum est. Sed panis est corporis Christi veri sacramentum. Ergo debet remanere quantum ad sensibilia accidentia.

**19. — Præterea.** Usus hujus<sup>4</sup> sacramenti est manducatio., ut

1. Ed. *om.* « etiam ». — 2. Ed. « manere ». — 3. Ed. « istud ». — 4. *αβγη* «vitas» contra c et ed. — 5. Ed. *om.* « hujus ».

supra d. 9 (49) dictum est. Sed manducatio requirit divisionem cibi quæ fit per masticationem. Ergo cum divisio non possit fieri in vero corpore Christi quod est gloriosum, oportuit quod essent ibi species saltem aliæ, quarum fractio esset.

[IH]

[III, q. 75, a. 6; I ad Cor., c. II, i. 4.]

**20. — ULTERIUS.** Videtur QUOD ETIAM FORMA SUBSTANTIALIS PANIS DEBEAT REMANERE.

1. Operatio enim substantialis non potest fieri sine forma substantiali. Sed nutrire est operatio formæ substantialis; quia « *nutrii inquantum quid cibus* », ut dicitur in II de Anima, (β 4. 416b, 13; l. 9, n. 343). Ergo cum species quæ in sacramento remanent, etiam corporaliter nutriant, ut a Quibusdam dicitur, videtur quod forma substantialis panis remaneat.

2. **Præterea.** Illud quod non mutatur in aliquid corporis Christi oportet quod post consecrationem maneat. Sed forma substantialis panis non convertitur in aliquid corporis Christi; quia si converteretur, oporteret quod converteretur in animam quæ est forma substantialis corporis Christi, in quam non convertitur aliquid, ut ex præcedenti dist. (38) patet. Ergo forma substantialis panis manet sicut etl accidentia.

3. **Præterea.** Panis est quoddam artificiale. Sed formæ artificialium sunt accidentia, ut patet in II Phys. (β 1. 192b, 27-32; l. 1, n. 5). Cum ergo accidentia maneat, videtur quod forma panis secundum quam est panis maneat.

4. **Præterea.** Secundum Averroem in lib. de *substantia Orbis*, (c, 1) et in I Phys. (text. 63), oportet in materia præintelligere dimensiones ante formas substantiales aliquo modo in generabilibus et corruptibilibus, alias non possent esse diversæ formæ in diversis partibus materiæ, cum divisio non fiat nisi secundum quantitatem. Sed dimensiones manent. Ergo et forma substantialis manet.

21. — **SED CONTRA.** Remotis accidentibus et forma substantiali, nihil manet nisi subjectum commune. Sed illud quod est commune, non potest converti in aliquid. Ergo non posset intelligi aliqua conversio fieri si forma substantialis remaneret.

22. — **Præterea.** Species panis et vini sensibiles sunt sacramentum tantum in eucharistia. Ergo debent ducere in illud cuius sunt sacramentum, scilicet in corpus Christi. Sed si remaneret ibi forma substantialis panis, ducerent<sup>3</sup> in ipsam magis quam in corpus Christi, quia sunt ei propinquiora<sup>4</sup> secundum

1. Ed. om. « et ».\*— 2. Ed. « possunt ».— 3. αβγ« duceret ».— 4. Ed. « propinquiores ».

naturam. Ergo videtur quod non remaneat forma substantialis panis.

**23. — RESPONSIO.** Dicendum **AD PRIMAM QUÆSTIONEM** quod **hæc positio quæ ponit substantiam panis ibi remanere post consecrationem simul cum vero corpore incompetens est huic sacramento etl impossibilis et hæretica.**

**24. — Incompetens quidem,** quia impediret venerationem debitam huic sacramento. Esset enim *idololatriæ occasio*, si hostiæ veneratio latriæ exhiberetur, substantia panis ibi remanente. *Esset etiam contra significationem sacramenti*; quia species non ducerent in verum corpus Christi per modum signi, sed magis in substantiam panis. *Esset etiam contra usum sacramenti*; quia jam cibus iste non esset pure spiritualis sed etiam corporalis.

**25. — Sed quod sit impossibilis?** patet ex hoc quod impossibile est aliquid esse nunc cum prius non fuerit nisi ipso mutato vel aliquo in ipsum; nec posset etiam per miraculum fieri, sicut quod nec esset animal rationale mortale, et non esset homo; aliter enim se habere nunc et prius est idem quod moveri vel transmutari. Si ergo corpus Christi verum esset sub sacramento nunc et non prius, oporteret aliquem motum vel mutationem intervenisse. Sed nulla mutatio est ex parte panis facta secundum hanc positionem. Ergo oportet quod corpus Christi sit mutatum saltem localiter, ut dicatur quod corpus Christi est hic, quia per motum localiter huc venit: quod omnino esse non potest; quia cum simul et semel in diversis locis corpus Christi consecratur, oporteret quod simul et semel ad diversa loca unum numero corpus moveretur: quod est impossibile; quia contingeret simul contrarios motus inesse eidem, vel saltem diversos ejusdem speciei.

**26. — Quod autem sit hæretica,** patet ex hoc quod contradicit veritati Scripturæ; non enim esset verum dicere: « *Hoc est corpus meum* », sed: « *Hic est corpus meum*³. »

**27. — AD PRIMUM** ergo dicendum quod *verbum Damasceni intelligendum est quantum ad species* quibus corpus Christi Divinitati unitum modo ineffabili conjungitur.

**28. — Ad secundum** dicendum quod *species* sic remanentes repræsentant aliquo modo substantiam quam prius afficiebant, et per consequens proprietates ejus; et ita *habent rationem significandi per quamdam similitudinem corpus Christi verum et mysticum.*

**29. — Ad tertium** dicendum quod *ad hanc positionem sequitur*

1. ,Ed. om. « et ». — 2. Ed. et e cor. « impossibile ». — 3. Ed. om. « meum ».

**gravius** inconueniens scilicet *quod contradictoria sint simul vera*; quia ponit definitionem, scilicet aliter nunc quam prius, et non potest ponere definitum, scilicet motum neque in corpore Domini neque in substantia panis.

**30. — AD SECUNDAM QUÆSTIONEM** dicendum quod accidentia panis eadem numero remanent ibi. Quomodo autem ibi sint, utrum sine subjecto vel alio modo, in sequenti distinctione (q. 1, a. 1) dicitur.

**31. —** Sed ratio quare remaneant, assignatur in *Littera (8) ex parte usus sacramenti*, et quantum ad manducationem spirituales, quæ est per fidem, ut scilicet fides esset majoris meriti, ei quantum ad manducationem sacramentalem, ne scilicet esset nobis horrore, si in propria specie sumeretur, et infidelibus irrisioni.

**32. —** *Potest assignari et alia causa ex parte ipsius sacramenti*; quia spiritualia in sacramentis per signa corporalia consueverunt ostendi; et quia corpus Christi verum non est cibus corporalis, sed spiritualis, ideo oportuit quod per similitudines sensibiles cibus corporalis significaretur et eis contineretur.

**33. — AD PRIMUM** ergo dicendum quod in hoc sacramento non est aliqua deceptio neque fictio. *Non enim sensus decipitur, quia non* habet iudicare nisi de sensibilibus speciebus, quæ quidem ibi vere sunt sicut et sensui ostenduntur; *neque etiam intellectus*, qui habet iudicium de substantiis rerum per fidem **juvatus**.

**34. — Ad secundum** dicendum quod *jam palet ex dictis quod non est contra\* sensum, sed supra*; quia sensus non potest pertingere ad illius substantiæ cognitionem.

**35. — Ad tertium** dicendum quod *supposita fide, in sump-tione corporis Christi in specie propria* apparentis non esset horrore ex abominatione proveniens, *esset tamen horrore ex devotione procedens*; quia homo non solum refugit immunda tangere ex abominatione, sed etiam sancta ex devotione.

**36. — Ad quartum** dicendum quod quantum ad ostensionem tahs speciei fides potest ædificari; sed *si in hac specie sumeretur, magis esset in fidei destructionem*; quia corpus Christi quod est gloriosum, passibile ostenderetur, si masticationi subesset.

**37. — AD TERTIAM QUÆSTIONEM** dicendum quod **forma substantialis panis non remanet post consecrationem**; et hoc propter tres rationes.

*Primo, quia in qualibet transmutatione vel conversione ler-*

1- *afi. ad « etiam », sed β expungit; ζθ ad « et »; κ « potest et alia causa assignari » — 2. κ N. ad « in ». — 3. γ adjutus ». — 4. α « extra ».*

*minus a quo est ejusdem generis cum termino ad quem.* Illud autem ad quod terminatur conversio, non est forma tantum neque materia tantum, sed substantia existens in actu ; et hoc declarant verba substantiva quæ hoc faciunt *quod* significant. Unde cum in eis exprimatur per hoc pronomen *hoc* substantia in actu composita, oportet quod illud quodl convertitur in corpus Christi, sit etiam<sup>2</sup> substantia composita, non materia panis tantum ; et ita forma panis non manet.

**38.** — *Secundo, quia frustra remaneret.* Accidentia enim manent ut sint signa, quia ad hoc sunt ut per ea de substantia subjacente cognitionem accipiamus, cum sint sensibilia, et ita ad cognitionem intelligibilem via. Sed forma substantialis non est quid sensibile, sed est ordinata ad esse substantiale. Unde cum substantia panis non remaneat, frustra forma substantialis ibi esset.

**39.** — *Tertio, quia accidentia non immediate ducerent in corpus Christi, sed in formam substantialem panis remanentem ;* et ita<sup>3</sup> deperiret aliquid significationi sacramenti.

**40.** — **AD PRIMUM** ergo dicendum quod hæc ratio movit Quosdam ad ponendum formam substantialem ibi<sup>4</sup> remanere ; sed patet quod ratione ista<sup>5</sup> magis ponendum esset quod materia panis remaneat quam quod forma. Panis enim non nutritur nec aliquis cibus, nisi secundum quod convertitur in illud quod nutritur. Quod autem naturali conversione convertitur in alterum, non manet quantum ad formam sed quantum ad materiam. *Unde forma substantialis panis, si remaneret, nutrire non posset magis quam accidentia.* Utrum autem species illæ possint nutrire in sequenti distinctione<sup>6</sup> (108-113) dicetur.

**41.** — **Ad secundum** dicendum quod anima non est forma quæ perficiat uniformiter suum perfectibile in toto et in omnibus partibus. Unde singulas partes ex anima consequuntur perfectionem eis proportionalem. Unde quamvis in animam Christi secundum quod est perfectio totius non convertatur aliquid, tamen *transsubstantiatur substantia panis tota, et quantum ad formam et quantum ad materiam, in ipsum corpus Christi lotum,* secundum quod intelligitur accepisse congruentes perfectiones in singulis partibus, quia sic est organicum et propria animæ materia.

**42.** — **Ad tertium** dicendum quod quamvis ars non possit introducere formam substantialem per seipsam, potest tamen<sup>7</sup> introducere virtute natura? qua utitur in sua operatione sicut ins-

1. Ed. *om.* « illud quod ». — 2. *α om.* « etiam ». — 3. Ed. « ideo ». — 4. Ed. *om* « ibi ». — 5. *ltd.* « illa ». — 6. Ed. *om.* « in sequenti distinctione ».

trumento : sicut patet in hoc quod aquam in vaporem convertit et aerem in ignem igne mediante.

43. — Et similiter cum occiditur animal recedente anima, alia forma substantialis succedit, sicut generatio unius est corruptio alterius.

44. — Ita etiam per commixtionem farinæ et aquæ et ustionem ignis potest consequi forma aliqua substantialis quæ sit forma substantialis per quam panis est panis.

45. — Si autem non esset forma substantialis quæ est per artem inducta per quam panis est panis, *substernitur forma substantialis? accidentali*, scilicet forma farinæ ; triticum enim jam a sua specie est corruptum ; quia non manet ejus operatio ut possit sibi simile generare.

46. — **Ad quartum** dicendum quod dimensio quæ præintelligitur ante formam substantialem in materia, non habet esse completum, quia non est dimensio terminata; terminatio enim dimensionis est per formam. Sed *dimensiones quæ manent post consecrationem, sunt dimensiones terminalæ*, quia<sup>3</sup> habent certam mensuram et figuram.

### *AiTiCt LI S II*

<sup>1</sup> [III, q. 75, a. 3 ; ZI' Cg. c. 63 ; *Quodl.* F, q. 6, a. 1 ; in *Mai.*, c. 26 ; *I ad Cor.*, c. 11, l. 5.] «

47. — **AD SECUNDUM SIC PROCEDITUR.** Videtur quod PANIS FACTA CONVERSIONE ANNIHILETUR.

1. In qualibet enim mutatione<sup>4</sup> quæ est secundum aliquid intraneum rei, terminus<sup>1</sup> a quo non manet nisi in potentia præjacenti : sicut quando nigrum fit album, nigredo non remanet nisi in potentia subjecti; et quando ex aere fit ignis, forma aeris quæ est terminus a quo, non manet nisi in potentia materiæ communis quæ subjicitur mutationi. Sed in conversione de qua loquimur, est terminus a quo tota substantia panis. Ergo cum non sit accipere aliquid præjacentis ad totam substantiam panis, quia, non est in subjecto sicut accidens, neque in materia sicut forma, videtur quod omnino annihiletur.

2. **Præterea.** Respectu ejusdem est aliquid natum esse terminus a quo et terminus ad quem : sicut ex albo fit nigrum et ex nigro album. Sed mutationis cujus terminus ad quem<sup>5</sup> est tota substantia rei, terminus a quo<sup>6</sup> est simpliciter nihil, sicut patet in creatione. Ergo similiter cum in conversione de qua loquimur, terminus a quo sit tota substantia panis, terminus ad

1. γ « combustionem ». — 2. Ed. *ad* « formæ ». — 3. Ed. « quæ ». — 4. ἀβύζοι « commutatione ». — 5. Ed. « a quo ». — 6. Ed. « ad quem ».

quem erit simpliciter nihil. Ergo substantia panis annihilatur.

3. **Praeterea.** Si unum contradictorium est falsum, reliquum de necessitate erit verum. Sed facta conversione, hæc est falsa : « *Panis est aliquid* », vel « *De pane est aliquid* ». Ergo hæc est vera : « *Nihil de pane est* ». Ergo panis est annihilatus.

4. **Praeterea.** Illud annihilari dicitur quod neque in se neque in alio manet. Sed panis substantia non manet in se facta conversione, ut dictum est (24) ; neque manet in corpore Christi, quia sic corpus Christi augetur. Ergo penitus annihilatur.

5. **Praeterea.** *Sicut se* habet conversio formalis ad formam, ita substantialis ad substantiam. Sed in conversione formali annihilatur forma : sicut patet cum ex aere fit ignis. Ergo in conversione substantiali, qualis hæc esse dicitur, annihilatur substantia panis.

48. — **SED CONTRA.** Augustinus dicit in lib. LXXXIII Qq. (q. 21 ; L. 40, 16) quodl : « *Ille ad quem non esse non perlinet, non est causa tendendi ad non esse.* » Sed Deus est hujusmodi. Ergo ipse nihil in nihilum reducit. Sed conversio prædicta fit divina virtute. Ergo non reducitur substantia panis in nihil.

49. — **Praeterea.** Illud quod in aliud<sup>2</sup> convertitur, non annihilatur. Sed panis in corpus Christi convertitur, ut per auctoritates in *Littera* (6) positas ostendi potest. Ergo non annihilatur.

50. — **Praeterea.** Defectus perfectioni repugnat. Sed hoc sacramentum est maximæ perfectionis, ut supra (d. 8, 49) dictum est. Ergo cum annihilatio sit via ad defectum non competit huic sacramento.

51. — **RESPONSIO.** Dicendum<sup>3</sup> quod *hire opinio duo ponit* sub disjunctione, scilicet quod *substantia panis resolvitur in priorem materiam, vel quod annihilatur ; et quantum ad utrumque est falsa.*

Si enim in præjacentem materiam resolveretur, hoc non potest intelligi nisi *dupliciter.*

52. — *Uno modo* quod esset in materia sine forma omni, quod quidem nec per miraculum esse potest, quia **hæc positio implicat contradictionem.** *Materia enim per* essentiam suam est ens\* potentia, et forma est actus ejus<sup>6</sup>. Si ergo ponatur materia sine forma esse actu, ponetur actu materia<sup>7</sup> esse et non esse.

53. — *Alio modo* potest intelligi ita quod resolvatur in materialia elementa. **Et hoc iterum non potest esse ; quia illa materialia elementa aut remanerent in eodem loco, et oporteret quod**

1. Ed. ont. « quod ». — 2. Ed. « aliquid ». — 3. *α ad.* « ad primam questionem ». — 4. Ed. ad. « in se ». — 5. Ed. ad. « in ». — 6. *αβ* « entis », contra et ed. — 7. *αβεζηλ* « actum materiæ », *γκ* « actus materiæ ».

**sub** illis speciebus esset aliud corpus quam corpus Christi, et **quod** illud materiale corpus esset simul cum dimensionibus **panis**, et multa hujusmodi inconvenientia sequerentur; *vel non essent in eodem loco*, et sic esset motus localis illius elementi materialis : quod non potest esse, *quia sentiretur talis mutatio si esset*.

**54. — Præterea.** Cum motus localis necessario sit successivus, oporteretl quod illud materiale elementum prius relinqueret unam partem hostiæ quam aliam. Transsubstantiatio autem fit in instanti, ut dicitur (83). *Unde sequeretur alterum duorum : vel* quod aliquando sub aliqua parte specierum non esset neque corpus Christi, neque substantia panis, neque materiale elementum quod jam abscessit ab illa parte ; *vel* quod aliquando sub eadem parte hostiæ esset corpus Christi et materiale elementum : quod est impossibile *Et ideo non potest dici quod resolvatur in praejacentem materiam*.

**55. — Similiter non potest dici quod annihiletur**, eo quod omnis motus denominaturf. a termino ad quem, sicut motus qui est ad albedinem dicitur dealbatio. Unde illa transmutatio tantum posset dici annihilatio, cujus terminus ad quem esset nihil. Hoc autem non potest esse in ista<sup>3</sup> conversione, quia oportet hanc conversionem terminari ad corpus Christi ; quia nihil potest incipere hic esse cum prius hic<sup>4</sup> non fuerit, nisi per motum aut mutationem propriam vel alterius terminatam ad ipsum aliquo modo. Unde si conversio prædicta ad corpus Christi non terminaretur, oporteret quod corpus Christi esset hic in altari facta consecratione, ubi prius non erat, per motum proprium : quod supra est improbatum (25). **Unde patet quod opinio illa falsa est quæ ponebat substantiam panis annihilari.**

**56. — AD PRIMUM** ergo dicendum quod in mutationibus naturalibus terminus a quo est forma aliqua, quæ quidem non convertitur in terminum ad quem ; et ideo non annihilatur, nisi quatenus manet in potentia in suo subjecto. Sed illud quod convertitur ad terminum ad quem, est subjectum mutationis, non quidem ut sit illud, sed ut sit sub illo. Unde subjectum annihilari non dicitur inquantum in aliud convertitur. Unde cum in hac conversione id quod est terminus a quo, scilicet substantia panis, convertatur secundum se totum in terminum ad quem, scilicet corpus Christi, non quidem ut sit sub ipso, sed ut sit ipsummet, *palet quod non est annihilatio substantiæ panis*.

**57. — Ad secundum** dicendum quod ratio illa procedit in mutationibus oppositis ; quia illud quod est terminus a quo in una,

i. Ed. « oportet ». — 2. γ « determinatur ». — 3. Ed. « illa ». — 4. Ed. *om. hic* ».

estl terminus ad quem in alia : non autem in mutationibus quarum una ordinatur ad aliam sicut perfectum ad imperfectum, sicut mutatio qua acquiritur perfectio<sup>2</sup> secunda. *Conversio aulem panis in corpus Christi non est mutatio opposita creationi sed quodammodo perficiens ipsam, inquantum substantia<sup>3</sup> panis nobilius esse per hanc conversionem ^consequitur.* Et ideo non oportet quod sit in hac conversione terminus ad quem, quod in creatione erat terminus a quo.

**58.** — **Ad tertium** dicendum quod quamvis panis non sit aliquid, tamen *illud in quod conversus est panis, est aliquid, conversione facta.* Et ideo non sequitur quod panis sit annihilatus.

**59.** — **Ad quartum** dicendum quod quamvis non manet<sup>4</sup> panis neque in se, neque in alio ; *manet tamen corpus Christi in quod conversus est panis.* Et ideo non sequitur quod sit annihilatus.

**Ad quintum** dicendum sicut ad primum.

### AUTICCLIS III

[III, q. -i>, a. 4 ; /i Cg. c. 63 ; Quodl i, cf. (\*, a. 1 ; Contra Græc. Armen., c. 8 ; I ad Cor., c. 11 l. 4, 3.]

**60. - AD TERTIUM SIC PROCEDITUR.** Videtur quod PANIS NON POSSIT CONVERTI IN CORPUS CHRISTI.

1. Conversio enim mutatio quædam est. Sed nulla specie transmutationis in corpus Christi panis convertitur ; *non enim est ibi generatio et corruptio, quia materia panis non manet ; nec est alteratio, quia non manet aliqua substantia ejus actu ; nec est augmentum, quia non additur aliquid ad corpus Christi, neque motus localis, non enim ipsum corpus Christi de cado descendit, ut Damascenus dicit [de Fide orth. lib. IV, c. 13 ; G. 94, 1143].* Ergo videtur quod nullo modo panis in corpus Christi convertatur.

2. **Præterea.** In omni conversione oportet esse aliquid quod mutetur. Mutatur autem quod dissimiliter se habet nunc et prius. Si ergo panis in corpus Christi convertatur, oportet aliquid esse idem numero quod prius fuerit de substantia panis et nunc sit de substantia corporis Christi : quod non ponitur. Ergo panis in corpus Christi non convertitur.

1. γ « fit ». — 2. Ed. om. per *fiomot.* « prima ordinatur ad illam qua acquiritur periectio ». — 3. F. « substantiam ». — 4. Ed. « maneat ».

**3. Præterea.** Conversio accidens quoddam<sup>1</sup> est ; omne enim<sup>2</sup> accidens est in subjecto, Von autem potest dici quod subjectum ejus sit panis neque corpus Christi ; quia non est idem subjectum mutationis et terminus a quo vel ad quem. Ergo panis nullo modo convertitur in corpus Christi.

**4. Præterea.** Omne quod fit aliquid, acquirit hoc quod fieri dicitur. Sed omne singulare est incommutabile<sup>3</sup>. Ergo impossibile est quod aliquid singulare fiat aliud singulare, quamvis possit ei adjungi, et sic esse ejus percipere sicut pars. Sed corpus Christi est quoddam singulare demonstratum. Ergo non potest esse quod aliquid convertatur in ipsum ita quod fiat ipsummet, sed solum quod adjungatur ei.

**61. — SED CONTRA** est quod Damascenus dicit (ubi supra) : « *Fecit Christus panem et vinum corpus et sanguinem suum, non quoniam ipsum corpus Christi de cælo descendit, sed quoniam panis et vinum transiit in corpus et sanguinem Christi.* »

**62. — Præterea.** Illud quod nec in se manet nec annihilatur, oportet quod in aliud convertatur. Sed panis non manet in se, sicut in primo articulo dictum est ; nec etiam annihilatur, ut patuit ex<sup>4</sup> secundo articulo. Ergo oportet quod in aliud convertatur.

## [II]

[II, q. 75, a. 7 ; *Quodl. VII*, q. 4, a. 2.]

**63. — ULTERIUS.** Videtur quod ista conversio sit successiva.

**1.** Fit enim hæc conversio virtute verborum. Sed verba non possunt aliquid facere nisi dum sunt. Ergo cum habeant esse in successione, videtur quod successive conversio prædicta fiat.

**2. Præterea.** Impossibile est in eodem instanti esse aliquid corpus Christi et panem. Ergo non est idem instans in quo primo est corpus Christi, et in quo ultimo est panis. Sed inter quaslibet duo instantia est tempus medium, ut probatur in *IV Pht/s.*, (ç 3. 234a, 5-10; l. 5, n. 5). Ergo conversio panis in corpus Christi est successiva.

**3. Præterea.** In omni conversione requiritur ut sit aliquid aliter nunc et prius, cum conversio mutatio quædam sit. Sed ubicumque est nunc et prius, successio est. Ergo in omni conversione et mutatione oportet esse successionem. Et sic idem quod prius.

**4. Præterea.** In omni factione est fieri et factum esse. Sed fieri et factum esse non sunt simul ; quia quod fit, non est ; quod

1. Ed. « quodammodo ». — Ed. « autem ». — 3. N « iucommutabile ». — 4. a « io ».

autem factum est, jam est. Ergo est ibi prius et posterius. Et sic idem quod prius.

**64. — SED CONTRA** est, quia virtus infinita operatur subito. Sed hæc conversio fit virtute divina quæ est infinita. Ergo fit subito.

**65. — Præterea.** In omni successiva mutatione prius aliquid est in medio quam in termino. Sed in hac conversione non est invenire aliquid medium inter substantiam panis et corpus Christi. Ergo non est ibi successiva conversio.

[III]

**66. — ULTERIUS.** Videtur quod hæc conversio sit miraculiosior OMNI ALIA MUTATIONE.

1. Quia quanto alicui magis de facili consentit ratio nostra, minus habet de miraculo. Sed non est aliqua miraculosa conversio cui ratio non magis consentiat quam huic ; quia creationem etiam Quidam philosophi posuerunt ratione naturali ducti, et etiam quod materia obedit substantiis separatis, et maxime Deo, ad omnem formationem. Ergo ista conversio est miraculiosior omnibus mutationibus.

2. **Præterea.** Ubi est plus de resistentia, ibi est major difficultas in convertendo, et per consequens majus miraculum. Sed in hac conversione est maxima resistentia, cum oporteat totum converti in totum. Ergo ista conversio est maximæ difficultatis. Ergo est maxime miraculosa.

3. **Præterea.** Quanto minus est de potentia ex parte creaturæ in qua fit miraculum, tanto est majus miraculum quod iit per potentiam divinam. Sed in hac conversione minimum est de potentia in creatura ; quia in quibusdam conversionibus miraculosis est potentia naturalis, sicut quod aqua conversa fuit in vinum ; in quibusdam autem potentia obedientiæ tantum, sicut quando costa formata est in mulierem. Creatione autem etsi non præcedat aliqua potentia, tamen non est aliqua repugnantia. Ergo cum in hac conversione sit repugnantia, et nulla potentia ex parte creaturæ, quia non potest esse aliquid in potentia respectu totius compositi, videtur quod hæc conversio sit miraculiosior omni alia mutatione.

**67. — SED CONTRA.** Quanto aliqua sunt magis distantia, tanto difficiliius in invicem mutantur. Sed magis distat non ens simpliciter ab ente, quam hoc ens ab hoc ente. Ergo difficiliius est ex non ente simpliciter facere ens aliquod, quam ex ente hoc facere illud ; et ita creatio est majoris virtutis indicative quam transsubstantiatio.

1. Ed. « ideo ».

**68. — Præterea.** Quanto terminus mutationis est altior, tanto mutatio est majoris virtutis : sicut majoris virtutis est facere hominem quam animal. Sed assumptio humanæ naturæ quæ est mutatio quædam, terminatur ad personam Filii Dei quæ est dignius quid quam corpus Christi ad quod terminatur transsubstantiatio. Ergo magis est miraculosa illa mutatio quam ista conversio.

**69. — RESPONSIO.** Dicendum **AD PRIMAM QUÆSTIONEM** quod in mutationibus naturalibus invenitur *aliqua mutatio* secundum quam nihil variatur de eo quod est intraneum rei, sed solum hoc quod est extra, sicut patet in motu locali ; *aliqua vera mutatio* in qua variatur illud quod inest rei accidentaliter, scilicet quantitas vel qualitas, sicut<sup>2</sup> patet in motu augmenti et alterationis ; *aliqua vero mutatio* est quæ pertingit usque ad formam substantialem, sicut generatio et corruptio.

**76. —** Sed naturalis mutatio non potest pertingere usque ad variationem materiæ ; quia operatur ex supposita materia, sicut quodlibet secundum agens operatur suppositis his quæ sibi data sunt a primo agente ; et hæc principia oportet manere in operatione naturæ, ut I *Phys.*, (a 7. 190a, 17 sq. ; l. 12, n. 8) dicitur. *Sicut* autem esse compositi quod ex suppositione materiæ. natura producit, operationi naturæ subjicitur ; *ita* ipsa materia quam præsupponit natura, subjicitur actioni primi agentis, scilicet Dei, a quo hoc ipsum imperfectum esse, scilicet in potentia, quod habet, accipit. *Unde divina operatio* pertingere potest ad variationem materiæ, ut scilicet *sicut* natura facit hoc totum esse hoc totum, ut ex toto aere totam aquam ; *ila* Deus faciat ex hac materia signata illam<sup>3</sup>.

**71. —** Et quia materia signata est individuationis principium, ideo solius Dei operatione hoc fieri potest, ut hoc individuum demonstratum fiat illud individuum demonstratum. Et talis modus conversionis est in hoc sacramento, qua ex hoc pane fit hoc corpus Christi.

**72. —** *Ex quo patet quod ista conversio differt ab omnibus naturalibus conversionibus in quatuor.*

*Primo in hoc quod usque ad materiam pertingit, quod in illis non invenitur.*

**73. —** Et quia materia est primum subjectum, et ipsius non est aliud subjectum, ideo *secundo* differt *in hoc quod hæc conversio non habet subjectum* sicut illæ habent.

**74. —** *Tertio, quod*<sup>4</sup> in naturalibus conversionibus convertitur totum<sup>5</sup>, non autem partes essentielles in partes ; totus enim aer

1. Ed. om. « aliqua ». — 2. Ed. « ut ». — 3. y « hanc materiam signatam ». —

4. y « quia ». — 5. RANVP ad « in totum ».

convertitur in aquam, sed materia aeris non convertitur in aliquid, quia est eadem; forma etiam non convertitur, quia abscedit alia et alia introducit. Sed *hic et totum convertitur in totum* quia panis fit corpus Christi; *ei paries etiam convertuntur*, quia materia panis fit materia corporis Christi; et forma substantialis similiter fit illa forma quæ est corporis Christi.

75. — *Quarto*, quia in naturalibus conversionibus transmutantur et id quod convertitur et illud<sup>2</sup> in quod convertitur. Illud quidem quod in alterum convertitur, semper transmutatur corruptione; sed illud in quod aliquid naturaliter convertitur, si quidem sit simplex conversio, transmutatur per generationem, sicut cum aqua generatur ex aere. Si autem sit conversio cum additione ad alterum præexistens, illud cui additur transmutatur secundum augmentum, vel saltem per restaurationem deperditæ, sicut accidit in nutrimento.

76. — Sed hic, illud in quod fit conversio erat præexistens, et non ei additur, quia, ut dictum est, (74) illud quod convertitur, convertitur in ipsum, et secundum totum et secundum omnes partes ejus. *Unde hoc in quod terminatur conversio, nullo modo transmutatur, scilicet corpus Christi, sed solum panis qui convertitur.*

77. — **AD PRIMUM** ergo dicendum quod hæc conversio sub nulla naturalium mutationum continetur, sed ab omnibus differt, ut ex prædictis<sup>3</sup> patet; *habet tamen aliquam convenientiam cum transmutatione nutrimenti*, inquantum utraque conversio fit in aliquid præexistens; differt tamen ab ea, inquantum *hic non fit aliqua additio sicut ibi.*

18. — **Ad secundum** dicendum quod *in hac transmutatione, seu conversione, est aliquid quod transmutatur, scilicet panis.* non quidem ad<sup>4</sup> modum aliarum mutationum naturalium, ut aliquid ipsius maneat, sed *secundum totum et omnes partes ejus, ut dictum est (74).*

79. — **Ad tertium** dicendum quod transmutatio naturalis panis ponit actum imperfectum, ut patet in III *Phys.* (γ 1. 201a, 10 sq.; 1. 21 n. 3-4). Et quia idem est subjectum actus perfecti et imperfecti, ideo oportet quod subjectum transmutationis naturalis sit id quod est subjectum postmodum actus perfecti, scilicet formæ ad quem tendit motus, et non ipsum jam perfectum. Sed transmutatio hujus conversionis non ponit aliquem actum imperfectum, sed solum successionem quamdam perfectorum non solum actuum, sed rerum subsistentium. Successio autem est in succedentibus sibi, sicut et ordo in ordinatis. Sed secundum regulam in I lib. d. 26 (q. 2, a. 3, ad 1 et 2), de relativis datam, erit *ista retaliatio ordinis hujus successionis secundum rem*

1. RANVP. « illa ». — 2. Ed. « id ». — 3. Ed. « dictis ». — 4. α « per ».

*quidem in ipso pane qui mutatur, non autem in corpore Christi vero, nisi secundum rationem, quia ipsum immutatum permanet.*

**80.** —<sup>1</sup> **Ad quartum** dicendum quod commutatio<sup>2</sup> importat quamdam collationem, et ideo exigit aliquid recipiens id quod confertur seu datur. Unde non habet locum nisi in formalibus conversionibus in quibus mutatio non attingit nisi usque ad formam. *Et ideo cum in hac conversione nihil maneat cui possit aliquid conferri, non habet locum commutatio<sup>2</sup>.*

**81.** — **AD SECUNDAM QUÆSTIONEM** dicendum quod causa quare aliqua mutatio non est in instanti, est distantia ejus quod movetur a termino motus. Distantiam autem dico non solum secundum dimensionem loci aut quantitatis, sed secundum repugnantiam formæ vel naturæ. Et ideo ubi nihil est repugnans formæ introducenda<sup>3</sup>, forma ibi recipitur in instanti, præsentem agente : sicut patet de illuminatione diaphani, cum in eo non sit aliquid contrarium vel repugnans luci ; et similiter in forma subito introducenda quando materia est necessitans, contrariis dispositionibus ab ea exclusis.

<sup>1</sup> *Sicut* autem aer subjacet soli ad recipiendum ab eo formam luminis non existente aliquo interposito ; *ita* tota natura creata subditur divino nutui, ut statim fiat omne quod Deus vult ; quia quidquid est in creatura est materiale<sup>3</sup> et non contrarium dispositioni divinæ. Et ideo ea quæ per seipsum facit, potest, cum voluerit, facere in instanti.

**82.** — Quandoque autem successive facit, ut in nobis secundum modum nostrum operetur. Hoc tamen contingit quando hoc quod transmutatur, potest magis vel minus distare a termino transmutationis, quia secundum hoc fit successio in motu.

**83.** — Cum autem conversio de qua loquimur, ad ipsam materiæ essentiam pertingat, ut dictum est, (72) secundum quam separatis per intellectum formis et dispositionibus, una res non magis convenit cum una quam cum alia, non potest accipi major et minor distantia a termino ; quia hoc singulare demonstratum, quantum ad hoc quod convertitur in corpus Christi, tantum distat ab alio singulari suæ speciei quantum a singulari alterius speciei. **Et ideo conversio prædicta fit in instanti.**

**84.** — **AD PRIMUM** ergo dicendum quod verba formæ habent sacramentalem virtutem, unde non efficiunt nisi quod significant. *Ei ideo, cum significatio illius formæ non sit perfecta nisi in ultimo instanti, tunc habet efficaciam suam.*

1. Ed. « manet ». — 2. « communicatio » ζ cor. et Ed. — 3. F. « naturale ».

**85.** — **Ad secundum** dicendum quod ad hoc argumentum multipliciter respondetur a diversis.

Quidam concedunt quod est signare ultimum instans in quo est panis, sicut et primum in quo est corpus Christi, propter hoc quod in toto quodam tempore fuit panis, et ita in quolibet instanti illius temporis. Unde Quidam istorum dicunt quod unum est instans secundum rem in quo est panis *et corpus* Christi, sed differt secundum rationem ; quia inquantum illud instans est finis præteriti temporis, est in eo panis ; inquantum autem est principium futuri, est in eo corpus Christi.

**86.** — **Sed hoc non potest stare**, quia contradictoria simul esse secundum rem est impossibile ; simul autem secundum rem maxime sunt quæ sunt in eodem instanti secundum rem. Unde impossibile est duo contradictoria esse in instanti quod est unum secundum rem, quantumcumque sit differens ratione ; quia ex illa ratione non habet ordinem ad mensuratum et tempus cuius est terminus, sed ad animam. Et quia si ponamus simul esse corpus Christi et panem, sequitur? duo contradictoria simul esse—quia dum est panis non est corpus Christi — ideo impossibile est quod sit unum instans secundum rem in quo nunc ultimo est panis et nunc primo corpus Christi.

**87.** — Ideo Al ii dicunt quod istud « *nunc* » est quodammodo unum realiter et quodammodo diversum ; et ponunt exemplum de duabus lineis se tangentibus, de quibus constat quod habent duo puncta et tamen illa puncta conjunguntur in uno puncto lineæ continentis ; contigua enim sunt quorum termini sunt simul.

**88.** — *Ei similiter dicunt* quod esse panem et esse corpus Christi in altari, contignantur. Unde est unum instans extra mensurans in quo primo est corpus Christi et ultimo panis ; sed tamen sunt duo instantia si accipiamus ut duorum temporum quibus mensuratur esse panis in altari et esse corporis Christi. Et sic inter duo instantia quasi contiguata non est necesse esse tempus medium, sicut nec inter duo puncta contiguata lineam.

**89.** — **Sed illud non potest stare** ; quia cum punctum sit terminus lineæ quæ potest esse mensura et intranea et extranea, possibile est puncta, assignare et intrinseca et extrinseca ; sed instans est terminus temporis quod nunquam est nisi mensura extrinseca. Unde non est accipere instans nisi quod se habet per modum extra jacentis puncti. *Et ideo hire positio redit in idem impossibile cum prima.*

**90.** — Et propter hoc Al ii dicunt quod sicut probatur IV *Phys.* (δ 11.219<sup>b</sup>, 10 sq. ; 1. 18, n. 2-31, in toto tempore non est accipere

nisi urium « nunc <sup>1</sup> secundum substantiam ; et quod numerentur<sup>1</sup> duo instantia, hoc est secundum ordinem temporis ad motum, et actionem quam mesurant, prout scilicet tempus excedens mesurat aliquam actionem ; et ita principium ei. finis illitis actionis est in tempore ; et secundum hoc in tempore numerantur duo instantia. Et ideo ordo et habitudo duorum instantium ad invicem est consideranda secundum actiones et motus qui mesurantur.

*Unde si accipiantur duo instantia respecta eiusdem molas.* prout tempus mesurat principium et finem illius motus, sic oportet quod inter duo instantia sit tempus medium, sicut inter principium motus et finem est motus medius.

*Si autem accipiantur duo instantia per comparisonem ad diversos motus secundum quod mesurant principium unius et finem alterius, sic inter duo instantia non est tempus medium, sicut nec motus est medius inter principium unius motus et finem alterius.*

Et ideo cum quies mesuretur tempore sicut et motus, duo instantia sunt se invicem consequentia, quorum unum mesurat finem quietis<sup>2</sup> quo erat panis, et alterum principium quietis in quo est corpus Christi.

**91. — Sed hoc iterum non potest stare ;** quia instantia temporis distinguuntur per comparisonem ad illum motum a quo tempus potest habere unitatem vel multitudinem, ad quam comparantur non solum sicut mensura ad mesuratum sed sicut accidens ad subjectum, scilicet motum cœli, quia est continuus et interruptionem non patitur secundum naturam. Unde qualitercumque signes duo instantia in tempore, semper est accipere tempus medium, quia est accipere inter quaelibet momenta motus cœli motum medium. Et ideo in aliis motibus non differet<sup>3</sup>, sive comparentur diversa instantia ad eundem motum, sive ad diversos.

**92. — Patet etiam quod hæc positio contradicit dicto** Philosophi in VIII *Phys.* [θ 8.264v, 28 sq. ; 1.19, n. 4-5], ubi probat quod inter quoslibet motus contrarios est quies media : quod non oporteret, si duo instantia modo prædicto possent se invicem consequi.

**93. —** Et ideo Al ii dicunt quod ista conversio, cum sit supra naturam, non hebet ordinem ad motum cœli ; unde non mesuratur tempore, sed instanti quod est mensura motus cœli. Et propter hoc non est inconveniens, si duo instantia succedunt sibi sine tempore medio, sicut in I lib. d. 37 (q. 4, a. 3) dictum est de motu Angeli.

1. Ed. « numerantur ». — 2. JEd. <ad. « in ». — 3. Ed. « differet ».

94. — **Sed hoc iterum stare non potest** ; quia ista conversio sequitur motum prolationis verborum. qui habet reduci ad mensuram motus cœli, sicut illuminatio sequitur ad motum localem quo defertur illuminans. Et ideo oportet quod instantia accipiantur in *hac conversione* secundum mensuram motus cœli.

95. — Et propter hoc Al ii dicunt quod non est simul signare duo instantia in quorum uno primo sit corpus Christi et in alio ultimo sit panis, quia sic de necessitate esset inter ea tempus medium ; sed tamen utrumlibet eorum potest per se signari.

96. — **Sed hoc iterum nihil est** ; quia designatio nostra nihil facit ad hoc quod tempus intersit vel non intersit. Unde si sint duo instantia secundum rem, in quorum uno: est panis ultimo et in alio corpus Christi primo, sive signentur a nobis sive non, oportet esse tempus medium.

97. — **Præterea.** Ex quo instans illud est signabile, non videtur quod possit designatio ejus impediri per designationem, alterius instantis, cum istæ duæ designationes non sint contrariæ.

98. — Et ideo **aliter dicendum** quod non est designare ultimum instans, sed ultimum tempus in quo est panis. Inter tempus autem et instans non necessario cadit tempus medium, sicut cadit medium inter duo instantia.

99. — **Et veritas hujus quæstionis apparet** ex hoc quod Philosophus dicit in VIII *Phis.* .θ 8. 263b, 9-2(1 ; l. 17, n. 8-10), quod quando ex albo fit nigrum, in toto tempore mensurante motum alterationis erat album, sed in ultimo instanti illius temporis est nigrum. Unde, secundum ipsum, non est dandum quod in toto illo tempore sit album, sed in toto præter ultimum « nunc ». Et quia ante ultimum « nunc » alicujus temporis non est accipere penultimum, sicut nec ante ultimum punctum lineæ penultimum. ideo non est accipere ultimum instans in quo erat album, sed ultimum tempus.

Et similiter est de illis mutationibus qual sunt termini motus, sicut generatio est terminus alterationis ; quia cum ex: aere fit ignis, in toto tempore alterationis præcedentis erat, aer, præter ultimum instans in quo est ignis. Et similiter est in illuminatione respectu motus localis.

100. - <sup>1</sup> Et ideo cum conversio sit terminus cujusdam motus, scilicet prolationis verborum, **in toto tempore præcedenti erat panis, præter ultimum instans in quo est corpus Christi.**

101. — **Ad tertium** dicendum quod in qualibet mutatione oportet designari nunc et prius secundum duos terminos mutationis, qui sunt incontinentes, ut dicitur in I *Phys.* l'a. 5.188a, 31 sq. ; l. 10, n. 4', idest, qui *non possunt simul esse.* Unde secundum diversitatem terminorum in diversis mutationibus, secundum hoc diversimode signatur ibi nunc et prius.,

**102.** — *Aliqua enim mutatio est inter cujus terminos potest accipi medium quod minus distat ad uno extremorum quam aliud. Unde antequam perveniatur ad ultimum mutationis terminum, fiunt recessus ab uno termino et accessus ad alterum in quo consistit mutationis ratio. Et ideo utrumque ad illam mutationem pertinet ; et « nunc » scilicet in quo terminatur accessus et recessus, et « prius » illud in quo incepit. Et ideo talis mutatio non est in instanti. sed in tempore.*

**103.** — *Aliqua vero mulatto est inter cujus terminos non potest accipi medium in eodem subjecto, nisi forte per accidens, sicut inter affirmationem et negationem ; quia « contradictio est oppositio, cujus non est medium secundum se », ut dicitur in I Poster, (a 2. 71a, Γ2 ; l. 5, n. Per accidens autem potest accipi ibi medium ex parte negationis cui aliquid adjungatur, quod magis vel minus distat ab affirmatione, sive illud sit contrarium in eodem genere directe, sive dispositio contraria : sicut inter non album et album accipitur per accidens medium ex parte coloris cui conjungitur negatio albedinis, secundum quod magis vel minus distat ab albedine ; et inter non ignem et ignem accipitur medium, secundum quod aliquid est magis vel minus frigidum aut humidum. Unde in omnibus mutationibus in quibus sunt affirmatio et negatio tantum, seu privatio et forma tantum, per se loquendo, non potest esse recessus a termino vel accessus ad terminum ante perventionem ad ultimum terminum. Et ideo illud principium non pertinet, per se loquendo, ad hanc mutationem, sed solum per accidens ratione illius adjuncti ad negationem, secundum quod per accidens negatio recipiebat magis et minus et per consequens medium. Unde, per se loquendo, pertinet ad motum præcedentem, sicut ad alterationem quæ præcedit generationem, et ad motum localem qui præcedit illuminationem. Et propter hoc istæ mutationes dicuntur esse in instanti.*

**104.** — Et quia, ut dictum est, (100) inter substantiam panis et substantiam corporis Christi non est accipere medium quod magis propinquum corpori Christi quam substantia panis quantum ad hoc quod convertatur in ipsum divina virtute ; ideo simile est iudicium de ista conversione et de prædictis mutationibus. Unde *ad hanc conversionem non pertinet nisi illud « nunc » in quo desinit esse panis et incipit esse corpus Christi ; sed illud primum pertinet ad totum tempus præcedens quod mensurabat prolationem* verborum quæ quodammodo efficit conversionem.

**105.** — **Ad quartum** dicendum quod mutatio, ut dictum est, (100) est in instanti ; sed motus praecedens est in tempore.

Si ergo includatur<sup>1</sup> in factioe tam motus praecedens quam mutatio quæ est terminus ejus, sicut generatio alterationis, tunc « fieri » pertinebit ad motum praecedentem, et « factum esse » ad terminum motus qui est ipsa generatio. *Et sic non. simul fit et factum est.*

**106.** — *Si autem factio non extendat<sup>2</sup> se ad mutationem illam, tunc utrumque est simul, et « fieri » et « factum esse ».* Et sic quod fit est, si dicatur fieri ratione ipsius mutationis quæ tunc est ; sed factum est ratione termini mutationis : sicut enim dicimus quod simul terminatur motus et terminatus est, simul illuminatur aer et illuminatus est. *Et similiter etiam est in conversione de qua loquimur.*

**107.** — **AD TERTIAM QUÆSTIONEM** dicendum quod quanto aliquid est permanentius, tanto difficilius transmutatur. Et quia subjectum in qualibet mutatione manet, ideo in omnibus mutationibus materia est maxime manens, cum sit subjectum omnium mutationum. Linde illa mutatio quæ ad ipsam materiam attingit, est difficilior et majoris virtutis ostensiva quam quæcumque alia transmutatio ex parte ejus quod transmutatur.

**108.** — Et quia creatio et hæc conversio pertingunt usque ad essentiam materiæ, ut ex prædictis patet, (72) constat has, mutationes esse majoris virtutis ostensivas quibuscumque aliis in quibus mutatur vel forma substantialis vel accidentalis aut<sup>3</sup> locus exterior.

**109.** — Sed *inler has duas videtur creatio, simpliciter loquendo, præcellere*, quia per ipsam materiæ essentia producitur ; ex quo consequitur ut a producente per hanc conversionem possit in alterum transmutari.

**110.** — Sed *ex parte ejus ad quod est mutatio, mutatio quæ est in unione humane nature ad divinam personam, præcellit* has et omnes alias mutationes in difficultate. Unde **ipsa est miraculum miraculorum omnium.**

**111.** — **AD PRIMUM** ergo dicendum quod mutatio ista fit ex existent<sup>4</sup> in existens præter modum aliarum mutationum quæ fiunt etiam ex existentibus in existentia, ex quarum inspectione intellectus noster sibi suas conceptiones formavit. *Et ideo hæc conversio videtur esse contra conceptiones intellectus.* Et propter hoc difficilius ei assentitur quam creationi quæ est ex omnino non existentī, cujusmodi mutationem non vidit.

1. Ed. « includitur ». — 2. Ed. « extendit ». — 3. Ed. « vel ». — 4. Ed. « existente ».

**112. — Ad secundum** dicendum quod in aliqua actione potest esse resistentia dupliciter.

*Uno modo ex parte agentis*, quando scilicet ex conti irio agente virtus ipsius debilitatur ; *alio modo ex parte ipsius effectus*, quando ex contraria dispositione impeditur effectus.

**113. —** In omni autem actione ubi agens non patitur, prini resistentia non habet locum, sed solum secunda. Unde in operationibus divinis non attenditur difficultas secundum rationem ad agentem, sed secundum impedimentum effectus. Magis autem impeditur effectus per subtractionem potentie recipientis quam per rationem contrariæ dispositionis ; quia contraria dispositio non impedit effectum nisi inquantum i facit potentiam indispositam. *Et ideo major difficultas esi in creatione*, ubi omnino materia non praeexistit, quam ubi praeexistente materia est aliquid quod effectui, contrariando repugnat.

**114. — Ad tertium** dicendum quod *sicut* se habet potentia naturalis ad mutationes naturales, *ita* se habet potentia obedientiæ ad conversiones miraculosas. Unde secundum modum miraculosæ conversionis est etiam *modus obedientialis potentie* in creatura in aliud convertendo<sup>4</sup>.

*Sicut* ergo in conversionibus formalibus inest potentia obedientiæ ad recipiendum talem formam, *ita* in hac substantiali conversione inest potentia obedientiæ ut hæc substantia convertatur in illam. *Unde majoris virtutis ostensiva est creatio, in qua nulla potentia obedientiæ praeexistit, quam hæc conversio.*

## ARTICULUS IV

[1]

[III, q. 75, a. 8.]

**115. — AD QUARTUM SIC PROCEEDITUR.** Videtur quod prædicta conversio possit exprimi per verbum substantivum alterius temporis quam præsentis, ut dicatur : « *Quod est panis, erit corpus Christi,* » vel : « *Quod est corpus Christi, fuit panis.* »

1. Ambrosius enim dicit in lib. *de Sacramentis* (lib. IV, c. 4, n. 15 ; L. 16, 460) : « *quod erat panis ante consecrationem jam est corpus Christi post consecrationem.* »

2. **Præterea.** Major est convenientia, quanto perfectior est conversio. Sed hæc conversio est perfectior omnibus aliis, quia in hac convertitur totum in totum et partes in partes,

1. Ed. om. « autem ». — 2. Ed. α in praeexistenti ». — 3. Ed. om. « est etiam ». — 4. Ed. « convertenda ».

sicut ex prædictis patet. Cum ergo in aliis conversionibus utamur tali modo loquendi, scilicet, quod erat aqua est vinum, vel quod erat aer est ignis, videtur multo fortius hic quod possit dici : « *quod est corpus Christi erat panis.* »

**116. — SED CONTRA.** « *Quod est* relativum suppositi ejusdem. Sed non est accipere aliquod suppositum quod sit quandoque panis, quandoque corpus Christi, ut ex prædictis patet. Ergo non est dicendum : « *Quod est corpus Christi fuit panis.* »

### [II]

**117. — ULTERIUS.** Videtur quod huc sit vera : « *t anis fit corpus Christi.* »

1. Ad omne enim « *facere* » sequitur « *fieri* ». Sed Christus fecit ea, scilicet panem et vinum, corpus suum, ut Damascenus dicit (de *Fide Orth.*, lib. IV, c. 13 ; G. 94, 1146). Ergo panis fit corpus Christi.

2. **Præterea.** Omne quod convertitur in alterum, fit illud. Sed panis convertitur in corpus Christi. Ergo fit corpus Christi.

**118. — SED CONTRA.** Omne « *fieri* » terminatur ad « *factum esse* ». Sed hæc nunquam erit vera : « *Panis est factus corpus Christi* », quia quod factum est, est ; panis autem nunquam est corpus Christi. Ergo et hæc est falsa : « *Panis fit corpus Christi.* »

### [III]

**119. — ULTERIUS.** Adetur quod hæc sit falsa : « *De pane fit corpus Christi.* »

1. Ex eodem enim fit aliquid et factum est. Sed hæc est falsa : « *Corpus Christi facium est de pane* », vel « *ex pane* ». Ergo et hæc : « *Corpus Christi fit de pane.* »

2. **Præterea.** « *De* » notat consubstantialitatem, ut Magister dicit in I, d. 36. Sed nulla consubstantialitas est panis ad corpus Christi. Ergo non potest dici quod corpus Christi fit de pane vel ex pane.

**120. — SED CONTRA.** Ambrosius dicit lib. IV de *Sacram.*, (c. 4, n. 14 ; L. 16, 458) : « *Ubi accessit consecratio, de pane fit corpus Christi.* »

### [IV]

**121. — ULTERIUS.** Videtur quod hæc sit vera : « *Panis potest esse corpus Christi.* »

1. Motus enim est « *actus existentis in potentia* ». Sed panis

1. Ed. ad. « et sanguinem ».

mutatur in corpus Christi. Ergo panis est potentia corpus Christi ; ergo potest esse corpus Christi.

2. **Præterea.** Ambrosius dicit (ubi supra) quod « *partis potest esse corpus Christi consecratione, quæ fit Christi sermone.* »

**122. — SED CONTRA.** Quod potest esse aliquid, nihil prohibet si ponatur illud, quia possibili posito, secundum Philosophum, (IX *Mela.* 04. 1047b, 11 ; l. 3, η. 1807) non sequitur inconveniens. Sed inconveniens sequitur, si dicatur : « *Panis est corpus Christi* », vel : « *id quod est aut fuit panis est corpus Christi.* » Ergo hæc est falsa : « *Panis potest esse corpus Christi.* »

**123. — RESPONSIO.** Dicendum **AD PRIMAM QUÆSTIONEM** quod hæc conversio in hoc differt ab omnibus aliis mutationibus, quod in omnibus aliis mutationibus est aliquod subiectum commune ; in hac autem non, sed solum est accipere duos terminos conversionis. *Et ideo omnes locutiones exprimentes mutationem per quam importatur ordo termini ad terminum, sunt concedendæ in hac materia, sicut hæc : « Panis convertitur in corpus Christi ; » locutiones vero quæ expriment identitatem subjecti, non sunt concedendæ, proprie loquendo.*

**124. —** Sed quia in hac conversione est aliquid simile identitati subjecti, scilicet communitas specierum quæ manent hinc inde, quamvis illæ species non sint mutationis subiectum ; ideo etiam tales locutiones aliquando a Sanctis positæ inveniuntur, ut identitas importata non referatur ad subiectum, sed ad species easdem.

**125. —** Unde **tales locutiones non sunt extendendæ**, quia sunt impropriæ. Et quia hæc locutio quæ est : « *Hoc fuit illud,* » vel : « *quod esi hoc erit illud,* » expresse importat identitatem subjecti mutationis propter naturam relationis, ideo non est simpliciter concedenda.

**126. — AD PRIMUM** ergo dicendum quod verbum Ambrosii est exponendum : « *Quod erat panis est corpus Christi ;* » idest, quod est sub speciebus panis, primo fuit panis, et postea corpus Christi.

**127. — Ad secundum** dicendum quod secundum Philosophum in II *de Anima* Q34. 416b, 3 ; l. 9, n. 339), « *passum! in principio esi dissimile, sed in fine est simile* ». Unde perfecta conversio requirit perfectam distantiam in principio et perfectam unitatem in fine. Sed hoc nomen « *panis* » importat quod erat in principio, quia importat terminum a quo, *ideo quanto perfectior est conversio tanto minus potest corpus Christi de pane prædicari.*

1. αδ « passio » ; β posteriori manu « passibile » ; γ « quod nutrimentum in principio est dissimile, in fine vero simile ».

**128. — AD SECUNDAM QUÆSTIONEM** dicendum quod cum dicitur : « *Hoc fil illud* » ex vi locutionis in li « *hoc* » importatur subjectum factionis. Unde hæc est per se : « *Homo fit albus* » ; sed hæc est per accidens : « *Nigrum fit album.* » Subjectum autem factionis est commune utrique termino. Unde patet quod *prædicta locutio imperial communitatem subjecti, et proprie non est concedenda.*

**129. — AD PRIMUM** ergo dicendum quod exponendum est verbum *Damasceni* sicut expositum est verbum *Ambrosii*, ut *relatio importata* in li « *ea* » designet unitatem specierum et non subjecti unitatem.

**130. — Ad secundum** dicendum quod in hac locutione : « *Panis convertitur in corpus Christi* », importatur tantum ordo unius termini ad alterum ; in hac autem : « *Panis fit corpus Christi* », importatur unitas subjecti. *Et ideo non est similis ratio de ulraque.*

**131. — AD TERTIAM QUÆSTIONEM** dicendum quod, sicut patet in I *Phy.* (a 7.190a, 21sq. ; l. 12, n. 9), « *Hoc fit hoc* », dicimus in permanentibus, per se, sed in non permanentibus, per accidens. Sed « *Ex hoc fit hoc* », dicitur proprie in non permanentibus. Dicimus enim : « *Ex non albo fit album* ».

**132. —** Et si aliquando dicatur aliquid fieri ex permanente, hoc est in quantum intelligitur cum permanente aliquid non permanens, sicut cum dicitur : « *Ex sere fit statua* », intelligitur ex ære infigurato. Et sic patet quod hæc locutio : « *Hoc fit hoc* », exprimit identitatem subjecti. Hæc autem locutio : « *Ex hoc fit hoc* », principaliter exprimit ordinem terminorum ad invicem, et sic per consequens quandoque unitatem subjecti. Unde quandoque importat tantum ordinem sine hoc quod importet subjectum, ut cum dicitur : « *Ex mane fit meridies* », idest post, ut dicitur in II *Meta*, (a 2. 994b, 1 ; l. 3, n. 311) ; et secundum hoc erit incongrua : « *Panis fit corpus Christi* » ; sed hæc erit concedenda : « *Ex pane fit corpus Christi* », si li « *ex* » non denotet subjectum et quasi causam materialem, sed tantum ordinem terminorum conversionis ad invicem.

**133. —** Sed hæc : « *De pane fit corpus Christi* », est minus propria, quia hæc præpositio « *de* » denotat consubstantialitatem, ut *Ambrosius* tangit ; tamen quandoque ponitur « *de* » pro « *ex* », et sic potest concedi hæc : « *de pane fit corpus Christi* » sicut ex pane.

**134. — AD PRIMUM** ergo dicendum quod cum dicitur : « *De pane facium est corpus Christi* », li « *de* » potest importare ordinem in essendo, quia quod significatur in « *facium esse* », significatur jam esse. *Et sic non conceditur quod de pane sil*

*factum corpus Christi*, quia significaretur quod panis haberet ordinem ad corpus Christi in essendo : quod falsum est, quia non est materia ejus.

**135.** — *Potest etiam importare ordinem in « fieri »*, quod praecessit « factum esse » ; et sic *sicut* conceditur hæc : « *De pane fit corpus Christi* » ; ita potest concedi ista : « *Ex pane facium est corpus Christi* ».

**136.** — **Ad secundum** patet solutio ex dictis.

**AD QUARTAM QUÆSTIONEM** dicendum quod cum potentia pertineat ad subjectum, non est dubium quod cum dicitur ; « *Panis potest esse corpus Christi* », importatur unitas subjecti. **Et ideo non est concedenda**, quia nihil panis unquam erit aliquid corporis Christi. Sed *sicut* conceditur ista : « *Panis convertitur in corpus Christi* », ita potest concedi ista : « *Panis potest converti* » ; quia « *cujus est potentia, ejus est actus* », ut dicitur in lib. de *Somno et Vigilia*, (c. 1. 454a, 8 ; l. 1).

**137.** — **AD PRIMUM** ergo dicendum quod *ista definitio non habet locum in ista conversione*, ut ex praedictis patet.

**138.** — **Ad secundum** dicendum quod illud verbum *Amrosii* exponendum est, sicut prius dictum est (**133**).

## QUÆSTIO II

Deinde quæritur de materia hujus sacramenti.

Et circa hoc quærentur quatuor.

*Primo*, utrum panis et vinum sint materia hujus sacramenti.

*Secundo*, qualis panis.

*Tertio*, quale vinum hujus sacramenti materia esse possit.

*Quarto*, de aquæ admixtione.

### ARTICULUS I

#### [I]

[III, q. 74, a. 1 ; IV Cg. c. 61 ; De Sacram. Ali. c. 9, 29 ;  
I ad Cor., c. 11, l. 5.]

**139.** — **AD PRIMUM SIC PROCEditur.** Videtur quod **NON DEBEAT ESSE DUPLEX MATERIA HUIUS SACRAMENTI.**

1. Quanto enim aliquid est simplicius, tanto nobilius. Unde et simplicissima sunt nobilissima. Sed hoc sacramentum est nobilius aliis. Ergo debet esse simplicius. Cum ergo alia sacramenta unam tantum materiam habeant, sicut baptismus aquam,

confirmatio chrisma, videtur quod non debeat esse duplex materia hujus sacramenti.

2. **Præterea.** Materia sacramenti debet repondere ei quod est sacramentum et res in sacramento, quia est signum ejus. Sed totum illud quod est res et sacramentum, continetur sub specie panis, scilicet totus Christus. Ergo panis est tota materia hujus sacramenti. Et sic idem quod prius.

3. **Præterea.** Hoc sacramentum ordinatur ad usum fidelium. Sed tantum sub una specie populo hoc sacramentum ininistratur, scilicet sub specie panis. Ergo tantum una ejus debet esse materia.

4. **Præterea.** Posset contingere quod in aliqua terra haberetur triticum et non vinum vel e converso. Ergo in tali casu liceret in una specie tantum conficere.

**140. — SED CONTRA.** Sacramentum Eucharistiae a Christo initium sumpsit. Sed Christus discipulis duo in cena dedit, scilicet panem et vinum. Ergo debent hæc esse materia hujus sacramenti.

**141. — Præterea.** Materia sacramenti debet respondere usui sacramenti. Sed manducatio quæ est usus hujus sacramenti, ut supra d. 9 (q. 1, a. 1) dictum est, requirit cibum et potum. Ergo hujus sacramenti materia debet esse duplex, una quæ competat in cibum et alia quæ competat in potum.

rnj

(Cl. q1a<sup>o</sup> 1)

**142. — ULTERIUS.** Videtur quod non debeat esse materia HUIUS SACRAMENTI PANIS ET VINUM.

1. Sacramenta enim legis raosaicæ propinquiora fuerunt sacramentis legis novæ quam sacramenta legis naturæ. Sed in lege mosaica secundum modum sacramenti manducabantur carnes animalium. Ergo hoc magis debet esse, materia hujus sacramenti quam panis et vinum quæ sumebantur in lege naturæ per modum sacramenti.

2. **Præterea.** Materia sacramenti debet competere usui sacramenti et significationi. Sed expressius significaret caro animalis alicujus carnem Christi quam panis, quia majorem habet convenientiam ad ipsam et iterum magis reficit. Ergo magis debet caro esse materia hujus sacramenti quam panis.

3. **Præterea.** Sacramenta infirmis ministrari debent, quia medicinæ sunt. Sed vinum non datur infirmis. Ergo non debet esse materia hujus sacramenti.

**4. Præterea.** Illud sacramentum non solum præfiguratum fuit in oblatione Melchisedech, qui obtulit panem et vinum, ut dicitur *Gen. xiv, 18*, sed etiam in favo mellis, quem sumpsit Jonathas, ut dicitur *I Beg. xivl, 27*. Ergo etiam mei deberet esse materia hujus sacramenti, et præcipue propter suavitatem.

**5. Præterea.** In hoc sacramento continetur Christus ut cibus parvulorum. Sed parvulis datur in cibum lac. Ergo lac deberet esse materia hujus sacramenti.

## [IIII]

[III, q. 74, a. 2.]

**143. — ULTERIUS.** Videtur *quoo* panis et vinum non POSSINT ESSE MATERIA HUIUS SACRAMENTI NISI SUB DETERMINATA QUANTITATE.

1. In sacramentis enim intentio requiritur conformis intentioni Ecclesiæ. Sed si aliquis vellet consecrare totum panem qui est in foro, et totum vinum quod est in cellario, intentio ejus non esset concors intentioni Ecclesiæ quæ intendit consecrare ad usum fidelium : quod etiam verba instituentis ostendunt : « *Accipite* », inquit, « *et manducate etc.* » Ergo requiritur determinata quantitas panis.

2. **Præterea.** Virtus data verbis et ministro, datur ad venerationem sacramenti, non ad irrisionem. Sed si immoderata quantitas panis et vini consecraretur, verteretur in irrisionem. Ergo non potest consecrari nisi sub determinata quantitate.

3. **Præterea.** Si aliquis in mari hominem baptizet<sup>2</sup>, illa tantum aqua verbo vitæ sanctificatur quæ ad usum ablutionis cedit et non totum mare. Ergo a simili et hic, tantum de pane et vino consecrari potest quantum potest venire in usum fidelium.

**144. — SED CONTRA.** Secundum Philosophum, *II Etlfl. [β 8. 1108b, 9-12 ; l. 10, n. 358]*, *omne determinatum est medium duorum extremorum determinatorum*. Sed quantitas panis qui consecrari potest non est medium duorum extremorum determinatorum, quia nunquam est ita parva quantitas panis<sup>4</sup> quin possit consecrari. Ergo non est determinata quantitas etiam secundum magnitudinem.

**145. — Præterea.** Constat quod sacerdos habens paucos parochianos potest tantum de pane consecrare quantum habens multos, quamvis non debeat. Sed non potest accipi tanta quantitas panis quæ non possit venire in usum multorum parochianorum, et præcipue cum unus homo possit et multum et parum

1. *αβγ* « xiii ». — 2. *αγ* « baptizaret ». — 3. *αβγ* « in ix Eth. » ; ed. « lib. iv de Coelo, text. 35 ». — 4. Ed. *om.* « panis ».

in quantitate sumere. Ergo non potest esse tanta materia panis quin possit consecrari etiam a quocumque sacerdote.

**146. — RESPONSIO.** Dicendum **AD PRIMAM QUÆSTIONEM** quod *materia sacramenti debet competere et significationi sacramenti et usui. Et utroque modo exigitur duplex materia in hoc sacramento.*

**147. —** *Usus enim hujus sacramenti est manducatio quæ ad sui integritatem et cibum et potum exigit. Et ideo hujus sacramenti etiam debet esse duplex materia : una quæ in cibum sumitur, et alia quæ in potum.*

**148. —** *Significatio autem sacramenti est duplex. Una secundum quod repræsentat præteritum. Et sic in hoc sacramento significatur passio Christi in qua separatus fuit ejus sanguis a corpore. Et ideo separatim in hoc sacramento offerri debet signum corporis et signum sanguinis, duplici materia existente.*

**149. —** *Alia significatio sacramenti est de effectu per sacramentum inducendo, quia sacramenta efficiunt quod figurant. Et sic, cum hoc sacramentum ad salutem corporis et animæ sumatur, oportet quod sub specie panis ad significandam salutem corporis, et sub specie vini ad significandam salutem animæ, hoc sacramentum perficiatur, ut in *Littera (9)* Magister dicit.*

**150. — AD PRIMUM** ergo dicendum quod simplicitas per se non est causa nobilitatis, sed perfectio. Unde ubi perfecta bonitas in uno simplici invenitur, simplex est nobilior quam compositum. Quando autem e converso simplex est imperfectum, compositum vero perfectum, tunc compositum est nobilior quam simplex, sicut homo est mobilior terra. *Et ideo hoc sacramentum quamvis sit magis compositum ratione materiæ, est tamen nobilior, quia est magis perfectum.* Quod autem ad perfectionem ejus hæc compositio exigatur, patet ex dictis.

**151. — Ad secundum** dicendum quod quamvis totus Christus sit *sub specie panis* secundum rei veritatem, non tamen est ibi ex vi sacramenti nisi *corpus ejus*, ut ex dictis (d. 8, 255) patet, et *secundum quod venit in usum fidelium.*

**152. — Ad tertium** dicendum quod *populo non datur sanguis propter periculum*, quia facilius una gutta sanguinis laberetur quam aliqua particula corporis. Unde ministris altaris secundum consuetudinem aliquorum datur participatio sanguinis, de quibus præsumitur quod in talibus magis sint cauti.

*In lege etiam veteri de libaminibus nihil habebant offerentes,*

1. Ed. om. « etiam ». — 2. Ed. « contrario ». — 3. RANVP. « citius ». — . Ed. « autem ».

sed soli sacerdotes, per quæ significabatur potus hujus sacramenti ; de sacrificiis autem habebant, quibus significabatur cibus hujus sacramenti.

**153.** — **Ad quartum** dicendum quod quamvis consecratio panis non dependeat a consecratione vini, quod *Quidam* posuerunt, iit supra d. 8 (252) dictum est, tamen *potius deberet desistere qui non haberet utrumque quam conficere præter morem Ecclesiæ in una tantum specie* ; quamvis etiam si in una tantum specie cõsecraret, consecratum esset. *Peccaret autem graviter, nisi post consecrationem corporis ante consecrationem sanguinis occideretur, vel alias præter culpam suam impediretur.*

**154.** — **AD SECUNDAM QUÆSTIONEM** dicendum quod **causa quare panis et vinum sunt materia hujus sacramenti** inter alios cibos et potus, **est institutio divina.** Causa autem institutionis *multipliciter* potest assignari.

*Prima ex parte usus sacramenti*, quia hæc duo communius in cibum et potum veniunt. Unde convenientius per hæc in cibum et potum spirituales manuducimur.

**155.** — *Secunda ex effectu sacramenti*, quia, ut dicitur in *Glossa I Cor. xi*, panis præ ceteris cibis sustentat corpus et vinum lætificat cor. Et similiter hoc sacramentum magis sustentat et lætificat caritate inebriatos quam alia sacramenta.

**156.** — *Tertia ex ritu celebrationis*, quia mundius tractantur quam alia quæ in cibum et potum veniunt.

**157.** — *Quarta ex significatione duplicis rei hujus sacramenti* ; quia panis ex multis granis conficitur, et vinum ex multis acinis confluit : quod competit ad significandum corpus Christi verum et mysticum, ut supra d. 8 (6) dictum est.

**158.** — *Quinta ex repræsentatione ejus quod præcessit*. Grana in area conculcantur, et panis in fornace decoquitur, et vinum in torculari exprimitur : quæ omnia competunt ad repræsentandum passionem Christi.

**159.** — **AD PRIMUM** ergo dicendum quod hoc sacramentum non debuit in specie alicujus sacramenti legis mosaicæ institui, ut ostenderetur cessatio legalium quorum sacerdotium est imperfectius sacerdotio Christi. *Ei ideo convenienter ad illas species in novo testamento reditu* quibus ostenditur sacerdotium novi testamenti præeminere sacerdotio levilico scilicet **oblationis Melchisedech**, ut *Apostolus* probat *Hebr. vu.*

**160.** — **Ad secundum** dicendum quod caro de ratione sui non dicit aliquid ordinatum in cibum, sed quamdam rem naturæ. *Et ideo non ita competenter significaret caro animalis carnem*

1. *y* « positum ». — 2. *y* « contra ». — 3. Ed. *ad.* « nam ». — 4. Ed. « reducitur ». — 5. Ed. *ad.* « sic ». — 6. Ed. « ad oblationem ».

*Christi, ul est cibus fidelium, secundum quod in hoc sacramento continetur, sicut panis ; quia ad hoc confectus est ut sit cibus.*

**161.** — **Ad tertium** dicendum quod *vinum* quamvis **non**. detur infirmis qui morbo febrili subjacent, *datur tamen debilibus ut confortentur*. Et similiter hoc sacramentum non est dandum his qui sunt in febre peccati, sed ad confortationem debilium qui a peccato liberati sunt.

**162.** — **Ad quartum** dicendum quod *met* quamvis habeat suavitatem, est tamen inflativum ; et ideo *magis congrue significat suavitatem temporalem quæ inflat quam caritatis<sup>1</sup> quæ ædificat* ; unde et in sacrificiis veteris legis apponi prohibebatur. Et ideo etiam non competit huic sacramento.

**163.** — **Ad quintum** dicendum quod *quamvis cibus iste sit parvulorum per humilitatem, est tamen grandium in fide*. Ende Augustinus (X<sup>II</sup> *Confess.*, c. 10 ; L. 32, 742) : « *Cibus sum grandium* ». Et ideo non convenit ut sub specie lactis sumatur.

**164.** — **AD TERTIAM QUÆSTIONEM** dicendum quod *Quidam* dicunt quod virtus non est data ministro et verbis ad consecrandum panem et vinum sub quacumque quantitate, sed sub tanta quantitate quanta potest competere ad usum fidelium ; sic enim conformabitur intentio consecrantis intentioni Ecclesiæ.

**165.** — **Sed hoc non videtur verum**. Non enim potest dici quod quantitas materiæ sit determinata secundum usum qui in praesenti occurrit, quia sic sacerdos in deserto existens<sup>2</sup> non posset conficere tot hostias quot sacerdos alicujus civitatis habentis multos parochianos ; quod falsum est ; sed secundum usum qui nunquam occurrere potest. **Tantum ergo de pane et vino potest consecrari<sup>4</sup>, quantum est sumibile ab hominibus**. Ad hoc autem non est quantitas determinata, præcipue cum unus homo possit sumere in magna<sup>5</sup> et parva quantitate. Unde quantitas parva vel magna ad hoc nihil facit.

**166.** — **AD PRIMUM** ergo dicendum quod sacramenta ad aliquid ordinantur. Unde in sacramentis est *duple.r* intentio. *Una quæ ordinatur ad perfectionem sacramenti*, et hæc est essentialis sacramento. Unde ea prætermissa non est sacramentum. *Alia quæ ordinatur ad finem sacramenti*. Et hæc consequitur sacramentum. Unde<sup>6</sup> ea posita vel remota, nihilominus perficitur<sup>7</sup> sacramentum. Sicut si aliquis intendat baptizare aliquem ut lucrum temporale consequatur, sacramentum baptismi verum

1. Ed. « conformationem ». — 2. Ed. « caritatem ». — 3. Ed. *om.* « existens ». — 4. Ed. « consecrare ». — 5. Ed. *ad.* « quantitate ». — 6. Ed. « ut. » — 7. Ed. « perficitur ».

est, quia secundum primam intentionem conformatur intentioni Ecclesiæ, quamvis non quantum ad secundam.

**167.** — Et similiter in hoc sacramento si sacerdos intenderet consecrare non ad sumendum, sed ut in veneficiis uteretur, verum corpus Christi esset. Unde etsi aliquis sacerdos intenderet consecrare magnam quantitatem panis et vini non ad usum fidelium, sed in irrisionem, consecratum esset.

**168.** — *Non tamen dico quod posset consecrare totum panem qui est in una civitate simul vel qui est in foro*; quia ipsa forma pronomine demonstrativo utens, ostendit quod materia consecranda debet esse coram sacerdote. Unde sacerdos existens in domo sua non posset consecrare panem qui est in altari : quod<sup>2</sup> non potest de toto pane qui est in foro neque de toto vino quod est in cellario. *Sed quantacumque sit quantitas panis et vini que coram sacerdote proponitur, credo quod possit consecrari ab ipso.*

**169.** — **Ad secundum** dicendum quod « *potestas omnis a Deo est* », ut dicitur *Horn*, xiii, 1, et quantum est de intentione dantis potestatem, ad bonum est ordinata ; nihil tamen prohibet quin potestate accepta abutatur.

Unde *sicut* prælati Ecclesiæ habent potestatem in aedificationem et non in destructionem, tamen multa possunt facere quæ sunt in destructionem : *ita* virtus consecrandi data est verbo et ministris ad Dei honorem ; *tamen potest aliquid abuti, ut ad irrisionem vel ad lucrum vel ad aliquid hujusmodi faciat.*

**170.** — **Ad tertium** dicendum quod *perfectio sacramenti in baptismo consistit in ipso usu materiæ.* Et ideo illud tantum aquæ consecratur verbo vitæ quod in usum venit.

*Sed perfectio hujus sacramenti consistit in ipsa materiæ consecratione, et usus est consequens ad hoc sacramentum.* Unde perfectio hujus sacramenti non dependet ab usu, sicut est in baptismo.

## ARTICULUS II

[*Infra*, d. 19, 60; III q. 74, a. 3; IV Cg, c. 69; *De Sacram. Alt.* c. 10.]

**171.** — **AD SECUNDUM SIC PROCEditur**, Videtur quod NON OPORTET QUOD SIT PANIS TRITICEUS.

**1.** Hoc enim sacramentum est memoriale dominicæ passionis. Sed magis competeret ad significandum passionem panis hordei<sup>3</sup> quod est durum et hispidum, quam granum tritici

1. Ed. *ad* aliquis ». — 2. Ed. *ad.* « etiam ». — 3. a loco « panis hordei », « hordeum panem hordeum »; γ « panis hordeaceum ».

quod est delicatum. Ergo ex alio frumento panis confectus potest esse materia hujus sacramenti.

2. **Praeterea.** In omni aqua potest perfici sacramentum, baptismi, ut nullus propter defectum materiae a sacramenti perceptione fraudetur. Ergo et similiter omnis panis debet esse materia hujus sacramenti, ut nullum, inopia excuset.

3. **Praeterea.** Figura in naturalibus est signum speciei. Sed quaedam frumenta sunt quae habent similem figuram grano tritici, sicut de farre et spelta. Ergo sunt ejusdem speciei cum grano tritici. Ei ita panis ex illis frumentis confectus poterit esse materia hujus sacramenti.

4. **Praeterea.** Panis materia hujus sacramenti est, quia ex multis granis confectus unitatem corporis mystici designat, ut supra d. 8 (6) dictum est. Sed hoc etiam invenitur in pane de aliis frumentis confecto. Ergo ille panis potest esse materia hujus sacramenti.

172. — **SED CONTRA** est usus Ecclesiae et hoc quod Dominus se grano frumenti comparavit Jo an, xii, 24, et non aliis leguminibus.

## [II]

[Cfr. q\*»- I]

173. — **ULTERIUS.** Videtur quod, si grano tritici admisceatur aliud frumentum quod possit panis exinde confectus esse materia hujus sacramenti.

1. Quia in siccis commixtio non tollit speciem. Sed granum tritici et alia hujusmodi sunt sicca. Ergo si commisceantur, adhuc manet species tritici, et ita potest inde confici corpus Christi.

2. **Praeterea.** Vix invenitur farina ex solis granis tritici, nisi studiose fiat. Si ergo ex farina commixta ex diversis granis non posset confici panis qui sit materia hujus sacramenti, rarissime hoc sacramentum perficeretur: quod est absurdum.

3. **Praeterea.** Per corruptionem magis receditur a specie quam per commixtionem. Sed de pane corrupto potest fieri hoc sacramentum, cum videamus hostias ditissime a quibusdam conservari. Ergo multo magis de pane ex granis commixtis confecto potest perfici hoc sacramentum.

174. — **SED CONTRA.** Medium neutrum extremorum est. Sed panis commixtus ex diversis granis est medius inter panem

1. Ed. *omt* « confectus ». — 2. Ed. *om.* « quod ». — 3. *eq* ed. « mixtionem ».

tritici et aliorum granorum. Ergo non est panis triticeus. Ergo de eo non potest perfici hoc sacramentum.

**175. — Præterea.** De amido, ut *Quidam* dicunt, non potest perfici hoc sacramentum. Sed amidum est farina triticea pura. Ergo multo minus potest perfici hoc sacramentum de pane alterius farinæ (cf. 193-4).

[III]

[III, q. 74, a. 4; *IV Cg.* e. 69; *Contra errores Græc.*  
c. 32, n. 1, 37; *in Joan.*, c. 13, l. 1.]

**176. — ULTERIUS.** Videtur quod non debeamus conficere IN AZYMO, SED IN FERMENTATO.

1. Nos enim debemus conficere secundum quod Christus confecit. Sed Christus confecit in fermentato, non in azymo. Ergo nec nos debemus in azymo conficere.

**Probatio mediæ.** Ante pascha Judiei azymis non utebantur. Sed cæna Domini in qua hoc sacramentum inchoavit, fuit ante pascha celebratum, ut patet *Joan.*, χιπ, 1 : « *Ante diem festum paschæ, etc.* » Ergo ipse in fermentato, non in azymis confecit.

**2. Præterea.** Veritas debet respondere figuræ. Sed agnus typicus immolabatur luna decimaquarta, ut habetur *Exod.* xn, 18. Ergo Christus immolatus fuit luna decimaquarta. Sed in die præcedenti corpus suum dedit discipulis manducandum. Ergo hoc fuit luna decimatertia. Sed pascha incipiebat luna decimaquarta. Ergo ante pascha fuit ccena Domini. Et sic idem quod prius.

**3. Præterea.** *Joan.*, xviii, 28, dicitur quod in die passionis Domini Judæi non intraverunt prætorium Pilati, ut non contaminarentur, sed ut manducarent pascha. Ergo illa die a Judæo manducabatur pascha, et sic ccena Domini fuit ante pascha. Et sic idem quod prius.

**4. Præterea.** *Eue.* [χχιιι, 55], dicitur quod mulieres viso monumento iverunt et paraverunt aromata. Sed hoc non licuisset prima die de septem quibus azyma comedebant, quia dies illa erat eis celeberrima, quæ quidem dies erat luna decima quinta. Ergo Christus passus est luna decimaquarta. Et sic idem quod prius.

**5. Præterea.** *Joan.*, [xix 2, 31], dicitur quod dies sepulturæ dominicæ erat « *magnus dies sabbati* ». Sed in solemnitate azymorum sola prima dies erat celeberrima et vocabatur magna. Ergo

1 -αβγ « xxii ». — 2. αβγ&ιζη et ed. « xx ».

dies sabbati fuit prima dies solemnitatis, quod est luna decimaquinta ; et sic dies veneris fuit luna decimaquarta. Et sic idem quod prius.

**6. Præterea.** Ἄρτο 1 secundum Græcos significat panem fermentatum. Sed hoc nomen invenitur apud Græcos, ubi nos habemus, « *Accepit Jesus panes?* ». Ergo de fermentato confecit. Et sic idem quod prius.

**7. Præterea.** Sacramenta veteris legis tempore revelatæ gratiæ observata ad litteram, sunt mortifera, quia « *littera occidit* » ; II *Cor.* m, 6. Sed hoc erat unum de legalibus comedere in azymis. Ergo videtur esse mortiferum in azymis conficere.

**8. Præterea.** Hoc sacramentum est<sup>3</sup> specialiter sacramentum caritatis. Sed fermentum caritatem significat, ut patet in GLOSSA MAT. xiii, super illud : « *Simile est regnum coelorum fermento etc.* » (L. 114, 133). Ergo maxime debet confici de fermentato.

**9. Præterea.** Sicut album et rubeum sunt accidentia vini, ita azymum et fermentatum sunt accidentia panis. Sed indifferenter conficitur de vino albo et rubeo. Ergo non magis debet attendi de pane an sit azymus vel fermentatus, quam de vino an sit album vel rubeum.

**177. — SED CONTRA.** Prima die azymorum nihil fermentatum esse debebat in domibus Judæorum, ut patet *Exod.* xn, 15. Sed Dominus confecit prima die azymorum, ut patet *Mat.* xxvi, 17, *Marc.* xiv, 12, *Luc.* xxii, 7. Ergo ipse confecit de azymo. Ergo et nos debemus de azymo conficere.

**178. — Præterea.** Christus non venit legem solvere, sed implere, ut dicitur *Mat.* v, 17. Sed secundum legem agnus paschalis cum azymis comedebatur, ut patet *Exod.* xn, 8. Ergo Christus agnum paschalem cum azymis comedit. Ergo de azymo confecit.

**179. — Præterea.** Materia debet convenire sacramento. Sed panis azymus magis competit huic sacramento quam fermentatus propter puritatem. I *Cor.* v, 8 : « *Epulemur non in fermento veteri etc.* » Ergo debet de azymo pane fieri sacramentum.

**180. — RESPONSIO.** Dicendum **AD PRIMAM QUÆSTIONEM** quod **non potest confici nisi de pane triticeo, cujus causa est divina institutio**, quia ipse hoc pane confecit. *Ratio autem institutionis potest triplex assignari.*

**181. — Prima ex effectū ;** quia talis panis melius nutrimentum præstat, unde competit ad significandum excellentiam gratiæ quæ in hoc sacramento confertur.

**182. — Secunda ex usu sacramenti ;** quia panis triticeus est

1. *αβγ* « arthos ». — 2. Ed. « panem » contra *αβγδij*. — 3. Ed. « et »

qui communius in usum cibi venit, alii autem panes non fiunt nisi propter defectum tritici. Unde et panis simpliciter dictus intelligitur de tritico, sicut et oleum de olivis. Unde competit huic sacramento cujus usus est in manducando, ut supra (147) dictum est.

**183.** — *Tertia ex re contenta* qua; est Christus, qui se grano frumenti comparavit dicens : « *Nisi granum frumenti cadens in terram etc.* » **J**oan, xii, 24.

**184.** — **AD PRIMUM** ergo dicendum quod *in passione Christi non fuit aliqua durtia ex parte Christi qui patiebatur, sed summa benignitas.* Et quia hostia panis significat et continet ipsum Christum, ideo non ita competit huic sacramento panis hordeaceus vel alterius modi, sicut panis triticeus qui est delicatior et suavior.

**185.** — **Ad secundum** dicendum quod *omnis aqua omni aquæ est eadem specie, secundum Philosophum V Meta. (8 6. 1016a, 20 ; l. 7, n. 860) ; et ideo non differt in quacumque aqua baptismus fiat. Sed non omnia grana ex quibus panis consuevit confici sunt ejusdem speciei. Et ideo non est similis ratio utrobique.*

**Et præterea.** *Sacramentum istud non est tanlæ necessitatis sicut sacramentum baptismi, ut prius' d. 9 (22) dictum est.*

**186.** — **Ad tertium** dicendum quod *Quidam dicunt quod de spelta potest confici corpus Christi propter similitudinem quam habet ad triticum. Sed, sicut patet intuenti, quantum ad figuram plus appropinquat hordeum ad similitudinem tritici quam spelta, amoto<sup>3</sup> cortice ab utroque, quamvis in colore plus spelta conveniat ; sed inter omnia alia hujusmodi plus convenit, maxime in figura, far cum tritico, et similiter in colore. Unde ex identitate figuræ non potest haberi quod aliquod istorum sit ejusdem speciei cum grano tritici ; sed identitatis speciei potest ex alio experimentum accipi. Generans enim et genitum conveniunt de necessitate in specie, sed non de necessitate in accidentibus, quin immo accidentia variantur ex causis extrinsecis. Unde cum ex grano tritici, ubicumque seminetur, nunquam nascatur *spelta* vel *far aut hordeum* vel aliquid hujusmodi, constat quod *omnino ista differunt specie a tritico.**

**187.** — **Ad quartum** dicendum quod illud quod objectio tangit, est causa quare ex pane fit hoc sacramentum, non autem quare **ex tali pane** ; sed hanc oportet superaddere sicut proprium ad commune.

**188.** — **AD SECUNDAM QUÆSTIONEM** dicendum quod

1. Ed. *om.* < dictus ». — 2. Ed. *om.* « omni aquæ ». — 3. Ed. » remoto ».

admixtio extranei *dupliciter*<sup>1</sup> potest esse : *uno modo ita quod extraneum adjunctum solvat speciem ejus cui adjungitur*, vel trahendo ad speciem suam, sicut si amphoræ aquæ adderetur phiala vini, vel faciendo mediam speciem, sicut quando utrumque<sup>2</sup> æqualiter ponitur, ut æqualitas non accipiatur tantum secundum quantitatem, sed secundum proportionem virtutis.

*Alio modo ita quod additum non solvat speciem*, sed ipsum assumatur ad speciem ejus cui additur : sicut si gutta aquæ amphoræ vini apponatur.

**189.** — Si ergo fiat tanta admixtio extranei quod solvatur species panis triticei, non poterit confici ex pane illo ; si autem adeo sit parva admixtio quod species panis triticei maneat, et illud quod additur ad naturam tritici convertatur, potest exinde confici sacramentum.

**190.** — Hujus<sup>3</sup> autem signum accipi potest ex accidentibus, scilicet colore, sapore et hujusmodi ; quia accidentia maximam partem conferunt ad cognoscendum quod quid est, secundum *Philosophum* in *I de An. ia* l. 402b, 21 ; I. 1, n. 15<sup>i</sup>.

**191.** — **AD PRIMUM** ergo dicendum quod quamvis sicca, quando<sup>4</sup> integra manent, non amittant speciem ex permixtione, tamen quando dividuntur et conficiuntur, sicut in pane accidit, possunt speciem amittere.

**Ad secundum** patet solutio ex distinctione prædicta.

**192.** — **Ad tertium** dicendum quod *si sil tanta corruptio quod species panis non maneat, tunc non potest ex eo confici* ; si autem specie manente sit aliqua dispositio ad corruptionem, potest exinde confici ; quamvis graviter peccet conficiens ex tali scienter, propter irreverentiam sacramenti.

Et quod maneat species, potest ex hoc cognosci quod continitas non est soluta, nec alia accidentia omnino ablata.

**193.** — Et quia amidum fit de farina triticea quæ quidem per attritionem et excolationem et vaporis admixtionem videtur speciem farinæ amisisse, vel ad corruptionem omnino esse disposita ; ideo ex ea non debet confici, nec potest, secundum *OUOSDAM*.

**194.** — *Quidam* autem dicunt quod amidum cum sit crudum, non potest esse materia hujus sacramenti, sicut nec pasta. Sed si coquatur, poterit exinde confici, quia amidum fit ex farina maxime depurata.

**195.** — **AD TERTIAM QUÆSTIONEM** dicendum quod in hoc videtur esse diversitas inter Græcos et Latinos : *Græci* enim de fermentato, *Latini* de azymo conficiunt.

1. Ed. « duplex ». — 2. Ed. « utraque ». — 3. Ed. « hujusmodi ». — 4. Ed. « cum »

Causa autem hujus diversitatis est, quia Dominus in azymo confecit, ut ex tribus Evangelistis manifeste habetur; et ita Apostoli in primitiva Ecclesia celebrabant: quem morem Romana Ecclesia ab Apostolis qui ipsam fundaverunt, accepit, ut Innocentius III dicit (lib. IV de Sacro AH. Mysi., c. 4; L. 217, 857-8). Sed postea, ut dicit Leo Papa (ix, epist. ad Michaellem Imper. Constantinop.), imminente hæresi Ebionitarum qui dicebant simul cum Evangelio legalia observanda, Sancti Patres, ne eis consentire viderentur, voluerunt ad tempus instinctu Spiritus sancti ex fermentato confici sacramentum; postea cessante illa hæresi, Ecclesia Romana ad pristinum morem rediit.

196. — Græci autem servare voluerunt morem ad tempus a patribus introductum, ulterius addentes non posse confici nisi de fermentato. Et ad hoc probandum asserere voluerunt Dominum in fermentato confecisse.

197. — Et quia tres Evangelistic concorditer dicunt prima die azymorum Dominum instituisse hoc sacramentum, in tantam infamiam Quidam ex eis proruperunt, ut dicerent Evangelistas illos falsum scripsisse, et a Joanne fuisse correptos, qui ante diem paschæ dicit Dominum cœnasse cum discipulis.

198. — Sed quod hoc non contradicat, ostendetur. Supposito autem quod Dominus decima tertia luna, ut dicunt, cœnam celebrasset, adhuc evidenter ostenditur quod azymo confecit; quia, sicut dicit Chrysostomus *super Mal.* (c. 26; G. 56, 730): « *Apertissime Dominus demonstravit, quia a principio circumcisionis suæ usque ad diem paschie extremum, non erat contrarius divinarum legum, in quibus præcipiebatur ut cum azymis paschalis agnus comederetur.* » Et ideo dicendum est quod **Dominus in azymo confecit, et in azymo conficiendum est**, quamvis etiam fermentato confici possit; quamvis peccaret conficiens, Ecclesiæ morem non servans.

199. — **AD PRIMUM** ergo dicendum quod verbum illud Joannis Græci hoc modo intelligunt, sicut objectio procedit. Sed hic *intellectus stare non potest, quia esi contrarius aliis Evangelistis*, quod non est fas in sacra Scriptura dicere.

200. — **Præterea.** *Non invenitur in lege quod aliquo casu liceret anticipare lunam quartam decimam*, sicut dicunt Dominum fecisse prævidens passionem.

201. — Unde Quidam dixerunt quod cœna qua Dominus lavit discipulorum pedes et qua corpus suum consecravit, non fuit eadem, sed una aliam præcessit; et de prima loquitur Joannes, de secunda alii Evangelistæ.

**202.** — *Sed hoc est contra usum Ecclesiae* quæ die Jovis ablu-tionem pedum celebrat, et etiam contra textum Evangelii ; quia sicut ex serie Evangelii Joannis (x ih) apparet, eodem sero quo pedes lavit, a Juda post buccellam recedente traditus est.

**203.** — **Et ideo dicendum est** quod dies festus paschæ voca-batur prima dies de septem quæ erat celeberrima, et hæc erat decimaquinta luna, et in vespere præcedenti immolabatur et comedebatur agnus, luna decimaquarta, cum azymis ; et tunc Dominus cenam fecit cum discipulis suis ; et hanc diem dicunt alii Evangelista primani diem azymorum et Joannes « *ante diem festum paschæ.* »

**204.** — **Ad secundum** dicendum quod *non oportet quod veritas respondeat figuræ quantum ad omnia* ; alioquin oportebit nos dicere quod Jominus ad vesperam passus sit, quia tunc immola-batur agnus, quod est contra omnes Evangelistas. *Sed quan-tum ad aliquid* veritas figuræ respondet ; quia quamvis ante Christi resurrectionem dies a mane in mane computaretur, sicut in II lib. d. 13, dictum est, tamen hoc erat speciale in solcm-nitatibus legis quod computatur<sup>2</sup> dies a vespera in vespe-ram. Unde vespera quartædecimæ diei computabatur quantum ad solemnitatem in numero dierum cum quintadecima in qua Dominus passus est ; et etiam immolatio ejus vespere quartæ-decimæ diei quodammodo inchoavit, quia tunc traditus fuit et tunc factus est sudor ejus sanguineus, ut dicitur Lue. xxn, 44.

**205.** — **Ad tertium** dicendum quod pascha accipitur ibi pro-cibus paschalibus, scilicet azymis, qui per omnes septem dies comedebantur. Chrysostomus tamen dicit *super Joan. (hom. 83, n. 3 ; G. 69, 367)* quod intelligitur de agno paschali quem in alia die ab ea quam lex instituit comederunt, et legem solverunt, ut animi sui adimplerent desiderium in morte Christi. Christus autem non præterit tempus paschæ, diem scilicet Jovis, sed in ipso pascha comedit.

**206.** — **Ad quartum** dicendum quod nulla dies erat adeo-celebris quantum ad vacationem<sup>3</sup> ab operibus, sicut dies sabbati. Unde in prima die solemnitatis licebat coquere cibos et alia hujusmodi facere quod non licebat facere sabbatis. Et ideo *mulieres feria sexta paraverunt aromata*, videntes quod non sufficerent quæ per Nicodemum parata erant ; et sabbato secun-dum legem quieverunt ; *et transeunte sabbato emerunt aromata*, idest empta paraverunt, vel etiam alia superemerunt, videntes non sufficere quæ prius feria sexta paraverant, et venerunt ad monumentum.

1.  $\alpha$  oporteret  $\gamma$ ,  $\beta\gamma$  oportebat », contra  $\eta$  et ed. — 2. Ed. « computabatur », contra  $\alpha\beta\gamma^{\wedge}\epsilon\eta$ . — 3. F. « vacationem ».

**207.** — Vel secundum Quosdam, *opera misericordiae non reputantur inter opera servilia*. Unde in die solemnī licebat aromata ad sepulturam praeparare, quia hoc erat opus misericordiae.

**208.** — **Ad quintum** dicendum quod quocumque die de septem diebus azymorum sabbatum veniret, dicebatur *magnus dies sabbati* propter geminatam solemnitatem, scilicet sabbati et paschæ.

**209.** — **Ad sextum** dicendum quod *apros* apud Graecos quandoque etiam pro azymo pane ponitur. Et ideo *Exod. xxi, 15*, dicitur in graeco *aprons* ubi nos habemus panes azymos.

**210.** — **Ad septimum** dicendum quod facere aliquid quod in lege fiebat, ut dicit Anselmus (in libro de *Eerrnenlato et Azymo*, c. 4 ; L. 158, 544) non est judaizare : alioquin et ipsi<sup>2</sup> judaizant conficientes ex fermentato, quia in lege præceptum erat ut panes primitiarum fermentatos offerrent. Sed *facere aliquid hac intentione ut legalia observentur, est judaizare*.

**211.** — *Nos autem non ob hoc ex azymo conficimus ut legem servemus, sed ut Christo conformemur, servantes hoc quod huic competit sacramento ab eo instituto*. Significatur enim in azymo puritas vitæ quæ semper servanda est, sicut et in thurificatione devotio orationis. Unde utrumque in lege nova retinetur.

**212.** — **Ad octavum** dicendum quod in hoc sacramento continetur Christus ut hostia : et quia puritas præcipue in hostia etiam secundum legem exigebatur, *ideo magis competit huic sacramento ut significetur Christi puritas per panem azymum, quam quod significetur fervor caritatis per fermentum*.

**213.** — **Ad nonum** dicendum quod *album et rubeum non ita faciunt differentiam in significatione sacramenti circa vinum, sicut azymum et fermentatum circa panem. Et ideo non est similis ratio de utroque*.

### ARTICULUS III

[III, q. 74, a. 5 ; IV Cg. e. 69J

**214.** — **AD TERTIUM SIC PROCEEDITUR.** Videtur quod NON SOLUM DE VINO VITIS DEBEAT SANGUIS CHRISTI CONSECRARI.

1. Baptismus enim in qualibet aqua fieri potest. Sed vinum est materia hujus sacramenti, sicut aqua, baptismi. Ergo et de quolibet vino potest hoc sacramentum fieri, sicut de vino malorum granatorum vel mororum vel hujusmodi.

1. a « 23 » ; βη « 28 » ; ye « 18 ». — 2. Ed. om. « et ipsi ».

2. **Præterea.** In aliquibus terris non sunt vites, nec ad eas de facili vinum portari potest. Ergo debuit a divina sapientia provideri ut aliquis alius liquor in loco vini de vite possit in sacramento assumi.

**215. — SED CONTRA.** *Sicut* Dominus se comparavit grano frumenti, **Joan.** xii, 24 ; *ita* comparavit se viti, **Joan.** xv, 1. Ergo *sicut* non debet in hoc sacramento assumi nisi panis de tritico, *ita* nec vinum nisi de vite.

## III]

**216. — ULTERIUS.** Videtur quod possit etiam confici DE ACETO.

1. Quia secundum **Isidorum** (lib. XX *Etymolog.*, c. 3, n. 9 ; L. 82, 712), acetum est species vini. Sed de vino vitis potest confici hoc sacramentum. Ergo et de aceto.

2. **Præterea.** Si vinum consecratum in acetum converteretur, non desineret ibi esse Christi sanguis. Ergo eadem ratione si ante consecrationem sit acetum, potest exinde sanguis Christi consecrari.

**217. — SED CONTRA.** **Innocentius** dicit (lib. IV *de sacro Altaris Mysi.* c. 3 ; L. 217, 854) quod « *vinum huic sacramento competit, quia cor bibentis et dilatat et exhilarat.* » Sed hoc non facit acetum. Ergo ex aceto non potest consecrari sanguis Christi.

## [III]

**218. — ULTERIUS.** Videtur quod de agresta possit sanguis Christi consecrari.

1. *Sicut* enim agresta non habet perfectam speciem vini, *ita* nec mustum. Sed de musto dulci potest confici sanguis Christi ; dicitur enim de *Consecr.*, d. 2 (cap. « Cum omne » ; L. 187, 1733). « *Si necesse fuerit, botrus in calice prematur.* » Ergo et eadem ratione de agresta.

2. **Præterea.** Agresta non differt a vino nisi quia immatura est. Sed maturitas et immaturitas sunt accidentia. Ergo non differunt secundum speciem. Et *ita* videtur quod ex agresta sicut ex vino indifferenter sanguis Christi consecrari possit.

**219. — SED CONTRA.** Quod fit, non est, secundum **Philosophum**, V *Phys.* (e 1.225a, 27 ; l. 2, n. 8). Sed agresta est in via generationis respectu vini. Ergo nondum est vinum. Ergo ex ea non potest sanguis Christi consecrari.

**220. — RESPONSIO.** Dicendum **AD PRIMAM QŪÆSTIONEM** quod non potest confici sanguis Christi nisi de vino vitis, quia hoc proprie vinum est. Alia vero dicuntur vina per similitudinem hujus vini.

*Hoc etiam vinum communius sumitur in polum, sicut et panis tritici in cibum; et habet proprietates magis convenientes ad effectum sacramenti, in quantum calefacit et laetificat. Et ideo Dominus de vino vitis confecit, ut patet per hoc quod dicitur Mat. l. xxvi, 29: «Amodo non bibam de hoc genimine vilis.»*

**221. — AD PRIMUM** ergo dicendum quod *omnis aqua est ejusdem speciei, sed non sic est de vino.*

**222. — Ad secundum** dicendum quod non est aliqua terra ad quam non possit tantum de vino *portari* quantum sufficeret ad celebrandum. *Unde illa ratio non cogit.*

**223. — AD SECUNDAM QŪÆSTIONEM** dicendum quod secundum Philosophum, in VIII *Aleta*, (η 5.1044b, 34-1045a, 6; l. 4, n. 1750-4, hoc modo fit ex vino acetum quo ex vivo fit mortuum. Unde *sicut* animal vivum et mortuum non sunt ejusdem speciei, *ita* nec vinum et acetum. Et hoc ostendunt contrariæ proprietates; quia vinum est calidum, acetum autem frigidum; et non fit reditus de aceto in vinum, sicut nec de mortuo ad vivum.

**224. — Et ideo dicendum** quod *si vinum omnino factum\* sii acetum, de eo non potest confici*; sed si sit acidum quasi in via acescendi, est idem iudicium quod de pane qui in via est ad corruptionem. Unde *sicut* de pane illo potest confici, peccat tamen conficiens propter irreverentiam; *ita* et hic.

**225. — AD PRIMUM** ergo dicendum quod ipse *largo modo* accipit vinum pro omni liquore qui ex uvis ortum habet.

**226. — Ad secundum** dicendum quod *si vinum consecratum, reservatum omnino acetum fieret, esset idem iudicium quod de pane omnino corrupto.* Unde *sicut* non remanet ibi corpus Christi, *ita* nec hic sanguis.

*Secus autem est* de pane qui est in via ad corruptionem, et de vino quod est in via ad acendum.

**227. — AD TERTIAM QŪÆSTIONEM** dicendum quod nihil recipit speciem nisi in termino generationis; **agresta** autem adhuc est in via generationis ad vinum, sicut sanguis quando coagulari incipit<sup>3</sup>, in via generationis ad animal. Unde *sicut* ille sanguis

1. a « Luc. 8; β « Luc. 22 »; γ « Luc. 12 ». — 2. Ed. om. « lactum ». — 3. Ed. ad. « est »

non est animal, *ita* agresta non est vinum. **Et propter hoc de ipsa non potest confici sanguis Christi.**

**228. — AD PRIMUM** ergo dicendum quod mustum jam ad completam speciem vini venit ; dulcedo enim ipsius attestatur maturationem quæ est digestionis species ; digestio autem est completio a naturali calore, ut patet in *IV Meteor.*- (δ 2.379b, 18'. *Et ideo ex musto confici potest, sed non decet*, propter impurati-tem ipsius, ut ex ipso conficiatur, *nisi necessitas emergat.*

**229. — Ad secundum** dicendum quod maturatio est naturalis digestio per quam digestum ad ultimam perfectionem natura-lem perducitur, ut etiam possit alterum generare sibi simile, ut dicitur in *IV Meteor.*, (δ 3.380a, 14-15). Unde *maturum et acer-bum differunt sicut completum et incompletum* : quæ quidem differentia non est tantum accidentalis.

#### ARTICULUS IV



[III, q. 74, a. 6 ; in *Niat.* c. 26 ; *I ad Cor.* c. 11, l. 6.]

**230. — AD QUARTUM SIC PROCEDITUR.** Videtur quod AQUA VINO ADMISCENDA NON SIT.

1. De latere enim Domini in cruce pendentis effluxit sanguis et aqua, ut dicitur *Joan.* xix. 34 ; per quæ duo sacramenta præcipue intelliguntur, ut dicit *Innocentius (extra, de Bapt., c. « Cum Marthæ. »)* Sed aqua competit sacramento regenera-tionis, scilicet baptismo. Ergo sanguis tantum competit sacra-mento redemptionis eucharistiæ ; et ita vinum sine aqua.

**2. Præterea.** Vinum et aqua sunt alterius speciei. Si ergo aqua admiscetur vino, erit triplex materia hujus sacramenti et non solum duplex, ut dictum est (147).

**3. Præterea.** Hoc sacramentum sub specie panis et vini cele-bratur, ut in *Littera (9)* dicitur. Sed ad speciem panis nihil addi-tur. Ergo nec vino aliquid addi debet.

**231. — SED CONTRA** est quod dicit *Alexander Papa (De Consecr. d. 2, cap. « In sacramentorum » ; E. 187, 1731) :* « *In sacramentorum oblationibus panis tantum et vinum aqua permixtum offerantur.* » Ergo debet admisceri aqua.

**232. — Præterea.** Materia sacramenti debet competere rei significatæ. Sed populus significatur per aquam, qui ad corpus mysticum pertinet, quod est res ultima hujus sacramenti. Ergo aqua debet apponi.

## [H]

[111, q. 74, a. 7; 1 ad Cor. c. 11, l. 6.]

**233. — ULTERIUS.** Videtur quod absque ea non possit SANGUIS CONSECRARI.

1. **Cyprianus** enim dicit (**10 a**). « *Calix Domini non potest esse aqua sola et vinum solum nisi ulrumque misceatur, quo modol nec corpus Domini farina esse potest, nisi utrumque, scilicet farina et aqua, adunatum fuerit.* » Sed constat quod ex farina sine aqua nullo modo potest corpus Christi consecrari. Ergo nec ex vino sine aqua.

2. **Præterea.** Significatio est de essentia sacramenti. Sed aqua significat aliquid quod est principale in sacramento, scilicet uqionem corporis mystici ad caput. Ergo aqua est de necessitate hujus sacramenti, ut sine ea confici non possit.

3. **Præterea.** Hoc sacramentum est memoriale dominicæ passionis. Sed ex latere Homini patientis non solum fluxit sanguis sed aqua. Ergo ex vino sine aqua sacramentum hoc confici non potest.

· **234. — SED CONTRA.** Graeci non apponunt aquam, ut **Magister** (**10 a**) dicit, sed tamen conficiunt. Ergo sine aquae admixtione confici potest hoc<sup>2</sup> sacramentum.

**235. — Præterea.** Nihil est de substantia sacramenti quod non manet in sacramento. Sed aqua non manet in propria specie in sacramento. Ergo non est de substantia sacramenti.

## [III]

[III, q. 74, a. 7; 1 ad Cor., c. 11, l. 6.]

**236. — ULTERIUS.** Videtur QUOD DEBEAT AQUA ARTIFICIALIS APPONI.

1. Quia sacramentum dicitur esse uniforme. Sed ex parte corporis est aliquid artificiale, scilicet panis. Ergo et<sup>3</sup> ex parte sanguinis debet esse aqua artificialis.

2. **Præterea.** Si panis ex aqua artificiali, ut rosacea, conficeretur, posset ex eo corpus Christi consecrari. Ergo similiter potest apponi in vino aqua artificialis.

**237. — SED CONTRA.** Baptismus est sacramentum majoris necessitatis quam eucharistia. Sed in baptismo non potest accipi nisi aqua naturalis, ut supra (d. 3, **112**) dictum est. Ergo nec in eucharistia.

1. Ed. · quoniam ». — 2. η et ed. om. « hoc » contra *αβγδλ*. — 3. Ed. om. « et ».

## [IVj]

[III, q. 74, a. 8; *I ad Cor.*, c. 11, l. 6.]

**238. — ULTERIUS.** Videtur quod debeat in magna QUANTITATE APPONI.

1. Quia quod non est, non potest aliquid significare. Sed quod corruptum est, non est. Cum ergo aqua ponatur ad significandum<sup>1</sup>, videtur quod debeat tantum apponi quod non corrumptur; et ita tantum quantum<sup>2</sup> de vino vel plus, quia vinum est magis activum.

2. **Præterea.** De latere Christi *sicut* sanguis, *ita* et aqua sensibilibiter fluxit. Sed si parum de aqua poneretur, non posset sentiri. Ergo debet in majori quantitate apponi.

3. **Præterea.** Si sufficit in parva quantitate aquam apponi, eadem ratione sufficeret ad sacramentum, si gutta aquæ in totum dolium projiceretur. Sed hoc videtur ridiculum. Ergo non sufficit quod parva quantitas ponatur.

4. **Præterea.** Quorundam consuetudo esse dicitur in terris ubi non crescit vinum quod pannum vino rubeo intinctum et siccatum aqua lavent; de qua cum ruborem vini acceperit, sanguinem Christi efficiunt. Ergo videtur quod aqua in magna quantitate possit apponi.

**239. — SED CONTRA.** « *Illud<sup>3</sup> quod est ex duobus, neutrum illorum esi* », ut Damascenus dicit, in Tertio<sup>4</sup> (de *Fide Orlh.*, c. 3; G. 94, 987). Sed si magna quantitas aquæ apponeretur, esset quædam mixtio. Ergo non esset vinum. Et ita non posset inde sanguis Christi confici.

**240. — Præterea.** Oportet quod aqua consumatur a vino ad hoc quod ex parte sanguinis sit tantum una species, sicut ex parte corporis. Sed non posset consumi, si aqua in magna quantitate poneretur. Ergo non debet in magna quantitate poni.

**241. RESPONSIO.** Dicendum **AD PRIMAM QUÆSTIONEM** quod **aqua debet apponi vino propter institutionem**; quia *Dominus apposuisse probabiliter creditur ex more illius patriæ*; quia vinum ibi nunquam sine aqua bibitur propter vini fortitudinem quamvis de aqua in Evangelio mentio non fiat, quia non est principalis materia in hoc sacramento.

1. Ed. *ad.* « ut dicitur »,  $\beta$  « dicitur ». — 2. *a* « et ita quantum de aqua tantum de vino vel plus quia vinum est magis acutum »;  $\beta$  « et ita quantum tantum de vino vel plus quia vinum est magis activum »;  $\delta$  « et ita tantum de aqua debet apponi quantum de vino vel plus quia vinum est magis activum »;  $\epsilon$  « et ita tantum quantum de vino vel plus quia vinum est magis activum »;  $\zeta\eta$  « et ita quantum tantum de vino... » sed  $\eta$  expungit « tantum »  $\epsilon\zeta\iota\kappa$  « acturum », loco « activum ». — 3.  $\alpha$  « id ». — 4. Ed. *om.* « in tertio ».

**242. — Sed ejus appositio competit huic sacramento** et quantum ad representationem passionis Christi et quantum ad significationem rei hujus sacramenti, quæ est corpus mysticum per aquam significatum, quia « aquæ multæ populi multi », Apocal. XVII, 15.

**243. — Et sic appositio aquæ ad vinum significat unionem membrorum ad caput ratione ipsius conjunctionis ; et amorem capitibus patientis pro membris ad ipsa**, ex hoc quod ex duobus conjunctis unum efficitur ; et processum redemptionis a capite ad membra, ex ipsa transformatione aquæ in vinum.

**244. — Unde dicit Glossa Marc, xiv, 22, super illud : « Accipit Jesus panem etc. » (L. 114,231) : « Neque aqua solum neque vinum solum cuilibet licet offerre, ne videatur caput a membris secernere, vel Christum sine nostræ redemptionis amore pati potuisse, vel nos sine illius passione salvari. »**

**245. — AD PRIMUM** ergo dicendum quod, sicut dicit Gregorius in *Moral*, (lib. V, c. 21; L. 75,701), « quia natura uniuscujusque ex diversitate componitur, in sacro eloquio per rem quamlibet recte diversa significantur. »

Aqua ergo secundum quod habet vim abluendi, significatio ejus competit baptismo ; secundum autem quod continue in terram decurrit, habet significare populum : II Reg., xiv, 14 : « Omnes morimur, et quasi aquæ dilabimur; » et sic ejus significatio competit huic sacramento.

**246. — Ad secundum** dicendum quod de aqua apposita est duplex opinio.

Quidam enim dicunt quod aqua manet in sua natura et solum vinum transsubstantiatur. Unde aqua non apponitur ibi nisi ad significationem.

**247. — Alii vero dicunt quod aqua apposita in vinum convertitur, et sic totum in sanguinem Christi transsubstantiatur.**

**248. — Quæcumque autem harum opinionum sit vera, aqua non erit materia hujus sacramenti ;** quia secundum primam non convertitur in corpus vel sanguinem Christi ; secundum secundam non manet in propria specie sed vini.

**249. — Secunda tamen opinio verior apparet, et secundum rationem naturalem,** quia modica aqua vino admixta, quod est magis activum, a vino corrumpitur et in speciem vini transit ; et quantum ad ritum sacramenti, quia si aqua in propria natura remaneret, sic calix consecratus non esset tantum potus spiritalis sed etiam corporaliter ; et ita non liceret post primam sumpcionem sanguinis iterum sumere.

1. a « vero ». — 2. Ed. om. « opinio ».

**250.** — **Ad tertium** dicendum quod aqua apponitur pani in ipsa sua confectione; et ideo non est necesse ut postea apponatur<sup>1</sup>.

*Vel dicendum* quod effectus redemptionis a capite pervenit ad membra per sanguinis effusionem. *El ideo magis apponitur aliquid ad significandum populi unionem ad sanguinem quam ad corpus.*

**251.** — **AD SECUNDAM QUÆSTIONEM** dicendum quod materia proportionatur sacramento ; unde secundum aliquid est de essentia sacramenti.

Dictum est autem supra (d. 8, 15) quod perfectio hujus sacramenti consistit in ipsa consecratione corporis et sanguinis Christi, et non in usu materiae consecratae, sicut est in baptismo et confirmatione.

**252.** — Et ideo ex parte materia? illud tantum est de necessitate sacramenti quod significat<sup>2</sup> corpus et sanguinem Christi, scilicet panis et vinum ; *illud autem quod significat usum et effectum hujus sacramenti, scilicet aqua, non est de necessitate hujus sacramenti.* Unde vinum sine aqua potest consecrari, sed consecrans peccat.

**253.** — **AD PRIMUM** ergo dicendum quod exponendum est verbum Cypriani : « *Non potest* », id est *non debet* ; quia illud possumus quod de jure possumus. Et ideo quantum ad id quod quantum ad id quod fieri potest, quia *aqua est de substantia, panis, non autem de substantia vini.*

**254.** — **Ad secundum** dicendum quod non *significat aqua* aliquid quod sit de substantia hujus sacramenti, ut dictum est, (252) sed *effectum vel usum consequentem.*

**255.** — **Ad tertium** dicendum quod *effusio sanguinis* in passione Christi directe pertinebat ad ipsam passionem, sed *emanatio aquæ magis pertinebat ad effectum ablutionis a peccatis.*

**256.** — **AD TERTIAM QUÆSTIONEM** dicendum quod cum sine aqua possit sanguis consecrari, *quantum ad id quod fieri potest, non referi quæcumque aqua apponatur, dummodo sit talis aqua quæ in vinum converti possit. Sed quantum ad id quod fieri debet, non debet apponi nisi aqua naturalis,* quia illæ aquæ non sunt ejusdem speciei et dicuntur aquæ tequivoce, sicut etiam de vino et de pane dictum est (a. 2, 3).

**257.** — **AD PRIMUM** ergo dicendum quod panis artificialiter<sup>3</sup> factus est *ejusdem speciei* cum illo pane<sup>4</sup> de quo confecit Christus ;

1. *α ad.* « illud ». — 2. *γ ad.* « el ». — 3. *αr/* « artificialis z. — 4. *γ ont.* « pane »

*non autem aqua artificialis cum aqual.* Et ideo non est similis ratio.

**258.** — **Ad secundum** dicendum quod *Quidam* dicunt quod similiter est ex parte panis, quod de pane confecto ex aqua rosacea potest confici corpus Christi, quamvis peccaret scienter ex tali pane conficiens.

**259.** — *Sed probabilius*<sup>1</sup> videtur quod non<sup>3</sup> possit confici; quia panis est principalis materia hujus sacramenti de cujus substantia et compositione est aqua. Et ideo diversificatio aquæ secundum speciem, facit diversitatem speciei<sup>4</sup> in materia sacramenti.

*Sed aqua non esi de substantia vini*, quæ est principalis materia in hoc sacramento.

**260.** — Patet etiam responsio **AD ID QUOD IN OPPOSITUM OBJCITUR**; quia aqua in baptismo est principalis materia. *Ei ideo si aqua alterius speciei apponatur, non servatur debita materia*<sup>5</sup>, et propter hoc non est sacramentum: *sed hic est aliter, ut dictum est (256).*

**261.** — **AD QUARTAM QUÆSTIONEM** dicendum quod, sicut dictum est, (249) aqua apposita vino in vinum convertitur, et sic totum convertitur in sanguinem. Unde non tantum de aqua debet apponi quod vinum in aquam convertatur, vel in aliquod medium per mixtionem. **Et ideo semper tutius est apponere parum**; quia quantumcumque apponatur parum, significatio servatur.

**262.** — **AD PRIMUM** ergo dicendum quod *ex hoc ipso quod in vinum convertitur aqua, habet suam significationem*; quia **nos** in Christum mutamur, non ipse in nos.

**263.** — **Ad secundum** dicendum quod *hoc sacramentum repræsentat Christi passionem quantum ad redemptionem quæ facta est per effusionem sanguinis*; sed baptismus quantum ad ablutionem. Et ideo in baptismo oportet sensibiliter quod aqua maneat, sicut et vinum quod hic sanguini respondet; aqua autem hic apposita a vino absorbetur, sicut nostra mortalitas per virtutem passionis Christi.

**264.** — **Ad tertium** dicendum quod si apponeretur aqua in dolio, non significaret aliquid; et ideo hoc<sup>6</sup> non sulficeret; sed *oportet ut imminente oblatione*<sup>7</sup> *apponatur ad sacramentum perficiendum.*

1. η P. ad. « quæ efluxit cum sanguine de corpore Christi est vadem specie ». — 2. Ed. » probabiliter ». — 3. Ed. odi. « non ». — 4. Ed. « specie ». — 5. γ loco « non servatur debita materia », habet « debita est materia ». — 6. α om. « hoc ». — 7. αβγγ « ablutione » contra € et ed.

**265.** — **Ad quartum** dicendum quod cum illud sit magis aqua rubea quam vinum, *non potest exinde sanguis Christi consecrari*. Unde illa consuetudo damnatur in canone de *Consecr.* d. 2 (cap. 7 « Ium omne » ; L. 187, 1733).

### QU ESTIO III

Deinde quaeritur quomodo Christus hoc sacramento usus sit in ipsa prima sui institutione.

Et circa hoc quaeruntur quatuor.

*Primo*, utrum ipse corpus suum manducaverit.

*Secundo*, utrum Judæ dederit.

*Tertio*, utrum dederit corpus suum passibile vel impassibile.

*Quarto*, utrum si in pixide reservatum fuisset corpus Christi, ibi moreretur.

Sub qua autem forma consecravit, supra d. 8 dictum est.

### ARTICULUS I

[III, q. 81, a. 1 ; q. 84, a. 7, ad 4.]

**266.** — **AD PRIMUM SIC PROCEDITUR.** Videtur quod ipse Christus non manducaverit.

1. Quia de his quæ Dominus fecit<sup>2</sup>, non sunt alia asserenda, nisi quæ nobis in Evangelio narrantur. Sed in Evangelio continetur quod Christus accepit panem in manibus et dedit discipulis suis manducandum. Ergo non debemus asserere quod ipse manducaverit.

2. **Præterea.** Omne quod manducatur in cibum assumitur **Sed** « *assumens non est assumptum* », ut in III lib. d. 5, (32) dictum est. Ergo Christus corpus suum manducare non potuit.

3. **Præterea.** Hoc sacramentum ordinatur ad spiritualem refectionem. Sed ipse spirituali refectione non indigebat. Ergo hoc sacramentum non sumpsit, quia in vacuum<sup>3</sup> accepisset.

4. **Præterea.** Ut supra d. 9(28) dictum est, duplex est modus manducandi, scilicet spiritualis et sacramentalis. Sed Christo non competebat sacramentaliter manducare, cum esset verus comprehensor, et sine velamine figurarum ad rem sacramenti pertingeret ; nec iterum spiritualiter, quia in ipso gratia non augebatur. Ergo ipse non manducavit.

1. γ « unde nulla est consuetudo et ». — 2. οβγδέζηθι, facit », contra κ et ed.—  
3. Ed. « vanum », contra αβγδνη.

**267. — SED CONTRA.** Hieronymus dicit (*ep.* 120, c. 2 ; L. 22, 986) et habetur *De Consecr.* d. 2 (cap. « Nec Moyses » ; L. 187, 1778) : « *Dominus Jesus ipse cum Apostolis conviva ei convivium ; ipse comedens et qui comeditur.* » Ergo ipse corpus suum manducavit.

**268. — Prætereà.** *Sicut Christus instituit baptismum, ita et hoc sacramentum.* Sed ipse baptizatus fuit. Ergo similiter debuit hoc sacramentum assumere.

**269. — RESPONSIO.** Dicendum quod circa hoc est *duplex opinio.*

Quidam enim dicunt quod Christus corpus suum in coena non manducavit, sed tantum manibus accepit ; et nituntur solvere auctoritates SANCITORUM qui contrarium dicunt, quod ipse manducavit et bibit in coena ante consecrationem, sed non corpus suum consecratum.

**270. —** Sed expresse habetur *Ruth*, m, 7, in GLOSSA super illud : « *Cumque comedisset et bibisset etc.*<sup>1</sup> », quod Christus comedit et bibit in coena, cum corporis et sanguinis sui sacramentum discipulis tradidit. Unde quia « *pueri communicaverunt carni et sanguini, et ipse participavit eisdem* » (*Hebr.* ii, 14).

**271. — Et propter hoc communius tenetur quod manducaverit,** secundum quod SANCITI expresse dicere videntur. Unde et ab antiquis versus est factus :

Rex sedet in ccena, turba cinctus duodena :

Se tenet in manibus, se cibatur ipse cibus.

Non autem *manducavit* ut aliquem effectum consequeretur a sacramento, sed *ut aliis manducandi exemplum daret.*

**272. — AD PRIMUM** ergo dicendum quod *in acceptione panis potest* utrumque *intelligi* : scilicet *et acceptio in manibus et manducatio.*

**273. — Ad secundum** dicendum quod Christus sub specie propria quodammodo distat a seipso sub specie sacramenti. Unde nunc in specie propria<sup>3</sup> est in cælo, sed sub specie sacramenti est in altari. *Et secundum hunc modum non est inconveniens quod seipsum assumat.*

**274. — Ad tertium** dicendum quod *illa manducatio* non effiebat *in ipso spiritualem refectionem*, sed *significabat* ; nullus enim adeo perfecte in ipso reficitur, sicut ipsemet.

**275. — Ad quartum** dicendum quod *Christus manducavit*, ut videtur<sup>3</sup>, et *sacramentaliter et spiritualiter.*

1. NP. Lue. XXII in Glo. super illud, « *Desiderio desideravi hoc pascha manducare vobiscum etc.* ». — 2. *γ om.* per *homol.* « quodammodo distat... in specie propria ». — 3. Ed. « dicitur ».

**Sacramentaliter quidem, quia verum corpus suum sub sacramento sumpsit.** Poterat enim in sacramento rem sacramenti inspicere non ex sacramento, ut etiam Deus videt in effectibus causas, sed non ex effectibus.

**276. — Spiritualiter autem, inquantum in re sacramenti spiritualiter delectaretur.** Non tamen hæc spiritualis refectio ex sacramento causabatur, nec augmentabatur. Unde nec spiritualis manducatio erat in eo sicut in aliis, nec sacramentalis.

**277. — Et ideo Quidam dixerunt quod neque sacramentaliter neque spiritualiter manducavit.**

**278. — Quidam quod sacramentaliter, sed non spiritualiter.**

## ARTICULUS II

[I]

[III, q. 81, a. 2; in Mat. c. 26; in Joan. c. 13, l. 3, 4.]

**279. — AD SECUNDUM SIC PROCEDITUR.** Videtur quod Christus corpus suum Judæ non dederit.

1. Ipse enim implevit quod mandavit. Sed mandaverat sanctum non esse canibus dandum. Mat. vii, 6. Ergo ipse non dedit Judæ corpus suum sanctissimum.

2. **Præterea.** Secundum Augustinum (lib. 83. Qq. (cfr. p. 505 q. 3; L. 40, 11), Deus non est causa alicui quod deterior fiat. Sed si Judas corpus Christi sumpsisset, ex hoc factus fuisset deterior, quia sumendo peccasset. Ergo Christus corpus suum ei manducandum non dedit.

3. **Præterea.** Sicut supra d. 91 (181) dictum est, ideo sacerdos debet peccatori dare, quia non est dominus sed dispensator, et reddit quod suum est exigenti. Sed Christus erat dominus sacramenti, nec Judas ibi jus habere poterat, nisi quod Christus sibi daret. Ergo non debuit Judæ corpus tradere.

4. **Præterea.** Dominus dixit quod discipuli bibentes bibitori essent secum illud novum in regno Patris sui, et quod erat eis in remissionem peccatorum (Mat., xxvi, 29, 28). Sed neutrum Judæ competit. Ergo ipse non sumpsit. Et hæc est ratio Hilarii [in Mat., c. 30; L. 9, 1065).

**280. — SED CONTRA** est quod Dionysius dicit, 3 cap. Eccl. Hier. (p. 3, n. 1; G. 3, 427) : « *Symbolorum conditor partitur sanctissima non unimode ei sacreſ concœnanti* », scilicet Judæ. Sanctissima autem dicit corpus et sanguinem suum, ut ibidem patet. Ergo Judæ dedit corpus suum.

**281. — Præterea.** Sine exceptione dicitur Mat. xxvi : « *Accipite omnes et comedite* ». Ergo etiam Judæ dedit.

1. *aby* « d. 10 ». — 2. N. « ipsi ». — 3. Ed. « sacra ».

## [II]

**282. — ULTERIUS.** Videtur QUOD SUB BUCCELLA CORPUS SUUM EI DEDIT.

1. Dicit enim Augustinus (tr. 6 in Joan. n. 15 ; L. 35,1432 ; De Consecr. d. 2, cap. « *Et sancta malis* » ; L. 187, 1763) : « *Non mala erat buccella quæ data est Judæ a Domino. Salutem medicus dedit; sed ille, quia<sup>2</sup> indignus erat, accepit ad perniciem<sup>3</sup>.* » Non autem fuisset indignus, si buccella illa tantum panis fuisset. Ergo illa buccella erat corpus Christi.

2. **Præterea.** Diabolus intrare in hominem est effectus peccati. Sed Joan, xiii, 27, dicitur quod « *post buccellam introivit in eum Satan* ». Ergo accipiendo buccellam, peccavit. Ergo buccella erat corpus Christi.

**283. — SED CONTRA** est quod habetur in Glossa Joan, xiii, 26, super illud : « *Cui intinctum panem porrexit*<sup>4</sup>, etc. » (L. 114, 406).

**284. — RESPONSIO.** Dicendum **AD PRIMAM QUÆSTIONEM** quod secundum Augustinum<sup>5</sup>, **Christus corpus suum in cœna cum aliis discipulis Judæ dedit, ut nobis exemplum daret** quod peccatoribus occultis non essent sacramenta deneganda, et ut omnem occasionem ei auferret male faciendi, quam assumere potuisset, si in aliquo ab aliis discipulis ante apertam malitiam fuisset discretus.

**285. — Hilarius** tamen contrarium dicere videtur. **Sed primum communius tenetur.**

**286. — AD PRIMUM** ergo dicendum quod quamvis Judas in rei veritate canis esset, tamen non in manifesto. *Et ideo noluit eum detegere coram aliis discipulis, ne desperationem incurreret et sic liberius peccaret.*

**287. — Ad secundum** dicendum quod Christus non dedit causam nec occasionem Judæ peccandi, sed peccatum evitandi ex mansuetudinis suæ ostensione ad ipsum ; sed *ipse ex vitali medicina sumpsit periculum mortis.*

**288. — Ad tertium** dicendum quod illa non est sola causa, sed etiam ne peccatorem occultum prodatur.

**289. — Ad quartum** dicendum quod *Judas bibit cum aliis sacramentaliter*, sed non spiritualiter. Unde nec remissionem peccatorum consecutus est, nec in regno Patris<sup>6</sup> secum<sup>7</sup> bibit, quia potus ille tantum spiritualiter bibentibus debetur.

1. a « erat ». — 2. α « qui ». — 3. aeq « perniciem ». — 4. Ed. « porretero », β etiam sic correxit. — 5. N. dicit elici posse ex ep. 4A, c. 5 ; L. 33, 178 ; et ex tr. 62 in Joan., n. 3 ; L. 34 1802. — 6 α ad. « sui ». — 7. « cum ipsis ».

**290.** — **AD SECUNDAM QUÆSTIONEM** dicendum quod **Christus primo Judæ dedit corpus suum cum aliis discipulis ; sed postea buccella** intincta in ostensionem prodicionis ejus ei porrecta, *purus panis fuit*, sicut patet ex **Glossa** inducta.

**291.** — **AD PRIMUM** ergo dicendum quod **Augustinus loquitur** non de buccella intincta, sed *de eo quod prius cum aliis discipulis acceperat*.

**292.** — **Vel dicendum** quod dicitur ad perniciem<sup>1</sup> assumpsisse, quia quod Christus ad salutem suam fecerat porrigendo buccellam, ut videns se deprehensum, ab iniquo proposito desisteret, *sed ille ex hoc magis exasperatus fuit*.

**293.** — **Ad secundum** dicendum quod *in comestione buccellæ inlinclæ, peccatum Judæ augmentatum fuit vel ex hoc quod exasperatus est magis, vel propter præsumptionem qua cum Magistro in catinum manum mittebat, ut audacia bonam conscientiam mentiretur*, ut dicitur [**Mat.** xxvi3, 23], super illud : « *Qui intingit manum mecum* etc. ». Et ratione hujus augmenti dicitur diabolus post buccellam in eum intrasse ; jam enim præmissum erat in Evangelio quod diabolus immiserat in cor<sup>5</sup> Simonis Scariothis<sup>6</sup>, ut traderet eum.

### ARTICULUS III

[III, q. 81, a. 3.]

**294.** — **AD TERTIUM SIC PROCEDITUR.** Videtur quod Christus in cœna discipulis suis corpus impassibile dedit.

1. Quia super illud **Mat.** xvii, 2. « *Transfiguratus est ante eos* », dicit **Glossa** (L. 114,143) : « *Illud corpus quod habuit per naturam, dedit discipulis in cœna, non mortale et corruptibile.* »

2. **Præterea.** **Lev.** n, 57, super illud : « *Si oblatio tua fuerit de sartagine* etc. », dicit **Glossa**. « *Crux super omnia fortis carnem Christi quæ ante passionem non videbatur esui apta, post aptam fecit.* » Sed Christus in cœna dedit carnem suam ut aptam ad manducandum. Ergo dedit eam talem<sup>8</sup> qualis fuit post passionem. Sed post passionem suam fuit impassibilis. Ergo dedit corpus suum impassibile.

3. **Præterea.** Passibile trahitur ad naturam agentis. Sed<sup>9</sup> Christus in cœna dedit corpus suum in cibum, non qui in alios mutaretur, sed qui alios in se mutaret. Ergo non dedit corpus suum passibile.

4. **Præterea.** Omne corpus passibile ex contactu patitur. Se<J

1. a « pernicionem ». — 2. Ed. om. « sed ». — 3. a,βγ<sup>α</sup>ζζτ] « Marci xiv ». — 4. a « in paropside ». — 5. Ed. ad. « Judæ ». — 6. Ed. « Scarioth ». — 7. a ad. « dicitur ». — 8. a om. « talem ». — 9. a om. « sed ».

corpus Christi a discipulis manducatum non lædebatur. Ergo non erat passibile.

**295. — SED CONTRA.** Innocentius dicit (lib. IV de Sacro Alt. Mysi. c. 12; L. 217,866) : « *Tale corpus tunc dedit quale habuit, scilicet passibile.* »

**296. — Praeterea.** Constat quod Christus discipulis verum corpus suum tradidit. Sed corpus suum verum erat passibile. Si ergo corpus datum erat impassibile, idem erat passibile et impassibile : quod non est possibile.

**297. — RESPONSIO.** Dicendum quod circa hoc *duplex fuit opinio.*

Hugo enim de S. Victore voluit (*II de Sacramentis*2, p. 8, c. 3 ; L. 176,462) quod Christus adhuc existens in carne mortali quandoque unam dotem, quandoque aliam legitur accepisse : sicut claritatem in transfiguratione, subtilitatem in nativitate, agilitatem quando super mare ambulavit ; et similiter impassibilitatem quando corpus suum in cœna dedit. Non quidem nec tunc8 simpliciter erat impassibile, sed erat impassibile secundum quod in sacramento dabatur, quia masticatione non lædebatur : sicut etiam in se erat visibile4 ; sed secundum quod in sacramento dabatur, erat invisibile.

**298. — Sed istud non potest stare ;** quia substantia corporis Christi eadem est in sacramento et in specie propria ; sed comparatione5 ejus ad exteriora non est eadem ; quia in specie propria comparatur ad exteriora secundum situm propriarum dimensionum, sed in sacramento secundum situm dimensionum panis.

**299. —** Unde illæ proprietates quæ insunt absolute corpori Christi, oportet quod eodem modo insint sibi8 secundum quod est in sacramento et secundum quod est in specie propria ; sed illæ quæ conveniunt ei ex comparatione ad aliud corpus extra, non eodem modo, sicut patet de visione.

**300. —** Sed passibilitas est proprietas absoluta ipsius corporis. Unde cum in propria specie esset passibile, **et in sacramento passibile** erat, ut Alii dicunt, *quamvis ibi non pateretur.*

**301. — AD PRIMUM** ergo dicendum quod dicitur *corpus Christi* in sacramento non mortale, non passibile, quia *per sacramentalem sumptionem non patiebatur neque moriebatur.*

**302. — Ad secundum** dicendum quod caro Christi non est apta esui nisi prout est sub sacramento ; et quia *sacramentum*

1. Ed. « Corpus autem ». — 2. Habetur in dicto ioco quoad sensum. — 3. N. « non quod tunc ». — 4. α « sicut — post manu ad. « non » — erat in se invisibile », β. « sicut etiam in se erat invisibile », γδεζη sicut ed. — 5. Ed. « comparatio ». — 6. N. « in se ».

*hoc est repræsentativum passionis Christi, ideo dicitur<sup>2</sup> quod crux fecit eam esui aptam.*

**303.** — **Ad tertium** dicendum quod non ratione passibilitatis, sed virtute Divinitatis unitæ habebat corpus Christi quod alios in se converteret.

**304.** — **Ad quartum** dicendum quod masticatio importat respectum corporis Christi ad aliud extra. Et ideo quantum ad hoc non comparatur ad manducantem secundum dimensiones proprias, sed secundum dimensiones panis. *Et inde est quod nunc non lædilur per masticationem, nisi ratione impassibilitatis quæ in ipso corpore nunc est.*

#### ARTICULUS IV

##### [I]

[*Supra, d. 10, 39; III, q. 31, a. 4; IV Cg., c. Qi; Quodl. V, q. 6, a. 1, ad 1; in Joan. 1. 6; I ad Cor., c. 11, l. 6.*]

**305.** — **AD QUARTUM SIC PROCEDITUR.** Videtur quod corpus Christi, si fuisset in pixide servatum, non ibi MORERETUR.

1. Corpus enim Christi non est mortuum nisi crucifixione. Sed ibi non crucifigebatur. Ergo et ibi non moriebatur<sup>3</sup>.

2. **Præterea.** Actio Judæorum erat causa mortis Christi et sanguinis effusio. Sed ibi non effudisset sanguinem, nec actio Judæorum ibi fuisset. Ergo non fuisset ibi mortuum.

**306.** — **SED CONTRA.** Unum et idem corpus fuisset tunc in pixide et in cruce. Sed in cruce moriebatur. Ergo et in pixide.

##### [II]

[*Supra, d. 10, 39.*]

**307.** — **ULTERIUS.** Videtur quod si post mortem Christi aliquis Apostolorum confecisset hoc sacramentum quod<sup>4</sup> FUISSET IBI ANIMA CHRISTI.

1. Fuisset enim ibi perfectum sacramentum. Sed de perfectione sacramenti est non solum corpus, sed etiam anima; quia totus Christus in sacramento continetur. Ergo fuisset ibi anima.

2. **Præterea.** Verba formæ non fuissent tunc minoris virtutis quam modo. Sed modo ex vi formæ conficitur corpus cum anima. Ergo etc.

**308.** — **SED CONTRA.** Corpus Christi non est perfectius sub

1. *om.* « hoc ». — 2. *y* « dicit ». — 3. *N.* « crucifigeretur .. moreretur ». — 4. *Ed. om.* « quod ».

specie sacramenti quam sub specie propria. Sed tunc corpus Christi erat exanime. Ergo et sub sacramento.

### [III]

**309. — ULTERIUS.** Videtur quod Deus facere potuerit QUOD TUNC ANIMA ESSET CORPORI CHRISTI IN SACRAMENTO EXISTENTI UNITA.

1. Anima enim Christi majorem convenientiam habebat ad corpus proprium quam ad infernum. Sed anima separata a corpore Christi jacente in sepulcro fuit in inferno. Ergo similiter potuisset esse in loco illo ubi corpus Christi sub sacramento conservabatur.

2. **Prætereal'** Corpus Christi, quia<sup>2</sup> est Divinitati adjunctum, potest esse in sacramento et in specie propria. Ergo et anima, cum sit Divinitati unita, poterat esse simul in inferno et in corpore Christi sub sacramento.

**310. — SED CONTRA.** Ex hoc sequeretur quod duo<sup>3</sup> contradictoria essent simul vera, si corpus Christi<sup>4</sup> esset simul animatum et inanimatum. Sed hoc Deus facere non potest, ut Augustinus dicit *contra Faustum* (lib. xxvi, c. 5 ; L. 42, 481). Ergo nec primum.

**311. — RESPONSIO.** Dicendum **AD PRIMAM QUÆSTIONEM** quod *omnia verba quæ significant passionem ab extrinseco illatam, non possunt attribui corpori Christi prout est sub sacramento* : cujus ratio ex dictis apparet.

**Unde non potest dici quod in pixide crucifigeretur vel verberaretur vel aliquid hujusmodi.**

Nec ex hoc sequitur quod duo contradictoria sunt simul vera, quia non secundum idem comparatur ad extra corpus Christi hic et ibi.

**312. —** *Omnia enim<sup>6</sup> verba quæ significant passionem innatam, conveniunt ei, ut dolet, patitur et cetera hujusmodi.* Et similiter potest dici quod in altari moritur, unde versus :

— Pixide servato poteris copulare' dolorem  
Innatum ; sed non illatus convenit illi.

**313. — AD PRIMUM** ergo dicendum quod passiones extnnsecæ pertingunt ad substantiam corporis Christi mediantibus dimensionibus propriis, non autem mediantibus dimensionibus

1. aN. « Et prætereal' ». — 2. ε « quod », ed. « qui ». — 3. Ed. om. « duo ». — 4. α om. « Christi ». — 5. Ed. « autem ». — 6. III P. q. 81, a. 4 « sociare », quod • hic sponte ponit η et ed. », propter mensuram versus.

panis<sup>1</sup>. Et ideo propter impressiones extrinsecas quæ ad species panis pertinent, nulla passio intrinseca corpori Christi attribuitur; sed propter impressiones extrinsecas ad dimensiones proprias pertinentes attribuuntur passionibus corpori Christi, et extrinsecæ sub specie propria tantum, et intrinsecæ etiam sub specie aliena. *Et ideo propter crucifixionem in Calvaria loco faciam, corpus Christi<sup>3</sup> servatum moriebatur sub specie propria et sub sacramento.*

**314.** — Et per hoc patet solutio **ad secundum**; quia *actio Judæorum extrinseca erat*; fluxus etiam<sup>4</sup> sanguinis ad motum localem pertinet, et sic importat ordinem ad aliquid extra.

**315.** — **AD SECUNDAM QUÆSTIONEM** dicendum quod cum animatio sit proprietas intrinseca, constat quod *sicut* corpus Christi in propria specie erat exanime, *ita* sub sacramento. **Unde si corpus Christi fuisset ab ullo discipulorum consecratum, non fuisset ibi anima.**

**316.** — *Quidam* autem dicunt quod forma fuit suspensa in illo triduo, et quod si primo consecratum fuisset reservatum, desineret ibi esse Christo mortuo.

**Sed hæc frivola sunt**; quia nec ratione nec auctoritate confirmantur.

**317.** — **AD PRIMUM** ergo dicendum quod, sicut supra d. 105 (38) dictum est, *anima non est ibi ex vi sacramenti, sed propter concomitantiam ad corpus*. Et ideo corpore sine anima existente, nihil deperit perfectioni sacramenti, si anima ibi non contineatur.

**318.** — **Ad secundum** dicendum quod *hoc non est* propter defectum virtutis verborum, sed *propter diversam dispositionem corporis Christi*.

**319.** — **AD TERTIAM QUÆSTIONEM** dicendum quod Deus bene poterat facere quod anima Christi a corpore separata jacente in sepulchro, esset in loco ubi erat corpus sub sacramento, quia hoc importat respectum ad extra; sed non quod esset ei unita sub sacramento sicut forma, quia hoc pertinet ad dispositionem interiorem. **Unde inevitabiliter sequeretur duo contradictoria esse simul.**

**320.** — **AD PRIMUM** ergo dicendum quod *ratio illa non concludit<sup>6</sup>, nisi quod esset ibi sicut in loco*, et hoc Deus bene potuit facere.

1. *η om.* per *homot.* « propriis... dimensionibus »; *ed. om.* « non autem mediantibus dimensionibus panis » contra *a/tySe.* — 2. *γ* « calvario ». — 3. *Ed. ad.* « verum ». — 4. *γ* « enim ». — 5. *Ed. om.* « d. 10 ». — 6. *γ* « excludit ».

**321.** — Et similiter etiam dicendum **ad secundum**. Tamen non est hæc causa quare corpus Christi potest esse aliquo modo in diversis locis, quia est Divinitati unitum ; sed *ratione conversionis alterius corporis in ipsum*, fecit quæ non fit in animam.

## EXPOSITIO' TEXTUS

**322.** — « De materia de qua in conceptione » **(4)**. Patet quod ex æquivocatione hujus præpositionis *de* procedunt ; quia cum dicitur : « *De pane fit corpus Christi* », *li de* non denotat habitudinem causæ materialis, sed solum ordinem terminorum mutationis.

**323.** — Investigari salubriter non potest » **(4a)**, scilicet ut aliquis comprehendere nitatur ; quia præsumptuosum est et periculosum, dum aliquis non vult plus ibi<sup>®</sup> credere quam ratione videre<sup>8</sup> potest ; sed investigare pro defensione fidei, utile est.

**324.** — « Quis fidelium habere dubium possit etc. » **(7a)**. Dicuntur *coeli aperiri* in ipsa immolationis hora propter efficaciam divinæ virtutis quæ operatur in sacramento ; *summa imis sociari*, quia ex speciebus et corpore Christi fit unum sacramentum ; *et Herum membra capiti uniuntur*; *et iterum in cælum rapitur corpus Christi*, in quantum fidelium devotio non sistit in specie sacramenti, sed fertur usque ad Christum, secundum quod est in cælo sub specie propria, per desiderium.

**325.** — « Vinum operatur sanguinem, in quo est sedes animæ. » **(9a)**. Hoc potest intelligi *tripliciter*. *Uno modo* ut sedes animæ dicatur conservatio vitæ quæ est per sanguinem. *Alio modo* quia sanguis est potentia totum, quia per actum virtutis nutritivæ in membra convertitur. *Tertio modo* quia per sanguinem in corde generatum vitalis operatio, in omnia membra diffunditur, ut *Philosophus* in *lib. de Animal*, dicit *ihistor. γ 19. 521a, 9-10*).

**326.** — « Caro pro corpore vestro offertur etc<sup>4</sup>. » **(9b)** hoc intelligendum est per quamdam adaptationem<sup>5</sup> de salute corporis, quæ erit per gloriam resurrectionis, ad quam hoc sacramentum operatur.

**327.** — *a* Nec<sup>6</sup> iterari sacramentum » **(9e)**, quantum ad id quod est principale in hoc sacramento, scilicet consecratio materiæ, quamvis iteretur quantum ad usum.

**328.** — « Ut mixtio illa non possit separari. » **(10a)**.

**Sed contra.** Alchimistæ dicunt quod per immissionem junci decorticati potest separari.

**Et dicendum** quod a vino aufertur substantia quæ ibi est, propter similitudinem junci quod etiam porosum<sup>7</sup> est ; non

1. *K* et ed. « factæ », contra *αβγ&ιζηθικ*. — 2. Ed. *om.* « ibi ». — 3. Ed. *videri*. — 4. Ed. *om.* « etc. ». — 5. *αη* « adoptionem », *βγ* « aptationem » *ζ* « adaptationem »\* *K* « adoptionem ». — 6. Ed. *ad.* « debet ». — 7. *a* « ponderosum ».

tamen illa aqua quæ fuit apposita, separatur, quia jam facta est vinum.

**329.** — « Nobis vero non potest ignosci » (**10b**), idest, peccatum nostrum non haberet in se causam veniæ, cum non ex ignorantia procederet.

**330.** — « Aqua vero nullatenus etc. » (**10c**). Si autem per errorem contingat ut aqua loco vini ponatur, si *ante consecrationem* vini percipiat, debet aquam effundere et vinum imponere.

Si *autem post*, debet incipere consecrationem vini, alio vino super infuso, contritione de negligentia præhabita ; vel etiam a capite Canonem inchoare super aliam hostiam<sup>3</sup>, hostia prius consecrata posita seorsum, ut *Innocentius* dicit (lib. IV *de sacro Ali. Mgst.*, c. 22 ; L. 217, 872).

1. Ed. *om.* « etc. ». — 2. α « quod ». — 3. Ed. - alia hostia ».

## DISTINCTIO XII

### Ubi illa accidentia fundentur

1. — « *Si auteml quæritur de accidentibus quæ remanent, idestl de speciebus et sapore et pondere, in quo subjecto fundentur, potius mihi videtur fatendum existere sine subjecto quam esse in subjecto ; quia ibi non est substantia nisi corporis et sanguinis dominici, quæ non afficitur illis accidentibus. Non enim corpus Christi talem habet in se formam, sed qualis in iudicio apparebit. Remanent ergo illa accidentia per se subsistentia ad mysterii ritum, ad gustus fideique suffragium, quibus corpus Christi, habens formam et naturam suam, tegitur* ». (Sum. Sent. tr. 6, c. 4 ; L. 176, 141.)

### De fractione et partitione

2. — Solet etiam quæri de fractione et partitione quæ ibi videtur fieri, utrum vera sit ; et si vera fractio est, cujus rei sit, vel in qua re fiat. Cumque non sit ibi alia substantia quam Christi, si in aliqua substantia est illa fractio, in corpore Christi videtur esse.

Sed e contra, cum ipsum corpus incorruptibile sit, quia immortale et impassibile, in Christo non posse esse videtur. Nam et Christus (Joan., vi, C2) redarguit carnalem sensum discipulorum qui putabant carnem Christi, sicut aliam in partes dividendam et morsibus dilacerandam.

3. — Ideo Quibusdam placet quod non sit ibi fractio, sicut videtur ; sed dicitur frangi, quia videtur frangi.

Quibus objicitur quod ait Ambr osius (L. 17, 242) : « *Nihil falsi putandum est in sacrificio veritatis, vel sicut fit in magorum praestigiis, ubi delusione quadam falluntur oculi, ut videant esse quod non est.* »

a. — Ad hoc illi dicunt : Non fallit nos visus, nec fallitur : quod esset, si crederetur ita frangi, ut videtur. Nec illusio est, quia ad utilitatem fidei, non ad deceptionem ita fit : sicut et Christus se ostendit duobus discipulis in via in specie peregrini (Luc., xxiv, 16) nec in eo tamen talis forma erat, sed « *oculi eorum tenebantur, ne eum agnoscerent* ».

### Aliorum opinio

4. — Alii vero dicunt quod sicut ibi species panis est, et non est ibi res cujus vel in qua sit illa species, ita ibi est fractio quæ non fit in aliqua re, quia nihil ibi frangitur : quod mirabiliter Dei potentia fieri dicunt, ut fiat fractio ubi nihil frangitur.

### Aliorum opinio

5. — Alii tradunt corpus Christi essentialiter frangi et dividi ; et tamen integrum et incorruptibile existere.

a. — Quod se colligere asserunt ex confessione Berengarii qui confessus est coram Nicolao Papa et pluribus Episcopis (Ivo Decret, p. 2,

1. Quar. « vero ». — 2. Quar. « scilicet ». — 3. Quar. « ipso ». — 4. F. « moribus ; Quar. « lacerandam ». — 5. Quar. « quod ». — 6. Ed. om. « et ».

c. 10 ; *I Pan.* c. 126 ; L. 161, 160, 1072) « *panem et vinum quæ in altari ponuntur, post consecrationem non solum sacramentum, sed etiam verum corpus et sanguinem Christi esse ; et sensualiter non solum sacramento, sed in veritate manibus sacerdotum tractari et frangi et fidelium dentibus atteri.* »

S e n t e n t i a   p r o b a b i l i o r

**6.** — Sed quia corpus Christi incorruptibile est, sane dici potest fractio illa et partitio non in substantia corporis, sed in ipsa forma panis sacramentalis! fieri ut vera fractio et partitio sit ibi, quæ fit non in substantia corporis, sed in sacramento, idest in specie.

**7.** — Ne autem mireris vel insultes, si accidentia videantur frangi, cum ibi sint sine subjecto, licet Quidam asserant ea fundari in aere. Est enim ibi vera fractio et partitio quæ fit in pane, idest in forma panis — unde Apostolus ait (*I Cor.*, x, 16) « *Panis quem frangimus* — quia forma panis ibi frangitur et in partes divitur, Christus vero integer manet et totus est in singulis.

Unde Augustinus (*De consecr.*, d. 2, cap. « *Invitat* » ; L. 187, 1766) : « *Quando Christus manducatur, vita manducatur. Sed quis audeat manducare Dominum suum ? Et tamen Veritas invitans nos ad manducandum ait* (Joan., vi, 58) : « *Qui manducat me, vivet propter me.* » « *Nec occiditur Christus ut manducetur ; sed mortuos vivificat quando manducatur. Reficit, non deficit ; vivit manducatus, qui surrexit occisus. Nec quando manducamus, partes de illo facimus, et quidem in sacramento sic fit* ».

**a.** — Item (ubi supra, c. « *Qui manducant* » ; L. 187, 1760) : « *Norunt fideles quomodo manducant carnem Christi. Unusquisque accipit partem suam ; unde et ipsa gratia partes vocantur. Per partes manducatur, et manet integer totus ; per partes manducatur in sacramento, et manet integer totus in cælo, manet integer totus in corde tuo.* »

« *Ideo ista dicuntur sacramenta, quia in eis aliud videtur et aliud intelligitur.* » Videtur panis et calix, quod et oculi renuntiant ; quod autem fides instruenda postulat, panis est corpus Christi, calix est sanguis.

Ex his satis datur intelligi quod fractio et partes quæ ibi videntur fieri, in sacramento fiunt, idest in specie visibili. Ideoque illa Berengarii verba ita distinguenda sunt, ut « *sensualiter non modo in sacramento, sed in veritate dicatur corpus Christi tractari manibus sacerdotum ; frangi vero et atteri dentibus* », vere quidem, sed in sacramento tantum. Vera ergo est ibi attritio et partitio, sed in singulis partibus totus est Christus.

Unde Hieronymus (*De consecr.*, d. 2, cap. « *Singuli* » ; L. 187, 1772) « *Singuli accipiunt Christum Dominum, in singulis portionibus totus est nec per singulos minuitur, sed integrum se præbet in singulis.*

**b.** — Item Hilarius (*De consecr.*, d. 2, cap. « *Ubi pars* » ; L. 187, 1773) : « *Ubi pars est corporis, ibi est et totum* ».

Q u i d   i l l æ   p a r t e s   s i g n i f i c e n t

**8.** — Quid autem partes illæ significant, Sergius Papa tradit, inquit (*De Consecr.*, d. 2, cap. « *Triforme* » ; L. 187, 1740) : « *Triforme est corpus Christi. Pars ablata in calicem missa corpus Christi quod jam surrexit, monstrat ; pars comesta, ambulans adhuc super terram ; pars in altari usque ad finem missæ remanens corpus jacens in sepulcro significat, quia usque in finem sæculi corpora sanctorum in sepulcris erunt.* »

1. Ed. « sacramentalis », — 2. Quar. om. « Veritas », — 3. Quar. « surrexit ». — 4. Ed. « sit ». — 5. F. ad. « autem ». — 6. Ed. om. « satis ». — 7. Quar. « igitur ». — 8. Quar. om. « ibi ». — 9. Quar. « oblata ». — 10. Quar. om. « significat ».

Et sicut partes illæ mysticam tenent significationem, ita etiam et fractio, passionis Christi et mortis est repræsentatio.

Unde ipse ait (Luc., χχii, 19) : « *Hoc facite in meam commemorationem* », idest in memoriam passionis et mortis meæ.

Nam, ut ait Ambrosius (in *I ad Cor.*, xi, 26 ; L. 17, 256), « *quia in nomine Christi liberati sumus, hujus in edendo et bibendo carnem et sanguinem memores esse debemus.* »

a. — Sed caveat quisque ne indigne percipiat, quia « *judicium manducatur* ». « *Non est enim iste panis qui vadit in corpus, sed panis vitæ æternæ qui animæ nostræ substantiam fulcit.* » (V. de Sacr., c. i, n. 24 ; L. 16, 444) « *Sic ergo vive ut quotidie merearis accipere* » (ibid. η. 25) Nec accedas indignus. « *Indignus est qui aliter celebrat mysterium quam Christus tradidit* » (in *I ad Cor.*, xi, 27), vel qui habens mortale peccatum accedit. « *Ergo etsi peccata quotidiana vel non sint mortifera, antequam accedas, dimitte debitoribus tuis! Si dimittis, dimittitur tibi, et sic securus accede. Panis enim salutaris est, et non venenum.* » (August, in Joan. tr. 26, n. 11 ; L. 35,1611). Si ita accedis, spiritualiter manducas. « *Spiritualiter enim manducat qui innocentiam ad altare portat.* » (Ivo, decret., p. 2, c. 4 ; L. 161, 137).

### SI CHRISTUS IMMOLATUR IN ALTARI QUOTIDIE ET AN SIT SACRIFICIUM QUOD A SACERDOTE GERITUR

9. — Post hoc quæritur si quod gerit sacerdos, proprie dicatur sacrificium vel immolatio ; et si Christus quotidie immoletur, vel semel tantum immolatus sit.

a. — Ad hoc breviter dici potest illud quod offertur et consecratur a sacerdote, vocari sacrificium et oblationem, quia memoria est et repræsentatio veri sacrificii et sanctæ immolationis factæ in ara crucis. Et semel quidem<sup>2</sup> Christus mortuus in cruce est<sup>3</sup>, ibique immolatus est in semetipso ; quotidie autem immolatur in sacramento, quia in sacramento recordatio fit illius quod factum est semel.

Unde Augustinus (In ps., xxi, cone. 1 ; L. 36, 170) : « *Certum habemus quia « Christus resurgens ex mortuis, jam non moritur » ; et tamen ne obliviscamur quod semel factum est in memoria nostra, omni anno fit, scilicet quoties pascha celebratur. Numquid toties Christus occiditur ? Sed tantum<sup>6</sup> anniversaria recordatio repræsentat quod olim factum est, et sic nos facit moveri tanquam videamus Dominum in cruce.* »

Item (ep. 98, n. 9, L. 33, 363) » *Semel immolatus est Christus in semetipso, et tamen quotidie immolatur in sacramento : quod sic intelligendum est, quia in manifestatione corporis et distinctione membrorum semel tantum in cruce pendit, offerens se Deo Patri hostiam redemptionis efficacem, eorum scilicet<sup>6</sup> quos prædestinavit.* »

b. — Item Ambrosius (De consecr., d. 2, cap. « In Christo » ; L. 187, 1756) : « *In Christo semel oblata est hostia ad salutem potens. Quid ergo nos? Nonne per singulos dies offerimus ? Etsi quotidie offeramus, ad recordationem ejus mortis fit ; et una est hostia, non multæ. Quomodo una et non multæ? Quia semel immolatus est Christus. Hoc autem sacrificium exemplum est illius : idipsum semper ad ipsum<sup>9</sup> offertur. Proinde hoc est sacrificium ; alioquin, quoniam in multis locis offertur, multi sunt Christi ? Non ; sed unus ubique est Christus, et hic plenus existens, et illic plenus, sicut quod ubique offertur, unum est corpus, ita et unum est<sup>6</sup> sacrificium.*

1. Quar. « vestris ; dimittite ». — 2. Quar. om. « quidem ». — 3. Quar. « mortuus est, in cruce scilicet ». — 4. Quar. « nostri ». — 5. Ed. « tamen ». — 6. Quar. om. « Deo, scilicet ». — 7. Ed. « enim ». — 8. Ed. om. « et non multæ ». — 9. Quar. « idipsum ». — 10. Ed. om. « est ».

*Christus hostiam obtulit, ipsam offerimus et nunc ; sed quod nos agimus, recordatio est sacrificii. » « Nec causa tuse infirmitatis repetitur, quia perficit hominem ; sed nostrse, quia quotidie peccamusl. »*

Ex his colligitur esse sacrificium et dici quod agitur in altari ; et Christum semel oblatum et quotidie offerri ; sed aliter tunc, aliter nunc ; et etiam quæ sit virtus hujus sacramenti ostenditur, remissio scilicet peccatorum venialium et perfectio virtutis.

#### De CAUSA INSTITUTIONIS

**10.** — Institutum est<sup>2</sup> hoc sacramentum duabus de causis ; in augmentum virtutis, scilicet caritatis, et in medicinam quotidianæ infirmitatis.

**a.** — Unde **Ambrosius** (lib. IV *De sacramentis*, c. 6, n. 28 ; L. 16, 446) « *Si quoties effunditur sanguis Christi, in remissionem peccatorum effunditur ; debeo semper accipere, ut semper mihi peccata dimittantur<sup>3</sup> ; qui semper pecco, debeo semper habere medicinam. »*

**b.** — Item **Augustinus**<sup>4</sup> : « *Iteratur quotidie hæc oblatio, licet Christus semel sit passus ; quia quotidie peccamus peccatis sine quibus mortalis infirmitas vivere non potest. Et quia quotidie labimur, quotidie Christus mystice immolatur pro nobis. » « Dedit enim nobis hoc sacramentum salutis, ut quia nos quotidie peccamus, et ille jam mori non potest, per hoc sacramentum remissionem consequamur. Quotidie comeditur ipse et bibit in veritate ; sed integer et vivus manet<sup>5</sup>. »*

Item « *mysterium fidei dicitur, quia credere debes quod ibi salus nostra consistit<sup>6</sup>. »*

**11.** — Si autem quærat, utrum quotidie communicandum sit ; audi quid inde tradit **Augustinus** [*De eccles. dogmat.*, c. 53 ; L. 58, 994] : « *Quotidie, inquit, eucharistiam accipere nec laudo nec vitupero ; omnibus tamen dominicis diebus communicandum hortor. Si tamen mens in affectu peccandi est, gravari magis dico eucharistiæ perceptione, quam purificari. Et licet quis peccato mordeatur, si peccandi tamen de cetero non habeat voluntatem, et satisfaciatur lacrymis et orationibus, accedat securus. Sed hoc de illo dico quem mortalia peccata non gravant. »*

« *Si non frequentius, saltem ter in anno homines communicent nisi forte quis criminalibus impediatur ; in Pascha scilicet, Pentecoste et in Natali<sup>6</sup>. » « Omnes ergo<sup>9</sup> communicent qui noluerint carere ecclesiasticis liminibus<sup>10</sup>. »*

#### DIVISIO TEXTUS

**12.** — « Si autem quæritur de accidentibus<sup>11</sup> etc. » (1).

Postquam determinavit **Magister** de uno trium in quibus consistit integritas hujus sacramenti, scilicet de eo quod est res et sacramentum ; in parte ista intendit determinare de aliis

1. Glossa **Lyrani** in ep. ad Hebr. x, 3. — 2. Ed. ad. « enim » non vero ἀφ᾽ ἧ. — 3. *Quar. om.* « ut semper mihi peccata dimittantur ». — 4. **Paschastus** *I de corp. et sang. Dom.* c. 9 ; L. 120. 1293 ; et *De Consecr.* d. 2, c. « Utrum in figura » ; L. 187, 1768. — 5. *Decret. de consecr.* d. 2, c. « Quid sit sanguis », L. 187, 1679. — 6. *Quar. « consistat »*, hic locus invenitur, immediate supra in *Decreto.* — *I. Quar. om.* « in ». — 8. **Ivo** *Decret.* p. 2, c. 27 ; *I Pan.* c. 150 ; L. 161, 167, 1079. — 9. *Quar. « igitur »*. — 10. *Decret. de cons.* d. 2, c. « Peracta consecratione » ; L. 187 1735. — 11. Ed. om. « de accidentibus etc. »

duobus, scilicet *de eo quod est sacramentum tantum et de eo quod est res tantum*.

Unde dividitur in partes *duas*. *In prima* determinat de eo quod est sacramentum tantum ; *in secunda* de effectu sacramenti qui est res tantum, ibi : « Institutum est hoc sacramentum etc. » (10).

*Prima in duas*. *In prima* determinat de accidentibus quæ sunt sacramenta, idest signa utriusque corporis Christi, scilicet veri et mystici. *In secunda* determinat de actu sacerdotis, qui est sacramentum sive signum passionis Christi, ibi : « Post hæc quæritur, si quod gerit etc. » (9).

Circa *primum* duo facit. *Primo* determinat de ipsis accidentibus ; *secundo* de fractione quæ in eis fundatur, ibi : « Solet etiam quæri etc. » (2).

Circa hoc *duo* facit. *Primo* determinat de ipsa fractione ; *secundo* de partium significatione, ibi : « Quid autem partes illæ etc. » (8).

Circa *primum duo* facit. *Primo* movet quæstionem. *Secundo* determinat eam, ibi : « Ideo quibusdam placet, etc. » (3).

Circa quod *quatuor* opiniones ponit. *Secunda* incipit ibi : « Alii vero dicunt etc. » (4) ; *tertia* ibi : « Alii tradunt corpus Christi etc. » (5) ; *quarta* ibi : « Sed quia corpus Christi etc. » (6).

Et circa hoc *duo* facit. *Primo* ponit opinionem quartam. *Secundo* confirmat eam, quia præ ceteris vera est, ibi : « Ne autem tradideris? etc. » (7).

« Institutum est hoc sacramentum etc. » (10). *Hic ponit effectum hujus sacramenti*. Et quia ex effectu rei accipitur usus ejus, ideo circa hoc *duo* facit. *Primo* ponit effectum. *Secundo* determinat utendi modum, ibi : « Si autem quæritur utrum quotidie etc. » (11)

Hic est triplex quæstio.

Prima de accidentibus.

Secunda de effectibus hujus sacramenti.

Tertia de frequentatione ipsius.

## QUÆSTIO I

Circa *primum* quæruntur tria.

*Primo*, utrum accidentia sint hic sine substantia.

*Secundo*, de operatione illorum accidentium.

*Tertio*, de fractione quæ in eis fundatur.

1. Ed. om. « quæ in eis fundatur, ibi ». « Solet etiam quæri etc. ». — 2. Ed. « mireris ».  
— 3. N. « subjecto ».

## ARTICULUS I

[I]

[Z *Seni.*, d. 47, a. 4; III, q. 77, a. 1; III *Cg.* c. 62, 63, 65; *Quodl.* III, a. 1, ad arg.; *Quodl.* IX, q. 3; *Contra Græc. Armen.*, e. 8; in *Mat.* c. 26; Z ad *Cor.* c. 11, l. 5.]

**13. — AD PRIMUM SIC PROCEDITUR.** Videtur quod ACCIDENTIA ESSE SINE SUBSTANTIA DEUS FACERE NON POSSIT.

1. Si enim esse rei separaretur ab ente, ens esset non ens<sup>2</sup>. Sed hoc Deus non potest facere, quia non potest facere quod duo contradictoria sint simul vera<sup>3</sup>. Ergo non potest separare esse rei ab ente. Sed accidentis esse est inesse secundum Philosophum (V *Mela*, δ 30. 1025a, 14; l. 22, 1139). Ergo Deus non potest facere quin accidens insit.

2. **Præterea.** Quicumque separat definitionem a definito, ponit duo contradictoria esse simul vera, quia hoc ipsum quod est homo, est animal rationale mortale; et ita si ponatur esse homo et non esse animal rationale mortale, ponitur esse homo et non esse. Sed definitio accidentis est quod inest substantiæ. Unde etiam in definitione singulorum accidentium oportet quod ponatur substantia. Ergo cum Deus non possit facere contradictoria esse simul<sup>4</sup> vera, neque facere poterit quod accidens sit sine substantia.

3. **Præterea.** Deus non potest facere quod definitio insit alicui et definitum non insit eidem, nec quod inter affirmationem et negationem sit medium. Sed si ponamus accidentia esse sine substantia, oportet alterum dictorum sequi. Ergo Deus non potest hoc facere.

**Probatio mediæ.** Non esse enim<sup>5</sup> in subjecto, sed per se existere, est definitio substantiæ et opponitur contradictorie ei quod est esse in subjecto. Sed si ponamus aliquod accidens non esse in subjecto; vel ponemus quod aliquid sit medium inter esse in subjecto et non esse, vel ponemus quod aliquid sit non ens in subjecto et non sit substantia, quia si est substantia, non est accidens. Ergo si ponamus accidens esse sine<sup>6</sup> subjecto, sequitur alterum duorum: vel quod inter contradictoria sit medium; vel quod definitio separetur a definito: quod iterum implicat contradictoria esse simul vera.

**14. — SED CONTRA** est quod dicitur *Lucæ*, i, 37: « *Non erit impossibile apud Deum omne verbum.* »

**15. — Præterea.** Potest Deus plura facere quam homo possit intelligere vel imaginari. Sed aliqui Philosophi posuerunt

1. α et N. P. « sine subjecto ». — 2. a *cor.* « ens esset ens et non ens ». — 3. α « non potest facere duo contraria esse simul vera ». — 4. N. « simpliciter ». — 5. α « ens ». — 6. F. « simul ».

dimensiones esse sine subjecto, sicut qui posuerunt mathematica separata. Ergo Deus potest hoc facere.

[H]

[*Supra*, d. 11, 30-33; III, q. 75, a. 5; *IV Cg.* c. 62, 63, 65; *Contra græc.*, c. 8; *I ad Cor.* c. 11, l. 5.]

**16. — ULTERIUS.** Videtur quod non sit congruum HUIC SACRAMENTO QUOD ACCIDENTIA SINT SINE SUBSTANTIA.

1. In sacramento enim perfectissimo non congruit esse aliquid quod divinæ ordinationi repugnet. Sed divina ordinatio est quod accidens sit in subjecto. Ergo in hoc sacramento non competit quod sit sine subjecto.

2. **Præterea.** Sacramentum veritatis non decet aliqua fallacia. Sed hoc sacramentum est maximæ veritatis, quia continet illum qui dixit : « *Ego sum veritas* », *Joan.*, xiv, 6. Cum ergo existentibus accidentibus sine subjecto sequatur fallacia, quia accidentia, quantum est in se, significant substantiam propriam subesse, videtur quod non competat huic sacramento accidentia esse sine subjecto.

3. **Præterea.** Materia debet esse formæ proportionata. Sed ex parte formæ sacramenti non competeret quod esset accidens verbi sine essentia verbi. Ergo nec ex parte materiæ competit quod sit accidens elementi sine elemento.

**17. — SED CONTRA.** Accidens subjecto respondet. Sed substantia panis qui prius erat subjectum priorum accidentium, mutata est in alterum statum per hoc quod conversa est in corpus Christi. Ergo et accidentia congruit in alterum statum mutari, ut scilicet sint sine subjecto.

**18. — Præterea.** Hoc sacramentum dicitur « *mysterium fidei* ». Sed fides non solum est supra intellectum, sed etiam supra sensum. Ergo in hoc sacramento non solum debet aliquid esse supra intellectum, sicut quod corpus Christi sub tam parvis panis dimensionibus contineatur; sed etiam supra sensum, scilicet quod accidentibus quæ sensui subjacent, substantia propria non subsit.

[III]

[*Z Sent.* d. 47, a. 4; III, q. 75, a. 5; q. 77, a. 1, 2; *IV Cg.* c. 62, 63, 65, *Quodl. III*, a. 1, ad. arg.; *Quodl. IX*, q. 3; *Contra Græcos*, c. 5; *in Mat.* c. 26; *I ad Cor.*, c. 11, l. 5.]

**19. — ULTERIUS.** Videtur quod accidentia non sint IN HOC SACRAMENTO SINE SUBSTANTIA.

1. Esse enim in substantia æqualiter convenit omnibus accidentibus. Sed albedo non est hic sine subjecto : quod patet ex

hoc quod dividitur per accidens, quod non competit nisi existent! in subjecto. Ergo nec quantitas aut aliquod! accidens est hic sine subjecto.

2. **Præterea.** Illud quod sensus percipit in hoc sacramento, est ibi secundum veritatem ; alias esset fictio in hoc sacramento. Sed sensus non tantum percipit ibi quantitatem aut albedinem, sed etiam quantum et album. Ergo non est ibi accidens sine subjecto.

3. **Præterea.** Accidens non individuatur nisi ex subjecto, sicut nec forma nisi ex materia. Sed accidentia sunt ibi individuata, alia non essent sensibilia. Ergo non sunt sine subjecto.

4. **Præterea.** Omnis forma separata a materia est intellectus in actu, ut a Philosophis probatur. Sed si accidentia sunt hic sine subjecto, erunt quædam formæ sine materia ; non enim habent materiam partem sui. Ergo erunt intellectus in actu : quod falsum apparet.

5. **Præterea.** Quanto aliquid appropinquat ad simplicitatem divinam, tanto est simplicius. Sed si sunt hic! accidentia sine substantia, magis appropinquant ad divinam simplicitatem quam angeli ; quia in angelis est compositio, ad minus ex quo est et quod est ; quæ in his accidentibus inveniri non potest. Ergo erunt nobiliora angelis : quod falsum est.

6. **Præterea.** Impossibile est densitatem esse sine materia neque raritatem, quia hæc est definitio densi, quod multum de materia contineatur sub parvis dimensionibus ; et contraria est definitio rari. Sed tactus percipit in hoc sacramento densitatem. Ergo est ibi materia sub dimensionibus. Ergo dimensiones non per se existunt ; et ita nec alia accidentia.

20. — **SED CONTRA.** Sicut in præcedenti dist. (24) dictum est, ibi non est alia substantia quam corporis Christi. Sed non sunt accidentia quæ apparent in corpore Christi sicut in subjecto, quia non denominant<sup>3</sup> ipsum. Ergo non sunt in subjecto aliquo.

21. — **Præterea.** Species ad hoc remanent in sacramento, ut ducant per significationem in corpus Christi. Sed si essent in aliquo sicut in subjecto, non ducerent in corpus Christi, sed magis in cognitionem sui subjecti. Ergo sunt hic accidentia sine subjecto.

22. — **RESPONSIO.** Dicendum **AD PRIMAM QUÆSTIONEM** quod sicut dicitur prima propositione libri *De causis*, (L 1, ed. *Leihelleux*, p. 193) « *causa prima esi vehemeniioris impressionis supra causatum causæ secundæ quam ipsa causa secunda.* » Unde quando causa secunda removet influentiam suam a causato,

1. N. « aliquid ». — 2. Ed. « hæc ». — 3. F. « determinant ».

adhuc potest remanere influentia causæ primæ in causatum illud : sicut remoto rationali, remanet vivum, quo remoto remanet esse.

23. — Cum ergo causa prima accidentium et omnium existentium Deus sit ; causa autem secunda accidentium sit substantia, quia accidentia ex principiis substantiæ causantur ; poterit Deus accidentia in esse conservare remota tamen causa secunda, scilicet substantia.

**Et ideo absque omni dubitatione dicendum est quod Deus potest facere accidens essel sine subjecto.**

24. — **AD PRIMUM** ergo dicendum quod *inesse* non dicitur esse accidentis absolute, sed *magis modum essendi qui sibi competit ex ordine ad causam proximam sui esse*. Et quia remoto ordine accidentis ad causam proximam, adhuc potest remanere ordo ipsius ad causam primam, secundum quem modus ipsius essendi non est inesse, sed ab alio esse, *ideo potest Deus facere quod sit accidens et non insit* ; nec tamen esse accidentis ab accidente removebitur, sed modus essendi.

25. — **Ad secundum** dicendum quod, sicut probat Avicenna in sua *Meta.*, per se existere non est definitio substantiæ ; quia per hoc non demonstratur quidditas ejus, sed esse ejus. Et sua quidditas non est suum esse ; alias non posset esse genus, quia esse non potest esse commune per modum generis, cum singula contenta in genere differant secundum esse. Sed definitio vel quasi definitio substantiæ est res habens quidditatem, cui acquiritur esse vel debetur non in alio. Et similiter esse in subjecto non est definitio accidentis, sed e contrario *res cui debetur esse in alio*. Et hoc nunquam separatur ab aliquo accidente, nec separari potest ; quia illi rei quæ est accidens, secundum rationem suæ quidditatis, semper debetur esse in alio.

26. — Sed potest esse quod illud quod debetur alicui secundum rationem suæ quidditatis, ei virtute divina agente non conveniat. *Et sic patet quod facere accidens esse sine substantia, non est separare definitionem a definito*. Et si aliquando hoc dicatur definitio accidentis, prædicto modo intelligenda est definitio dicta ; quia aliquando ab auctoribus definitiones ponuntur causa brevitatis non secundum debitum ordinem, sed tanguntur illa ex quibus potest accipi definitio.

27. — **Ad tertium** dicendum quod *sicut* ab accidentibus in hoc sacramento removetur esse in subjecto, *ita* convenit eis *non esse in subjecto*<sup>3</sup>. Unde non ponitur aliquid medium inter affirmationem et negationem. Nec tamen sequitur quod definitio alicui conveniat cui non convenit definitum ; quia non esse in substantia non est definitio substantiæ, ut dictum est, (24) sed

1. Ed. om. « ease ». — 2. Ed. ad. « ut ». — 3. *γom.* per homot. « ita convenit...

habere quidditatem cui tale esse competat. *Et hoc non convenit eis ex ratione suæ quidditatis, sed divina virtute.*

**28. — AD SECUNDAM QUÆSTIONEM** dicendum quod accidentia remanere in hoc sacramento quare congruat supra dictum est, dist. præc. (30-32).

**Sed accidentia esse sine subjecto congruit huic sacramento multipliciter<sup>2</sup>.**

*Primo quantum ad significationem* ; quia species sine substantia existentes expressius ducunt in corpus Christi quod sub eis continetur et immediatius ; si enim subjectum haberent, ducebant immediate in subjectum illud.

**29. — Secundo propter effectum**, qui est unio membrorum ad caput, in quo fit<sup>3</sup> per fidem. Et ideo in hoc sacramento oportet aliquid esse supra naturam, per quod intellectus noster assuescat ad ea quæ sunt fidei credenda.

**30. — Tertio quantum ad usum**, quia est cibus spiritualis. Et ideo competit quod nullum accidentibus subjectum subsit quod cibus corporalis esse possit.

**31. — Quarto quantum ad perfectionem** ; quia enim hoc sacramentum est perfectissimum, ideo omnia quæ sunt in hoc sacramento, altissimum statum accipiunt : sicut quod substantia panis in corpus gloriosum Divinitati unitum convertitur. Et propter hoc etiam accidentibus datur in hoc sacramento sine subjecto esse.

**32. — AD PRIMUM** ergo dicendum quod *divina dispositio* quæ aliquid ordinat secundum legem communem, *etiam sibi aliqua reservat præter legem communem facienda ad aliquod privilegium gratiæ communicandum* ; nec ex hoc sequitur aliqua inordinatio, quia divina dispositio unicuique rei<sup>4</sup> ordinem imponit.

**33. — Ad secundum** dicendum quod de substantia rei iudicare non pertinet ad sensum, sed ad intellectum, cujus objectum est *quod quid est*, ut dicitur in III *De anima* ( $\gamma$  6.430b, 27-8 ; l. 11, n. 760-3). Et ideo non accidit ibi aliqua deceptio ; quia accidentia<sup>5</sup> sunt ibi de quibus sensus iudicat ; sed *de substantia verum iudicium habet intellectus fide iuvalus*. Nec est inconveniens quod intellectus absque fide erret in hoc sacramento, sicut et in aliis quæ sunt fidei.

**34. — Ad tertium** dicendum quod verbo inest virtus transsubstantiandi. Et ideo ad hoc quod sit vera transsubstantiatio,

1. Ed. « qualiter ». — 2.  $\gamma$  « Sed quod accidentia esse sine subjecto congruit huic sacramento patet multipliciter ». — 3. Ed. « sunt », contra  $\beta\gamma\delta\epsilon\eta$ . — *aom*, « rei ». — 4. *aßen ad*. « non »,  $\gamma$  « vere », sed ed. *om.* et  $\eta$  delevit.

oportet quod sit verum verbum. *Sed materia est ibi ad significandum. Et ideo sufficit quod accidentia remaneant, quibus mediantibus significatio completur.*

**35. — AD TERTIAM QUÆSTIONEM** dicendum quod Quidam dixerunt quod vera substantia panis simul remaneat sub sacramento cum corpore Christi; et secundum hoc accidentia non essent in hoc sacramento sine subjecto.

**Sed hæc opinio** in præcedenti dist. (23-26) **improbata est.**

**36. —** Alia opinio est quod remanet ibi forma substantialis, et in ea fundantur omnia accidentia quæ apparent.

**37. — Sed non minus difficile est** materialem formam substantialem a materia separare quam accidentia a substantiis.

**38. — Et præterea.** Quantitas non respicit formam nisi ratione materiæ. Unde formæ immateriales dimensionibus carent. Et ideo, cum alia accidentia mediante quantitate referantur ad substantiam, non poterit forma sine materia existens accidentium sensibilibus subjectum esse.

Boetius etiam dicit in lib. *De Trin.* (c. 2; L. 64, 1250), quod « *forma simplex subjectum esse non potest* ».

**39. —** Et ideo Alii dixerunt quod accidentia illa fundantur in aere sicut in subjecto.

**40. — Sed hæc opinio stare non potest.** Constat enim quod ante transsubstantiationem sub dimensionibus panis non erat aer. Ergo si conversione facta sit ibi aer, oportet quod aer subintraverit per motum localem dimensiones illas; et iste motus non percipitur.

**41. — Et præterea. Inconveniens** est quod subjectum moveatur motu locali ad accidens et quod accidens transeat de subjecto in subjectum.

**42. — Probatum est etiam** a Philosophis (IV *Phys.* 88. 216a, 26 sq.; l. 13, n. 1) quod corpus naturale et corpus mathematicum non possunt esse simul. Unde cum illæ dimensiones quæ fuerunt sint quoddam corpus non naturale, sed mathematicum, non poterit aer cum illis dimensionibus simul esse, nec poterit esse subjectum eorum, quia habet dimensiones proprias aer.

Cum ergo omnes dimensiones sint ejusdem speciei, in quacumque materia sint, quia materia non intrat in definitionem earum; si dimensiones iterum panis sint sicut in subjecto in **aere**, sequitur quod duo accidentia ejusdem speciei sint<sup>3</sup> in eodem subjecto<sup>4</sup>: quod est contradictoria esse simul; quia accidentium ejusdem speciei numeratio non est nisi ex subjecto.

1. α Et hoc etiam Boetius ». — 2. α om. per *homot.* « Ergo si conversione... oportet quod aer »; — 3. Ed. « sunt ». — 4. N. om. « subjecto »

Unde si subjectum sit unum, sequitur illa accidentia esse plura et non plura. Constat etiam quod aer non est susceptivus talium accidentium, scilicet duritiei; figuras determinatae, et aliorum hujusmodi quæ ibi apparent.

**43. — Et ideo dicendum est quod accidentia sunt ibi sine subjecto**; non enim potest dici quod sint in corpore Christi sicut in subjecto<sup>2</sup>.

**44. — Sciendum autem** quod substantia corporalis habet quod sit subjectum accidentium ex materia sua, cui primo inest subjici alteri.

Prima autem dispositio materiæ est quantitas; quia secundum ipsam attenditur divisio ejus et indivisio, et ita unitas et multitudo quæ sunt prima consequentia ens; et propter hoc sunt dispositiones totius materiæ, non hujus aut illius tantum.

Unde omnia alia accidentia mediante quantitate in substantia fundantur, et quantitas est prior eis naturaliter. Et ideo non claudit materiam sensibilem in ratione sua, quamvis claudat materiam intelligibilem, ut dicitur in VII<sup>3</sup> *Meta*, (ζ 10. 1036a, 8-9; l. 10, n. 1496-7).

**45. —** Unde ex hoc Quidam decepti fuerunt, ut crederent dimensiones esse substantiam rerum sensibilibus; quia remotis qualitatibus nihil sensibile remanere videbant nisi quantitatem, quæ tamen secundum esse suum dependet a substantia<sup>4</sup>, sicut et alia accidentia.

**46. —** Virtute autem divina confertur dimensionibus quæ fuerunt panis, ut sine subjecto subsistant in hoc sacramento, quod est prima proprietas substantiæ; et per consequens<sup>6</sup> datur eis ut sustineant alia accidentia, sicut et sustinebant quando substantia eis suberat. **Et sic alia accidentia sunt in dimensionibus sicut in subjecto, ipsæ vero dimensiones non sunt in subjecto.**

**47. — AD PRIMUM** ergo dicendum quod prima accidentia consequentia substantiam sunt quantitas et qualitas. Et hæc duo proportionantur duobus principiis essentialibus substantiæ, scilicet formæ et materiæ, quia quantitas respondet materiæ — unde magnum et parvum Plato posuit differentias materiæ — sed qualitas ex parte formæ. Et quia materia est subjectum primum quod non est in alio, forma autem est in alio, scilicet materia<sup>6</sup>; ideo magis appropinquat ad hoc quod est non esse in alio quantitas quam qualitas, et per consequens quam alia accidentia.

1. F. « aliarum ». — 2. *aβ* « sine subjecto » contra *εη*, *γ om.* per *homol.* « non enim potest dici... », sed *cor.* \* sicut in subjecto ». — 3. F. « VI ». — 4. *α* « in substantia », *βεη* « ad substantiam » — 5. *α* « et perfectio sequens ». — 6. *α* « in alio quam in materia », *β om.* « scilicet », *γ* « in alia materia », *ε* « scilicet in materia », *-q* « in alio, materia ».

**48.** — **Ad secundum** dicendum quod quantitas dimensiva secundum suam rationem non dependet a materia sensibili, quamvis dependeat secundum suum esse; ideo in prædicando et subjiciendo accipit modum substantiæ et modum<sup>1</sup> accidentis; unde lineam dicimus et quantitatem et quantam, et magnitudinem et magnam. *Et ideo cum sint ibi dimensiones sine substantia, non tantum videt sensus quantitatem, sed etiam quantum.*

De aliis autem accidentibus planum est quod est ibi aliquid album, quia albedo est ibi in subjecto.

**49.** — **Ad tertium** dicendum quod *de ratione individui duo sunt*: scilicet *quod sil ens actu* vel in se vel in alio; *et quod sit divisum ab aliis quæ sunt vel possunt esse in eadem specie, in se indivisum existens*. Et ideo *primum individuationis principium est materia*, qua acquiritur esse in actu cuilibet tali formæ sive substantiali sive accidentali. *Et secundarium principium individuationis est dimensio*, quia ex ipsa habet materia quod dividatur. Unde in carentibus dimensione impossibile est aliam esse divisionem<sup>2</sup> nisi per formam, quæ facit diversitatem speciei. Et propter hoc in angelis sunt tot species quot individua; quia cum sint forma; sive quidditates subsistentes ex seipsis habent esse in actu et distinctionem. Et ideo non indigent ad sui individuationem neque materia neque dimensione.

**50.** — Si ergo quantitas sine materia haberet esse actu', per se haberet individuationem, quia per se habet<sup>4</sup> divisionem illam secundum quam dividitur materia; et sic una pars differret ab alia non specie, sed numero, secundum ordinem qui attenditur in situ partium; et similiter una linea ab alia differret numero, dummodo acciperetur in diverso situ.

*Quia ergo in hoc sacramento ponimus dimensiones per se subsistere, constat quod ex seipsis individuantur, et per ea alia accidentia quæ in eis fundantur.*

**51.** — **Ad quartum** dicendum quod illud quod est intellectus vel intellectum in actu, secundum Philosophos, oportet esse separatum non solum a materia, sed etiam a conditionibus materiæ individuantibus. *El hoc non est in proposito, ut ex dictis patet.*

**52.** — **Ad quintum** dicendum quod cum ista accidentia habeant esse et essentias proprias, et<sup>5</sup> eorum essentia non sit eorum esse, constat quod *aliud est in eis esse et quod est*. Et ita habent *compositionem illam quæ in angelis invenitur, et*

1. Ed. om. « modum ». — 2. Ed. « aliam esse distinctionem »; γ « aliam dimensionem aut individuationem esse nisi per formam ». — 3. γ « actum ». — 4. Ed. « habet ». — 5. α « cum ».

ulterius *compositionem ex partibus quantitatis* quæ in angelis non invenitur. Et sic magis recedunt a divina simplicitate.

**53. — Ad sextum** dicendum quod *sicut* subjectum quod ponitur in definitione aliorum accidentium, non est de essentia accidentis ; *ita* etiam materia quæ ponitur in definitione raritatis et densitatis, non est de essentia eorum ; *non enim est densitas materia multa existens sub parvis dimensionibus, sed proprietas quædam consequens ex hoc quod materia sic se habet.* Unde talem proprietatem Deus potest facere, etiamsi materia non esset.

## ARTICULUS II

[I]

[III, q. 77, a. 3 ; Resp. 35 ad Lector. Venetum]

**54. — AD SECUNDUM SIC PROCEDITUR.** Videtur quod ACCIDENTIA QUÆ REMANENT IN HOC SACRAMENTO, NON POSSUNT IMMUTARE ALIQUID EXTRINSECUM.

1. Illa enim agunt et patiuntur ad invicem quæ communicant in materia, ut dicitur in I *De gener*, (a 6.322b,13). Sed accidentia illa non communicant in materia cum corporibus exterioribus. Ergo non possunt ea immutare.

**2. Præterea.** Actio naturalis requirit contactum naturalem, ut patet in I *De gener*, (a 6.322b,22). Sed mathematicis, idest dimensionibus separatis, non convenit tactus physicus, sed mathematicus tantum, sicut et locus, ut ibidem dicitur. Ergo cum in hoc sacramento sint dimensiones separatæ in quibus alia accidentia fundantur, ut dictum est (46), videtur quod non possint agere in aliquid extrinsecum.

**3. Præterea.** Passum, quamvis in principio sit contrarium, tamen in fine est simile. Sed si corpora exteriora immutarentur, ipsa jam immutata non essent formæ tantum, sed formæ in materia. Ergo non possunt immutari a dimensionibus quæ sunt formæ tantum.

**55. — SED CONTRA.** Nihil sentitur nisi quod immutat sensum. Sed hujusmodi accidentia sentiuntur. Ergo immutant.

**56. — Præterea.** Omne quod habet esse, habet agere aliquo modo, quia nulla res destituitur propria operatione. Sed hujusmodi accidentia habent esse. Ergo possunt agere.

1. *γ om*, < aliorum > — 2. *α om*. « in principio ». — 3. *α* « mutata ».

## [II]

[III, q. 77 a. 3; Resp. 35 ad Lector. Venetum]

**57. — ULTERIUS.** Videtur quod non possint aliquid EXTRINSECUM IMMUTARE SUBSTANTIALITER.

1. Generans enim debet esse simile generato. Sed omne generatum est compositum ex materia et forma. Cum ergo accidentia illa sint formæ tantum, non possunt immutare generatum aliquid extra se. Et hac ratione utitur Philosophus in VIII *Mela*, (ζ 8. 1033b, 20 sq.; l. 7, n. 1427 sq.) contra Platonem qui ponebat formas separatas esse causas generationis sensibilium.

**2. Præterea.** Nihil agit ultra suam speciem, sed citra quandoque, quia effectus non est nobilior causa. Sed substantia est nobilior omni accidente. Ergo illa accidentia non possunt aliquam substantiam generare.

**58. — SED CONTRA.** Species istæ habent eandem virtutem quam habebant ante transsubstantiationem, quia nihil est eis ablatum, sed additum. Sed ante transsubstantiationem poterant aliquid substantialiter immutare. Ergo et post.

## [III]

[III, q. 77, a. 4; IV Cg. c. 66; resp. 35 ad Led. Venet.]

**59. — ULTERIUS.** Videtur quod ista accidentia nullo MODO POSSINT CORRUMPI.

1. Quia ista accidentia sunt formæ tantum. Sed forma est « *invariabili essentia consistens* », ut dicitur in *Sex principiis*. (Gilberti Porretani, c. 1, l. 4; ed. Heysse, p. 8). Ergo hujusmodi species non corrumpuntur.

**2. Præterea.** Omnis res per se subsistens sine materia est incorruptibilis, quia materia est corruptionis principium, sicut patet in angelis et animabus. Sed hujusmodi species sunt formæ sine materia subsistentes. Ergo sunt incorruptibiles.

**3. Præterea.** Si corrumpuntur: aut corruptio ista est? naturalis, aut miraculosa.

*Naturalis non*, quia *sicut* nihil generatur naturaliter nisi compositum, *ita* nihil corrumpitur nisi compositum naturaliter.

*Similiter neque miraculosa*, quia sic sola Dei virtute fieret; Deus autem, secundum Augustinum (in libro 83 *Qq.* q. 21; L. 40,16), non est causa tendendi in non esse. Ergo nullo modo corrumpuntur.

**60. — SED CONTRA.** Quamdiu sunt accidentia sensibilia sen-

1. *αβγ* < VI ». — 2. *α* « fit ».

tiri possunt. Sed quandoque desinunt posse sentiri hujusmodi accidentia. Ergo desinunt esse.

**61. — Præterea.** Quamdiu species manent, et corpus Christi manet sub sacramento. Sed corpus Christi quandoque desinit esse sub sacramento. Ergo quandoque desinunt esse species illæ.

## [IV]

[III, q. 77, a. 5 ; IV Cg. c. 66 ; Quodl. IX, a. 5, ad 3 ; I ad Cor. c. 11, l. 4]

**62. — ULTERIUS.** Videtur QUOD EX EIS NON POSSIT ALIQUID GENERARI.

1. Corruptio enim generationi vel factioni opponitur. Sed omne quod non habet materiam partem sui, si fit, oportet quod ex nihilo fiat. Ergo si corrumpitur, oportet quod in nihilum tendat et nihil ex eo fiat.

2. **Præterea.** Substantia et accidens magis differunt quam corpus et spiritus. Sed ex corpore non potest fieri spiritus, ut patet in lib. Boetii *De duabus naturis* (c. 6 ; L. 64,1349). Ergo ex speciebus illis quæ sunt accidentia tantum non potest substantia aliqua generari.

3. **Præterea.** Impossibile est ex uno simul et semel multa fieri. Sed si aliquid generatur, in illo est invenire substantiam et accidens. Ergo non potest generari ex accidente tantum.

4. **Præterea.** Si aliquid generatur : aut illa generatio est naturalis, aut miraculosa.

*Naturalis non*, quia generatum et id ex quo generatur naturaliter conveniunt in materia, ut patet in omnibus generationibus naturalibus : quod hic non potest inveniri.

*Similiter nec miraculosa*, quia quod vermes inde aliquando generentur vel in cinerem resolvantur, hoc est in irreverentiam tanti sacramenti : quod a Deo non est. Ergo nullo modo aliquid ex hujusmodi speciebus generari potest.

**63. — SED CONTRA** est quod sensibilibus apparet, si diu reserventur, paulatim in aliud mutari.

**64. — Præterea.** Innocentius dicit (IV *de Sacro Alt. Mysi.* c. 16 ; L. 217,867) : « *In quo similitudo deficeret, in eo sacramentum non esset, sed ibi se proderet et locum fidei auferreret.* » Ergo oportet esse omnimodam similitudinem specierum ad substantiam panis. Sed ex substantia panis aliquid poterat generari. Ergo et ex speciebus ibi remanentibus.

1. α \*ζηκ « sit » contra βγδκ. — 2. Ed. om. « quod ». — 3. a ad. « augmentum ».

**65. — ULTERIUS.** Videtur quod non possint nutrire.

1. Quia omnis cibus qui nutrit in corpus transit, et superfluitates ex eo resolvuntur. Sed cibus iste non vadit in corpus, ut Ambrosius<sup>1</sup> in *Lillera* (8a) dicit. Ergo non nutrit.

2. **Præterea.** « *Ex eisdem nutrimur ex quibus sumus* », ut dicitur in II *De gener.* [β 8. 385a, 10). Sed non sumus ex accidentibus. Ergo ex eis non nutrimur.

3. **Præterea.** Omne quod nutrit quocumque modo, solvit jejunium. Si ergo species istæ nutrent, solverent<sup>2</sup> jejunium. Et sic post sumptionem corporis Christi non posset aliquis communicare : quod falsum est.

**66. — SED CONTRA** est quod dicitur in Glossa, *I Cor.*, xi, 21 super illud : « *Alius quidem esurit, alius<sup>3</sup> ebrius est* », (L. 114,539), quod aliqui sunt inebriati ex usu specierum hujus sacramenti.

**67. — Præterea.** Nihil aufert sitim vel famem, nisi quod nutrit. Sed sensibilibus reperiri potest quod ex potu illo sitis tollitur, præcipue si in multa quantitate sumatur. Ergo nutriunt species illæ.

[VI]'

**68. — ULTERIUS.** Videtur quod nullus liquor possit specieb<sup>4</sup> illis permisceri.

1. Quia, ut in I *De gener.* (a 10.327», 20-23), probat Philosophus, accidens non permiscetur substantiæ. Sed quilibet liquor substantia quædam est. Cum ergo illæ species sint tantum accidentia, videtur quod nihil possit eis permisceri.

2. **Præterea.** *Sicut* hoc sacramentum sub certa forma verborum consecratur, ita et aqua benedicta. Sed si aqua permiscetur aquæ benedictæ, totum fit benedictum. Si ergo aliquis liquor<sup>4</sup> permisceri posset vino consecrato, esset totum consecratum, et sic liquor ille transiret in sanguinem Christi sine forma verborum : quod falsum est.

3. **Præterea.** Humidorum permixtorum efficitur superficies una. Si ergo illis speciebus aliquis liquor admisceatur, efficitur una superficies liquoris advenientis et specierum præexistentium. Sed superficies liquoris est in subjecto<sup>5</sup>, superficies autem

1. F. « Ambrosiaster. ». — 2. Ed. « nutriunt, solvunt ». — 3. Ed. ad. « autem ». — 4. Ed. « liquorum ». — 5. ἀβῆν « substantia » contra e et ed. sed β cor.

specierum non est in subjecto. Ergo eadem superficies erit in subjecto et non in subjecto : quod est impossibile.

4. **Praeterea.** Corpus Christi non est sub sacramento ex quo sub speciebus illis est alia substantia. Sed si aliquis liquor subtilis, puta vinum vel aqua, admisceatur illis speciebus, cum non contineatur propriis terminis, oportet quod diffluat ad terminos dimensionum sub quibus erat corpus Christi. Ergo desinit esse ibi corpus Christi. Sed quamdiu sunt species illæ, non desinit ibi esse corpus Christi. Ergo desinunt ibi esse species. Ergo corrumpuntur et non permiscuntur.

5. **Praeterea.** Sicut album et nigrum sunt differentiae coloris ; *ita* magnum et parvum sunt differentiae quantitatis, vel circa quantitatem. Sed idem color non est albus et niger. Ergo neque eadem dimensiones sunt magnæ et parvæ. Sed addito aliquo liquore<sup>2</sup> dimensiones illæ efficiuntur magnæ. Ergo non sunt eadem quæ prius. Ergo non permiscuntur.

69. — **SED CONTRA.** Secundum Philosophum in *I De gener.* (a 10.328a, 35 sq.), ea quæ sunt divisibilia in minima, sunt bene permiscibilia. Sed ita est de speciebus illis. Ergo etc.

70. — **Praeterea.** Majus est corrumpi quam permisceri. Sed species illæ<sup>3</sup> possunt corrumpi. Ergo possunt permisceri.

71. — **RESPONSIO.** Dicendum **AD PRIMAM QUÆSTIONEM** quod agere non est nisi rei per se subsistentis. Et ideo neque materia agit neque forma, sed compositum : quod tamen non agit ratione materiæ, sed ratione formæ quæ est actus et actionis principium.

Et quia quantitas se tenet ex parte materiæ et qualitas ex parte formæ, ideo quantitas non agit nisi mediante qualitate quæ est per se actionis principium. Unde qualitates sunt sensibiles primo, quantitates secundo.

72. — Quia ergo **in sacramento quantitates** retinent eundem modum essendi quem habebant substantia panis existente, ideo **habent eundem modum agendi, ut immutent et agant naturaliter sicut prius.** Quantitatis enim quæ alium modum essendi habet, quia non est in subjecto, non est agere nisi mediante qualitate.

73. — **AD PRIMUM** ergo dicendum quod materia accidentis est proximum subjectum ejus ; proximum autem subjectum qualitatis corporalis est quantitas, ut<sup>4</sup> superficies, coloris. *Et ideo qualitas quæ est actionis principium, communicat quodammodo in materia cum his quæ sunt extra,* quia quantitas hinc inde subesse invenitur.

1. Ed. *om.* per *homoi.* « Ergo desinit esse ibi corpus Christi. Sed quamdiu sunt species illæ, non desinit ibi esse corpus Christi ». — 2. Ed. *om.* « liquore ». — 3. Ed. *om.* « illæ ». — 4. *ay om.* « quantitas, ut », contra *βeη* et ed. sed *γ ad.* in margine.

74. — **Ad secundum** dicendum quod mathematici non solum abstrahunt a materia, sed a sensibilibus accidentibus. Et quia *dimensiones in hoc sacramento* non sunt separate ab accidentibus sensibilibus, ideo non solum *habent tactum* metaphoricum| sicut mathematica, sed *etiam physicum*; quia *ratione illorum accidentium possunt immutare el immutari*.

75. — **Ad tertium** dicendum quod quantum ad immutationem accidentalem satis simile invenitur hinc inde; quia *sicut* in sacramento non est albedo separata, sed album quod agit, *ita* exterius per immutationem non fit albedo, sed aliquod album. *Et ita, inquantum hujusmodi, passum in fine est simile*.

76. — **AD SECUNDAM QUÆSTIONEM** dicendum quod in actionibus naturalibus formæ substantiales non sunt immediatum et proximum actionis principium, sed agunt mediantibus qualitatibus activis et passivis, sicut propriis instrumentis, ut dicitur in II *De an.* (β 4. 416b, 25-30; l. 9, n. 348-9), quod calor naturalis est quo anima agit. Et ideo qualitates non solum agunt in virtute propria, sed etiam in virtute formæ substantialis. Unde actio earum non solum terminatur ad formam accidentalem, sed etiam ad formam substantialem; et propter hoc generatio est terminus alterationis. Hujusmodi autem virtutem instrumentalem recipiunt eo ipso quo a principiis essentialibus causantur.

Unde *sicut* remotis substantiis remanet **accidentibus** idem esse secundum speciem virtute divina, *ita* etiam **remanet** eis **eadem virtus quæ et prius**. Et ideo, *sicut* ante poterant immutare ad formam substantialem, *Ha* et nunc.

77. — **AD PRIMUM** ergo dicendum quod nos non ponimus omnino hujusmodi qualitates separatas, sicut **Plato** ponebat formas naturales, cum ponamus pro subjecto id quod erat proximum subjectum eorum primo. Et ideo non est similis ratio hinc inde.

Tamen hic etiam generans non est omnino simile generato; quia generatum est substantia, generans autem non. Sed hoc ideo contingit, quia, ut dictum est (76), hujusmodi qualitates habent instrumentalem virtutem generandi. Generatum autem non oportet quod assimiletur instrumento, sed principali generanti, ut dicit **Commentator** in XI *Mela.* (text. 13); quia instrumentum non agit virtute sua sed alterius, et? illi assimilât, non sibi. *Unde generatum<sup>3</sup> hic assimilatur substlanliæ quæ prius erat.*

1. Ed. « mathematicum ». — 2. Ed. « ut ». — 3. a « generatur » et superaddit « quod » j9 « quod generatur », ed. « generatio ».

Plato autem formas separatas non ponebat instrumentalia generantia, sed primas causas generationis et principales.

**78.** — **Ad secundum** dicendum quod propria virtute nihil agit ultra suam speciem, sed *virtute alterius cuius est instrumentum, potest agere ultra speciem suam* : sicut serra agit ad formam scamni.

**79.** — **AD TERTIAM QUÆSTIONEM** dicendum quod unaquæque res habet proprium esse suae speciei. Non enim esse in omnibus est unius speciei, sicut nec animalitas est unius speciei in omnibus animalibus, nec humanitas eadem numero in omnibus hominibus, sicut et unaquæque res habet propriam actionem.

Unde *sicut* in qualitatibus quæ remanent in sacramento, remanet actio conformis actioni substantiæ prius existentis!; *ita* etiam esse subsistens quod convenit dimensionibus remanentibus, est conforme illi esse quod prius substantia panis habebat. Unde *sicut* qualitas facit eandem actionem quam prius faciebat, substantia panis et vini existente ; *ita* esse in quo dimensiones subsistunt, tollitur eisdem passionibus quibus antea tolleretur, eadem substantia existente. Et propter hoc eodem modo corrumuntur accidentia remanentia, sicut et prius corrumpi poterant. Prius autem corrumpi poterant *dupliciter*.

**80.** — **Uno modo manente substantia subjecti, per aliquam accidentalem mutationem** : sicut ex parte qualitatatum secundum aliquam alterationem vinum saporem vel colorem mutare poterat ; et ita color qui prius erat, aut sapor, corrumpebatur. Sed quantitas prædicto modo non poterat corrumpi per motum in quantitate, scilicet augmentum, quia vinum et panis non sunt corpora animata quæ possunt esse subjectum augmenti et diminutionis, sed per additionem vel divisionem ; quia secundum Philosophum in III *Meta*, ( $\beta$  5. 1002b,1; l. 13, n. 511), in additione quantitatis ad quantitatem una quantitas esse incipit duabus esse desinentibus, et e contrario est in divisione.

**81.** — **Alio modo per corruptionem substantiæ**, quæ quidem contingit ex transmutatione accidentium *et ex parte qualitatatum* ; quia *sicut* generatio, *ita* et corruptio est terminus alterationis ; *et ex parte quantitatis* ; quia cum unaquæque res naturalis habeat quantitatem determinatam, intantum poterit divisio fieri quod species non remanebit.

**82.** — **Unde etiam<sup>2</sup> in hoc sacramento** *aliquando aliqua alteratione facta in qualitatibus, adhuc manet esse illud dimensionum conforme substantiæ præcedenti*. Et tunc ratione ipsius

1. *a ad.* « et ». — 2. *αβγδεζηθιλ* « enim », contra  $\kappa$  et ed. *ζη cor.*

corruptionis accidentium non desinit esse corpus Christi sub sacramento.

*Aliquando autem alleralio ad terminum venit, et tunc esse prædictum tollitur, et sic desinit esse sacramentum.*

**83.** — *Et similiter ex parte quantitatis; quia si fiat divisio in partes tantæ quantitatis quæ sufficiat ad speciem panis vel vini, sunt quidem aliæ dimensiones, quia partes continui quæ erant potentia, fiunt actu; sed esse conforme substantiæ præ-existenti manet, et ideo adhuc est sacramentum.*

*Si autem quantitas partium ad hoc non sufficiat, utrumque esse desinet, et dimensio et esse prædictum. Et ideo corpus Christi desinit esse sub sacramento.*

**84.** — **AD PRIMUM** ergo dicendum quod *forma* dicitur esse invariabilis, quia non est variationis subjectum; tamen *per variationem tollitur*, sicut patet in alteratione et augmento. *Et ita largo modo dicuntur corrumpi*, prout omne quod esse desinit dicitur corrumpi.

**85.** — **Ad secundum** dicendum quod dimensiones quæ sunt proximæ dispositiones materiæ, retinent in hoc sacramento vicem materiæ. Et ideo se habent ad esse in quo subsistunt sicut materia ad formam substantialem, et ipsæ subsunt sicut subjectum accidentibus. Et hoc modo corruptionis principium esse possunt, sicut et materia esset. Ipsæ etiam partes dimensionum, cum sint in potentia, habent quamdam rationem materiæ ratione totius dimensionis. *Et ideo ex parte earum accidit corruptio aliqua in tota dimensione per divisionem.*

**86.** — **Ad tertium** dicendum quod *species* sic remanere miraculosum est; sed quod *sic remanentes corrumpantur, est naturale*: sicut miraculosum est quod cæcus visum recipiat; sed quod jam visu recepto videat, est naturale. Remanet enim quidam compositionis modus in accidentibus istis, dum quantitas retinet rationem materiæ et qualitas rationem formæ, ut dictum est (82-3).

**87.** — **AD QUARTAM QUÆSTIONEM** dicendum quod *Quidam dicunt quod quamvis illæ species possint corrumpi et putrefieri, tamen ex tali putrefactione vel corruptione non generantur vermes vel aliquid hujusmodi.*

**88.** — **Sed hoc nihil est.** Constat enim quod accidentia quando corrumpuntur, non hoc modo desinunt ut dispareant omnino, ac si totaliter annihilarentur; sed succedit illis accidentibus aliquid sensibile; et hoc oportet esse de novo generatum. *Nec est differentia, quidquid sit illud, utrum sit vermis vel cinis vel aliquid hujusmodi, quia similis difficultas est de omnibus.*

**89.** — Et ideo Al ii dixerunt quod substantia panis ibi remanet, ex qua materialiter aliqua generari possunt.

**Sed hæc opinio** supra (d. 11, 23-7), **improbata est.**

**90.** — Et ideo Al ii dixerunt quod ex mutua actione accidentium sacramenti ad corpora circumstantia generantur vermes ex aere continente.

**91.** — **Sed hoc non videtur esse verum** ; quia accidentia illa non habent ibi aliam actionem quam haberent si substantia remansisset ; sed quando substantia erat, non poterant vermes ex aere generari vel cinis, per talem actionem ; unde nec nunc.

**92.** — **Et præterea.** Sensibiliter apparet quod in illo loco ubi fuit corpus Christi, est illud quod generatur, et ibidem alteratio præcedens apparet. Aer autem ante ultimum instans corruptionis specierum non erat in loco illo<sup>2</sup>, quia sic subintrasset dimensiones sub quibus erat corpus Christi : quod est impossibile. Nec etiam movebatur ad locum illum, quia quietus forte manebat. Unde sequitur quod totus motus localis aeris et alteratio ipsius et corruptio et generatio vermium aut cineris, sit in eodem instanti : quod est impossibile

**93.** — **Et præterea.** Idem accideret, si corpus Christi conservaretur inter aliqua corpora solida quæ non subintraret aer, et non appareret aliqua mutatio facta in corporibus solidis circumstantibus.

**94.** — **Et præterea.** Si corpus Christi in magna quantitate consecratum esset, idem posset accidere ; et tanta inspissatio aeris non posset de facili accidere sine sensibili ipsius immutatione.

**95.** — Et ideo Al ii dicunt quod peracto sacramento, redit substantia panis sub speciebus quæ<sup>3</sup> prius suberat, et ex illa generantur vermes vel aliquid huiusmodi.

**96.** — **Sed hoc non potest esse.** Quamdiu enim est ibi corpus Christi, non redit substantia panis ; quia sic esset corpus Christi sub speciebus cum substantia panis : quod est tertia opinio quæ non sustinetur.

Quamdiu autem sunt ibi species, manet sub speciebus corpus Christi. Unde quamdiu manent species, substantia panis non redit ; remotis autem speciebus illis, jam non est ibi substantia panis, sed vermium vel cineris vel alicujus huiusmodi. Nunquam enim est substantia panis sine speciebus panis. Unde substantia panis<sup>4</sup> non potest redire<sup>5</sup>.

**97.** — Nisi forte dicatur redire quoad materiam tantum, quia illa eadem materia quæ prius erat sub forma panis, postmo-

1. Ed. *om.* « nunc ». — 2. *γ om.* « illo ». — 3. *γ N.* « quibus ». — 4. *γ om.* « panis ». — 5. *N.* « non rediret ».

dum fit sub forma cineris vel alicujus hujusmodi ; et hoc posset stare cum secunda opinione prius tacta quantum ad hoc quod ponebat substantiam panis in praejacentem materiam resolvi,

**Quod stare non potest**, ut supra (d. 11, 51-4) probatum est.

98. — Sed quantum ad aliam partem quæ ponebatur<sup>2</sup>, quod annihilaretur, **non potest stare** ; quia quod in nihilum redactum est, non potest iterum idem numero sumi.

99. — Sed quantum ad primam opinionem quæ communiter sustinetur, **omnino stare non potest** ; quia quod conversum est in alterum, non potest redire, nisi alterum in ipsum convertatur. Substantia autem panis conversa est in corpus Christi ; et hæc substantia, scilicet panis, facta est illa scilicet corporis Christi, ut ex prædictis<sup>3</sup> (d. 11, 56) patet. Unde non potest esse quod substantia panis redeat neque quantum ad totum neque quantum ad partem, nisi corpus Christi e converso convertatur in substantiam panis ; quod est impossibile. **Et ideo impossibile est dicere quod substantia panis redeat neque secundum totum neque secundum partem ; si redire proprie sumatur**, ut sit idem numero quod redit.

100. — **Si autem materia panis redire dicatur**, non **quia** eadem numero **redeat**, sed **alia ejusdem rationis** ; tunc oportebit dicere, quod illa alia materia de novo creetur<sup>4</sup>. Et forte hoc intellexerunt qui dixerunt substantiam panis redire. **Unde satis probabiliter per hunc modum opinio sustineri potest**, ut dicatur quod ad hoc Deus materiam creat, ne sacramentum deprehendatur, et sic fides meritum perdat.

101. — Nec tamen materia corporalis in principio creata augetur ; quia quantum de materia conversum fuit in substantiam corporis Christi, tantum de materia creatur nunc de novo.

102. — **Potest tamen et aliter dici** quod illae species sicut habent ex hoc quod subsistunt quod possunt agere quidquid poterant substantiis panis et vini existentibus ; *ita* habent ut possint converti in quidquid converti poterant substantiæ præ-existentes : quod sic intelligi potest.

Sicut enim Commentator dicit in I *Phys.* (text. 63), et in lib. *De substantia orbis* (cap. i), in materia generabilium et corruptibilium oportet intelligere dimensiones interminatas ante adventum formæ substantialis ; alias non posset intelligi divisio materiæ, ut in diversis partibus materiæ diversæ formæ substantiales essent.

Hujusmodi autem dimensiones post adventum formæ substantialis accipiunt esse terminatum et completum. Quidquid autem intelligitur in materia ante adventum formæ substan-

1. γ « potest ». — 2. Ed. « ponebat, contra αβ ». — 3. α « dictis ». — 4. Ed. « creatur ».

tialis, hoc manet idem numero in generato et in eo ex quo generatur, quia remoto posteriori oportet remanere prius. Dimensiones autem illæ interminate se habent ad genus quantitatis sicut materia ad genus substantis.

Unde *sicut* in quolibet completo in genere substantis est accipere materiam quæ est ens incompletum in genere illo ; *ita* in dimensionibus completis quæ sunt in hoc sacramento, est accipere dimensiones incompletas ; et his mediantibus materia panis formam reciperet ejus quod ex pane generaretur, pane non converso in corpus Christi.

Unde *sicut* dimensionibus illis est datum ut subsistant<sup>1</sup> et subsint et illi esse quod est conforme esse priori substantiæ et determinationi<sup>2</sup> quantitatis, et omnibus aliis accidentibus ; *ita* etiam datur eis ut possint subesse alteri formæ naturali et aliis accidentibus ; quia<sup>3</sup> de natura sua non habent ut subsint tantum accidenti, sed etiam formæ substantiali, ut dictum est. Et tunc *vel* ex consequenti adveniet<sup>4</sup> etiam materia propter concomitantiam naturalem formæ ad materiam, sicut propter concomitantiam naturalem animæ Christi ad corpus, erat anima sub sacramento — et hoc quodammodo redit in primum dictum, ut scilicet materia de novo fiat ; — *vel* ipsi dimensioni virtute divina dabitur natura materiæ propter propinquitatem ad ipsam, ut sic illud generatum sit compositum ex materia et forma.

**103.** — **AD PRIMUM** ergo dicendum quod *secundum penultimam opinionem* species illæ penitus cedunt in nihil ; sed ea<sup>5</sup> substantia prædicto modo redeunte generatur illud quod succedit. Nec dicitur generari ex speciebus secundum quod li « *ex* » dicit causam materiale, sed solum *secundum quod dicit ordinem*, ut ex mane fit merities, id est post.

**104.** — *Sed secundum aliam opinionem* illud totum demonstratum sensibile in sacramento habebat aliquid, scilicet partem sui, simile materiæ, scilicet dimensiones interminatas. Et illud non cedit in nihil, sed remanet<sup>6</sup> sicut et remaneret, si substantia panis esset.

**105.** — **Ad secundum** dicendum quod hoc non est remotum quin Deus possit mutare corpus in spiritum. *Et lamem quantum ad aliquid dimensiones interminatæ magis sunt propinque materiæ corporali quam corpus spiritui.*

**106.** — **Ad tertium** dicendum quod *sicut* quando aer convertitur in ignem, non dicitur quod materia aeris fiat duo, scilicet materia ignis et forma ignis ; sed unum tantum quod fit scilicet<sup>7</sup>

1. Ed. « substent ». — 2. Ed. « terminationi ». — 3. *γ* « illis accidentibus quæ ». — 4. *a* « advenit ». — 5. Ed. *om.* « *ex* ». — 6. *αγ* transpositis verbis : « et illud non cedit in nihil, sed remanet, scilicet dimensiones interminatas, sicut et remaneret, etc. » — 7. Ed. *om.* « scilicet ».

ignis ; *ita etiam dimensiones illæ non dicuntur fieri duo, sed unum lanium, scilicet materia sic dimensionalæ ; et hoc fit divina virtute.*

**107.** — **Ad quartum** dicendum quod secundum quamlibet positionem oportet ponere aliquid in hac generatione esse miraculosum, et aliquid naturale editus enim substantiæ, vel creatio materiæ, vel conversio dimensionum in material, est miraculosum ; sed *quod materia jam existens recipiat talem formam, cujus dispositiones præcesserunt in dimensionibus, hoc est naturale.*

**108.** — **AD QUINTAM QUÆSTIONEM** dicendum quod Quidam dixerunt quod species illæ non nutriunt, sed reficiunt et inebriant ex sola immutatione accidentali, sicut aliqui inebriantur odore vini, et reficiuntur et famem amittunt ex sapore et odore.

**Sed hoc non potest esse ;** quia talis immutatio quamvis ad horam reficiat, tamen sustentare non potest : quod tamen faceret species illæ, si in magna quantitate sumerentur.

**109.** — Et ideo Alii dixerunt quod remanet forma substantialis panis, et illa habet eandem operationem quam habebat panis, et ideo nutrit sicut panis nutriet.

**Sed hoc non potest esse ;** quia operatio formæ non est pati, sed agere. Nutrimentum autem non nutrit, nisi secundum quod convertitur in substantiam nutriti. Et ideo nutrit secundum quod patitur et secundum quod ex eo aliquid generatur : quod non potest dici de forma.

**110.** — **Et ideo dicendum est quod cum generari aliquid ex illis speciebus possit per modum prædictum, eodem modo et nutrire possunt.**

**111.** — **AD PRIMUM** ergo dicendum quod hoc quod dicitur quod non transit in corpus, intelligendum est quantum ad rem contentam sub sacramento, scilicet verum corpus Christi, quod non mutatur in manducantem, sed ipsum in se mutat spiritualiter. Sed *species in corpus comedentis convertuntur*, sicut et in aliquod aliud corpus converti possunt, ut dictum est (88).

**112.** — **Ad secundum** dicendum quod *accidentia* manentia in suo esse accidentali non nutriunt, sed *eo modo quo in aliud convertuntur*, vel aliud sub eis creatur vel redit.

**113.** — **Ad tertium** dicendum quod illa nutritio non est omnino secundum ordinem naturæ, ut dictum est. *Et ideo talis manducatio jejunium non solvit.*

1. α N. « materiam » ; N. om. » dimensionum ». — 2. Ed. « ex hoc ». — 3. Ed. om. per homot. « patitur et secundum quod ». — 4. Ed. ad. « cibus iste ». — 5. α « et sic ». — 6. ay « aliquid ». — 7. y « eodem ».

**114. — AD SEXTAM QUÆSTIONEM** dicendum quod Quidam dicunt quod quicumque liquor addatur speciebus vini in quantacumque<sup>1</sup> quantitate, statim desinit ibi esse corpus Christi; quia dimensiones illæ<sup>2</sup> non manent eadem, et iterum liquor additus per totum diffunditur. Unde cum corpus Christi non sit sub speciebus cum alio corpore, oportet quod in toto desinat esse corpus Christi.

**115. — Sed hæc positio non potest stare.** Constat enim quod corpus Christi manet quamdiu illa accidentia manent. Illa autem accidentia non corrumpuntur aliter quam corrumpetur substantia panis et vini. Constat autem quod ex parvo liquore addito non destrueretur vinum, et ideo nec species vini remanentes.

**116. — Rationes enim prædictæ non cogunt. Primo,** quia non quaelibet dimensionum destructio<sup>4</sup> tollit sacramentum: sicut enim additio, ita et divisio facit aliam dimensionem, ut ex dictis **(80)** patet per Philosophum. Divisio autem non tollit veritatem sacramenti, ut patet in pane qui frangitur; unde nec additio; quia illa varietas dimensionum quam facit talis additio et divisio, est quantum ad determinationem ipsarum, non quantum ad indeterminatum esse earum, secundum quod competit eis subsistere; neque quantum ad esse quo subsistunt conformes substantiæ præcedenti.

**117. — Similiter etiam** parvus liquor constat quod non potest diffundi per omnes dimensiones; nisi rarefieret et transmutaretur in aliam speciem. Unde non oportet quod occupet omnes dimensiones.

**118. — Et ideo aliter dicendum** quod *hoc modo* admiscetur liquor quicumque speciebus illis, *sicut* admisceretur substantiæ vini. Liquor autem<sup>8</sup> additus si esset æqualis quantitatis vel majoris, pertingeret ad omnes dimensiones vini; et sic si esset alterius speciei, faceret aliam speciem liquoris mediam; si autem esset ejusdem speciei vinum, faceret aliud vinum secundum numerum, maxime quantum ad accidentia.

**119. — Si autem liquor additus esset minoris quantitatis,** non posset pertingere ad omnes dimensiones totius vini, sed ad aliquas, et illas immutaret altero dictorum modorum; et forte immutaretur secundum speciem, si esset alterius speciei.

Constat autem quod in hoc sacramento non manet corpus Christi nisi quamdiu illæ species manent eadem numero. **Et ideo si apponatur<sup>6</sup> parvus liquor, corrumpet partem specierum, et sub illa parte desinere esse corpus Christi;** non enim est probabile quod una gutta aquæ per totum scyphum diffundatur.

1. α « quacumque ». — 2. γ om. « illæ ». — 3. Ed. ad. « ut ». — 4. Ed. « distine-  
tio ». — 5. γ « enim ». — 6. α « ponatur »

**120. — Si autem addatur in magna quantitate, sic corrumpet species secundum totum ; et ita totaliter desinit ibi esse corpus Christi.**

**121. — AD PRIMUM** ergo dicendum quod Philosophus intelligit *d*» *accidente cujus subjectum est substantia*, quod ei non permiscetur ; sic autem non est in proposito.

**122. — Ad secundum** dicendum quod in aqua benedicta non fit aliqua mutatio substantialis ipsius aquæ, sicut est in hoc sacramento, sed acquiritur ei virtus aliqua ex benedictione ; ideo illa virtus potest pervenire ad aquam additam.

**123. — Sed in hoc sacramento** vinum convertitur substantialiter in aliud virtute verborum. *Et ideo non oportet quod vinum additum substantialiter etiam convertatur in sacramentum ; sed potest esse quod convertatur in vinum* virtute accidentium vini quæ remanent, ut dictum est (**118-9**).

**124. — Ad tertium** dicendum quod *non est inconveniens unam dimensionem secundum unam partem sui esse in hoc sacramento non in subjecto et aliam esse in subjecto\**. Quia plures partes dimensionis quamvis sint una dimensio in actu, sunt tamen plures in potentia.

**Ad quartum** patet solutio ex dictis.

**125. — Ad quintum** dicendum quod magnum et parvum consequuntur quantitatem secundum quod ad certam mensuram determinatur.

In sacramento altaris non oportet remanere dimensiones easdem secundum terminationem eandem ; quia sic divisis speciebus non remanerent eadem dimensiones, nec per consequens idem sacramentum ; sed *sufficit ad subsistentiam* sacramenti quod remaneant dimensiones eadem secundum quod *indeterminatae intelliguntur*

### ARTICULUS III

#### [I]

[III, q. 77, a. 7 ; IV Cg. c. 67 ; I ad Cor., c. 11, l. 5.]

**126. — AD TERTIUM SIC PROCEDITUR.** Videtur quod IPSUM VERUM CORPUS CHRISTI FRANGATUR IN SACRAMENTO.

1. Omne enim quod manducatur, masticatur et frangitur. Sed verum corpus Christi manducatur : Jo an., vi, 57 : « *Qui manducat carnem meam, etc.* » Ergo et frangitur.

2. **Præterea.** Hoc sacramentum est memoriale dominicæ pas-

1. F. « unum », et *ad. inconsulte* : « Non stolide ut in Parm. : « vinum ». Quomodo enim vinum converteretur in vinum ? » — 2. Ed. « esse in hoc sacramento sine subjecto ». — 3. N. « substantiam ». — 4. V. « interminate », RA. « indeterminate », N. « interminate ».

sionis. Sed in passione ipsum corpus Christi est perforatum clavis et lancea. Ergo in sacramento ipsum corpus Christi frangitur.

3. **Præterea.** *Sicut* corpus Christi est totum in qualibet parte specierum, *ita* forma substantialis. Sed forma substantialis materialis dividitur per accidens per divisionem specierum. Ergo et corpus Christi.

**127. — SED CONTRA.** Quod frangitur, non manet integrum. Sed corpus Christi manet integrum, ut in *Littera* (7) dicitur. Ergo non frangitur.

**128. — Præterea.** Omne corpus frangibile est passibile. Sed corpus Christi est impassibile, cum sit gloriosum. Ergo non frangitur.

## [II]

**129. — ULTERIUS.** Videtur quod nec etiam species FRANGANTUR.

1. Signum enim debet respondere signato. Sed species sunt signum corporis Christi. Cum ergo verum corpus Christi non frangatur, nec ipsæ species frangentur.

2. **Præterea.** Secundum Philosophum in IV *Meteor.* (89. 386a, 14 sq.), corpora dicuntur frangibilia et comminuibilia secundum determinatam dispositionem pororum. Sed species illæ non habent poros ; quia sub omnibus partibus specierum est æqualiter corpus Christi, et sub nulla aliquid aliud. Ergo species illæ neque frangi neque comminui possunt.

3. **Præterea.** In omni fractione, ea perfecta, aliud est quod continetur sub diversis partibus. Sed omnino est idem quod continetur sub diversis partibus specierum, qualitercumque disponantur. Ergo non proprie dicuntur frangi.

**130. — SED CONTRA.** Ματ., xxvi, 26, dicitur quod « *Dominus benedixit et fregit* ». Sed verba Evangelii non possunt esse falsa. Ergo fuit ibi fractio vera. Sed non in corpore Christi, ut probatum est (**127-8, 134**). Ergo in speciebus fuit.

**131. — Præterea.** Magis competit quantitati dividi quam corrumpi vel in aliud converti. Sed hoc contingit dimensionibus ibi remanentibus, ut ex dictis (79) patet. Ergo et frangi sive dividi.

## [III]

**132. — ULTERIUS.** Videtur quod inconvenienter assignetur in *Littera* (8) significatio partium fractionis,

1. Quia partes fractionis fractioni respondent. Sed fractio

1. α ad. « et ».

significat passionem Christi, ut in *Liliera* (8) dicitur. Ergo partes fractionis debent significare partes veri corporis Christi, in quas per passionem divisum est corpus ejus.

2. **Præterea.** Hoc sacramentum est maxime sacramentum unionis. Sed distinctio partium unioni opponitur. Ergo non competit in hoc sacramento significari partes distinctas corporis mystici.

3. **Præterea.** Hoc non videtur servari secundum communem morem Ecclesiæ quod aliqua pars usque in finem Missæ reservetur. Ergo secundum hoc non debet accipi significatio alicujus partis.

4. **Præterea.** Innocentius (lib. VI *de sacro Altaris Mysi.*, c. 3; L. 217, 907) et Hugo de S. Victore, (lib. II *De sacr.*, p. 8, c. 10; L. 176,468) dicunt quod pars extra calicem servata significat beatos; et ita videtur male dicere quod significat illos qui sunt in sepulchris.

5. **Præterea.** Beati remedio non indigent. Sed sacramenta Ecclesiæ in remedium ordinantur. Ergo non debet esse aliqua pars quæ beatos significet.

6. **Præterea.** *Sicut* est diversitas inter mortuos, *ita* etiam inter vivos. Sed pro mortuis ponuntur duæ partes. Ergo et pro vivis duæ poni debent ad minus.

7. **Præterea.** *Sicut* membra distinguuntur ab invicem, *ita* caput distinguitur a membris. Ergo cum sint tres partes ad significandum diversitatem membrorum corporis mystici, deberet addi et quarta ad significandum ipsum caput.

**133. — RESPONSIO.** Dicendum **AD PRIMAM QUÆSTIONEM** quod, sicut supra dictum est (46), corpus Christi non comparatur ad species sub quibus continetur, mediantibus suis dimensionibus; immo dimensiones ejus sunt ibi quasi ex consequenti.

Ideo quidquid convenit corpori Christi mediantibus dimensionibus suis, hoc non convenit ei secundum quod est sub sacramento.

**134. —** Cum ergo divisio quantitativa ei convenire non possit nisi mediante dimensione propria, constat quod **fractione specierum ipsum corpus ejus non dividitur neque frangitur**, etiam si passibile esset, sicut in cœna fuit.

**135. — AD PRIMUM** ergo dicendum quod in manducatione sunt multa, et fractio sive masticatio, et trajectio in ventrem sive nutritio. *Primum* autem convenit ipsis speciebus tantum; *sed secundum* et speciebus continentibus et corpori contento, quia ubi sunt species, est verum corpus Christi. *Sed*

1. a om. » ita «.

*tertium*, si loquamur spiritualiter, convenit corpori Christi ; si autem corporaliter, speciebus, ut dictum est.

**Et ideo manducatio aliquo modo competit corpori Christi,** sed non fractio, secul divisio.

**136.** — **Ad secundum** dicendum quod quia hoc sacramentum est signum passionis Christi et non ipsa passio, **ideo oportet quod fractio quæ significat passionem non sit in corpore Christi, sed in speciebus quæ sunt signum ejus.**

**137.** — **Ad tertium** dicendum quod *forma substantialis materialis aliquo modo habet ordinem ad dimensiones*, cum dimensiones interminate præintelligantur in materia ante formam substantialem, ut dictum est (125) ; **sed corpus Christi nequam.** Et ideo non est simile de corpore Christi et illis formis.

**138.** — **AD SECUNDAM QUÆSTIONEM** dicendum quod *Quidam* dixerunt quod fractio secundum rei veritatem non erat in hoc sacramento.

**Sed hoc non potest esse** ; quia fractio importat passionem, sive motum quemdam, et multitudinem ad quam terminatur motus ; et utrumque horum est sensibile per se. Sunt enim sensibilia communia quæ contra sensibilia per accidens dividuntur in II *De anima* (J36. 418a, 7 sq. ; l. 13) ; et ita iudicium de his pertinet ad sensitivam partem. Unde cum sensus iudicet fractionem, si non esset fractio, esset falsum iudicium : quod non competit in sacramento veritatis.

**139.** — Et ideo *Al ii* dixerunt quod est ibi fractio sine subjecto.

**Sed hoc non potest dici** ; quia fractio cum sit quidam motus, secundum rationem suæ speciei requirit terminum a quo et in quem. Et ideo oportet ibi esse unum quod in multa dividitur ; et hoc est subjectum fractionis.

**140.** — **Et præterea.** Actio vel passio habet magis debile esse quam qualitas. Unde cum qualitates in hoc sacramento ponamus in subjecto, multo fortius passionem.

**141.** — Et ideo, cum **fractio** non possit esse in corpore Christi sicut in subjecto, ut dictum est (134), **oportet quod sit in speciebus.**

**142.** — **AD PRIMUM** ergo dicendum quod signum respondet signato *quantum ad id quod fuit*, sed non quantum ad id quod est. *Est enim hoc sacramentum signum rememorativum respectu dominicæ passionis.*

**143.** — **Ad secundum** dicendum quod *sicut* densitas manet in hoc sacramento, *ita* durities quæ est ejus effectus. *Et propter hoc etiam* species illæ sonum facere nate sunt, et sic *etiam est ibi porositate invenire.*

1. Ed. « sive ». — 2. Non erronee ut in Parm. : « respondet signato quantum ad id quod est ».

**144.** — **Ad tertium** dicendum quod *illud de speciebus quod est in una portione, non est in alia*, quia species sunt quæ franguntur. **Corpus autem Christi non frangitur, quia totum remanet sub qualibet parte.** Et ratio hujus dicta est supra d. 10 (84).

**145.** — **AD TERTIAM QUÆSTIONEM** dicendum quod *sicut in hoc Sacramento est duplex res sacramenti, scilicet corpus Christi verum et mysticum; ita etiam fractio duo significat, scilicet ipsam divisionem corporis veri quæ facta est in passione, et hæc significatio tangitur in Littera (8); et distributionem virtutis redemptionis Christi per diversa membra Ecclesiæ, et hanc significationem tangit Dionysius in 3 cap. Eccl. Hier.* (p. 3, n. 13; G. 3,443).

Et secundum hoc accipitur significatio partium secundum diversum membrorum statum.

**146.** — Quia **quidam sunt adhuc vivi**, et hi significantur per partem quæ comeditur; quia ipsi atteruntur diversis pœnalitatibus et sunt in ipso motu, ut incorporentur Christo.

**147.** — **Quidam autem sunt mortui**; et hi sunt in duplici statu.

Quia *quidam in plena participatione beaitudinis*; et hoc est corpus Christi quod jam surrexit, sicut ipse Christus et beata Virgo; *et hi significantur per pariem in calice missam*, quia illi « *inebriantur ab ubertate domus Dei* » (Ps. xxxv, 9).

**148.** — *Quidam autem sunt in expectatione plenæ beaitudinis*, qui vel stolam animæ tantum habent, vel neutram, ut hi qui sunt in purgatorio; *et hi significantur per tertiam pariem que reservatur usque in finem*, quia hi perfectam gloriam consequuntur in fine mundi et interim in sepulchris quiescunt.

**149.** — **AD PRIMUM** ergo dicendum quod ipsum corpus Christi verum significat corpus Christi mysticum. Unde *paries corporis veri significant partes corporis mystici*.

**150.** — **Ad secundum** dicendum quod ista unio facta est per passionem Christi. *Et ideo oportet quod sil in hoc sacramento fractio quæ passionem significet*.

**151.** — **Ad tertium** dicendum quod *talis mos fuit in primitiva Ecclesia* qui tamen modo cessavit propter periculum; nihilominus remanet eadem significatio partium.

**152.** — **Ad quartum** dicendum quod *non esi inconueniens per idem diversa significari secundum suas proprietates diversas. Unde et calix passionem significat in quantum inebriat*. Et sic procedit significatio quam ponit Innocentius; quia pars extra calicem significat eos qui sunt extra passionem præsentis miseræ,

1. y « enim ». — 2. α « persequuntur ». — 3. γη ad. « et » contra a/tóc et ed.

et pars in calice missa eos qui prædictis passionibus opprimuntur. **Sed in quantum potus calicis delectat, significat gaudium aeternitatis.** Et ita procedit significatio in *Littera* (8) posita quæ continetur sub his versibus :

Hostia dividitur in partes. Tincta beatos  
Plene, sicca notat vivos, servata sepultos.

**153. — Ad quintum** dicendum quod *hoc sacramentum* non solum *est* in remedium, sed *etiam in gratiarum actionem*. Et ideo, quamvis beati non consequantur aliquod remedium ex isto sacramento, quia tamen est in gratiarum actionem pro eorum gloria, conveniens fuit ut et ipsi in hoc sacramento significarentur.

**154. — Ad sextum** dicendum quod omnes vivi indigent hoc sacramento ad remedium, sed non omnes mortui. Et ideo pro mortuis ponuntur duæ partes, sed pro vivis una tantum.

**155. — Vel dicendum** quod duæ ponuntur pro vivis : una pro vivis in hoc saeculo, et alia pro vivis in gloria, qui resurrexerunt ; et pro omnibus qui adhuc non resurrexerunt, una tantum.

**156. — Ad septimum** dicendum quod resurrectio membrorum est conformis resurrectioni capitis; quia « *reformabit corpus humilitatis nostræ configuratum corpori claritatis suæ* » ; *Philip*, m, 21. *Et ideo eadem parte significatur et caput et membra ei perfecte configurata.*

## QUÆSTIO II

Deinde quæritur de effectu hujus sacramenti.

Et circa hoc quaeruntur duo.

*Primo*, de effectu ejus quantum ad consecutionem boni.

*Secundo*, de effectu ejus quantum ad remotionem mali.

### ARTICULUS I

#### m

*[Infra, 195; III, q. 79, a. 1.]*

**157. — AD PRIMUM SIC PROCEditur.** Videtur quod PER HOC SACRAMENTUM NON AUgeantur virtutes.

1. Quia diversarum causarum diversi sunt effectus. Sed augmentum virtutis est effectus baptismi et etiam confirmationis, ut supra dictum est (d. 4, q. 2, a. 2 ; d. 7, q. 2, a. 2). Ergo non est effectus eucharistiæ.

2. **Præterea.** Per augmentum caritatis ad perfectionem caritatis venit. Si ergo per hoc sacramentum caritas et aliæ virtutes auferentur, toties posset sumi quod homo in hac vita ad perfectam caritatem veniret, et ad summum gradum ipsius: quod non est nisi in patria, ut Augustinus dicit [*De perfectione juslit.*, c. 3; L. 44,295].

3. **Præterea.** Omnes virtutes simul augentur. Si ergo augmentum virtutum esset effectus hujus sacramenti, non magis deberet poni effectus augmentum caritatis quam aliarum virtutum.

158. — **SED CONTRA.** Nihil spiritualiter perficitur nisi per augmentum virtutum. Sed secundum Dionysium (*De Eccles. Hier.*, c. 3; G. 3,423), eucharistia habet virtutem perfectivam. Ergo effectus ejus est virtutis augmentum.

159. — **Præterea.** Effectus hujus sacramenti est plenitudo gratiæ, ut patet in oratione canonis: « *Quotquot ex hac altaris participatione sumpserimus, omni benedictione caelesti et gratia repleamur.* » Sed ad plenitudinem gratiæ per augmentum virtutis pervenitur. Ergo idem quod prius.

## [II]

160. — **ULTERIUS.** Videtur quod hoc sacramentum pro sit ETIAM BEATIS AD AUGMENTUM GLORIÆ.

1. In collecta enim beati Leonis Papæ, ut *Dinocentius* dicit (extra, de celebratione Miss., cap. « Cum Martha »), ita dicitur: « *Annue nobis Domine, ut animæ famuli tui Leonis hæc prosit oblatio.* » Sed constat beatum Leonem in gloria esse. Ergo prodest beatis ad gloriæ augmentum.

2. **Præterea.** Hoc sacramentum offertur etiam pro parvulis decedentibus in innocentia baptismali. Sed constat quod tales ad gloriam transeunt. Ergo prodest etiam hoc sacramentum ad augmentum gloriæ.

161. — **SED CONTRA.** Sacramenta Ecclesiæ non prosunt alicui qui non sit in statu proficiendi. Sed sancti in patria existentes non sunt in statu proficiendi, cum sint in termino profectus. Ergo eis eucharistia non prodest.

## [III]

[*Infra* 195; III, q. 79, a. 8.]

162. — **ULTERIUS.** Videtur quod effectus hujus sacramenti NON POSSIT IMPEDIRI NISI PER PECCATUM MORTALE.

1. Quia, sicut Ambrosius in *Littera* (8a) dicit, « *spiritualiter*

1. a om. « effectue ». — 2. a om. « est ».

*manducat qui innocentiam ad altare portat* ». Sed quicumque sine peccato mortali accedit, portat innocentiam ad altare ; quia venialia peccata innocentiam non tollunt. Cum ergo spiritualiter manducans effectum sacramenti percipiat<sup>1</sup>, videtur quod effectus sacramenti non possit impediri nisi per peccatum mortale.

2. **Praeterea.** Baptismus non est nobilius sacramentum quam eucharistia<sup>2</sup>. Sed nihil impedit effectum baptismi nisi peccatum mortale. Ergo nec effectum hujus sacramenti.

3. **Praeterea.** Peccatum veniale non facit fictum. Sed sola fictio impedit sacramentorum effectum. Ergo solum peccatum mortale impedit sacramenti effectum.

**163. — SED CONTRA.** Nullus percipit effectum hujus sacramenti nisi qui. accedit sicut accedendum est. Sed aliquis debet accedere ad hoc sacramentum cum diligenti conscientiae suae examinatione, ut patet I *Cor.*, xi, 28. Cum ergo sine peccato mortali possit hoc praetermitti, videtur quod sine peccato mortali possit effectus hujus sacramenti impediri.

**164. — Praeterea.** Ad hoc quod aliquis adultus gratiam recipiat, oportet quod se ad gratiam habendam praeparaverit. Sed hanc praeparationem contingit sine peccato mortali impediri. Ergo sine peccato mortali contingit impediri effectum hujus sacramenti.

**165. — RESPONSIO.** Dicendum **AD PRIMAM QUÆSTIONEM** quod proprius effectus cujuslibet sacramenti debet assumi ex similitudine ad materiam illius sacramenti : sicut expurgatio veteris vitæ est effectus baptismi per ablutionem aquæ significata. Et ideo cum materiale in hoc sacramento sit cibus, oportet quod effectus proprius hujus sacramenti accipiatur secundum similitudinem ad effectum cibi. Cibus autem corporalis primo in cibatum convertitur, et<sup>3</sup> ex tali conversione, deperdita restaurat et quantitatem auget ; sed spiritualis cibus non convertitur in manducantem, sed eum ad se convertit.

**166. —** Unde proprius effectus hujus sacramenti *est conversio hominis in Christum*, ut dicat cum Apostolo : « *Vivo ego, jam non ego ; vivit vero in me Christus* » *Galal.*, ii, 20. Et ad hoc sequuntur *duo* effectus : **augmentum spiritualis quantitatis** in augmento virtutum, et **restauratio deperditorum in remissione venialium vel reparatione cujuscumque defectus præcedentis.**

**167. — AD PRIMUM** ergo dicendum quod augmentum dicitur *dupliciter.*

*Uno modo communiter*, prout invenitur in viventibus et non viventibus, secundum quod quælibet additio augmentum facit.

1, y « participat ». — 2. y N. P « istud ». — 3. *ayeil om.* « et », sed *y ad.* in margine.

Et hoc modo virtutes augentur per omnia sacramenta quæ gratiam inveniunt in subjecto, ex eo quod ipsa de se nata sunt gratiam causare.

**168.** — *Alio modo* augmentum dicitur *proprie*, prout est in viventibus ex conjunctione nutrimenti. *Et talis modus augmenti virtutum est proprius huic sacramento.*

**169.** ---**Ad secundum** dicendum quod *duplex* est perfectio caritatis, scilicet *viæ* et *patriæ*. Et quamvis non possit *hoc sacramentum existens in via* perducere ad perfectionem patriæ propter diversum statum, *potest tamen perducere ad perfectionem viæ*. Per augmentum enim caritatis ad perfectionem patriæ in via pervenire non possumus.

**170.** — **Ad tertium** dicendum quod caritatis proprium est transformare amantem in amatum, quia ipsa est quæ extasim facit, ut Dionysius dicit (*De div. nom.*, c. 4, n. 13 ; G. 3,711). *Et quia augmentum virtutum in hoc sacramento fit per conversionem manducantis in spiritualem cibum, ideo magis attribuitur huic sacramento caritatis augmentum quam aliarum virtutum.*

**171.** — **AD SECUNDAM QUÆSTIONEM** dicendum quod gloria comprehendit sanctorum præmium, quod quidem est *duplex* : scilicet *essentiale* gaudium quod de Divinitate habent, et *accidentale*, idest gaudium quod habent de quocumque bono creato.

**172.** — *Quantum aulem ad præmium essentiale*, secundum probabiliorem opinionem, eorum gloria augeri non potest. *Sed quantum ad præmium accidentale* usque ad diem iudicii augeri potest; alioquin tunc non "augeretur gaudium<sup>2</sup> de gloria corporis. Unde de omnibus beneficiis<sup>3</sup> eis gloria accrescit ; quia « *gaudium est angelis Dei super uno peccatore poenitentiam agente* » ; Luc., xv, 10. Et ita etiam de omnibus quæ in Dei honorem fiunt, gaudent, et maxime de his in quibus de eorum gloria Deo gratias agimus.

**173.** — **Unde simpliciter loquendo**, *hoc est quantum ad essentiam gloriæ, hoc sacramentum non auget in beatis gloriam ; sed secundum quid*, scilicet quantum ad accidentale præmium, auget.

**174.** — **AD PRIMUM** ergo dicendum quod *sicut* Innocentius solvit, ubicumque<sup>4</sup> talis loquendi modus invenitur, ita debet intelligi, ut ad hoc prosit *ut a fidelibus magis ac magis glorificetur in terris.*

1. γ<η « hoc ». — 2. γ?η om. « gaudium ». — 3. Ed. » benefactis ». — 4. αἰον< quicumque ».

**175.** — **Ad secundum** dicendum quod *pro pueris baptizatis Missarum solemnia celebrantur*, non quia eis iuventur quantum ad remissionem alicujus culpæ vel quantum ad augmentum gloriæ, sed propter alias rationes : *tum* propter solatium vivorum ; *tum* ad ostendendum parvulos ad unitatem corporis mystici pertinere, dum idem modus exequiarum servatur in ipsis et in aliis ; *tum* ad commendandum redemptionis mysterium quod in hoc sacramento commemoratur, per quod parvuli sine proprio merito salutem consequuntur aeternam.

**176.** — **AD TERTIAM QUÆSTIONEM** dicendum quod omnis perfectio acquirenda impeditur per remotionem propriæ dispositionis. *Sicut* autem dispositiones materiales se habent ad perfectionem formæ, *ita* actus se habent ad perfectionem finis.

**177.** — Unde cum hoc sacramentdm perficiat conjungendo fini, ut supra dictum est (**166**), **ad hoc quodl effectum suum plene habeat in sumente, oportet quod adsit actualis devotio.**

Et quia interdum absque mortali peccato actualis devotio impediri potest, cum distractiones variæ ipsam impediunt et peccata venialia virtutum actum tollant, **absque peccato mortali potest effectus hujus sacramenti impediri**, ita<sup>2</sup> quod aliquis augmentum gratiæ non consequatur. Nec tamen reatum peccati mortalis incurret<sup>3</sup>, sed forte reatum venialis peccati, ex hoc quod imparatus accedit.

**178.** — **AD PRIMUM** ergo dicendum quod innocentiam portans spiritualiter manducat habitu, sed non semper actu ; **Et ad hoc quod effectum sacramenti percipiat, oportet quod actu spiritualiter manducet.**

**179.** — **Ad secundum** dicendum quod *in baptismo* datur primum esse spirituale. Et ideo effectus ejus non impeditur nisi per propositum peccati mortalis committendi, quod directe vitæ spirituali opponitur.

**180.** — *Sed in hoc sacramento fit conjunctio ad finem, quæ debet esse per debitam operationem. Et ideo defectus talis operationis impedit effectum hujus sacramenti.*

**181.** — **Ad tertium** dicendum quod quamvis *peccatum veniale* non faciat fictum simpliciter, *facit* tamen *fictum quo ad aliquid.*

Nec<sup>4</sup> tamen *dicendum quod omne peccatum veniale impediatur effectum hujus sacramenti*, sed *solum illud quod tollit actualem devotionem* quæ exigitur in hoc sacramento.

1. α « ut ». — 2. α ad. « quidem ». — 3. α « incurrit ». — 4. α « Non ».

## ARTICULUS II

## [I]

[Supra, 166; III, q. 79, a. 4; q. 87, a. 3.].

**182. — AD SECUNDUM SIC PROCEditur.** Videtur quod virtute hujus sacramenti venialia peccata non dimittantur.

1. Qua enim ratione dimittitur unum, et aliud. Sed omnia non dimittuntur; quia sic aliquis esset frequenter absque omni veniali peccato: quod est contra illud quod dicitur I JoAn., i, 8: « Si dixerimus quoniam peccatum non habemus, nosipsos seducimus. » Ergo non delet aliquod peccatum veniale.

2. **Præterea.** Peccatum non deletur nisi per id quod habet oppositionem ad ipsum. Sed veniale peccatum non habet oppositionem ad gratiam, quam hoc sacramentum confert. Ergo virtute hujus sacramenti venialia non dimittuntur.

3. **Præterea.** Baptismus, quia dimittit omnia peccata mortalia et venialia, non requirit luctum exteriorem. Si ergo in hoc sacramento venialia peccata dimittantur, non requiritur quod post assumptionem hujus sacramenti aliquis faceret poenitentiam de peccatis venialibus: quod falsum est.

**183. — SED CONTRA.** Innocentius dicit (lib. IV de sacro Altaris Mysi. c. 44; L. 217, 885), quod hoc sacramentum venialia delet, et cavet mortalia.

**184. — Præterea.** Ut ex verbis Ambrosii in *Littera* (9b) positis accipi potest, hoc sacramentum datur in remedium quotidianæ infirmitatis. Sed quotidiana peccata dicuntur venialia. Ergo hoc sacramentum tollit venialia peccata.

## [H]

[Supra, d. 9, 99; III, q. 79, a. 3.].

**185. — ULTERIUS.** Videtur quod etiam virtute hujus sacramenti dimittantur mortalia.

1. Dicitur enim in collecta illa: « Purificent nos, quæsumus, Domine, sacramenta quæ sumpsimus », et mox: « Præsia ut hoc tuum sacramentum sit ablutio scelerum<sup>3</sup>. » Sed scelera dicuntur mortalia peccata. Ergo delet peccata mortalia.

2. **Præterea.** Hoc sacramentum expressius passionem Christi repræsentat quam baptismus. Sed baptismus virtute passionis in eo operantis delet peccata mortalia. Ergo et hoc sacramentum.

1. α « requiretur ». — 2. Ed. om. « peccata ». — 3. α « Purificent nos, quæsumus, Domine, etc... »; « sit ablutio scelerum » in *Postcom.* pro vivis et defunctis.

3. **Præterea.** Minima gratia sufficit ad delendum omnia mortalia. Sed hoc sacramentum gratiam confert. Ergo mortalia delet.

4. **Præterea.** Hoc sacramentum magis operatur in sumente quam in alio ; alias frustra quis assumeret. Sed offertur sacrificium Ecclesiæ pro aliquibus impiis ut convertantur, et non frustra. Ergo et in ipso qui sumit, mortalia peccata delet.

**186. — SED CONTRA.** Augustinus *Ad Renatum* (lib. I *De origine animæ*, c. 9 ; L. 44,480) : « *Quis offerat corpus Christi nisi pro his qui sunt membra Christi ?* » Sed illi qui sunt membra Christi, non habent peccatum mortale. Ergo virtute hujus sacramenti non delentur mortalia.

**187. — Præterea.** Hoc sacramentum non habet effectum aliquem in indigne accedentibus. Sed quicumque accedit cum mortali, indigne accedit. Ergo non percipit effectum hujus sacramenti ; et ita non delet mortalia.

[III]

[*Supra*, d. 4, 123 ; III, q. 79, a. 5.]

**188. — ULTERIUS.** Videtur quod remittat pœnam peccati MORTALIS.

1. Deus enim pronior est ad miserendum quam ad puniendum, ut dicit Glossa in principio *Jerem.* I. Sed indigne accedens incurrit reatum pœnæ mortalis peccati. Ergo digne accedens ab eo absolvitur.

2. **Præterea.** Hoc sacramentum non minus valet vivis quam mortuis. Sed mortuis valet ad remissionem pœnæ, quia ad hoc pro eis offertur. Ergo multo magis vivis.

3. **Præterea.** Veritas est majoris efficaciam quam figura. Sed sacrificia veteris testamenti in satisfactionem pro peccatis mortalibus offerebantur. Ergo multo fortius et hoc, cujus sunt illa figura ; et sic remittit mortalium pœnam.

**189. — SED CONTRA.** Quicumque non est debitor pœnæ, statim moriens evolat. Si ergo hoc sacramento pœna mortalis peccati dimitteretur, quilibet munitus hoc sacramento ex hac vita decedens<sup>2</sup> evolaret : quod falsum est.

**190. — Præterea.** Satisfactio non exigitur nisi ad dimissionem pœnæ. Si ergo hoc sacramento dimitteretur pœna, omnis alia satisfactio tolleretur : quod est inconveniens.

**191. — RESPONSIO.** Dicendum **AD PRIMAM QUÆSTIONEM** quod virtute hujus sacramenti fit quædam transformatio

1. Ex *Origenes*, *hom. I*, G. 13, 225. — 2. *ab* « descendens », contra *ycq* et ed.

hominis ad Christum per amorem, ut dictum est (166) ; et hie est proprius ejus effectus.

192. — Et quia ex fervore caritatis peccata venialia dimituntur, propter hoc quod dicto fervori contrariantur, ideo **ex consequenti, virtute hujus sacramenti, venialia delentur.**

193. — **AD PRIMUM** ergo dicendum quod *tantus potest esse devotionis fervor quod omnia venialia peccata delet.*

Nec est inconveniens quod aliqua hora homo sit absque omni peccato veniali, quamvis hoc diu durare non possit propter difficultatem vitandi peccata venialia.

194. — Nec tamen oportet quod semper omnia peccata venialia delet, sed *secundum mensuram devotionis* ; quia non est proximus effectus ejus deletio venialium, sed ex consequenti, ut ex dictis (166) patet.

195. — **Ad secundum** dicendum quod *in hoc sacramento non solum confertur gratia habitualis, sed excitatur fervor actualis devotionis.* Et ideo gratiæ hujus sacramenti non solum mortalia, sed etiam venialia opponuntur.

196. — **Ad tertium** dicendum quod *baptismus habet pro principali effectu delere peccatum,* et ideo quando non impeditur, delet omnia ; *sed non est ita in hoc sacramento.* Et ideo ratio non sequitur.

197. — **AD SECUNDAM QUÆSTIONEM** dicendum quod effectus sacramenti, ut dictum est (165), respondet his quæ exterius in sacramento geruntur.

Exterius autem usus hujus sacramenti est per manducationem quæ non debetur nisi rei viventi. Et ideo effectus hujus sacramenti præsupponit vitam in sumente.

198. — Et quia peccatum mortale vitam spiritualement tollit, ideo **hoc sacramentum non est ad abluenda peccata mortalia in sumentibus,** sed illos solum defectus qui cum vita esse possunt.

199. — **AD PRIMUM** ergo dicendum quod sicut Innocentius dicit, *hujusmodi locutiones sunt improprie.* Dicitur enim hoc sacramentum scelera vel crimina abluere vel tollere, inquantum ea impedit, contra ipsa robur ministrando.

200. — **Vel dicendum** quod *in aliquo potest esse peccatum mortale, qui ejus conscientiam non habet* ; et talis si devote accedit, veniam consequitur, ut supra d. 9 (99) dictum est

201. — **Ad secundum** dicendum quod *baptismus non solum, exprimit passionem Christi, sed etiam facit baptizalum Christo commori.* Et quia corruptio unius est generatio alterius, generatio

autem est motus in vitam, et non præsупponit vitam, sed privationem ejus ; ideo *per baptismum possunt peccata mortalia dimitti virtute passionis.*

*Non enim! per eucharistiam, per cujus sumptionem homo non significatur commori Christo, sed fructu mortis Christi refici, quod vitam præsупponit.*

**202.** — **Ad tertium** dicendum quod gratia quam *eucharistia* confert, quantum est de se, habet virtutem mortalia delendi. Sed *ratione ordinis quem habet ad vitam quam præsупponit, mortalia invenire non potest, et ideo nec ea delere.*

Si autem inveniat in subjecto, non in conscientia, nihilominus ea delet.

**203.** — **Ad quartum** dicendum quod *eucharistia* non solum est sacramentum, sed etiam est sacrificium.

*Inquantum autem est sacramentum, habet effectum in omni vivente, in quo requirit vitam præsistere.*

**204.** — *Sed? inquantum est sacrificium, habet effectum etiam in aliis pro quibus offertur, in quibus non præsigit vitam spiritualem in actu, sed in potentia tantum. Et ideo, si eos dispositos inveniat, eis gratiam obtinet virtute illius veri sacrificii a quo omnis gratia in nos defluxit ; et per consequens peccata mortalia in eis delet, non sicut causa proxima, sed inquantum gratiam contritionis eis impetrat.*

**205.** — **Et quod in contrarium dicitur, (186),** quod non offertur nisi pro membris Christi, intelligendum est pro membris Christi offerri, quando offertur pro aliquibus ut sint membra.

**206.** — **AD TERTIAM QUÆSTIONEM** dicendum quod *eucharistia, inquantum est sacramentum, habet ut dictum est (166), pro principali effectu unionem hominis ad Christum. Et ideo per modum sacramenti non aufert nisi ea quæ in habente vitam huic unioni opposita<sup>3</sup> invenit.*

**207.** — Poena autem peccato mortali debita, quod jam delatum est, non est hujusmodi. Ideo *inquantum est sacramentum, non habet effectum pænæ mortalis dimissionem ; sed inquantum est sacrificium, accipit rationem satisfactionis ; et secundum hoc in parte vel in toto poenam tollit, sicut et aliæ satisfactiones secundum mensuram pænæ debitæ pro peccato et devotionis quæ sacramentum offertur.*

Nec tamen semper virtute hujus sacramenti tota pœna tollitur.

**208.** — **AD PRIMUM** ergo dicendum quod *indigne accedens*

1. *β* et ed. «autem», contra aySerç.— 2. a ad. « etiam ». — 3. aye?? « oppositam s sed q cor.

cum conscientia mortalis peccati, *mortaliter peccat*; et ideo reatum pœnæ debitæ mortali peccato incurrit.

**209.** — *Digne autem accedens meretur vitam æternam*, ad quam meritum ordinatur, sicut mortale peccatum ad pœnam. Non autem ordinatur meritum directel principaliter ad remissionem pœnæ. *Et ideo ratio non procedit.*

**210.** — **Ad secundum** dicendum quod non totaliter semper aufertur pœna per hoc sacrificium illis qui sunt in purgatorio, nec auferebatur in veteri lege per antiqua sacrificia.

Unde patet solutio **ad tertium**.

### QUÆSTIO III

Deinde quæritur de frequentatione hujus sacramenti.

Et circa hoc quaeruntur duo.

*Primo*, de frequentatione.

*Secundo*, de cessatione.

#### ARTICULUS I

[I]

[III, q. 80, a. 10; *I ad Cor.*, c. 11, l. 7]

**211.** — **AD PRIMUM SIC PROCEDITUR.** Videtur quod NON DEBEAT HOMO FREQUENTARE HOC SACRAMENTUM, SED SEMEL TANTUM IN VITA SUA SUMERE.

1. Injuriam enim facit sacramento qui sacramentum iterat, Sed rei digniori minus facienda est injuria. Cum ergo hoc sacramentum sit dignius aliis quibusdam quæ non iterantur, videtur quod non nisi semel accipi debeat.

2. **Praeterea.** Apostolus probat, *Hebr. x*, ex unitate hostiæ vel passionis Christi, unitatem baptismi. Sed hoc sacramentum magis convenit cum passione Christi, inquantum est hostia, quam baptismus. Ergo cum baptismus semel tantum percipiatur, et hoc sacramentum semel tantum debet percipi2.

**212.** — **SED CONTRA.** « *Cum frequentatione mysterii crescit nostræ salutis effectus* », ut in *Collecta (postcom. dominicæ infra octavam Corporis Christi)* dicitur. Sed ad hoc debemus niti3 ut effectus salutis in nobis crescat. Ergo debemus frequenter sumere.

1. *γ ad.* « et ». — 2. *α* « accipi ». — 3. *γ* « uti ».

## [II]

**213. — ULTERIUS.** Videtur quod qualibet die.

1. Ambrosius enim dicit (lib. V *De sacram.*, c. 4, n. 25 ; L. 16,471) : « *Isle panis quotidianus est ; accipe quotidie quod tibi prosit.* »

2. **Præterea.** Isto sacramento excitatur fervor caritatis, quia homo Christo unitur. Sed hoc expedit ut quotidie fiat. Ergo quotidie communicandum est.

**214. — SED CONTRA** est quod Augustinus dicit in lib. *De eccl. dogmat.* (c. 53 ; L. 58,994) : « *Quotidie eucharistiam sumere nec laudo nec vitupero.* » Ergo non est quotidie communicandum.

## [III]

**215. — ULTERIUS.** Videtur quod sit semel in anno COMMUNICANDUM TANTUM.

1. Quia agnus paschalis signum fuit hujus sacramenti. Sed sumebatur tantum semel in anno. Ergo et hoc sacramentum debet semel in anno tantum percipi.

2. **Præterea.** Hoc sacramentum est memoriale dominicæ passionis. Sed passionem Domini commemorat Ecclesia semel in anno. Ergo tunc tantum debet esse tempus communicandi.

**216. — SED CONTRA** est quod dicit Fabianus Papa (*De consecr.*, d. 2, cap. « Et si » ; L. 187,1738). « *Et si non pluries, tersaltem in anno communicent homines, scilicet in Pascha, Pentecoste et Nalati Domini.* »

## [IV]

**217. — ULTERIUS.** Videtur quod homo possit una die PLURIES COMMUNICARE.

1. Quia majus est celebrare quam communicare. Sed sacerdos potest una die celebrare pluries, si necesse sit. Ergo et alius fidelis potest pluries communicare.

2. **Præterea.** Quotiescumque ægritudo corporalis iteratur, extrema unctio potest iterari. Sed eucharistia ordinatur contra ægritudinem peccatorum venialium, quæ uno die pluries iterantur. Ergo una die potest homo pluries communicare.

**218. — SED CONTRA** est quod dicitur *De consecr.*, d. 1, (cap. « Sufficit » ; L. 187,1723) : « *Sufficiat sacerdoti semel in die Missam celebrare ; quia Christus semel passus est, et totum mun-*

*dum redemit.* » Ergo etiaml semel tantum? in die debet quis communicare.

**219. — RESPONSIO.** Dicendum **AD PRIMAM QUÆSTIONEM** quod ea quæ in hoc sacramento geruntur, habent similitudinem cum his quæ accidunt in corporali nutrimento.

Quia enim fit quasi continua deperditio naturalis humiditatis per actionem caloris naturalis et exercitium laboris, ideo oportet frequenter corporalem cibum assumere ad restaurationem deperditi, ne deperditio continua mortem inducat.

**220. —** Similiter autem' ex concupiscentia innata et occupatione circa exteriora fit deperditio devotionis et fervoris, secundum quæ homo in Deum colligitur. **Unde oportet quod pluries deperdita restaurentur, ne homo totaliter alienetur a Deo.**

**221. — AD PRIMUM** ergo dicendum quod perfectio hujus sacramenti, ut dictum est (d. 8, 16), consistit in consecratione materiæ, non in usu ipsius. Et ideo consecratio non repetitur super eandem materiam propter reverentiam sacramenti, sed *usus potest repeti.*

**222. — Ad secundum** dicendum quod **baptismus repræsentat illam hostiam, secundum quod facit in nobis spiritualem vitam.** Et quia generatio uniuscujusque non est nisi semel, **et4 ideo baptismus, non repetitur.**

**223. —** Sed **eucharistia repræsentat illam hostiam secundum quod reficit. Et ideo oportet quod frequenter sumatur.**

**224. — AD SECUNDAM QUÆSTIONEM** dicendum quod in hoc sacramento *duo* requiruntur ex parte recipientis : scilicet desiderium conjunctionis ad Christum, quod facit amor ; et reverentia sacramenti, quæ ad donum timoris pertinet. *Primum* autem incitat ad frequentationem hujus sacramenti quotidianam, sed *secundum* retrahit.

**225. —** Unde *si aliquis experimentaliter cognosceret ex quotidiana sumptione fervorem amoris augeri et reverentiam non minui, talis deberet quotidie communicare ; si* autem sentiret per quotidianam frequentationem reverentiam minui et fervorem non multum augeri, **talis deberet interdum abstinere ut** cum majori reverentia et devotione postmodum accederet.

**226. —** Unde quantum ad hoc unusquisque relinquendus est judicio suo ; et hoc est quod Augustinus dicit (*ep.* 65, c. 3 ; L. 33,201) : « *Dixit5 quispiam, non quotidie accipiendam esse*

1. εη « et ». — 2. y om. « tantum ». — 3. Ed. « etiam ». — 4. Ed. om. « et ». — 5. Ed. « Si dixerit ».

*eucharistiam, alius affirmet quotidie sumendam; faciat unusquisque quod secundum fidem suam pie credit esse faciendum* ». Et probat per exemplum Zacchæi et Centurionis : quorum unus recipit Dominum gaudens, (Luc. xix, 6), alius dicit (Mat., vm, 8) : « *Non sum dignus ut intres sub tectum meum* » ; et uterque misericordiam consecutus est.

Et per hoc patet solutio ad objecta.

**227. — AD TERTIAM QUÆSTIONEM** dicendum quod **secundum diversos status fidei diversus mos de hoc inolevit.**

*Nam in primitiva Ecclesia, quando vigeat devotio major ex propinquitate passionis Christi, et erat major<sup>2</sup> impugnatio ab infidelibus, quia hæc mensa adversus tribulationes Ecclesiæ præparatur, quotidie communicandum fidelibus indicebatur. Unde Anacletus Papa dicit (De consecr., d. 2, c. 10; L. 187,1735) : « Peracta consecratione omnes communicent, qui nolunt ecclesiasticis carere liminibus. Sic enim Apostoli statuerunt. »*

**228. —** *Postmodum indicium fuit ut saltem ter in anno communicarent, ut dictum est (216), propter solemnitatem illorum dierum.*

**229. —** *Sed postmodum arctatum est, ut saltem semel in anno, scilicet in Pascha, communicent; et ad hoc etiam multi idonei non inveniuntur.*

**230. —** Et quamvis statutum Ecclesiæ non liceat præterire, tamen licet pluries communicare. Unde Augustinus (ubi supra) laudat omnibus diebus dominicis communicandum esse. **Et ita pluries in anno potest communicare quis<sup>3</sup>.**

**231. — AD PRIMUM** ergo dicendum quod *agnus paschalis* fuit figura hujus sacramenti ratione passionis Christi quæ semel tantum facta est, et ideo *semel tantum in anno sumebatur*; sed *manna* quod<sup>4</sup> fuit figura hujus sacramenti, inquantum hoc sacramentum est cibus fidelium, *quolibet die sumebatur.*

**232. — Ad secundum** dicendum quod Ecclesia tempore passionis recolit ipsam passionem secundum se, et ideo semel in anno tantum recolit; sed *in hoc sacramento recolitur passio secundum quod per ipsam reficimur*; et quia tali refectioe pluries indigemus, ideo pluries hoc modo recolitur dominica passio.

**233. — AD QUARTAM QUÆSTIONEM** dicendum quod **homo non debet pluries in una die communicare**, ut saltem quantum ad unam diem repræsentetur unitas dominicæ passionis, et ut quantum ad aliquid reverentia sacramento exhibeatur semel tantum<sup>6</sup> sumendo.

1. α « recipit ». — 2. a om. *pei&iomot.* « ex propinquitate passionis Christi, et erat major ». — 3. a † aliquis ». — 4. α a quæ ». — 5. Ed. om. « tantum ».

**234.** — **AD PRIMUM** ergo dicendum quod *sacerdos est quasi persona publica*, et ideo oportet quod non solum pro se, sed etiam pro aliis celebret. *Ei ideo necessitate cogente potest pluries celebrare in die*. Sed non est eadem ratio de illis qui non sumunt nisi ratione sui.

**235.** — **Ad secundum** dicendum quod *sunt alia remedia quibus peccatum veniale expiari potest*. Unde non oportet ut ad ea expianda homo pluries in die communicet.

## ARTICULUS II

[I]

[HI. q. 80, a. 11 ; in *Joan.*, c. 6, l. 7.]

**236.** — **AD SECUNDUM SIC PROCEDITUR.** Videtur QUOD LICEAT OMNINO A COMMUNIONE CESSARE.

1. Quia nullus tenetur nisi ad ea quæ sunt necessitatis. Sed hoc sacramentum, ut supra 9 d. (22) dictum est, non est necessitatis. Ergo aliquis potest omnino a sacramenti sumptione cessare.

**2. Præterea.** Quod fit ad reverentiam Dei, non est peccatum. Sed aliquis potest ex reverentia sacramenti omnino cessare. Ergo si omnino cesset, non est peccatum.

**3. Præterea.** Augustinus dicit (*ep.* 54, c. 3 ; L. 33,201) quod « *de sumptione hujus sacramenti debet quilibet facere quod pie credit faciendum esse.* » Ergo non peccat, si omnino cesset et putat hoc esse faciendum.

**237.** — **SED CONTRA** est quod Innocentius dicit (lib. IV *de sacro Alt. mysl.*, c. 42 ; L. 217,882) : « *Cavendum est ne si nimium hujus sacramenti sumptio differatur, mortis periculum incurratur.* » Ergo si omnino cessatur, est mortiferum.

**238.** — **Præterea.** Statutum est Ecclesiæ, ut saltem semel in anno fideles communicent. Ergo qui omnino cessat, peccat.

[II]

**239.** — **ULTERIUS.** Videtur QUOD ILLE QUI CONSECRAT, POSSIT A COMMUNIONE CESSARE.

1. Quia ubi est major necessitas, ibi secundum ordinem debitum caritatis est magis subveniendum. Sed potest contingere quod postquam sacerdos consecraverit, aliquis infirmetur ad mortem et instanter petat corpus Christi in ultima necessitate

1. a om. « debitum ».

constitutus. Ergo cum hoc sit sacramentum caritatis, debet sacerdos ipse a communione desistere et infirmo dare.

2. **Præterea.** Gravius est peccatum peccato superaddere quam unum simplex peccatum committere. Sed habens conscientiam peccati mortalis peccat consecrando, peccat etiam communicando. Ergo ex quo consecravit, debet saltem a sumptione cessare.

3. **Præterea.** Communicatio corporis Domini et sanguinis æqualiter debetur omnibus membris Christi. Sed aliis datur corpus Christi sine sanguine. Ergo sacerdos saltem a sumptione sanguinis abstinere potest.

240. — **SED CONTRA** est quod dicitur *De Consecr.*, d. 2 cap. « Revelatum » (*L.* 187,1735), ubi reprobatur eorum error qui volebant consecrare corpus Christi et non sumere.

241. — **Præterea.** Hoc idem videtur ex verbis Domini, quibus dixit hoc sacramentum instituens : « *Accipite et comedite* » ; (*Mat.*, xxvi, 26.)

[HI]

242. — **ULTERIUS. VIDETUR QUOD LAUDABILIS SIT ABSTINERE AB HOC SACRAMENTO QUAM ACCEDERE.**

1. Quia ad Deum maxime per humilitatem appropinquamus. Sed quod homo ex reverentia sacramenti a communionel desistit, humilitatis est. Ergo<sup>2</sup> videtur magis meritorium et fructuosum, quam etiam sumere.

2. **Præterea.** Caritatis veræ est magis Dei gloriam quam commodum proprium quaerere. Sed iste qui abstinet, videtur propter gloriam Dei facere quam reveretur ; qui autem sumit, propter proprium commodum facere, quia fructum sacrum<sup>3</sup> quaerit. Ergo illud est perfectioris caritatis, et ita magis meritorium.

243. — **SED CONTRA.** In aliis sacramentis ei cui licet sacramentum accipere, melius est accipere quam desistere. Sed hoc sacramentum dignius est aliis. Ergo multo melius est homini parato accipere quam ex reverentia desistere.

244. — **RESPONSIO.** Dicendum **AD PRIMAM QUÆSTIONEM** quod **nulli licet a communione omnino cessare** ; quia Ecclesia statuit tempus in quo fideles communicare debeant. Unde qui omnino desistunt, efficiuntur rei transgressionis precepti.

245. — *Institutio autem Ecclesiæ fuit necessaria.* Quia enim in quotidiana pugna sumus, vita spiritualis in nobis evanesceret, nisi aliquando cibum vitæ sumeremus.

1. α « communicatione ». — 2. α ad. « hoc ». — 3. F « sacramenti ».

**246. — AD PRIMUM** ergo dicendum quod hoc sacramentum de sui institutione prima, quamvis non sit de necessitate salutis, tamen *ex institutione Ecclesiae* necessarium efficitur.

**247. —** Et sine hoc etiam necessarium esset non simpliciter, ut sine quo non esset salus, sed *ex suppositione finis*, si scilicet homo in vita spirituali firmus persistere vellet.

**248. — Ad secundum** dicendum quod reverentia debita Deo in hoc exhibetur quod homo non se nimis divinis ingerat supra suum modum; sed *quod homo omnino se subtrahat, hoc est contemptus et pusillanimitatis*.

**249. — Ad tertium** dicendum quod *verbum Augustini referendum est ad hoc quod quotidie sumatur vel non*, non autem ad hoc quod omnino quis desistat.

**250. — AD SECUNDAM QUÆSTIONEM** dicendum quod semper ille qui consecrat, debet sumere corpus et sanguinem Ghristi, nisi impediatur vel per violentiam vel per mortem vel per infirmitatem aut<sup>2</sup> aliquid hujusmodi.

**251. — Cujus ratio potest sumi ex parte ipsius sacramenti, quod in ipsa sumptione complementum suæ significationis accipit;** quia, ut dicit Augustinus<sup>3</sup> (in lib. De corp, et sang. Dom., c. 13; L. 150,423) « *dum sanguis in ore fidelium de calice funditur, sanguinis effusio de latere Christi designatur* »; *ei etiam complementum suæ efficaciae*, quia ultimum effectum proprium habet in hoc quod sumitur. **Ut ergo sacramentum sit perfectum, oportet illum qui sacramentum celebravit, communicare.**

**252. — Potest etiam sumi ratio ex parte ipsius consecrantis;** quia cum ipse sit aliis dispensator divinorum, debet primo in participatione divinorum fieri, ut Dionysius dicit<sup>4</sup> 3 cap. *Eccles. Hier.* (p. 3, η. 14; G. 3, 443).

**253. — AD PRIMUM** ergo dicendum quod *in tali casu* non oportet quod *sacerdos* communionem intermittat, sed *potest dare infirmo petenti partem hostiæ consecratæ*.

**254. — Ad secundum** dicendum quod *magis peccaret non sumendo*, quia sacrilegium committeret pervertens ritum sacramentorum.

*Nec tamen est perplexus, quia potest ad Deum converti et conteri;* et tunc sine periculo in tali articulo sumet.

**255. — Ad tertium** dicendum quod perfectio sacramenti hujus in utroque consistit, ut ex supra dictis (251) patet. Et ideo *sacerdos celebrans qui alterum tantum sumeret, imperfecte*

1. Ed. om. «divinis».— 2. Ed. «vel».— 3. Cf. *Decret. de consecr.d.* II, c. «Quum frangitur», L. 187, 1748. Sed appendix *Decr.* notat hæc Lanfranco esse restituenda in lib. *De Corp, et Sang. Dom.*, c. 13; L. 150, 423. — 4. Ed. ad. «in».

*sacramentum perageret*; unde reus sacrilegii secundum canones iudicatur, *De Consecr.*, d. 2. c. « Comperimus »; (L. 187,173e)1.

**256.** — Secus est autem de aliis qui non perficiunt sacramentum; quia eis subtrahitur sanguis propter effusionis periculum. Unde et sacerdos in Parasceve quando non consecrat, corpus sine sanguine sumit.

**257.** — **AD TERTIAM QUÆSTIONEM** dicendum quod in his quæ sunt ex genere suo bona, peccatum non accidit, nisi ex aliquo accidente, dum inordinate explentur. Et ideo ea<sup>2</sup> perficere per se bonum est; sed abstinere ab eis non est bonum nisi ratione accidentis alicujus<sup>3</sup>.

**258.** — Unde cum eucharistiam accipere sit bonum ex genere, assumere eam est bonum per se, abstinere est bonum per accidens, inquantum scilicet timetur ne inordinate sumatur. Et quia quod est per se, præiudicat ei quod est per accidens; ideo **simpliciter loquendo, melius est eucharistiam sumere quam ab ea abstinere**; sed in casu aliquo nihil prohibet esse melius abstinere, quando aliquis probabiliter præsumit ex sumptione reverentiam minui.

**259.** — *Si autem hæc duo<sup>4</sup> comparemus, adhuc invenitur prævalere sumptio sacramenti* abstinentias a sacramento, *tum* ratione effectus sacramenti, *tum<sup>5</sup>* ratione præparationis, quantulumcumque sit; *tum* etiam ratione virtutis elicentis actum, quia sumere videtur esse caritatis in qua radix meriti consistit, abstinere autem autem timoris: amor autem timori prævalet.

**260.** — **AD PRIMUM** ergo dicendum quod *caritas est quæ Deo directe nos coniungit*; sed *humilitas ad hanc unionem disponit*, inquantum hominem Deo subdit. *Unde meritum magis consistit in caritate quam in humilitate.*

**261.** — **Ad secundum** dicendum quod in hoc maxime est gloria Dei et bonitas quod se creaturis pro captu earum communicat. *Unde magis videtur ad Dei gloriam perlinere quod aliquis ad communionem accedat quam quod abstineat.*

1. N. ad. : « Ubi statuit Gelasius Papa contra quosdam qui post sacri corporis portionem, nescio qua superstitione obstricti, a calice sacri cruoris abstinebant, quod vel integra sumant sacramenta, vel ab integris arceantur; quia « *divisio unius ejusdemque mysterii sine grandi sacrilegio non potest provenire* ». — 2. α « in eis ». — 3. α « illius », — 4. Ed. ad. « ad invicem ». — 5. α ad. « etiam ».

## EXPOSITIO TEXTUS

**262.** — « Sicut et Christus se ostendit, etc. » (3a).

**Contra** veritatem non decet aliqua fictio. Ergo non debuit eis aliud ostendere quam quod in ipso erat.

**Et ideo dicendum** quod Christus eis speciem suam naturalem ostendit, et sensus exterior per eam movebatur; sed propter dubitationem resurrectionis, sensus interioris iudicium impediatur; unde « *eum talem inspiciebant exterius*, ut Gregorius dicit (*Horn. 23, in Evang. ; L. 76, 1182*), *qualis erat apud eos interiorius*. » Et ita non erat aliqua deceptio ex parte Christi, sicut non est aliqua deceptio in sacra Scriptura ex hoc quod finguntur figuræ angelis et ipsi Deo; non enim ad hoc fit ut in eis intellectus remaneat, sed ut ex his in significata eorum surgat. Et ita etiam per speciem illam in qua eis apparuit, voluit eis Dominus interiorum eorum dispositionem significare..

**263.** — « Qui confessus est coram Nicolao Papa, etc. » (5a).

**Videtur** ex hoc quod hæc opinio omnino sit tenenda, quia in principio confessionis hujus dicitur. « *Consentio Romanæ Ecclesiæ et Apostolicæ Sedi*. » Ergo nulli licet aliter tenere.

**Et dicendum** quod quia Berengarius negaverat verum corpus Christi in altari esse, coactus fuit hanc confessionem facere. Unde non intendit dicere quod ipsum corpus Christi frangatur, sed quod sub speciebus in quibus est fractio, verum corpus Christi sit, et in hoc se dicit consentire Apostolicæ Sedi, a contrario errore reversus.

**264.** — « Manet integer in corde tuo<sup>2</sup>. » (7a). *Inlelligendum est quantum ad effectum*, non quod corpus ejus menti illabatur, quia hoc solius Dei est.

**265.** — « Ubi est pars corporis etc. » (7b). De hoc dictum est supra, d. 10 (a. 3, sol. 3).

**266.** — « Indignus est qui aliter celebrat. » (8a). Aliter celebrare dicitur qui non servat materiam vel formam aut ritum debitum ab Ecclesia institutum. Et debet talis, si ex contemptu faciat, gradus sui periculo subiacere.

**267.** — « Et si Christus quotidie immoletur etc. » (9). *Sciendum est* quod omnia illa verba quæ important comparisonem Judæorum ad Christum et poenam Christi, non dicuntur fieri quotidie. Non enim dicimus quod Christus quotidie crucifigatur et occidatur; quia actus Judæorum et poena Christi transit. Illa autem quæ important comparisonem Christi ad Deum Patrem, dicuntur quotidie fieri, sicut offerre, sacrificare et hujusmodi, eo quod hostia illa perpetua est. Et hoc modo est semel oblata per Christum, quod quotidie etiam per membra ipsius offerri possit.

**268.** — « In sacramento recordatio illius fit quod factum est

semel. » (9a). Sacerdos enim non solum verbis, sed etiam factis Christi passionem repræsentat.

Unde et in principio canonis *Ires* cruces facit super illud : « Hæc dona, hæc munera etc. » ad significandum trinam traditionem Christi, scilicet a Deo, Juda et Judæis.

*Secundo* autem super illud : « Benedictam, adscriptam, etc. » facit tres communiter super utrumque, ad ostendendum quod tribus Christus est venditus, scilicet sacerdotibus, scribis et pharisæis. Duas autem facit divisim super corpus et sanguinem, ad ostendendum venditorem et venditum.

*Tertio* facit duas super illud : « *Benedixit et fregit* » : unam super corpus, aliam super sanguinem, ad ostendendum quod hoc sacramentum valet ad salutem corporis et animæ.

**269.** — Et quia Dominus hoc sacramentum in mortis suæ memoriam exercendum mandavit, ideo statim post consecrationem brachiorum extensione crucis effigiem repræsentat. Unde etiam, ut Innocentius dicit (lib. V *de sacro Alt. Myst.* c. 2 ; L. 217, 888) verba consecrationis, quæ in fine ponenda essent quasi complementum totius, in medio ponuntur ad historiam ordinem observandum ; quia verba canonis ad consecrationem et effectum ipsius impetrandum<sup>1</sup> pertinent, sed signa ad historiam recolendam.

*Quarto* facit quinque cruces super illud : « *Hostiam puram, etc.* » ad repræsentandum quinque plagas.

*Quinto* facit duas super illud : « Sacrosanctum *Filii tui corpus, etc.* », ad significandum<sup>2</sup> vincula et flagella Christi ; et additur tertia qua sacerdos seipsum signat super illud : « *Omni benedictione* » ; quia Christi vulnera, nostra sunt medicamenta.

*Vel* per has tres cruces significatur triplex oratio qua Christus orasse legitur Mat., xxvi, passione imminente.

*Sexto* facit tres super illud : « *Sanctificas, vivificas, etc.* », ad repræsentandum quod Judæi ter dixerunt : « *Crucifige* », verbo crucifigentes Christum, quod fuit tertia hora.

*Septimo* iterum facit tres super illud : « *Per ipsum et in ipso, etc.* » ad repræsentandam secundam crucifixionem, qua a militibus hora sexta post trium horarum spatium crucifixus est ; *vel* ad repræsentandum tres ejus cruciatus, scilicet passionis, pro passionis<sup>4</sup>, compassionis.

Deinde facit *duas* extra calicem super illud : « *Esi libi Deo Patri, etc.* », ad repræsentandum separationem animæ a corpore, quæ facta est hora nona ; *vel* propter sanguinem et aquam<sup>5</sup> quæ de latere Christi profluxerunt.

**270.** — Inclinationes etiam<sup>6</sup> factæ a sacerdote significant<sup>7</sup> Christi obedientiam ad Patrem ex qua mortem sustinuit.

**271.** — Tacita etiam locutio exprimit consilium Judæorum

1. Ed. « ad eucharistiam consecrandam ». — 2. Ed. *ad.* « principaliter ». — 3. Ed. « signandum ». — 4. *ad.* « et », *pro ad.* « vel ». — 5. *om.* « et aquam ». — 6. *y* « autem ». — 7. Ed. « signant ».

mortem Christi machinantium, vel discipulorum qui palam Christum confiteri non audebant.

**272.** — Quid autem fractio significet, dictum est (q. 1, **145-8**).

**273.** — Quia autem commixtio corporis et sanguinis unionem animæ et corporis significat, ideo illa crucis signatio quæ fit super illa verba : « *Pax Domini* », magis pertinet ad resurrectionem quæ virtute Trinitatis et tertio die facta est.

**274.** — Quod autem quinquies se sacerdos ad populum convertit significat quod Dominus die resurrectionis quinquies se manifestavit. *Primo* Mariæ Magdalenæ, **J o a n .**, **x x**, 14. *Secundo* Petro, **Luc.**, *ull.*, 34. *Tertio* mulieribus, **M a t .**, *ult.*, 9. *Quarto* discipulis in Emmaus, **L u c æ**, *ull.*, 15. *Quinto* discipulis congregatis in unum, **J o a n .**, *ult.*, 1.

**275.** — Salutatur autem populum *septies* ad septiformem gratiam Spiritus Sancti ostendendam.

**276.** — « *Sine quibus mortalis vita duci non potest* » (**10b**), quia etsi possumus vitare singula, non tamen omnia.

## DISTINCTIO XIII

Si Hæretici et excommunicati hoc sacramentum conficiant

1. — Solet etiam quæri utrum pravi sacerdotes hoc sacramentum conficere queant.

a. — Ad quod dici potest quod aliqui, licet sint pravi, consecrant vere, scilicet qui intus sunt nomine etl sacramento etsi non vita ; quia non in merito consecrantis, sed in verbo efficitur Creatoris.

Unde Augustinus<sup>2</sup> : « *Intra catholicam Ecclesiam in mysterio corporis et sanguinis Domini nihil a bono majus, nihil a malo minus perficitur sacerdote, quia non in merito consecrantis, sed. in verbo conficitur\* Creatoris et virtute Spiritus sancti. Credendum est enim quod in verbis Christi sacramenta conficiantur. Sicut ipse est qui baptizat, ita ipse est qui per Spiritum sanctum suam efficit carnem et sanguinem.* »

Item Gregorius<sup>4</sup> (*Decr.*, c. i, q. 1, cap. « Multi saecularium » ; L. 187, 516) : « *Putant quidam communionem corporis minus esse sanctificatum, si illorum fiat officio quorum vita eorum oculis videtur ignobilis. Heu quam in magnum laqueum incidunt, ut divina et occulta mysteria plus ab aliis sanctificata posse fieri credant, cum unus idemque Spiritus Sanctus in tota Ecclesia invisibiliter ea mysteria et operando sanctificet, et sanctificando benedicat ! Mysterium ideo dicitur, quod secretam et reconditam habeat dispensationem. Sacrificium vero quasi sacrum factum, quia prece mystica consecratur pro nobis in memoriam dominicæ passionis. Sacramentum est in aliqua celebratione, cum res ita fit ut aliquid significatae rei accipiamus. Sacramenta sunt : baptisma, chrisma, corpus : quæ ideo sacramenta dicuntur, quia sub tegumento visibilium rerum divina virtus secretius salutem eorumdem sacramentorum operatur. Unde a secretis virtutibus vel sacris, sacramenta dicuntur. Panis et calicis sacramentum græce eucharistia dicitur, latine bona gratia interpretatur. Et quid melius corpore et sanguine Christi ?*

b. — Sive ergo per bonos, sive per malos ministros intra Ecclesiam dispensetur, sacrum tamen est, quia Spiritus sanctus vivificat; nec bonorum dispensatorum meritis ampliatur, nec malorum attenuatur. Hoc de corpore Domini, hoc et\* de baptisate et chrismate sciendum est\* et tenendum; quia virtus divina secretius operatur in eis, et divina solummodo est hæc virtus sive potestas, non humanæ efficaciae. »

2. — Illi vero qui excommunicati sunt, vel de hæresi manifeste notati, non videntur hoc sacramentum posse conficere, licet sacerdotes sint ; quia nemo dicit in ipsa consecratione : *Offero*, sed *Offerimus*, quasi ex persona Ecclesiæ. Et ideo cum alia sacramenta extra Ecclesiam possint celebrari, de hoc non videtur.

a. — Quod etiam Augustinus tradere videtur, dicens : « *Recolite nomen et adverte veritatem l Missa enim dicitur, eo quod caelestis missus ad consecrandum vivificum corpus adveniat, juxta dictum sacerdotis dicentis : « Omnipotens Deus, jube hæc perferri per manus sancti angeli tui in sublime altare tuum, etc. » Idcirco, nisi angelus venerit, Missa nequaquam jure vocari potest.*

1. Quar. om. « et ». — 2. Paschasius, / de corp, et sang. Dom., c. 12 ; L. 150, 1310 ; cf. etiam *Decret*, caus. 1, q. 1, can. « Intra catholicam » ; L. 187, 513. — 3. Quar. « perficitur ». — 4. Ex Isidoro, VI *Etymol.*, c. 19, n. 38 ; L. 82, 255. — 5. Quar. « etiam ». — 6. Ed. om. « est ».

**b.** — *Numquid enim si hoc mysterium hæreticus ausus fuerit usurpare, angelum de cælis mittit Deus oblationem ejus consecrare; maxime cum eisdem per Prophetam comminatus sit, dicens (Malach., ii, 2): « Maledicam benedictionibus vestris »? Quod si benedictionibus eorum se asserit maledicturum Veritas, quid erit de hostia? Ergo dicemus illam posse benedici ab illo quem scimus a Deo fore maledictum cum sua benedictione? Si enim Deus maledixerit benedictionibus hæreticorum, et simoniacus benedixerit, quis eorum prævalebit? Numquid benedictio maledicti ad nihilum poterit redigere verba verissima comminantis Dei?»*

Gregorius (ubi supra ad finem). « Maledicam benedictionibus vestris » id est quæ meis benedictionibus possidetis vel quicquid a vobis benedicetur vel quoniam non benedicunt sanctis ex vero corde, vel quia quæ inique agunt benedicuntur ab eis adulanturque peccatoribus, dummodo divites sint. »

Hieronymus (in Mal. n. 2; L. 25, 1553): « Maledicam benedictionibus vos<sup>4</sup>, id est quicquid a vobis benedicetur per me erit maledictum<sup>3</sup>, et in expositione sacri eloquii ut auditoribus placeat aliquid fingit, sua verba loquitur, non Dei. Qui autem in verbis Dominicis aliter quam is qui protulit senserit, etsi sub alio intellectu, tamen aedificationem charitatis tendit, Domini sunt verba quæ dicit. »

Ex his colligitur quod hæreticus a catholica unitate<sup>®</sup> præcisus nequeat hoc sacramentum conficere, quia sancti angeli qui hujus mysterii celebrationi assistunt, tunc non adsunt quando hæreticus et simoniacus hoc mysterium temerarie celebrare præsumit. Non enim dubitari licet ubi corporis Domini<sup>7</sup> et sanguinis mysteria geruntur, supernoum civium adesse conventus.

**3.** — In hujus autem mysterii expletione sicut formam servari, ita ordinem haberi, scilicet ut sit sacerdos, et intentionem adhiberi oportet, ut illud facere intendat.

Si<sup>®</sup> non credit de illo mysterio, sicut veritas habet, numquid potest intendere illud conficere? Et si non intendit, numquid conficit?

Alii qui dicunt, etiam non recte de illo mysterio sentientem posse intendere, non quidem illud conficere, quod jam esset recte credere sed id agere quod geritur ab aliis dum conficitur, et sic adhibetur intentio; et si intentio dicatur deesse conficiendi illud mysterium, tamen ex quo intendit ea dicere et agere quæ ab aliis geruntur, impletur mysterium.

**4.** — Illud etiam sane dici potest quod a brutis animalibus corpus Christi non sumitur etsi videatur. Quid ergo sumit mus, vel<sup>9</sup> quid manducat? Deus novit hoc<sup>10</sup>.

**5.** — De hoc cælesti mysterio aliqua perstrinximus a catholicis fideliter tenenda. Qui enim his contradicit, hæreticus judicatur.

#### Quid faciat hæreticum et quid sit hæreticus

**6.** — Ne autem ignores quid faciat hæreticum vel quid sit hæreticus, audi breviter quid inde sancti Doctores tradant.

Hilarius ait (lib. II De Trinit., n. 3; L. 10, 51): « Exiterunt plures qui caelestium verborum simplicitatem non veritatis ipsius absolutionem susceperunt<sup>11</sup>, aliter interpretantes quam dictorum virtus postulet. De intelligentia enim hæresis, non de scriptura est; et sensus, non sermo fit crimen. »

Idem in VIII (lib. n. 38; L. 10, 231): « Intelligentiæ sensus in crimine est. »

1. Quar. om. « benedictionibus hæreticorum ». — 2. Ed. « in eis ». — 3. Ed. « aguntur » — 4. Quar. « benedictionibus vestris ». — 5. Quæ sequuntur om. Quar. — 6. Ed. « fide » — 7. Quar. « dominici ». — 8. Quar. « Sed si ». — 9. Quar. om. « vel ». — 10. Quar. om. « boc ». — 11. Quar. « suscipere ».

Hieronymus<sup>1</sup> dicit quod « *ex verbis inordinate prolatis incurritur hæresis.* »

Augustinus (*De utilitate credendi*, c. 1, η. 1 ; L. 42, 65) definiens quid sit hæreticus, ait : « *Hæreticus est qui<sup>2</sup> alicujus temporalis commodi, et maxime gloriæ principatibusque sui gratia, falsas ac<sup>3</sup> novas opiniones gignit vel sequitur.* »

## DIVISIO TEXTUS

7. — « Solet etiam quæri utrum pravi sacerdotes etc.<sup>4</sup> » (1).

Postquam determinavit Magister de sacramento eucharistiæ, *hic determinat de ministris hujus sacramenti.*

Et dividitur in partes duas. *In prima* determinat propositum. *In secunda* epilogat, ibi : « De hoc cælesti mysterio, etc. » (5).

*Prima in duas.* *In prima* ostendit quis possit consecrare et dispensare hujusmodi sacramentum ; *in secunda* quis possit sumere, ibi : « Illud etiam sane dici potest etc. » (4).

*Prima in duas.* *In prima* inquit utrum potestas consecrandi per peccatum a ministro tollatur. *In secunda* ostendit quæ requiruntur in ministro ad hoc quod sacramentum consecrare, possit, ibi : « In hujus autem mysterii etc. » (3).

*Prima in duas.* *In prima* inquit utrum malus sacerdos possit consecrare ; *in secunda*, utrum ab Ecclesia præcisi, ibi : « Illi vero qui excommunicati sunt, etc. » (2).

« De hoc cælesti mysterio etc. » (5). *Hic epilogat.*

Et circa hoc *duo* fait. *Primo* ponit epilogum. *Secundo* ex incidenti determinat quid faciat hæreticum, ibi : « Ne autem ignores, quid faciat etc. » (6).

Hic est duplex quæstio.

*Prima* de ministro consecrante.

*Secunda* de hæresi.

## QUÆSTIO I

Circa primum quæruntur tria.

*Primo,* quis possit consecrare.

*Secundo,* de ritu consecrandi.

*Tertio,* de dispensatione sacramenti.

1. Lyhanus, in *Os. II*, 16.— 2. Ed. *ad.* « pro ». — 3. Ed. « aui ». — 4. Ed. *om.* « utrum pravi sacerdotes, etc. ».

## ARTICULUS I

[III q. 72, a. 2 ; q. 82, a. 1.]

**8. — AD PRIMUM SIC PROCEEDITUR.** Videtur quod ETIAM LAICUS POSSIT CONSECRARE.

1. Consecrare enim sacerdotis est. Sed omnis laicus, si sit bonus, sacerdos est ; quia, ut dicit Chrysostomus (in *Mai. op. imperf. hom.* 43 ; G. 56,876), « *omnis sancias, sacerdos esi* \* ; et omnibus fidelibus dictum est, I *Petr.*, n, 9 : « *Vos eslis ggnus electum, regale sacerdotium* ». Ergo bonus laicus potest consecrare.

2. **Præterea.** Homo non potest consecrare virtute propria, sed virtute Dei. Sed bonus laicus magis est particeps diVinae virtutis quam malus sacerdos. Ergo magis potest bonus laicus consecrare quam malus sacerdos.

3. **Præterea.** Magis est sumere sacramentum quam conlieere, quia hoc ad illud ordinatur. Sed bonus laicus potest sumere sacramentum. Ergo et consecrare.

**9. — SED CONTRA.** Hoc sacramentum offertur ad reconciliandum nos Deo, quod est officium mediatoris. Cum ergo sacerdotis tantum sit medium esse inter Deum et populum, soli sacerdotes hoc sacramentum conficere possunt.

**10. — Præterea.** Bonitas virtutis non est manifesta, quia» *nemo scit utrum sit dignus odio vel amore* », *Eccle.*, ix, 1 ; et præcipue alteri nota esse non potest. Si ergo potestas consecrandi sequatur bonitatem personæ, non poterit esse notum quando consecratum sit vere, et quando non ; et ita erit deceptio in sacramentis.

## [II]

[III, q. 72, a. 2 ; q. 82, a. 1.]

**11. — ULTERIUS.** Videtur quod solus Episcopus possit CONSECRARE.

1. Quia in qualibet republica principi debetur actus nobilissimus, sicut etiam Commentator dicit in XI *Meta*. Sed suminus in nostra hierarchia est Episcopus, ut Dionysius dicit [*De Eccles. Hier.*, c. 5, p. 1, n. 5 ; G. 3,506). Ergo cum consecrare sit summus actus nostræ hierarchiæ, hic actus sibi soli debbitur.

2. **Præterea.** Secundum Dionysium (loco cit., n. 6), perficere est tantum Episcopi. Sed secundum ipsum, eucharistia est

1. Ed. « debetur » ; e « soli Episcopo debetur », contra *aby&eta*.

perfectivam virtutem habens. Ergo solus Episcopus potest consecrare.

3. **Præterea.** Majus est consecrare corpus Christi quam consecrare altare vel benedicere virgines. Sed illa reservantur solis episcopis. Ergo multo fortius consecratio corporis Domini.

12. — **SED CONTRA** est communis usus Ecclesiæ et canonum institutio qui docent potestatem consecrandi et baptizandi Episcopis et sacerdotibus esse communem.

### [III]

[*Infra, Expos. Lil. : d. 19, 60; III, q. 74, a. 9, ad 2 : q. 82, a. 5; Quodl. XII, q. 11, a. 1.]*

13. — **ULTERIUS.** Videtur QUOD HÆRETICI ET SCHISMATICI ET EXCOMMUNICATI CONSECRARE NON POSSINT.

1. Quia, sicut dicit canon, c. 24, q. i, cap. « Audivimus » (L. 187,1265) « *quicumque ab unitate Ecclesiæ fuerit alienus, execrare potest, consecrare non valet.* » Augustinus (L. II contra Crescon. c. 12 et 13 ; L. 43,474) etiam dicit quod extra Ecclesiam non est locus veri sacrificii. Sed omnes prædicti sunt extra Ecclesiam. Ergo non possunt consecrare.

2. **Præterea.** Hoc sacramentum pollui non potest. Sed secundum Hieronymum (*In Aggæum, c. 2 ; L. 25,1409*), hæretici panem pollutum comedunt. Ergo verum sacrificium non habent. Ergo non consecrant.

3. **Præterea.** Hoc sacramentum est unionis Ecclesiæ, unde et communio dicitur. Sed omnes prædicti hac unione carent. Ergo consecrare non possunt.

14. — **SED CONTRA.** Sacerdos habet potestatem consecrandi ex ipso caractere. Sed character manet in ipso hæretico, schismatico et excommunicato. Ergo possunt consecrare.

15. — **Præterea.** Qualitas personæ non exigitur nisi ad actum proprium personæ. Sed consecratio non est actus personalis ipsius sacerdotis, sed Dei cujus verbis consecrat. Ergo non impeditur propter propriam qualitatem.

### [IV]

[III, q. 82, a. 8 ; *Quodl. XII, q. 11, a. 1.]*

16. — **ULTERIUS.** Videtur QUOD DEGRADATUS NON POSSIT CONSECRARE.

1. Nullus enim consecrare potest qui non habet potestatem consecrandi. Sed degradatus non habet potestatem consecrandi,

quamvis habeat potestatem baptizandi, ut dicit canon, i, q. i, cap. « Quidam! » (L. 187,525). Ergo non potest consecrare.

2. **Præterea.** « *Ex eisdem, fit res el corrumpitur* » secundum Philosophum in *II Elh.* (/?l. 1104b, 7 ; l. 1, n. 252). Sed aliquis ex potestate episcopi accipit posse consecrare. Ergo quando ab ipso degradatur, videtur quod hoc posse amittat.

3. **Præterea;** Habens ordinem sacerdotalem non relinquitur puniendus iudicio saeculari. Sed degradatus relinquitur. Ergo non habet ordinem. Ergo non potest consecrare.

17. — **SED CONTRA.** Si degradatus reconciliatur, non iterum ordinatur. Ergo ordinem non amisit. Ergo consecrare potuit.

18. — **Præterea.** Hoc idem probatur per indelebilitatem characteris, ut supra.

19. — Utrum autem malus sacerdos vel Angelus possit consecrare, eadem ratio est quæ et de baptizazione, et<sup>2</sup> ideo quærat<sup>ur</sup> supra, d. 53.

[V]

[III, q. 82, a. 6.]

20. — **ULTERIUS.** Videtur quod Missa mali sacerdotis NON MINUS VALEAT QUAM BONI.

1. Quia, sicut dicit Augustinus<sup>4</sup> (in lib. *De corpore Christi*, c. 12 ; L. 150,1310) : « *In mysterio corporis et sanguinis Domini nihil a bono majus, nihil a malo minus perficitur sacerdote.* »

2. **Præterea.** Baptismus datus a bono ministro nihil melius valet quam datus a malo. Ergo nec Missa a bono sacerdote vel malo dicta.

21. — **SED CONTRA.** Melius est quod est fructuosius. Sed Missa boni sacerdotis est fructuosior, quia ejus oratio magis exauditur. Ergo est melior.

22. — **RESPONSIO.** Dicendum **AD PRIMAM QUÆSTIONEM** quod ordo Ecclesiæ derivatus est ab ordine cælestis hierarchiæ. Unde *sicut* in angelis diversis ordinibus diversi actus debentur, *ita* et in Ecclesia militante ad diversos actus diversi ordines applicantur, sicut etiam et in corpore diversa membra diversa habent officia, cui corpus mysticum similatur, ut patet *I Cor., Jiii.*

, 23. — Ordines autem Ecclesiæ distingui non possunt per diversitatem interioris bonitatis, quia ignota est et indeterminati sunt gradus ejus.

1. Ed. « Quod quidam ». — 2. Ed. om. « et ». — 3.  $\beta$  « d. 6 ». — 4. Paschasius.

24. — Et quia bonitas vel virtus alicujus non ordinatur ad hoc quod aliquis aliquid possit, sed ad hoc quod bene faciat illud quod potest; habitus enim virtutum non sunt potentiae, sicut! Philosophus (II *Eth.* β4. 1106a,6; l. 5, n. 303), probat<sup>2</sup>; ideo quod unus possit actum quem alius non potest, non contingit ex diversitate bonitatis vel malitiae, sed ex potestate suscepta<sup>3</sup> quam habet unus et non alius<sup>4</sup>; ideo, quia **laicus potestatem consecrandi non accipit**, *sua bonitas quoniamcumque sit non juvat eum ad hoc quod consecrare possit.*

25. — **AD PRIMUM** ergo dicendum quod *omnis bonus homo dicitur esse sacerdos mystice*; quia scilicet mysticum sacrificium<sup>5</sup> Deo offert seipsum, scilicet « *hostiam viventem Deo* », *Rom.*, xn, 1.

26. — **Ad secundum** dicendum quod *laicus bonus fit particeps dominicæ virtutis ad bene agendum hoc quod poterat prius aliquo modo facere*, non autem ad hoc quod possit hoc per virtutem quod<sup>6</sup> prius non poterat.

27. — **Ad tertium** dicendum quod, quamvis acceptio sacramenti sit major in fructu, tamen *consecratio est major in potestate. Unde non oportet quod qui potest accipere, possit consecrare.*

28. — **AD SECUNDAM QUÆSTIONEM** dicendum quod potestas consecrandi non solum Episcopis, sed etiam sacerdotibus collata est; quia ordo sacerdotis est medius inter Episcopum<sup>7</sup> et populum. Unde *sicut* in angelica hierarchia illuminationes ad inferiorem ordinem mediante superiore perveniunt, *ita* omnia sacramenta quæ communiter toti populo dispensantur, per sacerdotes conferuntur; et hujusmodi sunt omnia quæ non collocant in aliquo statu vel gradu super alios.

29. — Et *quia eucharistia est hujusmodi*, ideo non solum per Episcopos, sed **etiam per sacerdotes dispensatur et consecratur.**

**Est etiam alia ratio**, ut sit frequentior memoria dominicæ passionis et magis subveniatur vivis et mortuis ex majori frequentia sacramenti.

30. — **AD PRIMUM** ergo dicendum quod, licet *iste actus sit matrimus in se*, non tamen est maximus *quantum ad constituendum in ordine Ecclesie*; quia per sumptionem hujus sacramenti non constituitur aliquis in gradu vel statu altiori inter membra Ecclesie, sicut fit per ordinem. *Et ideo non oportet quod ille actus solis Episcopis reservetur.*

31. — **Ad secundum** dicendum quod « *in rebus ordinatis, ita est quod semper inferior participat aliquid de perfectione superioris* »,

1. *aeq < ut* ». — 2. *an ad.* « et ». — 3. *a* « accepta ». — 4. *a N. ad.* « et ». — 5. *a* « sacerdotium ». — 6. *a* « quam ». — 7. *y* « Episcopos. ».

ut Dionysius dicit (De Eccl. Hier., c. 6, p. 3 ; G. 3, 534) ; et hoc modo est in connexionione caelestis hierarchie, ut in II lib. d. 9 (q. 1, a. 6) dictum est.

32. — Et ideo, quia ordo sacerdotis continuus est ordini Episcopi, participat etiam aliquid de perfectiva virtute quantum ad illam perfectionem qua quis in seipso perficitur ; non autem quantum ad perfectionem qua aliquis in eminentiori gradu constituitur, sicut est in ordine ; vel altiori officio, sicut est in confirmatione. *Et ideo sacerdos participat ab Episcopo potestatem consecrandi, non autem confirmandi vel ordinandi.*

33. — Et quod ipsam habeat quasi\* participative<sup>3</sup>, Dionysius dicit (De Eccles. Hier., c. 5, p. 1, n. 5 ; G. 3, 506) : quod patet ex hoc quod sacerdos consecrat super altare ab Episcopo consecrato<sup>5</sup>, et in vasis consecratis per Episcopum, ipse etiam consecratus per Episcopum\*<sup>6</sup>.

34. — Ad tertium dicendum quod illae benedictiones non veniunt in usum totius populi, sed aliquarum excellentium personarum. Et ideo solis Episcopis reservantur.

35. — AD TERTIAM QUÆSTIONEM dicendum quod Quidam dixerunt quod haeretici ab Ecclesia praecisi, et similiter excommunicati et schismatici, quia sunt extra unitatem Ecclesiae, non possunt consecrare. Et hujus opinionis videtur fuisse Magister in Littera (2).

36. — Sed quia omne illud quod per consecrationem datur est perpetuum, ideo, sicut baptismus qui per consecrationem datur, nunquam amittitur, quantumcumque aliquis in hæresim labatur<sup>7</sup> vel schisma vel excommunicationem ; ita neo sacerdotalis ordo aliquo modo amitti potest, ut Augustinus dicit Ad Parmenianum (lib. II, c. 13 ; L. 43, 69).

37. — Et quia potestas consecrandi ordinem sacerdotalem consequitur, ut dictum est ; ideo haeretici<sup>8</sup>, schismatici et excommunicati consecrant, quamvis ad suam perniciem, dummodo servetur debita forma et materia et intentio quæ etiam in infidelibus esse possunt, ut supra d. 5 (q. 2, a. 2) de Baptismo dictum est.

38. — AD PRIMUM ergo dicendum quod verbum canonis intelligendum est quantum ad illos qui debitam formam non servant, vel quantum ad executionem quam amittunt ; non enim jus consecrandi habent ; et hoc solum posse dicimur in jure, quod juste possumus.

1. Ed. ad. « illam ». — 2. Ed. om. « quasi ». — 3. y « participatione ». — 4. y ad. « etiam ». — 5. F. « consecratum ». — 6. y om. « et ». — 7. ayc-rc « labitur ». — 8. Ed. ad. « et ».

39. — *Vel loquitur de consecratione qua ordines conferuntur ; quia ad damnationem potius quam ad sanctificationem recipientium cedit.*

40. — Et similiter quod Augustinus dicit, quod extra Ecclesiam non est locus veri sacrificii, intelligendum est *quantum ad effectum.*; vel extra Ecclesiam, idest *extra formam Ecclesiæ.*

41. — **Ad secundum** dicendum quod *dicitur panis pollutus non in se, sed quia ipsi et seipsos polluunt consecrando et sumendo, et alios qui ab eis sacramenta scienter accipiunt.*

42. — **Ad tertium** dicendum quod *inquantum ordinem habet, ad unitatem Ecclesiæ perlinet, quamvis quantum ad aliud possit ab Ecclesia esse præcisus.*

43. — **AD QUARTAM QUÆSTIONEM** dicendum quod *degradatus, quia ordinem non amittit, potestatem consecrandi retinet ; sed jus consecrandi sibi auferitur. Et ideo si consecrat, peccat, tamen consecratum est.*

44. — **AD PRIMUM** ergo dicendum quod *ille canon non loquitur asserendo, sed quasi opponendo, ut ex circumstantia litteræ apparet.*

45. — **Ad secundum** dicendum quod *Episcopus non dedit ordinem, sed Deus per ministerium Episcopi ; et Deus posset auferre, sed non Episcopus ; quia non est constitutus minister auferendi ordinem, sicut conferendi ; quia propter efficaciam consecrationis debet esse ordo perpetuus.*

46. — **Ad tertium** dicendum quod non est essenziale ordini sacerdotali quod iudicio sæculari relinqui non possit, sed<sup>3</sup> ex privilegio indultum. Et ideo manente ordine, degradatus sua culpa hoc privilegium amittit.

47. — **AD QUINTAM QUÆSTIONEM** dicendum quod *de Missa possumus loqui dupliciter : aut quantum ad id quod est essenziale in ea, scilicet corpus Christi. Et sic a quocumque dicitur, æqualiter bona est, quia opus operatum æqualiter<sup>4</sup> bonum est et virtuosum. Vel quantum ad id quod est annexum sacramento et quasi secundarium. Et sic Missa boni sacerdotis melior est, quia non solum habet efficaciam ex opere operato, sed ex opere operante. Et ideo ceteris paribus melius est audire Missam boni sacerdotis quam mali.*

Et per hoc patet solutio ad utramque partem.

1. Ed. « aliquid ». — 2. Ed. om. « sed ». — 3. Ed. « seu » — 4. Ed. om. « æqualiter ».

## ARTICULUS II

[I]

[III, q. 82, a. 10.]

**48. — AD SECUNDUM SIC PROCEditur.** Videtur quod LICEAT SACERDOTI OMNINO A CONSECRATIONE ABSTINERE.

1. Quia de beato Marco narrat Hieronymus<sup>1</sup> quod sibi pollicem amputaverit, ut sacerdotio reprobus haberetur. Nec hoc fecit nisi indignum se reputans tali sacramento. Ergo videtur quod si omnino a celebratione absteineat ex reverentia dominici corporis et propriæ infirmitatis consideratione aliquis sacerdos, non peccet<sup>2</sup>.

2. **Præterea.** Sicut sacerdotis officium est consecrare, ita et ligare et solvere. Sed non exigitur ut liget et solvat, nisi habeat curam animarum. Ergo etiam a sacerdote qui non habet populum cui teneatur, non exigitur quod consecret; et ita non peccat omnino abstinendo.

**49. — SED CONTRA** est quod Ambrosius dicit: « *Grave est quod ad mensam tuam mundo corde et manibus innocentibus non venimus; sed gravius est, si dum peccatum metuimus, etiam sacrificium non reddamus.* » Sed primum est peccatum mortale. Ergo et secundum.

[II]

[III, q. 82, a. 2.]

**50. — ULTERIUS.** Videtur quod non possint plures SIMUL EAMDEM HOSTIAM CONSECRARE.

1. Quia plurium agentium sunt plures actiones, maxime quando unusquisque sufficit ad agendum. Sed unus sacerdos tantum potest consecrare. Ergo si plures simul consecrent, sunt plures consecrationes super eandem hostiam; et ita fit injuria sacramento.

2. **Præterea.** Unus dicens verba, virtute verborum consecrat. Sed quod factum est, fieri non potest; quia quod est, non fit. Ergo alii nihil faciunt. Ergo superfluum est quod dicunt verba<sup>4</sup>.

**51. — SED CONTRA** est consuetudo quarumdam Ecclesiarum, in quibus novi sacerdotes simul Episcopo concelebrant.

1. Sic in veteri prologo *Super Marcum*, Hieronymo ex « errore adscripto. — 2. Ed. « peccat ». — 3. *a ad.* « non ». — 4. Ed. *om.* « verba ».

## [III]

[III, q. 83, a. 2.]

**52. — ULTERIUS.** Videtur quod non debeat quotidie Missa in Ecclesia celebrari.

1. Quia in Missa recolitur dominica passio. Sed Ecclesia celebrat memoriam dominicæ passionis semel in anno. Ergo non pluries debet in Ecclesia Missa dici.

2. **Præterea.** In die Parasceves agitur memoria dominicæ passionis, **nec tamen tunc** consecratio fit. Ergo multo minus deberet fieri in aliis diebus.

3. **Præterea.** Aliquibus diebus celebratur hoc sacramentum pluries una die solemniter in Ecclesia, sicut patet in festo Nativitatis et multis aliis diebus. Ergo videtur quod aliquando deberet prætermitti.

**53. — SED CONTRA.** Sacramenta Ecclesiæ debent magis assiduari quam sacramenta veteris legis. Sed quotidie in veteri lege offerebatur sacrificium. Ergo multo fortius debet in nova lege fieri.

**54. — Præterea.** Panis hujus sacramenti dicitur quotidianus. Sed non nisi quia quotidie consecratur. Ergo quotidie consecrari debet.

## [IV]

[III, q. 73, a. 2.]

**55. — ULTERIUS.** Videtur quod hora vespertina debeat Missa celebrari.

1. Quia « *Christi actio nostra est instructio* » (d. 15, **556**). Sed ipse Christus hoc sacramentum fecit in cœna hora serotina. Ergo et tali hora deberet fieri.

2. **Præterea.** Secundum canones ordines sunt celebrandi circa vespertinam horam. Sed ordines sacri non celebrantur sine Missarum solemnibus. Ergo debet Missa vespertina hora celebrari.

I **56. — Item.** Videtur quod post mediam noctem.

3. Quia tunc dies secundum Ecclesiæ computum incipit.

**57. — Item.** Videtur quod tantum in hora sexta.

4. Quia in illa hora Dominus passus est, cujus passionis hoc sacramentum est memoriale.

1. Ed. « Sacramentum Ecclesiæ deberet magis assiduari quam sacramentum veteris legis ». — 2. Ed. « deberet ». — 3. a N. om. « in ».

## [V]

[*Infra*, d. 24, q. 2, a. 2, ad 9; III, q. 83, a. 3.]

**58. — ULTERIUS.** Videtur quod non oporteat in loco SACRO CELEBRARI.

1. Quia *sicut* hoc sacramentum non est necessitatis, *ita* nec confirmatio. Sed confirmatio potest conferri in loco non sacro. Ergo et hoc sacramentum non oportet quod in loco sacro conficiatur.

**59. — Item.** Videtur quod non oporteat esse altare de LAPIDE.

2. Quia sacrificia veteris legis fuerunt sacrificii hujus figura. Sed ad veteris legis sacrificia altare fiebat de lignis sethim, ut patet *Exod.*, xxv, 10; et iterum de auro, ut patet III *Reg.*, vu, 48; et iterum de terra, ut patet *Exod.*, xxvi. Ergo et in nova lege non solum de lapide oportet quod fiat.

**60. — Item.** Videtur quod in pannis aëricis debeat consecrari.

3. Quia panni illi sunt pretiosiores. Ergo ad reverentiam sacramenti magis eis debemus uti.

**61. — Item.** Videtur quod in calice de Petra possit celebrari.

4. Quia calix significat sepulcrum Christi. Sed illud sepulcrum fuit de Petra. Ergo et calix de Petra debet fieri.

De indumentis autem sacerdotalibus dicitur in tractatu de ordine (d. 24, q. 1, a. 3).

## [VI]

[III, q. 83, a. 3.]

**62. — ULTERIUS.** Videtur quod aliquò prædictorum omissio non sit consecratio.

1. Quia, sicut dicit Dionysius, 3 cap. *Cæl. Hie.* (η. 2; G. 3, 166) « *operationes hierarchicæ ordinantur secundum divinas leges* ». Sed ille qui prætermittit ritum ab Ecclesia institutum, non sequitur divinas leges quæ per patres nobis positæ sunt. Ergo talis non consecrat, cum consecrare sit actus hierarchicus, quia est actus ordinis.

2. **Præterea.** Totus ritus sacramenti suam **hebet** significationem. Sed significatio est de essentia sacramenti. Ergo et ritus consecrandi. Et ita, si prætermittatur, non erit vera consecratio.

3. **Præterea.** Actiones spirituales magis sunt ordinatæ quam sæculares. Sed si aliqua actio in rebus sæcularibus, puta venditio vel emptio vel aliquid hujusmodi, contra statuta Principum

fiat, pro nulla haberetur. Ergo et si aliquis consecraret contra statutum Ecclesiæ, consecratio nulla est.

**63. — SED CONTRA.** Ea quæ sunt de essentia sacramenti, sunt eadem apud omnes. Sed ritus sacramenti non est idem apud omnes, nec secundum omne tempus. Ergo non est de essentia sacramenti. Ergo sine hoc potest fieri consecratio.

**64. — Præterea.** In baptismo sunt quædam quæ si omittantur, non reputatur sacramentum irritum, quia sunt ad solemnitatem sacramenti. Ergo et hic si omittantur illa quæ pertinent ad solemnitatem consecrationis, verel consecratio erit.

**65. — RESPONSIO.** Dicendum **AD PRIMAM QUÆSTIONEM** quod secundum *Quosdam* non peccat qui dimittit celebrationem, nisi populum habeat commissum, vel ex obedientia teneatur celebrare.

**66. —** Sed quia secundum *Gregorium* (*Homil. 9 in Evang. ; L. 76,1106*) « *cum crescunt dona, rationes crescunt donorum* » ; **cum sacerdoti sit data potestas nobilissima, reus negligentie erit, nisi illa utatur ad honorem Dei et salutem suam et aliorum vivorum et mortuorum,** secundum illud *I Pelr.*, vi, 10 : « *Unusquisque gratiam quam accepit, in alterutrum illam administrantes etc.* »

**67. —** *Nisi forte aliquis ex familiari Spiritus Sancti instinctu dimittat*<sup>2</sup>, sicut legitur de quodam sancto patre in *Vitis Patrum* (lib. IX, c. 19; L. 74, 80), qui ordinatus nunquam postea celebravit.

**68. — AD PRIMUM** ergo dicendum quod ille qui non habet ordinem, potest ordinem refugere. *Sed ille qui habet, tenetur ipsum exsequi.*

**69. — Ad secundum** dicendum quod secundum omnes, alios actus ordinum debet homo non soli Deo, sed etiam proximis, quia actus inferiorum sunt ad ministerium sacerdotis.

Alii<sup>3</sup> autem actus sacerdotis, ut ligare et solvere, respiciunt *corpus mysticum* ; similiter etiam docere et baptizare. *Et ideo qui non tenetur aliis vel subiectione vel prælacione, potest ab illis actibus sine peccato cessare.*

**70. —** Sed consecratio est actus dignior et ordinatus *ad corpus Christi verum*, nec respicit corpus Christi mysticum nisi ex consequenti. Et ideo etiam si nulli homini teneatur, tamen **tenetur Deo, ut reddat eo sacrificium acceptum** ; sacerdotibus enim præceptum est : « *Hoc facite in meam commemorationem.* » (Luc. xxii, 19)

**71. — AD SECUNDAM QUÆSTIONEM** dicendum quod

1. *γ* « vera », *α* etiam *cor.* « vere » in « vera », — 2. *a* « dimittit ». — 3. *F.* « al'a »

*secundum morem quarundam Ecclesiarum plures sacerdotes Episcopo concelebrant, quando ordinantur*; ad repræsentandum quod quando Dominus hoc sacramentum instituit et potestatem consecrandi discipulis dedit, eis concenavit, sicut Episcopus simul cum ordinatis presbyteris celebrat.

72. — **AD PRIMUM** ergo dicendum quod quia intentio requiritur ad perfectionem sacramentorum, ideo, *cum omnes habeant intentionem unam consecrationem faciendi, non est ibi nisi una tantum consecratio.*

73. — **Ad secundum** dicendum quod sicut Innocentius dicit (lib. IV de sacro Alt. Myst., c. 25; L. 217, 873), *omnes concelebrantes debent intentionem referre ad illud instans in quo Episcopus verba profert*; et sic Episcopi intentio non defraudatur, nec aliquis ibi facit quod factum est.

74. — **AD TERTIAM QUÆSTIONEM** dicendum quod secundum Innocentium, *quinque* de causis **quotidie Missa in Ecclesia celebratur.**

*Primo*, quia oportet semper esse paratam medicinam contra quotidiana peccata.

*Secundo*, ut lignum vitæ semper sit in medio paradisi.

*Tertio*, ut nobis quotidie Christus uniatur sacramentaliter et nos ei spiritualiter.

*Quarto*, ut sit apud nos vigilans memoria passionis.

*Quinto*, ut vero agno loco typici quotidie utamur ad vesperam quem Judæi ad vesperam convertendi esurient, secundum illud ps. (l. viii, 15): « *Convertentur ad vesperam, etc.* »

75. — **AD PRIMUM** ergo dicendum quod *passio Christi* prout in capite contingit, semel tantum in anno repræsentatur in Ecclesia; sed *prout in nos ejus effectus provenit, quotidie debet repræsentari*, quia ejus effectus in nobis continuus est, et sic repræsentatur in hoc sacramento.

76. — **Ad secundum** dicendum quod Ecclesia volens populum christianum circa ipsam dominicam passionem prout in capite nostro fuit, mente occupari, statuit ut illa die non consecraretur corpus Christi. Ne tamen Ecclesia omnino sine corpore Christi esset, *corpus Christi præcedenti die consecratum et reservatum sumitur*; sanguis autem non reservatur propter effusionis periculum.

77. — *Nec est verum* quod Quidam dicunt *quod vinum ex immissione partis hostiæ in calicem consecratur*, quia transsubstantiatio non fit sine debita forma verborum; unde post potum illum non liceret eadem die communicare.

1. Ed. « celebrantes ». — 2. α N. « jugis ». — 3. Ed. « quoniam ». — 4. α ad. « et ».

**78.** — **Ad tertium** dicendum quod omnis nostra actio per Christum perfici debet. Et ideo, *quando in una die occurrunt vel diversa Dei beneficia commemoranda, del quibus sunt gratiæ Deo reddendæ, vel etiam plura a Deo impetranda pro salute vivorum et mortuorum, oportet quod pluries Missa in Ecclesia celebretur, si adsit facultas*; nec ex hoc sequitur quod aliquando debeat intermitteri.

**79.** — **AD QUARTAM QUÆSTIONEM** dicendum quod **communiter loquendo Missa debet dici in die** et non in nocte; quia hoc sacramentum ad tempus gratiæ pertinet, quod per diem significatur. *Rom., xm, 12*: « *Nox præcessit, dies autem appropinquavit.* » Dies autem judicatur non solum ab ortu solis, sed ex quo incipiunt orituri solis<sup>3</sup> signa manifestari per aliquam aeris illustrationem.

**80.** — *Tamen in duabus noctibus Missa decantatur propter privilegium illarum noctium, scilicet in nocte Nativitatis, quando Christus natus est, ei in nocte Resurrectionis circa principium, ut patet ex oratione, « Deus qui hanc sacratissimam noctem etc. »*; quamvis hoc non oporteat semper observari.

**81.** — *Solemnis autem Missæ celebratio tribus horis instituta est fieri: scilicet in tertia diebus festis, in sexta diebus profestis, in nona diebus jejuniorum*; quia in Missa recolitur mors Christi, qui quidem hora tertia crucifixus est linguis Judæorum, hora sexta manibus militum, hora nona expiravit.

**82.** — *Sed quando fiunt ordines, potest Missa cantari etiam post nonam, et præcipue in sabbato sancto, quia ordines pertinent ad diem dominicam; vel etiam ut diligentior fiat præparatio, differtur quantum differri potest ante prandium. Et ideo quando non est dies jejunii, celebratur inter tertiam et sextam, qua hora comeditur communiter; sed in diebus jejunii in nona.*

**83.** — *Privatæ autem Missæ dici possunt a mane usque ad tertiam, vel etiam usque ad nonam in diebus jejuniorum.*

**84.** — **AD PRIMUM** ergo dicendum quod eadem ratio est quare Christus hora vespertina consecravit et quare post cenam. Unde *sicut* non oportet quod imitemur eum in secundo, *ita* nec in primo.

**85.** — **Ad secundum** dicendum quod *hoc singulariter est in diebus ordinum* ratione jam dicta (**82**).

**86.** — **Ad tertium** dicendum quod *in medio noctis secundum Ecclesiam incipit dies naturalis, non autem dies artificialis* in qua solum licet celebrare.

1. *ayvñ* « vel » N. ad. — 2. *a* « vel ». — 3. *y om.* per *homot.* « sed ex quo incipiunt orituri solis ».

**87.** — **Ad quartum** dicendum quod quamvis Christus hora sexta fuerit in cruce positus, tamen *sacramentum passionis suæ peractum est in aliis horis*. Et ideo non oportet quod tunc tantum Missa celebretur.

**88.** — **AD QUINTAM QUÆSTIONEM** dicendum quod in hoc sacramento continetur ille qui est totius sanctitatis causa. Et ideo omnia quæ ad consecrationem hujus sacramenti pertinent, etiam consecrata sunt : sicut ipsi sacerdotes consecrantes et ministri et vestes et vasa et omnia hujusmodi. **Et ideo etiam debet in altari et in domo consecrata celebrari hoc sacramentum.**

**89.** — *Si autem necessitas adsit*, vel propter destructionem Ecclesiarum in aliqua terra, vel in itinere constitutis, *licet etiam in locis non consecratis celebrare*, dummodo habeant altare portatile consecratum et alia hujusmodi quæ ad consecrationem hujus mysterii requiruntur ; alias non licet, nisi Episcopo concedente.

**90.** — **AD PRIMUM** ergo dicendum quod *confirmationis sacramentum non continet ipsum Christum*. Et ideo non requiritur loci sanctificatio, sicut in hoc sacramento.

**91.** — **Ad secundum** dicendum quod *beatus Silvester instituit quod altare de cetero non nisi lapideum esset*. Quia enim altare consecrari debet, oportet esse aliquam rem fortem et non fragilem, sicut est lignum vel terra, de qua fiat altare.

**92.** — Item quia debet esse in Ecclesia copia altarium, ut frequentetur hoc mysterium, ideo debet esse materia communis, non autem aurum vel argentum vel aliquid hujusmodi, quod non de facili possit haberi. *In veteri autem lege erat tantum unum altare ad unum tantum effectum deputatum ; et ideo nihil oberat, si de auro fieret.*

**93.** — *Competit etiam lapis ad significationem altaris*, quod Christus significat, qui etiam per petram significatur ; *I Cor., x, 4 : « Petra autem erat Christus ».*

Sed *ante tempus Silvestri*, propter persecutionem non erat fidelibus certus locus ad manendum. Et ideo *habebant altare ligneum quod facile transferretur.*

**94.** — **Ad tertium** dicendum quod panni in quibus Christi corpus consecratur, repræsentant *sinonem mundam* qua corpus Christi involutum est. Et ideo *sicut illa linea fuit, ita non licet nisi in pannis lineis corpus Christi consecrare.*

*Linum etiam competit huic sacramento et propter puritatem, quia ex eo panni candidissimi et facile mundabiles fiunt ; et propter multiplicem tusionem lini* qua paratur ad hoc ut ex

1. α « portabile ».

eo flat pannus candidus, quæ competit ad significandum passionem Christi. Unde non decet de pannis sericis corporale et pallas altaris esse, quamvis sint pretiosiores; neque de panno lineo tincto, quamvis sit pulchrior.

**95. — Ad quartum** dicendum quod secundum statutum Ecclesiæ *calix debet esse tantum de auro vel argento vel stagno*<sup>2</sup>; non autem de ære vel aurichalco, quia ex fortitudine vini rubiginem generaret et nauseam provocaret; neque ex vitro vel ex crystallo propter fragilitatem; neque ex ligno propter porositatem, quia imbibit liquorem immisum; neque ex lapide, propter ineptitudinem; non enim oportet quod quantum ad omnia, signa signatis respondeant.

**96. — AD SEXTAM QUÆSTIONEM** dicendum quod remotis his quæ non sunt de essentia rei, res nihilominus manet. Unde cum hujusmodi ritus quantum ad determinationem horæ vel loci, vel indumentorum, non sint<sup>3</sup> de essentia sacramenti, sed de solemnitate, **si omittantur, nihilominus consecratum est sacrificium, dummodo adsint ea quæ sunt de essentia sacramenti**, scilicet ordo et intentio ex parte consecrantis, et materia et forma ex parte consecrati.

**97. — Tamen graviter peccat qui aliter facit et<sup>4</sup> degradandus esset.**

**98. — AD PRIMUM** ergo dicendum quod *leges divinæ* quæ pertinent ad essentialem institutionem sacramenti, *si mutantur, nihil fit*, ut si alia materia esset vel forma; *secus autem est de legibus quæ pertinent ad solemnitalem sacramenti.*

**99. — Ad secundum** dicendum quod significatio rei sacramentalis est de essentia sacramenti; et hoc sufficienter habetur per materiam. Et ideo *significatio quæ superadditur in alio<sup>5</sup> ritu, est de solemnitate, non de essentia sacramenti.*

**100. — Ad tertium** dicendum quod sacramenta originem habent ex institutione divina. Et ideo *omissio alicujus quod sit ab Ecclesia institutum, non potest impedire quin verum sacramentum fiat.* Impediret autem, si sacramenta ex institutione Ecclesiæ efficaciam haberent, sicut actiones sæculares ex statutis<sup>6</sup> ratificantur.

1. Ed. « deceret ». — 2. Ed. « stanno ». — 3. α « sunt ». — 4. *ay om*, « et », sed *γ* suppleti *ℓ om*. « et degradandus esset », contra βδη **et** ed. — 5. Ed. « aliquo ». — 6. RANVP. *ad*. « Principum ».

## ARTICULUS III

[I]

[III, q. 82, a. 3.]

**101. — AD TERTIUM SIC PROCEDITUR.** Videtur quod LAICUS POTESTI DISPENSARE CORPUS CHRISTI.

1. Perfectio enim hujus sacramenti in materiæ consecratione consistit, ut supra dictum est (d. 8, 15), non<sup>2</sup> in usu sacramenti. Sed ordinati sunt ministri sacramentorum. Ergo etsi consecratio materiæ ad solos sacerdotes pertineat, tamen dispensatio debet ad omnes<sup>1</sup> pertinere.

**2. Præterea.** Ab illis debet dispensari sacramentum qui cum reverentia ipsum tractant. Sed quidam laici sunt majoris reverentiæ ad sacramentum quam etiam sacerdotes et etiam mulieres interdum. Ergo per eos<sup>3</sup> potest hoc sacramentum dispensari.

**3. Præterea.** Sicut sacerdotis est dispensare corpus Christi, ita et tangere. Sed in aliquo casu licet laico tangere corpus Christi: puta si videret ipsum in terra jacere<sup>4</sup> et non esset sacerdos qui tolleret. Ergo et in aliquo casu liceret ei dispensare.

**102. — SED CONTRA** est quod dicitur *De Consecr.*, d. 2 (cap. : « *Pervenit ad notitiam* »; L. 187, 1743), ubi inhibetur ne etiam infirmis per laicos sacerdotes hoc sacramentum transmittant.

**103. — Præterea.** Ad eosdem pertinet esse ministros Ecclesiæ, et dispensatores mysteriorum Dei, *I Cor.*, iv, 1 : « *Sic nos existimet homo etc.* » Sed laici non sunt ministri Ecclesiæ. Ergo non debent esse dispensatores sacramentorum.

[II]

[III, q. 82, a. 3, c. et ad 1.]

**104. — ULTERIUS.** Videtur quod diaconus possit dispensare.

1. Quia beatus Laurentius diaconus fuit. Sibi autem commissa fuit dispensatio dominici sanguinis, ut patet in legenda sua. Ergo diaconus potest dispensare.

**2. Præterea.** Dispensatio hujus sacramenti ad populi cura-

1. ae « possit » contra et ed. — 2. α « nihil ». — 3. αβγ « eas », contra *SciJ* et ed. — 4. ae « cadere », γ « cadentem » et ed. in margine « vel in luto jacere » contra j3Se) et ed.

tioneml pertinet. Sed diaconus potest habere curam animarum. Ergo et ipse est dispensator hujus sacramenti.

**105.** — **SED CONTRA** est quod dicit canon, dist. 232 : « *Non oportet diaconum panem dare* », id est corpus Christi.

### [III]

[*Infra*, A 24, q. i, a. 3, sol. 5, ad 3, 4; III, q. 64, a. 9, ad 3; q. 82, ad. 9; *Quodl. XV* q. 8, a. 1, 2.]

**106.** — **ULTERIUS.** Videtur QUOD ALIQUIS POSSIT LICITE RECIPERE DISPENSATIONEM SACRAMENTI A FORNICARIO VEL EXCOMMUNICATO VEL HÆBETICO SACERDOTE.

1. Augustinus enim dicit (*III Coni, litter. Petiliani*, c. 9; L. 43,353) : « *Neque in homine bono, neque in homine malo aliquis saepimenta Dei fugiaP.* » Ergo potest a quolibet sacerdote hoc<sup>4</sup> sacramentum recipere.

•2. **Præterea.** Virtus divina prævalet malitiæ humanæ. Sed sacramentum virtute divina continet gratiam et causât. Ergo quajitumcumque sit malus ille qui dederit vel hæreticus, consequitur gratiam qui ab eo sacramentum recipit<sup>5</sup>.

3. **Præterea.** Iniquitas sacerdotis non potest ipsum corpus Christi inquinare. Sed hoc sacramentum ex ipso opere operato quod est corpus Christi, gratiam confert. Ergo etiam si aliquis sit expommunicatus vel hæreticus, sacramentum ab eo perceptum gratiam confert.

**107.** — **SED CONTRA** est quod dicit *canon* 33 (« cap. Nullus Mistam »; L. 187,177) : « *Missam non audias sacerdotis quem scis\* concubinam indubitanter habere.* » Ergo peccat qui recipit sacramentum a concubinario sacerdote.

**108.** — **Præterea.** Nullus debet recipere sacramentum præter institutionem Ecclesiæ, quia indignus accederet. Sed aliqui secundum institutionem Ecclesiæ sunt suspensi. Ergo non licet ab eis sacramenta recipere.

**109.** — **RESPONSIO.** Dicendum **AD PRIMAM QUÆSTIONEM** quod *sicul* in corpore naturali sunt quædam membra principalia per quæ virtutes et operationes vitæ a principio vitæ ad cetera membra decurrunt; *ita* et in Ecclesia sacerdotes et alii ministri sunt quasi membra principalia quibus mediantibus sacramenta vitæ populo dispensari debent. Et ita' **laicis, quan-**

/

\*

1. 1'. « animarum curam ». — 2. Ed. 93. — 3. Sic in *Vecr.*, c. i, q. i, c. 35; L. 187, 498; sed paulo aliter in Aug. textu : « Nemo glori&tur nec in homine bono; nemo bona Dei fugfat, nec in homine malo a. — 4. *γ om.* « hoc ». — 5. *αβ&ι* «recepit». — 6. Ed. « Nullus missam audiat sacerdotis quem scit... » — 7. *εη* et ed. « ideo ».

**tumcumque sanctis, sicut nec consecratio, ita nec dispensatio hujus sacramenti competit.**

**110.** — **AD PRIMUM** ergo dicendum quod quamvis in essentia sua sacramentum sit perfectum sine usu sacramenti, tamen perfectionem quantum ad effectum sine usu non habet. Et ideo etiam *usus sacramenti hujus ad dispensationem ministrorum Ecclesin' pertinet.*

**111.** — **Ad secundum** dicendum quod in hoc sacramento ad reverentiam ipsius non solum exigitur sanctificatio morum, sed etiam *sacramentalis sanctificatio*; quia et ipse calix in quo sanctitas morum esse non potest, consecratur propter reverentiam sacramenti. Et similiter in dispensante hoc sacramentum debet esse utraque sanctificatio. Unde et manus sacerdotis unctione sanctificantur, sicut et calix.

Et ideo *quia laicus hanc sanctitatem non habet, ideo non potest hoc sacramentum dispensare.*

**112.** — **Ad tertium** dicendum quod *sicut* baptismum conferre competit sacerdoti ex officio, tamen *laicus* in casu necessitatis non peccat baptizans; *ita* tangere corpus Christi ex officio soli sacerdoti competit; sed *in casu necessitatis potest et debet. corpus Christi tangere*, etiam si sit peccator, ut si in aliquo loco immundo jaceret.

**113.** — *Sed non est simile de dispensatione sacramenti*, quia receptio hujus sacramenti non est necessitatis. Unde ei qui non potest sacramentaliter manducare, dicendum est: « *Crede et manducasti.* » (August., in Joan. tr. 26, 1; L. 35, 1607).

**114.** — **AD SECUNDAM QUÆSTIONEM** dicendum quod **dispensatio hujus sacramenti proprie ad sacerdotem pertinet**, eo quod ipse repræsentat Christum qui fuit mediator Dei et hominum. Unde cum hoc sacramentum sit ad reconciliandum nos Deo, debet per sacerdotem qui est mediator inter Deum et populum, dispensari.

**115.** — Sed *sicut* sacerdos, ut dictum est (32), participat aliquid de virtute perfective quæ est Episcopi; *ita* diaconus participat aliquid de dispensatione hujus sacramenti. *Competit enim ei ex officio sanguinem Domini dispensare, sed non corpus*; quia dispensator corporis oportet quod<sup>4</sup> ipsum corpus tangat, non autem dispensator sanguinis.

**116.** — Diacono autem non licet corpus Christi tangere, cum non habeat manus consecratas<sup>5</sup>. *Et ideo non debet corpus dis-*

i. Ed. om. t ideo ». — 2. β et ed. ad. « laicus », contra αγδιη. — 3. Ed. «oportetl ». — 4. α « ut ». — 5. Ed. « sacratas ».

*pensare nisi de mandato presbyteri vel Episcopi, vel presbytero longe posito in casu necessitatis.*

**117.** — Vel ideo dispensat sanguinem et non corpus, quia per sanguinem significatur *redemptionis mysterium* quod a capite Christi in membra diffunditur officio ministrorum — unde et sanguini aqua quæ populum significat admiscetur; — sed *incarnatio* quam corpus Christi significat, non est humano ministerio facta.

**118.** — **AD PRIMUM** ergo dicendum quod quamvis<sup>2</sup> fuerit dispensator sanguinis, *non tamen legitur fuisse dispensator corporis.* Unde et adhuc hodie in quibusdam Ecclesiis sanguis, per diaconum ministris altaris dispensatur.

**119.** — **Ad secundum** dicendum quod *diaconus potest habere curam animarum quantum ad ea quæ jurisdictionis sunt*, sed non quantum ad ea quæ sunt ordinis. Dispensatio autem sacramentorum ad ordinem pertinet.

**120.** — **AD TERTIAM QUÆSTIONEM** dicendum quod si aliquis cum peccato ad hoc sacramentum accedit, magis cedit ei in nocumentum quam in profectum. Quicumque autem contra ordinationem Ecclesiæ accedit, per inobedientiam peccat.

**121.** — **Simoniaci** autem et **schismatici** et **excommunicati ex statuto Ecclesiæ a dispensatione hujus sacramenti sunt suspensi**, quia sunt extra unitatem Ecclesiæ, in qua sacramenta conferuntur.

**122.** — **Et similiter interdictum est concubinariis sacerdotibus** propter spiritualitatem maximam quæ in hoc sacramento requiritur. *Unde si aliquis ab aliquo prædictorum sacramentum suscipiat, peccat*, et sic gratiam non consequitur.

**123.** — Tamen differt de fornicariis et aliis prædictis; quia aliis non debet homo communicare in divinis scienter, quantumcumque sit occultum; sed concubinarii sacerdotes non sunt vitandi, nisi sint notorii.

Et dicuntur *notorii tribus modis*: *vel*<sup>3</sup> propter sententiam, quia convicti sunt; *vel* per confessionem in jure factam; *vel* per rei evidentiam, sicut quando est ita manifestum quod nulla tergiversatione potest celari.

**124.** — **Ab aliis autem peccatoribus licet**<sup>4</sup> **sacramenta recipere.**

**125.** — **AD PRIMUM** ergo dicendum quod in quantum est malus, non fugitur, sed *propter Ecclesiæ prohibitionem.*

*Vel dicendum* quod Augustinus dicit quod sacramenta non sunt fugienda, quia cognoscendum est etiam ab eis verum perfici sacramentum.

1. Ed. « Christi ». — 2. y ad, « beatus Laurentius. — 3. y « scilicet ». — 4. α « licitum est ».

**126.** — **Ad secundum** dicendum quod quamvis *sacramentum* virtutem suam non amittat, tamen *in eo qui indigne accedit* \ *contra obedientiam Ecclesiæ faciens, effectum non habet.*  
 \ Et similiter dicendum **ad tertium.**

## QUÆSTIO II

Deinde quæritur de hæresi.

Et circa hoc quæruntur tria.

*Primo*, quid faciat hæreticum.

*Secundo*, - utrum hæresis sit majus peccatum aliis.

*Tertio*, utrum hæretici sint tolerandi.

### ARTICULUS I

[II-II, q. 10, a. 5 ; q. 11, a. 12 ; q. 104, a. 1, ad 1.]

**127. — AD PRIMUM SIC PROCEDITUR.** Videtur quod HÆRESIS NON DICAT PERVERSITATEM FIDEI.

1. « *Hæresis* enim, ut dicit *Isidorus* (l. VIII *Etymol.*, c. 3 ; L. 82, 296), *idem est quod divisio* ». *Divisio* autem unioni opponitur. Unio autem fit per caritatem, quia « *amor est unitiva virtus* », ut dicit *Dionysius* (*De div. nomin.*, c. 4, n. 15 ; G. 3,714). Ergo hæresis non pertinet ad perversitatem fidei, sed magis ad perversitatem odii.

2. **Præterea.** Schisma divisionem importat, et ita videntur schismatici hæretici esse. Sed schismatici non semper habent perversitatem fidei. Ergo hæresis non consistit in perversitate fidei.

3. **Præterea.** Simoniaci non errant in fide. Sed tamen simoniaci sunt hæretici ; quia, dicit *Gregorius* in *Registol* (lib. IX, ep. 106 ; L. 77,1029) : « *Qui per pecuniam ordinatur, hæreticus promovetur.* » Ergo hæresis non importat errorem in fide.

4. **Præterea.** Superstitio religioni opponitur, non fidei. Sed hæresis superstitio dicitur. Ergo non pertinet ad fidei perversitatem, sed magis ad perversitatem religionis.

5. **Præterea.** *Hieronymus* (6) dicit quod « *ex verbis inordinate prolatis incurritur hæresis.* » Sed fides non consistit in verbis oris, sed in assensu cordis. Ergo hæresis non dicit perversitatem fidei.

6. **Præterea.** Multa sunt de his quæ ad fidem pertinent in quibus sunt contrariæ opiniones ; et sic oportet alteram earum

1. *Deer.*, c. i, q. i, c. 4 et 5 ; L. 187, 480.

esse falsam ; nec tamen aliqua judicatur hæretica. Ergo tota ratio hæresis non consistit in fidei perversitate.

**7. Præterea.** Judæi habent perversam fidem, nec tamen hæretici dicuntur. Ergo omnis hæresis non consistit in perversitate fidei.

**8. Præterea.** Multi habent perversam fidem qui non habent novam opinionem, sicut Manichæi. Sed habere novam opinionem est de essentia hæresis, sicut patet per definitionem Augustini (6). Ergo, etc.

**9. Præterea.** Multi habent perversam opinionem in iis quæ sunt fidei, qui ex hoc nullum commodum temporale sperant. Sed hoc est de essentia hæresis, ut per Augustinum patet. Ergo, etc.

**128. — SED CONTRA.** Hæresis est peccatum. Ergo alicui virtuti opponitur. Sed nulla cognitio inter virtutes computatur nisi fides. Ergo cum hæresis ad cognitionem pertineat, ut ex definitione Augustini patet (6), videtur quod hæresis sit perversitas fidei.

**129. — Præterea.** Hoc patet ex communi usu loquendi.

**130. — RESPONSIO.** Dicendum quod nomen hæresis græcum est, et divisionem<sup>1</sup> importat secundum Isidorum (lib. VIII *Etym.*, c. 3 ; L. 82,266). Unde et hæretica divisiva dicuntur. Et quia in electione fit divisio unius ab altero, electio *prohæresis* dicitur in *I Elh.*<sup>2</sup> (al. 1094a, 2 ; l. 1, n. 1).

Divisio autem contingit alicui parti per recessum a toto.

**131. —** Prima autem congregatio quæ est in hominibus, est per viam cognitionis, quia ex hac omnes aliæ oriuntur. Unde et hæresis consistit in singulari opinione præter communem opinionem. Unde et Philosophi qui quasdam positiones habebant præter communem sententiam aliorum, sectas vel hæreses proprias constituiebant.

**132. —** Sed quia nullus denominatur ab eo quod inest sibi imperfecte, sed solum quando confirmatur in illo : sicut non dicitur iracundus cui inest passio iræ, sed qui passibilis est de facili ab ea ; neque qui habet dispositionem<sup>3</sup> dicitur sanus ; ideo neque hæreticus nominatur nisi qui in singulari opinione firmam habet stabilitatem. Unde etiam competit ei nomen hæresis, secundum quod in electionem sonat ; quia quod in electione<sup>4</sup> fit, quasi ex habitu firmato procedit.

Competit ei etiam nomen « hæresis », secundum quod latinum est, ab hærendo dictum ; quia suæ opinioni vehementer inhæret.

**133. —** Et quia congregatio corporis mystici per unitatem

1. Ed. «electionem». — 2. Ed. «ut patet IXMetaph». — 3. *a ad.* «ad sanitatem». — 4. N. « per electionem ».

\ veræ fidei primo constituitur, ideo **hæreiticus secundum nos dicitur qui a communi fide, quæ catholica dicitur, discedit**, contrariæ opinionioni vehementer inhærens per electionem.

134. — **AD PRIMUM** ergo dicendum quod amor facit completam unionem ; sed *principium unionis est ex cognitione*. Et ideo divisio quæ est in fide hæresim constituit.

135. — **Ad secundum** dicendum quod *schisma importat divisionem oppositam caritatis unioni*. Dicuntur enim schismatici qui concordiam non servant in Ecclesiæ observantiis, ut Ecclesiæ prælatis obediant, volentes per se Ecclesiam constituere singularem. Et isti in principio perversum dogma non habent, sed ab Ecclesiæ fundamento recedentes in vaniloquium vertuntur, et perversum dogma aliquod confingunt, et sic in fine in hæresim labuntur. Unde Hieronymus dicit (in *Exposil., Episl. ad Tit.*, c. 3, 10 ; L. 26,598), quod hæresis et schisma differunt, sicut genus et species.

136. — **Ad tertium** dicendum quod simoniaci quandoque dicuntur per similitudinem hæretici ; quia *sicut* hæreticus contra fidem sentit, *ita simoniacus operatur ac si contra fidem sentiret*, dum pretio sacra vult adipisci vel dare, ac si æstimaret donum Spiritus Sancti pecunia possideri.

137. — **Ad quartum** dicendum quod fides est primum eorum quæ ad religionem requiruntur, quia omnis religio, sive cultus Dei, est quædam fidei protestatio. Et ideo veritas fidei dicitur veritas quæ secundum pietatem est, *Tit.*, i. *Ideo etiam ea quæ hæresis sunt, ad superstitionem pertinent*.

138. — **Ad quintum** dicendum quod *fides principaliter consistit in corde et primo*, sed secundo in ore ; quia « *corde creditur ad justitiam, ore confessio fit ad salutem* » ; *Rom.*, x, 10. *Et similiter hæresis principaliter consistit in corde, secundum quod Hilarius dicit*<sup>4</sup> : « *Intellectivæ sensus in animo est sed secundo in ore* ». Unde Hieronymus dicit (6) quod « *ex verbis inordinate prolatis incurritur hæresis* », non quia hæresis per se in his consistat, sed quia sunt occasio et causa erroris.

139. — **Ad sextum** dicendum quod *in fide sunt aliqua ad quæ explicite cognoscenda omnis homo tenetur*. Unde si in his aliquis errat, infidelis reputatur, et hæreticus, si pertinaciam adjungat.

*Si autem sunt aliqua ad quæ explicite credenda homo non tenetur, non efficitur hæreticus in his errans* : ut si aliquis simplex credat Jacob patrem fuisse Abraham, quod est contra veritatem Scripturæ quam fides profitetur, quousque sibi hoc

1. γ « sed ». — 2. Ed. om. « dogma ». — 3. αβχδ « omnis enim », contra (ζη — 4. Locum invenire non contigit. Ed. lib. VIII indicant. — 5. α om. « in his ».

innotescat quod fides Ecclesiæ contrarium habet; quia non discedit per se loquendo a fide Ecclesiæ nisi qui ille scit hoc a quo recedit, de fide Ecclesiæ esse.

*Et quia quædam sunt quæ in fide Ecclesiæ implicite continentur, ut conclusiones in principiis, ideo in his diversæ opiniones sustentur, quousque per Ecclesiam determinatur quod aliquid eorum contra fidem Ecclesiæ est, quia ex eo sequitur aliquid contrarium fidei directe.*

**140.** — **Ad septimum** dicendum quod dividi non convenit nisi parti. *Et ideo illi qui nunquam fuerunt de fide Ecclesiæ non reputantur hæretici si perversam fidem habeant, ut Judæi vel Pagani, quia nunquam fuerunt partes hujus totius quod est Ecclesia.*

**141.** — **Ad octavum** dicendum quod *omnis opinio quæ non habet initium a doctrina Christi quæ est fundamentum, nova reputatur, quantumcumque secundum tempus sit antiqua.*

**142.** — **Vel dicendum** quod Augustinus loquitur quantum ad primos hæresum inventores.

**143.** — **Ad nonum** dicendum quod *illi qui hæresim confingunt de novo, constat quod aliquod commodum expectanti saltem principatum: volunt enim habere sequaces.*

Hoc etiam in omnibus *ex superbia* procedit quæ est amor propriæ excellentiæ, quod a communi via discedunt animi levitate aut perversitate.

## ARTICULUS II

[II-II, q. 10, a. 3; q. 20, a. 3; q. 34, a. 2, ad 2; q. 39, a. 2, ad 3; III, q. 80, a. 5; *De Malo*, q. 2, a. 10; *I Tim.*, c. 5, l. 1.]

**144.** — **AD SECUNDUM SIC PROCEDITUR.** Videtur quod HÆRESIS NON SIT MAXIMUM PECCATUM.

1. Maxima enim peccata videntur esse principalia peccata; quia illud est maximum in unoquoque genere quod est principale. Sed hæresis non est principale vitium. Ergo non est maximum.

2. **Præterea.** Secundum Philosophum in VIII *Elh.* (012. 1160b, 9; l. 10, n. 1677), pessimum opponitur optimo. Sed fides cui opponitur hæresis, non est optima virtutum. Ergo nec hæresis est maximum peccatum.

3. **Præterea.** Illud quod excusat, non est maximum peccatum. Sed hæresis vel infidelitas excusat; *I Tim.*, i, 13: « *Sed misericordiam consecutus sum, quia ignorans feci in incredulitate mea.* » Ergo hæresis non est maximum peccatum.

1. Ed. om. « mea ».

**4. Præterea.** Secundum mensuram peccati est mensura pœnæ. Sed secundum Hieronymum<sup>1</sup> peccatum schismatis est magis punitum quam aliquod aliud peccatum, quia absorpti sunt a terra, ut patet *Numer.*, xvi. Ergo hæresis non est maximum peccatum.

**5. Præterea.** Peccatum in Spiritum Sanctum est gravius ceteris peccatis. Sed hæresis non est hujusmodi. Ergo non est gravissimum.

**145. — SED CONTRA.** In *Epistola Clementis* (n. 7; G. 2, 42), dicitur quod primum locum in poenis habent qui aberrant a Deo. Sed tales sunt hæretici. Ergo, etc.

**146. — Præterea.** Ambrosius dicit : « *Gravissime peccas, si ignoras*<sup>2</sup>. » Sed hæretici ignorantiam Dei habent<sup>3</sup>. Ergo gravissime peccant.

**147. — Præterea.** Dionysius dicit, 3 cap. *Eccles. Hier.* (G. 3, 423) quod « *ille qui habet participationem quamdam sacratissimarum consummationum, non est sequatis universaliter indocto\**, et non participanti aliquam divinarum celatarum » id est sacramentorum. Sed tales sunt hæretici. Ergo alii peccatores non sunt eis æquandi in malo.

**148. — RESPONSIO.** Dicendum quod unumquodque dicitur malum quia<sup>5</sup> nocet. Unde cum hæresis plus noceat quam aliquod aliud peccatum, quia subvertit fundamentum omnium bonorum sine quo nihil boni remanet, ideo **hæresis est ex genere suo maximum peccatorum**, quamvis ex accidenti aliquod peccatum possit esse gravius : sicut si multum cresceret contemptus Dei in aliquo quod etiam ex genere suo esset veniale.

Sed « *de eo quod est secundum accidens, non est curandum in arte* », ut Philosophus dicit in *V Elh.* (el5. 1138b, 1-2 ; l. 17, n. 1105).

**149. — AD PRIMUM** ergo dicendum quod *sicut* secundum Philosophum in *VII<sup>6</sup> Elh.* (ηβ. 1148b, 35 sq. ; l. 5, n. 1377), bestialitas ponitur extra numerum aliarum humanarum malitiarum, quia humanum modum transcendit ; *ita* a Sanctis ponitur hæresis extra numerum peccatorum quæ in fidelibus inveniuntur, quasi gravius eis. Et ideo non computatur inter vitia capitalia nec inter eorum filias, quia vitia capitalia, secundum Isidorum in *Glossa, Deuter.*, vu (L. 113, 459), signantur

1. Hieronymus ex antiquis *Decret.* exemplaribus ; sed in novis correctum est et Augustino restitutum, ut c. 24, q. 1, c. « Non afferamus », L. 187, 264, patet ; II *de bapt. contra Donat.*, c. 6, n. 9 ; L. 43, 132. — 2. Addit Nicolai : « Vel sic potius Glossa, quæ super illud *ad Rom.*, II : *Ignoras quod benignitas Dei ad penitentiam te adducit* ? tres peccatorum gradus notat : quorum primus est dum quis sibi impunitatem pollicetur ; secundus, et gravior, quia contemnit donum Dei ; tertius, et gravissimus, quia ignorat se contemnere : quod sine ignorantia Dei esse non potest. — 3. a « dicuntur habere ». — 4. ay « in toto ». — 5. a « quod ». — 6. a « VI ».

per septem populos qui in terra promissionis non remanserunt. *Tamen* si ad aliquod de septem capitalibus reduci debeat, *poterit ad superbiam reduci*, ut per definitionem Augustini in *Littera* (6) positam patet.

**150.** — **Ad secundum** dicendum quod *verbum Philosophi intelligendum est in his quæ non sunt ordinata ad invicem*, in quibus destructo uno non destruitur alterum.

Sed in ordinatis ad invicem destructio prioris semper est peior, sive illud sit melius, sive non; quia eo remoto consequentia removentur: sicut ægritudo est peior quam cachexia, quamvis evexia sit melior quam sanitas.

**151.** — **Ad tertium** dicendum quod *sicut fides* habet aliquid manifestum, *ita* et hæresis. Et quamvis ex illa parte qua habet ignorantiam in intellectu, aliquo modo excusare<sup>2</sup> possit, tamen *secundum quod habet duritiam in affectu ad non obediendum primæ veritati, nihil prohibet eam esse maximum peccatorum.*

**152.** — **Ad quartum** dicendum quod quamvis schisma gravius fuerit punitum quantum ad novitatem pœnæ, quia<sup>3</sup> expediebat ut praelati Ecclesiæ non contemnerentur, tamen *infi-delitas est magis punita quantum ad multitudinem punitorum*, ut patet *Exod.*, xxii, 35.

**153.** — **Ad quintum** dicendum quod *hæresis*, secundum quod pertinaciam importat, *species est peccati in Spiritum Sanctum* quia est impugnatio veritatis agnitæ.

### ARTICULUS III

[II-II, q. 10, a. 8, ad 1; q. 11, a. 3; *Quodl.* X, q. 7, a. 1; in *Mat.*, c. 13.]

**154.** — **AD TERTIUM SIC PROCEDITUR.** Videtur quod HÆRETICI SINT SUSTINENDI. \*

1. Nihil enim debet impugnari, nisi quod est contra amicitiam. Sed diversitas opinionum non est contra concordiam amicitiae, ut Philosophus in IX<sup>4</sup> *Eih.* (θ 6. 1167a, 24; l. 6, 1830), dicit<sup>5</sup>. Ergo non sunt impugnandi.

2. **Præterea.** Illud<sup>6</sup> quod est necessarium, non est impediendum<sup>7</sup>. Sed hæresis est necessaria Ecclesiæ, *I Cor.*, xi, 19. « *Necesse est hæreses esse, ut qui probati sunt, manifesti fiant.* » Ergo non sunt impugnandi.

3. **Præterea.** *Mat.*, χ 1π, 30, Dominus præcepit<sup>8</sup> ut zizania permitterentur crescere usque ad messem. Messis autem est finis

1. Ed. « cacexia », et infra « enoxia ». — 2. α ' excusari ». — 3. Ed. « quod ». — 4. Ed. « !> ». — 5. Ed. « innuit ». — 6. Ed. *om.* · Illud ». — 7. *ay* « impedimentum », *ged y cor.* sicut F. — 8. Ed. « præcipit ».

sæculi. Cum ergo hæretici sint zizania, videtur quod debeant permitti crescere usque ad finem mundi.

4. **Præterea.** Nullus sapiens debet niti ad hoc quod consequi non potest. Sed, sicut dicit quædam GLOSSA ISAÏ, vii (Hieron. L. 24, 105), « *quamdiu stabit mundus, sapiens, sæcularis el heræticus sermo dominabuntur.* » Ergo non debet Ecclesia niti ad hæresum impugnationem.

5. **Præterea.** Nullus credit non volens, ut dicit Augustinus (In Joan., tr. 26, n. 2 ; L. 35, 1607). Sed hæretici in fide errant. Ergo non sunt cogendi.

155. — **SED CONTRA.** I Cor., v, 6-7, Apostolus præcepit esse exstirpandum vetus fermentum, quia totam massam corrumpit. Sed hæretici Ecclesiam maxime corrumpunt. Ergo sunt ab Ecclesia exstirpandi.

156. — **Præterea.** Lupi sunt ab ovibus arcendi pastorum officio, ut patet Jo an., x, 12. Sed hæretici sunt lupi, ut patet Act., xx2, 29. Ergo debent exstirpari.

157. — **Præterea.** Vita spiritualis est melior quam corporalis. Sed homicidæ exstirpantur, quia auferunt hominibus corporalem vitam. Ergo multo amplius hæretici, qui auferunt hominibus spiritualem vitam.

158. — **RESPONSIO.** Dicendum quod hæresis est infectivum vitium. Unde II Tim., n, 16, dicitur quod « *multum proficiunt ad impietatem et sermo eorum ut cancer serpit* ». **Et ideo Ecclesia eos a consortio fidelium ezcludit, et præcipue illos qui alios corrumpunt.**

*Et simplices* qui de facili corrumpi possunt, ab eis sunt segregati non solum mente, sed etiam corporaliter ; unde per Ecclesiam incarcerantur<sup>3</sup> et expelluntur.

159. — *Si autem alios non<sup>4</sup> corrumperent,* possent etiam celari<sup>5</sup>.

*Sed illi qui sunt firmi in fide,* possunt cum eis corpore conversari, ut eos convertant ; non tamen in divinis, quia excommunicati sunt.

160. — *Sed iudicio sæculari possunt licite occidi et ab bonis suis spoliari,* etsi alios non corrumpant ; quia<sup>7</sup> sunt blasphemi in Deum, cum fidem falsam observant. Unde magis possunt puniri justè<sup>8</sup> quam illi qui sunt rei criminis læsæ majestatis et illi qui falsam monetam cudunt.

161. — **AD PRIMUM** ergo dicendum quod Phil osophus loquitur de opinionibus speculativis tantum. Sed consensus in

1. a om. « exstirpandi ». — 2. ay « XV ». — 3. Ed. « carcerantur ». — 4. a om. « non ». — 5. y « tollerari ». — 6. Ed. om. « a ». — 7. Ed. « qui ». — 8. Ed. « isti ».

unitate! fidei est principium communionis in caritate. Et ideo *dissensus in fide excludit amicitiam familiaritatis.*

**162.** — **Ad secundum** dicendum quod *hæresis dicitur<sup>2</sup> necessaria non per se loquendo, sed per accidens, inquantum ex quolibet malo Deus elicit aliquod bonum*; quia secundum Augustinum (VII *Confes.*, c. 19; L. 32, 746), Ecclesia utitur hæreticis ad probationem doctrinæ suæ, dum scilicet eorum falsa dogmata impugnat.

**163.** — **Ad tertium** dicendum quod Dominus ideo præcepit ut zizania non eradicarentur, ne forte simul<sup>3</sup> cum ipsis eradicaretur et triticum. *Et ideo hoc locum habet in illis de quibus non constat utrum sint hæretici vel non.*

**164.** — **Ad quartum** dicendum quod quamvis *Ecclesia* non possit facere quin sint aliqui hæretici, tamen *potest singulariter hunc vel illum coercere*: sicut etiam omnia peccata venialia vitare non possumus, tamen singula vitare nitimur.

**165.** — **Ad quintum** dicendum quod *Ecclesia non persequitur eos ut per violentiam inducantur ad credendum, sed ne alios corrumpant, et ne tantum peccatum inultum remaneat.*

#### EXPOSITIO TEXTUS

**166.** — « Qui intus sunt<sup>4</sup> nomine etc. » **(1a)**. Dicit<sup>8</sup> propter schismaticos et hæreticos qui secundum ipsum non possunt consecrare.

**167.** — « Et quid majus corpore et sanguine Christi ?<sup>6</sup> » **(1b)**.

**Videtur** quod<sup>7</sup> corpus mysticum quod<sup>8</sup> significatur per ipsum.

**Et dicendum** quod in his quæ sunt tantum ad significandum, verum est quod signatum prævalet signo, non autem in<sup>9</sup> aliis quæ ex consequenti significant.

**168.** — **Et ideo dicendum** quod corpus Christi mysticum, si accipiatur cum ipso capite, est melius quam corpus Christi verum, si tamen corpus Christi verum accipiatur sine divinitate cui est unitum; alias non, quia Deus et omnes creaturæ non sunt aliquid melius quam Deus tantum.

**169.** — Si autem accipiatur corpus Christi mysticum absque capite, sic corpus Christi verum est nobilius.

**170.** — « Illi vero qui excommunicati sunt, etc. » **(2)**.

**Sciendum** quod in hoc opinio **Magistri** discordat a communi opinione, et ideo contrariæ opinioni adhærendum est.

**171.** — « Missa enim dicitur etc. » **(2a)**.

1. *aeγ* « unitatem » — 2. *αβγδ* « est », contra *eq* et ed. — 3. *αβ om.* « simul », contra *εη* et ed. — 4. *α* « sub ». — 5. Ed. *ad.* « Hoc ». — 6. Ed. *om.* « Christi ». — 7. Ed. *om.* « quod ». N. « Videtur majus esse ». — 8. Ed. « quia ». — 9. *ay* « ex ».

Præter hanc rationem nominis assignat Hugo (De sacram., lib. II, p. 8, c. 14 ; L. 176, 472.) Ires alias rationes.

*Primo*, quia « *Missa dicitur quasi transmissa, eo quod populus fidelis per ministerium sacerdotis qui mediatoris vice fungitur inter Deum et hominem, preces, vota et oblationes Deo transmittit.* »

**172.** — *Secundo* « *ipsa hostia sacra Missa vocari potest; quia transmissa est prius a Patre nobis, ut scilicet nobiscum esset, postea a nobis Patri, ut apud Patrem pro nobis esset.* »

**173.** — *Tertio* Missa ab emittendo dicitur, ut *Quidam* dicunt ; quia ut sacerdos hostiam consecrare incipit, per manum diaconi et ostiarii catechumenos et non communicantes foras Ecclesiam niittit,

*Quarta* causa ponitur in *Littera (2a)*.

**174.** — « *Jube ergo hæc perferri per manus etc.* » **(2a)**.

Angelus sacris mysteriis interesse credendus est, non ut secretet, quia hujusmodi potestatem non habet, sed ut orationes sacerdotis et populi Deo repræsentet, secundum illud *Apoc.*, viii, 4 : « *Ascendit fumus aromatum in conspectu Domini de manu angeli, quæ sunt orationes sanctorum.* » Petit ergo sacerdos ut « *hæc* », id est significata per hæc, scilicet corpus mysticum, « *per manus angeli* », id est ministerio angelorum, perferantur « *in altare sublime* », id est in Ecclesiam triumphantem, vel in participationem divinitatis plenam ; quia Deus ipse altare sublime dicitur ; « *Exod.*, xx, 26 » : « *Non ascendes in altare per gradus* : id est, in Trinitate non facies gradus.

*Vel* per angelum ipse Christus intelligitur, qui est magni consilii angelus (*Isa i.*, ix, 6, juxta 70), qui corpus suum mysticum Deo Patri conjungit, et Ecclesiæ triumphanti,

**175.** — « *Oblationem ejus consecrare* » **(2b)**, id est consecratam Deo repræsentare, ut accepta sit in conspectu Dei quantum ad illos qui offerunt ; quia quantum ad id quod continetur, semper est Deo accepta.

**176.** — « *Non maledicam benedictionibus vestris* » **(2b)**.

Hostiæ<sup>4</sup> benedictio non est principaliter a sacerdote, sed a Deo. Unde hæc auctoritas non est ad propositum.

**177.** — « *Et intentionem adhiberi oportet.* » **(3)**. De intentione idem dicendum est quod supra de Baptismo d. 6 **(66-70)**.

**178.** — « *Illud etiam sane dici potest, etc.* » **(4)**. Quomodo hoc sit verum, supra d. 10 (d. 9, 61-2) dictum est. Debet autem **ille** cujus negligentia<sup>6</sup> accidit quod mus species comedat<sup>7</sup>, secundum canones, quadraginta diebus pænitere ; et mus si capi potest, comburi, et cinis in sacrarium projici.

**179.** — Si autem amissa fuerit hostia, vel pars ejus, ut inveniri non possit, debet viginti<sup>8</sup> diebus pænitere.

1. *a ad.* « et ». — 2. *ei*; et *ed.* « ad ». — 3. *αγχοι* « respectu » sed *γ cor.* — 4. *αβχοι om.* « hostiæ ». — 5. *α* « etiam ». — 6. *Ed. ad.* « hoc ». — 7. *αγχοικ* « comedit ». — 8. *N.* « triginta ». *Ed. ad.* « duobus ».

**180.** — Si autem per negligentiam aliquid de sanguine stillaverit in tabulam quæ terræ adhæret, lingua lambetur, et tabula radetur.

**181.** — Si vero non fuerit tabula, terra radetur<sup>1</sup> et igni comburetur et cinis in altari condetur et sacerdos quadraginta diebus pœniteat.

**182.** — Si autem super altare stillaverit calix, sorbeat minister stillam et tribus diebus pœniteat.

**183.** — Si super linteum altaris et ad aliud stilla pervenerit<sup>2</sup>, quatuor diebus pœniteat.

Si usque ad tertium linteum, octo diebus pœniteat<sup>3</sup>.

Si usque ad quartum, viginti diebus pœniteat, et linteamina quæ stilla tetigit, tribus vicibus lavet minister calice subtus posito; et aqua ablutionis sumatur, et juxta altare condatur. Tutum est etiam ut pars illa linteï abscindatur et comburatur; et cinis in altari condatur.

**184.** — Si autem aliquis per ebrietatem vel voracitatem<sup>4</sup> eucharistiam vomuerit, quadraginta diebus pœniteat; clerici, vel monachi, sexaginta; Episcopus nonaginta.

**185.** — Si autem infirmitatis causa vomuerit, septem diebus pœniteat. Dicunt autem *Quidam*, quod pœna irrogata fuit ad cautelam, ut negligentia magis caveretur; et ideo circumstantiis pensatis potest minui vel addi ad pœnam prædictam.

**186.** — Sed tutius est ut prædictam peragat. Debet autem secundum *Quosdam* illis diebus jejunare, et a communione cessare.

**187.** — *Alii* vero dicunt quod his diebus injungenda est pœnitentia arbitraria pensatis conditionibus personæ et negotii. Et hoc probabilius videtur.

**Et hæc de eucharistia dicta sufficient.**

1. *ay om.* per *homoi.* « Si vero non fuerit tabula, terra radetur ». — 2. *ay* « pervenit » — 3. a *om.* parapraghum per *homot.* N. « novem ». — 4. N. *om.* « vel voracitatem »

## DISTINCTIO XIV

### De pœnitentia

1. — Post hæc de pœnitentia agendum est. Pœnitentia longe positis a Deo necessaria est, ut appropinquent.

Est enim, ut ait Hieronymus (*Ep.* 130, n. 9 ; *L.* 22, 1115) « *secunda tabula post naufragium* » ; quia, si quis vestem innocentiae in baptismo perceptam peccando corruperit, pœnitentiae remedio reparare potest. Prima tabula est baptismus, ubi deponitur vetus homo, et induitur novus. Secunda, pœnitentia, qua post lapsum resurgimus, dum vetustas reversa repellitur et novitas perdita resumitur. Post baptismum prolapsi per poenitentiam renovari valent, sed non per baptismum. Licet homini sæpius poenitere, sed non baptizari.

2. — Baptismus tantum est sacramentum, sed pœnitentia dicitur et sacramentum et virtus mentis. Est enim pœnitentia interior et est<sup>2</sup> pœnitentia exterior. Exterior, sacramentum est ; interior, virtus mentis est ; et utraque causa salutis est et justificationis.

Utrum vero omnis exterior pœnitentia sit sacramentum, vel si non omnis, quæ hoc nomine censenda sit, consequenter investigabimus.

3. — A pœnitentia coepit Joannis prædicatio dicentis (*Mat.*, iii, 2) : « *Pœnitentiam agite ; appropinquavit enim regnum cælorum.* » Quod autem præco docuit, illud<sup>3</sup> post Veritas prædicavit, exordium sumens sermonis a pœnitentia.

4. — Pœnitentia dicitur a puniendo, qua quis punit illicita quæ commisit.

5. — Pœnitentiae virtus timore concipitur.

Unde *Isaias*, xxvi, 17 : « *A timore tuo Domine concepimus et peperimus spiritum salutis.* »

« *Est autem poenitentia, ut ait Ambrsius (in *Serm.* 25, n. 1 ; *L.* 17, 655) mala præterita plangere, et plangenda iterum non committere.* »

Item *Gregorius* (*Hom.* 34, in *Evang.* η, 15 ; *L.* 76, 1256) « *Poenitere est anteacta peccata deflere, et flenda non committere. Nam qui sic alia deplorat, ut alia tamen committat, adhuc poenitentiam agere aut ignorat aut dissimulat. Quid enim prodest, si peccata luxuriæ quis defleat, et adhuc avaritiæ aestibus anhelat ?* »

6. — His verbis *Quidam* vehementius inhærentes, contendunt vere poenitentem ultra non posse peccare damnabiliter ; et si graviter peccaverit, veram non præcessisset poenitentiam.

7. — Quod etiam aliis muniunt testimoniis.

8. — Ait enim *Isidorus* (*II Sent.* c. 16 ; *L.* 83, 619) : « *Irrisor est et non pœnitens, qui adhuc agit quod pœnitet. Nec videtur Deum poscere subditus, sed subsannare superbus.* » *Canis* reversus ad vomitum (*Prov.* 26, 11) « *est pœnitens reversus ad peccatum.* *Multi autem lacrymas indesinenter fundunt, et peccare non desinunt. Quosdam accipere lacrymas ad poenitentiam cerno, et affectum pœnitentiæ non habere ; quia inconstantia mentis nunc recordatione peccati lacrymas fundunt, nunc reviviscente usu, ea quæ flevissent iterando committunt.* *Isaias* (i, 16)<sup>6</sup> *peccatoribus dicit : « Lavamini, mundi estote. » Lavatur et mundus est qui præterita plangit, et flenda iterum*

1. *Quar. om.* « a Deo ». — 2. *Quare om.* « est. ». — 3. *Quar.* « idem ». — 4. *Ed.* « per »  
« cepisse ». — 5. *Quar.* « et pœnitens ad peccatum ». — 6. *Quar.* *ad* « de ».

*non committit. Lavatur et non est mundus, qui plangit quæ gessit, nec deserit; et post lacrymas ea quæ deflexerat, repetit. »*

9. — Item Augustinus<sup>2</sup> : « *Inanis est poenitentia quam sequens culpa coinquinat. Nihil prosunt lamenta, si replicantur peccata. Nihil valet veniam a malis poscere, et mala denuo iterare. »*

10. — Item Gregorius (Pastor, p. 3, n. 30, L. 77, 110) : « *Qui commissam plangit, nec tamen deserit, pænæ graviori se subjicit. »*

11. — Item Ambrosius (lib. II *De pænit.*, c. 10, n. 95 ; L. 16, 520) : « *Reperiuntur qui sæpius agendam poenitentiam putant, quia luxuriantur in Christo. Nam si vere poenitentiam in Christo agerent, iterandam postea non putarent; quia sicut unum baptisma, ita est una poenitentia. »*

His aliisque pluribus utuntur in assertione suæ opinionis.

12. — Sed Ambrosius (in II *ad Cor.*, II, 7 ; L. 17, 282) dicit : « *Hæc vera poenitentia est, cessare a peccato.* »

Et Idem<sup>4</sup> (Serm. 22, in ps. 118, n. 3 ; L. 15, 1512) : « *Magni profectus est renuntiassè errori... Imbutos enim vitii animos exuere atque emendare, virtutis est perjectæ et cælestis gratiæ. »*

a. — Et ideo sane ita definiri potest : Pænitentia est virtus vel gratia qua commissam mala cum emendationis proposito plangimus et odimus, et plangenda ulterius committere nolumus ; quia poenitentia vera est in animo dolere et odire vitia.

13. — Unde illa verba præmissa : « *Poenitere est anteacta deflere et deflenda non committere* », recte sic accipi possunt, ut non ad diversa tempora, sed ad idem referantur ; ut scilicet tempore quo deflet commissam mala, non committat, voluntate vel opere, flenda : quod innuitur ex verbis consequentibus : « *Nam qui sic alia deplorat, etc. »*

Hinc Augustinus ait [*Enchirid.*, c. 70 ; L. 40, 265] : « *Cavendum est ne quis existimet infanda illa crimina qualia qui agunt, « regnum Dei non possidebunt » (I Cor., vi, 9 et 10) quotidie perpetranda et eleemosynis quotidie redimenda. In melius est enim vita mutanda, et per eleemosynas de peccatis præteritis propitiandus est Deus ; non ad hoc emendus quodammodo, ut ea semper liceat impune committere. Nemini enim dedit laxamentum peccandi (Eccli., xv, 21), etsi miserando deletat commissam peccata, si non satisfactio congrua negligatur.* »

Item Pius Papa [*Decr., de pænit.*, d. 3, cap. « *Nihil prodest* » ; L. 187, 1598] : « *Nihil prodest homini jejuna et orare et alia religionis opera agere, nisi mens ab iniquitate revocetur.* »

Qui ergo a malis sic mentem revocat ut commissam plangat, et plangenda committere non velit, nec satisfacere negligat<sup>6</sup>, vere pænitet. Nec ideo non est vera pænitentia, quia forte non de proposito, sed casu vel infirmitate peccabit.

14. — Ille autem irrisor est et non pænitens, qui sic commissam plangit ut plangenda voluntate vel opere committere non desinat. Ille etiam qui post lacrymas repetit quæ flevit, lavatur ad tempus, sed mundus non est, id est, illa<sup>7</sup> munditia non est ei sufficiens ad salutem, quia est momentanea, non perseverans.

15. — Item illud : « *Inanis est poenitentia quam sequens culpa coinquinat* », sic intelligendum est. Inanis est, scilicet carens fructu illius poenitentia quam sequens culpa non inquinat<sup>8</sup>. Illius enim fructus est vitatio gehennæ et adeptio gloriæ. Mortificatur enim illa pænitentia et alia

1. Quar. « *admittit* ». — 2. Sic Codic. et *Decr., de pænit.*, d. 3, c. « *Inanis* », L. 187, 1596 ; sed Isidoro restituendum est, apud quem legitur in lib. I *Synon.*, n. 77 ; L. 82, 845. — 3. Quar. « *admissa* ». — 4. Ed. « *iterum* ». Quar. « *item* ». — 5. Ed. *om.* „ vel gratia ». — 6. Ed. « *negligit* ». — 7. F. « *ista* ». — 8. Ed. « *coinquinat* ».

anteacta bona per sequens peccatum, ut non sortiantur mercedem quam meruerunt cum flerent, et quam haberent, si peccatum non succederet. Sed etsi de peccato succedenti pœnitentia agatur, et pœnitentia quæ præcessit, et alia anteacta bona reviviscunt; sed illa tantum quæ ex caritate prodierunt. Illa enim sola viva sunt, quæ in caritate fiunt. Ideoque si per sequentia peccata mortificantur, per subsequentem poenitentiam reviviscere possunt. Quæ vero sine caritate fiunt, mortua et inania generantur; et ideo per poenitentiam reviviscere non valent.

Similiter intelligendum est illud: « *Nihil prosunt lamenta, etc.* » et illud: « *Nihil valet, etc.* » Si enim replicantur peccata, nihil valet ad salutem vel ad veniam in fine præcedens lamentum, quia nihil relinquunt de vitæ munditia; quia aut peccata dimissa redeunt, ut *Quibusdam* placet, cum replicantur; vel si non redeunt, eis tamen deletis, propter ingratitude ita reus et immundus constituitur, cum adhuc in expandis implicatur, ut si jam deleta redirent. De hoc tamen, scilicet an peccata redeant, post plenius agemus!

Similiter nihil valet ad salutem obtinendam vel ad munditiam vitæ habendam, veniam de male factis poscere, et male facta denuo iterare.

**16.** — Ita etiam intelligendum est illud quod idem *Augustinus* alibi ait (*De vera et falsa pœnit.*, c. 8, n. 22; L. 40, 1120): « *Pœnitentia est quædam dolentis vindicta semper! puniens in se quod dolet commisisse?* »

Et infra (c. 19, n. 35; L. 40, 1128): « *Quotidie\* dolendum est de peccato; quod declarat ipsa dictionis virtus. Poenitere enim est poenam tenere, ut semper puniat in se ulciscendo quod commisit peccando. Ille poenam tenet qui semper vindicat quod commisisse dolet. Poenitentia ergo<sup>3</sup> est vindicta semper puniens in se quod dolet commisisse.* » « *Quid restat nobis nisi dolere in vita? Ubi enim dolor finitur, deficit et pœnitentia. Si vero pœnitentia finitur, quid relinquunt de venia? Tamdiu gaudeant et sperent de gratia, quamdiu sustentatur a pœnitentia, Dicit enim Dominus (Joan., viii, 11): « Vade, et amplius noli peccare ». Non dixit: Ne pecces, sed nec voluntas peccandi in te oriatur. Quod quomodo servabitur, nisi dolor in pœnitentia continue custodiatur\*? Semper doleat, et de dolore gaudeat; et non sit satis quod doleat, sed ex fide doleat, et non semper doluisse doleat.* » (Ibid. d. 13, n. 28; L. 40, 1124).

#### Determinatio intelligent!® dictorum

**17.** — De poenitentia perfectorum vel ad salutem sufficienti, intelligendum est quod supra dixit, scilicet: « *Pœnitentia est vindicta semper puniens quod commisit* », et alia hujusmodi.

Illud vero: « *Si pœnitentia finitur, nihil de venia relinquunt* », dupliciter accipi potest.

Si enim juxta *Quorundam* intelligentiam, peccata dimissa redeunt, facile est intelligere nihil de venia relinqui, quia peccata dimissa iterum replicantur. Sicut enim ille qui ex servitute in libertatem manumittitur, iterum vere, liber est, et tamen propter offensam in servitutem postea revocatur; sic et pœnitenti peccata vere dimittuntur, et tamen propter offensam quæ replicatur, iterum redeunt.

Si vero non redire dicantur, sane potest dici etiam sic nihil de venia relinqui; non quod dimissa peccata iterum imputentur; sed quia propter Ingratitude ita reus<sup>7</sup> et immundus constituitur ac si illa redirent.

1. D. 22.— 2. Quar. om. « semper ».— 3. Quar. « admisisse ».— 4. Quare « Continue ». — 5. Quar. « igitur ». — 6. Quar. ad. « Hic ». — 7. Quar. ad « est ».

## De solemnī et unica pœnitentiā

**18.** — Illud autem quod Ambrosius ait : « *Reperiuntur* etc. *Sicut unum baptisma, ita et una pœnitentiā* », non secundum generalem, sed secundum specialem morem Ecclesiæ de solemnī poenitentia dictum intelligitur, quæ apud Quosdam semel celebrata, non iteratur.

Item illud aliud Ambrosii (lib. II *De pœnit.*, c. 11, n. 104 ; L. 16, 522) : « *Pœnitentiā semel usurpata nec vere celebrata et fructum prioris aufert, et usum sequentis amittit* » ; de solemnī intelligitur.

Solemnī vero<sup>2</sup> pœnitentiā, ut Ambrosius in eodem (lib. c. 3 et 10) ait, est quæ fit extra Ecclesiam in manifesto, in cinere et cilicio, quæ pro gravioribus horrendisque ac manifestis delictis tantum imponitur. Et illa non est iteranda pro reverentiā sacramenti, et ne vilescat et contemptibilis fiat hominibus.

Unde Augustinus (*Ad Macedonium*, ep. 153, c. 3, n. 7 ; L. 23, 656) : « *Quamvis caute et salubriter provisum sit ut locus illius humillimæ poenitentis semel in Ecclesia concedatur, ne medicina vilis minus utilis esset ægrotis, quæ tanto magis salubris est, quanto minus contemptibilis fuerit ; quis tamen audeat Deo dicere : Quare huic homini, qui post poenitentiam primam rursus se laqueis iniquitatis obstringit, adhuc iterum parcis ?* »

**a.** — Origenes quoque (*In Levit.*, homil. 15, n. 2 ; G. 12, 560) de hac solemnī pœnitentiā quæ pro gravioribus criminibus iungitur, ait : « *Si nos<sup>3</sup> aliqua culpa mortalis invenerit, quæ non in crimine morali vel\* in biasphemia fidei, sed in sermonis vel in morum vitio consistat, hæc culpa semper reparari potest ; nec interdicitur aliquando de hujusmodi pœnitentiā agere. Sed non ita de gravioribus criminibus. In gravioribus enim criminibus semel tantum poenitentis conceditur locus.*

*Communia quæ frequenter incurrimus, semper poenitentiam recipiunt, et semper redimuntur.* »

Communia dicit venialia peccata, et forte mortalia quædam aliis minus gravia, quæ sicut sæpe committuntur, ita frequenter per pœnitentiā redimuntur.

**b.** — Sed de gravioribus criminibus semel tantum agitur pœnitentiā, scilicet solemnī ; nam et de illis si iteretur, iteratur pœnitentiā, sed non solemnī. Quod tamen in quibusdam Ecclesiis non servatur.

## Quod peccata sæpe dimittantur per pœnitentiā

**19.** — Quod vero pœnitentiā non semel tantum agatur, sed frequenter iteretur, et per eam frequenter iterum venia præstetur, pluribus Sanctorum testimoniis probatur.

Ait enim Augustinus (*De vera et falsa pœnitentiā*, c. 5, n. 11 ; L. 40, 1116) scribens contra quosdam hæreticos, qui peccantibus post baptismum semel tantum dicebant utilem esse poenitentiam ita<sup>5</sup> : « *Adhuc instant perfidi, qui<sup>3</sup> sapiunt plus quam oportet (Rom., xn, 3), non sobrii, sed excedentes mensuram. Dicunt enim<sup>1</sup> : Etsi semel peccantibus post baptismum valeat pœnitentiā, non tamen sæpe peccantibus proderit iterata ; alioquin remissio, ad peccandum<sup>3</sup> esset incitatio. Dicunt enim : Quis non semper peccaret, si semper posset redire ? Dicunt enim Dominum incitatorem mali, si semper peccantibus<sup>3</sup> subvenit, et ei peccata placere, quibus semper præsto est gratia. Errant autem. Constat enim ei multum<sup>3</sup> peccata displicere qui semper præsto est ea destruere. Si ea amaret, non semper ea destrueret.* »

1. Ed. om. « Reperiuntur » etc. — 2. Ed. « ergo ». — 3. Quar. « non ». — 4. Quar. « non ». — 5. Ed. om. « ita ». — 6. Quar. « quoniam ». — 7. Quar. om. « enim ». — 8. Quar. « peccatum ». — 9. Quar. « pœnitentibus ». — 10. Ed. om. « multum ».

**a.** — Idem *Ad Macedonium* (ep. 153, n. 7 ; L. 33, 655) : « *In tantum hominum iniquitas aliquando progreditur ut etiam postperactam pœnitentiam, post altaris reconciliationem, vel similia vel graviora committant. Et tamen Deus facit etiam super tales « oriri solem suum » (Mat., v, 45), nec minus tribuit quam ante tribuerat largissima munera vitæ et? salutis. Et quamvis eis in Ecclesia locus ille pœnitentiæ non concedatur, Deus tamen super eos suæ pœnitentiæ non obliviscitur. Ex quorum numero si quis nobis dicat Dicite mihi utrum aliquid prosit ad vitam juturam, si in ista vita illecebrissimæ voluptatis blandimenta contempsero, si me pœnitendo vehementius quam prius excruciavero, si uberius flevero, si melius vixero, si pauperes largius sustentavero, si caritate ardentius flagravero ; quis vestrum ita desipit ut huic homini dicat : Nihil tibi ista in posterum proderunt. Vade, saltem hujus vitæ suavitate fruere ! Avertat Deus tam immanem sacrilegamque dementiam ! »*

**b.** — Item *Joannes Chrysostomus De reparatione lapsi* (Exhort. I ad Theodor., n. 6 ; L. 47, 284) : « *Talis, mihi crede, talis est erga homines pietas Dei. Nunquam spernit pœnitentiam, si ei sincere et simpliciter offeratur. Etiam si ad summum quis perveniat malorum et inde tamen velit reverti ad virtutis viam, suscipit libenter et̄ amplectitur et̄ jacit omnia quatenus ad priorem revocet statum. Quodque est adhuc præstantius et eminentius, etiamsi non potuerit quis explorare omnem satisfaciendi ordinem, quantulamcumque tamen et quamlibet brevi tempore gestam non respuit pœnitentiam ; suscipit etiam ipsam, nec patitur quamvis exiguæ conversionis perdere mercedem. »*

Exemplis<sup>4</sup> etiam hoc idem astrui potest.

**c.** — David enim per pœnitentiam adulterii simul et homicidii veniam impetravit (II *Heg.*, xu), graviter tamen postea deliquit in populi enumeratione, quod populi multitudo prostrata ostendit. « *Illud autem mirabile est, quod angelo ferienti plebem, se obtulit dicens : « Grex iste quid fecit? Fiat manus tua in me, et in domum patris mei. » Quo facto statim sacrificio dignus judicatus est̄ qui absolutione æstimabatur indignus. Nec mirum si tali sua oblatione pro populo peccati sui adeptus est veniam cum Moyses offerendo se pro plebis errore peccata diluerit.* (Ambrós. de *Apol. David*, c. 7, n. 38 ; L. 14, 865) ».

His aliisque testimoniis evidenter ostenditur per pœnitentiam non semel tantum, sed sæpius, nos a peccatis surgere, et veram pœnitentiam sæpius agi. « *Voluntarie enim peccantibus nobis, ut ait Apostolus (Hebr., x, 26) non relinquitur hostia pro peccatis* » secunda scilicet, quia semel tantum Christum oportuit pati ; nec relinquitur secundus baptismus ; relinquitur vero secunda pœnitentia et tertia, et deinceps, ut *Joannes Chrysostomus* ait<sup>5</sup> (*Horn.*, 20, n. 1 ; G. 63, 143) : « *Sciendum, inquit, quod hic quidam exsurgunt, horum verborum occasione pœnitentiam auferentes, quasi per pœnitentiam non valeat peccator post lapsum resurgere secundo et tertio et deinceps. Verum etiam in hoc pœnitentiam non excludit, nec propitiationem quæ sæpe fit per pœnitentiam, sed secundum baptismum et hostiam.* »

## DIVISIO TEXTUS

### 20. — « Post hæc de pœnitentia etc. » (1).

Postquam determinavit Magister<sup>9</sup> de confirmatione et eucharistia quæ sunt sacramenta procedentium, ordinata ad perfec-

1. Quar. « actam ». — 2. Quar. « ac ». — 3. Quar. om. « et ». — 4. Quar. « Exemplo ». — 5. Quar. ad. « et ». — 6. Ed. « judicatur ». — 7. Ed. « voluntate ». — 8. Ed. « super hunc locum ait ». — 9. *p. om.* « Magister ».

tionem in bono, *hic incipit determinare de poenitentia quæ ordinatur ad amotionem mali*, quod per actum procedentium in vita ista provenit.

Et dividitur in partes *duas*. *In prima* determinat de his quæ pertinent ad essentiam sacramenti. *In secunda* determinat quædam accidentia sacramenti hujus, sicut tempus et hujusmodi; 20 d. ibi: « Sciendum est etiam quod tempus poenitentiae etc. »

*Prima in duas*. *In prima* determinat de sacramento poenitentiae; *in secunda* de ministro hujus sacramenti, 18 d., ibi: « Hic quæri solet, si peccatum omnino dimissum etc. »

*Prima in duas*. *In prima* determinat de poenitentia communiter; *in secunda* descendendo ad partes ejus, 16 d., ibi: « In perfectione autem poenitentiae etc. »

*Prima in duas*. *In prima* determinat quid sit de ratione poenitentiae et excludit errorem quorundam addentium ad rationem veræ poenitentiae quod non est de ratione ipsius. *In secunda* determinat de integritate ipsius, d. 15, ibi: « Et sicut prædictis auctoritatibus etc. »

*Prima in duas*. *In prima* ostendit quid sit de ratione poenitentiae secundum veritatem. *In secunda* excludit errorem, ibi: « His verbis quidam vehementius etc. » (6).

Circa primum *duo* facit. *Primo* ostendit necessitatem poenitentiae. *Secundo* inquit quid sit poenitentia, ibi: « Baptismus tantum etc. » (2).

Circa quod *duo* facit. *Primo* ponit ea ex quibus poenitentia definiri potest. *Secundo* ponit definitionem ibi: « Poenitentia est, ut Ambrosius ait, etc. »

Circa primum *duo* facit. *Primo* ponit genus. *Secundo* tangit actum, ibi: « Poenitentia dicitur etc. » (4).

Circa primum *duo* facit. *Primo* ponit poenitentiam in genere virtutis et sacramenti. *Secundo*, quia virtus indiget doctrina hortante et sacramentum doctrina instruente, ponit doctrinam de poenitentia, ibi: « A poenitentia incæpit<sup>3</sup> etc. » (3).

« Poenitentia autem<sup>4</sup> a poenitendo etc. » (4). Hic tangit poenitentiae actum. Et circa hoc *duo* facit. *Primo* accipit actum ex nominis interpretatione. *Secundo* ostendit actus originem, ibi: « Poenitentiae virtus etc. » (5).

« His verbis quidam<sup>5</sup> vehementius etc. » (6). Hic excludit errorem addentium ad rationem poenitentiae perseverantiam usque in finem. Et dividitur in partes *duas*. *In prima* ponit errorem. *In secunda* excludit ipsum, ibi: « Sed Ambrosius dicit etc. » (12).

Circa primum *duo* facit. *Primo* ponit dictum errorem habere occasionem ex prædicta definitione. *Secundo* ostendit confirmationem ipsius secundum alias auctoritates, ibi: « Quod etiam alii etc. » (7).

Et ponit *quatuor* auctoritates: *prima* est Isidori (8); *secunda*

1. *γ* « determinat quæ poenitentiam consequuntur ». — 2. *αγ* « quidem ». — 3. Ed. « coepit ». — 4. Ed. « dicitur ». — 5. *αγ* « quidem ».

Augustini, ibi : « Item Augustinus » (9); *tertia* Gregorii, ibi : « Item Gregorius » (10); *quarta* Ambrosii, ibi : « Item Ambrosius ». (11).

« Sed Ambrosius dicit, etc. » (12). Hic excludit prædictum errorem. Et circa hoc *duo* facit. *Primo* excludit errorem per auctoritatem I. *Secundo* solvit ad 2 auctoritates positas, ibi : « Unde verba illa etc. » (13).

Et hic circa hoc *quatuor* facit. *Primo* solvit ad definitionem primo positam ex qua prædictus error sequi videbatur; *secundo* ad auctoritatem Isidori, ibi : « Ille autem irrisor etc. » (14); *tertio* ad auctoritatem Augustini, ibi : « Item illud, inanis est etc. » (15); *quarto* ad auctoritatem Ambrosii, ibi : « Illud autem quod Ambrosius » (18). Auctoritas autem Gregorii habet similem solutionem aliis.

Circa tertium horum *tria* facit. *Primo* solvit auctoritatem Augustini prius inductam. *Secundo* inducit aliam ad idem, ibi : « Ita etiam intelligendum etc. » (16); *tertio* solvit eam, ibi : « De poenitentia autem 3 perfectorum etc. » (17).

Circa quartum *duo* facit. *Primo* solvit auctoritatem Ambrosii. *Secundo* probat auctoritate et exemplis quod poenitentia possit iterari : cujus contrarium auctoritas Ambrosii dicere videbatur, ibi : « Quod vero 4 poenitentia non semel tantum etc. » (19).

Hic est duplex quæstio

Prima de ipsa poenitentia.

Secunda de effectu ipsius.

## QUÆSTIO I

Circa primum quæruntur quinque

*Primo*, quid sit poenitentia.

*Secundo*, de comparatione ipsius ad alia.

*Tertio*, de subjecto ipsius.

*Quarto*, de continuatione.

*Quinto*, de solemnitate ejus.

### ARTICULUS I

[I]

[*Infra*, d. 22, q. 2. a. 1; III, q. 65, a. 1; q. 84, a. 1.]

**21. — AD PRIMUM SIC PROCEDITUR.** Videtur puor  
PCENITENTIA NON SIT SACRAMENTUM.

1. In omni enim sacramento novæ legis est aliquod mate-

1. N « Augustinum ». — 2. Ed. om. « ad ». — 3. Ed. om. « autem ». — 4. Ed. « autem ».

riale quod est causa gratiæ, ut patet ex definitione HUGONIS de sacramento supra d. 1 (20) posita. Sed nihil tale est in poenitentia. Ergo non est sacramentum novæ legis.

2. **Præterea.** Sicut MAGISTER dixit in 1 d., (9) « *omnia sacramenta novæ legis consistunt in rebus et verbis* ». Sed in poenitentia non sunt aliqua verba determinata quæ sint de essentia sacramenti. Ergo non est sacramentum.

3. **Præterea.** Omne sacramentum a ministris Ecclesiæ exhibetur. Poenitentia autem non; immo ab intrinseco oritur, qui timore concipitur, ut in *Littera* (5) habetur. Ergo non est sacramentum.

4. **Præterea.** Omnia sacramenta nostra sunt actiones quædam nostræ hierarchicæ. Sed DIONYSIUS (*De Eccles. Hierar.*) non determinat de poenitentia inter alias hierarchicas actiones. Ergo non est sacramentum.

22. — **SED CONTRA** est quod septem sunt sacramenta novæ legis, ut prædictum est (d. 2, a. 2): quod non esset poenitentia amota. Ergo poenitentia est sacramentum.

23. — **Præterea.** Sacramenta, secundum HUGONEM (lib. *De sacram.*, p. 9, c. 5; L. 176, 323), sunt quædam medicinæ quæ peccatorum vulneribus adhibentur. Sed peccatum præcipue poenitentia sanatur. Ergo poenitentia est sacramentum.

## [II]

[III, q. 85, a. 1]

24. — **ULTERIUS.** Videtur quod poenitentia non sit VIRTUS.

1. Ouia gratiæ sacramentales differunt a virtutibus, ut supra d. 1 (168) dictum est. Unde nec baptismus nec aliquod aliorum sacramentorum ponitur virtus. Sed poenitentia est sacramentum. Ergo non est virtus.

2. **Præterea.** Ut in II lib. d. 26 (q. 1, a. 4) dictum est, gratia et virtus differunt per essentiam. Sed poenitentia est gratia, ut ex *Littera* (12a) habetur. Ergo non est virtus.

3. **Præterea.** Nulla passio est virtus, neque virtus cum passione est, ut quidam philosophus dixit<sup>3</sup>. Sed poenitentia est passio, quia est dolor. Ergo non est virtus.

4. **Præterea.** Omnis virtus est per ordinem<sup>4</sup> ad bonum. Sed poenitentia dicitur per ordinem ad malum. Ergo non est virtus.

5. **Præterea.** « *Omnis virtus est dispositio perfecti* », ut patet in VII *Phys.*, (ζ 3; 246a, 13; 1. 6, n. 2). Sed poenitentia non est dispositio perfecti, sed imperfecti<sup>5</sup>, sicut et verecundia; quia

1. Ed. *om.* « nostræ ». — 2. Ed. « quia ». — 3. Ed. « dicit ». Cfr. I-II, q. 59, a. 2, c. — 4. « hic et infra « ordinationem ». — 5. *a om.* sed imperfecti ».

utraque præsupponit malum in eo cui insunt. Ergo poenitentia non est virtus, sicut nec verecundia, ut dicit Philosophus in IV *Eth.* (δ 15. 1128», 10 ; l. 17, n. 867).

**25. — SED CONTRA.** Legis præcepta non debent esse nisi de actibus virtutum ; quia hoc intendit legislator, ut dicitur in II *Eth.* (β 1. 1103», 3 ; l. 1, n. 251). Sed poenitere cadit sub præcepto legis, ut patet in *Littera* (1). Ergo poenitentia est virtus.

**26. — Præterea.** Non meremur nisi actibus virtutum. Sed poenitere est meritorium, ut per se patet. Ergo poenitentia est virtus.

### [III]

[III, q. 85, a. 2.]

**27. — ULTERIUS.** Videtur quod sit virtus generalis.

1. Contrarium enim non expellitur nisi a suo contrario. Sed poenitentia expellit omne peccatum. Ergo contrariatur omni peccato. Ergo est generalis virtus.

2. **Præterea.** Omnis virtus specialis habet speciale objectum. Sed poenitentia non habet, quia operatur in materia omnium virtutum et vitiorum. Ergo non est virtus specialis.

3. **Præterea.** Pœnitere de malis peractis consequitur ex hoc quod homo habet rectam electionem. Unde incontinens est pœnitibilis, non autem intemperatus, quia habet malam electionem. Sed « *quælibet virtus facit rectam electionem* », ut dicitur in XI *Eth.*, (γ 4. 1111», 5 ; l. 5, n. 432). Ergo poenitere est actus virtutis cujuslibet. Ergo poenitentia non est specialis virtus.

4. **Præterea.** Omnis virtus specialis vel est cardinalis, vel pars ejus, si sit moralis. Sed poenitentia, si sit virtus, non potest esse nisi moralis, quia habet passionem annexam. Non autem est cardinalis, neque continetur inter partes alicujus cardinalis virtutis a philosophis enumeratas, quia de virtute pœnitentiæ nullam mentionem fecerunt. Ergo non est specialis virtus.

**28. — SED CONTRA.** *Sicut habitus distinguitur ex objectis, ita et passiones.* Sed poenitentia est passio distincta ab aliis passionibus. Ergo poenitentia est virtus distincta ab aliis virtutibus.

**29. — Præterea.** Omne quod perficit liberum arbitrium ad actum determinatum, est virtus specialis. Sed detestari peccatum spe veniæ, ad quod perficit poenitentia, est virtus specialis reducibilis ad aliam virtutem. Ergo poenitentia est specialis virtus.

1. Ed. « III ». — 2. Ed. « actus »

[III, q. 85, a. 3, c. et ad 1.]

**30. — ULTERIUS.** Abdetur quod sit virtus theologica.

1. Omnis enim virtus quæ habet Deum pro objecto, est virtus theologica. Sed pœnitentia est hujusmodi, quia Deo reconciliat. Ergo est theologica.

2. **Præterea.** Contrariorum contrariæ sunt causæ. Sed concupiscentia quæ opponitur caritati, est radix omnium malorum (/ *Tim.*, vi, 10). Ergo caritas est causa destructionis peccatorum, quod est pœnitentiæ. Ergo pœnitentia est caritas.

3. **Præterea.** Justificari est fidei, ut patet *Rom.*, in, 28. Sed justificatio est effectus pœnitentiæ. Ergo est idem quod fides. Et sic idem quod prius.

4. **Præterea.** Omnis virtus moralis consistit in medio circa suam materiam. Sed pœnitentia non consistit in medio suæ materiæ, quia omne peccatum commissum detestatur. Ergo non est moralis virtus. Ergo est theologica.

**31. — SED CONTRA.** Objectum virtutis theologicæ est Deus. Non autem pœnitentiæ; sed magis peccatum commissum. Ergo, etc.

**32. — Præterea.** Pœnitentia habet passionem adjunctam. Non autem virtus theologica. Ergo, etc.

[V]

[III, q. 85, a. 3.]

**33. — ULTERIUS.** Videtur quod non reducatur ad justitiam.

1. Quia justitia est æqualitas quædam, secundum Philosophum. (V *Eth.* e 1. 1129a, 34; l. 1, 895-6). Sed pœnitens non potest æqualem recompensationem reddere pro offensa Dei. Ergo non est justitia.

2. **Præterea.** Luc., vi, 21, super illud: « *Beati qui nunc fletis* », dicit Glossa: « *Ecce prudentia qua ostenditur quam hic terrena sint misera, et quam beata cælestia.* » Sed lugere est actus pœnitentiæ ut ex *Littera* (5) dicitur. Ergo pœnitentia est prudentia; non ergo justitia.

3. **Præterea.** Isidorus dicit (lib. II *Sent.*, c. 12; L. 83, 613): « *Illa est perfecta compunctio quæ omnes carnalium desideriorum affectus repellit.* » Compunctio autem est pars pœnitentiæ, ut dicitur infra d. 16 (1). Cum ergo reprimere carnalia desideria

1. Ed. « et ». — 2. Ed. ad. « virtus ». — 3. Ed. a Justificari ». — 4. α ad. « virtus » et « y » pœnitentia » in margine. — 5. Ed. « hæc ». — 6. Ed. « in ». — 7. F. « in Littera ».

sit temperantiae, videtur quod pœnitentia ad temperantiam debeat reduci, non ad justitiam.

**4. Præterea.** Virtutes distinguuntur penes objecta. Sed idem est objectum pœnitentiæ et verecundiæ, scilicet peccatum. Ergo sunt idem. Cum ergo verecundia ad temperantiam reducatur, videtur quod similiter pœnitentia, et non ad justitiam.

**5. Præterea.** Chrysostomus dicit (*Decr., de pœnil., d. 1, c. 40*; L. 187, 1532), quod « *pœnitentia cogit pœnilentem omnia sustinere libenter* ». Sed hoc est actus patientiæ. Cum ergo patientia ad fortitudinem reducatur, videtur quod similiter pœnitentia, et non ad justitiam.

**34. — SED CONTRA.** Augustinus dicit in *Littera*<sup>3</sup> (16) quod « *pœnitentia est quædam vindicta* ». Sed vindictio per Tullium ponitur pars justitiæ. Ergo pœnitentia virtus ad justitiam reducetur.

**35. — Præterea.** Isidorus dicit (*II Sent., c. 13, n. 3*; L. 83, 615) : « *Tunc iudicium quilibet de se sumit, quando per dignam poenitentiam sua prava facta condemnat.* » Sed iudicium ad justitiam pertinet. Ergo et pœnitentia.

ivi)

[III, q. 84, a. 10, ad 4; q. 85, a. 1, ad 2.]

**36. — ULTERIUS.** Videtur quod sit incompetens definitio PŒNITENTIÆ QUAM GREGORIUS ET AMBROSIUS PONUNT : « *Pœnitentia est mala præterita plangere et plangenda iterum non committere.* »

1. Virtutes enim non sunt actus, sed habitus, ut in II lib. (d. 27) dictum est. Sed plangere est actus. Ergo non debet poni ut genus pœnitentiæ quod est virtus.

2. **Præterea.** Quod pertinet ad corporalem immutationem non est de essentia virtutis. Unde Philosophus dicit in IV *Eth.*, (δ 15. 1128b, 10; L 17, n. 867) quod « *verecundia non est virtus, quia verecundati rubescunt\** ». Sed plangere dicit corporalem immutationem. Ergo non est de essentia pœnitentiæ quæ est virtus. Et ita non debet poni in definitione ejus.

3. **Præterea.** Stultum est dolere de eo quod non potest non esse. Sed præteritum non potest non esse<sup>5</sup>. Ergo stultum est dolere vel plangere de peccatis præteritis. Sed nullus virtuosus est stultus, ut patet in IV *Eth.* (δ 7. 1123b, 3-4; l. 8, n. 737). Ergo « *plangere præterita* » non debet poni in definitione virtutis.

4. **Præterea.** In definitione non debet poni aliquid quod non

1. *aq* « sicut ». — 2. *α* « Sed contra est quod ». — 3. *y N. om.* « in *Littera* ». — 4. Ed. « *erubescunt* ». — 5. Ed. *om.* « Sed præteritum non potest non esse ».

pertineat ad rationem definiti. Sed poenitentia secundum rationem propriam respicit praeteritum. Ergo non debet poni in definitione ejus : « *plangenda non committere* », quod ad futurum pertineat.

5. **Prætere.** In lib. *De ecclesiasticis dogmatibus* (c. 25 ; L. 58, 1218) definitur sic poenitentia : « *Pœnitentia vera est poenitenda non admittere et admissa deflere*<sup>2</sup>. » Ergo videtur quod in præmissa definitione male ordinantur partes definitionis.

6. **Prætere.** Quæritur<sup>3</sup> de aliis definitionibus quomodo poenitentiae convenient, cum unius una debeat<sup>4</sup> esse definitio.

37. — **RESPONSIO.** Dicendum **AD PRIMAM QUÆSTIONEM** quod, sicut supra d. 1 (21) dictum est, sacramentum importat sanctitatem active per modum qui nobis sanctificandis competit, ut scilicet adjungatur significatio sanctificationis invisibilis per visibilia signa, prout nunc de sacramentis loquimur.

38. — Unde ubicumque fit aliqua sanctificatio significata aliquibus sensibilibus signis, ibi est sacramentum. Et ideo, cum hoc sit in poenitentia, constat quod **poenitentia est sacramentum.**

39. — **AD PRIMUM** ergo dicendum quod *sicut* in corporalibus medicinis *quædam* sunt quæ consistunt in sola passione vel receptione curati, ut sectio vulneris vel appositio emplastri ; *quædam* vero quæ consistunt in actu laborantis, sicut curationes et hujusmodi ; *ita* etiam in sacramentis *quædam* non requirunt actum ejus qui sanctificatur quantum ad substantiam sacramenti, nisi per accidens, sicut removens prohibens : sicut patet in baptismo et confirmatione et hujusmodi ; *quædam* autem *requirunt essentialiter et per se actum ejus qui sacramentum recipit, ad essentialiam sacramenti* : ut<sup>5</sup> patet in *poenitentia et matrimonio.*

40. — *In illis ergo sacramentis quæ sine actu nostro complentur*, est materia quæ causât et significat, quasi medicina exterius apposita.

*In illis autem sacramentis quæ actum nostrum requirunt*, non est talis materia ; sed ipsi actus apparentes hoc idem faciunt quod materia in aliis sacramentis.

Quomodo autem ea quæ exterius geruntur, sint<sup>6</sup> causa sanctificationis in poenitentia, ex sequentibus patebit<sup>7</sup>.

41. — Verum in definitione hac oportet quod materiale elementum accipiatur communiter pro causa sensibili, sive sit materia aliqua corporalis, sive sit actus aliquis sensibilis.

1. Ed. «pertinet». — 2. e « definitur sic : « Poenitentia vero est poenitenda... » : δ «definitur poenitentia sic : « Poenitentia vera est... — 3. ζη « quærat » . — 4. Ed. « debet ». — 5. Ed. « sicut ». — 6. ay « sunt ». — 7. Ed. « apparebit » .

**42. — Ad secundum** dicendum quod *in hoc sacramento sunt aliqua res, scilicet ipsi exteriores actus et aliqua verba, scilicet sacerdotis absolventis, quæ sunt forma hujus sacramenti, quibus exprimitur absolutionis actus.*

Sed non requiritur tanta determinatio verborum sicut in baptismo et in eucharistia ; quia non est aliqua materia sanctificanda verbo vitæ, sicut in illis sacramentis.

**43. — Ad tertium** dicendum quod *etiam pœnitentiæ sacramentum a ministris Ecclesiæ exhibetur; quia sacerdotes absolvent confitentes et satisfactionem injungunt.*

*Sed quod habeant aliquod principium in nobis, hoc est ex parte illa qua in hoc sacramento exigitur actus noster, ut dictum est (39).*

**44. — Ad quartum** dicendum quod *intentio Dionysii non fuit in Ecclesiastica Hierarchia tradere notitiam sacramentorum — unde quædam determinat quæ non sunt sacramenta, sicut consummationes monasticas et exequias mortuorum — sed monstrare<sup>3</sup> quod exteriores ritus significant spirituales actus.*

Et quia in poenitentia et matrimonio non est aliquis determinatus ritus, eo quod non habeant materiam sicut alia sacramenta, ut dictum est ; ideo de istis<sup>4</sup> duobus non determinavit ; nec sequitur quod non sint sacramenta.

**45. — AD SECUNDAM QUÆSTIONEM** dicendum quod in poenitentia se habet homo et ut recipiens et ut agens.

*Recipit quidem a Deo veniam et reconciliationem per Ecclesiæ ministros, et secundum hoc<sup>5</sup> habet rationem sacramenti.*

**46. — Sed ex parte actus** sunt de ipsa<sup>6</sup> diversæ opiniones. *Quidam enim dicunt quod est actus tantum virtutis, et non est virtus.*

**Sed hoc non potest esse ;** quia cum actus virtutum non sint in dormiente, dormiens non posset dici pœnitens : quod falsum est.

**47. — Et ideo Aliqui dixerunt** quod ex parte ista poenitentia est virtus ; sed non proprie loquendo, sed communiter, prout omnia laudabilia virtutes dicuntur, etiam si sint passionem.

**Sed hoc non est verum;** quia secundum Philosophum in VIII<sup>7</sup> Eth., (*β* 6. 1106», 36 sq. ; l. 7, n. 322; *γ* 4. 1111 b, 5-6; l. 5, n. 432), « *principale in virtute morali est electio* ». Unde omnis habitus qui facit rectam electionem, potest dici proprie loquendo virtus.

**48. — Unde cum actus pœnitentiæ non causetur tantum ex**

1. Ed. om. « in ». — 2. *η* et ed. ad « hic ». — 3. α R. « ministrare » ; ed. om. — 4. Ed. « his ». — 5. *γ* « secundum quod ». — 6. *γη* « ipso ». — 7. Ed. « vi ».

passione, sed magis ex electione, etiam si nulla sit passio, constat quod **pænitentia proprie loquendo est virtus**, et non improprie sicut verecundia et aliquid hujusmodi.

**49. — AD PRIMUM** ergo dicendum quod non secundum idem *pænitentia* est virtus et sacramentum ; sed *inquantum. per poenitentiam recipit gratiam curantem peccati vulnus pænitens*<sup>2</sup>, *potest esse sacramentum* ; *inquantum autem per habitum infusum ordinatur ad actum rectum, sic est virtus*.

Et quia aliquis actus rectus non est de essentia baptismi, ideo baptismus nullo modo dicitur virtus, nec etiam confirmatio eadem ratione.

**50. — Ad secundum** dicendum quod *pænitentia* non est idem quod gratia per essentiam ; sed *dicitur gratia, quia convenit cum gratia in proprio effectu*. Effectus enim proprius gratiæ est justificare et Deo gratum reddere. Et hoc etiam est effectus pænitentia<sup>3</sup> ut infra dicitur (**234**).

**51. — Ad tertium** dicendum quod poenitentia passio non est virtus, nec actus virtutis, sed potest esse virtuti annexum ; quia « *virtutes non sunt quietes vel immobilitates* », ut Quidam dixerunt, ut dicit Philosophus in II *Elh.* {β 2. 1104<sup>b</sup>, 24; 1. 3, n. 272) ; sed habent et gaudium et tristitiam adjunctam, prout sunt passionem quædam. *Actus enim pænitentia<sup>3</sup>, prout est virtus, non est ex passione proveniens, sed ex debita electione*.

**52. — Ad quartum** dicendum quod bonum illud ad quod virtus immediate ordinat, est actus perfectus ipsius. Et ideo aliquæ virtutes sunt quæ principalem actum habent in retrahendo ab aliquo, sicut dictum est in III lib. d. 23 de temperantia et modestia et hujusmodi. Et similiter *actus perfectus pænitentia<sup>3</sup> est in retrahendo ab aliquo malo* ; nec propter hoc sequitur quod non sit virtus.

**53. — Ad quintum** dicendum quod verecundia est timor de turpi ; timor autem futuri est ; futurum autem non timetur nisi secundum quod habet propinquam dispositionem in causa sua. Et ideo *verecundia* ponit propinquam dispositionem in eo qui verecundatur ad turpe committendum, prout Philosophus de verecundia loquitur, et ideo de necessitate ponit imperfectionem in eo cui inest ; sed *pænitentia* respicit turpe in præterito, cui potest succedere perfectio<sup>3</sup> in præsentem ; et ideo *non est actus imperfecti de necessitate*.

**54. — AD TERTIAM QUÆSTIONEM** dicendum quod Quidam dixerunt quod poenitere non est actus alicujus specialis virtutis, sed omnis virtutis communiter.

1. *ε om.* « aliquid », *i* « vel aliquid », *N.* « aliud », *F.* « alia ». — 2. *θ* « pænitentia », *K* « curantem peccati vulnera », *ed. ad.* « pænitentia ». — 3. *N.* « cum potest succedere perfecto ».

**Sed hoc non potest esse**, quia aliquid<sup>1</sup> est de ratione pœnitentiæ prout nunc de ipsa loquimur, quod non est de ratione virtutis communiter, scilicet de peccato commisso satisfacere.

**55.** — Et ideo Al ii dicunt quod pœnitentia est specialis virtus et specificatur ex hoc quod detestatur peccatum commissum a se.

**Sed hoc non potest specificare virtutem**; quia cum virtus sit contrarium peccato, maxime repugnat ei prout est in eodem subjecto. Unde hoc est omni virtuti commune quod vitium repellit a subjecto suo.

**56.** — Et ideo Al ii dicunt quod specificatur ex hoc quod detestatur peccatum a se commissum sub spe veniæ.

**Sed hoc non potest esse**; quia nulla virtus recipit speciem ex hoc quod imperatur ab alia<sup>2</sup> virtute.

Quod autem dicitur: « *Ex spe veniæ* », nihil aliud dicit quam imperium spei. Unde ex hoc non haberet quod esset specialis virtus: sicut nec actus castitatis, propter hoc quod a caritate imperatur, speciem recipit virtutis specialis.

**57.** — **Et ideo aliter dicendum** quod pœnitentia accipit specialem rationem objecti ex hoc quod respicit peccatum a se commissum ut expiabile per pœnitentis actum. **Et ita actus pœnitentiæ non est detestari peccatum absolute**, quia hoc est cuiuslibet virtutis; **sed detestari ad expiationem<sup>3</sup> ejus et quantum ad culpam et quantum ad reatum**; hoc enim nulla alia virtus facit.

**58.** — **AD PRIMUM** ergo dicendum quod omnis virtus expellit peccatum oppositum formaliter quantum ad suum actum primum, qui est informare subjectum; sed actus secundus in aliis virtutibus qui est operatio, non ordinatur principaliter ad repellendum peccatum, sicut est in pœnitentia. Et ideo *pœnitentia* non formaliter, sed *quasi effective peccatum expellit*; habet enim peccatum expellendum pro materia, et operatur contra ipsum ut expellatur. Unde non opponitur omni peccato formaliter, sed alicui tantum quod est impœnitentia. **Et propter hoc non oportet quod sit generalis virtus.**

**59.** — **Ad secundum** dicendum quod quamvis pœnitentia habeat actum suum circa materiam omnium vitiorum, et per consequens omnium virtutum; tamen considerat specialem rationem objecti in materia circa quam operatur, ut dictum est (57): sicut etiam magnanimitas habet quodammodo pro objecto et materia actus omnium aliarum virtutum in ratione

1. Ed. « aliud ». — 2. γ « illa ». — 3. a ed. « aliquid ex purgatione », cf. ad 3; sed α cor. in marg. « aliquid ut expiabile actione »; N. « ut expiabile per actionem ».

magni ; quia « *operatur magna in omnibus virtutibus* », ut dicitur in IV1, *Eih.* (â 7. 1123è, 30 ; l. 8, η. 746-9). **Et ideo sicut magnanimitas est specialis virtus ita et poenitentia.**

**60.** — **Ad tertium** dicendum quod quamvis detestari absolute mala peracta consequatur omnem virtutem, secundum quod habet electionem rectam ; tamen *ad expiationem detestari, est proprium specialis virtutis.*

**61.** — **Ad quartum** dicendum quod *hæc virtus reducitur ad aliquam cardinalium virtutum*, ut dicitur (**71**).

Tamen Philosophi de hac virtute ideo mentionem non fecerunt, quia remissio peccati, sive expiatio, pertinet ad providentiam Dei de humanis actibus, inquantum « *culpa offenditur et poenitentia placatur* ». Philosophi autem non consideraverunt virtutes dirigentes in actibus humanis prout ordinantur ad Dei providentiam, sed prout ordinantur ad bonum humanum. Et ideo de poenitentia mentionem non fecerunt. Sed ex similitudine illarum<sup>4</sup> quas determinaverunt, possumus nos istam<sup>5</sup> accipere. *Sicut enim est alicujus virtutis ut homo placet eum quem peccando offendit ; ita etiam est alicujus virtutis, ut homo Deum placet quem peccando offendit.*

**62.** — **AD QUARTAM QUÆSTIONEM** dicendum quod virtus theologica habet idem pro objecto et pro fine. Hoc autem non est in **poenitentia** ; quia objectum ejus est peccatum commissum quod intendit expiare, finis autem est Deus cui intendit reconciliari. Et ideo non est virtus theologica, sed **inter morales virtutes numeranda est.**

**63.** — **AD PRIMUM** ergo dicendum quod *in hoc quod dicit quod poenitentia reconciliat Deo, non tangitur relatio poenitentiae ad objectum suum, sed magis ad finem ; sed ordo ejus ad objectum tangitur in hoc quod dicitur « peccata commissa flere.* Et ideo ratio non sequitur.

**64.** — **Ad secundum** dicendum quod virtutes infusæ *tripliciter* se habent ad Deum.

*Quædam enim habent Deum pro objecto et fine,* sicut theologicae.

*Quædam non pro objecto in quod transeat earum actus, sed pro fine proximo :* sicut patet de latrâ quæ aliquas servitutis protestationes quasi materiam habet, quas immediate ordinat \* in Deum quasi in finem. Et tales virtutes propinquissimæ sunt theologicis, unde et actus harum virtutum attribuuntur virtutibus theologicis, sicut proximis imperantibus. Unde dicitur ab<sup>6</sup> Augustino *iEnchirid.* c. 3 ; L. 40, 232), quod « *fide, spe ei caritate colitur Deus.* »

1. ay « III ». — 2. F. om. « ita ». — 3. a dh F. « culpa ostenditur et poenitentia ploratur » ð cer. « culpa ostenditur et poenitentia imploratur ». Ex oratione fer. v post Cineres. — 4. Ed. « aliarum ». — 5. Ed. « etiam ». — 6. βγ ed. « in », κ « unde dicit Augustinus ».

65. — *Quædam* autem non habent Deum pro objecto, neque pro *fine* proximo, sed pro *ultimo* : sicut temperantia quæ habet passiones pro materia et quietem animi pro fine proximo, sed hanc ulterius ordinat ad Deum.

, Poenitentia autem quamvis non habeat Deum pro objecto, habet tamen Deum pro fine proximo ; quia ad hoc in peccata commissa destruenda movetur ut Deo reconcilietur. *El ideo actus ejus scilicet peccatum expellere vel justificare, quandoque fidei, quandoque caritati adscribitur.*

Unde patet solutio **ad tertium**.

66. — **Ad quartum** dicendum quod medium in justitia non eodem modo accipitur et in aliis virtutibus moralibus, ut in **III** lib. d. 33 (99) dictum est. Accipitur enim justitiæ medium per adæquationem rei ad rem. Hæc autem adæquatio fit in justitia commutativa, quando ab eo qui plus habuit, aliquid subtrahitur ; et ei qui minus habuit, additur. Ille autem qui alterum offendit vel læsit, plus habuit. Et qui læsus est, habuit minus ; inquantum huic subtractum est quod ei debebatur, et ille usus est propria voluntate in hoc quod non debuit. Et ideo vindicativa justitia ab eo qui offensam fecit, quantum habuit plus debito, tantum subtrahit ei, et dat illi qui est læsus, dum ad honorem et in satisfactionem ejus alium punit.

67. — Sic ergo vindicativa justitia constituit medium in offensis quæ sunt ejus materia, non quidem tenendo medium in offensis, 1 ut quasdam retineat et quasdam abjiciat : sicut temperantia ponit medium in delectationibus ; sed omni offensæ proportionando pœnam debitam.

68. — Et similiter *poenitentia pro quolibet peccato commisso pœnam infert sibi ipsi debitam*, non autem ita quod aliquod peccatum dimittat et aliquod retineat 3.

69. — **AD QUINTAM QUÆSTIONEM** dicendum quod quia justitia æqualitas quædam est ; ideo non potest esse vera adæquatio ubi non est perfecta ratio justitiæ, sed aliquis justitiæ modus : sicut dicit Philosophus in *V Eth.* (e 10. 1134», 9 sq.; l. 11, n. 1012 sq.) quod *domini ad servum non est simpliciter justum, sed dominalivum justum.*

Cum ergo inter hominem et Deum sit maxima distantia, non poterit ibi esse dicta proprie justitia hominis ad Deum, sed aliquis justitiæ modus quasi per similitudinem.

1. Ed. *om.* « sed pro ultimo, sicut temperantia quæ habet passiones pro materia et quietem animi pro fine proximo », *γ* etiam *om.* sed restituit in calcæ. — 2. *γ om.* per *homot.* « quæ sunt ejus materia, non quidem tenendo medium in offensis ». — 3. *αγϛ N.* « abjiciat ».

70. — Homo autem efficitur debitor alteri homini *dupliciter*.

*Uno modo* per hoc quod ab eo sibi est datum : sicut in voluntariis communicationibus, puta in emptionibus et venditionibus.

*Alio modo* per hoc quod ei subtrahit, sicut est in involuntariis communicationibus, ut est furtum, percussio et hujusmodi.

Et similiter aliquis efficitur Deo debitor per hoc quod ab eo aliquid recipit. Et hac ratione Deo reddit debitum honorem *latria sive religio*.

71. — *Alio modo* ex hoc quod contra Deum peccavit. Et sic reddit Deo debitum *pœnitentia*. Unde *sicut* religio ponitur pars justitiæ a Tullio, non quidem quasi species, sed quasi pars potentialis, in quantum aliquem modum justitiæ participat ; *ita etiam pœnitentia pars justitiæ debet poni*.

72. — **AD PRIMUM** ergo dicendum quod sicut dicit Philosophus in VIII *Eth.* 3 (θ 16. 1163b, 15 ; l. 14, n. 1752) virtus non requirit semper æquale, sed sufficit quod possibile est, ut in honoribus ad parentes et deos. Unde *sicut* latria est pars justitiæ, quamvis non reddat æqualem honorem beneficiis acceptis ; *ita et pœnitentia, quamvis non possit æquale aliquid reddere offensæ præcedenti*.

73. — **Ad secundum** dicendum quod *sicut* actus prudentiæ conjungitur actibus aliarum virtutum moralium, *ita etiam conjungitur actui pœnitentiæ* ; et secundum hoc procedit objectio.

*Vel dicendum* quod Glossa non loquitur de luctu pœnitentiæ, sed de luctu quo spretis terrenis ad cœlestia suspiramus.

74. — **Ad tertium** dicendum quod *pœnitentia utitur temperantia ad finem suum* ; et secundum hoc intelligenda est auctoritas Gregorii et Isidori ; non quod repellere carnalia desideria sit actus elicited a poenitentia.

75. — **Ad quartum** dicendum quod verecundia est in alio genere quam poenitentia ; quia « *verecundia est timor* », ut Philosophus dicit (IV *Eth.*, δ 15. 1128&, 10 sq. l. 17, n. 868-9) ; sed *pœnitentia esi dolor*. Et ideo non sunt idem, quamvis objectum utriusque sit turpe actum.

76. — **Ad quintum** dicendum quod *pœnitentiæ est sufferre difficilia voluntarie assumpta* ; *sed patientia est proprie in sustinendo difficilia ab aliis illata*. Et ideo non sunt idem.

77. — **AD SEXTAM QUÆSTIONEM** dicendum quod *pœnitentia el vindication justitia* circa idem aliquo modo sunt, scilicet circa punitionem offensæ ; sed *differunt in duobus*.

1. N. *ad.* < aliquid ». — 2. Ed. « alique ». — 3. Ed. « in Ethicis ». — 4. N. « si ». — 5. Ed. *om.* « Gregorii et », α *om.* « et ».

*Primo*, quia *vindication* proprie inest in iudice poenam infligente, quam reus quandoque invite sustinet; sed *pœnitentia* est in ipso reo qui voluntarius poenam sustinet pro culpa commissa.

*Secundo*, quia *vindicaliva* respicit offensam communiter; sed *pœnitentiæ virtus* respicit offensam Dei. Unde oportet quod poenitentia consistat in emendatione offensæ voluntarie assumpta, et talis qualis Deo competit. *Sicut* autem hominibus qui vident ea quæ foris parent, fit offensæ recompensatio per aliqua exteriora; *ita* Deo qui intuetur cor, oportet quod incipiat recompensatio fieri in ipso cordis affectu.

**78.** — Fit autem bene recompensatio præcedentis offensæ exterius in *duobus*.

*Primo* in hoc quod aliquis exterius poenam subit pro offensa quam fecit; *secundo* in hoc quod cavet in futurum ne similis offensa ab eo fiat. Et hæc duo oportet quod homo in corde exhibeat per poenitentiam: *primo dolorem cordis pro malis quæ fecit*; *secundo propositum de cetero talia non committendi*. **Et hæc duo prædicta definitio comprehendit, quamvis non in forma definitio proponatur.**

**79.** — Unde Magister ad formam debitam eam reducens, *tria* ponit: scilicet **genus**, in hoc quod dicit quod « *est virtus* »; **dolorem de præteritis**, in hoc quod dicit: « *qua commissa mala plangimus* »; et **propositum de futura emendatione**, in hoc quod dicit: « *cum emendationis proposito* ».

Alia vero quæ dicuntur ad idem pertinent, ut in *Expositione lilterie* (317) patebit.

**80.** — **AD PRIMUM** ergo dicendum quod quia habitus per actus cognoscuntur, ideo *consuetum est apud Auctores ut habitus per actus definiant*, ponentes actus loco habituum: sicut etiam differentię accidentales interdum in definitionibus ponuntur pro essentialibus propter earum latentiam, ut dicitur in *VII Meta*, (ç 12. 1038, 9 sq.; l. 12, n. 1552).

**81.** — **Ad secundum** dicendum quod *illud quod perlinet ad corporalem immutationem*, non pertinet ad virtutem quasi essentialis actus ejus; sed *potest perlinere ad virtutem sicut materiale circa quod operatur virtus*, quia etiam passiones corporales sunt materia virtutum.

**82.** — **Et secundum hoc dicendum** quod ipsius virtutis pœnitentiæ sensibilis dolor vel corporalis fletus potest esse quoddam materiale, in quantum hæc Deo reddit pœnitens quasi debitum pro offensa commissa. Et ideo *si per planctum significatur actus*

1. *γ om.* pet homot. « communiter; sed pœnitentiæ virtus respicit offensam ». —  
2. *γ ad.* « continet ». — 3. *a l* complectitur », *γ om.* — Ed. « ut dicit Philosophus ».

*pœnitentiæ*, tunc nihil aliud dicit quam detestationem ; *si autem dicat materiale* poenitentiae, sic potest etiam sensibilem vel corporalem fletum dicere.

**83.** — **Ad tertium** dicendum quod quamvis *peccatum* sit praeteritum quantum ad actum, *manet* tamen *quantum ad effectum vel reatus vel maculae vel offensae divinae* ; et sic potest aliquis de peccato dolere inquantum est praesens ; dolor enim de praesenti est.

**84.** — *Vel dicendum et melius*, quod quamvis voluntas completa non sit de impossibili, est tamen de ipso velleitas quaedam, idest voluntas conditionata ; vellemus enim, si esset possibile, quod hoc non fuisset. Et secundum hoc etiam accipiunt ex conditione praedicta quamdam rationem praesentis, ut de eis possit esse dolor, qui non est nisi de praesentibus.

**85.** — **Ad quartum** dicendum quod quamvis ad poenitentiam inquantum est *pœnitentia*, non pertineat respectus ad futurum, tamen *in quantum est emendatoria offensae commissae in Deum, exigit respectum in futurum*, scilicet propositum de cetero cavendi. Et hoc propositum intelligitur in hoc quod dicit : « *Flenda iterum non committere* » ; idest, habere propositum non committendi.

**86.** — *Vel intelligitur quantum ad perfectam pœnitentiam*, ut quod additur non sit de essentia poenitentiae, sed de perfectione, quia sine hoc non consequitur ultimum fructum suum ; *vel* ut referatur ad idem tempus, ut Magister dicit.

**87.** — **Ad quintum** dicendum quod Ambrosius ordinat partes definitionis *secundum ordinem ad poenitentiam* ; quia illud<sup>3</sup> quod est magis essenziale poenitentiae primo ponit.

**88.** — Sed Augustinus ordinat *per ordinem ad poenitentem* ; quia hoc prius occurrit ut a proposito peccandi desistat, quasi removens poenitentiae impedimentum.

**89.** — **Ad sextum** dicendum quod non est inconueniens de eodem dari diversas definitiones secundum diversa quae in rebus inveniuntur. Definitio igitur<sup>4</sup> praemissa Gregorii et Ambrosii quam Magister ad formam definitionis reducit, completissima est, quia tangit et genus et actum et objectum, et utrumque illorum quae ad emendationem Deo exhibendam requiruntur.

**90.** — Et in idem redit definitio Augustini posita *Littera (16)* scilicet : « *Pœnitentia est quaedam vindicta dolentis, etc.* » ; nisi quod magis exprimit proximum genus ipsius ; quia ponit ipsam non solum in genere virtutis, sed in genere iustitiae, in hoc quod dicit eam vindictam ; et differentias etiam magisi.

i. N « ex conditione peccata praeterita ». — 2. Ed. « iis ». — 3. α « id. ». — 4. α « autem ».

proximas ad propriam speciem ponit, in hoc quod addit rationem punitionis ad dolorem.

91. — Et in idem redit definitio Ambrosii aliam quam ponit (in *Serm.*, 25, n. 1 ; L. 17, 655), quod « *pœnitentia est dolor cordis et amaritudo animae pro malis quæ quisque commisit* » ; nisi quod non ponit nisi<sup>2</sup> unum eorum quæ continent prædictæ definitiones, scilicet detestationem peccati commisi. Alia autem notificatio qua dicitur quod « *poenitentia est res optima quæ omnes defectus revocat ad perfectum* », datur per effectum pœnitentiæ, et dicitur esse optima res non simpliciter, sed in genere declinationis a malo post peccatum commissum.

92. — Et similiter etiam illa Damasceni definitio. « *Pœnitentia est remotio ab eo quod est contra naturam, in id quod est secundum naturam* », datur per effectum ; et quasi in idem redeunt ; quia peccatum quod in prima descriptione dicitur defectus, in secunda dicitur contra naturam esse ; status autem gratiæ vel virtutis quæ in prima definitione dicitur perfectio, in secunda dicitur secundum naturam esse, quia ad hoc natura est ordinata.

&

## ARTICULUS II

[I]

[III, q. 85, a. 5.]

93. — AD SECUNDUM SIC PROCEDITUR. Videtur quod  
VIRTUS PœNITENTIÆ TIMORE NON CONCIPIATUR.

1. Quod enim est ex infusione non habet causam in subjecto. Sed poenitentia cum sit virtus, de qua Augustinus dicit (I. II *De lib. arbitr.*, c. 19 ; L. 32, 1267) quod Deus eam in nobis sine nobis facit, est ex infusione. Ergo non habet causam in suo subjecto. Et ita timore non concipitur.

2. Præterea. Illud quod in esse perfectum prodit, non tantum<sup>4</sup> concipitur, sed etiam perfecte generatur. Sed poenitentia in esse perfectum prodit, quia etiam defectus ad perfectum revocat. Ergo ejus generatio non debet conceptioni assimilari ut dicatur<sup>5</sup> timore concipi.

3. Præterea. Plus provocatur homo ad poenitentiam ex expectatione gloriæ quam ex communicatione pœnæ. Unde Joannes poenitentiam prædicans dixit : « *Poenitentiam agite; appropinquavit enim regnum cælorum* », Mat., iii, 2. Sed expec-

1. N. ad. « per. ». — 2. N. om. « nisi ». — 3. F. om. « est ». — 4. F. « tamen » ; om. per *homot.* « non tantum concipitur... in esse perfectum prodit ». — 5. Ed. om. « conceptioni assimilari ut dicatur ».

tatio gloriæ pertinet ad spem vel ad caritatem quam excitat ; pœnæ autem comminatio ad timorem. Ergo magis dicendum fuit quod oriatur ex spe vel amore quam ex timore.

**4. Præterea.** Si concipiatur timore : aut timore initiali aut servili aut mundano aut casto. Non mundano, quia ille magis ad peccatum trahit ; similiter etiam nec servili, quia ille non est simul cum pœnitentia — generans autem et generatum, sive concipiens et conceptum, oportet esse simul — ; similiter nec initialis aut castus aut fœdialis, quia isti non præcedunt poenitentiam ; oportet autem quod concipiens præcedat conceptum. Ergo nullo modo pœnitentiæ virtus timore concipitur.

**94. — SED CONTRA.** Secundum Augustinum {Serm. 348; L. 39, 1526), timor introducit ad caritatem. Sed introductio caritatis et aliarum virtutum est per poenitentiam. Ergo pœnitentia a timore initium sumit.

**95. — Præterea.** Contrariorum contraria sunt principia. Sed delectatio peccati ad peccatum attraxit. Ergo et acerbitas pœnæ a peccato revocat. Revocatio autem fit per poenitentiam. Ergo timor *qui pœnam* respicit, est pœnitentiæ principium.

[II]

[III, q. 85, a. 6.]

**96. — ULTERIUS.** Videtur quod pœnitentia sit prima virtutum.

1. Mat., hi, 2, super illud, « *Pœnitentiam agite* », dicit Glossa, (L. 114, 79) : « *Prima virtus est per pœnitentiam punire veterem hominem et vilia odire.* »

2. **Præterea.** Causa præcedit effectum. Sed pœnitentia est causa justificationis, in qua omnes virtutes infunduntur. Ergo prior est aliis virtutibus.

3. **Præterea.** In quolibet motu prius est recedere a termino quam ad terminum pervenire. Sed pœnitentia ordinatur ad recessum a malo, omnes autem aliæ virtutes ad consecutionem boni. Ergo pœnitentia præcedit omnes alias virtutes.

**97. — 4. SED CONTRA.** Fides est causa timoris. Sed timor præcedit poenitentiam sicut causa ejus. Ergo et fides. Non ergo pœnitentia est prima virtus.

**98. — 5. Præterea.** Pœnitentia ex recta electione procedit, ut supra dictum est (48). Sed recta electio procedit ex qualibet virtute. Ergo pœnitentia est posterior omnibus virtutibus.

1. Ed. om. « ad ». — 2. y « contraxit ». N. « attrahit ». — 3. Ed. « perimere ». — 4. ad « Omnis ».

## [HI]

**99.** — **ULTERIUS.** Videtur quod pœnitentia non sit **FUNDAMENTUM.**

1. Illud enim quod sequitur ad fundamentum, non debet dici fundamentum, sed superædificatio. Sed fides quæ est fundamentum, ut habetur *Hebr.*, xi, 1, præcedit pœnitentiam, ut dictum est (**113**). Ergo pœnitentia non est fundamentum aliarum virtutum.

2. **Præterea.** *Eccl.*, xxvi, 13, super illud : « *Quam magnus qui invenit sapientiam, etc.* », dicit *Glossa* : « *Timor Domini sanctus permanet in sæculum ; ipse est fidei fundamentum et caritatis origo.* » Sed pœnitentia sequitur timorem. Ergo ipsa non est fundamentum aliarum virtutum.

3. **Præterea.** Fundamenti non est fundamentum ; quia sic iretur in infinitum. Sed quædam aliæ virtutes sunt fundamentum, sicut fortitudo, ut dicit *Glossa. Luc.*, xii, 4, super illud : « *Ne terreamini ab his qui occidunt corpus* » (L. 114, 294) ; et iterum, ut dicit *Bernardus* in lib. (V) *De consider.* (c. 14, n. 32 ; L. 182, 806) : « *humilitas est quoddam fundamentum stabile virtutum* ». Ergo pœnitentia non est fundamentum aliarum virtutum.

**100.** — **SED CONTRA** est quod dicitur *Hebr.*, vi, 1 : « *Non rursus facientes fundamentum pœnitentiæ ab operibus mortuis.* »

**101.** — **Præterea.** Fundamentum est prima pars ædificii. Sed primum quod est in ædificatione spirituali, est ædificium Satanæ destruere : quod pœnitentia facit. Ergo pœnitentia est fundamentum.

## [IV]

[III, q. 84, a. 6.]

**102.** — **ULTERIUS.** Videtur quod non sit **secunda tabula.**

1. Secundum enim non dicitur nisi respectu primi. Sed prima tabula in *Littera* (**1**) dicitur baptismus, respectu cuius pœnitentia non est secunda, quia non est secundum sacramentum, sed quarto loco *Magister* ipsum determinat. Ergo pœnitentia non est secunda tabula.

2. **Præterea.** *Act.*, π, 37, dicit *Petrus* : « *Pœnitentiam agile, et baptizetur unusquisque vestrum.* » Ergo pœnitentia non est secunda tabula post baptismum, sed e converso.

3. **Præterea.** *Is.*, ni4, 9, super illud : « *Peccatum suum quasi Sodoma prædicaverunt* », dicit *Glossa* : « *Secunda tabula post*

1. a « xv ». — 2. ay « xv ». — 3. a om. per *homot.* secundum argumentum usque ad hæc verba « post baptismum ». — 4. ay < secundo ».

*naufragium, est peccata abscondere* xl (Hieron. ep. 120, n. 9 ; L. 22, 1185). Sed poenitentia non abscondit peccata, sed magis revelat. Ergo poenitentia<sup>2</sup> non est secunda tabula.

**103. — SED CONTRA** est quod Hieronymus in *Littera* (1) dicit : « *Prima tabula dicitur propter liberationem a naufragio.* » Sed baptismus liberat a peccato originali quod est primum naufragium, poenitentia ab actuali quod est secundum. Ergo baptismus est prima tabula ; et poenitentia, secunda.

**104. — RESPONSIO.** Dicendum **AD PRIMAM QUÆSTIONEM** quod virtutem poenitentiae Deus nobis infundit ; sed dispositio aliqua ex parte nostra procedit, et secundum hoc habet aliquam originem in nobis.

**105. —** Sed quia humani actus non procedunt ex necessitate, sed ex libero arbitrio ; ideo non potest assignari causa ex parte nostra alicujus actus nostri, ex quo semper procedat, sed ex quo ut in pluribus contingit propter dispositionem existentem in nobis ad hoc, quæ tamen non necessario inclinatur. Unde omnes sermones morales sunt tales, ut Philosophus in *I Eth.* (a 1. 1094», 13 ; l. 3, n. 32 sq.) dicit, quod ut in pluribus oportet eos intelligere.

**106. —** Cum autem « *poenitentia sit revocatio a peccato* » ut Damascenus dicit (De *fide orth.*, lib. II, c. 30 ; G. 94, 975), oportet originem ejus in nobis accipi secundum dispositionem existentis in peccato. Ille autem qui in peccato est, non habet gustum sanum, ut ex dulcedine divinæ bonitatis a peccato revocetur ; sed habet affectum infectum amore sui inordinato. Et ideo per poenas quæ naturæ suæ contrariantur et voluntati, a peccato revocatur, ut Philosophus in *X Eth.* dicit de talibus quod « *proprias delectationes prosequuntur et fugiunt oppositas tristitias* (k 1. 1172a, 25, l. 1, n. 1957) ; *boni autem et vere delectabilis neque intellectum habent, neque gustalivi existentes* (k 6. 11761», 19 sq. ; l. 9, n. 2074-5) ». Et **ideo in eis ut in pluribus ex timore poenitentia initium sumit ; quamvis etiam in aliquibus ex amore poenitentia inchoetur.**

**107. — AD PRIMUM** ergo dicendum quod quamvis non habeat causam in subjecto, *habet tamen dispositionem in ipso* ; et secundum hoc origo poenitentiae hic assignatur.

**108. — Ad secundum** dicendum quod conceptio dicitur proprie generatio alicujus intra uterum. Et quia primum esse poenitentiae est *in corde*, postea autem prodit exterius per confes-

1. Ed. « Secunda tabula post naufragium poenitentia est ; et consolatio miseriarum impietatem suam abscondere ». — 2. Ed. *om.* « poenitentia ». — 3. Ed. *om.* « dicitur ». — 4. Ed. ad. « primo ». — 5. Ed. « existunt ».

sionem et satisfactionem, ideo, *al primam ejus originem designaret, dixit quod concipitur timore.*

**109.** — **Ad tertium** dicendum quod *bonitas Dei et gloria, quantum est de se, magis nata sunt revocare a peccato*; sed non quantum est ex parte eorum qui in peccato siunt, qui prædictorum gustum non habent.

**110.** — **Ad quartum** dicendum quod *poenitentia timore servili concipitur, qui pœnam respicit.* Nec oportet quod timor servilis et poenitentia sint simul; quia timor servilis non est causa esse ipsius poenitentiae, sed quasi generationis ejus: sicut etiam sumptio medicinæ est causa sanitatis, non tamen sunt simul.

**111.** — **AD SECUNDAM QUÆSTIONEM** dicendum quod *virtutes omnes simul infunduntur quantum ad habitus*; sed quod una dicatur prior altera, est quantum ad ordinem consideratum in earum actibus. Cum autem per virtutum actus homo tendat in Deum, oportet ordinem actuum considerari secundum ordinem eorum quæ in motu sunt. Motum autem voluntatis, cujusmodi est motus virtutum moralium, præcedit motus cognitionis; quia appetibile imaginatum vel intellectum movet appetitum, ut dicitur in *III De anima* [*γ* 10. 438a, 9 sq.; 1. 15, 818-9]; **et** iterum æstimatio possibilitatis, quia electio quæ est principalis motus virtutis, non fit de impossibili æstimato.

**112.** — Motus autem appetitus in *duobus* consistit: scilicet *in fuga mali, et in prosecutione boni.* Et hæc duo diversimode ordinantur. *Quandoque* enim aliquis fugit malum propter desiderium boni, *quandoque* autem e converso; et hic motus est ut frequentius in reversione peccatoris ad Deum per poenitentiam, Ut dictum est (106).

**113.** — **Et ideo motum poenitentiae præcedit motus fidei**; quia « *accedentem ad Deum oportet credere* »; *Hebr.*, xi, 6; **et iterum motus spei conjunctus motui timoris** per quem fit æstimatio de possibilitate veniæ consequendæ. Et ideo dicit Gregorius (lib. XXXIII *Morat.*, c. 12, n. 24; L. 76, 687) quod « *pœnilens movetur inter spem et timorem.* »

**Deinde ut in pluribus sequitur motus poenitentiae, et deinde motus caritatis et aliarum virtutum per ordinem.**

**114.** — *Quandoque* etiam motus amoris motum poenitentiae præcedit, ut dictum est (106); sed ille amor non est caritatis, quia caritas amissa non recuperatur nisi per contritionem de peccatis præcedentibus quæ est motus poenitentiae<sup>3</sup> virtutis.

1. Ed. « dicit ». — 2. *αβη*. — Et ideo motus poenitentiae præcedit motum fidei ». — 3. *γ ad.* « et ».

**115.** — Et secundum hoc dicendum quod **poenitentia est prior**l quibusdam, scilicet **caritate et sequentibus ipsam** ; et **posterior** aliis, scilicet **fide et spe**.

**116.** — **AD PRIMUM** ergo dicendum quod fides et spes non habent rationem perfectæ virtutis, nisi secundum quod sunt informatæ caritate, et secundum hoc poenitentiam sequuntur. *Et sic aliquo modo verum est quod est prima inter omnes<sup>2</sup> virtutes.*

**117.** — **Ad secundum** dicendum quod *fides informis et spes etiam sine gratia habentur*, et ideo eas in justificatione non oportet superaddi ; *et sic poenitentia earum causa non est.*

**118.** — **Ad tertium** dicendum quod finis qui est prior in intentione est ultimus in executione. Et ideo, quamvis in motu corporali prius recedatur a termino quam ad terminum perveniatur, tamen *in motu voluntatis est e converso<sup>3</sup> ; quia propter bonum aliquod consequendum voluntas recedit a contrario* vel ab impeditivo ejus.

**119.** — **Quartum** concedimus secundum hoc tamen quod fides non est virtus.

**120.** — **Ad quintum** dicendum quod poenitentia de malo commisso, quamvis ex electione boni possit provenire, tamen etiam ex alia causa quandoque contingit, scilicet ex fuga mali pœnæ, ut dictum est (**112**). Et quando etiam ex electione boni contingit, primus pœnitentiæ motus non provenit ex electione boni formata per aliquem habitum alterius virtutis, sed per naturalem quemdam appetitum vel etiam ex ipso habitu pœnitentiæ virtutis bono. *Et ideo primus motus pœnitentiæ præcedit motus aliarum virtutum.*

**121.** — Sed non est inconveniens ut motus aliarum virtutum quandoque causent aliquos motus pœnitentiæ : sicut aliquis ex amore temperantiæ, de luxuria præcedente pœnitentiæ motum habet ; quia etiam interdum ex virtute sequente motus præcedentis virtutis oritur : sicut quis movetur in amorem Dei qui castitatem præcipit, ex hoc quod castitas ei placet.

**122.** — **AD TERTIAM QUÆSTIONEM** dicendum quod fundamentum dicitur in spiritualibus ad similitudinem corporalis fundamenti, quod<sup>4</sup> *duas* habet proprietates. *Prima* est quod ipsum est prima pars ædificii ; *alia* est quod fundamento totum ædificium sustentatur.

Et ideo in spiritualibus fundamentum dicitur aliquid *vel* ratione prioritatis<sup>5</sup>, *vel* ratione conservationis et sustentationis aliorum, *aut* etiam ratione utriusque.

1. N. *ad*. « virtutibus ». — 2. F. *ad*. « alias ». — 3. Ed. « contrario ». — 4. γ « corporate fundamentum », a N *om.* « quod » sed a *ad.* in margine « fundamentum autem corporale ». — 5. N. *om.* \* vel ratione prioritatis ».

**123.** — Prioritas autem potest attendi *dupliciter*. *Uno modo quantum ad disciplinam spiritualium*. Et sic illa quæ primo occurrunt edocenda in Christiana religione, fundamentum dicuntur, *Heb.*, vi, 1.

*Alio modo quantum ad vitam spiritualem*. Et sic fides dicitur simpliciter fundamentum primum; sed timor et poenitentia in genere eorum quæ ad effectum pertinent quantum ad fugam mali; caritas autem quantum ad prosecutionem boni, prout dicitur *Ephes.*, in2, 17: « *In caritate radicati et fundati*. » Sed ratione sustentationis, in prosperis dicitur humilitas fundamentum, in adversis autem fortitudo.

**124.** — *Pœnitentia autem et timor in recedendo a malo, diversimode sunt fundamenta*; quia *timor* est primum in isto toto genere quod est recedere *a malo*; sed *pœnitentia* quantum ad hanc speciem quæ est recedere **a malo commisso**. Et ideo etiam timor præcedit poenitentiam: sicut principia generis præcedunt principia speciei.

Et per hoc patet solutio ad objecta.

**125.** — **AD QUARTAM QUÆSTIONEM** dicendum quod *locutio Hieronymi est metaphorica*. Illi enim qui prospero itinere mare navigant, prima tabula sustentantur, scilicet ipsa navi integra; sed naufragium passi, alicujus tabulæ navis fractæ auxilio ad portum salutis ducuntur. Et hæc secunda tabula dicitur<sup>3</sup> quæ est post naufragium; non quod sit secunda post naufragium; sed quia existens post naufragium, est secunda a prima quæ erat ante naufragium.

**126.** — Unde consuetudo sua est, ut patet ejus dicta legenti, ut omne illud quod præstat remedium post aliquod periculum eveniens, secundam tabulam post naufragium vocet.

**127.** — *Gratia autem baptismalis*, per quam in Ecclesia collocamur, cujus figura<sup>4</sup> fuit arca Noe, *dicitur prima tabula ante naufragium*.

**128.** — Sed quia per peccatum mortale naufragium passis et a gratia innocentiae cadentibus non restat aliquod remedium nisi poenitentia, **ideo poenitentia secunda tabula dicitur**.

**129.** — **AD PRIMUM** ergo dicendum quod alia sacramenta non subveniunt naufragium passis per peccatum mortale sine poenitentia; et ideo non possunt dici secunda tabula sicut poenitentia quæ post lapsum subvenit. *Unde quamvis non sit secundum sacramentum, est tamen secunda tabula*.

**130.** — **Ad secundum** dicendum quod *Petrus non loquitur*

1. Ed. « attenditur ». — 2. αγ « iv ». — 3. Ed. « Et hæc est secunda tabula quæ ». — 4. αη « gratia ».

ibi de pænitentia sacramento, sed *de pænitentia quæ requiritur in baptismo* quæ ad primam tabulam pertinet.

**131.** — **Ad tertium** dicendum quod illa absconsio peccati de qua Hieronymus ibi loquitur, non contrariatur illi manifestationi quæ fit in poenitentia, sed illi quam faciunt illi qui effrontes in peccatis existentes glorientur cum male fecerint et se de peccatis jactant. Et hæc absconsio ad verecundiam pertinet.

**132.** — Et secundum eandem similitudinem dicitur secunda tabula, quia prima tabula prosperæ navigationis est ut homo peccatum non committat; secunda, ut de peccato commisso erubescat.

**133.** — Sed per hanc tabulam non datur sufficiens remedium nisi quatenus ad emendationem peccati et poenitentiam ducit; et ita non *ita* proprie dicitur secunda tabula *sicut* pænitentia; tamen *secunda tabula dici potest*, quia tabula secunda in naufragio corporali non semper a periculo liberat, etsi periculum, quantum est de se, aliquo modo impediat.

### ARTICULUS III

[I]

[III, q. 85, a. 4J

**134.** — **AD TERTIUM SIC PROCEDITUR.** Videtur quod **POENITENTIA SIT IN QUALIBET VI.**

1. Nihil enim agit ubi non est. Sed poenitentia expellit peccatum a qualibet vi. Ergo est in qualibet vi.

**135.** — **Item.** Videtur quod sit in concupiscibili.

2. Quia pænitentia est dolor. Sed dolor est in concupiscibili, sicut et gaudium. Ergo pænitentia est in concupiscibili.

**136.** — **Item.** Videtur quod sit in irascibili.

3. Quia poenitentia est quædam vindicta dolentis. Sed vindicta pertinet ad irascibilem, quia « *ira est appetitus vindictæ* ». (II *Rehior*; β2. 1378a, 31) Ergo poenitentia est in irascibili.

**137.** — **Item.** Videtur quod sit in memoria.

4. Quia *sicut* timor est de futuro et gaudium de præsentem, *ita* memoria de præterito. Sed pænitentia est de malo commisso quod est præteritum. Ergo est in memoria.

**138.** — **Item.** Videtur quod sit in ratione.

5. Quia poenitentia est pars justitiæ. Sed justitia est in ratione. Ergo et poenitentia.

## [II]

(I, q. 110, a. 3.)

**139. — ULTERIUS.** Videtur quod in innocentibus pœnitentia esse non possit.

1. Quia pœnitere est « *commissa mala plangere* ». Sed innocentes nullum malum commiserunt. Ergo in eis pœnitentia non est.

2. **Præterea.** Pœnitentia ex suo nomine importat poenam. Sed innocentibus non debetur poena. Ergo non est in eis poenitentia.

3. **Præterea.** Pœnitentia in idem coincidit cum vindicativa justitia, ut supra dictum est (77). Sed omnibus existentibus innocentibus, vindicativa justitia locum non haberet. Ergo nec pœnitentia. Et ita non est in innocentibus.

**140. — SED CONTRA.** Omnes virtutes simul infunduntur. Sed poenitentia est virtus. Cum ergo innocentibus in baptismo infundantur aliæ virtutes, infunditur etiam et poenitentia.

**141. — Præterea.** Ille qui nunquam fuit infirmus corporaliter, dicitur sanabilis. Ergo et similiter qui nunquam fuit infirmus spiritualiter. Sed *sicut* sanatio in actu a vulnere peccati non est nisi per actum poenitentiae, ita nec sanabilitas nisi per habitum. Ergo ille qui nunquam habuit infirmitatem peccati, habet habitum poenitentiae.

## [III]

[Infra, 173.]

**142. — ULTERIUS.** Videtur quod sancti homines qui sunt in gloria non habeant poenitentiam.

1. Quia, sicut dicit Gregorius in *Moralibus* (lib. IV, cap. 36, n. 72 ; L. 75, 678) : « *Beati peccatorum, recordantur, sicut nos sani sine dolore dolorum memoramur.* » Sed poenitentia est « *dolor cordis* », ut dictum est (91). Ergo sancti in patria non habent poenitentiam.

2. **Præterea.** Sancti in patria sunt Christo conformes. Sed in Christo non fuit poenitentia, quia nec fides quæ est principium poenitentiae. Ergo nec in sanctis in patria erit poenitentia.

3. **Præterea.** Frustra est habitus qui ad actum non reducitur. Sed sancti in patria non poenitebunt actu, quia sic esset eis aliquid contra votum. Ergo non erit in eis habitus poenitentiae.

**143. — 4. SED CONTRA.** Pœnitentia est pars justitiæ. Sed

« *justitia esi perpetua el immortalis* », (*Sap.* i, 15) et in patria remanebit. Ergo et pœnitentia.

**144. — 5. Præterea.** In *vitis Patrum* legitur a quodam patre dictum quod etiam Abraham pœnitebit de hoc quod non plura bona fecit. Sed magis debet aliquis poenitere de malo commisso quam de bono omisso ad quod non tenebatur, quia de tali bono loquitur. Ergo erit ibi pœnitentia de malis commissis.

## [IV]

[II S., d. 7, q. 1, a. 2; I, q. 64, a. 2; *De Malo*, q. 16, a. 5.]

**145. — ULTERIUS.** Videtur quod etiam angelus bonus  
**SEU MALUS SIT SUSCEPTIVUS PœNITENTIÆ.**

1. Quia timor est initium pœnitentiæ. Sed in eis est timor, *Jac.*, n, 19 : « *Dæmones credunt el contremiscunt* ». Ergo in eis potest esse pœnitentia.

2. **Præterea.** Philosophus dicit in IX<sup>1</sup> *Eth.*, (i 4. 1166<sup>t</sup>, 24-5; l. 4, n. 1818), quod « *pœniludine replentur mali* », et hæc est maxima pœna eis. Sed dæmones maxime sunt pravi, nec aliqua poena eis deest. Ergo dæmones possunt poenitere.

3. **Præterea.** Facilius movetur aliquid in id quod est secundum naturam quam in id quod est contra naturam : sicut aqua quæ per violentiam est calefacta, etiam per seipsam ad naturalem proprietatem redit. Sed angelus potest mutari in peccatum quod est contra omnem naturam eorum. Ergo multo fortius possunt revocari in id quod est secundum naturam. Et hoc facit pœnitentia. Ergo sunt susceptibiles pœnitentiæ.

4. **Præterea.** Idem judicium est secundum Damascenum (lib. II *De fide orth.*, c. 12; G. 94, 926) de angelis et de animabus separatis. Sed in animabus separatis potest esse pœnitentia, ut Quidam dicunt, sicut in animabus beatis quæ sunt in patria. Ergo et in angelis potest esse pœnitentia.

**146. — SED CONTRA.** Per pœnitentiam homo reparatur ad vitam, peccato dimisso. Sed hoc est impossibile in angelis, ut in II lib. (d. 7, q. 1, a. 2) dictum est. Ergo non sunt susceptibiles pœnitentiæ.

**147. — Præterea.** Damascenus (*De fide orth.*, lib. II, c. 3; G. 94, 867) dicit quod « *homo fungitur pœnitentia propter corporis infirmitatem.* » Sed angeli sunt incorporei. Ergo in eis non potest esse pœnitentia.

**148. — RESPONSIO.** Dicendum **AD PRIMAM QUÆSTIO-**

1. *ay* « x ». — 2. *γ* « magna ». — 3. *α* « communem ». — 4. Ed. « potest »

**NEM** quod *Quidam* dicunt subjectum omnis virtutis esse liberum arbitrium.

**Sed hoc non potest esse** ; quia omnis actus humanus ordinatus elicitive procedit ab aliqua virtute humana ; quælibet autem potentia humana habet aliquem actum ordinatum, et dico potentiam humanam rationem vel quæ rationi obediat. Et ideo in omni tali potentia potest esse virtus quæ eliciat ordinatum actum illius potentiae. Et de hoc in III lib. d. 33 (218-219), plura dicta sunt.

149. — Et ideo *Quidam* dicunt quod pœnitentia est in omnibus viribus.

**Sed hoc non potest esse** ; quia unus habitus non potest esse nisi unius potentiæ, sicut una formal nisi unius materiæ, et unum accidens non nisi unius subjecti.

150. — Et ideo *Alii* dicunt quod est in irascibili ; quia, ut dicit *Augustinus* in *Littera* (16), « *est vindicta quædam* » quam appetit ira.

**Sed hoc non potest esse** ; quia vindictam expetere de altero, quod arduitatem habet, ad irascibilem pertinet ; sed vindictam pati non videtur esse irascibilis.

151. — Et ideo *Quidam* dicunt quod pœnitentia est dolor, et propter hoc est in concupiscibili.

**Sed hoc etiam non valet** ; quia ille dolor qui est in concupiscibili, est passio ; dolor autem qui est actus pœnitentiæ, non est passio.

152. — **Et ideo dicendum** cum *Alus*, quod pœnitentia est pars justitiæ. Et ideo, cum justitia sit in ratione, non quidem quantum ad partem cognitivam, sed quantum ad affectivam, **et pœnitentia in ratione est, in quantum est virtus.** Sed *pœnitentia quæ est passio est in concupiscibili sicut in subjecto*, quia est dolor quidam. Sed hæc passio est quasi materiale in pœnitentia virtute, quia pœnitentia virtus hunc dolorem récompensât pro peccatis commissis : sicut et poena quam patitur reus est materiale in vindicativa justitia.

153. — **AD PRIMUM** ergo dicendum quod *pœnitentia non expellit omne peccatum* formaliter, sed *quasi effective*<sup>3</sup>. Unde non oportet quod sit sicut<sup>4</sup> in subjecto, in qualibet vi ubi potest esse peccatum ; sed quod ea quæ sunt in illis viribus<sup>5</sup> subjiçiantur ei quasi materialia. *Et hoc pœnitentia habet, in quantum est in ratione*, cui omnes aliæ vires subduntur quasi ab ipsa motæ et regulatæ.

154. — **Ad secundum** dicendum quod dolor qui est in concu-

1. *γ ad.* « non potest esse ». — 2. *N. cm.* « et ». — 3. *N.* « active ». — 4. *F.* « ut », *N. om.* — 5. *Ed.* « virtutibus ».

piscibili, non est actus pœnitentiæ virtutis, sed materiale, ut dictum est (151).

Sed *dolor qui est deleslialio culpæ commisses* est actus ejus ; et *hicl est voluntatis*, in qua est justitia, cujus actus est detestari inæqualitatem præexistentem et eam ad æqualitatem reducere.

**155.** — **Ad tertium** dicendum quod *exhibitio vindictes est materialis in pœnitentia*, sicut etiam in justitia vindicativa ; non enim exhibet vindictam ex appetitu vindicte sed ad æqualitatem restituendam.

**156.** — **Ad quartum** dicendum quod *pœnitentia* quamvis sit de præterito, sicut memoria, tamen *respicit affectum*. Memoria autem est potentia pure cognoscitiva ; et ideo in ea non potest esse pœnitentia.

**Quintum** concedimus.

**157.** — **AD SECUNDAM QUÆSTIONEM** dicendum quod habitus medius est inter potentiam et actum. Et quia remoto priori, removetur posterius, non autem e converso ; ideo remota potentia ad actum, removetur habitus, non autem remoto actu.

**158.** — Et quia subtractio materiæ tollit actum, propter hoc quod actus non potest esse sine materia in quam transit ; ideo habitus alicujus virtutis competit alicui cui non suppetit materia, propter hoc quod suppetere potest, et ita in actum exire : sicut pauper homo potest habere habitum magnificentiæ, sed non actum, quia non habet magnitudinem divitiarum quæ sunt materia magnificentiæ, sed potest habere.

**159.** — Et ideo cum innocentes in statu innocentæ non habeant peccata commissa quæ sunt materia pœnitentiæ, sed possint habere ; *actus pœnitentiæ in eis esse non potest* ; **sed habitus potest** ; et hoc, **si gratiam habeant**, cum qua omnes virtutes infunduntur.

**160.** — **AD PRIMUM** ergo dicendum quod quamvis non commiserint<sup>2</sup>, *possunt tamen committere* ; et ideo *eis habitum pœnitentiæ habere competit*.

Sed tamen habitus iste nunquam in actum exire potest, nisi forte respectu venialium peccatorum, quia peccata mortalia tollunt ipsum.

Nec tamen est frustra, quia est perfectio potentiæ naturalis.

**161.** — **Ad secundum** dicendum quod quamvis non sit eis debita pœna in actu, tamen *in eis est possibile esse aliquid pro quo eis pœna debeat*.

**162.** — **Ad tertium** dicendum quod remanente potentia ad

1. Ed. « hoc ». — 2. ay « commiserunt ».

peccandum, adhuc haberet locum vindicativa justitia *secundum habitum*, quamvis non secundum actum, si peccata actu non essent.

**163. — AD TERTIAM QUÆSTIONEM** dicendum quod virtutes cardinales in patria remanebunt, sed secundum actus quos habent in fine suo, ut in III lib. d. 33 (**120**) dictum est. Et ideo cum pœnitentia virtus sit pars justitiæ quæ est habitus cardinalis, **quicumque habet habitum pœnitentiæ in hac vita, habebit in futura.** Sed non *habebit* eundem *actu* quem nunc habet, sed *alium*, scilicet gratias agere Deo pro misericordia relaxante peccata.

**164. — AD PRIMUM** ergo dicendum quod illa auctoritas probat quod *non habent eundem actum quem hic habet pœnitentia.* Et hoc concedimus.

**165. — Ad secundum** dicendum quod *Christus non potuit peccare*, ut in III lib. d. 12 (**32-36**) dictum est. Et ideo materia hujus virtutis non competit sibi nec actu nec potentia. Et propter hoc non est simile de ipso et de aliis.

**166. — Ad tertium** dicendum quod *pœnitere, proprie loquendo*, prout dicit actum pœnitentiæ qui nunc est, non *erit in patria.* Nec tamen habitus frustra erit, quia alium actum habebit.

**Quartum**<sup>1</sup> concedimus.

**167. —** Sed quia quinta ratio probat quod etiam idem actus pœnitentiæ erit in patria qui modo est; ideo dicendum **ad quintum**, quod voluntas nostra in patria erit omnino conformis voluntati Dei. Unde *sicut* Deus voluntate antecedente vult omnia esse bona et per consequens nihil esse mali, non autem voluntate consequente; *ita* etiam est de beatis. *Et talis voluntas improprie dicitur ab illo sancio Patre pœnitentia.*

**168. — AD QUARTAM QUÆSTIONEM** dicendum quod pœnitentia in nobis *dupliciter* accipitur.

*Uno modo secundum quod est passio*; sic enim nihil aliud est quam dolor vel tristitia de malo commisso. Et quamvis secundum quod est passio non sit nisi in concupiscibili, tamen aliquis voluntatis actus similitudinarie pœnitentia dicitur quo quidem<sup>2</sup> detestatur quod facit: sicut etiam amor<sup>3</sup> et aliæ passiones dantur<sup>4</sup> in intellectivo appetitu, ut in III lib. d. 26 (**70-73**) dictum est.

**169. —** *Alio modo accipitur secundum quod est virtus.* Et hoc modo *detestari malum commissum cum emendationis proposito*

<sup>1</sup>. α « Quartam », ad. in m. « rationem ». — <sup>2</sup>. Ed. « quis ». — <sup>3</sup>. Ed. « timor ». — <sup>4</sup>. NPL. « dicuntur ».

*el intentione expiandi vel Deum placandi de offensa commissa, est actus ejus.* Detestatio autem mali competit alicui secundum quod habet ordinem naturalem ad bonum.

Et quia in nulla creatura talis inclinatio totaliter tollitur, ideo etiam in damnatis talis detestatio manet et per consequens poenitentia passio vel similis ei, ut dicitur *Sap.*, v, 3 : *a. Intra se gementes et poenitentiam agentes.* »

**170.** — Et hæc quidem poenitentia, cum non sit habitus sed passio vel actus, nullo modo in beatis angelis esse potest, in quibus peccata commissa non præcesserunt ; sed in malis angelis est, cum sit eadem ratio de ipsis et de animabus damnatorum ; quia secundum *Damascenum* {*De fide orlh.*, lib. II, c. 4 ; G. 94, 878), « *quod est homini mors, hoc est angelis casus* ». Sed peccatum angeli est irremissibile, ut in II lib. (d. 7, q. 1, a. 2) dictum est. Et quia peccatum, ut est remissibile vel expiabile, est propria materia istius virtutis quæ poenitentia dicitur ; ideo cum materia non possit eis competere, non adest eis potentia exeundi in actum ; et ideo nec habitus eis convenit. Et ideo **angeli subjectum<sup>3</sup> poenitentiae virtutis esse non possunt.**

**171.** — **AD PRIMUM** ergo dicendum quod *ex timore in eis generatur aliquis poenitentiae motus, sed non quæ sit virtus.*

Et similiter dicendum ad **secundum.**

**172.** — **Ad tertium** dicendum quod quidquid in eis est naturale, totum est bonum et ad bonum inclinans ; sed *liberum arbitrium in eis est in malitia obstinatum.*

Et quia motus virtutis et vitii non consequitur inclinationem naturæ sed magis motum liberi arbitrii ; ideo *non oportet quod quamvis naturaliter inclinentur ad bonum, quodl. motus virtutis in eis sil vel esse possit.*

**173.** — **Ad quartum** dicendum quod non est eadem ratio de angelis sanctis et animabus sanctis ; quia *in animabus sanctis præcessit vel præcedere potuit peccatum remissibile, non autem in angelis.* Et ita, quamvis sint similes quantum ad statum præsentem, non tamen quantum ad statum præteritum quem poenitentia respicit directe.

1. ay « ei ».  
quod c.

2. ay « ei ».

3. Ed. « susceptivi ».

4. Ed. om.

## ARTICULUS IV

## [I]

[*Infra, d. 17, 304-5 ; III, q. 84, a. 8 ; a. 9, ad 1.*]

**174. — AD QUARTUM SIC PROCEDITUR.** Videtur QUOD DE RATIONE VERÆ PŒNITENTIÆ SIT QUOD USQUE IN FINEM VITÆ CONTINUETUR.

1. *Pœnitentia* enim est quasi quædam recompensatio Deo facta pro offensa commissa. Sed offensa fuit infinita. Unde aeterna poena debetur pro peccato mortali. Ergo et poenitentia delens hanc culpam, ad hoc quod sit vera oportet quod usque in finem duret.

2. **Præterea.** Nihil destruitur nisi a fortiori se. Sed poenitentia est fortius quam peccatum, quia expellit ipsum. Cum ergo vera poenitentia non possit discontinuari nisi per peccatum, videtur quod si fuerit vera, nullo modo a statu pœnitentiæ quis cadere possit.

3. **Præterea.** Facilius est peccatum impedire ne fiat, quam peccatum factum destruere. Sed poenitentia destruit peccatum factum. Ergo multo fortius impedit ne aliquod peccatum committatur. Et sic idem quod prius.

**175. — SED CONTRA.** Baptismus est efficacius sacramentum quam poenitentia, quia etiam totaliter pœnam tollit. Sed gratia baptismalis tollitur per peccatum sequens. Ergo multo fortius poenitentia.

**176. — Præterea.** Nulla virtus potest remanere sine caritate ; et ea habita, omnes habentur. Sed caritatem semel habitam contingit amitti, ut in III *lib. d. 33* (q. 1, a. 1) dictum est. Ergo et poenitentiam.

## [II]

**177. — ULTERIUS.** Videtur quod necesse sit dolorem pœnitentiæ per gaudium interrumpi.

1. Gaudium enim et dolor sunt affectiones contrariæ. Sed contraria non sunt nata esse in eodem. Ergo, cum oporteat pœnitentem aliquando de sua poenitentia gaudere, ut in *Littera* (16) dicitur, oportet quod dolor per illud gaudium interrumpatur.

2. **Præterea.** *Sicut* mali dolent de suo gaudio, *ita* boni gaudent de suo dolore. Sed Philosophus in IX *Eth.* (i 4. 1166b, 19-25 ; l. 4, n. 1817-8) dicit quod « *mali de hoc quod delectati sunt,*

1. Ed. « qui ». — 2. *γ ad.* « simul ».

*postmodum dolent* » : quod non potest esse simul dum delectantur. Ergo nec boni simul cum dolent, possunt gaudere de hoc quod dolent.

3. **Præterea. Si dicatur** quod dolor est causa gaudii, et sic possunt esse simul.

**Contra.** Contrarium non est causa sui contrarii. Sed dolor est contrarium gaudio<sup>2</sup>. Ergo non potest esse causa ipsius.

178. — **SED CONTRA.** Gal., v, 22, super illud : « *Fructus autem Spiritus* », dicit Glossa quod « *virtutes fructus dicuntur, quia suos possessores sancta delectatione delectant.* » Sed pænitentia est virtus. Ergo in suo actu qui est dolere, habet delectationem.

179. — **Præterea.** Secundum Philosophum in II *Elh.* {β 2. 1104b, 4 ; 1. 3, n. 265-7), « *signum generati habitus oportet accipere flentem in opere delectationem.* » Sed poenitentia est habitus quidam. Ergo actus ejus habet delectationem. Ergo non interrumpitur per gaudium.

### [III]

[III, q. 84, a. 10 ; *ad Heb.*, c. 6, l. 1.]

180. — **ULTERIUS.** Videtur quod poenitentia iterari non possit.

1. *Sicut* enim baptismus efficaciam habet a passione Christi, ita pænitentia et omnia alia sacramenta. Sed quia passio Christi est una, ideo baptismus iterari non potest. Ergo nec poenitentia potest iterari.

2. **Præterea.** Sicut dicit Gregorius<sup>3</sup> (*Serm.* 8 in ps. 118, n. 26 ; L. 15, 1374) : « *facilitas veniæ incentivum preebel delinquendi.* » Sed Deus non debet alicui dare peccandi occasionem. Ergo non debet dare locum poenitentiam iterandi.

3. **Præterea.** Spiritualis curatio quæ per poenitentiam fit, significatur per corporales curationes quas Dominus miraculose fecit. Sed in illis curationibus non legitur quod aliquem bis sanaverit. Ergo nec per poenitentiam aliquis bis potest spiritualiter curari.

181. — **SED CONTRA** est quod dicitur *Eccli.*, ii, 23 : « *Secundum magnitudinem ejus, sic et misericordia illius cum eo est.* » Sed magnitudo ejus est infinita<sup>4</sup>. Ergo et misericordia. Non ergo coarctatur per unam poenitentiam, ut postmodum ad se conversis non parcat.

182. — **Præterea.** Ματ., χπ, 32, dicitur : « *Qui peccat in Patrem vel Filium, remittetur ei.* » Sed contingit quod post peractam

1. α « dum ». — 2. Ed. « gaudii ». — 3. F. « Ambrosius » — 4. F. *ont.*  
« Sed magnitudo ejus est infinita ».

poenitentiam aliquis peccet per infirmitatem, quod est in Patrem peccare; et per ignorantiam, quod est in Filium peccare. Ergo tale peccatum remittetur. Ergo pænitentia potest iterari.

**183. — RESPONSIO.** Dicendum **AD PRIMAM QUÆSTIONEM** quod **opinio ista quæ posuit quod nullus homo a vera pœnitentia possit excidere, est erronea**, et conformis illi quæ in III lib. d. 31 (q. 1, a. 1) posita est, quod caritas semel habita non possit amitti.

*Sed tamen de caritate videbantur magis moveri*, considerantes efficaciam ejus, ex qua apparebat quod non posset per aliquod peccatum vinci.

*Sed de pænitentia videbantur moveri*, quia ad integritatem pænitiæ requiritur continuatio usque in finem vitæ.

**184. — Sed utrumque frivolum est.** *Primo*, quia quantumcumque aliqua virtus efficaciam habeat, flexibilitatem a libero arbitrio non tollit, dum est in statu viæ.

**185. — Similiter** illud quod futurum est, non potest esse de substantia vel de integritate alicujus virtutis, nisi secundum quod est præsens in apprehensione vel in voluntate; quia virtus quantum ad habitum non exspectat aliquid in futurum. *Habitus enim virtutis est de rebus permanentibus, non de successivis*, Unde totam perfectionem suam habet simul in instanti; quæ tota simul in unum actum potest effluere, quia « *actus sunt similes habitibus* », ut dicitur in II<sup>3</sup> *Eih.* (β 1. 11031», 21; 1. 1, n. 254). Et sic quod futurum est non est de integritate vel essentia ipsius

**186. — Unde cum pænitentia sit virtus, et secundum quod est sacramentum non se extendat ultra actum virtutis, non erit de integritate pænitiæ essentiali futuri continuatio, nisi ut sit in proposito. Et ideo potest esse verà pænitentia, et tamen ab ea postmodum aliquis excidet.**

**187. — AD PRIMUM** ergo dicendum quod *sicut* offensa habuit infinitatem, *it* etiam *et unus contritionis actus habet quamdam infinitatem, tum ex virtute gratiæ* quæ dat operibus infinitum valorem, ut scilicet per ea homo infinitum bonum mereatur; *tum ex merito Christi*, quod operatur in omnibus sacramentis et in omnibus meritis nostris.

**188. — Ad secundum** dicendum quod nec *pænitentia* nec aliqua virtus *agit* de necessitate, sed *ex libertate arbitrii*. *Et ideo* quamvis pænitentia sit fortior quam peccatum et per hoc possit peccatum expellere, tamen *homo pænitiæ virtutem habens potest sponte se peccalo subijcere*.

1. α om. per homot. « et per ignorantiam, quod est in Filium peccare ». — 2. N. ad. n ipsi ». — 3. Ed. « III ». — 4. F. ad. « hoc ». — 5. F. « est ».

**189.** — **Ad tertium** dicendum quod aliquando homo vincitur a debiliori qui fortiozem vincit, quia non tantam curam adhibet. Et similiter *pœnilens* propter negligentiam a peccato nondum commisso vincitur, qui per poenitentiam a peccato commisso liberatus fuit.

**190.** — **AD SECUNDAM QUÆSTIONEM** dicendum quod gaudium et tristitia secundum genus sunt contraria ; non tamen quodlibet gaudium cuilibet tristitiæ opponitur, sed ei quæ est de eodem.

*Si autem de contrariis sunt vel de diversis*, unum potest esse causa alterius, vel materiale ad ipsum. Oui enim de præsentia gaudet, eo ipso sequitur quod de absentia tristatur.

Similiter etiam quando de aliquo tristari est nobis utile vel decens, tristitia potest esse materia gaudii.

**Si ergo gaudium et tristitia directe contraria accipiantur**, sic non possunt simul esse in eodem secundum idem ; **si autem sint de diversis vel contrariis**, sic quidem *quantum ad causam suam possunt simul esse*, quia potest esse voluntas de uno et voluntas de altero ; et similiter si unum sit ratio alterius.

*Sed quantum ad sensum qui requiritur in utroque*, quia gaudium non est sine perceptione convenientis, neque tristitia sine perceptione nocivi, *impossibile est quod utrumque simul intense insit* ; quia anima quando intense occupatur circa unum, retrahitur ab altero ; *sed imperfecte possunt esse simul*, ita tamen quod unum nunc sit perfectius et aliud postmodum.

**191.** — Dolor autem qui est in poenitentia, est de peccato commisso. Unde simul cum hoc non potest esse gaudium de eodem ; sed potest esse gaudium de spe veniæ quam per dolorem concipit ; vel etiam de hoc ipso quod in exhibendo dolorem pro peccatis commissis facit quod debet. **Et ideo detestatio peccati commissi quæ est causa doloris, et voluntas detestandi quæ est causa gaudii, sunt simul** ; volens enim detestatur. Et quia unum est ratio alterius, ideo anima ad utrumque converti potest simul, in quantum ex eis quodammodo fit unum.

**192.** — *Quando* autem ex aliquibus duobus fit unum, unum est ut materiale, et alterum ut formale. *Et ideo anima ad unum illorum convertitur per prius, et ad alterum per posterius*. Et propter hoc non potest inesse utrumque secundum sui completam rationem, sed quandoque unum, quandoque alterum.

**193.** — *Quando* enim plene convertitur ad spem veniæ vel ad decentiam doloris, tunc gaudium est principaliter, et dolor de peccato ex consequenti. *Quando* autem principaliter convertitur ad peccatum commissum, tunc est e contrario.

**194.** — **AD PRIMUM** ergo dicendum quod *dolor de peccato et gaudium de dolore non sunt affectiones contrariæ*, ut dictum est (191).

**195.** — **Ad secundum** dicendum quod objectum gaudii est aliquid conveniens ; sed objectum tristitiæ est contrarium nocivum. Unde dolor de quo quis gaudet, non est contrarius gaudenti, sed conveniens. Sed gaudium de quo quis dolet, est contrarium dolenti. Et ideo simul cum quis gaudet, non potest esse dolor de gaudio secundum idem ; sed *simul cum quis dolet, potest esse gaudium de illo*.

**Ad tertium** dicendum sicut ad primum.

**196.** — **AD TERTIAM QUÆSTIONEM** dicendum quod **erroreum est dicere quod poenitentia non possit iterari, et misericordiae divinæ contrarium**. Causa autem quare iteratur cum baptismus non iteretur, est *quadruplex*.

**197.** — **Prima** est, quia poenitentia non imprimit characterem sicut baptismus ; *character enim indelebilis* est.

**198.** — **Secunda**, quia baptismus est contra morbum non iterabilem, scilicet originale peccatum ; *pœnitentia autem contra actuale peccatum quod iteratur*.

**199.** — **Tertia** causa est, quia baptismus habet totam efficaciam a passione Christi sine actu nostro. Et ideo, quia passio est una tantum et baptismus unus, sed *pœnitentia etiam requirit actum nostrum*, ut prius dictum est (39) ; et ideo ratione ejus iterationem suscipit.

**200.** — **Quarta**, quia baptismus est generatio spiritualis, sed *pœnitentia est quædam sanatio spiritualis* ; semel autem aliquid generatur, sed pluries curari sive sanari potest, quamdiu in hac vita vivit.

Et sic patet solutio **AD PRIMUM**.

**201.** — **Ad secundum** dicendum quod *sicut* justus Dominus summe justitiam diligit, *ita* summe peccatum odit. Et *ita, quantum ex ipso est, paratus est ipsum destruere semper, dummodo ex parte hominis non remaneat*, qui poenitentiam negligit vel contemnit.

Nec obstat quod quidam ex hoc sumunt occasionem delinquendi ; quia *ex contrario sumerent occasionem desperandi* : quod esset gravius.

**202.** — **Ad tertium** dicendum quod quamvis non sit scriptum quod idem infirmus frequentius a Domino sit curatus, *tamen nec etiam simpliciter factum negatur*.

**Et præterea.** *Hoc oculata fide videmus*, quod frequenter homines infirmantur, et divina virtute quæ omnia restaurat, curantur.

1. N. ad. « est ». — 2. γ δ ζηθι,κ om. « simpliciter ».

## ARTICULUS V

[I]

**203. — AD QUINTUM SIC PROCEDITUR.** Videtur quod NON DEBEAT ALIQUA PŒNITENTIA PUBLICARI VEL SOLEMNIZARI.

1. Quia non licet sacerdoti, etiam metu, peccatum alicujus confiteri, quantumcumque publicum. Sed per poenitentiam solemnem publicatur peccatum. Ergo non debet solemnizari.

2. **Præterea.** Judicium debet esse secundum conditionem fori. Sed poenitentia est quoddam iudicium quod in foro occulto agitur. Ergo non debet publicari, sive solemnizari.

3. **Præterea.** « *Pœnitentia omnes defectus revocat ad perfectum* », ut Ambr osius<sup>1</sup> dicit. Sed solemnizatio facit contrarium, quia pœnitentem<sup>2</sup> multis defectibus innectit : non enim laicus potest post<sup>3</sup> solemnem poenitentiam ad clericatum promoveri, nec clericus ad superiorem ordinem. Ergo poenitentia non est solemnizanda.

**204. — SED CONTRA.** Poenitentia est quoddam sacramentum. Sed in quolibet sacramento quædam solemnitas adhibetur. Ergo et in poenitentia adhiberi debet.

**205. — Præterea.** Medicina debet respondere morbo. Sed peccatum quandoque est publicum, quod multos ad exemplum peccandi trahit. Ergo et poenitentia quæ est medicina ejus, esse debet solemnitas et publica qua multi ædificentur.

[II]

[*Infra*, 321 ; III, q. 64, a. 10, ad 2.]

**206. — ULTERIUS.** Videtur quod solemnitas pœnitentia ITERARI POSSIT.

1. Sacramenta enim quæ characterem non imprimunt, cum sua solemnitate iterantur, sicut eucharistia et extrema unctio et hujusmodi. Sed poenitentia non imprimit characterem. Ergo cum sua solemnitate debet iterari.

2. **Præterea.** Poenitentia solemnizatur propter gravitatem et manifestationem peccati. Sed post peractam poenitentiam contingit similia peccata committere, vel etiam graviora. Ergo solemnitas pœnitentia iterum debet adhiberi.

**207. — SED CONTRA.** Pœnitentia solemnitas significat ejectionem primi hominis de paradiso. Sed hæc tantum semel est facta. Ergo et pœnitentia solemnitas tantum semel debet fieri.

1. Cfr. *Hypognoslicum*, L. III, c. 9, n. 17 ; L. 45, 1631, — 2. Ed. ad. « in ».—  
3. *γ* ad. in margine « peractam ».

[III]

**208. — ULTERIUS.** Quæritur de ritu solemnis penitentiæ.



peractam poenitentiam de fornicatione, *non velantur*, quia dignitatem virginitatis non recuperant.

**215.** — *El similiter post publicam pœnitentiã peccator non redit ad hanc dignitatem ut possit ad clericatum assumi.* Et Episcopus talem ordinans, potestate ordinandi privari debet, nisi forte necessitas Ecclesiæ exposcat aut consuetudo; tunc enim dispensative recipitur ad minores ordines, non autem ad sacros ordines. *Primo* propter dignitatem ordinum istorum. *Secundo* propter timorem recidivi. *Tertio* propter scandalum vitandum, quod posset in populo oriri ex memoria præcedentium peccatorum. *Quarto*, quia non haberet frontem alios corrigendi, cum peccatum ejus fuerit publicum.

**216.** — **AD SECUNDAM QUÆSTIONEM** dicendum quod **solemnis pœnitentia iterari non debet**, propter *tria*.

**Primo** ne ex iteratione vilescat.

**Secundo** propter significationem; quia est figura expulsionis hominis de paradiso quæ est semel tantum facta.

**Tertio**, quia solemnizatio est quasi quædam professio perpetuo poenitentiam conservandi. Et ideo iteratio solemnitati resistit.

Si tamen postmodum peccaverit, non clauditur ei locus pœnitentiæ; sed poenitentia solemniter iterum ei injungenda non est.

**217.** — **AD PRIMUM** ergo dicendum quod *in illis sacramentis* in quibus solemnitas iteratur, *iteratio solemnitati non repugnat*, ut est in proposito. Et ideo non est simile.

**218.** — **Ad secundum** dicendum quod quamvis ratione criminis deberetur sibi eadem pœnitentia, tamen *solemnitatis iteratio non competit propter predictas causas*.

**219.** — **AD TERTIAM QUÆSTIONEM** dicendum quod omnis solemniter pœnitentia est publica, sed non convertitur. Pœnitentia enim solemniter hoc modo fit (*Decr.*, d. 50, c. 64; *L.* 187, 284): « *In capite quadragesimæ tales pœnitentes presentant se cum presbyteris suis Episcopo civitatis ante fores Ecclesie, sacco induti, nudis pedibus, vultibus demissis, coma deposita; et eis in Ecclesia introductis, Episcopus cum omni clero septem psalmos pœnitentiales dicit, et postmodum eis manum imponit, aquam benedictam spargit et cinerem capitibus imponit, cilicio colla eorum operit et denuntiat eis lacrymabiliter quod sicut Adam ejectus est a paradiso, ita ipsi de Ecclesia ejiciuntur; et jubet ministris ut eos ab Ecclesia pellant, clero eos sequente cum hoc responsorio: « In sudore vultus tui etc. » In Cœna autem Domini quolibet anno a suis presbyteris in Ecclesiam reducuntur, et erunt ibi usque ad*

1. α « Solemniter autem pœnitentia ». — 2. N. ad « *Ut videntes sanctam. Ecclesiam pro suis facinoribus tremefactam atque commotam, non parvipendant pœnitentiam quam peragunt* ».

*octavas paschæ ; ita tamen quod non communicabunt, nec pacem accipient; et sic fiat quolibet anno quousque aditus Ecclesiæ est eis interdictus. Ultima autem reconciliatio Episcopo reservatur ad quem solum spectat solemnisi pœnitenliæ impositio. »*

**220.** — *Potest autem imponi viris ei mulieribus, sed non clericis propter scandalum.* Non autem talis pœnitentia debet imponi nisi pro peccato quod totam commoverit urbem.

**221.** — **Publica autem** est et non solemnisi, quæ in facie Ecclesiæ fit, sed non cum solemnitate prædicta, sicut peregrinatio per mundum cum baculo cubitali ; et hæc potest iterari, et a simplici sacerdote injungi ; et potest etiam clerico imponi.

**222.** — Quandoque tamen solemnisi ponitur pro publica ; et secundum hoc auctoritates quædam varie loquuntur de solemnisi.

**223.** — **AD PRIMUM** ergo dicendum quod mulier habet comam in signum subjectionis, non autem vir. *Et ideo non competiit ul in poenitentia mulieri coma deponatur, sicut viro.*

**224.** — **Ad secundum** dicendum quod quamvis in eodem genere peccati clericus plus peccet quam laicus, *tamen non injungitur ei pœnitentia solemnisi, ne ordo veniat in contemptum ;* unde non defertur personæ, sed ordini.

**225.** — **Ad tertium** dicendum quod magna peccata indigent majori cautela ad sui curationem ; *et ideo injunctio pœnitenliæ solemnisi quæ non nisi pro gravissimis peccatis fit, soli Episcopo reservatur.*

## QUÆSTIO II

Deinde quæritur de effectu pœnitenliæ

Et circa hoc quæruntur quinque

*Primo, utrum pœnitentia peccata tollat.*

*Secundo, utrum virtutes restituat.*

*Tertio, utrum opera præcedentia vivificet.*

*Quarto, utrum prædicti effectus sint pœnitenliæ in quantum est virtus, vel in quantum es. sacramentum.*

*Quinio, utrum sine poenitentia possit pervenire aliquis peccator ad salutem.*

## ARTICULUS I

[I]

[II-II, q. 14, a. 3; III, q. 86, a. 1, sol. 1; III Cg., c. 156.]

**226. — AD PRIMUM SIC PROCEDITUR.** Videtur quod **PER PŒNITENTIAM NON SEMPER PECCATA TOLLANTUR.**

1. *Hebr.*, x, 26 : « *Voluntarie enim peccantibus nobis post acceptam notitiam veritatis, jam non relinquitur hostia pro peccato.* » Sed in pœnitentia homo se offert hostiam Deo. *Ps.* (1, 19) : « *Sacrificium Deo spiritus contribulatus.* » Ergo pœnitentia peccata eorum qui prolapsi sunt post notitiam veritatis, non delet.

2. **Præterea.** *Hebr.*, xml, 17, super illud : « *Non invenit pœnitentiæ locum* », dicit<sup>2</sup> *Glossa* : « *idest, veniæ locum et benedictionis per poenitentiam.* » Ergo pœnitentia non semper tollit præterita peccata.

3. **Præterea.** *II Mach.*, xia, 13, dicitur de Antiocho : « *Orabat scelestus Deum, a quo non esset misericordiam consecutus.* » Ergo cum ipse pœniteret de malis commissis, videtur quod non semper pœnitentia peccata præcedentia delet.

4. **Præterea.** Peccatum commissum est quodammodo infinitum, inquantum est offensa Dei. Sed actus nostri sunt finiti. Gum ergo finitum non possit in infinitum, videtur quod pœnitentia non possit delere peccatum commissum.

**227. — SED CONTRA.** *Lucæ*, v, 32 : « *Non veni vocare justos, sed peccatores ad poenitentiam.* » Sed inutilis esset ista vocatio pœnitentibus, nisi veniam de peccato largiretur. Ergo pœnitentia peccata<sup>4</sup> delet.

**228. — Præterea.** Major est misericordia Dei quam iniquitas hominis. Unde reprehenditur ille qui dixit, *Gen.*, iv, 13 : « *Major est iniquitas mea quam ut veniam merear.* » Sed pœnitentia misericordiæ Dei innititur. Ergo omnia peccata, quantacumque sint, delet.

[II]

[I-II, q. 87, a. 6; III, q. 86, a. 4; III Cg. c. 158; *ad Rom.*, c. 11, l. 4.]

**229. — ULTERIUS.** Videtur quod etiam totaliter reatum **TOLLAT.**

1. Bonum enim est efficacius ad agendum quam malum, quia malum non agit nisi in virtute boni, ut *Dionysius* dicit {*De divin, nomin.*, c. 4, n. 31, 32; *G.* 3, 731). Sed per unum actum

1. ay N. « xii ». — 2. Ed. « inquit ». — 3. ay N. « ix ». — 4. y om. « peccata »

peccati homo et culpam et reatum incurrit. Ergo et per actum contritionis et a culpa et a reatu absolvitur.

2. **Præteera.** Deus non plus exigit in pœna quam fuit<sup>2</sup> in culpa. Sed major dolor est in contritione de peccato quam fuerit in peccando delectatio; quia quantitas doloris de peccato est secundum quantitatem amoris Dei qui est major quam omnis cupiditas rei temporalis, ut dicit Glossa super illud ps. (cxviii, 127): « *Dilexi mandata tua super aurum etc.* » Ergo non exigit pro peccato aliam pœnam quam illam quæ est in contritione. Et sic pœnitentia a toto reatu absolvit.

3. **Præteera.** Magis valet ad removendum<sup>4</sup> pœna propria adjuncta alienæ, quam aliena pœna tantum. Sed in baptismo non est aliqua pœna propria, sed tantum virtute pœnæ Christi omnia peccata delet et quantum ad culpam et quantum ad reatum. Ergo et pœnitentia, in qua cum pœna Christi adiungitur pœna propria, totus reatus auferri debet.

230. — **SED CONTRA.** Pœna non injungitur nisi ei qui est debitor pœnæ. Sed pœnitenti injungitur pœna aliqua satisfactoria. Ergo adhuc est debitor pœnæ; et sic non est a toto reatu per poenitentiam liberatus. <sup>4</sup>

231. — **Præteera.** Per poenitentiam non aufertur illud quod est<sup>5</sup> expedimentum ad profectum. Sed pœna remanens satisfactoria est ad profectum virtutum. Ergo per poenitentiam non tollitur.

## [III]

[II S. d. 32, q. 1, a. 1; III, q. 86, a. 5; q. 89, a. 1, ad.3.]

232. — **ULTERIUS.** Videtur quod per pœnitentiam etiam RELIQUIÆ PECCATI ACTUALIS TOLLANTUR, SICUT PRONITAS AD MALUM, HEBETUDO ET HUIUSMODI.

1. Quia in generatione naturali non solum tollitur forma contraria, sed etiam dispositiones ad formam illam. Sed gratia quæ per pœnitentiam datur, est potentior quam forma naturalis. Ergo non solum tollit culpam, sed etiam huiusmodi reliquias quæ sunt dispositio ad culpam.

2. **Præteera.** *Sicut* gratia est in essentia animæ, *ita* virtus in potentia. Sed pœnitentia restituit gratiam et virtutes, ut dicitur. Ergo *sicut* per gratiam aufert culpam ab anima ipsa, *ita* et per virtutes aufert reliquias a potentiis.

233. — **SED CONTRA.** Baptismus est efficacior ad remo-

1. *γ om.* « a ». — 2. Ed. « erat ». — 3. *ay om.* « est ». — 4. Ed. *ad* « peccatum ». — 5. ζ F. < quod est ad expedimentum et ad profectum ».

vendum peccatum quam poenitentia. Sed baptismus non remouet peccati reliquias. Ergo nec pœnitentia.

**234. — RESPONSIO.** Dicendum **AD PRIMAM QUÆSTIONEM** quod pœnitentia potest considerari in quantum est sacramentum, et in quantum est virtus ; et *utroque modo* ad remissionem peccatorum aliquo modo operatur.

*Secundum enim quod est novæ legis sacramentum, gratia in ea datur* ad defectum illum sanandum contra quem inducta est, scilicet **ad dimissionem culpæ actualis.**

**235. — Operatur etiam ad dimissionem peccati, in quantum est virtus, speciali modo præ aliis virtutibus.** Ouia secundum omnem virtutem formatam ex parte habitus peccata dimittuntur ratione gratiæ quæ cum ea infunditur — sed hoc est **formaliter** remittere — sed pœnitentia ex ratione sui actus habet quod per eum peccata dimittantur, secundum quod peccata commissa sunt materia actus ejus. Cum enim peccatum ex hoc remitti dicatur vel retineri quod habet rationem offensæ, illud quod offensam aufert, peccatum tollit. Cum autem offensa, in quantum hujusmodi, sit inæqualitas quædam qua unus alii subtrahit quod debitum erat, actu illius virtutis peccatum remittitur quæ inæqualitatem prædictam ad æqualitatem reducit. Hoc autem facit poenitentia, ut ex dictis patet (226), quæ in recompensationem<sup>2</sup> divinæ offensæ spiritum Deo contribulatum offert. **Et ideo pœnitentiæ etiam ex parte actus sui competit peccatum tollere ;** et hoc est **efficienter** et non solum formaliter per poenitentiam peccata dimitti.

**236. — AD PRIMUM** ergo dicendum quod **APOSTOLUS** loquitur ibi de hostia quæ universaliter pro peccatis totius mundi oblata est, scilicet Christo, quæ est unica et singularis ; nec iterum pro peccatis delendis offertur, sed *unica sua oblatione valet ad hoc quod per pœnitentiam et alia sacramenta omnia peccata possint dimitti.*

**237. — Ad secundum** dicendum quod ideo *Esau* de quo **APOSTOLUS** loquitur (**HEBR.**, xii, 17), locum veniæ non vere invenit, quia *non vere pœnituit*, etsi lacrymas exterius emisit : quod patet ex hoc quod dixit, *Gen.*, xxxvii, 41 : « *Venient dies luctus patris mei, et occidam Jacob fratrem meum.* »

**238. — Et similiter dicendum ad tertium de Antiocho qui vere non pœnituit interius, quamvis exterius verba pœnitentiæ proferret magis propter infirmitatem corporis quam propter offensam Dei vitandam.**

**239. — Ad quartum** dicendum quod *offensa infinita est ex parte aversionis*, sed non ex parte conversionis.

1, α « delet ». — 2. F. « recompensatione ».

*El similiter eliam actus pœnitentiæ habet infinitatem ex parte gratiæ quæ est Dei similitudo, et in virtute divinæ misericordiæ operans quæ infinita est, quamvis ex parte actus nostri sit finita.*

*Habet etiam efficaciam ex virtute passionis Christi quæ infiniti valoris quodammodo est, inquantum fuit passio Dei et hominis.*

**240. — AD SECUNDAM QUÆSTIONEM** dicendum quod secundum Philosophum in VIII Eth. (e l. 1129a, 34 ; l. 1, n. 896 ; 6. 1157b, 36 ; l. 5, n. 1605) *tam justitia quam amicitia in æqualitale quadam consistit*. Qui ergo aliquem offendit, peccat contra æqualitatem amicitiae, inquantum affectum debitum non impendit ; et contra æqualitatem justitiæ, inquantum rem debitam subtrahit.

Et *sicut* hæc duo in offensa quandoque dividuntur, *ita* etiam in recompensatione separantur : sicut quando poena per violentiam offendenti infertur, fit recompensatio quantum ad justitiam, sed non quantum<sup>2</sup> ad amicitiam. Similiter quando offendens offensum verbis placat, nondum re subtracta restituta, fit recompensatio amicitiae, sed non justitiæ.

**241. —** Peccator ergo per affectum peccati amicitiam Dei violavit et per inobedientiam divinæ legis honorem debitum Deo subtraxit ; et ex primo amittit gratiam et incurrit offensam ; ex secundo meretur pœnam, ut ab eo qui per inobedientiam subtraxit, subtrahatur per poenam ; et hoc meritum pœnæ reatus dicitur.

**242. —** Et ideo<sup>3</sup> per poenitentiam qua homo se Deo supponit, peccata præterita detestando cum emendationis proposito, remittitur quidem peccatum quantum ad offensam, sed non oportet quod remittatur quantum ad totum reatum nisi pœna jam soluta. **Et sic per poenitentiam non simul cum culpæ dimissione totus etiam reatus dimittitur.**

**243. — AD PRIMUM** ergo dicendum quod *sicut* quod est perfectum, est efficacius ad agendum quam imperfectum ; *ita* quod est perfectum, est difficilius ad flendum. Unde *sicut* bonum est efficacius ad agendum quam malum, *ita* difficilius est ad constituendum quam malum. In hoc ergo efficacior apparet actio boni quam actio mali, quia actio mali nunquam terminatur ad malum quod non habeat admixtum bonum ; sed actio boni terminatur ad bonum quandoque cui non admiscetur malum.

*Non tamen oportet quod, si aliquid malum per unum actum*

1. Ed. « v ». — 2. a om. per homot. « ad justitiam sed non quantum ». — 3. ayi) ad. « cum » quod expungit a. — i. N contra F. « quod ».

*malum incurritur<sup>1</sup> quod<sup>2</sup> per unum actum bonum opposita bona reparentur.*

**244----** **Ad secundum** dicendum quod secundum Philosophum in V *Eth.* (e 8. 1132<sup>^</sup>, 23 sq. ; l. 8, n. 967 sq.) in recompensatione injuriæ justitia commutativa non semper æqualem quantitatem absolute in poena infert ei qui in culpa fuit ; non enim si aliquis percussit Principem, oportet ipsum solum reperi, sed etiam gravius puniri. Infert tamen æqualem poenam habita prius comparatione ad personam in quam culpa commissa fuit. Et ideo, cum per poenitentiam homo de seipso justitiam Deo faciat non sufficit tantus dolor in poenitentia quanta fuit delectatio in culpa ; quia illa delectatio in injuriam Dei fuit, in quantum Deo prætermissio homo delectationi se subdidit ad peccandum.

**245. — Ad tertium** dicendum quod *baptismus est spiritualis regeneratio*. Et quia non potest esse generatio unius nisi per corruptionem alterius, ideo oportet quod in baptismo quidquid ad præcedentem vitam pertinebat, totum aboleatur, scilicet et culpa et reatus, nisi sit defectus ex parte recipientis. Sed poenitentia non est regeneratio, sed magis reparatio vitæ prius habitæ. Et ideo non est similis ratio.

**246. — AD TERTIAM QUÆSTIONEM** dicendum quod *sicut* poenitentia non tollit totaliter reatum per quemlibet parvum<sup>4</sup> actum, sed tunc tollit quando ad perfectum perducitur secundum omnes poenitentia partes ; ita etiam non oportet quod per primum poenitentia actum omnes defectus ex peccato actuali consecuti<sup>5</sup> qui dicuntur reliquiæ, reparentur ; sed poenitentia jam perfecta quantum ad omnes sui partes<sup>6</sup>, reliquiæ etiam tolluntur peccati actualis.

**247. — AD PRIMUM** ergo dicendum quod poenitentia non comparatur generationi, sed magis sanationi ; quia per poenitentiam homini non datur nova vita, sed in pristinam vitam reparatur.

*In sanatione* autem hoc videmus<sup>7</sup> accidere quod sanitate restituta adhuc reliquiæ aliquæ<sup>8</sup> morbi manent ante perfectam sanitatis restitutionem ; ita etiam ante, completam poenitentiam reliquiæ actualis peccati manent.

**248. — Ad secundum** dicendum quod peccatum per actum potentiarum commissum est. Et ideo in ipsis potentiis præter privationem virtutum alii etiam defectus ex peccato causantur, sed non in essentia animæ, præter defectum gratiæ. Et ideo non

1. Ed. « incurrit ». — 2. Ed. om. « quod ». — 3. a om. « in ». — 4. Ed. « primum ». — 5. ἀγῆ « consecutos ». — 6. a ad. « et ». — 7. a « videtur ». — 8. S. F. om. « aliquæ ».

*oporlei quod si per adventum gratiæ ad essentiam animæ, macula, quæ nihil aliud erat quam gratiæ privatio, tollitur, quodl etiam a potentiis omnes alii defectus tollantur.*

## ARTICULUS II

[IMI, q. 152, a. 3, ad 3 ; III, q. 89, a. 1.]

**249. — AD SECUNDUM SIC PROCEDITUR.** Videtur quod PER POENITENTIAM VIRTUTES NON RESTITUANTUR.

1. Virtutes enim de quibus loquimur non causantur ex actibus nostris ; quia secundum Augustinum (lib. II *De lib. arb.*, c. 18, 19 ; L. 32, 1266), *Deus eas in nobis sine nobis operatur*. Sed pœnitentia in actu nostro consistit. Ergo per poenitentiam virtutes non restituantur.

2. **Præterea.** Nihil restituit virtutem nisi quod est causa virtutum<sup>3</sup>, sicut restituentia sanitatem sunt causa sanitatis. Sed poenitentia non est causa omnium aliarum virtutum ; alias esset nobilior aliis virtutibus, quia causa præeminet effectui. Ergo poenitentia non restituit virtutes.

3. **Præterea.** Quod non est, non potest aliquid restituere ; et quod habetur non potest restitui, sicut neque quod est, fieri. Sed pœnitentia non prius est quam omnes virtutes habeantur, quia omnes virtutes simul infunduntur. Ergo non potest pœnitentia virtutes restituere.

4. **Præterea.** Habitus virtutis non manet cum habitu vitii ; quia contraria non sunt simul in eodem. Sed post contritionem adhuc manet habitus vitii : quod patet ex inclinatione ad pristinos actus. Ergo pœnitentia non statim omnes virtutes restituit.

5. **Præterea.** Nullus habet virtutem nisi qui sine difficultate et cum delectatione operatur ea quæ sunt virtutis. Sed post primam contritionem etiamsi sit vera, adhuc remanet difficultas ad opera virtutis agenda. Ergo virtutes per primum actum pœnitentiæ non restituantur.

**250. — SED CONTRA** est quod Ambrosius<sup>3</sup> dicit quod « *pœnitentia res optima est, quæ omnes defectus revocat ad perfectum.* » Sed hoc non esset, nisi virtutes amissas restitueret. Ergo per poenitentiam virtutes restituantur.

**251. — Præterea.** Effectus pœnitentiæ est justificatio, ut infra dicetur (253). Sed justitia generalis ex qua aliquis justificari dicitur, omnes virtutes includit, ut dicit Glossa super illud

1. Ed. *om.* « quod ». — 2. Ed. « virtutis ». — 3. Auctor *Hypognost.* lib. III, c. 9, n. 17 ; L. 46, 1631.

ps. (cvxm, 121) : « *Feci iudicium et justitiam* ». Ergo omnes virtutes per poenitentiam restaurantur.

**252.** — **Praeterea.** Non remittitur peccatum sine gratia. Sed per poenitentiam peccatum dimittitur. Ergo gratia restituitur. Sed simul cum gratia omnes virtutes infunduntur. Ergo poenitentia omnes virtutes restituit.

**253.** — **RESPONSIO.** Dicendum quod gratia et virtutes in anima causantur ex influentia divini luminis, quæ quidem influentia impeditur per peccatum quod animam a Deo avertit : sicut nubes interposita inter nos et solem, radium ejus a nobis prohibet. Unde dicitur Is., 1 ix, 2 : « *Peccata nostra diviserunt inter nos et Deum nostrum.* »

Et quia per pœnitentiam peccata dimittuntur, ut dictum est (235), in primo pœnitiæ actu quantum ad offensam ; ideo sicut ventus auferens nubem nobis lumen solis restituit, ita poenitentia tamquam removens prohibens, gratiam gratum facientem et omnes virtutes nobis restituit.

**254.** — **AD PRIMUM** ergo dicendum quod solus Deus est per se causa gratiæ et virtutum infusarum in nobis. Sed nihil prohibet etiam actus nostros esse causas per accidens, sicut removens prohibens, sicut etiam sunt causæ gratiæ baptismalis, in quantum prohibent fictionem. *Et hoc modo per poenitentiam virtutes restituantur.*

**255.** — **Ad secundum** dicendum quod causa per accidens non oportet quod sit nobilior effectu, sed solum causa per se. *Pœnitentiam autem causa per accidens posuimus virtutum, per hoc quod est removens prohibens, scilicet peccata.*

**256.** — **Ad tertium** dicendum quod sicut in eodem instanti in quo obstaculum luminis primo remotum est, lumen consequitur et tamen remotio obstaculi est causa illuminationis ; ita in eodem instanti in quo est actus pœnitiæ, peccatum auferitur et virtus restituitur, et tamen nihil prohibet per poenitentiam virtutes restitui.

**257.** — **Ad quartum** dicendum quod, sicut in III lib. d. 33 (74-75) dictum est, *virtus infusa et acquisita non sunt ejusdem speciæ.* Unde cum habitus ex frequentia operum peccati generatus virtuti acquisitæ contrarius sit, non contrariatur directe virtuti infusæ quæ habet oppositionem ad peccatum ex parte illa qua est offensæ Dei. *Unde non oportet quod statim virtutibus infusis restitutis, habitus viliorum totaliter tollantur<sup>3</sup>, quamvis impediuntur et etiam diminuantur.*

1. Ed. om. < virtutes ». — 2. Ed. ad. « etiam ». — 3. Ed. « tolluntur ».

**258.** — Ad quintum dicendum quod facilitas operandi opera virtutum potest esse *ex duobus* : Scilicet *ex consuetudine praeecedente* ; et hanc facilitatem non tribuit virtus infusa statim in sui principio ; et iterum *ex forti inhæsiōne ad objectum virtutis* ; et hanc est invenire in virtute infusa statim in sui principio.

### ARTICULUS III

[I]

[*Infra*, d. 15, q. 1, a. 3, soi. 3, 4, 5 ; III, q. 89, a. 6.]

**259. — AD TERTIUM SIC PROCEDITUR.** Videtur quod PER PŒNITENTIAM ETIAM BONA OPERA PRIUS IN STATU PECCATI MORTALIS FACTA AD VITAM REPUTENTUR.

1. Dicit enim Adamantius I supra Josue (hom. 10; G. 12, 880) : « *Sunt in Ecclesia credentes quidam et acquiescentes divinis praeceptis, erga servos Dei religiosi et officiosi et ad ornatum Ecclesiae vel ministerium satis prompti ; sed in conversatione propria obscenitatis vitiis involuti, nec omnino deponentes veterem hominem cum actibus suis, nihil adhibent emendationis morum et innovationis. In istis ergo Christus salutem concedit ; sed quamdam insaniam notam non evadent.* » Sed magis videtur quod eis qui per poenitentiam emendationem adhibent, illa opera bona valeant ad salutem. Ergo poenitentia etiam? opera sine caritate facta vivificat ad salutem.

2. **Præterea.** Plus appropinquat caritati et gratiæ bonum ex genere et bonum virtutis moralis, quam bonum naturale. Sed gratia sequens per poenitentiam restituta, naturalia perficit, et secundum Quosdam ipsa naturalia fiunt gratuita. Ergo multo fortius bona ex genere vel ex circumstantia, aut etiam actus virtutis acquisitæ sine caritate facta, per poenitentiam vivificantur, ut prosint ad vitam.

3. **Præterea.** Remota causa, removetur effectus. Sed causa quare illa opera non valeant ad vitam erat caritatis defectus et gratiæ. Ergo cum poenitentia caritatem et gratiam et omnes virtutes restituat, etiam opera bona sine caritate facta vivificabit.

**260. — SED CONTRA.** A non vivo non generatur aliquid vivum vel habens potentiam ad vitam. Sed homo sine caritate non vivit spirituali vita. Ergo non potest aliquid opus facere spiritualiter vivum ; sed est mortuum, non habens potentiam ad vitam ; et ita non est vivificabile.

**261. — Præterea.** — Omnia vivificabilia sunt aliquo modo meritoria, quia ad minus in potentia. Si ergo opera extra caritatem facta possent aliquo modo vivificari, aliquis sine caritate posset aliquo modo mereri vitam æternam : quod falsum est.

## [II]

[*Infra*, d. 21, q. 1, a. 1, sol. 1, ad 3 ; d. 22, q. 1, a. 1, ad 6 ; *III* S. d. 36 70 ;  
III, q. 89, 4 ; *ad Heb.* c. 6, l. 1.]

**262. — ULTERIUS.** Videtur quod opera in caritate facta  
PER PECCATUM SEQUENS MORTIFICARI NON POSSINT.

1. Quia quod non est, non potest mortificari. Sed opera quæ in caritate facta fuerant, transeunt, et post peccatum sequens non sunt. Ergo non possunt mortificari.

2. **Præterea.** Pœna non debet excedere culpam. Sed in aliquo qui multa bona facit ex maxima caritate, pœna culpam excederet, si per unum peccatum mortale parvum, forte ex subreptione factum, omnia bona præcedentia perderet. Ergo peccatum sequens non mortificat omnia bona prius in caritate facta.

2. **Præterea.** Illud quod est mortuum, non potest actum vitæ habere respectu alicujus. Sed opera in caritate facta etiam post peccatum facientis, actum vitæ habent in aliis sanctis. Unde dicitur *Apoc.*, u, 11, unus alterius coronam accipere. Ergo peccatum sequens bona præcedentia non mortificat.

**263. — SED CONTRA** est quod dicitur *Ezech.*, xviii, 24 ;  
« *Si averterit se justus a justitia sua, omnium, quæ operatus est non recordabor amplius.* »

**264. — Præterea.** Vita operum ex vita operantis dependet. Sed per peccatum mortale ille qui prius opera fecerat in caritate, mortificatur. Ergo et opera ab ipso facta mortificantur.[III]

## [III]

[*Infra*, d. 22, q. 1, ad 6 ; III, q. 89, a. 5 ; *ad Thes.*, c. 3, l. 1 ; *ad Heb.*, c. 6, l. 1, 3.]

**265. — ULTERIUS.** Videtur QUOD OPERA MORTIFICATA PER  
PECCATUM, PER PENITENTIAM NON VIVIFICENTUR.

1. Hugo de Sancto Victore dicit (lib. II *De sacram.*, p. 14, c. 4 ; L. 176, 558) quod « *nemo debet in spe correctionis peccare* » ; quia quod semel amittitur, ipsum amplius non recuperatur. Sed opera in caritate facta sunt per peccatum amissa, ut dictum est (259,3). Ergo non possunt amplius per poenitentiam recuperari.

2. **Præterea.** Nihil vivificatur nisi quod natum est habere vitam. Sed vita non est operum, sed opera facientis. Ergo opera non possunt vivificari<sup>3</sup>.

3. **Præterea.** Quod non est, non potest vivificari. Sed opera mortificata, non sunt. Ergo non possunt vivificari per poenitentiam.

4. **Præterea.** Illud quod moritur, non solum cadit a vita,

1. y « factum ». — 2. Ed. < avertit ». — 3. Ed. *ad.* « per poenitentiam ».

sed etiam a potentia vitæ ; quia principia vitæ corrumpuntur, sine quibus non est potentia ad vitam. Sed opera præcedentia in caritate facta, sunt per peccatum sequens mortificata. Ergo non manet in eis potentia ad vitam. Et sic non possunt iterum vivificari.

**266. — SED CONTRA,** Joel., ii, 25, super illud : « *Reddam vobis* », dicit Glossa (Hieron. L. 25, 972) : « *Non patiar perire ubertatem quam cum perturbationibus animi amisistis.* » Sed ubertas illa fuit multitudo bonorum operum. Ergo illa per poenitentiam restituuntur.

**267. — Præterea.** « *Pœnitentia revocat omnes defectus ad perfectum* », ut dictum est (91). Sed hoc non esset, nisi opera mortificata restitueret ad vitam. Ergo per poenitentiam vivificantur.

**268. — RESPONSIO.** Dicendum **AD PRIMAM QUÆSTIONEM** quod *pœnitentia de ratione sui ordinatur ad remotionem mali*, Unde quod aliqua bona per poenitentiam restituuntur, hoc non est nisi per accidens, inquantum removet prohibens, ut dictum est (253). Causa autem quæ est removens prohibens, exigit causam per se aliquam respectu effectus<sup>1</sup> : ipsa est causa per accidens.

**269. —** Vivificationis autem operum extra caritatem factorum non potest poni aliqua causa per se ; quia vita operum ex vita operantis dependet. Et ideo a gratia vel caritate habent opera quod vivant.

**270. —** Gratia autem vel caritas quam pœnitentia restituit, non potest operibus præcedentibus vitam conferre ; quia habitus non format actum nisi qui ab eo procedit. Et ita patet quod **per poenitentiam opera extra caritatem facta vivificari non possunt.**

**271. — AD PRIMUM** ergo dicendum quod sicut Isidores verba Adamanii ibidem exponere videtur, *per salutem intelligitur signum salutis* quod etiam peccatores in sacramentis suscipiunt.

*Vel dicendum* quod concedit eis salutem *in spe*, sed non in re.

**272. — Ad secundum** dicendum quod potentia naturales sunt magis propinquæ caritati et gratiæ *quantum ad rem*, quam actus virtutum acquisitarum, inquantum sunt subjectum gratiæ et caritatis ; sed *quantum ad similitudinem speciei manifestum est quod est e converso*<sup>3</sup>.

**273. — Et præterea.** *Potentia naturales manent, non autem actus peccati*<sup>4</sup>. Unde illi qui dicebant naturalia fieri gratuita, non intelligebant quantum ad actus qui transeunt sed quoad potentias et habitus qui manent.

**274. — Ad tertium** dicendum quod causa quare opera illa sunt

1. *aq* « nobilitas ». — 2. RANVP *ad*. « *cujus* », *α ad*. in m. « *quia* ». — 3. Ed. « *contrario* ». — 4. Ed. « *virtutum acquisitarum* ».

mortua est quia non sunt a caritate elicita. *El ideo causa mortis ab eis non tollitur per pœnitentiam, ut dictum est (270).*

**275. — AD SECUNDAM QUÆSTIONEM** dicendum quod *illud proprie vivere apparet quod ex se aliquem motum habet.* Et inde vitæ nomen proprie ad illa omnia trahitur quæ ex se habent operationem aliquam sine aliquo principio extra, sicut quæ intelligunt et sentiunt vel moventur vel appetunt vel nutriuntur. Et inde est quod nomen vitæ transmittitur ad omnia illa quæ habent debitam operationem vel effectum ; et illa quæ privantur hac, dicuntur mortua : sicut dicimus aquam vivam quæ est in impetu refrigerandi.

**276. — Proprius autem effectus humanorum operum est quod per ea homo ad ultimum finem humanæ vitæ perveniat, scilicet beatitudinem.** Et ideo illa opera hominis propriæ viva dicuntur quæ hominem ad vitam æternam perducere possunt ; illa autem mortua, quæ hoc faciendi potestatem non habent ; illa autem mortificata quæ hanc potestatem amiserunt, cum prius eam habuerint.

**277. — Et ideo opera bona ex caritate facta, in eo qui gratiam habet viva sunt ;** in eo autem qui gratia caret, opera non ex caritate facta mortua sunt. **Opera autem prius ex caritate facta, in eo qui gratiam amittit, per peccatum mortificata sunt ;** quia peccatum sequens impedit quod homo per illa opera non possit ad vitam introduci.

**278. — AD PRIMUM** ergo dicendum quod *sicut opera peccati transeunt actu, sed manent reatu ; ita opera bona in caritate facta, quamvis actu transeant, tamen manent in merendo ; et secundum hoc possunt mortificari.*

**279. — Ad secundum** dicendum quod per ingratitude meretur homo accepta beneficia amittere. *Et ideo per quantumcumque parvum peccatum mortale quo homo Deo ingratus de beneficiis acceptis fit, omnia bona præcedentia perdit, quantumcumque fuerint ad fructum vitæ æternæ, nec propter hoc poena culpam excedit.*

**280. — Ad tertium** dicendum quod *illud quod in se est mortuum, non potest respectu alterius actum vitæ habere.* Sed accipiendo vivum metaphorice, ut dictum est (275), nihil prohibet quod in se vivum est, respectu unius esse vivum et respectu alterius esse mortuum ; quia respectu unius habet effectum suum, sed respectu alterius non habet, propter dispositionem ipsius : sicut « *oculis ægris odiosa est lux quæ puris est amabilis.* » (Augustinus, VII Confes., c. 16; L. 32, 744).

1. Ed. « dimittit ». — 2. « Ed. perceptis ». — 3. α om. « esse ». — 4. Ed. e pueris », α « sanis ».

**281.** — **AD TERTIAM QUÆSTIONEM** dicendum quod *opera in caritate facta*, ut dictum est (278), etsi transeant actu, *manent tamen quantum ad meritum in Dei acceptione*. Et secundum quod sic manent, habent efficaciam, quantum in ipsis est, inducendi facientem ad vitam æternam. Et sic dicuntur viva manere.

Sed quod hunc effectum in peccatore non habeant, est per accidens, propter peccatum quod facit peccatorem indispositum ad percipiendum effectum præcedentium meritorum, non autem quod ab ipsis operibus aliquid dematur, cum in suo fieri efficaciam prædictam obtinuerint hoc ipso quod ex caritate sunt elicita, quod eis sequens peccatum auferre non potest.

**282.** — *Et ideo remota indispositione a peccatore per poenitentiam, opera illa præcedentia effectum suum in ipso iterum habere incipiunt; et secundum hoc vivificari dicuntur.*

**283.** — *Quidam autem dicunt quod non vivificantur per poenitentiam sequentem, quia non manent, ut vivificari possint.*

Sed eadem ratione posset dici quod nec ei qui in justitia perseverat<sup>2</sup>, ad vitam præcedentia opera valeant; quia quod non est, non potest aliquid valere.

**284.** — **AD PRIMUM** ergo dicendum quod verbum **HUGONIS** est intelligendum *quantum ad bona amissa quæ nunquam recuperantur*, quia tempus amissum non recuperatur; et ideo ejus jactura est gravissima, ut **Seneca** dicit (*Ep. lib. I, ep. 1 ad Lucilium*); non autem loquitur de bonis mortificatis.

**285.** — **Ad secundum** dicendum quod *opus dicitur vivum metaphorice, inquantum habet effectum debitum*, ut dictum est (275).

**286.** — **Ad tertium** dicendum quod quamvis non maneant actu, *manent tamen merito in divina acceptione*: sicut peccata transeunt actu et manent reatu (278).

**287.** — **Ad quartum** dicendum quod, sicut dictum est (276), *opera prius viva non moriuntur in se, sed moriuntur per accidens quoad istum*<sup>3</sup>. Et ideo remoto illo accidente vivificari dicuntur.

#### ARTICULUS IV

[Supra, 235; III, q. 86, a. 6; Ver. q. 28, a. 8, ad 2; Quodl. IV, a. 7, a. 1.]

**288.** · **AD QUARTUM SIC PROCEEDITUR.** Videtur **QUOD PREDICTI EFFECTUS NON SINT PENITENTIE INQUANTUM EST VIRTUS.**

1. Diversorum enim diversi sunt effectus. Sed virtus et gra-

1. *ay om.* « et », sed *y ad.* supra.— 2. Ed. « eis qui injustitia perseverant ».—  
3. P. « justum ».

tia differunt, ut in II lib. d. 26 (q. 1, a. 4) dictum est. Ergo cum remittere peccatum, et alia prædicta quæ pœnitentiæ attribuuntur, sint effectus gratiæ, non erunt effectus pœnitentiæ in quantum est virtus.

2. **Prætere.** Quod convenit pœnitentiæ in quantum est virtus, convenit cuilibet virtuti. Sed remittere peccatum non convenit cuilibet virtuti ; quia ad minus virtutibus acquisitis non convenit. Ergo nec pœnitentiæ convenit in quantum est virtus.

3. **Prætere.** Pœnitentia, secundum quod est virtus, contra udem dividitur. Sed remissio peccatorum est per virtutem fidei : *Acti.*, xv, 9 : « *h id e purificans corda eorum.* » Ergo non est per pœnitentiam in quantum est virtus.

4. **Prætere.** Pœnitentia alia et alia ratione est virtus et sacramentum. Sed remittere peccatum convenit ei in quantum est sacramentum ; quia sic est medicina contra morbum peccati ordinata. Ergo non competit ei secundum quod est virtus.

5. **Prætere.** Pœnitentia, in quantum delet peccatum, dicitur vel est « *secunda tabula* » respectu baptismi. Sed baptismus liberat a peccato in quantum est sacramentum. Ergo et pœnitentia in quantum est sacramentum et non in quantum est virtus.

289. — **SED CONTRA.** Pœnitentia ex actu proprio habet quod a peccato liberat<sup>2</sup>, ut dictum est (235). Sed ad actum proprium comparatur in quantum est virtus. Ergo in quantum est virtus, peccatum remittit.

290. — **Prætere.** Oppositum tollitur per suum oppositum. Sed in quantum est virtus, opponitur peccato. Ergo in quantum est virtus, tollit peccatum.

291. — **Prætere.** Omne peccatum ex voluntate committitur ; quia « *si non<sup>3</sup> sil voluntarium, non esi peccatum* », ut Augustinus dicit (*De vera relig.*, c. 14 ; L. 34, 133). Sed « *ex eisdem causis aliquid generatur et corrumpitur* », ut in II *F.th.* !β 1. 1103<sup>3</sup>, 7 ; l. 1, n. 262) dicitur. Ergo oportet quod per voluntatem remittatur. Sed pœnitentia habet rationem voluntari<sup>4</sup> in quantum est virtus. Ergo per eam, in quantum est virtus, peccata remittuntur.

292. — **RESPONSIO.** Dicendum quod in peccato *duo* possunt considerari : scilicet *ipsa inordinatio* quæ in actu est, et *macula* quæ ex actu inordinato consequitur in anima. Et secundum hoc peccatum *dupliciter* remittitur.

Quia enim *ex ipsa actus inordinatione* homo, quantum in se erat, injuriam Deo faciebat ; ideo ex parte illa *peccatum remittitur, secundum quod inaequalitas prædicta injuriæ ad aequalitatem*

1. Ed. *om.* « et ». — 2. Ed. « liberet ». — 3. Ed. « nisi ». — 4. Ed. « voluntatis ».

*justitiæ reducitur* : quod facit pœnitentia, inquantum est virtus quædam, per suum actum, ut prius (235) dictum est.

**293.** — Sed *ex parte maculæ peccatum remittitur per gratiam quæ formaliter maculam tollit*, sicut albedo nigredinem ; et per consequens per alias virtutes gratia formatas<sup>1</sup>. Et quia poenitentia est talis virtus, ideo etiam ipsa **formaliter** peccatum remittit ex parte habitus. Et hoc est quod *Quidam* dicunt quod remittit peccatum inquantum est gratia. Non enim potest dici gratia nisi inquantum est gratia informata vel propter similitudinem effectus, ut prius dictum est (**235**).

**294.** — Sed<sup>2</sup> ex parte ista **effective** peccatum tollit, quia gratiam tribuit, sicut inducens albedinem aufert nigredinem. **Et secundum hoc pœnitentia, inquantum est sacramentum, peccatum dimittit**, quia sacramentum novæ legis est causa instrumentalis gratiæ, ut in *l. d. s.* (**127**) dictum est.

**295.** — Deus autem remittit sicut causa gratiæ efficiens, et Christus homo sicut causa meritoria gratiæ, et sacerdos sicut minister Dei et sacramentorum dispensator. Et quia omnes alii effectus consequuntur ex poenitentia inquantum peccata remittit, ut dictum est (253), ideo similis est ratio de omnibus illis effectibus pœnitentiæ.

**296.** — **AD PRIMUM** ergo dicendum quod *non eodem modo est effectus gratiæ et virtutis*<sup>4</sup>, ut dictum est (**293-4**).

**297.** — **Ad secundum** dicendum quod non quælibet virtus est gratia informata, nec quælibet virtus habet actum ordinatum ad prædictam æqualitatem inter Deum et hominem restituendam, ut dictum est (293). Et ideo non oportet quod quælibet virtus peccata remittat.

*Hoc enim pœnitentiæ convenit* non inquantum est virtus simpliciter, sed *inquantum est virtus quædam*.

**298.** — **Ad tertium** dicendum quod fides dicitur purificare cor, eo quod<sup>5</sup> primus motus ad justificationem est fidei, et est etiam pœnitentiæ principium. *Unde quod est pœnitentiæ, etiam fidei attribui potest*.

**299.** — **Ad quartum** dicendum quod *sicut* alia ratione poenitentia est virtus et sacramentum ; *ita* et *prædictus effectus alio modo competit sibi inquantum est sacramentum, et inquantum est virtus*, ut dictum est (**293-4**).

**300.** — **Ad quintum** dicendum quod *baptismus remittit peccatum tantum uno modo*, quia est tantum sacramentum ; sed *pœnitentia pluribus, quia est virtus et sacramentum*.

1. yN « informatas ». — 2. Ed « Et » ; N. *ad* « ut est sacramentum ». — 3. α « in primo libro ». — 4. α « sacramenti et gratiæ » ; y « gratiæ et sacramenti ». — 5. y « quia ».

## ARTICULUS V

[III, q. 86, a. 2; q. 87, a. 1.]

**301. — AD QUINTUM SIC PROCEDITUR.** Videtur quod **SINE POENITENTIA PECCATORUM REMISSIONEM QUIS CONSEQUI POSSIT, ET PREDICTOS EFFECTUS OMNES ; ET ITA NON ERIT NECESSARIA AD SALUTEM.**

1. Super illud *ps.* (cxxv, 5) : « *Qui seminant in lacrymis* », dicit GLOSSA : « *Noli esse tristis, si adsit tibi bona voluntas, unde metitur pax.* » Sed aliquis potest habere bonam voluntatem sine dolore poenitentiae, vel sine actuali consideratione peccatorum suorum praeteritorum. Ergo poenitentia non est peccatori necessaria ad salutem.

2. **Præterea.** Luc., vu, 47 super illud : « *Dimissa sunt ei peccata multa* », dicit GLOSSA (L. 114, 272) : « *Ardor caritatis rubiginem peccatorum in ea consumpsit.* » Sed aliquis potest converti in Deum ardentem per caritatem sine hoc quod convertatur ad peccata praeterita per poenitentiam. Ergo sine poenitentia potest salutem consequi post peccatum.

3. **Præterea.** Sicut se habet aversio a Deo ad damnationem, ita conversio ad Deum ad salutem. Sed aversio a Deo sine omni delectatione potest esse causa damnationis. Ergo conversio ad Deum sine omni dolore poenitentiae potest esse causa salutis. Et sic idem quod prius.

4. **Præterea.** Motus fidei qui praecedit poenitentiam, posset intantum intendi quod sufficienter disponderet ad gratiam habendam. Sed gratia sufficit etiam ad salutem etiam sine operibus. Ergo sine opere poenitentiae peccator posset salutem consequi.

5. **Præterea.** In ultimo instanti vitae posset infundi gratia. Sed post ultimum instans non remaneret aliquid instans vitae praesentis, in quo tantum poenitentia potest esse fructifera. Ergo sine omni actu poenitentiae potest homo salutem per gratiam consequi.

**302. — SED CONTRA** est quod Augustinus dicit in libro, de Poenitentia<sup>3</sup> (serm. 351, c. 2; L. 30, 1537) : « *Nemo suae voluntatis arbiter constitutus potest inchoare novam vitam, nisi poenitentiae eum veteris vitae.* » Sed nullus potest consequi salutem nisi in novitate vitae inveniatur. Ergo sine poenitentia nullus salutem consequi potest.

**303. — Præterea.** Sicut baptismus ordinatur contra originale peccatum, ita poenitentia contra actuale. Sed nemo potest ab originali mundari nisi per baptismum vel susceptum actu vel proposito saltem. Ergo nec ab actuali sine poenitentia.

1. N. ad « aliquis » et om. « quis » infra. — 2. N. P. om. « etiam ». — 3. Ed. om. « in libro de Poenitentia ».

**304. — Præterea.** Ab omnibus dicitur quod poenitentia est sacramentum necessitatis. Sed hoc non esset, si sine ea posset esse salus. Ergo, etc.

**305. — RESPONSIO.** Dicendum quod manente causa, manet effectus. *Causa autem quare aliquis privatur gratia per peccatum, est inæqualitas peccatoris qua Deum offendit.* Unde quamdiu ista inæqualitas ad æqualitatem non reducitur, non potest privatio gratiæ cessare.

Hoc autem facit poenitentia per suum actum, ut dictum est supra (235). Unde **sine actu poenitiæ peccatori salus esse non potest.**

**306. — AD PRIMUM** ergo dicendum quod *bona voluntas quæ ad pacem merendam sufficiat, sine pœnitentia esse non potest, quia non est ad æqualitatem reducta.* Et ideo ratio ex falsis procedit.

**307. — Ad secundum** dicendum quod *sicut inter homines non restituitur amicitia post offensam nisi per aliquem de offensa dolore ; ita nec caritas post peccatum, nisi per poenitentiam.*

**308. — Ad tertium** dicendum quod in aversione a Deo sèmp̄ est conversio ad bonum commutabile ; et illa quamvis non habeat delectationem sensibilem, sèmp̄ tamen habet quamdam placentiam voluntatis. *Et similiter oportet quod conversioni ad Deum adjungatur displicentia ; et hoc dolor pœnitentiæ dicitur.*

**309. — Ad quartum** dicendum quod *motus fidei nunquam potest tantum intendi quod gratiæ continuetur, nisi poenitentia mediante.*

**310. — Ad quintum** dicendum quod forte non est accipere ultimum instans vitæ sed est accipere primum instans mortis ; alias inter penultimum<sup>4</sup> instans vitæ et primum instans mortis, cum sit aliud et aliud instans, esset medium tempus. Sed supposito quod sit ultimum instans vitæ, tunc in illo eodem instanti et gratia infundetur et motum pœnitentiæ homo habebit. *Et talis pœnitentia sufficit ad salutem, ut dicit Augustinus in lib. De ecclesiasticis dogmatibus (c. 47 ; L. 58, 1220).*

#### EXPOSITIO TEXTUS

**311. — « Post hæc de poenitentia etc. » (1)**

**Videtur** quod de poenitentia ante confirmationem et eucharistiam debuerit tractari ; quia prius est recedere a malo quod pertinet ad poenitentiam, quam perfici in bono quod pertinet ad illa duo sacramenta.

**Et dicendum** quod confirmatio et eucharistia sunt de prima

1. N. « enim ». — 2. Ed. « hic ». — 3. Ed. « poenitentia ». — 4. Ƴ « ultimum », P. « primum ». — 5. F. om. « est ».

intentione sanctificationis ; sed pœnitentia est de secunda intentione ; quia si homo nunquam a gratia baptismali caderet, non indigeret pœnitentia ; indigeret tamen confirmatione et eucharistia.

**312.** — « Est enim pœnitentia interior, etc. » (2)

Secundum hoc etiam **videtur** quod baptismus sit virtus ; quia etiam est baptismus interior, scilicet baptismus flaminis.

**Et dicendum** quod interior baptismus non dicitur baptismus nisi metaphoricè ; sed interior pœnitentia dicitur pœnitentia vere.

**313.** — **Et præterea.** Interior actus non est de necessitate baptismi, alias pueri non possent baptizari ; sed interior actus est de necessitate pœnitentiæ.

**314.** — « Nihil prosunt lamenta, etc. » (9)

**Hoc intelligendum** est de illis qui voluntate habituali replicant.

**Vel intelligendum** quod nihil prosint ad vitam consequendam ; quia « *qui perseveraverit usque in finem, hic salvus erit* » (Mat., xxiv, 13). Baptismus tamen ratione characteris quem imprimit, aliquid valet, etiam si homo fictus accedat.

**315.** — « Pœnæ graviori se subjicit. » (10)

**Hoc intelligendum est** de illis qui exteriorius per pœnitentiam hypocrisim prætendunt ; quia « *simulata æquilas est duplex iniquitas* », ut Augustinus dicit (in ps. 63, n. 11 ; L. 37, 765).

**Vel hoc dicitur** quia tollitur excusatio de ignorantia vel subreptione in eo quod peccatum advertit, de eo pœnitens.

**316.** — « Vera pœnitentia est cessare a peccato. » (12)

**Sciendum** quod « *cessare a peccato* », non dicit simplicem negationem peccati ; quia qui intermittit actum peccati, non dicitur a peccato cessare ; sed cessare a peccato proprie dicitur, cui peccatum displicet et peccatum dimittere intendit ; et hæc est vera pœnitentia.

**317.** — « Cum emendationis proposito, etc. » (12a)

**Sed contra.** Unius habitus unus est actus ; hic autem ponuntur quatuor actus pœnitentiæ : scilicet propositum emendationis, plangere peccata præterita et odire et iterum nolle ulterius committere.

**Et dicendum** quod ista quatuor se consequuntur in pœnitentia, et ideo quasi pro uno actu computantur ; quia *sicut* amor delectationem parit in consideratione amati, *ita* odium peccati tristitiam de ipso parit, et tristitia ad destructionem ipsius movet. Et ideo inter quatuor prædicta primum est odire peccata ; secundo ea plangere, tertio ea destruere, quantum ad præterita cum proposito emendationis, et quantum ad futurum per hoc quod homo plangenda committere nolit, quod est quartum.

**318.** — « Semper puniens in se » : (16) habitu vel proposito, sed non semper actu ; quia quandoque etiam motibus aliarum virtutum debet commoveri.

1. Ed. om. « qui ». — 2. Ed. γ « locundum ». — 3. Ed. « tertium ».

**319.** — « De pœnitentia perfectorum, etc. » (17)

Perfectos hic vocat qui in pœnitentia sunt perfecti, eam usque ad finem vitæ continuantes.

**320.** — « Si nos aliqua culpa mortalis etc. » (18a)

**Sciendum** quod culpa mortalis est quæ gratiam tollit, per quam est vita animæ; et sic omnis culpa mortalis est contra gratiam. Sed *quædam* est contra rationem, ut perjurium; *quædam* etiam contra naturam, ut sodomia; *quædam* autem est crimen, quæ est digna accusatione in iudicio; *quædam* autem est blasphemia quæ est impositio alicujus falsi in Deum vel ei subtrahendo quod inest vel attribuendo quod non inest.

**321.** — « Quod tamen in quibusdam Ecclesiis non servatur. » (18a)

**Hoc intelligitur** de pœnitentia publica; sed solemnis, ut *Quidam* dicunt, nunquartum iteratur.

**322.** — « Nec minus tribuit etc. » (19a) verum est<sup>2</sup> quantum in ipso est, dummodo æqualiter se homo ad gratiam habendam præparet. Non tamen oportet quod semper in æquali caritate resurgat, ut in III lib. (d. 31, 81) dictum est.

**323.** — « Etiam si ad summum perveniat malorum etc. » (19a).

**Hoc intelligendum** est quantum ad actum, non quantum ad potentiam; quia aliquis est ita malus quod nullus alius est pejor, non autem ita quod alius possit esse pejor.

**324.** — « Et tamen graviter postea deliquit. » (19a)

**Sed contra.** Moyses etiam numeravit (*Numer.*, i), nec tamen dicitur peccasse.

**Et dicendum** quod Moyses numeravit ex præcepto Domini, sed David ut in populo gloriaretur. Ideo autem eo peccante populus percussus est propter ostendendam habitudinem populi ad Principem, sicut *Augustinus* dicit in *Josue* vi (L. 34, 7781 de Acham. Ostenditur enim in ipsa pœna Acham quantum sit bonum in populo ipsa unitas, ut non in seipsis singula, sed in toto partes æstimentur.

**325.** — **Vel** sicut *Gregorius* dicit (lib. XXXI<sup>2</sup>? *Moral.*, c. 16, n. 35; L. 76, 344) super illud *Job*, xxxiv, 30: « *Qui regnare facit hypocritam, etc.*, « *pro qualitatibus subditorum disponuntur data regentium, nec sæpe per merita gregis<sup>3</sup> etiam vere boni delinquat vita pastoris; et David populum numerando peccavit, et tamen vindictam populus de peccato suscepit.* »

**326.** — **Vel dicendum** quod quia de populi elatione peccavit, ideo in populi occisione punitus fuit, sicut aliquis dominus in amissione possessionis.

Nec tamen populus injuste passus est, quia hoc meruerat, Absalon sequendo.

1. *γ om.* « autem a. - 2. *α γόεζηθι.* « unde » sed *γ cor.* in « verum est », sicut habet *k*, ed. « videlicet ». — 3. *γ « nec semper », ed. « ut s̄rpe propter demerita gregis »*

## DISTINCTIO XV

Quod pluribus irretitus peccatis non potest pœnitere  
DE UNO VERE, NISI DE OMNIBUS PœNITEAT

1. — Et sicut del prædictis auctoritatibus illorum error convincitur qui pœnitentiam sæpius agendam non putant<sup>2</sup>, et per eam a lapsu peccantes frequenter surgere diffitentur, ita eisdem illorum opinio eliditur qui pluribus irretitum peccatis asserunt de uno vere pœnitere ejusdemque veniam a Domino consequi posse sine alterius pœnitentia.

Quod etiam auctoritatibus adstruere conantur.

Ait enim Propheta (Nahum, i, 9) : « *Non judicabit Deus bis in idipsum* », vel, ut alii transtulerunt : « *non consurget duplex tribulatio*. » Si ergo, iniqui illi, aliquis sacerdoti fuerit confessus unum de uobus vel pluribus peccatis, et de illo injunctam sibi a sacerdote satisfactionem<sup>3</sup> expleverit, ceteris tacitis, non pro illo peccato amplius judicandus est, de quo satisfacit ad arbitrium sacerdotis qui vicem Christi in Ecclesia gerit. Idcoque si de eo iterum judicetur, bis in idipsum judicat Deus, et consurget duplex tribulatio.

2. — Sed *-de his tantum oportet illud intelligi qui praesentibus supplicii commutantur in bonum et sic perseverant, super quos non consurget duplex tribulatio. Qui vero inter flagella duriores et deteriores fiunt, ut P/iaroof praesentibus aeterna connectant, ut temporale supplicium sit eis aeternae pœnae initium. Unde Augustinus<sup>3</sup> : « Ignis succensus est etc. — id est, vindicta hic incipiet — et ardebit usque ad extremam damnationem. » Hoc contra illos notandum est, qui dicunt illud, scilicet : Non judicabit Deus bis in idipsum, ad omnia pertinere flagella, quia quidam his flagellis emendantur, alii hic et in aeternum puniuntur. »*

a. — Quinque enim modis flagella contingunt : vel ut justis per patientiam merita augeantur, ut Job (i, 12), vel ad custodiam virtutum, ne superbia tetent, ut Paulo<sup>3</sup> ; vel ad corrigenda peccata, ut Mariæ lepra<sup>7</sup> ; vel ad gloriam Dei, ut de cæco nato<sup>8</sup> ; vel ad judicium<sup>9</sup> pœnae, ut Herodi (Act., XII, 23), quatenus hic videatur, quid in inferno sequatur, secundum illud (Jer., xvii, 18) : « *Duplici contritione contere eos Domine*. » « *Illa ergo auctoritas Nahum non cogit nos sentire omnia quæ temporaliter puniuntur, non ulterius a Deo punienda* » (Beda, in Mat., ix, 4 ; L. 32, 46).

Nam etsi supra eundem locum Hieronymus dicat Aegyptios et Israelites a Deo temporaliter punitos, ne in aeternum punirentur, non est tamen de omnibus generaliter intelligendum. Ait enim sic (In I Nahum, 9 ; L. 25, 1238) : « *Si vobis videtur crudelis et rigidus, quia<sup>TM</sup> genus humanum diluvio, Sodomitas igne, Aegyptios mari, et Israelitas in eremo perdidit, scitote ideo temporaliter pro peccatis punisse, ne in aeternum puniret* » : quia non « *judicabit Deus bis in idipsum* ». Qui ergo puniti sunt, postea non punientur<sup>11</sup>, alioquin mentitur Scriptura : quod nefas est dicere.

1. Quar. om. « de ». — 2. Quar. om. « non putant ». — 3. Ed. « injunctam sibi, pœnitentiam a sacerdote satisfactione ». — 4. Cfr. Exod., vn sq. — 5. Gregorius ! xviii, Moral., c. 22, n. 35 ; L. 76, 56. — 6. II Cor., xn, 7. — 7. Quar. « ut ». Num., xn, 10. — 8. Joan., ix. — 9. Quar. « initium ». — 10. Quar. om. « Si vobis videtur crudelis et rigidus », et habet « quod ». — 11. Ed. « puniuntur ».

## Quæ SIT INTELLIGENTIA PRÆMISSORUM

3. — Attende lector his verbis, et cave ne de omnibus generaliter intelligas, « *sed de his tantum qui inter ipsa flagella pœnitentiam egerunt, credentes in Deum Hebræorum; quam etsi brevem et momentaneam, tamen non respuit Deus* » (ubi supra).

Quodl autem qui per temporale flagellum non corriguntur, post aeternaliter puniantur, ibidem ostendit agens de fideli deprehensio in adulterio, qui decollatur; ubi ostendit<sup>2</sup> levia peccata brevi et temporali supplicio purgari, magna vero diuturnis æternisque suppliciis reservari, ita inquires: « *Quærat hic aliquis, si fidelis deprehensus in adulterio decolletur, quid de eo postea fiat? Aut enim punietur, et falsum est quod dicitur: « Non iudicabit Deus bis in idipsum»; aut non punietur, et optandum est adulteris ut hic brevi pœna puniantur, ut frustrentur in<sup>3</sup> cruciatibus xternos.*

a. — Ad quod respondemus, Deum ut omnium rerum, ita suppliciorum quoque scire mensuras, et non præveniri sententiam iudicis, nec illi in peccatorem exercendæ dehinc pœnæ auferri potestatem; et magnum peccatum magnis diuturnisque lui cruciatibus. Si quis vero punitus sit temporaliter<sup>1</sup>, ut ille qui Israelites maledixerat (Levit., xxiv, 14) et qui in sabbato ligna collegerat (Num., xv, 36) tales postea non puniri, quia culpa levis pœsenti supplicio compensata sit. Levis enim culpa levi supplicio compensatur<sup>5</sup>.

His satis innuit Hieronymus gravia peccata et hic puniri gravi supplicio, et in futuro punienda aeternaliter, de quibus pœnitentia non agitur inter flagella; levia vero quæ hic puniuntur, levi poena compensationem recipere: quod in bonis fieri non ambigimus, et in malis forte etiam fit ita.

Satis jam apparet quod illi de prophetia induxerunt non facere pro eis qui dicunt, ei qui crimen sibi reservat, de alio veniam præstari per pœnitentiam.

4. — Alias quoque auctoritates inducunt.

5. — Ait enim Gregorius (In Ezech., lib. I, hom. 10, n. 23; L. 76, 895): « *Pluit Dominus super unam civitatem, et super alteram non pluit; et eandem civitatem ex parte compluit, et ex parte aridam relinquit. Cum ille qui proximum odit, ab aliis vitiis se corrigit, una eademque civitas ex parte compluit\*, et ex parte arida remanet; quia sunt quidam qui cum quædam vitia rescent, in aliis graviter perdurant.* »

6. — Item Ambrosius (Serm., 18 in psal. cxviii, n. 3; L. 15, 1453): « *Prima consolatio est, quia « non obliviscitur misereri Deus. » Secunda per punitionem, ubi etsi fides desit, pœna satisfacit et relevat.* »

7. — Ratione quoque utuntur dicentes: Si is qui unum peccatum confiteretur<sup>8</sup>, altero tacito, et satisfactionem a sacerdote injunctam expleverit, numquid si et peccatum tacitum conversus fuerit confessus, pro utroque ei pœnitentia imponetur? Longe hoc videtur a ratione et Ecclesiæ consuetudine, quæ pro eodem peccato, nisi<sup>9</sup> reiteretur, nulli bis pœnitentiam imponit. Fuit ergo illa peccati condigna satisfactio, unde et peccatum deletum videtur.

## Quomodo accipienda sunt præmissa

8. — His responderi potest sic. Illud Gregorii: « *Pluit Dominus, etc.* », non ad criminis veniam, sed ad operis peccati desertionem referendum

1. Ed. « Quia ». — 2. Ed. om. per homot. « agens de fideli deprehensio in adulterio qui decollatur; ubi ostendit ». — 3. Ed. « ibi ». — 4. Quar. om. « temporaliter ». — 5. Ed. om. per homot. « compensata sit. Levis enim culpa levi supplicio ». — 6. Quar. « compluit », cfr. 8. — 7. Ed. « Si quis ». — 8. Quar. « confitetur ». — 9. Ed. « ne ».

est ; ut ideo pars civitatis dicatur complui, quia ab actu et delectatione peccati, cui ante serviebat, modo cessat ; non quod ejus veniam habeat. Vocaturque pluvia illa talis continentia qua ab opere peccati revocatur, quia ex fonte gratiæ Dei id cordi instillatur, ut vel sic paulatim ad poenitentiam veniat, vel eo minus a Deo puniatur quod diuturniori delectatione et actu peccati majus sibi accumulasse tormentum. Si vero ad indulgentiam reatus pluvia referatur, evangelicæ sententiæ contraire videbitur (Mat. xviii, 32).

a. — Si enim propter immisericordiam, qua quis proximo suo non miseretur, etiam quæ sunt dimissa replicantur ad pœnam, multo magis quæ nondum sunt dimissa, propter odium fraternum ad pœnam reservari probantur. Et si ille « *qui arbiter suæ voluntatis constitutus est, non potest inchoare novam vitam, ut ait Augustinus (Serm. 351, c. 2, n. 2 ; L. 39, 1537), nisi pœniteat eum veteris vitæ, quomodo ad novitatem indulgentias perveniet qui odii vetustatem non deposuit* » ?

9. — Illud etiam quod Ambrosius ait : « *Etsi fides desit, pœna satisfacit etc.* » non de fide intelligitur qua creditur in Deum, sed de conscientia delicti. Deest enim fides, cum conscientia peccati non subest. Nam cum omnia delicta nemo intelligat (Ps. xviii, 13), est aliquando in homine peccatum cujus non habet conscientiam. Unde Apostolus (I Cor., iv, 4) : « *Nihil mihi conscius sum; sed non in hoc justificatus sum.* » Cum ergo quis flagellatur pro peccato cujus non est conscius, si patienter fert pœnam et humiliter amplectitur, cogitans se forte peccatum habere quod non intelligit, et pro eo puniri a Deo, pœna illa satisfacit et relevat gravatum.

10. — Ad hoc autem quod objicitur de satisfactione illa : Si satisfactio non fuit, iterum imponenda est ; si vero iterum imponenda non est, satisfactio fuit ; et si satisfactio fuit, veniam impetravit : responderi potest, satisfactionem ideo non fuisse, quia ille « *dignos fructus pœnitentiæ* » non fecit (Mat., iii, 8).

« *Est enim satisfactio pœnitentiæ, ut ait Augustinus (De eccles. dogm., c. 54 ; U. 58, 994), peccatorum causas excidere, nec suggestionibus earum aditum indulgere.* »

Idem (Enchirid., c. 75 ; L. 40, 267) : « *Sane qui scelerate vivunt, nec curant talem vitam moresque corrigere, et inter ipsa facinora sua eleemosynas frequentare non cessant, frustra ideo sibi blandiuntur, quia Dominus ait (Lue., i, 41) : « Date eleemosynam, et ecce omnia munda sunt vobis. Hoc enim quam late pateat, non intelligunt.* »

« *Multa enim sunt genera eleemosynarum, quæ cum facimus, adjuvamus. Non solum qui dat esurienti cibum, sitiienti potum et hujusmodi ; sed etiam qui dat veniam petenti, eleemosynam dat, et qui emendat verbere in quem potestas datur, vel coercet aliqua disciplina, vel orat ut ei peccatum dimittatur, eleemosynam dat, quia misericordiam præstat* » (c. 72). « *Multa enim bona præstantur invitis, quando eorum consulitur utilitati, non voluntati* » (ibid.). « *Sed ea major est qua ex corde dimittimus quod in nobis quisque peccavit. Minus enim magnum est erga eum esse benevolum qui tibi nihil mali fecit ; illud multo grandius, ut tuum etiam, inimicum diligas, et ei qui tibi malum vult, et si potest, facit, tu semper bonum velis faciasque quod possis* ».

« *Quod ergo Dominus ait : « Date eleemosynam, et omnia munda sunt vobis : itane intellecturi sumus ut non credentibus in Christum munda sint omnia, si eleemosynas istas dederint ? (c. 75). « Qui vult ordinale eleemosynam dare, a se debet primum incipere, et eam primum sibi dare » (c. 76).*

1. Ed. « misericordiam ». — 2. Quar. om. « suo ». — 3. Quar. « igitur ». — 4. Ed. « Item Augustinus ». — 5. Ed. « nos ».

*Est enim eleemosyna opus misericordiæ, verissimeque dictum est (Eccli., xxx, 24) : « Miserere animæ tuæ placens Deo. »*

**a.** — *« Non ergo se fallant qui per eleemosynas largissimas fructuum suorum vel pectiniæ impunitatem se emere æstimant, in peccatis permanentes, quæ ita diligunt ut in eis optent versari. « Qui vero diligit iniquitatem, odit animam suam » (Ps. x, 6), et qui odit animam suam, non est misericors ei, sed crudelis. Diligendo quippe eam secundum sæculum, odit eam secundum Deum. Si ergo vult ei dare eleemosynam suam per quam fit munda, odiat eam secundum sæculum, et diligit eam secundum Deum » (c. 77).*

Hac eleemosyna quam sibi homo primitus debet, mundantur interiora.

**b.** — Ad quod hortans Christus ait (Mat., xxxiii, 26) : *« Mundate que intus sunt. »* Immundis enim nihil est mundum; sed inquinatæ sunt eorum et mens et conscientia, ut ait Apostolus (ad Tit., i, 15). Immundi vero sunt omnes quos non mundat fides qua creditur in Christum, de qua scriptum est (Act., xv, 9) : *« Mundans fide corda eorum. »* *« Sed ne istas eleemosynas quæ fiunt de fructibus terræ, respuere Christus videretur : Hæc, inquit (Mat., xxxiii, 23), oportuit facere, scilicet iudicium et caritatem Dei ; et illa non omittere, id est eleemosynas fructuum terrenorum »*

**C.** — Ex his datur intelligi quod in peccato mortali permanentes, etsi eleemosynas largas faciant, non tamen per eas satisfaciunt, quia inordinate agunt, dum a se non incipiunt. Nec proprie dicitur eleemosyna tale opus, dum sibi ipsis crudeles existunt non placentes Deo. Non ergo dicenda est illa peccati satisfactio quam quis agit pro uno peccato, dum perdurat in altero ; quia *« nihil prodest jejunare et orare et alia bona agere, nisi mens revocetur a peccato »* : et si aliquando conversus tacitum peccatum sacerdoti fuerit confessus, de utroque imponenda est ei satisfactio ; quia de primo condigne non satisfacit.

#### Secundum quosdam fuit satisfactio

**11.** — Quibusdam tamen videtur fuisse satisfactio, sed infructuosa, dum in peccato altero persistit ; percipietur tamen\* fructus ejus, incipietque proficere, cum peccati alterius pœnituerit. Tunc enim utrumque dimittitur peccatum, et satisfactio præcedens vivificatur, quæ fuerat mortua : sicut baptismus illi qui fecte accepit, tunc primitus valet, cum factio a mente recedit per poenitentiam.

Et in hujus opinionis munimentum auctoritates inducunt.

Ait enim Augustinus (lib. *De vera et falsa pœnitentia* c. 14, n. 29 ; L. 40, 1125) : *« Pium est credere, et nostra fides expostulat, ut cum gratia Christi in homine destruxerit mala, priora etiam remuneret bona ; et cum destruxerit\* quod suum non invenit, diligit bonum quod in peccante plantavit. »*

Item Hieronymus (*In Aggeum* i, 6 ; L. 25, 1394) : *« Si quando videris inter multa peccata quemquam facere aliqua justa opera, non est tam injustus Deus ut propter multa mala obliviscatur paucorum honorum : sed jacet eum metere et in horrea congregare quæ bona in terra seminavit. »*

**12.** — Sed hæc dicta intelligimus de illo qui in caritate quodam tempore bona facit et bonus est ; alio vero tempore malus est et multa peccata facit. Non ergo intelligendum est eum inter multa peccata justa opera fecisse, quasi simul eodemque tempore peccata fecerit et justa opera ; sed diversis temporibus utraque fecisse. Nisi enim bonus foret quando bona fecit, non seminasse diceretur in terra bona. Destructis

1. Quar. om. « suam ». — 2. Quar. « polluta ». — 3. Quar. om. « et ». — 4. Quar. » igitur — 5. Quar. « autem ». — 6. Quar. « incipientque ». — 7. Quar. ad. « hoc ». — 8. Quar. « destruxit ». — 9. Quar. « diligit ».

ergo malis post opera bona commissis, priora bona, in caritate scilicet facta, quæ sequentia mala mortificaverant, pœnitentia de illis malis habita vivificantur et remunerantur.

Unde APOSTOLUS (*Heb.*, vi, i) : « *Jacientes, fundamentum pœnitentiæ ab operibus mortuis* » ; opera mortua nominans, priora bona significat, quæ per sequens peccatum erant mortua, quia hi peccando priora bona irrita fecerunt. Hæc sicut peccando fiunt irrita, ita per poenitentiam reviviscunt et ad meritum æternitatis prodesse incipiunt. Similiter et illud bonum amat Deus quod plantavit in peccante, in illo scilicet qui post illud bonum peccavit, non simul peccans et bonum operans existit ; quia talis hominis opus non diligeret Deus ad remunerationem.

13. — Potest etiam accipi de operibus bonis quæ ab aliquo fiunt dum malus est et in peccato mortali persistit vel ad tempus vel usque in finem, quæ dicuntur a Deo remunerari et non dari oblivioni, non quia proficiant ad vitam æternam obtinendam, sed ad tolerabilius extremi iudicii supplicium sentiendum ; sicut de fide et ceteris quæ sine caritate habentur, AUGUSTINUS ait (*lib. De patientia*, c. 26, n. 23 ; *L.* 40, 623) : « *Si quis non habens caritatem quæ pertinet ad unitatem spiritus et vinculum pacis quo Ecclesia connectitur, in aliquo schismate constitutus, ne Christum neget, patitur tribulationes, famem, persecutionem vel flammam vel bestias vel ipsam crucem timore gehennæ, nullo modo ista culpanda sunt, imo et hæc laudanda est patientia. Non enim dicere poterimus melius ei fuisse ut Christum negando nihil horum pateretur quæ passus est confitendo ; sed aestimandum est fortasse tolerabilius ei esse futurum iudicium, quam si Christum negando nihil horum pateretur, ut illud quod ait APOSTOLUS (*I Cor.* xm, 3) : « Si tradidero corpus meum ita ut ardeam, caritatem autem non habuero, nihil mihi prodest » ; nihil prodesse intelligatur ad regnum obtinendum, etsi ad extremi iudicii tolerabilius subeundum supplicium. »*

Et infra (AUGUST. *ibid.* c. 23, n. 20) : « *Hæc propter caritatem dicta sunt, sine qua in nobis non potest esse vera patientia, quoniam in bonis caritas Dei est quæ tolerat omnia.* »

*Perstringit dictorum summam, ut alia addat*

Ex his ostenditur bona quæ sine caritate fiunt, prodesse quidem ad tolerabiliorem poenam sentiendam, sed non ad vitam obtinendam.

14. — Illa etiam quæ in caritate quis facit, si postea prolapsus fuerit nec exsurrexerit, non esse in memoria Dei. Unde EZECHIEL ixviii, 24) dicit : « *Si averterit se justus a justitia et fecerit iniquitatem, numquid vivet ? Omnes justitiæ ejus quas fecerat, non recordabuntur, (Et cap. in, 20) : In peccato suo morietur, et non erunt in memoria justitiæ quas fecit.* »

In cujus loci expositione GREGORIUS ait (*Horn.* 11, n. 21 ; *L.* 76, 914) : « *Hoc nobis maxime considerandum est, quia cum mala committimus, sine causa ad memoriam transacta bona revocamus ; quoniam in perpetratione malorum nulla debet esse fiducia bonorum præteriorum.* »

Intelligendum est hic, ad vitam percipiendam bona præterita non dare fiduciam, etsi ad mitiorem poenam ; alioquin præmissæ auctoritati AUGUSTINI obviaret. Et bona ergo sine caritate facta, et bona in caritate facta, quæ concomitantur mortalis culpa, quam non delet sequens pœnitentia, ad, sensum mitioris pœnæ proficiunt, non ad vitæ fructum.

1. Ed. « signat ». — 2. Quar. « bene ». — 3. Ed. « debent ». — 4. Quar. « hic ». — 5. Ed. « dicitur ». — 6. Ed. « hoc ». — 7. Quar. « igitur ». — 8. Quar. *om.* per *homot.* « et bona in caritate facta ». — 9. Quar. « comitatur ».

Auctoritates alias inducit contra eos qui dicunt de uno  
PECCATO PŒNITENTIAM AGI, ALTERO TACITO

15. — Satis arbitror illis esse responsum qui asserunt, de uno crimine

poenitentiam agi et veniam præstari, alio in delectatione retento, vel per confessionem non exposito.

Qui non modo præmissis auctoritatibus confutantur, sed etiam subditis.

Ait enim Augustinus [*De vera et falsa pœnit.*, c. 9, n. 24 ; L. 40, 1121] : « Sunt plures quos pœnitent peccasse, sed non omnino, reservantes sibi quædam in quibus delectentur, non animadvertentes Dominum simul mutum et surdum a daemone liberasse (Mar. c., vii), per hoc docens nos numquam nisi de omnibus sanari. Si enim vellet peccata ex parte reservari, habentem septem dæmonia proficere potuit sex expulsis. Expulit autem septem, ut omnia crimina simul ejicienda doceret. Legionem vero daemonum ab alio ejiciens (Luc. vin, 30) nullum reliquit de omnibus qui liberatum possideret, ostendens quod si etiam peccata sint mille, oportet de omnibus pœnitere.

a. — Nunquam aliquem sanavit Dominus quem non omnino liberavit. Totum enim hominem sanavit in sabbato (Luc., vin, 30), quia et corpus ab omni infirmitate, et animam ab omni contagione ; indicans pernitentem oportere simul dolere de omni crimine. Scio enim Dominum inimicum essis omni criminoso. Quomodo ergo qui crimen reservat, de alio reciperet veniam ? Sine amore Dei consequeretur veniam, sine quo nemo unquam invenit gratiam. Iustus enim Dei est dum offendit perseveranter.

b. — Quædam enim impietas infidelitatis est, ab illo qui justus et justitia est, dimidiam sperare veniam, jam enim sine vera poenitentia inveniret gratiam.

c. — Pœnitentia enim vera ad baptismi puritatem conatur ducere. Recte enim pœnitens quidquid sordis post purificationem baptismi contraxit, oportet ut abluit saltem lacrymis mentis. Sed satis durus est cujus mentis dolore oculi non declarant. Sed sciat se culpabiliter durum qui deflet damna temporis vel mortem amici, et dolorem peccati non ostendit in lacrymis. Quem ergo pœnitent, omnino pœniteat. »

Idem (in Serrn. 393, n. 1 ; L. 39, 1713) : « Pœnitentes, si vere estis pœnitentes, et non estis irridentes, mutate vitam, reconciliamini Deo. Pœnitentiam agis, genua figis, et rides : subsannans Dei patientiam. Si poenitentiam agis, pœniteat te : si non pœnitent, non es pœnitens. Si ergo pœnitent, cur facis quæ male fecisti ? Si fecisse pœnitent, noli facere. Si adhuc facis, certe non es pœnitens. »

Item Innocentius II [*Decret.*, de Pœnit. d. 5 ; L. 187, 1242] : « Admonemus fratres nostros ne falsis poenitentibus laicorum animas decipi et in infernum pertrahi patiantur. Falsam autem poenitentiam esse constat, cum spretis pluribus, de uno solo poenitentia agitur : vel cum sic agitur de uno ut non discedatur ab alio. »

Repetit de vera pœnitentia, ut addat

16.— Ex præmissis perspicua fit notitia pœnitentiæ et satisfactionis.

Illa enim vera est poenitentia quæ peccatum abolet : quod illa sola facit quæ scelus corrigit ; illa vero scelus corrigit quæ odium commissi criminis et committendi cum desiderio satisfaciendi affert.

Judas enim poenitentis legitur sine assecutione veniæ, quia tali poenitentia non correxit crimen.

1. Quar. ad « tamen ». — 2. Quar. « docet », et ed. om. « nos ». — 3. Quar. « habentem ». — 4. Quar. « perficere ». — 5. Quar. om. « esse ». — 6. Quar. om. « baptismi ». — 7. Ed. « subsannas ». — 8. Ed. « vel ».

a. — Unde Hieronymus (Lib. IV in Mat., xxvix, 5 ; L. 26, 204) : « *Nihil Judæ profuit egisse poenitentiam, per quam scelus corrigere non potuit. Si quando frater sicl peccat in fratrem ut emendare nonl valeat quod peccavit, potest ei dimitti. Si autem permanent opera, frustra voce assumitur pœnitentia. Hoc est quod de eo dicitur (Ps. cvm, 7) : « Et oratio ejus fiat in peccatum » ; ut non solum emendare nequiverit proditiōnis nefas, sed proprii homicidii scelus addiderit. »*

Cave qualiter intelligas illud : « *Ut emendare non valeat quod peccavit, etc.* » Non enim emendatio hic<sup>3</sup> intelligenda est rei demptæ recompensatio, sed delicti exprobratio et abominatio cum satisfactionis desiderio. Demit enim injuste quis alicui quod restituere non valet, ut oculum vel vitam et hujusmodi ; et tamen si pœniterit peccati cum amore condignæ satisfactionis, veniam habet. Nec ideo quisquam putet qui rem alienam injuste abstulerit\*, quam reddere potest, de illo peccato poenitere ac veniam consequi, nisi restituat ablatum. « *Quamdiu enim res propter quam peccatum est, non redditur, si reddi potest, non agitur poenitentia, sed fingitur.* » (August., ep. 153, c. 5, n. 20 ; L. 33, 662.)

## DIVISIO TEXTUS

**17.** — « Et sicut de prædictis auctoritatibus<sup>5</sup> etc. » (1).

Postquam determinavit Magister de pœnitentia quantum ad sui veritatem, ostendens quid sit pœnitentia secundum sui veram rationem, et removens errorem Quorundam qui ad rationem pœnitentiæ addere volebant futuram perseverantiam, *hic intendit determinare de pœnitentia quantum ad sui integritatem*, quorundam errorem removens, qui falso opinabantur posse de uno peccato poenitentiam agi, et non de alio : quod est contra integritatem pœnitentiæ.

Et dividitur in partes duas. *In prima* solvit<sup>6</sup> rationes quæ sunt causa erroris. *In secunda* improbat ipsum errorem, ibi : « Satis arbitrò illis esse, etc. » (15).

Prima in duas, secundum quod error prædictus duos habuit modos positionis. *In prima* enim parte reprobatur rationes eorum qui dicebant quod de uno peccato sine alio poterat pœnitentia agi, et fructuose quantum ad præsens ; *in secunda* illorum qui ponebant quod hoc non erat fructuosum quantum ad præsens, sed quantum ad futurum, quando de peccatis aliis poenitentiam aget, ibi : « Quibusdam tamen videtur, etc. » (11).

Prima in duas. *In prima* excludit probationem eorum quæ ex auctoritatibus Canonis procedebat ; *in secunda* probationes ex auctoritatibus Sanctorum et rationes sumptas, ibi : « Alias quoque auctoritates inducunt, etc. » (4).

Circa primum tria facit. *Primo* ponit objectionem. *Secundo* solvit eam, ibi : « Sed de his ergo<sup>7</sup> oportet, etc... » (2). *Tertio* excludit quamdam dubitationem ex præcedenti solutione ortam, ibi : « Attende lector, etc. » (3).

1. Ed. om. « sic ». — 2. Ed. om. « non ». — 3. Ed. « hæc ». — 4. Quar. « abstulit ». — 5. Ed. om. « auctoritatibus, etc. ». — 6. Ed. « ponit ». — 7. Ed. om. « ergo ».

« Alias quoque auctoritates inducunt etc. » (4). Circa hanc partem *duo* facit. *Primo* ponit probationes illorum quorum *prima* est ex auctoritate Gregorii (5); *secunda* ex auctoritate Ambrosii (6); *tertia* ex ratione sumpta, ut per se patet (7). *Secundo* solvit eas : et *primo* ad auctoritatem Gregorii, ibi : « His responderi potest, etc. » (8); *secundo* ad auctoritatem Ambrosii, ibi : « Dicit etiam Ambrosius, etc. » (9); *tertio* ad rationem, ibi : « Ad hoc autem quod objicitur, etc. » (10).

« Quibusdam tamen videtur, etc. » (11). Hic destruit probationes alterius positionis. Et circa hoc *duo* facit. *Primo* ponit eas. *Secundo* solvit, ibi : « Sed hæc prædicta<sup>2</sup> intelligimus, etc. » (12).

Et ponit *duas* solutiones, quarum *secunda* incipit ibi : « Potest etiam accipi de operibus bonis, etc. » (13).

Et circa hoc *duo* facit. *Primo* ostendit quod bona extra caritatem facta, etsi valeant ad tolerabilius iudicium sustinendum, non tamen valent ad vitam consequendam. *Secundo* ostendit idem de operibus in caritate factis, quæ postea per peccatum mortificantur, ibi : « Illa etiam quæ in caritate, etc. » (14).

« Satis arbitratur, etc. » (15). Hic improbat ipsum errorem. Et circa hoc *duo* facit. *Primo* improbat errorem. *Secundo* concludit veritatem, scilicet quæ sit vera et sufficiens poenitentia ibi : « Ex præmissis perspicue<sup>3</sup> fit, etc. » (16).

Hic est quaerendum de satisfactione et de partibus ejus.

Unde quatuor hic quaeruntur.

*Primo* de ipsa satisfactione.

*Secundo* de eleemosyna.

*Tertio* de jejuniis.

*Quarto* de oratione.

His enim tribus homo satisfacit.

## QUÆSTIO I

Circa primum<sup>4</sup> quaeruntur quinque.

*Primo*, quid sit satisfactio.

*Secundo*, utrum possibile sit a nobis Deo satisfieri.

*Tertio*, qualiter homo satisfacere possit.

*Quarto*, per quæ.

*Quinto*, utrum restitutio sit pars satisfactionis.

1. Ed. « Illud autem quod Ambrosius ait, etc. ». — 2. Ed. » dicta ». — 3. Ed. u perspicua ». — 4. Ed. « hoc ».

## ARTICULUS I

[I]

**18. — AD PRIMUM SIC PROCEditur.** Videtur quod SATISFACTIO NON SIT NEQUE VIRTUS NEQUE VIRTUTIS ACTUS.

1. Omnis enim virtutis actus est meritorius. Sed satisfactio non est meritoria, ut videtur; quia meritum gratuitum est. Sed satisfactio debitum attendit. Ergo satisfactio non est actus virtutis.

2. **Præterea.** Omnis actus virtutis est voluntarius. Sed aliquando fit alicui satisfactio de aliquo eo invito: ut quando aliquis pro offensa in alterum commissa a iudice punitur. Ergo satisfactio non est virtutis actus.

3. **Præterea.** Secundum Philosophum *IIP Eth.* (γ 4. 1111b, 5; l. 5, n. 432), « *in virtute moris principale esi electio.* » Sed satisfactio non fit per electionem, sed respicit principaliter exteriora opera. Ergo non est virtutis actus.

**19. — SED CONTRA.** Satisfactio ad poenitentiam pertinet. Sed poenitentia est virtus, ut prius (d. 14, 48) dictum est. Ergo satisfactio est actus virtutis.

**20. — Præterea.** Nullus actus operatur ad deletionem peccati nisi sit actus virtutis, quia contrarium destruitur per suum contrarium. Sed per satisfactionem peccatum totaliter annihilatur. Ergo satisfactio est virtutis actus.

[II]

[III, q. 85, a. 3; q. 90, a. 21]

**21. — ULTERIUS.** Videtur quod non sit actus justitiæ.

1. Quia satisfactio fit ad hoc quod reconcilietur ei quem offendit. Sed reconciliatio, cum sit amoris, ad caritatem pertinet. Ergo satisfactio est actus caritatis et non justitiæ.

2. **Præterea.** Causæ peccatorum in nobis sunt passiones animæ, quibus ad malum incitatur. Sed justitia, secundum Philosophum *{Eth. e l. 1129a, l; l. 1, n. 886}*, non est circa passiones sed circa operationes. Cum ergo ad satisfactionem pertineat « *peccatorum causas excidere* », ut in *Littera (10)* dicitur, videtur quod non sit actus justitiæ.

3. **Præterea.** Cavere in futurum non est actus justitiæ, sed magis prudentiæ, cujus pars ponitur cautela, ut in III lib d. 33 (274, 280) dictum est. Sed hoc pertinet ad satisfactionem; quia

1. αζη « vin ».

ipsius est « *suggestionibus peccatorum aditum non indulgere.* »  
**(10)** Ergo satisfactio non est actus justitiæ.

**22. — SED CONTRA.** Nulla virtus attendit rationem debiti nisi justitia. Sed « *satisfactio honorem debitum Deo impendit* », ut **ANSELMUS** dicit (in I lib. « *Cur Deus homo* » c. 11 ; L. 159, 377). Ergo satisfactio est justitiæ actus.

**23. — PRÆTEREA.** Nulla virtus habet rerum exteriorum edæ-  
 quationem perficere nisi justitia. Sed hoc fit per satisfactionem ;  
 quia constituitur æqualitas emendæ ad offensam præcedentem.  
 Ergo satisfactio est justitiæ actus.

## III]

t

**24. — ULTERIUS.** Videtur quod definitio satisfactionis  
 in Littera **(10)** inconvenienter ponatur ab **AUGUSTINO**. **Dicit**  
 enim quod satisfactio est « *peccatorum causas excidere, et eorum  
 suggestionibus, aditum non indulgere.* »

1. Causa enim actualis peccati fomes est. Sed in hac vita non  
 possumus fomitem excidere. Ergo satisfacere non est « *causas  
 peccatorum excidere* ».

2. **PRÆTEREA.** Causa peccati est fortior quam peccatum. Sed  
 homo per se non potest peccatum excidere. Ergo multo minus  
 causa peccati. Et sic idem quod prius.

3. **PRÆTEREA.** Satisfactio, cum sit pars pœnitentiæ, præteri-  
 tum respicit, non futurum. Sed « *non indulgere aditum Sug-  
 gessionibus peccatorum* » respicit futurum. Ergo non debet poni  
 in definitione satisfactionis.

4. **PRÆTEREA.** Satisfactio dicitur respectu offensæ præteritæ.  
 Sed de offensa præcedenti nulla fit mentio. Ergo inconvenien-  
 ter assignatur definitio satisfactionis.

5. **PRÆTEREA.** **ANSELMUS** ponit aliam definitionem in lib. « *Cur  
 Deus homo* » (I, c. 11 ; L. 158, 377), scilicet : « *Satisfactio est  
 honorem debitum Deo impendere ;* » in qua nulla fit mentio horum  
 quæ **AUGUSTINUS** hic ponit. Ergo altera earum videtur esse  
 incompetens.

6. **PRÆTEREA.** Honorem debitum Deo potest innocens impen-  
 dere. Sed satisfacere non competit innocenti. Ergo definitio  
**ANSELMI** est male assignata.

**25. — RESPONSIO.** Dicendum **AD PRIMAM QUÆSTIONEM**  
 quod aliquis actus dicitur esse actus virtutis *dupliciter*<sup>2</sup>.

*Uno modo materialiter.* Et sic quilibet actus qui malitiam  
 non habet implicitam vel defectum debitæ circumstantiæ, actus

1. N. L. « qua ». — 2. *α om.* « dupliciter ».

virtutis dici potest ; quia quolibet tali actu potest uti virtus in suum finem, sicut est ambulare, loqui et hujusmodi.

*Alio modo* dicitur aliquis actus esse actus virtutis *formaliter* ; quia ipso suo nomine formam et rationem virtutis implicitam habet : sicut fortiter sustinere dicitur actus fortitudinis.

**26.** — *Formale* autem cujuslibet virtutis moralis est ratio medii. Unde omnis actus qui rationem medii importat, actus virtutis formaliter est. Et quia æqualitas medium est, quod suo nomine satisfactio importat, cum non<sup>1</sup> dicitur aliquid satisfactum nisi secundum proportionem æqualitatis ad aliquid, constat quod **satisfactio etiam formaliter est actus virtutis.**

**27.** — **AD PRIMUM** ergo dicendum quod quamvis satisfacere<sup>3</sup> in se sit debitum, tamen in quantum satisfaciens voluntarie hoc opus exequitur, rationem gratuiti accipit ex parte operantis. *Ei sic operans facit de necessitate virliem.* Ex hoc enim debitum dimittere<sup>4</sup> habet meritum quod necessitatem importat, quæ voluntati contrariatur. *Unde si voluntas necessitati assentiat<sup>3</sup>, non tollitur ratio meriti.*

**28.** — **Ad secundum** dicendum quod *actus virtutis* non *requirit voluntarium* in eo qui patitur, sed *in eo qui facit, quia illius actus est.* Et ideo, cum ille in quem iudex vindictam exercet, se habeat ut patiens ad satisfactionem, non ut agens<sup>6</sup> ; non oportet quod in eo voluntaria sit satisfactio, sed in iudice faciente.

**29.** — **Ad tertium** dicendum quod principale in virtute potest accipi *dupliciter.*

*Uno modo* principale in ipsa, *in quantum est virtus.* Et sic ea quæ ad rationem pertinent, vel magis ei propinqua sunt, principaliora sunt in virtute. Et sic electio et interiores actus in virtute in quantum est virtus<sup>7</sup>, principaliores sunt.

**30.** — *Alio modo* potest accipi principale in virtute, *in quantum est talis virtus.* Et sic principalius in ipsa est ex quo determinationem recipit. Actus<sup>8</sup> interiores in aliquibus virtutibus determinantur per exteriores ; quia electio quæ est communis omnibus virtutibus, ex hoc quod est electio talis actus, efficitur propria hujus virtutis. *Et sic actus exteriores* in aliquibus virtutibus *sunt principaliores.* Et ita etiam est *in satisfactione.*

**31.** — **AD SECUNDAM QUÆSTIONEM** dicendum quod secundum Philosophum in *1<sup>a</sup> Eth.* (e 6. 1131 % 15; l. 4, n. 934 ; 29, n. 938) *medium justitiæ accipitur secundum adæquationem rei ad rem in proportionalitate aliqua.* Unde cum talem adæquationem ipsum nomen satisfactionis importat<sup>9</sup>, quia hoc

1. Ed. *ad* « in » ; αη « ipse », contra γζ. — 2. Ed. « non enim ». — 3. γη « facere ». — 4. Ed. « diminuere ». — 5. Ed. « necessitate consentiat ». — 6. N. *om.* « non ut agens ». — 7. Ed. a hujusmodi ». — 8. Ed. *ad* « autem ». — 9. Ed. « importet ».

adverbium « *salis* » æqualitatem proportionis designat, constat quod *satisfactio formaliter justitiæ actus est*.

32. — Sed justitiæ actus, secundum Philosophum (e 9. 1134a, 3 ; l. 10, n. 994-995), est *vel sui ad alterum*, ut quando aliquis reddit alteri quod ei debet ; *vel alterius ad alterum*, sicut quando iudex facit justitiam inter duos. Quando autem actus justitiæ est sui ad alterum, æqualitas in ipso faciente constituitur. Quando autem alterius ad alterum, æqualitas constituitur in justum passo. Et quia satisfactio æqualitatem in ipso faciente exprimit, dicit actum justitiæ qui est sui ad alterum proprie loquendo.

33. — Sed sui ad alterum potest aliquis facere justitiam *vel* in actionibus et passionibus, *vel* in rebus exterioribus ; sicut etiam injuria fit alteri vel subtrahendo res, vel per aliquam actionem lædendo. Et quia usus rerum exteriorum est dare, ideo actum justitiæ, secundum quod æqualitatem in rebus exterioribus constituit, proprie dicit hoc quod est *reddere*. Sed *satisfacere* manifeste æqualitatem in actionibus demonstrat, quamvis quandoque unum pro altero ponatur.

34. — Et quia adæquatio non est nisi inæqualium, ideo satisfactio inæqualitatem actionum præsupponit, quæ quidem offensam constituit ; et ideo habet respectum ad offensam præcedentem. Nulla autem pars justitiæ respicit offensam præcedentem nisi vindicativa justitia quæ æqualitatem constituit in eo qui justum patitur indifferenter ; sive sit patiens idem quod agens, ut quando aliquis sibi ipsi pœnam infert ; sive non sit idem, ut quando iudex alium punit ; ad utrumque vindicativa justitia se habente.

35. — Similiter et pœnitentia quæ æqualitatem tantum in faciente importat, quia ipsemet pœnam tenet ; ut sic quodammodo poenitentia vindicativæ justitiæ species sit.

36. — Et propter hoc constat quod **satisfactio** quæ æqualitatem respectu offensæ præcedentis in faciente importat, **opus justitiæ est quantum ad illam partem quæ pœnitentia dicitur**.

37. — **AD PRIMUM** ergo dicendum quod *satisfactio* ut ex dictis (23) patet, *est quædam injuriæ illalæ recompensatio*. Unde *sicut* injuria illata immediate ad inæqualitatem justitiæ pertinebat, et per consequens ad inæqualitatem amicitie oppositam ; *ita* et satisfactio directe ad æqualitatem justitiæ perducit, et ad æqualitatem amicitie ex consequenti.

38. — Et quia actus aliquis elicitive ab illo habitu procedit

1. Ed. « sub ». — 2. Ed. « actus ». — 3. Éd. « dicitur ». — 4. F. *om.* « manifeste ». — 5. α « injustum ». — 6. L. *ad* « quod agens ». — 7. L. « per ». — 8. N' *om.* « illatæ ». — 9. γ « etiam ».

ad cuius finem immediate ordinatur, imperative autem ab illo ad cuius finem ulterius tendit, ideo **satisfactio elicitive est a justitia, sed imperative a caritate.**

**39.** — **Ad secundum** dicendum quod quamvis *justitia* sit principaliter circa operationes, tamen etiam *ex consequenti est circa passiones, inquantum sunt operationum causæ.* Sed *justitia* cohibet iram ne alteri læsionem injuste inferat, et concupiscentiam ne ad aliorum torum accedat. Ets sic etiam satisfactio potest « *peccatorum causas excidere* » (**10**).

**40.** — **Ad tertium** dicendum quod *quaelibet virtus moralis participat actus prudentia;*, eo quod formaliter ipsa complet in eis rationem virtutis, cum secundum eam medium accipiatur in singulis virtutibus moralibus, ut patet per definitionem virtutis positam in II *Eth.* *β* 5. 1106b, 24-28 ; l. 6, n. 317).

**41.** — **AD TERTIAM QUÆSTIONEM** dicendum quod *justitia* non ad hoc tantum tendit ut inæqualitem præcedentem auferat puniendo culpam præteritam, sed ut in futurum æqualitatem custodiat ; quia secundum Philosophum in II *Eth.* [*β* 2. 1104b, 17 ; l. 3, n. 270), « *pœnæ medicinæ sunt* ». **Unde et satisfactio** quæ est *justitiæ actus pœnam inferentis, est medicina, curans peccata præterita et præservans a futuris. Et ideo quando homo homini satisfacit, et præterita récompensât et de futuris cavet.*

**42.** — Et secundum hoc *dupliciter* potest satisfactio definiri. *Uno modo respectu culpæ præleritæ*, quam recompensando curat. Et sic dicitur quod satisfactio est « *injuria; illatæ recompensatio secundum justitiæ æqualitatem* ». Et in idem dicitur redire definitio Anselmi, qui dicit quod satisfacere est « *Deo debitum honorem impendere* », ut consideretur debitum ratione culpæ commissæ.

**43.** — *Alio modo* potest definiri *secundum quod præseroal a culpa futura.* Et sic definit eam hic Augustinus. Præservatio autem a morbo corporali fit per ablationem causarum ex quibus morbus consequi potest : eis enim ablati non potest morbus sequi. Sed in morbo spirituali non est ita, quia liberum arbitrium non cogitur ; unde causis præcedentibus potest vitari, quamvis difficulter ; causis amotis potest incurri.

**44.** — Et ideo in satisfactionis definitione *duo* ponit : scilicet *abscissionem causarum* quantum ad primum, et *renitentiam liberi arbitrii ad ipsum peccatum\** quantum ad secundum.

**45.** — **AD PRIMUM** ergo dicendum quod accipiendæ sunt

1. L. « principalior ». — 2. Ed. *ad.* « sicut ». — 3. Ed. *om.* « et ». — 4. Ed. a peccato ».

causæ *proximo peccati actualis* quæ dicuntur duo ; scilicet *libido* ex consuetudine vel actu peccati relicta, et aliquæ reliquæ peccati præteriti ; *et exteriores occasiones* ad peccandum, ut locus, societas mala et hujusmodi. *Et tales causæ in hac vita per satisfactionem tolluntur* ; quamvis fomes qui est causa remota peccati actualis, non tollatur totaliter in hac vita per satisfactionem, etsi debilitetur.

**46.** — **Ad secundum** dicendum quod quia causa mali vel privationis, eo modo quo causam habet, non est nisi bonum deficiens ; bonum autem facilius tollitur quam construatur<sup>1</sup> ; ideo facilius est causas privationis et mali abscindere, quam ipsum malum remove, quod non removetur nisi per constructionem boni : quod patet in caecitate et causis ejus.

Et tamen *causæ peccati prædictæ* non sunt causæ sufficientes, cum ex eis non de necessitate sequatur peccatum, sed *sunt occasiones quædam*.

*Nec iterum satisfactio sine Dei auxilio fit, quia sine caritate esse non potest, ut dicitur (98).*

**47.** — **Ad tertium** dicendum quod quamvis *pænitentia* ex prima sui intentione respiciat præteritum, tamen etiam *ex consequenti futurum respicit*, inquantum est medicina præservans. Et sic etiam satisfactio.

**48.** — **Ad quartum** dicendum quod Augustinus definit satisfactionem secundum quod fit Deo, cui secundum rei veritatem nihil subtrahi potest, quamvis peccator, quantum in se est, aliquid subtrahat. *Et ideo in satisfactione tali principalius requiritur emendatio in futurum quam recompensatio præteritorum*. Et propter hoc ex parte ista Augustinus satisfactionem definiit<sup>2</sup>.

**49.** — Nihilominus tamen *ex cautela futurorum cognosci potest recompensatio præteritorum*, quia fit circa eadem converso modo. In præterita enim respicientes, causas peccatorum propter peccata detestamur, a peccatis incipientes detestationis motum ; sed in cautela a causis incipimus, ut causis subtrahendis facilius peccata vitemus.

**50.** — **Ad quintum** dicendum quod *non est inconveniens quod de eodem dentur diversæ assignationes secundum diversa quæ in ipso<sup>3</sup> inveniuntur*. Et sic est in proposito, ut ex dictis (42-43) patet.

**51.** — **Ad sextum** dicendum quod *intelligitur debitum quod debemus Deo ratione culpæ commissæ* ; quia debitum<sup>4</sup> pænitentia respicit, ut prius dictum est (22).

1. ay L. « constituatur » contra ζη et ed.— 2. α « definit ».— 3. a « peccato ».— 4. N. « quale debitum ».

## ARTICULUS II

[III, q. 1, a. 2, ad 2; q. 85, a. 3, ad 2.]

**52. — AD SECUNDUM SIC PROCEDITUR.** Videtur quod HOMO NON POSSIT Deo SATISFACERE.

1. Satisfactio enim debet æquari offensæ, ut ex dictis (36) patet. Sed offensæ in Deum commissa est infinita, quia quantitatem recipit ab eo in quem committitur; cum plus offendant qui Principem percutit quam alium quemcumque. Cum ergo actio hominis non possit esse infinita, videtur quod homo Deo satisfacere non possit.

2. **Præterea.** Servus, quia totum quod habet, domini est, non potest aliquid domino recompensare. Sed nos servi Dei sumus, quidquid nos boni habemus, ab ipso habentes. Cum ergo satisfactio sit recompensatio offensæ præteritæ, videtur quod Deo satisfacere non possimus.

3. **Præterea.** Ille cujus totum quod habet non sufficit ad unum debitum exsolvendum, non potest pro alio debito satisfacere. Sed quidquid homo est et potest et habet, non sufficit ad solvendum debitum pro beneficio conditionis. Unde Is. cap. XL, 16, dicitur quod « *ligna Libani non sufficient ad holocaustum.* » Ergo nullo modo potest satisfacere pro debito offensæ commissæ.

4. **Præterea.** Homo totum tempus suum debet in Dei servitium expendere. Sed tempus amissum non potest recuperari: propter quod est gravis jactura temporis, ut Seneca dicit (*Ep. lib. I, ep. 1 ad Lucilium*). Ergo non potest homo recompensationem Deo facere. Et sic idem quod prius.

5. **Præterea.** Peccatum actuale mortale est gravius quam originale. Sed pro originali nullus satisfacere potuit, nisi esset Deus et homo. Ergo neque pro actuali.

**53. — SED CONTRA.** Sicut Hieronymus dicit: « *qui dicit Deum aliquid impossibile homini præcepisse, anathema sii!* » Sed satisfactio est in præcepto, Luc. m, 8: « *Facile dignos fructus pœnitentiæ.* » Ergo possibile est Deo satisfacere.

**54. — Præterea.** Deus est magis misericors quam aliquis homo. Sed homini possibile est satisfacere. Ergo et Deo.

**55. — Præterea.** Debita satisfactio est cum pœna culpæ

1. Ed. ad « et ». — 2. L. om. « nos ». — 3. Ed. « habemus ». — 4. L. « satisfactio esse ». — 5. N. « uravior ». — 6. L. om. « cset ». — 7. Pelagius *Etplanif. Symbol, ad Damasurn.*

æquatur ; quia « *justitia est idem quod contrapassum* », ut Pythagorici dixerunt {*Eth. e* 8. 1132b, 21 ; l. 8, 965). Sed contingit æqualem pœnam sumere delectationi quæ fuit in peccando. Ergo contingit Deo satisfacere.

**56. — RESPONSIO.** Dicendum quod, sicut supra (42) dictum est, *dupliciter* homo Deo debitor efficitur : *Uno modo* ratione beneficii accepti ; *alio modo* ratione peccati commissi.

Et *sicut* gratiarum actio vel latria vel si quid est hujusmodi, respicit debitum accepti beneficii ; *ita* satisfactio respicit debitum peccati commissi.

**57. —** « *In his autem honoribus qui sunt ad parentes et deos* », etiam secundum Philosophum {*Eth. θ* 16. 1163b, 15 ; l. 14, 1752), *impossibile est irquivalens reddere secundum quantitatem ; sed sufficit ut homo reddat quod potest* ; quia amicitia non exigit æquivalens nisi secundum quod possibile est. Et hoc etiam est æquale aliquid, scilicet *secundum proportionalitatem* ; quia *sicut* se habet hoc quod Deo esset debitum ad ipsum Deum, *ita* hoc quod iste potest reddere, ad eum. Et sic aliquo modo forma justitiæ conservatur.

**58. —** Et similiter est ex parte satisfactionis. Unde non **potest homo satisfacere, si li** « *salis* » æqualitatem quantitatis importet : contingit autem, si **importet æqualitatem proportionis**, ut dictum est (31). Et hoc *sicut* sufficit ad rationem justitiæ, *ita* sufficit ad rationem satisfactionis.

**59. — AD PRIMUM** ergo dicendum quod *sicut* offensa habuit quamdam infinitatem ex infinitate divinæ majestatis, *ita* et *satisfactio accipit quamdam infinitatem ex infinitate divinæ misericordiae*, prout est gratia informata, per quam acceptum redditur quod homo reddere potest.

**60. —** Quidam tamen dicunt quod *habet infinitatem ex parte aversionis*, et sic gratis dimittitur ; sed ex parte conversionis finita est, et sic pro ea satisfieri potest.

**61. — Sed hoc nihil est** ; quia satisfactio non respondet peccato nisi secundum quod est offensa Dei : quod non habet ex parte conversionis, sed solum ex parte aversionis.

**62. —** Alii vero dicunt quod etiam quantum ad aversionem pro peccato satisfieri potest virtute meriti Christi, quod quodammodo infinitum fuit, ut in III lib. d. 18 (117-8) dictum est.

**63. —** Et hoc in idem redit quod prius dictum est (59) ; quia per fidem mediatoris gratia data est credentibus.

**64. —** Si tamen alio modo gratiam daret, sufficeret satisfactio per modum prædictum.

**65.** — **Ad secundum** dicendum quod *homo qui ad imaginem Dei factus est, aliquid libertatis participat in quantum est dominus suorum actuum per liberum arbitrium*. Et ideo ex hoc quod per liberum arbitrium agit, Deo satisfacere potest; quia quamvis Dei sit prout a Deo est sibi concessum, tamen libere traditum est, ut ejus dominus sit: quod servo non competit.

**66.** — **Ad tertium** dicendum quod *ratio illa concludit quod Deo æquivalens satisfactio fieri non possit*; non autem quod non possit sibi sufficiens fieri.

**67.** — Quamvis enim homo totum suum posse Deo debeat, non tamen ab eo exigitur de necessitate ut totum quod possit, faciat; quia *hoc est impossibile secundum statum præsentis vite, ut totum posse suum in aliquid unum expendat, cum oporteat eum circa nulla sollicitum esse*. Sed est quædam mensura homini adhibita quæ ab eo requiritur, scilicet impletio mandatorum Dei. Et super ea potest aliquid erogare ut satisfaciatur.

**68.** — **Ad quartum** dicendum quod quamvis *homo* non possit tempus præteritum recuperare, *potest tamen in futuro recompen- sare illud quod in præterito facere debuisset*; quia non debuit debito præcepti totum quod potuit, ut dictum est (67).

**69.** — **Ad quintum** dicendum quod *originale peccatum*, etsi minus habeat de ratione peccati quam actuale, tamen est gravius malum; quia *est ipsius humanæ nature infectio*. Et ideo per unius hominis puri satisfactionem expiari non potuit, sicut actuale.

### ARTICULUS III

#### W

[III, q. 86, a. 3.]

**70.** — **AD TERTIUM SIC PROCEEDITUR.** Videtur quod HOMO POSSIT DE UNO PECCATO SINE ALIO SATISFACERE.

1. Eorum enim quæ non habent connexionem ad invicem, unum potest auferri sine alio. Sed peccata non habent ad invicem connexionem; alias qui haberet unum, haberet omnia. Ergo unum potest expiari sine alio per satisfactionem.

2. **Præterea.** Deus est magis misericors quam homo. Sed homo recipit solutionem unius debiti sine alio. Ergo et Deus satisfactionem unius peccati sine alio.

1. L. « Quamvis enim posse suum totum homo debeat ». — 2. Ed. » ad ». — 3. Ed. om. « malum ». — 4. Ed. om. « et ».

3. **Præterea.** « *Satisfactio, ut in Littera (10) dicitur, » est peccatorum causas absciderel, nec suggestionibus aditum indulgere. » Sed contingit hoc<sup>2</sup> de uno peccato sine alio, ut scilicet<sup>3</sup> luxuriam refrenet et avaritiæ insistas. Ergo de uno peccato potest fieri satisfactio sine alio.*

71. — **SED CONTRA.** Is., 1 v iii, 4, 5, dicitur quod jejunium eorum qui « *ad contentiones et lites jejunabant* », Deo acceptum non erat ; licet jejunium sit satisfactionis opus. Sed non potest fieri satisfactio nisi per opus Deo acceptum. Ergo non potest qui habet aliquod peccatum, Deo satisfacere.

72. — **Præterea.** « *Satisfactio est medicina curans peccata præterita et præservans a futuris* », ut dictum est (42-44). Sed peccata non possunt sine gratia curari. Ergo, cum quodlibet peccatum gratiam auferat, non potest de uno peccato fieri satisfactio sine alio.

## [II]

[*Infra, d. 22, q. 1, a. 1, ad 5.*]

73. — **ULTERIUS.** Videtur QUOD QUI DE PECCATIS OMNIBUS CONTRITUS FUERIT PRIUS, ET POSTEA IN PECCATUM INCIDIT, DE ALIIS PECCATIS QUÆ SIBI PER CONTRITIONEM DIMISSA FUERANT<sup>4</sup> SATISFACERE POSSIT EXTRA CARITATEM EXISTENS.

1. Dixit enim Daniel Nabuchodonosori, Dan. vi, 245 : « *Peccata tua elemosynis redime* ». Sed ipse adhuc peccator erat : quod sequens poena demonstrat. Ergo potest existens in peccato<sup>5</sup> satisfacere.

2. **Præterea.** « *Nemo scit utrum<sup>6</sup> sit dignus odio vel amore* », Eccl., ix, 1. Si ergo non posset<sup>7</sup> fieri satisfactio nisi ab eo qui est in caritate, nullus sciret se satisfacere. Et hoc est inconueniens.

3. **Præterea.** Ex intentione quam homo habet in principio actus, totus actus informatur. Sed pœnitens quando poenitentiam inchoavit, in caritate erat. Ergo tota satisfactio sequens ex illa caritate intentionem ejus informante efficaciam habebit.

4. **Præterea.** Satisfactio consistit in quadam adæquatione pœnæ ad culpam. Sed talis adæquatio pœnæ<sup>8</sup> potest etiam<sup>9</sup> fieri in eo qui caritatem non habet. Ergo etc.

74. — **SED CONTRA.** Prov., x, 12 : « *Universa delicia operit caritas* ». Sed satisfactionis virtus est delere delicta. Ergo sine caritate non habet suam virtutem.

75. — **Præterea.** Præcipuum opus in satisfaciendo est eleemo-

1. Ed. « excidere ». — 2. Ed. *ad* « fieri ». — 3. Ed. « si aliquis ». — 4. L. « fuerunt ». — 5. Ed. *om.* « Dan. vi ». — 6. Ed. « an ». — 7. L. « possit ». — 8. Ed. *om.* « pœnæ ». — 9. Ed. *om.* « etiam ».

syna. Sed eleemosyna extra caritatem facta non valet, ut patet *1 Cor.*, xiii, 3 : « *Si distribuero in cibos pauperum, etc.* » Ergo nec satisfactio aliqua est.

## [III]

[III, q. 89, a. 6, ad 3.]

**76. — ULTERIUS.** Videtur quod postquam homo caritatem habuerit, valere incipiat satisfactio praecedens.

1. Super illud [Lea.] xxv, 25 : « *Si attenuatus fuerit frater tuus* », etc., dicit Glossa quod « *fructus bonae conversationis debet computari ex eo tempore quo peccavit* ». Sed non computarentur, nisi aliquam efficaciam acciperent ex caritate sequente. Ergo post caritatem recuperatam valere incipiunt.

2. **Praeterea.** Sicut efficacia satisfactionis impeditur per peccatum, ita efficacia baptismi impeditur per fictionem. Sed baptismus incipit valere recedente fictione. Ergo et satisfactio recedente peccato.

3. **Praeterea.** Si alicui pro peccatis commissis injuncta fuerint multa jejunia, et in peccatum cadens ea perfecerit, non injungitur, cum iterum confitetur<sup>3</sup>, ut jejunia illa iteret. Injungeretur autem<sup>4</sup>, si per ea satisfactio non impleretur. Ergo per poenitentiam sequentem opera praecedentia satisfaciendi efficaciam accipiunt.

**77. — SED CONTRA.** Opera extra caritatem facta ideo non erant satisfactoria, quia fuerunt mortua. Sed per poenitentiam non vivificantur. Ergo nec incipiunt esse satisfactoria.

**78. — Praeterea.** Caritas non informat actum nisi quis ab ipsa aliquo modo procedit. Sed opera non possunt esse Deo accepta ac per hoc nec satisfactoria, nisi sint caritate informata. Ergo cum opera facta extra caritatem nullo modo ex caritate processerint, vel de cetero procedere possint, nullo modo poterunt in satisfactionem computari.

## [IV]

[III S. d. 27, a. 4 ; III, q. 89, a. 6, ad 3 ; Pol. q. 6, a. 9 ; Mal. q. 2, a. 5, ad

**79. — ULTERIUS.** Videtur quod opera extra caritatem facta sint alicujus boni meritoria, saltem temporalis.

1. Quia sicut se habet poena ad malum actum, ita se habet praemium ad bonum. Sed nullum malum factum apud Deum

1. Cod. « Numer. ». — 2. Ed. « debent ». — 3. L. « confiteatur ». — 4. L. ad « ei ». — 5. y « quia ». — G. Ed. ori. « malum ».

justum judicem est impunitum. Ergo nec aliquod bonum irremuneratum. Et sic per illud bonum aliquid meretur.

2. **Præterea.** Merces non datur nisi merito. Sed operibus extra caritatem factis merces datur, ut dicitur Mat., vi, 2, 5, 16, de illis qui propter gloriam humanam opera bona faciunt, quod « *receperunt mercedem suam* ». Ergo opera illa fuerunt alicujus boni meritoria.

3. **Præterea.** Duo existentes in peccato quorum unus multa bona facit ex genere et circumstantia, alius autem nulla, non æqualiter propinque se habent ad accipiendum bona a Deo; alias non esset ei consulendum ut aliquid boni faceret. Sed qui magis appropinquat Deo, magis de bonis ejus percipit. Ergo iste per bona opera quæ facit, aliquid boni a Deo meretur.

80. — **SED CONTRA** est quod Augustinus dicit quod « *peccator non est dignus pane quo vescitur* ». Ergo non potest aliquid a Deo mereri.

81. — **Præterea.** Qui nihil est, non potest mereri. Sed peccator non habens caritatem « *nihil est* » secundum esse spirituale, ut patet I Cor., xm, 2. Ergo non potest aliquid mereri.

[V]

[III, q. 89, a. 6, ad 3.]

82. — **ULTERIUS.** Videtur quod opera prædicta non VALEANT AD PÆNÆ INFERNALIS MITIGATIONEM.

1. Quia secundum quantitatem culpæ erit quantitas pænæ in inferno. Sed opera extra caritatem facta non minuunt quantitatem peccati. Ergo nec infernalis pænæ.

2. **Præterea.** Pænâ infernalis, quamvis sit duratione infinita, tamen intensione finita est. Sed quodlibet finitum consumitur aliqua finita subtractione facta. Si ergo opera extra caritatem facta aliquid subtraherent de pænâ debita pro peccatis, contingeret tantum multiplicari illa opera quod totaliter tolleretur pænâ inferni: quod falsum est.

3. **Præterea.** Suffragia Ecclesiæ sunt magis efficacia quam opera extra caritatem facta. Sed, sicut Augustinus in *Enchir.* (c. 110; L. 40, 283) dicit, damnatis in inferno non prosunt suffragia Ecclesiæ. Ergo multo minus opera extra caritatem facta.

83. — **SED CONTRA** est quod Augustinus dicit in *Enchir.* (c. 110; L. 40, 283): « *Quia ad hoc prosunt ut sit plena remissio, vel ut tolerabilior fiat damnatio.* »

1. Ed. om. « ejus ». — 2. L. ad « aliquid ». — 3. Ed. ad. « a ». — 4. L. « sicut ait Augustinus » om. « dicit ». — 5. αβγζη ad. « pene », θκ et ed. om. L. « Pænæ ergo mullo minus per opera extra caritatem facta mitigantur »; Ed. om. « pænæ », et « mitigantur ». — 6. Ed. om. « Quia ».

**84. — Præterea.** Majus est facere bonum quam dimittere malum. Sed dimittere malum semper vitat pœnam, etiam in eo qui caritate caret. Ergo multo fortius facere bonum.

**85. — RESPONSIO.** Dicendum **AD PRIMAM QUÆSTIONEM** quod *Quidam* dixerunt quod potest de uno peccato satisfieri sine alio, ut *Magister* in *Littera* (1) dicit.

**86. — Sed hoc non potest esse.** Cum enim per satisfactionem tolli debeat offensa præcedens, oportet quod talis sit modus satisfactionis qui competat ad tollendam offensam. Offensæ autem ablatio est amicitiae restitutio. Et ideo si aliquid sit quod amicitiae restitutionem impediatur, etiam apud homines satisfactio esse non potest.

**87. —** Cum ergo quodlibet peccatum amicitiam caritatis impediatur, quæ est hominis ad Deum, **impossibile est quod homo de uno peccato satisfaciatur alio retento** : sicut nec homo satisfaceret qui pro alapa sibi data, se ei prosterneret et aliam simul daret.

**88. — AD PRIMUM** ergo dicendum quod quia peccata non habent connexionem ad invicem in aliquo uno, unum potest non incurrere sine alio : sed unum et idem est secundum quod omnia peccata remittuntur. Et ideo *remissiones diversorum peccatorum connexæ sunt*, et de uno sine alio satisfactio fieri non potest.

**89. — Ad secundum** dicendum quod in obligatione debiti non est nisi inæqualitas justitiæ opposita, quia unus rem alterius habet. Et ideo ad restitutionem non exigitur nisi quod restituatur æqualitas justitiæ : quod quidem potest fieri de uno debito et non de alio.

Sed ubi est offensa, ibi est inæqualitas non tantum justitiæ opposita, sed etiam amicitiae. *Et ideo ad hoc quod per satisfactionem offensa tollatur*, non solum oportet quod æqualitas justitiæ restituatur per recompensationem æqualis pœnæ, sed *etiam quod restituatur amicitiae æqualitas* : quod non potest fieri, dum aliquid est quod amicitiam impediatur.

**90. — Ad tertium** dicendum quod « *unum peccatum suo pondere ad aliud trahit* », ut *Gregorius* dicit (lib. XXV *Morat.*, c. 9 ; L. 76, 334). *Ele ideo qui unum peccatum retinet, non sufficienter causas alterius peccati excidit.*

**91. —\* AD SECUNDAM QUÆSTIONEM** dicendum quod *Quidam* dixerunt quod postquam omnia peccata per pœni-

1. Ed. *om.* « caritate ». — 2. L. « tollendum ». — 3. Ed. « ut ». — 4. L. « ideo ». — 5. Ed. *om.* « et ». — 6. L. *om.* « Et »

tentiam etl contritionem remissa sunt, si aliquis ante satisfactionem peractam in peccatum decidat et in peccato existens satisfaciatur, quod<sup>2</sup> satisfactio talis<sup>3</sup> ei valeat; ita quod si in peccato illo moreretur, in inferno de illis peccatis non puniretur.

**92. — Sed hoc non potest esse ;** quia in satisfactione oportet quod etiam<sup>4</sup> amicitia restituta justitiæ æqualitas restituatur, cujus contrarium amicitiam solvit<sup>5</sup>, ut Philosophus in IX *Eth.* (i. l. 1163», 32 sq. ; l. 1, n. 1758 sq. θ 5. 1157% 15 ; l. 4, n. 1590), dicit. Æqualitas autem in satisfactione ad Deum non est secundum æquivalentiam, sed magis secundum acceptionem<sup>6</sup> ipsius, ut dictum est (59). Et ideo oportet quod etsi jam offensa sit dimissa per præcedentem contritionem, quod<sup>7</sup> opera satisfactoria sint Deo accepta : quod dat eis caritas. **Et ideo sine caritate opera facta<sup>8</sup> non sunt satisfactoria.**

**93. — AD PRIMUM** ergo dicendum quod consilium Danielis intelligitur *quod a peccato cessaret et pœniteret, et sic per elemosynas satisfaceret.*

**94. — Ad secundum** dicendum quod *sicut homo* nescit pro certo utrum caritatem habuerit in satisfaciendo vel habeat, *ita etiam nescit pro certo utrum plene satisfecerit.* Et ideo dicitur *Eccl.*<sup>9</sup> v, 5 : « *De propitiatu peccatorum, noli esse sine metu.* » Non tamen exigitur quod propter hunc metum homo satisfactionem expletam iteret, si conscientiam peccati mortalis **non** habet. Quamvis enim pœnam non expiet per hujusmodi satisfactionem, tamen non incurrit reatum omissionis ex satisfactione neglecta : sicut nec ille qui accedit ad eucharistiam sine conscientia peccati mortalis cui subjacet, reatum indignæ sumptionis incurrit.

**95. — Ad tertium** dicendum quod *illa intentio interrupta est per peccatum sequens.* Et ideo non dat vim aliquam operibus post peccatum factis.

**96. — Ad quartum** dicendum quod *non potest fieri adæquatio sufficiens* nec secundum divinam acceptionem nec secundum æquivalentiam. Et ideo ratio non sequitur.

**97. — AD TERTIAM QUÆSTIONEM** dicendum quod *Quidam* dixerunt quod opera in caritate facta, quæ viva dicuntur, sunt meritoria vitæ æternæ et satisfactoria respectu pœnæ dimittendæ ; et quod per caritatem sequentem opera extra caritatem facta vivificantur quantum ad hoc quod sunt satisfactoria, sed non quantum ad hoc quod sunt meritoria vitæ æternæ.

1. L. « per præcedentem ». — 2. Ed. *om.* « quod ». — 3. Ed. *om.* « talis ». — 4. Ed. *om.* « etiam ». — 5. L. « tollit ». — 6. Ed. « acceptionem ». — 7. Ed. *om.* « quod ». — 8. η ft ed. *om.* « facta ». — 9. Ed. « dicit Ecclesiasticus ».

**98. — Sed hoc non potest esse ;** quia utrumque habent ex eadem ratione opera ex caritate facta : scilicet ex hoc quod sunt Deo grata. Unde *sicut caritas adveniens non potest ea gratificare quantum ad unum, ita nec quantum ad aliud.*

**99. — AD PRIMUM** ergo dicendum quod non *debet intelligi quod fructus computetur* a tempore quo primo in peccato fuit ; sed *a tempore in quo peccare cessavit.* quo scilicet ultimo in peccato fuit.

**100. — Vel intelligitur** quando statim post peccatum contritus fuit, et fecit multa bona antequam confiteretur.

**101. — Ved dicendum** quod *quanto est major contritio, tanto magis diminuit de pœna.* Et quanto aliquis plura bona facit in peccato existens, magis se ad gratiam contritionis disposuit. Et ideo probabile est quod minoris pœnæ sit debitor. *Et propter hoc deberet a sacerdote discrete computari, ut ei minorem pœnitentiam<sup>1</sup> injungat, in quantum invenit eum melius dispositum.*

**102. — Ad secundum** dicendum quod *baptismus imprimit characterem in animam, non autem satisfactio.* Et ideo adveniens caritas quæ fictionem tollit et peccatum, facit quod baptismus effectum suum habeat ; non autem facit hoc de satisfactione.

**103. — Et præterea.** Baptismus ex ipso opere operato justificat : quod non est hominis, sed Dei. Et ideo non eodem modo mortificatur sicut satisfactio quæ est opus hominis.

**104. — Ad tertium** dicendum quod aliquæ satisfactiones sunt ex quibus manet aliquis effectus in satisfaciendis, etiam postquam actus satisfactionis transiit : sicut ex jejunio manet corporis debilitatio, ex eleemosynis largitis<sup>2</sup> diminutio substantiæ, et sic de similibus. *Et tales satisfactiones in peccatis factæ non oportet quod iterentur;* quia tantum ad id<sup>3</sup> quod de eis manet, per pœnitentiam Deo acceptæ sunt.

**105. — Satisfactiones autem quæ non relinquunt aliquem effectum in satisfaciende,** postquam actus transit, *oportet quod iterentur :* sicut est de oratione et similibus.

*Actus autem interior, quia totaliter transiit, nullo modo vivificatur, sed oportet quod iteretur.*

**106. — AD QUARTAM QUÆSTIONEM** dicendum quod, sicut in III d. 18 (29-30) dictum est, meritum proprie dicitur actio qua efficitur ut ei qui agit sit justum aliquid dari. Sed justitia *duplíciter* dicitur.

*Uno modo proprie quæ scilicet respicit debitum ex parte recipientis.*

1. N. P et L. « disponit ». — 2. Ed. et L. « pœnam ». — 3. L. « eleemosynarum argitione ». — 4. L. « hoc ».

*Alio modo quasi similitudinarie. quæ respicit debitum ex parte dantis.* Aliquid enim decet dantem dare, quod tamen non habet recipiens debitum recipiendi. Et sic iustitia dicitur « *decentrali divinæ bonitatis* », sicut Anselmus dicit (in *Proslog.*, c. 10 ; L. 158, 233) quod « *Deus justus est cum peccatoribus parcat, quia eum decet* ».

**107.** — Et secundum hoc etiam meritum dicitur *dupliciter*.

*Uno modo* actus per quem efficitur ut ipse agens habeat debitum recipiendi. Et hoc vocatur **meritum condigni**.

*Alio modo* per quem efficitur ut sit debitum dandi in dante secundum decentiam ipsius. Et ideo hoc meritum dicitur **meritum congrui**.

**108.** — Cum autem in omnibus illis quæ gratis dantur, prima ratio dandi sit amor, impossibile est quod aliquid tale sibi debitum faciat qui amicitia caret. Et ideo cum omnia bona et temporalia et æterna ex divina liberalitate nobis donentur, nullus **acquirere** potest debitum recipiendi aliquod illorum, nisi per caritatem ad Deum. *El ideo opera extra caritatem facta, non sunt meritoria ex condigno neque æterni neque temporalis alicujus boni apud Deum.*

**109.** — Sed quia divinam bonitatem decet ut ubicumque dispositionem invenit, perfectionem adjiciat ; **ideo ex merito congrui dicitur aliquis mereri aliquod bonum per opera extra caritatem facta.** Et secundum hoc opera ista ad triplex bonum valent : scilicet ad temporalium consecutionem, ad dispositionem ad gratiam, et ad assuetudinem bonorum operum.

**110.** — Quia tamen hoc meritum non proprie meritum dicitur, **ideo magis concedendum est quod hujusmodi opera non sint alicujus meritoria**, quam quod sint.

**111.** — **AD PRIMUM** ergo dicendum quod sicut Philosophus dicit in VIII<sup>3</sup> *Elh.*, (β 16. 1163b, 15-7 ; l. 14, n. 1752), quia filius per omnia quæ facere potest, nihil æquale patri redere potest his quæ a patre recipit, ideo *nunquam paler debitor filii efficitur*. Et multo minus homo potest propter æquivalentiam operis Deum sibi constituere debitorem. Et ideo nullum opus nostrum ex quantitate suæ bonitatis habet quod aliquid mereatur ; *sed ex vi caritatis* quæ facit ea quæ sunt amicorum esse communia. Unde quantumcumque sit opus bonum extra caritatem factum, non facit, proprie loquendo, quod aliquid recipiendi a Deo faciens debitum habeat. Sed opus malum ex quantitate suæ malitiæ secundum æquivalentiam pœnam mereatur ; quia ex parte Dei non sunt nobis aliqua mala facta sicut

1. Ed. « est de essentia ». — 2. Ed. « aliquis ». — 3. Ed. « ix ». — 4. L. « Dominum ».

bona. Et ideo quamvis opus malum mereatur ex condigno pœnam, *non tamen opus bonum sine caritate meretur ex condigno præmium.*

**112.** — **Ad secundum et tertium** dicendum quod procedunt *de merito congrui.*

**ALIÆ AUTEM RATIONES** procedunt *de merito condigni.*

**113.** — **AD QUINTAM QÜÆSTIONEM** dicendum quod diminuere pœnam infernalem potest intelligi *dupliciter.*

**Uno modo** *ita quod quis liberetur a pœna quam jam meruit.* Et sic, cum nullus liberetur a pœna nisi sit absolutus a culpa, quia effectus non diminuuntur neque tolluntur nisi diminuta vel ablata causa ; **per opera extra caritatem facta**, quæ neque culpam tollere neque diminuere possunt, **pœna inferni mitigari non potest.**

**114.** — **Alio modo** *ita quod meritum pœnæ impediatur. Et sic hujusmodi opera diminuunt pœnam inferni.*

*Primo*, quia homo reatum omissionis evadit, qui hujusmodi opera perficit.

*Secundo*, quia hujusmodi opera aliquo modo ad bonum disponunt, ut homo ex minori contemptu etiam peccata faciat, ut<sup>4</sup> etiam a multis peccatis per hujusmodi opera retrahatur.

Sed diminutionem vel dilationem temporalis pœnæ merentur hujusmodi opera, sicut de Achab, III *Regum*, xxi, 27, dicitur, eodem modo sicut et bonorum temporalium consecutionem.

**115.** — *Quidam* autem dicunt quod diminuunt pœnam inferni, non subtrahendo aliquid de ipsa quantum ad substantiam, sed fortificando subjectum, ut melius sustinere possit.

**116.** — **Sed hoc non potest esse** ; quia fortificatio non est nisi ex ablatione passibilitatis. Passibilitas autem est secundum mensuram culpæ. Et ideo si culpa non diminuitur, nec subjectum fortificari potest.

**117.** — *Quidam* etiam dicunt quod diminuitur pœna quantum ad vermem conscientiæ, licet non quantum ad ignem.

**1-18.** — **Sed hoc etiam nihil est** ; quia *sicut* pœna ignis æquatur culpæ, *ita* et pœna remorsionis conscientiæ. *Unde similis ratio est de utroque.*

Et per hoc patet solutio ad objecta.

1. L. om. « ita », — 2. L. om. « ita », — 3. Ed. « cum » præter N. « quæ », — 4. L. « \[1] ». — 5. J.d. « minuunt ».

## ABTICULUS IV

[I]

[III Cg. c. 158.]

**119. — AD QUARTUM SIC PROCEDITUR.** Videtur quod SATISFACTIONEM NON OPORTEAT FIERI PER OPERA PŒNALIA.

1. Quia per satisfactionem oportet fieri recompensationem ad divinam offensam. Sed nulla recompensatio videtur fieri per opera poenalia; quia « *Deus non delectatur in pœnis nostris* » (To e., h i, 22). Ergo non oportet satisfactionem per opera poenalia fieri.

2. **Præterea.** Quanto aliquod opus ex majori caritate procedit, tanto minus est poenale; quia « *caritas pœnam non habet* », I Jo an., iv, 18. Si ergo oportet opera satisfactoria esse poenalia, quantum magis sunt ex caritate facta, minus erunt satisfactoria: quod falsum est.

3. **Præterea.** Satisfacere, ut dicit, Anselmus (lib. I « *Cur Deus homo* », c. 11; L. 377) est « *honorem debitum Deo impendere* ». Sed hoc etiam aliis quam operibus poenalibus fieri potest. Ergo satisfactionem non oportet poenalibus operibus fieri.

**120. — SED CONTRA** est quod Gregorius dicit (*Hom. 20 in Evangel.*, n. 8; L. 76, 1164): « *Justum est ut peccator tanto majora sibi inferat lamenta per poenitentiam, quanto majora intulit damna per culpam.* »

**121. — Præterea.** Per satisfactionem oportet peccati vulnus sanari perfecte. Sed peccatorum « *medicinae sunt pœnæ* », ut Philosophus dicit in II *Eth.* (β 2. 1104<sup>b</sup>, 17; l. 3, 270). Ergo oportet quod per poenalia opera satisfactio fiat.

[II]

**122. — ULTERIUS.** Videtur QUOD FLAGELLA QUIBUS A Deo in hac vita punimur, non possint satisfactoria esse.

1. Nihil enim potest esse satisfactorium nisi quod est meritorium, ut ex dictis (98) patet. Sed non meretur nisi per ea quæ in nobis sunt. Cum ergo flagella quibus a Deo punimur, non sint in nobis, videtur quod satisfactoria esse non possint<sup>3</sup>.

2. **Præterea.** Satisfactio tantum bonorum est. Sed hujusmodi flagella in<sup>4</sup> malis inducuntur, et præcipue eis debentur. Ergo non possunt esse satisfactoria.

3. **Præterea.** Satisfactio respicit peccata præterita. Sed ali-

1. Ed. « quando ». — 2. Ed. om. « quam ». — 3. L. « possunt ». — 4. Ed. *or?i.* « in ».

quando ista flagella infliguntur illis qui peccata non habent, sicut de Job (c. 1 et 2) patet. Ergo videtur quod non sint satisfactoria.

**123. — SED CONTRA** est quod dicitur *Rom.*, v, 3, 4 : « *Tribulatio patientiam operatur, patientia autem probationem* », « *et a peccato purgationem* », ut *Glossa* ibidem dicit. Ergo flagella peccata purgant. Et sic sunt satisfactoria.

**124. — Præterea.** *Ambrosius* dicit in *Littera* (6) : « *Etsi fides* », id est peccati conscientia, « *desit, pcena satisfacit* ». Ergo hujusmodi flagella sunt satisfactoria.

### [III]

[*Infra* 216 ; 408 ; q. 4, a. 7, sol. 1.]

**125. — ULTERIUS.** Videtur QUOD INCONVENIENTER ENUMERENTUR OPERA SATISFACTORIA, CUM DICITUR QUOD SUNT TRIA : ELEEMOSYNA, JEJUNIUM ET ORATIO.

1. Quia opus satisfactorium debet esse pœnale. Sed oratio poenam non habet — sed est contra pœnæ tristitiam medicina — sed delectationem. Unde dicitur *Jac.*, v, 13 : « *Tristatur aliquis in vobis ? Oret et psallat.* » Ergo non debet computari inter opera satisfactoria.

2. **Præterea.** Omne peccatum vel est carnale vel spirituale. Sed, sicut dicit *Hieronymus* (*Super Marcum*, c. 9 ; L. 30, 616), « *jejunio sanantur pestes corporis, oratione pestes mentis* ». Ergo non debet esse aliud opus satisfactorium.

3. **Præterea.** Satisfactio necessaria est ad emundationem peccatorum. Sed eleemosyna ab omnibus peccatis emundat, *Luc.* xi, 41 : « *Date eleemosynam et omnia munda sunt vobis.* » Ergo alia duo sunt superflua.

**126. — SED CONTRA.** Videtur quod debeant esse plura.

4. Quia contraria contrariis curantur. Sed multo plura sunt peccatorum genera quam tria. Ergo debent plura satisfactionis opera computari.

**127. — 5. Præterea.** Peregrinationes etiam injunguntur pro satisfactione, et disciplinae sive flagellationes quæ non computantur sub aliquo horum. Ergo insufficienter numerantur.

**128. — RESPONSIO.** Dicendum AD PRIMAM QUÆSTIONEM quod *satisfactio*, ut dictum est (42-44), *respectum habet ad pnetrilam offensam* pro qua recompensatio fit per satisfactionem ; *et etiam ad futuram culpam*, a qua per eam præservamur.

**129. — Et quantum ad utrumque exigitur quod satisfactio per opera poenalia fiat.**

*Recompensatio enim offensæ importai adæquationem* quam oportet esse ejus qui offendit ad eum in quem offensæ commissæ est. Adæquatio autem in humana justitia attenditur per subtractionem ab uno qui plus habuit justo, et additionem ad alterum cui subtractum est aliquid. Deo autem quamvis quantum ex parte sua est, nihil subtrahi possit, tamen peccator, quantum in ipso est, aliquid ei subtrahit peccando, ut dictum est. (48) Unde oportet ad hoc quod recompensatio fiat, quod aliquid subtrahatur a peccante per satisfactionem quod in honorem Dei cedat. Opus autem bonum, ex hoc quod est hujusmodi, non subtrahit aliquid ab operante, sed magis perficit ipsum. Unde subtractio non potest fieri per opus bonum, nisi pœnale sit. Et ideo, ad hoc quod aliquid opus sit satisfactorium, oportet quod sit bonum, ut in honorem Dei sit; et pœnale, ut aliquid peccatori subtrahatur.

**130. — Similiter etiam poena a culpa jutura præservat**; quia non facile homo ad peccata redit ex quo pœnam expertus est. Unde secundum Philosophum, (II Eth. β 2. 1104b, 17; I. 3, n. 270), « *pamæ medicinæ sunt* ».

**131. — AD PRIMUM** ergo dicendum quod quamvis *Deus non delectetur in panis* ut sunt pœnæ, *delectatur* tamen in eis *ut sunt justæ*. *Et sic satisfactoria? esse possunt.*

**132. — Ad secundum** dicendum quod, *sicut* in satisfactione consideratur pœnalitas, *ita* in merito consideratur difficultas. Diminutio autem difficultatis ex parte ipsius actus diminuit meritum ceteris paribus; sed *diminutio difficultatis ex promptitudine voluntatis* non diminuit meritum, sed auget.

**133. — Et similiter diminutio pœnalis ex promptitudine voluntatis**, quod facit caritas, non diminuit *efficaciam satisfactionis*, sed auget.

**134. — Ad tertium** dicendum quod *debitum pro peccato est recompensatio offensæ quæ sine pœna peccantis non fit*. Et de tali debito Anselmus intelligit.

**135. — AD SECUNDAM QUÆSTIONEM** dicendum quod recompensatio offensæ præteritæ potest fieri et ab eo qui offendit, et ab alio. *Quando autem fit ab alio*, talis recompensatio vindicationis magis quam satisfactionis rationem habet. *Quando autem fit ab ipso qui offendit*, etiam rationem satisfactionis habet.

**136. — Unde si flagella quæ pro peccatis a Deo infliguntur, fiant aliquo modo ipsius patientis, rationem satisfactionis acci-**

**piunt.** *Fiunt autem ipsius, inquantum ea acceptat ad purgationem peccatorum, eis utens patienter.* Si autem omnino eis per impatientiam dissentiat, tunc non efficiuntur aliquo modo ipsius. Et ideo non habent rationem satisfactionis, sed vindicationis tantum.

**137. — AD PRIMUM** ergo dicendum quod quamvis *illa flagella* non sint omnino *in potestate nostra*, tamen quantum ad aliquid sunt, *ut scilicet eis patienter utamur*<sup>3</sup>. Et sic homo *facit de necessitate virtutem*. Unde et meritoria et satisfactoria esse possunt.

**138. — Ad secundum** dicendum quod *sicut « exi eodem igne, ut Gregorius dicit (l. I De civ. Dei, c. 8 ; E. 41, 21). aurum rutilat el palea fumat » ; ita eisdem flagellis et boni purgantur et mali magis inficiuntur per impatientiam.* Et ideo quamvis flagella sint communia, tamen *satisfactio est tantum bonorum.*

**139. — Ad tertium** dicendum quod flagella respectum habent ad culpam praeteritam semper ; sed non semper ad culpam personæ, sed ad culpam naturæ. Si enim in natura humana nulla culpa præcessisset, nulla pœna fuisset. Sed quia culpa in natura præcessit, personæ alicui divinitus pœna infertur sine culpa personæ, ad meritum virtutis et cautelam peccati sequentis. Et hæc etiam duo necessaria sunt *in satisfactione.* *Oportet enim esse opus meritorium, ut honor Deo exhibeatur ; et oportet esse viriatum custodiam, ut a futuris peccatis praeservemur.*

**140. — AD TERTIAM QUÆSTIONEM** dicendum quod *salisfactio*, ut dictum est (**129**), *debet esse talis per quam aliquid nobis subtrahamus ad honorem Dei.* Nos autem non habemus nisi *tria bona* : scilicet bona animæ et bona corporis et bona fortunæ, scilicet exteriora.

*Ex bonis quidem fortunæ* subtrahimus aliquid nobis **per eleemosynam** ; sed *ex bonis corporalibus* **per jejunium.**

*Ex bonis autem animæ* non oportet quod aliquid subtrahamus nobis quantum ad essentiam vel quantum ad diminutionem ipsorum, quia per ea efficimur Deo accepti ; sed per hoc quod ea submittamus<sup>6</sup> Deo totaliter. Et hoc fit **per orationem.**

**141. —** Competit etiam iste numerus ex parte illa qua satisfactio peccatorum causas excidit ; quia radices peccatorum tres ponuntur I Jo an., ii, 16 : scilicet *« concupiscentia carnis, concupiscentia oculorum el superbia vitæ. »* Et contra concupiscentiam carnis ordinatur **jejunium** ; contra concupiscentiam

1. Ed. « ratio ». — 2. Ed. om. « ut », N. ad « cum ». — 3. Ed. « utimur ». — 4. N. « sub », — 5. Ed. om. « et ». — 6. Ed. et L. « submittimus ». — 7. Ed. om. « scilicet ». — 8. L. ad « ci ».

oculorum<sup>1</sup>, **eleemosyna**; contra superbiam vitæ<sup>2</sup>, **oratio**, ut Augustinus dicit *Super Mala*.

**142.** — Competit etiam quantum ad hoc quod satisfactionis<sup>4</sup> est « *peccatorum, suggestionibus aditum non indulgere* »; quia omne peccatum *vel in Deum* committimus, et contra hoc ordinatur **oratio**; *vel in proximum*, et contra hoc **eleemosyna**, *vel in nos ipsos*, et contra hoc ordinatur **jejunium**.

**143.** — **AD PRIMUM** ergo dicendum quod secundum Quosdam *duplex est oratio*.

*Quædam quæ est contemplativorum*, quorum « *conversatio in cælis est* » (*Philipp. m, 20*). **Et talis**, quia totaliter est delectabilis, **non est satisfactoria**.

*Aha est quæ pro peccatis gemitus fundit*. **Et talis habet pœnam, et est satisfactionis pars**.

**144.** — **Vel dicendum<sup>5</sup> melius** quod *quælibet oratio habet rationem satisfactionis*; quia quamvis habeat suavitatem spiritus, tamen habet afflictionem carnis; quia, ut dicit Gregorius *Super Ezech.* (lib. II, h-om. 2, n. 13; L. 76, 955), « *dum crescit in nobis fortitudo amoris intimi, infirmamur procul dubio fortitudine<sup>8</sup> carnis* ». Unde et nervus femoris Jacob ex lucta Angeli emarcuisse legitur<sup>9</sup> *Gen.* (xxxn, 24, 25).

**145.** — **Ad secundum** dicendum quod peccatum carnale dicitur *duplitter*. *Uno modo* quod in ipsa delectatione carnis completur, ut gula et luxuria. *Alio modo* quod completur in his quæ ad carnem ordinantur, quamvis non in delectatione carnis, sed in delectatione animæ magis, ut avaritia. Unde talia peccata sunt quasi media inter spiritualia et carnalia. *Et ideo oportet quod eis etiam respondeat aliqua satisfactio propria, scilicet eleemosyna*.

**146.** — **Ad tertium** dicendum quod quamvis singula istorum per quamdam convenientiam singulis peccatis approprientur, quia congruum est ut « *in quo quis peccavit, in hoc puniatur* », (*Sap. xi, 17*), et quod peccati commissi per satisfactionem radix abscindatur; tamen quodlibet horum pro quolibet peccato satisfacere potest. Unde ei qui non potest unum ex eis perficere, injungatur aliud. *Et præcipue eleemosyna aliorum vices supplere potest*, inquantum alia satisfactionis opera per eleemosynam quisque sibi mercatur quodammodo in illis quibus eleemosynam tribuit. Unde non oportet quod si eleemosyna omnia mundat peccata, propter hoc aliæ satisfactiones superfluant.

**147.** — **Ad quartum** dicendum quod quamvis sint multa

1. L. *ad* « ordinatur ». — 2. L. *ad* « ordinatur ». — 3. *Locum* invenire non contigit. L. notat « *Enare, in ps. xlii, in fine* »; L. 36, 482, sed non ad rem. — 4.  $\zeta$  et L. « satisfactio ». — 5. Ed. *ad* « est ». — 6. Sic ed. et L. contra codices « quædam ». — 7. Ed. « infirmatur ». — 8. Ed. « fortitudo ». — 9. Ed. *ad* « in ».

*peccata* in specie, tamen *omnia ad illas tres radices* vel ad illa tria peccatorum genera quibus diximus dictas satisfactiones respondere, *reducuntur*.

**148.** — **Ad quintum** dicendum quod quidquid ad afflictionem corporis pertinet, totum ad *jejunium* refertur; et quidquid in proximi utilitatem<sup>2</sup> expenditur, totum *eleemosynæ* rationem habet; et similiter quæcumque latria exhibeatur Deo, *orationis* accipit rationem. Et ideo etiam unum opus potest habere plures rationes satisfaciendi.

## ARTICULUS V

### [I]

**149.** — **AD QUINTUM SIC PROCEDITUR.** Videtur quod RESTITUTIO SIT SATISFACTIONIS PARS.

1. Quia satisfactio reconciliat Deo et proximo. Sed per restitutionem homo reconciliatur proximo. Ergo restitutio est satisfactionis pars.

2. **Præterea.** Satisfactio fit per contrarium peccati: sicut per jejunium satisfacimus de gula. Sed contrarium peccati malæ ablationis est restitutio. Ei-go restitutio est quædam satisfactionis pars.

3. **Præterea.** Ambrosius dicit (In *II ad Cor.* n, 7; L. 17, 282) quod « *vera pœnitentia est a peccato cessare.* » Sed qui restituit, a peccato cessat; quia quamdiu quis alienum eo invito detinet, peccat. Ergo restitutio est pars pœnitentiæ. Sed non nisi ratione satisfactionis. Ergo est pars satisfactionis.

**150.** — **SED CONTRA.** Satisfactio fit Deo, ut patet per definitionem Anselmi supra (**120**) positam. Sed restitutio fit proximo. Ergo satisfactionis non est restitutio pars.

**151.** — **Præterea.** Satisfactio ponitur in arbitrio sacerdotis pœnitentiam injungentis; non autem restitutio. Ergo restitutio non est satisfactionis pars.

### [II]

[IMI, q. 62, a. 2, 3, 4; q. 79, a. 3, ad 2; *Quodl. XII*, q. 16, a. 3.]

**152.** — **ULTERIUS.** Ad detur quod ablatum non semper DEBEAT<sup>3</sup> RESTITUI.

1. Fama enim restitui non potest. Sed fama aufertur. Ergo non de omni ablato potest fieri restitutio.

2. **Præterea.** Damna in personarii illata, sunt maxima. Sed

1. Ed. præter L. « ad », — 2. L. « utilitate », — 3. Ed. « debet ».

hujusmodi damna non possunt restitui, ut ablatio virginitatis, abscissio membri alicujus. Ergo non omne ablatum potest restitui.

3. **Præterea.** Qui impedit aliquem a consecutione alicujus, videtur hoc sibi auferre. Sed hoc non debet ei restituere vel recompensare : sicut si quis impedit aliquem ne præbendam consequatur. Ergo videtur quod non omne ablatum debeat restitui.

4 **Præterea.** Qui occasionem damni dat, damnum dedisse videtur. Sed ille qui subvertit semina in campo projecta, dat occasionem damni de toto fructu qui inde sequi posset. Et similiter de illo qui detinet pecuniam creditoris ultra terminum præfixum, ex qua ille poterat lucrari, de toto lucro quod accidere potuisset ; nec tamen videtur quod teneatur ad restitutionem totius lucri quod accidere potuisset, vel fructus qui percipiendus foret. Ergo non oportet quod semper fiat ablatorum restitutio.

**153. — SED CONTRA.** Videtur quod homo debet plus RESTITUERE QUAM ABSTULERIT.

5. Quia præceptum legis veteris est, ut patet in<sup>3</sup> *Exod.*, xxxn, 1. quod ovis reddatur in quadruplum, et bos in quintuplum ; et hoc præceptum, cum sit de moribus, videtur esse morale. Ergo adhuc manet. Ergo tenetur homo in quintuplum vel quadruplum restituere.

**154. — 6. Præterea.** Ea quæ in Scriptura ponuntur, nobis in exemplum dantur. Sed Luc. (xix, 8] dicitur quod Zachæus se obtulit ad restitutionem in quadruplum eorum quæ acceperat per fraudem. Ergo et talis debet esse apud nos restitutionis modus.

### [III]

[II-II, q. 62, a. 6, 7.]

**155. — ULTERIUS.** Videtur quod solus ille qui accipit, AD RESTITUTIONEM TENEATUR.

1. Quia non exigitur plus in restitutione quam illatum est in damno. Si ergo unus solus damnum intulit, ille solus ad restitutionem tenetur ; alias multo plura reciperet damnificatus quam ea quæ amisit, si a quolibet consentiente deberet sibi in solidum restitutio fieri.

2. **Præterea.** Nulli debetur restitutio nisi ei qui damnum passus est. Sed contingit quod aliquis præcipiat damnificari aliquem, vel consulat, aut consentiat ; et tamen ille non damnificatur. Ergo tales non semper ad restitutionem tenentur.

3. **Præterea.** Nullus tenetur<sup>4</sup> damnum personæ incurrere pro evitando damno pecuniæ alterius, quia caritas debet esse

1. Ed. « potest ». — 2. Ed. « esset ». — 3. Ed. *om.* « in ». — 4. Ed. « debet ».

ordinata. Sed quandoque si aliquis raptorem manifestaret, incurreret suæ personæ periculum. Ergo non est verum quod teneatur ille qui non manifestat, ad restitutionem, ut *Quidam* dicunt.

4. **Præterea.** Multi etiam boni viri non reprehendunt eos quos videtur injuste accipere aliena ; tamen! durum esset dicere quod tenerentur ad restitutionem omnium. Ergo etiam ille qui non reprehendit, non tenetur, ut a *Quibusdam* dicitur, restituere.

**Similiter** etiam potest objici de illis qui non obstant et tamen obstare possunt.

## [IV]

[II-II, q. 62, a. 5.]

**156. — ULTERIUS.** Videtur quod non sit semper restitutio FACIENDA EI QUI DAMNUM PASSUS EST.

1. Nullus enim potest restituere ei quem non cognoscit. Sed quandoque fur nescit cujus sit res quem furto accepit. Ergo videtur quod non teneatur ei restituere.

2. **Præterea.** Ille qui accepit, non tenetur nisi ad restitutionem. Sed aliquando ad eum cui debetur? fieri restitutio, non posset pervenire sine magno damno, forte etiam cum majori quam sit pretium rei restituendae. Ergo videtur quod in tali casu non teneatur ei restituere.

3. **Præterea.** Aliquis in deprædatione civitatum injusta accipit aliqua. Sed non potest ei cujus fuit, restituere ; quia vel nescit eum vel mortuus est. Ergo videtur quod non teneatur restituere.

4. **Præterea.** Aliquis praelatus Ecclesiæ injuste aliquas res Ecclesiæ concedit<sup>4</sup>. Sed iste non tenetur reddere Ecclesiæ, ut videtur ; quia venirent ad manus illius praelati qui non est dignus ea recipere. Ergo videtur quod non semper ei qui damnum passus est sit restitutio facienda.

**157. — SED CONTRA** est, quia per restitutionem integratur æqualitas justitiæ. Sed æqualitas justitiæ est ut quod aufertur a lucro, apponatur ad damnum, ut dicitur in *V Elh.* (e 7. 1132a, 9-10 ; l. 6, n. 952). Ergo videtur quod restitutio sit semper facienda ei qui damnum passus est.

**158. — RESPONSIO.** Dicendum **AD PRIMAM QUÆSTIONEM** quod inæqualitas justitiæ opposita *duobus modis* contingit.

*Uno modo* in rebus exterioribus, ut quando unus rem alienam detinet. *Alio modo* in actionibus et passionibus, sicut cum quis

1. y N. f unde ». ed. « sed a — 2. Ed. « debet », contra ἀμφί. — 3. RANVP. « iniuste ». — 4. Ed. ad. ( alicui ».

alium per violentiam verberat. Et hæc duo *aliquando* separata sunt, ut per se patet; *aliquando* autem conjunguntur, ut cum quis per violentiam accepit, in quo ei a quo accepit, injuriam et contumeliam infert.

**159.** — Et secundum hoc reparatio æqualitatis justitiæ *dupliciter* significatur. *Reparatio enim inæqualitatis existentis in rebus, restitutio dicitur. Reparatio autem inæqualitatis existentis in actionibus et passionibus, satisfactio nominatur.* Et ideo quandoque est satisfactio sine restitutione aliqua, ut cum quis se proximo humiliat de aliquibus contumeliis eil dictis; *aliquando* autem restituito sine satisfactione, ut cum quis mutuum reddit. *Aliquando* autem utrumque exigitur, ut cum quis alicui per violentiam rem suam subtrahit. **Et sic loquimur hic de restitutione rei male ablatae**, in quo homo proximum et Deum offendit.

**160.** — *Quidam* ergo dicunt quod talis restituito non est pars satisfactionis, quia non debetur tantum Deo; nec est ad arbitrium sacerdotis, sed est ad satisfactionem præambulum.

**161.** — **Sed hoc nihil est**; quia omne peccatum quod in proximum committitur, etiam in Deum commissum est; sicut et in dilectione proximi dilectio Dei includitur. Unde et satisfactio proximi conjunctam habet satisfactionem Dei.

*Nec obstat quod non esi ad arbitrium sacerdotis*; quia sacerdos non est ibi vicarius proximi, sicut est vicarius Dei. Et ideo satisfactio quæ est Deo faciendâ, dependet ex arbitrio ejus. Sed satisfactio quæ est proximo et Deo simul faciendâ, non.

**162.** — Et ideo *Alii* dicunt quod est satisfactionis pars.

**163.** — **Sed hoc etiam verum non est**; quia satisfactio offensam removet et a pœna liberat. Nullus autem ex hoc ipso quod offendere desistit, consequitur hoc quod de offensa præcedenti reconciliationem inveniât, vel pœnam pro [illa] debitam evadat; sed hoc solum consequitur quod majorem offensam et pœnæ non cumulat, et sic cessare ab offensa nulla pars satisfactionis est, sed est præambulum ad satisfactionem.

**164.** — Et ideo, cum *restitutio* nihil aliud sit quam ab offensa cessare — quia ex hoc ipso quod rem alienam detinet eo invito, offendit — constat quod non est pars satisfactionis proprie accepte, sed *est præambulum ad satisfactionem*; non tamen propter rationem prius assignatam; quia bene concedimus quod satisfactio proximo facta, est pars satisfactionis Deo facte; sed **restitutio non est pars satisfactionis neque Deo neque proximo factæ.**

**165.** — **AD PRIMUM** ergo dicendum quod *de offensa homo*

1. Ed. « et ». — 2. Ed. *om.* « etiam ». — 3. *αρχη* « illo ». — 4. E4. *om* « neque Deo ».

*proximo non reconciliatur per hoc quod sua ei restituit, sed per hoc quod supra hoc aliquid humilitatis ei exhibet. Et ita non sequitur quod restitutio sit satisfactionis pars.*

**166.** — **Ad secundum** dicendum quod restitutio non est contrarium ad acceptionem vel detentionem injustam; sed magis est negatio vel privatio ipsius. Et ideo non oportet quod hoc sufficiat ad satisfactionem, sicut nec *est satisfactorium pro gula ut quis non immoderate comedat, sed ut etiam a moderatis absteat.*

**167.** — **Ad tertium** dicendum quod *cessare a peccato dicitur esse penitentiæ*, non quidem desistendo a peccato praeterito nisi<sup>2</sup> sicut præambulum ad poenitentiam, sed *procidendo causas futurorum peccatorum*, ut dictum est prius (48-49).

**168.** — **AD SECUNDAM QUÆSTIONEM** dicendum quod per satisfactionem oportet quod homo *sicut* Deo, *ita* proximo reconcilietur. Reconciliatio autem nihil aliud est quam amicitiae reparatio. Manente autem causa dissolutionis amicitiae, amicitia reparari non potest: quæ quidem causa fuit inæqualitas ex **injusta acceptione vel detentione causata.** Et ideo **ille satisfacere non potest, nec Deo reconciliari, qui rem male ablatam vel male detentam, non restituit.**

**169.** — Sed sciendum quod « *amicitia, ut Philosophus dicit in VIII Elh. (θ 16. 1163b, 15; l. 14, n. 1752), non requirit semper æquale, sed quod possibile* ». Et ideo si aliqua sunt ablata quæ omnino restitui non possunt, sufficit voluntas restituendi cum tanta restitutione quanta possibilis est secundum conditionem ulriusque ad arbitrium bonorum.

**170.** — **AD PRIMUM** ergo dicendum quod *ille qui malilam alicujus manifestat ei<sup>3</sup> qui habet corrigere*, vel etiam, si sit incorrigibilis, in conspectu Ecclesiae, ut confusus a peccato desistat, vel saltem<sup>4</sup> alii ab ejus consortio corruptivo discedant, servato ordine caritatis fraternae, *non injuste famam aufert.* Unde non tenetur ad famæ restitutionem.

**171.** — *Si autem intentione diffamandi id<sup>3</sup> fecerit, injuste aufert*, etiam si verum sit quod dicit. Et tunc tenetur ad famæ restitutionem vel dicendo se falsum dixisse, si falsum dixit; vel quocumque alio modo, non mentiendo, si verum dixit, sine hoc tamen quod se verum dixisse dicat; quia non debet alterius famam cum mendacio restituere.

**172.** — **Ad secundum** dicendum quod *restitutio principaliter inventa est in damnis quæ inferuntur in rebus forlunæ quæ*

1. Ed. *ad.* « pars ». — 2. Ed. « om. » « nisi ». — 3. Ed. « et ». — 4. Ed. *ad.* « ut ». — *j.* Ed. « hoc ».

restitui possunt. *In his autem quæ objectio tangit quæ non possunt ad simile bonum restitui, debet fieri restitutio qualis possibilis est, scilicet ad arbitrium bonorum (169).*

**173.** — **Ad tertium** dicendum quod ille qui impedit aliquem ne præbendam consequatur, *si hoc jacias quia indignus est, vel ut de alio melius provideatur, non injuste facit ; unde non tenetur ad restitutionem.*

**174.** — *Si autem animo lædendi ipsum, tenetur ad restitutionem,* non quidem tanti quantum valebat præbenda, quia ipse eam nondum erat consecutus ; sed pensatis conditionibus utriusque secundum arbitrium honorum (169).

**175.** — **Ad quartum** dicendum quod *ille qui suffodit semina, non tenetur ad tantum quantum agri fructus valituri erant, sed quantum ager sic seminatus valere consuevit ; quia multis de causis potest impediri agrorum fructus.*

**176.** — **Et similiter dicendum** est de eo cui debitum non restituitur suo tempore ; quia non *tenetur restituere tantum quantum lucrari potuisset ; sed secundum æstimationem lucri quod accidere consuevit,* pensato labore et infortuniis etiam quæ in lucro accidere alias possent ; quia *lucrum non causatur tantum ex pecunia, sed ex industria et labore.*

**177.** — **Ad quintum** dicendum quod *illud præceptum legis quamvis sit de moribus, non tamen est morale, sed judiciale.* Talia enim præcepta pro loco et tempore populo illi dabantur. Unde nunc non obligant, nisi de novo statuerentur ad aliquod ab eo qui statuendi haberet potestatem.

**178.** — Nihilominus tamen in quantum habebant aliquid significationis per Christum, impleta sunt hujusmodi præcepta, sicut et cæremonialia.

**179.** — **Ad sextum** dicendum quod Zachæus non *dixit hoc* quasi necessarium, sed *ex abundantia.*

**180.** — **AD TERTIAM QUÆSTIONEM** dicendum quod quidam versus dantur de illis qui tenentur ad restitutionem, tales :

Jussio, consilium, consensus, palpo, recursus,  
Participans, mutus, non obstans, non manifestans.

Sed tantum quinque istorum sunt quæ ad restitutionem semper obligant : quorum *primum* est « *jussio* », quando aliquis jubet aliquem deprædari ; alias tyranni non tenerentur ad restitutionem. *Secundus* est « *consensus* » ad rapinam perpetranda in eo sine quo rapina fieri non poterat. *Tertium* est « *recursus* », quando scilicet aliquis receptator latronum est et eis patrocini-

1. Ed. « non bene ». — 2. Ed. «geri ».

nium præstat. *Quartum* est « *participatio* », quando aliquis latroni se sociat ad spoliandum et partem spoliorum accipit. *Quintum* est « *non obstans* », cum scilicet ex officio obstare tenetur, ut Principes terrae qui justitiam conservare debent, si non obstant cum obstare possint, ad restitutionem tenentur.

**181.** — In aliis autem causis enumeratis non obligatur semper quis ad restitutionem, nisi in certis casibus : sicut<sup>2</sup> quando probabiliter credit quod consilium suum fuit efficax, et quod alias injusta ablatio commissa non fuisset.

**182.** — Similiter etiam non omnis « *palpo* », idest adulator, tenetur ad restitutionem ; sed ille qui adulando ad auferendum incitat, dicens hoc signum strenuitatis esse.

**183.** — Similiter etiam « *mutus* » dicitur, qui ex officio reclamare tenetur et non reclamationem ; nec tunc semper tenetur ad restitutionem, nisi operetur ut fiat injusta ablatio ; sed debet inducere eum qui abstulit, ut reddat.

**184.** — Similiter etiam non omnis qui *non manifestat*, tenetur ad restitutionem ; sed ille qui pro latrocinio zelat<sup>3</sup> et particeps est lucri.

**185.** — *In omnibus autem his, si principalis restituit, alii deobligantur a debito restitutionis.*

Et per hoc patet solutio ad objecta.

**186.** · · **AD QUARTAM QUÆSTIONEM** dicendum quod restituere est iterato statuere aliquem in suæ rei possessionem. **Et ideo patet quod illi qui privatus est re sua, debet fieri restitutio.**

**187.** — **AD PRIMUM** ergo dicendum quod *quando incertus est dominus rerum ablatarum pauperes sunt heredes.* Et ideo non deobligatur a debito restitutionis, nisi det pauperibus pro anima illius cui restitutio debebatur, adhibita tamen prius diligentia debita.

**188.** — **Ad secundum** dicendum quod *si sit res magni valoris, debet sibi transmitti*, si potest commode. Nec obstat si damnum de remissione patitur, quia ipse sibi causa fuit injuste auferendo.

**189.** — *Si autem transmitti non possit, vel res sit non magni valoris, potest eam dare propinquis illius si habet, vel alicui coenobio, si non habet propinquos,* cum protestatione tali quod ei reddere teneantur, si requisiverit vel unquam comparuerit.

**190.** — **Ad tertium** dicendum quod *ille qui illo modo accipit, debet pauperibus illius villæ restituere,* vel in alios usus communis illius civitatis expendere secundum arbitrium Episcopi, vel illorum ad quos pertinet cura illius civitatis.

1. Ed. « servare ». — 2. Ed. om. « sicut ». — 3. κ et ed. « celat », contra *αβγδζηθιλ* sed *εα cor.* in « celat ».

**191.** — **Ad quartum** dicendum quod *debet fieri restitutio Ecclesiæ*, ut res illæ deveniant ad successorem illius prælati ; quia ipse eas recipere quamvis non mereatur, Ecclesia tamen perdere eas non debet.

## QUÆSTIO II

Deinde quæritur de eleemosyna.

Et circa hoc quærentur sex.

*Primo*, quid sit.

*Secundo*, de effectu sive fructu ejus.

*Tertio*, de partibus ejus.

*Quarto*, de quo sit danda eleemosyna.

*Quinio*, quis possit eam dare.

*Sexto*, cui debeat dari.

### ARTICULUS I

[I]

**192. - AD PRIMUM SIC PROCEDITUR.** Videtur quod hæc definitio eleemosynæ, quam Quidam (*Alexand. Hales. IV Sum. q. 29*, membro II assignant, scilicet : « *Eleemosyna est opus in quo datur aliquid indigenti ex compassione propter Deum* », sit inconvenienter assignata.

1. Visitare enim infirmos ponitur? species eleemosynæ. Sed in hoc opere non datur aliquid. Ergo datio non debet poni in definitione eleemosynæ.

2. **Præterea.** Ipsum datum eleemosyna dicitur, quia dicimur eleemosynam dare. Sed ipsum datum non est opus, sed res quædam. Ergo eleemosyna non est opus.

3. **Præterea.** In eleemosynis aliquid datur quandoque clericis præbendatis qui tamen non indigent, sed divites sunt. Ergo non est de ratione eleemosynæ quod indigenti detur.

4. **Præterea.** Opus quod fit ex electione, est magis laudabile quam opus quod fit ex passione ; quia est Deo conformius qui nihil ex passione operatur. Sed compassio est passio quædam ; quia nullus compatitur nisi patiat. Ergo non est ex necessitate eleemosynæ quod ex compassione detur.

5. **Præterea.** Actus non recipit? speciem a fine ultimo, sed a proximo ; alias omnes actus virtutum essent unius speciei. Sed

1. Ed. *om.* « hæc ». 2. Ed. « est ». — 3. Ed. « respicit ».

ultimum quod ponitur in definitione debet esse differentia specifica. Cum ergo Deus sit ultimus finis omnium actionum nostrarum, videtur quod non debeat poni in definitione eleemosynæ quasi finalis differentia.

## [II]

[*Supra*, 140-142 *Infra*, 220.]

**193. — ULTERIUS.** Videtur quod eleemosyna non sit SATISFACTIONIS PARS.

1. Non enim est necessarium satisfacere nisi ei qui peccavit. Sed si nunquam homo peccasset, necesse haberet eleemosynas dare. Ergo non est satisfactionis pars.

2. **Præterea.** Totum non potest esse perfectum, si pars ei subtrahatur. Sed potest aliquis perfecte satisfacere de aliquo peccato, etiam si nullam eleemosynam det. Ergo satisfactionis pars non est eleemosyna.

3. **Præterea.** Nihil potest esse pars totius nisi differat ab aliis ejus partibus. Sed eleemosyna non differt a jejunio et oratione secundum quod ad poenitentiam pertinet, quia hoc eis omnibus competit in quantum sunt poenalia, ut ex dictis patet (146). Ergo eleemosyna non est satisfactionis pars.

4. **Præterea.** In sacramentis necessitatis, sicut patet in baptismo, adhibetur remedium quod nulli possit deesse, sicut aqua. Sed poenitentia est sacramentum necessitatis, ut ex præmissis (d. 14, 305) patet. Ergo cum dare eleemosynam non possit cuilibet competere qui peccare potest, quia non est nisi possidentium aliquid, videtur quod non debeat poni poenitentiae et satisfactionis pars.

**194. — SED CONTRA.** Lue. in, 8, super illud : « *Facite fructus dignos poenitentiae* », dicit Glossa (Beda L. 92, 354) quod dare eleemosynam sit pars poenitentiae. Sed non nisi ratione satisfactionis. Ergo est pars satisfactionis.

**195. — Præterea.** In foro sæculari non solum punitur aliquis per corporis læsionem, sed etiam per honorum subtractionem. Sed satisfactio in foro poenitentiae fit per opera poenalia. Ergo debet non solum jejunium quo affligitur corpus, sed eleemosyna etiam in qua subtrahuntur res temporales, pars poenitentiae esse.

## [III]

[II-II, q. 32, a. 1.]

**196. — ULTERIUS.** Videtur quod eleemosyna non sit ACTUS VIRTUTIS.

1. Quia *I Tim.*, iv, 8, ubi dicitur quod « *pietas ad omnia*

1. Ed. *om.* « ei ». — 2. Ed. « ut » *om.* « patet ».

*valet* », exponitur pro eleemosynarum largitione. Sed pietas non est virtus, sed donum. Ergo eleemosyna non est actus virtutis.

2. **Præterea.** Nulla passio est virtus, ut Philosophus probat in II *Eth.* { $\beta$  2. 1104b, 4 sq; l. 3). Sed eleemosyna ex misericordia procedit quæ passio est, ut patet per Glossam (Gassiodor. L. 70, 265) *super illud ps.* (xxxvi, 27) : « *Tota die misereatur* » : « *Eleemosyna a misericordia incipit* ». Ergo non est actus virtutis.

3. **Præterea.** Nihil est in genere quod non sit in aliqua ejus specie. Sed non potest reduci, ut videtur, ad aliquam speciem virtutis ; quia tantum tres virtutes inveniuntur circa exteriora bona operari, in quibus est eleemosyna : scilicet justitia, liberalitas, magnificentia. Eleemosyna autem non est actus justitiæ, quia non reddit alienum, sed dat suum ; similiter nec actus liberalitatis, quia liberalitas non attendit indigentiam, quam attendit eleemosyna ; similiter nec magnificentiæ, quia potest esse in parvis et in magnis. Ergo non est actus virtutis.

197. — 4. **SED CONTRA** est quod subvenire miseris est actus justitiæ, ut patet per Augustinum et habitum est in III lib. d. 33 (193-6). Sed subvenire miseris pertinet ad eleemosynam. Ergo eleemosyna est actus justitiæ, et sic est actus virtutis.

198. — 5. **Præterea.** Nihil est meritorium nisi actus virtutis ; quia « *felicitas est virtutis præmium* » ut etiam Philosophus dicit {*Eth.*  $\alpha$  10.1099b, 16-18 ; l. 14, n. 169). Sed eleemosyna est maxime meritoria. Ergo est actus virtutis.

#### [IV]

[*Infra* 274; II-II, q. 32, a. 5 ; q. 66, a. 7 ; q. 87, a. 1, ad 4 ; q. 108, a. 4, ad 2 ; *Quodl.* VI, q. 7, a. 1, 2 ; VIII, q. 6, a. 2.]

199. — **Uterius.** Videtur quod eleemosyna non cadat in præcepto.

1. Luc., ni, 15, *super illud* : « *Interrogaverunt\* eum turbæ* », dicit Glossa : « *Ex verbis Joannis terrore percussi consilium quærunt.* » Sed Joannes respondit quod intenderent eleemosynis. Ergo dare eleemosynas est consilium et non præceptum.

2. **Præterea.** Quilibet potest licite sua retinere. Sed retinendo sua non dat aliquis eleemosynam. Ergo dare eleemosynam non est in præcepto.

3. **Præterea.** Si cadit eleemosyna sub præcepto non cadit nisi sub præcepto negativo ; quia Ambrosius dicit {*Decr.*, d. 86, c. « *Pasce* », L. 187, 412) : « *Pasce fame morientem ; si non pavisti,*

1. Ed. *ad.* « non ». — 2. Ed. *om.* « quod », a « quia ». — 3. Ed. *om.* « est ». — 4. Ed. « Interrogabant ».

*occidisti* ». Non occidere autem est præceptum negativum. Sed non cadit sub præcepto negativo ; alioquin homo teneretur semper eleemosynam dare, quia præcepta negativa obligant semper et ad semper. Ergo dare eleemosynam non cadit sub aliquo præcepto.

4. **Præterea.** Omne quod cadit sub præcepto, aliquo tempore obligat transgressores ad peccatum mortale. Sed hoc non est de eleemosyna ; quia semper potest probabilis opinio alicui remanere, quod si ipse non subvenit, alius subvenire possit ; non enim unus posset omnibus subvenire. Ergo dare eleemosynam non cadit sub præcepto.

200. — **SED CONTRA** est quod dicit *Glossa Mat.*, vi, 3 : « *Te autem faciente eleemosynam* » : « *Conscientiae facienti eleemosynam pro præcepto adimplendo miscet se laudis appetitio?* ». Ergo dare eleemosynam cadit sub præcepto.

201. — **Præterea.** Illud sine quo caritas esse non potest, cadit sub præcepto. Sed sine eleemosynarum largitione in aliquo casu caritas esse non potest ut patet *I Joan.*, iii, 17 : « *Qui habuerit substantiam hujus mundi, et viderit fratrem suum necessitatem patientem et clauserit viscera sua ab eo, quomodo caritas Patris manet in ipso?* » quasi dicat, nullo modo. Ergo dare eleemosynam cadit sub præcepto.

202. — **RESPONSIO.** Dicendum **AD PRIMAM QUÆSTIONEM** quod eleemosyna nomen græcum est, et dicitur ab *eleos*, quod est miseratio vel misericordia<sup>3</sup> quæ miseriam alienam suam facit. Unde *sicut* homo miseriam a se expellit quantum potest, *ita* misericors miseriam alienam expellit ei subveniendo. Quæ quidem subventio fit per hoc quod ei sua bona communicat. Unde ipsa *communicatio bonorum propriorum ad miserum*, nomen eleemosynæ accepit.

203. — Hæc autem communicatio non potest esse meritoria et virtuosa, nisi quando propter Deum fit. **Et ideo in definitione prædicta tanguntur omnia quæ ad perfectionem eleemosynæ concurrunt, secundum quod est meritoria.**

204. — Ipsa enim miseria aliena quæ est misericordiæ principium, tangitur in hoc quod dicit « *indigenti* » ; misericordia autem quæ ex miseria aliena nascitur in nobis, tangitur in hoc quod dicit « *ex compassione* » ; sed misericordiæ effectus in relevando alienam miseriam quasi suam, tangitur in hoc quod dicitur « *opus in quo aliquid datur* », hoc enim est essentielle ipsi eleemosynæ ; sed intentio directa in Deum quæ dat ei rationem merendi, tangitur in hoc quod dicitur « *propter Deum* ».

1. Ed. « aliquid ». — 2. Ed. « appetitus ». — 3. *αγχη* « miseria vel misericordia » ; ed. « seu ».

**205.** — **AD PRIMUM** ergo dicendum quod secundum Philosophum in III *Elh.*, (e 8. 1133a, 19-20 ; l. 9, 979 sq.), quod omnia illia quorum pretium numismate potest comparari vel consuevit, potest in ratione dati et accepti venire. *Et ideo illi actus qui in subventionem alienæ miseriæ exhibentur, etiam quasi dona accipiuntur, cum sine pretio impenduntur.*

**206.** — **Ad secundum** dicendum quod quia habitus distinguuntur ex actibus, et actus ex objectis ; ideo quandoque nomina æquivocantur ad habitus, actus et objecta : sicut patet de fide, quæ potest significare vel habitum fidei vel actum ejus aut ipsam rem creditam. *Et similiter eleemosynæ nomen aliquando significat ipsam rem datam, et sic non definitur hic ; aliquando ipsam dationem, et sic accipitur prædicta definitio.*

**207.** — **Ad tertium** dicendum quod clericis, etiam si ipsi non indigeant, *eleemosynæ dantur, ut ministris pauperum et dispensatoribus eleemosynarum.* Et ideo quod eis in eleemosynam datur, per eos pauperibus transmittitur.

**208.** — **Ad quartum** dicendum quod sicut in III d. 26 (72) dictum est, *nomina passionum sensibilibus aliquando per quamdam similitudinem transferuntur ad actus voluntatis, qui sine passione sunt.* *Et sic compassio* quæ proprie importat passionem tristitiæ de aliena miseria, *dicitur quandoque de ipso actu voluntatis quo alicui displicet aliena miseria.* Et sine tali compassione nunquam eleemosyna danda est ; quia non subveniret aliquis miseriæ alienæ, nisi vellet eum non esse miserum. *Et talis compassio* etiam in Deo est, quia ei mala nostra ex voluntate antecedente displicent et quandoque etiam ex consequente.

**209.** — Sed in nobis etiam quandoque adjungitur compassio proprie dicta, quia appetitus superior natus est appetitum inferiorem movere. Unde si sit fortis impressio in superiori, erit etiam in inferiori, nisi aliquid repugnet. Et secundum hoc *miseri-cordia et verecundia et quædam aliæ passiones laudabiles sunt, inquantum ex debita electione boni procedunt.*

**210.** — **Ad quintum** dicendum quod quamvis *esse propter Deum* non det *speciem eleemosynæ* quantum ad esse suum primum, tamen *dat sibi ultimum complementum, secundum quod est meritoria*<sup>2</sup>. Et ideo ultimo in definitione ipsius ponitur.

**211.** — **AD SECUNDAM QUÆSTIONEM** dicendum quod a peccato desistere non est de essentia satisfactionis, ut ex prædictis patet (167); sed est ad satisfactionem præambulum, sicut fundamentum ipsius. Unde cum aliquis peccet hoc ipso quod

1. Ed. om, « quod ». — 2. Ed. « misericordia ».

non facit hoc ad quod facere tenetur, constat quod id quod quis alias facere tenetur, non est de essentia satisfactionis, sed præambulum ad ipsam.

**212.** — Unde cum ad eleemosynarum largitionem quandoque aliquis teneatur, quandoque non, ut postea patebit, (a. 4, sol. 1) constat quod *illarum eleemosynarum largitio ad quas quis tenetur, non est pars satisfactionis*, sed præambulum ad ipsam.

**213.** — **Illæ vero eleemosynæ ad quas alias non tenetur, possunt satisfactoriæ esse**, cum sint opera bona et poenalia, quod exigebatur ad opus satisfactorium. Punitur enim quis non solum ex afflictione corporis<sup>4</sup>, sed ex subtractione rerum.

**214.** — Et per hoc patet solutio **AD PRIMUM**.

Quidam tamen dicunt quod etiam primæ satisfactoriæ sunt ex largitione divinæ misericordiae.

**215.** — **Ad secundum** dicendum quod ratio illa procedit de parte integrali. *Eleemosyna autem non est talis pars satisfactionis. sed magis subjectiva*. Et ideo etiam sine ipsa satisfactio completam suam rationem habet in qualibet suarum partium per se, sicut animal in qualibet suarum specierum.

**216.** — **Ad tertium** dicendum quod pœna dicitur malum in quantum subtrahit aliquod bonum, quia sic naturæ nocet. Unde *sicut est diversa ratio boni in divitiis quas appetit concupiscentia oculorum et deliciis quas appetit concupiscentia carnis et honoribus in quos tendit superbia vitæ ; ita est diversa ratio pœnis in eleemosyna quæ subtrahit divitias, et in jejunio quod subtrahit delicias, et in oratione quæ altitudinem superbi spiritus deprimit per humilitatem*. Et propter hoc sunt diversæ satisfactionis partes.

**217.** — Nec differt de prædictis bonis utrum sint simpliciter bona vel æstimata bona, quantum ad rationem pœnæ, sicut neque quantum ad rationem appetitus ; pœna enim voluntati contrariatur, ut Anselmus dicit.

**218.** — **Ad quartum** dicendum quod *eleemosyna non tantum consistit in collatione pecuniæ, sed etiam in aliis obsequiis propter Deum proximis factis*, ut dictum est (148). Unde etsi alicui pecunia desit, non tamen facultas dandi eleemosynam deest. *Et si deesset omnino facultas respectu eleemosynarum corporalium propter penuriam rerum et corporis debilitatem, non tamen deesset facultas respectu eleemosynarum spiritualium*, quia posset alteri vel consulere, vel saltem oraro. *Et si etiam facultas omnino deesset, voluntas completa sufficeret*.

1. Ed. om. « ad ». — 2. Ed. « quam ». — 3. Ed. om. « ex ». — 4. ηζ et ed. ad. « facta ». — 5. N. ed. \* pro illo ».

**219.** — **AD TERTIAM QUÆSTIONEM** dicendum quod cum *virtus sit habitus quo dirigimur ad bene operandum*, oportet quod omnis actus quod de se rectitudinem importat, ad aliquam virtutem reducatur, quamvis etiam in sui ratione non exprimat omne illud quod ad perfectionem virtutis requiritur : sicut dare quando dandum est, dicitur esse actus liberalitatis, quamvis in hoc non exprimat omnis debita circumstantia quæ ad actum liberalitatis exigitur.

**220.** — Cum ergo eleemosyna, secundum quod dictum est (**202**) importet quamdam rectitudinem ; quia significat dationem ordinatam ad subventionem miseræ, quod ipsum nomen declarat, cum eleemosyna ab eleos, quod est misericordia dicatur, **patet quod eleemosyna de se dicit virtutis actum**, quamvis non exprimat omnes conditiones quæ ad actum virtutis requiruntur.

**221.** — Dationes autem et acceptiones ordinat liberalitas. Unde oportet quod eleemosyna sit aliquo modo actus liberalitatis, cujus misericordia pars ponitur a *Quibusdam*, ut in III d. 33 (**403**) dictum est ; eo quod liberalitas coniectat bonum communiter in dationibus ; sed misericordia coniectat in eis aliquod speciale bonum, quod est relevatio miseræ aliorum. Unde eleemosyna est actus misericordiae, et per consequens liberalitatis.

**222.** — **AD PRIMUM** ergo dicendum quod *pietas*, secundum Augustinum, X *De civit. Dei* (c. 1 ; L. 41, 276), *more vulgi dicitur ipsa misericordia*. Et sic ad pietatem pertinere dicitur eleemosyna, et non secundum quod est donum.

Qualiter autem pietas donum a misericordia differat, in lib. III d. 33 (**379-380**) dictum est.

**223.** — **Ad secundum** dicendum quod *misericordia* secundum quod importat compassionem tantum ad miseriam alterius, non est virtus, sed passio. *Secundum autem quod importat electionem compotentis, secundum hoc virtus est.*

**224.** — **Ad tertium** dicendum quod, ut patet., *eleemosyna reducitur* ad aliquam virtutem etiam a *Philosophis* assignatam ; quia *ad misericordiam immediate* et *ad liberalitatem mediate*. Quamvis enim liberalitas communiter non attendat indigentiam, nihil tamen prohibet aliquam liberalitatis speciem indigentiam attendere.

**225.** — **Ad quartum** dicendum quod *subvenire miseris*, ut ibidem (III lib. d. 33, 172) dictum est, non est *actus justitiæ* ratione sui, sed *ratione suæ partis*, secundum quod *liberalitas* etiam ad justitiam reducitur sicut pars.

**Quintum** concedimus.

**226.** — AD QUARTAM QŪÆSTIONEM dicendum quod cum **eleemosyna** sit actus virtutis, **oportet quod aliquo modo cadat sub præcepto**, quia præcepta legislatoris ad virtutem ducere intendunt, ut dicitur II *Eth.* ( $\beta$  l. 1103b, 3; l. 1, 251). Reducitur autem ad hoc præceptum : « *Honora parentes* ». Honor autem ille, secundum Augustinum, ad reverentiam et subventionem in necessariis pertinet ; et nomine parentum omnis proximus intelligitur.

227. — Sed præcepta affirmativa non obligant ad semper, quamvis semper obligent ; sed obligant pro loco et tempore, et secundum alias determinatas condiciones. Cum autem usus divitiarum sit ordinatus ad subveniendum necessitatibus præsentis vitæ, quæ quidem subventio debet esse ordinata ; patet quod *qui divitiis non alitur ad subveniendum præsentis vitæ necessitatibus, vel inordinate utitur, a virtute recedit.*

**228.** — Ordo autem subventionis talis debet attendi quantum ad *duo*. [*Primo*] *ex parte eorum quibus subvenitur*, ut primo sibi, postea sibi conjunctis subveniat, et deinde extraneis. *Secundo ex parte necessitatis* talis debet esse ordo, ut prius absolutæ necessitati subveniatur quam alicui necessitati conditionalis, quæ est cum quis indiget aliquo ad sui status decentem conservationem. **Et ideo præceptum legis ad hoc obligat, ut illud quod superest alicui post subventionem perfectam sibi et sibi conjunctis, puta familiæ quam gubernare debet, respectu utriusque necessitatis, in eleemosynas expendat ad subveniendum aliis respectu utriusque dictarum necessitatum** ; sicut etiam natura illud quod sibi de alimento superfluit ab actu nutritivæ, in quo attenditur quasi necessitas absoluta, et actu augmentativæ, in quo attenditur quasi necessitas conditionata, præparat ad conservationem speciei, generativæ virtuti ministrans.

**229.** — **Et similiter præceptum legis obligat, quod etiam necessitati extraneorum absolutæ primo subveniatur quam necessitati propriæ vel propinquorum conditionatæ.** Et ideo dicitur communiter quod dare eleemosynam de superfluo, cadit in præcepto ; et similiter etiam dare eleemosynam ei qui est in extrema necessitate ; dare autem de eo quod est necessarium secunda necessitate, non autem de eo quod est necessarium necessitate prima, quia hoc esset contra ordinem caritatis.

**230.** — AD PRIMUM ergo dicendum quod facere aliquid boni, ad quod ex legis præcepto non tenemur, ad supererogationem pertinet, de qua consilia dantur. Et ideo, cum *dare ali-*

1. Ed. « enim ». Quid simile habetur *Contra Adimant*, c. 6 ; L. 42, 136 ; et tr. 119 in *Joan.* n. 2 ; L. 35, 1950. — 2. Ed. ad. « Primo », contra  $\alpha\zeta\eta$ .

*quid de superfluo respectu primæ necessitatis, sed necessario secunda necessitate, ad subveniendum majori necessitati, etsi non sit necessitas absoluta, estl bonum, ad quod ex præcepto non obligamur; ideo est supererogationis, et propter hoc de hoc est consilium. Et sic intelligitur Glossa illa.*

**231. — Ad secundum** dicendum quod *sicut* est accipere superfluum et diminutum in datione, *ita etl* in retentione et acceptione, ut Philosophus dicit in IV<sup>3</sup> *Eth.* (δ 3. 1121a, 10; l. 3, n. 685;). Et ideo *aliquis, retinendo sua, contra virtutem facit quandoque, ei per consequens contra legem Dei* quæ ad omnem virtutis actum sufficienter ordinat, *quamvis non faciat contra legem svecularis fori,* quæ non potest perfecte ad omnes virtutes ordinare.

**232. — Et præterea.** *Quando alius est in statu extrema? necessitatis, efficiuntur sibi omnia communia.* Unde etiamsi<sup>4</sup> per violentiam vel furtum acciperet, non peccaret.

**233. — Ad tertium** dicendum quod sicut dictum est, (226) eleemosyna reducitur ad præceptum affirmativum quod est « *Honora parentes* ». Sed cum omne præceptum affirmativum pro tempore ad quod obligat, peccatum omissionis inducat, omne autem peccatum sub prohibitione cadat, præcepta<sup>5</sup> affirmativa habent prohibitiones, sicut præcepta negativa annexa pro illo tempore ad quod obligant : sicut etiam quælibet affirmatio habet negationem conjunctam. Ete *secundum quod illud peccatum omissionis potest esse causa vel occasio alterius peccati,* secundum hoc intelligitur quod Ambrosius [*Decret.* d. 86, c. 21 ; L. 187, 412] dicit : « *Pasce; si non paveris, occidisti* ».

**234. — Ad quartum** dicendum quod *tempus ad quod obligat præceptum de eleemosynis faciendis, accipitur ex parte accipientis, et ex parte dantis.*

*Ex parte autem accipientis, quando apparent signa probabilia extremæ necessitatis futuræ, nisi ei subveniatur.* Et cum aliquis videt alios impotentes vel pigros ad subveniendum, et pauperem indigentem cibo et potu et aliis vitæ necessariis, nec sibi satisfacere posse; non enim exspectanda est ultima necessitas, quia tunc forte non posset juvari natura jam fame vel siti consumpta. Dicit enim Chrysostomus *Super Joannem* (hom. 77, n. 4 ; G. 59, 304) : « *Non oportet pauperem ululantem deceptorem vocare. Quid dicis, o homo? Propter unum panem deceptionem quis complicat? Utique, dicis. Quocirca maxime misericordiam consequatur, ut maximæ necessitati eripiatur.* »

1. Ed. « sit ». — 2. Ed. *om.* « et ». — 3. Ed. « v » et quid simile habetur € 9.1134a, 5 ; l. 10, n. 996, sed melius in iv. — 4. Ed. « etsi »; ζ « si ». — 5. *an ad.* autem », ζ « etiam », ij « enim ». — 6. N. « sic ».

**235.** — *Ex parle autem dantis, quando habet homo multa quibus non indiget neque ad sustentationem vitæ sui et suorum, neque ad decentem status sui conservationem ; etsi pauperes extremæ necessitatis non comparcant. Neque oportet occasionem futuræ necessitatis prætereendere ultra probabilia signa futuræ necessitatis ; quia hæc est superflua sollicitudo, quam Dominus prohibet Mat., vi, 31 : « Nolite solliciti esse, etc. »*

## ARTICULUS II

### [I]

**236. — AD SECUNDUM SIC PROCEDITUR.** Videtur quod ELEEMOSYNA DECEDENTEM IN PECCATO MORTALI A PÆNA INFERNALI liberet. Tobie, iv, 11, dicitur : « *Eleemosyna ab omni peccato liberat, ei non patietur animas ire in tenebras.* » Sed in hoc nulla esset eleemosynæ commendatio, si illos a tenebris eriperet qui tenebrarum debitores non erant. Ergo et decedentes in peccato mortali, qui tenebrarum debitores sunt, a tenebris inferni liberat.

2. **Prætere.** Ambrosius dicit, I *Tim.*, iv, 8, super illud « *Pietas ad omnia valet* » ; (L. 17, 500) « *Pietatem autem sequens, si lubricum carnis patiat, vapulabit quidem, sed non peribit.* » Non autem potest intelligi de lubrico veniali, de quo quis pœnitet ; quia etiam sine eleemosynis per illud non periret. Ergo in peccato mortali decedentes, per eleemosynam liberantur a perditione inferni.

**237. — SED CONTRA.** Nullus liberatur a pœna inferni nisi per gratiam Dei : « *gratia enim Dei vita æterna est* » : *Rom.*, vi, 23. Sed ille qui decedit in peccato mortali, caret gratia. Ergo nec per eleemosynas a pœna inferni liberari potest.

### [II]

**238. — ULTERIUS.** VIDETUR QUOD ELEEMOSYNA SIT SATISFACTORIA MINUS QUAM ALIA OPERA SATISFACTIONIS.

1. Ματ., xvii, 20, dicitur : « *Hoc genus daemoniorum in nullo elicitur nisi in jejunio et oratione* » ; nec fit aliqua mentio de eleemosyna. Ergo jejunium et oratio sunt efficaciora ad delendum peccatum quam eleemosyna.

2. **Prætere.** Satisfactionis opus oportet esse poenale et Deo acceptum. Sed jejunium est magis poenale quam eleemosyna, **et** oratio est opus magis Deo acceptum quam eleemosyna, inquan-

1. Ed. ad. « et a morte ». — 2. Ed. om. « super illud *Pietas ad omnia valet* ».

tum majorem familiaritatem cum Deo conquirat. Ergo eleemosyna est minus satisfactoria quam jejunium et oratio.

**239. — SED CONTRA** est quod dicit GLOSSA (L. 17, 500), I *Tim.*, iv, 8, super illud : « *Pietas ad omnia valet* » : « *Omnis summa disciplinae christianae est in misericordia et pietate.* » Sed in illo consistit summa rei quod est in re præcipuum. Ergo præcipuum inter alia satisfactionis opera est eleemosyna.

## [III]

[II-II, c. 32, a. 3.]

**240. — ULTERIUS.** Videtur quod virtus eleemosynæ MAGIS CONSISTAT IN DATO EXTERIORI QUAM IN AFFECTU INTERIORI.

1. Quia, ut dicitur communiter in suffragiis mortuorum, citius liberantur pro quibus dantur plura, etiam si pro alio bona voluntas impendatur. Ergo efficacia eleemosynæ magis consistit in dato quam in affectu.

2. **Præterea.** Efficacia eleemosynæ est in expiando peccatum. Sed ubi est majus datum, majus peccatum expiatur; quia pro majori peccato major summa pecuniæ in eleemosynas dandæ injungitur. Ergo efficacia eleemosynæ præcipue consistit in dato.

**241. — SED CONTRA.** Super illud *ps.* cxxv, 5 : « *Qui seminant in lacrynis etc.* », dicit GLOSSA (August. *Enarr.* in *ps.* n. 11; L. 37, 1664) : « *Magna voluntas nullum dedit, multum seminavit; in hac voluntate illa vidua quæ duo minuta misit, non parum seminavit.* » Ergo efficacia eleemosynæ magis pensatur ex magnitudine voluntatis quam ex magnitudine dati.

**242. — RESPONSIO.** Dicendum AD PRIMAM QUÆSTIONEM quod *causa pænæ infernalis est culpa mortalis.* Manente autem causa, manet effectus. Unde, cum ab eo qui in peccato mortali moritur, non possit ulterius culpa mortalis tolli, sicut nec a dæmonibus; quia, ut dicit Damascenus (lib. II *De fide orihod.*, c. 4; G. 94, 878), « *quod est hominibus mors, est dæmonibus casus* »; patet quod **neque eleemosyna ab eo prius facta, neque post mortem ejus facta ab alio, potest eum qui in peccato mortali decedit, a pœna inferni liberare.**

**243. — AD PRIMUM** ergo dicendum quod eo modo quo aliquis liberatur a peccato mortali per eleemosynam, liberatur ab infernalibus tenebris. Liberat autem eleemosyna a peccato mortali hominem adhuc in statu viæ existentem, *dupliciter* : *vel impediendo futurum peccatum*, sicut et alia opera meritoria

1. Ed. « utilis est ». — 2. Ed. « eleemosynis ».

quæ hominem in gratia confirmant; *vel a prælerito liberando*, inquantum disponunt eum qui jam<sup>2</sup> in peccatum incidit, ad gratiam recuperandam, sicut et alia opera de genere bonorum recta intentione facta.

**244.** — **Ad secundum** dicendum quod *inlelligilur de lubrico mortali*. Quod autem dicitur: « *Non peribit* », non *esi* secundum necessitatem *intelligendum*, sed *secundum quamdam dispositionem*; quia per hoc quod operibus pietatis aliquis vacat in peccato mortali existens, disponit se ad gratiam, ut non facile permittatur in perditionem ire.

**245.** — *Vel si inlelligatur de veniali*, efficacia eleemosynæ in hoc ostenditur, quod *pæna vapulalionis diminuitur per eam*; *vel ipsum<sup>3</sup> veniale impeditur*, ne in mortale trahere possit:

**246.** — **AD SÉCUNDAM QUÆSTIONEM** dicendum quod efficacia satisfactionis invenitur in tribus satisfactionis partibus, sicut virtus totius potentialis in partibus ejus, quæ quidem complete in una invenitur, et in aliis diminute. Sicut tota virtus animæ invenitur in rationali, sed in sensibili anima invenitur diminute, et adhuc magis diminute in vegetabili, quia anima sensibilis includit in se virtutem animæ vegetabilis, et non convertitur.

**247.** — **Eleemosyna enim includit in se virtutem orationis et jejunii duplici ratione.**

*Primo*, quia eleemosyna eum cui datur constituit debitorem ad orandum et jejunandum, et alia bona quæ potest faciendum pro eo qui dedit.

*Secundo*, quia eleemosyna propter Deum data, est quasi quædam oblatio Deo facta. Unde *Philosophus* etiam dicit in *IV<sup>4</sup> Eth.* (δ 5. 1123a, 5; l. 7, n. 727), quod « *dona habent aliquid simile Deo sacratis* »; oblatio autem ipsa<sup>5</sup> Deo facta vim orationis habet.

**248.** — *Et similiter* inquantum bona exteriora ad corporis conservationem ordinantur, subtractio exteriorum bonorum per eleemosynam quasi virtute continet jejunium, quo maceratur corpus.

**249.** — *Similiter* etiam oratio virtute continet jejunium, quia extensio intellectus ad Deum debilitatem corporis parit, ut dictum est (144).

**250.** — Unde **eleemosyna completius habet vim satisfactionis quam oratio, et oratio quam jejunium.** Et ideo dicitur *I Tim.*, iv, 7: « *Corporalis exercitatio ad modicum utilis esi.* » Et propter hoc eleemosyna magis indicitur ut universalis medicina peccati,

1. Ed. « disponit ». — 2. F. *om.* « jam ». — 3. Ed. « per ipsam ». — 4. « n ». — 5. N. « ipsi », F. « ipso ».

quam aliam, sicut Luc., χ1, 41 : « *Date eleemosynam, et omnia munda sunt vobis* » ; et Dan., vi, 24 : « *Peccata tua eleemosynis redime* », et Tobiae, iv, 11 : « *Eleemosyna ab omni peccato liberat* » ; et I Tim., iv, 8 : « *Pietas ad omnia valet*2. »

**251.** — **AD PRIMUM** ergo dicendum quod *satisfactio est medicina et præservans a peccato futuro et expians a praeterito*. Et quamvis eleemosyna habeat vim expiandi quodcumque peccatum praeteritum, non tamen habet omnem vim praeservandi a futuro peccato ; quia oratio et jejunium praeservant a quibusdam peccatis non solum per modum meriti, quod etiam eleemosyna facit, sed per modum contrariae assuetudinis. Et sic ibidem dicit Glossa quod « *jejunio sanantur pestes corporis, sed oratione pestes mentis* » ; et secundum hoc intelligitur quod *aliqua peccata tantum oratione vel jejunio sanantur*.

**252.** — **Ad secundum** dicendum quod quamvis poena in satisfactione requiratur, tamen principalis est in ea bonitas actus quam pœnalitas. Et quia eleemosyna plus habet de ratione boni quam jejunium, inquantum immediatius se ad caritatem habet et inquantum non est singulare bonum facientis, sed commune facienti et patienti ; *eleemosyna plus erit satisfactoria quam jejunium ; similiter etiam3 oratio*, quamvis hominem magis familiarem Deo reddat quam eleemosyna, sicut contemplativa plus quam activa ; tamen intercessorum per eleemosynam multiplicatio plus valet ad impetrandum peccatorum remissionem quam singularis unius hominis oratio.

**253.** — **AD TERTIAM QUÆSTIONEM** dicendum quod *eleemosyna, ut ex dictis patet (234-35), habet efficaciam et ex ipso faciente, inquantum est quoddam opus meritorium, et ex recipiente, inquantum obligatur ad orandum pro illo qui eleemosynam dedit*.

**254.** — Si ergo consideretur4 eleemosynæ efficacia **ex parte recipientis**, sic *major efficacia in majori dato consistit*, inquantum per hoc plures et magis debitores efficiuntur.

**255.** — **Ex parte autem dantis** sic *respectu præmii essentialis*, efficacia [eleemosynæ5] magis pensatur *ex affectu* quam ex dato ; *sed respectu præmii accidentalis*, ut puta remissionis pœnæ vel alicujus hujusmodi, magnificatur efficacia eleemosynæ *ex magnitudine dati*, nisi ex parte altera intentio voluntatis magnitudini exterioris dati præponderet.

**256.** — Potest enim tam intensa esse voluntas quod etiam omnem pœnam absorbeat et reatum, sicut de contritione dicitur.

Et per hoc patet responsio ab objecta.

1. N. « oratio ». — 2. Ed. « utilis est ». — 3. Ed. « et quam ». — 4. Ed. « consideratur ». — 5. *αβγ& ζηθικ* « orationis » sed *εζθ cor*.

## ARTICULUS III

[I]

[II-II, q. 32, a. 2; in Mat. c. 25.]

**257. — AD TERTIUM SIC PROCEDITUR.** Videtur quod SUPERFLUE ASSIGNENTUR ELEEMOSYNÆ CORPORALES SEPTEM, QUÆ HOC VERSU CONTINENTUR :

Visito, poto, cibo, redimo, tego, colligo, condo.

« *Visito* », scilicet infirmum ; « *polo* », scilicet sitientem ; « *cibo* », scilicet esurientem ; « *redimo* », scilicet incarceratum ; « *lego k*, id est vestio nudum ; « *colligo* », id est recolligo hospitem ; « *condo* », id est sepelio mortuum.

1. Omnis enim eleemosyna ad utilitatem ejus cui datur, debet ordinari. Sed sepultura non est ad utilitatem mortui, ut Seneca dicit (lib. *De benefic.*, c. 20). Ergo non fit eleemosyna in hoc quod mortuus sepelitur.

2. **Præterea.** Dominus, Mat., xxv, 35-46, misericordis opera commemorat quibus homo a damnatione liberatur et regnum meretur. Sed ibi non computatur mortui sepultura. Ergo non est in hoca aliqua eleemosyna.

3. **Præterea.** Eleemosyna datur ad subveniendum necessitatibus aliorum. Sed quædam vestes non sunt ad necessitatem, sed ad ornatum. Et quidam cibi et potus non sum ad necessitatem, sed ad delectationem. Ergo non videtur quod semper vestire nudum et cibare esurientum sit pars eleemosynæ.

**258. — 4. SED CONTRA.** Multæ aliæ sunt necessitates humanæ vitæ quam prædictæ, sicut cæcus indiget ductore, claudus vectore. Cum ergo eleemosyna ad omnes necessitates ordinetur, videtur quod insufficienter eleemosynæ prædictæ numerentur.

**259. — 5. Præterea.** Inter omnes necessitates principalis est paupertas. Sed de hac non fit aliqua mentio. Ergo insufficienter numerantur.

[II]

[II-II, q. 32, a. 2; in Mat. c. 25.]

**260. I I ULTERIUS.** Videtur quod etiam eleemosynæ SPIRITUALES INCONVENIENTER NUMERENTUR, QUÆ HOC VERSU CONTINENTUR

Consule, castiga, solare, remitte, fer, ora.

1. Ed. « maxime ». — 2. Ed. om. « in hoc ». — 3. Ed. om. « ad ». — 4. aζη « sed ». — 5. Ed. ad. « eleemosynæ prædictæ ».

« *Consule* », idest doce ignorantem et dirige dubitantem. Intel-  
ligitur enim in hoc duplex eleemosyna spiritualis : scilicet doc-  
trina et consilium. « *Castiga* » delinquentem ; « *solare* », id est  
consolare tristem ; « *remitte* » delinquentibus in te ; « *fer* », id est  
porta infirmitates aliorum et gravamina ; « *ora* » pro omnibus.

1. Eleemosyna enim cadit sub præcepto, et obligat ad tem-  
pus determinatum, ut prædictum est (226-36). Sed non est tempus  
docendi nisi quando aliquis ignorans occurrit. Si ergo eleemosynæ  
pars sit doctrina, videtur quod homo quodcumque videat  
aliquem ignorantem, quod debeat eum docere.

2. **Præterea.** Quicumque determinat aliquam quæstionem,  
docet quærentem. Sed ille qui dat consilium, quæstionem deter-  
minat ; quia « *consilium quæstio est* », ut dicitur in III *Eth.*,  
( $\gamma$  5. 1112b, 23 ; l. 8, n. 476). Ergo non debet alia eleemosyna poni  
consilium quam doctrina.

3. **Præterea.** Eleemosyna ad liberalitatem reducitur, ut dictum  
est (225). Sed severitas contra liberalitatem dividitur, ut in  
III lib. d. 33 (402-3) dictum est de partibus justitiæ. Ergo cum  
castigare delinquentem pertineat ad severitatem, non videtur  
quod debeat inter eleemosynas poni.

4. **Præterea.** Eleemosyna non computatur inter partes cari-  
tatis, sed inter partes justitiæ, cum sit opus satisfactorium.  
Cum ergo remittere delinquenti et ferre molestias aliorum sit  
caritatis perfectæ, videtur quod non sint partes eleemosynæ,  
quæ est actus misericordiæ.

## [III]

[II-II, q. 32, a. 3.]

**261. — ULTERIUS.** Videtur quod eleemosynæ corpora-  
les PRÆEMINEANT SPIRITUALIBUS.

1. Eleemosyna enim ordinatur ad subveniendum indigentiae.  
Sed magis indiget corpus quam spiritus. Ergo potior est eleemo-  
syna corporalis quam spiritualis.

2. **Præterea.** Quanto minus recompensatur eleemosyna danti,  
tanto eleemosyna est acceptior. Unde dicitur *Mat.*, vi, 5, quod  
« *receperunt mercedem suam* » qui laudem pro eleemosynis quæ-  
runt. Sed in corporalibus eleemosynis minor fit recompensatio,  
quia bona spiritualia aliis communicata in possidente crescunt.  
Ergo eleemosynæ corporales sunt potiores.

3. **Præterea.** Quanto eleemosyna magis satisfacit desiderio  
pauperis, tanto gratior est. Sed magis satisficit desiderio recipien-  
tis per eleemosynas corporales quam per spirituales ; quia defec-

1. Ed. *om.* « enim ». — 2. Ed. *om.* « quod ». — 3. Ed. « quia ». — 4. Ed.  
« suam per eleemosynas ». — 5. Ed. *om.* « per ».

tus corporales magis sentiuntur. Ergo eleemosyna corporalis potior est.

**262.** — **SED CONTRA** est quia per eleemosynas spirituales subvenitur spiritui, per corporales autem corpori. Sed spiritus præeminet corpori. Ergo et eleemosyna spiritualis corporali.

**263.** — **Praeterea.** Quanto est nobilius datum, tanto est melior eleemosyna, sicut etiam in eleemosynis corporalibus patet. Sed bonum spirituale quod in eleemosynis spiritualibus datur, est melius quam corporale quod datur in corporalibus<sup>2</sup>. Ergo eleemosynæ spirituales sunt potiores corporalibus.

**264.** — **RESPONSIO.** Dicendum **AD PRIMAM QUÆSTIONEM** quod *eleemosyna corporalis ordinatur ad subveniendum necessitati corporis* : quæ quidem est *duplex*, scilicet communis et specialis ratione alicujus accidentis.

**265.** — **Communis** quidem **necessitas corporis** est *duplex* : *una* ex hoc quod jam mortem incurrit, et ad hoc ordinatur **sepultura** mortui.

*Alia* secundum quod est nobis necessarium aliquid præservans a morte, ne eam aliquis<sup>3</sup> incurrat ; et hoc *dupliciter*.

*Uno modo prohibens corruptivum interius*, quod est defectio nutrimenti ; et contra hoc ordinatur **cibatio esurientis** et **potatio sitientis**, secundum quod his duobus indiget ad nutrimentum.

*Alio modo prohibens corruptivum exterius* ; et ad hoc etiam ordinatur *duplex* eleemosyna, scilicet **tegere nudum** et **colligere hospitem** in domo, quia his<sup>4</sup> duobus contra aeris intemperiem indigemus, scilicet veste et domo.

**266.** — Similiter etiam **necessitas specialis** potest esse *duplex* : *vñ ex causa intrinseca*, sicut infirmitas, et contra hanc ordinatur **visitatio infirmorum** ; *vel ex causa extrinseca*, sicut detentio incarcerationum, et contra hoc ordinatur **redemptio captivorum**.

**267.** — **AD PRIMUM** ergo dicendum quod quamvis *sepultura* non prosit *mortuo*, secundum se corporaliter, *prodest* tamen ei *secundum quod in memoriis hominum remanet* ; *tum* quia in confusionem mortui reputatur quod insepultus jacet ; *tum* quia ex ipso tumulo magis in memoria manet, et aliqui ad orandum pro ipso excitantur. Unde monumentum dicitur a memoria, ut **Augustinus** dicit in Libro<sup>5</sup> *De cura pro mortuis agenda* (c. 4 ; **L. 40, 596**).

**268.** — **Ad secundum** dicendum quod *Dominus enumeravit illas eleemosynas in quibus major indigentia apparet*, ut evidentior appareat justitia judicantis, dum hos pro eleemosynis

1. N. « nobilior ». — 2. N. « in eleemosynis corporalibus » ; F. « corporibus ». — 3. F. « aliquid ». — 4. F. « hic ». — 5. F. « Littera ».

remunerat, et illos pro omissione condemnat. *Et tamen in aliis Scripturæ locis talis eleemosyna commendatur*, sicut patet de Tobia (Ton., i et iv) etl Simone Machabæo (I Mach., χπi) qui parentibus et fratribus suis sepulcra solemniter ædificavit<sup>2</sup>, et etiam de Joseph qui corpus Domini sepelivit, et ex hoc laudatur (Mat., xxvii, 57-59).

**269.** — **Ad tertium** dicendum quod *aliquando illud quod est ad delectationem vel ornatum, in necessitatem vertitur*. Et hoc *dupliciter*: vel *propter infirmitatem*, quia infirmi sustentandi sunt delicatis cibus et vestibus mollioribus<sup>3</sup>, ne natura graveatur; vel *propter pristinam consuetudinem, aut etiam dignitatis statum*, in quo aliquis, etiam pauper, sine confusione non potest aliis uti. Et ideo etiam Augustinus in *regula* (L. 32, 1380) his duobus generibus hominum præcipit uberius subveniendum.

**270.** — **Ad quartum** dicendum quod *omnes aliæ necessitates ad aliquam istarum reducuntur*. Quidquid enim ad subventionem morbi pertinet, hoc totum sub visitatione infirmi continetur.

**271.** — **Ad quintum** dicendum quod *sicut nummus*, eo quod est mensura quædam, ut dicit Philosophus in *V Eth.* (e 8. 1133a, 20; l. 9, 979), continet omnia necessaria vitæ virtute; *ita etiam paupertas continet omnes necessitates*. Et ideo *subvenire pauperi non est specialis eleemosyna ab aliis distincta, sed generaliter<sup>5</sup> omnes includit*.

**272.** — **AD SECUNDAM QUÆSTIONEM** dicendum quod *eleemosynæ spirituales dicuntur quibus homo defectibus proximi spiritualibus subvenit*: quod quidem fit *dupliciter*.

*Uno modo* quando aliquis impetrat proximo subventionem a Deo, et hoc facit **oratio**.

*Alio modo* quando aliquis subvenit proximo per seipsum, et hoc *vel* contra defectum pœnæ *vel* contra defectum culpæ.

*Si primo modo*, hoc est *dupliciter*; quia pœna spiritualis *vel* est **in intellectu** scilicet<sup>8</sup> ignorantia, et contra hunc defectum est **doctrina** *respectu intellectus speculativi*, et **consilium** *respectu intellectus practici*; *vel* est **in affectu**, scilicet tristitia, et contra hunc defectum est **consolatio**.

*Si autem secundo modo*, scilicet contra defectum culpæ; hoc *dupliciter*. *Uno modo* **ex parte ipsius peccantis**, cujus inordinationi subvenit **castigatio**; *alio modo* **ex parte alterius qui ex culpa peccantis læditur**; et sic contra culpam est *duplex* remedium: scilicet **remissio** ex parte ejus in quem directe culpa committitur, et **supportatio** ex parte ejus cui peccantis societas est onerosa.

1. Ed. *ad.* « de ». — 2. Ed. « ædificaverunt ». — 3. F. « mobilioribus ». — 4. Ed. *om.* « in ». — 5. Ed. « generalis quæ ». — 6. Ed. *om.* « homo ». — 7. Ed. « subvenitur ». — 8. Ed. « intellectum secundum ignorantiam. »

**273.** — **Vel aliter.** Defectus cui subvenitur per eleemosynas spirituales, *aut est defectus pœnæ in intellectu practice vel speculativo* ; et sic est **doctrina** et **consilium**, ut dictum est (272) ; *vel in affectu*, et sic est **consolatio** ; **aut est defectus culpæ**, et sic **vel in seipsol cum spe emendationis**, et sic est **castigatio** ; *aut sine spe emendationis*, et sic non restat nisi per orationem **divinum subsidium implorare** ; **vel in proximum**, et sic *quantum ad culpam* indiget **remissione** ; *quantum ad pœnam* quam infert, **supportatione**.

**274.** — **AD PRIMUM** ergo dicendum quod *sicut* dare eleemosynam corporalem non cadit sub præcepto obligante nisi ad tempus necessitatis, et ut alicui in necessariis vitæ subveniatur ; *ita ad doctrinam alterius non obligatur homo præter debitum officium nisi in his quæ sunt de necessitate salutis, et quando non esset qui instrueret, vel quando aliquis alium errantem videret* : nisi esset alius qui ex officio id facere teneretur ; *alias autem docere est consilium*, et supererogatio quædam, sicut et de eleemosynis corporalibus dictum est (230).

**275.** — **Ad secundum** dicendum quod *non omnis quæstio est consilium, sed quæ est de rebus agendis a nobis*. Et quia dubitatio sive ignorantia talis habet specialem rationem defectus, in quantum deficit scientia quæ debet esse regitiva in opere, ideo specialis eleemosyna ponitur *consilium* præter doctrinam.

**276.** — **Ad tertium** dicendum quod *pœnam castigando infligere* contingit *dupliciter* : *aut in quantum est afflictiva illius cui infertur* ; **et sic ad severitatem pertinet**, quæ aequalitatem justitiæ servat, secundum quod pœnam culpæ récompensât. *Aut secundum quod cedit in bonum ejus in quem poena infertur* ; **et sic largo modo ad liberalitatem reducitur**, prout omne beneficium impensum quodammodo liberalitatis<sup>2</sup> est.

**277.** — **Ad quartum** dicendum quod *caritas est mater omnium virtutum*. Et ideo non est inconveniens si actus qui sunt aliarum virtutum quasi elicentium, sint etiam *caritatis* quasi *imperantis*.

**278.** — **AD TERTIAM QUÆSTIONEM** dicendum quod *eleemosyna habet efficaciam*, ut dictum est (253-6), *et ex parte dantis et ex parte recipientis*.

*Ex parte autem dantis* efficacia eleemosynæ pensatur per conditionem ipsius actus quo subsidium proximo infertur<sup>3</sup>. *Et sic, simpliciter loquendo, eleemosyna spiritualis dignior est*, quia actus spirituales digniores sunt corporalibus donis.

**279.** — *Ex parte autem recipientis* potest mensurari eleemosyna *dupliciter* ; *vel ratione boni quod confertur*. Et sic adhuc

1. Ed. « seipsum ». — 2. F. « liberaitas ». — 3. Ed. « confertur ».

eleemosyna spiritualis præeminet. *Vel ratione necessarii. Et sic quædam spirituales sunt quibusdam corporalibus potiores* : scilicet quæ contra culpam ordinantur, quibuscumque eleemosynis corporalibus ; quia homo magis debet vitare culpam quam aliquem defectum corporalem, etiam mortem.

*Quædam vero corporales quæ scilicet sunt ad sustentationem vilæ*, quibusdam eleemosynis spiritualibus magis necessariae sunt quæ scilicet sunt ad bene esse ; sed illæ quæ sunt ad bene esse spirituale, sunt magis necessariae illis quæ sunt ad bene esse corporale.

**280.** — Sic ergo patet quod omnibus corporalibus eleemosynis aliquæ spirituales potiores sunt, et similiter in genere, loquendo de utrisque.

**281.** — **AD PRIMUM** ergo dicendum quod quamvis corpus habeat plures indigentias quam spiritus, tamen *indigentiae spiritalis sunt magis fugiendae quam indigentiae corporis* : sicut eligibiliores sunt spirituales quam corporales divitiæ.

**282.** — **Ad secundum** dicendum quod recompensatio non *diminuit efficaciam eleemosynæ. sed intentio recompensationis.* Unde quamvis aliquis docendo ipse etiam addiscat, non tamen quandoque propter hoc facit, sed solum ut alteri subveniat.

**283.** — **Et præterea.** *Intentio acquirendi aliquod spirituale bonum non minuit rationem meriti* ; quia per ipsum Deo conjungimur, ut frequenter contingit.

**284.** — **Ad tertium** dicendum quod si minus sentiat aliquis defectus spirituales, *hoc est propter defectum ejus.* Non autem *mensuratur eleemosyna per hoc quod acceptat qui recipit, sed secundum quod acceptare debet.* Alias meritum dantis ex recipientis penderet arbitrio : quod falsum est.

#### ARTICULUS IV

[I]

[II-II, q. 32, a. 6 ; q. 107, a. 1, ad 2]

**285.** — **AD QUARTUM SIC PROCEDITUR.** Videtur quod DE NECESSITATE<sup>3</sup> NON SIT DANDA ELEEMOSYNA.

1. Quia, ut dicit Augustinus, « *peccat qui praepostere agit* ». Sed ordo caritatis hoc exigit ut magis homo sibi quam alteri subveniat. Ergo peccat subtrahendo sibi necessarium, ut alteri conferat.

2. **Præterea.** Philosophus dicit in IV *Elh.* (S 1. 1120a, 1 sq.

1. F. « quia ». — 2. NVP. « etsi ». — 3. Ed. » necessario ».

l. 1, η. 656-7), quod « *qui dissipat substantiam suam, id est divitias, destruit seipsum* ». Et hoc præcipue verum est quantum ad necessaria. Sed peccat qui seipsum occidit. Ergo etiam peccat qui de necessariis sibi eleemosynam facit.

**286. — SED CONTRA** estl. Qui omnia dat, nihil sibi retinet de necessariis. Sed Dominus consulit Ματ., xix, 21 : « *Vende omnia quæ habes, et da pauperibus.* » Ergo sine peccato potest homo de necessariis sibi eleemosynam facere.

## [II]

[II-II, q. 31, a. 3, ad 3 ; q. 32, a. 7 ; Quodl. XII, q. 18, a. 3.]

**287. — ULTERIUS.** Videtur quod etiam de male<sup>2</sup> acquisito et possessio possit eleemosyna fieri.

1. Luc., xvi, 9, super illud : « *Facite vobis amicos de mammona iniquitatis* », dicit Glossa (L. 114, 315) : « *Iniquitas bene dispensata in justitiam vertitur.* » Ergo videtur quod liceat de inique possessis eleemosynam facere.

2. **Præterea.** Ei qui est in ultima necessitate constitutus, omnibus modis subveniendum est. Sed contingit aliquem qui nihil habet nisi de injusto acquisito et detento, aliquem<sup>3</sup> in extrema necessitate videre. Ergo debet ei eleemosynam facere. Et sic de malo acquisito et detento potest eleemosyna fieri.

**288. — SED CONTRA** est quod Gregorius dicit (lib. IX *Epist.*, 106 ; L. 77, 1030) : « *Non est computanda eleemosyna, si pauperibus dispensetur quod ex illicitis rebus acquiritur.* »

## [III]

[II-II, q. 32, a. 7, ad 2.]

**289. — ULTERIUS.** Videtur quod de turpi lucro non possit FIERI ELEEMOSYNA, SICUT DE MERETRICIO ET ALEATO ET QUOD PER SIMONIAM ACQUIRITUR.

1. Quia secundum Philosophum, IV *Elh.* (δ 5. 1123a ; l. 7, 727) « *dona habent aliquid simile Deo sacratis* ». Sed ex hujusmodi non licet sacrificium vel oblationem Deo offerre ; *Deuler.*, xxm, 18 : « *Non offeres mercedem prostibuli nec pretium canis in domum Dei sui.* » Ergo nec eleemosynæ ex hujusmodi fieri debent.

2. **Præterea.** Aleatorum lucrum est turpe lucrum. Acceptiones enim eorum illiberales sunt, ut Philosophus dicit in IV *Elh.* (γ 3. 1122a, 7 ; l. 5, n. 704). Sed ex aleato non potest fieri eleemosyna, ut videtur, quia tenetur ad restitutionem ejus. Ergo non potest fieri eleemosyna de turpi lucro.

1. Ed. *ad.* « quod ». — 2. Ed. « malo ». — 3. N. *om. a* aliquem », F. « alium ».

**290. — SED CONTRA** est quod Augustinus dicit (*Serm.* 113, c. 3 ; L. 38, 649) : « *Qui habetis aliquid de malo, facite inde bonum.* » Ergo qui acquisivit aliquid de turpi lucro, potest illud in bonum usum eleemosynæ expendere.

**291. — RESPONSIO.** Dicendum **AD PRIMAM QUÆSTIONEM** quod *de rebus exterioribus dicitur nobis aliquid necessarium dupliciter.*

*Uno modo, sine quo non potest aliquis esse et vivere.*

**292. — Alio modo** dicitur nobis necessarium quo indigemus ad honeste vivendum, vel decenter secundum statum nostrum. Sed talis decencia non consistit in aliquo indivisibili, quia multis additis homo non excedit status sui conditionem. Multis etiam subtractis conditio sui status decenter conservatur. Sed tantum posset addi quod esset ultra conditionem status sui ; et tantum diminui quod non servaretur honestas, vel ultra sui status decenciam. Et hoc quidem sermone determinari non potest, quia de singularibus non est iudicium ; sed statur in hoc prudentiæ arbitrio, et unctionis<sup>2</sup> quæ docet de omnibus.

**293. —** Utrouque autem dictorum modorum potest aliquid esse alicui necessarium *dupliciter* : *vel ratione sui ipsius*, et hoc dicitur a quibusdam *necessarium individui* ; *vel ratione eorum quorum curam gerere debet*, et hoc dicitur *necessarium personæ*, inquantum persona ad dignitatem pertinet secundum quam alicui competit aliorum curam gerere.

**294. —** Illud ergo sine quo non potest esse vel vivere aliquis, vel ipse, vel illi quorum curam habet, non debet in eleemosynas expendi : hoc enim dicitur necessarium simpliciter quasi necessitate absoluta, nisi forte possit<sup>3</sup>, antequam<sup>4</sup> necessitas incumbat, per alium modum resarciri ; quia jam excideret ab huiusmodi necessitatis ratione.

**295. —** Similiter etiam illud quo subtracto non potest servari decencia status aliquo modo sui vel suorum, non debet aliquis in eleemosynas expendere, nisi de facili<sup>5</sup> resarciri possit, aut nisi aliquis statum mutare vellet ; quia nullus debet indecenter in aliquo statu manere ; vel nisi necessitas alia præponderet, vel alicujus personæ specialis in necessitate ultima existentis vel Ecclesiæ vel Reipublicæ : quia « *bonum gentis est divinius quam bonum unius* ». (*I Eth. a* 1. 1094», 10 ; 1. 2, n. 10.)

**296. —** *Illud autem quo posito vel subtracto nihilominus decencia status manet, potest in eleemosynam dari. Et de hoc est consilium, non præceptum.*

1. Ed. *om.* « ultra » et habet « decencia ». — 2. N. « discretionis ». — 3. Ed. « posset ». — 4. Ed. *ad.* « talis ». — 5. F. « de facile ». — 6. F. « nihil minus ».

**297.** — *Illud autem quod necessarium reputatur ad aliquid quod est ultra decentiam status, debet in eleemosynam dispensari.*

**Et hoc cadit sub præcepto.**

**298.** — **AD PRIMUM** ergo dicendum quod si aliquis necessarium, sine quo nullo modo esse vel decenter vivere posset, sibi subtraheret, et alii daret, ordinem caritatis perverteret in beneficiis observandis ; non autem si de aliis, sine quibus prædicta esse possunt, vel alteri quam sibi tribuat ; quia *virtuosi est de talibus bonis corporalibus plus aliis quam sibi tribuere*, ut **Philosophus** in *IX Eth.* dicit (c. 8. 1169% 20-28 ; l. 9, n. 1878-82).

**299.** — **Ad secundum** dicendum quod ratio illa procedit de eo quod est necessarium secundum primum modum.

**300.** — **Ad tertium** dicendum quod *illi qui omnia dimittunt propter Deum, statum vivendi mutant* : cujus status decentia potest conservari per ea quæ a fidelibus et devotis vel quotidie ministrantur, vel jam ministrata sunt in possessionibus et redditibus.

**301.** — **AD SECUNDAM QUÆSTIONEM** dicendum quod *illud dicitur licitum quod nulla lege prohibetur*. Unde illicite acquisitum dicitur quod contra prohibitionem legis acquiritur.

Sed hoc potest esse *dupliciter* ; quia *aut* lex prohibuit ipsum lucrum, *vel* causam lucri tantum.

**302.** — *Si ipsum lucrum est prohibitum, tunc impossibile est quod juste detineatur*. Ex hoc enim ipso efficitur aliquis injusti tituli et malæ fidei possessor, quod contra legem aliquid habet.

**303.** — *Sed in talibus distinguendum est*. Quia *aut non transfertur dominium*, sicut in rapina et furto. **Et tunc omnino restituere tenetur. Et ideo ex hoc non potest eleemosyna fieri.**

**304.** — *Aut transfertur dominium*. Et tunc *vel competit repetitio* ei a quo quis lucratus est secundum aliquod jus, sicut in usura accidit, in qua, ut **Quidam** dicunt, dominium transfertur. **Et tunc de hoc etiam non potest eleemosyna fieri.**

**305.** — *Aut non competit repetitio* propter turpitudinem sceleris ex parte dantis, sicut in simonia accidit. **Et tunc tale acquisitum non potest juste retineri, sed debet in eleemosynas erogari.**

**306.** — *Si autem lex prohibuit actum ex quo quis lucratur*, sed non lucrum supposito actu, tunc quamvis acquirendo tali actu contra legem fecerit, tamen tenendo non facit contra legem : sicut cum quis de lenocinio vel meretricio lucratur. **Et ideo hæc retineri possunt et de eis eleemosyna fieri potest.**

**307.** — **AD PRIMUM** ergo dicendum quod illud intelligendum

1. Ed. « possit ». — 2. α « male ». — 3. Ed. « eleemosyna ».

est de illis quæ per illicitum actum acquisita sunt, et tamen juste possidentur.

**308.** — Vel aliter dicendum quod mammona iniquitatis dicuntur divitiæ etiam licite acquisitæ et possessæ, vel in quantum eas sola iniquitas divitiis esse reputat, ut Augustinus exponit XXI De civitate Dei (c. 27, n. 5 ; L. 41, 749), vel in quantum sunt iniquitatis occasio ; vel « iniquitatis », idest inæqualitatis, quia non æqualiter sunt hominibus distributæ, bono aliquando egente, et malo superabundante.

**309.** — Ad secundum dicendum quod in tali casu, si sine periculo pauperis esse potest, debet ille qui alienum habet, significare ei cui debet ; et sive ille licentiam dederit, sive non, debet pauperi in ultima necessitate existenti providere.

**310.** — Nec providet sibi de alieno, quia necessitas talis omnia facit communia. **Inde non tenetur ad restitutionem**, nisi ille cui debet, in simili necessitate esset ; quia etiam tunc teneretur sibi providere, si nihil ab eo habuisset.

**311.** — AD TERTIAM QUÆSTIONEM dicendum quod quando lucrum ipsum est lege prohibitum, ut rapina, usura et simonia, non solum dicitur turpe lucrum, sed iniquum. Et de hoc dictum est qualiter elemosyna fieri possit vel non possit.

**312.** — Sed quando actus quo quis lucratus est, lege est prohibitus, non autem ipsum lucrum, tunc vocatur turpe lucrum sicut est in meretricio vel in similibus. **Et tunc de tali elemosyna fieri potest**, quia non tenetur ad restitutionem.

**313.** — AD PRIMUM ergo dicendum quod de tali lucro non debet fieri oblatio ad altare, præcipue manifeste, propter scandalum et reverentiam sacrorum, vel sceleris abominationem. Sed hæ causæ non prohibent quin ex tali elemosyna fieri possit.

**314.** — Ad secundum dicendum quod ipsum lucrum aleatorum est lege prohibitum.

Sed in hoc distinguendum est ; quia aliquid circa ludum istum est prohibitum lege naturali aut divina, ut quod aliquis lucretur ab his qui rem suam alienare non possunt, sicut sunt minores et furiosi et similes ; et iterum quod aliquis alterum trahat ex cupiditate lucrandi ; sed secundum jus positivum, omne tale lucrum est interdictum.

**315.** — Quia autem jus positivum per dissuetudinem abrogatur, non autem jus divinum, ideo dicendum videtur quod si lucratus est ab eo qui non habuit potestatem alienandi, tenetur ad restitutionem ei, et sic non potest facere inde elemosynam.

1. Ed. ont. « usura ».

**316.** — *Si autem lusit cum eo qui habuit potestatem alienandi quæ sua sunt, si tractus lusit et amisit, potest repetere; si lucratus est, non tenetur restituere; quia ille qui amisit, non est dignus recipere, nec potest licite retinere; nisi jus positivum per contrariam consuetudinem esset alicubi abrogatum.*

**317.** — *Si autem alium traxerit, si amisit, non competit ei repetitio; si autem lucratus est, tenetur ad restituendum illi a quo lucratus est, et non potest inde facere eleemosynam.*

## ARTICULUS V

### [I]

[II-II, q. 32, a. 8, ad. 2; *Quodl. III*, q. 6, a. 1.]

**318.** — **AD QUINTUM SIC PROCEDITUR.** Videtur quod UXOR POSSIT DE REBUS MARITI FACERE ELEEMOSYNAM.

1. Quia, sicut dicit Augustinus (*De bono conjugali*, c. 1; L. 40, 373), *uxor in societatem matrimonii assumitur*, propter quod non de capite neque de pedibus femina<sup>2</sup> formata est, sed de latere. Si ergo vir potest facere eleemosynas de rebus domus quæ sunt ei communes ratione prædictæ societatis, et uxor poterit facere.

2. **Præterea.** De Lucia legitur quod dabat eleemosynas ignorante sponso; nec ex hoc reprehenditur, sed laudatur. Ergo uxor potest sine consilio mariti eleemosynas dare.

**319.** — **SED CONTRA.** *I Cor.*, xi, 3: « *Vir caput est mulieris.* » Sed membrum non potest aliquid sine capite facere. Ergo nec uxor potest sine viro eleemosynas dare.

### [H]

[II-II, q. 32, a. 8, ad. 3.]

**320.** — **ULTERIUS.** Videtur quod filius familias possit etiam dare.

1. Quia quilibet quod suum est, potest transferri dare. Sed res paternæ sunt filii familias, quia ipse est heres. Ergo potest de his eleemosynam facere.

2. **Præterea.** Usus divitiarum laudabilior est, si ad bonum spirituale quis<sup>3</sup> eis utatur quam ad bonum corporale. Sed ad usum corporis sui potest filius familias rebus patrimonii sui uti. Ergo multo fortius ad bonum spirituale, quod est per eleemosynas.

1. Ed. « habet ». — 2. α « mulier ». — 3. Ed. præter N. *ad. c. magis* >.

**321. — SED CONTRA.** Nullus potest aliquid dare quod non est in potestate ejus. Sed patrimonium non est in potestate filii familias. Ergo non potest de eo dare eleemosynam.

[III]

[II-II, q. 32, a. 8, ad 4.]

**322. — ULTERIUS.** Videtur *quod* servus vel ancilla POSSUNT FACERE ELEEMOSYNAM DE REBUS DOMINORUM.

1. Et videtur quod sic, quia de quolibet præsumendum est bonum, nisi probetur contrarium. Sed facere eleemosynam est bonum. Ergo debet præsumi quod domino suo placeat. Et ita sub spe ratihabitionis poterit eleemosynam facere.

2. **Præterea.** Eleemosynæ etiam a famulis factæ valere ad salutem dominorum possunt, sicut patet in mortuorum suffragiis. Sed servus debet procurare bonum domini sui non solum corporale, sed spirituale magis. Ergo potest de rebus domini eleemosynam facere.

**323. — SED CONTRA.** Nullus debet facere eleemosynam de alieno. Sed res dominorum non sunt servorum. Ergo servi de eis eleemosynas facere non possunt.

[IV]

[II-II, q. 32, a. 8, ad 1.]

**324. — ULTERIUS.** Videtur QUOD MONACHI POSSINT ELEEMOSYNAS FACERE SINE LICENTIA ABBATIS.

1. Unum enim bonum non præjudicat alteri. Sed religio est bonum quoddam. Ergo non præjudicat eleemosynæ quæ etiam bonum quoddam est, quin eam dare possit.

2. **Præterea.** Eleemosyna<sup>4</sup> maxime in Scriptura commendatur<sup>5</sup>. Si ergo monachi non possunt eleemosynam<sup>4</sup> dare, tunc sunt pejoris conditionis quam alii.

**325. — SED CONTRA.** Eleemosyna non est danda nisi de proprio. Sed monachus non habet proprium, prohibente paupertatis voto. Ergo monachus non potest eleemosynam dare.

**326. — RESPONSIO.** Dicendum AD PRIMAM QUÆSTIONEM quod in extrema necessitate existenti quæ facit omnia communia, quilibet prædictorum potest eleemosynam facere; quia debet præsumere quod suo superiori placeat, cum ipse dare teneretur, si præsens esset.

1. Ed. « eleemosynas ». — 2. Ed. « in ». — 3. Ed. « debent ». — 4. Ed. « Eleemosynæ ». — 5. Ed. « commendantur ». — 6. Ed. « eleemosynas ».

327. — *Ei si eliam prohiberetur*, idem dicendum videtur sicut de illicito lucro dictum est prius (303), ad cuius restitutionem aliquis tenetur.

328. — **Alias autem de uxore distinguendum est**; quia *si habet alias res præter dolem rei est lucrosa*, **tunc potest tales eleemosynas dare quæ virum non depauperent**, etiam non requisito assensu viri, *dummodo non prohibeat*.

329. — *Ei si etiam prohiberet verbo*, **posset probabiliter credere quod non intenderet eam simpliciter ab eleemosynis coercere**, sed a superfluitate eleemosynarum, nisi aperte pateret ei contrarium.

330. — *Si autem prædicta duo defuerint*, **non debet dare eleemosynas sinel consensu viri**, nisi aliquas eleemosynas communes et modicas, de quibus satis ei constare potest quod viro placeret, si necessitatem pauperis inspiceret.

331. — **AD PRIMUM** ergo dicendum quod quamvis uxor ad societatem assumatur et in ipso actu matrimonii sit æqualis, tamen *in his quæ ad dispensationem domus perlinent, rir caput est mulieris*. Et ideo non est similis ratio de utroque.

332. — **Ad secundum** dicendum quod *beata Lucia erat adhuc sponsa tantum*, nec erat matrimonium consummatum aut ratificatum. Et ideo de consensu matris, sub cuius cura erat, poterat eleemosynam facere.

333. — **AD SECUNDAM QUÆSTIONEM** dicendum quod **filius familias non potest dare eleemosynam sine consensu parentum**, nisi panem et huiusmodi quæ non inferunt sensibile damnum, de quibus satis constare potest quod parentibus placeat.

334. — **AD PRIMUM** ergo dicendum quod *filius familias* quamvis sit heres, *non tamen adhuc est dominus rerum*. Et ideo dare non potest.

335. — **Ad secundum** dicendum quod ad victum corporalem tenentur ei parentes, nisi ex culpa sua remaneat. *Ideo potest uti rebus parentum ad necessitatem suam*, non autem aliis dare.

336. — **AD TERTIAM QUÆSTIONEM** dicendum quod similiter dicendum est **de servis et ancillis, et etiam de famulis** quamvis sint liberæ conditionis, quod **non possunt eleemosynas dare de rebus dominorum sine eorum consensu**, nisi panem et huiusmodi quæ, ut dictum est (333), non inferunt sensibile nocumentum; quia si etiam sit dispensator rerum, non tamen ponitur dispensator quasi potestatem aliquam in re domini habens, sed quasi tractans eam ad utilitatem domini.

1. α « nisi de ». — 2. Ed. « dispositionem ». — 3. Ed. « etsi ».

**De pretio autem sui servitii constat quod posset eleemosynam dare.**

**337. — AD PRIMUM** ergo dicendum quod *non oportet quod praesumamus de quolibet quodlibet bonum, sed illud ad quod tenetur quo praetermisso peccat*; quia nullum debemus credere malum, nisi constet nobis de malitia ejus. Et ideo non oportet quod famulus credat quod domino placeat, nisi in illa necessitate pauperis in qua dominus de necessitate tenetur.

**338. — Ad secundum** dicendum quod *suffragia non prosunt mortuis per alios facta, nisi inquantum meruerunt ut eis prodesse, dum adhuc viverent, ut Augustinus dicit (in Enchir., c. 110; L. 40, 283)*. Et ideo sunt aliquo modo eorum illæ eleemosynæ quæ pro eis fiunt.

**339. — Et similiter** oportet quod eleemosynæ quæ pro viventibus fiunt, si debeant eis prodesse, debeant esse eorum: quod non potest esse si eis displiceat. Et ideo non debet facere eleemosynam pro domino famulus de rebus domini, nisi constet sibi quod ei placeat.

**340. — AD QUARTAM QUÆSTIONEM** dicendum quod **monachus, si habet dispensationem rerum monasterii**, potest et debet facere eleemosynam de superfluis nomine capituli.

**341. — Si autem non habet dispensationem, tunc in monasterio existens** non debet dare sine licentia, nisi in extrema necessitate vel absente Abbate aliquid modicum sub spe rati habitationis.

**342. — Extra monasterium vero existens, puta in studio, potest eleemosynam facere**; quia cum dantur ei expensæ, committitur ei earum dispensatio.

**343. — AD PRIMUM** ergo dicendum quod non est inconveniens bonum perfectum bono imperfecto repugnare; non quidem propter contrarietatem ad ipsum, quia bonum inquantum est bonum, non est bono contrarium; sed propter contrarietatem ad ejus imperfectionem.

**344. — Ad secundum** dicendum quod monachus non est factus ex hoc peioris conditionis; quia multo magis est accepta Deo universalis rerum abdicatio quam particularis distributio quæ fit per eleemosynas.

## ARTICULUS VI

[II-II, q. 32, a. 9, ad 3; Mat. c. 25; Rom. c. 12, l. 2.]

**345. — AD SEXTUM SIC PROCEDITUR.** Videtur quod ALIQUIS NON POSSIT SIBI ELEEMOSYNAM FACERE.

1. Eleemosyna enim est actus liberalitatis vel justitiæ. Sed

hæ virtutes propter hoc quod in communione consistunt, non sunt nisi ad alterum, ut de justitia dicitur in V *Elh.* (e 3. 1129b, 32 ; l. 2, n. 908). Ergo eleemosyna non potest esse ad seipsum.

2. **Præterea.** Nullus dat nisi quod habet ; nec aliquis recipit nisi id quod non habet. Sed nullus potest aliquid simul habere et non habere. Ergo non potest sibi dare eleemosynam.

**346. — SED CONTRA.** Homo debet diligere proximum sicut seipsum. Sed proximum ita debet diligere affectu, quod etiam effectul ei benefaciat. Ergo et sibi debet benefacere et eleemosynas dare.

[II-II, q. 32, a. 9, ad 1.]

**347. — ULTERIUS.** Videtur quod malis non sit eleemosyna **DANDA.**

1. Per id quod dicitur *Eccli.*, xii, 4 : « *Da misericordi, el non suscipias peccatorem* » ; et item<sup>1</sup> : « *Benefac humili, et non des impio.* »

2. **Præterea.** Proditor domini sui reputaretur qui de rebus sibi a domino concessis hostem<sup>3</sup> domini sui nutriret. Sed omnis peccator est hostis Domini. Ergo non debet ei eleemosyna de rebus a Deo nobis concessis dari.

**348. — SED CONTRA.** *Mat.*, v, 44 : « *Estote filii Patris vestri qui in cælis est, qui solem suum facit oriri super bonos el malos.* » Sed hoc non dicitur nisi propter imitationem. Ergo debemus et bonis et malis dare.

[III]

[II-II, q. 32, a. 10 ; q. 107, a. 1, ad 2 ; *II Cor.*, c. 8, l. 1.]

**349. — ULTERIUS.** Abdetur quod meliori sit magis **SUBVENIENDUM SEMPER.**

1. Quia eleemosyna datur *propter Deum*, ut ex ipsius definitione patet (204). Sed bonus est Deo propinquior quam malus. Ergo meliori semper magis eleemosyna est danda.

2. **Præterea.** Eleemosyna habet efficaciam ex parte etiam recipientis qui obligatur ad orandum pro eleemosynam dante. Sed opus boni est efficax ad merendum magis. Ergo magis semper debet dari eleemosyna magis bono.

**350. — SED CONTRA.** Eleemosyna, cum sit actus misericordi®, miseriam intuetur. Sed maius est magis miser quam bonus. Ergo magis est eleemosyna malis danda quam bonis.

1. F. « affectu ». — 2. Ed. « iterum ». — 3. Ed. « hostes ».

**351. — RESPONSIO.** Dicendum **AD PRIMAM QUÆSTIONEM** quod eleemosyna potest *dupliciter* fieri, ut ex prædictis (**218, 272-3**) patet : scilicet *per collationem alicujus rei temporalis*, et hoc modo nullus sibi ipsi eleemosynam facere potest ; *vel per exercitium alicujus actus spiritualis, idel corporalis*.

**352. —** Et quia homo ratione diversarum partium in seipsum agere potest : sicut anima movet corpus et una pars animæ aliam, et similiter<sup>1</sup> una pars corporis aliam<sup>2</sup> ; **ideo talem eleemosynam aliquis potest facere sibi<sup>3</sup>**.

**353. —** Sed *ad subveniendum sibi in corporalibus natura salis inclin<sup>4</sup>* ; ideo de hoc non oportuit dari præceptum, sed solum de subveniend<sup>5</sup> animæ, ad quam non ita multi inclinantur. Unde dicitur *Eccli.*, xxx, 44 : « *Miserere animæ luæ, placens Deo.* »

**354. — AD PRIMUM** ergo dicendum quod *liberalitas<sup>5</sup>, secundum quod consistit in dationibus*, non potest esse ad seipsum ; sed *secundum quod consistit in sumptibus<sup>6</sup>*, potest esse ad seipsum, sicut et illiberalitas.

Sunt enim aliqui illiberales ad seipsos, qui propter cupiditatem rerum sibi necessaria subtrahunt.

Sed *justitia nullo modo potest esse ad seipsum*, quia habet rationem æqualitatis quæ semper ad alterum esse debet.

**Ad secundum** patet solutio ex dictis.

**355. — AD SECUNDAM QUÆSTIONEM** dicendum quod secundum Augustinum (*Prosp. Sent.* c. 3 ; L. 51, 1859) « *sic diligendi sunt homines, ut eorum non diligantur errores.* » Et quia exhibitio beneficii dilectioni correspondet, ideo peccatori ad sustentationem naturæ debet homo<sup>7</sup> eleemosynam facere, si indigeat, cum præcipiatur nobis benefacere etiam inimicis ; sed ad fovendam<sup>8</sup> eorum malitiam non debemus eis aliquid dare.

Unde<sup>9</sup> *si constaret quod de eo quod eis datur, in peccatum abuterentur, non deberet eis dari aliquid, nisi necessitas extrema exposceret. Et hoc modo intelligenda est auctoritas inducta.*

Unde patet solutio **AD PRIMUM**.

**356. — Ad secundum** dicendum quod peccator, etsi sit inimicus Dei quantum ad culpam non tamen quantum ad naturam ; quia « *Deus nihil odit eorum quæ fecit* » ; *Sap.*, xi, 25.

**357. — AD TERTIAM QUÆSTIONEM** dicendum quod cui magis benefaciendum sit, ut dicit Philosophus in<sup>10</sup> *IX Eth.* (i 2. 1165a, 2 sq. ; l. 2, n. 1777 sq.), non est facile determinare propter multas diversitates boni et necessarii.

1. ζ et ed. om. « similiter ». — 2. Ed. ad. « et ». — 3. a, η om. « sibi ». — 4. Ed. ad. « et ». — 5. N. ad. « quidem ». — 6. RANVP. « sumptionibus ». — 7. N. om. « homo » ; F. « debemus ». — 8. Ed. « fovendum ». — 9. Ed. « vel ». — 10. Ed. om. « in ».

Tamen hoc est tenendum quod semper magis reddendum est debitum quam beneficium impendendum, ut ipse dicit ibidem, nisi ex parte altera adsit major bonitas vel necessitas.

Et ideo parentibus et propinquis et benefactoribus, et eis a quibus spiritualia accipit, magis debet eleemosynam facere, si indigeant, et ceteris paribus, melioribus magis, et magis etiam indigentibus magis.

*Et sic secundum has tres conditiones debet gradus in eleemosynis constitui, scilicet secundum **honestum**<sup>1</sup>, **necessarium** et **debitum**.*

**358.** — Assignare autem in singulis quando unum alteri eorum præferatur, est impossibile ; quia singulares<sup>3</sup> conditiones quæ attendendæ sunt, sunt infinitæ et non cadunt sub arte. De his autem unctio<sup>3</sup> docet et prudentiæ consilium.

**359.** — **AD PRIMUM** ergo dicendum quod quamvis sit Deo propinquior semper melior, non tamen semper debet ei magis<sup>1</sup> dari ; quia *eleemosynarum largitio ad necessitatem proximi sublevandam divinitus instituta est*. Unde si indigentia ex parte altera nimis excedat, magis servabitur intentio instituentis eleemosynam quam si meliori daretur.

**360.** — **Ad secundum** dicendum quod *principalius consideratur efficacia eleemosynæ ex parte dantis* quam ex parte recipientis. Et ideo ex parte dantis debet esse ordinata datio quæ eleemosynæ efficaciam auget.

**361.** — **Ad tertium** dicendum quod quamvis peccator sit magis miser in spiritualibus non tamen in corporalibus. Et ideo non est sibi semper magis providendum per corporales eleemosynas.

### QUÆSTIO III

Deinde quæritur de jejunio.

Et circa hoc quærentur quatuor.

*Primo, quid sit jejunium.*

*Secundo, quis teneatur ad jejunium.*

*Tertio, de tempore jejunii.*

*Quarto, de solventibus ipsum.*

## ARTICULUS I

## [I]

**362. — AD PRIMUM SIC PROCEDITUR.** Videtur quod Isidores inconvenienter definiat jejunium, dicens (lib. λ'I *Elymol.*, c. 19, η. 65 ; L. 82, 258) : « *Jejunium est parsimonia vicius, abstinentiaque ciborum.* »

1. Parsimonia enim, ut ipse dicit, idem est quod « *parva samonia* ». Samos idem est quod cibus. Ergo idem videtur esse parsimonia victus et abstinentia ciborum ; et sic alterum superfluit.

2. **Præterea.** Mat. 23 vii, 20, super illud « *Hoc genus dæmoniorum etc.* » dicit Hieronymus (Beda, L. 92, 223) : « *Jejunium est non solum ab escis, sed a cunctis illecebris abstinere.* » Cum ergo Isidorus definiat jejunium tantum per abstinentiam ab escis, videtur quod incompetens sit assignatio.

3. **Præterea.** Ad observationem jejunii videtur non solum pertinere abstinere a cibus, sed etiam lugere et unguento non uti, ut patet Dan., x, 2 : « *In diebus illis lugebam ego Daniel, etc.* » Sed de his non fit mentio in prædicta assignatione. Ergo insufficientis est.

4. **Præterea.** Mulli servant parsimoniam in victu et abstinentiam in cibus, qui tamen pluries in die manducant. Sed tales non dicuntur jejunantes. Ergo definitio prædicta non convertitur cum jejunio.

5. **Præterea.** Nullus est jejunus nisi jejunio, sicut nec albus nisi albedine. Sed aliquis etiam immoderate cibus utens, est quandoque jejunus antequam comedat. Ergo tali non competit definitio assignata jejunii. Ergo est incompetens.

## [II]

[II-II, q. 88, a. 2, ad 3 ; q. 147, a. 1 ; *De Perfecti. Vit. Spir.* c. 9 ;  
*Quodl. Vi q. 9, a. 2.]*

**363. — ULTERIUS.** Videtur QUOD JEJUNIUM NON SIT ACTUS VIRTUTIS.

1. Virtus enim *sicut* abundantanti, *ita* et diminuto corrumpitur. Sed jejunium importat diminutionem a cibo, in quo conservari potest medium virtutis. Ergo jejunium non est virtutis actus.

2. **Præterea.** Omnis virtutis actus est in aliquid operando. Sed jejunium dicit cessationem ab actu. Ergo non est virtutis actus.

1. N. « Parsimonia enim a *parfii* præterito hujus verbi *parco*, venit. Est enim *parcere* inter ;jir, cli ip lum d significata, idem quod *abstinere* ». — 2. F. « Mare, ix, 28 ». — 3. A. *cd.* « non ».

3. **Præterea.** Jejunium consistit non solum in abstinendo a superfluis cibis, quia hoc est de necessitate virtutis, sed etiam a necessariis. Sed qui subtrahit necessarium cibum, dat sibi occasionem mortis; « *non autem, ut Hieronymus dicit, differt utrum magno vel parvo tempore te interimas.* » Ergo cum nulli liceat seipsum occidere, videtur quod nulli liceat jejunare. Et sic jejunium non erit actus virtutis.

4. **Præterea.** Sicut dicit Augustinus<sup>1</sup> *X Confess.*, (c. 31; L. 32, 797) « *alimentum sic sumi debet ut famis medicamentum* ». Sed magis infirmo minus est medicina subtrahenda. Cum ergo in primo statu Adam peccasset si a<sup>2</sup> cibo abstinuisset donec praeoccuparetur fame, ut in II lib. d. 19 (q. 1, a. 2, ad 3) dictum est; videtur quod etiam nunc jejunando peccat homo, cum natura humana sit infirmior. Et sic jejunium non erit virtutis actus.

**364. — SED CONTRA** est quod Hieronymus dicit (*Ad Demetriadem*<sup>3</sup> ep. 130, n. 11; L. 22, 1116): « *Jejunium non est perfecta virtus et ceterarum virtutum fundamentum.* »

**365. — Præterea.** Isidorus dicit jejunium esse abstinentiam, ut ex definitione præmissa apparet (362). Sed abstinentia est virtus. Ergo jejunium est actus virtutis.

### [III]

[II-II, q. 3, a. 1; q. 147, a. 3.]

**366. — ULTERIUS.** Videtur quod jejunium non sit actus TEMPERANTIÆ.

1. Quia canon dicit *De consecr.*, d. 5 (cap. « Quadragesima »; L. 187, 1860); « *Jejunium quadragesimale est decima totius anni.* » Sed dare decimas<sup>4</sup> est actus justitiæ. Ergo et jejunare; non igitur temperantiæ.

2. **Præterea.** Ad fortitudinem pertinet molestias perferre. Sed hoc accidit in jejunio. Ergo jejunium est actus fortitudinis; non ergo temperantiæ.

3. **Præterea.** Prudentiæ pars est cautela, ut in III lib. d. 33 (275-6) dictum est. Sed jejunium ad cautelam peccatorum carnis inductum est. Ergo est actus prudentiæ.

**367. — SED CONTRA.** Materia propria temperantiæ sunt delectabilia tactus, ut dicitur in III *Eth.* (γ 13, 1118a, 23-6; l. 19, n. 612). Sed circa hujusmodi est jejunium, quia est circa cibos. Ergo jejunium est actus temperantiæ.

1. Ed. *ad.* « in ». — 2. Ed. *om.* « a ». — 3. Cfr. etiam *Regul. Monachor.* c. 13; L. 30, 351. — 4. Ed. « sed ». — 5. Ed. « decimam ».

**368. — Præterea.** Abstinencia est species temperantiæ. Sed jejunium est abstinencia. Ergo est temperantiæ actus<sup>1</sup>.

## [IV]

[II-II, q. 147, a. 3.]

**369. — ULTERIUS.** Videtur quod jejunium non cadit<sup>1</sup> IN PRÆCEPTO.

1. Nam super illud ps. (xliiv, 14) : « *Omnis gloria ejus filiæ Regis ab intus* » etc.<sup>3</sup>, dicit Glossa quod *gloria Ecclesiæ? in interioribus virtutibus consistit, sicut fides, spes, caritas.* Sed omne præceptum Ecclesiæ ad gloriam Ecclesiæ ordinatur. Ergo de jejunio exteriori non potest esse præceptum.

2. **Præterea.** Ea quæ sunt supererogationis, ad consilium pertinent, ad quod nullus obligatur nisi ex voto. Sed jejunium est hujusmodi. Ergo non obligatur ad ipsum aliquis ex præcepto.

3. **Præterea.** Quicumque transgreditur præceptum, peccat mortaliter. Si ergo jejunium institutum ab Ecclesia cadit sub præcepto, tunc si aliquis unum diem tantum frangeret quadragesima, mortaliter peccaret : quod videtur grave dicere.

**370. — SED CONTRA.** Statutum Ecclesiæ obligat per modum præcepti, sicut præceptum Dei ; quia Dominus discipulis suis dixit, Luc., x, 16 : « *Qui vos audit, me audit.* » Sed ad illud jejunium obligamur ex statuto Ecclesiæ. Ergo cadit sub præcepto.

**371. — Præterea.** Majoris perfectionis est lex nova quam vetus, et magis a carnalibus desideriis abstrahens. Sed in lege veteri erat jejunium in præcepto. Ergo multo fortius in lege nova.

## [V]

[Supra, q. 1, a. 4, sol. 3.]

**372. — ULTERIUS.** VIDETUR QUOD JEJUNIUM NON SIT SATISFACTORIUM.

1. Quia satisfactio est justitiæ actus, ut prius dictum est (36). Sed jejunium est actus temperantiæ. Ergo non est satisfactorium.

2. **Præterea.** Illud ad quod ex præcepto adstringimur, non est satisfactorium, sed satisfactionem præcedit, sicut de elemosyna dictum est (211). Sed quoddam jejunium cadit sub præcepto, ut dictum est (370). Ergo ad minus illud non est satisfactorium.

3. **Præterea.** Satisfactio debet fieri ab eo qui peccavit. Sed

1. F. om. per homot. « Sed jejunium est abstinencia. Ergo est temperanti®. » — 2. Ed. « cadat ». — 3. Ed. om. « etc. ».

anima est quæ peccat ; jejunium autem non est animæ, sed corporis. Ergo non est satisfactorium pro peccato.

4. **Præterea.** *Sicut* contingit peccare ex superfluitate cibi, *ita* ex subtractione. Sed contra subtractionem cibi non datur ut satisfactio, cibi abundantia. Ergo nec contra abundantiam dari debet ut satisfactorium, cibi subtractio per jejunium.

5. **Præterea.** *I Tim.*, iv, 8 : « *Corporalis exercitatio ad modicum utilis est.* » Sed jejunium est hujusmodi. Ergo non est satisfactorium pro peccato.

373. — **SED CONTRA.** Opera satisfactoria oportet esse poenalia. Sed jejunium habet magis rationem pœnæ quam eleemosyna. Cum ergo eleemosyna sit satisfactoria, ut ex dictis patet (211), et jejunium debet esse satisfactorium.

374. — **Præterea.** Satisfacere est « *peccatorum causas excidere* ». Sed jejunio aliquis abscidit peccatorum causas ; quia maxime jejunio reprimitur caro quæ ad peccata incitat. Ergo, etc.

375. — **RESPONSIO.** Dicendum **AD PRIMAM QUÆSTIONEM** quod jejunium *dupliciter* dicitur : scilicet *jejunium naturæ*, et *jejunium Ecclesiæ*.

*A primo jejunio* dicitur aliquis quolibet die jejunus antequam cibum sumat.

*A secundo* autem dicitur jejunans, quasi ordinatam ab Ecclesia propter peccatorum satisfactionem abstinentiam servans. In satisfactionem autem peccatorum non solum oportet quod ab illis quibus salva virtute uti possemus ; quia « *qui illicita commisit oportet etiam a licitis abstinere* », ut dicit Augustinus (*De vera et falsa pœnitentia*, c. 15; L. 40, 1125). **Unde jejunium ab Ecclesia institutum præsupponit abstinentiam illam quæ ad virtutem exigitur, et addit abstinentiam quamdam ab illis quæ medium virtutis non corrumpunt.**

376. — Et ideo Isidores hæc *duo* in prædicta definitione jejunii comprehendit : scilicet abstinentiam ab illis quæ virtutem corrumpunt, in hoc quod dicit, « *parcimonia victus* » ; et ab illis quibus salva virtute alias uti liceret, in hoc quod dicit, « *abstinentiaque ciborum.* »

**AD PRIMUM** ergo patet ex dictis solutio.

377. — **Ad secundum** dicendum quod definitio illa Hieronymi intelligitur *de jejunio spirituali* et non de jejunio corporali.

378. — **Ad tertium** dicendum quod *jejunium ex suo nomine directe importat abstinentiam in cibis*. Unde illæ observationes quæ a jejunantibus patribus observatæ leguntur, non sunt de

essentia jejunii, sed ad modum jejunandi pertinent. Et propter hoc non oportuit quod in definitione jejunii de eis mentio fieret.

**379.** — **Ad quartum** dicendum quod intelligenda est in prædicta definitione *talis abstinentia* a cibis alias licitis, *qualem Ecclesia jejunantibus determinat*; et sic objectio cessat.

**380.** — **Ad quintum** dicendum quod *prædicta definitio* non datur de jejunio quo aliquis dicitur jejunus, sed *de jejunio Ecclesiæ*, ut dictum est (**375**).

**381.** — **AD SECUNDAM QUÆSTIONEM** dicendum quod, sicut supra dictum est (**219**), *omnis actus qui in sua ratione includit aliquid quod ad modum virtutis pertineat*, actus virtutis dici potest, quantum est de se; quamvis possit et bene et male fieri ob hoc quod forte non includit in sui ratione omne illud quod ad virtutem exigitur.

**382.** — Quia autem virtus infirmitati naturæ subvenit quæ ad malum de facili inclinatur, ideo omnium virtutum circa delectationes corporales existentium, ex quarum superabundantia præcipue peccatum contingit propter connaturalitatem nostri ad eas, modus est in retrahendo ab eis: sicut patet in temperantia et in omnibus partibus ei assignatis.

**383.** — Quia ergo *nomine jejunii actus nobis quidam exprimitur quo quis a delectationibus tactus*, scilicet cibus, *se abstrahit*, constat quod in ratione sua modum virtutis importat. **Et ideo actus virtutis dici debet.**

**384.** — **AD PRIMUM** ergo dicendum quod *medium virtutis non est medium secundum æquidistantiam ab extremis*, sed accipitur *secundum rationem rectam*. Et ideo contingit id quod parum uni, esse satis alteri: sicut quod est partira sano in cibus, esse satis infirmo qui per abstinentiam curari debet.

**385.** — Curatio autem spiritualis morbi affinior est virtuti quam curatio morbi corporalis. Unde et illud quod alias esset modicum, vel minus debito, tamen volenti vulnus peccati curare, satis est. *Et sic jejunium medium virtutis non corrumpit.*

**386.** — *Tamen sciendum quod medium virtutis non consistit in indivisibili*, sed habet aliquam latitudinem in qua virtus salvatur, quamvis termini illius latitudinis, quos prætergredi salva virtute non licet, non possunt sermone determinari. *Et ideo qui dimittit aliquid quo licite posset uti, non oportet quod statim a medio virtutis discedat.*

**387.** — **Ad secundum** dicendum quod *jejunium a quo quis jejunus dicitur non nominat aliquem actum, sed privationem*

1. Ed. « oportet ».

*praecedentis cibi.* Et ideo secundum ipsum non dicitur aliquis jejunare.

**388.** — *Sed jejunium Ecclesiae nominal actum quemdam,* secundum quem in cibis sumendis se regulat aliquis secundum Ecclesiae statutum. Et secundum hoc jejunium dicitur aliquis jejunare. **Et ideo hoc jejunium potest esse actus virtutis.**

**389.** — **Ad tertium** dicendum quod *necessarium dupliciter* accipitur in cibis.

**Irimo ad conversationem vitae.** *EI tale necessarium subtrahere per jejunium non licet, sicut nec interimere seipsum.* Sed hoc necessarium est valde modicum, quia modicis natura contenta est.

**390.** — **Alio modo dicitur necessarium ad conservandam valetudinem corporis :** quæ quidem accipitur in *duplici* statu.

Primo *secundum sufficientiam* habito respectu ad ea quæ incumbunt ex officio, vel ex societate eorum ad quos convivit, necessario agenda. *Et tale etiam necessarium subtrahi non debet.* Hoc enim esset de rapina hostiam jejunii offerre, si aliquis propter jejunium impediretur ab aliis operibus ad quæ alias obligatur. Unde Hieronymus dicit (*Decr., de consec., d. 5, cap. « Non mediocriter » ; L. 187, 1862*) : « *De rapina holocaustum offert qui vel ciborum nimia egestate, vel manducandi vel somni penuria immoderate corpus affligit.* »

*Si etiam sit tanta abstinentia quod homo ab operibus utilioribus impediatur,* quamvis ad ea ex necessitate non teneatur, *indiscretum est jejunium,* etsi non sit illicitum. Unde Hieronymus dicit (ubi supra) : « *Rationalis homo dignitatem amittit, qui jejunium caritati, vel vigiliis sensus integritati praeferit.* »

**391.** — *Secundo* accipitur valetudo corporis *secundum optimam corporis dispositionem.* Et quia caro in suo robore consistens, difficilius spiritui subditur, ideo *necessarium ad valetudinem sic acceptam* etsi licite accipi possit, tamen *laudabiliter subtrahi potest.*

Et talis subtractio non multum mortem accelerat, cum corpus humanum inveniatur frequentius ex superfluitate quam ex defectu mortales ægri tudines incurrere. Unde etiam Galenus dicit quod « *summa medicina est abstinentia* ».

**392.** — Inveniuntur etiam ad sensum abstinentes, ut frequenter, diutius vivere. Et ideo prædicta subtractio non potest dici mortis occasio, cum se habeat ad utrumque, scilicet ad prolongandum et breviandum vitam. *Subtractio autem ejus quod non est necessarium, nec hoc nec illo modo esi de necessitate virtutis lemperantiae.*

**393.** — **Ad quartum** dicendum quod quamvis homo post statum peccati magis infirmetur quantum ad possibilitatem corporis, ex qua fames causatur cui per alimentum subvenitur ; tamen ex altera parte est gravior infirmitas et periculosior, cui jejunium subvenit : scilicet concupiscentiæ morbus qui in statu innocentiae non erat. *Et ideo ad hunc morbum extirpandum magis intendere oportet*, sicut etiam medici periculosiori morbo sollicitius subveniunt.

**394.** — **AD TERTIAM QUÆSTIONEM** dicendum quod quamvis aliquis actus a pluribus virtutibus possit procedere, sicut ab imperantibus ipsum vel dirigentibus ad eum vel quocumque modo ad ipsum iuvantibus ; tamen *illius virtutis proprie actus dicitur quæ elicit ipsum*, a qua scilicet procedit formaliter quasi in similitudinem speciei sicut calefactio a calore.

**395.** — Sed tam virtutes quam actus virtutum penes objecta distinguuntur. Et ideo actus ab illa virtute elicitur quæ secum convenit in propria ratione objecti. Et quia **jejunium in objecto cum temperantia convenit quantum ad illam temperantiae partem quæ abstinentia dicitur, ideo ejus actus proprie jejunium est**, quamvis ab aliis virtutibus procedere per dictos modos etiam possit.

**396.** — **AD PRIMUM** ergo dicendum quod *actus justitiæ est reddere debitum*. Non autem est debitum dare decimam de tempore, sed de rebus possessis aliquo modo. Dicitur autem jejunium decima totius anni per quamdam adaptationem. Et ideo non oportet quod sit actus justitiæ.

**397.** — **Ad secundum** dicendum quod *fortitudinis est perferre molestias ab exteriori illatas*. Hoc autem non est in jejunio.

**398.** — **Ad tertium** dicendum quod *in omnibus virtutibus moralibus dirigitur prudentia*, ut in III lib. d. 33 (q. 2, a. 5) dictum est. Et sic actus aliarum virtutum sunt etiam prudentiæ.

**399.** — **AD QUARTAM QUÆSTIONEM** dicendum quod *duplex est præceptum* : scilicet juris naturalis et juris positivi.

*Praecepto juris naturalis prohibentur ea quæ sunt secundum se mala.*

Sed *praeceptis juris positivi prohibentur ea quæ possunt esse occasiones malorum ; vel præcipiuntur aliqua ordinantia ad virtutem, quam legis positor inducere intendit. Et propter hoc, t jus positivum, ut dicit Tuilius (lib. II De inveni., n. 65). est a naturali derivatum* ». Unde » *ad legem positivam perlinet*, ut dicit Philosophus in X Eth. (k 10. 1179b, 30-5 ; l. 14, n. 2148-49), *ordinare nutritiones juvenum et adinventiones* » virorum, idest

1. Ed. « facere ». — 2. Ed. « actus dirigitur ». — 3. N. ad. « quidem ».

opera et studia, ut arceantur a malis et perducantur ad bona.

**400.** — In jejunio ergo est aliquid quod ad præceptum juris naturalis pertinet : scilicet tantam abstinenciam carni exhibere ne spiritui rebellet. Temperantia enim, ut dicit Philosophus in *III Eth.* (*γ 14.* 1119a. 16 ; l. 21, n. 633-4<sup>1</sup>), mensuram accipit ex conservatione salutis corporalis. Unde multo magis ex conservatione salutis spiritualis.

*Medium autem lemperantiæ non excedere, ad jus naturale per'inel.* Sed *determinatio talis abstinenciam* secundum determinatum tempus et determinata cibaria, *ad jus positivum* pertinet quod moderatur hominum actus. **Et hoc modo jejunium sub præcepto Ecclesiae cadit.**

**401.** — **AD PRIMUM** ergo dicendum quod decor Ecclesiae *principaliter* in interioribus consistit. Sed *etiam exteriores actus ad eundem decorem perlinent*, in quantum ab interiori progrediuntur et in quantum interiori decorem conservant. *Ei sic jejunium ad decorem Ecclesiae ordinatur.*

**402.** — **Ad secundum** dicendum quod *duplex* est genus supererogationis.

*Quoddam quod totaliter excedit necessitatem salutis.* Et hoc non potest cadere sub præcepto, sed sub consilio ; *I Cor.*, vi, 25 : « *De virginibus autem præceptum Domini non habeo, consilium autem do.* »

**403.** — *Aliud* genus supererogationis est *quod aliquo modo ad necessitatem salutis perlinet*, quamvis non secundum hunc vel illum modum, sicut de jejunio ex dictis (**399**) patet. Et ideo determinatio modi in talibus potest cadere sub præcepto Ecclesiae vel cujuscumque legislatoris.

**404.** — **Ad tertium** dicendum quod præcepta juris positivi magis obligant ex intentione legislatoris quam ex ipsis verbis. Et ideo transgressor talis præcepti magis est reputandus qui obviat intentioni legislatoris quam qui deviat in aliquo a legis ordinatione. Intentioni autem legislatoris obviat qui ex contemptu vel sine aliqua rationabili causa ordinationem non servat.

Si autem in aliquo casu ordinationem non servat in quo probabiliter credi potest, si legislator adesset, eum obligare non velle, talis non est reputandus præcepti transgressor.

**405.** — *Et ideo non est necessarium quod quicumque aliquem diem ab Ecclesia institutum jejunare omittit, mortaliter peccet.* Potest enim hoc *aliquando* omnino sine peccato contingere, *aliquando* sine mortali cum veniali, *aliquando* etiam cum mortali. Et hoc secundum diversas occasiones quibus homo inducitur ad jejunium frangendum.

1. Ed. « adhibere ». — 2. Ed. om. « ordinationem ». — 3. a ad. « legis vel ». — 4. F. « autem ».

**406. — AD QUINTAM QUÆSTIONEM** dicendum quod **jejunium actus satisfactorius est** ; quia et pro libidine peccati præteriti subtractionem delectationis récompensât, afflictionem etiam addens ; et futura peccata impedit, concupiscentiam debilitans.

**407. — AD PRIMUM** ergo dicendum quod *jejunium* quamvis clicitive sit actus temperantiæ, tamen *a justitia imperari potest, et sic erit salisjactorium* : sicut etiam adulterium intemperantiam admixtam injustitiæ habet.

**408. — Ad secundum** dicendum quod præceptum legis naturæ non est nisi de eo quod est necessarium ad salutem. Et ideo quod sub tali præcepto cadit, non est satisfactorium, sed ad satisfactionem exigitur. Et sic est de eleemosyna, secundum quod cadit sub præcepto. Sed præceptum Ecclesiæ potest ad idem ordinari ad quod ordinatur satisfactio. Et ideo jejunium quod sub præcepto Ecclesiæ cadit, satisfactorium esse potest.

**409. — Ad tertium** dicendum quod neque corpus *peccat* neque anima, *proprie loquendo*, sed *homo*. Et ideo ipse qui peccat, punitur, sive sit pœna corporalis sive spiritualis. Tamen etiam pœna corporalis in animam redundat quæ ipsam sentit, sicut et per corpus delectatione illicita fruebatur in peccato.

**410. — Ad quartum** dicendum quod superabundantia cibi non habet pœnam, et est inordinata. Et ideo non potest esse satisfactoria, sicut jejunium.

**411. — Ad quintum** dicendum quod intelligitur ad modicum valere corporalis exercitatio in comparatione ad pietatem, vel quia ad unum tantum valet : scilicet ad concupiscentiam domandam.

## ARTICULUS II

[II-II, q. 147, a. 4.]

**412. — AD SECUNDUM SIC PROCEDITUR.** Videtur quod AD JEJUNIUM AB ECCLESIA INSTITUTUM OMNES TENEANTUR ABSQUE DISPENSATIONE.

1. Præcepta enim Ecclesiæ obligant sicut præcepta Dei. Unde Apostolis dicitur (Luc., x, 16) : « *Qui vos audit, me audit.* » Sed ad præcepta Dei omnes tenentur absque dispensatione. Ergo et ad præcepta Ecclesiæ.

2. **Præterea.** Illud quod utiliter statutum est, non potest sine nocumento relaxari. Sed non sine utilitate statutum est Ecclesiæ jejunium. Ergo non potest per dispensationem sine nocumento relaxari.

3. **Præterea.** Secundum Bernardum in lib. *De dispensatione et præcepto c. 2, n. 3* ; (L. 182, 862) in præcepto superioris non potest inferior dispensare. Sed quaelibet singularis persona est inferior quam Ecclesia quæ jejunium sub præcepto statuit, nisi forte ille qui est caput totius Ecclesiæ, vel loco capitis scilicet Papa. Ergo nullus alius potest in jejunio dispensare nisi Papa.

**413. — SED CONTRA.** Innocentius III in quadam decretali (extra. *De obsero. jejun.*, cap. « *Consilium* »), loquens de materia ista, dicit quod *non subjacet legi necessitas*. Ergo necessitate imminente potest aliquis sine peccato jejunium ab Ecclesia institutum prætermittere per dispensationem.

**414. — Præterea.** Præcepta legis naturalis non possunt per aliquod statutum immutari. Sed præceptum legis naturalis est ut homo ad necessitatem cibum sumat. Ergo si necessitas exposceret, posset jejunii abstinenciam non servare.

## [II]

[II-II, q. 147, a. 4, ad 5.]

**415. — ULTERIUS.** Videtur quod justī non teneantur ad jejunium Ecclesiæ.

1. *I Cor.*, m, 17 : « *Ubi spiritus Domini, ibi libertas.* » Sed justī spiritu Dei sunt imbuti. Ergo liberi sunt ab onere statutorum Ecclesiæ. Et sic non obligantur ad jejunium ab Ecclesia institutum.

2. **Præterea.** Mat., ix, 15, Dominus dicit : « *Non possunt filii, quamdiu cum eis est sponsus, lugere.* » Jejunium autem ad luctum pertinet. Sed cum justis sponsus Ecclesiæ Christus semper spiritualiter est ; *Eph.*, m, 17 : « *Habitare Christum per fidem in cordibus oestris.* » Ergo cum spiritualis præsentia corporali præemineat, videtur quod non teneantur viri justī ad jejunium.

3. **Præterea.** Nullus tenetur satisfacere qui non peccavit. Sed jejunium est quædam satisfactionis pars. Ergo si sunt aliqui justī qui nunquam peccaverunt, videtur quod tales ad jejunium non tenentur.

**416. — SED CONTRA.** Apostolus perfecte justus fuit. Sed ipse corpus suum castigavit per jejunia et alia corporalia exercitia, ut dicitur *I Cor.*, ix, 27 : « *ne jorle reprobus efficiatur*3. » Ergo et alii justī debent jejunare.

**417. — Præ e?** Justitia hominis ordinem Ecclesiæ non subvertit, sed perficit. Sed quamdiu manet ordo, manet obedientia inferioris ad superiorum4 præcepta ; quia hoc eis est debi-

1. F. « Domine ». — 2. Ed. om. « viri justī ». — 3. Ed. « efficiar. » — 4. F. « superiorem ».

turn. Ergo per justitiam homo non absolvitur quin teneatur jejuna-  
re, et alia præcepta Ecclesiæ et! Dei! servare.

[HI] I

[II-II, q. 147, a. 4, ad 2.]

**418. — ULTERIUS.** Videtur quod etiam pueri teneantur  
AD JEJUNIUM<sup>3</sup>.

1. **Joel.**, ii, 15, dicitur : « *Sanctificate jejunium* » ; et postea  
sequitur, 16 : « *congregate parvulos et sugentes ubera.* » Ergo  
parvuli ad jejunium tenentur.

2. **Prætere.** Magis propinquus est præcepto puer quam bestia.  
Sed **Jonæ**, n, 7, dicitur : « *Homines et jumenta non gustent quid-  
quam nec aquam bibant.* » Ergo multo magis pueri ad jejunium  
tenentur.

3. **Prætere.** Pueri plus possunt jejuna-  
re, ut videtur, quam pro-  
vecti, quia habent plus de humido. Sed qui plus habet, magis  
tenetur. Ergo pueri magis tenentur ad jejunium quam pro-  
vecti.

**419. — SED CONTRA.** Præceptum Ecclesiæ necessitatem  
cibi subtrahere non debet. Sed pueri indigent frequenti cibo ;  
quia non possunt simul<sup>4</sup> tantum sine læsione alimentum acci-  
pere quod eis ad totum<sup>6</sup> diem sufficit, propter debilitatem natu-  
ræ. Ergo ad jejunium non tenentur.

**420. — Prætere.** Jejunium est ordinatum ad satisfaciendum  
et concupiscentiam comprimendum. Sed satisfactio pro peccatis  
præteritis non competit pueris ; quia innocenti vita degunt, et a  
puritate pueri dicuntur. Similiter nec est in eis concupiscentia  
actualiter impugnans, etsi habitus eis insit, ut **Augustinus** dicit  
(*De peccatorum mer. et remiss.*, lib. I, c. 26 ; L. 44, 131), Ergo  
non tenentur ad jejunium.

[IV]

[II-II, q. 147, a. 4, ad 3.]

**421. — ULTERIUS.** Videtur quod pro-  
vecti et sani non  
excusentur a jejunio propter peregrinationem.

1. Est enim dimittendum illud quod non est necessitatis, ut  
servetur id quod est necessitatis. Sed peregrinatio non est neces-  
sitatis. Cum ergo jejunium ab Ecclesia institutum sit neces-  
sitatis, quia cadit sub præcepto, videtur quod non debeat propter  
peregrinationem aut iter jejunium intermittere.

1. Ed. om. « et ». 2. Ed. ad. « debeat ». — 3. N. ad. « Quia ». — 4. α om. « simul » ;  
F. « semel ». — 5. Ed. « totam ».

[II-II, q. 147, a. 4, ad 4.]

**Præterea.** Videtur quod nec ratione paupertatis.

2. Quia paupertas de se inducit ad jejunandum. Ergo non est causa quare aliquis jejunare non debeat.

[II-II, q. 147, a. 4, ad 4.]

**Præterea.** Videtur quod nec ratione operis alicujus servilis a jejunio excusetur.

3. Quia lucrum spirituale debet praeponderare lucro corporali. Sed hujusmodi opera ad lucrum temporale<sup>2</sup> ordinantur, jejunium autem ad spirituale. Ergo non est jejunium propter hujusmodi opera intermittendum.

**422. — SED CONTRA.** Afflicto non est addenda afflictio<sup>3</sup>. Sed omnia praedicta de se<sup>4</sup> habent afflictionem. Ergo aliquo modo excusantur ab afflictione jejunii.

**423. — RESPONSIO.** Dicendum **AD PRIMAM QUÆSTIONEM** quod per præcepta juris positivi, ut dictum est (227), remouentur aliqua quæ non sunt de se mala et semper. Unde in aliquo casu possunt esse bona et necessaria quæ talibus prohibentur præceptis. Et ideo non fuit intentio legislatoris ut semper observaretur præceptum suum, nisi in illis casibus in quibus bonum virtutis potest conservari.

**424. — RESPONSIO 5.** Dicendum **AD PRIMAM QUÆSTIONEM**<sup>6</sup> quod jus positivum a jure naturali procedere dicitur, inquantum per jus positivum modus observandi jus naturale determinatur; quia *inlenio cujuslibet legislatoris est inducere homines ad virtutes*, ut dicitur in II *Elh.* {β 1.1103v, 3; l. 1, η. 251), quæ pertinent ad jus naturale.

**425. —** Modus autem observandi ea quæ sunt de lege naturali non potest esse uniformis in omnibus propter diversitates quæ in singularibus contingunt sicut nec idem modus curationis potest adhiberi omnibus laborantibus eadem aegritudine. Et ideo legislator non potest aliquod præceptum ponere quod non oporteat in casu aliquo prætermitti.

**426. —** Tamen considerans quod frequentius accidit, legem ponit in illis casibus in quibus modus determinatus per legem non competit, iudicium reservans aliquibus qui hoc habeant definire. **Et hæc est dispensatio prælatis commissa in jejunio**

1. Ed. *ad.* « quis ». — 2. Ed. « corporale ». — 3. Ed. « Afflicto non est addenda afflicto ». — 4. ζ « se habent ad afflictionem » *om.* « de se ». — ζ « Afflicto non est addenda afflictioni ». — 5. Ed. « Et ideo ». — 6. Ed. *ad.* « de jure naturali et positivo ».

**ab Ecclesia instituto, et in aliis hujusmodi Ecclesiae praeceptis.**

427. — **AD PRIMUM** ergo dicendum quod *praecepta Dei* sunt de eo quod est de necessitate salutis secundum se. Et ideo *in quolibet casu observari illa oportet.*

Sed *praecepta Ecclesiae* quamvis vim obligandi habeant ex actu praecipientium, *non tamen semper obligant* propter materiam in qua proponuntur.

428. — **Ad; secundum** dicendum quod secundum utilitatem quae ut frequentius accidit, utiliter hujusmodi praecepta instituta sunt; sed propter necessitatem in aliquo casu emergentem etiam utiliter dimittuntur.

429. — **Ad tertium** dicendum quod inferior potest dispensare in praecepto superioris, quando dispensatio sibi a superiori relinquatur.

430. — **AD SECUNDAM QUÆSTIONEM** dicendum quod praeceptum a legislatore positum, tunc solum ad observandum non obligat, quando observatio intentionem legislatoris evacuat vel impedit, qua intendit homines inducere ad virtutem, vel bonum statum eorum quibus legem proponit.

431. — Cum autem justitia profectum jejunii quem legislator intendit non impediatur, sed augeatur, quia efficitur magis meritorium ex hoc quod aliquis est **justus, non absolvitur a jejuniorum<sup>4</sup> observatione.**

432. — **AD PRIMUM** ergo dicendum quod libertas quam spiritus Dei inducit, est libertas justitiæ quae opponitur servituti peccati. Sed conjungitur servituti Dei, et ita ad obedientiam mandatorum ejus et eorum qui vicem Dei gerunt in terris.

433. — **Ad secundum** dicendum quod *duplex* est jejunium: scilicet jejunium<sup>5</sup> luctus et exultationis. *Et dicitur jejunium luctus*, quod quidem cum amaritudine peccatorum vel praesentis miseriæ geritur; *jejunium vero exultationis*, cum ex spirituali jucunditate a carnalibus se abstrahit; quia gustato spiritu, desipit omnis caro. Justis ergo semper habitu spiritualiter sponsus praesens est, sed non<sup>6</sup> semper actu.

434. — *Imo quandoque est eis praesens ut judex*, cum sua peccata recogitant, vel quae fecerunt, vel in quae cadere possunt, nisi carnem cohibeant. Et tunc eis competit jejunium mæroris.

435. — *Aliquando autem est eis praesens actu*, ut sponsus, quando ejus dulcedine perfruuntur. Et tunc competit eis exultationis jejunium, et non mæroris.

1. F. « observare ». — 2. α « propter ». — 3. η « et ». — 4. a « jejunii ». — 5. F. *om.* per *homot.* « peccati; sed conjungitur servituti ». — 6. Ed. *om.* « scilicet jejunium ». — 7. F. *ad.* « est ».

**436.** — **Ad tertium** dicendum quod *jejunium* non tantum *inducitur* pro peccatis praeteritis, sed *etiam ad præservandum a futuris*. Et ideo in his qui non peccaverunt, *competit ut medicina præservans?*

**437.** — Tamen praesens vita sine peccato omnino agi non potest quamvis a criminibus aliquis absteineat, ut Augustinus in *lib. De poenitentia* (serm. 393 ; L. 39, 1713) dicit. Et ideo *sicut* omnibus in hac vita existentibus competit poenitentia, *ita et jejunium*.

**438.** — **AD TERTIAM QUÆSTIONEM** dicendum quod pueri indigent multo cibo, eo quod cibus in eis non solum exigitur ad actum nutritivæ, sed etiam ad actum augmentativæ virtutis, quia de residuo nutrimenti fit augmentum. Et quia virtus naturæ in eis nondum valuit<sup>3</sup>, non possunt simul multum de cibo assumere, quia naturalis virtus illud convertere non posset. Et ideo indigent frequenti cibi sumptione. Et propter hoc eis non competit jejunium, dum sunt in augmento. Tempus enim augmenti, secundum Philosophum, (*de animat, histor.* a 582a, 27) est **usque ad finem tertii septennii** ut in pluribus, quia res naturales non currunt semper eodem modo, sed ut frequenter. Et ideo ante hoc tempus **non arctantur pueri ad omnia jejunia Ecclesiæ servanda**.

**439.** — Sed quia quanto ad terminum prædictum appropinquant, tanto virtus naturæ magis roboratur et augmentum tardius procedit, cum in primis quinque annis perveniat puer ad medietatem totius augmenti, ut Philosophus dicit (VII, *Polit*, η 17. 1336% 23-26; l. 7, ee), ideo **secundum quod magis appropinquant ad prædictum terminum, sunt eis magis jejunia commensuranda**.

**440.** — **AD PRIMUM** ergo dicendum quod loquitur in casu quando magna tribulatione imminente major afflictio ad placandum Deum superaddenda est.

Et similiter dicendum **ad secundum**.

**441.** — **Ad tertium** dicendum quod quamvis pueri plus habeant de humido quam proveci ; quia tamen illud est minus inspisatum, citius potest a calore consumi. Et ideo frequentiori refectioe indigent.

**442.** — **AD QUARTAM QUÆSTIONEM** dicendum quod sicut dictum est (424), intentio legislatoris est conservare homines et inducere ad bonum statum virtutis : qui quidem consistit in conservatione vitæ, et valetudine sufficienti ad opera quæ quis facere debet. Nec tamen suo præcepto exigit ab homine totum quod potest, cum non intendat ordinare statum hominis

1. F. « quæ », N. om. « in ». — 2. N. ad. « Et ». — 3. EJ. « convaluit ».

quantum ad unum diem vel ad parvum tempus, sed ad totam vitam : a quo deficeret, si semel homo totum quod posset, faceret.

**443.** — Et ideo sive ægritudine imminente, sive labore viæ, sive *quocumque alio, cum quo simul el jejunio prædictus status conservari non potest, non tenetur ex præcepto jejunare ; sed secundum dispensationem superioris*, ut supra dictum est (**426**), **jejunium solvere potest.**

**444.** — **AD PRIMUM** ergo dicendum quod *si sit talis peregrinatio quæ possit sine incommodo differri*, debet peregrinationem differre, si simul cum ea non potest jejunare.

*Si autem peregrinatio commode differri non potest, vel quia tempus jejunii hominem in via præoccupat, vel quia dies festus alicui imminet, ad quem ex devotione homo pergere cupit, vel quia mora in poenitentia periculum habet vel spirituale vel corporale, potest secundum dispensationem sui superioris omnia prædicta pensantis peregrinari et jejunium solvere.* Hoc tamen intelligitur de his qui labore itineris adeo affliguntur, quod simul cum jejunio itinerari non possunt.

**445.** — Nec obstat quod præceptum debet præponi consilio ; quia intentio præceptum hujusmodi dantis non est alias pias et magis necessarias causas excludere.

Secus autem est de præceptis legis *naturæ, quæ hoc prohibent quod secundum se et semper malum est.*

**446.** — **Ad secundum** dicendum quod *paupertas non semper excusat a jejunio, sed in illo casu quando simul habere non potest tantum hora comestionis quod ad victum lotius diei sufficiat, sicut frequenter egenis contingit, qui frustatim eleemosynas quaerunt ; vel etiam quando ex præcedenti inedia tantum debilitati sunt quod jejunium sufferre non possunt.*

**447.** — **Ad tertium** dicendum quod de operariis distinguendum videtur ; quia *si jejunando possunt competenter vicium pro persona sua habere el pro familia cujus cura eis incumbit, sive quia alias divites sunt, sive quia de eo quod minori labore, qui secum jejunium compatiatur, lucrari sufficientia possunt, a jejunio non excusantur.*

**448.** — *Si autem alias non possunt tantum laborare quod vicium sufficientem acquirant, nisi jejunium frangendo ; possunt secundum dispensationem sacerdotis sui jejunium solvere et laborare.*

**449.** — Ex quo patet quod intentio majoris lucri non necessarii eos a peccato non excusat, si jejunium frangant. *Nec iterum illi a peccato immunes sunt qui operarios conducere nolunt nisi tali pacto ut jejunium solvant, nisi forte sit causa necessaria quæ festinationem operis pro quo laboratur exposcat.*

## ARTICULUS III

[I]

[II-II, q. 147, a. 5.]

**450. — AD TERTIUM SIC PROCEDITUR.** Videtur quod NON DEBEANT HUIUSMODI TEMPORA ESSE AD JEJUNIUM DETERMINATA, sicut Ecclesia instituit.

1. Quia *sicut* jejunium est satisfactionis pars, *ita* eleemosyna. Sed eleemosynarum tempus non est determinatum. Ergo nec jejunii.

2. **Præterea.** *Sicut* legislator novi testamenti, scilicet Christus, quadragesimam jejunavit; *ita* et legis veteris lator, scilicet Moyses. Sed populo veteris testamenti non indicebatur quadragesimale jejunium. Ergo nec populo novi testamenti indici debet.

3. **Præterea.** Christus statim post baptismum legitur, Mat., iv, jejunium in deserto incipioasse. Si ergo nos in actibus nostris Christo conformari debemus, statim post Epiphaniam, quando baptismus Christi celebratur, debemus quadragesimale jejunium inchoare.

4. **Præterea.** In veteri testamento habebant jejunium quarti mensis et quinti et septimi et decimi, quæ non erant distincta per quatuor anni tempora. Ergo videtur quod nec nos per quatuor anni tempora nostra jejunia distinguere debeamus.

5. **Præterea.** Temporibus lætitiæ jejunium non competit. Unde etiam et tempore paschali intermittitur jejunium vigiliæ Apostolorum Philippi et Jacobi, et tempore Nativitatis, jejunium vigiliæ beati Joannis Evangelistæ. Sed infra octavas Pentecostes adhuc durat gaudium paschalis festivitatis. Ergo tunc jejunium non erit observandum.

6. **Præterea.** In sanctorum solemnibus eorum gloriam recolimus, ad quam translati sunt. Sed jejunium statui gloriæ non competit, quia « *non esurient neque sitient amplius* » (Apoc., vn, 16). Ergo in vigiliis solemnitatum jejunium non competit.

[II]

[II-II, q. 147, a. 5, ad 2.]

**451. — ULTERIUS.** Videtur quod in aliquo tempore JEJUNIUM SIT INTERDICTUM.

1. Secundum quod Gregorius in II *Dialogorum* (cap. i),

1. ζ om. « et »; ed. om. « etiam et ». — 2. F. « erat ». — 3. aζ om. « in ».

narrat quemdam sacerdotem divinitus missum beato Benedicto dixisse : « *Dies resurrectionis esi ; non licet tibi hodie abstinere.* » Ergo videtur quod in solemnitatibus illicitum est jejunare.

2. **Præterea.** In *Esdra* (lib. II, vm, 9), dicitur : « *Sanctus dies Domini est, nolite contristari* » ; et additur, 10 : « *comedite pingua, etc.* » Ergo videtur quod in diebus solemnibus jejunare non liceat.

**452. — SED CONTRA** est quod *Honorius III* in quadam decretali (extra. *De obser. jejun.*, cap. « *Explicari* »), dicit quod die Natalis sexta feria venienti non sunt prohibendi qui propter devotionem voluerint jejunare.

## [III]

[II-II, q. 147, a. 7.]

**453. — ULTERIUS.** Videtur quod hora nonal non debeat esse tempus determinatum ad manducandum in diebus **JEJUNII**.

1. Quia circumstantiæ secundum conditionem personarum sunt determinandæ. Sed non sunt ejusdem conditionis quantum ad potentiam abstinendi omnes quibus jejunium indicitur. Ergo non esset eis omnibus una hora determinanda<sup>2</sup>.

2. **Præterea.** Status novi testamenti est perfectior quam status veteris. Sed in veteri testamento jejunabant usque ad vesperam. Ergo et usque ad vesperam homo debet comestionem nunc differre in diebus jejunii.

**454. — SED CONTRA** est consuetudo.

**455. — RESPONSIO.** Dicendum **AD PRIMAM QUÆSTIONEM** quod ad legislatorem pertinent ea quæ sunt ad vitam humanam necessaria, lege ordinare qualiter congruentius fieri possunt. Ideo cum aliquod tempus sit alio magis jejunio congruum, **convenienter ab Ecclesia determinatum tempus est ad jejunia institutum.**

**456. — AD PRIMUM** ergo dicendum quod eleemosynæ ordinantur ad subveniendum defectibus aliorum. Et ideo non potest eleemosynis tempus determinari, sicut nec defectibus quibus subvenire oportet.

**457. —** Sed jejunium est institutum ad comprimendum concupiscentiam carnis et satisfaciendum pro peccatis præteritis. Et quia jejunium concupiscentiam comprimit, etiam postquam

1. Ed. om. « nona ». — 2. α. « Ergo non debet eis omnibus una hora determinari ».

factum est, secundum quod effectus manet in jejunante, ideo potest jejunio tempus praefigi.

**458.** — **Ad secundum** dicendum quod Moyses fuit legislator non tamquam dominus legis, sed tanquam famulus; Christus autem tamquam dominus. Et ideo non inducebat lex vetus ad conformitatem Moysi, sicut nova lex inducit ad conformitatem (Christi; quia etiam angelorum intentio, quia non sunt domini sed servi, non est ut alios in seipsos reducant, sed in Deum, ut Dionysius dicit [*De cæl. hier.*, c. 4; G. 3, 178]).

**459.** — **Ad tertium** dicendum quod Christus non jejunavit quasi ipse jejunio indigeret, sed ut ad gratiam ejus suscipiendam exemplo sui jejunii nos praepræpararet. Et ideo post baptismum suum in quo plenitudo gratiæ ipsius declarata est testimonio Patris et Spiritus Sancti, et etiam Joannis, decebat ut exemplum jejunii sui nobis proponeret.

**460.** — **Nobis autem competit jejunium, ut praepræparemur ad suscipiendam gratiam ipsius.**

Et quia sacramenta gratiæ ejus præcipue proponuntur circa festum Paschæ, ideo immediate ante solemnitatem paschalem quadragesimale jejunium impletur; et etiam quia tempus veris quod tunc incipit, maxime est concupiscenti aptum; et quia significatur quod ad gloriam resurrectionis per tribulationes præsentis vitæ pervenimus, sicut et Christus per passionem.

**461.** — **Ad quartum** dicendum quod secundum Hieronymum (*In Zach.*, vm, 21; L. 25, 1476), *Judæi* habebant speciales causas quare illa jejunia observabant.

*In Julio enim* qui est quartus mensis ab Aprili, quem ipsi primum habent, jejunabant; quia illo mense septima die mensis Moyses descendens de monte legis tabulas confregit propter peccatum vituli conflatilis, et eodem mense muri Jerusalem a Nabuchodonosor destructi sunt.

**462.** — *In quinto autem mense*, id est Augusto, propter peccatum murmuris ex verbis exploratorum [orti] illo mense; etsi quia eodem mense templum incensum est a Nabuchodonosor, et postea etiam a Tito.

**463.** — *In septimo autem mense* propter interfectionem Godoliæ, sub quo reliquiæ populi conservabantur, ut patet Jerem., xli.

**464.** — *In decimo autem mense* in memoriam mortuorum quos Dominus in deserto percusserat.

**465.** — Nos autem præter jejunium quadragesimale in quo omnium dierum quasi decimam solvimus, in singulis quadris

1. Ed. *ad.* « ejus ». — 2. N « Unde ». — 3. Ed. *ad.* « in ». — 4. *αηζ* « ortis », propter tractum calami forsan etiam S. Doctor, sicut sæpe. — 5. Ed. « etiam ». — 6. Ed. *ad.* « illo ». — 7. *α* « Golias ». — 8. N. « Nobis ».

annil, très dies jejunii instituti sunt, qui quasi in primitias computentur, et etiam<sup>2</sup> ad expiandum peccata singularum quartarum.

**466.** — **Ad quintum** dicendum, quod sicut dicit Leo Papa (in *Serm. i de jejun. Pentecostes*, c. 3 ; L. 54, 417) : « *Post sanctæ lætitiæ dies quos in honorem Domini resurgentis et in cælum ascendentis exegimus, et post acceptum Spiritus Sancti donum, salubriter et necessario consuetudo ordinata est jejuniû, ut si quis forte inter ipsa festivitatis gaudia negligens libertate et licentia immoderata aliqua præsumpsit, hoc abstinencia censura castiget.* »

**467.** — Tamen etiam est *jejunium exultationis*, quod illis qui Spiritum Sanctum acceperunt, competit. Cum gaudio enim spirituali etiam afflictio corporalis se compatitur. Unde non fit genuflexio et alleluia cantatur : quod in aliis jejuniis non observatur.

**468.** — **Ad sextum** dicendum quod in solemnitatibus præcipuis vigiliis jejunamus, *ut paratiores ad devotionem festi simus, et ut gaudium æternum quod per solemnitates temporales significatur, ad tribulationes præsentis vitæ quas sancti passi sunt, subsequi demonstretur.*

**469.** — **AD SECUNDAM QUÆSTIONEM** dicendum quod **jejunium, quantum est de se, nullo tempore est prohibitum.**

Unde, sicut dicit Isidorus (l. *Idē Eccles, offc.*, c. 43 ; L. 8, 775), sancti Patres in deserto tempore paschali jejunabant, excepto die dominicæ resurrectionis, in quo non videtur conveniens jejunare, eo quod tota Ecclesia lætitiæ festum agit.

**470.** — Unde non est conveniens quod aliquis illo die operibus afflictionis intendat, quia *turpis est omnis pars quæ suo toti non congruit*, ut dicit Augustinus in lib. *Confess.*, (III c. 8 ; L. 32, 689).

*Sed per accidens posse esse jejunium alicujus in die jeslo illicitum*, si adeo pertinaciter jejunium teneret quod non crederet per devotionem festi utilitatem jejunii compensari posse.

**471.** — **AD PRIMUM** ergo dicendum quod dies resurrectionis, ut dictum est (469), totus est lætitiæ ; unde et cantatur : « *Hæc dies quam fecit Dominus, etc.*<sup>4</sup> ». Et ideo in illa præ aliis non congruit tristitiæ signa ostendere. Et quia in singulis dominicis memoria resurrectionis agitur, ideo **in diebus dominicis secundum communem consuetudinem Ecclesiæ jejunia intermittuntur.**

**472.** — **Ad secundum** dicendum quod quia illi in magna

1. F. « annis ». — 2. Ed. *om.* « etiam ». — 3. Ed. « potest ». — 4. Ed. « exultemus et lætemur in ea ».

tristitia demersi erant propter tribulationes undique imminentes, ideo ab his quæ tristitiam ingerere possunt, abstrahebantur, ut in spe divini auxilii gauderent.

**473. — AD TERTIAM QUÆSTIONEM** dicendum quod **competens hora comedendi in diebus jejunii est hora nona.** Et hæc est ab Ecclesia instituta et communiter observata ; quia secundum communem cursum comedendi est hora sexta ; quia cibus non debet apponi quousque natura circa cibum præcedentem occupata est. Occupatur autem in cibo assumpto *dupliciter.*

**474. — Primo digerendo ipsum,** et quia digestio fit per calorem, ideo illud tempus digestionis est congruum in quo calor naturalis ad interiora revocatur, scilicet nox<sup>1</sup> propter<sup>2</sup> subtractionem radiorum solis, et propter somnum in quo intenduntur virtutes naturales.

**475. — Secundo cibum jam decoctum deducendo per membra,** quibus debet assimilari. Et ad hoc requiritur quod calor nutrimentum deducens usque ad extremas partes corporis evocetur. Calor autem solis calorem naturalem ad exteriora evocat. Et ideo quando completur solis ascensus, quod fit **hora sexta,** quia tunc est circa medium, tunc ejus opus completum est. Et ideo **tunc est tempus communiter sumendi cibum.**

**476. —** Et quia jejunium Ecclesiæ debet esse poenale et satisfactorium, ideo supra hoc aliquid additur ; non autem tantum quod penitus humor cibi assumpti exsicceatur, aut virtus naturalis debilitetur. Unde partito residuo tempore, **hora nona** occurrit, in qua **cibus secundum Ecclesiæ statutum in diebus jejunii sumendus est.**

**477. — AD PRIMUM** ergo dicendum quod *legislator ponens legem communem, attendit ea quæ in pluribus accidunt;* sed adaptationem ad singulos relinquit illis qui constituuntur legis dispensatores.

**478. — Ad secundum** dicendum quod *nos* nostro jejunio conformamur novo homini qui per passionem suam nos a vetustate et tenebris revocavit. Et ideo illo tempore jejunium primum solvimus, quando Christus passionem suam finivit, scilicet *hora nona.*

**479. —** Sed *ante hanc renovationem competeat vespertinum tempus* jejunantium comestioni, ad significandum quod per cibum veteris hominis in tenebris<sup>4</sup> peccati et mortis dejecti erant, a quibus non eruebantur, etiam post tribulationes præsentis vitæ ; quia in morte ad limbum descendebant qui erat tenebrosus locus.

1. F. « quoniam ». — 2. Ed. *om.* « nox ». — 3. α « per ». — 4. Ed. « tenebras »

## ARTICULUS IV

## m

[*Supra*, d. 8, q. 1, a. 4, sol. 2, ad 2; II-II, q. 147, a. 6.]

✎ — **AD QUARTUM SIC PROCEDITUR.** Videtur quod POST UNAM COMESTIONEM JEJUNIUM NON SOLVATUR.

Quia jejunium est determinatum ad subtractionem nutriment. Sed non solum nutrimur cibo, sed etiam potu. Cum ergo potus assumptus praeter comestionem statutum ab Ecclesia jejunium non solvat, videtur quod nec etiam cibi bina assumptio.

**2. Iræterea.** Aqua potata impedit sumptionem eucharistiae, sicut Vt sumptio alterius cibi, quia solvit jejunium naturæ quod iequiritur in eucharistiam sumentibus, sicut et alii cibi. Si ergo aqua potata non solvit jejunium Ecclesiae, videtur quod nec alius cibus assumptus.

**3. Præterea.** Electuaria etiam cibi quidam sunt. Sed eorum assumptio jejunium non solvit: quod patet ex communi consuetudine multorum, qui etiam diebus jejunii absque conscientia fractionis jejunii electuaria in magna quantitate manducant. Ergo nec ciborum aliorum iterata assumptio jejunium solvit.

**4. Præterea.** Odor jejunium non solvit. Sed odore aliqui reficiuntur, sicut et cibo. Ergo nec cibus.

**481. — SED CONTRA** est, quia in hoc distinguuntur jejunantes a non jejunantibus, quia semel manducant. Si ergo bina comestio jejunium non solveret, non esset differentia inter jejunantes et non jejunantes.

## [II]

[II-II, q. 147, a. 8.]

**482. — ULTERIUS,** Videtur quod esus carniū jejunium NON SOLVAT.

1. Quia jejunium est institutum ad comprimendum concupiscentiam. Sed vinum magis inflamat concupiscentiam quam carnes. Cum ergo potus vini non solvat jejunium, nec esus carniū solvet.

**2. Præterea.** Legumina inflativa sunt et sic ad luxuriam provocant. Sed esus eorum non solvit jejunium. Ergo nec esus carniū.

**3. Præterea.** Pisces aliqui ita delectabiliter comeduntur sicut carnes aliorum animalium. Sed nulla caro piscium comesta jejunium solvit. Ergo nec carnes avium aut<sup>2</sup> quadrupedum.

1. RANVP. « per binam », — 2. α « nec ».

4. **Præterea.** *Sicut* in diebus quadragesimæ abstinetur a carnibus, *ita ab* ovis et lacticiniis. Sed in diebus jejuniū quida/n lacticiniis et ovis utuntur. Ergo et carnibus uti possunt side hoc quod jejunium solvatur.

**483. — SED CONTRA** est generalis consuetudo Ecclesiæ, quæ jejunantibus usum carniū interdicit.

## [III]

[II-II, q. 147, a. 7, ad 3J]

**484. — ULTERIUS.** Videtur quod anticipatio temporis JEJUNIUM NON SOLVAT.

1. *Sicut* enim non servat tempus ab Ecclesia statutum<sup>3</sup> qui tardat comestionem, *ita* nec ille qui anticipat. Sed ille fui tardat, non solvit jejunium ab Ecclesia institutum. Ergo nec ille qui anticipat.

2. **Præterea.** Jejunium est actus abstinentiæ. Sed abstinentia impeditur non solum per anticipationem horæ comestionis, sed etiam per alias condiciones, quæ hoc versu continental :

Præpropere, laute, nimis, ardentè, studiose.

Ergo cum « *nimis* » comedere quantum ad quantitatem non solvat jejunium, nec « *ardenter* », quantum ad aviditatem comedendi, nec « *laute* », quantum ad pretiosa quæ in cibum queruntur, nec « *studiose* », quantum ad exquisitum modum cibaria præparandi, alias mortaliter peccarent qui hæc in diebus jejuniorum facerent<sup>4</sup>, quasi trāsgressores præcepti Ecclesiæ: quod durum est dicere ; videtur quod nec « *præpropere* » comedere, quod est tempus anticipare, jejunium solvat.

**485. — SED CONTRA** est quod dicit Concilium *Cabillo-nense*<sup>5</sup> (*Decret, de consec.*, d. 1, c. 15 ; L. 187, 1721) : « *In quadragesima nullatenus credendi sunt jejunare qui ante manducaverunt quam vespertinum celebretur officium.* » Ergo anticipatio temporis solvit jejunium.

**486. — RESPONSIO.** Dicendum **AD PRIMAM QUÆSTIONEM** quod jejunium *dupliciter* solvitur:

*Uno modo quantum ad meritum*, ita quod homo vel non meretur, vel minus meretur, et de hac solutione jejuniū non intendimus ad præsens ; quia condiciones quæ meritum alicujus actus augment vel minuunt, indeterminatæ sunt, eo quod quandoque accidentaliter se habent ad actum meritorium.

**487. — Alio modo** solvitur jejunium, *secundum quod est ab*

1. Ed. « quadragesimalibus ». — 2. F. om. « ab ». — 3. a « institutum ». — 4. Ed. « qui in diebus jejuniorum hoc facerent ». — 5. *añç* « *Sabiloneum* ».

*Ecclesia institutum, ex qua solutione homo efficitur* transgressor statuti Ecclesiæ de jejunio servando, vel saltem non observator, si<sup>2</sup> ex dispensatione vel causa legitima dimittat. *Et de hæc solutione jejunii nunc quaerimus.*

**488.** — Ad hoc autem præcipue valet considerare intentionem statuentis. Intendit autem Ecclesia certum *modum* statuere manducandi, ut scilicet semel in die jejunans manducet. *Et ideo* si aliquorum sumptio, secundum quæ manducatio solet compleri, iteretur, **jejunium prædicto modo acceptum solvitur.**

**488L** — Si autem aliqua sumantur quæ ad manducandum de se ordinata non sunt, sed ad alium usum, qui usus communiter manducatio non vocatur<sup>3</sup>, talis cibi vel potus sumptio præter manducationem unam ante vel post, non facit esse binam manducationem. **Et ideo talis sumptio jejunium non solvit.**

**490. +- AD PRIMUM** ergo dicendum quod quamvis aliquis potus aliquo modo nutriat, tamen de se non ordinatur ad nutriendum, sed magis ad dispositionem bonam eorum quæ nutriunt, ut scilicet per membra deducantur, et in stomachum<sup>4</sup> non comburantur. Unde sumptio potus manducatio non dicitur. Et ideo ille qui petat extra horam unicæ comestionis, non dicitur bis manducare. Et propter hoc nec statutum Ecclesiæ frangit, nisi fraudem faciat; quia legem violat qui in fraudem legis aliquid facit.

**491.** — **Ad secundum** dicendum quod aqua etsi solvat jejunium naturæ, quia aliquo modo nutrit, non tamen solvit jejunium Ecclesiæ; quia Ecclesia non attendit in statuendo id quod quocumque modo nutrire potest, sed id quod principaliter ad nutriendum ordinatum est.

**492.** — **Ad tertium** dicendum quod *Quidam* dicunt quod si electuaria comedantur ad delectationem, quod<sup>5</sup> solvunt jejunium; si autem causa medicinæ sumantur, non solvitur jejunium.

**493.** — Sed statutum positivæ legis non attendit intentionem observantis, sed ipsum actum; eo quod motus virtutis non cadit in præcepto, sed est finis præcepti; sed ex intentione potest aliquis mereri vel demereri.

**494.** — Et ideo dicendum quod electuaria, etsi aliquo modo nutriant, non tamen hic est principalis usus eorum. Unde nec loco manducationis sumi consueverunt. **Et ideo talis sumptio jejunium Ecclesiæ non solvit**, quamvis homo possit totaliter vel in parte ex hoc meritum jejunii perdere; vel etiam mortaliter peccare, si sit immoderata libido.

1. α « fit ». — 2. Ed. « nisi ». — 3. α *ad*. « etiam ». — 4. Ed. « stomacho ». — 5. Ed. om. « quod ».

**495.** — Non tamen est transgressor praecepti Ecclesiae nisi in fraudem sumeret, aut si eis quasi aliis cibis uteretur ad famem exstinguendam.

**496.** — **Ad quartum** dicendum quod odor non nutrit, ut patet, per Philosophum in libro *De sensu et sensato* (c. 5. 445a. 16 sq. ; l. 14, n. 203-5), sed aliquo modo confortat. Unde non solvit neque jejunium naturae neque jejunium Ecclesiae.

**497.** — **AD SECUNDAM QUÆSTIONEM** dicendum quod ille dicitur jejunium Ecclesiae solvere qui statutum modum abstinendi ab Ecclesia non servat. Cum autem jejunium Ecclesia instituerit ad satisfaciendum et concupiscentiam reprimentum, *sicut* determinavit<sup>1</sup> abstinendam jejunii quantum ad numerum, ut scilicet semel tantum jejunans comederet ad afflictionem carnis propter satisfactionem ; *ita* taxavit<sup>2</sup> ut a carnibus abstinere, quia hoc genere cibi praecipue concupiscentia fovetur et roboratur. **Unde comestio carniū jejunium solvit ab Ecclesia institutum.**

**498.** — **AD PRIMUM** ergo dicendum quod vinum concupiscentiam incitat inflammando per modum alterantis. Et quia tales alterationes non diu manent, ideo potus vini non adeo efficaciter operatur ad concupiscentiae fomentum, sicut esus carniū quo praecipue materia concupiscentiae ministratur, et calor naturalis confortatur radicitus magis. Et ex alia parte subtractio vini nimis naturam debilitaret propter digestionis impedimentum.

**499.** — Et similiter dicendum **ad secundum** de inflatione leguminum, quod est accidentaliter causa concupiscentiam provocans et cito transit.

**500.** — **Ad tertium** dicendum quod pisces frigidiores sunt naturaliter quam carnes, nec alimentum ita conveniens corpori praestant sicut alia carnes. Unde non fuit tanta necessitas prohibendi pisces, sicut carnes.

**501.** — **Ad quartum** dicendum quod quadragesimale jejunium arctius observatur quam alia jejunia, quia<sup>3</sup> eo Christi jejunium secundum modum nostrum imitamur. Et ideo, quamvis usus casei et ovorum in quadragesima sit generaliter interdictus, tamen in illis jejuniiis apud diversos in his est diversus abstinendae modus.

**502.** — **AD TERTIAM QUÆSTIONEM** dicendum quod, sicut, dictum est(487), ille jejunium solvit qui Ecclesiae determinationem non servat. Unde cum Ecclesia instituerit<sup>4</sup> certum tempus come-

1. Ed. *ad.* « ad ». — 2. α « statuit ». — 3. N. *ad.* « in ». — 4. F. « instituit ».

dendi jejunantibus, **qui nimis notabiliter anticipat, jejunium solvit.**

**503.** — Non enim Ecclesia arctare intendit ad subtilem temporis inspectionem ; nec oportet astrolabium accipere ad horam comestionis cognoscendam.

**504.** — Unde sufficit si circa horam illam quam Ecclesia instituit, jejunans sumat cibum, etiam si aliquantulum propter aliquam necessitatem anticiparet.

**509.** — **AD PRIMUM** ergo dicendum quod *omittere præceptum Ecclesiæ non licet, sed supererogare licet.* Et ideo cum tardatio Jioræ ad pœnalitatem jejunii faciat, licet tardare post horam, sed non anticipare.

**506.** — **Ad secundum** dicendum quod ea in quibus non potest accipi certa mensura, non cadunt sub determinatione legislatoris. Et quia non potest accipi certa mensura in quantitate cibi vel aliis conditionibus numeratis, sicut in tempore accipi potest, ideo conditiones aliæ quatuor non cadunt sub determinatione præcepti Ecclesiæ. Et ideo quamvis per inordinationem circa illas circumstantias peccet et meritum jejunii amittat vel in toto vel in parte, non tamen Ecclesiæ statutum transgreditur. *Et ideo jejunium non solvit.*

## QUÆSTIO IV

Deinde quæritur de oratione.

Et circa hoc quaeruntur septem.

*Primo*, quid sit oratio.

*Secundo*, de modo orandi.

*Tertio*, de speciebus orationis.

*Quarto*, quid sit in oratione petendum.

*Quinto*, quis possit orari.

*Sexto*, cui competit orare.

*Septimo*, de efficacia orationis.

## ARTICULUS I

[I]

[II-II, q. 83, a. 1.]

**507. — AD PRIMUM SIC PROCEDITUR.** Videtur quod ORATIO SIT QUIDAM AFFECTIVÆ PARTIS ACTUS.

1° Per Augustinum, qui sic definit orationem (lib. *De spiritu et anima*, c. 50 ; L. 40, 8161 : « *Oratio est pius affectus mentis in Deum directus.* »)

2. **Præterea.** Hugo de 8. Victore (in libro *De modo orandi*, c. 1 ; L. 176, 979) dicit quod oratio est « *devotio quædam ex compunctione procedens.* » Sed devotio ad allectum pertinet. Ergo et oratio.

3. **Præterea.** Imperium et oratio non differunt nisi secundum relationem ad superiorem et ad inferiorem, secundum quod imperatur inferiori, sed oratur superior. Sed voluntas est quæ imperat aliis viribus. Ergo ipsa etiam est cujus est orare et petere.

4. **Præterea.** Oratio exterior interius desiderium insinuat orantis. Sed oratio interior est quæ per exteriorem innotescit. Ergo oratio interior nihil aliud est quam interius-desiderium ; et sic ad affectivam pertinet.

**508. — SED CONTRA.** Super illud *ps.* (1 xiii, 2) : « *Exaudi Deus orationem meam,* etc. », dicit Glossa quod « *oratio est quando vota nostra Deo pandimus.* » Sed pandere, sive demonstrare, est actus rationis. Ergo et orare.

**509. — Præterea.** Secundum Damascenum (lib. III *De fide orthod.*, c. 24 ; G. 94, 10901, « *oratio est petitio decentium a Deo.* » Sed decencia importat ordinem alicujus ad alterum. Cum ergo ordinare sit rationis, et oratio rationis erit.

[II]

**510. — ULTERIUS.** Videtur quod sit actus doni et non VIRTUTIS.

1. Quia, secundum Hugonem de S. à Victore (**507**) oratio est contemplationis pars. Sed contemplatio ad sapientiam pertinet ; quia ea perficitur *superior pars rationis*, quæ *contemplandis æternis inhæret*, ut Augustinus dicit (lib. XII *De Trin.*, c. 3 ; L. 42, 999). Ergo oratio est actus sapientiæ.

2. **Præterea.** Ut dicit Damascenus (**509**), « *oratio est ascen-*

1. F. « ratio ».

*sus intellectus in Deum*l. » Sed ascendere in Deum ad donum intellectus pertinet. Unde sexta beatitudo qua dicitur : « *Beati mundo corde, quoniam ipsi Deum videbunt* », intellectus dono attribuitur, ut patet in Glossa Mat., v, 8. Ergo oratio est actus intellectus doni.

3. **Præterea.** Gregorius dicit quod<sup>2</sup> (l. XXXIII *Morat.*, c. 23, n. 43 ; L. 76, 701] : « *Orare est amarus gemitus in compunctione resonare.* » Sed gemere est actus scientiæ doni ; quia tertia beatitudo qua dicitur : « *Beati qui lugent* », ad donum scientiæ reducitur ; Mat., v, 5, in Glossa, et ab Augustino<sup>3</sup>, II lib. *De doctr. christ.*, (c. 7, n. 10 ; L. 34, 39). Ergo oratio est actus doni.

511. — **SED CONTRA,** videtur quod sit actus virtutis. Jac., i, 6 : « *Postulet autem in fide nihil hæsitans* ». Sed fides est virtus. Ergo oratio quæ est postulatio, est actus virtutis.

512. — **Præterea.** Augustinus dicit (*Ep.* 130 c. 8 ; L. 33, 499) : « *Eides credit, spes et caritas orant et orando impetrant.* » Sed spes et caritas sunt virtutes. Ergo oratio est actus virtutis.

### [III]

[II-II, q. 83, a. 2 ; III Cg. c. 95, 96 ; *Compend. Theol.* p. 2, c. 2 ; *Mai.* c. 6]

513. — **ULTERIUS.** Videtur quod oratio non sit actus CADENS IN PRÆCEPTO.

1. Quod enim voluntatis est, non est necessitatis. Sed oratio maxime est voluntatis, quia est quædam volitorum petitio. Ergo non est<sup>4</sup> necessitatis. Et ita non cadit sub præcepto.

2. **Præterea.** Petitio non videtur aliquid aliud esse, nisi ut nostrum desiderium alteri innotescat. Sed superfluum est alicui exponere<sup>5</sup> quod ipse scit. Ergo cum christiana religio non contineat aliqua superflua præcepta, alias superstitio esset, videtur quod non cadat sub præcepto orare Deum, cui omnia desideria nostra sunt nota.

3. **Præterea.** Deus liberalissime sua dona<sup>6</sup> dat. Sed liberalius datur quod sine precibus datur ; quia sicut Seneca dicit (lib. II *De beneficiis*, c. 1), « *nulla res carius emitur quam quæ precibus empta est.* » Ergo non debet per præceptum exigere preces de eo quod vult dare ; nec iterum de eo quod non vult dare ; quia quod Deus non vult, nos non debemus velle, ut sic sit conformitas nostræ voluntatis ad Deum ; et quod non debemus velle, non debemus petere. Ergo nullo modo oratio cadit sub præcepto.

514. — **SED CONTRA.** Super illud Lue., xvii, 1 : « *Oportet*

1. F. om. « in Deum ». — 2. Ed. om. « quod ». — 3. « Nam ista scientia honæ spei hominem non se jactantem, sed lamentantem fecit. » Cfr. *I de Sermonem Domini in monte*, c. 4, n. 11 ; L. 34, 1234. — 4. Ed. om. « est ». — 5. N. « expetere ». — 6. Ed. « bona ».

*semper orare* <sup>1</sup>, dicit Chrysostomus : «*Dum dicit: Oportet, necessitatem dicit.* » Sed necessitas talis non potest esse nisi ex præcepto. Ergo oratio cadit sub præcepto.

**515. — Præterea.** Oratio contra jejunium et eleemosynam dividitur. Sed utraque illarum est in præcepto. Ergo et oratio.

**516. — RESPONSIO.** Dicendum **AD PRIMAM QUÆSTIONEM** quod, sicut dicit Cassiodorus (*In ps. lxxxv* ; L. 70, 610), *oratio dicitur quasi oris ratio. Unde ex suo nomine oratio significat expressionem alicujus accus rationis per effectum oris. Habet autem ratio duos actus, etiam secundum quod est speculativa.*

*Primus est componere et dividere.* Et iste actus rationis exprimitur ore per orationem, quam Philosophus in I *Periherm.*, (c. 4. 16b, 26 ; l. 6) describit.

*Secundus actus rationis est discurrere* de uno in aliud innotescendi causa. Et secundum hoc syllogismus oratio quædam dicitur.

**517. —** Et quia sermones rhetorici qui conciones dicuntur, continent argumentationes ad persuadendum accommodatas, inde est etiam quod *orationes* dicuntur, et rhetores *oratores*.

Et quia orationes istae, præcipue quantum ad genus causarum quod judiciale dicitur, ordinantur ad hoc quod aliquid a iudice petamus — unde et in jure advocaciones *postulationes dicuntur* — ideo translatum est ulterius hoc nomen ad significandum petitionem quam Deo aliquis facit velut iudici qui habet curam nostrorum actuum. Et sic definit Damascenus orationem : « *Oratio est petitio decentium a Deo* <sup>r</sup> ; sic enim loquimur<sup>2</sup> hic de oratione. Et ideo cujus actus est petitio, ejus actus est oratio.

**518. —** Sciendum est ergo quod homo ab aliis animalibus differt quantum ad virtutem motivam pertinet<sup>3</sup>, in *duobus*. *Primo quantum ad votitum vel concupitum* : quod quidem aliis animalibus ex natura determinatum est, homini autem non. *Secundo quantum ad prosecutionem votiti sive concupiti* ; quia alia animalia habent determinatas vias et instrumenta quibus sua desideria expleant. Et ideo quam cito in eis fit desiderii motus, tam cito membra ad actum applicant, nisi sit aliquid prohibens per violentiam. Homo autem non habet vias et instrumenta determinata. Et ideo ratio homini<sup>4</sup> subvenit *in his duobus* ; quia *et* inquit proprium et determinatum bonum quod desiderari oporteat, *et* instrumenta ad opus determinat in prosecutione desiderati.

1. F. « affectum ». — 2. Ed. « loquitur ». — 3. N « ad virtutem et motivam partem ».  
 4. E « hujusmodi ».

**519.** — Et ideo in nobis actus rationis etl præcedit et sequitur actus voluntatis. *Præcedit quidem*, inveniens *per consilium* quid per voluntatem eligi oporteat ; *sequitur autem per imperium*, ordinando unicuique instrumento quid<sup>2</sup> ei oporteat facere ; et hunc rationis actum imperativus modus exprimit in *verbis*.

**520.** — Instrumenta autem quæ ratio applicat per imperium ad prosecutionem vel consecutionem desiderati, non solum sunt vires animæ et membra corporis, sed etiam exteriores homines ; quia « *quæ per amicos fiunt, aliquantulum per nos fiunt* », ut Philosophus dicit in III *Eth.* (γ 5. 1112b, 27-8; l. 8, n. 477). Sed<sup>3</sup> exteriores amici non sunt in potestate nostra, sicut sunt membra corporis et vires animæ. Et ideo applicatio prædicta<sup>4</sup>, ad consecutionem desiderati eorum quæ extra nos sunt quandoque<sup>5</sup> dicitur imperium vel præceptum, quando scilicet illi sunt in potestate nostra. Quandoque autem dicitur *petitio*, quando non sunt in potestate nostra quasi nobis subjecti ; vel etiam *deprecatio*, si supra nos sunt. Unde *sicut* imperium est actus rationis, *ita* et<sup>6</sup> *petitio* et *deprecatio*. Et hoc patet per Philosophum in I *Eth.* (α 13. 1102b, 15 ; l. 20, n. 237), qui dicit quod « *ratio ad optima deprecatur*7. »

**521.** — Unde<sup>8</sup> per consequens **oratio est actus rationis, applicantis desiderium voluntatis ad eum qui non est sub potestate nostra sed supra nos, scilicet Deum.** Unde definitio Damasceni : « *Oratio est petitio decentium a Deo* », verissime essentiam orationis declarat.

**522.** — **AD PRIMUM** ergo dicendum quod dirigere affectum mentis in Deum contingit *duplíciter*.

**Uno modo sicut in objectum.** Et hoc modo affectus in Deum directus, est amor Dei. Et sic non loquitur hic Augustinus.

**523.** — **Alio modo** affectus in Deum dirigitur, *ut in illum quo affectus mentis desiderantis explendus est.* Et hanc directionem affectus in Deum facit ratio prædicto modo, applicando ad ipsum illud quod desiderat affectus. *Ei ipsa directio affectus in Deum oratio est.* Unde definitio illa *materialis est*, secundum quod per rem directam significatur ipsa directio : sicut etiam quandoque per fidem significatur res credita. Et similis modus loquendi est cum dicitur quod « *ratio est desiderium* » boni, in Glossa I *Thess.*, v, quia ipsum desiderium est res orata expleri.

**524.** — **Ad secundum** dicendum quod *sicut* in petitione exteriori dicitur aliquid esse *petitio duplíciter* : scilicet *secundum orationalem*, ut cum dicimus : « *Da mihi hoc* », *et secundum inlerpre-*

1. Ed. *om.* « et ». — 2. Ed. « quod ». — 3. Ed. *ad.* « etiam ». — 4. Ed. *ad\** sed *om.* infra præter F. « eorum qui extra nos sunt ». — 5. Ed. *om.* « quandoque ». — 6. Ed. *om.* « et ». — 7. η « dedicatur », ζ quod ad optima adducatur » ; ed. « applicatur ». — 8. Ed. *ad.* « et ».

*talionem quamdam*, ut cum aliquis manum porrigit vel necessitatem exponit; *ita* etiam interior oratio quæ fit ad Deum est quidem secundum rei veritatem actus rationis, ut dictum est (521), quodammodo Deum pulsantis. Sed *recogitatio necessitatum propriarum et erectio spei ad Deum vel indicatio sui desiderii, vel etiam humiliatio spiritus ad Deum sunt quædam orationes per quamdam interpretationem*. Et sic etiam « *devotio oratio dicitur* » ab Hugone de S. Victore (507).

**525.** — **Ad tertium** dicendum quod ille qui petit aut imperat aut deprecatur, advocat aliquid ad consecutionem finis vel prosecutionem intenti. Hoc autem non est voluntatis, quia ipsa simpliciter et absolute fertur in suum objectum, quod est finis; sed est rationis, cujus est ordinare unum ad aliud. Et ideo proprie accipiendo, imperium non est voluntatis.

**526.** — Sed *dupliciter* dicitur voluntas imperare.

*Uno modo per quamdam interpretationem*, sive æquivalentiam; quia enim imperans per imperium suum movet, ideo actus animæ ad quem motus statim sequitur, *imperium* dicitur. Et quia ad actum appetitivæ, si sit completus statim sequitur motus in corporalibus organis, **ideo appetitivæ virtutes dicuntur imperantes motum**.

**527.** — *Alio modo inquantum principium imperii in voluntate est*. Advocare enim aliquem ad finem suum: quod ad imperium pertinet, præsupponit appetitum finis et est quædam prosecutio illius. Et propter hoc potential, vel artes operativæ seu habitus qui sunt circa finem, dicuntur imperare istis quæ sunt ad finem. **Et secundum hoc voluntas** quæ habet finem pro objecto, **dicitur imperare**, inquantum imperium, quod est actus rationis, in voluntate incipit, ad quam pertinet desiderium finis.

**528.** — **Ad quartum** dicendum quod verbum exterius prolatum est signum alicujus *dupliciter*.

*Uno modo immediate*, illius scilicet ad quod significandum principaliter institutum est: sicut hoc nomen ignis significat elementum quoddam.

*Alio modo mediate*, scilicet quando ipsa res quæ primo significatur, accipitur ut signum alterius rei: sicut ignis significat caritatem propter aptitudinem quam habet illa res ad significandam caritatem ex similitudine quadam.

**529.** — *Oratio igitur exterior vocalis significat immediate actum rationis deprecantis*, si etiam oratio exterior per modum rationis proponatur ut cum dicitur (*Sap.*, ix, 4): « *Da mihi sedium tuarum assistricem sapientiam.* »

**530.** — *Sed mediata significatione ipsum desiderium exprimit*,

1. *α ad.* « et ». — 2. *N. ad.* « circa ea quæ sunt ».

sicut principium a quo procedit, ut ex dictis patet (521). Et secundum hoc intelligenda est praemissa descriptio orationis, quod « *oratio est quando vota nostra Deo pandimus* ».

**531. — AD SECUNDAM QUÆSTIONEM** dicendum quod **oratio actus quidam est**. Dicimus autem actum aliquem esse virtutis actum, si in sui rationel aliquid claudat quod ad ordinem virtutis pertineat, etiam si non omnia quæ ad virtutem requiruntur, in sua ratione contineat. Et ideo oportet quod illius virtutis actus ponatur ad quam pertinet illa conditio quæ sibi ordinem virtutis tribuit.

**532. —** Oratio autem<sup>3</sup> ex genere actus non importat aliquam rationem virtutis : — quod genus est petitio — ; sed absolute actum potentiæ demonstrat, nulla circumstantia<sup>4</sup> in bonum vel malum, vestitum. Adduntur autem a Damasceno (ubi supra) duæ differentię quæ ordinem virtutis demonstrant : scilicet « *decentium* » et « *a Deo* » : quod est petere<sup>5</sup> quod oportet et a quo oportet.

**533. —** Sed prima conditio non complet rationem orationis, quia si ab homine decentia petamus, talis petitio oratio non dicitur ; nec etiam est de essentia orationis, quia si etiam quis indecentia petat a Deo, orat quidem, sed carnaliter orat. Unde illa conditio magis pertinet ad bene esse orationis quam ad rationem suæ speciei.

**534. —** Relinquitur ergo quod ex hoc oratio speciem trahit et ad rationem virtutis trahitur, quod est *a Deo petitio*. Cum autem petitio sive deprecatio quæ ad superiorem fit, reverentiam habeat adjunctam ex qua impetrare nititur quod intendit ; constat quod oratio ex hoc efficaciam habet ad impetrandum illud pro quo oratur, quod Deo reverentiam exhibet. Unde cum reverentiam Deo exhibere sit actus latriæ, ut in III lib. d. 96 (23) dictum est, **oratio actus latriæ erit elicitive**.

**535. —** Nec obstat quod latria in voluntate est, non in ratione, cujus actus est oratio ; quia justitia, cujus pars est latria, materialiter utitur actibus omnium virium, ut ex eis reddat cuilibet quod suum est. Unde cohibet actum concupiscibilis, ne quis mœchetur ; et actum irascibilis, ne quis occidat ; et similiter utitur actu rationis, ut ex eo Deo reverentiam exhibeat.

**536. —** Et quia latria est virtus, et non donum, ut dictum est in III lib., d. 348 (q. 1, a. 1) ; ideo **oratio erit actus virtutis**, et non doni.

**537. — AD PRIMUM** ergo dicendum quod **contemplatio**

1. Ed. « rationem ». — 2. Ed. « sui ». — 3. ηζ ad. « est ». — 4. Ed. ad. « vel » — 5. N. om. « quod est petere ». — 6. Ed. om. « d. 9 ». — 7. Ed. « aliquis ». — 8. Cfr. m. s. d. 9 (24).

*aliquando sumitur* | *stride* pro actu intellectus divina meditantis. Et sic contemplatio est sapientiæ actus.

*Alio modo communiter* pro omni actu quo quis a negotiis exterioribus sequestratus soli Deo vacat : quod quidem contingit *dupliciter* : *vel inquantum homo Deum loquentem in Scripturis audit*, quod fit per **lectionem** ; *vel inquantum Deo loquitur*, quod fit per **orationem**.

**538.** — **Meditatio** autem ad utrumque se habet quasi medium inter ea ; quia ex hoc quod nobis loquitur in Scripturis, ei per meditationem intellectu et affectu præsentamur : et sic præsentati ei, vel præsentem eum habentes, ei loqui possumus per orationem. Et ideo posuit Hugo<sup>2</sup> tres contemplationis partes : primam lectionem, secundam meditationem, tertiam orationem. Nec tamen oportet quod sit oratio sapientiæ actus ab ea elicitus, quamvis sapientia per meditationem viam orationi paret<sup>3</sup>.

**539.** — **Ad secundum** dicendum quod ascensus intellectus in Deum est *duplex*.

*Dnus* quo ascendit in ipsum cognoscendum. Et talis ascensus pertinet ad donum intellectus. Sed de hoc non loquitur *Damasce-nus*.

**540.** — *Alius* est ascensus in Deum ut in quo auxilium quærit, sicut<sup>4</sup> in *ps.* (cxxu, 1), dicitur : « *Ad te levavi oculos meos qui habitas in cælis.* » Et talis ascensus est oratio. Unde non sequitur quod sit actus doni intellectus ; sed potest ipsum præsupponere, sicut secundus ascensus præsupponit primum.

**541.** — **Ad tertium** dicendum quod *gemitus sive fletus* nec<sup>5</sup> est oratio per essentiam, sed *est quasi fundamentum orationis*. Superflua enim videtur petitio, ubi necessitas deest. Et ideo recognitio suæ miseræ qua indigentem se aliquis videt et sibi subvenire non posse<sup>6</sup>, quæ gemitum in affectu facit, quasi oratio reputatur a Deo. Et propter hoc Augustinus dicit (*Ep.* 130 *de orando Deum*, c. 10 ; E. 33, 5011 quod<sup>7</sup> « *orationis negotium plus gemitibus quam verbis agitur, plus fletu quam affatu.* »

**542.** — **AD EA QUÆ IN CONTRARIUM OBJICIUNTUR**, dicendum est<sup>8</sup> quod *fides, spes et caritas prresupponuntur ad latriam*, ut in III lib. d. 99 (33) dictum est ; et sic etiam<sup>10</sup> actus orationis eis attribuitur.

*Tamen etiam ad orationem secundum propriæ sepeiei rationem habent aliquam convenientiam, et præexiguntur ad eam.*

Petitio enim frustra ad aliquem dirigitur, nisi credatur quod

1. Ed. « capitur ». — 2. a « Hic ». — 3. Ed. « præparet ». — 4. Ed. « ut ». — 5. Ed. « non ». — 6. Ed. « potest ». — 7. Ed. « quia ». — 8. Ed. *om.* « est ». — 9. Ed. *om.* « d. 9 ». — 10. Ed. *om.* « etiam ».

petitum præstare possit, et speretur quod velit. Et est præsumptuosa petitio, nisi ei fiat qui aliquo modo petenti unitus sit. Unionem autem caritas facit.

**543. — AD TERTIAM QUÆSTIONEM** dicendum quod **oratio cadit sub præcepto et determinate et indeterminate.**

**Determinate** quidem ad aliquas orationes ex præcepto tenentur illi qui ex officio sunt medii inter Deum et populum constituti, sicuti sunt ministri Ecclesiæ. Unde ex officio eis incumbit preces ad Deum in persona totius Ecclesiæ fundere. Et ideo ex statuto Ecclesiæ tenentur ad horas canonicas dicendas.

**544. — Sed indeterminate** ad orationem quilibet tenetur *ex hoc ipso quod tenetur ad bona spiritualia, sibi procuranda*, quæ non nisi divinitus dantur. Unde alio modo procurari non possunt, nisi ut ab ipso petantur. *Et etiam ex hoc ipso quod caritatis præcepto tenetur proximum sicut seipsum diligere*, tenetur ei in necessitate beneficus esse, non solum per corporales eleemosynas, sed etiam per spirituales : quarum una est oratio, ut prius dictum est (218).

**545. — Sed omnibus etiam qui Ecclesiæ ministerio non funguntur, videtur ab Ecclesia determinatum tempus orandi statutum esse, cum ex canonum statuto teneantur diebus festis divinis officiis intèressé, ut ministris pro populo orantibus suam intentionem conforment.**

**546. — AD PRIMUM** ergo dicendum *quod ex hoc ipso quod aliquid est voluntatis, excluditur necessitas absoluta vel etiam coactionis, non autem necessitas ex suppositione finis* ; quia amor qui maxime voluntarius est, necessarius est si quis velit ad salutis finem pervenire.

*Et hoc modo etiam oratio necessaria est*, et sub præcepto cadens respectu eorum quorum voluntas sub necessitate prædicta cadit.

**547. — Ad secundum** dicendum quod *per orationem precipimur vota nostra Deo pandere*, non ut eum doceamus quid desideremus, sed *ut affectum et intellectum nostrum dirigamus in illum.*

**548. — Ad tertium** dicendum quod Deus orationem acceptat et de eo quod dare vult, et interdum de eo quod dare non vult.

[De eo quod dare vult<sup>3</sup>] ut idonei simus ab ipso accipere : quod non esset, si ab eo non sperarem quod desideramus.

**549. — Nec esse durum homini debet se Deo per orationem subjicere, sicut homini per preces ; quia in hoc totum bonum**

1. ζ « sicuti », η om. — 2. Ed. om. « sunt ». — 3. Cod. om. « de eo quod dare vult ».

nostrum consistit quod Deo subditi simus, non [autem in hoc quod homini subdamur.

**550.** — *De eo autem quod dare non vult*; quia ipse vult pie velle quod ipse juste non vult, sicut in fine primi libri dictum est (d.48, a. 4).

## ARTICULUS II

### [I]

[III *Seni.*, d. 9, 103; II-II, q. 83, a. 12.]

**551.** — **AD SECUNDUM SIC PROCEDITUR.** Videtur quod ORATIO NON DEBEAT ESSE VOCALIS, SED MENTALIS TANTUM.

1. Oratio enim debet esse occulta, et ad Deum tantum; quia est *petitio decentium a Deo* (509). Unde dicitur *Mat.*, vi, 6: « *Tu autem, cum oraveris, intra in cubiculum* », etc<sup>2</sup>. Sed oratio vocalis non est occulta, nec ad Deum tantum esse videtur; quia Deus ad cor respicit, non ad voces. Ergo oratio sine voce esse debet.

2. **Præterea.** Oratio est pars contemplationis. Sed contemplatio non existit in aliquo exteriori actu, sed tantum in interiori. Ergo oratio non debet voce exteriori fieri.

3. **Præterea.** Per orationem debet intellectus in Deum ascendere, secundum *Damascenum* (in lib. III *De fide orth.* c. 24; *G.* 94, 1090) et affectus in ipsum<sup>2</sup> dirigi, secundum *Augustinum* (507, 1). Sed occupatio animæ circa corporales actus retrahit ascensum intellectus et affectus ad divina; quia anima non potest intense circa diversa occupari. Ergo oratio debet esse sine voce tantum in corde.

**552.** — **SED CONTRA** est quod dicitur in *ps.* (cxli, 2): « *Voce mea ad Dominum clamavi.* »

**553.** — **Præterea.** Oratio est actus patriæ, ut dictum est (534). Sed actus patriæ non solum in interioribus actibus, sed etiam in exterioribus consistit. Ergo oratio non solum debet esse in corde, sed etiam in voce.

### [II]

[II-II, q. 83, a. 14; III *Cg.* c. 96; *Rom.* c. 1, j. 5; *Coloss.* c. 1, l. 2, I *Thessa.* c. 5, l. 2.]

**554.** — **ULTERIUS.** Videtur quod oratio non debeat<sup>4</sup> ESSE DIUTURNA.

1. *Mat.*, vi, 7: « *Orantes aulem nolite multum loqui.* » Sed qui diu vocaliter orat, multum loquitur. Ergo oratio vocalis ad minus non debet esse diuturna.

1. Ed. *ad.* «nos».— 2. Ed. om. « etc. ».— 3. Ed. «Deum».— 4. Ed. «debet».

2. **Præterea.** Divinum praeceptum non est praetergrediendum. Sed Dominus praecepit orantes sic orare : « *Pater noster n, etc.* Ergo videtur quod non oportet alias orationes addere.

3. **Præterea.** Oratio ad Deum fusa debet esse cum fiducia **Jac.**, i, 6 : « *Postulet autem in fide nihil hæsitans.* » Sed prolixitas petitionis est signum diffidentiae in petitionibus quæ ad homines diriguntur. Unde verba multiplicantur ad hoc quod animus ejus ad quem petitio dirigitur flectatur. Ergo oratio ad Deum non debet esse diuturna.

**555. — SED CONTRA** est **I Tim.**, v, 5 : « *Quæ vere dissoluta est vidual... vacet orationibus die ac nocte.* » Ergo oratio debet esse diuturna.

**556. — Præterea.** « *Omnis Christi actio nostra est instructio* » (d. 13, 55). Sed Christus legitur diutius orasse, ut patet **Luca**» xxii, 43. Ergo oratio nostra debet esse diuturna.

## [III]

[Cfr. 553]

**557. — ULTERIUS.** Videtur quod nunquam debeat aliquis **AB ORATIONE** CESSARE.

1. **Lucæ**, xviii, 1 : « *Dicebat autem ad eos similitudinem, quoniam oportet semper orare, et nunquam deficere.* »

2. **Et\*præterea.** **I Thess.**, ult., 17 : « *Sine intermissione orate.* »

3. **Præterea.** Oratio est quædam annuntiatio desiderii ad eum per quem explendum expectatur. Sed homo semper debet desiderare ea quæ oranda sunt, scilicet bona spiritualia. Ergo oratio debet esse semper.

**558. — SED CONTRA.** Quando homo orat, non potest operibus misericordiæ vacare. Sed quandoque tenetur eis vacare. Ergo orare non semper homo debet.

**559. — Præterea.** Oratio, secundum **Hugonem** (507), est pars contemplationis. Sed homo non semper debet vacare contemplationi, sed quandoque ad actionem se extendere. Ergo non debet semper orare.

## [IV]

[II-II, q. 83, a. 13 ; Z **Cor.**, c. 14, l. 3.]

**560. — ULTERIUS.** Videtur **QUOD ACTUALIS ATTENTIO SIT DE NECESSITATE ORATIONIS.**

1. Quia, sicut dicit **Gregorius** (**Hugo in reg. S. Aug.** c. 3 ;

1. Ed. « vere vidua est et desolata... ». — 2. *η om.* « àb oratione ». — 3. Ed. « illos » — 4. *F. om.* « Et ». — 5. Ed. « homo non semper debet orare ».

L. 176, 891) : « *Illam orationem Deus non audit, cui ille qui oral non intendit.* » Sed ad hoc fit oratio ut a Deo exaudiatur. Ergo supervacua est oratio, si sit sine attentione.

2. **Præterea.** Hugo de Sancto Victore dicit (507) : « *Si cum orationem fundimus, aliud quodlibet in corde versamus, etiam si illud bonum sit, a culpa liberi non sumus.* » Sed oratio quæ habet culpam adjunctam non habet suam efficaciam. Ergo requiritur ad orationem actualis attentio.

3. **Præterea.** « *Oratio est ascensus intellectus in! Deum* », secundum Damascenum (508). Sed quando deest attentio, intellectus non ascendit in Deum. Ergo non est oratio.

4. **Præterea.** Omne opus virtutis debet ex electione procedere. Sed oratio est opus virtutis. Ergo debet esse cum attentione, sine qua non est electio.

561. — **SED CONTRA** est quod nullus tenetur ad impossibile. Sed impossibile est mentem diu attentam teneri ad aliquid quin ad alia subito rapiatur. Ergo non est de necessitate orationis quod semper comitetur ipsam attentio.

562. — **Præterea.** In aliis operibus meritoriis non requiritur quod semper adsit actualis attentio : sicut non oportet quod ille qui peregrinatur, semper de peregrinatione sua cogitet. Ergo videtur quod nec in oratione sit necessarium.

## [V]

[II-II, q. 83, a. 13.]

563. — **ULTERIUS.** Videtur quod attentio orationi NOCEAT.

1. Quia, ut dicit Hugo de Sancto Victore (lib. *De modo orandi*, c. 2 ; L. 176, 980), « *pura esi oratio, quando ex abundantia devotionis mens ita accenditur ut cum se postulatura ad Deum converterit, etiam suæ petitionis obliviscatur.* » Sed qui obliviscitur suæ petitionis, non videtur attendere orationi. Ergo cum oratio maxime debeat esse pura, videtur quod impediatur oratio per attentionem.

2. **Præterea.** *Sicut intentio orationem dirigit, ita etiam alios exteriores actus.* Sed in aliis exterioribus actibus plurimum noceret, si actualis intentio semper adesset ; quia optimus citharædus pessimus redderetur, ut Avicenna dicit. Ergo nocet attentio, si continue adsit orationi.

3. **Præterea.** Non potest mens humana ad plura simul intenta esse. Sed aliquando oportet orantem esse attentum ad finem quem intendit, vel ad cogitandum de Deo cui orationem fundit :

1. Ed. « ad ».

quod omittere orationi nocet. Ergo nocivum est oranti, si semper ad orationem quam facit attentionem habeat.

**564. — SED CONTRA.** Augustinus dicit (in *Regula*, n. 3 ; L. 32, 1379) : « *Psalmis et hymnis cum oratis Deum, hoc versetur in corde quod profertur in ore.* »

**565. — Præterea.** Joann., iv, 24 : « *Spiritus est Deus ; et eos qui adorant eum, oportet in spiritu et veritate adorare.* » Ergo attentio quæ facit spiritu orare, orationi non nocet.

**566. — RESPONSIO.** Dicendum **AD PRIMAM QUÆSTIONEM** quod est *duplex* oratio : scilicet *privata* quam quisque pro se facit ; et *publica* quæ facienda incumbit ministris Ecclesiæ, ut dictum est (**543**). Et quia **hæc publica oratio** non fit ab orante solum pro se, sed pro aliis ; ideo non **debet** solum **esse** mentalis, sed **etiam vocalis**, ut per orationem voce expressam etiam alii ad devotionem excitentur, et ad continuandum intentionem suam orantibus. Et propter hoc etiam cantus ab Ecclesia instituti sunt. Unde Augustinus dicit de seipso (lib. IX *Confess.*, c. 7 ; L. 32, 769) quod flebat uberrime in hymnis et canticis suave cantantis Ecclesiæ, et quod voces illse influebant auribus ejus, et eliquabatur veritas in cor ejus.

**567. — Oratio autem privata est quam quis pro seipso facit. Et hæc quidem potest et voce et sine voce fieri, secundum quod magis orantis animo suppetit.**

**568. — Sed tamen vox orationi adjungitur propter quatuor. Primo ut homo excitet seipsum verbis ad devote orandum.**

**Secundo ut intentionem custodiat ne evageiur ;** magis enim tenetur ad unum, si verba etiam orantis affectui conjungantur.

**Tertio ex vehementia devotionis in orante vox sequitur :** quia motus superiorum virium, si sit fortis, etiam ad inferiores redundat. Unde et cum mens orantis per devotionem accenditur, in fletus et suspiria et jubilos et voces inconsiderate prorumpit.

**Quarto propter debitum justitiæ ;** quia Deo cui reverentia exhibetur, non solum mente, sed etiam corpore serviendum est.

**569. — AD PRIMUM** ergo dicendum quod sicut dicit Gregorius (*Hom. 11 in Evang.*, η. 1 ; L. 76, 1115), « *bonum opus sic debet agi in publico, ad ædificationem scilicet, ut semper intentio maneat in occulto* ». Unde ille qui publice orat, si exterius non gloriam hominum, sed solius Dei quærit, in occulto manet intentio, et soli Deo orat per intentionem ; etsi etiam proximo innolescat oratio ad ædificationem.

**570. — Ad secundum** dicendum quod actus immediate ad Deum directi, etiamsi exteriores sint, ad vitam contemplativam

1. Ed. 'conjunguntur'. — 2. α « ita ».

pertinent, et sunt contemplationis partes, secundum quod large accipitur; quamvis non sint, secundum quod stricte sumitur pro ipsa meditatione sapientiae, ut dictum est (537). Unde etiam *lectio quæ immediate ad meditationem divinorum ordinatur, pars contemplationis ponitur quæ fit voce quandoque.*

**571.** — **Ad tertium** dicendum quod quando duæ vires ordinatae sunt ad idem, una non impedit aliam in suo actu, sed magis juvat, sicut sensus imaginationem, quando ad idem ordinantur. Sed intentio expressa per vocem non impedit ascensum intellectus ad Deum, nisi nimia cura in verbis proferendis fiat, sicut illi qui verba composita in oratione proferre nituntur.

**572.** — **AD SECUNDAM QUÆSTIONEM** dicendum quod in oratione præcipue attenditur orantis devotio. **Et ideo tantum debet oratio protendi, quantum devotio orantis conservari potest.** Et ideo si diu possit devotio conservari, debet oratio esse diuturna et prolixa. Si autem prolixitas fastidium vel tædium pariat, oratio non est diutius protrahenda.

**573.** — Unde Augustinus in lib. *De orando Deum* (c. 10, n. 20; L. 33, 501) : « *Dicuntur fratres in Ægypto crebras quidem habere orationes, sed eas tamen brevissimas et raptim quodammodo jaculatas, ne illa vigilanter erecta, quæ oranti plurimum necessaria est, per productiores<sup>1</sup> moras evanescat atque hebetetur intentio; ac per hoc ipsi satis ostendunt hanc intentionem sicut non esse obtundendam si durare non potest, ita si perduraverit, non esse rumpendam.* »

**574.** — **AD PRIMUM** ergo dicendum quod secundum Augustinum ibidem, « *absit ab oratione nulla locutio, sed non desit multa precatio, si fervens perseveret intentio. Nam multum loqui est in orando rem necessariam superfluis verbis agere. Multum autem precari est ad eum quem precamur, diuturna et pia cordis exercitatione pulsare.* »

**575.** — **Ad secundum** dicendum quod sicut Augustinus in eodem libro (c. 12, n. 22; L. 33, 503) dicit : « *liberum est aliis atque aliis verbis* », scilicet ab his quæ in oratione dominica petuntur, « *eadem tamen* » secundum rem « *in eodetrd dicere; sed non debet esse liberum alia secundum rem dicere.* »

Et ideo præcepto dominico non obligamur ad verba illa, sed solum ad res illas petendas a Deo; quia, ut in eodem libro (et cap. 12, n. 22, coi. 502) dicit. « *quælibet alia verba dicamus quæ affectus orantis vel præcedendo format ut clareat, vel consequendo*

1. F. « Sic ». — 2. Ed. « diuturniores ». — 3. α om. « pam »; ζ « non ». — 4. Ed. et Migne « crando ».

*accendit ul crescat, nihil aliud dicimus quam quod in oratione dominica positum est, si recte ei congruenter oramus. »*

**576.** — **Ad tertium** dicendum quod petitio fit homini ad hoc quod desiderium petentis ei innotescat ad flectendum ipsum verbis. Sed orationem ad Deum fundimus, ut desiderium nostrum exerceamus. *El ideo utile est diu orare, si diuturna exercitatione desiderium crescat.*

**577.** — **AD TERTIAM QUÆSTIONEM** dicendum quod aliquis actus dicitur durare *dupliciter* : aut secundum essentiam ; aut secundum virtutem, sive effectum suum : sicut motio ejus qui lapidem projicit, durat per essentiam actus dum manum lapidi movendo apponit ; sed virtus motionis manet dum lapis ex vi impulsiois primæ movetur.

**578.** — *Similiter etiam* dico quod orationis duratio potest *dupliciter* considerari. *Vel secundum essentiam actus.* **Et sic non debet aliquis continue orare vel semper, quia oportet etiam interdum circa alia occupari.**

*Vel secundum virtutem.* Et sic ejus virtus præcipue quantum ad sui initium manet in omnibus operibus aliis quæ facimus ordinate, quia omnia ad vitam æternam habendam ordinare debemus. **Et ideo desiderium vitæ æternæ quod est orationis principium, manet in omnibus operibus bonis secundum virtutem.** Et propter hoc dicitur in *Glossa I Thess. (uti. 17)* (L. 114, 620) : « *Non cessat orare qui non cessat bene agere.* »

**579.** — Et *sicut* virtus motionis primæ continue debilitatur, ut quandoque lapis impulsus quiescat, vel contrario modo moveatur, nisi iterum impellatur ; *ita*, ut dicit *Augustinus* (ibid. c. 9 ; L. 33, 501), « *a curis vitæ desiderium quodammodo tepescit. Et ideo certis horis ad negotium orandi mentem revocamus, ne desiderium quod tepescere inceperat, omnino frigescat.* »

**580.** — **AD PRIMUM** ergo dicendum quod *Dominus per hoc quod dixit quod oportet semper orare, non intendit quod orationis actus nunquam interrumpatur*, sed quod non interrumpatur quasi nunquam resumpturus<sup>3</sup> : quod quidem<sup>4</sup> faciunt qui si statim non exaudiuntur, ab oratione cessant ; quia orationis diuturnitate impetratur quod petitur, sicut per exemplum *Dominus* probat.

**581.** — **Ad secundum** dicendum quod sicut *Augustinus* dicit (ubi supra) » *sine intermissione orare, nihil aliud est quam beatam vitam sine intermissione desiderare.* »

**582.** — **Vel dicendum** quod sine intermissione orare ibi accipit *Apostolus*, ut ab oratione statutis horis non desistamus ;

1. Migne « attendit ». — 2. a « motu ». — 3. N. F. « resumendus ». — 4. α « quidam ».

*vel ut per beneficia pauperibus exhibita eorum orationes nostras faciamus, etiam quando nos ab oratione desistimus, ut in Vilis Patrum quidam sanctus exponit (lib. III, n. 212 ; et lib. V, libell. 12, n. 9 ; L. 73, 807, 942).*

**Ad tertium** patet solutio ex dictis.

**583. — AD QUARTAM QUÆSTIONEM** dicendum quod attentio actualis requiritur ad orationem aliquo modo, *vel ad evitandam transgressionem* quæ est in illa oratione quæ est in præcepto, *vel ad meritum* in illa quæ non est in præcepto ; sed non omnibus modis. Sicut enim dictum est (577), aliquis actus manet per essentiam et virtutem quandoque ; sed quandoque transit actu et manet virtute, sicut in exemplo de projectione lapidis patuit. Et sic manere actum in virtute est quidam medius modus inter ipsum esse in habitu et in actu ; quia quod in habitu est, neque virtute neque per essentiam actus est.

**584. — Secundum hoc ergo dico** quod attentio in oratione manere debet semper secundum virtutem, sed non requiritur quod semper maneat per essentiam actus. Manet autem secundum virtutem, quando aliquis ad orationem accedit cum intentione aliquid impetrandi, vel Deo debitum obsequium reddendi, etiam si in prosecutione orationis mens ad alia rapiatur ; nisi tanta fiat evagatio, quod omnino depereat vis primæ intentionis. **Et ideo oportet quod frequenter homo cor revocet ad seipsum.**

**585. — AD PRIMUM** ergo dicendum quod verbum Gregorii intelligendum est, quando attentio nullo modo orationi conjungitur.

**Ad secundum** dicendum quod verbum Hugonis intelligendum est *quando aliquis ex proposito mentem ad alia distrahit in orando* ; tunc enim sine culpa non est, præcipue si in aliis sponte se occupat quæ mentem distrahunt, sicut sunt exteriora opera. Et si ad contrarium mens evagetur, etiam culpa mortalis erit.

*Si autem sine hoc quod percipiamus*, mens ad alia evagetur, vel culpa caret, vel parvissima culpa est, nisi præcedens cogitatio ex qua contingit evagatio talis, in culpa esse dicatur.

**586. — Ad tertium** dicendum quod ascendit intellectus in Deum, quando orationem ad Deum ordinavit, et virtus illius ascensus in tota oratione manet.

**587. — Ad quartum** dicendum quod in operibus virtutis non oportet quod semper actualis electio adsit, sicut non oportet quod ille qui eleemosynam dat, semper de eleemosyna cogitet ; sed sufficit semel cogitasse, dum eleemosynam dare disposuit ; nisi contraria cogitatione præcedens intentio interrumpatur.

**588.** — **AD QUINTAM QUÆSTIONEM** dicendum quod attentio in oratione potest esse *triplex*: *primo* enim est attentio ad verba quibus petimus; *deinde* ad petitionem ipsam; *et* ad ea quæ petitionem ipsam circumstant, sicut est necessitas pro qua petitur, Deus qui rogatur et alia hujusmodi. Et quæcumque harum attentionum adsit, non est reputanda inattenta oratio. Unde etiam illi qui non intelligunt petitionis verba, ad orationem attentivi esse possunt. **Sed tamen ultima attentio est laudabilior quam secunda, et secunda quam prima.**

**589.** — Et quia anima non potest vehementer attentiva esse ad diversa, ideo prima attentio potest nocere, ut minor sit orationis fructus, si secundam evacuat; vel secunda, si tertiam omnino tollat; sed non e contrario.

**590.** — Tamen attentio, communiter accipiendo, non nocet, sed multum prodest, ut ex verbis Augustini inductis apparet.

**591.** — **AD PRIMUM** ergo dicendum quod quando mens per dilectionem in Deum ita rapitur, ut petitionis suæ immemor sit, tunc attentio orationi adest, ut dictum est (589); quamvis non secunda vel prima, sed *tertia*.

**592.** — **Ad secundum** dicendum quod ratio illa procedit de prima attentione: quæ, si sit nimia, ineptam interruptionem faciet, scilicet si in singulis verbis homo cogitare velit qualiter formanda sint; quandoque etiam faciet errorem, quia sic cogitanti minus verba occurrent.

Talis autem attentio sufficit ut sit tanta quanta sufficit ad integram verborum pronuntiationem.

**593.** — **Ad tertium** dicendum quod ea quæ habent ordinationem ad invicem, possunt simul intelligi in quantum hujusmodi; quia in quantum ad invicem ordinata accipiuntur, sic intellectus eorum ordinem comprehendendo, ea unum facit. Et ideo simul potest intellectus ferri et ad orationem et ad orationis finem.

Tamen in quocumque feratur, orationi debita attentio non deest.

### ARTICULUS III

#### [I]

[II-II, q. 83, a. 17; *Philip.*, c. 4, l. 1; *Z Tim.*; c. 2, l. 1.]

**594.** — **AD TERTIUM SIC PROCEDITUR.** Videtur quod **INCONVENIENTER SPECIES ORATIONIS DISTINGUANTUR.**

1. *I Tim.*, ii, 1: « *Obsecro, inquit, primo omnium obsecrationes*

1. Ed. « duplex ». — 2. F. *om.* « tunc ». — 3. Ed. « sunt ». — 4. Ed. « quodcumque ». — 5. Ed. « igitur ». — 6. F. « primum ».

*feri, orationes, postulationes, gratiarum actiones.* » Obsecrationes enim sunt adjurationes pro rebus difficilibus, ut dicit *Glossa* ibidem. Adjuratio autem quasi quamdam coactionem importat. Et sic reverentiam minuit quæ orationi debetur. Ergo obsecratio non est orationis species.

2. **Præterea.** Non potest esse idem totum et pars. Sed oratio est cui hæ partes assignantur. Ergo non debet oratio etiam inter has partes assignari.

3. **Præterea.** Postulatio est idem quod petitio. Petitio autem est orationis genus, ut dictum est (520). Ergo postulatio non debet poni orationis pars.

4. **Præterea.** « *Oratio omnis est petitio decentium a Deo* », secundum *Damascenum* (lib. III *De fide orth.*, c. 24 ; G. 94, 1090). Sed gratiarum actio non est petitio, quia est de jam acceptis. Ergo non est orationis species.

## [II]

[Cfr. 593]

**595. — ULTERIUS.** Videtur quod etiam distinctio partium orationis quam ponit *Ambrosius* (in lib. VI *De sacram.*, c. 5 ; L. 16, 479), sit incompetens.

1. Dicit enim orationem dividi « *in Dei laudem, supplicationem et postulationem et gratiarum actionem.* » Non enim laudatur aliquid nisi quod ad alterum ordinatur, ut patet in I *Elh.* (a11. 1101b, 21-23; l. 18, n. 219). Sed Deus non est ad aliquid ordinandus, sed ad ipsum omnia alia. Ergo non est laudandus, sed magis honorandus. Et ita laus Dei non est pars orationis.

2. **Præterea.** Laus, proprie, enuntiando aliquid de aliquo fit. Oratio autem non per modum indicativum quo enuntiatio completur, habet fieri, sed magis per modum imperativum. Ergo laus non est orationis pars.

3. **Præterea.** Supplicatio omnis est postulatio quædam. Ergo non debet unum contra alterum dividi.

## [III]

[Cfr. 593]

**596. — ULTERIUS.** Videtur quod etiam partes quas *Hugo de Sancto Victore* assignat (lib. *De modo orandi Deum*, c. 2 ; L. 176, 970), sint inconvenienter positæ.

1. Dicit enim quod orationis partes sunt tres, scilicet « *supplicatio, postulatio, insinuatio* ». « *Insinuatio* enim, ut dicit *Tullius* in I *Rhetic.*, (n. 11) est *quidam modus exordii.* » Sed ad

Deum accedentes non indigemus exordio ; quia non est verbis flectendus. Ergo insinuatior non est orationis pars.

2. **Præterea.** Exordium præcedit omnes alias partes orationis rhetoricæ. Si ergo orationi ad Deum partes assignantur per similitudinem ad illam, videtur quod insinuatio sit prima pars orationis et non ultima.

3. **Præterea.** Supplicatio addere videtur supra postulationem modum quemdam humilitatis in postulando. Sed quod se habet ex additione ad aliud, est posterius. Ergo post postulationem supplicationem ponere debuit.

4. **Præterea.** Mat., vu, 7, Dominus videtur tres orationis partes ponere, dicens : « *Petite et accipietis, quærite et inuenietis, pulsate et aperietur vobis.* » Cum ergo hæ' partes in omnibus prædictis divisionibus omittantur, videtur quod omnes sint insufficientes.

**597. — RESPONSIO.** Dicendum **AD PRIMAM QUÆSTIONEM** quod partes orationis *dupliciter* accipi possunt : scilicet per modum partium integralium, et per modum partium subiectivarum.

*Partes autem integrates orationis* distinguuntur per ea quæ ad completam orationem requiruntur.

**598. —** *Partes autem subiectivæ* distinguuntur *vel* secundum diversitatem eorum quæ petuntur, *vel* secundum diversum modum petendi.

**599. —** Partes ergo orationis quas Apostolus assignat, utramque distinctionem habent adjunctam. Ouia enim ea quæ a Deo petimus, non ex nostris meritis impetrare præsumimus, et viam impetrationis claudit qui non de acceptis gratiam agit ; ideo ad complementum orationis *primo* requiritur *sacrorum commemoratio* quorum virtute difficilia quæcumque impetrantur ; et hoc fit per « *obsecrationem* » ; unde dicit Glossa quod de difficultibus est, sicut de conversione impii.

**600. —** *Secundo ipsa petitio*, quæ est vel de his quæ ad id quod principaliter petimus, ordinantur ; et sic est « *oratio* » quæ dicitur respectu bonorum viæ ; vel de his quæ principaliter petimus, sicut sunt bona patriæ ; et respectu horum sunt « *postulationes* ».

**601. —** Sequitur autem *gratiarum actio*, in qua oratio consummatur, ut sequenti orationi aditus pateat.

**602. —** Et secundum hoc etiam ut Glossa ibidem dicit (L. 114, 627) et partes Missæ distinguuntur ; quia ea quæ ante conse-

1. Ed. om. « insinuatio ». — 2. ζ et ed. om. « vobis ». — 3. F. « impetrationis ». — 4. Ed. om. « et ».

orationem dicuntur, sunt quasi quædam « *obsecrationes* »; eo quod fit commemoratio Christi et doctrinæ ipsius et sanctorum ejus.

**603.** — Ea autem quæ in consecratione dicuntur « *orationes* », quia sacramentum quod illis verbis conficitur, in via nos adjuvat; unde et *viaticum* dicitur.

**604.** — Quæ vero postea adduntur sunt *postulationes*, quia bona æterna postulantur et mortuis et vivis.

**605.** — Quæ autem post communionem dicuntur, « *gratiarum actiones* » sunt. x

**606.** — **AD PRIMUM** ergo dicendum quod *sicut* in juramento assumitur divina veritas quasi firmior in testimonium veritatis a nobis dictæ; *ita* in adjuratione semper assumitur potentior virtus ad impetrandum quod nos ex nostra infirmitate non possumus impetrare. Unde semper adjurans in se defectum profitetur.

**607.** — Sed quandoque illud quod adjuramus, assumitur *ad inclinandum per violentiam*: sicut cum sancti dæmones adjurant, ut de obsessis corporibus exeant.

**608.** — Quandoque autem assumitur *ad inclinandum per benevolentiam*, et sic Deum adjuramus per Filium suum, vel per sanctos suos, qui ei accepti supra nos fuerunt. *Ei ideo reverentia per obsecrationem non minuitur.*

**609.** — **Ad secundum** dicendum quod consuetum est quod nomen commune ad illam speciem trahatur quæ nihil addit dignitatis, vel minus quam aliæ species, supra commune. Sicut nomen Angeli, quod omnibus ordinibus commune est, infimo ordini attribuitur. Et similiter *nomen orationis ad illam speciem trahitur secundum quamdam appropriationem*, quæ minus habet de dignitate, scilicet *qua petitur via bonum.*

**610.** — **Ad tertium** dicendum quod *postulatio* importat quamdam protensionem desiderii in id quod petitur. Et quia illud quod principaliter et per se desideratur, est finis; ideo *postulatio proprie addit supra petitionem communiter dictam determinatum petitem*, scilicet finem.

**611.** — **Ad quartum** dicendum quod *gratiarum actio non ponitur pars orationis quasi species ejus*. Et ideo non oportet quod definitio orationis ei conveniat.

**612.** — **AD SECUNDAM QUÆSTIONEM** dicendum quod *sicut* oratio rhetorica habet exordium partem sui, *ita* et oratio ad Deum fusa. Unde et introitus in Missa cantatur.

Sed hoc interest, quia in oratione rhetorica exordium ponitur propter illos ad quos oratio fit, ut benevoli, dociles, vel attentii reddantur. Sed in oratione de qua loquimur, exordium requiritur quandoque ad excitandum orantis desiderium ad devote petendum.

**613.** — In exordio autem quod ad benevolentiam captandam inducitur, *quatuor* modis secundum Tullium (lib. I *Hhei.*, fere in prine.), proceditur. Quia vel captatur benevolentia **ex persona iudicis**, dum laudatur ; **vel ex negotio**, dum ejus dignitas ostenditur ; **vel ex persona petentis**, sicut dum ostenditur meritum ejus in eos quos alloquitur ; **vel ex persona adversariorum**, dum contra eos audientium animos concitant<sup>2</sup>.

**614.** — In oratione autem quam ad Deum fundimus, pro nobis tantum intercedimus, non ut alii offensam incurrant. Negotium etiam pro quo oramus, ipse Deus est, ad quem sunt omnia desideria nostra ordinanda.

**615.** — Unde *dupliciter* orantis affectus ad devotionem quasi quodam exordio excitatur : scilicet *ex parte Dei*, dum ipsum laudamus ; *et ex parte nostra*, dum nostram infirmitatem recogitamus. Et quantum ad primum ponit Ambrosius **laudem** Dei orationis partem ; quantum autem ad secundum **supplicationem** quæ est humilis et devota precatio, in quod etiam potest includi negotium pro quo oramus, inquantum ex necessitate quæ nos ad orandum impellit, spiritus noster humiliatur.

**616.** — **Postulatio** autem ad progressum orationis pertinet ; sed **gratiarum actio** ad terminum, ut prius dictum est (**605**).

**617.** — **AD PRIMUM** ergo dicendum quod *laus* largo modo accipitur secundum quod se habet communiter ad laudem et honorem.

**618.** — **Vel dicendum** quod quamvis Deus non ordinetur ad aliud<sup>4</sup>, tamen ipse omnia directe in se ordinat ; et per hoc sibi laudis ratio competit.

**619.** — **Ad secundum** dicendum quod *laus* non ponitur pars subjectiva, sed integralis, et quasi ad complementum esse orationis pertinet.

**620.** — **Ad tertium** dicendum quod *supplicatio* non ponitur hic quantum ad hoc quod includit postulationem vel petitionem, sed quantum ad modum petendi quem importat.

Potest etiam dici quod partes Ambrosii reducuntur ad partes Apostoli, ut *laus* Dei dicatur ideo [*obsecratio*]<sup>5</sup> quia per ea quæ ad laudem ipsius pertinent, ipsum adjuramus ; *supplicatio* autem idem<sup>8</sup> quod *oratio*, quia utrumque quamdam reverentiam importat ; alia autem etiam secundum nomen sunt idem.

**621.** — **AD TERTIAM QUÆSTIONEM** dicendum quod partes

1. Ed. «ostendit».— 2. Ed. «concitantur».— 3. Ed. «qua».— 4. Ed. «aliquid» — 5. Cod. et RAP. «ideo» quod om. alie ed. ; N «obsecratio (vel adjuratio) ; VPF «adjuratio» ; sed intuenti, restituendum videtur sine dubio «obsecratio», ut pars Ambrosii «laus» (595) ad partem Apostoli «obsecratio» (594 et 627) reducatur, secundum intentionem S. Doctoris. — 6. Ed. ad. «est».

ab Hugone positæ sunt partes subjectivæ, et distinguuntur secundum diversos modos; quia omnis petitio per narrationem determinatur, et ipsa narratio est quædam interpretative oratio.

**622.** — Sic ergo **utrumque** concurrere potest ad orationem, et sic dicitur « *postulatio* »; unde ipse dicit quod « *postulatio est delerminatæ petitioni inserta narratio* »: **vel alterum tantum**; et sic *vel petitio indeterminata* sine narratione; et sic est « *supplicatio* »; unde ipse dicit quod « *supplicatio est sine delerminatione petitionis, humilis et devota precatio* »; aut *narratio sine petitione*, et sic est insinuatio quæ secundum ipsum est « *sine petitione per solam voluntatis narrationem facta significatio* ».

**623.** — **AD PRIMUM** ergo patet solutio ex dictis in secunda quæstione.

**624.** — **Ad secundum** dicendum quod insinuatio per **TULLIUM** (596), *in hoc differt ab exordio* quod exordium expresse benevolentiam captat, vel docilitatem, vel attentionem facit; sed insinuatio facit idem occulte et per quosdam circuitus. Et ideo *insinuatio est proprie quando aliud dicitur, et aliud intenditur*. Et ideo<sup>3</sup> **HUGO** istum orationis modum quo narratio proponitur et petitio intenditur, *insinuationem* nominavit. Et ideo non ponitur pro exordio, sed pro illo modo petitionis qui cum quodam exordii genere similitudinem habet.

**625.**—**Ad tertium** dicendum quod sicut ex dictis patet (616), *pos* medium est inter insinuationem et supplicationem; et ideo media secundum ordinem ab ipso ponitur.

**626.** — **Ad quartum** dicendum quod secundum **AUGUSTINUM** (in lib. II *De serm. Dom.*, c. 19; L. 34, 1252), illa *tria* distinguuntur secundum ea quæ sunt necessaria viatori.

*Primo* ut sit<sup>4</sup> virtus ad ambulandum per sanitatem. Et quantum ad hoc dicitur: « *Petite et accipietis.* »

*Secundo* ut adsit scientia ad dirigendum, ne via ignoretur. Et quantum ad hoc dicitur: « *Quærite et invenietis.* »

*Tertio* ut adsit facultas ad perveniendum. Et quantum ad hoc dicitur: « *Pulsate et aperietur vobis.* »

**627.** — Et sic patet quod hic distinguuntur orationis subjectivæ partes diversæ secundum diversitatem eorum quæ petuntur. Et ideo<sup>5</sup> « *oratio* » quæ in definitione<sup>6</sup> **APOSTOLI** posita est, includit petitionem et quæstionem; sed « *postulatio* » pulsationem; « *gratiarum autem actio* » et « *obsecratio* » non sunt hoc modo subjectivas partes secundum diversitatem petitorum distinctæ.

1. a *ad.* « oportet »; ζ *sec. manu* « potest ». — 2. *anζ om.* « potest ». — 3. N. « Uncle y. — 4. Ed. « adsit »; — 5. F. *om.* « ideo »; — 6. Ed. « distinctione ».

## ARTICULUS IV

[I]

[II-II, q. 83, a. 5.]

**628. — AD QUARTUM SIC PROCEDITUR.** Videtur quod **HOMO NON DEBEAT ALIQUID DETERMINATE PETERE IN ORATIONE.**

1. Quia periculosum est petere quod petere non oportet. Sed « *quid oremus sicut oportet, nescimus* »; *Rom.*, vii, 16. Ergo non debemus aliquid determinate petere.

2. **Praeterea.** In oratione debet homo spem suam jactare in Deum, sicut dicitur in *ps.* (l iv, 23) : « *Jacta super Dominum curam tuam*, etc. » Sed ille qui aliquid in oratione determinat, non videtur super Dominum curam suam jactare, totaliter. Ergo talis oratio est reprehensibilis.

3. **Praeterea.** Determinatio petitionis non fit nisi ad innocentium desideratum. Sed Deus quem oramus, melius scit desideria nostra quam nos ipsi. Ergo non debemus in oratione aliquid determinate petere.

**629. — SED CONTRA.** Dominus congruam formam orandi tribuit. Sed in oratione dominica determinata petitiones continentur. Ergo oportet aliquid determinate petere.

**630. — Praeterea.** Postulatio est orationis pars. Sed habet determinatam petitionem, ut Hugo dicit (622). Ergo determinate aliquid petendum est.

[H]

[II-II, q. 83, a. 6; *Mai.* c. 6.]

**631. — ULTERIUS.** Videtur quod in oratione non sint **TEMPORALIA PETENDA.**

1. *Mat.*, vi, 33, super illud : « *Primum quaerite regnum Dei, et haec omnia, etc.* » [Glossa] interlinearis<sup>2</sup> (L. 114, 107), « *non quod post regnum illa quaerantur.* » Ergo nullo modo licet temporalia orando petere.

2. **Praeterea.** Quicumque orat pro aliquo, sollicitus est pro illo. Sed pro temporalibus etiam necessariis solliciti esse non debemus, ut patet *Mat.*, vi, 25 : « *Nolite solliciti esse quid manducetis.* » Ergo temporalia non sunt petenda in oratione.

3. **Praeterea.** Non debemus orando petere nisi quod est bonum nostrum. Sed temporalia non sunt bona nostra, ut patet per

1. Ed. *om.* < etc. ». — 2. Omnes codices *om.* « Glossa »; ζ vacat postea, loco interlinearis \*, ed. < intelligendum ».

Augustinum in Glossa super illud Mat., vi, 33 : « *Quærite primum regnum Dei* », (L. 114, 207). Ergo temporalia non sunt in oratione epetenda.

**632. — SED CONTRA** est quod in oratione dominica continetur : « *Panem nostrum quotidianum da nobis hodie* » : in qua non solum spiritualis, sed etiam corporalis panis petitur, ut patet per Glossam Lucæ, xi. Ergo licet pro temporalibus orare.

**633. — Præterea.** Bernardus dicit (*Serm. v de Quadrag.*, n. 9 ; L. 183, 181) : « *Petenda sunt temporalia quantum necessitas petit.* »

[III]

**634. — ULTERIUS.** Videtur quod homo non debeat pro alieno bono orare.

1. Primo per hoc quod dicitur Jerem., vii, 16 : « *Tu ergo noli orare pro populo hoc.* »

2. **Præterea.** Præsumptuosum est ut homo se ad ea quæ supra se sunt, ingerat. Sed redundantia gratiæ ex uno in alium pertinet ad excellentiam plenitudinis quæ fuit in Christo secundum quod est caput nostrum. Ergo non debet sibi aliquis usurpare ut pro alio oret.

**635. — SED CONTRA** est quod dicitur Mat. v, 44 : « *Orate pro persequentibus et calumniantibus vos.* »

**636. — RESPONSIO.** Dicendum **AD PRIMAM QUÆSTIONEM** quod **determinatio ejus quod in oratione petendum est, ad tria valet.**

**637. — Primo** ad hoc quod attentio orantis determinetur ad aliquid quæ plurimum in oratione est necessaria.

**638. — Secundo** ut nobis innotescat desiderium nostrum, et quantum in ipso profecerimus.

**639. — Tertio** ut ferventius petamus ; quia bona quanto particularius inspiciuntur, tanto ferventius concupiscuntur, sicut de delectabilibus corporalibus Philosophus dicit in<sup>2</sup> III *Eth.* (7 15. 1119% 31-2; l. 22, n. 641).

Unde Augustinus in lib. *De orando Deum* (c. 9 ; L. 33, 501), dicit : « *Ideo per certa intervalla ipsum etiam verbis determinatis oramus Deum, ut illis rerum signis nos ipsos admoneamus* », quantum ad primum ; « *et quantum in ipso desiderio profecerimus, nobis innotescamus* », quantum ad secundum ; « *et ad hoc augendum<sup>3</sup> nos ipsos acrius excitamus<sup>4</sup>* », quantum ad tertium.

**640. — AD PRIMUM** ergo dicendum quod sicut Augusti-

\*

1. α « frequentius ». — 2. Ed. om. « in ». — 3. Ed. « agendum ». — 4. Ed. « excitemus κ

nus ibidem solvit, Apostolus hoc dicit propter tribulationes temporales quæ ad profectum nostrum plerumque immittuntur, et tamen ab eis omnibus liberari petimus, quia in se malæ sunt, quamvis secundum quid sint bonæ. Sed de quibusdam bene scimus quod ea petere oportet, sicut et quod desiderare.

**641.** — **Ad secundum** dicendum quod *in dubiis debet homo quantum ad hoc curam suam jactare in Deum, ut si aliter expediat quam petatur, divino arbitrio relinquatur* : quam formam orandi Domini NUS exemplo suo tradidit, cum dixit (Mat., xxvi, 39) : « *Non sicut ego volo, sed sicut tu.* »

**642.** — *Sed in illis quæ Deus nos vult velle, oportet quantum ad hoc curam nostram in ipsum projicere ut eorum impetrationem ejus auxilio expectemus.*

**Ad tertium** patet solutio ex dictis.

**643.** - **AD SECUNDAM QUÆSTIONEM** dicendum quod oratio est quædam desiderii executio. Et ideo illud quod licet desiderare, licet orando petere eo modo quo licet illud desiderare.

**644.** — Sed in illis quæ desiderantur, est *duplex distinctio* attendenda : **prima** est quia *quædam* desiderantur *propier seipsa, quædam propier aliud.*

**Secunda** est, quia *quædam* non habent superfluitatem desiderii, sicut virtutes ; *quædam* autem habent, sicut voluptates, divitiæ et hujusmodi.

**645.** — Bona autem temporalia et propter aliud desideranda sunt, et cum quadam mensura, scilicet secundum quod sunt necessaria ad vitam præsentem agendam ; **et ideo hoc etiam modo orari pro eis potest.**

**646.** — **AD PRIMUM** ergo dicendum quod nec primo nec secundo debent quaeri *temporalia*, quasi principaliter intentata ; *possunt autem quaeri ut propter aliud desiderata* : quod quidem desiderium est electionis, non voluntatis proprie, quia voluntas est finis.

**647.** — **Ad secundum** dicendum quod *superflua sollicitudo prohibetur illis verbis*, non autem necessaria.

**648.** — **Ad tertium** dicendum quod *temporalia* non sunt bona nostra secundum se, sed *secundum quod ordinantur ad alia*. Et sic *accipiunt rationem boni utilis. Et sic pro eis orari*

1. *η ad.* « Unde iterum Augustinus lib. *de orando Deum* c. 6 (L. 33, 498-9) : « *Sufficienciam rerum necessariarum... non indecenter vult quisquis vult nec amplius vult* » « *Pro hac orabat qui dicebat* » [Prov., xxx, 8]. « Divitias et paupertatem ne dederis mihi ; constitue autem mihi quæ sunt necessaria sufficienter etc. ». Et inferius addit quod sufficientia illa (quæ non propter seipsam appetitur si decenter quaeritur) « pro æternæ vitæ adeptione abjicienda est », quamdiu temporalis tantum est ; quia non e in tempore utiliter vivitur, nisi ad comparandum meritum quo in aeternitate vivatur » etc. ». —

*polesll*, ut Philosophus dicit in *V Elh.* (e 2. 1129b, 5-6; l. 1, n. 897) : « *Oportet non hæc* » scilicet temporalia bona, « *orare, sed quod homo eis bene utatur.* »

**649.** — **AD TERTIAM QUÆSTIONEM** dicendum quod cum præcepto caritatis homo debeat proximum sicut seipsum diligere, eadem ei debet optare quæ sibi. **Et ideo etiam eadem pro eis potest orare quæ etiam pro se orat.**

**650.** — **AD PRIMUM** ergo dicendum quod Dominus loquitur quantum ad hoc quod in illo populo erant impedimenta, quare oratio Prophète exaudiri non poterat, scilicet incorreptus<sup>3</sup> error illorum<sup>4</sup>, et finalis impenitentia, ut Glossa ibidem dicit<sup>5</sup>. (Hieron. L. 24, 732).

**651.** — **Ad secundum** dicendum quod *ille qui præt, non propria virtute nititur obtinere quod petit, sed virtute ejus quem orat.* Et ideo quando aliquis pro alio orat, non sibi usurpat gratiam plenitudinis, sed ei attribuit quem orat, a quo gratiam proximo dandam petit.

## ARTICULUS V

[I]

[II-II, q. 83, a. 4.]

**652.** — **AD QUINTUM SIC PROCEDITUR.** Videtur quod solus Deus debeat orari<sup>6</sup>.

1. Per definitionem orationis, quia Damascenus dicit (**509**) quod « *oratio est ascensus intellectus in Deum.* »

2. **Præterea.** Oratio est actus latriæ, ut dictum est (534). Sed latria soli Deo debetur. Ergo et oratio.

3. **Præterea.** Virtus orationis plus in affectu consistit quam in voce; quia « *hoc negotium, ut Augustinus dicit (Epist. 130, de orando Deo, c. 10; L. 33, 501), plus gemitibus quam vocibus agitur.* » Sed solius Dei est cogitationes cordium et affectiones percipere. Ergo ei soli fit oratio.

**653.** — 4. **SED CONTRA** est quod dicitur Job, v, 1 : « *Vocæ ergo si est qui tibi respondeat, et ad aliquem sanctorum. convertere.* » Ergo oratio potest fieri ad sanctos Dei, non solum ad Deum.

**654.** — 5. **Præterea.** Orationis species est supplicatio. Sed supplicatio homini fieri potest. Ergo et oratio.

1. i ad. « unde ». — 2.  $\mu$  « et ». — 3. Ed. « incorreptus ». — 4.  $\mu$  om. « illorum ». — 5.  $\mu$  « docet ». — 6.  $\mu$  ad. « primo », om. infra. — 7. Sic  $\mu$ .

## [II]

[II-II, q. 83, a. 4, ad 3.]

**555. — ULTERIUS.** Videtur quod possit oratio dirigi  
**ETIAM AD SANCTOS NON IN PATRIA EXISTENTES.**

1. Non enim ad sanctos orationem fundimus, nisi in quantum sunt Deo viciniore nobis; quia Deus per ea quæ sunt sibi magis propinqua in distantia, magis<sup>2</sup> radios suæ bonitatis emittit, ut *Diomysius* dicit (*De divin. nom.*, c. 4, n. 1; G. 3, 693'. Sed sancti etiam in hoc mundo existentes sunt nobis superiores. Ergo debemus eos orare.

2. **Præterea.** Illi qui sunt in purgatorio jam<sup>3</sup> sunt certi de sua salute. Ergo sunt in meliori statu quam nos sumus. Ergo possumus eos orare.

3. **Præterea.** In *Dialogis*|| (*Gregorii*, lib. IV, c.40; L. 77, 396) egitur quod *Paschasius* qui etiam miraculum post mortem fecit, revelatus est beato *Germano Capuano* episcopo in purgatorio esse. Ergo videtur quod pari ratione<sup>5</sup> ad eos qui non sunt in patria, possit oratio dirigi.

**656. — SED CONTRA.** Quia non est ejusdem orari et quod pro eis<sup>6</sup> oretur. Sed pro omnibus sanctis qui sunt vel<sup>7</sup> in mundo, vel in<sup>8</sup> purgatorio, oratur. Ergo non debent ipsi orari.

**657. — Præterea.** Sancti non orantur nisi in quantum sunt in plena Divinitatis participatione. Sed non participant plene Divinitatem nisi in quantum participant beatitudinem, ut *Boetius* probat in III *De consolatione* (prosa 10; L. 63, 767). Ergo sancti qui sunt in beatitudine tantum orandi sunt.

## [III]

**658. — ULTERIUS.** Videtur quod oratio non fiat ad Deum ratione essentiæ, sed magis ratione personæ.

1. Quia hoc modo debemus orare sicut<sup>9</sup> *Christus* nos docuit. Sed ipse docuit nos ad *Patris* personam orationem<sup>10</sup> dirigere; *Joan.*, xvi, 23: «*Si quid petieritis Patrem, etc.*11.» Ergo oratio fit ad Deum ratione personæ.

2. **Præterea.** Illud quod attribuitur Deo ratione divinæ naturæ, toti Trinitati competit et singulis personis. Sed *Ecclesia* non dirigit aliquam orationem ad *Spiritum Sanctum*. Ergo non oratur Deus ratione naturæ, sed ratione personæ.

1. *μ* « ei ». — 2. Sic *μ*. — 3. Sic *μ*. — 4. *μ* « Dialogo. » — 5. Ed. et codices præteri *om.* « pari ratione ». — 6. F. « eo ». — 7. Ed. et codices præteri *om.* \* vol. ». — 8. Ed. *om.* « in ». — 9. *μ* « ut ». — 10. *μ* *om.* « orationem ». — 11. F. *om.* « etc. ».

**659.** — **SED CONTRA.** Secundum hoc aliquis oratur quod hona sua communicare potest. Sed communicare seipsum Deo competit inquantum est bonus. Cum ergo bonitas sit attributum essentiale, videtur quod oratio dirigatur ad Deum ratione naturæ.

**660.** — **RESPNSIOI.** Dicendum **AD PRIMAM QUÆSTIONEM** quod *illud quod orando pelimus esf beala vita*, ut Augustinus dicit, (lib. *De orando Deum*, c. 4, n. 9 ; L. 33, 497) quia omnia alia quæ pelimus, non petimus nisi secundum quod ad hanc ordinantur. Beatam autem vitam directe dat solus Deus. Sed tamen etiam sancti cooperantur nobis ad hoc quod beatam vitam obtineamus. **Et ideo oratio directe et proprie fit ad Deum, sicut a quo exspectamus quod orando petimus.** Sed tamen *oranlis intentio ad sanctos convertitur, ut quorum auxilio a Deo impetrat quod exspectat.* Et ideo dicit Cassiodorus<sup>2</sup> (in *ps.* 60, 1 ; L. 70, 424) quod *oratio proprie fil ad Deum, sed deprecatio ad sanctos.*

**661.** — **AD PRIMUM** ergo dicendum quod in definitione debent poni ea quæ per se sunt. Quamvis autem aliquo modo ad sanctos oratio fieri possit, sicut ad intercessores pro nobis, tamen *proprie et per se oratio in Deum fertur.*

**662.** — **Ad secundum** dicendum quod *oratio est actus latriæ.* Nec tamen cum sancti orantur, eis latria exhibetur ; sed illi a quo petitio orantis explenda speratur.

**663.** — **Ad tertium** dicendum quod *sancti cognoscunt<sup>3</sup> in Verbo omnia quæ ad eorum gloriam pertinent.* Et quia ad magnam eorum gloriam est quod alios juvare possunt, quasi Dei cooperatores existentes ; ideo *stalin in Verbo vident vola eorum qui eos interpellant.*

**664.** — **Ad quartum** dicendum quod *ad aliquem sanctorum nos converlendumi esse docet, ut ad mediatorem orationis,* non ad quem principaliter oratio dirigatur.

**665.** — **Ad quintum** dicendum quod oratio hic accipitur ad similitudinem rhetoricæ orationis, ut ex dictis patet (**612**). Et ideo *sicut* illa soli iudici fit, quamvis etiam aliis superioribus supplicationes fieri possint<sup>5</sup>, vel aliquæ petitiones ; *ita etiam oratio ad solum Deum directe dirigitur, sed supplicatio etiam directe ad alios* dirigi potest.

**666.** — **AD SECUNDAM QUÆSTIONEM** dicendum quod nihil petitur ab aliquo qui<sup>6</sup> non habet illud<sup>7</sup>. *Unde cum beala vita sil quæ in orando petitur, ad illos solos sanctos<sup>8</sup> dirigi aliquo*

1.  $\mu$  « Solutio ». — 2. Ed. « Cassianus », ubi simile quid habetur in *collât*, iv, c. 12 et 13; L. 49, 783-85. — 3. Ed. et cod. præter  $\mu$  « agnoscunt ». — 4. Ed. « convertendos ». — 5. Ed. et cod. præter  $\mu$  « possent ». — 6. *a ad.* « id ». — 7.  $\mu$  solum habet « illud ». — 8.  $\mu$  solum habet « sanctos ».

**modo oratio potest qui beatam vitam habent**, non autem ad illos qui in mundo sunt neque ad illos qui in purgatorio sunt ; quamvis illis qui in mundo sunt supplicatio vel petitio aliqua fieri possit.

**667. — AD PRIMUM** ergo dicendum quod quamvis sancti in mundo existentes sint nobis superiores et possint pro nobis orare ; non tamen adhuc ad illum gradum superioritatis<sup>2</sup> perverunt, ut scilicet beatitudinem quam nos non habemus, illi habeant.

**668. — Ad secundum** dicendum quod quamvis *illi qui sunt in purgatorio* sint in majori securitate quam nos, tamen sunt in majori afflictione ; et iterum non sunt in statu merendi. Et ideo<sup>3</sup> *magis indigeni quod pro eis oretur, quam quod ipsi brentu*P.

**669. — Ad tertium** dicendum quod in miraculis præcipue attenditur fides et devotio orantis. Unde etiam *Do minus* mulieri quam sanavit, dixit, *Mat., ix, 22* : « *Fides tua te salvam fecit.* » Et quia ille propter excellentiam meritorum credebatur in patria esse, ideo orabatur. Et talis oratio propter fidem orantium exaudiebatur tunc, et<sup>5</sup> ut vita illius approbaretur, non quod ille pro aliis in purgatorio existens oraret.

**670. — AD TERTIAM QUÆSTIONEM** dicendum quod *Deus* præcipue oratur, in quantum est beatus et aliis beatitudinem largiens. Et quia hoc convenit ei ratione essentiæ, ideo **ratione essentialium attributorum oratur.**

**671. — AD PRIMUM** ergo dicendum quod ea quæ sunt essentiæ a Patre sunt in aliis personis. Et ideo fit quædam reductio ab aliis personis in Patrem, ut patet per *Hilarium* (lib. VIII *De Trin.*, n. 20 ; L. 10, 250). Et propter hoc etiam dicitur *Pater principium totius Deitatis. Et sic nos in partem, sicut in principium non de principio, reducens Christus, nos ad Patrem orationem dirigere per Filium docuit.*

**672. — Ad secundum** dicendum quod *Spiritus sanctus ex personali proprietate habet quod sibi donum. Et ideo magis competit quod ipse petatur quam quod ab eo aliquid petatur* ; quamvis etiam ad Spiritum sanctum *Ecclesia* orationes aliquas dirigat et hymnos qui loco orationum in *Ecclesia* recitantur ; sicut patet : « *Nunc sancte nobis Spiritus* », et « *Veni creator Spiritus* », et hujusmodi.

1. *lx* sol. « aliquo modo oratio ». — 2. Ed. et cod. præter i « superiorem ». — 3. *µ* sol. *ad.* « illi qui sunt in purgatorio ». — 4. Ed. et cod. præter *µ* « orent ». — 5. Ed. *om.* « et ».

## ARTICULUS VI

## [I]

[11-11, q. 83, a. 10.]

**673. — AD SEXTUM SIC PROCEDITUR.** Videtur quod  
DIVINÆ PERSONÆ SIT ORARE.

1. Ejus enim est orare cujus est accipere. Sed personae Dei est accipere ab alio, sicut Filii et Spiritus sancti. Ergo ejus est orare.

2. **Præterea.** Jo an., xiv, 16 : « *Ego rogabo Patrem, ei alium paracletum dabit vobis, etc.* »<sup>1</sup>; et sunt Filii verba. Ergo Filii est orare.

3. **Præterea.** Rom., vin, 26, dicitur : « *Spiritus postulat gemitibus inenarrabilibus, etc.* »<sup>2</sup> Sed Spiritus sanctus est tertia in Trinitate persona. Ergo personas divinæ est orare.

**674. — SED CONTRA.** Orare importat defectum virtutis in orante. Sed hoc divinæ personæ non competit. Ergo oratio non est divinæ personæ.

**675. — Præterea.** Oratio est actus patriæ quæ dicitur servitus Dei. Sed servire non competit divinæ personæ. Ergo nec orare.

## [III]

[Infra, d. 4S, q. 3, a. 3; II-II, q. 83, a. 11.]

**676. — ULTERIUS.** Videtur quod nec sanctis qui sunt in patria competit orare.

1. Quia sancti qui sunt in patria, sunt Christo conformes, in quantum est homo. Sed Christo, in quantum est homo, non competit orare; alias diceremus : « *Christe, ora pro nobis.* » Ergo nec aliis sanctis competit orare.

2. **Præterea.** Sancti in patria æquales sunt angelis Dei, Mat., xxii, 30. Sed angelis non competit orare, quia oratio, ut dictum est (516), est actus rationis qui in angelis non est, cum in umbra intelligentur<sup>3</sup> oriatur, ut Isaac dicit. Ergo nec aliis sanctis qui sunt in patria, oratio competit.

3. **Præterea.** Quicumque orat pro alio, alteri meretur. Sed sancti qui sunt in patria, non sunt in statu merendi. Ergo nec in statu orandi.

1. F. om. « etc. ». 2. F. om. « etc. ». — 4. F. « ratio ». — 3. Ed. « est ».  
5. Ed. « comp tat ». — 6. a « Deo »; ζ « Dei ». — 7. N. « verbo ».

**677. — SED CONTRA** est quod dicimus : « *Sancte Petre, ora pro nobis.* »

**678. — Præterea.** Sancti in patria magis fervent caritate quam in via. Sed caritas facit ut sancti in via pro aliis orent. Ergo multo magis in patria pro nobis orant.

## [III]

[III, q. 83, a. 10, ad 3.]

**679. — ULTERIUS.** Videtur quod etiam brutorum animalium sit orare.

1. Quia in *ps.* (cxlvi, 9), dicitur : « *Qui dat jumentis escam ipsorum, et pullis corvorum qui invocant eum.* » Sed invocare Deum est ipsum orare. Ergo etiam animalia irrationalia orant.

2. **Præterea.** Oratio est denunciativus appetitus. Sed animalia bruta appetunt bonum divinum suo modo. Ergo orant.

**680. — SED CONTRA.** Oratio non fit nisi ad Deum. Sed Deus non potest cognosci nisi intellectu, quo bruta carent. Ergo orare non competit eis.

**681. — RESPONSIO.** Dicendum **AD PRIMAM QUÆSTIONEM** quod oratio requirit distinctionem<sup>2</sup> orantis ad eum qui oratur, quia nullus a seipso aliquid petit. Oratio autem fit ad Deum oratione attributorum essentialium in quibus personæ non distinguuntur. **Et ideo uni personæ competit aliam orare.**

**682. — AD PRIMUM** ergo dicendum quod *acceptio*<sup>3</sup> illa qua una persona accipit ab alia, *est per naturalem fecunditatem*, et non per gratuitam collationem, pro qua impetranda oratio funditur.

**683. — Ad secundum** dicendum quod *hoc Filius dicit de seipso*, non ratione personæ, sed *ratione naturæ assumptæ*.

**684. — Ad tertium** dicendum quod *Spiritus dicitur postulare, inquantum nos postulare facit.*

**685. — AD SECUNDAM QUÆSTIONEM** dicendum quod *Quidam hæretici dixerunt quod sancti non possunt nos juvare orando pro nobis, quia unusquisque recipit secundum ea quæ gerit.*

**686. — Sed hoc est contra articulum fidei**, qui est « *Sanc-  
lorum communitio* » quæ per caritatem fit.

Et ideo cum etiam in **sanctis** qui sunt in patria, sit perfectis-

1. Ed. « invocantibus ». — 2. *anç* < diffinitionem ». — 3. *my* « acceptatio ». —

sima caritas, **competit** eis **pro nobis orare**; **non autem pro se**, quia omnia eis ad votum succedunt.

**687.** — **AD PRIMUM** ergo dicendum quod *Christus, inquantum homo, orat pro nobis*. Sed ideo non dicimus : « *Christe ora pro nobis* », quia Christus supponit suppositum æternum, cujus non est orare, sed adjuvare. Et ideo dicimus : « *Christe, audi nos* », vel « *miserere nostri* ». Et in hoc etiam evitamus hæresim Ar ii et Nest or ii.

**688.** — **Ad secundum** dicendum quod illud quod est rationis<sup>2</sup>, est etiam multo nobilius intellectus<sup>3</sup>; quia quod<sup>4</sup> potest virtus inferior, potest superior. *Et ideo angeli orare possunt, in quibus intellectus est.*

**689.** — **Ad tertium** dicendum quod Quidam dicunt quod non sunt in statu merendi quantum ad præmium essentielle, sed quantum ad præmium accidentale; et ideo etiam aliis mereri possunt.

Sed quia meritum tantum viatorum est; ideo **dicendum** quod aliud est impetrare et aliud mereri, ut dicitur. **(711-3-721)** *El ideo sancti si non possint mereri, possunt tamen nobis suis orationibus aliquid impetrare.*

**690.** — **AD TERTIAM QUÆSTIONEM** dicendum quod **brutis nullo modo competit orare**: *tum* quia non sunt participes beatæ vitæ, quæ principaliter in oratione petitur; *turn* quia etiam Deum cui oratio offertur, non apprehendunt; *tum* etiam quia etiam<sup>5</sup> petere est actus rationis, cum importet<sup>6</sup> ordinationem quamdam, ut ex dictis patet **(525)**.

**691.** — **AD PRIMUM** ergo dicendum, quod *sicut* animalia bruta, secundum Augustinum, XII<sup>7</sup> *Super Gen. ad litteram*, dicuntur jussis Dei obedire non quasi percipientes mandatum, sed inquantum naturali instinctu ab ipso moventur; *ita* etiam dicuntur Deum invocare improprie, inquantum aliquid naturali desiderio desiderant, quod a Deo obtinent.

**692.** — **Ad secundum** dicendum quod appetitus, ut dictum est (525), importat simplicem motum in appetibile; sed oratio, sive petitio, ordinem quemdam qui est rationis. Et ideo appetitus potest brutis competere non autem petitio, vel oratio.

1. a « Et ».— 2. N. « communis ». — 3. N. P. « nobilius in intellectu ». — 4. Ed. ad. « non » 5. F. om. « etiam ». — 6. F. « importat ». — 7. Ed. « x »; — cfr. ix, c. 14, n. 24, 25; L. 34, 402.

## ARTICULUS VII

[I]

[Supra, d. 15, q. 1, a. 4, sol. 3, 140 s.]

**693. — AD SEPTIMUM SIC PROCEDITUR.** Videtur quod ORATIO NON SIT SATISFACTORIA.

1. Quia omnis oratio vel est vocalis, vel mentalis. Sed *mentalis* non est satisfactoria, quia non habet pœnam, sed jucunditatem ; nec iterum *vocalis*, quia, sicut *Isidores* dicit (libro III *De summo bono*, c. 7 ; L. 83, 571), « *reconciliat Deo non sonus vocis, sed pura et simplex mentis intentio.* » Ergo oratio non est satisfactionis pars.

2. **Præterea.** Latria, ut in præced. d. l (71) dictum est, contra pœnitentiæ virtutem dividitur. Sed satisfactio est actus pœnitentiæ virtutis, oratio autem latriæ. Ergo oratio non est satisfactoria.

3. **Præterea.** Satisfactio fit ad reconciliandum eum qui offensus est. Sed oratio reconciliationem sequitur ; quia præsumptuosum esse videtur petere in eo quem offendimus. Ergo oratio non est satisfactoria.

**694. — SED CONTRA** est quod *Hieronymus* (in *Mare.*, ix, 28 ; L. 30, 616) dicit : « *Oratione sanantur pestes mentis, sicut el jejunio pestes corporis.* » (125, 2) Sed jejunium est satisfactorium. Ergo et oratio.

**695. — Præterea.** Oratione petimus nobis debita relaxari, nec frustra, cum? a Domino sit institutum. Sed relaxatio debitorum per pœnitentiam fit. Ergo oratio ad aliquam partem pœnitentiæ pertinet. Non nisi ad satisfactionem. Ergo oratio est satisfactoria.

[iij]

[IMI, q. 83, a. 7, ad 2 ; a. 15]

**696. — ULTERIUS.** Videtur QUOD ORATIO NON SIT MERITORIA.

1. Opus enim meritorium solum in Deum intentionem dirigit ; quia mercenaria intentio virtutem meriti evacuat. Sed orans non solum ad Deum habet oculum, sed ad proprias indigentias, quibus petit subveniri. Ergo non est opus meritorium.

2. **Præterea.** Si est meritoria, nullius magis quam ejus quod postulat. Sed ejus quod postulat, non est meritoria ; quia quan-

1. Ed. *om.* « in præcedenti d. », — 2. F. *ad.* « hoc ».

deque non exauditur, etiamsi ab eo qui in caritate est, offeratur. Ergo oratio non est meritoria.

3. **Præterea.** Natura non facit per duo quod potest facere per unum ; quia non invenitur aliquid vanum in operibus naturæ, et multo minus in operibus gratiæ. Sed ad merendum sufficienter ordinantur opera. Ergo videtur quod oratio non sit meritoria.

697. — **SED CONTRA.** Omne opus virtutis potest esse meritorium. Sed oratio est opus virtutis, ut dictum est (536). Ergo est meritoria.

698. — **Præterea.** In *ps.* (xxxiv, 13), dicitur : « *Oratio mea in sinu meo convertetur* ». Ergo ex oratione aliquid oranti accrescit ; et ita illius videtur esse meritoria.

### [III]

[II-II, q. 83, a. 15.]

699. — **ULTERIUS.** Videtur quod inconvenienter assignentur **CONDITIONES QUÆ PRESTANT EFFICACIAM ORATIONI.**

1. Dicitur enim in *Glossa Lucæ*, xi, 5, super illam parabolam : « *Quis vescum habebit amicum ? etc.* », quod *quatueor conditiones exiguntur ad hoc* quod oratio sit efficax : scilicet ut petatur *pie et pro se et perseveranter et ad salutem.* Qui enim est in peccato, pietatis virtutem non habet. Sed peccatorum oratio aliquando exauditur ; quia etiam per peccatores mirabilia fieri possunt. Ergo non oportet quod *pie* petatur, ad hoc quod oratio sit efficax.

2. **Præterea.** Oratio quæ ex caritate fit, semper efficaciam habet ; *Joan.*, xv, 7 : « *Si manseritis in me et verba mea in vobis manserint ; quodeumque volueritis, petetis, ei fiet vobis.* » In Deo autem manere facit caritas, ut patet *I Joan.*, iv. Omnis autem oratio quæ fit *pie*, ex caritate procedit. Ergo habet efficaciam. Non ergo oportet addere alias conditiones.

3. **Præterea.** Quanto caritas est amplior, tanto majorem habet efficaciam merendi. Sed caritas tanto est amplior, quanto ad plures se extendit. Ergo videtur quod magis sit efficax oratio ex caritate procedens quæ fit pro aliis, quam illa quæ fit pro ipso orante. Et ita non requiritur *pro se* fieri.

4. **Præterea.** Ab eodem habet oratio efficaciam merendi et opus, scilicet a caritate. Sed opus ex caritate procedens est meritorium, etiam si non perseveranter fit. Ergo ad orationis efficaciam non requiritur quod *perseveranter* fiat,

5. **Præterea.** Ea quæ ad salutem pertinent desiderata vel petita, iram Dei non provocant. Sed aliquando Deus orantibus concedit aliqua de quorum petitione irascitur : sicut filiis Israel Regem petentibus quibus in indignatione Regem dedit (*Os.*, xm,

11). Ergo non oportet ad hoc quod oratio sit efficax quod petantur ea quæ sunt *ad salutem*.

**700. — Præterea.** Videtur quod multæ aliæ conditiones **REQUIRANTUR.**

**6.** Videlicet quod fideliter et confidenter petatur ; *Jac.*, i, **6** : « *Postulet autem in fide nihil hæsilans* ». Et quod oratio sit humilis ; *ps.* (ci, 18) : « *Respexit in orationem humilium, et non sprevit precem eorum* ». Paupertas etiam petentis ad efficaciam orationis facit ; *ps.* (ix, 38) : « *iJesiderium pauperum exaudivit Dominus* ». **Fervor** etiam devotionis ; unde etiam Augustinus dicit, *De orando Deum ad [Probam!]* (c. 9 ; L. 33, 501) : « *Dignior sequitur effectus, quando ferventior præcedit affectus.* » Ergo insufficienter illæ quatuor conditiones enumerantur.

**701. — RESPONSIO.** Dicendum **AD PRIMAM QUÆSTIONEM** quod *satisfactio respicit et culpam præteritam* pro cujus offensa recompensationem facit, *et culpam futuram* contra quam est medicina salvans.

**702. — Et hæc duo orationi competunt.** *Initium enim peccati et radix superbia est (Eccl. x. 15).* Et ideo per quod homo spiritum suum humiliter Deo subdit in oratione, et pro superbia præcedentis offensæ recompensationem facit, et aditum futuræ culpæ aufert, radicem ei amputans. **Et ita oratio plene habet satisfaciendi rationem.**

**703. — AD PRIMUM** ergo dicendum quod oratio mentalis et vocalis satisfactoria est, si in caritate fiat.

*Vocalis* quidem, quia habet exteriorem laborem, et sic pœnam quamdam. Et inquantum in ea manet virtus præcedentis intentionis, habet etiam rationem boni meritorii : quæ duo ad opus satisfactorium requiruntur. Et sic patet quomodo respondendum sit ad auctoritatem *Isidori* ; quia *sonus vocis non reconciliiat Deo* inquantum hujusmodi, sed *inquantum manet in ipsa purse intentionis efficacia*.

**704i. — Similiter etiam oratio mentalis** tantum est satisfactoria ; quia quamvis habeat jucunditatem, habet tamen et pœnam admixtam ; quia dicit *Gregorius* (lib. XXXIII *Moral.*, c. 23, n. 43 ; L. 76, 701) : « *Orare est amarus gemitus in compunctione resonare* », vel pro peccatis, vel pro dilatione patriæ.

*Ei præterea. Ipsa mentis elevatio est carnis afflictio*, ut supra (144) dictum est. Et afflictio carnis redundat in mentem, in quantum ei unita est, et etiam in superbientem spiritum, cujus vulnus oratio sanat<sup>4</sup>. Sine pœna oratio humilis esse non potest.

1. Cod. « Probum ». — 2. F. « rationi ». — 3. Ed. « ideo ». — 4. RANVP. arf. « t idcirco ».

**705.** — **Ad secundum** dicendum quod non est inconueniens actum unius virtutis imperari a virtute quæ contra ipsum dividitur, sicut actum temperantiæ interdum fortitudo imperat. Et sic etiam *aciam lalriæ poiesi pænitentia imperare, et sic erit salisfactorius* : sicut etiam sacrificia pro peccatis in veteri lege fiebant, et nunc fiunt.

**706.** — **Ad tertium** dicendum quod ex hoc ipso quod aliquis ab homine veniam petit humiliter, animum offensi hominis placat et multo fortius misericordis Dei.

**707.** — **AD SECUNDAM QUÆSTIONEM** dicendum quod *ratio meriti in omnibus actibus nostris est ex caritate*. Unde, cum contingat aliquando ex caritate orationem fieri, constat quod **potest esse meritoria** eadem ratione qua et alia opera **ex caritate** facta meritoria sunt.

**708.** — **AD PRIMUM** ergo dicendum quod habere oculum ad aliud quam ad Deum, sicut ad principalem finem, evacuat rationem meriti ; non autem si respiciat aliud sicut quo ad Deum sit perveniendum. Et hoc modo oratio relevationem propriarum indigentiarum respicit.

**709.** — **Ad secundum** dicendum quod *meritum in actibus aliarum virtutum est ex vi caritatis*. Et quia caritas habet pro objecto quod aliæ habent pro fine ; ideo meritum in actibus aliarum virtutum non est solum illius actus, sed finis. Hoc autem quod petitur non est finis orantis, sed objectum actus. Et ideo non oportet quod meritum attendatur ratione illius.

**710.** — **Ad tertium** dicendum quod opera nostra non sunt sufficientia a seipsis ad obtinendum omne illud quod indigemus. Et ideo oportet quod illud quod nobis deest, ex divina misericordia suppleatur ; et hanc oratio pulsat. *Et ideo orationis meritum exigitur ad supplendum defectus omnium aliorum nostrorum meritorum*.

Unde Gregorius in *Moralibus*, (lib. XVIII, c. 5 ; E. 76, 42) dicit : « *Multum utique apud Deum hæc sine necessario congruunt, ut et oratione operatio, et operatione fulciatur oratio.* »

**711.** — **AD TERTIAM QUÆSTIONEM** dicendum quod oratio ad *duo* ordinatur ; scilicet ad objectum proprium, et ad finem. Et secundum hoc habet *duplicem* efficaciam : scilicet *efficaciam merendi* ratione finis qui est vita æterna, ad quam omnia merita ordinantur ; et *efficaciam impetrandi* ejus quod petitum est : quod est orationis objectum.

**712.** — **Et inter hæc duo hæc differentia est** quod meritum importat ordinem justitiæ ad præmium, quia ad justitiam perti-

net retribuentis ut merenti præmium reddat ; sed impetratio importat ordinem misericordiæ vel liberalitatis ex parte donantis. Et ideo meritum ex seipso habet unde perveniatur ad præmium ; sed *oratio impetrare volentis non habet ex seipsa unde impetret, sed ex proposito vel liberalitate dantis.*

**713.** — Unde patet quod oratio ex caritate semper habet efficaciam merendi, sed non semper habet efficaciam impetrandi ; quia aliquid est quod repugnat impetrationi in providentia Dei, **ad quem oratur.**

**714.** — *Et ad hæc impedimenta tollenda ponuntur quatuor conditiones præmissæ, quibus positis semper habet oratio efficaciam impetrationis*<sup>1</sup>. Potest ergo impedimentum orationis esse *vel ex parte orantis*, si orationem inordinate emittat ; et quantum ad hoc removendum dicitur « **pie** » in quo importatur modus latriæ quæ alio nomine pietas dicitur, secundum quam oratio modificari debet ; *vel ex eo quod petitur*, quia quandoque etiam petenti non expedit, et sic dicitur quod sit « **ad salutem** » ; *vel ex parte ejus pro quo petitur* ; et hoc impedimentum *vel* est tunc quando oratio fit : quod non potest esse quando oratio fit ab aliquo pro seipso, si pie petat, sed quando fit pro alio ; et ideo additur alia conditio, quod fiat « **pro se** » ; *vel potest esse post intermedium inter orationem et consecutionem petiti* ; et hoc excluditur per hoc quod dicit « **perseveranter** ».

**715.** — **AD PRIMUM** ergo dicendum quod istæ conditiones non hoc modo requiruntur ad efficaciam impetrandi, quasi nihil impetretur si aliqua desit ; quia etiam quandoque aliquis pro alio orans auditur ; sed quia his positis semper oratio efficaciam impetrandi habet, quia impetrationis virtus magis est ex proposito ejus cui oratur quam ex orantis merito. *Et ideo etiam<sup>2</sup> quandoque peccatores orantes audiuntur, quando eorum oratio divino proposito concordat.*

**716.** — **Tamen sciendum est** quod aliquando<sup>3</sup> aliquis pie petit, qui pietatis virtutem non habet : sicut aliquis aliquando justa facit qui justitiæ habitum non habet. *Et sic etiam peccatores aliquando possunt pie orare.*

**717.** — **Ad secundum** dicendum quod voluntas magis est de fine quam de illo quod propter finem petitur. Et ideo quando Deus videt non concordare quod petitur, cum fine pro quo pie orans petit, magis audit ejus desiderium non faciens quod petitur, quam si faceret.

**718.** — Et ideo signanter accipiendum est hoc quod dicit : « *Quodcumque volueritis* » etc. Finis autem petitionis est salus nostra et Dei gloria. Hoc autem esset contra Dei gloriam, si

1. Ed. \* impetrandi ». — 2. Ed. om. « etiam ». — 3. Ed. « quia quandoque ». — 4. Ed. ad. «petetis».

peccatorem impenitentem salvaret; et esset contra salutem petentis, si aliquid contrarium suæ salutis sibi daretur.

**719.** — *Ei ita exauditur desiderium, et tamen petitum non impetratur, quando aliquis imperseveranter, vel pro alio petii, vel contraria salutis.*

**720.** — **Ad tertium** dicendum quod oratio quæ fit ex caritate pro alio, semper habet efficaciam merendi ei qui orat; sed *nunc loquimur de efficacia impetrandi.*

**721.** — **Ad quartum** dicendum quod impetratio importat consecutionem ejus quod petitur; sed meritum non importat consecutionem, sed ordinem justitiæ ad consecutionem. Et ideo impedimentum interveniens per instabilitatem tollit rationem impetrationis, quia tollit consecutionem; sed non tollit ordinem ad consecutionem, et ideo non tollit meritum. Unde meretur etiam qui non perseveraverit; sed *non impetrat nisi perseverans.*

**722.** — **Ad quintum** dicendum quod omnes homines habent beatitudinem sui desiderii finem quem maxime desiderant. Et ideo magis audit illos quibus non dat quod petunt, si sit impediens a beatitudine, quam eos quibus dat. *Unde talis impletio orationis quæ fit cum Dei indignatione, non dicitur impetratio, proprie loquendo.*

**723.** — **Ad sextum** dicendum quod omnes illæ conditiones quæ requiruntur ex parte orantis in quantum est orans, includuntur in hoc quod dicit « *pie* », quod includit omnes circumstantias virtutis quibus ordinantur *actus ex parle agentis.*

#### EXPOSITIO TEXTUS

**724.** — « Non consurget duplex tribulatio. » (1).

**Contra.** Jerem., xvii, 18 : « *Duplici contritione contere eos.* »

**Et dicendum** quod tribulatio, si accipiatur utl commensurata peccato, duplex non consurgit, quia Deus non punit ultra condignum. Sed si accipiatur pro poena absolute, tunc *duplex poena* debetur, *vel secundum duas paries peccantis*, poena corporis et animæ; *vel secundum duo quæ sunt in peccato*, scilicet aversio et conversio, poena sensus et damni; *vel secundum duas radices peccati* quæ sunt amor et timor, ignis et frigus; *vel secundum duos status*, præsens poena et futura. Utraque enim est citra condignum; et præcipue si accipiantur divisim. Tamen præsens poena et futura in eo qui non corrigitur, unam poenam constituunt<sup>2</sup>. Unde Gregorius in *Moralib-* (lib. XVIII, c. 22; L. 76, 57), dicit : « *Eorum percussio hic cæpta, illic perficitur, ut incorrectis unum flagellum sit quod hic temporaliter incipit, sed in æternis suppliciis consummatur.* »

1. Ed. om, « ut ». — 2. Ed, « consistunt »

**725.** — « Quinque enim modis flagella contingunt etc.1. » (2a).

1. **Sed contra.** Hieronymus dicit : « *Quidquid patimur, peccata nostra meruerunt.* » Ergo omnia sunt ad punitiōnem.

2. **Præterea.** Augustinus dicit : « *Quidquid permiserit Deus pali, scias esse flagellum correctionis.* » Ergo omnes alii modi superfluent.

3. **Præterea.** Impium videtur alteri nocere, ut cessans a nocimento aliquis gloriam habeat, et daemonium operibus simile, ut patet ex vita B. Bartholomæi.

4. **Præterea.** Ad multa alia flagella ordinari in Scriptura leguntur, sicut ad probationem, ad exemplum justii iudicii Dei et huiusmodi.

**726.** — **Et dicendum** quod isti quinque modi distinguuntur penes bona quæ ex poenis a Deo inflictis in præsentii consequuntur, quæ sunt a Deo intenta. Hoc autem bonum *aut est in altero, et sic est quartus modus ; aut in eo qui punitur, et sic vel 2 est ordo iustitiæ, qui semper divino flagello adjunctus est, quia omnis pœna iusta ; et hoc cum præcisione aliorum est in quinio modo ; aut est utilitas quam ipse flagellatus consequitur ; quæ quidem potest esse vel quantum ad recessum a malo, et sic est modus tertius ; vel in ordine ad bonum aut conservandum, et sic est secundus modus ; aut augendum, et sic est primum.*

**727.** — **Ad primum** ergo dicendum quod pœnam semper præcedit peccatum in natura, sed non semper in persona puniti.

**728.** — **Ad secundum** dicendum quod flagellum quantum est de se, semper est corrigens ; sed ex defectu recipientis quandoque ad hunc effectum non pervenit.

**729.** — **Ad tertium** dicendum quod impium esset, si pœna iusta non esset. Nec tamen Deus tunc vult gloriam suam divulgari propter suam utilitatem, sed nostram.

**730.** — **Ad quartum** dicendum quod omnia alia possunt ad ista reduci ; quia probatio est ad augmentum meriti, et exemplum justii iudicii Dei ad gloriam Dei, et sic de aliis.

**731.** — « Non præveniet<sup>3</sup> sententiam iudicis » ; (3a) quia etsi sententia hominis præcedit non concordans sententiæ Dei, adhuc sententia Dei restat ; si autem concordat, est sententia Dei.

**732.** — « Levis enim culpa levi (3a) etc.4 ». Supplicium enim mortis præsentis leve dicitur in comparatione ad futurum supplicium. Culpæ etiam prænominatæ leves dicuntur in comparatione ad culpas majores, quæ quandoque minoribus pœnis temporalibus puniuntur.

**733.** — « Ex fonte gratiæ Dei etc. »5 (8). Non loquitur hic de gratia gratum faciente, quia hæc non datur ante perfectam

1. Ed. om. < etc. ». — 2. N. om. « ve] ». — 3. Ed. < prævenit ». — 4. Ed. om. etc. ». — 5. Ed. om. < etc. ».

poenitentiam ; sed de gratuitis donis, sicut fides informis et timor servilis et hujusmodi.

**734.** — « Si enim propter immisericordiam<sup>1</sup> qua quis etc.<sup>2</sup> » **(8a)**. Hoc<sup>3</sup> dicit secundum quamdam opinionem de qua infra habebitur, d. 214 **(78-84)**.

**735.** — « Qui diligit iniquitatem odit animam suam » **(10a)**, non affectu, sed effectu.

**736.** — « Immundis nihil est mundum » **(10b)** ; quia ipsi ex his quæ in se munda sunt, sicut sacramenta, munditiam non consequuntur.

**737.** — « Nihil prodest jejulare et orare, etc.<sup>5</sup> » **(10c)** scilicet ad vitam aeternam consequendam.

**738.** — « Nunquam aliquem sanavit. » **(15a)**.

**Contra.** Joann., ix, 7, dicit Glossa (L. 114, 395) : « *Quæritur quomodo sine fide aliquando\* illuminaverit Chrislus.* » Ergo ille fidem non habuit, et sic non totum curavit.

**739.** — **Et dicendum** quod Christus quemcumque curavit, totaliter curavit, et mente et corpore quantum ad omnes infirmitates corporales. Et ille totus fidem recepit primo, sed<sup>7</sup> indistinctam. Glossa tamen aliter solvit, quod scilicet hoc intelligitur de illis qui pro peccato morbum incurrerunt.

**740.** — « Quædam impietas infidelitatis etc.<sup>8</sup> » ; **(15b)** quia sequeretur quod vel Deus non omnia sciret peccata, vel non omnia horreret, vel non omnia remittere posset.

**741.** — « Ad baptismi puritatem » **(15c)** ; quantum ad remotionem omnium culparum.

**742.** — « Abluat lacrymis mentis » **(15c)**, idest interiori dolore quem lacrymæ exteriores significant. Et est locutio metaphorica.

**743.** — « Sciant, se culpabiliter durum etc.<sup>9</sup> » **(15c)** ; si scilicet contingat exteriorum lacrymarum defectus ex defectu doloris, ut homo minus doleat de peccato quam de damno temporali. Sed *quandoque* abundantia doloris lacrymas exsiccet propter calorem<sup>10</sup> concitatum ; *quandoque* autem homo se continet, ut coram solo Deo doleat ; *quandoque* etiam ex duritia complexionis est quod homo non potest flere corporaliter pro peccatis, etsi fleat pro morte amici, quia dolor ille est magis sensibilis, et ideo magis vicinus ad resolvendum corpus in lacrymas.

**744.** — « Emendare<sup>11</sup> nequiverit » **(16a)** ; scilicet in statu tali manens ; alias non esset ei imputandum.

1. Ed. « misericordiam d. — 2. Ed. om. « etc. ». — 3. Ed. « Hic ». — 4. Ed. om. « d. 21 ». — 5. Ed. om. « etc. ». — 6. Ed. « aliquem ». — 7. Ed. « et ». — 8. Ed. om. « etc. ». — 9. F. om. « etc. ». — 10. Ed. « dolorem ». — 11. F. « emundare ».

## DISTINCTIO XVI

De tribus quæ in pœnitentia consideranda sunt

1. — In perfectione autem pœnitentiæ tria observanda sunt : scilicet compunctio cordis, confessio oris, satisfactio operis.

a. — Unde Joannes Chrysostomus (Decret. de Pœn., d. 1, c. 40; L. 187, 1532; d. 3, c. 8; coi. 1595) : « *Perfecta pœnitentia cogit peccatorem omnia libenter ferre : in corde ejus contritio, in ore confessio, in opere toto humilitas. Hæc est fructifera pœnitentia,* » ut, sicut tribus modis Deum offendimus, scilicet corde, ore, opere<sup>3</sup>; ita tribus satisfaciamus.

b. — « *Sunt enim tres peccati differentiae, ut ait Augustinus (De serm. Domini in monte, lib. I, c. 12, n. 35; L. 34, 1247), et in corde et in facto et in consuetudine, vel verbo, tamquam tres mortes. Vna quasi in domo, scilicet cum in corde consentitur libidini; altera jam prolata quasi extra portam, cum in factum procedit assensio; tertia, eum viâ malæ consuetudinis tamquam mole premitur animus, vel noxiæ defensionis clypeo armatur, quasi in sepulcro jam fetens. Hæc sunt tria genera mortuorum quæ Deus legitur suscitasse.* »

Huic ergo<sup>7</sup> triplici morti triplici<sup>8</sup> remedio occurritur : contritione, confessione, satisfactione.

2. — Compunctio nobis commendatur ibi (Joel, ii, 13) : « *Scindite corda vestra, et non vestimenta vestra.* »

Confessio ibi (Prov., xviii, 17) : « *Justus in principio sermonis accusator est sui* »; vere enim confitetur qui se accusat, qui execrando malum sibi imputat; et ibi (ps. lxi, 9) : « *Effundite coram illo corda vestra* »; et item<sup>9</sup> (Jac., v, 16) : « *Confitemini alterutrum peccata vestra.* »

a. — Satisfactio a Joanne præcipitur, ubi ait (Luc., ni, 8) : « *Facite fructus dignos pœnitentiæ* », scilicet ut secundum qualitatem et quantitatem culpæ sit qualitas et quantitas pœnæ. « *Non enim par debet esse fructus boni operis ejus qui nihil vel minus peccavit, et ejus qui gravius cecidit.* » (Gregor., I Homil. in Ev., hom. 20, n. 8; L. 76, 1163).

3. — Ideo discretio pœnitenti valde necessaria est, ut illa gerat quæ Augustinus (De vera et falsa poenit., e. 14, n. 29; L. 40, 1124) tradit dicens : « *Consideret<sup>10</sup> qualitatem criminis in loco, in tempore, in perseverantia, in varietate personæ, et quali hoc fecerit tentatione, et in ipsius vitii multiplicitate executione. Oportet enim poenitere fornicantem secundum excellentiam sui status vel officii, vel secundum modum meretricis, et secundum modum operis sui, et qualiter turpitudinem egerit; si in loco sacro, si in tempore orationi constituto, ut sunt festivitates sanctorum<sup>12</sup> et tempora jejunii. Consideret quantum perseveraverit, et defleat quod perseveranter peccaverit, et quanta victus fuerit impugnatione — siint enim qui non solum non vincuntur, sed ultro se peccato offerunt; nec expectant tentationem, sed præve-*

1. Quar. « Os aureum ». — 2. Quar. « tota ». — 3. Quar. « manu ». — 4. Quar. « quasi prolata jam extra portam ». — 5. Quar. om. » vi ». — 6. Quar. « putens ». — 7. Quar. « igitur ». — 8. Ed. om. per hornot. « morti triplici ». — 9. Ed. « iterum ». — 10. Ed. « considerat ». — 11. Quar. « et in modo ». — 12. Quar. om « sanctorum ».

*niunt voluptatem — et pertractetl secum quam multiplici actione vitii delectabiliter peccavitl2. Omnis ista varietas confitenda est et deflenda, ut cum cognoverit quod peccatum est multum\*, cito inveniat Deum propitium. In cognoscendo augmentum peccati irceveniat etiam cujus aetalis fuerit, cujus sapientiae et ordinis. Immoretur in singulis istis et sentiat modum criminis, purgans lacrymis omnem qualitatem vitii. Defleat et virtutem qua interim caruit : dolendum est enim non solum quod peccavit, sed quia se virtute privavit. Defleat etiam quoniam «.offendens in uno, factus est omnium4 reus » (Jacob, ii, 10.) Ingratus enim exitit qui plenus virtutibus Deum omnino non timuit. In hoc enim quisque peccator fit culpabilior, quo est Deo acceptior. Ideo enim Adam plus peccavit, quia omni bono abundavit. Alio etiam modo « offendens in uno factus est omnium reus », quia omnis virtus patitur detrimentum ab uno vitio.*

**a.** — « Ponat se omnino in iudicio et potestate sacerdotis, nihil sui reservans sibi, ut omnia eo iubente paratus sit facere pro recipienda vita animæ quæ faceret5 pro evitanda corporis morte; et hoc cum desiderio, quia vitam recuperat infinitam. Cum gaudio enim facere debet immortalis futurus, quæ faceret pro differenda morte moriturus. Semper deprecetur Deum, semper offerat Deo mentem et cordis contritionem; deinde et quod potest, det de possessione; et<sup>o</sup> tunc quod offertl, securus offerat. « Respexit Dominus ad Abel, et ad munera ejus », (Genes., iv, 4). Prius dicit ad Abel quam ad munera ejus. In iudicio ergo\* cordis consideranda\* est eleemosyna tribuentis. Nec considerandum est quantum, sed qua mente, qua affectione dat quod potest. Qui ergo<sup>10</sup> sua peccata redimere vult temporalium oblatione, prius offerat mentem.

**4.** — Caveat ne ductus verecundia dividat apud se confessionem, ut diversa diversis velit sacerdotibus manifestare. Quidam enim uni celant quod alteri manifestandum<sup>11</sup> conservant : quod est se laudare et ad hypocrisim tendere et semper venia carere, ad quam per frustra putant pervenire.

**5.** — Caveat<sup>12</sup> etiam ne prius ad dominicum corpus accedat quam confortet sel<sup>0</sup> bona conscientia; et doleat quod nondum audeat sumere quem multum desiderat cibum salutarem. Cohibeat etiam se a ludis et a spectaculis sacculi qui perfectam vult consequi remissionis gratiam. Isti sunt digni fructus pœnitentiæ animam captivam elaqueantes, et in libertate servantes » (c. 15, n. 30, 31, coi. 1126).

Et infra (ibid.) : « Quærat anima dignos fructus, etsi non dignos pœnitentiæ. Sunt enim digni fructus, virtutum fructus<sup>11</sup>, qui non sufficiunt pœnitentibus. Pœnitentia enim graviores postulat, ut sic pacetur Ecclesia, ut pacatal<sup>0</sup> dolore et gemitibus mortuis<sup>10</sup> impetret vitam. »

Ex his ostenditur qui sint digni fructus pœnitentiæ, quibus vera satisfactio expletur; et quod non omnes digni fructus sunt digni fructus pœnitentiæ : quod de illa pœnitentia intelligitur quæ majorum est criminum. Non enim sufficiunt graviter delinquentibus quæ sufficient minus, vel parum peccantibus.

1. Ed. « pertractant ». — 2. Ed. « peccent ». — 3. Quar. om. « multum ». — 4. Ed. ad. « per ingratitude ». — 5. Ed. om. per homot. « pro recipienda vita animæ quæ faceret ». — 6. Quar. om. « et ». — 7. Quar. « offerat ». — 8. Quar. « igitur ». — 9. Quar. « conferenda ». — 10. Quar. « igitur ». — 11. Quar. « quæ... manifestanda ». — 12. Quar. « Paveat ». — 13. Quar. om. « se ». — 14. Quar. om. « fructus ». — 15. Quar. om. « sic pacetur Ecclesia, ut pacata ». — 16. Quar. « mortuus ».

## Quæ sit falsa satisfactio

6. — Et sicut sunt digni fructus pœnitentiæ ac vera satisfactio ; ita et indigni fructus, et falsa satisfactio, idest falsa pœnitentia.

a. — Unde Gregorius (VII, *Decret, de pœnit.*, d. 5, c. 6 ; L. 187, 1636) : « *Falsas poenitentias dicimus quæ non secundum auctoritates Sanctorum pro qualitate criminum imponuntur. Ideoque miles vel negotiator, vel alicui officio deditus quod sine peccato exerceri non possit, si culpis gravioribus irretitus ad pœnitentiam venerit, vel qui bona alterius injuste detinet, vel qui odium in corde gerit, recognoscat se veram pœnitentiam non posse peragere, nisi negotium relinquat, vel officium deserat, et odium ex corde dimittat, et bona quæ injuste abstulit, restituat. Nel tamen desperet; interim quidquid boni facere potest, hortamur ut faciat, ut Deus cor illius illustret ad pœnitentiam.* »

Cum sit pœnitentia interior et exterior<sup>2</sup>, de utraque per præmissa satis apparet quæ sit vera, et quæ sit falsa.

## De tribus actionibus pœnitentiæ

7. — Prædictis vero adjiciendum est<sup>3</sup> quod tribus modis agitur pœnitentia ; ante baptismum scilicet de prioribus peccatis ; post baptismum de gravioribus quæ post committuntur ; est etiam pœnitentia venialium quotidiana, quæ etiam humilium est et perfectorum.

Unde Augustinus (*Serm.* 351, c. 2, n. 2 ; L. 39, 1537) : « *Tres sunt actiones pœnitentiæ quas mecum eruditio vestra recognoscit. Una est quæ novum hominem parturit, donec per baptismum omnium præteritorum ablutio\* fiat peccatorum; quia nullus suæ voluntatis arbiter, nisi poeniteat eum veteris vitæ, novam inchoare potest. A qua parvuli sunt immunes, cum baptizantur, quia nondum possunt uti libero arbitrio, quibus tamen ad remissionem originalis peccati prodest eorum fides a quibus offeruntur.* »

a. — « *Altera est actio pœnitentiæ post baptismum, quæ fit pro illis peccatis quæ Legis decalogus continet* » (ibid. c. 4, n. 7). « *Agunt ergo homines pœnitentiam ante baptismum de peccatis prioribus, ita tamen ut etiam baptizentur, sicut Petrus ait (Act., n. 38) : « Pœnitentiam agite, et baptizetur unusquisque vestrum in nomine Domini, etc. » Agunt etiam pœnitentiam, si post baptismum ita peccaverint ut excommunicari et reconciliari postea\* mereantur* » (ep. 265, n. 7 ; L. 33, 1088).

« *Est etiam pœnitentia bonorum et humilium fidelium pene quotidiana, in qua pectora tundimus, dicentes : « Dimitte nobis debita nostra, etc. » Neque ea nobis dimitti volumus quæ dimissa nobis in baptismo non dubitamus ; sed illa quæ humanæ fragilitati, quamvis parva, tamen crebra subrepunt : quæ si collecta contra nos fuerint, ita nos gravabunt et oppriment, sicut unum aliquod grande peccatum. Quid enim interest ad naufragium, an uno grandi fluctu navis operiatur et obruatur, an paulalim subrepens aqua in sentinam per negligentium culpam impleat navem\*, et submergat<sup>7</sup>. Ideo jejunium et elemosynæ et orationes invigilent : in quibus cum dicimus : « Dimitte nobis debita nostra, etc., » manifestamus nos habere quod nobis dimittatur ; et in his verbis humiliantes animas nostras quotidianam agere pœnitentiam non cessamus* » (ibid. n. 8).

1. Quar. « Nec », — 2. Ed. om. « et exterior ». — 3. Ed. om. « est ».

4. Quar. « abolitio ». — 5. Quar. « post ». — 6. Quar. « navim ». — 7. Quar.

« submergatur » —

## De SATISFACTIONE VENIALIUM

**8.** — Quæ autem pro venialibus sit satisfactio sufficiens, Augustinus insinuat, ita inquit in *Enchir.* (c. 71 ; L. 40, 265) : « *De quotidianis et brevibus levibusque peccatis, sine quibus hæc vita non ducitur, quotidiana oratio fidelium satisfacit. Eorum enim est dicere : »* Pater noster qui es in cælis, etc. » *Delet omnino hæc oratio minima et quotidiana peccata ; delet et illa a quibus vita fidelium etiam scelerate gesta, sed poenitendo in melius commutata discedit, si ut veraciter dicitur : «* Dimitte nobis debita nostra » ; *ita veraciter dicatur : «* Sicut et nos dimittimus debitoribus nostris » ; *idest, sic fiat quod dicitur ; quia et ipsa eleemosyna est veniam petentibus omnino ignoscere. »*

*Ex his aliisque præmissis jam facile est intelligere quæ pro venialibus sit exhibenda satisfactio.*

Sufficit enim dominica oratio cum jejunio aliquo et eleemosynis ; sic tamen ut præcedat contritio aliquantula, et addatur confessio, si adsit facultas : de qua confessione post (d. 17) tractabitur.

Pro gravioribus vero peccatis hæc etiam in satisfatione adhibenda sunt, sed multo vehementius atque districtius ; quia, ut ait Augustinus (*Serm.* 351, c. 5, n. 2 ; L. 39, 1549), ad agendum<sup>3</sup> poenitentiam « *non sufficit mores in melius commutare et a malis factis recedere, nisi etiam de his quæ facta sunt, satisfiat Domino per poenitentiam dolorem, per humilitatis gemitum, per contritii cordis sacrificium, cooperantibus eleemosynis. »*

## DIVISIO TEXTUS

**9.** — « In perfectione autem poenitentiam etc. »

Postquam determinavit Magister de poenitentia generaliter, *hic ad partes poenitentiam descendit.*

Et dividitur in partes duas. *In prima* distinguit poenitentiam partes. *In secunda* movet quasdam quæstiones circa comparisonem partium poenitentiam ad invicem, 17 d., ibi : « Hic oritur quæstio multiplex etc. »

*Prima in duas. In prima* distinguit partes quasi poenitentiam integranes, scilicet contritionem, confessionem et satisfactionem. *In secunda* distinguit partes quasi subjectivas, ibi : « Prædictis vero adijciendum est, etc. » (7).

*Prima in duas. In prima* distinguit poenitentiam partes. *In secunda* docet poenitendi modum secundum partes illas, ibi : « Ideo discretio poenitenti etc. (3).

Circa primum duo facit. *Primo* ostendit numerum partium. *Secundo* singulas partes prosequitur, ibi : « Compunctio nobis etc. » (2).

« Ideo discretio poenitenti etc. » (3). Hic ostendit modum poenitendi. Et circa hoc duo facit. *Primo* ostendit modum dignæ poenitentiam ; *secundo* modum falsæ, ibi : « Et sicut sunt digni fructus etc. » (6).

1. Quar. om. « et », — 2. Quar. « si ». — 3. Quar. « agendum ». — 4. Quar.

Circa primum *tria* facit. *Primo* assignat ex verbis Augustini, naodum poenitendi quantum ad contritionem cordis; *secundo* quantum ad confessionem oris, ibi: « Caveat ne ductus verendia etc. » (4); *tertio* quantum ad satisfactionem operis in abstinendo a sacris et ab illicitis, ibi: « Caveat etiam ne prius etc. » (5).

« Prædictis vero adjiciendum videtur, etc. » (7). Hic assignat alias poenitentiae partes quasi subjectivas. Et circa hoc *duo* facit. *Primo* distinguit eas. *Secundo* prosequitur de altera earum, scilicet poenitentia venialium quæ habet specialem dubitationem, ibi: « Quæ autem pro venialibus etc. » (8).

Hic quærentur quatuor

*Primo* de partibus poenitentiae.

*Secundo* de remissione venialium in hac vita, quæ ad unam partem poenitentiae pertinet.

*Tertio* de circumstantiis peccati, secundum quas formari debet poenitentiae modus.

*Quarto* de impedimentis veræ poenitentiae.

## QUÆSTIO I

Circa primum quærentur duo

*Primo*, de partibus poenitentiae quasi integralibus.

*Secundo*, de partibus secundo assignatis.

### ARTICULUS I

[I]

[III, q. 90, a. 1.]

**10. — AD PRIMUM SIC PROCEDITUR.** Videtur quod poenitentia partes non habeat.

**1.** Nullum enim simplex habet partem. Secundum autem<sup>3</sup> Ambrosium « *omne sacramentum est simplex* ». Ergo poenitentia, cum sit sacramentum, non habet partes.

**2. Præterea.** Baptismus multiplicior est virtute quam poenitentia; quia originale et actuale quantum ad culpam et poenam totaliter tollit: quod de poenitentia non est verum. Ergo cum baptismo non assignentur partes, nec poenitentiae partes assignari debent.

f. η et c « est », sed η expungit et ad. « videtur ». — 2. F. ad. « et ». — 3. Ed. « Sed secundum ».

3. **Præterea.** Medicina debet proportionari morbo. Sed peccatum quod est morbus spiritualis, cujus pœnitentia est medicina, non habet hujusmodi partes. Ergo nec pœnitentiæ partes assignandæ sunt.

11. — **SED CONTRA.** Pœnitens pœnam sibi infert pro peccato debitam. Sed pro peccato in Deum commisso non solum debetur pœna interior, sed exterior, ut patet in inferno. Ergo ad perfectionem pœnitentiæ utraque pœna requiritur. Ergo pœnitentia habet partes.

12. — **Præterea.** Morbus spiritualis majori diligentia est curandus quam corporalis. Sed curatio *quæ fit* contra morbum corporalem secundum aliquas partes distinguitur, quia primo tollitur morbus et postea morbi reliquial. Ergo et pœnitentia quæ est spiritualis morbi curatio, partes habere debet.

## [II]

[*Infra*, d. 17, q. 3, a. 3, sol. 4 ; d. 22, 113 ; III, q. 90, a. 2 ;  
IV Cg., c. 72 ; *de Eccles. Sacram.*]

13. — **ULTERIUS.** Videtur quod inconvenienter assignentur ET HÆ TRES PARTES : SCILICET CONTRITIO, CONFESSIO ET SATISFACTIO.

1. Sacramentum enim a ministris Ecclesiæ confertur secundum omnem sui partem. Sed contritionem non confert pœnitenti aliquis Ecclesiæ minister. Ergo non est pars pœnitentiæ sacramenti.

2. **Præterea.** Per pœnitentiæ sacramentum peccatum dimittitur. Sed ante confessionem quandoque peccatum dimittitur, ut *infra* (d. seq.) Magister ostendit. Ergo non est pars pœnitentiæ.

3. **Præterea.** In sacramento novæ legis gratia suscipienti confertur. Sed in satisfactione non confertur aliqua gratia. Ergo non est sacramenti pars.

4. **Præterea.** Non est idem fructus rei et pars. Sed « *satisfactio* dicitur in *Littera (2a) pœnitentiæ fructus* ». Ergo satisfactio non est pœnitentiæ pars.[III]

## [III]

[III, q. 90, a. 3.]

14. -- **ULTERIUS.** Videtur quod sint partes subjective

1. Quia ista? partes pœnitentiæ, ut in *Littera (1)* patet, sumuntur secundum peccatum cordis, oris et operis. Sed hæ sunt partes subjective? peccati. Ergo et partes pœnitentiæ assignatæ, sunt partes subjective? ipsius.

2. **Præterea.** Totum intégrale non sequitur ad suam partem. Non enim sequitur : Si paries est, domus est. Sed pœnitentia sequitur quamlibet partium assignatarum. Sequitur enim : Contritur, ergo pœnitet ; et similiter de aliis. Ergo non sunt partes intégrales, sed subjectivæ.

3. **Præterea.** Partes intégrales alicujus totius quod habet esse permanens, sunt simul. Sed pœnitentia habet esse, permanens, sicut et alia sacramenta. Ergo cum pœnitentiæ partes non sint simul, non erunt partes intégrales, sed subjectivæ.

15. — **SED CONTRA.** Partes subjectivæ non requiruntur ad perfectionem totius universalis ; quia in qualibet parte perfecta ratio totius invenitur, sicut perfecta ratio animalis in homine. Sed partes pœnitentiæ assignatae, ad ejus perfectionem requiruntur, ut in *Liltera* (1) dicitur. Ergo non sunt partes subjectivæ.

16. — **Præterea.** Nihil unum aliquid habet partes subjectivas, sicut unum animal non habet partes subjectivas. Sed unius pœnitentiæ partes sunt assignatæ partes : quod patet ex hoc quod de uno peccato non agitur nisi una pœnitentia, in quantum prædicta tria inveniuntur. Ergo non sunt partes subjectivæ.

## [IV]

[III, q. 90, a. 1, 2.]

17. — **ULTERIUS.** Videtur quod sint partes etiam pœnitentiæ virtutis.

1. Sicutl dicitur in *X Eth.* (k 8. 1178a, 34-5 ; l. 12, n. 2119), ad perfectionem virtutis moralis requiritur actus interior et exterior. Sed pœnitentia est virtus moralis, cum sit pars justitiæ. Ergo de perfectione ejus est contritio interior, et confessio, et satisfactio exterior ; et sic sunt partes ejus sicut pœnitentiæ sacramenti.

2. **Præterea.** Satisfactio est actus alicujus virtutis, nec alterius quam pœnitentiæ ; et similiter de aliis. Ergo sunt partes pœnitentiæ virtutis, non solum sacramenti.

3. **Præterea.** Justitia exigit ut per quæ quis peccat, per hæc puniatur. Sed hæc tria quæ assignantur pœnitentiæ partes, sunt quædam pœnæ respondentes illis quibus peccamus. Ergo ad perfectionem justitiæ exiguntur. Sed nonnisi quantum ad partem illam qua? pœnitentia dicitur. Ergo sunt partes pœnitentiæ virtutis.

18. — **SED CONTRA.** Actus non est pars habitus. Sed pœni-

1. Ed. ad. « enim ». —

tentia virtus est habitus. Hæc autem tria sunt actus **quidam**. Ergo non sunt partes pœnitentiæ virtutis!

**19. — Præterea.** Subjectum virtutis est mens, secundum Augustinum (lib. IV *De cio. Dei*, c. 4; L. 41, 258), sed confessio, non est in mente sicut in subjecto, similiter nec satisfactio. Ergo non sunt pœnitentiæ virtutis partes.

**20. — RESPONSIO.** Dicendum **AD PRIMAM QUÆSTIONEM** quod in pœnitentia non est pro materia aliqua exterior res, sicut in baptismo aqua; sed ipse actus humanus loco materiæ in hoc sacramento se habet, qui per quamdam recompensationem offensam culpæ præcedentis tollit.

**21. — In** actibus autem humanis est gradus quidam ad perfectionem pertingendi propter diversas partes hominis, quarum una aliam movet. Et ideo oportet quod **diversa secundum ordinem ad perfectionem pœnitentiæ** considerentur. Et hæc dicuntur **pœnitentiæ partes**.

**22. — AD PRIMUM** ergo dicendum quod dubitatur de illa auctoritate, utrum sit Ambr osii.

*Si tamen concedatur*, intelligendum quod sacramentum est simplex ratione effectus principalis, et virtutis simplicis qualiter operatur. Sed materiale in sacramento potest esse compositum: sicut patet in confirmatione et eucharistia. *El sic etiam ex parte actus nostri qui est quasi materialis in pœnitentia, partes ei assignantur.*

**23. — Ad secundum** dicendum quod partes non assignantur pœnitentiæ ex parte virtutis sacramentalis, sed *ex parte ejus quod est materiale in ipsa*.

**24. — In baptismo** autem est materiale res exterior, in qua non est accipere nisi unum esse. Et ideo baptismo partes non assignantur; quia etsi sit aliquis actus noster in baptismo, ille non est de essentia baptismi, sed dispositio ad baptismum.

**25. — Ad tertium** dicendum quod « *bonum*, secundum Dionysium (*De dio. nomin.*, c. 4, n. 30; G. 3, 730) *causatur ex una etâ integra causa* »; sed ex singulis defectibus consurgit malum. Et ideo ad integritatem peccati sufficit in quocumque gradu humani actus defectus inveniatur. Et propter hoc peccato partes quasi intégrales non assignantur, sicut pœnitentiæ quæ bonitatem amissam reparat.

**26. — AD SECUNDAM QUÆSTIONEM** dicendum quod, sicut dictum est (20), pœnitentia offensam culpæ præcedentis abolet per modum recompensationis cujusdam. **Hæc autem**

1. F. om. totum argumentum per homoV — 2. F. « quam ». — 3. Ed. om. « et ».

**recompensatio differt a recompensatione vindicativæ justitiæ in duobus.**

**Primo** quia *in vindicativa justitia* ille qui peccavit, se habet ad recompensationem ut patiens tantum, in quantum pœna per quam fit culpæ recompensatio, est ab alio inflicta. Et ideo non præsupponitur ad recompensationem dolor de peccato, sed ex pœna recompensante dolor infligitur. *In pœnitentia* autem ille qui peccavit, se habet ad recompensationem etiam ut agens ; quia ipse sponte sua ad pœnam recompensantem accedit. *Et ideo displicentia culpæ præexigitur.*

**27. — Secundo** differt, *quia in vindicativa justitia* taxatur pœna recompensans secundum arbitrium judicis, non ejus in quem commissum est ; quia talis recompensatio fit ad reconciliandum animum offensi : quæ reconciliatio esse non potest, nisi pœna recompensantis voluntati ejus sufficiat. Et ideo oportet (*n pœnitentia* quod modus pœnæ satisfactoriæ secundum arbitrium sacerdotis qui vicem Dei obtinet, servetur.

**28. — Utrique ergo recompensationi hoc commune est** quod non fiat recompensatio secundum arbitrium ejus qui peccavit, sed alterius hominis. Arbitrium autem rectum requirit cognitionem culpæ : quæ quidem si ei qui debet pœnam taxare, per eum qui peccavit fiat, *confessio* dicitur ; si autem alias, dicitur *convictio*. Quia in pœnitentia sponte qui peccavit, ad recompensationem faciendam accedit, requiritur confessio<sup>2</sup>.

**29. — El sic recompensatio tribus gradibus perficitur.** Quorum *primus* est displicentia culpæ præteritæ : alias non sponte ad recompensationem accederet ; et hic per **contritionem** perficitur.

*Secundus* est ut culpam suam notificet Deo per sacerdotem ; alias non se ad recompensationem secundum arbitrium ejus in quem peccavit, offerret ; et quantum ad hoc est **confessio**.

*Tertius* est ut compenset secundum arbitrium sacerdotis ; et quantum ad hoc est **satisfactio**.

**30. — AD PRIMUM** ergo dicendum quod *in sacramentis quæ habent pro materia aliquam rem corporalem, est duplex actus ministri Ecclesiæ ; scilicet sanctificatio materiæ per verbum Dei, et applicatio materiæ ad eum qui sacramentum suscipit.*

**31. — Sed in hoc sacramento quod habet pro materia ipsum humanum actum,** non potest ex ministerio sacerdotis materia applicari ad eum qui sacramentum suscipit, quia actus non sunt ab exteriori. Et ideo ad ministerium ipsius pertinet ipsorum actuum consummatio secundum absolutionem et pœnæ injunctionem : quod est quasi quædam sanctificatio.

1. F. « contritio » et ed. ad. « Et ». — 2. Ed. « satisfactio ».

**32.** — **Ad secundum** dicendum quod quamvis *peccatum* dimittatur ante actualem confessionem, *nunquam tamen dimittitur ante confessionem in proposito existentem* : sicut etiam ante baptismum actualiter susceptum aliquis rem baptismi consequitur ex proposito suscipiendi baptismum.

**33.** — **Ad tertium** dicendum quod *ex proposito satisfaciendi gratia confertur*, quamvis satisfactio actualis gratiam præsupponat.

**34.** — **Vel dicendum** quod per satisfactionem consequitur pœnitens perfectum effectum gratiæ peccatum abolentis, quia liberatur totaliter a reatu peccati.

**35.** — **Ad quartum** dicendum quod ultimum in quo consummatur res, dicitur finis rei, sicut forma habet rationem finis. Et quia satisfactio est ultima pars in qua pœnitentia consummatur, ideo dicitur fructus quod in rationem finis sonat.

**36.** — **AD TERTIAM QUÆSTIONEM** dicendum quod *Quidam* dicunt quod sunt **partes subjectivæ**, uno modo pœnitentiam considerando secundum quod habet tantum rationem pœnæ ; quia quælibet harum partium est punitio quædam.

**37.** — **Sed hoc non potest esse** ; quia totum universale non prædicatur in singulari de suis partibus pluralibus simul acceptis, sive sit genus, sive species : tres enim homines non sunt animal, sed animalia. Unde cum **tres partes pœnitentiæ** non sint tres pœnitentiæ, sed una, **non potest esse quod sint partes subjectivæ**.

**38.** — **Præterea**. Pœna quam pœnitens patitur, tota in rationem satisfactionis cadit. Non enim sola exteriori pœna homo satisfacit, sed etiam interiori ; alias oratio mentalis non esset satisfactoria. Unde et pœna quæ est in contritione et quæ est in confessione, in partem satisfactionis cadit. Et quia satisfactio est ultima pars, fctum sacramentum a pœna denominatur, sicut res denominatur ab ultimo sui.

**39.** — **Et ideo** *Al ii* dicunt quod sunt **partes potentiates**.

**Sed hoc iterum non potest esse** ; quia in partibus potentialibus totum adest secundum essentiæ suæ rationem cuiuslibet parti complete, sicut essentia animæ<sup>2</sup> cuiuslibet potentiæ ; sed tota ratio pœnitentiæ secundum speciem non est in quolibet horum.

**40.** — **Præterea**. Unum eorum non includit in se vim omnium aliorum : quod requiritur in partibus potentialibus ; sed unumquodque ad suum officium servit.

**41.** — **Ideo dicendum** est cumzaliis, quod sunt partes **intégraes**. **Sed sciendum** quod partes intégraes sunt *duplices*. *Quædam*

1. ζηθικ ad. « est », sed ζ expungit ; F. « qui ». — 2. ζηθικ « essentielle ».

*sunt partes quantitatis* : quæ sunt *quandoque unius rationis*, ut in totis homogeneis ; *quandoque vero diversarum rationum*, ut in totis heterogeneis. *Quædam vero sunt partes essenliæ*, sicut materia et forma, non quantitatis. Et hæ semper sunt diversarum rationum, et habent ordinem naturæ ad invicem, et quandoque etiam ordinem temporis in his quorum esse non est simul. **Et hujusmodi partes sunt hæ de quibus loquimur** ; quia pœnitentiæ sacramentum secundum rationem suæ speciei ex his tribus integratur. Et una est prior altera secundum naturam, et quandoque etiam secundum tempus ; eo quod actuum humanorum, qui sunt in pœnitentia materiales, non est totum esse, simul, sed succedunt sibi invicem ; sed quandoque plures eorum quorum unus est alterio prior per naturam, sunt simul tempore.

42. — **AD PRIMUM** ergo dicendum quod *partes pœnitentiæ non respondent illis peccati partibus* singula singulis secundum veritatem ; quia pro quolibet illorum peccatorum oportet esse pœnitentiæ tres partes ; sed *per adaptationem quamdam*, considerata similitudine medicinæ ad morbum quantum ad idem instrumentum.

43. — *Quidam enim dicunt quod in quolibet peccato est invenire illa tria* ; quia os est interius et exterius ; et actus interior et exterior. Et sic etiam ista tria erunt partes subjectivæ peccati.

44. — **Sed patet hoc non esse secundum intentionem Litteræ (Ia)**, quæ de ore exteriori et opere loquitur.

45. — **Ad secundum** dicendum quod in partibus successivorum ex qualibet parte potest concludi totum, sicut : Hora tertia est, ergo dies ; non tamen totum de una parte prædicatur ; non enim dicimus quod hora sit dies. Sed tamen de omnibus partibus simul acceptis aliquo modo invenitur prædicari totum, licet improprie. *Ei sic etiam de qualibet parte pœnitentiæ poenitentia concluditur*, eo quod pœnitentia non habet totum esse suum simul. Non tamen totum de partibus prædicatur neque divisim neque conjunctim proprie loquendo.

46. — **Ad tertium** dicendum quod *illud quod est materiale in pœnitentia, esi actus nostri* ; et quia actus non habent esse permanens, ideo nec pœnitentia. Et sic objectio ex falso procedit.

47. — **AD QUARTAM QUÆSTIONEM** dicendum quod ab eo quod sequitur rem, non accidit aliqua compositio in re, quia componentia sunt priora componentibus. Unde cum actus nostri sint posteriores virtutibus a quibus eliciuntur, diversi actus qui secundum ordinem a virtute aliqua progrediuntur, non faciunt compositionem aliquam in virtute. **Et ideo prædicta tria non sunt partes pœnitentiæ virtutis, sed pœnitentiæ sacramenti** ;

quia ipsi actus sunt quasi materia sacramenti, et penes divisionem materiæ partes rei sumuntur quandoque.

**48.** — **AD PRIMUM** ergo dicendum quod actus exteriores requiruntur ad perfectionem secundam virtutum moralium; partes autem intégrales oportet quod sint de perfectione prima.

**49.** — **Ad secundum** dicendum quod quamvis tria prædicta sint actus poenitentiae virtutis, non tamen sequitur quod sint partes ejus; quia in quolibet dicatorum actuum inveniuntur omnes circumstantiae quibus integratur medium virtutis.

**50.** — **Ad tertium** dicendum quod ad poenitentiam virtutem requiruntur ista tria, sed non ut partes, sed *ut actus*, ut dictum est (47).

## ARTICULUS II

[I]

[III, q. 90, a. i.]

**51.** — **AD SECUNDUM SIC PROCEDITUR.** Videtur quod **POENITENTIA ANTE BAPTISMUM NON DEBEAT PONI PARS POENITENTIE.**

1. Baptismus enim janua sacramentorum est, et poenitentia dicitur *secunda tabula* respectu baptismi. Sed secundum non est ante primum. Ergo poenitentia non est aliqua ante baptismum.

2. **Præterea.** Ei qui non est generatus in aliqua natura, non competit actio illius naturæ. Sed baptismus est quædam generatio in spiritualem vitam. Ergo ei qui non est baptizatus, non convenit aliqua actio spiritualis vitæ. Sed poenitentia est hujusmodi, cum sit quoddam sacramentum. Ergo non potest alicui competere ante baptismum.

3. **Præterea.** Poenitentia non ordinatur nisi contra culpam. Sed culpa actualis sufficienter in baptismo deletur. Ergo non oportet quod poenitentia baptismum præcedat.

**52.** — **SED COS! RA.** Mat., iii, 5, super illud: « *Exibant autem multi*, etc. » dicit Glossa (L. 114, 79): « *Jam tunc exemplum baptizandis dabatur confitendi peccata et promittendi meliora.* » Sed hoc pertinet ad poenitentiam. Ergo ante baptismum debet esse poenitentia.

**53.** — **Præterea.** Super illud ps. (iv, 5: « *In cubilibus vestris*, etc. ») dicit Glossa (L. 113, 849): « *Ut exineto veteri homine per poenitentiam, sacrificium justitiæ per regenerationem novi hominis offeramus Deo.* » Sed regeneratio ad baptismum pertinet. Ergo poenitentia aliqua est ante baptismum.

1. Ed. om. per homot. « ut partes, sed ». 2. N. ad. « actualem ». — 3. Ed. « *Tunc exhibat ad eum* ».

## [II]

**54. — ULTERIUS.** Videtur quod pœnitentia ante baptismum **NON SOLUM SIT DE ACTUALI, SED ET DE ORIGINALI PECCATO.** Augustinus in 2 lib. De pœnitentia [serm. 351, c. 2; L. 39, 1537], dicit loquens de pœnitentia ante baptismum : « *Exceptis parvulis, nullus ad Christum transit, nisi incipiat esse quod non eral, nisi pœnileal eum fuisse quod eral.* » Sed erat infectus non solum actuali, sed etiam originali peccato. Nisi enim de hac infectione loqueretur, parvulos non exciperet qui aliam infectionem non habent. Ergo de peccato originali debet esse pœnitentia ante baptismum.

2. **Præterea.** Pœnitens infert sibi pœnam, ut evadat illam quæ a Deo sibi infligenda erat. Sed pro peccato originali poena a Deo infligitur. Ergo pro eo debet hanc poenitentiam agere.

3. **Præterea.** Secundum hoc de peccato actuali poenitentiam agimus quod ipsum nobis displicet. Sed peccatum originale debet nobis displicere<sup>3</sup>. Ergo de eo debemus poenitentiam agere.

**55. — SED CONTRA.** Pœnitentia est respectu<sup>4</sup> voliti. Sed peccatum originale contrahimus nolentes. Ergo de ipso non est pœnitentia.

**56. — Præterea.** Medicina debet respondere morbo. Sed peccatum originale non contrahitur per aliquam delectationem ejus qui ipsum contrahit. Ergo videtur quod non sit ejus curatio per aliquam pœnam ; et ita non per poenitentiam quæ suo nomine pœnam exprimit.

## [III]

[IU, q. 90, a. 4.]

**57. — ULTERIUS.** Videtur quod non debeat post baptismum aliqua poenitentia venialium distinguì.

1. Quia superfluum est facere per multa quod per unum potest fieri. Sed veniale peccatum curatur per eucharistiam. Ergo superfluum est quod ad ipsum curandum pœnitentia ordinetur.

2. **Præterea.** De eo quod non est in potestate nostra, non requiritur pœnitentia. Sed peccata venialia vitare non est in potestate nostra ; quia nullus potest omnia peccata venialia vitare. Ergo de venialibus non est pœnitentia.

3. **Præterea.** Diversorum morborum diversæ sunt medicinæ ; quia secundum Hieronymum [in Mare., ix, 28; L. 30, 616], « *non*

1. Ed. ad. « Nam ». — 2. Ed. om. « in ». — 3. F. om. per homot. « Sed peccatum originale debet nobis displicere ». — 4. ζῆθος « idem », sed ζῆτι cor.

*sanat oculum quod sanat calcaneum.* » Sed pœnitentia est remedium contra mortale. Cum ergo veniale a mortali in infinitum differat, ut pœna ostendit, videtur quod contra veniale pœnitentia non ordinetur, sed contra mortale.

**58. — SED CONTRA.** Quod potest majus, potest et minus. Sed pœnitentia destruit mortale, quod est difficilius. Ergo et veniale.

**59. — Præterea.** Secundum Augustinum (lib. *De vera el falsa pœnitentia*, c. 8 ; L. 40, 1120), « *pœnitentia est vindicta puniens in se quod dolet commisisse.* » Sed aliquis debet dolere de hoc quod commisit veniale, et hoc in se punire. Ergo pœnitentia quædam est de venialibus.

## [IV]

[III, q. 90. a. 4.]

**60. — ULTERIUS.** Videtur **QUOD TENEAMUR AD PœNITENTIAM VENIALIUM.**

1. Quia *sicut* tenetur homo tendere ad gloriam, *ita* tenetur impedimentum gloriæ remove. Sed homo non potest ad gloriam pervenire nisi dimissis venialibus peccatis. Ergo cum non remittantur sine pœnitentia, videtur quod ad poenitentiam agendam de venialibus homo teneatur.

2. **Præterea.** Quoddam veniale peccatum per consensum fit mortale ; quia consensus in delectationem mortalis peccati est mortale peccatum. Sed homo tenetur vitare mortale peccatum<sup>1</sup>. Ergo tenetur dissentire<sup>2</sup> veniali peccato aliquando. Sed dissensus ad peccatum<sup>3</sup> est pœnitentiæ<sup>4</sup>. Ergo tenetur homo de peccato veniali aliquando poenitere.

**61. — SED CONTRA.** Nullus tenetur abolere jam factum, quod non tenetur vitare antequam fiat. Sed homo non tenetur vitare veniale peccatum antequam faciat; alias peccaret mortaliter faciens ipsum. Ergo multo minus tenetur poenitere de eo.

## [V]

[III, q. 90. a. 3.]

**62. — ULTERIUS.** Adetur quod partes istæ tres non **SINT SUFFICIENTES.**

1. Quia *sicut* post baptismum peccatur venialiter et mortaliter ; *ita* ante baptismum. Sed post baptismum distinguitur

1. ζῆ om. per homol. « Sed homo tenetur vitare mortale peccatum ». — 2. Ed. ad. « a ». — 3. Ed. « a peccato ». — 4. Ed. « poenitentia ». — 5. N. om. « et ».

pœnitentia venialis et mortalis peccati. Ergo etſ ante baptismum ; et sic sunt quatuor.

2. **Præterea.** Plus distat pœna a culpa quam veniale a mortali. Sed de pœnis præsentis miseræ oportet pœnitere, ut Augustinus dicit in lib. *De pœnitentia* (serm. 351 ; L. 39, 1537). Ergo cum distinguatur pœnitentia venialium a pœnitentia mortalium, debet etiam distingui pœnitentia qua pœnitemus de pœnis peregrinationis, a pœnitentia venialium.

3. **Præterea.** Pœnitentia solemnis est quidam pœnitentiæ modus, ut supra (d. 14, q. 1, a. 5) dictum est. Ergo cum de ipsa mentionem non faciat, videtur insufficienter partes pœnitentiæ ponere.

63. — **RESPONSIO.** Dicendum **AD PRIMAM QUÆSTIONEM** quod pœnitentia potest accipi *dupliciter* : scilicet ut est virtus, et ut est sacramentum.

64. — *Secundum autem quod est virtus*, importat detestationem peccati cum proposito abolendi ipsum secundum conditionem status peccantis. Et quia quicumque non detestatur peccatum, adhuc voluntatem in peccato fixam habet, cum voluntas semel ad aliquid fixa, ab illo non divellatur quin actu vel habitu in eo maneat, nisi per actualem dissensum ad illud<sup>2</sup>, vel in speciali, vel saltem in genere. Voluntas autem in peccato fixa manens, non est susceptiva gratiæ baptismalis. Ideo requiritur ante baptismum, quasi removens prohibens, peccati commissi detestatio et destructionis ejus propositum : quod<sup>3</sup> quidem est per baptismum. Et ideo patet quod **ante baptismum requiritur pœnitentia secundum quod est virtutis actus**<sup>4</sup>, quæ sit prior baptismo tempore vel saltem natura.

65. — Sed *pœnitentia, secundum quod est sacramentum*, consistit in dispensatione ministrorum. Ecclesiæ. Et quia Ecclesiæ sacramenta non dispensantur nisi illis qui sunt de Ecclesia, ergo<sup>5</sup> **ante baptismum sacramentum pœnitentiæ non competit**, cum per baptismum homo de Ecclesia fiat.

Et per hoc patet solutio ad objecta, præter tertium.

66. — **Ad tertium** dicendum quod *pœnitentia non requiritur ante baptismum* propter baptismi insufficientiam, sed *propter impedimentum removendum gratiæ baptismalis*. ut baptismus suum effectum habere possit.

67. — **AD SECUNDAM QUÆSTIONEM** dicendum quod pœnitentiæ<sup>6</sup> potest sumi large et proprie. **Proprie** quidem *pœni-*

1. Ed. « nos pœnitet ». — 2. Ed. « ab illo ». — 3. F. « » ; λ. om. « quod quidem est per baptismum ». — 4. N. ad. « vel ». — 5. Ed. « ideo ». — 6. Ed\* ad. « quidem ».

*tenlia importat dolorem de peccato commisso in præterito. Et sic nullo modo potest esse pœnitentia de originali peccato, quia non est commissum.*

**68.** — *Large autem potest dici pœnitentia omnis displicentia mali præteriti. Et sic in eo qui liberum arbitrium habet, debet esse pœnitentia de originali ; quia ex hoc ipso quod alicui placet aliquid, displicet ei quod ad illud impedimentum præstitit.*

*Peccatum autem originale impedimentum gloriæ fuit, ad quam quilibet desiderio tendere debet. Non tamen de eo debet esse confessio, quæ non est nisi factorum ; nec satisfactio, quia pro peccato originali non debetur nisi pœna damni, pœnitentia autem importat pœnam sensus.*

*Et per hoc patet solutio ad objecta.*

**69.** — **AD TERTIAM QUÆSTIONEM** dicendum quod veniale peccatum ex nostro actu incurrimus, et *ei* pœna sensibilis debetur. **Et ideo ad peccati venialis dimissionem pœnitentia operatur quantum ad contritionem, confessionem et satisfactionem ; non solum pœnitentia secundum quod est virtus, sed etiam secundum quod est sacramentum,** quia post baptismum aliquis venialiter peccat, quando est susceptivus sacramentorum Ecclesiæ.

**70.** — **AD PRIMUM** ergo dicendum quod ad eundem effectum principaliter inducendum, superfluum est plura inducere, si quodlibet sit sufficiens. Sed nullum sacramentum inducitur ad peccati venialis dimissionem, sicut ad principalem effectum, ut supra in 2 dl (**31-2**) dictum est. *Et ideo non est inconueniens si ex multis sacramentis peccati venialis dimissio consequitur.*

**71.** — **Ad secundum** dicendum quod quamvis non sit in potestate nostra vitare omnia venialia, *esi tamen in potestate nostra vitare singula.*

**72.** — **Ad tertium** dicendum quod *veniale et mortale* quamvis sint diversi morbi, tamen *conueniunt in una ratione actualis peccati.* Et ideo contra utrumque pœnitentia medicina est.

**73.** — **AD QUARTAM QUÆSTIONEM** dicendum quod cum dicitur aliquis ad aliquid teneri, quædam necessitas importatur ad illud.

*Necessitas autem est duplex. Una est absoluta.* Et secundum hanc homo tenetur facere illa sine quibus non est salus. **Et sic non tenetur ad peccati venialis pœnitentiam,** quia mortem ex hoc non incurrit ; nisi forte de contemptu dimittat.

74. — *Alia est ex suppositione alicujus finis* : sicut dicitur

aliquid esse necessarium sine quo non possumus finem intentum consequi. **Et hoc modo necessarium est quod homo de venialibus pœniteat**, si ei remitti debeant in hac vita.

75. — Sed secundum hoc non proprie dicitur teneri aliquis ad aliquid ; et ideo dicendum, quod **homo non tenetur ad pœnitentiam venialium, nisi large sumendo**.

76. — **AD PRIMUM** ergo dicendum quod si nunquam de venialibus pœniteat, potest ad vitam pervenire ; quia *etiam post hanc vitam venialia remittuntur*, ut infra (127) dicitur.

77. — **Ad secundum** dicendum quod dissensus dicit renitentiam ad peccatum futurum ; sed *pœnitentia dicit displicentiam peccati prælerili*. Et ideo non oportet quod dissensus ad poenitentiam pertineat.

78. — **AD QUINTAM QUÆSTIONEM** dicendum quod *istæ partes pœnitentiæ distinguuntur secundum diversos modos quibus pœnitentia agitur*. Unde *sunt partes subjectivæ pœnitentiæ virtutis*, non pœnitentiæ sacramenti, quia una pars non pertinet ad pœnitentiæ sacramentum, quamvis aliæ duæ ad poenitentiam secundum quod est sacramentum, pertinere possint.

79. — Et accipiuntur isti modi secundum diversum statum pœnitentis ; quia *aut est extra Ecclesiam etiam numero*, et sic est *prima pœnitentia* quæ est ante baptismum ; *aut est extra merito*, sed non numero, et sic est *secunda* quæ est de mortalibus ; *aut omnino est intra Ecclesiam*, et sic competit ei *tertia* quæ est de venialibus.

80. — **AD PRIMUM** ergo dicendum quod *status hominis etiam ante baptismum non diversificatur per veniale et mortale quantum ad hoc quod est esse de Ecclesia vel non esse ; sed diversificatur post*, quia per mortale post baptismum commissum efficitur aliquis extra Ecclesiam *merito*, sed non per veniale. *Et ideo non est similis ratio*.

81. — **Ad secundum** dicendum quod de poenis dicitur esse pœnitentia ab Augustino, secundum quod inclinatur ad culpam, *longe etiam pœnitentiam pro displicentia sumendo*.

82. — **Ad tertium** dicendum quod pœnitentia solemniter non diversificatur statum pœnitentis quantum ad id quod dictum est. Et ideo de ea non fit hic mentio.

4. ηθ « illæ », contra ζικ et ed. — 2. F. om. « pœnitentiæ ». — 3. F. om. per *homol.* « sacramenti... pœnitentiæ ». — 4. Ed. om. « etiam ». — 5. F. « diversificatur ». — 6. F. ad. « per veniale et mortale ».

## QUÆSTIO II

Deinde quaeritur de remissione venialium.

Et circa hoc quaeruntur duo.

*Primo*, de modo remissionis.

*Secundo*, de causa remissionis.

## ARTICULUS I

[I]

[III, q. 87, a. 1.]

**83. — AD PRIMUM SIC PROCEDITUR.** ADdetur quod PECCATUM VENIALE POSSIT DIMITTI VOLUNTATE MANENTE AD ILLUD.

1. Voluntas enim peccati venialis gratiam non excludit. Sed nullum peccatum veniale est quod gratia remittere non possit, cum remittatur per virtutem gratiæ mortale, quod multo difficilius est. Ergo veniale dimitti potest adhuc manente voluntate ad illud.

2. **Præterea.** *Sicut* peccatum mortale caritati opponitur, *ita* veniale fervori caritatis. Sed illud quod secum compatitur caritas non impedit dimissionem peccati mortalis. Ergo cum voluntatem permanentem in peccato veniali compatiatur fervor caritatis, videtur quod veniale remitti possit in eo qui adhuc habet voluntatem adhaerentem veniali.

3. **Præterea.** Sicut dictum est (54), voluntas ad hoc quod removeatur ab eo in quo semel fuit fixa, requiritur actualis displicentia. Sed aliquando veniale peccatum dimittitur ei qui non habet displicentiam de veniali peccato : sicut patet in Martyribus qui statim evolant, quamvis forte de peccatis venialibus non cogitent, nec actualem displicentiam habeant. Ergo videtur quod veniale peccatum dimitti possit adhuc manente voluntate<sup>2</sup> in illo.

**84. — SED CONTRA.** Manente causa non potest tolli effectus. Sed adhaerentia voluntatis inordinata ad aliquid erit causa venialis peccati. Ergo manente voluntate fixa in illo, non potest remitti ipsum peccatum.

**85. — Præterea.** Affectus<sup>3</sup> ad opus habet rationem peccati, sicut *et* ipsum opus peccati. Sed ipsum opus venialis<sup>4</sup> peccati, dum manet, non permittit peccatum veniale dimitti. Ergo nec affectus ad ipsum manens<sup>5</sup>.

1. Ed. « remitti ». — 2. N. « manenti » om. « voluntate ». — 3. F. et « effectus ». — 4. N. om. « venialis ». — 5. F. « manet ».

## [H]

[III, q. 87, a. 3, ad 2.]

**86. — ULTERIUS.** Videtur quod unum peccatum veniale non possit dimitti sine alio.

1. Quia, sicut in præcedenti dist. dictum est (739), Dominus nullum sanavit quem non omnino liberaret. Sed non potest alicui veniale peccatum dimitti, nisi Domino ipsum sanante. Ergo si absolvitur ab uno veniali, absolvitur ab omnibus.

2. **Præterea.** Peccatum veniale est majoris adhærentiæ quam mortale. Unde remisso mortali adhuc manet veniale. Sed unum mortale non potest remitti nisi omnia alia dimittantur. Ergo nec unum veniale nisi aliis remissis.

3. **Præterea.** Ei qui displicet Deo, peccatum non remittitur. Sed veniale displicet Deo. Ergo quamdiu manet unum, aliud non remittitur.

**87. — SED CONTRA.** Majoris gratiæ est remissio mortalis peccati quam venialis. Sed unum peccatum veniale manens fixum in corde, non impedit remissionem mortalis peccati. Ergo multo minus impedit remissionem alterius venialis.

## [III]

[III, q. 87, a. 4.]

**88. — ULTERIUS.** Videtur quod veniale peccatum possit remitti sine mortali.

1. Jo an., viii, 7, super illud : « *Qui sine peccato est vestrum, etc.* », dicit Augustinus (*De vera et falsa pœn.*, c. 20 ; L. 40, 1129) quod « *omnes illi erant in peccato mortali : venialia enim eis dimittebantur per caeremonias.* » Ergo veniale potest dimitti non dimisso mortali.

2. **Præterea.** Mortale et veniale contrariol dividuntur. Sed mortale potest dimitti sine veniali. Ergo veniale potest dimitti sine mortali.

3. **Præterea.** Peccato quod sufficienter punitum est, non debetur alia pœna, quia non *vindicat bis Deus in idipsum*. Sed peccatum veniale potest aliquis, in mortali existens, sufficienter in seipso punire, cum debeatur ei pœna finita. Ergo non reservabitur ulterius ad pœnam. Sed nunquam aliquis absolvitur a reatu pœnæ, nisi prius absolvatur a culpa ; alias culpa inordinata remaneret sine pœna. Ergo manente peccato mortali, potest veniale remitti.

**89. — SED CONTRA.** Gregorius (IV *Moral, in job. in.* 5, 9 ; L. 75, 642, 652) dicit quod *veniale peccatum obscurat mentem, sed mortale obtenebrat*. Sed obscuritas non removetur nisi per lucem ; lux autem spiritualis est gratia, quæ etiam mortale delet. Ergo non potest dimitti veniale sine dimissione mortalis.

**90. — RESPONSIO.** Dicendum **AD PRIMAM QUÆSTIONEM** quod *peccatum quodlibet debet remitti quantum ad duo : scilicet quantum ad culpam, et quantum ad reatum*. Non autem potest esse secunda remissio sine prima ; quia quamdiu manet culpa, manet debitum pænæ.

Culpa autem in deordinatione voluntatis consistit. Unde non potest culpa tolli nisi reordinetur voluntas : quod esse non potest quamdiu in ipsa deordinatione manet, alias essent duo opposita simul vera. **Et ideo nullo modo veniale dimitti potest, quamdiu voluntas ad illud manet.**

**91. — AD PRIMUM** ergo dicendum quod non est ex defectu gratiæ quin illud veniale in quod adhuc voluntas manet, remitti non possit ; sed ex defectu ejus cui remittendum est, in quo impedimentum remissionis invenitur.

**92. — Ad secundum** dicendum quod quodlibet peccatum mortale opponitur cuilibet quantumque parvas caritati. Non autem quodlibet veniale opponitur cuicumque fervori caritatis. *Dicitur enim fervor caritatis per similitudinem, secundum quod ad exteriora quodammodo ebulliendo refunditur*. Ex illa autem parte qua veniale committitur<sup>3</sup>, caritatis fervor non apparet, sed aliquid præter caritatem. Unde quamvis sit fervor caritatis quantum ad aliqua, potest tamen esse tepiditas quantum ad alia. Et sic *non quilibet fervor opponitur cuilibet veniali*. Unde non est similis comparatio peccati mortalis ad caritatem, et venialis ad fervorem caritatis.

**93. — Ad tertium** dicendum quod voluntas quæ fuit fixa in aliquo, non removetur inde nisi per actualem assensum<sup>4</sup>, si illud memoriæ occurrat, alias sufficit habitualis<sup>5</sup> : sicut etiam de mortalibus contingit quod oblita remittuntur.

**94. — AD SECUNDAM QUÆSTIONEM** dicendum quod ea quæ non habent connexionem ad invicem, unum potest auferri sine altero ; sed quæ habent aliquo modo connexionem, unum non potest sine alio auferri.

**95. — Peccata autem mortalia**, quamvis non habeant connexionem ex parte conversionis, habent tamen connexionem et

1. Ed. « et non ». — 2. F. *ad.* « et ». — 3. F. « committit ». — 4. Ed. « dissensus ». — 5. in III, q. 87, a. 1 dicit S. Doctor quod « ad remissionem veniale habitualis displicentia non sufficit ».

sparte aversionis, quia ab uno incommutabili bono avertunt. **Et ideo unum sine alio remitti non potest**, cum remissio culpæ magis respiciat per oppositum aversionem quam conversionem ; quia culpa remittitur secundum restitutionem ad illud a quo culpa separavit.

**96.** — **Venialia** autem non habent connexionem neque quantum ad conversionem neque quantum ad aversionem, quia in eis nulla est aversio a fine, etsi sit aliquis defectus in actu eorum quæ expediunt ad finem. **Et ideo potest unum veniale sine alio dimitti.**

**97.** — **AD PRIMUM** ergo dicendum quod *remissio venialis non comparatur, proprie loquendo, sanationi* ; quia infirmitas quæ per sanationem curatur, destitutionem virtutis importat. Non autem *esi* aliqua destitutio vel debilitatio virtutis spiritalis *in culpa veniali, sed solum dispositio ad virtutis destitutionem.* Et ideo ratio illa non est ad propositum.

**98.** — **Ad secundum** dicendum quod peccatum veniale non dicitur esse majoris adhærentiæ quam mortale quasi ex parte sua firmius in anima maneat ; sed *ex parte nostra, quia peccata venialia non ita facile devitamus sicut mortalia, ad quæ dimittenda ex necessitate obligamur.*

**99.** — **Ad tertium** dicendum quod *peccatum mortale* ita Deo displicet, quod etiam *facit ipsum peccantem Deo displicentem*, inquantum pulchritudinem gratiæ quam Deus in ipso amat, aufert.

**100.** — <sup>1</sup> *Sed peccatum veniale* quamvis Deo displiceat, quia inordinatum est, *non tamen facit peccantem Deo displicentem* ; quia non privatur claritas<sup>1</sup> gratiæ, sed quodammodo obnubilatur, inquantum ejus processus ad exteriora impeditur. Et ideo Gregorius dicit quod peccatum veniale obscurat, sed mortale obtenebrat. *Et propter hoc unum peccatum veniale non impedit quin aliud remitti possit*, quamvis mortale unum impediatur dimissionem alterius.

**101.** — **AD TERTIAM QUÆSTIONEM** dicendum quod remoto priori removetur posterius, nec posterius restituitur nisi priori restituto. Fervor autem caritatis, cui veniale opponitur, est posterior ipsa caritate. **Unde quamdiu caritas non restituitur nec fervor caritatis reparari potest** : in qua reparatione consistit venialis peccati dimissio, sicut etiam in reparatione caritatis dimissio mortalis. Et ideo non potest veniale dimitti ei cui mortale non dimittitur.

1. F. « aufertur caritas », lk « caritas », N. « aufertur per illud claritas ».

**102.** — *Polesl etiam ex parte remittentis ratio assignari*; quia a Deo qui solus peccata dimittit, peccatum mortale separat. Et ideo effectum ejus in remissione peccati venialis habens peccatum mortale non percipit.

**103.** — *Similiter etl ex parte ejus quo fit remissio, scilicet « caritatis, quæ universa delicia operit » Prov., x, 12, quam peccatum mortale tollit.*

**104.** — **AD PRIMUM** ergo dicendum quod Augustinus nominat ibi venialia irregularitates quas secundum legem contrahebant.

**105.** — **Ad secundum** dicendum quod *veniale* non avertit a Deo, neque caritatem tollit, sicut mortale. Et ideo *non impedit dimissionem mortalis sicut e converso*2.

**106.** — **Ad tertium** dicendum quod pœna, etiam hominis offensam non tollit nisi ab eo in quem peccatum commissum est, acceptetur; nec acceptari potest quamdiu inimicitia ad ipsum manet. *Et ideo manente inimicitia hominis ad Deum per peccatum mortale, pana quantacumque veniale non purgat.* Unde Is., Lvm, 3, dicit Dominus non esse sibi3 accepta jejunia eorum qui ad lites et contentiones4 jejunabant.

## ARTICULUS 11

[I]

[*Infra, d. 21, q. 2, a. 1*; III, q. 87, a. 2; a. 4, ad 2; *Mal. q. 7, a. 11.*]

**107.** — **AD SECUNDUM SIC PROCEDITUR.** Videtur QUOD VENIALE PECCATUM DIMITTI NON POSSIT SINE GRATIÆ NOVÆ INFUSIONE.

**1.** Peccatum enim veniale transiens actu, in anima manet reatu. Sed reatus fundatur super maculam. Cum ergo macula non possit ab anima abstergi nisi per gratiam, sicut nec tenebra nisi per lucem, videtur quod veniale dimitti non possit sine gratiæ infusione.

**2. Praeterea.** Veniale peccatum consistit in hoc quod minus amatur Deus quam debet. Sed minoratio ista non potest tolli nisi caritate augmentata, secundum cujus augmentum nova missio Spiritus sancti attenditur, ut in I lib d. 155 (q. 5, a. 1, soL 2, c.) dictum est, et per consequens nova gratia. Ergo peccatum veniale sine gratiæ infusione remitti non potest.

**108.** — **SED CONTRA.** Novæ gratiæ additio gratiam præ-existentm auget, si eam inveniat. Sed cum peccatum veniale

1. Ed. « sicut assignata est ratio ». — 2. Ed. « contrario ». — 3. Ed. *om.* « sibi ». — 4. Ed. « contentionem ». — 5. Ed. *oni.* « d. 15 ».

gratiam non auferat ; si sine gratiæ infusione dimitti non posset, oporteret quod quodcumque dimittitur veniale, gratiæ gratia adderetur. Ergo semper homo post veniale rediret in majorem gratiam : quod falsum est ; quia tunc frequens iteratio venialium non disponderet ad mortale.

[H]

[III, q. 87, a. 3.]

**109. — ULTERIUS.** Videtur quod gratia sine contritione POSSIT PECCATUM VENIALE REMITTERE.

1. Quia, sicut dicit Gregorius (XVI *Moral.*, c. 67 ; L. 75, 1160) « *quod esi aqua ad caminum, hoc est veniale ad fervorem caritatis.* Sed fervor caritatis potest esse sine contritione. Potest enim aliquis in Deum ferventer converti, et tamen de peccato non dolere, quod est conteri. Ergo peccatum veniale potest dimitti sine contritione.

2. **Præterea.** Contritio non solum importat dolorem de præterito peccato, sed etiam propositum non peccandi de cetero. Sed alicui dimittitur veniale peccatum, qui non habet tale propositum ; quia scit se sine peccato veniali præsentem vitam agere non posse. Ergo sine contritione peccatum veniale dimitti potest.

3. **Præterea.** Aliquis in peccato veniali existens, potest dormiens mori, et taliter quod statim evolat : puta si propter fidem prius confessam constanter occidatur. Sed dum dormit, conteri non potest. Ergo cum ei peccatum veniale dimittatur, videtur quod possit sine contritione peccatum veniale dimitti.

**110. — SED CONTRA.** Si gratia sirfe aliquo adjuncto peccatum veniale remittere posset, gratia secum veniale non compareretur. Sed compatitur secum veniale. Ergo oportet aliquem motum contritionis advenire ad peccati venialis dimissionem.[III]

[III]

[Intra, 218 ; d. 17, 443. ]

**111. — ULTERIUS.** Videtur quod de peccato veniali TENEATUR HOMO ETIAM CONFITERI.

1. Jacob., v, 16 : « *Confitemini alterutrum peccata vestra* » in quo præceptum confessionis datur, ut in *Littera* (2) dicitur. Sed secundum Glossam (Bedæ ; L. 13, 40) loquitur de confessione venialium et mortalium ; quia dicit quod « *majora solis sacerdotibus, sed leviora sociis confiteri possumus.* » Ergo tenemur confiteri venialia.

1. Ed. « *evolet* ».

2. **Præterea.** De venialibus tenetur homo satisfacere ; quia satisfacere est actus justitiæ ; ad justitiæ autem actum tenemur. Sed satisfactio debet esse secundum arbitrium sacerdotis qui vicem Dei obtinet : quod esse non potest nisi confessione præcedente. Ergo de venialibus homo confiteri tenetur.

3. **Præterea.** Præceptum Ecclesiæ est (extra. *De pœnil. et remiss.*, cap. « Omnis utriusque sexus ») ut « *homo semel in anno saltem confiteatur* ». Sed aliquis est qui non habet nisi venialia. Ergo tenetur illa confiteri.

**112. — SED CONTRA.** Nullus tenetur ad impossibile. Sed confiteri omnia venialia est impossibile, cum cognitionem nostram effugiant. Ergo non tenemur illa confiteri.

[IV]

[III, q. 87, a. 3 ; *Mal.* q. 7, a. 12.]

**113. -- ULTERIUS.** Videtur quod per benedictionem EPISCOPALEM, AQUAM BENEDICTAM ET HUIUSMODI PECCATUM VENIALE REMITTI NON POSSIT.

1. Quia « *ex eisdem causis aliquid fit et corrumpitur* », ut dicitur in *II Eth.* (*β* l. 1103b, 7 ; l. 1, n. 252). Sed peccatum veniale causatur ex actu nostro. Ergo oportet quod aliquid in nobis sit per quod dimittatur ; et ita cum ista sint extra, per ea peccatum veniale dimitti non potest.

2. **Præterea.** Peccatum veniale, ut dictum est (**110**), non dimittitur sine contritione. Sed ipsa contritio per se sufficit ad dimissionem. Ergo prædicta *nihil* operantur ad dimissionem.

3. **Præterea.** Prædicta omnia æqualem habent habitudinem ad omnia peccata venialia. Si ergo per ea aliquod veniale dimittitur, omnia dimittuntur ; et sic frequentissime homo esset sine veniali : quod non videtur verum.

**114. — SED CONTRA** est quod communiter dicitur quod multa sunt remedia contra venialia peccata ; scilicet tunsio pectoris, aspersio aquæ benedictæ, unctio extrema et omnis sacramentalis unctio ; benedictio Episcopi, panis benedictus, generalis confessio, tunsio pectoris, compassio, alieni delicti dimissio, eucharistia, oratio dominica et alia quæcumque levis poenitentia.

**115. — RESPONSIO.** Dicendum **AD PRIMAM QUÆSTIONEM** quod homo in peccato mortali a Deo avertitur, sibi alium finem constituens. Et ideo lumen gratiæ amittit, sicut et lumen solis qui visum a sole avertit. **Et propter hoc non potest peccatum mortale remitti nisi per gratiæ infusionem.**

1. Ed. *om.* « tunsio pectoris ».

**116.** — Sed homo per peccatum veniale non adhæret commutabili bono quasi fini. Et ideo non avertitur a fine : quod est incommutabile bonum. Unde per veniale homo gratiam non amittit. **Et ideo non oportet quod ad hoc quod remittatur veniale, quod gratia aliqua infundatur de novo ; sed sufficit quod gratia quæ jam habetur, in actum prodeat ;** quia ipsum veniale non tollebat habitum, sed solummodo impediabat virtutis actum.

**117.** — **AD PRIMUM** ergo dicendum quod *macula* potest esse *dupliciter*.

*Uno modo per privationem pulchritudinis.* Et sic in veniali non manet aliqua macula, quia gratiam non tollit, quæ est animæ decor.

**118.** — *Alio modo per hoc quod pulchritudo quæ est impeditur ne exterius appareat :* sicut per pulverem pulchritudo faciei foedatur. Et talis macula est in veniali, quia impeditur deponere gratiæ ne in actibus exterius ostendatur. *Unde non oportet quod talis macula per infusionem gratiæ tollatur, sed per actum qui gratiæ impedimentum tollat.*

**119.** — **Ad secundum** dicendum quod *veniale peccatum* non consistit in hoc quod homo minus amet Deum in habitu ; quia veniale non diminuit caritatem — alias quandoque eam totaliter tolleret — ; sed *in hoc quod amor Dei non ostenditur in omnibus actibus hominis, aliqua deordinatione in eis existente.*

**120.** **AD SECUNDAM QUÆSTIONEM** dicendum quod peccatum veniale non dimittitur, ut dictum est (90), quamdiu voluntas manet in illo. Ipsam autem recedere voluntatem ab eo quod quis prius volebat, est displicere ei quod voluit. Talis autem displicentia dolor contritionis dicitur, quando est gratia informata. *Et ideo peccatum veniale sine contritione non dimittitur.*

**121.** — **Sed sciendum** quod contritio potest accipi *tripliciter :* vel actu, vel habitu, vel medio modo. *Habitu quidem* contritio existens non sufficit ad peccati venialis dimissionem ; quia tunc quicumque haberet penitentiæ virtutis habitum, cuius actus est quælibet contritio, consecutus esset peccati venialis dimissionem ; et sic peccatum veniale cum gratia esse non posset.

**122.** — *Nec iterum requiritur quod semper sit actualis contritio ;* quia sequeretur quod peccatum quod quis *in memoria* vel in cognitione non habet, remitti non posset.

**123.** — **Et ideo dicendum quod requiritur contritio medio modo,** quando scilicet etsi actu peccatum non displiceat explicitè, displicet tamen implicitè ; quia ex virtute actus quem agit, sequeretur displicentia explicita peccati venialis, si cogitatio ad illud ferretur.

1. Ed. om. « quod ». — 2. Ed. ad. « gratiæ ». — 3. N. « qua », F. « quia ».

**124.** — **AD PRIMUM** ergo dicendum quod quamvis fervor caritatis possit esse dum homo in Deum fertur motu caritatis, sine hoc quod actu de peccato veniali cogitet explicite; tamen in illo motu implicite continetur displicentia venialis peccati, vel unius vel omnium; quia si ferventer in Deum fertur, displicet ei omne quod a Deo retardat. *Unde potest esse tam fervens motus caritatis in Deum quod omnia peccata venialia consumat etiam sine actuali cognitione ipsorum.*

**125.** — **Ad secundum** dicendum quod *peccata mortalia* sunt in potestate nostra, ut vitentur non solum singula, sed etiam omnia. *Venialia* autem, etsi singula vitari possint, non tamen omnia: quod ex infirmitate naturæ contingit. *Et ideo in contritione de venialibus non exigitur* propositum non peccandi venialiter, sicut in contritione de mortali exigebatur; sed *quod displiceat ei et peccatum præleritum et infirmitas qua ad peccatum veniale inclinatur*, quamvis ab eo omnino immunis esse non possit.

**126.** — **Ad tertium** dicendum quod *passio pro Christo suscepta vim baptismi oblinet*, ut supra d. 4 (266) dictum est. *Et ideo purgat ab omni veniali et mortali nisi actualiter voluntatem renitentem invenerit.* Et propter hoc illud peccatum veniale quod forte etiam post confessionem ferventem<sup>1</sup> incurrit, non retardat<sup>2</sup> ipsum quin evolet, et præcipue cum ipsa pœna martyrii habeat vim purgandi.

**127.** — De aliis autem qui moriuntur dormientes, dicendum quod dimittitur eis illud veniale etiam quantum ad culpam post mortem.

**128.** — **AD TERTIAM QUÆSTIONEM** dicendum quod confessio ad hoc necessaria est ut pœnitens satisfactionem accipiat secundum modum delicti. Peccato autem veniali non debetur poena satisfactoria taxata, quia poena illa esset proportionata pœnæ peccati mortalis, a quo peccatum veniale in infinitum distat. *Unde per solam contritionem interiorum peccatum veniale remitti potest.* Et quod aliqua satisfactio exterius iungitur, *hoc est* magis ad devotionem excitandum vel contritionem, quam ad satisfaciendum. **Et ideo ad confessionem venialium non tenemur neque necessitate absoluta;** quia sic nec de eis pœnitere, nec ea vitare tenemur; **nec etiam necessitate quæ est ex suppositione finis,** scilicet remissionis eorum; quia etiam sine confessione vel actu vel proposito existente possunt venialia remitti; **tamen perfectionis est ea confiteri.**

1. ηθλ.κ « quod », contra ζ ed. — 2. Ed. « frequenter ». — 3. Ed. « tardat ».

**129.** — **AD PRIMUM** ergo dicendum quod *verbum illud Jacobi* quantum ad peccata mortalia est præceptum ; sed *quantum ad venialia est consilium.*

**130.** — **Ad secundum** dicendum quod ratio illa procedit ex falsa suppositione, ut ex dictis (128) patet.

**131.** — **Ad tertium** dicendum quod in casu illo, *propter præceptum Ecclesiæ*, dicunt *Aliqui* quod tenetur homo venialia confiteri.

**132.** — *Alii* vero dicunt quod sufficit quod se repræsentet sacerdoti, et se immunem a peccato mortali ostendat, ut ad communionem admitti possit. *Præceptum enim Ecclesiæ est ad obligandum illos qui habent aliqua quæ confiteri debeant.* Cadit enim sub præcepto magis taxatio temporis quam ipse confessionis actus. Unde si alicui per gratiam collatum esset ut a peccato veniali immunis esset, sicut beatæ Virgini est collatum, non teneretur ad illud præceptum.

**133.** — **AD QUARTAM QUÆSTIONEM** dicendum quod, sicut dictum est (101), veniale peccatum dimittitur per fervorem caritatis qui implicite vel explicite contritionem contineat. **Et ideo illa quæ nata sunt de se excitare fervorem caritatis, peccata venialia dimittere dicuntur**<sup>1</sup>. Hujusmodi autem sunt quæ gratiam conferunt, sicut omnia *sacramenta*, et quibus impedimenta fervoris et gratiæ auferuntur, sicut *aqua benedicta* quæ virtutem inimici reprimat, et *episcopalis benedictio*, vel etiam *exercitium humilitatis ex parte nostra*, sicut tunsio peccatoris et oratio dominicalis et hujusmodi.

\* **134.** — **AD PRIMUM** ergo dicendum quod actus noster requiritur ad dimissionem venialis ; sed *ista dicuntur peccatum veniale remittere, inquantum in actu nostro fervorem excitant.*

**135.** — **Ad secundum** dicendum quod *ista* sine contritione non delent peccatum veniale ; sed *dicuntur delere inquantum contritionem causant.*

**136.** — **Ad tertium** dicendum quod *secundum quantitatem fervoris est quantitas remissionis.* Et ideo secundum quod per ista major vel minor concitatur, qui de pluribus vel paucioribus, implicite ad minus, contritionem contineat, secundum hoc plura vel pauciora venialia dimittuntur et non omnia semper.

1. ζηθ « dicantur ».

## QUÆSTIO III

Deinde quæritur de circumstantiis peccati.

Et circa hoc quaeruntur duo :

*Primo*, de ipsis circumstantiis secundum se.

*Secundo*, qualiter se habeant ad peccatum.

## ARTICULUS I

[I]

(I-II, q. 7, a. 1; q. 18, a. 3.)

**137. — AD PRIMUM SIC PROCEDITUR.** Videtur quod  
CIRCUMSTANTIA NON SIT PROPRIETAS MORALIS ACTUS, SIVE  
EJUS CONDITIO.

1. Dicit enim Boetius in IV. *Topic.* (L. 64, 1212) quod  
« *circumstantiae sunt quæ convenienter<sup>1</sup> substantiam rhetorica  
quæstionis efficiunt.* » Sed quæstio rhetorica non pertinet ad  
genus morale, sed magis ad genus Philosophiæ rationalis.  
Ergo circumstantia non est conditio moralis actus.

2. **Praeterea.** Illud quod est circa aliquid non est in eo. Sed  
conditio vel proprietas<sup>2</sup> actus moralis in ipso est. Ergo non potest  
talis circumstantia dici.

3. **Praeterea.** Ipsi actus morales sunt circumstantiæ quædam  
a quibus confirmatur oratio rhetoris. « *Est enim circumstantia,  
secundum Tullium (De Invent. Rethor. lib. I), per quam recipit  
argumentatio fidem<sup>3</sup> et auctoritatem, et firmamentum adjungit ora-  
tio* ». Sed circumstantiæ non est circumstantia, sicut nec acci-  
dentis accidens; alias in infinitum iretur. Ergo circumstantia  
non est conditio vel proprietas moralis actus.

**138. — SED CONTRA.** Ignorantia circumstantiæ excusat  
moralem actum a peccato. Sed hoc non esset, nisi essent moralis  
actus conditiones. Ergo sunt conditiones vel proprietates moralis  
actus.

**139. — Praeterea.** Medium virtutis ad morale genus pertinet.  
Sed medium in virtutibus accipitur secundum circumstan-  
tiarum debitam limitationem, ut quando oportet, et ubi et4  
quomodo, sicut Philosophus in5 III *Elh.*, (γ 3. 1111a, 3-5; 1. 3,  
n. 414-416), docet. Ergo sunt conditiones moralis actus6.

1. Ed. « convenientes ». — 2. N. om. « ve) proprietas ». — 3. N. « per quam  
argumentando fidem ». — 4. *F.om.* « et ». — 5. Ed. om. « in ». — 6. N. « mo-  
rales ».

## [II]

[I-II, q. 7, a. 2; *Mai.* q. 2, a. 6; III *Eth.*, l. 3.]

**140. — ULTERIUS.** Videtur quod inconvenienter enumerentur circumstantiæ in hoc versu :

« Quis, quid, ubi, quibus auxiliis, cur, quomodo, quando. »

1. Illud enim quod est causa rei, non potest esse circumstantia ejus, cum causa sit prior, circumstantia posterior quasi proprietas. Sed persona agens quæ notatur cum dicitur « *quis* », est causa moralis actus. Ergo non debet poni circumstantia.

2. **Præterea.** Non potest idem esse circumstantia sui ipsius. Sed « *quid* » importat substantiam actus moralis, cujus circumstantiæ quærentur. Ergo non debet inter circumstantias computari.

3. **Præterea.** Non est idem circumstantia rei et quod dat rei speciem, quia illud est rei intraneum. Sed moralia recipiunt speciem a fine. Unde Ambrosius (lib. I *de Officiis*, c. 30, n. 147; L. 16, 71) : « *Intentio operi suo nomen imponit.* » Ergo « *cur* », quod finem importat, non debet dici circumstantia.

4. **Præterea.** Illud quod continet alia, non debet aliis connumerari. Sed in modo comprehenduntur omnes aliæ circumstantiæ. Ergo non debet poni « *quomodo* » inter alias circumstantias.

**141. — SED CONTRA.** Videtur quod sint plures circumstantiæ.

5. Philosophus enim in III *Eth.* (γ 3. 111a, 4-5; 1.3, n. 415-6), ponit « *circa quid* » et « *quo instrumento* ». Hæc autem hoc versu non continentur. Ergo videtur quod insufficienter enumeratæ sint.

**142. — 6. Præterea.** Circumstantiæ propter hoc vocantur, quia secundum eas variatur medium virtutis. Sed secundum « *quantum* » et « *quoties* », variatur medium virtutis. Ergo sunt circumstantiæ. Cum ergo non contineantur prædicto versu, videtur quod insufficienter enumerentur.

## [III]

[I-II, q. 7, a. 2; *Mal.* q. 2, a. 6.]

**143. — ULTERIUS.** Videtur quod circumstantiæ quæ in *Littera* (3) ab Augustino dicuntur, inconvenienter ponantur.

1. Circumstantia enim, ut dictum est (137, 2), est conditio moralis actus. Sed quod *diu* aliquis in peccato perseveret, magis respicit peccantis statum. Ergo non debet circumstantia dici.

2. **Præterea.** Impugnatio vel tentatio præcedens quandoque non est in potestate nostra, quando scilicet tentatio est ab hoste. Sed circumstantiæ, cum sint conditiones moralis actus, sunt in potestate nostra, ut videtur. Ergo non debet inter circumstantias poni, *quanta tentatione* aliquis ceciderit.

3. **Præterea.** Pœna consequens peccatum non est circumstantia peccati. Sed *amissio virtutum* est pœna damni ex peccato consequentis. Ergo non debet poni inter circumstantias.

4. **Præterea.** Unum peccatum non est circumstantia alterius. Sed *ingratitude* est per se peccatum. Ergo non debet poni ut circumstantia peccati.

5. **Præterea.** Illæ circumstantiæ nec a Philosopho ponuntur in III *Elh.* (γ 3. 1111a, 3-5 ; l. 3, n. 414-6), nec a Tullio in *Reth.*, nec a Boetio in IV *Topic.* Ergo videtur quod inconvenienter ponantur ab Augustino.

**144. — RESPONSIO.** Dicendum **AD PRIMAM QUÆSTIONEM** quod actus nostri dicuntur morales secundum quod a ratione ordinantur in finem voluntatis : ex hoc enim habent rationem boni vel mali. Omne autem quod ordinatur ad finem, oportet esse proportionatum fini. Et ideo ratio quæ actum nostrum in finem ordinat, attendit proportionem actus ad ea quæ ad actum concurrere possunt. *Et ista commensuralio circumstantia dicitur.*

**145. —** Et quia in qualibet proportionem oportet esse ad minus duos terminos, nihil enim sibi ipsi proportionatur, sed alteri ; ideo circumstantia moralis actus *duplíciter* accipi consuevit ; quia *potest dici circumstantia*, vel illud quod est ad actum concurrere ad quem proportionatur, sicut locus aut tempus ; vel ipsa conceptio quæ ex illis relinquitur, ut *quando* vel *ubi*.

*Sic ergo ultimo modo accipiendo circumstantiam, erit conditio vel proprietas actus ;* sed primo modo accipiendo, quædam circumstantia est proprietas actus, ut modus agendi, et quædam extra, ut locus et tempus.

**146. — AD PRIMUM** ergo dicendum quod quæstio rhetoris secundum quodlibet genus causæ attendit bonum et malum ; quia *in judiciali* præmium vel pœna expectatur, quæ actui bono vel malo debentur ; *in demonstrativo* autem laus personæ vel vituperium quæritur quæ bonis actibus vel malis debentur ; *in deliberativo* autem quæritur quid sit utile ad agendum ; in quo et rationem boni et mali attendere oportet. *Et ideo ex eisdem ex quibus actus morales boni et mali redduntur, rhetores argumenta sumunt ad persuadendum.*

1. F. om. « peccatum ». — 2. N. « enim ».

**147.** — **Ad secundum** dicendum quod circa aliquid dicitur stare omne illud quod non est de essentia rei, sive insit, sicut albedo corpori, sive non insit, sicut locus locato. Et ideo conditiones vel proprietates *circumstantiæ actus* dici possunt, et præcipue ratione habitudinis ad exterius.

**148.** — **Ad tertium** dicendum quod accidentis non est accidens, quasi ipsum sit per seipsum accidentis subjectum; sed accidentis potest esse accidens in quantum unum accidens adhæret substantiæ mediante aïjo, sicut color corpori mediante superficie., *Et sic etiam ipsius actus circumstantia esse potest*<sup>1</sup> vel proprietas aliqua, quamvis ipse sit conditio personæ agentis.

**149.** — **AD SECUNDAM QUÆSTIONEM** dicendum quod versus ille distinguit circumstantias secundum assignationem **Tullii** et **Boetii**, secundum quod a rhetore considerantur, qui ex eis argumenta sumit ad excusandum vel accusandum.

*Sumitur enim argumentum rhetoricum vel ex eo quod est attributum personæ; et sic est quis. Vel ex eo quod est attributum negotio de quo agitur; et hoc vel continetur cum ipso negotio, et sic est quid quantum ad substantiam facti exterius, cur quantum ad intentionem facientis interius. Vel in ipsa prosecutione negotii continetur; et sic sunt quatuor: scilicet quomodo quantum ad qualitatem actus, ubi et quando quantum ad mensuram, quibus auxiliis quantum ad instrumenta.*

**150.** — *Secundum autem quod ad moralem pertinent, potest aliter earum numerus accipi.* Proportio enim actus ad finem potest accipi vel secundum id quod est in ipso actu, vel secundum id quod extra.

*Si primo modo: aut quantum ad speciem actus, et sic est quid: aut quantum ad modum ipsius; et sic est quomodo.*

*Si autem per comparisonem ad extra; vel per comparisonem ad causam vel per comparisonem ad mensuram.*

*Si primo modo: vel ad causam finalem, et sic est cur, vel ad causam efficientem vel instrumentalem, et sic est quibus auxiliis, vel principalem, et sic est quis.*

*Si autem per comparisonem ad mensuram: aut ad locum, et sic est ubi, aut ad tempus, et sic est quando.*

**151.** — **AD PRIMUM** ergo dicendum quod *circumstantia illa quæ sumitur e.r parte agentis, magis respicit conditionem<sup>2</sup> personæ quantum ad proprietates ipsius quam illam<sup>3</sup> substantiam personæ.* Ex hujusmodi enim conditionibus variatur substantia actus, quia aliquid competit uni quod non competit, alii.

1. F. om. « esse potest ». — 2. Ed. « conditiones ». — 3. N. « ipsam

**152.** — **Præterea.** Quamvis persona agens sit prior, tamen *proportio*l quæ relinquitur in actu ex agente, circumstat ipsum actum.

**153.** — **Ad secundum** dicendum quod aliqui actus ex suo genere sunt mali vel boni. Et ideo ex ipso genere actus potest sumi circumstantia actus moralis. Hoc autem ex quo actus imponitur<sup>2</sup> in tali genere, quamvis sit de substantia ejus in quantum est in<sup>3</sup> genere moris, tamen est extra substantiam ipsius secundum quod consideratur ipsa substantia actus absolute. Unde *aliqui actus sunt idem in specie naturæ qui differunt in specie moris* : sicut fornicatio et actus matrimonialis.

**154.** — **Ad tertium** dicendum quod est *duplex* finis : scilicet ultimus et propinquus. **Ultimus** quidem *non potest poni circumstantia*, quia omnes circumstantiae sumuntur in proportione ad ipsum.

**155.** — **Propinquus** etiam<sup>4</sup> **est duplex.** *Quidam* qui est *finis operis*, secundum quod **Philosophus** dicit in **II Eth.** (**β 6.** 1107a, 9 ; l. 7, n. 329), quod *quædam conjuncta sunt malo fini.* Et iste finis dat speciem actui. Unde vel non est circumstantia, si consideretur tantum genus moris ; vel referendo ad ipsam substantiam actus, includitur in hac circumstantia **quid.**

**156.** — *Alius* vero est *finis agentis* qui quandoque ex malo actu bonum intendit, vel e converso. Et hic finis dicitur hic<sup>5</sup> circumstantia **cur.** Ab hoc autem actus non recipit speciem propriam, sed quasi communem, secundum quod actus imperati induunt<sup>6</sup> speciem virtutis vel vitii imperantis supra speciem quam habet ex habitu elicente.

**157.** — **Ad quartum** dicendum quod modus rei est in ipsa re consequens substantiam ejus. Et quia *quædam* circumstantiæ sumuntur ab eo quod est extra rem, *quædam* vero ab ipsa specie actus — quæ duo ad modum non pertinent — ideo *in modo non includitur omnis alia circumstantia, si modus proprie accipiatur.*

**158.** — **Ad quintum** dicendum quod **Philosophus** in **III Eth.**, (**γ 3.** 1111a, 3-5 ; l. 3, n. 414-6), assignat etiam septem circumstantias ; sed *differt a prædicta assignatione sua assignatio in duobus.*

**159.** — **Primo**, quia **Philosophus** ponit duas circumstantias, **quid** et **circa quid**, quæ in prædicta assignatione **Tullii** in uno<sup>7</sup> includuntur ; eo quod objectum quod dicitur **circa quid**, dat rationem actui quod dicitur **quid.** Sed **Philosophus** distinguit eas, quia præter universalem rationem objecti quæ dat speciem actui, possunt in objecto considerari speciales condiciones quæ

1. Ed. « conditio » — 2. Ed. « reperitur ». — 3. Ed. « ex ». — 4. F. om. « etiam. » — 5. Ed. « hæc ». — 6. Ed. om. « induunt ». — 7. Ed. « una ».

diversificant actum in bonitate et malitia in illis actibus qui ex se malitiam non implicant, in quibus etiam malitiæ quantitatem diversificant.

**160.** — *Secundo*, quia *Philosophus* pro una circumstantia ponit **quando** et **ubi**, propter hoc quod utrumque sumitur a mensura extrinseca; sed in prædicta assignatione distinguuntur propter diversam rationem mensuræ. Quod autem *Philosophus* dicit: **quo instrumento**, idem est ei quod *Tullius* dicit: **quibus auxiliis**, quia *omnia auxilia sunt quasi instrumenta actionis*, quibus egens utitur ad suum finem.

**161.** — *Ad sextum* dicendum quod cum modus mensuram importet, *omnia quæ ad mensuram perlinent* vel per modum quantitatis continua vel discreta, *importantur in quomodo*.

**162.** — *Vel dicendum* quod *quantitas* actus ex *tribus* pensari potest. *Primo ex isa intentione actus*, et sic idem est quod **quomodo**. *Secundo ex quantitate objecti*, et sic includitur in **quid**. *Tertio ex tempore*, et sic includitur in **quando**. *Quoties* autem semper ad modum reducitur.

**163.** — **AD TERTIAM QUÆSTIONEM** dicendum quod *Augustinus* numerat hic circumstantias secundum quod a penitente considerandæ sunt, qui de peccatis dolere debet. Et ideo nominat illas quæ præcipue ad dolorem de peccato inducere possunt. Hæ autem sunt duæ: scilicet **privatio boni**, et quantum ad hoc dicit quod « *debet dolere quia se virtute privavit...* » (3); et **positio mali** quo quis aggravatur. *Vel per accidens*, in quantum tollitur excusationis occasio. Et sic debet dolere si nulla tentatione vel modica præventus peccabit. *Vel per se* ex aliqua circumstantia addente deformitatem ad actum. Et sic *quantum ad personam agentis* considerare docet statum peccantis et beneficium prius a Deo susceptum; quantum ad omnes docet considerare « *quo tempore* » et « *quando* » peccabit; docet etiam considerare « *circa quid* », in hoc quod dicit: « *secundum modum necessitatis* »; « *quomodo* », in hoc quod dicit, « *et modum sui operis* »; et *locum*, in hoc quod dicit: « *si in loco sacro*\* ».

**164.** — **AD PRIMUM** ergo dicendum quod hoc *quod aliquis diu in peccato permansit, respicit conditionem actus vel transgressionis*, si frequenter peccatum iteravit vel continuavit; *vel omissionis*, si poenitere distulit de peccato etiam semel commissio.

**165.** — *Ad secundum* dicendum quod quamvis tentatio non sit in potestate nostra, tamen *resistere vel non resistere est in*

1. Ed. « numerat ». — 2. Ed. « duæ ». — 3. F. *ad.* « item ». — 4. ζη « se creto ».

*poleslale noslra* Et ideo secundum hoc ex tentatione praecedenti circumstantia peccati sumi potest.

**166.** — **Ad tertium** dicendum quod *amissio virtutum*, quamvis consequatur peccatum secundum naturæ ordinem, tamen concomitatur secundum tempus. Et ideo *circumstantia potest poni*.

**167.** — **Et præterea.** Etiam quædam circumstantiæ, secundum *Tullium*, sumuntur ab eo quod sequitur substantiam facti, secundum quod ex comparatione ad ipsam actus in bonitate vel malitia variatur.

**168.** — **Ad quartum** dicendum quod *ingratitude uno modo* speciale est peccatum; *alio modo* circumstantia peccati. Et qualiter hoc sit, dicitur infra d. 221 (**44-8**).

**169.** — **Ad quintum** dicendum quod omnes istæ circumstantiæ possunt reduci ad septem superius enumeratas; quia *ingratitude* reducitur *ad conditionem personæ*, ut ex dictis (**163**) patet. *Tertiatio* autem præcedens reducitur *ad e,ur*, quia tentatio præcipue consistit in appetitu alicujus propter quod homo ad peccatum incitatur. *Privatio* autem virtutum reducitur *ad quid*; quia ipsum peccatum ad speciem suam habet quod virtutem tollat. De aliis autem facile est videre.

## ARTICULUS 11

[I]

[1-11, q. 73, a. 7; *Mal.* q. 2, a. 7.]

**170.** — **AD SECUNDUM SIC PROCEDITUR.** Videtur quod CIRCUMSTANTIÆ PECCATUM NON AGGRAVENT.

1. Nihil enim augetur nisi ex suo simili. Unde intensio qualitatis quantitatem corporalem non auget, sed additio alterius corporis. Sed circumstantiæ non sunt peccata, sed sunt quædam peccati accidentia. Ergo peccatum non aggravant.

2. **Præterea.** Tota ratio mali in peccato est ex parte aversionis non autem ex parte conversionis. Sed omnes circumstantiæ sequuntur peccatum ex parte conversionis. Ergo non aggravant malitiam peccati.

3. **Præterea.** Privationes non intenduntur neque remittuntur. Sed malum privatio quædam est boni, ut *Augustinus* dicit (lib. III *Confess.*, c. 7; L. 32, 688 et in *Enchirid.*, c. 11; L. 40, 236). Ergo malitia peccati per circumstantias intendi non potest.

**171.** — **SED CONTRA.** Ex quibus causatur unumquodque, ex eisdem augeri potest. Sed ex circumstantiis inordinatis fit

peccatum, inquantum per defectum circumstantiæ modus virtutis corrumpitur. Ergo circumstantiæ aggravant peccatum.

**172. — Præterea.** Rhetores ex circumstantiis trahunt argumenta ad accusandum vel excusandum, laudandum vel vituperandum, ut dictum est (146). Sed accusatio vel excusatio, laus et vituperium fiunt de bono vel malo, aut minus bono aut minus malo. Ergo circumstantiæ augent actus bonitatem et malitiam.

## filij

[I-II, q. 7, a. 4.]

**173. — ULTERIUS.** VIDETUR QUOD INTER OMNES CIRCUMSTANTIAS MAGIS AGGRAVENT TEMPUS ET LOCUS.

1. Quia, sicut dicit Philosophus in III *Eth.* (y 2, 1111% 20; l. 3, n. 423) « *principalia sunt in quibus est actus* », de hujusmodi circumstantiis loquens. Sed in quo significat ipsum tempus et locum. Cum ergo principales circumstantiæ magis aggravent, videtur quod tempus et locus maxime aggravant.

**Præterea.** Videtur quod quis.

2. Quia ex voluntate principaliter oritur peccatum. Sed voluntas se tenet ex parte agentis. Ergo conditio personæ magis aggravat.

**Præterea.** Videtur quod ingratitude in Deum.

3. Quia peccatum accipit rationem mali ex aversione. Sed ingratitude directe pertinet ad aversionem. Ergo ex hoc magis gravitas peccati consideratur.

**Præterea.** Videtur quod tentatio præcedens.

4. Quia per illas circumstantias maxime aggravatur peccatum, per quas redditur venia dignum vel indignum. Sed peccatum quod ex infirmitate agitur veniale dicitur, quasi venia dignum, quod est cum aliquis gravi tentatione prævenitur. Peccatum autem quod ex malitia agitur, dicitur irremissibile, quia non habet in se aliquid venia dignum : quod contingit cum aliquis ex electione tentationem præveniens, malum operatur. Ergo hæc circumstantia maxime aggravat.

## [III]

[I-II, q. 17, a. 3; *Mal.* q. 2, a. 4, ad 5.]

**174. ULTERIUS.** VIDETUR QUOD CIRCUMSTANTIA NON POSSIT TRAHERE IN ALIAM SPECIEM VEL IN ALIUD GENUS PECCATI.

1. Quia accidentia non variant speciem. Sed circumstantiæ

1. η « vel ».

sunt accidentia actus, ut dictum est (147-8). Ergo ex eis species peccati non variatur.

**2. Præterea.** Actus habet speciem ex objecto. Sed diversæ circumstantiæ non mutant objectum actus. Ergo non trahunt in aliud genus peccati.

**3. Præterea.** *Sicut* circumstantiæ concurrunt ad actum peccati, *ita* ad actum virtutis. Sed non variatur actus virtutis secundum speciem. Ergo nec actus peccati.

**175. — SED CONTRA.** Illud quod est causa alicujus, potest variare illud secundum speciem; quia ex diversis causis diversi sequuntur effectus. Sed circumstantiæ deficientes sunt causa peccatorum; unde secundum Dionysium (*De divin. nomin.*, c. 4, n. 30; G. 3, 730), « *malum contingit ex particularibus dejectibus.* » Ergo diversitas circumstantiarum potest speciem variare.

**176. — Præterea.** « *Præpropere, laute, nimis, ardentè, studiose* », sunt diversæ species gulæ. Sed sumuntur secundum diversas circumstantias, ut per se patet. Ergo circumstantiæ variant speciem peccati.

[IV]

[II S. d., 7, q. 1, a. 2; *Infra*, d. 32, a. 5, q. 2;  
II-II, q. 110, a. 4, ad 5; *Mal.* q. 2, a. 8.]

**177. — ULTERIUS.** Videtur quod circumstantia aggravet in infinitum.

1. Quia una circumstantia corrumpit virtutem. Sed virtus non corrumpitur nisi per peccatum mortale, quod habet quantitatem infinitam. Ergo circumstantia aggravat in infinitum.

2. Præterea. Secundum Augustinum, *nullum est adeo veniale, quin fiat mortale dum placet.* Sed placentia est quædam circumstantia et reducitur ad *quomodo*. Ergo circumstantia facit de veniali mortale. Et sic aggravat in infinitum.

3. Præterea. Plus distat actus virtutis ab actu peccati mortalis, quam actus venialis peccati a mortali. Sed una circumstantia mutata facit de actu virtutis actum peccati mortalis, sicut cognoscere suam et non suam. Ergo multo magis facit de veniali mortale. Et sic idem quod prius.

**178. — 4. SED CONTRA.** Quantitas accidentalis non excedit quantitatem substantialem. Sed quantitas ex circumstantia peccati proveniens est ei accidentalis. Cum ergo quantitas venialis peccati sit finita, quantitas ex circumstantia non erit infinita. Et ita non aggravat in infinitum.

**179.** — 5. **Præterea.** Ea quæ in infinitum differunt, non conveniunt in genere. Sed eorum quæ non conveniunt in genere, unum non potest in aliud transmutari, sicut linea in colorem. Ergo non potest per circumstantiam actus peccati trahi ad infinitam quantitatem.

## [V]

[*Infra*, d. 41, a. 4, q. 1, c. ; *Mal.* q. 2, a. 6, ad 2.]

**180.** — **ULTERIUS.** Videtur quod omnis circumstantia SIT CONFITENDA.

1. *Genes.*, xix, 17, præcipitur Loth de Sodomis exeunti, ne moraretur in omni loco circa regionem. Sed pœnitens de Sodomis, idest de peccato, per confessionem exit. Ergo non solum peccatum, sed omnes circumstantias peccati confiteri debet.

2. **Præterea.** Pœnitens debet peccatum suum sacerdoti confiteri ut ab eo modum satisfactionis accipiat. Sed pro graviore peccato major injungitur satisfactio. Ergo debet sacerdoti circumstantias notificare, quibus qualitas peccati consideratur.

3. **Præterea.** Confessio debet contritioni respondere. Sed homo debet de singulis circumstantiis conteri, ut in *Littera* (3) Augustinus dicit. Ergo videtur quod omnes debeat confiteri.

**181.** — **SED CONTRA.** 4. Secundum Philosophum in III *Eth.* (γ 15. 1119a, 31-2; l. 22, n. 641), « *delectabile carnis quanto magis in particulari consideratur, tanto magis appetitum movet.* » Sed homo debet fugere appetitum talis delectabilis per consilium Apostoli I *Cor.*, vi. 18. Ergo videtur quod peccatorum carnalium ad minus non debeat aliquis omnes singulares circumstantias confiteri.

**182.** — 5. **Præterea.** Ex circumstantiis recitatis aliquando alicujus personæ peccatum innotescit. Sed homo in confessione debet se accusare, non alterum infamare. Ergo videtur quod non debeamus circumstantias confiteri.

**183.** — **RESPONSIO.** Dicendum **AD PRIMAM QUÆSTIONEM** quod: sicut dicit Augustinus in VI *De Trin.*, c. 8 ; L. 42, 929) : « *In his quæ non mole magna sunt, idem est esse maius quod est esse melius* » in bonis, sicut et similiter in malis idem est esse majus quod est esse pejus. Malitia autem in actu peccati ex hoc est quod deficit a debita proportione ad finem, ad quem proportionatus redditur per debitam commensurationem circumstantiarum, ut dictum est (144). Et ideo defectus debitæ circumstantiæ malitiam in actu causât. Et quia per unam circumstan-

1. F. om. « non ». — 2. « *Fugite fornicationem* », ad. η. — 3. F. om. « quod ».

**tiam deficientem vel oppositam** magis elongatur terminus a debita proportione ad finem ; ideo circumstantia facit actum magis malum vel minus. Et secundum hoc **dicitur aggravare peccatum.**

**184. — AD PRIMUM** ergo dicendum quod ratio illa procedit in illis in quibus est augmentum per additionem. In illis enim in quibus est augmentum<sup>1</sup> per intensionem non oportet additionem similis in specie fieri : sicut non oportet quod albedo albedini addatur ad hoc quod fiat magis album, ut dicitur in IV *Phys.*, (e 4. 227b, 9-10 ; l. 6, n. 3). Et similiter non oportet quod peccatum peccato<sup>2</sup> addatur ad hoc quod fiat magis peccatum.

**185. — Ad secundum** dicendum quod *ex inordinata<sup>3</sup> conversione ad commutabile bonum redditur actus improportionatus ad conversionem ad finem.* Et ideo fundamentum aversionis est conversio in peccato. Et propter hoc circumstantiæ quæ ex parte conversionis se tenent, possunt peccati malitiam augere.

**186. — Ad tertium** dicendum quod quamvis *privationes non intenduntur ex seipsis*, tamen *intendi ex causis suis quandoque dicuntur*, sicut caecitas per elongationem ab actu videndi. *Et similiter ex inordinata conversione malitia in actu intenditur.*

**187. — AD SECUNDAM QUÆSTIONEM** dicendum quod « *bonum dicitur secundum ordinem ad finem* », ut in III *Met.* ( $\beta$  2. 996<sup>a</sup> 25 ; l. 4, n. 324), dicitur. Cum ergo malum sit privatio boni, *dupliciter* potest contingere malum : *vel secundum ipsam relationem in finem<sup>4</sup>* ; *vel secundum aptitudinem relationis in finem.* Et ideo peccatum *dupliciter* contingit : *vel ex eo quod actus non est proportionatus fini*, sicut in his quæ ex se mala sunt ; *vel quia ordinate refertur in finem* : sicut patet in his quæ mala intentione fiunt, etiamsi ex se bonum sit quod fit. Et quia « *propter quod unumquodque<sup>5</sup>, illud magis* » ; [*I Post. Anal.*, a 2. 72a, 29-30 ; l. 6. n. 3] ideo quantitas malitiæ peccati magis consideratur secundum relationem inordinatam in finem, quam etiam secundum improportionem ad finem.

**188. — Ad ordinem autem ad finem pertinet **cujus gratia.**** Et ideo super omnes aūas consideranda est in iudicando **de gravitate peccati.**

Ad hoc autem quod actus sit improportionatus fini, pertinet hæc circumstantia **quid** per quam importatur ratio mali in actu<sup>6</sup>. Et ideo omnia quæ possunt peccato speciem tribuere in

1.  $\zeta\eta$  om. per homol. « per additionem... augmentum. » — 2. F. « peccata », — 3. F. « ordinata », — 4. F. *not. per hwnot.* « vel secundum ipsam relationem ia finem », — 5. Ed. *ad.* « et ». — 6. *p* « actus ».

hac circumstantia includuntur. Et hæc sunt in quibus consistit actus moralis quantum ad bonitatem vel malitiam. Et ideo hæc est secunda circumstantia in aggravando. Et propter hoc Philosophus dicit in III *Eth.* ( $\gamma$  2. 1111a, 18 ; l. 3, n. 423) quod « *principalissima in aclu sunt in quibus consistit actus, et cujus gratia.* »

Aliæ autem circumstantiæ magis et minus aggravant, secundum quod his magis vel minus proprinquæ sunt, et ideo **tempus et locus** minus aggravare nata sunt, quia sunt omnino extrinseca. Sed inter ea conditio personæ magis ; quia **agens** directus respondet fini ; et post hoc **modus** qui respondet actui, et post hoc **hoc instrumentum** quod pertinet ad modum agendi. Et hoc quidem ut in pluribus accipiendum est ita esse ; tamen nihil prohibet in aliquo aliter se habere ; quia *sermones qui sunt in moribus, nihil determinatum habent*, ut dicitur in II *Eth.* ( $\beta$  2. 1104a, 1-5 ; l. 2. n. 258-9).

**189. — AD PRIMUM** ergo dicendum quod Philosophus non intendit principalissima esse illa in quibus est actus sicut in mensurantibus ipsum, sed *sicut in complentibus rationem ipsius.*

**190. — Ad secundum** dicendum quod *voluntas* quamvis sit agentis sicut subjecti, tamen *est finis sicut objecti.* Et ideo trahit rationem magis a fine quam a conditione agentis, *et ad finem magis reducitur* : quia potentiæ et habitus distinguuntur penes objecta.

**191. — Ad tertium** dicendum quod *ingratitude secundum quod est circumstantia*, non ponit actualem contemptum, sed *quasi interpretatum.* Et ideo non oportet quod magis aggravet quam perversa intentio quæ actualem aversionem a fine debito causât.

**192. — Ad quartum** dicendum quod venia dignum dicitur peccatum quod est veniale ex causa, secundum quod privat voluntarium, vel diminuit vel per ignorantiam vel per impotentiam. *Et ideo tola illa diversitas ad « cujus gratia » reducitur* : quia voluntarium intentionem finis respicit.

**193. — AD TERTIAM QUÆSTIONEM** dicendum quod aliquando circumstantiam trahere in aliam speciem peccati manifestum est : sed quomodo possit esse est dubium.

**194. — Ouidam** enim dicunt quod hoc accidit in quantum illæ circumstantiæ accipiuntur ut fines voluntatis, quia a fine actus moralis accipit speciem.

**195. — Sed hoc non videtur sufficienter dictum** ; quia aliquando variatur species peccati sine hoc quod intentio feratur ad circumstantiam illam : sicut fur ita libenter acciperet vas aureum non sacratum sicut sacratum ; et tamen in aliam speciem peccatum mutatur, scilicet de furto simplici in sacrilegium.

**196.** — **Et præterea.** Secundum hoc sola illa circumstantia quæ dicitur *cujus gratia*, speciem peccati mutare posset : quod falsum est.

**197.** — **Et ideo aliter dicendum** quod *omnis circumstantia potest speciem peccati mutare*, sed non semper mutat. Cum enim privationes et negationes differant specie secundum differentiam habituum et positionum oppositarum et malum sit privatio boni, oportet quod ubi diversum bonum ad virtutem necessarium privatur, ibi sit diversa species peccati. Una autem sola circumstantia peccati rectitudinem virtutis aufert. Unde si aliæ circumstantiæ nullam aliam obliquitatem peccato tribuant, nisi ex suppositione personæ, *non mutabunt speciem peccati illius*, sed forte aggravabunt quantitatem peccati illius.

**198.** — *Quandoque etiam neque quantitatem peccati aggravabunt* ; quia etiam ex suppositione præcedentis nullam inordinationem addunt.

**199.** — *Quandoque etiam peccatum diminuit*<sup>3</sup>, si aliqua circumstantia rationem peccati subtrahat : sicut accipere rem alienam habet rationem peccati ex circumstantia quid, in quantum res aliena est.

**200.** — Quod autem manu dextera vel sinistra accipiat<sup>4</sup>, aut de mane aut de sero, nihil ad rationem mali pertinet. *Et ideo islæ circumstantiæ non excusant nec aggravant, nec speciem mutant.*

**201.** — Quod autem accipiat multum vel parum, ex se deformitatem aliquam<sup>5</sup> non importat, nisi ex suppositione primi ; quia multum de alieno recipere est ab æqualitate magis discedere. *Unde talis circumstantia aggravat, sed peccatum non mutat.*

**202.** — Quod autem rem alienam consecratam accipiat, aliam deformitatem importat ; quia quaecumque irreverentia circa res sacras adhibita specialem rationem peccati habet. **Et ideo talis circumstantia dicitur speciem mutare.**

**203.** — Si autem coactus accipiat, talis circumstantia peccatum excusat in parte ; quia causa peccati, scilicet voluntarium, minuitur.

**204.** — **AD PRIMUM** ergo dicendum quod *quæcumque circumstantia aliquam speciem peccati in actu causal, ad speciem actus, in quantum est moralis, pertinet*. Unde non habet jam rationem circumstantia? peccati, quamvis circumstet substantiam actus, ut prius dictum est (**148**).

**205.** — **Ad secundum** dicendum quod *omnis actus secundum*

1. Ed. « præcedentis ». — 2. Ed. *om.* per *homol.* « sed forte aggravabunt quantitatem peccati illius ». — 3. N. « diminuent ». — 4. N. « accipiat ». — 5. F. « aliquando ».

*stiam substantiam habet speciem ab objecto* ; sed *secundum rationem malitiæ habet speciem a defectu*. Et ideo secundum diversa quæ deficere possunt, diversæ species causantur malitiæ. Et secundum hoc distinguuntur species peccati, non solum ex objecto. *In actibus autem virtutum secus est* ; quia non constituitur ex qualibet singulari circumstantia, sicut actus peccati ex quolibet singulari defectu rationem peccati habet.

Et per hoc patet solutio **ad tertium**.

**206. — AD QUARTAM QUÆSTIONEM** dicendum quod circumstantia ut ex dictis patet (sol. 3), quandoque aggravat peccatum et speciem mutat ; quandoque autem aggravat, sed speciem non mutat.

**207. — Quando autem speciem non mutat, sed aggravat** ; adhuc manet in ratione circumstantiæ, nec potest in infinitum quantitatem peccati augere, ut ex veniali mortale fiat ; quia, ut dictum est (**201**), circumstantia taliter aggravans ex suppositione præcedentis deformitatis habet rationem majoris deformitatis ex ejus virtute<sup>1</sup>. Unde si illa sit finita<sup>4</sup>, non potest infinitam deformitatem addere.

**208. — Si autem speciem mutat, tunc potest in infinitum aggravare** ; sed non semper hoc facit ; quia quando ex deformitate speciali quam circumstantia addit, habet directe oppositionem ad caritatem — quod ostenditur ex hoc quod est directe contra præceptum legis, cujus finis est caritas — tunc infinitam gravitatem addit, scilicet peccati mortalis.

**209. — Quando autem illa deformitas non directe habet oppositionem ad legem, ut sit contra eam, sed præter eam, tunc non aggravat in infinitum, sive sit peccatum veniale cui additur, sive mortale** : sicut ad actum gulæ qui est « *præpropere* », addit hæc circumstantia « *laute* », specialem deformitatem quæ etiam ex se peccatum faceret ; sed non est directe contra legem. Et ideo non aggravat in infinitum.

**210. — Et quia circumstantia quæ speciem mutat, non est jam circumstantia computanda, ut dictum est (204) ; ideo dicitur a Magistris quod « circumstantia non aggravat in infinitum ».**

**211. — AD PRIMUM** ergo dicendum quod quamvis virtus secundum habitum non corrumpatur nisi per peccatum mortale ; tamen *actus ejus corrumpitur et impeditur etiam per peccatum veniale*.

1. F. « et non ». — 2. N. « circumstantia taliter aggravans habet rationem majoris deformitatis suppositione præcedentis deformitatis et ex ejus virtute ». — 3. Ed. *ad.* « etiam ». — 4. Ed. « infinita ». — 5. Ed. « in infinitum ». — 6. « accidens ».

**212.** — **Ad secundum** dicendum quod *placencia nunquam de veniali facit mortale, nisi inlanlum crescat quod adhærealur ei ut fini*, et per consequens supra Deum diligatur. Et ita in contemptum Dei talis placencia adducitl, quæ habet de se specialem rationem peccati, et propter hoc est circumstantia trahens in aliam speciem.

**213.** — **Ad tertium** didendum quod ratio illa procedit **de** circumstantia quæ trahit in aliam speciem quæ jam rationem circumstantiæ respectu actus moralis, in quantum hujusmodi, amittit.

**214.** — Et quia aliæ rationes videntur concludere quod nullo modo circumstantia aggravet in infinitum ; ideo dicendum **ad quartum** quod *quantitas ex circumstantia proveniens quæ in novam speciem trahit, non est quantitas accidentalis, sed essentialis.*

**215.** — **Ad quintum** dicendum quod peccatum veniale et mortale differunt in infinitum ex parte aversionis, sed non ex parte conversionis, quia utrobique est placencia finita. *Peccata autem speciem sortiuntur ex parte conversionis, quia ex parte aversionis non differunt.*

**216.** — **AD QUINTAM QÜÆSTIONEM** dicendum quod omnes circumstantias confiteri est impossibile ; quasdam autem confiteri est necessitatis ; *sed in hoc esi differentia opinionis.*

**217.** — *Quid a m* enim dicunt quod omnes circumstantiæ quæ aliquam notabilem quantitatem peccato addunt, confiteri necessitatis est, si memoriæ occurrantl.

**218.** — *Al ii* vero dicunt quod non sint de necessitate confitendæ nisi circumstantiæ quæ ad aliud genus peccati trahunt. **Et hoc probabilius est** ; sed addendum est quæ ad aliam speciem **mortalis** trahunt. Cujus ratio est, *quia* venialia non sunt de necessitate confessionis, sed solum mortalia quæ quantitatem infinitam quodammodo habet. *Et quia* circumstantiæ aggravantes quæ aliam speciem peccato non tribuunt, vel quæ tribuunt quidem, sed non mortalis peccati, non sunt de necessitate confessionis.

**219.** — **Tamen ea4 confiteri perfectionis est**, sicut et de venialibus dictum est (128).

**220.** — **AD PRIMUM** ergo dicendum quod quamvis de Sodomis, idest de peccato mortali, non possit homo exire, nisi per confessionem ad minus in proposito existentem ; tamen de illis quæ circa sunt, idest *de venialibus et circumstantiis quæ venialibus æquivalentl, potest homo sine confessione exire.*

1. Ed. « adducitur ». — 2. F. « occurrunt ». — 3. Ed. « quod ». — 4 Ed' « eadem ».

**221.** — **Ad secundum** dicendum quod determinata quantitas peccati non potest sacerdoti innotescere, quia nec ipse peccator scit. Unde *sufficit quod cognoscat quantitatem quæ ex specie peccati consurgit.*

**222.** — **Ad tertium** dicendum quod nec in contritione oportet quod de singulis circumstantiis doleat pœnitens, quantum est de necessitate salutis ; sed oportet quod de singulis peccatis ad minus in prima contritione doleat, et de circumstantiis quæ peccati speciem mutant.

*Hoc autem quod Augustinus dicit, pertinet ad perfectionem contritionis.*

**223.** — Sed quia aliae rationes videntur concludere quod circumstantiæ nullo modo sint confitendæ ; ideo dicendum **ad quartum**, quod circumstantiæ particulares peccati carnalis quæ in speciem peccati mortalis trahunt, semper sunt confitendæ ; quia gratia quæ in sacramento pœnitentiæ datur, restau- rat, si qua inclinatio ad peccatum ex talium cogitatione prove- niat vel in confitente vel in sacerdote. Unde dicit Gregorius in *Pastorali* (part. 2, c. 5 ; L. 77, 34) : « *Fit plerumque ut dum rectoris animus aliena tentamenta cognoscit auditis lentionibus etiam ipse pulsatur... Sed hæc nequaquam pastori timenda sunt; quia tanto facilius a sua eripitur, quanto misericordius ex aliena tentatione fatigatur.* »

**224.** — Si tamen sacerdotem lascivum et ad hujusmodi peccata pronum viderit, debet accipere licentiam confitendi alteri sacerdoti ; et si non dederit, ad superiorem recurrere.

**225.** — Si autem circumstantiæ non aggravant in infinitum, novam speciem peccati mortalis conferendo, quandoque laudabiliter reticentur adhibita debita discretionem secundum considerationem turpitudinis circumstantiæ, et pronitatem inclinationis ad peccatum ex ejus confessione in ipso confitente vel in sacerdote.

**226.** — **Ad quintum** dicendum quod homo in confessione debet famam alterius custodire quantum potest, sed *suam conscientiam magis purgare debet.* Et ideo si circumstantia quæ ducit in cognitionem personæ sit de necessitate confessionis secundum regulam datam, *tunc debet confiteri* occultando personam quantum potest.

*Si autem non sit de necessitate confessionis, debet dimittere, ne peccatum alterius prodatur.*

## QUÆSTIO IV

Deinde quæritur de impedimentis veræ pœnitentiæ

Et circa hoc quæruntur duo

*Primo*, de hypocrisi quæ impedit interius.

*Secundo*, de exterioribus impedimentis.

## ARTICULUS I

[I]

[II-II, q. 111, 1. 12; in *Thren.* c. 4.]

**227. — AD PRIMUM SIC PROCEEDITUR.** Videtur quod **HYPOCRISIS NON SIT PECCATUM.**

1. Quia peccatum non dicitur secunda tabula post naufragium. Sed secundum Hieronymum (*In Isaiam*, III, 9; L. 24, 65) « *secunda tabula post naufragium est peccatum abscondere* » : quod ad hypocrisim pertinet. Ergo non est peccatum.

2. **Præterea.** Vitare scandalum proximorum et famam propriam custodire quilibet debet. Sed hæc fiunt per hypocrisim. Ergo non est peccatum.

**228. — SED CONTRA.** Mat., vi, 16, super illud : « *Nolite fieri sicut hypocritæ tristes*, dicit Glossa : « *Hypocrita est qui simulat quod non est, repræsentator alterius personæ.* » Sed simulare quod non est, semper est peccatum, sicut et mendacium. Ergo hypocrisis semper est peccatum.[II]

[II]

[II-II, q. 111, a. 3.]

**229. — ULTERIUS.** Videtur quod non sit speciale peccatum.

1. Quia peccatum simulationis dividitur contra peccatum apertæ malitiæ. Sed aperta malitia non est speciale peccatum. Ergo nec hypocrisis.

2. **Præterea.** Omne peccatum speciale in aliquibus actibus specialiter consistit. Sed hypocrisis in omnibus actibus virtutum consistit, et præcipue in oratione, jejunio et elemosyna, ut patet in Evangelio Mat. (vi). Ergo hypocrisis non est speciale peccatum.

**230. — SED CONTRA.** Peccatum simulationis virtuti opponitur quæ dicitur veritas. Sed *veritas* est specialis virtus, ut patet in IV *Eth.* (δ 13. 1127a, 135 ; l. 15). Ergo simulatio, sive hypocrisis, speciale peccatum.

## [III]

[IMI, q. 111, a. 4.]

**231. — ULTERIUS.** Videtur quod semper sit mortale peccatum.

1. Quia peccatum veniale non impedit veniam de peccatis mortalibus. Sed hypocrisis impedit, ut ex<sup>1</sup> *Littera* (4) patet. Ergo est mortale peccatum.

2. **Præterea.** Hieronymus dicit [*In Isai.*, xvi, 14 ; L. 24, 240) quod « *in comparatione duorum malorum levius est aperte peccare quam sanctitatem simulare.* » Sed aperte peccare est peccatum mortale. Ergo et sanctitatem simulare semper.

3. **Præterea.** Philosophus dicit (IX *Eth.*, i 2. 1165b, 10 ; l. 3, n. 1788), quod « *illi qui amicitiam simulant, magis sunt accusandi quam illi qui numisma violant, quanto contra melius fraudem committunt.* » Sed qui numisma violant, semper mortaliter peccant. Ergo et hypocrisæ.

4. **Præterea.** Omne quod excludit<sup>3</sup> a visione Dei est peccatum mortale. Sed hypocrisis est hujusmodi, ut patet Jor, xiii, 16 : « *Non veniet in conspectu ejus omnis hypocrita* ». Ergo semper est mortale peccatum.

**232. — SED CONTRA.** Veritatis virtus corrumpitur tam per mendacium oris, quam per simulationem operis. Sed mendacium non est semper mortale. Ergo nec simulatio.

## [IV]

[*Infra*, 243]

**233. — ULTERIUS.** Videtur quod hypocrisis non debeat **PONI IMPEDIMENTUM PŒNITENTIÆ PRÆ ALIIS VITIIS.**

1. Quia quanto aliquod peccatum est gravius, tanto magis poenitentiam impedit. Sed alia interiora peccata quædam sunt majora quam hypocrisis. Ergo illa magis debent poni impedimenta<sup>4</sup> pœnitentiæ.

2. **Præterea.** « *Hypocrisis, secundum Gregorium (XXXI *Morat.*, c. 45, n. 88 ; L. 75, 621) est fdia inanis gloriæ.* » Sed

1. Ed. *ad.* « est ». — 3. Ed. « in — 4. F. « excluditur ». — 5. Ed. « impedimentum ».

causa magis operatur ad aliquid quam effectus. Ergo magis debet poni inanis gloria impedimentum pœnitentiæ quam hypocrisis. Sed contrarium in *Littera* (4) apparet.

**234. — RESPONSIO.** Dicendum **AD PRIMAM QUÆSTIONEM** quod hypocrita proprie dicitur qui personam alterius repræsentat, quasi submissus, vel suppositus loco alterius. Unde in theatris illi qui personam aliorum gerebant repræsentantes, dicebantur hypocritæ. Et sic accipit hypocrisis *Philosophus* in *III Eth.* (γ 4. 1111", 24 ; l. 5, n. 445). Et ideo ille qui cum non sit virtuosus, personam virtuosus ostentat, hypocrita dicitur: «*hypocrita*» enim græce, latine dicitur «*simulator*». Et quia ostentare de se melius quam sit, est vitium jactanti», sive verbis, sive factis fiat, ut dicitur in *IV Eth.* (8 13. 1127\*, 20 sq. ; l. 15, n. 835 sq.), ideo **hypocrisis semper est peccatum.**

**235. — AD PRIMUM** ergo dicendum quod aliud est peccatum occultum non propalare, quod discretionis est, et secunda tabula dicitur eo modo quo supra d. 142 (131) dictum est ; et aliud virtutem ostentare, cum aliquis peccato subiaceat<sup>3</sup> : quod hypocrisis est.

**236. — Ad secundum** dicendum quod peccatum occultare sufficit ad vitandum scandalum. Sed *peccatum sub specie virtutis palliare hypocrisis est et malum semper.* Et per hoc quis famam non conservat, sed furatur.

**237. — AD SECUNDAM QUÆSTIONEM** dicendum quod privationes specificantur per habitus oppositos. Et ideo illud peccatum est generale quod privat<sup>4</sup> aliquam conditionem quæ requiritur in qualibet virtute, sicut inobedientia, prout est generale peccatum.

**238. — Hypocrisis** autem privat<sup>5</sup> conformitatem signi ostendentis conditionem personæ ad rem significatam : quæ quidem conformitas ad unam virtutem specialiter pertinet, scilicet veritatem. Et ideo **est speciale peccatum.**

**239. — AD PRIMUM** ergo dicendum quod «*apertum*», non importat aliquam specialem rationem peccati. Et ideo aperta malitia non nominat peccatum speciale, sicut simulatio quæ specialem rationem peccati importat<sup>6</sup>.

**240. — Ad secundum** dicendum quod non est inconveniens quod aliquod speciale peccatum vel specialis virtus utatur actibus aliarum virtutum vel vitiorum materialiter : sicut *magnanimitas utitur omnibus aliis actibus virtutum, ut in eis magna operetur*, ut dicitur in *IV Eth.* (δ 7. 1124s, l. s. ; l 8, η. 749).

1. Ed. « hypocrisis ». — 2. Ed. om. « d. 14 ». — 3. Ed. « subjacet ». — 4. Ed. « aufert ». — 5. Ed. « aufert ». — 6. N. « portat ».

**241.** — Et similiter cum hypocrisis sit quædam species jactantias, quia non jactat quidlibet, sed sanctitatem, utitur omnibus actibus quæ sanctitatem ostendere possunt, et præcipue illis in quibus magis sanctitas ostenditur, sicut est *oratio, jejunium et eleemosyna*.

**242.** — **AD TERTIAM QUÆSTIONEM** dicendum quod hypocrisis eandem habet rationem peccati, sicut et mendacium.

*Mendacium* autem non semper est peccatum mortale, sed quando est perniciosum.

Et similiter hypocrisis non semper est peccatum mortale, sed quando est perniciosa, cadens in nocumentum alterius personæ, dum propter creditam sanctitatem alium defraudat re quam habet vel habere debet; aut in nocumentum fidei et Ecclesiæ, dum propter sanctitatem creditam de ipso, ei contra fidem et Ecclesiam creditur.

**243.** — **AD PRIMUM** ergo dicendum quod peccatum veniale quod pœnitentiam non impedit, non impedit remissionem peccati mortalis quæ per pœnitentiam fit. Sed per aliquod peccatum veniale potest impediri pœnitentiæ opus ne sit pœnitentiæ; quia peccatum veniale impedit actum virtutis, quamvis non tollat habitum. Et sic impedire potest veniam peccati.

**244.** — **Ad secundum** quod verbum Hieronymi intelligendum est secundum quid et non simpliciter; quia quantum ad unam circumstantiam unum peccatum potest esse gravius illo quod est gravius simpliciter.

**245.** — **Vel dicendum** quod etiam aperte peccare non semper est mortale, sed quandoque veniale.

**246.** — **Ad tertium** dicendum quod Philosophus loquitur, quando simulatio amicitiæ in nocumentum personæ redundat.

**247.** — **Ad quartum** dicendum quod loquitur de hypocrita qui tolum bonum quod agit, ad ostentationem ordinat.

**248.** — **Vel dicendum** quod loquitur quantum ad hoc quod opera bona ex hypocrisi facta ad conspectum Dei non perducunt.

**249.** — **AD QUARTAM QUÆSTIONEM** dicendum quod opera pœnitentiæ, exteriora præcipue, nata sunt sanctitatem ostendere. Et ideo eis utitur hypocrisis intentionem pœnitentiæ rectæ excludens. Et propter hoc directius impedit pœnitentiæ effectum quam alia vitia etiam graviora.

Et per hoc patet solutio **AD PRIMUM**.

**250.** — **Ad secundum** dicendum quod inanis gloria surgit quandoque ex operibus etiam recta intentione factis. Sed hypo-

1. Ed. « quodlibet ». — 2. F. « cedens ». — 3. F. om. « et ».

*crisis semper inlenlionem factorum pervertit, et ideo magis impedit pœnitentiæ fructum.*

## ARTICULUS II

[I]

[MI, q. 1, a. 6, ad 1 ; II-II, q. 168, a. 2, 3, 4 ;  
III Cg. c. 25, 6m, in Is. c. 3, in fine.]

**251. — AD SECUNDUM SIC PROCEDITUR.** Videtur quod ludii pœnitentiam exterius non impediunt.

1. Illud enim in quo potest consistere virtus, poenitentiam non impedit. Sed in ludis consistit virtus eutrapeliæ, ut in IV *Elh.* (8 14. 1128% 9-10 ; l. 16, n. 854), patet. Ergo ludus poenitentiam non impedit.

2. **Præterea.** Oportet operibus laboriosis requiem interponere, eo quod impossibile est semper agere. Sed ludus est requies quædam. Ergo oportet inter opera pœnitentiæ aliquando luderè. Ergo ludus poenitentiam non impedit.

**252. — SED CONTRA.** *Eccl.*, m, 4, tempus ridendi aliud describitur a tempore flendi. Sed tempus pœnitentiæ est tempus flendi ; quia pœnitentia est commissa flere. Ergo non est tempus ludendi.

[II]

[II-II, q. 167, a. 2, c. et ad 2.]

**253. — ULTERIUS.** Videtur quod spectacula non impediunt pœnitentiam.

1. Spectacula enim ad utilitatem hominum sunt instituta. Sed pœnitentia non resecat utilia, sed superflua. Ergo pœnitentia per spectacula non impeditur.

2. **Præterea.** In spectando aliud non potest esse nisi peccatum curiositatis. Sed aliæ curiositates, ut scientiarum, non ponuntur impedimenta pœnitentiæ. Ergo nec spectaculum impedimentum pœnitentiæ dici debet.

3. **Præterea.** Alia sunt multo graviora peccata quam spectacula et ludi. Ergo illa multo magis debent poni impedimenta pœnitentiæ quam ista.

**254. — SED CONTRA.** Illud ex quo homo peccator constituitur, non competit pœnitenti. Sed inspectores talium *adulteros* et *inverecundos* ipsa spectacula constituunt, ut *Chrysostomus* dicit (*Homil. in Mat.*, n. 7 et 8 ; G. 56, 373). Ergo non competunt pœnitenti.

1. N. om. « ludi ». — 2. η om. « aliud ».

[HI]

[II-II, q. 40, a. 2.]

**255. — ULTERIUS.** VIDETUR QUOD EXERCITIUM MILITIÆ VEL NEGOTIATIONIS PŒNITENTIAM NON IMPEDIAT.

1. Quia ilia sine quibus non potest Respublica conservari, non sunt vitia, sed magis ad virtutem ordinata. Sed non potest conservari sine militia, per quam hostes comprimuntur, et sine negotiatione, per quam necessaria populo procurantur. Ergo talia officia possunt sine peccato exerceri. Ergo non impediunt poenitentiam.

**2. Præterea.** Joannes poenitentiam docebat, ut patet *Mat.*, m, 2. Sed ipse non prohibebat homines a militia, neque publicanos ab officio suo, ut patet *Lucæ*, iii, 12-15. Ergo videtur quod talia officia non impediunt.

**256. — SED CONTRA** est quod *Gregorius* in *Littera (6a)* dicit.

**257. — RESPONSIO.** Dicendum **AD PRIMAM QUÆSTIONEM** quod **ludorum est triplex differentia.**

*Quidam enim ludi sunt qui ex se ipsis turpitudinem habent. Et tales ludi ab omnibus vitandi sunt*, et præcipue a poenitentibus qui per fletum peccata corrigere debent, sicut ludi qui in theatris agebantur ad luxuriam provocantes.

**258. — Alii ludi sunt qui ex gaudio devotionis procedunt**, sicut *David* dixit : « *Ludam, et vilior fiam coram Domino* » : *II Fteg.*, vi, 22. **Et tales ludi non sunt vitandi, sed laudandi et æmulandi.**

**259. — Quidam autem ludi sunt nullam turpitudinem habentes** quos *Philosophus liberales* vocat. Et hi sunt materia virtutis, scilicet eutrapeliæ. Et ideo servatis debitis circumstantiis, **possunt laudabiliter fieri ad quietem propriam, et aliis delectabiliter convivendum.**

**260. — Sed contingit in eis esse peccatum, eo quod debitæ circumstantiæ non servantur.** Unde in talibus ludis aliquid decet unum quod non decet alium. Et in his etiam ludis poenitens se debet habere aliter quam alii, inquantum poenitentia fletum requirit.

**261. — Tamen eis uti potest moderate**, secundum quod ad recreationem animi pertinent, aut ad societatem eorum cum quibus homo convivit. Unde *Seneca* dicit : « *Sic te gere sapien-*

*i.* Non *Senecæ*, sed *Martin. Ep. Dumiens. De Quatuor Virtutib. cap. de continentia* inter op. *Senecæ*.

*lei', ut nullus le habeat lanquam asperum, nec contemnat quasi vilem. »*

Et per hoc patet solutio ad objecta.

**262. — AD SECUNDAM QUÆSTIONEM** dicendum quod *hujusmodi spectacula si sunt rerum lurpium, ad peccatum provocantium, studiosa inspectio peccatum est, et quandoque etiam mortale, tanta potest libido adhiberi*<sup>2</sup>. Unde a tali inspectione omnes se arcere debent, et præcipue pœnitentes.

**263. — Quædam vero spectacula sunt de rebus utilibus et ad vitam necessariis, sicut sunt venationes et cetera hujusmodi. Et talia spectacula distrahunt animum. Unde quamvis possit sine peccato eis intendi, servata discretione debita quantum ad conditiones personæ et aliarum circumstantiarum; tamen pœnitenti sunt vitanda propter hoc quod debet cor ad Deum collectum habere, nisi quantum necessitas exposcit.**

**264. — AD PRIMUM** ergo dicendum quod poenitentia etiam quædam utilia resecat, in quantum pœnam infert pro culpa præterita. Unde in *Littera (5)* dicitur quod aliquid sufficit ei qui non peccavit, quod non sufficit ei qui de peccatis poenitentiam agit.

**265. — Ad secundum** dicendum quod *per hujusmodi spectacula sensibilia magis animus ad vanitates distrahitur quam per intelligibilia*. Et ideo ista magis sunt cavenda; quamvis peccatum curiositatis in omnibus cavendum sit.

**266. — Ad tertium** dicendum quod ista peccata specialiter ex inepta lætitia procedere videntur. Et quia poenitentia tristitiam habet adjunctam, *ideo specialem oppositionem ad poenitentiam ista peccata habent.*

**267. — AD TERTIAM QUÆSTIONEM** dicendum quod *officium militiæ et negotiationis et publicanorum qui vectigalia publica exigunt, ex propinquo habent peccatum annexum, quamvis sine peccato quandoque exerceri possunt.*

Et quia pœnitens debet occasionem peccati vitare satisfaciendo, etiam *alia officia laudabile est si evitet. Non est tamen de necessitate pœnitentiæ*; quia pœnitens non potest omnes peccati occasiones vitare, dum in mundo isto vivit.

**Et ideo sufficit, si peccatum in istis officiis vitet**, ut quod *miles secundum consilium Joannis (Luc., 111, 14)* neminem concutiat et stipendiis justis contentus sit et non utatur officio militari ad ostentationem, sed ad utilitatem Ecclesiæ et Reipublicæ, et

1. Ed. ad. « eorum ». — 2. N. proprio Marte *cor.* <sup>o</sup> et quandoque in eis tanta potest libido adhiberi ut sit etiam mortale ».

ad exercitium virium ; et quod *negotiator* non habeat conditionem in se quæ ipsum ab officio hoc prohibeat : sicut clericis et monachis non licet negotiari, quamvis liceat propria vendere et quod tempore debito mercationes<sup>1</sup> faciant, non diebus festivis et tempore quod caristiam inducere possit, tale officium exerceatur et modus debitus ut sine fraude fiat, et secundum licitum contractum ; *in publicanis autem*, ut de auctoritate Principis, et causa communis utilitatis, scilicet ad defensionem terræ, et non immoderata recipiantur telonia.

**268.** — Quod autem Gregorius<sup>2</sup> dicit in *Littera (6a)* intelligendum est non quin<sup>3</sup> possint<sup>4</sup> sine peccato fieri, sed quia frequenter ad peccatum implicant<sup>5</sup>.

Et per hoc patet solutio ad objecta.

### EXPOSITIO TEXTUS

**269.** — « Cogit peccatorem omnia libenter etc. » (**1a**). Intelligendum est de illis quæ sunt necessaria ad peccati remissionem. Et sic est accommodata distributio.

**270.** — « Sunt enim tres differentiæ peccati, etc. » (**1b**). **Contra.** Omittit peccatum oris.

**Præterea.** Gregorius (lib. IV *Moral.*, c. 27, η. 53 ; L. 75, 664), addidit super illud Job, iii, 11 : « *Quare non in vulva etc.* » *quartum* scilicet fomentum adulationis.

**271.** — **Et dicendum** quod hæc distinctio peccatorum differt a prima ; quia prima est secundum diversitatem instrumentorum, hæc autem secundum progressum peccati quod primo de intus, secundo ad extra procedit, tertio confirmatur per consuetudinem. Et adaptatur partibus pœnitentiæ ; quia contritio in corde latet, confessio ad exteriora poenitentiam manifestat, sed satisfactio boni operis consuetudinem adjungit. Non tamen hoc ita est intelligendum, quasi singulæ pœnitentiæ partes singulis conditionibus peccati respondeant, sed per adaptationem, sicut et de aliis dictum est.

**272.** — **Ad primum** ergo dicendum quod verbum habet eundem gradum quantum ad manifestationem cum alio<sup>7</sup> facto ; et ideo in facto includitur.

**273.** — **Ad secundum** dicendum quod illud quod Gregorius addit, non est in ipso peccante, sed in alio. Et ideo Augustinus illud omittit.

**274.** — « Satisfactio præcipitur a Joanne, etc. » (**2a**) ; non quod Joannes fuerit auctor præcepti, sed denunciator ; Christus autem sacramenti institutor et partium ejus.

1. ζη « mercationis » et ζ expungit « s ». — 2. Ed. *ad.* « vn ». — 3. Ed. « quia non ». — 4. Ed. « possit ». — 5. Ed. « implicat ». — 6. F. « aliis ». — 7. N. « ipso ».

275. — « Ponat se omnino in iudicio. » (3a).

**Ergo videtur** quod si sacerdos injungat alicui quod intret religionem, quodl teneatur facere et præcipue quia quidam canones videntur istam poenitentiam taxare ; et similiter quod quantumcumque magnam poenitentiam pro parvo peccato injungat, quodl poenitens facere teneatur.

276. — **Et dicendum** quod intelligendum est de his quæ sacerdos, in quantum habet elavem scientiæ et auctoritatis per divinum iudicium, et non secundum humanum errorem, injungit.

Introitus autem in religionem cum sit voluntatis, non potest alicui injungi ; et si aliqui canones injungere inveniantur, magis est consilium quam præceptum : qualibet enim poenitentia taxata, levissima religio est major satisfactio, in quantum homo abdicat propriam voluntatem, quos nihil est homini carius.

277. — « Caveat ne ductus verecundia etc. » (4).

De hoc inquiretur, cum de confessione quæstio erit.

278. — « Caveat etiam ne prius etc. » (5).

Bona conscientia confortatur, quando certis signis conjicere potest peccatum sibi dimissum ; et hoc quando facit quod in se est. Et ideo qui habet copiam sacerdotis et necessitate non urgetur ad communicandum, sicut urgentur sacerdotes parochiales, non debet accedere ante confessionem ; sed etiam post contritionem et confessionem gravium peccatorum, consilium videtur esse Augustini, quod non statim accedat propter reverentiam sacramenti, et ut magis seipsum probet.

279. — « Quæ non secundum auctoritatem<sup>4</sup> sanctorum imponuntur. » (6a).

Non tamen oportet quod semper ad litteram serventur poenitentiae in canone injunctæ ; sed consideratis conditionibus peccati et peccatoris poenitentiae sunt moderandæ.

280. — « Quæ fit pro illis peccatis quæ legis decalogus continet » (7a) sicut directe contra decalogi præcepta existentia, ut mortalia . non autem sicut præter præcepta, sicut sunt peccata venialia,

281. — « Sic veraciter dicitur etc. » (8).

**Videtur** quod ille qui non habet peccatum aliquod peccet in dicendo : « *Pater noster* » ; quia confitetur debita se habere quæ non habet.

**Præterea.** Videtur idem de illo qui debita non dimittit, quod peccet dicendo : « *Pater noster* ».

282. — Et dicendum **ad primum** quod hoc non est alicui certum quod omnino a peccato, saltem veniali, vel quantum ad aliquem reatum, immunis sit. Si tamen per revelationem sciat, non peccat dicens in persona Ecclesiæ.

283. — Et similiter dicendum **de secundo** quod in persona Ecclesiæ dicit se debita dimittere. Unde non peccat hoc dicendo ; sed remissionem non consequitur, nisi dimittat.

1. Ed. om. « quod ». — 2. Ed. om. « quod ». — 3. Ed. « qua ». — 4. Ed. « auctoritates ».

## DISTINCTIO XVII

Utrum sine confessione dimittatur peccatum

1. — Hic oritur quæstio multiplex. Primo enim quæritur utrum absque satisfactione et oris confessione, per solam cordis contritionem peccatum alicui dimittatur. Secundo, an aliquandol sufficiat confiteri Deo sine sacerdote. Tertio, an laico fideli facta valeat confessio.

In his enim etiam docti diversa sentire inveniuntur; quia super his varia ac pene diversa tradidisse videntur doctores.

2. — Dicunt enim Quidam, sine confessione oris et satisfactione operis neminem a peccato mundari, si tempus illa faciendi habuerit.

Alii vero dicunt, ante oris confessionem et satisfactionem in cordis contritione peccatum dimitti a Deo, si tamen votum confitendi habeat.

a. — Unde Propheta (ps. xxxi, 5): « *Dixi: Confitebor adversum me injustitiam meam Domino; et tu remisisti etc.* ». Quod exponens Cassiodorus (L. 113, 877) ait: « *Dixi, idest deliberavi apud me quod confitebor; et tu remisisti. Magna pietas Dei, quod ad solam promissionem peccatum dimiserit; votum enim pro operatione judicatur.* »

Item Augustinus (Enar. in ps. 31, n. 15; L. 36, 267): « *Nondum pronuntiat, promisit<sup>3</sup> se pronuntiatum, et Deus dimittit; quia hoc ipsum dicere, quoddam pronuntiare est corde. Nondum est vox in ore, ut homo audiatur confessionem et Deus audit.* »

b. — Item (Ps. 1, 19): « *Sacrificium Deo spiritus contribulatus* », etc. Alibi etiam legitur (Ezech., xviii, 21 et 27, xxxiii, 12 et 15): « *Quacumque hora peccator conversus fuerit et ingemuerit, vita vivet et non morietur.* » Non dicitur: ore confessus fuerit, sed « *conversus ingemuerit* ». « *Unde datur intelligi quod etiam ore tacente veniam interdum consequimur. Hinc etiam leprosi illi quibus Dominus præcepit (Luc. xvi, 14), ut ostenderent se sacerdotibus, in itinere antequam ad sacerdotes venirent, mundati sunt. Ex quo insinuat quod antequam ora nostra sacerdotibus aperiamus, id est peccata confiteamur, a lepra peccati mundamur. Lazarus (Joan., xi, 14) etiam non prius de monumento est deductus\*, et post a Domino suscitatus, sed intus suscitatus prodiit foras vivus, ut ostenderetur\* suscitatio animæ præcedere confessionem.* »

c. — *Nemo enim potest confiteri nisi suscitatus, quia « a mortuo, velut qui non est, perit confessio » (Eccli., unii, 26). Nullus ergo confitetur nisi resuscitatus. Nemo autem\* suscitatur nisi qui a peccato solvitur; quia peccatum mors animæ est, quæ ut est vita corporis, ita ejus vita Deus est.* »

His aliisque pluribus auctoritatibus<sup>7</sup> probatur, ante confessionem vel satisfactionem sola compunctione peccatum dimitti.

3. — Quod qui negant, eas determinare laborant necnon in hujus sententiæ depressionem et ad suæ opinionis assertionem, auctorum<sup>8</sup> testimonia inducunt.

1. Ed. « alicui ». — 2. Quar. om. « dicunt. ». — 3. Quar. « promittit ». — 4. Quar. « adductus ». — 5. Quar. « ostendatur ». — 6. Quar. « vero ». — 7. Quar. om. « auctoritatibus ». — 8. Ed. « sanctorum ».

Ait enim Dominus per *Isaiam* (x l iiii, 26) : « *Dic tu iniquitates tuas, ul justificeris.* »

Item *Ambrosius* (lib. *De parad.*, c. 14, n. 71 : L. 14, 310) : « *Non potest quisquam, justificari a peccato, nisi peccatum ipsum antea fuerit confessus.* »

Idem [*Serm.* 25, n. 1 : L. 17,655] : « *Confessio a morte animam liberat ; confessio aperit paradisum ; confessio spem salutis tribuit, quia non meretur justificari qui in vita sua non vult peccatum confiteri. Illa confessio nos liberat quæ fit cum pœnitentia. Pœnitentia vera est dolor cordis et amaritudo animæ pro malis quæ quisque commisit.* »

a. — Item *Joannes* (*Chrysostomus*) : « *Non potest quisquam gratiam Dei accipere, nisi purgatus fuerit ab omni peccato per pœnitentiæ confessionem, et per baptismum.* »

b. — Item *Augustinus* (*Serm.* 352, c. 3, n. 3 ; § 39, 1711) : « *Agite poenitentiam, qualis agitur in Ecclesia. Nemo dicat sibi : Occulte ago, apud Deum ago ; novit Deus qui mihi ignoscit, quia in corde ago. Ergo sine causa dictum est (Mat., xvi, 19) : « Quæ solveris super terram soluta erunt et in coelis ? « Ergo sine causa claves datæ sunt ? Erustramus verbum Christi. Job (xxxix, 34) dicit : « Si erubui in conspectu populi peccata mea confiteri. »*

Item *Ambrosius* (*De parad.*, c. 14, n. 71 : L. 14, 327) : « *Venialis est culpa quam sequitur confessio delictorum.* »

Item *Augustinus* super illum locum (*ps. lxxvii, 16*) : « *Non absorbeat me profundum, neque urgeat super me puteus os suum* », (*Serm.* 1, n. 19 ; L. 36, 853) : « *Puteus est profunditas iniquitatis, in quam si cecideris, non claudet super te os suum, si tu non claudis os tuum. Confitere ergo, et dic : « De profundis clamavi etc. (ps. cxxix, 1) et evades. Claudis super illum qui in profundo contemnit (Prov. xvnr, 3), a quo mortuo, velut qui non sit, perit confessio (Eccli., xvn, 26). »*

c. — Idem. (*De continentia*, c. 6, n. 15 ; L. 40, 358) : « *Nullus debite graviore pœnæ accipit veniam, nisi qualemcumque, etsi longe minorem quam debeat, solverit poenam. Ita enim impertitur a Deo largitas misericordiae, ut non relinquatur justitia disciplinæ?* »

Item *Hieronymus* (*In Joel*, i, 13 ; L. 25, 958) : « *Qui peccator est, plangat delicta propria vel populi, et ingrediatur Ecclesiam, de qua propter peccata fuerat egressus, et dormiat in sacco, ac præleritas delicias, propter quas Deum offenderat, vitæ austeritate compenset.* »

His aliisque auctoritatibus nituntur asserere, sine confessione vocis, et aliqua solutione pœnæ, neminem a peccato mundari.

#### Cui SENTENTIAE POTIUS CONSENTIENDUM SIT

Quid igitur' super his sentiendum, quid tenendum ?

4. — Sane dici potest' quod sine confessione oris et solutione pœnæ exterioris peccata delentur per contritionem et humilitatem cordis. Ex quo enim proponit mente compuncta se confessurum, Deus dimittit ; quia ibi est confessio cordis, etsi non oris, per quam anima interius mundatur a macula et contagione peccati commisi, et debitum æternæ mortis relaxatur.

Illam ergo quæ superius dicta sunt de confessione et pœnitentia, vel ad confessionem cordis vel ad interiorem poenam referenda sunt, sicut

1. Ed. « impartitur ». 2. Ed. « justitiæ disciplina ». — 3. Quar. « ut ». — 4. Quar. « per ». 5. Quar. ad. « pluribus ». — 6. Ed. « ergo », sed ζη « igitur ». — 7. Quar. om. « dici potest ». — 8. Quar. « contagio ». — 9. Quar. « et ».

illud Augustini, « *quod nullus dicitur veniam consequi, nisi prius quantulumcumque peccati solverit poenam* »; vel de exteriori pœna accipienda sunt, et ad contemnentis vel négligentes referenda, sicut illud : « *Nemo dicat : Occulte ago, etc.* » Nonnulli enim in vita peccata confiteri negligunt, vel erubescunt; et ideo non merentur justificari.

Sicut enim præcepta est nobis interior poenitentia, ita oris confessio et exterior satisfactio, si adsit facultas. Unde nec vere poenitens est qui confessionis votum non habet. Et sicut peccati remissio munus Dei est, ita poenitentia et confessio per quam peccatum deletur, non potest esse nisi a Deo, ut Augustinus ait (*ps. u, n. 16 ; L. 36, 596*) : « *Jam, inquit, donum Spiritus Sancti habet qui confitetur et poenitet; quia non potest esse confessio peccati et compunctio in homine ex seipso. Cum enim irascitur sibi quisque et displicet, sine dono Spiritus Sancti non est.* » Oportet ergo poenitentem confiteri, si tempus habeat; et tamen antequam sit confessio in ore, si votum sit in corde, præstatur ei remissio.

An sufficiat soli Deo confiteri

5. — Jam secundum quæstionis articulum inspiciamus, scilicet utrum sufficiat peccata confiteri soli Deo, an oporteat confiteri sacerdoti.

3- — Quisdam visum est sufficere, si soli Deo liat confessio sine iudicio sacerdotali et confessione Ecclesie, quia David dicit: (*ps. xxxi, 5*) « *Dixi : Confitebor Domino; et tu remisisti* », etc. Non ait : Sacerdoti : et tamen remissum sibi peccatum dicit.

Item Ambrrosius (*In Luc., c. 22, n. 88 ; L. 15, 1825*) : « *Ideo flevit Petrus, quia culpa obrepit ei. Non invenio cui dixerit, invenio quod fleverit. Lacrymas ejus lego, satisfactionem non lego. Sed quod defendi non potest, abluui potest. Lavant lacrymæ delictum, quod voce pudor est confiteri; et tamen venix fletus consulit et verecundie.* » Hoc etiam Maximus dicit Episcopus, (*homil. 53 ; L. 57, 351*).

b. — Item Joannes Chrysostomus (*Horn. 31, in epist. ad Heb., n. 3 ; G. 63, 216*) : « *Non tibi dico ut te prodas in publicum neque apud alios accuses; sed obedire te volo Prophetæ dicenti (ps. xxxvi, 5) : « Revela viam tuam ante Dominum. » Ergo tua confitere peccata apud verum iudicem, cum oratione delicta tua pronuntia, non lingua, sed conscientie tuæ memoria; et tunc demum spera te misericordiam posse consequi. Si habueris peccata tua in mente, continue, nunquam malum adversus proximum in corde tuo tenebis.* »

c. — Idem (*hom. 2, in ps. r, n. 5 ; G. 55, 581*) : « *Peccata tua dicito, ut deleas illa. Sed si confunderis alicui dicere, dicito eae quotidie in anima, tua. Non dico ut confitearis ea conservo tuo, ut tibi exprobet. Dicito Deo, qui curat ea. Nec enim si non dixeris, ignorat ea. Cum faciebas ea præsto erat. Cum admitteres ea, cognoverat. Nunquid ea vult a te cognoscere? Peccare non erubuisti, et confiteri erubescis? Dicito in hac vita, ut in alia requiem habeas. Dicito ingemiscens et lacrymans. In codice scripta sunt peccata tua. Spongia peccatorum lacrymæ tuæ sint.* »

Item Prosper : « *Illi quorum peccata humanam notitiam latent, non ab ipsis confessa nec ab aliis publicata; si ea confiteri vel emendare noluerint, Deum, quem habent testem, ipsum et habituri sunt ultorem. Quod si ipsi sui iudices fiant, et veluti suæ iniquitatis ultores, hic in se voluntariam poenam severissimæ animadversionis exercent, temporalibus pœnis mutabunt*

1. Quar. « punitio ». — 2. Ed. « dixit ». — 3. Ed. om. " et ». — 4. Quar. « consulunt ». — 5. Quar. om. « tuo ». — 6. Quar. « et ». — 7. Julianus Pomerii lib. II de Vita contemplativa, c. 7, n. 2; L. 59, 451.

*aeterna supplicia, et lacrimis ex vera cordis contritione fluentibus restinguent aeterni ignis incendia. »*

d. — *Et infra (coi. 452) : « Facilius sibi Deum placabunt illi qui aut propriis confessionibus crimen produnt, aut nescientibus aliis, ipsi in se voluntaries excommunicationis ferunt sententiam, et ab altari cui ministrabant, non animo, sed officio separati, vitam suam quasi mortuam plangunt, certi quod reconciliati sibi efficacis paenitentiae fructibus, a Deo non solum amissa recipiant, sed etiam supernae civitatis gaudia recipiant. »*

His auctoritatibus innituntur qui sufficere contendunt Deo confiteri peccata sine sacerdote. Dicunt enim quod si quis timens detegit culpam suam apud homines, ne inde opprobrio habeatur, vel alii suo exemplo ad peccandum accingantur, et ideo taceat homini, et revelet Deo, consequitur veniam.

Quod non sufficit soli Deo confiteri, si tamen homini possit

6. — Sed quod sacerdotibus confiteri oporteat, non solum illa auctoritate Jacobi, v, 16 : « *Confitemini alterutrum peccata vestra, etc., sed etiam aliorum pluribus testimoniis comprobatur.*

Ait enim Augustinus (Serm. 351, c. 4, n. 9 ; L. 39, 1545) : « *Judicet se ipsum homo voluntarie, dum potest, et mores convertat in melius, ne cum jam non poterit, praeter voluntatem a Domino judicetur ; et cum in se pertulerit severissimae medicinae, sed tamen utilissimae, sententiam, veniat ad antistites, per quos illi claves ministrantur Ecclesiae. Tamquam bonus jam incipiens esse filius maternorum membrorum ordine custodito, a praepositis sacramentorum accipiat satisfactionis suae modum, in offerendo sacrificio contriti cordis devotus et supplex. Id tamen agat, quod non solum sibi prosit ad salutem, sed etiam ad exemplum ceteris ; ut si peccatum ejus non modo in gravi ejus malo, sed etiam in tanto scandalo aliorum est, atque hoc expedire utilitati Ecclesiae videtur antistiti, in notitia multorum vel totius plebis agere poenitentiam non recuset, ne lethali plaga per pudorem addat tumorem. » « *Cum tanta est plaga peccati et impetus morbi, ut medicamenta corporis et sanguinis Domini differenda sint, auctoritate Antistitis debet se removere ab altari ad agendam poenitentiam, et eadem reconciliari. »**

Item Leo Papa [Ep. 168, c. 2 ; L. 54, 1211] : « *Multiplex misericordia Dei ita lapsibus subvenit humanis, ut non modo per baptismum, sed etiam per poenitentiam spes vitae reparatur, sic divinae voluntatis praesidiis ordinatis, ut indulgentia Dei nisi supplicationibus sacerdotum nequeat obtineri. Christus enim hanc praepositis Ecclesiae tradidit potestatem, ut confitentibus poenitentiae satisfactionem darent, et eosdem salubri satisfactione purgatos ad communionem sacramentorum per januam reconciliationis admitterent. »*

Item Augustinus : « *Quem poenitet, omnino poeniteat et dolorem lacrymarum ostendat. Repraesentet vitam suam Deo per sacerdotem, praeveniatur iudicium Dei per confessionem. Praecepit enim Dominus mundanis, ut ostenderent ora sacerdotibus, docens corporali praesentia confitenda peccata, non per scripta manifestanda. Dixit enim : « Ora monstrate, et omnes, non unus pro omnibus : non alium statuat nuntium qui pro vobis offerat munus a*

1. Ed. om. « ipsi ». — 2. Ed. ad. « sancta ». — 3. Ed. « tegit ». — 4. Ed. « tacet homini et revelat ». — 5. Quar. « voluntate ». — 6. Quar. « protulerit ». — 7. Quar. « in Ecclesia ». — 8. Quar. « contribulati ». — 9. Quar. om. « Papa ». — 10. Quar. « indulgentiam... obtinere ».

*Moyse statutum ; sed qui per vos peccastis, per vos erubescatis. Erubescencia enim ipsa partem habet remissionis. Ex misericordia enim hoc praecepit Dominus, ut nemo pœniteret in occulto. In hoc enim quod per seipsum dicit sacerdoti, et erubescenciam vincit timore Dei offensi, fit venia criminis : fit enim veniale per confessionem quod criminale erat in operatione ; et si non statim purgatur, fit tamen veniale quod commiserat mortale. Multum enim satisfactionis obtulit qui erubescenciae dominans, nihil eorum quae commisit, nuntio Dei negavit. Deus enim qui misericors et justus est, sicut servat misericordiam in justitia, ita et justitiam in misericordia. Opus enim misericordiae est peccanti peccata dimittere ; sed oportet ut justus misereatur juste. Considerat enim si dignus est non dico justitia, sed et misericordia.*

**a.** — *Justitia enim sola damnat. Sed dignus est misericordia qui spiritali labore quærit gratiam : laborat enim mens patiendo erubescenciam. Et quoniam verecundia magna est pœna ; qui erubescit pro Christo, fit dignus misericordia.*

**b.** — *Unde patet, quia quanto pluribus confitetur in spe veniae turpitudinem criminis, tanto facilius consequitur gratiam remissionis. Ipsi enim sacerdotes plus possunt proficere, plus confitentibus parcere. »*

Item Leo Papa (*Ep.* 168, c. 2 ; *L.* 54, 1211) : « *Quamvis plenitudo fidei videatur esse laudabilis, quæ propter Dei timorem apud homines erubescere non veretur ; tamen, quia non omnium sunt hujusmodi peccata, ut ea qui poenitentiam poscunt, non timeant publicare, removeatur improbabilis consuetudo, ne multi a poenitentiae remediis arceantur, dum aut erubescunt, aut timent inimicis sua facta reserare quibus possunt legum constitutione percelli. Sufficit enim confessio quæ primum Deo offertur, et tunc etiam sacerdoti, qui pro delictis poenitentiam precator accedit. Tunc enim plures ad poenitentiam poterunt provocari, si populi auribus non publicetur conscientia confitentis. »*

Ex his aliisque pluribus indubitanter ostenditur, oportere Deo primum, et deinde sacerdoti offerri confessionem ; nec aliter posse perveniri ad ingressum paradisi, si adsit facultas.

De tertio articulo, scilicet an sufficiat confiteri laico

**7.** Nunc priusquam præmissis auctoritatibus, quæ his contradicere videntur, respondeamus, tertiam quæstionem intueamur.

Quod enim secunda quæstio continebat : scilicet an sine confessione et judicio sacerdotis, soli Deo confiteri sufficeret, expeditum est, et certificatum præmissis testimoniis, quod non sufficit confiteri Deo sine sacerdote, nec est vere humilis et pœnitens, si non desiderat et requirit sacerdotis iudicium.

Sed numquid æquivalet alicui confiteri socio vel proximo suo, saltem cum deest sacerdos ?

**a.** — Sane ad hoc potest dici quod sacerdotis examen requirendum est studiose, quia sacerdotibus concessit Deus potestatem ligandi atque solvendi ; et ideo quibus ipsi dimittunt, et Deus dimittit. Si tamen defuerit sacerdos, proximo vel socio est facienda confessio. Sed curet quisque sacerdotem quærere, qui sciat ligare et solvere. Talem enim esse oportet qui aliorum crimina dijudicat.

Unde Augustinus (*De vera et falsa poenitentia*, c. 10, n. 25 ; *L.* 40, 1122) : « *Qui vult confiteri peccata ut inveniat gratiam, quaerat sacerdotem, qui*

1. Quar. « confitebitur ». — 2. Quar. *ad.* « jam ». — 3. *Ed. om.* « quia ». — 4. Quar. *om.* « et ». — 5. Quar. « æque valet ». — 6. Quar. « judicat ».

sciat ligare et solvere : ne cum négligeas circa se extiterit, negligatur ab eo qui eum misericorditer monet, et petit, ne « ambo in foveam cadant » (Mat., xv, 14), quam stultus evitare noluit. Tanta itaque vis confessionis est, ut si deest sacerdos, confiteatur proximo. Sæpe enim contingit quod pœnitens non potest verecundari coram sacerdote, quem desideranti nec tempus nec locus offert. Et si ille cui confitebitur, potestatem non habeat solvendi, fit tamen dignus venia ex sacerdotis desiderio, qui crimen confitetur socio. Mundati enim sunt leprosi dum ibant ora vel se ostendere sacerdotibus, antequam ad eos pervenirent (Luc., xvn, 14). Unde patet Deum ad cor inspicere<sup>3</sup>, dum ex necessitate prohibentur ad sacerdotes pervenire. Sæpe quidem quaerunt eos sani et læti, sed dum quaerunt, antequam perveniant, moriuntur. Sed misericordia Dei ubique est, qui et istis parcere, novit, etsi non tam cito, sicut solverentur a sacerdote. Qui ergo confitetur sacerdoti, omnino meliori quam potest confiteatur-l.

Et si peccatum occultum est, sufficiat referre in notitiam sacerdotis. Nam in resurrectione pudhe (Mat., ix, 24), pauci interfuerunt qui viderent : nondum enim erat sepulta, nondum extra portas delata, nondum extra domum in notitiam portata, intus resuscitavit, quam intus invenit, relictis solis Petro et Jacobo et Joanne, et patre et matre puellæ, in quibus figuratiter continentur sacerdotes Ecclesiæ.

**b.** — Quos autem extra invenit, advertendum quomodo suscitavit. Eiebat enim turba post filium viduæ ; flevit Martha et Maria supplicantes pro fratre, fiebat et turba Mariam secuta (Joan., xi, 33). In quo docemur publice peccantibus non proprium, sed Ecclesiæ sufficere meritum. » « Laboret igitur<sup>3</sup> pœnitens in Ecclesia esse, et ad Ecclesiæ unitatem tendere. Nisi enim unitas Ecclesiæ succurrat, nisi quod deest peccatori sua oratione compleat, de manibus inimici non eripietur anima mortui. Credendum est enim quod omnes orationes et eleemosynæ Ecclesiæ et opera justitiæ et misericordiæ succurrant recognoscenti mortem suam ad conversionem. Ideoque nemo digne poenitere potest quem non sustineat unitas Ecclesiæ. Ideoque nemo petat sacerdotes per aliquam culpam ab unitate Ecclesiæ divisos. » (ibid., c. 12, n. 27 ; co). 1123).

Ex his satis aperitur et absolvitur præmissæ quæstionis articulus. Quærendus est enim sacerdos sapiens et discretus, qui cum potestate simul habeat iudicium : qui si forte defuerit, confiteri debet socio.

**8.** — *Dj.da vero inter confessionem venialium et mortalium distinguit super illum locum (Jacob., v, 16) : « Confitemini alterutrum peccata vestra » ; ait enim (L. 93, 40) : « Coequalibus quotidiana et levia, graviora vero sacerdoti pandamus, et quanto jusserit impore purgare curemus, quia sine confessione emendationis peccata nequeunt dimitti. »*

Sed et graviora coequalibus pandenda sunt, cum deest sacerdos et urget periculum. Venialia vero, etiam sacerdotum<sup>8</sup> oblata copia, licet confiteri coequali, et sufficit, ut Quibusdam placet ; si tamen ex contemptu non præmittatur sacerdos. Tutius est tamen et perfectius utriusque generis peccata sacerdotibus pandere, et consilium medicinæ ab eis quaerere, quibus concessa est potestas ligandi et solvendi.

1. Quar. om. » itaque ». — 2. Ed. om. « ex. ». — 3. Quar. « respicere ». — 4. Quar. « justis ». — 5. Quar. « Qui ergo omnino confitetur, sacerdoti meliori quam potest confiteatur ». — 6. Quar. « portam ». — 7. Ed. « procantibus ». — 8. Ed. « ergo ». — 9. Quar. » sacerdotis ».

**Hic** APERIT qualiter supradictæ auctoritates intelligendæ sunt

9. — Cum igitur ex his aliisque pluribus testimoniis perspicuum fiat et indubitabiliter constet peccata primum Deo, deinde sacerdoti esse confitenda, et si ipse defuerit, etiam socio : illud Joannis (Chrysostomi) superius positum, non est ita intelligendum, ut liceat alicui, si tempus habeat, sacerdoti non confiteri ; sed quia sufficiat, ubi crimen occultum est, soli Deo per sacerdotem dicere et semel ; nec oportet publicari coram multis quod occultum est. Quod notavit dicens : « *Non tibi dico, ut te prodas in publicum.* » Sicut enim publica noxa publico eget remedio ; ita occulta secreta confessione et occulta satisfactione purgatur.

Nec necesse est ut quod sacerdoti semel confessi sumus, iterum confiteamur ; sed lingua cordis, non carnis apud verum judicem id jugiter confiteri debemus..

Unde idem Joannes ait (in *Epist. ad Hebr.*, homil. 31, n. 4 ; G. 63, 217) : « *Nunc autem si recorderis peccatorum tuorum, et frequenter ea in conspectu Dei pronunties, et pro eis depreceris, citius illa delebis. Si vero obliviscaris, tunc eorum recordaberis, nolens, quando publicabuntur, et in conspectu omnium amicorum et inimicorum sanctorumque angelorum proferentur.* »

Ita etiam illud Ambrosii : « *Lacrymse lavant delictum, quod voce pudor est confiteri* », ad publicam pœnitentiam referendum est. Ibi enim virtutem iacrymarum et confessionis ostendens, significare voluit quod lacrymæ occulta ; et confessio secreta, sicut quæ fit soli sacerdoti, lavant delictum quod pudet aliquem publice confiteri. Quod vero dicit se lacrymas Petri legisse, non satisfactionem et confessionem, per hoc non excluditur illa. Multa enim facta sunt quæ scripta non sunt : et forte nondum facta erant institutio confessionis quæ modo est.

Similiter et illud Prosperii : « *Si sui iudices fiant, mutabunt aeterna supplicia* », et illud : « *Facilius Deum placabis sibi qui aut propriis confessionibus crimen produnt, aut nescientibus aliis in se sententiam excommunicationis ferunt* », ad publicam confessionem et satisfactionem referri oportet. Non enim solis sacerdotibus jus ligandi atque solvendi datum est, si cuique suo arbitrio se poena vel excommunicationis sententia ligare, et absque sacerdotali iudicio seipsum Deo et alteri reconciliare licet : quod ecclesiastica ; institutioni et consuetudini penitus repugnat.

Potius ergo, si publice peccasti, publice confitere te reum et emenda ; si vero occulte deliquisti, etiam sic non taceas. Nec tamen dico ut publices.

« *Taciturnitas enim peccati ex superbia nascitur cordis. Ideo enim peccatum suum quis celat, ne reputetur foris qualem se jam divino conspectui exhibuit : quod ex fonte superbiæ nascitur. Species enim superbiæ est se velle justum videri qui peccator est ; atque hypocrita convincitur qui ad instar primorum parentum, vel tergiversatione verborum peccata sua levigare contendit, vel sicut Cain peccata sua reticendo suppressere querit. Ubi ergo superbia regnat et hypocrisis, humilitas locum non habet. Sine humilitate vero alicui veniam sperare non licet. Ubi est ergo taciturnitas confessionis, non est speranda venia criminis.* » (Gratian, super C. *Quis aliquando* (87) d. 1, m 15, t. I, 1187).

Jam certissime liquet quam sit detestabile peccati silentium, et e converso quam sit necessaria confessio. Est enim confessio testimonium

1. Ed. « ergo b. — 2. Quar. om. « tuorum ». — 3. Juliani Pomeiui. — 4. Quar. « vel ». — 5. Quar. » reputetur ». — 6. Quar. « vel ».

conscientiæ Deum timentis ; qui enim timet iudicium Dei, peccatum non erubescit confiteri. Perfectus timor solvit omnem pudorem. Confessio peccati pudorem habet, et ipsa erubescencia est gravis pœna. Ideoque jubemur confiteri peccata, ut erubescenciam patiamur pro pœna. Nam hoc ipsum pars est divini iudicii.

**10.** — Si ergo quæritur ad quid confessio sit necessaria, cum in contritione jam deletum sit peccatum, dicimus quia quædam punitio peccati est, sicut satisfactio operis. Per confessionem etiam intelligit sacerdos qualiter debeat iudicare de crimine. Per eam quoque peccator fit humilior et cautior.

### DIVISIO TEXTUS

**11.** — « Hic oritur quæstio multiplex, etc. » (1).

Postquam distinxit Magister pœnitentiæ partes, *hic movet quasdam quæstiones de partibus illis*. Et dividitur in partes duas. *In prima* movet quæstiones. *In secunda* prosequitur eas, ibi : « Dicunt enim quidam, etc. » (2).

Et hæc pars dividitur in duas. *In prima* prosequitur unam quæstionem de comparatione contritionis ad confessionem, utrum scilicet per solam contritionem aut confessionem peccatum dimittatur. *In secunda prosequitur quæstiones* de ipsa confessione, ibi : « Jam secundum quæstionis articulum, etc. » (5).

Circa primum *tria* facit. *Primo* ponit rationes ad partem affirmativam, *secundo* ad negativam, ibi : « Quod qui negant, etc. » ; (3) *tertio* determinat veritatem, ibi : « Quid igitur super his, etc. » (4)

« Jam secundum quæstionis, etc. » (5) Hic prosequitur quæstiones de ipsa confessione secundum se. Et dividitur in partes duas. *In prima* prosequitur quæstiones superius motas de confessione ex parte ejus cui facienda est confessio. *In secunda* concludit ex dictis responsionem ad quamdam quæstionem de necessitate confessionis, ibi : « Si ergo quæritur ad quid confessio, etc. » (10).

*Prima in tres*. *In prima* prosequitur secundam quæstionem superius motam, scilicet utrum oporteat homini confiteri<sup>2</sup>, an sufficiat confessio Deo facta, ponendo rationes ad veritatem et contra veritatem. *In secunda* prosequitur tertiam quæstionem, scilicet an oporteat sacerdoti confiteri, vel possit fieri cuicumque, ibi : « Nunc priusquam præmissis, etc.<sup>3</sup> » (7). *In tertia* respondet ad objectiones secundæ quæstionis contra veritatem factas, ibi : « Cum igitur ex his aliis, etc.<sup>4</sup> » (9).

*Prima in duas*. *In prima* objicit contra veritatem ; *in secunda* pro ipsa, ibi : « Sed quod sacerdotibus, etc.<sup>5</sup> » (6).

« Nunc prius quam præmissis, etc.<sup>6</sup> » (7). Hic *duo* facit. *Primo* ostendit quod quando facultas adest, confessio facienda est

1. Ed. *om.* « etc. ». — 2. Ed. *ad* « et ». — 3. Ed. *om.* « etc. ». — 4. Ed. « aliisque e... » et *om.* « etc. ». — 5. Ed. *om.* « etc. ». — 6. Ed. *om.* « etc. ».

sacerdoti. *Secundo* distinguit in hoc de confessione venialium vel mortalium, secundum Bedam, ibi : « Beda vero inter confessionem, etc.1 » (8)

Hic est triplex quæstio

Prima de justificatione impii.

Secunda de contritione.

Tertia de confessione.

De satisfactione autem in 15 d., dictum est.

## QUÆSTIO I

Circa primum quaeruntur quinque.

*Primo*, quid sit justificatio impii.

*Secundo*, quæ præexiguntur ad ipsam.

*Tertio*, quæ concurrunt ad ipsam.

*Quarto*, de ordine ipsorum.

*Quinto*, qualis sit.

### ARTICULUS I

[I-II, q. 113, a. 1, a. 6, ad 1 ; Ver. q. 28, a. 1.]

[I]

**12. — AD PRIMUM SIC PROCEDITUR.** Videtur quod HÆC ASSIGNATIO QUÆ PONITUR ROM., VIII, IN GLOSSA SIT INCOMPETENS, scilicet : « *Justificatio est remissio peccatorum, et consummatio bonorum operum.* »

1. Peccata enim inficiunt omnes potentias. Sed justificatio est in sola voluntate ; quia secundum Anselmum (in *Dialogo de ver.*, c. 13 ; L. 158, 480), « *justitia est rectitudo voluntatis pro se servata* ». Ergo cum justificatio sit nihil aliud quam justitiæ adeptio, videtur quod non sit remissio omnium peccatorum.

2. **Præterea.** Bernardus dicit (*Epist.* 107, n. 7 ; L. 182, 246) quod « *justificatio est revelatio divini consilii* ». Sed divinum consilium revelatur aliquando eis quibus non dimittitur peccatum, sicut patet de Nabuchodonosor, Dan., ii. Ergo justificatio non est peccatorum remissio.

3. **Præterea.** Justificatio, ut Quidam dicunt, est effectus justitiæ generalis? qua de impio fit pius. Remissio autem peccatorum non est effectus justitiæ, sed gratiæ. Ergo justificatio non est remissio peccatorum.

1. Ed. om. « etc. ».

Ed. ad. \* in ».

, 4. **Præterea.** Consummatio bonorum operum in pœnitente fit per satisfactionem. Sed homo justificatur per solam contritionem ante satisfactionem, ut ex *Littera* (4) habetur. Ergo ustificatio non est consummatio bonorum operum.

[H]

[I-II, q. 113, a. 1, ad 3.]

**13. — ULTERIUS.** Videtur quod justificatio sit aliud QUAM VOCATIO.

1. Quia, *Rom.*, vm, 30, quatuor per ordinem recitantur : scilicet *prædestinatio, vocatio, justificatio, magnificatio*. Sed secundum horum distat a primo. Ergo et tertium differt a secundo.

2. **Præterea.** Avocatio est etiam in peccato existentium. *Prov.*, i, 24 : « *Vocavi et renuistis* ». Sed justificatio non, cum sit peccatorum remissio. Ergo justificatio non est vocatio.

3. **Præterea.** Vocatio importat distantiam in eo qui vocatur. Sed justificatio importat approximationem ad Deum in eo qui justificatur. Ergo justificatio non est vocatio.

**14. — SED CONTRA.** *Glossa Rom.*, vm, 30 (f. 114, 498), [dicit] quod « *vocare esi cognitionem de fide adjuvare* ». Sed istud adjutorium non est per gratiam gratis datam ; quia sic esset etiam malorum : quod est contra intentionem *Glossæ*, ibidem. Ergo est per gratiam gratum facientem. Sed infusio gratiæ gratum facientis est justificatio. Ergo vocatio est idem quod justificatio.

**15. — Præterea.** Idem per essentiam est motus a termino et ad terminum oppositum, sicut de albedine ad nigredinem. Sed vocatio dicit motum a termino, scilicet a peccato ; justificatio dicit accessum ad terminum, scilicet justitiam. Ergo justificatio et vocatio sunt idem.[III]

[III]

**16. — ULTERIUS.** Videtur quod justificatio non sit idem quod renovatio mentis, et sanatio.

1. Quia justificari potest aliquis in hac vita, non autem renovari vel sanari. Ergo justificatio neutrum illorum est.

**Probatio mediæ quantum ad justificationem** est ex hoc quod dicitur *Rom.*, m, 24 : « *Justificati gratis etc2.* ». *Quantum ad sanationem* patet per id quod dicitur in *Glossa* super illud *ps.* (cn, 3) : « *Qui sanat omnes infirmitates tuas* », quod in fine sanabit languores, quando corruptibile hoc induet incorruptionem : quod

1. Ed. ad. « dicit », contra *αβγζη*. — Ed. om. « etc. ».

non erit in hac vita. *Quantum ad renovationem* autem ex hoc quod dicitur in *Glossa* super illud *Rom.*, vi, 4 : « *In novitate vitæ ambulemus* » : quod in futuro in immortalitate perficitur.

**2. Præterea.** Quorum opposita differunt, ipsa etiam differunt. Sed opposita horum sunt diversa et nomine et ratione ; quia justificationi opponitur impietas, renovationi vetustas, sanationi infirmitas. Ergo non sunt idem.

**17. — SED CONTRA.** Renovatio mentis et sanatio fit per peccatorum dimissionem. Sed justificatio nihil aliud est quam peccatorum remissio. Ergo videtur quod justificatio sit idem quod renovatio vel sanatio mentis.

## [IV]

**18. — ULTERIUS.** Videtur quod justificatio non reducatur AD ATTRIBUTUM MISERICORDIÆ.

1. Quia secundum Augustinum (*In Joan.*, tract. 72, η. 3; L. 35, 1823j. *majus est de impio facere pium quam creare cælum et terram.* Sed creatio cæli et terræ, propter hoc quod infinitam potentiam ostendit, reducitur ad attributum potentiae. Ergo et justificatio impii ; et non ad misericordiam.

**2. Præterea.** Deus, inquantum est bonus, facit omnia bona. Ergo inquantum est justus, facit homines justos. Sed justificare nihil aliud est quam justum facere. Ergo justificatio reducitur ad attributum justitiæ magis quam misericordiæ.

**3. Præterea.** Ambrosius dicit (*De pænil.*, lib. II), quod « *præcedit quiddam in peccatoribus quo digni sunt justificatione* ». Sed ad justitiam pertinet reddere alicui hoc quo dignus est. Ergo justificatio reducitur ad attributum justitiæ.

**19. — SED CONTRA.** Miseria hominis in peccato principaliter consistit ; « *miseros enim jacet populos peccatum* » (*Prov.* xiv. 34) ; sed remove miseriam ad misericordiam pertinet. Ergo cum justificatio sit peccatorum remissio, videtur quod ad attributum misericordiæ reducatur.

**20. — Præterea.** Justificatio fit per gratiam. Sed gratia est effectus misericordiæ, ut patet per illud quod *Apostolus* inducit *Rom.*, ix, 15 : « *Miserebor cujus miserebor, etc.* » Ergo pertinet ad misericordiam.

**21. — RESPONSIO.** Dicendum AD PRIMAM QUÆSTIONEM quod justificatio de sui ratione importat motum ad justitiam. Justitia autem, secundum Philosophum in *V Eth.*, (e l. 1129a, 31 sq. ; l. 1, n. 894, sq. et l. 2.) *Iribus* modis dicitur.

*Uno enim modo* est specialis virtus squalitatem constituens in commutationibus et distributionibus communieabilium bonorum quæ sunt necessaria in vita.

*Alio modo* est nomen generale ad omnes virtutes, secundum quod actus earum ad bonum commune ordinat secundum directionem legis.

*Tertio modo* importat quemdam statum rectitudinis in homine quantum ad partes ipsius, prout scilicet aliqua pars animæ suo superiori subditur, sive alii parti, sive ipsi Deo. Et hanc justitiam nominat Philosophus *melaphoricam*, eo quod diversæ partes hominis computantur quasi diversæ personæ.

**22.** — Hæc autem rectitudo per quodlibet peccatum tollitur, et per gratiam reparatur. Unde hæc justitia *generalis* etiam dicitur, inquantum omnes virtutes includit, non quidem per modum totius universalis, sicut præcedens justitia; sed generalis dicitur per modum totius integralis. **Et ad hanc justitiam motus justificatio dicitur.**

**23.** In quolibet autem motu est recessus a termino, et hoc in prædicta assignatione tangitur in hoc quod dicitur: « *remissio peccatorum* »; et accessus ad terminum qui tangitur in hoc quod dicitur: « *et consummatio bonorum operum* ».

**24.** — **AD PRIMUM** ergo dicendum quod *lota ista rectitudo a voluntate originaliter est*, quæ est principium merendi et demerendi; sed etiam est *in aliis partibus* animæ quasi rectificatis, *sicut in subjecto*.

**25.** — **Ad secundum** dicendum quod *revelatio* sumitur ibi *materialiter*, pro eo scilicet in quo consilium revelatur. Consilium autem divinæ prædestinationis fuit de justificatione. Unde hoc consilium revelatur per ipsam justificationem, sicut effectus per causam. Et sic objectio cessat.

**26.** — **Ad tertium** dicendum quod *justificatio* potest sumi *dupliciter*. *Vel* secundum quod respondet ad *justificari*; et sic dicit motum ad justitiam prædictam. *Vel* secundum quod sumitur ad *justificatum esse*; et sic est effectus formalis justitiæ prædictæ, quia ea aliquid formaliter justificatum est, sicut albedine albatum.

**27.** — *Sicut* autem ab essentia animæ potentiæ fluunt, ita rectitudo potentialium a gratia, quæ est essentiæ perfectio. Et inter ipsas potentias voluntas quæ alias movet eis rectitudinem quodammodo largitur. *Et ideo prædictæ justitiæ causa prima est gratia, et consequenter caritas*, quæ voluntatem ad finem perficit, a quo est rectitudo prædicta.

**28.** — Et propter hoc ipsa justificatio et peccatorum remissio

est effectus justitiæ generalis sicut causæ formalis proximæ ; sed caritatis et gratiæ sicut causarum causæ proximæ. Sicut aliquis *æqualis* dicitur et æqualitate, et quantitate quæ est æqualitatis causa.

29. — **Et** quia a proximis causis vel terminis aliquid denominari debet, ideo prædictus motus vel terminatio motus magis denominatur a justitia quam a caritate vel gratia.

30. — **Ad quartum** dicendum quod consummatio bonorum operum potest accipi *vel* in executione ipsorum, et ita procedit objectio, et sic non accipitur hic ; *vel* in infusione habituum, a quibus opera bona perfectionem habent, et sic dicitur hic *consummatio bonorum operum justificatio*.

31. — **AD SECUNDAM QUÆSTIONEM** dicendum quod vocatio est *duplex*. **Quædam exterior**, ut quæ fit per prædicatorem<sup>2</sup> et hæc non est justificatio, sed disponit ad eam.

;**Quædam vero interior**. *Et hæc quandoque* quidem *non pertingit ad finem* suum ex vocati defectu. Et hæc vocatio nihil aliud est quam aliquis instinctus, vel motus ad bonum a Deo immissus. Et hæc etiam vocatio non est idem quod justificatio, sed via ad illam.

*Quandoque autem pertingit ad finem*, quando scilicet aliquis audit vocantem et venit ad Christum, ut dicitur<sup>3</sup> **Joan.**, v 14, 45. Et hæc vocatio idem est quod justificatio secundum substantiam, sed differt ratione ; quia *vocatio* dicitur secundum quod per infusionem gratiæ et auxilium homo a peccato retrahitur ; sed *justificatio* respicit terminum ad quem, scilicet prædictæ rectitudinis statum. Et sic *vocatio* sumitur *Rom.* vii, 30, ut patet per **Glossam**. Auxilium enim quod fidei nos vocando, Deus præstat, est gratia quæ facit fidem per dilectionem operari.

32. — Unde illorum quatuor quæ ibi ponuntur, **prædestinatio** est causa justificationis in justificante, **vocatio** autem est idem **justificationi**, ratione differens, ut dictum est (31) ; sed **magnificatio** est justificationis complementum, sive refertur ad perfectionem gratiæ, sive ad perfectionem gloriæ.

33. — **AD PRIMUM** ergo dicendum quod vocatio ibi præponitur justificationi ; quia *prius est recessus a termino quam accessus ad terminum*.

34. — **Ad secundum** dicendum quod *objectio procedit de primis duabus justificationibus*, non de tertia.

35. — **Ad tertium** dicendum quod *ille non justificatur quantum ad terminum a quo erat distans, sed quantum ad terminum ad quem esi prope*. Et hoc competit ei quod dictum est.

1. Ed. « sic ». — 2. η « prædicatores ». 3. ζ om. « ut dicitur ». — 4. Ed. ad. « Omnis qui audivit a Patre et didicit, venit ad me ». — 5. F. « justificat ».

**36. — AD TERTIAM QUÆSTIONEM** dicendum quod *prædicta justitiæ rectitudo metaphorice sanitas animæ dicitur et novitas ipsius*, eo quod sanitas commensurationem debitam in partibus corporis importat. Novitas autem integritatem et virtutem et decorem habet. Et hæc omnia patet quod rectitudo potentialium animæ quæ justitia dicitur, continet<sup>1</sup> per similitudinem.

**37. —** Sed quia res aliqua non est ita uni similis quin etiam aliis<sup>2</sup> possit assimilari ; inde est quod ea quæ metaphorice dicuntur, non ita conveniunt uni quin et aliis convenire possint : sicut leo metaphorice et. Deus et diabolus dicitur.

**38. —** Unde *sanitas et novitas per similitudinem integritatem gratiæ significare possunt* quæ per culpam tollitur. Unde culpa etiam similitudinarie dicitur vetustas et languor animæ. *Et etiam possunt significare integritatem naturæ* quam tollit pœna, quæ etiam vetustas et languor dicitur. Sed quia culpa est causa pœnæ, ideo vetustas in vetustate et languor in languore includitur, sicut effectus in causa.

**39. — Patet ergo quod ipsa justificatio** per quam gratia acquiritur et culpa tollitur, **renovatio et sanatio dici potest** ; quamvis etiam ablatio pœnæ renovatio et sanatio dici possit:

**40. AD PRIMUM** ergo dicendum quod *quantum ad culpam potest fieri renovatio in hac vita*, sed non quantum ad pœnam omnino ; et similiter est *de sanatione*. Et sic loquuntur auctoritates illæ<sup>4</sup>.

**41. — Ad secundum** dicendum quod illa etiam per similitudinem significant idem quod impietas, ut ex dictis patet (33).

**42. — AD QUARTAM QUÆSTIONEM** dicendum quod in omni actione quam Deus in creatura facit omnia attributa concurrunt — alias ejus actio non esset perfecta — sed tamen aliqua ipsius actio vel effectus actionis uni attributo appropriatur magis quam alteri, in quantum illud attributum magis manifestatur per talem actionem vel effectum quam per aliud : sicut per revelationem futurorum manifestatur plenitudo divina\* sapientiæ, et ideo sapientiæ appropriatur.

**43. — Et quia in justificatione impii maxime divina misericordia manifestatur, ideo ad hoc attributum reducitur.**

**44. — AD PRIMUM** ergo dicendum quod *difficultas quæ est in justificatione impii*, maxime est ex incongruentia impii ad justificationis effectum suscipiendum. Et ideo quando talis effectus in ipsum inducitur, *magis indicat misericordiam quam potentiam*.

1. Ed. *ad.* per ». — 2. Ed. *ad.* « hæc omnia ». — 3. Ed. « alteri ». — 4. η « inductæ ».

45. — *Sed effectus creationis* difficultatem habet propter magnitudinem facti, vel propter modum faciendi, quia ex nihilo fit aliquid. Et ideo *manifestat maxime potentiam*.

46. — **Ad secundum** dicendum quod *justificatio manifestat justitiam divinam sicut causam exemplarem, sed misericordiam sicut causam efficientem* : effectus autem proprie causæ efficienti respondet. Sed bonitas creaturæ manifestat bonitatem divinam utroque modo ; quia bonitas movet ipsum ad communicandum similem bonitatem. Sed misericordia magis movet ad justificandum quam justitia.

47. — **Ad tertium** dicendum quod illud non est intelligendum quasil aliquis ante justificationem sit sufficienter dignus; alias gratia non esset gratia ; sed quia *est in ipso aliqua dispositio ad justificationem qua est minus indignus quam alii*. Unde talis dignitas ad justitiam non sufficit.

## ARTICULUS II

### [I]

[I-II, q. 112, a. 2 ; q. 113, a. 3 ; *Joan.* c. 4, l. 2 ; *Hebr.* c. 12, l. 3.]

48. — **AD SECUNDUM SIC PROCEDITUR.** Videtur quod PRÆPARATIO, PER QUAM ALIQUIS FACIT QUOD IN SE EST, AD JUSTIFICATIONEM NON PRÆEXIGATUR.

1. Ille enim qui ad peccandum nititur, non præparat se ad gratiam faciendo quod in se est. Sed aliquando aliquis justificatur qui ad peccatum tendit, sicut de Paulo patet *Act.*, ix. Ergo prædicta præparatio ad justificationem non præexigitur.

2. **Præterea.** Major est caritas in Deo quam illa quam homini præcipit. Sed homini præcipit ut beneficiat inimicis, *Mat.*, v, 44. Ergo ipse multo fortius beneficit justificando his qui peccando inimicitias contra ipsum exercent. Et sic idem quod prius.

3. **Præterea.** Dei bonitate nihil majus cogitari potest. Sed bonum est diffusivum sui, secundum Dionysium (*De div. nom.*, c. 4 ; *G.* 3, 693). Cum ergo major diffusio bonitatis esset, si etiam renitentibus daretur gratia, videtur quod gratiæ infusio per quam fit justificatio, præparationem non præexigat.

49. — **SED CONTRA.** Ille qui clausum habet oculum materiale, non potest lumen materiale suscipere. Sed ille qui non se præparat faciendo quod in se est, non aperit spirituales oculos quem peccando clausit. Ergo non potest lumen gratiæ spiritualis recipere. Et sic non potest justificari.

1. Ed. « quod ». — 2. Ed. « se præparat ad faciendum ».

**50. — Præterea.** Augustinus dicit *ISerm.* 69, c. 11 ; L. 88, 923) « *Qui creavit te sine te, non justificabit te sine te.* » Ergo, exigitur! præparatio ex parte nostra.

## [II]

[I-II, q. 112, a. 2 ; *Joan.* c. 4, l. 2 ; *Hebr.* c. 12, l. 3.]

**51. — ULTERIUS.** Videtur quod nihil sit in homine QUOD FACERE POSSIT UT AD GRATIAM HABENDAM SE PRÆPARET.

1. Quia *super illud Exod.*, (vu, 3) : « *Induravi cor ejus, etc.* », dicit Glossa quod « *ita induratum est cor ejus, quod nihil poterat facere acceptabile Deo* ». Sed nihil ad gratiam habendam præparat nisi opus acceptabile Deo. Ergo non erat in eo facere aliquid per quod se præpararet. Et eadem ratio est de aliis.'

2. **Præterea.** Augustinus dicit (*Epist.* 186, n. 9 ; L. 33,819), quod « *cum fides justificationem impetrat, voluntas concomilatur gratiam, non ducit ; est pedissequa, non prævia* ». Sed si homo posset se ad gratiam nondum habitam præparare, voluntas ejus esset prævia gratiæ. Ergo non potest homo aliquid facere per quod se ad gratiam præparet.

3. **Præterea.** Nullus potest se ad gratiam præparare nisi recte agendo. Sed secundum Augustinum in lib. *Retract.*, (I, C. 9, n. 4 ; L. 32, 596), « *a mortalibus recte non vivitur nisi prius liberum arbitrium a peccati pravitate liberetur* » : quod fit per gratiam. Ergo ante gratiam habitam non potest se ad gratiam præparare.

4. **Præterea.** Fides intentionem dirigit. Sed operatio quæ sine recta intentione fit, non potest ad gratiam præparare. Ergo fides oportet quod præcedat præparationem. Et ita cum fides ad gratiam pertineat, ut Augustinus ex verbis Apostoli probat ; ante gratiam præparatio ad gratiam esse non potest)

**52. — SED CONTRA.** Deus non præcipit homini impossibile. Sed præcipit ei quod se ad gratiam aliquid faciendo præparet, ut patet *Jac.*, iv, 8 : « *Appropinquate Deo, et appropinquabit vobis* ». Ergo possibile est homini facere quod se ad gratiam præparet.

## [III]

[I-II, q. 112, a. 3.]

**53. — ULTERIUS.** Videtur quod non sit necessarium EUM QUI FACIT QUOD IN SE EST, JUSTIFICARI.

1. Ed. « præexigitur ».

1. Illud enim quod fit gratis, fit ex liberalitate, non ex necessitate. Sed « *justificamur gratis* », ut patet *Rom.*, in, 24. Ergo non est necessarium quod justificemur, quantumcumque simus præparati.

2. **Præterea.** Deus comparatur ad nos sicut figulus ad lutum, ut patet *Is.*, l x i v, 7, et *Jerem.*, x v i i i, 3-6, et *Rom.*, ix, 20. Sed quantumcumque lutum sit præparatum, non est necessarium quod ex eo formetur vas. Ergo quantumcumque homo sit præparatus, non est necessarium quod ei gratia infundatur.

3. **Præterea.** Illud quo posito necesse est alterum esse, videtur sufficienter ad illud ordinari. Sed actus noster qui sufficienter ad aliquid ordinatur, dicitur esse meritorius illius. Ergo aliquis merebitur justificationem secundum opera quibus se præparabit, si necessario ad præparationem illam sequitur justificatio.

54. — **SED CONTRA.** Impossibile est Summam Veritatem mentiri. Sed ipsa Veritas promisit se gratiam daturum ei qui quod in se est, facit. *Zach.*, i, 3 : « *Convertimini ad me, et convertar ad vos* »; et *Apoc.*, in, 20 : « *Si quis aperuerit mihi, intrabo ad illum.* » Ergo necesse est homo qui facit quod in se est, justificari.

55. — **Præterea.** *Rom.*, m l, 21, super illud : « *Justitia Dei manifestata est* », dicit *Glossa* (L. 114, 380) : « *Deus recipit confugientes ad se ; aliter in eo esset iniquitas.* » Sed impossibile est in Deo esse iniquitatem. Ergo necessarium est quod justificet illos qui faciunt quod in se est.

56. — **RESPONSIO.** Dicendum **AD PRIMAM QUÆSTIONEM** quod voluntas quæ est susceptiva perfectionis justitiæ, non potest huic perfectioni subjici ab extrinseco agente cui nil conferat ; quia hoc esset per violentiam agens, quæ in voluntatem non cadit, cum cogi non possit. **Et ideo oportet quod ipsa coeperetur ad suam perfectionem.** Et hæc cooperatio dicitur **præparatio ad gratiam quæ facit quod in se est.**

57. — *Sed non semper oportet quod talis præparatio tempore justificationem præcedat*, sicut oportet in mutationibus naturalibus quod alteratio tempore semper præcedat generationem ; quia cum actus voluntatis sit in sua potestate, a principio potest esse tantum intensus, quantum sufficit ad præparationem ; sed dispositio naturalis ad formam successive ad hanc intentionem procedit.

58. — In illis autem qui non per propriam voluntatem culpam incurrunt et usum voluntatis non habent, non exigitur ex parte eorum aliqua præparatio, sicut de pueris patet in baptismo.

59. — **AD PRIMUM** ergo dicendum quod *justificatio de qua*

1. Cod. et RANVP. « v ».

*nunc loquimur, semper est cum cooperatione voluntatis quæ præparatio dicitur.*

**60.** — Sed hæc cooperatio, ut dictum est (**57-8**), *quandoque diu ante incipit quam gratia infundatur; quandoque autem, quia perfecta est, statim justificationem adjunctam habet.* Unde potest contingere quod aliquis dum est in proposito et intentione peccandi, subito ejus voluntas convertitur<sup>1</sup> ad Deum, *vel ex aliquo exteriori occasione accipiens, sicut fuit in Paulo; vel etiam ex aliquo interiori instinctu quo cor hominis movetur a Deo.*

Unde non sequitur quod talis gratiam habeat non faciens quod in se est.

**61.** — **Ad secundum** dicendum quod homini non præcipitur quod illa bona faciat inimicis suis [quorum]<sup>2</sup> capaces non sunt, sed illa quæ suscipere possunt. Et hoc *Deus* maxime implet, quia **bona** quibus capaces sunt, scilicet **naturalia**, *eis largitur qui contra ipsum peccando inimicitias exercent.*

**62.** — **Boni tamen gratiæ capaces non sunt nisi voluntate consentiente.** Et sic quod ipse paratus est dare, illi recipere nolunt.

**63.** — **Ad tertium** dicendum quod talis diffusio boni non potest intelligi nisi aliquis perfectionem illam suscipiat, cujus<sup>3</sup> non est capax. *Et ideo ratio illa procedit ex falso.*

**64.** — **AD SECUNDAM QUÆSTIONEM** dicendum quod *preparatio quæ exigitur in materia* ad hoc quod formam suscipiat, *duo includit*: scilicet quod sit in debita proportione ad formam et quod sit in debita proportione<sup>4</sup> ad agens quod debet formam inducere; quia nihil se educit de potentia in actum. Debita autem proportio ad suscipiendum actionem<sup>5</sup> agentis attenditur secundum debitam approximationem ad agens.

**65.** — *In spiritualibus autem non est intelligenda localis approximalia, sed spiritualis, quæ est dupliciter. Primo per similitudinem naturæ, secundum quod res corruptibiles dicuntur magis a primo distare quam incorruptibiles in 11 De gener., (β 10, 338b, 30), et propter hoc debilius esse recipiunt; et similiter spiritualia propinquiora esse Deo quam corporalia. Et propter hoc angeli, secundum Dionysium in cap. iv Cæl. hier. (n. 2; G. 4, 179) abundantius de divina bonitate recipiunt. Secundo secundum affectum; quia, secundum Augustinum<sup>6</sup> [In ps. 33, n. 10; L. 36, 313), Deo, non loco, sed affectu propinquamus.*

1. Ed. « convertatur ». — 2. *αβγζη* "cujus". — 3. Ed. « cui renitens ». — 4. Ed. *om.* per *homot.* « quod sit in debita proportione ». — 5. Ed. « actum ». — 6. Habetur etiam in *Joan.*, tract. 32; L. 35, 1642.

**66.** — Sed *debita proportio materiæ ad formam est duplicités* : scilicet per ordinem naturalem materiæ ad formam, et per remotionem impedimenti.

Ad hoc ergo quod voluntas se ad gratiam justificantem præparet, oportet quod se in debita proportione ad Deum qui dat et ad gratiam quæ datur, ponat. Sed proportio ad Deum per naturæ similitudinem non est in potestate voluntatis ; similiter nec proportio capacitatis gratiæ, quia hæc ei præexistunt a creatione.

**67.** — Unde relinquitur quod in ipsa voluntate sit appropinquare Deo per affectum et desiderium et ordinari ad gratiam per remotionem impedimenti : quod quidem impedimentum est peccatum. **Et ideo per displicentiam peccati et affectum ad Deum se aliquis ad gratiam præparat.** Et quando hæc duo efficaciter facit, dicitur facere quod in se est, et gratiam recipit.

**68.** — *De primo* horum dicitur **Jac.**, iv, 8 : « *Appropinquate Deo, et appropinquabit vobis ; de secundo Apoc.*, m, 20 : « *Sz quis aperuerit mihi, etc.* ».

**69.** — **AD PRIMUM** ergo dicendum quod *si opus Deo acceptabile dicatur opus meritorium*, tunc planum est quod nec Pharao nec aliquis in peccato mortali existens, potest facere opus Deo acceptum.

**70.** — *Si autem omne opus quod est bonum ex genere et bona intentione factum*, dicatur opus acceptable Deo ; tunc Pharao dicitur non potuisse, non quia omnino non potuerit, sed propter fixationem obstinatæ voluntatis ad malum, in quam inciderat divina gratia desertus.

**71. Ad secundum** dicendum quod *voluntas nostra est omnino pedissequa respectu divinæ gratiæ, et nullo modo prævia* ; quia ipsa voluntas bona quæ gratiam gratum facientem præcedit, ex Deo nobis provenit qui gratuita sui voluntate nos ad hoc provocat vel flagellis, vel aliquo auxilio interiori aut exteriori.

Nec tamen **voluntas hæc est prævia**, sed **pedissequa respectu gratiæ gratum facientis** ; quia non est causa ipsius, sed **aliqua-liter ad ipsam viam parat**.

**72.** — **Ad tertium** dicendum quod *sine gratia gratum faciente non potest recte a mortalibus vita duci, secundum quod li « recte » importat rectitudinem ad finem ultimum pertinentem* ; potest tamen etiam sine ea recte aliquid agi rectitudine quam habet actus ex materia et circumstantiis et fine debito, sed non sine gratia quæ dicitur gratuita Dei voluntas.

**73.** — **Ad quartum** dicendum quod *recta intentio ad finem ultimum determinate perducens, non potest esse sine fide* ; sed

1. Ed. *ad.* « et introibo ad illum ». — 2. εζηθ « ad primum ergo » contra ικ et ed. — 3. Ed. « sua ».

tamen finis ultimus, scilicet Deus, potest esse in intentione etiam! ejus qui finem non habet, per generalem vel naturalem cognitionem quam de Deo habet. *Unde etiam ille qui fidem non habet, potest se ad finem habendam præparare et ad gratiam, si secundum suam cognitionem peccatum sibi displiceat, et in Deum affecius ejus feratur.*

**74. — AD TERTIAM QUÆSTIONEM** dicendum quod *duplex* est necessitas : scilicet necessitas *absoluta*, et necessitas *ex suppositione*.

*De prima quidem necessitate loquendo*, non est necessarium eum gratiam recipere qui se sufficienter ad gratiam parat ; quia neque per se necessitas, secundum quam Deum necesse est esse, neque necessitas coactionis vel prohibitionis, in his quæ divina voluntate fiunt, cadere potest.

**75. — Loquendo autem de necessitate quæ est ex suppositione divini propositi**, quo propter benevolentiam suæ bonitatis voluit unicuique eam communicare secundum suam capacitatem, **necessarium est quod cuilibet materiæ præparatæ forma infundatur**. Non tamen eodem modo est in omnibus formis quia *formæ quæ mediantibus secundis agentibus in materia producuntur*, necessario in materia disposita recipiuntur *necessitate condicionali in comparatione ad Deum*, cujus virtute cetera agentia agunt ; sed *necessitate absoluta per comparationem ad agentia proxima*, quæ necessitate naturæ agunt propter ordinem divinitus eis impositum, quem præterire non possunt.

**76. — Formæ autem quæ immediate a Deo inducuntur non habent necessitatem absolutam ex parte agentis, sed quædam ex parte recipientis**, sicut in perfectionibus quæ sunt de esse naturæ, ut est anima rationalis.

**77. — Formæ autem quæ non debentur naturæ, sicut gratia et virtutes**, immediate a Deo productæ, **nihil habent de necessitate absoluta**, sed solum de necessitate ex suppositione divini ordinis, ut dictum est (74).

Et per hoc patet responsio ad objecta ; quia primæ rationes procedunt de necessitate? [absoluta, aliæ de necessitate] ex suppositione divini propositi.

## ARTICULUS III

## W

[I-II, q. 113, a. 2; Ver. q. 28, a. 2; Ephes, c. 5, l. 5.]

**78. — AD TERTIUM SIC PROCEDITUR.** Videtur quod GRATIÆ INFUSIO NON REQUIRATUR AD JUSTIFICATIONEM.

1. Non enim minus est justificare quam creare. Sed Deus creat sine medio. Ergo et justificat sine gratia media.

2. **Præterea.** In contrariis mediatis unum potest removeri sine hoc quod alterum ponatur. Sed inter statum culpæ et gratiæ est medium innocentiae status. Ergo potest removeri culpa per justificationem sine hoc quod gratia infundatur.

**79. — SED CONTRA.** Nulli dimittitur peccatum, nisi ratione caritatis; quia « *caritas est quæ universa delicta operit* »; Prov. x, 12. Sed caritas non potest esse sine gratia, quia nunquam est informis. Ergo nec remissio peccatorum potest fieri sine gratiæ infusione.

## [II]

[II Sent. d. 37, a. 2, ad 7; I-II, q. 113, a. 3; Ver. q. 28, a. 3, 4; Joan. c. 4, l. 2; Ephes, c. 5, l. 5.]

**80. — ULTERIUS.** Videtur quod non sit necessarius AD JUSTIFICATIONEM MOTUS LIBERI ARBITRII IN ÆUM.

1. Ille enim qui trahitur, non movetur libero arbitrio. Sed ille qui venit ad Deum trahitur per justificationem<sup>1</sup>, Joan., vi, 44: « *emo venit ad me, nisi Pater meus traxerit illum.* » Ergo in justificatione non est<sup>4</sup> motus liberi arbitrii.

2. **Præterea.** Sicut gratia est a Deo, ita et sapientia. Sed ad hoc quod aliquis accipiat sapientiam a Deo, non exigitur motus liberi arbitrii; unde dormienti datur, ut patet III Reg., m, de Salomone; et Job, xxxiii, 15 et 16, dicitur: « *In somno tunc aperit aures vivorum.* » Ergo et ad gratiam justificantem suscipiendam non requiritur motus liberi arbitrii.

3. **Præterea.** Per baptismum aliquis justificatur. Sed in baptismo non requiritur motus liberi arbitrii ad effectum ejus suscipiendum; quia pueri et dormientes ejus effectum suscipere possunt ut dicit *Decretalis* Innocentii III (extra *De baplis-et ejus effectu*, cap. « *Majores* »). Ergo ad justificationem non requiritur motus liberi arbitrii in Deum.

1. αβγζηβι, λ om. « trahitur », contra κ et ed. — 2. Ed. ad. « necessarius ».

**81. — SED CONTRA.** Augustinus dicit (*Serm.* 159, c. 11 ; L. 38, 923) : « *Qui creavit te sine te, non justificabit te sine te.* » Ergo requiritur motus liberi arbitrii in Deum ad justificationem.

**82. — Præterea.** Bernardus dicit (*Trad. de grat. el lib. arb.* c. 1, n. 2 ; L. 182, 1002) quod donum gratiæ « *tam absque consensu recipientis esse non potest, quam absque gratia dantis.* » Sed consensus non est sine motu liberi arbitrii. Ergo motus liberi arbitrii ad justificationem requiritur.

## [III]

[I-II, q. 113, a. 4; *Ver. q.* 28, a. 4; *Ephes.* c. 2, l. 3.]

**83. — ULTERIUS.** Videtur quod iste motus liberi arbitrii in Deum non sit motus fidei.

1. Quia ad hoc quod Deus appropinquet nobis per justificationem, oportet quod nos appropinquemus ei per affectum (67). Sed per affectum facit nos appropinquare Deo caritas. Ergo iste motus liberi arbitrii in Deum, non est fidei, sed caritatis.

2. **Præterea.** Is., xxvi, 18, dicitur « *A timore luo, Domine, concepimus spiritum salutis.* » Ergo cum ista conceptio in justificatione fiat, videtur quod sit motus timoris, non fidei.

3. **Præterea.** Dispositio et perfectio debent esse in eodem. Sed motus fidei est in intellectu, justificatio autem specialiter in affectu. Ergo non est motus fidei.

**84. — SED CONTRA.** *Rom.*, v, 1 : « *Justificati per fidem.* » ; et *Aci.*, xv, 9 : « *Fide purificans corda eorum.* »

**85. — Præterea.** Justificatio est opus gratiæ prævenientis. Sed gratia præveniens est fides, ut dixit Magister in d. 27, lib. II. Ergo motus fidei requiritur in justificatione.

## [IV]

[I-II, q. 113, a. 5 ; III, q. 86, a. 2 ; III *Cg.* c. 158 ; *Ver. q.* 28, a. 5.]

**86. — ULTERIUS.** Videtur quod non requiratur motus LIBERI ARBITRII IN PECCATUM SIVE CONTRITIO.

1. *Luc.* vu, 47 : « *Dimissa sunt ei peccata multa, etc.* » dicit GLOSSA (L. 114, 272), quod « *ardor caritatis rubiginem peccatorum in ea consumpsit.* » Sed ardor caritatis potest esse sine motu in peccatum. Ergo ad justificationem non requiritur motus in peccatum.

2. **Præterea.** Conversio ad Deum potentior est ad bonum quam conversio ad rem temporalem<sup>3</sup>, ad malum. Sed conversio

1. *N. ad.* « Nam ». — 2. *αβυζηθ* « sumpsit » ; apud Migne « combussit ». — 3. *N. ad.* « est potens ».

ad bonum commutabile sufficienter inducit culpam. Ergo et conversio ad Deum sufficienter justificat. Et sic non requiritur motus in peccatum.

**87. — SED CONTRA** est quod dicit GLOSSA in ps. (1, 19), super illum locum : *Sacrificium Deo spiritus contribulatus*, etc. « *Spiritus contribulatus et contritus est sacrificium in quo peccata solvuntur* ».

[V]

[I-II, q. 113, a. 6; Ver. q. 28, a. 6.]

**88. — ULTERIUS.** Videtur quod non debeat addi quartum, SCILICET PECCATORUM remissio.

1. Quia effectus non connumeratur causae. Sed gratiæ infusio et contritio sunt causæ remissionis peccati. Ergo non debet connumerari eis.

2. **Præterea.** Remotio privationis nihil aliud est quam positio habitus. Sed culpa est privatio gratiæ. Ergo idem est remotio culpæ et infusio gratiæ, et ita non debent ad invicem connumerari.

**89. — SED CONTRA.** « *Generatio unius est corruptio alterius* » (*de generatione et corruptione* a 3. 318a, 23-4; l. 7, n. 6). Et tamen generatio corruptioni connumeratur. Ergo cum infusio gratiæ sit remissio culpæ, debet unum alteri connumerari.

**90. — RESPONSIO.** Dicendum **AD PRIMAM QUÆSTIONEM** quod necessitas ponendi virtutum habitus in anima infusos, est ex hoc quod actus illi qui homini necessarii sunt ad vitam æternam consequendam, sunt supra humanæ naturæ facultatem; quia propriæ vires non sufficiunt ad merendum infinitum bonum.

*Sicut* autem béatitude futura infinitatem habet ex objecto, et per consequens facit actus suos meritorios aliquo modo infinite virtutis, ut sint tali fini proportionati; *ita* offensa in Deum commissa habet quandam infinitatem ex eo in quem commissa est. Et ideo ad culpæ remissionem non sufficit humana natura. **Et propter hoc oportet quod ad ejus remissionem sicut ad merendum vitam æternam, gratia infundatur.**

**91. — AD PRIMUM** ergo dicendum quod *gratia in remissione culpæ non se habet* sicut agens medium, sed *sicut causa formalis, qua peccatum remittitur*: sicut ignis frigus aufert calore in subjecto causato<sup>1</sup>, non sicut instrumento<sup>2</sup>, sed sicut forma contraria; et in creatione etiam est forma naturalis qua res

1. Ed. « calorem in subjecto causando ». — 2. Ed. « instrumentum ».

creata esse formaliter accipit, vel etiam ipsum quo est, quidquid sit illud.

**92.** — **Ad secundum** dicendum quod quamvis secundum consecutionem argumenti non sequatur positio gratiæ ad remotionem, idest negationem, culpæ ; tamen *destructio culpæ prius existentiis non potest fieri nisi per gratiam* ; quia illa innocentiae bonitas quæ inter utrumque media videtur, non sufficeret ad hoc quod dignum redderet immunitatem ab infinita offensa commissa prius, quamvis sufficeret ut immunem redderet illum in quem peccatum non præcessit.

**93.** — *In eo enim qui peccavit, requiritur non solum quod peccatum absit actu, sed etiam quod peccatum prius commissum expietur*, et quodammodo tegatur : quod fieri non potest, nisi aliquo habente infinitam virtutem.

**94.** — **AD SECUNDAM QUÆSTIONEM** dicendum quod *gratia* quæ datur ad recte vivendum etiam peccatorum remissionem, *per prius respicit voluntatem* quam alias potentias ; per eam enim peccatur et recte vivitur. Et ideo oportet quod infusio gratiæ justificantis sit secundum talem modum qui voluntati competat. *Et propter hoc oportet quod a tali infusione omnis ratio violentiæ excludatur*, quia violentiæ voluntas capax non est.

**95.** — Ad hoc autem quod violentia ab actione tollatur, oportet quod patiens cooperetur agenti secundum modum suum. Unde *in illis quæ nata sunt agere*, requiritur quod active cooperentur ; *in illis autem quæ sunt nata recipere* tantum, sicut materia prima, sufficit ad violentiam tollendam naturalis inclinatio ad formam ; et ex hoc dicitur *generatio naturalis*.

**96.** — Sed quantum est ibi de contrarietate, tantum est ibi de violentia. Unde quando voluntas non habet actum contrarium, sicut est in pueris, sine violentia voluntatis potest infundi gratia per sacramentum, sicut pueris baptizatis ; et sine sacramento, sicut patet in sanctificatis in utero.

**97.** — Sed quando voluntas habet suum actum, sicut est in adultis, requiritur actus voluntatis ad gratiam suscipiendam, animam ad datorem ordinans. **Et ideo ad justificationem quæ per infusionem gratiæ fit, requiritur motus liberi arbitrii in Deum.**

**98.** — **AD PRIMUM** ergo dicendum quod *tractio illa* de qua Dominus loquitur, non *imperial* coactionem, sed *inductionem* et *adjutorium ad bene operandum*.

1. RANVP. *ad* « personal vel ». — 2. Ed. « quo » contra  $\alpha\beta\gamma\zeta\eta$ . — 3. N. *ad* « ad ». — 4. Ed. « vel ». —

**99.** — **Ad secundum** dicendum quod *sapientia magis respicit intellectum quam voluntatem, sed gratia magis voluntatem*, ut dictum est (97). Et ideo quia intellectus cogi potest non autem voluntas, *ideo ad sapientiam percipiendam et alias intellectus perfectiones, non requiritur consensus suscipientis*, sicut ad perfectionem gratiae. Unde in somno fiunt revelationes eorum quæ ad sapientiam pertinent, ut patet *Num.*, xii, 6 ; non autem gratiæ infusio.

**100.** — **Ad tertium** dicendum quod per baptismum etiam adulti gratiam suscipere possunt in dormiendo ; quia quamvis non adsit actualis dispositio ex actuali motu voluntatis, adest tamen habitualis dispositio ex motu liberi arbitrii præcedente. Qui quidem *quandoque* ad gratiam percipiendam *sufficienter* disponit ; et tunc gratia infunditur statim, ut dictum est (60).

*Quandoque* autem *insufficienter*, et tunc talis insufficientia non potest suppleri nisi per alium actum liberi arbitrii, Vel per sacramentum quod ad gratiam dispositive operatur, ut supra (d. 1) dictum est. *Et propter hoc sine sacramento nullus adultus justificari potest, nisi actualiter motu liberi arbitrii existente ; sed per sacramentum potest, si tamen præcessit motus liberi arbitrii prohibens fictionem.*

**101.** — **AD TERTIAM QUÆSTIONEM** dicendum quod omne quod natum est ex pluribus sequi, attribuitur ei quod primum est : sicut vita attribuitur animæ nutritivæ, quia ipsa est prior inter principia vitæ in viventibus corporaliter.

Similiter dicitur animal esse animal per sensum primum, qui est tactus, ut patet in *III De anima Iy* 13. 435a, 12-14 ; l. 18, n. 865-7).

**102.** — Unde si justificatio sequitur ad motum liberi arbitrii in Deum, oportet quod attribuaturs illi motui qui naturaliter prior in justificatione apparet. Movetur autem mens in Deum et per intellectum et per affectum, et hi duo motus mentis simul esse possunt, quamvis non simul cogitari possint ; quia unus est regula alterius, et per actum intellectus præsentatur suum objectum voluntati, quia objectum ejus est bonum imaginatum vel intellectum, ut *Philosophus* dicit in *III De anima Iy* 11. 433», 10 sq. ; l. 15, n. 830).

**103.** — Sed naturaliter motus intellectus præcedit, sicut objectum naturaliter præcedit actum potentiæ. **Unde cum motus intellectus in Deum sit per fidem, justificatio motum fidei requirit.**

creata esse formaliter accipit, vel etiam ipsum quo est, quidquid sit illud.

**92.** — **Ad secundum** dicendum quod quamvis secundum consecutionem argumenti non sequatur positio gratiæ ad remotionem, idest negationem, culpæ; tamen *destructio culpæ prius existentis non potest fieri nisi per gratiam*; quia illa innocentiae bonitas quæ inter utrumque media videtur, non sufficeret ad hoc quod dignum redderet immunitatem ab infinita offensa commissa prius, quamvis sufficeret ut immunem redderet illum in quem peccatum non praecessit.

**93.** - *In eo enim qui peccavit, requiritur non solum quod peccatum absit actu, sed etiam quod peccatum prius commissum expiatur, et quodammodo tegatur: quod fieri non potest, nisi aliquo habente infinitam virtutem.*

**94.** — **AD SECUNDAM QUÆSTIONEM** dicendum quod *gratia* quæ datur ad recte vivendum etiam peccatorum remissionem, *per prius respicit voluntatem* quam alias potentias; per eam enim peccatur et recte vivitur. Et ideo oportet quod infusio gratiæ justificantis sit secundum talem modum qui voluntati competat. *Et propter hoc oportet quod a tali infusione omnis ratio violentiæ excludatur*, quia violentiæ voluntas capax non est.

**95.** — Ad hoc autem quod violentia ab actione tollatur, oportet quod patiens cooperetur agenti secundum modum suum. Unde *in illis quæ nata sunt agere*, requiritur quod active cooperentur; *in illis autem quæ sunt nata recipere* tantum, sicut materia prima, sufficit ad violentiam tollendam naturalis inclinatio ad formam; et ex hoc dicitur *generatio naturalis*.

**96.** — Sed quantum est ibi de contrarietate, tantum est ibi de violentia. Unde quando voluntas non habet actum contrarium, sicut est in pueris, sine violentia voluntatis potest infundi gratia per sacramentum, sicut pueris baptizatis; et sine sacramento, sicut patet in sanctificatis in utero.

**97.** — Sed quando voluntas habet suum actum, sicut est in adultis, requiritur actus voluntatis ad gratiam suscipiendam, animam ad datorem ordinans. **Et ideo ad justificationem quæ per infusionem gratiæ fit, requiritur motus liberi arbitrii in Deum.**

**98.** — **AD PRIMUM** ergo dicendum quod *tractio illa* de qua Dominus loquitur, non *importat* coactionem, sed *inductionem et\* adjutorium ad bene operandum.*

1. RANVP. *ad* « personæ vel ». — 2. Ed. « quo » contra *αβγζη*. — 3. N. *ad* « ad ». — 4. Ed. « vel ». —

**99.** — **Ad secundum** dicendum quod *sapientia* magis respicit intellectum quam voluntatem, sed *gratia* magis voluntatem, ut dictum est (97). Et ideo quia intellectus cogi potest non autem voluntas, ideo ad sapientiam percipiendam et alias intellectus perfectiones, non requiritur consensus suscipientis, sicut ad perfectionem gratiæ. Unde in somno fiunt revelationes eorum quæ ad sapientiam pertinent, ut patet *Num.*, χπ, 6; non autem gratiæ infusio.

**100.** — **Ad tertium** dicendum quod per baptismum etiam adulti gratiam suscipere possunt in dormiendo; quia quamvis non adsit actualis dispositio ex actuali motu voluntatis, adest tamen habitualis dispositio ex motu liberi arbitrii præcedente. Qui quidem *quandoque* ad gratiam percipiendam *sufficienter* disponit; et tunc gratia infunditur statim, ut dictum est (60).

*Quandoque* autem *insufficienter*, et tunc talis insufficientia non potest suppleri nisi per alium actum liberi arbitrii, Vel per sacramentum quod ad gratiam dispositive operatur, ut supra (d. 1) dictum est. *Et propter hoc sine sacramento nullus adultus justificari potest, nisi actualiter motu liberi arbitrii existente; sed per sacramentum potest, si tamen præcessit motus liberi arbitrii prohibens fictionem.*

**101.** — **AD TERTIAM QUÆSTIONEM** dicendum quod omne quod natum est ex pluribus sequi, attribuitur ei quod primum est: sicut vita attribuitur animæ nutritivæ, quia ipsa est prior inter principia vitæ in viventibus corporaliter.

Similiter dicitur animal esse animal per sensum primum, qui est tactus, ut patet in III *De anima* (γ 13. 435a, 12-14; l. 18, n. 865-7).

**102.** — Unde si justificatio sequitur ad motum liberi arbitrii in Deum, oportet quod attribuaturs illi motui qui naturaliter prior in justificatione apparet. Movetur autem mens in Deum et per intellectum et per affectum, et hi duo motus mentis simul esse possunt, quamvis non simul cogitari possint; quia unus est regula alterius, et per actum intellectus præsentatur suum objectum voluntati, quia objectum ejus est bonum imaginatum vel intellectum, ut *Philosophus* dicit in III *De anima* ly 11. 433», 10 sq.; l. 15, n. 830).

**103.** — Sed naturaliter motus intellectus præcedit, sicut objectum naturaliter præcedit actum potentiæ. **Unde cum motus intellectus in Deum sit per fidem, justificatio motum fidei requirit.**

**104. — AD PRIMUM** ergo dicendum quod motus liberi arbitrii, cum quo gratia infunditur, oportet accipi in sua ultima perfectione. Actus autem fidei perfectus non est, nisi actu affectus perfecto existente. Nullus enim credit nisi qui vult. Et videndum quod actus fidei est in ultimo gradu perfectionis. Et ut Augustinus dicit (*in Joan. tract. 31. n. 2. l. 35. 1607*) actus caritatis; et in his gradibus anima obiecta appropriata praesentatur: sicut etiam intelligere nostrum nunquam est in actu nisi imaginatione in actu existente<sup>3</sup>.

**105. — Ad secundum** dicendum quod timor est remota dispositio ad gratiam; nunquam enim ad gratiam attingit, nisi amor adjungatur. *Nos autem loquimur hic de dispositione ultima ad gratiam, cum qua gratia datur.*

**106. — Ad tertium** dicendum quod non oportet in eodem esse dispositionem et perfectionem in rebus ad invicem ordinatis; quia dispositio facta in priori ordinat ad perfectionem factam in posteriori: sicut motus imaginationis est dispositio ad perfectionem intellectus. *Et similiter motus in intellectu factus potest esse dispositio ad motum affectus.*

**107. — AD QUARTAM QUÆSTIONEM** dicendum quod sicut in generationibus naturalibus in quibus una forma expellitur et altera introducit, propter hoc quod « *generatio unius est corruptio alterius* », (89) oportet esse disponens ad utrumque; ita in justificatione, qua gratia confertur et culpa expellitur, oportet esse dispositionem voluntatis secundum proprium actum ad utrumque.

**108. —** Et ideo sicut per motum liberi arbitrii in Deum disponitur ille qui justificatur ad gratiam obtinendam; ita per motum liberi arbitrii in peccatum, oportet quod ad culpæ expulsionem disponatur.

**109. —** Et ideo in justificatione qua innocens justificaretur<sup>4</sup>, oportet esse dispositionem solum ad gratiam inducendam; sed in justificatione qua justificatur impius, oportet dispositionem esse duplicem: unam ad introducendum gratiam, scilicet, **motum liberi arbitrii in Deum**; alteram ad expellendam culpam, scilicet **motum liberi arbitrii in peccatum.**

**110. — AD PRIMUM** ergo dicendum quod fervor dilectionis de necessitate secum conjunctum habet odium contrarii. *Et ideo fervor dilectionis ad dimissionem culpæ non operatur sine peccati detestatione, quæ. directe dimissioni culpæ respondeat.*

1. Ed. « motum ». — 2. Ed. om. « etiam ». — 3. Ed. « per imaginationem in actu existentem » — 4. F. z justificatur ».

**111.** — **Ad secundum** dicendum quod conversio ad Deum sufficit ad gratiam obtinendam quantum in se est, sicut conversio ad bonum commutabile sufficit ad culpam; sed *requiritur conversio ad peccatum quasi removens impedimentum*.

**112.** — **Vel dicendum** quod etiam in peccato conversio non facit culpam sine aversione. *Et similiter oportet duo esse in justificatione*.

**113.** — **AD QUINTAM QUÆSTIONEM** dicendum quod illa quæ per accidens se habent ad aliquid, non includuntur in illo. Remissio autem culpæ se habet accidentaliter ad gratiæ infusionem, quia accidit ex subjecto in quo culpam invenit — posset enim esse infusio gratiæ sine hoc quod culpa remitteretur, sicut in statu innocentiæ fuit, et in Christo homine quantum ad primum instans suæ conceptionis; — **et ideo infusio gratiæ non includit culpæ remissionem**.

**114.** — Unde cum ad justificationem impii de qua loquimur sit necessaria culpæ remissio, oportet quod connumeretur gratiæ infusioni, et sic **sunt quatuor quæ requiruntur in ipsa justificatione**: scilicet *gratiæ infusio, culpæ remissio, motus liberi arbitrii in Deum et motus liberi arbitrii in peccatum*.

**115.** — **AD PRIMUM** ergo dicendum quod *objectio illa procedit de effectu proportionato causæ qui intelligitur in ipsa causa*; non est autem ita de peccati remissione, ut dictum est (**113**).

**116.** — **Ad secundum** dicendum quod peccatum et gratia non se habent sicut affirmatio et negatio, vel sicut privatio et habitus; quia aliquis potest esse gratia destitutus et tamen non habebit peccatum; sicut patet de Adam secundum illos qui dicunt eum non fuisse in gratia creatum, quia peccatum aliquid ponit vel esse vel fuisse in peccante.

*Transeunte enim actu peccati, adhuc peccatum præcedens manet aliquo modo in ipso peccante, secundum quod ex eo reus apud Deum efficitur*, sicut etiam actus meritorii manent, ut supra **d. 14 (278-281)** dictum est. Et ideo ratio non procedit.

#### ARTICULUS IV

[I]

[I-II, q. 113, a. 6, ad 3; a. 8; ad 1; Ver. q. 28, a. 7.]

**117.** — **AD QUARTUM SIC PROCEDITUR.** Videtur quod **CULPÆ REMOTIO NATURALITER PRÆCEDAT GRATIÆ INFUSIONEM**

1. RANVP. « includitur ».

*In ps.* (1 x ii, 3), ubi super illud : *Sic in sancto apparui tibi, dicit Glossa* (Aug. in h. l. ; L. 38, 753) : « *Nisi quis prius deficiat in malo, nunquam perveniet ad bonum* ». Ergo remissio mali culpæ est prior quam perventio ad bonum gratiæ.

2. **Præterea.** Remissio culpæ et infusio gratiæ se habent sicut illuminatio et purgatio. Sed purgatio præcedit illuminationem, secundum Dionysium (*De cæl. hierar.* c. 7 ; G. 3, 206). Ergo et remissio culpæ præcedit gratiæ infusionem.

3. **Præterea.** In quolibet motu recessus a termino a quo, præcedit accessum ad terminum ad quem : vel tempore, si sit motus successivus ; vel saltem natura, si sit mutatio subita. Sed justificationis *terminus a quo* est culpa ; *terminus ad quem* est gratia. Ergo remissio culpæ præcedit infusionem gratiæ.

**118. — SED CONTRA** est, quia causa naturaliter præcedit effectum. Sed infusio gratiæ est causa remissionis culpæ, quia infundendo gratiam Deus peccata remittit. Ergo infusio gratiæ præcedit.

**119. — Præterea.** Ambrosius dicit (lib. *De offic.*, c. 3 et 4 ; L. 16, 112) quod « *perfecta virtus in animam intrans, iniquitatem tollit.* » Sed prius est unumquodque naturaliter quam agat. Ergo prius est virtus et gratia, quam peccatum tollat.

## [II]

[I-II, q. 113, a. 8, ad 2 ; *Ver.* q. 28, a. 8.]

**120. — ULTERIUS.** Videtur quod motus liberi arbitrii PRÆCEDAT GRATIÆ INFUSIONEM.

1. Quia dispositio præcedit naturaliter perfectionem. Sed motus liberi arbitrii est dispositio ad gratiam. Ergo naturaliter præcedit gratiæ infusionem.

2. **Præterea.** Gratiæ infusio et culpæ remissio se concomitantur. Sed motus contritionis, qui est motus liberi arbitrii in peccatum, causât culpæ remissionem. Ergo est prior quam ipsa et ita prior quam<sup>3</sup> gratiæ infusio.

3. **Præterea.** Justificatio impii, ut ex dictis patet (108-112) est culpæ remissio. Ergo illud quod sequitur ad culpæ remissionem sequitur ad justificationem. Sed motus liberi arbitrii non sequitur ad justificationem, sed est de essentia ejus<sup>4</sup>. Ergo non sequitur peccati remissionem. Et sic idem quod prius.

**121. — SED CONTRA.** Motus liberi arbitrii, scilicet contritio, est meritorius. Ergo est informatus gratia. Sed gratia informans

1. N. « Nam super illud ps. » — 2. Ed. « Nisi quis sitiât in isto deserto, idest malo, in quo est ». — 3. F. *om.* per *homot.* « ipsa et ita prior quam ». — 4. N. *om.* « ejus ».

actum est prior eo, cum sit causa ejus. Ergo gratiæ infusio et culpæ remissio præcedunt motum liberi arbitrii.

**122. — Præterea.** Actus primus præcedit actum secundum. Sed gratiæ infusio et culpæ remissio pertinent ad actum primum qui est forma. Motus autem liberi arbitrii sive in Deum sive in peccatum, pertinent ad actum secundum qui est operatio. Ergo prior est eis gratiæ infusio.

### [III]

[I-II, q. 113, a. 8, ad 3.]

**123. — ULTERIUS.** Videtur quod motus liberi arbitrii IN PECCATUM PRÆCEDAT MOTUM LIBERI ARBITRII IN DeUM.

1. Quia motus liberi arbitrii in peccatum maxime videtur ad timorem pertinere. Sed timor præcedit caritatem, ut Augustinus dicit (*Episl.* 140, c. 18 ; L. 33, 55). Ergo et motus liberi arbitrii in peccatum præcedit motum liberi arbitrii in Deum, qui est caritatis.

2. **Præterea.** Motus liberi arbitrii in peccatum est quasi removens prohibens. Sed non sequitur motus ad terminum debitum nisi remoto prohibente, sicut patet in motu locali. Ergo motus liberi arbitrii in peccatum præcedit motum liberi arbitrii in Deum quasi in finem debitum.

**124. — SED CONTRA.** Motus liberi arbitrii in Deum est motus fidei ; motus autem liberi arbitrii in peccatum est motus pœnitentiæ. Sed fides præcedit pœnitentiæ virtutem, sicut supra (102) dictum est. Ergo videtur quod motus liberi arbitrii in Deum sit prior quam motus liberi arbitrii in peccatum.

**125. — RESPONSIO.** Dicendum AD PRIMAM QUÆSTIONEM quod omnis prioritas secundum ordinem naturæ aliquo modo reducitur ad ordinem causæ et causati ; quia principium et causa sunt idem. In causis autem contingit quod idem est causa et causatum, secundum diversum genus causæ, ut patet in II *Phys.*, <β 3. 195% 5 ; 1. 5, n. 7) ; et in V *Melaph.*, (8 2. 1013% 23 ; 1. 2) : sicut ambulatio est causa efficiens sanationis, et sanatio est causa finalis ambulationis. Et similiter de habitudine quæ est inter materiam et formam ; quia secundum genus causæ materialis materia est causa formæ quasi sustentans ipsam, et forma est causa materiæ quasi faciens eam esse actu, secundum genus causæ formalis.

**126. — Ex parte autem, causæ materialis** se tenet secundum quamdam reductionem omne illud per quod materia efficitur propria hujus formæ, sicut dispositiones et remotiones impedi-

mentorum. Et ideo in generatione naturali quando corruptio unius est generatio alterius per hoc quod forma una inducitur et alia expellitur, remotio formæ præexistentis se tenet ex parte causæ materialis. Et ideo secundum ordinem causæ materialis præcedit naturaliter introductionem alterius formæ, sed secundum ordinem causæ formalis est e converso.

127. — Et quia forma et finis et agens incidunt in idem numero vel specie, ideo etiam *in ordine causæ efficientis* introductio formæ prior est ; quia forma prior introducta est similitudo formæ agentis, per quam agens agit.

128. — *Et similiter in ordine causæ finalis* ; quia natura principaliter intendit introductionem formæ, et ad hanc ordinat expulsionem omnis ejus<sup>2</sup> cum quo non potest stare formæ intentio.

129. — Unde cum gratiæ infusio et remissio culpæ, ut ex dictis (109) patet, se habeat sicut introductio unius formæ et expulsio alterius, constat quod secundum ordinem causæ materialis remissio culpæ præcedit infusionem gratiæ ; sed secundum ordinem causæ formalis, efficientis et finalis, infusio gratiæ natura prior est. Et propter hoc etiam utrumque invenitur dici causa alterius.

**Infusio enim gratiæ est causa remissionis culpæ per modum causæ formalis ; sed extirpatio vitiorum dicitur operari virtutum ingressum per modum causæ materialis.**

Et per hoc patet responsio ad objecta.

130. — **AD SECUNDAM QUÆSTIONEM** dicendum quod in<sup>3</sup> ordine istorum<sup>4</sup> motuum liberi arbitrii ad gratiæ infusionem et remissionem culpæ, est multiplex opinio.

131. — **Quidam** enim dicunt quod motus prædicti præcedunt. Et concedunt quod motus liberi arbitrii in Deum est motus fidei non format<sup>5</sup>, sed informis ; et motus liberi arbitrii in peccatum est motus attritionis, non contritionis ; quia omne quod præcedit gratiam, non potest esse per gratiam formatum.

132. — **Sed hoc non potest esse** ; quia in ipso motu contritionis justificatur pœnitens, sicut in ipso actu ablutionis baptismalis justificatur puer baptizatus. Tunc autem aliquis justificatur quando gratiam recipit. Unde simul cum gratiæ infusione et justificatione est motus contritionis ; sed motus attritionis præcedit quasi præparatorius. Nos autem nunc non loquimur de præparatoriis ad justificationem, sed de his quæ intrant substantiam ipsius.

1. Ed. « e contrario ». — 2. ζηΟ « enim », sed ζ cor. in « ejus », contra αβγ. — 3. Ed. « de », — 4. Ed. « illorum ».

133. — Ed ideo *Quidam* dicunt quod gratiæ infusio præcedit motus liberi arbitrii in Deum et in peccatum, ut possit eos informare ; sed culpæ remissio sequitur ad utrumque.

134. — **Sed hoc non potest esse** ; quia inter gratiæ infusionem et culpæ remissionem nihil cadit medium, quia hoc est ejus effectus primus et principalis.

135. — **Et præterea.** *Sicut* ad contritionis motum requiritur quod adsit gratia ; *ita*<sup>2</sup> quod absit culpa, quia cum ea esse non potest.

136. — Et ideo *Alii* dicunt quod gratiæ infusio et culpæ remissio præcedunt motus prædictos simpliciter.

137. — **Sed hoc etiam non videtur usquequaque verum** ; quia illi motus non requirerentur ad justificationem nisi aliquam causalitatem haberent respectu illius.

138. — **Et ideo dicendum est quod aliquo modo gratiæ infusio et culpæ remissio præcedunt ; aliquo autem modo prædicti motus ; quod palet ex simili in generatione naturali quæ est terminus alterationis.** In eodem enim instanti terminatur alteratio ad dispositionem quæ est necessitas et generatio ad formam. Et tamen secundum ordinem naturæ utrumque est prius altero aliquo modo ; quia dispositio quæ est necessitas, præcedit formam secundum ordinem causæ materialis ; sed forma est prior secundum ordinem causæ formalis. Et secundum hunc modum illa qualitas consummata est etiam formalis effectus formæ substantialis, secundum quod forma substantialis est causa<sup>3</sup> accidentalium.

139. — **Et ideo cum isti motus** qui sunt in ipsa justificatione impii, sint quasi dispositio ultima ad gratiæ susceptionem suo modo, **præcedunt quidem in via causæ materialis, sed sequuntur in via causæ formalis.** Et ideo nihil prohibet eos esse formatos, quia hoc ad rationem et perfectionem esse formalis pertinet ; sicut qualitates quæ introducuntur simul cum forma substantiali, quodammodo formantur per formam substantialem. Et *sicut* qualitas prædicta ante sui consummationem et formæ introductionem non erat formata, sed informis ; *ita* etiam est de motu liberi arbitrii, si tamen continuatus in fine perficiatur per gratiæ infusionem.

140. — *Nec est inconueniens* ; quia etsi sit aliquo modo idem secundum genus naturæ, non tamen est idem secundum genus moris. Contingit enim unum motum secundum genus naturæ

1. Ed. « non ». — 2. N. *ad.* proprio Marte sicut sæpe alibi « etiam requiritur », — 3. N. *ad.* « formarum ».

esse virtutis et vitii secundum genus moris, sicut patet de illo qui eundo ad Ecclesiam mutat intentionem de malo in bonum.

Et per hoc patet responsio ad objecta.

**141. — AD TERTIAM QUÆSTIONEM** dicendum quod motus liberi arbitrii ut ex dictis patet (**139**), directe respondet gratiæ infusioni; motus autem liberi arbitrii in peccatum directe respondet remissioni culpæ. **Unde eadem ratio est de ordine istorum ad invicem, et de ordine remissionis culpæ ad infusionem gratiæ.**

**142. — AD PRIMUM** ergo dicendum quod Augustinus loquitur de timore servili cujus actus non est motus liberi arbitrii qui est simul cum justificatione; quia timor servilis non est simul cum gratia, qua iste motus informatur. Et ideo ratio non est ad propositum.

**143. — Ad secundum** dicendum quod ratio illa procedit quod sit *prior in via causæ materialis*, ad quam reducitur remotio impedimenti.

**144. — Ad tertium** dicendum quod ordo qui attenditur inter virtutes est secundum quod eliciunt actus suos, quod per modum causæ formalis faciunt. *Et ideo ratio illa procedit secundum viam causæ formalis.*

## ARTICULUS V

### [I]

[ZZ *Sent.* d. 18, q. 1, a. 3, ad 2; I, q. 105, a. 7, ad 1; I-II, q. 113, a. 9, 10.]

**145. — AD QUINTUM SIC PROCEDITUR.** Videtur quod **JUSTIFICATIO IMPII SIT MIRACULOSA.**

1. Quia, sicut dicit Augustinus (*In Joan.*, tract. 72; L. 35, 1822), « *majus est de impio facere pium quam creare cælum et terram.* » Sed creatio cæli et terræ est miraculosa. Ergo et justificatio impii.

2. **Præterea.** Quanto est major resistantia, tanto est<sup>2</sup> difficilior actio. Sed in creatione non est aliqua resistantia; quia quod non est, non potest resistere. In justificatione autem impii est contrarietas resistens, scilicet impietas inventa in eo. Ergo est difficilior. Et sic idem quod prius.

3. **Præterea.** Omnis actio divina quæ fit præter ordinem illius rei in quam operatur, est actio miraculosa: sicut præter ordinem cadaveris est quod ad vitam reparatur. Et ideo resuscitatio mortui divina virtute facta, est miraculosa. Sed quod

1. Ed. *ad.* « in Deum ». — 2. F. *om.* « est ».

voluntas ad aliquid trahatur, contra ordinem ipsius est, inquantum est libera. Cum ergo in justificatione impii trahatur a Deo ad bonum, videtur quod justificatio sit miraculosa.

**146. — SED CONTRA.** Justificatio non est præter spem proveniens. Sed hoc est de ratione miraculi. Ergo justificatio non est miraculosa.

**147. — Præterea.** Miracula dicuntur quæ raro accidunt. Sed frequenter aliqui justificantur. Ergo non est miraculosa actio.

## [II]

[I-II, q. 113, a. 7 ; Ver. q. 28, a. 2, ad 10 ; a. 9.]

**148. — ULTERIUS.** Videtur quod infusio gratiæ et REMISSIO CULPÆ NON SINT IN EODEM INSTANTI.

1. Gratiæ enim non datur nisi digno. Sed nullus est dignus in quo culpa est. Ergo gratiæ datur ei a quo culpa jam remota est. Et sic non sunt simul.

**2. Præterea.** Gratiæ adveniens expellit culpam. Sed nihil agit nisi postquam est. Gratiæ autem non prius est quam insit. Ergo oportet quod prius gratiæ sit in subjecto quam culpam expellat. Et ita non sunt simul tempore gratiæ infusio et culpæ remissio.

3. **Præterea.** Culpa et gratiæ non sunt in eodem instanti in anima ; quia *contraria non sunt simul in eodem*. Ergo instans in quo ultimo est culpa in anima, est aliud ab illo instanti in quo primo est gratiæ in ipsa. Sed inter quælibet duo instantia est tempus medium. Ergo prius tempore expellitur culpa ab anima quam gratiæ infundatur.

**149. — SED CONTRA.** Inter prius et posterius temporis cadit tempus medium. Sed postquam culpa est expulsa ab anima, non est in ipsa, nec gratiæ inest antequam infundatur. Ergo si prius tempore culpa expellatur quam gratiæ infundatur, erit aliquod tempus in quo anima gratiæ et culpa carebit : quod est impossibile ; quia dato quod in illo tempore moreretur, neque iret ad infernum, neque ad paradysum finaliter : quod est impossibile.

**150. — Præterea.** Remissio culpæ et infusio gratiæ se habent in justificatione sicut introductio unius formæ et expulsio alterius in generatione naturali. Sed illa duo sunt in eodem instanti. Ergo et hæc duo.

**Probatio mediæ.** Quia terminus cujuslibet motus est in instanti. Sed utrumque prædictorum est terminus alterationis, ut in VI Phys. (text. com. 45) dicit Commentator. Ergo sunt in eodem instanti.

## [III]

[I-II, q. 113, a. 7; Ver. q. 28, a. 2, ad 10; a. 9.]

**151. — ULTERIUS.** Videtur quod sit successiva.

1. Quia nullus motus est in instanti. Sed in ipsa justificatione est motus liberi arbitrii. Ergo non est in instanti, sed successiva.

2. **Præterea.** *Sicut* intellectus est simplex, *ita* et liberum arbitrium est simplex. Sed propter simplicitatem intellectus impossibile est simul plura intelligere. Ergo propter simplicitatem liberi arbitrii impossibile est liberum arbitrium simul ferri ad diversa. Ergo cum in justificatione impii sit motus liberi arbitrii in Deum et in peccatum, non erit justificatio impii in instanti, sed successiva.

3. **Præterea.** Impossibile est idem simul esse et non esse. Sed quod fit, non est in permanentibus. Quod autem est factum, est in eisdem. Ergo impossibile est simul fieri et factum esse. Sed justificatio est quoddam fieri. Ergo impossibile est simul justificari et justificatum esse. Ergo justificatio est successiva; quia inter quodlibet prius et posterius instans temporis, cadit tempus medium, ut dictum est (149).

4. **Præterea.** Formæ quæ suscipiunt magis et minus, non inducuntur subito in subjecto. Sed gratia suscipit magis et minus. Ergo successive infunditur in subjecto. Et sic justificatio est successiva.

**152. — SED CONTRA.** Efficacior est virtus divina ad agendum quam virtus naturæ. Sed virtute naturæ generatio qua fit ignis, est in instanti. Ergo multo fortius aliquis fit justus virtute divina in instanti.

**153. — RESPONSIO.** Dicendum **AD PRIMAM QUÆSTIONEM** quod de ratione miraculi secundum se sumpti *tria* sunt: quorum *primum* est quod illud quod fit per miraculum, fit *supra virtutem naturæ* create agentis; *secundum*, ut in natura recipiente non sit ordo naturalis ad illius susceptionem, sed solum *potentia obedientiæ* ad Deum; *tertium* ut *præter motum* consuetum tali effectui ipse effectus inducatur.

**154. — Exemplum** primi est de gloria corporum in resurrectione, ad quam natura non attingit. *Exemplum secundi* est de illuminatione caeci, in quo non est potentia naturalis ad suscipiendum visum. *Exemplum tertii* est de conversione aquæ in vinum præter cursum naturæ.

**155. — Et hæc tria aliquo modo semper concurrunt ad actum**

*miraculosum* ; quia etsi visiva potentia non excedat vires naturæ absolute loquendo, quia eam per generationem inducit ; excedit tamen vires naturæ considerata impotentia recipientis ; etsi adsit potentia absolute aliquando, sicut in conversione aquæ in vinum, tamen per comparisonem ad modum fiendi, neutrum adest. Et ideo in definitione miraculi ponitur « *arduum* » quantum ad primum, « *præter spem* », scilicet naturæ, quantum ad secundum « *insolitum* » ; quantum ad tertium.

**156.** — Et ideo ille effectus qui immediate est a Deo tantum, et tamen inest recipienti ordo naturalis ad recipiendum illum effectum non per alium modum quam per istum, non erit miraculosus : sicut patet de infusione animæ rationalis.

**157.** — Et similiter est de justificatione impij ; quia ordo naturalis inest animæ ad justitiæ rectitudinem consequendam ; nec alio modo eam consequi potest quam a Deo immediate. **Et ideo justificatio impij de se non est miraculosa** ; sed potest habere aliquodl miraculosum adjunctum, quod justificationi viam parat.

**158.** — **AD PRIMUM** ergo dicendum quod verbum Augustini intelligendum est quantum ad id quod fit ; quia in creatione fit res secundum esse naturæ, quod est minus quam esse gratiæ quod datur in justificatione ; sed *quantum ad modum faciendi difficilior est creationis actus*, qui potentiam non præsupponit.

Et tamen de creatione *Quidam* dicunt quod non est miraculosa, eo quod non est alius modus producendi res illas in esse.

**159.** — **Ad secundum** dicendum quod contrarium inventum in subjecto resistit actioni *dupliciter*. [*Uno modo*]<sup>3</sup> in quantum agit in ipsum agentem, quod patet in mutuo agentibus et patientibus ; *alio modo* impedimentum præstando in ipso susceptibili ad receptionem formæ. Primo modo non potest esse aliqua resistentia ad divinam actionem ; quia ipse est agens nullo modo patiens. Et ideo resistentia in actione ejus non est nisi ex parte effectus recipiendi<sup>4</sup>.

Contrarium autem impedit ne suum contrarium in subjectum recipiatur formaliter, non active, in quantum scilicet facit potentiam non esse propriam illi formæ. Unde patet quod plus resistit isto modo illud quod omnino subtrahit potentiam, quam quod posita potentia facit eam non esse propriam. *Et ideo difficilior est aliquid facere ex nihilo quam ex contrario*. Hoc autem potest natura, primum autem non potest.

**160.** — **Ad tertium** dicendum quod *voluntas non trahitur in*

1. Ed. « aliquid ». — 2. F. om. « non ». — 3. *ἕξθηθικλ om.* « Uno modo ». — 4. Ed. « recipientis ».

*justificationem per modum coactionis : sed ut libere velit illud ad quod Deus eam movet.*

**161. — AD SECUNDAM QUÆSTIONEM** dicendum quod expulsio formæ dicit terminum motus illius qui est ad corruptionem ordinatus. Et introductio formæ dicit similiter terminum motus illius qui præcedit generationem ; quia tam generatio quam corruptio sunt termini motus. Omne autem quod movetur, quando est in termino motus, disponitur secundum illud ad quod motus ordinatur.

**162. —** Et ideo, cum motus corruptionis tendat in non esse, generationis vero ad esse ; quando forma introducitur, forma est ; quando autem expellitur, non est. Et quia introduci dicitur forma quando primo est ; expelli autem, quando primo non est — non potest esse materia sine forma hac vel illa ; — ideo simul est ibi expulsio unius formæ et introductio alterius.

**163. —** Cum ergo similiter anima non possit esse sine culpa vel gratia ; **simul est infusio gratiæ et remissio culpæ.**

**164. — AD PRIMUM** ergo dicendum quod *sicut* albedo nunquam est in non albo, quia sua præsentia facit album ; *ita* gratia nunquam est in indigno, quia sua præsentia facit dignum. *Et propter hoc non oportet quod prius sit dignus quam gratiam habeat.*

**165. — Ad secundum** dicendum quod *gratia non agit ad destructionem culpæ* per modum causæ efficientis, *sed per modum causæ formalis quæ simul est cum suo effectu formali*, qui est esse hoc et non esse contrarium.

**166. — Ad tertium** dicendum quod quamvis anima secundum se sit *supra tempus*, ut dicitur in lib. *De causis* (proposit. 2 ; l. 2, p. 204) ; tamen actus ejus per accidens mensuratur tempore quod est mensura primi motus, inquantum scilicet motus animæ intellectivæ habent connexionem cum motibus animæ sensitivæ qui exercentur organis corporalibus, et dependent quodammodo ex eis.

**167. —** Unde non videtur dicendum quod ejus alterationes secundum vitam quam nunc agit, alio tempore mensurentur quam illo quod mensurat motum cæli, sicut dicebatur in I lib. de motu angeli d. 372 (q. 4. a. 3). Et propter hoc inter quodlibet instans sui temporis et aliud instans est accipere tempus medium.

**168. — Et ideo dicendum est quod** non est assignare ultimum instans in quo est culpa, sed primum in quo non est ; **sed est assignare primum instans in quod est gratia.** Et quomodo hoc

sit verum, patet ex his quæ dicta sunt supra, d. III, (81-82) de transsubstantiatione panis in corpus Christi.

f  
169. — **AD TERTIAM QUÆSTIONEM** dicendum quod triplex est modus formarum. *Quædam enim formæ sunt quæ recipiunt magis et minus secundum elongationem a contrario, et secundum accessum ad causam propriam*, sicut albedo. Et ideo talis forma etiam successive in subjecto recipitur; et postquam recepta est intenditur et remittitur.

170. — *Quædam autem forma est quæ non recipit magis nec minus, neque sic neque sic*; quia impositio<sup>2</sup> ejus est in indivisibili, sicut forma substantialis. Et talis forma neque recipitur successive in subjecto, neque intenditur neque remittitur postquam suscepta fuerit.

171. — *Quædam autem forma medio modo se habet*; quia non recipit magis aut minus secundum elongationem a contrario, eo quod nullo modo suo contrario commiscibile<sup>3</sup> est, et in hoc convenit cum forma substantiali; sed tamen suscipit magis et minus secundum<sup>4</sup> accessum ad suam causam: sicut patet de luce. *Et ideo talis forma non recipitur successive in subjecto, sicut nec forma substantialis, sed tamen postquam inest, potest intendi et remitti*, sicut forma accidentalis contrarium habens.

172. — **Et talis forma est gratia**, quia nullam commixtionem patitur cum suo opposito, eo quod suum oppositum magis habet naturam privationis quam alicujus positionis, sicut et tenebra. Et ideo oportet quod recipiatur subito in subjecto; et tamen potest intendi et remitti secundum accessum ad causam gratiæ. Et ideo *sicut* in instanti est introductio formæ substantialis in materiam, et in eodem instanti expulsio alterius formæ, et in eodem instanti completa dispositio quæ<sup>5</sup> est necessitas ad formam, et per se terminus alterationis; *ita* infusio gratiæ est in instanti, et in eodem instanti est remissio culpæ et motus liberi arbitrii qui est quasi dispositio completa ad suscipiendam gratiam. Et sic totum quod ad justificationem requiritur, est in instanti. **Unde justificatio non est successiva, sed subita.**

173. — **AD PRIMUM** ergo dicendum quod motus *dupliciter*<sup>6</sup> dicitur, ut patet in III *De an.* (γ 66. 431 a, 6-7; I. 12, n. 766). *Est enim quidam motus qui est actus imperfecti, quia*<sup>7</sup> est exitus de potentia in actum. *Et talis oportet quod sit successivus*, quia semper expectat aliquid in futurum, ad perfectionem suæ speciei, eo quod *pars motus est alterius speciei a toto motu*, ut dicitur in X *Eth.* (γ 3. 1174a, 19 sq.; I. 5, n. 2010-12): sicut patet in alte-

1. Ed. om. « d. 11 », — 2. N. P. « introductio ». — 3. F. « commiscibilis », — 4. ηθ « quantum ad ». — 5. N. « quod ». — 6. ζθ « tripliciter ». — 7. N. « qui ».

ratione de motu qui est ad albedinem cujus pars est motus ad medium colorem speciei differens, si divisim accipiatur.

**174.** — *Alius motus est actus perfecti* qui magis *operatio* dicitur qui non expectat aliquid in futurum ad complementum suæ speciei, sicut sentire. *Et talis motus non est successivus, sed subitus.* Et si contingat dici quod talis motus sit in tempore, hoc erit per accidens, quia mensuratur etiam<sup>2</sup> quolibet instanti illius temporis in quo dicitur esse : sicut esse hominem, in tempore est et in instanti. Et talis motus est motus liberi arbitrii, de quo loquimur. *Et ideo est in instanti.*

**175.** — Secus autem esset, si esset motus collativus ; quia tunc posset esse in instanti, propter discursum de uno in aliud.

**176.** — **Ad secundum** dicendum quod *intellectus quando intellegit aliquid in ordine ad aliud, intelligit utrumque.* Non tamen sequitur quod plura intelligat, quia intelligit ea *ut unum*, sicut cum<sup>6</sup> intelligit relationem unius ad alterum.

**177.** — **Similiter etiam liberum arbitrium potest simul moveri in diversa,** ita quod in unum per ordinem in aliud. *Et propter hoc motus virtutis imperalæ est simul cum motu virtutis imperantis,* quia motus virtutis imperatæ ordinatur ad finem virtutis imperantis : sicut qui vult sustinere mortem propter Deum, simul movetur liberum arbitrium ejus motu fortitudinis et motu caritatis qui actum fortitudinis imperat.

**178.** — Unde cum motus liberi arbitrii in peccatum elicitus a pœnitentia, imperatus a caritate sit, quia propter Deum detestatur quis peccatum quod commisit ; *simul ulerque motus esse potest.*

**179.** — **Ad tertium** dicendum quod *in mulationibu squæ sunt termini motus, idem secundum rem est fieri el factum esse,* sicut terminari et terminatum esse ; *sed diversimode significatur* in fieri, scilicet secundum respectum ad motum præcedentem, cujus est terminus in facto esse secundum se. *El ideo non sequitur quod simul sit et non sit, sed quod habeat esse post non esse.*

**Ad quartum** patet solutio ex prædictis.

## QUÆSTIO II

Deinde quæritur de contritione

Et circa hoc quærentur quinque

*Primo,* quid sit.

*Secundo,* de quo esse debeat.

1. Ed. om. « dici ». — 2. Ed. « in ». — 3. Ed. om. « cum ».

*Tertio*, quanta esse debeat.

*Quarto*, de duratione ipsius.

*Quinto*, de effectu ejus.

## ARTICULUS I

[I]

[IV Cg., c. 72.]

**180. — AD PRIMUM SIC PROCEDITUR.** Videtur quod contritio non sit « *dolor pro peccatis assumptus cum proposito confitendi et satisfaciendi* », ut Quidam definiunt.

1. Dolor enim in hoc a timore differt, quod dolor est de malo praesenti, timor de malo futuro. Sed peccata de quibus homo conteritur non sunt, quando est contritio, ut ex dictis (135) patet. Ergo non potest de eis esse dolor.

2. **Præterea.** Secundum Augustinum, in lib. *De cio. Dei* (xiv, c. 6, n. 15 ; L. 41, 424) « *dolor esi de his quæ nobis nolentibus accidunt* ». Sed peccata non sunt hujusmodi. Ergo etc.

3. **Præterea.** Si dolet de peccatis præteritis ; aut vult ea [non] esse, aut non fuisse. *Si oull ea non esse*, et jam non sunt ; ergo habet quod vult ; ergo magis gaudium est quam dolor. *Si aulem vult ea non fuisse*, hoc autem est impossibile, quia quod factum est non potest non fuisse ; ergo voluntas sua stulta est : quod non est dicendum de contrito ; quia « *nullus qui secundum oirlulem operatur, esi stultus* », ut dicitur in IV *Eth.* (δ 7. 1123b, 3-4 ; l. 8, n. 737). Ergo contritio nullo modo est *dolor*.

4. **Præterea.** *Sicut* in contritione requiritur dolor, *ila* et pudor et etiam gaudium. Ergo non magis debet dici *dolor* quam gaudium vel pudor.

5. **Præterea.** Contritio omnia peccata sanat. Sed contraria contrariis sanantur. Ergo contritio debet esse contraria omnibus peccatis. Sed quædam peccata sunt dolores, sicut invidia, acedia. Ergo contritio non est *dolor*.

6. **Præterea.** Contritio nobis a Deo datur. Sed quod datur, non assumitur. Ergo contritio non est *dolor assumptus*.

7. **Præterea.** Quandoque contritio sequitur confessionem. Sed ille qui nunc est confessus de peccato uno non tenetur iterum confiteri, ut infra dicitur d. 22 (q. 1, a. 4). Ergo non oportet in contritione esse *propositum confitendi*.

8. **Præterea.** Satisfactio et confessio sunt necessaria ad hoc quod pœna remittatur quæ in contritione remissa non fuit.

1. *αζηθ om.* « non », sed *αζ* superaddit ». —

Sed quandoque tota in contritione remittitur. Ergo non est necessarium semper quod contritus habeat *propositum confitendi et satisfaciendi*.

## [II]

[P Cg., c. 72.]

**181. — ULTERIUS.** Videtur QUOD CONTRITIO NON SIT ACTUS VIRTUTIS.

1. Passiones enim non sunt actus virtutum ; quia « *eis non laudamur neque vituperamur* », sicutl dicitur in II *Eth.* (ζ 4. 1105b, 31-2 ; l. 5, n. 300). Sed dolor est passio. Cum ergo contritio sit dolor, videtur quod non sit actus virtutis.

2. **Præterea.** Omnis actus virtutis est ab eo qui habet virtutem. Sed contritio non significatur ut procedens a contrito, sed magis ut in ipsum ab alio effectu procedit ; et similiter compositio, secundum quod alio nomine dicitur. Ergo contritio non est actus virtutis.

3. **Præterea.** *Sicut* contritio dicitur a terendo, *ita* et attritio. Sed attritio non est actus virtutis, ut ab omnibus dicitur. Ergo nec<sup>2</sup> contritio.

4. **Præterea.** Actus virtutum sunt secundum omne tempus eodem modo, eo quod sunt de lege naturali. Sed contritio non videtur quod semper sit eodem modo in veteri et nova lege ; quia nec confessio, nec satisfactio, contra quæ dividitur. Ergo contritio non est actus virtutis.

**182. — SED CONTRA.** Nihil est meritorium nisi actus virtutis. Sed contritio est actus quidam meritorius. Ergo est actus virtutis.

**183. — Præterea.** *Sicut* ad virtutem pertinet facere bonum, *ita* declinare a malo, eo quod utrumque est justitiæ generalis pars quæ est omnis virtus. Sed declinamus a malo per contritionem. Ergo contritio est actus virtutis, sicut actus quibus aliquid boni facimus.

## [III]

[Infra 211 ; IV Cg., c. 72.]

**184. — ULTERIUS.** Abdetur quod attritio possit fieri contritio.

1. Differt enim contritio ab attritione, sicut formatum ab informi. Sed fides informis fit formata. Ergo attritio potest fieri contritio.

1. L. « ut ». — 2. L. « neque ».

2. **Præterea.** Materia recipit perfectionem remota privatione. Sed dolor se habet ad gratiam, sicut materia ad formam ; quia gratia informat dolorem. Ergo dolor qui prius erat informis, culpa existente quæ est privatio gratiæ, remota culpa recipiet perfectionem informationis a gratia. Et sic idem quod prius.

3. **Præterea.** Illud quod totum esse suæ speciei habet in instanti, manet idem in diversis instantibus temporis : sicut esse hominem est idem in primo instanti generationis et in omnibus sequentibus. Sed motus liberi arbitrii est huiusmodi, ut supra (139) dictum est. Ergo potest manere idem in diversis instantibus temporis. Ergo est idem numero cum gratia et sine gratia. Et sic videtur quod ille motus liberi arbitrii qui prius erat informis, postea possit esse formatus. Et sic attritio fiet contritio.

185. — **SED CONTRA.** Quorum principia sunt diversa omnino, eorum non potest fieri unum id quod est alterum. Sed attritionis principium est timor servilis, contritionis autem timor initialis<sup>1</sup>. Ergo attritio non potest fieri contritio.

186. — **Præterea.** Naturalia non fiunt gratuita secundum communiorem opinionem. Sed naturale dicitur quod est ante gratiam ; et sic attritio inter naturalia computabitur. Ergo non potest fieri contritio, cum sit gratuitum bonum.

187. — **RESPONSIO.** Dicendum **AD PRIMAM QUÆSTIONEM** quod « *initium omnis peccati est superbia* », (*Eccli.*, x, 15) per quam homo sensui suo inhærens, a mandatis divinis recedit. Et ideo oportet quod illud quod destruit peccatum, hominem a sensu<sup>2</sup> discedere faciat. Ille autem qui in sensu suo perseverat, *rigidus* et *durus* per similitudinem vocatur. Unde et *frangi* aliquis dicitur, quando a sensu suo divellitur. Sed inter *fractionem* et *comminationem* sive *contritionem* in rebus materialibus, unde hæc nomina ad spiritualia transferuntur, hoc interest, ut dicitur in *IV Meteor.*, (δ 9. 386a, 12-14), quod *frangi* dicuntur aliqua *quando in magnas paries dividuntur* ; sed *comminui* vel *conteri*, *quando ad partes minimas reducitur* hoc quod in se solidum erat. **Et quia ad dimissionem peccati requiritur quod homo totaliter affectum peccati dimittat, per quem quamdam continuitatem et soliditatem in sensu suo habebat** ; ideo actus ille quo peccatum remittitur **contritio** dicitur per similitudinem.

188. — *In qua quidem contritione plura possunt considerari* : scilicet *ipsa substantia actus, modus agendi, principium et effectus*. Et secundum hoc de contritione inveniuntur diversæ definitiones traditæ.

1. L. « filialis ». — 2. F. « a sensu suo » ; L. « a proprio sensu ».

**189.** — **Quantum enim ad ipsam substantiam actus** datur prædicta definitio. Et quia actus contritionis est actus virtutis et est pars pœnitentiæ sacramenti, ideo manifestatur in prædicta definitione in quantum est actus virtutis, per hoc quod ponitur genus ipsius, scilicet « *dolor* »; et objectum in hoc quod dicit « *pro peccatis* »; et electio quæ requiritur ad actum virtutis, in hoc quod dicit « *assumptus* ». Sed in quantum est pars sacramenti, per hoc quod tangitur ordo ipsius ad alias partes, cum dicit « *cum proposito confitendi, etc.* ».

**190.** — **Alia etiam definitio** invenitur quæ definit contritionem **secundum quod est actus virtutis tantum**; sed additur ad prædictam definitionem differentia contrahens ipsam ad specialem virtutem, scilicet poenitentiam. Dicit enim quod pœnitentia est « *dolor voluntarius, semper<sup>2</sup> pro peccato puniens quod dolet commisisse.* » In hoc enim quod additur *punitio*, ad specialem virtutem contrahitur. Et de veritate<sup>3</sup> hujus supra d. 14 (57) dictum est; quia ibi est posita quasi similis definitio de pœnitentia, cui præcipue competit ratione contritionis.

**191.** — **Alia autem definitio** invenitur Isidori (lib. II *De Sententiis*, c. 12; L. 83, 613), quæ talis est: « *Contritio est compunctio ei humilitas mentis cum lacrymis, veniens de recordatione peccati et timore iudicii.* Et hæc quidem tangit rationem nominis in hoc quod dicit: « *humilitas mentis* »; quia *sicut* per superbiam aliquis in suo sensu rigidus redditur<sup>4</sup>, ita per hoc quod a sensu suo contritus recedit, humiliatur. Tangit etiam modum exteriorem in hoc quod dicit: « *cum lacrymis* »; et principium contritionis in hoc quod dicit: « *veniens de recordatione, etc.* »

**192.** — **Alia** sumitur ex verbis Augustini, **quæ tangit effectum contritionis**, scilicet: « *Contritio est dolor remittens peccatum.* »

**193.** — **Alia** sumitur ex verbis Gregorii (lib. XXXIII *Morat.*, c. 12, n. 24; L. 76, 687), quæ talis est. « *Contritio est humilitas spiritus annihilans peccatum, inter spem et timorem.* » Et hæc tangit rationem nominis in hoc quod dicit quod « *contritio est humilitas spiritus* »; et effectus ejus, in hoc quod dicit « *annihilans peccatum* »; et originem in hoc quod dicit « *inter spem et timorem* ». Nec solum ponit *causam principalem* quæ est *timor*, sed etiam *secundariam*<sup>5</sup> quæ est *spes*, sine qua timor desperationem facere posset.

**194.** — **AD PRIMUM** ergo dicendum quod *dolor non est nisi de eo quod aliquo modo præsens est*. Peccatum autem præteritum, etsi non sit præsens actu<sup>6</sup>, est tamen præsens *quantum ad aliquem effectum ejus*, vel dispositionem ad peccandum, vel

1. N. « et per », L. « in ». 2. L. *om.* « semper ». — 3. Ed. « virtute ». — 4. Ed. « dicitur ». — 5. N. *om.* « secundariam », — 6. Ed. *om.* « actu ».

reatum aut maculam, vel etiam damnum temporis quod aliquo modo non potest recuperari etiam pœnitentia peracta ; vel etiam amissionem dignitatis innocentiae, ad quam nunquam redire potest, per quam dicere potuisset : « *Non reprehendit me cor meum in omni vita mea* » (Job. xxvii, 9).

**195.** — **Vel dicendum** quod *peccatum praeteritum dolorem excitat inquantum praesentialiter in memoria manet* : sicut etiam memorando praeterita tristial, eis afficimur ac si praesentia essent.

**196.** — **Potest etiam dici** quod *sicut* memoria quæ est in intellectiva parte, non est tantum praeteritorum, sed etiam praesentium, ut in I lib. d. 3 (q. 1, a. 4) dictum est, quamvis memoria quæ est sensitivæ partis, sit tantum praeteritorum ; *ita dolor qui est in appetitu intellectivæ partis, potest esse et praeteritorum et praesentium*, quamvis dolor sensitivæ partis tantum sit praesentium, eo quod intellectus abstrahit a qualibet temporis differentia, sicut et ab aliis conditionibus materialibus quas sensus concernit.

**197.** — **Ad secundum** dicendum quod quamvis peccata, quando acciderunt, voluntaria fuerunt ; tamen quando de eis conterimur voluntaria non sunt. *Et ideo nobis nolentibus acciderunt*, non quidem *secundum voluntatem* quam<sup>2</sup> habuimus cum ea volebamus, sed *secundum illam quam nunc habemus, qua vellemus ut<sup>3</sup> nunquam fuissent*.

**198.** — **Ad tertium** dicendum quod quamvis *voluntas completa* non possit esse alicujus sapientis de impossibili ; tamen *voluntas condilionata* quæ et velleitas dicitur, esse potest de impossibilibus : qua etiam sapiens aliquid<sup>4</sup> vellet quod impossibile est, si possibile foret. Et ista voluntas *sufficit ad dolorem causandum* ; et praecipue quando impossibilitas obtinendi quod volumus, ex nobis provenit. Et sic est in proposito.

**199.** — **Ad quartum** dicendum quod quamvis sit in contritione gaudium et pudor, tamen *gaudium non respicit directe peccatum*, sed magis *gratiam recuperatam*, vel etiam ipsum dolorem per quem gratia recuperatur.

Similiter *pudor respicit effectum peccati*, qui est ingloriatio, quia verecundia, secundum Philosophum (IV Eth. δ 15. 11-2 ; l. 17, n. 868) est « *timor ingloriationis* » ; *sed dolor directe ipsum peccatum respicit*. Et ideo contritio quæ ad deletionem peccati ordinatur, magis dicitur dolor quam aliquid supra dictorum.

**200.** — **Ad quintum** dicendum quod dolor non solum opponitur gaudio secundum genus, sed etiam opponitur specialiter dolor de bono, dolori de malo, sicut gaudium de bono, gaudio

1. Ed. *ad.* « sic ». — 2. L. *ad.* « tunc ». — 3. N. *om.* « aliquid », L. « qua vellemus quod ». — 4. Ed. *om.* « aliquid ».

de malo. *Unde etiam aliquando aliquis dolet se prius doluisse.* Et secundum hoc contritio, quamvis sit dolor, potest sanare peccata quæ in dolore consistunt.

**201.** — **Vel dicendum** quod quamvis aliqua peccata in dolore consistunt, tamen illius doloris causa est delectatio vel amor illicitus. *Et secundum hoc dolore, quasi contrario, sanari possunt.*

**202.** — **Ad sextum** dicendum quod *contritio* est a Deo solo quantum ad formam qua informatur; sed *quantum ad substantiam actus est* ex libero arbitrio et a Deo, qui operatur in omnibus operibus et naturæ et voluntatis.

**203.** — **Ad septimum** dicendum quod *contritio naturaliter præcedit confessionem*; sed quod aliquando sequatur, est per accidens ex defectu pœnitentis. Et tamen tunc etiam debet habere propositum confitendi, si aliquid memoriæ occurrat quod confessus non sit.

**204.** — **Ad octavum** dicendum quod *quamvis lota poena possit per contritionem dimitti, tamen adhuc necessaria est confessio et satisfactio.* Tum quia homo non potest esse certus de sua contritione quod fuerit ad totum tollendum sufficiens. Tum quia confessio et satisfactio sunt in præcepto. Unde transgressor constitueretur, si non confiteretur et<sup>2</sup> satisfaceret.

**205.** — **AD SECUNDAM QUÆSTIONEM** dicendum quod *contritio secundum proprietatem sui nominis non significat actum virtutis, sed magis<sup>3</sup> quamdam corporalem passionem.*

**206.** — *Sed hic non quæritur sic de contritione, sed de eo ad quod significandum hoc nomen per similitudinem adaptatur.* Sicut enim inflatio propriæ voluntatis ad malum faciendum importat, quantum est de se, malum ex genere; ita illius voluntatis annihilatio et comminutio quædam de se importat bonum ex genere; quia hoc est detestari propriam voluntatem qua peccatum commissum est. **Et ideo contritio quæ hoc significat importat aliquam rectitudinem voluntatis. Et propter hoc est actus virtutis** illius scilicet<sup>4</sup>, cuius est peccatum præteritum detestari et destruere scilicet **pœnitentiæ**, ut patet ex his quæ in 14 d.<sup>5</sup> (57) dicta sunt.

**207.** — **AD PRIMUM** ergo dicendum quod in contritione est duplex dolor de peccato. *Unus in parte sensitiva, qui passio est. Et hic non est essentialiter contritio, prout est actus virtutis, sed magis effectus ipsius.* Sicut enim pœnitentiæ virtus exteriori pœnam suo corpori infligit ad recompensandum offensam quæ in Deum commissa est officio membrorum; ita etiam et

1. L. om. « est ». — 2. L. ad. « non ». — 3. L. « potius ». — 4. Ed. om. « scilicet ». — 5. Ed. om. a in 14 d. ».

ipsi concupiscibili pœnam infert doloris prædicti, quia ipsa etiam ad peccatum cooperabatur.

**208.** — **Sed tamen hic dolor potest pertinere ad contritionem, in quantum est pars sacramenti**; quia sacramenta non solum in interioribus actibus, sed etiam in exterioribus et in rebus sensibilibus, nata sunt esse.

**209.** — *Alius dolor esi in voluntate*, qui nihil aliud est quam *displacencia alicujus mali*, secundum quod affectus voluntatis nominatur per nomina passionum, ut in III lib. d. 26<sup>2</sup> (72-3) dictum est. **Et sic contritio est dolor per essentiam, et est actus virtutis pœnitentiæ.**

**210.** — **Ad secundum** dicendum quod *contritio passive accepta, de ratione sui dicit passionem alicui corpori inhærentem*; sed quod *ab alio sit inflictæ*, hoc non dicit ex ratione sui nominis, sed *ex consequenti*, scilicet ex natura patientis quod non est natum in seipsum agere. *Et ideo quando transfertur ad actum voluntatis quæ seipsam nata est movere, salvatur ibi similitudo et actionis et passionis in ipsa voluntate.* In quantum enim ille rigor quo propriam voluntatem quis secutus est, dissolvitur, sic ipsius voluntatis quasi quædam *passio* est contritio. **In quantum autem non alio cogente, sed sua sponte hoc accidit, seipsam contere dicitur.**

**211.** — **Ad tertium** dicendum quod *attritio* dicit accessum ad perfectam tritionem<sup>3</sup> — unde **in corporalibus** dicuntur attrita **quæ** aliquo modo sunt comminuta, sed non perfecte; — sed *contritio* dicitur quando omnes partes tritæ sunt simul per divisionem ad minima.

Et ideo significat *attritio in spiritualibus* *quamdam displacenciam de peccatis commissis*, sed non perfectam; *contritio* autem *perfectam*.

**212.** — **Ad quartum** dicendum quod *contritio, secundum quod in se consideratur, fuit semper eodem modo in qualibet lege.* Sicut enim futurum peccatum semper oportuit<sup>4</sup> vitare, ita semper et de commisso dolere. *Sed secundum quod importat ordinem ad alias pœnitentiæ partes, non semper fuit eodem modo, eo quod aliæ partes non semper eodem modo fuerunt. Unde non oportet quod semper eodem modo fuerit propositum confitendi et satisfaciendi, quod in definitione contritionis ponitur.*

**213.** — **AD TERTIAM QUÆSTIONEM** dicendum quod super hoc est *duplex* opinio. *Quidam* enim dicunt quod *attritio* fit *contritio*, sicut *fides informis* fit *formata*.

1. L. « peccati ». — 2. Ed. om. « d. 26 ». — 3. Ed. « contritionem ». — 4. Ed. « oportet ».

**214.** — **Sed hoc, ut videtur, non potest esse**; quia quamvis habitus fidei informis fiat formatus, nunquam tamen actus fidei informis fit actus fidei formatas; quia actus ille informis transit et non manet veniente caritate. Attritio autem et contritio non dicunt habitum, sed actum tantum. Habitus enim virtutum infusarum qui voluntatem respiciunt, non possunt esse informes, cum caritatem consequantur, ut in III lib. (d. 27, q. 2, a. 4, sol. 4) dictum est.

**215.** — Unde antequam gratia infundatur, non est habitus a quo actus contritionis postea elicitur. **Et sic nullo modo attritio potest fieri contritio.** Et hoc **alia opinio** dicit.

**216.** — **AD PRIMUM** ergo dicendum quod non est simile de fide et contritione, ut dictum est (**214**).

**217.** — **Ad secundum** dicendum quod remota privatione a materia quæ manet perfectione adveniente, formatur materia illa. *Sed dolor ille qui erat informis, non manet caritate adveniente. Et ideo formari non potest.*

**218.** — **Vel dicendum** quod materiæ essentia non habet originem a forma, sicut actus habet originem ab habitu quo formatur. Unde non est inconveniens materiam informari aliqua forma de novo, qua prius non informabatur. *Sed hoc de actu est impossibile*: sicut impossibile est quod aliquid idem numero oriatur a principio a quo prius non oriebatur; quia res semel tantum in esse procedit.

**219.** — **Ad tertium** dicendum quod quamvis *motus intellectus et voluntatis* habeat totam suam speciem in uno instanti, sicut et res permanent; tamen *secundum accidens mensuratur tempore*, secundum quod causæ suæ variabiles sunt per tempus.

*Sic enim esse hominem, quod est in instanti, tempore mensuratur.* Et quamdiu causæ esse hominis manent eadem, et ipsum esse manet. Sed mutatis causis, mutatur illud esse, priori destructo; quia « *generatio unius est corruptio alterius* » (I de generatione et corruptione a 3. 318a, 23-24; l. 7, n. 6).

*Et similiter ipsa dispositio voluntatis* quæ talem actum causabat, mutatur et transit, et actus ille idem non manet, nec semel transiens potest iterum resumī.

## ARTICULUS II

### [I]

**220.** — **AD SECUNDUM SIC PROCEditur.** Videtur QUOD HOMO DEBEAT CONTERI DE PÆNIS, NON SOLUM DE CULPIS<sup>2</sup>.

1. Ed. om. « et », N. « permanens ». — 2. L. « culpa ».

1. Augustinus enim in lib. *De pœnitentia* (serm. 351 ; L. 38, 1535) dicit : « *Nemo vitam æternam desiderat, nisi eum hujus vitæ mortalis pœniteat.* » Sed mortalitas vitæ quædam pœna est. Ergo debet pœnitens etiam de pœnis conteri.

2. **Præterea.** Supra habitum est ex verbis Augustini, quod pœnitens debet dolere ex hoc quod « *virtute se privavit* » (d. 16, 3). Sed privatio virtutis quædam pœna est. Ergo contritio est dolor etiam de pœnis.

**221. — SED CONTRA.** Nullus tenet id de quo dolet. Sed *pœnitens*, secundum suum nomen, *pœnam tenet*. Ergo non dolet de pœna. Et sic contritio quæ est dolor pœnitentialis, non est de pœna.

## [II]

[*Mal. q. 7, a. 11, ad 3.*]

**222. — ULTERIUS.** Videtur quod contritio esse debeat DE ORIGINALI.

1. De peccato enim actuali conteri debemus, non ratione actus in quantum est ens quoddam, sed ratione deformitatis, quia actus secundum suam substantiam bonum quoddam est et a Deo. Sed peccatum originale habet deformitatem, sicut et actuale. Ergo etiam de eo conteri debemus.

2. **Præterea.** Per peccatum originale homo fuit a Deo aversus, quia pœna ejus erat carentia divinæ visionis. Sed cuilibet debet displicere se fuisse a Deo aversum. Ergo homo debet habere displicentiam peccati originalis. Et sic debet de ipso conteri.

**223. — SED CONTRA.** Medicina debet esse proportionata morbo. Sed peccatum originale sine nostra voluntate contractum est. Ergo non requiritur quod per actum voluntatis qui est contritio, ab ipso purgemur.

## [III]

[*III, q. 87, a. 1 ; Mal. q. 7, a. 3, ad 3.*]

**224. — ULTERIUS.** Videtur QUOD NON DE OMNI ACTUALI PECCATO COMMISSO A NOBIS DEBEAMUS CONTERI.

1. Quia « *contraria contrariis curantur* » (II *Elh. β* 2. 17 ; l. 3, n. 270). Sed quædam peccata per tristitiam committuntur, sicut acedia et invidia. Ergo medicina eorum non debet esse tristitia quæ est contritio, sed gaudium.

1. Ed. *om.* « et ».

2. **Præterea.** Contritio est actus voluntatis qui non potest esse de eo quod cognitioni non subjacet. Sed quædam peccata sunt quæ in cognitione non habemus, sicut oblita. Ergo de eis non potest esse contritio.

3. **Præterea.** Per voluntariam contritionem delentur illa quæ per voluntatem committuntur. Sed ignorantia voluntarium tollit, ut patet per Philosophum in III *Elh.* (γ 2. 1110b, 18 ; l. 3, n. 406-8). Ergo de eis quæ per ignorantiam accidunt, non debet esse contritio.

4. **Præterea.** De illo peccato non debet esse contritio quod per contritionem non tollitur. Sed quædam peccata sunt quæ non tolluntur per contritionem, scilicet venialia, quæ adhuc post contritionis gratiam manent. Ergo non de omnibus peccatis præteritis debet esse contritio.

225. — **SED CONTRA.** Pœnitentia est medicina contra omnia peccata actualia. Sed pœnitentia non est aliquorum quorum non sit contritio, quæ est prima pars ejus. Ergo et de omnibus peccatis debet esse contritio.

226. — **Præterea.** Nullum peccatum remittitur<sup>2</sup>, nisi quis justificetur. Sed ad justificationem requiritur contritio, ut prius (109) dictum est. Ergo de quolibet peccato conteri oportet.

#### [IV]

[*Mal.* q. 7, a. 3, ad 3.]

227. — **ULTERIUS.** Videtur quod etiam de peccatis futuris aliquis debeat conteri.

1. Contritio enim est actus liberi arbitrii. Sed liberum arbitrium magis se extendit ad futura quam ad præterita ; quia electio quæ est actus liberi arbitrii, est de contingentibus futuris, ut dicitur in III *Elh.*, (γ 5. 1112b, 9 ; l. 7, n. 471). Ergo contritio est magis de peccatis futuris quam de præteritis.

2. **Præterea.** Peccatum aggravatur ex consequenti effectu. Unde Hieronymus dicit quod pœna Arii nondum est determinata, quia adhuc est possibile aliquos per ejus hæresim corrumpere<sup>3</sup>, quibus corrumpentibus semper ejus pœna augetur. Et similiter est de illo qui judicatur homicida, si lethaliter percussit, etiam antequam percussus moriatur. Sed in illo intermedio debet peccator conteri de peccato. Ergo non solum secundum quod habet quantitatem ex præterito actu, sed etiam secundum quod habet quantitatem ex futuro. Et sic contritio respicit futurum.

228. — **SED CONTRA.** Contritio est pars pœnitentiæ. Sed

1. L. « his ». — 2. L. « dimittitur ». — 3. L. « ruere » et *om.* « quibus corrumpentibus semper ejus pœna augetur ».

pœnitentia semper respicit præteritum. Ergo et contritio. Et sic non est de peccato futuro.

[V]

[*Mal. q. 7, a. 3, ad 3.*]

**229. — ULTERIUS.** Videtur quod homo debeat conteri DE PECCATO ALIENO.

1. Non enim petit aliquis indulgentiam nisi de peccato de quo contritus est. Sed de peccatis alienis indulgentia petitur in *ps. xviii, 14* : « *Ab alienis parce servo tuo.* » Ergo debet homo conteri de peccatis alienis.

2. **Præterea.** Homo ex caritate tenetur diligere proximum sicut seipsum. Sed propter dilectionem sui et de malis suis dolet et bona desiderat. Ergo cum teneamur proximo desiderare bona gratiæ sicut et nobis, videtur quod debeamus de culpa ejus dolere, sicut et de nostris. Sed contritio nihil aliud est quam dolor de peccatis. Ergo homo debet conteri de peccatis alienis.

**230. — SED CONTRA.** Contritio actus pœnitentiæ virtutis est. Sed nullus pœnitet nisi de his quæ ipse fecit. Ergo nullus conteritur de peccatis alienis.

[VI]

[*Supra d. 16, 222 ; Infra d. 21, 170-2 ; I-II, q. 113, a. 5, ad. 3 ; III, q. 87, a. 1.*]

**231. — ULTERIUS.** Videtur quod non requiratur de SINGULIS PECCATIS MORTALIBUS CONTRITIO.

1. Est enim motus contritionis in justificatione in instanti. Sed in instanti non potest homo recogitare singula peccata. Ergo non oportet quod sit contritio de singulis.

2. **Præterea.** Contritio debet esse de peccatis secundum quod avertunt a Deo ; quia conversio ad creaturam sine aversione a Deo contritionem non requirit. Sed omnia peccata mortalia conveniunt in aversione. Ergo contra omnia sufficit una contritio.

3. **Præterea.** Plus conveniunt peccata mortalia actualia ad invicem quam actualia et originale. Sed unus baptismus delet omnia actualia, et originale. Ergo una contritio generalis delet omnia peccata mortalia.

**232. — SED CONTRA.** Diversorum morborum diversae sunt medicinæ ; quia *non sanat oculus quod sanat calcaneum*, ut dicit Hieronymus (*In Mare, ix, 27, 28 ; L. 30, 616*). Sed contri-

1. L. « debet ». — 2. Ed. « culpa ». — 3. Ed. « dicitur ».

tio est medicina singularis contra unum tantum mortale. Ergo non sufficit una communis de omnibus.

**233. — Præterea.** Contritio per confessionem explicatur. Sed oportet singula peccata mortalia confiteri. Ergo et de singulis conteri.

**234. — RESPONSIO.** Dicendum **AD PRIMAM QUÆSTIONEM** quod contritio importat, ut dictum est (186), alicujus et duri et integri comminutionem. Hæc autem integritas et duritia invenitur in malo culpæ; quia voluntas quæ est ipsius causa, in eo qui male agit, in suis terminis stat, nec præcepto legis cedit. Et ideo hujus mali displicentia contritio per similitudinem dicitur. Hæc autem similitudo non potest adaptari ad malum pœnæ, quia pœna simpliciter diminutionem dicit. **Et ideo de malis pœnæ potest esse dolor, sed non contritio.**

**235. — AD PRIMUM** ergo dicendum quod pœnitentia, secundum Augustinum, debet esse de hac mortali vita, non ratione ipsius mortalitatis — nisi pœnitentia large dicatur omnis dolor — sed ratione peccatorum ad quæ ex infirmitate hujus vitæ deducimur.

**236. — Ad secundum** dicendum quod ille dolor quo quis dolet de amissione virtutis per peccatum, non est essentialiter ipsa contritio, sed est principium ejus: *sicut* enim aliquis movetur ad appetendum aliquid propter bonum quod inde expectat, *ita* movetur ad dolendum de aliquo propter malum quod inde consecutus est.

**237. — AD SECUNDAM QUÆSTIONEM** dicendum quod contritio, ut dictum est (187), est dolor respiciens et quodammodo comminuens voluntatis duritiem. Et ideo de illis solis peccatis esse potest quæ ex duritia nostræ voluntatis in nos proveniunt. Et quia **peccatum originale** non nostra voluntate inductum est, sed ex vitiata<sup>3</sup> origine naturæ contractum, ideo **de ipso non potest esse contritio, proprie loquendo**; sed displicentia potest esse de eo, vel dolor.

**238. — AD PRIMUM** ergo dicendum quod *contritio non est de peccato ratione substantiæ actus tantum*, quia ex hoc non habet rationem mali; *neque iterum ratione deformitatis tantum*, quia deformitas de se non dicit rationem culpæ, *sed quandoque importat pœnam*. Debet autem de peccato esse contritio in quantum importat utramque deformitatem ex actu voluntatis pro-

1. Ed. præter L. « sicut cum aliquis movetur ad dolendum de aliquo propter malum, quod inde non consecutus est »: *αβγζζηθι* « sicut enim aliquis movetur ad dolendum de aliquo propter malum quod inde consecutus est »: *om.* reliqua per *homot.* contra \* et ed. — 2. L. « Et ideo solum de illis ». — 3. Ed. « vitiatae ».

venientem. *Et hoc non esi in peccato originali. Et ideo de eo non est contritio.*

**239.** — Et similiter dicendum **ad secundum**; quia aversio voluntatis est illa cui debetur contritio.

**240.** — **AD TERTIAM QUÆSTIONEM** dicendum quod **omnis actualis culpa ex hoc contingit quod voluntas nostra legi Dei non cedit**, vel eam transgrediendo vel omittendo vel praeter eam agendo. Et quia « *durum est quod habet potentiam ut non facile patiatur?* » (*Categ.* 8. 9a, 25) ; ideo in omni actuali peccato duritia quaedam est voluntatis. Et propter hoc, si debeat **peccatum curari, oportet quod per contritionem comminuentem remittatur.**

**241.** — **AD PRIMUM** ergo dicendum quod, sicut ex dictis (231) patet, contritio opponitur peccato ex parte illa qua ex electione voluntatis procedit non sequentis imperium divinae legis ; non autem ex parte ejus quod est in peccato materiale. Et hoc est super quod cadit electio. Cadit autem voluntatis electio non solum super actus aliarum virium, quibus voluntas ad suum finem utitur, sed etiam super actum proprium ipsius. Voluntas enim vult se velle aliquid. Et sic *electio voluntatis cadit supra dolorem illum seu tristitiam quae invenitur in peccato invidiae et hujusmodi, sive ille dolor sit in sensu, sive in ipsa voluntate. Et ideo illis peccatis dolor contritionis opponitur.*

**242.** — **Ad secundum** dicendum quod oblivio de aliquo potest esse *dupliciter. Aut* ita quod totaliter a memoria exciderit, et tunc non potest aliquis inquirere illud. *Aut* ita quod partim a memoria exciderit, et partim maneat : sicut cum recolo me aliquid audivisse in generali, sed nescio quid in speciali ; et tunc requiro in memoria<sup>4</sup> ad recognoscendum.

**243.** — Et secundum hoc etiam aliquod peccatum potest esse oblitum *dupliciter. Aut* ita quod **in generali** memoria maneat sed non in speciali, *et tunc debet homo recogitare ad invenendum peccatum*, quia de quolibet mortali peccato tenetur homo specialiter conteri.

**244.** — *Si autem invenire non possit*, sufficit de eo conteri secundum quod in notitia tenetur<sup>6</sup>. Et *debet homo* non solum de peccato, sed *de oblivione ejus dolere quae ex negligentia contingit.*

**245.** — *Si autem peccatum omnino a memoria excidit*, tunc ex impotentia faciendi excusatur a debito, et *sufficit generalis contritio* de omni eo in quo Deum offendit.

1. Ed. om. « Et ». — 2. Ut recte annuit N. forte « partiatu » scripserat S. Thomas quod pressius reddit « ». — 3.\*F. « illius ». — 4. F. « memoriam ». — 5. ζη om. per homot. « Si autem invenire... conteri ». — 6. L. « tenet ».

246. — *Sed quando impotentia tollitur*, sicut cum ad memoriam peccatum revocatur, *tunc tenetur homo specialiter conteri* : sicut est etiam de pauperel qui non potest solvere quod debet, excusatur, et tamen tenetur cum primo potuerit<sup>2</sup>.

247. — **Ad tertium** dicendum quod si ignorantia omnino tolleret voluntatem male agendi, excusaret et non esset peccatum. Sed quandoque non totaliter tollit voluntatem ; et tunc a toto non excusat, sed a tanto. Et ideo de peccato per ignorantiam commisso debet homo conteri.

248. — **Ad quartum** dicendum quod post contritionem de mortali potest remanere veniale, sed non post contritionem de veniali. Et ideo de venialibus etiam debet esse contritio, eo modo quo et pœnitentia, sicut supra, dist. præced. (120-8), dictum est.

249. — **AD QUARTAM QUÆSTIONEM** dicendum quod in omnibus motoribus et mobilibus ordinatis ita est quod motor inferior habet motum proprium, et præter hoc sequitur in aliquo motum superioribus motoris : sicut patet in motu planetarum, qui præter motus proprios sequuntur motum primi orbis.

250. — Omnibus autem virtutibus moralibus motor est ipsa prudentia quæ dicitur *auriga virtutum*. Et ideo quælibet virtus moralis cum motu proprio habet aliquid de motu prudentiæ.

251. — Et ideo, cum poenitentia sit quædam virtus moralis, quia est pars justitiæ, cum actu proprio consequitur prudentiæ motum. Proprius autem actus ejus est in objectum proprium quod est peccatum commissum. *Et ideo ejus actus principalis, scilicet contritio, secundum suam speciem respicit tantum peccatum præteritum*. Sed *ex consequenti respicit futurum secundum quod habet aliquid de actu prudentiæ adjunctum*, et non tantum in illud futurum secundum rationem<sup>3</sup> propriæ speciei movetur<sup>4</sup>. Et propter hoc ille qui conteritur, dolet de peccato præterito et cavet futurum. **Sed non dicitur esse contritio de peccato futuro**, sed magis **cautio** quæ est pars prudentiæ contritioni adjuncta.

252. — **AD PRIMUM** ergo dicendum quod liberum arbitrium dicitur esse de contingentibus futuris secundum quod est de actibus, sed non secundum quod est de objectis actuum ; quia homo potest cogitare ex libero arbitrio de rebus præteritis et necessariis. Sed tamen ipse actus cogitationis, secundum quod sub libero arbitrio cadit, contingens futurum est. *Et sic etiam*

1. Ed. « Sicut etiam pauper ». — 2. L. « poterit ». — 3. Ed. « ratione ». — 4. L. « Et tamen in illud futurum secundum rationem propriæ speciei non movetur ». —

*actus contritionis contingens futurum est*<sup>1</sup>, secundum quod sub libero arbitrio cadit ; sed *objectum ejus potest esse præteritum*

**253.** — **Ad secundum** dicendum quod ille effectus consequens qui peccatum aggravat, jam in actu præeessit velut in causa. Et ideo quando commissum est, totam suam quantitatem habuit, et ex effectu consequenti non accrescit ei<sup>2</sup> aliquid quo ad culpæ rationem, etsi accrescat<sup>3</sup> quo ad pœnam accidentalem, secundum quod plures habebit rationes dolendi in inferno de pluribus malis consecutis ex suo peccato. Et sic loquitur Hieronymus. Unde *non oportet quod contritio sit nisi de peccatis præteritis*.

**254.** — **AD QUINTAM QUÆSTIONEM** dicendum quod illud idem conteritur quod prius durum et integrum fuit. Unde oportet<sup>4</sup> quod contritio pro peccato sit in eodem in quo peccati duritia præeessit. **Et sic de alienis peccatis non est contritio.**

**255.** — **AD PRIMUM** ergo dicendum quod ab alienis peccatis sibi parci Propheta<sup>5</sup> precatur, inquantum ex consortio peccatorum aliquis per consensum aliquam immunditiam contrahit, sicut scriptum est (*ps. xvii, 27*) : « *Cum perverso perverteris* ».

**256.** — **Ad secundum** dicendum quod *de peccatis aliorum dolere debemus, non tamen oportet quod de eis conteramur* ; quia non omnis dolor de peccato præterito est contritio, ut ex dictis patet (d. 15, q. 2, a. 2, sol. 2).

**257.** — **AD SEXTAM QUÆSTIONEM** dicendum quod contritio potest *duplíciter* considerari : scilicet *quantum ad sui principium, et quantum ad terminum*.

Et dico *principium contritionis* cogitationem qua quis cogitat de peccato et dolet, etsi non dolore contritionis, saltem dolore attritionis<sup>6</sup>. Terminus autem contritionis est, quando dolor ille jam gratia informatur. *Quantum ergo ad principium contritionis, oportet quod de singulis peccatis quæ quis in memoria habet.*

**258.** — *Sed quantum ad terminum sufficit quod sit una communis de omnibus* ; tunc enim ille motus agit in vi omnium dispositionum præcedentium.

Et per hoc patet responsio **AD PRIMUM**.

**259.** — **Ad secundum** dicendum quod quamvis *omnia peccata mortalia* conveniant in aversione, tamen *differunt in causa* et modo aversionis et quantitate elongationis a Deo. Et hoc est secundum diversitatem conversionis.

1. *ξη om.* per *homot.* † Et sic etiam... futurum est ». — 2. L. « accessit » ; ed. *om* « ei ». — 3. Ed. « accrescit » ; L. « quamvis accrescat ». — 4. Ed. « patet ». — 5. *η om.* « Propheta ». — 6. *η om.* « saltem dolore attritionis ».

**260.** —<sup>1</sup> **Ad tertium** dicendum quod *baptismus* agit in virtute meriti Christi, quod habuit infinitam virtutem ad delendum omnia peccata. Et propter hoc<sup>1</sup> unus sufficit contra omnia. *Sed in contritione* requiritur cum merito Christi actus noster. *Et ideo oportet quod singulis peccatis respondeat singillatim*, cum non habeat infinitam virtutem ad contritionem<sup>2</sup>.

**261.** — **Vel dicendum** quod *baptismus* est *spiritualis generatio*; sed *pœnitentia* quantum ad contritionem et alias sui partes *est spiritualis quædam sanatio* per modum cuiusdam alterationis. Patet autem in generatione corporali alicujus quæ est cum corruptione alterius<sup>3</sup>, quod una generatione removentur omnia accidentia contraria rei generatæ, quæ erant accidentia rei corrupte. Sed in alteratione removetur tantum unum accidens contrarium accidenti, ad quod terminatur alteratio.

**262.** — Et similiter unus *baptismus* simul delet omnia peccata novam vitam inducendo. Sed *pœnitentia* non delet omnia peccata nisi ad singula feratur. **Et ideo oportet de singulis conteri et confiteri.**

### ARTICULUS III

[I]

[Supra, 207.]

**263.** — **AD TERTIUM SIC PROCEDITUR.** Videtur quod CONTRITIO NON SIT MAJOR DOLOR QUI ESSE POSSIT IN NATURA.

1. Dolor enim est sensus læsionis. Sed aliquæ læsiones magis sentiuntur quam læsio peccati: sicut læsio vulneris. Ergo non est maximus dolor contritio.

2. **Præterea.** Ex effectu sumimus iudicium de causa. Sed effectus doloris sunt lacrymæ. Cum ergo aliquando contritus non emittat lacrymas corporales de peccatis, quas tamen emittit de morte amici, vel de percussione, vel de<sup>4</sup> aliquo hujusmodi; videtur quod contritio non sit dolor maximus.

3. **Præterea.** Quanto aliquid plus habet de permixtione<sup>5</sup> contrarii, tanto est minus intensum. Sed contritionis dolor habet multum de gaudio admixtum; quia contritus gaudet de liberatione<sup>6</sup>, spe veniæ, et de multis hujusmodi. Ergo dolor suus est minimus.

1. L. « propterea ». — 2. F. *om.* † ad contritionem ». *ζη om.* per *homot.* sequentia usque ad « et alias sui partes ». — 3. L. *om.* « alterius ». — 4. N. *om.* « de ». — 5. L. « admixtione ». — 6. L. *ad.* « de ».

**4. Præterea.** Dolor contritionis displicentia quædam est. Sed multa sunt quæ magis displicent contrito quam peccata sua præterita. Non enim vellet poenam inferni sustinere potius quam peccaret, nec iterum sustinuisse omnes poenas temporales, aut etiam sustinere; alias pauci invenirentur contriti. Ergo dolor contritionis non est maximus.

**264. — SED CONTRA.** Secundum Augustinum (*De civ. Dei*, lib. XIV, c. 9, n. 1; L. 41, 413), omnis dolor in amore fundatur. Sed amor caritatis, in quo fundatur dolor contritionis, est maximus. Ergo dolor contritionis est maximus.

**265. — Præterea.** Dolor est de malo. Ergo de magis malo debet esse major dolor. Sed culpa est magis malum quam poena. Ergo dolor de culpa, qui est contritio, excedit omnem alium dolorem.

## [II]

[*Infra*, 311.]

**266. — ULTERIUS.** Videtur quod non possit esse nimis MAGNUS CONTRITIONIS DOLOR.

1. Nullus enim dolor potest esse immoderatioꝝ quam ille qui proprium subjectum destruit. Sed dolor contritionis, si est tantus quod mortem vel corruptionem corporis inducit, est laudabilis. Dicit enim Anselmus (*Orat.* 52): « *Utinam sic impinguentur viscera animæ meæ, ut medullæ corporis mei exsiccentur* »; et Augustinus dicit (*De contritione cordis*, c. 10; L. 40, 949) « *se esse dignum oculos cæcare plorando* ». Ergo dolor contritionis non potest esse nimius.

2. **Præterea.** Dolor contritionis ex caritatis amore procedit. Sed amor caritatis non potest esse nimius. Ergo nec dolor contritionis.

**267. — SED CONTRA.** Omnis virtus moralis corrumpitur per superabundantiam et defectum. Sed contritio est actus virtutis moralis, scilicet penitentiæ, cum sit pars justitiæ. Ergo potest esse superfluous dolor de peccatis.

## [III]

[*Infra*, 344.]

**268. — ULTERIUS.** Videtur QUOD NON DEBEAT ESSE MAJOR DOLOR DE UNO PECCATO QUAM DE ALIO.

1. Hieronymus enim (*Ep.* 108, n. 15; L. 22, 891) collaudat Paulam de hoc quod « *minima peccata sicut magna plangebat*. » Ergo non magis est dolendum de uno quam de alio.

1. Ed. « peccare ». — 2. F. « magis ». — 3. F. « inducat ».

2. **Præterea.** Motus contritionis est subitus. Sed non potest unus motus esse intensior simul et remissior. Ergo contritio non debet esse major de uno peccato quam de alio.

3. **Præterea.** De peccato præcipue est contritio, secundum quod a Deo avertit. Sed in aversione omnia peccata mortalia conveniunt; quia omnia tollunt gratiam, qua anima Deo conjungitur. Ergo de omnibus peccatis mortalibus æqualis debet esse contritio.

**269. — SED CONTRA.** *Dei.*, xxv, 2, dicitur: « *Secundum mensuram peccati erit et plagarum modus* ». Sed contritione<sup>1</sup> de peccatis plagæ commensurantur; quia contritio habet propositum satisfaciendi annexum. Ergo contritio magis debet esse de uno peccato quam de alio.

**270. — Præterea.** De hoc debet homo conteri quod debuit vitare. Sed homo magis debet vitare unum peccatum quam aliud, quia gravius est, si necessitas alterum faciendi incumberet. Et similiter debet<sup>2</sup> de uno, scilicet graviori, magis quam de alio dolere.

**271. — RESPONSIO.** Dicendum **AD PRIMAM QUÆSTIONEM** quod, sicut supra (207-9) dictum est, in contritione est *duplex* dolor.

*Unus in ipsa voluntate*, qui<sup>3</sup> est essentialiter ipsa contritio, quæ nihil aliud est quam displicentia præteriti peccati. Et talis dolor in contritione excedit<sup>4</sup> alios dolores; quia quantum aliquid placet, tantum, contrarium ejus displicet. Finis autem super omnia placet, cum omnia propter ipsum desiderentur. **Et ideo peccatum quod a fine ultimo avertit, super omnia displicere debet.**

**272. —** *Alius dolor est in parte sensitiva*, qui causatur ex primo dolore, *vel* ex necessitate naturæ, secundum quod vires inferiores sequuntur motum superiorum<sup>5</sup>; *vel* ex electione, secundum quod homo pœnitens in seipso hunc dolorem excitat ut de peccatis doleat.

**273. — Et neutro modo oportet quod sit maximus dolorum.** Quia vires inferiores vehementius moventur ab objectis propriis, quam ex redundantia superiorum virium. Et ideo quanto operatio superiorum virium est propinquior objectis inferiorum, tanto magis sequuntur earum motum. Et ideo major dolor est in sensitiva parte ex læsione sensibili quam sit ille qui in ipsa redundat ex ratione. *El similiter* major qui redundat ex ratione de corporalibus deliberante quam qui redundat ex ratione considerante spiritualia. Unde dolor in sensitiva parte ex displicentia

1. Ed. « contritioni ». — 2. Ed. « Ergo et similiter de uno ». — 3. L. « quæ ». — 4. L. *ad.* « omnes ». — 5. Ed. « superiorem ».

rationis proveniens de peccato, non est major aliis doloribus qui in ipsa sunt.

**274. — Et similiter nec dolor qui est voluntarie assumptus.** *Tum* quia non obedit affectus inferior superiori ad nutum, ut passio tanta sequatur in inferiori appetitu, qualem ordinat superior. *Tum etiam* quia passiones a ratione assumuntur in actibus virtutum secundum mensuram quamdam, quam quandoque dolor qui est sine virtute, non servat, sed excedit.

**275. — AD PRIMUM** ergo dicendum quod *sicut* dolor sensibilis est de sensu læsionis, *ita* dolor interior est de cognitione alicujus nocivi. Et ideo quamvis *læsio peccati* secundum sensum exteriorem non percipiatur, tamen *percipitur esse maxima secundum sensum interiorem rationis.*

**276. — Ad secundum** dicendum quod corporales immutationes immediate consequuntur ad passiones sensitivæ partis, et eis mediatis ad affectiones appetitivæ superioris. *Ei inde est quod ex dolore sensibili vel etiam sensibili vicino citius perfuunt lacrymæ corporales* quam de dolore spirituali contritionis.

**277. — Ad tertium** dicendum quod gaudium illud quod de dolore pœnitens habet, non minuit displicentiam, quia ei non contrariatur; sed auget, secundum quod « *omnis operatio augetur per propriam delectationem* », ut dicitur in X *Eth.*, (κ 5. 1175a, 30; l. 7, n. 2042-4): sicut qui delectatur in addiscendo aliquam scientiam, melius addiscit. *Et similiter qui gaudet de displicentia, vehementius displicentiam habet.*

Sed bene potest esse quod illud gaudium temperet dolorem ex ratione in partem sensitivam resultante.

**278. — Ad quartum** dicendum quod quantitas displicentiæ de aliqua re debet esse secundum quantitatem malitiæ ipsius. *Malitia autem in culpa mortali mensuratur ex eo in quem peccatur, in quantum est ei indigna; et ex eo qui peccat, in quantum est nociva.* Et quia homo debet plus Deum quam se diligere, ideo *plus debet odire culpam in quantum est offensa Dei, quam in quantum est nociva sibi.*

**279. —** Est autem nociva sibi principaliter, in quantum separat ipsum a Deo. Et ex hac parte ipsa separatio a Deo quæ pœna quædam est, *magis* debet displicere quam ipsa culpa, in quantum hoc nocumentum inducit, quia quod propter alterum oditur, minus oditur; sed *minus* quam culpa in quantum est offensa in Deum.

**280. —** Inter omnes autem pœnas attenditur ordo malitiæ secundum quantitatem nocumenti. Et ideo, cum hoc sit maximum

1. F. om. per homot. « ve 3etiam sensibili », *Křθθ*, « insensibili », η « nocivo ». —  
2. Ed. « superfluunt L. « defluunt ». — 3. L. « seipsum ».

nocumentum quo maximum bonum privatur, *erit inter pœnas maxima, separatio a Deo.*

**281.** — *Est etiam alia quantitas mali accidentalis, quam oportet in displicentia attendere secundum rationem præsentis et præteriti; quia quod præteritum est, jam non est; unde habet minus de ratione et malitiæ et bonitatis. Et inde est quod plus refugit homo sustinere aliquid mali in præsentis vel in futuro, quam horreat de præterito. Unde nec aliqua passio animæ directe respondet præterito, sicut dolor respondet præsentis malo, et timor futuro. Et propter hoc de duobus malis præteritis illud magis abhorret animus cujus major effectus in præsentis remanet, vel in futurum timetur, etiamsi in præterito minus fuerit. Et quia effectus præcedentis culpæ non ita percipitur quandoque sicut effectus præteritæ pœnæ, tum quia culpa perfectius sanatur quam quædam pœna; tum quia defectus corporalis magis est manifestus quam spiritualis; ideo homo etiam bene dispositus quandoque magis percipit in se horrorem præcedentis pœnæ quam præcedentis culpæ; quamvis magis esset paratus pati eandem pœnam quam committere eandem culpam.*

**282.** — *Est etiam considerandum in comparatione culpæ et pœnæ, quod quædam pœnæ inseparabiliter habent conjunctam Dei offensam, sicut separatio a Deo; quædam etiam addunt perpetuitatem, sicut pœna inferni. Pœna ergo illa quæ offensam annexam habet eodem modo judicanda est sicut et culpa. Sed illa quæ perpetuitatem addit, est magis quam culpa simpliciter fugienda. Si tamen ab eis separetur ratio offensæ, et consideretur tantum ratio pœnæ, minus habet de malitia quam culpa, inquantum est offensam Dei, et propter hoc minus deberet displicere.*

**283.** — *Sciendum est etiam quod quamvis talis debeat esse contriti dispositio, non tamen de his tentandus est; quia homo affectus suos non de facili mensurare potest; et quandoque illud quod minus displicet, videtur magis displicere; quia est propinquius sensibili nocumento, quod magis est nobis notum.*

**284.** - **AD SECUNDAM QUÆSTIONEM** dicendum quod **contritio ex parte doloris qui est in ratione**, scilicet displicentiæ, quo peccatum displicet inquantum est offensam Dei, **non potest esse nimia**; sicut nec amor caritatis, quo intenso talis displicentia intenditur, potest esse nimius.

**285.** — **Sed quantum ad dolorem sensibilem potest esse nimia**; sicut etiam exterior corporis afflictio potest esse nimia,

ut supra d. 15 in quæstione de jejuniis, ex verbis Hieronymi (390) patuit. In his enim omnibus debet accipi pro mensura conservatio subjecti et bonæ habitudinis sufficientis ad ea quæ agenda incumbunt. Et propter hoc dicitur Rom., xn, 1 : « *Rationabile obsequium vestrum.* »

**286.** — **AD PRIMUM** ergo dicendum quod Anselmus desiderabat ex pinguedine devotionis medullas corporales exsiccarum non quantum ad humorem naturalem, sed quantum ad desideria et concupiscentias corporales.

Augustinus autem, quamvis dignus se cognosceret amissione exteriorum oculorum propter peccatum, quia quilibet peccator non solum æterna, sed etiam temporalis morte dignus est; non tamen volebat sibi oculos cæcare.

**287.** — **Ad secundum** dicendum quod ratio illa procedit de dolore qui est in ratione.

**288.** — **Tertia** autem procedit de dolore sensitivæ partis.

**289.** — **AD TERTIAM QUÆSTIONEM** dicendum quod de contritione dupliciter possumus loqui.

**Uno modo secundum quod sigillatim singulis peccatis respondet.** Et sic quantum ad dolorem superioris affectus requiritur quod de majore peccato quis doleat magis; quia ratio doloris est major in uno quam in alio, scilicet offensa Dei. Ex magis enim inordinato actu Deus magis offenditur.

**290.** — Similiter etiam cum majore culpæ major poena debeatur, etiam dolor sensitivæ partis, secundum quod pro peccato ex electione assumitur pœna peccati, quasi debet esse major de majore peccato. Secundum autem quod ex impressione superioris appetitus nascitur in inferiori, attenditur quantitas doloris secundum dispositionem inferioris partis ad recipiendam impressionem a superiori, et non secundum quantitatem peccati.

**291.** — **Alio modo** potest accipi contritio secundum quod est simul de omnibus; sicut in actu justificationis. Et hæc quidem contritio vel ex singulorum consideratione peccatorum procedit. Et sic quamvis sit actus unus, tamen distinctio peccatorum manet virtute in ipso. Vel ad minus habet propositum de singulis cogitandi annexum. Et sic etiam habitualiter est magis de uno quam de alio.

**292.** — **AD PRIMUM** ergo dicendum quod Paula non laudatur de hoc quod de omnibus peccatis doleret æqualiter; sed quia de parvis peccatis tantum dolebat ac si essent magna, per

1. L. « autem ». — 2. Ed. om. « etiam ». — 3. *αβγ* « quia ». — 4. Ed. « innascitur », *αβζ cor. ηθι* « irascitur ».

comparationem ad alios qui de peccatis dolent. Sed ipsa multo amplius de majoribus doluisset.

**293.** — **Ad secundum** dicendum quod in illo contritionis motu subitaneo, quamvis non actualiter distinctio intentionis respondens diversis peccatis inveniri possit, tamen invenitur ibi eo modo ut dictum est (289). Et etiam alio modo, secundum quod singula peccata ordinem habent ad illud de quo in illa contritione generali contrito dolendum occurrit, scilicet offensam Dei. Qui enim aliquod totum appetit vel diligit, etiam diligit partes ejus, quamvis non actu; et hoc modo, secundum quod habent ordinem ad totum, quasdam plus, quasdam minus: *sicut* qui aliquam communitatem diligit, virtute singulos diligit plus et minus secundum eorum ordinem in bono communi. *El similiter qui dolet de hoc quod Deum offendit<sup>1</sup> de diversis, implicite dolet diversimode secundum quod plus vel minus per ea Deum offendit.*

**294.** — **Ad tertium** dicendum, quod quamvis quodlibet peccatum mortale a Deo avertat et gratiam tollat; tamen quoddam plus elongat quam aliud, in quantum habet majorem dissonantiam ex sua inordinatione ad ordinem divinæ bonitatis quam aliud.

#### ARTICULUS IV

[*Supra*, d. 14, 183-190; III, q. 84, a. 8; a. 9, ad 1.]

**295.** — **AD QUARTUM SIC PROCEditur.** Videtur quod NON TOTA HÆC VITA SIT CONTRITIONIS TEMPUS.

1. *Sicut* enim de peccato commisso debet esse dolor, *ita* et pudor. Sed non per totam vitam durat pudor de peccato, et, sicut dicit Ambr osius (lib. II *De pœnil.*, c. 7, n. 58; L. 16, 532), « *nihil habet quod erubescat cui peccatum dimissum est.* » Ergo videtur quod nec contritio, quæ est dolor de peccato.

2. **Præterea.** I *Joan.*, iv, 18, dicitur, quod « *perfecta caritas foras mittit timorem, quia timor poenam habet.* » Sed dolor etiam poenam habet. Ergo in statu perfectæ caritatis non potest dolor contritionis manere.

3. **Præterea.** De præterito non potest esse dolor, qui proprie est de malo præsentis, nisi secundum quod aliquid de præterito in præsentis manet. Sed quandoque pervenitur ad aliquem

1. L. « posset ». — 2. Ed. « sicut ». — 3. F. *om.* « Et ». — 4. Ed. « offendat ».

statum in hac vita in quo nihil de peccato præterito manet, neque dispositio, neque culpa, neque reatus aliquis. Ergo non oportet ulterius de illo peccato dolere.

**4. Præterea.** Rom. viii, 28, dicitur quod « *diligentibus Deum omnia cooperantur in bonum* », etiam peccata, ut Glossa dicit ibidem (August. *De correpi. et gratia*, c. 9, n. 24; L. 44, 930). Ergo non oportet post remissionem peccati quod de peccato doleant.

**5. Præterea.** Contritio est pars pœnitentiæ contra satisfactionem divisa. Sed non oportet semper satisfacere. Ergo nec oportet semper conteri de peccato.

**296. — SED CONTRA.** Augustinus dicit in lib. *de Pœnitentia* c. 13, L. 40, 1124) : « *Ubi dolor finitur, deficit pœnitentia ; ubi deficit pœnitentia, nihil relinquitur de venia.* » Ergo videtur, cum oporteat veniam concessam non perdere, quod oporteat semper dolere de peccato.

**297. — Præterea.** *Eccli.*, v, 5, dicitur : « *De propitiatu peccatorum noli esse sine metu.* » Ergo semper debet homo dolere ad peccatorum propitiationem habendam.

## [H]

[*Supra* d. 14, 190-5; III, q. 84, a. 9.]

**298. — ULTERIUS.** Videtur quod non expediat continue DE PECCATO DOLERE.

**1.** Expediit enim quandoque gaudere, ut patet *Philip.*, iv, 4. Super illud : « *Gaudete in Domino semper!* » dicit Glossa quod necessarium est gaudere. Sed non est possibile simul gaudere et dolere. Ergo non expediat continue de peccato dolere.

**2. Præterea.** Illud quod est de se malum et fugiendum, non est assumendum, nisi quatenus est necessarium ut medicina ad aliquid : sicut patet de ustione et sectione vulneris. Sed tristitia de se mala est. Unde dicitur *Eccli.*, xxx, 24 : « *Tristitiam longe expelle a te* » ; et subditur causa : « *Multos enim occidit tristitia ei non est utilitas in illa.* » Hoc etiam Philosophus dicit expresse in VII et X *Eth.* ( $\eta$  14. 1153b, 1-2; l. 13, n. 1498-9 ; K 2. 1172b, 18-9; l. 2, n. 1967). Ergo non debet amplius dolere de peccato, nisi quatenus sufficit ad peccatum delendum. Sed statim post primam tristitiam contritionis peccatum deletum est. Ergo non expediat ulterius dolere.

1. Ed. ad. « ubi ». —

3. **Præterea.** Bernardus (*Serm.* 11 in *Cani.*, η, 2; L. 183, 824) dicit : « *Dolor bonus esi, si non sit continuus ; mei enim absynthio admiscendum est.* » Ergo videtur quod non expedit continue dolere.

299. — **SED CONTRA** est quod Augustinus dicit (ubi supra 296) : « *Semper doleat pœnitens et de dolore gaudeat.* »

300. — **Præterea.** Actus in quibus consistit bœatitudo, expedit semper continuare quantum possibile est. Sed hujusmodi est actus dolendi<sup>1</sup> de peccato : quod patet Mat., v, 5 : « *Beati qui lugent.* » Ergo expedit dolorem continuare quantum possibile est.

### [III]

301. — **ULTERIUS.** Videtur quod etiam post hanc vitam **ANIMÆ DE PECCATIS CONTERANTUR.**

1. Amor enim caritatis displicentiam de peccato causât. Sed post hanc vitam manet in aliquibus caritas et quantum ad actum, et quantum ad habitum ; quia « *caritas nunquam excidit* », ut patet *I Cor.*, xm, 8. Ergo manet displicentia de peccato commisso, quæ essentialiter est contritio.

2. **Præterea.** Magis dolendum est de culpa quam de pœna. Sed animæ in purgatorio dolent de pœna sensibili et de dilatione gloriæ. Ergo multo magis dolent de culpa ab eis commissa.

3. **Præterea.** Pœna purgatorii est satisfactoria de peccato. Sed satisfactio habet efficaciam ex vi contritionis. Ergo contritio manet post hanc vitam.

302. — **SED CONTRA.** Contritio est pars pœnitentiæ sacramenti. Sed sacramenta non manent post hanc vitam. Ergo nec contritio.

303. — **Præterea.** Contritio potest esse tanta quod delet culpam et pœnam. Si ergo animæ in purgatorio conteri possent, posset vi contritionis eorum reatus pœnæ eis dimitti, et omnino a pœna sensibili liberari : quod falsum est.

304. — **RESPONSIO.** Dicendum **AD PRIMAM QUÆSTIONEM** quod in contritione, ut dictum est (207-9 ; 271-2), est *duplex* dolor. *Unus rationis*, qui est detestatio peccati a se commissi ; *alius sensiliore partis*, qui ex isto consequitur.

**Et quantum ad utrumque, contritionis tempus est totus præsentis vitæ status.** Quamdiu enim aliquis est in statu viæ, detestatur incommoda quibus a perventione ad terminum viæ impe-

1. Ed. « Dolor pro peccatis necessarius est, etsi », η « sed si ». — 2. Ed. « dolor ». 3. Ed. « delet et ».

ditur vel retardatur. Unde, cum per peccatum præcritum viæ nostræ cursus in Deum retardetur, quia tempus illud quod erat deputatum ad currendum recuperari non potest, ut supra (194) dictum est ; oportet quod semper in vitæ hujus tempore status contritionis maneat quantum ad peccati detestationem.

**305. — Similiter etiam quantum ad sensibilem dolorem,** qui ut poena a voluntate assumitur. Quia enim homo peccando pœnam æternam meruit, et contra seternum Deum peccavit, debet, pœna æterna in temporale mutata, saltem dolor in æterno hominis, idest in statu hujus vitæ remanere. Et propter hoc dicit HUGO DE SANCTO VICTORE (*Tract. Summ. Sentent.*, c. 11 ; L. 176, 148) quod « *Deus absolvens hominem a culpa et pœna æterna, ligat eum vinculo perpelue detestationis peccati.* »

**306. — AD PRIMUM** ergo dicendum quod erubescencia respicit peccatum solum inquantum habet turpitudinem. Et ideo *postquam peccatum quantum ad culpam remissum est, non manet pudori locus.* Manet autem dolori, qui non solum de culpa est, inquantum habet turpitudinem, sed etiam inquantum habet nocumentum annexum.

**307. — Ad secundum** dicendum quod *limor servilis* quem caritas foras mittit, oppositionem habet ad caritatem ratione suæ servitutis, qua pœnam respicit. Sed *dolor contritionis ex caritate causatur*, ut dictum est (264). *Et ideo non est simile.*

**308. — Ad tertium** dicendum quod quamvis per poenitentiam peccator redeat ad gratiam pristinam et immunitatem a reatu pœnæ, nunquam tamen redit ad pristinam dignitatem innocentiae. *Et ideo semper ex peccato præterito aliquid in ipso manet.*

**309. — Ad quartum** dicendum quod *sicut* non debet homo « *facere mala ut veniant bona* » (*Bom.*, m, 8) ; *ita* non debet gaudere de malis : quia ex eis proveniunt occasionaliter bona, divina providentia agente ; quia illorum, bonorum peccata causa non fuerunt, sed magis impedimenta. Sed divina providentia ea causavit ; *et de ea debet homo gaudere, de peccatis autem dolere.*

**310. — Ad quintum** dicendum quod satisfactio attenditur secundum pœnam taxatam, quæ pro peccatis injungi debet. Et ideo potest terminari, ut non oporteat ulterius satisfacere. Hæc enim<sup>2</sup> pœna præcipue proportionatur culpæ ex parte conversionis, ex qua fmitatem habet. Sed dolor contritionis respondet culpæ ex parte aversionis, ex qua habet quamdam infinitatem. *El ilak vera contritio debet semper manere.*<sup>4</sup> Nec est inconveniens si remoto posteriori, maneat prius.

1. F. om. « suæ ». — 2. L. « autem ». — 3. ζη om. sed ζ supplet < ideo ». — 4. Ed. « permanere ».

**311. — AD SECUNDAM QUÆSTIONEM** dicendum quod hæc est conditio in actibus virtutum inventa, quod non potest in eis accipi *superfluum* et *diminutum*, ut in II *Eth.* ( $\beta$  5.1106b, 24-28 ; l. 6, n. 317) probatur. Unde, cum contritio quantum ad id quod est displicentia quædam in appetitu rationis, sit actus pœnitentiæ virtutis, **nunquam potest esse ibi superfluum**, *sicut* nec quantum ad intensionem *ita* nec quantum ad durationem, nisi secundum quod actus unius virtutis impedit actum alterius virtutis magis necessarium pro tempore illo. Unde quantumcumque<sup>2</sup> homo continue in actu hujus displicentis esse possit<sup>3</sup>, magis<sup>4</sup> melius est ; dummodo actibus aliarum virtutum vacet suo tempore, secundum quod oportet.

**312. — Sed passiones possunt habere superfluum et diminutum** et quantum ad intensionem et quantum ad durationem. Et ideo, *sicut* passio doloris quam voluntas assumit, debet esse moderate intensa, *ita* debet moderate durare ; ne, si nimis duret, homo in desperationem et pusillanimitatem et hujusmodi vitia<sup>5</sup> labatur.

**313. — AD PRIMUM** ergo dicendum quod gaudium sæculi *impeditur* per dolorem contritionis, *non* autem gaudium quod *de Deo* est, quia habet ipsum dolorem pro materia.

**314. — Ad secundum** dicendum quod *Ecclesiasticus* loquitur de tristitia sæculi et *Philosophus* loquitur de tristitia<sup>6</sup> quæ est passio, qua' moderate utendum est, secundum quod expedit, ad finem ad quem assumitur.

**315. — Ad tertium** dicendum quod *Bernardus loquitur de dolore qui est passio*.

**316. — AD TERTIAM QUÆSTIONEM** dicendum quod in contritione *tria* consideranda sunt. *Primum* est contritionis genus, quod est dolor. *Secundum* est contritionis forma, quia est actus virtutis gratia informatus. *Tertium* est contritionis efficacia, quia est meritorius et sacramentalis et quodammodo satisfactorius.

**317. — Animæ igitur<sup>3</sup> post hanc vitam quæ in patria sunt**, contritionem habere non possunt, quia carent dolore propter gaudii plenitudinem.

*Illæ vero quæ sunt in inferno*, carent contritione ; quia si dolorem habeant, deficit tamen eis gratia dolorem informans.

1. Ed. *om.* per *homot.* « intensionem, ita nec quantum ad ». — 2. Ed. « quanto magis ». — 3. Ed. « potest ». — 4. Ed. « tanto » L. *om.* — 5. F. *om.* « et »<sup>†</sup> et habet « vitio ». — 6. Ed. *om.* per *homot.* « sæculi et Philosophus loquitur de tristitia ». — 7. F, « quia » ;  $\zeta\eta\theta\iota$  « immoderate », sed  $\zeta$  corrigit. — 8. Ed. « ergo ».

*Sed illæ quæ in purgatorio sunt*, habent dolorem de peccatis gratia informatum, sed non meritorium, quia non sunt in statu merendi.

**In hac autem vita omnia tria prædicta inveniri possunt.**

**318. — AD PRIMUM** ergo dicendum quod caritas non causât istum dolorem nisi in illis qui doloris capaces sunt. Sed plenitudo gaudii a *beatis* omnem capacitatem doloris excludit. *Et ideo*, quamvis caritatem habeant, tamen *contritione carent*.

**319. — Ad secundum** dicendum quod animæ *in purgatorio* dolent de peccatis, sed *ille dolor non est contritio*, quia deest ei contritionis efficacia.

**320. — Ad tertium** dicendum quod *poena illa quam animæ in purgatorio sustinent*, non potest proprie dici satisfactio, quia satisfactio opus meritorium requirit; sed *largo modo dicitur satisfactio* pœnæ debitæ solutio.

## ARTICULUS V

[I]

[*Supra* d. 14, 234-40; *IV Cg.* c. 72; *Ver.* q. 28, a. 8; *Quodl. IV*, q. 7, a. 1.]

**321. — AD QUINTUM SIC PROCEditur.** Videtur quod PECCATI REMISSIO NON SIT CONTRITIONIS EFFECTUS.

1. Solus enim Deus peccata remittit. Sed contritionis nos sumus aequaliter causa, quia actus noster est. Ergo contritio non est causa remissionis culpæ.

2. **Præterea.** Contritio est actus virtutis. Sed virtus sequitur culpæ remissionem; quia culpa et virtus non sunt simul in anima. Ergo contritio non est causa remissionis culpæ.

3. **Præterea.** Nihil impedit a perceptione eucharistiæ nisi culpa. Sed contritus ante confessionem non debet accedere ad eucharistiam. Ergo nondum est consecutus remissionem culpæ.

**322. — SED CONTRA** est quod dicitur in *Glossa* super illud *ps.* (1, 17): « *Sacrificium Deo spiritus etc.* »: « *Contritio cordis est sacrificium in quo peccata solvuntur.* »

**323. — Præterea.** « *Virtus et vitium eisdem causis corrumpuntur et generantur* », ut dicitur in *II Eth.*, (β 1. 1103b, 7; 1. 1, n. 252). Sed per inordinatum amorem cordis peccatum committitur. Ergo per dolorem ex amore caritatis ordinato causatum peccatum solvitur. Et sic peccatum contritio delet.

1. Ed. « illi qui ». — 2. F. *om.*, « Sed ». — 3. Ed. *om.* « peccatum ».

## [II]

[III Cg. c. 158 ; IV, c. 72 ; Heb. c. 6, l. 1.]

**324. — ULTERIUS.** Videtur quod contritio non possit TOTALITER TOLLERE REATUM PŒNÆ.

1. Quia satisfactio et confessio ordinantur ad liberationem a reatu pœnæ. Sed nullus ita perfecte conteritur, quin oporteat eum confiteri et satisfacere. Ergo contritio nunquam est tanta quod deleat reatum totum.

2. **Praeterea.** In pœnitentia debet esse quædam recompensatio pœnæ ad culpam. Sed aliqua culpa per membra corporis exercetur. Ergo cum oporteat ad debitam poenae recompensationem ut « per quæ peccat quis per hæc torqueatur » ; (*Sap.*, xi, 17) videtur quod nunquam possit pœna talis peccati per contritionem exsolvi.

3. **Praeterea.** Dolor contritionis est finitus. Sed pro aliquo peccato, scilicet mortali, debetur pœna infinita. Ergo nunquam potest esse tanta contritio quod totam pœnam deleat.

**325. — SED CONTRA** est quod Deus plus acceptat cordis affectum quam etiam exteriorem actum. Sed per exteriores actus absolvitur homo a pœna et a culpa. Ergo et similiter per cordis affectum qui est contritio.

**326. — Praeterea.** Exemplum hujus de Latrone habetur cui dictum est (*Luc.*, xxii, 43) : « *Hodie tecum eris in paradiso* » ; propter unicum pœnitentiæ actum.

Utrum autem totus reatus per contritionem semper tollatur, supra d. 14a (q. 2, a. 1, sol. 2; **240-5**) quæsitum est, ubi de pœnitentia hoc ipsum quærebatur.

## ]III]

**327. — ULTERIUS.** Videtur quod contritio parva non SUFFICIAT AD DELETIONEM MAGNORUM PECCATORUM.

1. Quia contritio est medicina peccati. Sed corporalis medicina quæ sanat morbum corporalem minorem, non sufficit ad sanandum majorem. Ergo minima contritio non sufficit ad delendum maxima peccata.

2. **Praeterea.** Supra (**289**) dictum est quod oportet de majoribus peccatis magis conteri. Sed contritio non delet peccatum, nisi sit secundum quod oportet. Ergo minima contritio non delet omnia peccata.

1. η « quia ». — 2. F. om. « d. 14 ».

**328.** — **SED CONTRA.** Quælibet gratia gratum faciens delet omnem culpam mortalem, quia simul cum ea stare non potest. Sed quælibet contritio est gratia gratum faciente informata. Ergo quantumcumque sit parva, delet omnem culpam.

**329.** — **RESPONSIO.** Dicendum **AD PRIMAM QUÆSTIONEM** quod contritio potest *dupliciter* considerari; *vel* in quantum est pars sacramenti, *vel* in quantum est actus virtutis. **Ei utroque modo est causa remissionis peccati, sed diversimode.**

**330.** — *Quia in quantum est pars sacramenti*, primo operatur ad remissionem peccati instrumentaliter, sicut et de aliis sacramentis in **Ia d.** (q. 1, a. 4, sol. 1) patuit.

**331.** — *In quantum autem est actus virtutis*, sic est quasi causa materialis remissionis peccati, eo quod dispositio est quasi necessitas ad justificationem, ut supra (d. 17, q. 1, a. 2, sol. 3) dictum est. Dispositio autem reducitur ad causam materialem, si accipiatur dispositio quæ disponit materiam ad recipiendum. Secus autem est de dispositione agentis ad agendum, quia illa reducitur ad genus causæ efficientis.

**332.** — **AD PRIMUM** ergo dicendum quod solus Deus est causa efficiens principalis remissionis peccati; sed *causa dispositiva potest etiam esse ex nobis. Et similiter causa sacramentalis*; quia formæ sacramentorum verba sunt a nobis prolata, quæ habent virtutem instrumentalem gratiam inducendi, qua peccata remittuntur.

**333.** — **Ad secundum** dicendum quod peccati remissio *uno modo* præcedit virtutem et gratiæ infusionem, et *alio modo* sequitur. *Et secundum hoc quod sequitur, actus a virtute elicited potest esse causa aliqua remissionis culpæ.*

**334.** — **Ad tertium** dicendum quod dispensatio eucharistiæ pertinet ad ministros Ecclesiæ. *Et ideo ante remissionem peccati per ministros Ecclesiæ non debet aliquis ad eucharistiam accedere* quamvis sit sibi culpa quoad Deum remissa.

**335.** — **AD SECUNDAM QUÆSTIONEM** dicendum quod *intensio contritionis* potest attendi *dupliciter*.

*Uno modo ex parte caritatis*, quæ displicentiam causât. **Et sic contingit tantum intendi caritatem in actu, quod contritio inde sequens merebitur** non solum culpæ amotionem, sed **etiam absolutionem ab omni pœna.**

**336.** — *Alio modo ex parte doloris sensibilis* quem voluntas in contritione excitat; et quia **illa pœna** etiam quædam est, **tantum potest intendi quod sufficiat ad deletionem pœnæ et culpæ.**

**337.** — **AD PRIMUM** ergo dicendum quod aliquis non potest esse certus quod contritio sua sit sufficiens ad deletionem pœnæ

et culpæ. *Et ideo tenetur confiteri et satisfacere*, maxime cum contritio vera non fuerit nisi propositum confitendi habuisset annexum : quod debet ad effectum deduci etiam propter præceptum quod est de confessione datum.

**338.** — **Ad secundum** dicendum quod *sicut* gaudium interius redundat etiam ad exteriores corporis partes, *ita etiam et dolor interior ad exteriora membra derivatur*. Unde dicitur *Prov.*, xvii, 22 : « *Spiritus tristis exsiccat ossa* ».

**339.** — **Ad tertium** dicendum quod *dolor contritionis*, quamvis sit finitus quantum ad intensionem, sicut etiam et pœna peccato mortali debita finita est ; habet tamen infinitam virtutem ex caritate qua informatur. *Et secundum hoc potest valere ad deletionem culpæ et pœnæ*.

**340.** — **AD TERTIAM QUÆSTIONEM** dicendum quod contritio, ut sæpe dictum est (**207-9; 271 s. ; 304**), habet duplicem dolorem.

*Unum rationis*, qui est displicentia peccati commissi. Et hic potest esse adeo parvus quod non sufficiet ad rationem contritionis, ut si minus displiceret ei peccatum quam debeat displicere separatio a fine : sicut etiam amor potest esse ita remissus quod non sufficit ad rationem caritatis.

**341.** — *Alium dolorem habet in sensu*. Et parvitas hujus non impedit rationem contritionis ; quia non se habet essentialiter ad contritionem, sed quasi ex accidenti ei adjungitur. Et iterum non est in potestate nostra.

**342.** — **Sic ergo dicendum quod quantumcumque parvus sit dolor, dummodo ad contritionis rationem sufficiat, omnem culpam delet.**

**343.** — **AD PRIMUM** ergo dicendum quod *medicinæ spirituales habent efficaciam infinitam ex virtute infinita quæ in eis operatur*. Et ideo illa medicina quæ sufficit ad curationem parvi peccati, sufficit etiam ad curationem magni : sicut patet de *baptismo*, quo et magna et parva peccata solvuntur. Et similiter est de *contritione*, dummodo ad rationem contritionis pertingat.

**344.** — **Ad secundum** dicendum quod hoc sequitur ex necessitate, quod unus homo plus doleat de majori peccato quam de minori, secundum quod magis repugnat amori qui dolorem causât. Sed tamen<sup>3</sup> si unus alius haberet tantum de dolore pro majori quantum ipse habet pro minori, sufficeret ad remissionem culpæ.

1. F. « sufficiat ». — 2. ζη « æqualiter », sed ζ cor. ; cf. L. — 3. L. om. « tamen ».

## QUÆSTIO III

Deinde quæritur de confessione

Et circa hoc quæruntur quinque

*Primo*, de necessitate confessionis.*Secundo*, quid sit confessio.*Tertio*, cui sit facienda.*Quarto*, qualis esse debeat.*Quinto*, de effectu confessionis.

## ARTICULUS I

[I]

[III, q. 69, a. 1, ad 2 ; IV Cg., c. 72.]

**345. — AD PRIMUM SIC PROCEDITUR.** Videtur quod CONFESSIO NON SIT NECESSARIA AD SALUTEM.

1. Sacramentum enim pœnitentiæ contral remissionem culpæ ordinatum est. Sed culpa per gratiæ infusionem sufficienter remittitur. Ergo ad pœnitentiam de peccato agendam non est necessaria confessio.

2. **Præterea**<sup>2</sup>. Aliquibus est peccatum remissum sine hoc quod confessi legantur, sicut patet de Petro et de<sup>3</sup> Magdalena et etiam<sup>4</sup> de Paulo. Sed non est minoris efficaciæ gratia remittens peccatum nunc quam tunc fuit<sup>5</sup>. Ergo nec nunc de necessitate salutis est quod homo confiteatur.

3. **Præterea**<sup>6</sup>. Peccatum quod ex alio contractum est, ex alio debet habere medicinam. Ergo peccatum actuale quod ex proprio motu quilibet commisit, debet<sup>7</sup> ex seipso tantum habere medicinam. Sed contra tale peccatum ordinatur pœnitentia. Ergo confessio non est de necessitate pœnitentiæ.

4. **Præterea**. Confessio ad hoc desideratur in iudicio, ut secundum quantitatem culpæ pœna infligatur. Sed homo potest sibi ipsi pœnam infligere majorem quam etiam ab alio sibi infligatur. Ergo videtur quod non sit confessio de necessitate salutis.

**346. — SED CONTRA.** Boetius in lib. I *De consolal* (lib. I, pros. 4 ; L. 63, 614) : « *Si medicinam expectas, oportet quod*

1. L. « propter ». — 2. In codicibus *αβγζη* arg. 2, loco 3l ponitur et vice versa  
 ↳ 3. L. *om.* « de ». — L. *om.* « etiam ». — 5. L. « fuerit ». — 6. Arg. 3 in cod.  
*ζη* loco arg. 2l invenitur. — 7. L. « oportet ».

*morbum detegas.* » Sed de necessitate salutis est quod homo de peccatis medicinam accipiat. Ergo et de necessitate salutis est quod morbum per confessionem detegat.

**347. — Præterea.** In iudicio sæculari non est idem iudex et reus. Sed iudicium spirituale est ordinatius<sup>1</sup>. Ergo peccator qui est reus, non debet<sup>2</sup> esse sui ipsius iudex, sed ab alio iudicari. Et ita oportet quod ei confiteatur.

[II]

[*Infra* 407.]

**348. — ULTERIUS.** Videtur quod sit de jure naturali.

1. Adam enim et Cain non tenebantur nisi ad præcepta legis naturæ. Sed reprehenduntur de hoc quod peccatum suum non sunt confessi. Ergo confessio peccati est de lege naturali.

2. **Præterea.** Præcepta illa quæ manent in lege veteri et nova sunt de jure naturali. Sed confessio fuit in lege veteri. Unde<sup>3</sup> dicitur Is., xliiii, 26 : « *Narra, si quid habes, ut justificeris.* » Ergo est de lege naturali.

3. **Præterea.** Job non erat subjectus nisi legi naturali. Sed ipse peccata confitebatur : quod<sup>4</sup> patet per hoc quod ipse de se dicit, Job, xxxi, 33 : « *Si abscondi ut homo peccatum meum.* » Ergo est de lege naturali.

**349. — SED CONTRA** Isidorus dicit (lib. V *Elymol.*, c. 4 ; L. 82, 199) quod « *jus naturale est idem apud omnes.* » Sed confessio non est eodem modo apud omnes. Ergo non est de jure naturali.

**350. — Præterea.** Confessio fit ei qui habet claves. Sed claves Ecclesiæ non sunt de naturalis juris institutione<sup>5</sup>. Ergo nec confessio.

[III]

[*Supra*, d. 16, 131-132; *Infra*, 458-459; *Mat.* c. 3.]

**351. — ULTERIUS.** Videtur quod non omnes ad confessionem TENEANTUR.

Quia, sicut dicit Hieronymus (*Ep.* 130, n. 9 ; L. 22, 1115) : « *pœnitentia est secunda tabula post naufragium.* » Sed aliqui post baptismum naufragium non sunt passi. Ergo eis non competit pœnitentia. Et sic nec confessio quæ est pœnitentiæ pars.

2. **Præterea.** Confessio facienda est iudici in quolibet foro.

1. P. « ordinarius ». — 2. Ed. « habet ». — 3. L. « ut ». — 4. Ed. « ut ». — 5. L. « jure ». — 6. L. « de jure naturali institutæ ».

Sed aliqui sunt qui non habent hominem iudicem supra se. Ergo non tenentur ad confessionem.

3. **Præterea.** Aliquis est qui non habet peccata nisi venialia. Sed de illis non tenetur homo confiteri. Ergo non quilibet tenetur ad confessionem.

**352. — SED CONTRA** est, quia confessio contra satisfactionem et contritionem dividitur. Sed omnes tenentur ad contritionem et satisfactionem. Ergo et omnes tenentur ad confessionem.

**353. — Præterea.** Hoc patet ex *Decretali de poenitentibus et remissionibus*<sup>1</sup>, ubi dicitur quod « *omnis utriusque sexus, cum ad annos discretionis venerit, debet peccata confiteri.* »

## [IV]

[*Quodl.* I, q. 6, a. 2.]

**354. — ULTERIUS.** Videtur quod statim teneatur confiteri.

1. Dicit enim Hugo de sancto Victore (lib. II *De sacr.*, part. xiv, c. 8 ; L. 176, 567) : « *Si necessitas non est quæ prætendatur, contemptus non excusatur.* » Sed quilibet tenetur vitare contemptum. Ergo quilibet tenetur statim confiteri cum potest.

2. **Præterea.** Qui libet tenetur plus facere ad evadendum a morbo spirituali<sup>2</sup> quam ad evadendum a morbo corporali<sup>3</sup>. Sed aliquis infirmus corporaliter non sine detrimento salutis medicum requirere tardat. Ergo videtur quod non possit esse sine detrimento salutis quod aliquis sacerdoti cujus copiam habet<sup>4</sup> confiteatur.

3. **Præterea.** Illud quod sine termino debetur, statim debetur. Sed sine termino debet homo confessionem Deo. Ergo tenetur ad statim<sup>5</sup>.

**355. — SED CONTRA.** In *Decretali (de pœnit. et remiss.*, cap. « *Omnis utriusque sexus* »,) simul datur tempus determinatum de confessione et de eucharistiæ perceptione. Sed aliquis non peccat si non percipiat eucharistiam ante tempus a jure determinatum. Ergo non peccat, si non ante tempus illud confiteatur.

**356. — Præterea.** Quicumque illud omittit ad quod ex præcepto tenetur, peccat mortaliter. Si ergo aliquis non statim confitetur quando habet copiam sacerdotis, si ad confitendum statim tenetur, peccaret mortaliter ; et eadem ratione in alio

1. L. « per decretalem de Pœnitentia et remissione ». — 2. L. « morbum spiritua-  
lem ». — 3. L. « morbum corporalem ». — 4. L. ad. « non statim de peccato » ; ed.  
solum « de peccato ». — 5. N. ad « faciendum ».

tempore, et sic deinceps. Et ita multa mortalia peccata homo incurreret pro una pœnitentiæ dilatione! : quod videtur inconveniens.

## [V]

[*Infra* d. 21 140, *IV Cg.* c. 72 ; *Quodl.* I, q. 6, a. 1.]

**357. - . ULTERIUS.** Videtur quod possit cum aliquo DISPENSARI NE CONFITEATUR HOMINI.

1. Præcepta enim quæ sunt de jure positivo, subjacent dispensationi prælatorum Ecclesiæ. Sed confessio est hujusmodi, ut ex dictis (353) patet. Ergo potest dispensari cum aliquo ut non confiteatur.

2. **Præterea.** Illud quod ab homine institutum est, potest etiam ab homine dispensationem recipere. Sed confessio non legitur a Deo instituta, sed ab homine. *Jac.*, v, 16 : « *Confitemini alterutrum peccata vestra.* » Habet autem Papa potestatem dispensandi in his quæ per Apostolos instituta sunt, sicut patet de bigamis. Ergo etiam potest cum aliquo dispensare<sup>2</sup>, ne confiteatur.

**358. — SED CONTRA.** Pœnitentia, cujus pars est confessio, est sacramentum necessitatis, sicut et baptismus. Cum ergo in baptismo nullus dispensare possit, nec in confessione aliquis dispensare poterit.

**359. — RESPONSIO.** Dicendum **AD PRIMAM QUÆSTIONEM** quod passio Christi, sine cujus virtute nec actuale nec originale peccatum dimittitur, in nobis operatur per sacramentorum susceptionem, quæ ex ipsa efficaciam habent. Ideo ad culpæ remissionem et actualis et originalis requiritur sacramentum Ecclesiæ, vel actu susceptum, vel saltem voto, *quando articulus necessitatis, non contemptus, sacramentum excludit.*

**360. —** Et per consequens illa sacramenta quæ ordinantur contra culpam cum qua salus esse non potest, sunt de necessitate salutis. Et ideo *sicut* baptismus quo deletur originale, est de necessitate salutis ; *ita* et pœnitentiæ sacramentum. *Sicut* autem aliquis per hoc quod baptismum petit, se ministris Ecclesiæ subjicit ad quos pertinet dispensatio sacramenti ; *ita* etiam per hoc quod confitetur peccatum suum, se ministro Ecclesiæ subjicit, ut per sacramentum fiœnitentiæ ab eo dispensatum remissionem consequatur. Qui congruum remedium adhibere

1. N. « per unam pœnitentiæ dilationem ». — 2. L. « dispensari ».

non potest, nisi peccatum cognoscat : quod fit per confessionem peccantis. **Et ideo confessio esi de necessitate salutis ejus qui in peccatum actuale mortale cecidit.**

**361. — AD PRIMUM** ergo dicendum quod gratiæ infusio sufficit ad culpæ remissionem, sed post culpam remissam adhuc est peccator debitor pœnæ temporalis. Sed ad gratiæ infusionem consequendam ordinata sunt gratiæ sacramenta, ante quorum susceptionem vel actu vel proposito aliquis gratiam non consequitur, sicut in baptismo patet. Et similiter est de confessione. Et ulterius per confessionis erubescenciam, et vim clavium quibus se confitens subjicit, et satisfactionem injunctam quam sacerdos moderatur secundum qualitatem criminum sibi per confessionem innotescentium, pœna temporalis expiatur.

Sed tamen ex hoc quod operatur confessio ad pœnæ remissionem, non habet quod sit de necessitate salutis ; quia pœna ista est temporalis, ad quam post culpæ remissionem aliquis ligatus remanet ; unde sine hoc quod in præsentī vita expiatur, esset via salutis.

**362. —** *Sed habet quod sit de necessitate salutis ex hoc quod ad remissionem culpæ modo prædicto operatur.*

**363. — Ad secundum** dicendum quod etsi non legatur illorum confessio, potuit tamen fieri. « *Multa enim sunt facta quæ non sunt scripta.* » Et præterea Christus habet potestatem excellentiæ in sacramentis. Unde sine his quæ ad sacramentum pertinent, potest rem sacramenti conferre.

**364. — Ad tertium** dicendum quod *peccatum* quod ex altero contractum est, scilicet *originale*, potest omnino ab extrinseco remedium habere, ut in parvulis patet ; sed *peccatum actuale* quod ex seipso quisque commisit, non potest expiari nisi aliquid cooperetur ille qui peccavit. Sed tamen non sufficit ad peccatum expiandum ex seipso, sicut sufficienter peccatum commisit : eo quod peccatum *ex parte conversionis* est finitum, ex qua parte peccator in ipsum inducitur ; sed *ex parte aversionis* habet infinitatem, ex qua parte oportet quod peccati remissio incipiat ; quia « *quod est ultimum in generatione, est primum in resolutione* », ut dicitur in III *Eth.* (γ 5. 1112b, 23-4; l. 8, n. 476). *Et ideo oportet quod etiam peccatum actuale ex alio medicinam habeat.*

**365. — Ad quartum** dicendum quod satisfactio non sufficeret ad expiandam pœnam peccati ex quantitate pœnæ quæ in satisfactione imponitur ; sed sufficit in quantum est pars sacramenti, virtutem sacramentalem habens. Et ideo oportet

1. L. « eorum ». — 2. Ed. « expiandum ».

quod per dispensatores sacramentorum imponatur. *Et ideo necessaria esi confessio.*

**366. — AD SECUNDAM QUÆSTIONEM** dicendum quod sicut in l d. (88) dictum est. « *sacramenta sunt quædam fidei protestationes* » ; unde oportet ea fidei esse proportionata. Fides autem est supra cognitionem rationis naturalis. Unde et! sacramenta sunt supra rationis naturalis dictamina. Et quia jus naturale est « *quod non opinio genuit, sed innata quædam vis inseruit* », ut TuLLIUS dicit (*De invent, rhetor., lib. II, c. 53*) ; ideo sacramenta non sunt de jure naturali, sed de jure divino, quod est supranaturale. Et quandoque etiam naturale dicitur, secundum quod cuilibet rei illud est naturale quod ei a suo Creatore imponitur ; tamen proprie *naturalia* dicuntur quæ ex principiis naturæ causantur. *Supra naturam* autem quæ ipse Deus sibi reservat sine naturæ ministerio operanda, sive in operationibus miraculorum, sive in revelationibus mysteriorum, sive in institutionibus sacramentorum. **Et sic confessio quæ sacramentalem necessitatem habet, non est de jure naturali, sed divino.**

**367. — AD PRIMUM** ergo dicendum quod Adam vituperatur de hoc quod peccatum suum coram Deo non recognovit. *Confessio enim quæ fit Deo per recognitionem peccati, est de jure naturali.* Nunc autem loquimur de confessione quæ fit homini.

**368. — Vel dicendum** quod confiteri peccatum in casu est de jure naturali : scilicet cum quis in iudicio constitutus a iudice interrogatur ; tunc enim non debet mentiri peccatum excusando vel negando, de quo Adam et Cain vituperantur. *Sed confessio quæ fit homini sponte ad remissionem peccatorum consequendam a Deo, non est de jure naturali.*

**369. — Ad secundum** dicendum quod præcepta legis naturæ manent eodem modo in lege Moysi et in lege nova. Sed confessio quamvis aliqualiter esset in lege Moysi, non tamen eodem modo sicut in lege nova, nec sicut in lege naturæ. *In lege enim naturæ* sufficiebat interior cognitio peccati apud Deum. *Sed in lege Moysi* oportebat aliquo signo exteriori peccatum protestari, sicut per oblationem hostiæ pro peccato, ex quo etiam homini innotescere poterat eum peccasse. *Non autem oportebat quod speciale peccatum a se commissum manifestaret,* aut peccati circumstantias, sicut in nova lege oportet.

**370. — Ad tertium** dicendum quod Job loquitur de illa

*absconsione peccati quam facit in iudicio deprehensus peccatum negando aut excusando, ut ex Glossa ibidem haberi potest.*

**371. — AD TERTIAM QUÆSTIONEM** dicendum, quod ad confessionem *dupliciter* obligamur. *Uno modo ex jure divino*, hoc ipso quod est medicina. **Et secundum** hoc non omnes **tenentur ad confessionem**, sed **illi tantum qui peccatum mortale incurrun post baptismum.**

*Alio modo, ex præcepto juris positivi. Et sic tenentur omnes ex illa<sup>2</sup> institutione Ecclesiæ* edita in Concilio generali sub Innocentio III (353) *tum* ut quilibet se peccatorem recognosceret, quia « *omnes peccaverunt, et egent gratia Dei* » (Rom., m, 25) ; *tum* ut cum majori reverentia ad eucharistiam accedat ; *tum* ut Ecclesiarum rectoribus sui subditi innotescant, ne lupus inter gregem lateat.

**372. — AD PRIMUM** ergo dicendum quod quamvis homo in hac mortali<sup>3</sup> vita post baptismum naufragium evadere possit, quod est per peccatum mortale ; non tamen potest evadere venialia, quibus ad naufragium disponitur, contra quæ etiam pœnitentia ordinatur. *Et ideo manet pœnitentiæ locus etiam<sup>4</sup> in illis qui non mortaliter peccant, et per consequens confessionis.*

**373. — Ad secundum** dicendum quod *nullus est qui non habeat iudicem Christum, cui per suum vicarium confiteri debet.* Qui quamvis eo inferior sit in quantum ipse prælatus est, tamen eo est superior, in quantum peccator est ipse, et ille Christi minister.

**374. — Ad tertium** dicendum quod ex vi sacramenti non tenetur aliquis venialia confiteri, sed ex institutione Ecclesiæ, quando non habet alia quæ confiteatur.

**375. — Vel potest dici,** secundum Quosdam, quod ex Decretali prædicta non obligantur nisi illi qui habent peccata mortalia : quod patet ex hoc quod dicit quod debet omnia peccata confiteri : quod de venialibus intelligi non potest, quia nullus omnia confiteri potest. *Et secundum hoc etiam ille qui non habet mortalia, non tenetur ad confessionem venialium, sed sufficit ad præceptum Ecclesiæ implendum ut se sacerdoti repræsentet,* et se ostendat absque conscientia mortalis esse. Et hoc ei pro confessione reputatur.

**376. — AD QUARTAM QUÆSTIONEM** dicendum quod **cum propositum confitendi sit annexum contritioni, tunc tenentur aliquis ad hoc propositum, quando ad contritionem tenetur :**

1. Ed. *ad.* « *ex* ». — 2. P. *om.* « *illa* ». — 3. Ed. *om.* « *mortali* ». — 4. F. *om.* per *homol.* « *pœnitentia ordinatur. Et ideo manet pœnitentiæ locetiam* ».

scilicet quando peccata memoriae occurrunt, cum præcipue in periculo mortis existit, aut in aliquo articulo in quo sine peccati remissione peccatum oporteat eum incurere : sicut cum tenetur ad celebrandum, si desit copia sacerdotis,\* saltem conteri tenetur et habere propositum confitendi.

**377. — Sed ad confessionem actualiter faciendam obligatur aliquis dupliciter.** *Uno modo per accidens*, scilicet quando ad aliquid tenetur quod non potest sine peccato facere nisi confessus. Tunc enim confiteri tenetur : sicut si debeat eucharistiam percipere, ad quam nullus post peccatum mortale, nisi confessus, accedere debet, copia sacerdotis oblata et necessitate non urgente. Et inde venit obligatio qua Ecclesia omnes obligat ad semel in anno confitendum, quia instituit ut semel in anno, scilicet in Paschate, omnes sacram communionem accipiant. Et ideo ante tempus illud confiteri tenentur.

**378. — Alio modo obligatur aliquis ad confessionem per se.** Et sic videtur eadem ratio esse de confessione et de baptismo differendo ; quia utrumque est sacramentum necessitatis.

**379. — Ad baptismum** autem percipiendum non tenetur aliquis statim postquam habet propositum baptismi, ita quod peccet mortaliter nisi statim baptizetur ; nec est aliquod tempus determinatum, ultra quod si baptismum differat, peccatum mortale incurrat. Sed potest contingere quod in dilatione baptismi erit peccatum mortale vel non erit. Et hoc pensandum est ex causa dilationis ; quia, sicut dicit Philosophus in VIII *Phys.* (η 1. 251a, 20 sq. ; l. 2, n. 12), *voluntas non retardat facere opus validum, nisi propter aliquam causam rationabilem*<sup>1</sup>. Unde si causa dilationis baptismi peccatum mortale annexum habeat, utpote si propter contemptum vel aliquid huiusmodi baptismum differat, dilatio erit peccatum mortale ; alias non. Et ideo idem videtur esse de confessione, quæ non est majoris necessitatis quam baptismus.

**380. — Et quia ea quæ sunt de necessitate salutis, tenetur homo in hac vita implere : ideo si periculum mortis immineat, etiam per se loquendo, obligatur aliquis ad confessionem faciendam tunc, vel baptismum suscipiendum.** Et propter hoc etiam **Jacobus** (v, 14, 16) simul præceptum edidit de confessione facienda, et extrema unctione suscipienda<sup>2</sup>.

**381. — Et ideo videtur probabilis illorum<sup>3</sup> opinio qui dicunt quod non tenetur homo ad statim confitendum, quamvis periculosum sit differre.**

**382. — Alii autem dicunt quod tenetur contritus ad statim confitendum debita opportunitate oblata secundum rectam ratio-**

1. Ed. « rationalem ». — 2. L. « percipienda ». — 2. Ed. « eorum ».

*nem.* Nec obstat quod Decretalis terminum præfigat, ut « *semel in anno* » confiteatur ; quia Ecclesia non indulget dilationem, sed prohibet negligentiam in majori dilatione. Unde per Decretalem illam non excusatur a culpa dilationis quantum ad forum conscientiæ : sed excusatur a poena quantum ad forum Ecclesiæ, ut non privetur debita sepultura, si morte præventus fuerit ante tempus illud.

**383.** — **Sed hoc videtur nimis durum** ; quia præcepta affirmativa non obligant ad statim, sed ad tempus determinatum, non quidem ex hoc quod tunc commode impleri possunt, quia sicl si non daret aliquis eleemosynam de superfluo quando-cumque pauper offerretur, peccaret mortaliter : quod falsum est ; sed ex hoc quod tempus necessitatem urgentem adducit. Et ideo non oportet quod si statim oblata opportunitate non confiteatur, etsi2 major opportunitas non expectetur, aliquis peccet mortaliter ; sed quando ex articulo temporis necessitas confessionis inducitur. Nec hoc est ex indulgentia Ecclesiæ, quod non teneatur ad statim, sed ex natura præcepti affirmativi. Unde ante Ecclesiæ statutum etiam minus debebatur.

**384.** — *Quidam* vero dicunt quod *seculares* non tenentur ante quadragesimale tempus confiteri, quod est eis pœnitentiæ tempus : sed *religiosi* tenentur ad statim, quia totum tempus est eis pœnitentiæ tempus.

**385.** — **Sed hoc nihil esi** ; quia religiosi non tenentur ad alia quam alii homines, nisi ad quæ se ex voto obligaverunt.

**386.** — **AD PRIMUM** ergo dicendum quod *Hugo loquitur de illis qui sine sacramento decedunt.*

**387.** — **Ad secundum** dicendum quod non est de necessitate salutis corporalis quod statim medicum quærat, nisi quando necessitas curationis incumbit. *Et similiter est de morbo spiritali.*

**388.** — **Ad ierium** dicendum quod retentio rei alienæ invito domino contrariatur præcepto negativo, quod obligat semper et ad semper. Et ideo tenetur statim ad reddendum. Secus autem est de impletione præcepti affirmativi quod obligat semper, sed non ad semper. *Unde non tenetur aliquis ad statim implendum.*

**389.** — **AD QUINTAM QUÆSTIONEM** dicendum quod ministri Ecclesiæ3 instituuntur in Ecclesia divinitus fundata. Et ideo institutio Ecclesiæ præsupponitur ad operationem ministrorum : sicut opus creationis præsupponitur ad opus naturæ. Et quia Ecclesia fundatur in fide et sacramentis, ideo ad minis-

1. L. « tunc ». — 2. Ed. « etiamsi ». 3. F. om. « Ecclesiæ ».

tros Ecclesiae nec novos articulos fidei edere, aut editos removere, aut nova sacramenta instituere, aut instituta removere, pertinet; sed hoc est potestatis excellentiae quae soli debetur Christo qui est Ecclesiae « *fundamentum* » (/ *Cor.*, m, 11).

**390.** — Et ideo, *sicut* **Papa non potest dispensare ut aliquis sine baptismo salvetur; ita nec quod salvetur sine confessione, secundum quod obligat ex ipsa vi sacramenti.** Sed potest dispensare in confessione *secundum quod obligat de praecepto Ecclesiae*, ut possit aliquis diutius confessionem differre quam ab Ecclesia institutum sit.

**391.** — **AD PRIMUM** ergo dicendum quod praecepta juris divini non minus obligant quam praecepta juris naturalis. Unde *sicut non potest dispensari in jure naturali, ita nec in jure positivo divino.*

**392.** — **Ad secundum** dicendum quod praeceptum de confessione non est ab homine puro institutum, quamvis sit a Jacobo promulgatum; sed a Deo institutionem habuit quamvis expressa institutio ipsius non legatur. *Tamen quaedam praefiguratio ipsius invenitur; et in hoc quod Joanni confitebantur peccata (Mat., iii, 6), qui baptismo ipsius ad gratiam Christi praeparabantur; et in hoc etiam quod Dominus sacerdotibus leprosos transmisit (Luc., xvii., 14), qui quamvis non essent novi testamenti sacerdotes, tamen in eis novi testamenti sacerdotium significabatur.*

## ARTICULUS II

[I]

**393.** — **AD SECUNDUM SIC PROCEDITUR.** Videtur quod Augustinus inconvenienter confessionem definiat, dicens {*In ps.* lxxvi, 4; L. 36, 809) : « *Confessio est per quam morbus latens spe veniae aperitur.* »

1. Morbus enim contra quem confessio ordinatur peccatum est. Sed peccatum aliquando est apertum. Ergo non debuit dicere morbum latentem esse, cujus confessio est medicina.

2. **Præterea.** Principium pœnitentiæ est timor, ut in 14 d. (113) dictum est. Sed confessio est pars pœnitentiæ. Ergo non debuit pro causa confessionis ponere spem, sed magis timorem.

3. **Præterea.** Illud quod sub sigillo ponitur, non aperitur, sed clauditur magis. Sed peccatum quod quis confitetur, sub sigillo

1. L. om. supra « nec » et hic habet « non pertinet ». —

confessionis ponitur. Ergo non aperitur in confessione peccatum, sed magis clauditur.

4. **Præterea.** Inveniuntur quædam aliæ definitiones ab ista differentes. Gregorius enim dicit (*Hom. 40, in Evang.*, n. 2 ; L. 76, 1302) quod confessio « *est peccatorum detestatio et ruptio vulneris.* » Quidam vero dicunt quod confessio « *est legitima coram sacerdote peccatorum declaratio.* » Quidam autem sic : « *Confessio est sacramentalis delinquentis accusatio, ex erubescencia et per claves Ecclesiæ salisfactoria, obligans ad peragenda pœnitentiam injunctam.* » Ergo videtur quod præassignata cum non omnia contineat quæ in his continentur, insufficientis sit.

## [II]

**394. — ULTERIUS.** Videtur quod confessio non sit **ACTUS VIRTUTIS.**

1. Omnis enim actus virtutis est de jure naturali, quia « *ad virtutem apti sumus a natura* », ut Philosophus dicit in II *Eth.* (β l. 1103a, 24-5 ; l. 1, n. 249). Sed confessio non est de jure naturali. Ergo non est actus virtutis.

2. **Præterea.** Actus virtutis magis convenire potest innocenti quam ei qui peccavit. Sed confessio peccati de qua loquimur, non potest innocenti convenire. Ergo non est actus virtutis.

3. **Præterea.** Gratia quæ est in sacramentis, aliquo modo differt a gratia quæ est in virtutibus et donis, ut in prima distinctione (165-8) dictum est. Sed confessio est sacramenti pars. Ergo non est actus virtutis.

**395. — SED CONTRA.** Præcepta legis sunt de actibus virtutum. Sed confessio cadit sub præcepto. Ergo est actus virtutis.

**396. — Præterea.** Non meremur nisi actibus virtutum. Sed confessio est meritoria, quia « *cælum aperit* », ut in *Littera* (3) Magister dicit. Ergo videtur quod sit actus virtutis.

## [III]

**397. — ULTERIUS.** Videtur **QUOD CONFESSIO NON SIT ACTUS pœnitentiæ virtutis.**

1. Quia actus illius virtutis est quæ est causa ejus. Sed causa confessionis est « *spes veniæ* », ut ex definitione inducta (390) apparet. Ergo videtur quod sit actus spei, et non pœnitentiæ.

2. **Præterea.** Verecundia est pars temperantiæ, ut in III l. <d. 33 (320) dictum est. Sed confessio « *ex erubescencia* » operatur, ut ex præassignata definitione apparet. Ergo est actus temperantiæ, non pœnitentiæ.

i. L. ad. « dicunt ». — 2. N. om. totum Sed contra.

3. **Præterea.** Actus pœnitentiæ innitur divinæ misericordiæ. Sed confèssio magis innitur sapientiæ propter veritatem quæ in ipsa esse debet. Ergo non est actus pœnitentiæ.

4. **Præterea.** Ad poenitentiam movet articulus de judicio propter timorem qui pœnitentiæ origo est. Sed ad confessionem movet articulus de vita æterna, quia est propter spem veniæ. Ergo non est actus pœnitentiæ.

5. **Præterea.** Ad virtutem veritatis pertinet ut ostendat se quis talem qualis est (IV *Elh.* 13. 1127a, 23-25 ; l. 15, n. 835) Sed hoc facit confitens. Ergo est actus virtutis quæ dicitur *veritas*, et non pœnitentiæ.

**398. — SED CONTRA.** Pœnitentia ordinatur ad destructionem peccati. Sed ad hoc idem confessio ordinatur. Ergo est actus pœnitentiæ.

**399. — RESPONSIO.** Dicendum **AD PRIMAM QUÆSTIONEM** quod in actu confessionis plura consideranda occurrunt. *Primo* ipsa substantia actus, sive genus ejus, quod est manifestatio quædam. *Secundo* de quo sitl, scilicet peccatum. *Tertio* cui fiat, scilicet sacerdoti. *Quarto* causa cujus, scilicet spes veniæ, *Quinto* effectus ejus? scilicet absolutio a parte pœnæ et obligatio ad aliam partem exsolvendam.

**400. —** In prima ergo definitione Augustini tangitur et substantia actus in « *apertione* », et de quo sit? confessio cum dicitur « *morbus latens* », et causa in « *spe veniæ* ».

Et in aliis definitionibus tanguntur aliqua de illis quinque assignatis, ut cuilibet inspicienti patet.

**401. — AD PRIMUM** ergo dicendum quod quamvis sacerdos aliquando sciat ejus peccatum ut homo, non tamen scit ut Christi vicarius : sicut etiam judex aliquando scit aliquid ut homo, quod nescit ut judex. *Et quantum ad hoc per confessionem aperitur.*

**402. — Vel dicendum** quod quamvis actus peccati exterior in aperto sit, actus tamen interior, qui principalior est, in occulto est. *Et ideo oportet quod per confessionem aperiatur.*

**403. — Ad secundum** dicendum quod confessio præsупponit caritatem, quia<sup>4</sup> jam vivus aliquis confitetur<sup>5</sup>, ut in *Littera* (2°) dicitur. Contritio autem est in qua datur caritas. Timor autem servilis qui est sine spe, est prævius ad caritatem. Sed habens caritatem magis movetur ex spe quam ex timore<sup>6</sup>. *Et ideo causa confessionis potius ponitur spes quam timorl.*

1. ἴζκ et cd. « fit ». — 2. L. om. « ejus ». — 3. Ed. « fit ». 4. Ed. « qua ». — 5. ἀγγεῖθ « conficitur » cd. « efficitur ». — 6. ἀγγεῖθα « caritate », sed ζ cor. — 7. ἀβ<sup>ο</sup>ζηθι,κ « venia » ; sed ζ cor.

**404.** — **Ad tertium** dicendum quod *peccatum in confessione aperitur sacerdoti et clauditur aliis confessionis sigillo.*

**405.** — **Ad quartum** dicendum quod non oportet in qualibet definitione omnia tangere quæ ad rem definitam concurrunt. Et ideo inveniuntur *quædam* definitiones sive assignationes datæ penes unam causam, *quædam* penes aliam.

**406.** — **AD SECUNDAM QUÆSTIONEM** dicendum quod ad hoc quod aliquis dicatur actus virtutis, ut prius (d. 15, **219, 381, 581**) dictum est, sufficit quod in sui ratione aliquam conditionem implicet quæ ad virtutem pertineat. Quamvis autem non omnia quæ ad virtutem requiruntur importet confessio : tamen importat ex suo nomine manifestationem alicujus quod in conscientia tenet aliquis : sic enim simul in unum os et cor conveniunt. Si enim quis aliquid proferat ore quod corde non teneat, non confessio, sed *fictio* dicitur. *Hæc autem conditio ad virtutem pertinet, ut aliquis ore confiteatur quod corde tenet. Et ideo confessio est bonum ex genere, et est actus virtutis.* Sed tamen potest male fieri, nisi aliis debitis circumstantiis vestiatur.

**407.** — **AD PRIMUM** ergo dicendum quod ad confessionem veri modo debito faciendam ut oportet et cui oportet, in generali inclinatur ratio naturalis. Et secundum hoc confessio est de jure naturali. Sed determinatio circumstantiarum quando et quomodo et quid confiteri oporteat et cui, hoc est ex institutione juris divini in confessione, de qua loquimur. *Et sic patet quod jus naturale inclinatur ad confessionem mediante jure divino, quo circumstantiæ determinantur, sicut etiam est in omnibus quæ sunt de jure positivo.*

**408.** — **Ad secundum** dicendum quod illius virtutis cujus objectum est peccatum commissum, quamvis habitum possit innocens habere, tamen actum non habet innocentia permanente, ut supra de Pœnitentia dictum est (d. 14, **159**). *Et ideo etiam confessio peccatorum de qua nunc loquimur non competit innocenti, quamvis sit actus virtutis.*

**409.** — **Ad tertium** dicendum quod quamvis gratia sacramentorum et gratia virtutum sit alia et alia, non tamen sunt contrariæ, sed disparatæ. *Et ideo non est inconueniens ut idem sibi actus virtutis secundum quod ex libero arbitrio gratia informato procedit, et sit sacramentum vel pars sacramenti secundum quod est medicina in remedium peccati ordinata.*

**410.** — **AD TERTIAM QUÆSTIONEM** dicendum quod in virtutibus hoc considerandum est, quod quando supra objectum

1. ἀβγδζηθι « ejus »; ed. « ubi oportet et cui oportet ». — 2. e om. « etiam », ed. pene ».

virtutis additur specialis ratio *boni et difficilis*, requiritur specialis virtus : sicut magni sumptus ad magnificentiam pertinent, quamvis communiter sumptus mediocres et donationes pertineant ad liberalitatem, ut patet in II *Eth.* (β 7. 1107b, 8-9 ; l. 8, n. 343) et IV (δ l. 1120% 10 ; l. 1, n. 660).

**411.** — Et similiter est in confessione veri, quæ quamvis ad veritatis virtutem pertineat absolute, tamen secundum quod aliqua ratio boni additur, ad aliam virtutem pertinere incipit. Et ideo dicit Philosophus in IV *Eth.* (8 13. 11273, 33; l. 15, n. 838) quod *confessio quæ fit in iudiciis non pertinet ad veritatis virtutem, sed magis ad iustitiam.*

**412.** — Et similiter confessio beneficiorum Dei in laudem divinam non pertinet ad virtutem veritatis, sed ad virtutem patriæ. **Et ita etiam confessio peccatorum ad remissionem eorum consequendam non pertinet elicitive ad virtutem veritatis, ut Quidam dicunt, sed ad virtutem pœnitentiæ.** Imperative autem ad multas virtutes pertinere potest, secundum quod in finem multarum virtutum trahi potest confessionis actus.

**413.** — **AD PRIMUM** ergo dicendum quod *spes est confessionis causa* non sicut eliciens, sed *sicut imperans.*

**414.** — **Ad secundum** dicendum quod *erubescencia* in illa definitione non *ponitur* quasi causa *confessionis*, cum magis nata sit impedire confessionis actum, sed *quasi concausa ad liberandum a pœna*, inquantum ipsa erubescencia pœna quædam est : sicut etiam et claves Ecclesiæ concausæ confessionis ad hoc sunt.

**415.** — **Ad tertium** dicendum quod secundum quamdam adaptationem partes pœnitentiæ tribus attributis Personarum adaptari possunt : ut *contritio misericordiæ vel bonitati* respondeat propter dolorem de malo ; *confessio sapientiæ* propter veritatis manifestationem ; *satisfactio potentiæ* propter satisfaciendi laborem. Et quia contritio est prima pœnitentiæ pars et efficaciam aliis partibus præbens, ideo eodem modo iudicatur de tota pœnitentia sicut de contritione.

**416.** — **Ad quartum** dicendum, quod quia *confessio magis ex spe procedit, quam ex timore* ut dictum est (**403**); ideo magis innititur articulo de vita æterna quem respicit spes, quam articulo de iudicio quem respicit timor ; quamvis pœnitentia ratione contritionis e converso se habeat.

**Ad quintum** patet solutio ex dictis.

1. K « pœnitentiæ » ; ed. om. « potentiæ ». — 2. Ed. om. « et » ; t « et efficaciam præ aliis ».

**ARTICULUS III**

[I]

**417. — AD TERTIUM SIC PROCEDITUR.** Videtur quod **NON SIT NECESSARIUM SACERDOTI CONFITERI.**

1. Ad confessionem enim non obligamur nisi ex divina institutione. Sed divina institutio nobis proponitur Jac., v, 16 « *Confitemini alterutrum, etc.* », ubi non fit mentio de sacerdote. Ergo non oportet confiteri sacerdoti.

2. **Præterea.** Pœnitentia est sacramentum necessitatis, sicut et baptismus. Sed in baptismo propter sacramenti necessitatem est minister quilibet homo. Ergo et in pœnitentia. Sed ministro Ecclesiæ facienda est confessio. Ergo sufficit cuilibet confiteri

3. **Præterea.** Confessio ad hoc est necessaria, ut taxetur pœnitenti satisfactionis modus. Sed aliquando aliquis non sacerdos discretius posset pœnitenti dare satisfactionis modum quam multi sacerdotes. Ergo non est necessarium quod confessio fiat sacerdoti.

4. **Præterea.** Confessio ad hoc est ordinata in Ecclesia, ut rectores « *pecorum suorum vultum cognoscant* » (Prov., xxvii, 23). Sed quandoque rector sive prælatus, non est sacerdos. Ergo confessio non semper facienda est sacerdoti.

**418. — SED CONTRA.** Absolutio pœnitentis, propter quam fit confessio, non pertinet nisi ad sacerdotes quibus claves Ecclesiæ commissæ sunt. Ergo confessio debet fieri sacerdoti.

**419. — Præterea.** Confessio præfiguratur in Lazari mortui vivificatione. Sed Dominus solis discipulis præcepit ut Lazarum solverent, ut patet Joan., xi, 44. Ergo sacerdotibus facienda est confessio.

[II]

[Infra 452, 488.]

**420. — ULTERIUS.** Videtur **QUOD IN NULLO CASU LICEAT ALIIS QUAM SACERDOTIBUS CONFITERI.**

1. Quia « *confessio sacramentalis accusatio est* », ut ex supra posita definitione habetur (393, 4). Sed dispensatio sacramenti ad illum tantum pertinet qui est sacramenti minister. Cum ergo minister sacramenti pœnitentiæ sit sacerdos, videtur quod nulli alii sit confessio facienda.

2. **Præterea.** Confessio in quolibet iudicio ad sententiam ordi-

natur. Sed sententia in foro contentioso non a suo iudice lata, nulla est. Et ideo nec facienda est confessio nisi iudici. Sed iudex in foro conscientiae non est nisi sacerdos qui habet potestatem ligandi et solvendi. Ergo non est alii confessio faciendal.

3. **Præterea.** In baptismo, quia quilibet baptizare potest, si baptizat laicus sine necessitate, non debet a sacerdote baptismus iterari. Sed si aliquis confiteatur<sup>2</sup> laico in casu necessitatis, iterum tenetur<sup>3</sup> sacerdoti confiteri, si articulum necessitatis evadat. Ergo confessio sacerdotis non potest fieri laico in casu necessitatis.

421. — **SED CONTRA** est quod in *Littera* (7-9) determinatur.

[III]

422. **ULTERIUS.** Videtur quod extra casum necessitatis non possit<sup>4</sup> aliquis non sacerdos confessionem venialium audire.

1. Quia sacramentum aliquod committitur dispensandum laico ratione necessitatis. Sed confessio venialium non est de necessitate salutis, ut supra dictum est (374-5). Ergo non committitur laico.

2. **Præterea.** Contra venialia ordinatur extrema unctio sicut et poenitentia. Sed illa non potest dari a laico, ut patet **Jac.**, *ult.*, 14. Ergo nec confessio venialium potest ei fieri.

423. — **SED CONTRA** est quod dicit **Beda** in *Littera* (8).

[IV]

[// Cg. c. 72.]

424. — **ULTERIUS.** VIDETUR QUOD NON SIT NECESSARIUM QUOD HOMO CONFITEATUR PROPRIO SACERDOTI.

1. **Gregorius** enim dicit (causa 16, q. 1, cap. « Ex autoritate » ; L. 187, 998) : « *Apostolico moderamine et pietatis officio a nobis constitutum est quod sacerdotibus monachis Apostolorum figuram tenentibus, liceat prædicare, baptizare, communionem dare, pro peccatoribus orare, poenitentiam imponere atque peccata solvere.* » Sed monachi non sunt proprii sacerdotes aliquorum, cum non habeant curam animarum. Ergo cum confessio fiat propter absolutionem, sufficit quod fiat cuicumque sacerdoti.

2. **Præterea.** *Sicut* sacerdos est hujus sacramenti minister, *ita* et eucharistiæ. Sed quilibet sacerdos potest conficere. Ergo

1. N. « fienda ». — 2. Ed. « confitetur ». — 3. Ed. « debet ». — 4. Ed. « posset ».

quilibet sacerdos potest sacramentum pœnitentiæ ministrare. Ergo non oportet quod fiat proprio sacerdoti.

3. **Præterea.** Illud ad quod determinate tenemur, non est in nostra electione constitutum. Sed sacerdos cui confiteri debemus, est in nostra electione constitutus, ut patet per Augustinum in *Littera (7a)*. Dicit enim : « *Qui vult confiteri peccata, ut inueniat gratiam, quærat sacerdotem qui sciat ligare et solvere.* » Ergo videtur quod non sit necessarium quod sacerdoti proprio aliquis confiteatur.

4. **Præterea.** Quidam sunt, sicut prælati, qui non videntur habere proprium sacerdotem, cum non habeant superiorem. Sed isti tenentur ad confessionem. Ergo non semper tenetur homo confiteri proprio sacerdoti.

5. **Præterea.** « *Illud quod est institutum pro caritate, contra caritatem non militat* », ut Bernardus dicit (lib. *De præcept. et disp.*, c. 2, n. 5 ; L. 182, 863-4). Sed confessio quæ pro caritate instituta est, contra caritatem militaret si homo ad confitendum uni sacerdoti esset obligatus : ut puta, si peccator sciat sacerdotem suum hæreticum, aut sollicitatorem ad malum, aut fragilem qui ad peccatum quod quis ei confitetur sit pronus ; vel si revelator esse confessionis probabiliter æstimatur<sup>3</sup> ; vel si peccatum contra ipsum commissum sit, de quo quis confiteri debet. Ergo videtur quod non semper oporteat confiteri proprio sacerdoti.

6. **Præterea.** In eo quod est necessarium ad salutem, non sunt homines arctandi, ne impediuntur a via salutis. Sed magna arctatio videtur si oporteat uni homini confiteri de necessitate ; et per hoc multi possunt a confessione retrahi vel timore vel verecundia vel aliquo hujusmodi. Ergo cum confessio sit de necessitate salutis, non debent homines ad hoc arctari, ut videatur, quod proprio sacerdoti confiteantur.

425. — **SED CONTRA** est *Decretalis Innocentii (353)*, qui instituit quod « *omnes ulriusque sexus semel in anno proprio sacerdoti confiteantur.* »

426. — **Præterea.** *Sicut se habet Episcopus ad diœcesim suam, ita sacerdos ad suam parochiam.* Sed non licet uni Episcopo in diœcesi alterius episcopale officium exercere, secundum statuta canonum (« *Nullus primas* » causa 9, q. 2, c. c. 3 ; L. 187, 789). Ergo nec licet uni sacerdoti parochianum alterius audire.

1. Ed. « peccatum ». — 2. Ed. « vel ». — 3. Ed. « existimatur », L. « æstimetur ».

## [V]

[*Contra Impugn. Relig. c. 4 ; Quodl. XII, q. 19.*]

**427. — ULTERIUS.** Videtur **QUOD NON POSSIT ALIQUIS ALTERI QUAM PROPRIO SACERDOTI CONFITERI, ETIAM EX PRIVILEGIO VEL MANDATO SUPERIORIS.**

1. Quia non potest aliquod privilegium indulgeri in praejudicium alterius. Sed hoc est in praejudicium alterius sacerdotis, si alius confessionem subditi audiat. Ergo non potest per privilegium vel licentiam seu mandatum superioris obtineri<sup>2</sup>.

2. **Præterea.** Illud per quod impeditur divinum mandatum, non potest per mandatum vel privilegium alicujus hominis concedi. Sed mandatum divinum est ad rectores Ecclesiarum ut diligenter « *vultum pecoris sui agnoscant* », *Prov.*, xxvii, 23 : quod impeditur si alius quam ipse confessionem ejus audiat. Ergo hoc non potest per alicujus hominis privilegium vel mandatum ordinari.

3. **Præterea.** Ille qui audit confessionem alicujus, est proprius iudex ejus : alias non posset<sup>3</sup> eum ligare et solvere. Sed unius hominis non possunt esse plures proprii iudices vel proprii sacerdotes ; quia tunc teneretur pluribus obedire : quod esset impossibile, si contraria praeceperent vel impossibilia. Ergo non potest alicui alicui confiteri nisi proprio sacerdoti, etiam ex superioris licentia.

4. **Præterea.** Injuriam facit sacramento qui sacramentum iterat super eandem materiam, vel ad minus inutiliter facit. Sed qui confessus est alii sacerdoti, tenetur iterum confiteri proprio sacerdoti, si petat ; quia non est absolutus ab obedientia qua ei tenetur ad hoc. Ergo non potest licite fieri quod alii quam proprio sacerdoti confiteatur.

**428. — SED CONTRA.** Ea quæ sunt ordinis possunt habenti similem ordinem committi ab eo qui illa<sup>4</sup> facere potest. Sed superior, ut Episcopus, potest audire confessionem illius qui est de parochia alicujus presbyteri ; quia etiam aliquando aliqua sibi reservat, cum sit ipse<sup>5</sup> principalior rector. Ergo et potest committere alicui sacerdoti alteri quod ipse audiat.

**429. — Præterea.** Quidquid potest inferior, potest superior. Sed ipse sacerdos potest dare licentiam suo parochiano quod alteri confiteatur. Ergo multo fortius hoc superior ejus potest.

**430. — Præterea.** Potestatem quam habet sacerdos in populo, habet ab Episcopo<sup>6</sup>. Sed ex illa potestate potest confessionem

1. F. *om.* « aliquis ». — 2. F. « obtinere ». — 3. F. e potest ». — 4. L. « ea » — 5. N. L. *om.* « ipse ». — 6. N. « Episcopus ».

audire. Ergo et eadem ratione alius, cui Episcopus potestatem concedetl.

**431. — RESPONSIO.** Dicendum **AD PRIMAM QUÆSTIONEM** quod gratia quæ in sacramentis datur, a capite in membra descendit. Et ideo ille solus est minister sacramentorum, in quibus gratia datur, qui habet ministerium super corpus Christi verum : quod solius sacerdotis est qui consecrare eucharistiam potest.

Et ideo, cum in sacramento pœnitentiæ gratia conferatur, solus sacerdos est minister hujus sacramenti. **Et ideo ei soli facienda est sacramentalis confessio quæ ministro Ecclesiæ fieri debet.**

**432. — AD PRIMUM** ergo dicendum quod **Jacobus loquitur ex præsuppositione divinæ institutionis.** Et quia divinitus institutio præcesserat de confessione sacerdotibus facienda per hoc quod eis potestatem remittendi peccata in Apostolis dedit, ut patet **Joan., xx, 22, 23, ideo** intelligendum est quod **Jacobus sacerdotibus confessionem esse faciendam monuit.**

**433. — Ad secundum** dicendum quod baptismus est magis sacramentum necessitatis quam pœnitentiæ sacramentum<sup>2</sup> quoad confessionem, et absolutionem ; quia quandoque baptismus prætermitti non posset sine periculo salutis æternæ, ut patet in pueris, qui nondum<sup>3</sup> habent usum rationis. Sed non est ita de confessione et absolutione, quæ tantum ad adultos pertinet<sup>4</sup>, in quibus contritio cum proposito confitendi et desiderio absolutionis sufficit ad liberandum a morte æterna. Et ideo non est simile de baptismo et confessione.

**434. — Ad tertium** dicendum quod, sicut dictum est (d. 15, 59), in satisfactione non solum attendenda est quantitas pœnæ, sed etiam virtus ejus secundum quod est pars sacramenti. *Et sic requirit sacramentorum dispensatorem*, quamvis etiam ab alio quam a sacerdote quantitas pœnæ taxari possit.

**435. — Ad quartum** dicendum quod cognoscere vultum pecoris ad *duo* necessarium est<sup>5</sup>.

**Primo ad hoc quod coordinetur gregi Christi.** Et sic cognoscere vultum pecoris pertinet ad curam et sollicitudinem pastorem, quæ incumbit quandoque illis qui non sunt sacerdotes.

**Secundo ad hoc quod provideatur ei conveniens medicamentum salutis.** Et sic cognoscere vultum pecoris pertinet ad eum cujus est medicamentum salutis, scilicet sacramentum eucharistiæ et alia præbere, scilicet ad sacerdotem. *Et ad talem cognitionem pecoris confessio ordinatur.*

1. N. L. « concedit ». — 2. L. « pœnitentia ». — 3. L. « non ». — 4. L. « pertinent ». — 5. L. « potest necessarium esse ». — 6. L. *om.* « ad hoc ».

**436.** — **AD SECUNDAM QUÆSTIONEM** dicendum quod *sicut* baptismus est sacramentum necessitatis, *ita* et pœnitentia. *Baptismus* autem qui est sacramentum necessitatis, habet *duplicem* ministrum : *unum* cui ex officio baptizare incumbit, scilicet *sacerdotem* ; *alium* cui ratione necessitatis dispensatio baptismi committitur.

Et ita etiam **minister pœnitentiæ cui confessio est facienda ex officio, est sacerdos** ; *sed in necessitate etiam laicus vicem sacerdotis supplet, ut ei confessio fieri possit.*

**437.** — **AD PRIMUM** ergo dicendum quod in sacramento pœnitentiæ non solum est *aliquid ex parte ministri*, scilicet absolutio et satisfactionis injunctio ; sed etiam *aliquid esi ex parte ipsius qui suscipit sacramentum* : quod est etiam de essentia sacramenti, sicut contritio et confessio. Satisfactio autem jam incipit esse a ministro in quantum eam injungit, et a pœnitente in quantum eam implet. *Et ad plenitudinem sacramenti utrumque debet concurrere quando possibile est.* Sed quando necessitas imminet, debet facere pœnitens quod ex parte sua est, scilicet conteri et confiteri cui potest : qui quamvis sacramentum perficere non possit, ut faciat id quod est ex parte sacerdotis, absolutionem scilicet, tamen defectum! sacerdotis Summus : acerdos supplet.

**438.** — *Nihilominus confessio laico ex desiderio sacerdotis facta, sacramentalis est quodammodo, quamvis non sit sacramentum perfectum, quia deest ei id quod est ex parte sacerdotis.*

**439.** — **Ad secundum** dicendum quod quamvis *laicus* non sit iudex ejus qui ei<sup>2</sup> confitetur absolute, tamen *ratione necessitatis accipit iudicium super eum*<sup>3</sup>, secundum quod confidens ex desiderio sacerdotis se ei subdit.

**440.** — **Ad tertium** dicendum quod per sacramenta homo non solum Deo, sed etiam<sup>4</sup> Ecclesiæ oportet quod reconcilietur. Ecclesiæ autem reconciliari non potest nisi sanctificatio Ecclesiæ<sup>5</sup> ad eum perveniat.

**441.** — *In baptismo* autem sanctificatio Ecclesiæ ad hominem pervenit per ipsum elementum exterius adhibitum, quod « *verbo vitæ* » sanctificatur secundum formam Ecclesiæ a quocumque. Et ideo ex quo semel baptizatus est a quocumque, non oportet quod iterum baptizetur.

**442.** — *Sed in pœnitentia* Ecclesiæ sanctificatio non pervenit ad hominem nisi per ministrum ; quia non est ibi aliquod « *elementum corporale exterius adhibitum, quod ex sanctificatione invisibilem gratiam conferat.* » Et ideo quamvis ille qui laico

1. *αβγζη* « effectum ». — 2. L. « sibi ». — 3. F. *ad.* « scilicet ». — 4. L. om. « etiam ». — 5. N. om. « Ecclesiæ ».

confessus<sup>1</sup> in articulo necessitatis, consecutus sit veniam a Deo, eo quod propositum confitendi quod secundum mandatum Dei concepit<sup>2</sup>, sicut potuit implevit; non tamen adhuc Ecclesiæ reconciliatus est, ut ad sacramenta Ecclesiæ admitti debeat, nisi prius a sacerdote absolvatur: sicut ille qui baptismo flaminis baptizatus<sup>3</sup> ad eucharistiam non admittitur. *Et ideo oportet quod iterum confiteatur sacerdoti, cum copiam habere potuerit.* Et præcipue quia, ut dictum est (437) sacramentum pœnitentiæ perfectum non fuit. Unde oportet quod perficiatur, ut ex ipsa perceptione sacramenti plenior effectum consequatur; **et** ut mandatum de pœnitentiæ sacramento recipiendo impleat.

**443. — AD TERTIAM QUÆSTIONEM** dicendum quod per peccatum veniale homo nec a Deo nec a sacramentis Ecclesiæ separatur. Et ideo non indiget novæ gratiæ collatione ad ejus dimissionem, neque<sup>4</sup> indiget reconciliatione ad Ecclesiam<sup>5</sup>. Et propter hoc non oportet quod venialia aliquis sacerdoti confiteatur: quia **ipsa confessio laico facta, sacramentale quoddam est**, quamvis non sit sacramentum perfectum, et<sup>6</sup> ex caritate procedens. Et talibus<sup>7</sup> natum est veniale remitti, sicut per tusionem pectoris et per<sup>8</sup> aquam benedictam.

**444. —** Et per hoc patet solutio **AD PRIMUM**; quia venialia non indigent sacramenti perceptione ad dimissionem sui, sed sufficit ibi aliquid sacramentale, ut aqua benedicta vel<sup>9</sup> aliquid hujusmodi.

**445. — Ad secundum** dicendum quod extrema unctio non datur directe contra veniale, nec aliquid sacramentum, ut supra (d. 3, q. 1, a. 1, sol. 4) dictum est.

**446. — AD QUARTAM QUÆSTIONEM** dicendum quod alia sacramenta non consistunt in hoc quod ad sacramentum accedens aliquid agat, sed solum ut recipiat: sicut patet *in baptismo*, et hujusmodi. Sed actus recipientis requiritur ad percipiendum utilitatem sacramenti in eo qui est « *sua voluntatis arbiter constitutus* », quasi removens prohibens, scilicet fictionem.

**447. —** *Sed in pœnitentia* actus accedentis ad sacramentum est de substantia sacramenti, eo quod contritio, confessio et<sup>10</sup> satisfactio sunt pœnitentiæ partes, quæ sunt actus pœnitentis. Actus autem nostri, cum in nobis principium habeant, non possunt nobis ab alio dispensari nisi per imperium. Unde oportet quod ille qui dispensator hujus sacramenti constituitur, sit talis qui possit imperare aliquid agendum. Imperium autem non

1. Ed. *ad.* « est ». — 2. L. « percepit ». — 3. Ed. *ad.* « est ». — 4. Ed. « nec ». — 5. L. « reconciliari Ecclesiæ ». — 6. N. *ad* « est ». — 7. N. « per talia ». — 8. L. *om.* « per ». — 9. L. « et ». — 10. Ed. *om.* « et ».

competit alicui in alium, nisi qui habet super eum jurisdictionem. **Et ideo de necessitate hujus sacramenti est non solum ut minister habeat ordinem, sicut in aliis sacramentis, sed etiam quod habeat jurisdictionem.** Et ideo *sicut* ille qui non est sacerdos non potest hoc sacramentum conferre, *ita* nec ille qui non habet jurisdictionem. Et propter hoc oportet *sicut* sacerdoti, *ita* proprio sacerdoti confessionem fieri. Cum enim sacerdos non absolvat nisi ligando ad aliquid faciendum, **ille solus potest absolvere qui potest per imperium ad aliquid faciendum ligare.**

**448. — AD PRIMUM** ergo dicendum quod *Gregorius loquitur de illis monachis qui jurisdictionem habent*, utpote quibus alicujus parochiæ cura est commissa : de quibus aliqui dicebant, quod hoc ipso quod monachi erant, non poterant absolvere et poenitentias injungere : quod falsum est.

**449. — Ad secundum** dicendum quod *sacramentum eucharistiæ non requirit imperium in aliquem hominem. Secus autem est in hoc sacramento*, ut dictum est (**447**). *El ideo ratio non sequitur.* Et tamen non licet eucharistiam ab alio quam a proprio sacerdote accipere, quamvis verum sit sacramentum quod ab eo percipitur.

**450. — Ad tertium** dicendum quod electio discreti sacerdotis non est nobis commissa, ut nostro arbitrio facienda, sed *de licentia superioris, si forte proprius sacerdos esset minus idoneus ad apponendum peccato salutare remedium.*

**451. — Ad quartum** dicendum quod quia *prælati* incumbit sacramenta dispensare, quæ non nisi mundi tractare debent, ideo *concessum est eis a jure quod possunt sibi eligere proprios confessores*, qui quantum ad hoc sunt eis superiores. Sicut etiam unus medicus ab alio curatur, non in quantum est<sup>1</sup> medicus, sed in quantum est<sup>2</sup> infirmus.

**452. — Ad quintum** dicendum quod in casibus illis in quibus probabiliter timet poenitens periculum sibi vel sacerdoti ex confessione ei facta, *debet recurrere ad superiorem*, vel ab eodem petere licentiam alteri confitendi. *Quod si licentiam habere non possit, idem est iudicium quod de illo qui non habet copiam sacerdotis.* Unde magis debet eligere<sup>3</sup> laico confiteri. *Nec in hoc transgreditur aliquis præceptum Ecclesiæ; quia præcepta juris positivi non se extendunt ultra intentionem præcipientis quæ est finis præcepti.* Hæc autem est caritas secundum *Apostolum* (*/ Tim., i, 5*). *Nec iterum fit aliqua injuria sacerdoti; quia « privilegium meretur amittere qui concessa sibi abutitur potestate. » (Decret. causa 11, 9 3, c. 63; L. 187, 862.)*

1. L. om. « est ». — 2. L. om. « est ». — 3. *αβγδ ζηθι* « diligere », contra *κ* et ed.

**453.** — **Ad sextum** dicendum quod in hoc quod oportet proprio sacerdoti confiteri, non arctatur via salutis, sed sufficiens ad salutem via statuitur. Peccaret autem sacerdos, si non esset facilis ad praebandam licentiam confitendi alteri; quia multi sunt adeo infirmi quod potius sine confessione morerentur quam tali sacerdoti confiterentur. Unde illi qui sunt nimis solliciti ut conscientias subditorum per confessionem sciant, multis «*laqueum damnationis injiciunt*» (I Cor., vn, 35), et per consequens sibi ipsis.

**454.** — **AD QUINTAM QUÆSTIONEM** dicendum quod sacerdos aliquis potest *dupliciter* impediri ne alicujus confessionem audiat. *Uno modo* propter defectum jurisdictionis; *alio modo* propter impedimentum executionis ordinis, sicut excommunicati et degradati et hujusmodi.

Quicumque autem habet jurisdictionem, potest ea quæ sunt jurisdictionis committere. Et ideo *si aliquis impediatur* quod alterius confessionem audire non possit *per jurisdictionis defectum*, potest sibi per quemcumque jurisdictionem habentem immediatam in illos committi quod confessionem audiat et absolvat, sive per ipsum sacerdotem, sive per Episcopum, sive per Papam.

*Si autem propter executionis ordinis impedimentum* audire non possit, potest sibi concedi quod confessionem audiat per eum qui impedimentum amovere potest.

**455.** — **AD PRIMUM** ergo dicendum quod præjudicium non fit alicui nisi ei subtrahatur quod est in favorem ipsius indultum, jurisdictionis. Omnis<sup>3</sup> autem potestas non est commissa alicui homini in favorem suum, sed in utilitatem plebis et ad honorem Dei. Et ideo si superioribus prælatis expedire videatur ad salutem plebis et ad honorem Dei promovendum, quod aliis quæ sunt jurisdictionis committant, in nullo fit præjudicium inferioribus prælatis, nisi illis qui «*quærunl quæ sua sunt, non quæ Jesu Christi*» (Philip., n, 21) et qui gregi<sup>5</sup> præsent, non «*ut eas<sup>6</sup> pascant, sed ut ab eis<sup>7</sup> pascantur.*» (Ezech., xxxiv. 2, 8.)

**456.** — **Ad secundum** dicendum quod rector Ecclesiæ debet *vultum pecoris sui agnoscere dupliciter*.

*Uno modo per sollicitam exterioris conversationis considerationem*, qua invigilare debet super gregem sibi commissum. *Et in hac cognitione non oportet quod credat* subdito; *sed certitudinem facti*, inquantum potest, inquiret.

1. L. om. « damnationis ».— 2. Ed. om. « ei ». — 3. Ed. om. « omnis ».— 4. ζη L. om. « ad ». — 5. N. ad. « ovium ». — 6. Ed. « eum »; L. « eos ». — 7. Ed. « eo ».

**457.** — *Alio modo per confessionis manifestationem.* Et quantum ad hanc cognitionem non potest majorem certitudinem accipere quam ut subdito credat, quia hoc est ad subveniendum conscientiae ipsius. Unde in foro confessionis creditur homini et pro se et contra se, non autem in foro exterioris iudicii. *Et ideo ad hanc cognitionem sufficit quod credat subdito dicenti se alteri absolvere valenti confessum fuisse.* Et sic patet quod talis cognitio pecoris per privilegium alicui indultum de confessione audienda non impeditur.

**458.** — **Ad tertium dicendum** quod inconueniens esset si duo æqualiter super eandem plebem constituerentur. Sed quod duo quorum unus alio principalior est super eandem plebem constituentur, non est inconueniens. *Et secundum hoc super eandem plebem immediate sunt et sacerdos parochialis et Episcopus et Papa;* et quilibet eorum potest ea quæ sunt jurisdictionis ad ipsum pertinentia, alteri committere.

**459.** — Sed si superior committat qui et principalior est, *duplíciter* potest committere. *Aut ita quod eum vice sui constituat* : sicut Papa et Episcopus suos pœnitentiarios constituunt. Et tunc talis est principalior quam inferior prælatus : sicut pœnitentiarius Papæ quam Episcopus et pœnitentiarius Episcopi quam sacerdos parochialis ; et magis tenetur ei conflens obedire.

**460.** — *Alio modo ut eum coadjutorem illius sacerdotis constituat.* Et quia coadjutor ordinatur ad eum cui coadjutor datur, *ideo coadjutor est minus principalis.* Et ideo pœnitens non tantum obedire tenetur ei quantum proprio sacerdoti.

**461.** — **Ad quartum dicendum** quod nullus tenetur confiteri peccata quæ non habet. Et ideo si aliquis pœnitentiaro Episcopi, vel alteri ab Episcopo commissionem habenti confessus fuerit, cum sint sibi dimissa peccata et quoad Deum et quoad Ecclesiam, non tenetur ea confiteri proprio sacerdoti, quantumcumque petat. Sed propter statum Ecclesiæ de confessione facienda « *proprio sacerdoti semel in anno* », eodem modo se debet habere sicut ille qui habet solum venialia. Talis enim debet solum venialia confiteri, ut *Quidam* dicunt ; vel etiam<sup>3</sup> profiteri se a peccato mortali immunem. *Et sacerdos in foro conscientie ei credere tenetur.*

**462.** — Si tamen iterum confiteri teneretur, non frustra primo confessus fuisset ; quia quanto pluribus sacerdotibus confitetur quis, tanto plus de poena ei remittitur<sup>4</sup>, *tum ex erubescencia confessionis* quæ in poenam satisfactoriam computatur, *tum ex vi clavium.* Unde toties posset aliquis confiteri quod ab omni poena

1. F. « adjutor. ». — 2. N. *ad.* « ei ». — 3. L. om. « etiam ». — 4. Ed. « remittitur ».

liberaretur. Nec reiteratio facit injuriam sacramento, nisi illi in quo sanctificatio adhibetur *vel* per characteris impressionem, *vel* per materiæ consecrationem : quorum neutrum est in poenitentia. Unde bonum est quod ille qui auctoritate Episcopi confessionem audit, inducat contententem quod confiteatur proprio sacerdoti. Quod si noluerit, nihilominus eum absolvere debet.

### ARTICULUS IV

[I]

**463. . . AD QUARTUM SIC PROCEDITUR.** Videtur QUOD CONFESSIO ESSE NON POSSIT INFORMIS.

1. *Ecdi. enim*! xvn, 26, dicitur : « *A mortuo, velul qui non est, perit confessio.* » Sed ille qui non habet caritatem, est mortuus ; quia ipsa est animæ vita. Ergo absque caritate non potest esse confessio.

2. **Præterea.** Confessio dividitur contra contritionem et satisfactionem. Sed contritio et satisfactio nunquam possunt extra caritatem fieri. Ergo nec confessio.

3. **Præterea.** In confessione oportet quod os cordi concordet ; quia hoc ipsum nomen *confessionis* requirit. Sed ille qui adhuc manet in affectu peccati quod confitetur, non habet cor ori conforme ; quia corde peccatum tenet quod ore damnat. Ergo talis non confitetur.

**464. — SED CONTRA.** Quilibet tenetur ad confessionem mortalium. Sed si aliquis semel confessus est etiam in mortali existens, non tenetur ulterius ad confitendum eadem peccata ; quia cum nullus sciat se caritatem habere, nullus sciret se confessum fuisse. Ergo non est de necessitate confessionis quod sit caritate formata.

[II]

[De duob. præcep. Carit. c. 4 ; De sex artic. a.-6.]

**465. — ULTERIUS.** Videtur quod non oporteat confessionem ESSE INTEGRAM, UT SCILICET OMNIA PECCATA UNI SACERDOTI CONFITEATUR ALIQUIS.

1. Quia erubescencia facit ad diminutionem pænæ. Sed quanto pluribus sacerdotibus quis confitetur tanto majorem erubescenciam patitur. Ergo fructuosior erit confessio, si pluribus sacerdotibus dividat.

1. L. om. « enim ». — 2. N. om. « et ».

2. **Præterea.** Confessio ad hoc necessaria est in pœnitentia, ut pœna secundum arbitrium sacerdotis peccato taxetur. Sed sufficiens pœna potest imponi a sacerdotibus de diversis peccatis. Ergo non oportet uni sacerdoti omnia peccata confiteri.

3. **Præterea.** Potest contingere quod post confessionem factam et satisfactionem perfectam recordetur quis alicujus peccati mortalis quod dum confitebatur in memoria non habebat ; et tunc copiam proprii sacerdotis cui primo confessus fuerit, habere non poterit. Ergo poterit illud solum peccatum alteri confiteri. Et sic diversa peccata diversis sacerdotibus confitebitur.

4. **Præterea.** Sacerdoti non debet fieri confessio de peccatis nisi propter absolutionem. Sed quandoque sacerdos qui confessionem audit, potest de quibusdam peccatis absolvere, non de omnibus. Ergo ad minus in tali casu non oportet quod confessio sit integra.

466. — **SED CONTRA.** Hypocrisis est impedimentum pœnitentiæ, ut in præcedenti dist. (249) dictum est. Sed dividere confessionem, « *ad hypocrisim pertinet* », ut Augustinus dicit (in lib. *De vera et falsa Pœnil.* c. 15, n. 31 ; L. 40, 1125). Ergo confessio debet esse integra.

467. — **Præterea.** Confessio est pœnitentiæ pars. Sed pœnitentia debet esse integra, ut in 15 d. Magister ostendit. Ergo et confessio.

### [III]

[*Quodl. Tr. q. 6, a. 1.*]

468. — **ULTERIUS.** Videtur quod possit per alium quis CONFITERI VEL PER SCRIPTUM.

1. Quia confessio ad hoc necessaria est, ut per eam conscientia pœnitentis sacerdoti pandatur. Sed homo potest etiam per alium vel per scriptum suam conscientiam sacerdoti manifestare. Ergo sufficit per scriptum vel per alium confiteri.

2. **Præterea.** Quidam non intelliguntur a propriis sacerdotibus propter linguæ diversitatem ; et tales non possunt nisi per alios confiteri. Ergo non est de necessitate sacramenti quod per seipsum quis confiteatur. Et ita videtur quod si per alium quis confessus fuerit qualitercumque, sufficiat ei ad salutem.

3. **Præterea.** De necessitate sacramenti est quod homo proprio sacerdoti confiteatur, ut ex dictis (446-53) patet. Sed aliquando proprius sacerdos est absens, cui non potest pœnitens propria voce loqui ; posset autem per scriptum suam conscientiam ei manifestare. Ergo videtur quod per scriptum ei suam conscientiam transmittere debeat.

1. Ed. < in 20 d. > ; F. in nota . d. XX > . —

**469. — SED CONTRA.** Homo tenetur ad confessionem peccatorum, sicut ad confessionem fidei. Sed confessio fidei est ore facienda, ut patet *Rom.*, x, 10. Ergo et confessio peccatorum.

**470. — Præterea.** Qui per seipsum peccavit, per seipsum debet poenitere. Sed confessio est poenitentiae pars. Ergo poenitens debet confiteri propria voce.

## [VI]

**471. — ULTERIUS.** — Videtur QUOD ILLÆ CONDITIONES SEXDECIM QUÆ A MAGISTRIS ASSIGNANTUR, HIS VERSIBUS CONTENTE, NON REQUIRANTUR AD CONFSSIONEM :

Sit simplex, humilis confessio, pura, fidelis,  
Atque frequens, nuda, discreta, libens, verecunda,  
Integra, secreta, lacrimabilis, accelerata,  
Fortis et accusans, et sit parere parata,

1. Fides enim et simplicitas et fortitudo sunt per se virtutes. Ergo non debent poni confessionis condiciones.

2. **Præterea.** *Purum* est quod non habet permixtionem : similiter *simplex* compositionem et mixtionem aufert. Ergo superflue utrumque ponitur.

3. **Præterea.** Peccatum semel commissum nullus tenetur confiteri nisi semel. Ergo si homo peccatum non iterat, non oportet quod sit poenitentia *frequens*.

4. **Præterea.** Confessio ordinatur ad satisfactionem. Sed satisfactio quandoque est publica. Ergo et confessio non semper debet esse *secreta*.

5. **Præterea.** Illud quod non est in potestate nostra, non requiritur a nobis. Sed *lacrimas emittere non est* in potestate nostra. Ergo non requiritur a confitente.

**472. — RESPONSIO.** Dicendum **AD PRIMAM QUÆSTIONEM** quod confessio est actus virtutis et pars sacramenti.

*Secundum autem quod est actus virtutis*, est actus meritorius proprie. Et sic confessio non valet sine caritate quæ est principium merendi.

**473. — Sed secundum quod est pars sacramenti**, sic ordinat confitentem ad sacerdotem qui habet claves Ecclesiæ, qui per confessionem conscientiam confitentis cognoscit. Et secundum hoc confessio etiam potest esse in eo qui non est contritus, quia potest peccata sua sacerdoti innotescere et clavibus Ecclesiæ se subjicere. Et quamvis tunc non percipiat absolutionis fructum, tamen recedente fictione percipere incipiet : sicut etiam est

1. N. « manifestare », L. « confiteri sacerdoti ». — 2. L. « Et sic ».

in aliis sacramentis. **Unde non tenetur iterare confessionem qui fictus accedit, sed tenetur postmodum fictionem suam confiteri.**

**474. — AD PRIMUM** ergo dicendum quod auctoritas illa intelligenda est quantum ad fructum confessionis percipiendum, quem nullus extra caritatem existens percipit.

**475. — Ad secundum** dicendum quod contritio et satisfactio fiunt Deo, sed confessio fit homini. Et ideo *de ratione contritionis et satisfactionis est quod homo sit Deo per caritatem unitus*, non autem de ratione confessionis.

**476. — Ad tertium** dicendum quod ille qui peccata quæ habet, narrat, vere loquitur. *Et sic cor concordat verbis quantum ad substantiam confessionis*, quamvis cor discordet a confessionis fine.

**477. — AD SECUNDAM QUÆSTIONEM** dicendum quod *in medicina corporali* oportet quod medicus non solum unum morbum contra quem medicinam dare debet, cognoscat; sed etiam universaliter totam habitudinem ipsius infirmi; eo quod unus morbus ex adjunctione alterius aggravatur, et medicina quæ uni morbo competeret, alteri nocumentum præstaret.

**478. — Et similiter est in peccatis**; quia unum aggravatur ex adjunctione alterius; et illud quod uni peccato esset conveniens medicina, alteri incentivum præstaret, cum quandoque aliquis contrariis peccatis infectus sit, ut *Gregorius in Pastoralis* (P. m, c. 3; L. 77, 54) docet. **Et ideo de necessitate confessionis est quod homo omnia peccata confiteatur quæ in memoria habet**; quod si non facit non est confessio, sed confessionis simulatio.

**479. — AD PRIMUM** ergo dicendum quod etsi erubescencia sit multiplicior quando dividit diversa peccata diversis, tamen omnes simul non sunt ita magnæ sicut illa una qua quis omnia peccata sua simul confitetur; quia unum peccatum per se consideratum non ita demonstrat malam dispositionem peccantis, sicut quando cum pluribus aliis consideratur; quia in unum peccatum aliquis quandoque ex ignorantia vel infirmitate labitur; sed multitudo peccatorum demonstrat malitiam peccantis, vel magnam corruptionem ejusdem.

**480. — Ad secundum** dicendum quod poena a diversis sacerdotibus imposita non esset sufficiens; quia quilibet consideraret tantum unum peccatum per se, et non gravitatem ipsius quam habet ex adjunctione alterius; et quandoque pæna quæ contra unum peccatum daretur, esset promotiva alterius peccati.

**481. — Et præterea.** Sacerdos confessionem audiens vicem Dei gerit. Et ideo debet ei hoc modo fieri confessio sicut fit Deo

in contritione. Unde *sicut* non esset contritio, nisi quis de omnibus conteretur, *ita non esset confessio, nisi quis de omnibus quæ memorise occurrunt, confiteatur.*

**482.** — **Ad tertium** dicendum quod *Quidam* dicunt quod quando aliquis recordatur eorum quæ prius oblitus fuit<sup>2</sup>, debet iterum etiam ea quæ confessus fuerat confiteri; et præcipue si non potest eundem habere cui ante confessus fuerat, qui omnia cognoscit, ut totius culpæ quantitas uni sacerdoti innotescat.

**483.** — **Sed hoc non videtur necessarium**; quia peccatum habet quantitatem et ex seipso et ex adjunctione alterius. Peccatorum autem de quibus confessus est, manifestavit quantitatem quam ex seipsis habent. Ad hoc autem quod sacerdos utramque quantitatem hujus peccati cujus fuerat<sup>3</sup> [oblitus] cognoscat, sufficit quod hoc peccatum confitens dicat explicitè, et alia in generali, dicendo quod cum alia multa confiteretur, hujusmodi oblitus fuit.

**484.** — **Ad quartum** dicendum quod etiamsi sacerdos non possit de omnibus absolvere, tamen<sup>4</sup> tenetur sibi omnia confiteri, ut quantitatem totius culpæ cognoscat, et de illis de quibus non potest absolvere ad superiorem remittat.

**485.** — **AD TERTIAM QUÆSTIONEM** dicendum quod confessio non solum est actus virtutis, sed etiam pars sacramenti. Quamvis autem ad eam secundum quod est actus virtutis, sufficeret qualitercumque fieret, etsi non esset tanta difficultas in uno modo sicut in alio; tamen, secundum quod est pars sacramenti, habet determinatum actum, sicut et alia sacramenta habent determinatam materiam. Et *sicut in baptismo* ad significandam interiorem ablutionem assumitur illud elementum cujus est maximus usus in abluendo; *ita in actu sacramentali ad manifestandum ordinate assumitur* ille actus quo maxime consuevimus manifestare, scilicet per **proprium verbum**. Alii enim modi sunt inducti in supplementum istius.

**486.** — **AD PRIMUM** ergo dicendum quod *sicut in baptismo* non sufficit qualitercumque abluere, sed per elementum determinatum; *ita nec in pœnitentia* sufficit qualitercumque peccata manifestare, sed oportet quod per actum manifestentur.

**487.** — **Ad secundum** dicendum quod in eo qui usum linguæ non habet, sicut mutus, vel qui est alterius linguæ, sufficit quod per scriptum aut<sup>5</sup> nutum aut interpretem confiteatur, quia non

1. L. « occurrerint ». — 2. L. « erat ». — 3. *αβγέζηθι* « hujus peccati cujus peccatum fuerat », *om.* « oblitus », sed *εζθ ad. post.* manu · κ « Ad hoc autem, quod sacerdos utramque quantitatem hujus peccati cognoscat » — 4. *Ed. om.* « tamen ». — 5. L. *ad.* « per ».

exigitur ab homine plus quam possit ; quamvis homo non debeat baptismum accipere nisi in aqua, quia aqua est omnino ab exteriori et nobis ab alio exhibetur. Sed actus confessionis est a nobis. *El ideo, quando non possumus uno modo, debemus secundum quod possumus confiteri.*

**488.** — **Ad tertium** dicendum quod *in absentia proprii sacerdotis potest etiam laico fieri confessio*. Et ideo non oportet quod per scriptum fiat ; quia plus pertinet ad necessitatem confessionis actus quam ille cui fit confessio.

**489.** — **AD QUARTAM QUÆSTIONEM** dicendum quod dictarum conditionum *quædam* sunt de necessitate confessionis, *quædam* de bene esse ipsius. Ea autem quæ sunt **de necessitate confessionis vel competunt ei secundum quod est actus virtutis, vel secundum quod est pars sacramenti.**

**Si primo modo** : aut ratione virtutis in genere ; aut ratione specialis virtutis, cujus est actus ; aut ex ipsa ratione actus<sup>1</sup>.

**490.** — **Virtutis in genere sunt quatuor conditiones**, ut in II *Eth.* (β 3. 1105a, 31 ; l. 4, n. 283) dicitur.

*Prima* est ut aliquis sit « *sciens* ». Et quantum ad hoc confessio dicitur esse « *discreta* », secundum quod in actu omnis virtutis prudentia requiritur. Est autem hæc discretio ut majora cum majori pondere confiteatur.

*Secunda conditio* est ut sit « *eligens* », quia actus virtutum debent esse voluntarii. Et quantum ad hoc dicitur « *libens* ».

*Tertia conditio* est ut « *propter hoc* », scilicet debitu finem operetur. Et quantum ad hoc dicitur quod debet esse pœnitentia « *pura* », ut scilicet recta sit intentio.

*Quarta* est ut « *immobilitate operetur* ». Et quantum ad hoc dicitur quod debet esse « *fortis* », ut scilicet propter verecundiam non dimittat.

**491.** — **Est autem confessio actus pœnitentiæ virtutis** ; quæ quidem *primo* initium sumit in horrore turpitudinis peccati. Et quantum ad hoc confessio debet esse « *verecunda* », ut scilicet non se jactet de peccatis propter aliquam sæculi vanitatem admixtam.

*Secundo* progreditur ad dolorem de peccato commisso. Et quantum ad hoc debet esse « *lacrimabilis* ».

*Tertio* in abiectione sui terminatur. Et quantum ad hoc debet esse « *humilis* », ut se miserum confiteatur et infirmum.

**492.** — **Sed ex propria ratione hujus actus qui est confessio, habet quod sit manifestativa** ; quæ quidem manifestatio per

1. Ed. « Ex ipsa autem ratione actus virtutis etc. ». — 2. η om. sequentia usque ad « quod debet esse pura » om. etiam « pœnitentia ». — 3. Ed. om. « hoc, scilicet »

*quatuor* impediri potest. *Primo* per falsitatem. Et quantum ad hoc dicit « *fidelis* », idest vera.

*Secundo* per obscuritatem. Et contra hoc dicit « *nuda* », ut non involvatur obscuritate verborum.

*Tertio* per verborum multiplicationem. Et contra hoc dicit quod sit « *simplex* », ut non recitet in confessione nisi quod ad quantitatem peccati pertinet.

*Quarto* ut non subtrahatur aliquid de his quæ manifestanda, sunt. Et contra hoc dicit « *integra* ».

**493. — Secundum autem quod confessio est pars sacramenti**, sic concernit iudicium sacerdotis qui est minister sacramenti. Unde oportet quod sit « *accusans* » ex parte confitentis; « *parere parata* » per comparisonem ad sacerdotem; « *secreta* » quantum ad conditionem fori, in quo de occultis conscientiae agitur.

**494. — Sed de bene esse confessionis** est quod sit « *frequens* »; et quod sit « *accelerata* », ut scilicet statim etiam<sup>3</sup> confiteatur.

**495. — AD PRIMUM** ergo dicendum quod non est inconveniens quod conditio unius virtutis in actu alterius inveniatur, qui ab ipsa imperatur; vel quia medium quod est unius virtutis principaliter, etiam aliae virtutes per participationem habent.

**496. — Ad secundum** dicendum quod hæc conditio, « *pura* », intentionis excludit perversitatem, a qua homo mundatur; sed « *simplex* », alieni admixtionem.

**497. — Ad tertium** dicendum quod hoc non est de necessitate confessionis, sed *de bene esse*.

**498. — Ad quartum** dicendum quod propter scandalum aliorum qui possunt ex peccatis auditis ad malum inclinari, non *debet confessio fieri* in publico, sed *in occulto*. Ex poena autem satisfactoria non scandalizatur ita aliquis; quia quandoque pro parvo vel nullo peccato similia opera satisfactoria fiunt.

**499. — Ad quintum** dicendum quod *intelligendum est de lacrymis mentis*.

## ARTICULUS V

### [I]

[*Infra* d. 18, 77-102; d. 22, 114-7, 3; *IV Cg.*, c. 71; *Quodl. IV* q. 7, a. 1; ps. 31.]

**500. — AD QUINTUM SIC PROCEDITUR.** Videtur quod CONFESSIO NON LIBERET A MORTE PECCATI.

1. Confessio emin contritionem sequitur. Sed contritio suffi-

1. L. *om.* « quod sit ». — 2. F. *ad.* « per subtractionem ». — 4. RAL. *om.* « etiam »; RA. « ut scilicet sæpe et cito »; ζηβκ « et ista »; 174 « ista etiam » et ιζοιK *om.* « statim ».

cienter delet culpam. Ergo confessio non liberat a morte peccati.

2. **Præterea.** *Sicut* mortale est culpa, *ita* etiam veniale. Sed per confessionem « *fit veniale quod prius erat mortale* », ut in **Littera (6)** dicitur. Ergo per confessionem non remittitur culpa, sed culpa in culpam mutatur.

**501. — SED CONTRA.** Confessio est pars sacramenti poenitentiae. Sed poenitentia a culpa liberat. Ergo et confessio.

[II]

[*Supra* 361, 462 ; d. 18, 91-102 ; d. 22, 114-5, 3 ; *IV Cg.* c. 72 ;  
*Orat. Dom.* c. 9 ; *Ps.* 31.]

**502. — ULTERIUS.** Videtur OUOD CONFESSIO NON LIBERET ALIQUO MODO A PENA.

1. Quia peccato non debetur nisi poena aeterna, vel temporalis. Sed poena aeterna per contritionem dimittitur, poena autem temporalis per satisfactionem. Ergo per confessionem nihil dimittitur de poena.

2. **Præterea.** « *Voluntas pro jacto reputatur* », ut in **Littera (2a)** dicitur. Sed ille qui contritus est, habuit propositum confitendi. Ergo tantum valuit sibi sicut si fuisset confessus. Et ita per confessionem quam postea facit, nihil de poena dimittitur.

**503. — SED CONTRA.** Confessio poenam habet. Sed per alia opera poenalia expiatur poena peccato debita. Ergo et per confessionem.

[III]

**504. — ULTERIUS.** Videtur quod non aperiat paradisum.

1. Quia diversorum diversi sunt effectus. Sed apertio paradisi est effectus baptismi. Ergo non est effectus confessionis.

2. **Præterea.** In id quod clausum est, ante apertionem intrari non potest. Sed ante confessionem moriens paradisum intrare potest. Ergo confessio non aperit paradisum.

**505. — SED CONTRA.** Confessio facit hominem subjici clavibus Ecclesiae. Sed per eas aperitur paradisus. Ergo et per confessionem.

[IV]

**506. — ULTERIUS.** Videtur quod confessionis effectus PONI non debeat quod tribuat spem SALUTIS.

1. L. « fuit ». — 2. L. *ad.* « est ». — 3. N. « ei ».

1. Quia spes ex omnibus meritoriis actibus provenit. Et sic non videtur esse proprius effectus confessionis.

2. **Præterea.** Per tribulationem ad spem pervenimus, ut patet *Rom.*, v, 3, 4. Sed tribulationem homo præcipue in satisfactione sustinet. Ergo tribuere spem salutis magis est satisfactionis quam confessionis.

**507. — SED CONTRA.** Per confessionem homo fit *humilior et mitior*, sicut in *Littera (10)* Magister dicit. Sed per hoc homo accipit spem salutis. Ergo confessionis effectus est tribuere spem, salutis.

**508. — RESPONSIO.** Dicendum **AD PRIMAM QUÆSTIONEM** quod pœnitentia in quantum est sacramentum, præcipue in confessione perficitur; quia per eam homo ministris Ecclesiæ se subdit, qui sunt sacramentorum dispensatores. Contritio enim votum confessionis annexum habet; et satisfactio pro iudicio sacerdotis cui fit confessio, taxatur. Et quia in sacramento pœnitentiæ gratia infunditur, per quam fit remissio peccatorum, sicut in baptismo; ideo **eol modo confessio ex vi absolutionis conjunctæ remittit culpam sicut et baptismus.**

**509. —** Liberat enim **baptismus** a morte peccati non solum secundum quod actu suscipitur<sup>3</sup>, sed etiam secundum quod in voto habetur: sicut patet in illis qui jam sanctificati ad baptismum accedunt. Et si aliquis impedimentum non præstaret, ex ipsa collatione baptismi gratiam consequeretur remittentem peccata, si prius sibi remissa non fuissent.

**510. — Et similiter dicendum est de confessione, adjuncta absolutione<sup>4</sup>,** quod, secundum quod in voto pœnitentis præcessit, a culpa liberavit; postmodum autem in actu confessionis et absolutionis gratia augetur; et etiam remissio peccatorum daretur, si præcedens dolor de peccatis non sufficiens ad contritionem fuisset, et ipse tunc obicem gratiæ non præberet. **Et ideo sicut de baptismo dicitur quod liberat a morte, ita et de confessione dici potest.**

**511. — AD PRIMUM** ergo dicendum quod contritio habet votum confessionis adjunctum<sup>5</sup>. *Et ideo eo modo liberat a culpa pœnitentes sicut desiderium baptismi baptizandos.*

**512. — Ad secundum** dicendum quod veniale non sumitur pro culpa, sed pro pœna de facili expiabili. Unde non sequitur quod culpa in culpam convertat<sup>6</sup>; sed penitus annihilat<sup>7</sup>. *Dicitur enim veniale tripliciter. Uno modo ex genere, sicut verbum*

1. Ed. « eodem ». — 2. Ed. *om.* « et ». — 3. Ed. « recipitur »; L. « percipitur ». — 4. L. « absolutioni ». — 5. L. « annexum ». — 6. F. L. « convertatur ». — 7. F. L. « annihilatur ».

otiosum. *Alio modo ex causa*, idest veniæ causam in se habens, sicut peccatum ex infirmitate. *Alio modo ex eventu*, sicut accipitur hic, quia per confessionem hoc evenit quod de culpa præterita homo veniam consequatur.

**513. — AD SECUNDAM QUÆSTIONEM** dicendum quod confessio simul cum absolutione habet vim liberandi a pœna *dupliciter*.

**Uno modo ex ipsa vi absolutionis.** Et sic quidem liberat in voto existens a pœna aeterna, sicut et a culpa : quæ quidem pœna est pœna condemnans, et ex toto exterminans, a qual homo liberatus<sup>2</sup>, adhuc manet obligatus ad pœnam temporalem, secundum quod pœna est medicina purgans, *et* promovens. Et hæc pœna restat in purgatorio patienda etiam his qui a pœna inferni liberati sunt : quæ quidem pœna est improporcionata viribus pœnitentis in hoc mundo viventis<sup>3</sup> ; sed per vim clavium in tantum diminuitur quod proportionata viribus pœnitentis remanet, ita quod satisfaciendo se in hac vita purgare potest.

**514. — Alio modo** diminuit pœnam *ex ipsa natura actus confitenlis* qui habet pœnam erubescentiæ annexam. **Et ideo quanto aliquis pluries de eisdem peccatis confitetur, tanto magis pœna diminuitur.**

Et per hoc patet responsio<sup>4</sup> **AD PRIMUM.**

**515. — Ad secundum** dicendum quod voluntas pro facto non reputatur in his quæ sunt ab alio, sicut est de baptismo — non enim valet voluntas suscipiendi baptismum sicut ipsius susceptio — sed *reputatur voluntas pro facio in his quæ sunt omnino ab homine*. Et iterum quantum ad præmium essenziale, non autem quantum ad pœnæ remotionem et hujusmodi, respectu quorum attenditur meritum accidentaliter et secundario. *Et ideo confessus et absolutus minus in purgatorio punietur quam contritus tantum.*

**516. — AD TERTIAM QUÆSTIONEM** dicendum quod a paradisi introitu prohibetur aliquis per culpam et reatum pœnæ. Et quia hæc impedimenta **confessio** amovet, ut ex dictis (sol. 1 et 2) patet, ideo **dicitur paradisum aperire.**

**517. — AD PRIMUM** ergo dicendum quod quamvis *baptismus et pœnitentia* sint diversa sacramenta, tamen *agnus in vi unius passionis Christi, per quam paradisi aditus*<sup>5</sup> est apertus.

**518. — Ad secundum** dicendum quod ante votum confessionis paradisi clausus erat peccanti mortaliter, quamvis postea

1. L. « etiam ». — 2. N. « quia ». — 3. F. « viventi ». — 4. F. « solutio ». — 5. ζ « paradisi ».

per contritionem votum confessionis importantem, apertus sit etiam ante confessionem actualiter factum. Non tamen obstaculum reatus est totaliter remotum ante confessionem et satisfactionem.

**519.** — **AD QUARTAM QUÆSTIONEM** dicendum quod spes remissionis peccatorum non est nobis nisi per Christum. Et quia homo per confessionem se subjicit clavibus Ecclesiæ ex passione Christi virtutem habentibus, **ideo dicitur quod confessio spem salutis tribuit.**

**520.** — **AD PRIMUM** ergo dicendum quod ex actibus non potest esse spes salutis principaliter, sed ex gratia Redemptoris. Et quia *confessio* gratiæ Redemptoris innititur, ideo *spem salutis tribuit non solum ut actus meritorius — sed ut sacramenti pars.*

**521.** — **Ad secundum** dicendum quod tribulatio spem salutis tribuit per experimentum propriæ virtutis et purgationem a poena sed confessio etiam modo prædicto (**519**).

#### EXPOSITIO TEXTUS

**522.** — « Dicunt enim quidam. » (**2**). *Tertia opinio* est quam *Magister* non tangit quod dimittitur culpa per contritionem sub conditione, scilicet si confiteatur.

*Sed hæc opinio minus habet de ratione quam aliæ*; quia status salutis non dependet ex futuro; quia, sicut dicitur *Eccle.*, xi, 3, « *lignum ubi ceciderit, ibi erit* ». Unde nihil est dictu quod homo ad statum salutis per dimissionem peccati reducat sub conditione confessionis simpliciter.

**523.** — « Votum pro operatione judicatur. » (**2a**) Hoc intelligendum est tam in bonis quam in malis, quando est votum plenum, ita quod nihil ab executione retardat nisi impotentia. Si autem operatio adjuncta addat aliquid ad voluntatem, sicut in illis operibus quæ habent in ipso actu delectationem voluntatem provocantem, tunc operatio addit etiam quantum ad meritum et demeritum substantiale. Alias non, sed semper addit operatio quantum ad aliquid adjunctum, quod est utilitas consequens actum in bonis ut effectus ejus, vel nocumentum in malis.

**524.** — « Non dicitur: Si ore », (**2b**) Ergo videtur quod non requiratur oris confessio. **Et dicendum** quod ipse gemitus habet votum vocalis confessionis adjunctum.

1. Ed. « dimittatur. ». — 2. Ed. \* vel ». — 3. Ed. loco « semper addit » habent « superaddit ».

**525.** — « Nemo potest confiteri », (2c) scilicet confessione efficaci ad salutem.

**526.** — « Quæ ut est vita corporis, etc. » (2c) Non oportet quod sit similitudo quantum ad omnia, sed solum quantum ad hoc quod *sicut* anima corpori sensum et motum præbet per hoc quod est in corpore, ita Deus animæ spiritualiter quam inhabitat per gratiam.

**527.** — « Non potest quisquam, etc. » (3a) Hæc tria purgantia sic distinguuntur; quia *baptismus* purgat a culpa originali et actuali, sed *pœnitentia* quantum ad contritionem a culpa actuali tantum, *confessio* autem actu exercita directe a pœna.

**528.** — « Nemo dicat occulte », (3b) ita scilicet quod sacerdoti non manifestet.

**529.** — « *Si erubui in conspectu, etc.* » (3b) **J**ob., xxxi, 33. Ergo videtur quod liceat publice confiteri.

**Et dicendum** quod nostra littera quæ verior est, habet: « *Si abscondi ut homo peccatum meum* »; ip quo negatur abscondio contra mandatum Dei facta.

**530.** — Sustinendo autem litteram quæ hic ponitur, **dicendum** quod non licet publice confiteri, nisi forte sit peccatum manifestum; quia talis humilitas proximo præjudicaret, qui ex peccato manifestato posset scandalizari. Sed satisfactio in manifesto facta quodammodo peccatum in conspectu populi confitetur.

**531.** — **Vel dicendum** quod loquitur de confessione facta in iudicio et non de confessione sacramentali.

**532.** — « Nullus debiti gravioris, etc. » (3c) Hæc auctoritas et sequens ostendunt quod sine satisfactione peccatum non dimittitur: quod etiam hæc opinio dicebat.

**533.** — « Quibusdam visum est, etc. » (5a) Hoc quod ponitur hic pro opinione, *hæresis* est, non quod explicite sit contra aliquem articulum vel præcedens vel sequens ad ipsum, sed implicite aliquid contrarium fidei continet; quia sequitur quod claves Ecclesiæ non sint necessariae ad salutem.

Et in talibus antequam determinetur per Ecclesiam quod ex eis sequitur? aliquid contrarium fidei, non iudicatur hæresis esse hæc opinio. Et sic **Magister** et **Gratianus** hoc pro opinione ponunt.

Sed nunc post determinationem Ecclesiæ sub **Innocentio III** factam, hæresis reputanda est.

**534.** — « Revela viam tuam, etc. » (5b) Hic non loquitur de revelatione sacramentali, sed de revelatione quæ fit in supplicatione orationis.

**535.** — « Non dico ut confitearis ea, etc. » (5c). Qui enim confitetur sacerdoti, non confitetur ei ut conservo, sed ut Deo.

1. Ed. *om.* « Vel dicendum quod loquitur de confessione facta in iudicio et non de confessione sacramentali ». — 2. Ed. « sequatur ». — 3. Ed. *om.* « hæc opinio ».

536. — « In se voluntariæ excommunicationis, etc. »(5d). Non quod aliquis seipsum excommunicare possit, sed excommunicatio hic large ponitur pro voluntaria cohibitione, qua aliquis se subtrahit a»sacris ex humilitate.

537. — « Justitia enim sola damnat. »(6a) Hæc loquitur Augustinus ex hypothesi, idest si Deus tantum justitia uteretur contra nos sine misericordia ; quia ad gratiam ipsius post peccatum sine misericordia redire non possemus.

538. — « Quanto pluribus confitetur » (6b) : non dividens peccata, sed integre omnibus. Consequitur autem majorem veniam saltem propter erubescensiam et sacerdotis intercessionem ; vel etiam ex vi clavium, ut Quidam dicunt. Sed de hoc in propinqua dist. dicetur.

539. — « Qui sciat ligare et solvere. » (7a) Hæc scientia, etsi non sit major, tamen tanta debet esse ut sciat distinguere inter peccatum et non peccatum, et peccatum mortale et veniale. Et si in aliquo esset dubitatio, posset ad discretiores recurrere. Ponuntur autem multæ conditiones aliæ, quæ ad confessorem requiruntur, ut confitentes alliciat, quæ his versibus continentur :

Confessor dulcis, affabilis atque suavis,  
Prudens, discretus, mitis, pius atque benignus.

540 — « Non petat sacerdotes, etc. » (7b) ; quia tales executionem ordinis non habent et jurisdictione carent. Et loquitur de divisione per hæresim, aut schisma, aut excommunicationem.

1. ζ « si ». — 2. « creata ». — 3. N.« confessarium ». — 4. Textus « Nemo ». — 5. N. « vel per ».

## DISTINCTIO XVIII

### De remissione sacerdotis

1. — Hic quæri solet si peccatum omnino dimissum est a Deo per cordis contritionem, ex quo pœnitens votum habuit confitendi, quid postea dimittatur ei a sacerdote. Video enim quo vinculo eum ligat, scilicet temporalis pœnæ, sed non a quo eum absolvat; et ideo quæro: Ante poenitudinem quippe cordis anima rei maculam habet et fœtorem peccati, atque æternæ ultionis vinculo ligata existit. Si vero ante confessionem per cordis contritionem Deus per seipsum sine ministerio sacerdotis et debitum omnino relaxat et animam interius purgat a contagione et fœtore peccati, quid ergo mundat, quid dimittit sacerdos? Ubi sunt claves illæ quas Dominus tradidit Petro et successoribus ejus dicens (Mat., xvi, 19): « *Tibi dabo claves regni cœlorum, et quæcumque ligaveris super terram, erunt ligata et in cœlo; et quæcumque solveris super terram, erunt soluta et in cœlo?* »

Ut autem præmissa quæstio plenius explicari valeat, quasi altius ducto rete, de his clavibus et usu earum disseramus.

### De clavibus

2. — Claves istæ sunt non corporales, sed spirituales, scilicet « *discernendi scientia et potentia judicandi* », idest ligandi et solvendi, qua « *dignos recipere, indignos debet excludere a regno* » ecclesiasticus judex, qui sicut habet jus ligandi, ita et solvendi\*.

Unde Ambrosius (lib. I *De pœnit.*, c. 2, n. 7; L. 16, 468): « *Dominus par jus et solvendi esse voluit et ligandi, qui utrumque pari conditione promisit. Ergo qui solvendi jus non habet, nec ligandi habet.* »

a. — Et infra: « *Certum est quod Ecclesiæ utrumque licet, hæresis utrumque non habet. Jus enim hoc solis permixtum est sacerdotibus. Recte igitur Ecclesiæ hoc sibi vindicat, quæ veros sacerdotes habet; hæresis vindicare non potest, quæ veros sacerdotes non habet.* »

### De usu clavium

3. — Usus verò harum clavium multiplex est: discernere scilicet ligandos et solvendos, ac deinde ligare vel solvere. « *Qui enim indignos ligat vel solvit, propria potestate se privat* », idest dignum privatione se facit.

Si sacerdos potest dimittere vel retinere peccata

4. — Sed quæritur utrum a peccato solvere valeat sacerdos, idest a culpa, ut culpæ maculam abstergat, vel debitum æternæ mortis solvere valeat.

1. Quar. «contagio». — 2. Cfr. *Sum. Sent.*, tract. 6, c. 11; L. 176, 147. — 3. Quar. «quodcumque ligaveris... erit ligatum... et quodcumque solveris... erit solutum et in cœlis». — 4. Cf. loc. cit. c. 14; L. 176, 152. — 5. Ed. «permisit». — 6. Ed. «ergo». — 7. Quar. *om.* «sibi». — 8. Quar. «ergo». — 9. Quar. «vel». — 10. Gregorius II *Hom. in Evang.*, horn. 26, n. 5; L. 76, 1200. —

Quidam l arbitrati sunt, cum peccator dupliciter ligatus teneatur, ut prædictum est, scilicet mentis contagione ac cæcitate et debito futuræ pœnæ, alterum curari per Deum, alterum solvi per sacerdotem. Patitur enim per peccatum quasdam tenebras interiores et maculas, a quibus nisi liberetur, projicietur « *in tenebras exteriores* ». Cum autem liberatur (Mat., XXII, 13) ab his, suscitatur a morte peccati.

Unde Apostolus (Ephes., v, 14) : « *Surge qui dormis, et illuminabit te Christus* ». Solus enim Christus, non sacerdos, animam resuscitat, ac pulsus tenebris interioribus et maculis, eam illuminat et mundat qui animæ faciem lavat. Debitum vero æternæ pœnæ solvere concessit sacerdotibus. Quod in resurrectione Lazari signatum<sup>2</sup> asserunt, quem Christus prius per se interius vivificavit, deinde foras exire jussit, eumque adhuc ligatum solvere Apostolis præcepit (Joan., xi, 14), quia, ut aiunt, ipse interius animam a caligine maculaque peccati emundat; sacerdotibus vero dedit vinculum æternæ mortis solvere.

5. — Alii vero<sup>3</sup> dicunt solum Deum, non sacerdotem, debitum æternæ mortis dimittere, sicut et animam interius per se vivificat; nec tamen diffitentur sacerdotibus traditam potestatem peccata dimittendi<sup>4</sup> et retinendi, quibus dictum est (Joan., xx, 23) : « *Quorum remiseritis peccata, etc.* » Sicut enim Christus retinuit sibi potestatem baptismi, ita et pœnitentiæ. Et ideo sicut interius gratia sua animam illuminat, ita et simul debitum æternæ mortis relaxat. Ipse enim per se ipsum peccata pœnitentium tegit; et tunc tegit quando ad poenam non reservat. Tunc ergo<sup>6</sup> tegit quando debitum pœnæ solvit.

Quod autem ipse tegat, aperte dicit Augustinus exponens illum locum (ps. xxxi, 1, n. 9; L. 36, 264) : « *Quorum tecta sunt peccata*, idest « *cooperta et abolita* ». *Si enim texit Deus peccata, noluit advertere. Si noluit advertere, noluit animadvertere, idest punire, sed ignoscere. Ita ergo dicit a Deo tecta, ut Deus non videat, idest æternaliter puniat.* » Videre enim Dei peccata, est ad pœnam imputare; avertere autem faciem a peccatis, hoc est ea ad pœnam non reservare.

Item Hieronymus (in Glossa, L. 113, 887) : « *Quibus Deus dimittit peccata, tegit, ne in judicio revelentur.* »

Item Cassiodorus (ibidem) : « *Qui gravia habent peccata, aliis Deus imputat, aliis per misericordiam non imputat.* »

Ex his aperte ostenditur quod Deus ipse poenitentem solvit a debito pœnæ, et tunc solvit quando intus illuminat inspirando veram cordis contritionem.

6. — Cui sententiæ ratio suffragatur, et auctoritates attestantur.

Nemo enim de peccato vere compungitur, habens « *cor contritum et humiliatum* » (ps. 1, 19), nisi in caritate. Qui autem caritatem habet, vita dignus est. Nemo autem simul vita et morte dignus est. Non est igitur<sup>7</sup> tunc ligatus debito æternæ mortis. Filius enim iræ esse desiit ex quo diligere et pœnitere coepit. Ex tunc igitur<sup>8</sup> solutus est ab ira, quæ non manet super illum qui credit in Christum, sed super illum qui non credit. Non igitur<sup>10</sup> postmodum per sacerdotem cui confitetur, ab ira æterna liberatur, a qua jam liberatus est per Dominum, ex quo dixit : « *Confitebor.* » Solus ergo Deus hominem interius mundat a macula peccati, et a debito æternæ pœnæ solvit, qui per Prophetam ait (Is., xliiii, 25) : « *Ego solus deleo iniquitates et peccata populi.* »

1. Cf. Hug. II *De Sacram.*, p. 14, c. 8; L. 176, 564 et 148. — 2. Ed. « designatum ». — 3. F. om. « vero ». — 4. Quar. « remittendi ». — 5. Quar. « Et tunc ». — 6. Cf. etiam *Enar. in ps.* 1, n. 14; L. 36, 594. — 7. F. om. « ad. ». — 8. Ed. « ergo ». — 9. Ed. « ergo ». — 10. Ed. « ergo ».

a. — Item Ambrosius (l. II, *De Cain et Abel*, c. 4, n. 15 ; L. 14, 366) : « *Verbum Dei dimittit peccata, sacerdos est iudex. Sacerdos quidem officium suum exhibet, sed nullius potestatis jura exercet.* »

Idem (*In Luc.* lib. VI, n. 109 ; L. 15, 1698). « *Ille solus peccata dimittit qui solus pro peccatis nostris mortuus est.* »

Item Augustinus (*Decr., de consecr.*, d. 4, c. 141 ; L. 187, 1849) : « *Nemo tollit peccata, nisi solus Deus, qui est Agnus tollens peccata mundi. Tollit autem et dimittendo quæ facta sunt, et adjuvando ne fiant, et perducendo ad vitam ubi omnino fieri non possunt.* »

His, aliisque pluribus testimoniis docetur Dominum<sup>2</sup> solum per se peccata dimittere ; et sicut peccata dimittit quibusdam, ita et aliorum quorundam peccata retinet<sup>3</sup>.

Quod sacerdotes etiam dimittunt peccata, et tenent peccata  
SUO MODO

7. — Nec ideo tamen negamus sacerdotibus concessam potestatem dimittendi et retinendi peccata, cum hoc Veritas in Evangelic aperte doceat.

a. — Hinc Augustinus ait (*In Joan.*, tract. 121, η. 4 ; L. 35, 1958) : « *Ecclesie caritas quæ per Spiritum sanctum diffunditur in cordibus nostris, eorum qui participes sui sunt, peccata dimittit ; eorum qui non sunt, tenet.* »

Idem (*De vera et falsa pœnit.*, c. 10, n. 25 ; L. 40, 1122) : « *Sacerdotes possunt confitentibus parcere ; quibus enim remittunt<sup>4</sup>, remittit Deus. Lazarum enim de monumento suscitatum obtulit discipulis solvendum, per hoc ostendens potestatem solvendi concessam sacerdotibus. Dixit enim (Mat., xvi, 19) : « Quodcumque solveritis super terram, erit solutum et in cælo etc. » « hoc est, ego Deus et omnes cælestis curiæ<sup>5</sup> ordines, et omnes Sancti in gloria mea laudant vobiscum et confirmant quos ligatis et solvitis. Non dixit : Quos putatis ligare et solve, sed in quos exercetis opus justitiæ vel<sup>6</sup> misericordiæ. Alia autem<sup>7</sup> opera vestra in peccatores non cognosco. »*

Idem (in lib. VI, *De baptis. contra Donatistas*, c. 4, n. 6 ; L. 43, 200) : « *Cum veraciter ad Deum converso peccata dimittuntur ab eis dimittuntur<sup>4</sup>, quibus ipse veraci conversione conjungitur. Spiritus sanctus ea dimittit, qui datur<sup>8</sup> omnibus Sanctis sibi caritate coherentibus, sive se noverint corporaliter, sive non. Similiter cum alicujus tenentur peccata, ab eis tenentur a quibus ille cordis pravitate disjungitur, sive notis corporaliter, sive ignotis.* » « *Omnes mali spiritualiter a bonis sejuncti sunt* » (ibid., c. 5, n. 7). Ecce hic dicit, peccata dimitti vel<sup>10</sup> teneri a viris sanctis, et tamen Spiritum sanctum ea dimittere dicit.

Et quod majori consideratione dignum est, idem etiam dicit quod Deus per se, vel per sanctos suos tantum dimittit peccata. Ait enim sic (ibid., lib. V, c. 21, n. 29 ; L. 43, 191) : « *Sacramentum gratiæ dat Deus etiam per malos, ipsam vero gratiam non nisi per seipsum vel per sanctos suos. Et ideo remissionem peccatorum vel per seipsum facit, vel per ipsius columbæ membra, quibus ait : « Si cui dimiseritis, dimittentur »* (Joan., xx, 23.)

Ecce quam varia a doctoribus traduntur super his. Et in hac tanta varietate quid tenendum ?

8. — Hoc sane dicere ac sentire possumus quod solus Deus dimittit

1. Quar. « possint ». — 2. Quar. « Deum ». — 3. F. « retinere ». — 4. Ed. *om.* « remittunt ». — 5. Quar. « militiæ ». — 6. Ed. « et ». — 7. Quar. « Aliter autem et alia ». — 8. Ed. *om.* « dimittuntur ». — 9. Quar. « datus est ». — 10. Ed. « et ».

peccata et retinet; et tamen Ecclesiæ contulit potestatem ligandi et solvendi. Sed aliter ipse solvit et ligat; aliter Ecclesia. Ipse enim per se tantum! dimittit peccatum, quia<sup>2</sup> et animam mundat ab interiori macula et a debito æternæ mortis solvit.

Quomodo sacerdotes ligant et solvunt a peccatis

Non autem hoc sacerdotibus concessit, quibus tamen tribuit potestatem solvendi et ligandi, idest ostendendi homines ligatos vel solutos. Unde\* Dominus leprosum sanitati prius per se restituit, deinde ad sacerdotes misit quorum iudicio ostenderetur mundatus. Ita etiam Lazarum jam vivificatum obtulit discipulis solvendum. Quia etsi aliquis apud Deum sit solutus, non tamen in facie Ecclesiæ solutus habetur, nisi per iudicium sacerdotis. In solvendis igitur<sup>4</sup> culpīs vel retinendis ita operatur sacerdos evangelicus et iudicat, sicut olim legalis in illis qui contaminati erant lepra, quæ peccatum significat<sup>5</sup>.

Unde Hieronymus *Super Mat.* (xvi, 19), ubi Dominus ait Petro « *Tibi dabo claves regni cælorum; et quodcumque ligaveris super terram, erit ligatum et in cælis; et quodcumque solveris super terram, erit solutum et in cælis.* » (L. 26, 118): « *Hunc, inquit, locum quidam non intelligentes, aliquid sumunt de supercilio Phariseeorum, ut damnare innoxios vel solvere se putent noxios, cum apud Deum non sententia sacerdotum, sed reorum vita queratur. In Levitico (xiv, 2) se ostendere sacerdotibus jubentur leprosi, quos illi non faciunt leprosos vel mundos sed discernunt qui mundi vel immundi sunt. Ita et hinc.* »

Aperte ostenditur quod non sequitur Deus Ecclesiæ iudicium, quæ per surreptionem et ignorantiam interdum iudicat; Deus autem semper iudicat secundum veritatem. Et in remittendis vel in retinendis culpīs id iuris et officii habent ecclesiastici sacerdotes quod olim habebant sub lege legales in curandis leprosis. Hi ergo peccata dimittunt vel retinent, dum dimissa a Deo vel retenta iudicant et ostendunt. Ponunt enim sacerdotes « *nomen Domini super filios Israel; sed ipse benedicit* », ut legitur in *Numeris* (vi, 27). Hunc modum ligandi et solvendi Hieronymus supra notavit.

9. — Ligant quoque sacerdotes, dum satisfactionem pœnitentiæ coniiitentibus imponunt; solvunt, cum de ea aliquid dimittunt, vel per eam purgatos ad sacramentorum communionem admittunt; quem modum superius Leo Papa (d. 17, c. 3) notavit. Secundum hunc modum dicuntur etiam sacerdotes dimittere peccata vel retinere. Unde superius Augustinus (7a): « *Quibus remittunt, remittit Deus, etc.* » Opus enim iustitiæ exercent in peccatores, cum eos iusta pœna ligant; opus misericordiæ, dum de ea aliquid relaxant, vel sacramentorum communioni conciliant; alia opera in peccatores exercere nequeunt.

Et notandum est<sup>8</sup> quia quos satisfactione pœnitentiæ ligant, eo ipso a peccatis solutos ostendunt; quia non imponitur alicui satisfactio pœnitentialis, nisi quem sacerdos vere pœnitentem arbitrat; alii non imponit, et eo ipso peccatum retineri a Deo iudicat<sup>9</sup>.

Quod autem hoc ad claves pertineat Augustinus ostendit (*Serm.* 392, c. 3, n. 3; L. 39, 1711), dicens: « *Frustrat claves Ecclesiæ qui sine arbitrio sacerdotis pœnitentiam agit, si sine oris confessione criminis indulgentiam impetratur!* »

1. Quar. ad. « ita ». — 2. Quar. « quod ». — 3. Quar. ad. « et ». — 4. Ed. « ergo ». — 5. Quar. « figurat ». — 6. Ed. om. « hic ». — 7. Ed. « dicitur ». — 8. Quar. om « est ». — 9. Quar. « indicat ». — 10. Quar. « criminis indulgentia impetratur ».

A l i u s m o d u s l i g a n d i e t s o l v e n d i

**10.** — Est et alius modus ligandi et solvendi, qui per excommunicationem geritur, dum aliquis secundum canonicam disciplinam tertio vocatus ad emendationem manifesti delicti, et satisfacere vilipendens, sententia Ecclesiae a loco orationis et sacramentorum communione et fidelium consortio præciditur ut erubescat, et pudore sceleris confusus lædatur, ut sic spiritus ejus salvus sit. Quod si poenitentiam profitens resipuerit, negatæ communioni admittitur et Ecclesiae reconciliatur. Hæc est autem Ecclesiae anathematizatio. Hanc poenam illis qui digne percelluntur, infligit, quia gratia Dei et protectio illis amplius subtrahitur, ac sibi ipsi relinquuntur ut sit eis liberum ruere in interitum peccati. In quos etiam major diabolo sæviendi datur potestas. Orationes quoque Ecclesiae, et benedictionum ac meritorum suffragia eis nequaquam suffragari putantur.

Quomodo secundum hos modos intelligendum sit illud :  
« *Quodcumque solveris, etc.* »

**11.** — Secundum hos ligandi et solvendi modos, quomodo verum est quod dicitur : « *Quodcumque solveris super terram, erit solutum et in cælis ; et auodcumque ligaveris super terram, erit ligatum et in cælis, etc.* ? » Aliquando enim ostendunt solutos vel ligatos, qui ita non sunt apud Deum ; et pœna satisfactionis, vel excommunicationis interdum indignos ligant vel solvunt, et indignos sacramentis admittunt, ut dignos admitti arcent.

Sed intelligendum est hoc in illis quorum merita solvi vel ligari postulant. Tunc enim sententia sacerdotis judicio Dei et totius cælestis curiæ approbatur et confirmatur, cum ita ex discretionem prodit ut reorum merita non contradicant. Quoscumque ergo solvunt vel ligant adhibentes elavem discretionis, reorum meritis solvuntur vel ligantur in cælis, idest apud Deum ; quia divino judicio sacerdotis sententia sic progressa approbatur et confirmatur. Quos ergo secundum meritum sententia Ecclesiae percellit lædit et illi foris sunt apud Deum.

Qui autem non meruit, sententia Ecclesia; non læditur, nisi contemnat.

Unde Origenes (*In Leviticum, hom. 14, n. 3 ; G. 12, 556*) : « *Exiit quis a veritate, a fide, a caritate, per hoc exit de castris Ecclesiae, etsi Episcopi voce non abjiciatur ; sicut et contra aliquis non recto judicio foras mittitur. Sed si non agit ut mereatur exire, nihil læditur. Interdum enim qui foras mittitur, intus est ; et qui foris est, intus videtur retineri.* »

Ecce qualis et quantus est usus apostolicarum clavium. Jam ostensum est ex parte, qualiter sacerdotes dimittunt peccata vel tenent ; et tamen retinuit sibi Deus quamdam singularem potestatem dimittendi vel retinendi ; quia ipse solus per se debitum æternæ mortis solvit et animam interius purgat.

Quæ sint interiores tenebræ et interior macula

**12.** — Hic quæritur quæ sit illa macula et quæ sint illæ tenebræ interiores a quibus Deus interius animam purgat, cum veram poenitentiam immittit.

**a.** — De tenebris et interiori caligine satis facile est et intelligere et

1. Quar. « conversus ». — 2. Quar. « ligaveritis ». — 3. Quar. om. « ita ». — 4. Quar. « et ». — 5. Quar. « etiamsi ». — 6. Quar. « mereretur ». — 7. Ed. « quantum ». — 8. Quar. om. « et ».

respondere. Cum enim quis mortaliter delinquit etl gratia virtutis privatur, si qua præcessit, et naturalium bonorum elisionem patitur; unde etl intellectus obtunditur, et totus homo interior obtenebratur, et ita quasi caligine quadam mens obvolvitur: quæ caligo peccati pœna est. Hanc vero Deus pellit, cum poenitentiam immittit, per quam perditâ bona restituit et vitiata reparat. Unde Prophetâ (ps. cxlvii, 16): «*Nebulam sicut cinerem spargit.*»

Sed quæ est macula peccati a qua anima lavatur? Ecce enim quis voluit facere homicidium et patravit; quo patrato desinit tam velle quam facere; nondum tamen vere et humiliter poenitet, nec confiteri proponit. Quæ igitur<sup>4</sup> remansit in anima illius macula? Mala voluntas quidem fuit macula illius animæ, sed illa transit; macula etiam est, si poenitere contemnit. Sed hoc est peccatum aliud a præcedenti. Quæ igitur<sup>5</sup> macula remansit, a qua ipse in pœnitentia purgatur?

Polluta quidem est anima quousque pœniteat<sup>6</sup>, sicut erat dum in ea prava erat voluntas. Sicut enim qui tangit morticinum, vel aliud immundum, ita pollutus est post tactum quousque lavetur, sicut fuit dum tangeret; ita post actum peccati ita polluta remanet anima, sicut fuit in ipso actu peccati; quia ita est longe a Deo per dissimilitudinem, qui est vita et munditia mentis, sicut fuit dum peccatum ageret. Ipsa ergo dissimilitudo quæ inest animæ ex peccato, et est a Deo elongatio, animæ macula intelligitur, a qua purgatur in pœnitentia. Hoc autem solus Deus facit, qui solus suscitât animam et illuminat: quod sacerdotes nequeunt, qui tamen medici sunt animarum.

Unde Prophetâ (ps. lxxxvii, 11): «*Numquid medici suscitabunt, et confitebuntur tibi?*» quod exponens Augustinus ait (L. 37, 1116): «*Boni doctores recte medici dicuntur, qui viventes curare ministerio possunt, sed non mortuos suscitare. Sola enim Dei gratia reviviscunt.*»

## DIVISIO TEXTUS

### 13. — « Hic quæri solet si peccatum etc. »

Postquam determinavit Magister de pœnitentia quantum ad totum et partes ejus, *hic incipit determinare de potestate ministrorum*, quibus hujus sacramenti dispensatio est commissa.

Et dividitur in partes *duas*. *In prima* determinat de ipsa potestate quæ claves Ecclesiæ dicuntur. *In secunda* determinat de habentibus claves, 19 d., ibi: « Postquam ostensum est etc. »

*Prima in duas*. *In prima* movet quæstionem ex prædictis de potestate ministrorum. *In secunda* determinat eam, ostendens quæ dicantur Ecclesiæ claves, et ad quid se extendant, ibi: « Claves istæ non sunt etc. » (2).

Et hæc pars in *duas*. *In prima* determinat de clavibus Ecclesiæ ordinatis ad peccatorum remissionem. *In secunda* determinat de quibusdam circa peccatum existentibus, per quorum ablationem peccatum remitti dicitur, ibi: « Hic quæritur quæ sit illa macula, etc. » (12).

1. Ed. om. « et ». — 2. Quar. om. « et ». — 3. Quar. « animam lavat ». — 4. Ed. « ergo ». — 5. Ed. « ergo ». — 6. Quar. « poenitet ». — 7. Quar. « fuerat ».

Prima in *duas*. In *prima* determinat de clavibus ; in *secunda* de effectu earum, ibi : « Sed quæritur utrum a peccato etc. » (4).

Circa primum *duo* facit. *Primo* ostendit quid sint claves. *Secundo* ostendit quid sit earum usus, ibi : « Usus vero harum etc. » (3).

« Sed quæritur utrum a peccato, etc. » (4). *Hic inquirit de effectu clavium*. Et dividitur in *duas* partes. In *prima* ostendit quod potestas clavium non se extendit ad remissionem culpæ ; quia hoc solius Dei est. In *secunda* ostendit per quem modum sacerdotes dicuntur peccata remittere, ibi : « Nec ideo tamen negamus etc. » (7).

Circa primum *tria* facit. *Primo* ponit opinionem quorundam qui dicebant quod potestas clavium se extendit ad remissionem pœnæ æternæ, quamvis non se extendat ad remissionem culpæ. *Secundo* ponit aliam quæ dicit quod ad neutrum horum se extendit, ibi : « Alii vero dicunt etc. » (5). *Tertio* confirmat hanc secundam opinionem, cui consentit per rationes et auctoritates ibi : « Cui sententiæ ratio suffragatur etc. » (6).

« Nec ideo tamen. » (7). *Hic inquirit modum quo sacerdotes dicantur peccata remittere*. Et circa hoc *tria* facit. *Primo* ostendit per auctoritates quod sacerdotes aliquo modo peccata remittunt. *Secundo* ostendit quod sacerdotes aliter quam Deus peccata remittant, ibi : « Hoc sane dicere etc. » (8). *Tertio* movet quamdam dubitationem ex modis assignatis, ibi : « Secundum hos ligandi et solvendi etc. » (11).

Circa secundum *tria* facit. *Primo* ostendit quomodo se habeat sacerdos in ligando et solvendo quantum ad culpam ; *secundo* quomodo se habeat quantum ad pœnam ad pœnam in foro conscientiæ injungendam, ibi : « Ligant quoque sacerdotes etc. » ; (9) *tertio* quantum ad pœnam excommunicationis quæ infligitur in foro contentioso, ibi : « Est et alius modus etc. » (10).

Hic est duplex quæstio

Prima de clavibus.

Secunda de excommunicatione.

## QUÆSTIO I

Circa primum quærentur tria

*Primo*, de clavibus secundum se.

*Secundo*, de remissione peccatorum ad quam ordinantur claves.

*Tertio*, de effectu clavium.

1. F. « extendat ». — 2. N. « quomodo ».

## ARTICULUS I

ra

**14. — AD PRIMUM SIC PROCEDITUR.** Videtur quod claves in Ecclesia esse non debeant.

1. Non enim requiruntur claves ad intrandum domum cujus ostium est apertum. Sed *Apoc.*, iv, 1, dicitur : « *Vidi et ecce in caelo ostium apertum* : quod Christus est, qui de seipso dicit (*Joan.*, x, 7) : « *Ego sum ostium.* » Ergo ad introducendum in caelum Ecclesia clavibus non indiget.

**2. Præterea.** Clavis est ad aperiendum et claudendum. Sed hoc solius Christi est, qui « *aperit et nemo claudit, claudit et nemo aperit,* » *Apoc.*, m, 7. Ergo Ecclesia in ministris suis claves non habet.

**3. Præterea.** Cuicumque clauditur caelum, aperitur infernus, et e contrario. Ergo quicumque habet claves caeli, habet claves inferni. Sed Ecclesia non dicitur habere claves inferni. Ergo nec claves caeli habet.

**15. — SED CONTRA** est quod dicitur *Mat.*, xvi, 19 : « *Tibi dabo claves regni caelorum.* »

**16. — Præterea.** Omnis dispensator debet habere claves eorum quæ dispensat. Sed ministri Ecclesiæ sunt « *dispensatores divinorum* » ut patet *I Cor.*, iv, 1. Ergo debent habere claves.

## [II]

[*Mat. c. 16.*]

**17. — ULTERIUS.** Videtur quod clavis non sit *potestas ligandi et solvendi qua ecclesiasticus iudex dignos recipere, indignos excludere debet a Regno*, ut ex *Littera* (2) habetur, et ex *Glossa Hieronymi Mat.*, xvi, 19 (L. 114, 142).

1. Potestas enim spiritualis in sacramento collata, est idem quod character, ut supra d. 4, (33) dictum est. Sed clavis et character non videntur idem esse ; quia per characterem homo Deo comparatur, per claves autem ad subditos. Ergo clavis non est « *potestas* ».

**2. Præterea.** Ecclesiasticus iudex non dicitur nisi ille qui habet jurisdictionem, quæ simul cum ordine non datur. Sed claves in ordinis susceptione conferuntur. Ergo non debuit de « *ecclesiastico iudice* » in definitione clavium mentio fieri.

**3. Præterea.** Ad illud quod aliquis habet ex seipso, non

1. Quar. ad. « in ». — 2. Ed. ad. « mysteriorum ». — 3. Ed. « id ».

indiget aliqua potestate activa per quam inducatur ad actum. Sed eo ipso quod aliquis est dignus, ad Regnum admittitur. Ergo non pertinet ad potestatem clavium « *dignos ad Regnum admittere.* »

4. **Præterea.** Peccatores indigni sunt Regno. Sed Ecclesia pro peccatoribus orat ut ad Regnum perveniant. Ergo non « *excludit indignos* », sed magis admittit, quantum in se est.

5. **Præterea.** In omnibus agentibus ordinatis ultimus finis pertinet ad principale agens, non ad agens instrumentale. Sed principale agens ad salutem hominis est Deus. Ergo ad Deum pertinet ad Regnum admittere, quod est ultimus finis ; et non ad habentem claves, qui est sicut instrumentum vel minister.

### [III]

[IV Cg., c. 72 ; Mat. c. 16] .

**18. — ULTERIUS.** Videtur QUOD NON SINT DUÆ CLAVES. SED TANTUM UNA.

1. Ad unam enim seram non requiritur nisi una clavis. Sed sera ad quam amovendam ordinantur Ecclesiæ claves, est peccatum. Ergo contra unum peccatum non indiget Ecclesia duabus clavibus.

2. **Præterea.** Claves in collatione ordinis conferuntur. Sed scientia non est ex infusione semper, sed quandoque ex acquisitione ; nec ab omnibus ordinatis habetur et a quibusdam non ordinatis habetur. Ergo « *scientia* » non est clavis. Et sic est tantum una clavis, scilicet « *potestas judicandi* ».

3. **Præterea.** Potestas quam habet sacerdos super corpus mysticum, dependet ex potestate quam habet super corpus Christi verum. Sed potestas conficiendi corpus Christi verum est una tantum. Ergo clavis quæ est potestas respiciens corpus Christi mysticum, est una tantum.

**19. — SED CONTRA.** Videtur quod sint plures quam duæ.

4. Quia *sicut* ad actum hominis requiritur potentia et scientia, *ita* et voluntas. Sed « *scientia discernendi* » ponitur clavis, et similiter « *potentia judicandi* ». Ergo et « *voluntas absolvendi* » deberet dici clavis.

**20. — 5. Præterea.** Tota Trinitas peccata<sup>3</sup> remittit. Sed sacerdos per claves est minister remissionis peccatorum. Ergo debet habere tres claves, ut Trinitati configureretur.

**21. — RESPONSIO.** Dicendum **AD PRIMAM QUÆSTIONEM** quod in corporalibus dicitur *clavis* instrumentum quo

1. L. *om.* « habetur ». — 2. F. « confitendi » ; L. « ad conficiendum ». — 3. L. « peccatum ».

ostium aperitur. Regni autem ostium nobis clauditur per peccatum et quantum ad maculam, et quantum ad reatum pœnæ. **Et ideo potestas qua tale obstaculum Regni removetur dicitur clavis.**

**22.** — Hæc autem potestas est quidem in sanctissima Trinitate per auctoritatem. Et ideo dicitur a *Quibusdam* quod habet « **elavem auctoritatis** ».

**23.** — Sed in Christo homine fuit hæc potestas ad removendum prædictum obstaculum per meritum passionis, quæ etiam dicitur « *januam aperire* ». Et ideo dicitur habere secundum *Quosdam* « **claves excellentiæ** ».

**24.** — Sed quia « *ex latere dormientis in cruce sacramenta fluxerunt, quibus Ecclesia fabricatur* » (*Augustinus in Rom. v, 14; L. 114, 486*); ideo in sacramentis Ecclesiæ efficacia passionis manet. Et propter hoc etiam in ministris Ecclesiæ qui sunt dispensatores sacramentorum, potestas aliqua manet ad prædictum obstaculum removendum<sup>2</sup>, non propria virtute, sed virtute divina et passionis Christi. Et hæc potestas metaphrice « *clavis Ecclesiæ* » dicitur, quæ est « **clavis ministerii** ».

**25.** — **AD PRIMUM** ergo dicendum quod ostium cæli, quantum est de se, semper est apertum; sed alicui clausum dicitur propter impedimentum intrandi in caelum quod in ipso est. Impedimentum autem totius humanæ natura; ex peccato primi hominis consecutum, per passionem Christi amotum est. Et ideo Joannes (*Apoc. iv, 1*) post passionem « *vidit in cælo ostium apertum* ». Sed adhuc quotidie alicui manet clausum per peccatum originale quod contrahit, vel actuale quod committit. *El propter hoc indigemus sacramentis el clavibus Ecclesiæ.*

**26.** — **Ad secundum** dicendum quod hoc intelligitur de clausione qua limbum clausit, ne aliquis ultra in illud descendat; et de apertione qua paradisum aperuit, remoto impedimento naturæ per suam passionem.

**27.** — **Ad tertium** dicendum quod clavis inferni qua aperitur et clauditur, est potestas gratiam conferendi, per quam homini aperitur infernus, ut de peccato educatur, quod est inferni porta; et clauditur, ne ultra homo in peccatum labatur, gratia sustentatus. Gratiam autem conferre solius Dei est. Et ideo elavem inferni sibi soli retinuit. Sed clavis Regni est potestas etiam dimittendi reatum pœnæ, per quam<sup>3</sup> homo a Regno prohibetur. Et ideo magis potest dari homini clavis Regni quam clavis inferni: *non enim idem sunt*, ut ex dictis patet. Aliquis enim ex inferno educitur per remissionem æternæ pœnæ, qui

1. L. om. « in ». — 2. L. ad. « est collata », et om. « manet ». — 3. Ed. « quem ».

non in instanti in regnum introducitur propter reatum temporalis pœnæ qui<sup>2</sup> manet.

**28. — Vel dicendum**, ut *Quidam* dicunt, quod *idem est clavis inferni et cœli*; quia ex hoc ipso quod alicui aperitur unum, clauditur alterum; sed denominatur a digniori.

**29. — AD SECUNDAM QUÆSTIONEM**, dicendum, quod secundum *Philosophum* in *II De an.* (*β* 4. 415a, 18-20; l. 6, n. 304 sq.), potentiae per actus definiuntur. Unde *cum clavis sit potestas quædam*, ut dictum est (**21**), oportet quod per actum sive usum suum definiatur; et quod in actu objectum exprimat<sup>1</sup>ur a quo speciem recipit actus, et modus agendi ex quo apparet potentia ordinata. **Actus autem potestatis spiritualis non est ut cælum aperiat absolute**, quia jam apertum est, ut dictum est (**25**); sed ut **quantum ad hunc** aperiat: quod quidem ordinate fieri non potest, nisi idoneitate ejus cui aperiendum est cælum pensata.

**30. — Et ideo in prædicta definitione clavis, ponitur genus**, scilicet « *potestas* », et subjectum potestatis, scilicet « *judex ecclesiasticus* », et actus, scilicet « *excludere et recipere* » secundum duos actus materialis clavis, aperire et claudere; cujus objectum tangit in hoc quod dicit: « *a Regno* »; modus<sup>3</sup> autem in hoc quod « *dignitas et indignitas* » in illis in quos actus exercetur, pensatur.

**31. — AD PRIMUM** ergo dicendum quod ad duo quorum unum est causa alterius, una potestas ordinatur: sicut in igne<sup>4</sup> ad calefaciendum et dissolvendum. Et quia omnis gratia et remissio in corpore mystico ex capite suo provenit, ideo eadem potestas esse videtur per essentiam qua sacerdos conficere potest, et qua potest ligare et solvere, si jurisdictio adsit; nec differt nisi ratione secundum quod ad diversos effectus comparatur: sicut etiam ignis dicitur secundum aliam rationem calefactivus et liquefactivus. Et quia nihil est aliud character ordinis sacerdotalis quam potestas exercendi illud ad quod principaliter ordo sacerdotii ordinatur sustinendo, oportet<sup>5</sup> quod sit idem quod spiritualis potestas; ideo *character et potestas conficiendi<sup>9</sup> et potestas clavium est unum et idem per essentiam, sed differt ratione*.

**32. — Ad secundum** dicendum quod omnis potestas spiritualis datur cum aliqua consecratione. Et ideo clavis cum ordine datur. Sed executio clavis indiget materia debita, quæ est plebs subjecta<sup>7</sup> per jurisdictionem. Et ideo antequam jurisdictionem

1. *ἔπι οὐί*. « non », sed e *cor.*, F. *om.* « in ». — 2. Ed. prater L. » *glia*! ». — 3. L. « modum ». — 4. Ed. *ad.* « calor ». — 5. Ed. *om.* « oportet ». — 6. F. « confitendi ». — 7. L. « subdita ».

habeat, habet claves, sed non habet actum clavium. Et quia clavis per actum definitur, ideo *in definitione clavis ponitur aliquid ad jurisdictionem perlinens.*

**33.** — **Ad tertium** dicendum quod aliquis potest esse dignus aliquo *dupliciter.* Aut ita quod ipsum habendi jus habeat. Et sic quilibet dignus jam habet cælum apertum. Aut ita quod insit ei aliqua congruitas ad hoc quod ei detur. *Et sic dignos, quibus nondum totaliter apertum est cælum, potestas clavium recipit.*

**34.** — **Ad quartum** dicendum quod *sicut* Deus non obdurat impertiendo malitiam, sed non conferendo gratiam; *ita* sacerdos dicitur excludere, non quod impedimentum ad intrandum ponat, sed quia impedimentum positum non amovet, quia ipse amovere non potest, nisi prius Deus amoverit. *Et ideo rogatur Deus, ai ipse absolvat ut sic sacerdotis absolutio locum habeat.*

**35.** — **Ad quintum** dicendum quod *actus sacerdotis non est immediate* super Regnum, sed *super sacramenta quibus homo ad Begniim pervenit.*

**36.** — **AD TERTIAM QUÆSTIONEM** dicendum quod in omni actu qui requirit idoneitatem ex parte recipientis, *duo* sunt necessaria ei qui debet actum illum exercere: scilicet *judicium de idoneitate recipientis, et expletio actus.* Et ideo etiam in actu justitiæ per quem redditur alicui hoc quo dignus est, oportet esse iudicium quo discernatur an iste sit dignus, et ipsa redditio. Et ad utrumque horum auctoritas quædam, sive potestas, exigitur. Non enim dare possumus nisi quod in potestate habemus; nec iudicium dici potest nisi vim coactivam habeat, eo quod iudicium jam ad unum determinatur: quæ quidem determinatio *in speculativis* fit per virtutem primorum<sup>3</sup> principiorum quibus resisti non potest, *et in rebus practicis* per vim imperativam in iudicante existentem.

**37.** — Et quia actus clavis requirit idoneitatem in eo in quem exercetur, quia « *recipit per elavem iudex ecclesiasticus dignos, et excludit indignos* », ut ex dicta definitione patet; ideo indiget iudicio discretionis quo idoneitatem iudicat, et ipso receptionis actu; et ad utrumque horum potestas quædam sive auctoritas requiritur. **Et secundum hoc duæ claves distinguuntur, quarum una pertinet ad iudicium de idoneitate ejus qui absolvendus est, et alia ad ipsam absolutionem.** Et hæ duæ claves non distinguuntur in essentia auctoritatis quia<sup>4</sup> utrumque ex officio sibi competit, sed ex comparatione ad actus, quorum unus alium præsupponit.

1. N. « iit sit ». — 2. F. om. « iste » et habet « fit ». — 3. N. om. « primorum », L. « priorum ». — 4. F. « qua ».

**38. — AD PRIMUM** ergo dicendum quod ad unam seram aperiendam una clavis immediate ordinatur, sed non est inconveniens quod una ad actum alterius ordinetur. Et sic<sup>1</sup> est in proposito. Secunda enim clavis quæ dicitur « *potestas ligandi et solvendi* », est quæ immediate seram aperit peccati ; sed clavis quæ dicitur « *scientia* » ostendit cui aperienda sit sera illa.

**39. — Ad secundum** dicendum quod circa elavem scientiæ duplex fuit opinio.

Quidam enim dixerunt quod scientia secundum quod est habitus acquisitus vel infusus, dicitur hic<sup>2</sup> clavis ; et quod non est principalis clavis, sed in ordine ad aliam elavem clavis dicitur. Et ideo quando est sine alia clavi, clavis non dicitur sicut in viro litterato qui non est sacerdos.

**40. —** Et similiter etiam quandoque hac clavi aliqui sacerdotes carent, quia non habent scientiam neque acquisitam, neque infusam, qua absolvere et ligare possint ; sed quandoque industria naturali ad hoc utuntur, quæ secundum eos « *claviola* » dicitur. Et sic clavis scientiæ quamvis cum ordine non tradatur, traditur tamen cum ordine quod sit clavis quod prius non erat. Et hæc videtur opinio Magistri fuisse.

**41. — Sed hæc non videtur verbis Evangelii concordare,** quæ « *claves* » Petro dandas promittunt ; et ita non solum una, sed duæ in ordine dantur.

**42. —** Et propter hoc Alia opinio est quod scientia quæ est habitus, non est clavis, sed auctoritas actum scientiæ exercendi : quæ *quandoque* sine scientia est, *quandoque* autem scientia sine ipsa : sicut patet etiam in judiciis sæcularibus. Aliquis enim est iudex habens auctoritatem judicandi qui non habet juris scientiam ; et aliquis e converso habet scientiam juris qui non habet auctoritatem judicandi. Et quia actus iudicii ad quem quis ex auctoritate suscepta obligatur, non autem ex scientia habita, sine utroque benefieri non potest ; ideo *auctoritas judicandi quæ clavis est, sine scientia non potest sine peccato accipi ; sed scientia sine auctoritate sine peccato haberi potest.*

**43. — Ad tertium** dicendum quod potestas conficiendi est ad unum tantum actum alterius generis. Et ideo non connumeratur clavibus, nec multiplicatur sicut potestas clavium quæ est ad diversos actus ; quamvis secundum auctoritatis essentiam sit una, ut dictum est (37).

**44. — Ad quartum** dicendum quod velle unicuique est liberum. Et ideo ad volendum non exigitur auctoritas. *Et propter hoc voluntas non ponitur clavis.*

1. F. < hoc ». — 2. Ed. « hæc ».

**45. — Ad quintum** dicendum quod Trinitas tota eodem modo remittit peccata sicut una persona. Et ideo non oportet quod sacerdos qui minister est Trinitatis, tres claves habeat; et præcipue cum voluntas quæ Spiritui sancto appropriatur, elavem non requirat, ut dictum est (44).

## ARTICULUS II

[I-II, q. 86, a. 1; q. 89, a. 1.]

**46. — AD SECUNDUM SIC PROCEDITUR.** Videtur quod **MACULA ALIQUID POSITIVE IN ANIMA SIT.**

1. Si enim est privatio tantum, non erit privatio nisi ejus quod per peccatum aufertur. Sed hæc est gratia. Ergo cum omne peccatum gratiam auferat, omnium peccatorum erit una macula. Et sic secundum peccatum nullam maculam animæ adjiciet præter maculam primi peccati.

2. **Præterea.** Privatio quæ ex peccato in anima relinquitur, dicitur cæcitas vel tenebra quæ ad intellectum pertinet. Sed hæc macula non est hujusmodi, cum ad affectum pertinere videatur. Ergo macula non est privatio tantum, sed aliquid ponit.

3. **Præterea.** Macula quam quis ex tactu alicujus immundi contrahit, quæ et contagio dicitur, aliquid positive est. Sed macula peccati etiam contagio dicitur. Ergo est aliquid positive.

4. **Præterea.** Privatio gratiæ quædam pœna est. Sed in peccato macula contra pœnam vel reatum dividitur. Ergo macula non est privatio tantum gratiæ. Et sic idem quod prius.

**47. — SED CONTRA.** Ex peccato non remanet positive aliquid in anima nisi dispositio vel habitus quæ consequuntur peccatum ex parte actus ex quo aliquid ponit. Sed macula non est dispositio ex actu causata, nec habitus: quod patet ex hoc quod dispositio et habitus possunt sine gratia destrui per contrariam consuetudinem, quæ forte habitum contrarii vitii inducet expellentem contrarium habitum et dispositionem. Macula autem sine gratia non aufertur. Ergo macula non ponit aliquid positive in anima.

## [II]

[77 *Sent.* d. 42, q. 1, a. 2; I-II, q. 87, a. 6; III, q. 86, a. 4; *Compend. Theol.* c. 181.]

**48. — ULTERIUS.** Videtur quod peccatum nunquam **POSSIT REMITTI QUOAD MACULAM.**

1. ἀβυδίζηθικ « actu », sicut RANVP sed ζ cor. — 2. Ed. « inducit ».

1. Quia ex hoc ipso quod aliquis peccavit, pulchritudinem innocentiae amisit. Sed non potest hanc pulchritudinem recuperare, nisi contingeret ipsum non peccasse. Ergo cum hoc sit omnino impossibile, impossibile est quod alicui peccatum remittatur quoad maculam.

2. **Præterea.** Ex hoc ipso homo turpitudinem quamdam habet, quod tempus debitum servitio Creatoris, in peccatum expendit. Sed tempus illud quod jam effluxit recuperari non potest. Ergo nec macula mundari.

**49. — SED CONTRA** est quod dicitur *Ephes.*, v, 27, quod « *Christus conjunxit sibi Ecclesiam non habentem maculam neque rugam.* » Sed aliqui sunt membra Ecclesiae qui quandoque maculati fuerunt. Ergo peccatum quoad maculam remitti potest.

### [III]

[III Cg. c. 158 ; Rom. c. 11, l. 14, S.:uprai d. 14, 240-5 et  
loca citata q̄la præved.J

**50. — ULTERIUS.** Videtur quolo si remittatur peccatum QUOAD MACULAM QUODI REMITTATUR QUOAD OMNEM PŒNAM.

1. Quia remota causa removetur effectus. Sed causa quare aliquis erat reus pœnæ, est macula eius. Ergo remota macula removetur poena.

2. **Præterea.** Quicumque absque culpa existens punitur, injuste punitur. Sed ille cui remissum est peccatum quoad maculam, est absque culpa. Ergo injuste puniretur. Et ita videtur quod non sit aliqua pœna digna et sit sibi reatus pœnæ remissus.

**51. — SED CONTRA.** Peccatum non punitur per hoc quod remittitur quoad maculam. Sed omni peccato debetur pœna secundum divinam justitiam. Ergo etiam post dimissionem culpæ aliquis pœnæ reatus remanere potest.

**52. — RESPONSIO.** Dicendum **AD PRIMAM QUÆSTIONEM** quod ex hoc aliquid maculatum dicitur, quia debitæ pulchritudinis patitur detrimentum. Unde "macula, secundum quod hujusmodi, non habet quod aliquid ponat; sed per comparationem ad illud quod pulchritudinis detrimentum causat, aliquid quandoque ponere dicitur: sicut illiquid in facie inductum quod candorem faciei tegit aut privat."

**53. — Pulchritudo autem animæ consistit in assimilatione ipsius ad Deum, ad quem formari debet et per claritatem gratiæ**

ab eo susceptam. *Sicut* autem perceptio claritatis corporalis a sole prohibetur a nobis per aliquod obstaculum interpositum ; *Ha* etiam claritas gratiæ prohibetur ab anima per peccatum commissum, quod « *dividit inter nos et Deum* », ut dicitur Is., I IX, 1. **Unde ipsa macula, quantum in se est, non ponit de essentia sua nisi privationem gratiæ, sed ponit ut causam obstaculum peccati quod obstat ad gratiæ receptionem.** Et propter hoc etiam macula tenebra dicitur ratione prædictæ similitudinis.

**54. — AD PRIMUM** ergo dicendum quod quamvis quantum ad ipsam privationem gratiæ non differant maculæ peccatorum, differunt tamen quantum ad causam ex qua macula consequitur. *Et secundum hoc etiam quodlibet peccatum unam maculam addit, inquantum novum obstaculum gratiæ ponit.*

**55. — Ad secundum** dicendum quod gratia est in essentia animæ, ex qua vires cognitivæ et affectivæ procedunt.

Et ideo gratiæ lumen *et* intellectum dirigit *et* affectum movet. Sed peccatum in utroque defectum inducit : *in intellectu*<sup>2</sup> *quidem*, quia « *omne peccatum ex errore esi* », secundum Ambrosium (*De Apologia David*, c. 6 ; L. 14, 861) et secundum Philosophum (III *Elh.* γ 2. 1110b, 28 ; I. 3, n. 410) « *omnis malus ignorans* » ; *et principaliter in affectu*<sup>3</sup>, quia omne peccatum in voluntate est.

Et ideo *macula*, et quantum ad ipsam privationem, et quantum ad causam, scilicet peccatum, et intellectum et affectum *respicit*, sed *principaliter affectum*. Unde non est inconveniens, si macula et cæcitas et tenebra dicatur.

**56. — Ad tertium** dicendum quod *macula dicitur contagio*, non quantum ad privationem ipsam, sed *quantum ad causam privationis* ; quia ex hoc ipso quod peccatum per<sup>4</sup> affectum quodammodo tangit, privatio dicta in ipso consequitur.

**57. — Ad quartum** dicendum quod *macula* quantum ad causam dividitur ab omni pœna ; sed *quantum ad privationem ipsa dividitur a pœna inflicta*, non autem a pœna quæ peccatum concomitatur.

**58. — AD SECUNDAM QUÆSTIONEM** dicendum quod macula obscuritatis ex interpositione causata non potest auferri, nisi obstaculum interpositum amoveatur. Peccatum autem quod erat obstaculum interpositum, prohibens gratiæ claritatem, non potest removeri ut factum non sit, sed ut effectum avertendi Deum a nobis non habeat, qui propter aversionem qua ab eo aversi propter peccatum fuimus, a nobis aversus manebat. Et ideo secundum hoc quod se ad nos sua benignitate convertit,

1. N. « utrumque ». — 2. N. « intellectum ». — 3. N. « affectum ». — 4. Ed. am. « per ».

dicitur peccatum nostrum remittere : sicut nos offensam alicui remittimus, cum ad eum propter offensam præteritam ulterius malevolentiam non servamus : quæ quidem in Deum secundum effectum accipienda sunt ut in III lib. (d. 32, 15) dictum est. **Et propter hoc etiam Deus remittendo peccatum dicitur ipsum tegere, quasi non aspiciens<sup>1</sup> ad præteritum peccatum, ut ratione ejus gratiam nobis deneget.**

**59. — AD PRIMUM** ergo dicendum quod quamvis non reparetur pulchritudo animæ quantum ad aliquod accidens quod erat dignitas innocentiae ; reparatur tamen quantum ad decorem gratiæ quæ restituitur.

**60. —** Et similiter dicendum **ad secundum** ; quia non semper homo recuperat omnia damna quæ passus est vel temporis vel aliorum ; sed recuperat amissam pulchritudinem quantum ad essentiam decoris spectat.

**61. — AD TERTIAM QUÆSTIONEM** dicendum quod in peccato *duo* sunt : scilicet *conversio* ad commutabile bonum, et *aversio* ab incommutabili bono. Et secundum hoc *duo* sunt effectus peccati. *Unus* est *indignatio Dei ad nos*, aversioni peccati respondens. *Alius* est *pœna* inordinatam conversionem ordinans.

Et quia primum<sup>2</sup> in peccato ex parte nostra est conversio, et quod est prius in generatione est posterius in destructione ; ideo ex parte Dei primo est reconciliatio ipsius ad nos, et secundum hoc est liberatio a debito pœnæ.

**62. —** Sed *pœna* est *duplex* : scilicet *exterminans* hostes. Et talis pœna ex reconciliatio ipsa removetur. Alia pœna est *quæ corrigat* civem et filium vel amicum. Et debitum ejus potest remanere reconciliatio jam facta.

**Et ideo simul cum peccatum remittitur quoad maculam, remittitur quoad pœnam æternam quæ est exterminans, sed non quoad pœnam temporalem quæ est corrigens.**

**63. — AD PRIMUM** ergo dicendum quod *sicut* actus præexistens fuit causa maculæ, et tamen transeunte actu non transit macula ; *ita* actus mediante macula fuit causa debitæ pœnæ. *Et ideo non oportet quod cessante macula debitum pœnæ cesset*, quia cessante primo effectu non oportet quod cesset secundus.

**64. — Ad secundum** dicendum quod iste cui remissa est culpa quantum ad maculam, adhuc dignus est propter actum quem commisit pœnam sustinere ; quamvis non sit dignus a Deo alienus esse.

1. N. « respiciens ». — 2. Ed. « primo ».

## ARTICULUS III

[Supra, d. 17, 508-12; IV Cg. c. 72; de forma absol., c. 2; Quodl. IV, q. 7, a. 1; Mat., c. 16, n. 2; Joan. c. 20, l. 4.]

**65. — AD TERTIUM SIC PROCEDITUR.** Videtur quod

**POTESTAS CLAVIUM SE EXTENDAT AD REMISSIONEM CULPÆ.**

1. Jo an., xx, 23, dicitur discipulis: « *Quorum remisieritis peccata, remittuntur eis.* » Sed hoc non dicitur quantum ad manifestationem tantum, ut Magister in *Littera (8, H)* dicit; quia sic sacerdos novi Testamenti non haberet majorem potestatem quam sacerdos veteris Testamenti. Ergo exercet potestatem in culpæ remissione.

2. **Præterea.** In pœnitentia datur gratia in<sup>2</sup> remissionem peccati. Sed hujus sacramenti dispensator est sacerdos ex vi clavium. Ergo cum gratia non opponatur peccato ex parte pœnæ, sed ex parte culpæ, videtur quod sacerdos ad remissionem culpæ operetur ex<sup>3</sup> vi clavium.

3. **Præterea.** Majorem virtutem recipit sacerdos ex sua consecratione quam aqua baptismi ex sua sanctificatione. Sed aqua baptismi hanc vim accipit, « *ut corpus tangat et cor abluat* », secundum Augustinum (*In Joan*, tract. 80, η. 3; L. 35, 1840). Ergo multo fortius sacerdos in sui consecratione hanc potestatem accipit, ut cor a culpæ macula abluere possit.

**66. — SED CONTRA.** Supra Magister dixit (d. 5, 2a) quod Deus hanc potestatem non contulit ministro quod ad interiorem mundationem cooperatur<sup>4</sup> ei. Sed si peccata quoad culpam remitteret, cooperaretur ei in mundatione interiori. Ergo potestas clavium non se extendit ad culpæ dimissionem.

**67. — Præterea.** Peccatum non dimittitur<sup>5</sup> nisi per Spiritum sanctum. Sed dare Spiritum sanctum non est alicujus hominis, ut in I lib. Magister dixit<sup>6</sup>, d. 14. Ergo nec peccata remittere quoad culpam.

## [II]

[IV Cg. c. 72.]

**68. — ULTERIUS.** Videtur quod non possit remittere peccatum quoad pœnam.

1. Peccato enim debetur pœna æterna et temporalis. Sed adhuc post absolutionem sacerdotis manet pœnitens obligatus

1. L. om. « testamenti ». — 2. NL. « ad ». — 3. F. om. « ex ». — 4. NL « cooperaretur ». — 5. L. « remittitur ». — 6. ζ « dicit ».

ad pœnam temporalem in purgatorio vel in hoc mundo faciendam. Ergo non dimittit aliquo modo pœnam.

2. **Præterea.** Sacerdos non potest præjudicare divinæ justitiæ. Sed ex divina justitia taxata est pœna pœnitenti quam debet subire. Ergo sacerdos de ea non potest aliquid remittere.

3. **Præterea.** Ille qui parvum peccatum commisit, non est minus susceptivus effectus clavium quam ille qui commisit majus peccatum. Sed si aliquid de pœna per officium sacerdotis de<sup>2</sup> majori peccato dimittitur, possibile est<sup>3</sup> esse aliquod parvum peccatum cui non debeatur plus de pœna quam illud quod de majori peccato dimissum est. Ergo poterit totam pœnam illius parvi peccati dimittere : quod falsum est.

4. **Præterea.** Tota pœna temporalis peccato debita est unius rationis. Si ergo per primam absolutionem dimittatur aliquid de pœna, et per secundam ab eodem peccato absolutionem poterit aliquid remitti. Et sic tantum poterit multiplicari absolutio quod vi clavium tota pœna tolletur<sup>4</sup>, cum secunda absolutio non sit minoris efficaciam quam prima. Et sic peccatum remanebit omnino impunitum : quod est inconveniens.

69. — **SED CONTRA.** Clavis potestas est ad ligandum et solvendum<sup>5</sup>. Sed potest sacerdos injungere pœnam temporalem. Ergo et potest absolvere a pœna.

70. — **Præterea.** Sacerdos non potest dimittere peccatum quantum ad culpam, ut in *Littera* (4) dicitur, nec quantum ad pœnam æternam pari ratione. Si ergo non potest remittere quantum ad pœnam temporalem, nullo modo remittere poterit : quod est omnino contrarium dictis Evangelii.

### [III]

71. — **ULTERIUS.** Videtur quod sacerdos per potestatem CLAVIUM LIGARE NON POSSIT.

1. Àirtutes enim sacramentales ordinantur contra peccatum ut medicina. Sed ligare non est medicina peccati, sed magis aggravatio morbi, ut videtur. Ergo sacerdos per vim clavium, quæ est vis sacramentalis, non potest ligare.

2. **Præterea.** *Sicut* absolvere vel aperire est amovere obstaculum, *ita* ligare est obstaculum ponere. Sed obstaculum Regni peccatum est, quod nobis ex alio imponi non potest, quia non nisi voluntate peccatur. Ergo sacerdos ligare non potest.

3. **Præterea.** Claves ex passione Christi efficaciam habent.

1. L. « taxata est pœnitentibus pœna quam debent subire ». — 2. N. « Sed aliqui de pœna per officium sacerdotis pro ». — 3. N. *ad.* « autem ». — 4. Ed. « tollatur » — 5. « Clavis est potestas ligandi et solvendi ».

Sed ligare non est effectus passionis. Ergo ex clavium potestate non potest sacerdos ligare.

**72. — SED CONTRA.** « quod dicitur Mat., xvi, 19 : « *Quodcumque ligaveris super terram erit ligatum et in coelis.* »

**73. — Præterea.** « *Potestates rationales sunt ad opposita.* » (Meta., θ 2. 1046b, 5 ; l. 2, n. 1789). Sed potestas clavium est potestas rationalis, cum habeat discretionem adjunctam. Ergo habet se ad opposita^ Ergo si potest solvere, potest et ligare.

## [IV]

**74. — ULTERIUS.** Videtur QUOD POSSIT LIGARE ET SOLVERE SECUNDUM PROPRIUM ARBITRIUM.

1. Hieronymus enim dicit (*Decr. de pœnit.*, d, l cap. « *Mensura* »; L. 187, 1544) : « *Mensuram temporis in agendo poenitentiam non satis aperte præfigunt eanones pro unoquoque crimine, ut de singulis dicant qualiter unumquodque sit emendandum ; sed magis arbitrio sacerdotis inlelligenlis relinquendum statuunt.* » Ergo videtur quod ipse secundum suum arbitrium possit ligare et solvere.

2. **Præterea.** « *Dominus laudavit villicum iniquitatis quod prudenter fecisset* » (Luc., xvi, 5), quia debitoribus domini sui remisisset largiter. Sed Deus est magis pronus ad miserendum quam aliquis dominus temporalis. Ergo videtur quod laudabilior sit quantum plus de poena dimiserit.

3. **Præterea.** « *Omnis Christi actio nostra est instructio.* » Sed ipse quibusdam peccantibus nullam pœnam imposuit, sed solum emendationem vitæ, ut patet de adultera, Jo an., viii, 11. Ergo videtur quod ad arbitrium suum possit etiam sacerdos qui est vicarius Christi, poenam totam dimittere vel partem.

**75. — SED CONTRA.** Gregorius (VII Decr., d. 5, de pœnit., c. 6 ; L. 187, 1636) dicit : « *Falsam poenitentiam dicimus quæ non secundum auctoritatem sanctorum Patrum pro qualitate criminis imponitur.* » Ergo videtur quod non omnino sit in arbitrio sacerdotis.

**76. — Præterea.** Ad actum clavium requiritur discretio. Sed si esset omnino in voluntate sacerdotis dimittere et imponere de pœna quantum vellet, non esset ibi necessaria discretio ; quia nunquam ibi indiscretio posset accidere. Ergo non est omnino in arbitrio sacerdotis.

**77. — RESPONSIO.** Dicendum AD PRIMAM QUÆSTIONEM quod sacramenta, secundum Hugonem (lib. I *De sacramentis*, p. 9, c. 2 ; L. 176, 317), ex sanctificatione invisibilem gratiam continent. » Sed hæc sanctificatio quandoque ad necessitatem sacra-

*menti* requiritur tam in materia quam in ministro, sicut patet in confirmatione. Et tunc vis sacramentalis est in utroque conjunctim.

*Quandoque* autem ex necessitate sacramenti non requiritur nisi *sanctificatio materiæ*, sicut est in baptismo, quia non habet ministrum determinatum quantum ad sui necessitatem. Et tunc tota vis sacramentalis consistit in materia.

*Quandoque* vero de necessitate sacramenti requiritur *consecratio vel sanctificatio ministri, sine aliqua sanctificatione materiæ*. Et tunc tota vis sacramentalis consistit in ministro, sicut est in poenitentia.

**78.** — Unde *eodem modo* se habet potestas clavium quæ est in sacerdote ad effectum sacramenti poenitentiae, *sicut* se habet virtus quæ est in aqua baptismi ad effectum baptismi. **Baptismus autem et sacramentum Poenitentiae conveniunt quodammodo in effectu**, quia utrumque contra culpam ordinatur directe, quod non est de aliis sacramentis ; **sed in hoc differunt**, quia sacramentum poenitentiae, eo quod habet actus suscipientis quasi materiales, non potest dari nisi adultis, in quibus requiritur præparatio ad suscipiendum effectum sacramentorum. Sed baptismus quandoque datur adultis, et quandoque pueris et aliis carentibus usu rationis.

**79.** — Et ideo **per baptismum** datur gratia et remissio peccatorum pueris sine aliqua sui præparatione præcedente ; non autem adultis, in quibus præexigitur præparatio removens fictionem. Quæ quidem præparatio *quandoque* præcedit sufficiens ad gratiæ susceptionem antequam baptismus actu percipiatur, sed non ante votum baptismi, post tempus propa'tatæ veritatis. *Quandoque* autem talis præparatio tempore non præcedit, sed est simul cum baptismi susceptione. Et tunc per baptismi susceptionem gratia remissionis culpæ confertur.

Sed per **poenitentiae sacramentum** nunquam datur gratia nisi præparatio adsit, vel prius fuerit. Unde virtus clavium operatur ad culpæ remissionem vel in voto existens vel etiam<sup>2</sup> in actu se exercens, sicut et aqua baptismi.

**80.** — Sed *sicut* baptismus non agit ut principale agens, sed ut<sup>3</sup> instrumentum, non quidem pertingens ad ipsam gratiæ susceptionem causandam<sup>4</sup> etiam instrumentaliter, sed disponens ad gratiam, per quam fit remissio culpæ ; *ita* est de potestate clavium. Unde solus Deus remittit per se culpam, et in virtute ejus agit instrumentaliter, et baptismus ut instrumentum inanimatum, et sacerdos ut « *instrumentum animatum* », quod

1. Ed. « accipientis ». — 2. L. *om.* « etiam ». — 3. L. « sicut ». — 4. L. « creandam ».

dicitur « *servus* » secundum Philosophum in VIII *Elh.* (θ 13. 1161b, 4 ; l. 11, n. 1699). Et ideo sacerdos agit ut minister.

**81.** — Et sic patet quod **potestas clavium ordinatur aliquo modo ad remissionem culpæ**, non sicut causans, sed **sicut disponens ad eam**. Unde si ante absolutionem aliquis non fuisset perfecte dispositus ad gratiam suscipiendam, in ipsa confessione et absolutione sacramentali gratiam consequeretur, si obicem non poneret.

**82.** — Si enim clavis nullo modo ad culpæ remissionem ordinaretur, sed ad dimissionem pænæ tantum, ut *Quidam* dicunt, non exigeretur votum suscipiendi effectum clavium ad culpæ remissionem : sicut non exigitur votum suscipiendi alia sacramenta quæ non ordinantur ad culpam, sed contra pœnam. Sed hoc facit videri quod non ordinantur ad culpæ dimissionem ; quia semper usus clavium ad hoc quod effectum habeat, requirit præparationem ex parte recipientis sacramentum. Et similiter videretur de baptismo, si nunquam daretur nisi adultis.

**83.** — **AD PRIMUM** ergo dicendum quod sicut *Magister* dicit in *Littera* (8, H) sacerdotibus commissa est potestas remittendi peccata, non ut propria virtute remittant, quia hoc Dei est ; sed ut operationem Dei remittentis ostendant tamquam ministri. Sed hoc contingit *tribus* modis.

**84.** — *Uno modo ut* ostendant eam non præsentem, sed *promittant futuram* sine hoc quod aliquid operentur ad ipsam. Et sic sacramenta veteris legis operationem Dei significabant. Unde et sacerdos veteris legis ostendebat tantum, et nihil operabatur.

**85.** — *Alio modo ut significant præsentem*, et nihil ad eam operentur. Et sic *Quidam* dicunt quod sacramenta novæ legis significant collationem gratiæ, quam Deus in ipsa sacramentorum collatione dat, sine hoc quod in sacramentis sit aliqua virtus operans ad gratiam. Et secundum hanc opinionem quæ in l dist. (119-22) tacta est, etiam potestas clavium esset tantum ostendens divinam operationem in remissione<sup>2</sup> culpæ in ipsa sacramenti collatione factam<sup>3</sup>.

**86.** — *Tertio modo ut significant divinam operationem in remissionei culpæ præsentem, et ad ipsam aliquid dispositive et instrumentaliter operentur*. Et sic secundum aliam opinionem quæ sustinetur communis, sacramenta novæ legis emundationem ostendunt divinitus factam. Et hoc modo etiam sacerdos novi testamenti ostendit absolutos a culpa ; quia proportionaliter oportet loqui de sacramentis et potestate ministrorum.

1. L. *ad.* « eam ». — 2. ζ ' remissionem ». — 3. Ed. « facta ». — 4. F. « remissionem ».

Nec obstat quin claves Ecclesiæ ad remissionem culpæ disponant, quia culpa jam est remissa ; sicut nec quod baptismus disponat, quantum in se est, in eo qui jam sanctificatus est.

**87.** — **Ad secundum** dicendum quod neque *sacramentum pœnitentiæ* neque sacramentum baptismi operando *pertingit* directe *ad gratiam* nec *ad culpæ remissionem*, sed *dispositive*.

Unde etiam patet responsio **ad tertium**.

**88.** — **ALIÆ RATIONES** ostendunt quod *ad remissionem culpæ directe clavium potestas non operetur* : quod est concedendum.

**89.** — **AD SECUNDAM QUÆSTIONEM** dicendum quod idem iudicium est de effectu quem potestas clavium actualiter exercita complet in eo in quo contritio tempore præcessit, et del effectu baptismi qui jam habenti gratiam datur.

**90.** — Aliquis enim per fidem et contritionem præcedentem baptismum gratiam remissionis peccatorum quantum ad culpam consecutus est ; sed quando actualiter postea baptismum suscipit, gratia augetur, et a reatu pœnæ totaliter absolvitur, eo quod fit particeps passionis Christi.

**91.** — Et similiter illi<sup>2</sup> qui per contritionem consecutus est remissionem peccatorum quantum ad culpam, et per consequens quantum ad reatum pœnæ æternæ quæ simul cum culpa dimittitur, ex vi clavium ex passione Christi efficaciam habentium augetur gratia, et pœna remittitur temporalis, cujus reatus adhuc remanserat post culpæ remissionem. Non tamen totus, sicut in baptismo, sed pars ejus ; eo quod<sup>3</sup> in baptismo homo regeneratur configuratus<sup>4</sup> passioni Christi, totaliter efficaciam passionis Christi quæ sufficit ad omnem pœnam delendam, in se suscipiens, ut nihil de prioris peccati actualis pœna remaneat ; quia non debet alicui imputari ad pœnam, nisi quod ipsemet fecit.

**92.** — *In baptismo* autem homo novam vitam accipiens fit per gratiam baptismalem « *novus homo* ». Et ideo nullus reatus pœnæ remanet in eo pro præcedenti peccato.

**93.** — *Sed in pœnitentia* homo non mutatur in aliam vitam, quia non est regeneratio, sed sanatio quædam. **Ideo ex vi clavium quæ operatur in sacramento pœnitentiæ**, non tota pœna **remittitur**, sed **aliquid de pœna temporali**, cujus reatus post absolutionem a pœna æterna remanere potuit, ut dictum est (91). Nec solum a pœna illa quam habet<sup>5</sup> pœnitens in confitendo, ut *Quidam* dicunt ; quia sic confessio et sacerdotalis absolutio non essent

1. L. *om.* « de ». — 2. ζη < ille ». — 3. L. « quia ». — 4. L. « regeneratus configuratur ». — 5. NPL. *ad.* « vel suscipit ab ea ».

nisi in onus : quod non competit sacramentis novæ legis. Sed **etiam de illa pœna quæ in purgatorio debetur**, aliquid remittitur, ut minus in purgatorio puniatur absolutus ante satisfactionem decedens, quam si ante absolutionem decederet.

**94. — AD PRIMUM** ergo dicendum quod non remittit pœnam totam temporalem, sed partem. *El ideo adhuc manet obligatus ad pœnam satisfactoriam.*

**95. — Ad secundum** dicendum quod passio Christi sufficienter satisfacit « *pro peccatis lotius mundi* » (I Joan., n, 2). Et ideo sine præjudicio divinæ justitiæ aliquid de pœna sibi debita remitti potest, secundum quod effectus passionis ad ipsum per sacramenta Ecclesiæ pertingit.

**96. — Ad tertium** dicendum quod pro quolibet peccato oportet aliquam pœnam satisfactoriam remanere<sup>2</sup>, per quam medicina contra peccatum præstetur. Et ideo, quamvis virtute absolutionis dimittatur aliqua quantitas pœnæ debitæ pro aliquo magno peccato, non oportet quod tanta quantitas pœnæ dimittatur respectu cujuslibet peccati, quia aliquod peccatum secundum hoc remaneret omnino sine pœna; sed virtute clavium de poenis singulorum peccatorum proportionaliter dimittitur.

**97. — Ad quartum** dicendum quod *Quidam* dicunt quod in prima absolutione tantum dimittitur vi clavium quantum dimitti potest; sed tamen valet iterata confessio *tum* propter instructionem, *tum* propter majorem certitudinem, *lum* propter intercessionem confessoris, *tum* propter verecundias meritum.

**98. — Sed hoc non videtur verum**; quia etsi<sup>3</sup> hæc esset ratio confessionem iterandi, non tamen esset ratio iterandi absolutionem, præcipue in eo qui non habet aliquam causam dubitationis de præcedenti absolutione; *ila* enim poterit dubitare post secundam absolutionem, *sicut* post primam: sicut videmus quod sacramentum extremæ unctionis non iteratur super eundem morbum, eo quod totum quod per sacramentum fieri potuit, semel factum est.

**99. — Et præterea.** In secunda confessione non requiretur quod haberet claves ille cui fit confessio, si nihil ibi vis clavium operatur.

**100. — Et ideo dicunt<sup>4</sup>** quod etiam in secunda absolutione aliquid<sup>5</sup> vi clavium de pœna remittitur, quia *in secunda absolutione gratiæ confertur augmentum.* Et quanto major gratia recipitur, minus de impuritate præcedentis peccati manet. Et ideo minor pœna purgans debetur.

1. L. *om.* « aliquid ». — 2. L. *ad.* « et ». — 3. L. « si ». — 4. L. *ad.* « alii ». — 5. Ed. *om.* « aliquid ».

**101.** — Unde etiam in prima absolutione alicui plus et minus de pœna dimittitur vi clavium, secundum quod plus se ad gratiam disponit. *Ei potest esse tanta dispositio, quod etiam ex vi contritionis lota pœna tollatur*, ut prædictum est (d. 17, 335).

**102.** — Unde etiam non est inconveniens, si per frequentem confessionem etiam tota pœna tollatur, ut peccatum omnino remaneat impunitum, pro quo pœna Christi satisfecit.

**103.** — **AD TERTIAM QUÆSTIONEM** dicendum quod operatio sacerdotis in usu clavium est conformis Dei operationi, cujus minister est. Deus autem habet operationem et in culpam et in pœnam. *Sed in culpam* ad solvendum? quidem *indirecte*, ad ligandum autem *indirecte*, inquantum « *obdurare* » dicitur dum gratiam non largitur. *Sed in pœnam* habet operationem *directe quantum ad utrumque*, quia et pœnam parcit et pœnam infligit.

**104.** — Similiter ergo sacerdos, etsi in absolvendo ex vi clavium habeat aliquam operationem ordinatam ad culpae dimissionem modo jam dicto (**80-82**), non tamen in<sup>3</sup> ligando aliquam operationem habet in culpam; nisi ligare dicatur inquantum non absolvit, sed ligatos ostendit. Sed in pœnam habet potestatem et ligandi et solvendi. Solvit enim a pœna quam dimittit, sed ligat ad pœnam quæ remanet. Sed ad hanc ligare *dupliciter* dicitur. *Uno modo* considerando ipsam quantitatem pœnæ in communi. **Et sic non ligat nisi inquantum non solvit**, sed ligatum ostendit. *Alio modo*, considerando pœnam hanc vel illam determinate. **Et sic ligat ad pœnam, imponendo eam.**

**105.** — **AD PRIMUM** ergo dicendum quod *illud residuum pœnæ* ad quod obligat, *est medicina purgans peccati impuritatem.*

**106.** — **Ad secundum** dicendum quod *obstaculum Regni* non solum peccatum est, sed *etiam pœna*: quam qualiter sacerdos imponat, dictum est (**104**).

**107.** — **Ad tertium** dicendum quod *etiam passio Christi*, obligat nos ad pœnam aliquam, per quam ei conformemur.

**108.** — **AD QUARTAM QUÆSTIONEM** dicendum quod sacerdos operatur in usu clavium sicut instrumentum et minister Dei. Nullum autem instrumentum habet efficacem actum nisi secundum quod movetur a principali agente. Et ideo dicit Dionysius in fine *Eccl. hierar.*, (n. 7; G. 3, 563) quod « *sacerdotibus utendum est virtutibus hierarchicis, quo modo\* Divinitas*

1. N. ad. « vel minus ». — 2. L. « absolvendum ». — 3. NL. om. « in ». — 4. Ed. « quando ».

«os *moverit*. » In cuius signum, *Mat.*, xvi, 17, ante potestatem clavium Petro traditam fit mentio de revelatione ei facta Divinitatis; et *Joan.*, xx, 22, praemittitur potestati remissionis Apostolis datæ Spiritus sancti donum, quo « *filii Dei aguntur* (*Rom. vni*, 14). » Unde si quis<sup>1</sup> præter istum motum divinum uti sua potestate præsumperit, non consequeretur effectum, ut<sup>2</sup> *Dionysius* (loc. cit.) dicit. Et præter<sup>3</sup> hoc a divino ordine averteretur; et sic culpam incurreret.

**109.** — Et quia pœnæ satisfactoriæ infligendæ ut medicinæ sunt, *sicut medicinæ* in arte determinatæ non omnibus competunt, sed variandæ sunt secundum arbitrium medici non propriam voluntatem sequentis, sed medicinæ scientiam; *ita pœnæ satisfactoriæ* in canone determinatæ non competunt omnibus, sed variandæ sunt secundum arbitrium sacerdotis divino instinctu regulatum. *Sicut* autem *medicus* aliquando prudenter non dat medicinam ita<sup>4</sup> efficacem quæ ad morbi curationem sufficiat, ne propter debilitatem naturæ majus periculum oriatur, *ita sacerdos* divino instinctu motus non semper totam pœnam quæ uni peccato debetur injungit, ne infirmus aliquis ex magnitudine pœnæ desperet et a pœnitentia totaliter recedat.

**110.** — **AD PRIMUM** ergo dicendum quod *arbitrium illud*<sup>0</sup> debet esse divino instinctu regulatum.

**111.** — **Ad secundum** dicendum quod etiam de hoc laudatur villicus quod « *prudenter fecit* ». Et ideo in remissione pœnæ debita discretio adhibenda est.

**112.** — **Ad tertium** dicendum quod Christus habuit potestatem excellentiæ in sacramentis. Unde ipse ex auctoritate pœnam totam vel partem poterat dimittere sicut volebat. *Nec est simile de his qui operantur tantum ut ministri.*

## QUÆSTIO II

Deinde quæritur de excommunicatione

Et circa hoc quæruntur quinque

*Primo*, de ipsa excommunicatione.

*Secundo*, quis possit excommunicare.

*Tertio*, de modo excommunicationis.

*Quarto*, de communicatione cum excommunicatis.

*Quinto*, de absolutione ab excommunicatione.

1. L. *om.* « quis ». — 2. N. *ad.* « ibidem ». — 3. Ed. « propter ». — 4. L. *om.* « ita ». — 5. L. « istud ».

## ARTICULUS I

[I]

[Z Cor. c. 5, ], 1, 3 ; I Tim. c. 1, l. 4].

**113. — AD PRIMUM SIC PROCEDITUR.** Videtur quod **INCOMPETENS SIT HÆC DEFINITIO EXCOMMUNICATIONIS A QUIBUSDAM** posita : « *Excommunicatio est separatio a communione Ecclesie quoad fructum et suffragia generalia.* »

1. Suffragia enim Ecclesie valent eis pro quibus fiunt. Sed Ecclesia orat pro eis qui extra Ecclesiam sunt : sicut pro hæreticis et paganis. Ergo etiam pro excommunicatis qui extra Ecclesiam sunt. Et sic eis suffragia Ecclesie valent.

2. **Præterea.** Nullus amittit suffragia Ecclesie nisi per culpam. Sed excommunicatio non est culpa, sed poena. Ergo per excommunicationem non separatur aliquis a suffragiis Ecclesie communibus.

3. **Præterea.** Fructus Ecclesie non videtur aliud esse quam suffragia. Non enim potest intelligi de fructu bonorum temporalium, quia hæc excommunicatis non auferuntur. Ergo inconvenienter utrumque ponitur.

4. **Præterea.** Excommunicatio minor quædam excommunicatio est. Sed per eam homo non perdit suffragia Ecclesie. Ergo definitio non est communis.

[II]

[II-II, q. 39, a. 4.]

**114. — ULTERIUS.** Videtur quod Ecclesia nullum debeat excommunicare.

1. Quia excommunicatio maledictio quædam est. Sed *Rom.*, xn, 14, prohibemur maledicere. Ergo Ecclesia excommunicare non debet.

2. **Præterea.** Militans<sup>2</sup> debet imitari triumphantem. Sed, ut in *Ep. Judæ* legitur, v, 9, « *Michael cum altercaretur de corpore Moysi cum diabolo, non est ausus iudicium blasphemie inferre, sed ait : Imperet tibi Dominus<sup>3</sup>.* » Ergo nec Ecclesia militans debet alicui iudicium maledictionis vel excommunicationis inferre.

1. ζ per *homot. om.* « Sed per eam homo »... usque ad « Sed *Rom. xn* », — 2. Ed. « Ecclesia militans ». — 3. Ed. ■ Deus ».

3. **Prætereā.** Nullus est in manum hostis tradendus nisi omnino desperatus. Sed per excommunicationem traditur aliquis in manum Satanae, ut patet I *Cor.*, v, 5. Cum ergo de nemine sit desperandum in vita ista, Ecclesia nullum debet excommunicare.

115. — **SED CONTRA** est quod Apostolus I *Cor.*, v, 17, mandat quemdam excommunicari.

116. — **Prætereā.** Mat., xviii, 17, dicitur de illo qui Ecclesiam audire contemnit : « *Sit tibi sicut ethnicus et publicanus.* » Sed ethnici sunt extra Ecclesiam. Ergo et illi qui Ecclesiam audire contemnunt, per excommunicationem extra Ecclesiam sunt ponendi.

## [III]

[QuodZ. I, q. 7, a. 1, ad 1; Mal. c. 18; I *Cor.* c. 5, l. 3.]

117. — **ULTERIUS.** Videtur quod nullus pro aliquo **TEMPORALI DAMNO DEBEAT EXCOMMUNICARI.**

1. Quia pœna non debet excedere culpam. Sed pœna excommunicationis est privatio alicujus boni spiritualis, quod omnibus bonis temporalibus præeminet. Ergo pro temporalibus nullus est excommunicandus.

2. **Prætereā.** « *Nulli malum pro malo reddere debemus* », secundum Apostoli præceptum (*Rom.*, xn, 17). Sed hoc esset malum pro malo reddere, si pro tali damno quis excommunicaretur. Ergo nullo modo hoc debet fieri.

118. — **SED CONTRA** est quod Petrus Ananiam et Saphiram pro defraudatione pretii agri sententia mortis damnavit (*Aci.*, v, 1-10). Ergo et Ecclesiæ licet pro temporalibus damnis excommunicare.

## . [IV]

119. — **ULTERIUS.** Videtur quod excommunicatio injuste **LATA NULLO MODO EFFECTUM HABEAT.**

1. Quia per excommunicationem « *protectio et gratia Dei subtrahitur* » (10), quæ non injuste subtrahi potest. Ergo excommunicatio injuste lata non habet effectum.

2. **Prætereā.** Hieronymus dicit (*In Mat.*, c. 16; L. 26, 118) quod hoc est « *de supercilio Pharisæorum* » æstimare esse ligatum vel solutum qui ligatur vel solvitur injuste. Sed eorum supercilium erat superbum et erroneum. Ergo excommunicatio injusta nullum habet effectum.

1. L. « excommunicatur ». —

**120. — SED CONTRA.** Secundum Gregorium (*hom.* 26, in Evang., n. 6; L. 76, 1201) præcepta pastoris, sive justa sive injusta, timenda sunt. Non autem essent timenda, nisi aliquid nocerent etiam injusta. Ergo, etc.

**121. — RESPONSIO.** Dicendum **AD PRIMAM QUÆSTIONEM** quod ille qui per baptismum in Ecclesia ponitur, ad *duo* adscribitur : scilicet *ad coetum fidelium* et *ad sacramentorum participationem*. Et hoc secundum præsupponit primum, quia in sacramentis participandis etiam fideles communicant. Et ideo aliquis potest extra Ecclesiam fleri per excommunicationem *duplíciter*.

**122. — Uno modo** ita quod separetur tantum a participatione sacramentorum. Et hæc erit **excommunicatio minor**.

**123. — Alio modo** ita quod excludatur ab utroque. Et sic erit **excommunicatio major**, quæ hic definitur. Non autem potest esse tertium, scilicet quod excludatur a communione fidelium et non a participatione sacramentorum, ratione jam dicta, quia scilicet fideles in sacramentis communicant.

**124. — Sed communicatio fidelium est duplex.** *Quædam in spiritualibus*, sicut mutue orationes sunt<sup>2</sup>, et conventus ad sacra percipienda ; *quædam in corporalibus actibus legitimis* ; qui quidem legitimi actus et licita communio his versibus continentur :

Si pro delictis, anathema quis efficiatur ;  
Os, orare, vale, communicio, mensa negatur.

« *Os* », scilicet ne detur osculum ; « *orare* », ne cum excommunicatis oremus ; « *vale* », ne salutentur ; « *communicio* », ne scilicet in sacramentis cum ipsis aliquis communicet ; « *mensa negatur* », ne aliquis cum eis comedat.

Præmissa ergo definitio importat separationem a sacramentis in hoc quod dicit : « *quantum ad fructum* » ; et a communione fidelium quantum ad spiritualia, in hoc quod dicit : « *et suffragia Ecclesie communia.* »

**125. —** Alia autem definitio invenitur quæ datur secundum separationem ab utrisque actibus, quæ talis est : « *Excommunicatio est a qualibet licita communione<sup>3</sup> legitimo actu separatio.* »

**126. — AD PRIMUM** ergo dicendum quod *pro infidelibus oratur* ; sed ipsi fructum orationis non percipiunt, nisi ad fidem convertantur. Similiter *el pro excommunicatis orari* potest, quamvis non inter orationes quæ pro membris Ecclesie fiunt. Et tamen fructum non participant, quamdiu in excommunica-

1. N. « sententia ». — 2. L. *om.* « sunt ». — 3. Ed. *ad.* « ac » ; L. « vel »

tione manent ; sed *oratur ut detur eis spiritus pœnitentiæ*, ut ab excommunicatione solvantur.

**127.** — **Ad secundum** dicendum quod suffragia alicujus valent alicui secundum quod ei continuantur. Potest autem actio unius alteri continuari *duplíciter*.

**128.** — *Uno modo ex vi caritatis* quæ omnes fideles connectit ut sint unum in Deo, sicut dicitur *ps. cxvni, 63* : « *Particeps ego sum omnium* etc. » Et hanc continuationem excommunicatio non intercipit ; quia juste excommunicari quis non potest nisi pro culpa mortali, per quam jam a caritate divisus est, etiamsi non excommunicetur. *Injusta autem excommunicatio caritatem alicui auferre non potest, cum sit de maximis bonis quæ non possunt alicui invito auferri.*

**129.** — *Alio modo per intentionem suffragia facientis*, quæ in aliquem fertur pro quo fiunt. Et hanc continuationem excommunicatio intercipit ; quia Ecclesia per excommunicationis sententiam separat excommunicates ab universitate fidelium, pro quibus suffragia facit. Unde suffragia Ecclesiæ ei non prosunt quæ pro tota Ecclesia fiunt. Nec ex persona Ecclesiæ oratio pro eis inter membra Ecclesiæ fieri potest ; *quamvis aliqua persona privata possit ad ejus conversionem aliquod suffragium per intentionem dirigere.*

**130.** — **Ad tertium** dicendum quod *fructus spiritualis Ecclesiæ non solum est ex suffragiis, sed etiam ex perceptione sacramentorum et ex convictu fidelium.*

**131.** — **Ad quartum** dicendum quod *minor excommunicatio non habet perfectam rationem excommunicationis*, sed aliquid ipsius participat. Et ideo non oportet quod ei totaliter excommunicationis definitio conveniat, sed solum quoad aliquid.

**132.** — **AD SECUNDAM QUÆSTIONEM** dicendum quod *judicium Ecclesiæ conforme debet esse iudicio Dei*. Deus autem multipliciter peccatores punit, ut eos ad bonum trahat. *Uno modo flagellis castigando. Alio modo hominem sibi relinquendo*, ut auxiliis subtractis quibus a malo praepediebatur, suam infirmitatem cognoscat, et humilis ad Deum redeat, a quo superbus abscessit.

**133.** — **Et quantum ad utrumque Ecclesia in excommunicationis sententia divinum iudicium imitatur.** *In quantum enim eum a communione fidelium separat ut erubescat, imitatur divinum iudicium quo per flagella castigat. In quantum autem a suffragiis et aliis spiritualibus separatur, imitatur divinum iudicium quo hominem sibi relinquit, ut per humilitatem seipsum cognoscens ad Deum redeat.*

**134.** — **AD PRIMUM** ergo dicendum quod maledictio potest esse *dupliciter*. *Uno modo* ita quod in malo quod irrogat vel dicit, per intentionem sistat. *Et sic maledictio omnibus modis prohibita est.*

**135.** — *Alio modo* ita quod malum quod quidem maledicendo imprecatur, ad bonum illius ordinet qui maledicatur. *Et sic maledictio quandoque est licita et salutifera* : sicut et medicus aliquod nocumentum infert infirmo, ut sectionem, per quam ab infirmitate liberetur.

**136.** — **Ad secundum** dicendum quod diabolus incorrigibilis est. Et ideo non est susceptibilis alicujus boni per excommunicationis poenam.

**137.** — **Ad tertium** dicendum quod ex hoc ipso quod aliquis suffragiis Ecclesiæ privatur, *triplex* incommodum incurrit per oppositum per tria quæ quis ex suffragiis Ecclesiæ consequitur.

*Valent enim ad augmentum gratiæ* eis qui habent, vel ad merendum eis qui non habent. Et quantum ad hoc Magister in *Littera (10)* dicit quod « *gratia Dei per excommunicationem subtrahitur* ».

*Valent etiam ad custodiam virtutis.* Et quantum ad hoc dicit quod « *protectio subtrahitur* » ; non quod omnino a Dei providentia excludatur<sup>3</sup>, sed quod<sup>4</sup> ab illa protectione qua filios Ecclesiæ specialiori modo custodit.

*Valent etiam ad defendendum ab hoste.* Et quantum ad hoc dicit quod « *diabolo major potestas sæviendi in ipsum datur* » et spiritaliter et corporaliter.

**138.** — Unde *in primitiva Ecclesia* quando oportebat per signa ad fidem homines invitare, *sicut* Spiritus sancti donum visibili signo manifestabatur, *ita* et excommunicatio corporali vexatione a diabolo innotescebat. *Nec est inconveniens si ille qui non est desperatus hosti datur* ; quia non datur ei quasi damnandus, sed *quasi corrigendus* ; cum in potestate Ecclesiæ sit ex ejus manu ipsum eripere cum voluerit.

**139.** — **AD TERTIAM QUÆSTIONEM** dicendum quod per excommunicationem iudex ecclesiasticus excommunicatus excludit a Regno quodammodo. Unde cum non debeat excludere nisi indignos, ut ex definitione clavis patuit (17) ; nec aliquis reddatur indignus nisi per peccatum mortale amiserit caritatem quæ est via ducens ad Regnum ; ideo **nullus excommunicari debet nisi pro peccato mortali.** Et quia in damnificando aliquem corporaliter vel in rebus temporalibus aliquis mortaliter peccat,

1. L. *om.* « est ». — 2. Ed. « ad ». — 3. L. « excluduntur ». — 4. L. *om.* « quod ».  
— 5. N. « item ».

et contra caritatem facit; ideo pro damno temporali illato Ecclesia aliquem excommunicare potest.

**140.** — Sed quia excommunicatio est gravissima pœnarum; « *pœnæ autem medicinæ sunt* », secundum Philosophum in II *Eth.* (β 2. 1104b, 17, l. 3, η. 270); sapientis autem medici est a levioribus medicinis incipere et minus periculosis; ideo **excommunicatio infligi non debet etiam pro peccato mortali, nisi contumax fuerit**; vel non veniendo ad iudicium, vel ante terminationem iudicii sine licentia recedendo, vel determinationi non parendo. Tunc enim postquam monitus fuerit, si obedire contempserit, contumax reputatur; et excommunicari debet a iudice jam non habente quid contra ipsum faciat amplius.

**141.** — **AD PRIMUM** ergo dicendum quod culpæ quantitas non mensuratur ex nocumento quod quis facit, sed ex voluntate qua facit contra caritatem agens. Et ideo, quamvis *pœna excommunicationis* excedat nocumentum, non tamen *excedit quantitatem culpæ*.

**142.** — **Ad secundum** dicendum quod *cum aliquis per pœnam aliquam corrigitur*, non *redditur ei malum*, sed *bonum*; quia « *pœnæ medicinæ sunt* », ut dictum est (**140**).

**143.** — **AD QUARTAM QUÆSTIONEM** dicendum quod excommunicatio potest dici injusta *dupliciter*. *Uno modo ex parte excommunicantis*: sicut cum ex odio vel ira excommunicat. Et tunc excommunicatio nihilominus habet effectum suum, quamvis ille qui excommunicat peccet; quia iste iuste patitur quamvis ille injuste faciat.

**144.** — *Alio modo ex parte ipsius excommunicationis*: vel quia causa excommunicationis est indebita, vel quia infertur sententia, juris ordine prætermisso. **Et tunc, si sit talis error ex parte sententiæ qui sententiam nullam esse faciat, non habet effectum**: quia non est excommunicatio. *Si autem sententiam non annullat, habet effectum suum*. Et debet excommunicatus humiliter obedire — et erit ei ad meritum — et absolute non petere ab excommunicante, vel ad superiorem iudicem recurrere. Si autem contempneret, eo ipso mortaliter peccaret.

**145.** — *Contingit autem quandoque quod esi debila causa ex parte excommunicantis quæ non est debila ex parte excommunicati*: sicut cum aliquis pro falso crimine in iudicio probato excommunicatur. **Et tunc si humiliter sustinet, humilitatis merito récompensât excommunicationis damnum**.

**146.** — **AD PRIMUM** ergo dicendum quod quamvis homo

1. L. « quod ». — 2. Ed. om. « ei ». — 3. Ed. « vel ». — 4. Ed. « excommunicationis ».

gratiam Dei injuste amittere non possit, potest tamen injuste amittere illa quæ ex parte nostra sunt, quæ ad gratiam Dei disponunt : sicut patet si subtrahatur alicui doctrinæ verbum quod ei debetur. *Et hoc modo excommunicatio gratiam Dei subtrahere dicitur, ut ex prædictis patet (137).*

**147. — Ad secundum** dicendum quod Hieronymus loquitur quantum ad culpas, et non quantum ad pœnas quæ possunt etiam injuste infligi a rectoribus Ecclesiarum.

## ARTICULUS II

### [I]

**148. — AD SECUNDUM SIC PROCEEDITUR.** Videtur QUOD QUILIBET SACERDOS POSSIT EXCOMMUNICARE.

1. Excommunicatio enim est actus clavium. Sed quilibet sacerdos habet claves. Ergo quilibet potest excommunicare.

2. **Præterea.** Majus est absolvere et ligare in foro pœnitentiæ quam in foro iudicii. Sed quilibet sacerdos potest sibi subditos in foro pœnitentiæ absolvere et ligare. Ergo etiam potest sibi subditos quilibet sacerdos excommunicare.

**149. — SED CONTRA.** Ea in quibus imminet periculum, sunt majoribus reservanda. Sed pœna excommunicationis est valde periculosa, nisi cum moderamine fiat. Ergo non debet cuilibet committi sacerdoti.

### [II]

[*Infra, d. 19, 31.*]

**150. — ULTERIUS.** Videtur QUOD NON SACERDOTES EXCOMMUNICARE NON POSSINT.

1. Quia excommunicatio est actus clavium, ut in *Littera (9)* dicitur. Sed non sacerdotes non habent claves. Ergo non possunt excommunicare.

2. **Præterea.** Plus requiritur ad excommunicationem quam ad absolutionem in foro pœnitentiæ. Sed non sacerdos in foro pœnitentiæ absolvere non potest. Ergo nec excommunicationem inferre.

**151. — SED CONTRA** est quod archidiaconi, legati et electi excommunicant, qui quandoque non sunt sacerdotes. Ergo non solum sacerdotes excommunicare possunt.

1. L. « solvere ». — 2. Ed. præter L. « clerici ».

## [III]

[II-II, q. 39, a. 3.]

**152. — ULTERIUS.** Videtur quod excommunicatus vel suspensus EXCOMMUNICARE possit.

1. Ille enim qui est excommunicatus vel suspensus, neque ordinem neque jurisdictionem amittit; quia neque reordinatur cum absolvitur, neque cura ei iterum committitur. Sed excommunicatio non requirit nisi ordinem vel jurisdictionem. Ergo etiam excommunicatus et suspensus excommunicare possunt.

2. **Præterea.** Majus est conficere corpus Christi quam excommunicare. Sed conficere possunt, ut supra d. 13 (**35-8**) dictum est. Ergo possunt excommunicare.

**153. — SED CONTRA.** Ligatus corporaliter non potest alium ligare. Sed vinculum spirituale est fortius quam corporale. Ergo excommunicatus non potest excommunicare, cum excommunicatio sit vinculum spirituale.

**154. — RESPONSIO.** Dicendum **AD PRIMAM QUÆSTIONEM** quod in foro conscientiae causa agitur inter hominem et Deum; in foro autem exterioris iudicii causa agitur hominis ad hominem. Et ideo absolutio vel ligatio quæ unum hominem obligat quoad Deum tantum, pertinet ad forum poenitentiae; sed illa quæ hominem obligat in comparatione ad alios homines, ad forum publicum exterioris iudicii pertinet.

**155. —** Et quia per excommunicationem homo a communione fidelium separatur; ideo excommunicatio ad forum exterius pertinet. **Et ideo illi soli possunt excommunicare qui habent jurisdictionem in foro judiciali.** Et propter hoc soli Episcopi propria auctoritate et majores prælati, secundum communioem opinionem, possunt excommunicare; sed presbyteri parochiales non nisi ex commissione eis facta, vel in certis casibus, sicut in furto et rapina et hujusmodi, in quibus est eis a jure concessum quod excommunicare possint.

**156. —** Alii autem dixerunt quod etiam sacerdotes parochiales possunt excommunicare. Sed **prædicta opinio est rationabilior.**

**157. — AD PRIMUM** ergo dicendum quod excommunicatio non est actus clavis directe, sed magis respectu exterioris iudicii. Sed sententia excommunicationis, quamvis in exteriori iudicio promulgetur, quia tamen aliquo modo pertinet ad aditum Regni, secundum quod Ecclesia militans est via ad triumphan-

1. L. *ad.* « et ». — 2. Ed. *om.* « ideo ».

tern ; ideo etiam talis jurisdictio per quam homo excommunicare potest, *clavis* potest dici. Et secundum hoc a *Quibusdam* distinguitur quod est *clavis ordinis*, quam omnes sacerdotes habent ; et *clavis jurisdictionis in foro judiciali*, quam habent soli iudices exterioris fori. Utramque tamen Deus Petro contulit. Mat., xvi, 19 ; et ab ipso in alios descendit qui utramque habent.

**158.** — **AD secundum** dicendum quod *sacerdotes parochiales* habent quidem jurisdictionem in subditos suos quantum ad forum conscientiae, sed non quantum ad forum iudiciale ; quia non possunt coram eis conveniri in causis contentiosis. Et ideo *excommunicare non possunt, sed absolvere possunt in foro pœnitentiali*. Et quamvis forum pœnitentiale sit dignius, tamen in foro judiciali major solemnitas requiritur ; quia in eo oportet quod non solum Deo, sed etiam homini satisfiat.

**159.** — **AD SECUNDAM QUÆSTIONEM** dicendum quod sacramenta, in quibus gratia confertur, dispensare ad solos sacerdotes pertinet. Et ideo ipsi soli possunt absolvere et ligare in foro pœnitentiali. Sed excommunicatio non directe respicit gratiam, sed ex consequenti, in quantum homo suffragiis Ecclesiæ privatur, quæ ad gratiam disponunt vel in gratia conservant. **Et ideo etiam non sacerdotes, dummodo jurisdictionem habeant in foro contentioso, possunt excommunicare.**

**160.** — **AD PRIMUM** ergo dicendum quod quamvis non habeant elavem ordinis, *habent* tamen *elavem jurisdictionis*.

**161.** — **AD secundum** dicendum quod ista duo se habent sicut excedentia et excessa. Et ideo alicui competit unum cui non competit aliud.

**162.** — **AD TERTIAM QUÆSTIONEM** dicendum quod usus jurisdictionis est in comparatione ad alium hominem. Et ideo, cum omnis excommunicatus a communione fidelium separatur, quilibet excommunicatus usu jurisdictionis privatur. Et quia excommunicatio est jurisdictionis privatio, ideo **excommunicatus excommunicare non potest.**

**163.** — **Et eadem ratio est de suspenso a jurisdictione.** Si enim sit suspensus ab ordine tantum, tunc non potest ea quæ sunt ordinis, sed potest ea quæ jurisdictionis. Et e converso, si sit suspensus a jurisdictione, et non ab ordine. Si autem ab utroque, tunc neutrum potest.

**164.** — **AD PRIMUM** ergo dicendum quod quamvis non amittat jurisdictionem, *amittit* tamen *jurisdictionis usum*.

**165.** — **AD secundum** dicendum quod *conficere sequitur*

*potestatem characteris qui indelebilis est. Et ideo homo, ex quo characterem ordinis habet, semper potest conficere, licet non semper ei liceat. Secus autem est de excommunicatione quæ jurisdictionem sequitur, quæ auferri potest et ligari.*

### ARTICULUS III

[I]

[*Infra d. 19, 94-95 ; d. 20, 151.*]

**166. — AD TERTIUM SIC PROCEDITUR.** Videtur quod ALIQUIS POSSIT SEIPSUM VEL ÆQUALEM VEL SUPERIOREM EXCOMMUNICARE.

1. Quia Angelus Dei major erat Paulo, Mat., xi, 11 : « *Oui minor est in regno caelorum major est illol* », quo « *nemo inter natos mulierum major.* » Sed Paulus excommunicavit « *Angelum de celo* », ut patet Gal., i, 8. Ergo homo potest superiorem excommunicare.

2. **Præterea.** Sacerdos aliquando excommunicat in generali pro furto, vel<sup>2</sup> aliquo hujusmodi. Sed potest contingere quod ipsemet fecit, vel superior aut<sup>3</sup> æqualis. Ergo aliquis potest se, vel æqualem vel superiorem excommunicare.

3. **Præterea.** Aliquid potest superiorem absolvere in foro pœnitentiali vel æqualem : sicut cum Episcopi suis subditis confitentur, et cum unus sacerdos alteri venialia confitetur. Ergo videtur quod etiam excommunicare aliquis superiorem vel æqualem possit.

**167. — SED CONTRA.** Excommunicatio est actus jurisdictionis. Sed aliquis non habet in se jurisdictionem, quia in eadem causa non potest quis esse iudex et reus. Nec iterum in superiorem aut æqualem. Ergo non potest aliquis superiorem vel æqualem aut se excommunicare.

[II]

[*Quodl. X, q. 7, a. 1, ad 1.*]

**168. — ULTERIUS.** Videtur quod in aliquam universitatem sententia excommunicationis ferri possit.

1. Contingit enim quod aliqua universitas sibi in malitia colligatur<sup>4</sup>. Sed pro malitia in qua aliquis contumax extiterit<sup>5</sup>, debet

1. L. « eo ». — 2. Ed. *ad.* « pro ». — 3. Ed. « vel ». — 4. N. « colligetur ». — 5. L. « extitit ».

excommunicatio ferri. Ergo potest in aliquam universitatem ferri excommunicatio.

2. **Præterea.** Illud quod est gravissimum in excommunicatione, est separatio a sacramentis Ecclesiæ. Sed aliquando tota civitas interdicitur a divinis. Ergo etl excommunicari aliqua universitas potest.

**169. — SED CONTRA** est Glossa Augustini Ματ., xiii, 29 (L. 114, 132) quæ dicit quod « *princeps et multitudo non est excommunicanda.* »

[III]

**170. — ULTERIUS.** Videtur quod ille qui semel est EXCOMMUNICATUS, ULTERIUS EXCOMMUNICARI NON POSSIT<sup>2</sup>.

1. *I Cor.*, v. 12, dicit Apostolus : « *Quid mihi est<sup>3</sup> de iis qui foris sunt iudicare ?* » Sed excommunicati jam sunt extra Ecclesiam. Ergo super eos Ecclesia iudicium non habet, ut possit eos iterum excommunicare.

2. **Præterea.** Excommunicatio est separatio quædam a divinis et a communione fidelium. Sed postquam est aliquis privatus aliquo, non potest iterum illo privari. Ergo unus excommunicatus non debet iterum excommunicari.

**171. — SED CONTRA.** Excommunicatio quædam poena est et medicinale remedium. Sed pœnæ et medicinæ iterantur, cum causa exigit. Ergo et excommunicatio iterari potest.

**172. — RESPONSIO.** Dicendum **AD PRIMAM QUÆSTIONEM** quod cum per jurisdictionem aliquis constituatur in gradu superioritatis respectu ejus in quem habet jurisdictionem, quia est iudex ejus ; ideo nullus habet in seipsum, vel superiorem vel æqualem jurisdictionem, et per consequens **nullus potest seipsum excommunicare vel superiorem aut<sup>4</sup> æqualem.**

**173. — AD PRIMUM** ergo dicendum quod Apostolus loquitur sub hypothesis, id est *si poneretur Angelus peccare* ; sic enim non esset Apostolo superior, sed inferior. Nec est inconveniens quod in conditionalibus quarum antecedentia impossibilia sunt, et consequentia impossibilia sint.

**174. Ad secundum** dicendum quod in tali casu nullus excommunicatur ; quia « *par in parem nullum habet imperium* », (cap. *Innotuit, de Electione*).

**175. — Ad tertium** dicendum quod absolutio et ligatio in foro confessionis est quoad Deum tantum, apud quem aliquis alio inferior redditur per peccatum<sup>5</sup>. *Sed excommunicatio est in*

1. Ed. *om.* « et ». — 2. N. *ad.* « Nam ». — 3. Ed. *om.* « est ». — 4. Ed. « vel  
5. Ed. « pro peccato ».

*judicio exteriori, in quo aliquis non amittit superioritatem ex hoc ipso quod peccat.* Unde non est similis ratio de utroque foro.

**176.** — Et tamen etiam in foro confessionis aliquis non potest se ipsum absolvere, nec superiorem aut æqualem, *de mortali*<sup>3</sup>, nisi ex commissione sibi facta. *De venialibus* autem potest, quia venialia ex quibuslibet sacramentis gratiam conferentibus remittuntur. *Unde remissio venialium sequitur potestatem ordinis.*

**177.** — **AD SECUNDAM QUÆSTIONEM** dicendum quod *excommunicari non debet aliquis nisi pro peccato mortali* (139) Peccatum autem in actu consistit. Actus autem non est communitatis sed singularium personarum ut frequenter. Et ideo singuli de communitate excommunicari possunt, non autem ipsa communitas.

**178.** — Etsi etiam quandoque actus sit totius alicujus multitudinis, ut quando multi navim trahunt, quam nullus trahere posset; tamen non est probabile quod aliqua communitas ita tota ad malum consentiat quin aliqui sint dissentientes. Et quia « *non est Dei, qui judicat omnem terram, ut condemnet justum cum impio* », ut dicitur *Gen.*, xviii, 25; ideo **Ecclesia, quae Dei iudicium imitari debet, satis provide statuit ut tota communitas non excommunicetur**, « *ne collectis zizaniis simul eradicetur et triticum.* » (*Mat.*, xiii, 29.)

**AD PRIMUM** ergo patet solutio ex dictis.

**179.** — **Ad secundum** dicendum quod *suspensio non tanta pœna est quanta excommunicatio, quia suspensi non fraudantur Ecclesiæ suffragiis sicut excommunicati.* Unde etiam aliquis sine peccato proprio suspenditur, sicut et totum regnum supponitur interdicto pro peccato<sup>4</sup> regis. *Et ideo non est simile de excommunicatione ei suspensione.*

**180.** — **AD TERTIAM QUÆSTIONEM** dicendum quod **ille qui excommunicatus est una excommunicatione, potest iterum excommunicari**; *vel*<sup>5</sup> per ejusdem excommunicationis iterationem ad majorem sui confusionem, ut vel sic a peccato resiliat; *vel* propter alias causas. Et tunc tot sunt principales excommunicationes, quot causæ pro quibus quis excommunicatur.

**181.** — **AD PRIMUM** ergo dicendum quod *Apostolus loquitur de paganis et aliis infidelibus, qui non habent characterem*, per quem annumerati sint in<sup>7</sup> populo Dei. Sed quia character baptismalis, quo quis populo Dei annumeratur, est indelebilis, ideo semper remanet aliquo modo de Ecclesia baptizatus. Et sic semper Ecclesia de ipso judicare potest.

1. Ed. *om.* « etiam ». — 2. Ed. « nec ». — 3. L. *om.* « de mortali ». — 4. Ed. « peccatis ». — 5. Ed. *om.* « vel ». — 6. Ed. « aliquis ». — 7. L. *om.* « in ».

**182.** — **Ad secundum** dicendum quod *privatio*, quamvis non recipiat magis et minus secundum se, *recipit* tamen *magis et minus secundum causam suam*. Et secundum hoc excommunicatio potest iterari. Et magis est elongatus a suffragiis Ecclesiae qui pluries est excommunicatus quam qui semel tantum.

#### ARTICULUS IV

[I]

fII-U, q. 31, a. 2, ad 3; q. 39, a. 4, ad 2.]

**183.** — **AD QUARTUM SIC PROCEDITUR.** Videtur quod LICEAT EXCOMMUNICATO COMMUNICARE IN PURE CORPORALIBUS.

1. Excommunicatio enim est actus clavium. Sed potestas clavium se extendit ad spiritualia tantum. Ergo per excommunicationem non prohibetur quin unus alii in corporalibus communicare possit.

2. **Præterea.** *Quod est institutum pro caritate, contra caritatem non militat*<sup>2</sup>. Sed ex<sup>3</sup> præcepto caritatis tenemur inimicis subvenire : quod sine aliqua communicatione fieri non potest. Ergo licet alicui excommunicato in corporalibus communicare.

**184.** — **SED CONTRA** est quod dicitur *I Cor.*, v, 11 : « *Cum ejusmodi nec cibum sumere.* »

[II]

**185.** — **ULTERIUS.** Videtur quod participans excommunicato non sit excommunicatus.

1. Plus enim est separatus ab Ecclesia Gentilis\* quam excommunicatus. Sed ille qui participat Gentili aut Judæo, non est excommunicatus. Ergo nec ille qui participat Christiano excommunicato.

2. **Præterea.** Si ille qui participat alicui excommunicato est excommunicatus, eadem ratione qui participat participanti, erit excommunicatus ; et sic in finitum procedet<sup>5</sup> : quod videtur absurdum. Ergo non est excommunicatus qui excommunicato participat.

**186.** — **SED CONTRA** est quod excommunicatus positus est extra communionem. Ergo qui ei communicat a communionem Ecclesiae recedit. Et sic videtur quod sit excommunicatus.

1. L. « maju? ». — 2. Bernard, *de Præcept. et Dispens.*, c. 2, π. 5 ; L. 182, 363. — 3. Ed. om. « ex ». — 4. N. ad. « vel Judæus ». — 5. Ed. « procedetur ».

## [HI]

[QuodZ. XI, q. 8, a. 2.)

**187. — ULTERIUS.** Videtur quod participare cum excommunicato IN casibus non concessis, semper sit peccatum MORTALE.

1. Quia *Decretalis quædam* (Cap. *Sacris de his quæ vi meliusque causa*) respondet quod propter timorem mortis non debet aliquis excommunicato communicare, quia aliquis debet prius subire mortem quam mortaliter peccet. Sed hæc ratio nulla esset nisi participare excommunicato esset peccatum mortale. Ergo etc.

2. **Præterea.** Facere contra præceptum Ecclesiæ est peccatum mortale. Sed Ecclesia præcipit<sup>1</sup> quod excommunicato nullus communicet. Ergo participare cum excommunicato est peccatum mortale.

3' **Præterea.** Nullus arcetur a perceptione eucharistiæ pro peccato veniali. Sed ille qui participat excommunicato in casibus non concessis, arcetur a perceptione eucharistiæ; quia incurrit minorem excommunicationem. Ergo participans excommunicatio in casibus non concessis peccat mortaliter.

4. **Præterea.** Nullus debet excommunicari majori excommunicatione, nisi pro peccato mortali. Sed aliquis secundum jura potest excommunicari majori excommunicatione propter hoc quod excommunicato participat. Ergo participare excommunicato est peccatum mortale.

**188. — SED CONTRA.** A peccato mortali nullus potest absolvere nisi habeat super eum jurisdictionem. Sed potest absolvere a participatione excommunicationis<sup>2</sup> quilibet sacerdos. Ergo non est peccatum mortale.

**189. — Præterea.** Pro mensura peccati debet esse pœnitentiæ modus. Sed pro participatione excommunicationis secundum communem consuetudinem non imponitur<sup>3</sup> pœna debita mortali peccato, sed magis debita veniali. Ergo est peccatum veniale.

**190. — RESPONSIO.** Dicendum AD PRIMAM QUÆSTIONEM quod, sicut prædictum est (122-3), *duplex* est excommunicatio. *Una esi minor* quæ separat tantum a participatione sacramentorum, sed non a communione fidelium. **Et ideo tali excommunicato licet communicare**, sed non licet ei sacramenta conferre.

**191. — Alia esi major excommunicatio.** Et hæc separat hominem a sacramentis Ecclesiæ et a communione fidelium. **Et ideo excommunicato tali excommunicatione communicare non licet.**

1. Ed. « præcepit ». — 2. L. « cum excommunicatis ». — 3. Ed. « ponitur ».

**192.** — Sed quia Ecclesia excommunicationem ad medelam et non ad interitum inducit, *excipiuntur ab hac generalitate quædam in quibus communicare licet*, scilicet in his quæ pertinent ad salutem ; quia de talibus homo licite cum excommunicato loqui potest ; et etiam alia verba interserere, ut facilius salutis verba ex familiaritate recipiantur.

**193.** — *Excipiuntur etiam quædam personæ*, ad quas specialiter pertinet provisio excommunicati, scilicet uxor, servus, filius, rusticus et serviens. Sed hoc intelligendum est de filiis non emancipatis ; alias tenerentur vitare patrem. De aliis autem intelligitur quod licet excommunicato communicare, si ante excommunicationem se ei subdiderunt ; non autem si post.

**194.** — *Quidam autem intelligunt e converso*, scilicet quod superiores possunt licite communicare inferioribus.

**195.** — *Alii vero contra dicunt*. Sed ad minus in his eis communicare debent in quibus eis sunt obligati ; quia *sicut* inferiores obligantur ab obsequium superiorum, *ita* superiores ad providentiam inferiorum.

**196.** — *Sunt etiam quidam casus excepti* : sicut quando ignoratur excommunicatio ; et quando aliqui sunt peregrini et viatores in terra excommunicatorum, qui licite possunt ab eis emere, vel etiam accipere elemosynam. Et similiter si aliquis videat excommunicatum in necessitate ; quia tunc ex præcepto caritatis tenetur ei providere. Et hæc hoc versu continentur :

Utile, lex, humile, res ignorata, necesse;

ut « *utile* » referatur ad verba salutis, « *lex* » ad matrimonium, « *humile* » ad subjectionem. Cetera patent.

**197.** — **AD PRIMUM** ergo dicendum quod corporalia ad spiritualia ordinantur. Et ideo potestas quæ se extendit ad spiritualia, etiam ad corporalia potest se extendere : sicut « *ars quæ est de fine, imperat de his quæ sunt ad finem* ».

**198.** — **Ad secundum** dicendum quod in illo casu in quo aliquis ex præcepto caritatis communicare tenetur, non prohibetur communitio, ut ex dictis (**196**) patet.

**199.** — **AD SECUNDAM QUÆSTIONEM** dicendum quod excommunicatio potest inferri in aliquem *dupliciter*.

*Aut* ita quod ipse sit *excommunicabis cum omnibus ei participantibus*. Et tunc non est dubium quod quicumque participat ei. est excommunicatus **majori excommunicatione**.

**200.** — *Aut est excommunicatus simpliciter*. Et tunc *aut participat* aliquis ei *in crimine*, præbendo ei consilium, auxilium

1. L. « tenentur ». — 2. N. ad. « supradictis ». — 3. N. ad. « illis ». — 4. N. L. « ferri ». — 5. Ed. ad. » et ».

et favorem ; et sic iterum est excommunicatus **majori excommunicatione**. Aut participat *in aliis*, sicut in verbo vel osculo vel mensa ; et sic est excommunicatus **minori excommunicatione**.

**201.** — **AD PRIMUM** ergo dicendum quod Ecclesia non ita intendit corrigere infideles sicut fideles, quorum cura sibi incumbit. Et ideo non arcet a communione infidelium sicut a communione fidelium illorum quos excommunicat, super quos habet aliquam potestatem.

**202.** — **Ad secundum** dicendum quod excommunicato minori excommunicatione licet communicare. Et sic excommunicatio non transit in tertiam personam.

**AD TERTIAM QUÆSTIONEM** dicendum quod *Quidam* dicunt quod quodcumque aliquis participat excommunicato vel verbo vel quocumque dictorum modorum secundum quos ei communicare non licet, peccat mortaliter, nisi in casibus exceptis a jure.

**203.** — Sed quia hoc videtur valde grave quod homo pro uno verbo levi quo excommunicatum alloquitur, mortaliter peccet ; et multis excommunicantes laqueum damnationis injicerent quod in eos retorqueretur ; ideo *Aliis* **probabilius videtur quod non semper peccat mortaliter**, sed solum quando in crimine sibi participat, vel in divinis, vel in contemptum Ecclesiæ.

**204.** — **AD PRIMUM** ergo dicendum quod *Decretalis illa loquitur de participatione in divinis*.

**205.** — **Vel dicendum** quod similis ratio est de peccato mortali et de veniali quantum ad hoc ; quia *sicut* peccatum mortale non potest bene fleri, *ita* nec veniale. Et ideo *sicut* homo debet prius sustinere mortem quam peccet mortaliter ; *ita* etiam quam quod peccet venialiter illo modo debiti quo debet veniale vitare.

**206.** — **Ad secundum** dicendum quod *prieceptum Ecclesiæ directe respicit spiritualia, et ex consequenti legitimos actus*. Et ideo qui communicat ei in divinis, facit contra praeceptum et mortaliter peccat. Qui autem participat ei in aliis, facit præter praeceptum et peccat venialiter.

**207.** — **Ad tertium** dicendum quod *aliquis etiam sine culpa quandoque ab eucharistia arctatur\**, sicut patet in suspensis vel interdictis ; quia tales pœnæ quandoque alicui pro culpa alterius qui in eis punitur inferuntur.

**208.** — **Ad quartum** dicendum quod quamvis participare excommunicato sit peccatum veniale, tamen *participare ei pertinaciter est peccatum mortale*. Et per hoc potest aliquis excommunicari secundum jura.

1. L. om. « quia ». — 2. Ed. om. « ideo ». — 3. NF. « arctetur ».

## ARTICULUS V

## [I]

**209. — AD QUINTUM SIC PROCEDITUR.** Videtur quod QUILIBET SACERDOS SUBDITUM SUUM POSSIT AB EXCOMMUNICACIONE ABSOLVERE.

1. Majus enim est vinculum peccati quam excommunicationis. Sed quilibet sacerdos potest subditum suum a peccato absolvere. Ergo multo fortius ab excommunicatione.

2. **Præterea.** Remota causa removetur effectus. Sed excommunicationis causa est peccatum mortale. Ergo cum possit quilibet sacerdos a peccato illo mortali absolvere, poterit ab excommunicatione similiter.

**210. — SED CONTRA.** Ejusdem potestatis est excommunicare et excommunicatum absolvere. Sed sacerdotes inferiores non possunt suos subditos excommunicare. Ergo nec absolvere.

## [II]

**211. — ULTERIUS.** Videtur QUOD NULLUS POSSIT ABSOLVI INVITUS.

1. Spiritualia enim non conferuntur invito alicui. Sed absolutio ab excommunicatione est beneficium spirituale. Ergo non potest præstari invito.

2. **Præterea.** Excommunicationis causa est contumacia. Sed quando aliquis non vult absolvi, excommunicationem contemnens, tunc est maxime contumax. Ergo non potest absolvi.

**212. — SED CONTRA.** Excommunicatio contra voluntatem alicui potest inferri. Sed quæ contra voluntatem eveniunt, etiam contra voluntatem amoveri possunt : sicut patet de bonis fortunæ. Ergo excommunicatio potest tolli ab aliquo invito.

## [III]

**213. — ULTERIUS.** Videtur QUOD ALIQUIS NON POSSIT ABSOLVI AB UNA EXCOMMUNICACIONE, NISI ABSOLVATUR AB OMNIBUS.

1. Effectus enim debet proportionari suæ causæ. Sed causa excommunicationis est peccatum. Cum ergo aliquis non possit absolvi ab uno peccato nisi ab omnibus absolvatur, nec in excommunicatione hoc esse poterit.

2. **Præterea.** Excommunicationis absolutio in Ecclesia fit. Sed ille qui una excommunicatione est irretitus, est extra

Ecclesiam. Ergo quamdiu una manet, ab alia absolvi non potest.

**214. — SED CONTRA.** Excommunicatio quædam pœna est. Sed ab una pœna aliquis liberatur alia remanente. Ergo ab una excommunicatione, alia remanente, quis absolvi potest.

**215. — RESPONSIO.** Dicendum **AD PRIMAM QUÆSTIONEM** quod **a minori excommunicatione quilibet potest absolvere qui potest absolvere a peccato participationis.**

**Si autem est major. Aid est lata a iudice ; et sic ille qui tulit, vel ejus superior, potest absolvere.**

*Vel est lata a jure ; et tunc Episcopus vel etiam sacerdos potest absolvere, exceptis sex casibus quos sibi juris conditor, scilicet Papa, reservavit.*

*Primus* est, quando aliquis injicit manus in clericum vel religiosum. *Secundus* est de illo qui incendit Ecclesiam et est denunciatus. *Tertius* est de illo qui frangit Ecclesiam, et denunciatus est. *Quartus* est de illo qui in divinis scienter communicat excommunicatis nominaliter a Papa. *Quintus* de illo qui falsat litteras Apostolicæ Sedis. *Sextus* de illo qui excommunicatis in crimine communicat. Non enim debet absolvi nisi ab eo qui excommunicavit, etiamsi non sit ejus subditus, nisi propter difficultatem accedenti ad ipsum absolveretur ab Episcopo, vel a sacerdote proprio, præstita juratoria cautione, quod pareret mandato illius judicis qui sententiam tulit.

**216. —** A primo autem casu *octo* excipiuntur. *Primum*<sup>3</sup> est in articulo mortis, in quo a qualibet excommunicatione potest quis a quolibet sacerdote absolvi. *Secundo*<sup>\*</sup>, sit sit ostiarius alicujus potentis, et non ex odio vel proposito percussit. *Tertio*<sup>5</sup>, si percussus sit mulier. *Quarto*<sup>5</sup>, si sit servus, et dominus læderetur de ejus absentia qui non est in culpa. *Quinto*<sup>7</sup>, si regularis regularem, nisi sit enormis excessus. *Sexto*<sup>8</sup>, si sit pauper. *Septimo*<sup>9</sup>, si sit impubes vel senex vel valetudinarius. *Octavo*<sup>10</sup>, si habeat inimicitias capitales.

**217. —** Sunt autem alii casus *septem*, in quibus percussus clericum excommunicationem non incurrit. *Primo*<sup>1</sup>, si causa discipline ut magister vel prælatus, percusserit. *Secundo*<sup>2</sup>, si jocosa levitate. *Tertio*<sup>3</sup>, sit invenerit eum turpiter agentem cum uxore vel matre vel sorore vel filia. *Quarto*<sup>\*</sup>, si statim vim vi repellat. *Quinio*<sup>5</sup>, si ignoret eum esse clericum. *Sexto*<sup>5</sup>, si inveniatur eum in apostasia post trinam admonitionem. *Septimo*<sup>7</sup>, si transfert se

1. Ed. *om.* « est ». — 2. Ed. « cum ». — 3. Ed. « Primus ». — 4. Ed. « Secundus ». — 5. Ed. « Tertius ». — 6. Ed. « Quartus ». — 7. Ed. « Quintus ». — 8. Ed. « Sextus ». — 9. Ed. « Septimus ». — 10. Ed. « Octavus ». — 11. Ed. « Primus ». — 12. Ed. « Secundus ». — 13. Ed. « Tertius ». — 14. Ed. « Quartus ». — 15. Ed. « Quintus ». — 16. Ed. « Sextus ». — 17. Ed. « Septimus ».

clericus ad actum penitus contrarium, ut si fiat miles, vel ad bigamiam transeat.

**218.** — **AD PRIMUM** ergo dicendum quod quamvis vinculum peccati sit majus simpliciter quam excommunicationis; tamen quoad aliquid vinculum excommunicationis est majus, inquantum non solum obligat quoad Deum, sed etiam in facie Ecclesiæ. *Et ideo in absolvendo ab excommunicatione requiritur jurisdictio in exteriori foro*, non autem in absoluteione a peccato; nec exigitur cautio juramenti, sicut exigitur in absoluteione ab excommunicatione. Per juramentum enim controversiæ quæ sunt inter homines terminantur, secundum Apostolum (*Hebr. vi, 16*).

**219.** — **Ad secundum** dicendum quod cum excommunicatus non sit particeps sacramentorum Ecclesiæ, *sacerdos non potest absolvere excommunicatum a culpa, nisi sil prius absolutus ab excommunicatione.*

**220.** — **AD SECUNDAM QUÆSTIONEM** dicendum quod malum culpæ et pœnæ differunt in hoc quod **culpæ principium est in nobis**, quia omne peccatum voluntarium est; **pœnæ** autem *principium quandoque extra nos est.*

**221.** — Non autem requiritur ad pœnam quod sit voluntaria; immo magis de ratione pœnæ est contra voluntatem esse. Et ideo, *sicut peccata* non committuntur nisi voluntate, *ita non remittuntur alicui invito*; sed **excommunicatio sicut** in aliquem invitum ferri potest, *ita et invitus ab ea absolvi poterit.*

**222.** — **AD PRIMUM** ergo dicendum quod *propositio habet veritatem de illis bonis spiritualibus quæ in voluntate nostra consistunt*: sicut sunt virtutes, quia non possunt a nolentibus perdi. *Scientia* enim, quamvis sit spirituale bonum, tamen *etiam, potest a nolente per infirmitatem amitti.* Et ideo ratio non est ad propositum.

**223.** — **Ad secundum** dicendum quod *etiam manente contumacia, potest aliquis discrete excommunicationem juste latam remittere*, si videat saluti illius expedire in cujus medicinam excommunicatio lata est.

**224.** — **AD TERTIAM QUÆSTIONEM** dicendum quod excommunicationes non habent connexionem in aliquo. **Et ideo possibile est quod aliquis ab una absolvatur et in altera remaneat.**

**225.** — **Sed circa hoc sciendum est** quod *aliquis quandoque est excommunicatus pluribus excommunicationibus ab uno iudice.* Et tunc, quando absolvitur ab una, intelligitur ab omnibus absolvi,

nisi contrarium exprimatur; vel nisi in causa qual quis absolutionem impetrat de uno tantum casu<sup>2</sup> excommunicationis, cum pro pluribus excommunicatus sit.

**226.** — *Quandoque<sup>3</sup> est excommunicatus a diversis iudicibus.* Et tunc absolutus ab una excommunicatione, non propter hoc est absolutus ab altera, nisi omnes alii ad petitionem ejus excommunicationem suam confirmaverint, vel nisi omnes uni demandent absolutionem.

**227.** — **AD PRIMUM** ergo dicendum quod *omnia peccata habent connexionem in aversione voluntatis a Deo*, cum quo non potest esse peccatorum remissio, et ideo unum peccatum sine altero remitti non potest. *Sed excommunicationes non habent aliquam talem connexionem*; nec iterum absolutio ab excommunicatione impeditur propter voluntatis contrarietatem, ut dictum est. *El ideo ratio non sequitur.*

**228.** — **Ad secundum** dicendum quod *sicut* pluribus de causis<sup>4</sup> erat aliquis extra Ecclesiam, *ita* possibile est quod ista separatio removeatur quantum ad unam causam, et maneat quantum ad alteram.

#### EXPOSITIO TEXTUS

**229.** — « Hæresis utrumque non habet » (**2a**); quia etsi habeant ordinem, amittunt tamen jurisdictionem ab Ecclesia præcisi.

**230.** — « Verbum Dei peccata dimittit » (**6a**) scilicet auctoritate; sed sacerdos, inquantum sacramentum præbet ministerio; inquantum autem poenam imponit, sic idem ipse iudex dicitur.

**231.** — « Nullus potestatis jura exercet » (**6a**) ut scilicet actio ejus ad interiores maculas mundandas pertingat.

**232.** — « Ecclesiæ caritas etc. » (**7a**) **Videtur non esse ad propositum**; quia non hic agitur de dimissione per modum meriti, sed de dimissione per modum sacramenti.

**233.** — **Et dicendum** quod meritum Ecclesiæ est sub dispensatione clavium; et ideo tam ex merito Christi, quam aliorum qui sunt de Ecclesia, Ecclesiæ claves efficaciam habent.

**234.** — « Peccatum dicitur tenebra, quia « intellectus obtunditur. » (**12a**).

**Contra.** Multi peccatores inveniuntur qui habent optimum intellectum ad capiendum.

**235.** — **Et dicendum** quod loquitur de obtusione intellectus practici, secundum quod « *omnis malus est ignorans* » (III *Eth.* γ 2. 1110b, 28; l. 3, 410), et non de obtusione intellectus speculativi.

1. Ed. « casu quo ». — 2. Ed. « de una tantum causa ». — 3. Ed. *ad.* « autem ». — 4. N. « christianis ».

## DISTINCTIO XIX

Quando ist/e claves dantur et quibus

1. — Postquam ostensum est quæ sunt<sup>1</sup> claves apostolicæ et quis earum usus, superest investigare quando istae claves dentur et quibus.

Dantur hæ claves per ministerium Episcopi alicui in promotione sacerdotii. Cum enim recipit ordinem sacerdotalem, simul et has claves recipit.

2. — Sed non videtur quod omnes vel soli sacerdotes has claves habeant; quia plerique ante sacram ordinationem scientiam discernendi habent, plures post consecrationem ea carent.

Sane dici potest quod alteram clavium istarum<sup>2</sup>, idest scientiam discernendi, non omnes habent sacerdotes. Unde dolendum est atque lugendum. Multi enim, licet indiscreti, atque scientiæ qua eminere debent exsortes, sacerdotii gradum recipere præsumunt, vita et scientia eo indigni: quia<sup>3</sup> nec ante sacerdotium nec post, scientiam habent discernendi qui ligandi sint vel solvendi. Ideoque illam elavem in consecratione non recipiunt, quia semper scientia carent. Qui vero ante sacerdotium scientiam discernendi præditi sunt, licet habeant discretionem, non tamen in eis clavis est: quia<sup>4</sup> non valent ea claudere vel aperire. Ideoque cum promovetur quis in sacerdotem, elavem discretionis recte dicitur accipere: quia et ante habita discretio augetur et fit in eo clavis, ut ea jam valeat uti ad claudendum vel aperiendum.

Si alteram clavem omnes habeant, scilicet potentiam ligandi  
ET SOLVENDI

3. — Cumque jam constet non omnes sacerdotes illas duas claves habere, quia scientia discernendi plerique carent, de altera, idest de potentia ligandi et solvendi, quæritur utrum omnes sacerdotes eam habeant.

Quidam enim hanc potestatem putant illis solis<sup>5</sup> esse concessam qui doctrinam simul ac vitam Apostolorum servant. Illas enim claves promisit Dominus Petro et imitatoribus ejus tantum, ut aiunt; qui etiam auctoritatibus utuntur in munimentum suæ opinionis.

Hoc enim dicunt Augustinum sensisse, superius (d. 18, 7a) ait « *Remissionem peccatorum vel per seipsum facit Deus, vel per columbae membra.* » Dicit etiam Idem ibidem<sup>6</sup> peccata dimitti vel teneri a sanctis.

Idem *Super Exodum* (q. 120; L. 34, 638), ubi de lamina aurea legitur: « *Erit autem lamina semper in fronte sacerdotis.* » « *Hæc, inquit, significat fiduciam bonæ vitæ; quam qui vere perfecteque non significatione, sed veritate, sacerdos habet, solus potest auferre peccata.* »

Item Gregorius (Lib. II *Homil. in Evang.* homil. 26, n. 4; L. 76, 1199): « *Illi soli habent in hac carne positi potestatem ligandi et solvendi, sicut sancti Apostoli qui illorum exempla simul cum doctrina tenent.* »

*Item ex dictis Origenis* (in *Mat.*, l. XII, n. 9; G. 13, 1002): « *Hæc*

1. Quar. «sint.». — 2. Quar. « harum clavium ». — 3. Quar. « Qui ». — 4. Ed. om. « quia ». — 5. Ed. om. « solis ». — 6. Quar. om. « ibidem ». — 7. Quar. « Erat ».

*potestas soli Petro concessa est et imitatoribus Petri. Nam quicumque vestigia Petri imitantur, habent recte ligandi et solvendi potestatem- »*

His aliisque testimoniis innituntur qui asserunt potestatem ligandi et solvendi illis solis concessam sacerdotibus, qui vita et doctrina pollent sicut Apostoli.

Aliorum sententia verior

4. — Aliis autem videtur quod et mihi placere fateor, cunctis sacerdotibus hanc elavem dari, scilicet ligandi et solvendi. Sed non eam recte ac digne habent, nisi qui vitam et doctrinam apostolicam servant. Nec præmissæ auctoritates malos sacerdotes hanc potestatem habere negant, sed illos solos digne ac recte hac potestate uti significant qui præditi sunt vita et doctrina apostolica, quia soli ipsorum! Apostolorum imitatores digne recteque possunt ligare et solvere; et per Dominum? tantum vel per sanctos, in quibus habitat Spiritus sanctus, digne et recte fit remissio vel retentio peccatorum. Fit tamen et per illos qui sancti non sunt, sed non digne vel recte. Dat enim Deus benedictionem digne poscenti etiam per indignum ministrum.

5. — Quod vero hanc potestatem habeant omnes sacerdotes, Hieronymus<sup>3</sup> testatur super illum Evangelii locum (Mat., xvi, 17) ubi dixit Dominus Petro: « Tibi dabo claves regni cælorum, etc. »: « Habent, inquit, eandem judicariam potestatem alii Apostoli † habet et omnis Ecclesia in Episcopis et presbyteris. Sed ideo Petrus eam specialiter accepit, ut omnes intelligant quod quicumque ab unitate fidei et societate Ecclesiæ se separaverit, nec a\* peccatis solvi, nec cælum potest ingredi. »

a. — Item quod sacerdos, etsi<sup>5</sup> malus sit, gratiam tamen transfundit<sup>6</sup> pro sue dignitatis officio, Augustinus (*Question. ex veter. Testam.*, q. 11; L. 35, 2223), ostendit dicens: « Dictum est a Domino in Numeris (vi, 27) ad Moysen et Aaron sacerdotes: « Vos ponite nomen meum super filios Israel; et ego Dominus benedicam eos »: ut gratiam traditio per ministerium ordinati transfundat hominibus, nec voluntas sacerdotum! obesse vel prodesse possit, sed meritum benedictionem poscentis. Quanta autem sit dignitas sacerdotalis officii et ordinis, hinc advertamus.

b. — Dictum est de nequissimo Caipha inter cetera (Joan., xi, 51): « Hoc autem a semetipso non dixit; sed cum esset Pontifex anni illius, prophetavit »; per quod ostenditur spiritum gratiarum non personam sequi digni vel indigni, sed ordinem traditionis; ut quamvis aliquis boni meriti sit, non tamen possit benedicere, nisi fuerit ordinatus, ut officii ministerium\* exhibeat. Dei autem est effectum tribuere benedictionis. »

Hinc evidenter ostenditur ordo non privari potestate tribuendi gratiam ob ministri indignitatem.

6. — Huic tamen Augustini sententiæ videtur obviare quod ait Hesychus (lib. II, *In Levit.*, ix, 23; G. 93, 894): « Sacerdotes, inquit, non propria virtute benedicunt, sed quia\*! figuram Christi gerunt, et propter eum qui in ipsis est, plenitudinem benedictionis tribuunt; nec solum is qui sacerdotium sortitus est, sed quicumque Christum in seipso habet, et ejus figuram gerit per conversationem bonam, sicut Moyses, idoneus est ut benedictionem præsetet. »

1. Quar. om. « ipsorum ». — 2. Quar. « Deum ». — 3. Rabanus in h. l.; L. 107 922. — 4. Quar. « separavit » et om. « a ». — 5. Quar. « etiamsi ». — 6. Quar. « transfundat ». — 7. Quar. » sacerdotis ». — 8. F. « mysterium ». — 9. Ed. om. « quia ».

Ecce hic habes quod non solum sacerdos, sed omnis in quo Christus habitat, benedictionem præstat.

Sed alia est benedictio quæ solis sacerdotibus congruit, alia quæ\* ab omnibus bonis communiter exhibetur. Denique illi sacerdotes in quibus Christus habitat, benedictionis plenitudinem tribuere dicuntur, non quia soli illi transfundant gratiam, sed quia illa soli licite<sup>2</sup> et digne id agunt. Nec subditos mala vita sacerdotis lædit, si bona faciunt quæ ille dicit.

Unde Gregorius (*Decr.* c. i, q. 1, c. « Multi sæcularium »; L. 187, 516) : « *Multi dum plus vitam sacerdotum quam suam discutunt, in erroris foveam ditabuntur, minus considerantes quod non eos vita sacerdotum læderet, si ipsi humiliter bonis sacerdotum admonitionibus aurem accommodarent.* »

Quomodo intelligendum : « *Maledicam, benedictionibus vestris* »

7. — Præmissæ vero sententiæ qua dicitur etiam per mali sacerdotis ministerium transfundi gratia benedictionis, videtur obviare quod Dominus per (Malachiam ii, 2) Prophetam malis sacerdotibus comminatur : « *Maledicam benedictionibus vestris* » ; et alibi (Ezech., xiii, 19) : « *Væ his qui vivificant animas quæ non vivunt et mortificant animas quæ non moriuntur.* » Si enim maledicit Dominus benedictionibus eorum, et si animæ quas vivificant non vivunt, quomodo per eos gratia benedictionis transfunditur ?

8. — Sed illud capitulum : « *Maledicam* etc. » Quidam referunt ad hæreticos qui ab Ecclesia præcisi sunt, et ad excommunicatos quorum benedictiones fiunt maledictiones his qui eorum sequuntur errores<sup>4</sup>.

a. — Illud vero alterum, scilicet « *Vivificant* etc. » super omnes illos sacerdotes exponunt qui absque clave scientiæ et forma bonitatis vitæ præsumunt ligare vel solvere. Sed nullus officio sacerdotis uti debet, nisi immunis sit ab illis quæ in aliis iudicat ; alioquin seipsum condemnat (*Rom.*, u, 1).

Qualis esse debeat iudex ecclesiasticus

9. — Qualem autem oporteat esse qui aliorum iudex constituitur, Augustinus (*lib. de vera et falsa Pœnit.*, c. 20, n. 36 ; L. 40, 1129) describit ita dicens : « *Sacerdos cui' omnis offertur peccator, ante quem statuitur omnis languor, in nullo eorum sit iudicandus quæ in alio iudicare est promptus. Judicans enim alium, qui est iudicandus, condemnat seipsum. Cognoscat ergo<sup>3</sup> se, et purget in se quod alios videt sibi offerre. Caveat ut a se projecit quidquid in alio damnosum reperit.*

a. — Animadvertat quodè (*JoAy.*, vm, 7), qui sine peccato est, primus in illam lapidem mittat, ideo enim liberavit peccatricem, quia non erat qui juste projiceret lapidem. Quomodo lapidaret, qui se lapidandum cognosceret ? Nullus enim erat sine peccato ; in quo intelligitur omnes<sup>1</sup> fuisse reos. Nam venialia remittebantur per caeremonias. Si quod ergo in eis peccatum erat, criminale erat. In hoc ergo<sup>3</sup> patentissimum est crimen sacerdotum et detestabile, qui non prius se iudicant, antequam alios alligent<sup>3</sup>.

b. — Caveat spiritalis iudex, ut<sup>3</sup> sicut non commisit crimen nequitiae, ita non careat munere scientiæ. Oportet enim<sup>11</sup> ut sciat cognoscere quidquid debet iudicare. Judiciaria enim potestas hoc postulat ut quod debet iudicare,

1. F. « suis ». — 2. Ed. « sollicite ». — 3. Quar. om. « ipsi ». — 4. Cf. supra, d. 13, c. 1. — 5. Quar. « igitur ». — 6. Ed. ad. « dicitur ». — 7. Ed. ad. « crimine ». — 8. Quar. « igitur ». — 9. Quar. « et alios alligant ». — 10. Quar. om. « ut » — 11. Quar. om. « enim ».

*discernat. Diligens ergo investigator sapienter interroget a peccatore quod forsitan ignoret, vel verecundia velit occultare. Cognito vero crimine, varietates ejus non dubitet investigare, et locum et tempus et cætera quæ supra diximus : quibus cognitis adsit benevolus, paratus erigere et secum onus portare ; et habeat dulcedinem in affectione, discretionem in varietate ; doceat perseverantiam, caveat ne corruat, ne juste perdat judiciariam potestatem. Etsi enim penitentia possit ei acquirere gratiam, non tamen mox restituit in potestatem primam. Etsi enim Petrus post lapsum restitutus fuerit, et sæpe lapsis sacerdotibus reddita sit dignitatis potestas, non tamen est necesse ut hoc omnibus concedatur quasi ex auctoritate. Invenitur auctoritas quæ concedit et quasi imperat ; invenitur auctoritas alia quæ non concedit sed vetat. Quæ Scripturæ non repugnant, sed concordant. Cum enim tot sint qui labuntur ut pristinam dignitatem ex auctoritate defendant, et quasi usum peccandi sibi faciant, recidenda est spes ista. Si vero locus est ubi ista non concurrant, restitui possunt qui peccant. »*

Ex his satis perpenditur, qualis debeat esse sacerdos qui alios ligat et solvit, discretus scilicet et justus ; alioquin mortificat sæpe animas quæ non moriuntur, et vivificat quæ non vivunt ; et ita incidit in maledictionis judicium.

**10.** — Illud autem Malachite, scilicet : « *Maledicam benedictionibus vestris* », sive super hæreticos tantum et excommunicatos, sive super omnes sacerdotes qui vita et sententia carentes benedicere præsumunt, dictum accipiatur, sic intelligi potest : « *Maledicam benedictionibus vestris* », id est « *his quæ in eis benedictionibus possidetis* » (Hieronymus in h. l. ; L. 25, 1553), quia faciam ea cedere vobis in maledictionem, non in benedictionem, quia, etsi benedicunt sanctis, non hoc faciunt ex vero corde ; et ideo eorum benedictio eis vertitur in maledictionem. Vel « *maledicam benedictionibus vestris* » ; id est, « *quod a vobis benedicunt, a me erit maledictum* » (*ibidem*) ; quia benedicunt inique agentibus, adulanturque peccantibus, dummodo divites sint.

## DIVISIO TEXTUS

**11.** — « Postquam ostensum est quæ sint claves etc. » (1).

Postquam determinavit Magister de clavibus secundum se, hic incipit determinare quorum sit habere claves.

Et dividitur in partes duas. In prima ostendit quod sacerdotum sit claves habere. In secunda movet quasdam dubitationes contra hæc ibi : « Sed non videtur quod omnes etc. » (2).

Et hæc pars dividitur in duas. In prima movet dubitationem de clave scientiæ ; in secunda, de clave potestatis, ibi : « Cumque jam constet etc. » (3).

Et hæc pars dividitur in duas secundum duas opiniones quas in hac dubitatione tangit. Secunda incipit ibi : « Aliis autem videntur etc. » (4).

Et hæc dividitur in tres. In prima ponit opinionem. In secunda confirmat eam, ibi : « Quod vero habeat potestatem etc. » (5)

1. Quar. « igitur ». — 2. Quar. om. « et ». — 3. Quar. om. « enim ». — Quar. om. « hoc ». — 4. Quar. « « meis ». — 5. Cfr. Supra d. 13, c. i. — 6. Ed. om. « hic ». — 7. N. ad. « Prima incipit ibi « Quidam enim hanc potestatem putant » etc.

*In tertia* removet quædam quæ huic opinioni videntur esse contraria, ibi : « Huic autem Augustini etc. » (6).

Et circa hoc *duo* facit. *Primo* ponit objectionem qua videtur ostendi quod non solis sacerdotibus usus clavium competit ; *secundo* quod malis sacerdotibus non competit : quorum utrumque est contra secundam opinionem quæ vera est, ibi : « Præmissæ vero sententiæ etc. » (7).

Et circa hoc *tria* facit. *Primo* ponit objectionem. *Secundo* aliorum solutionem ponit, ibi : « Sed illud capitulum etc. » (8). *Tertio* solutionem propriam ex dictis colligit, ibi : « Illud autem Malachiæ etc. » (10).

Circa secundum *duo* facit. *Primo* ponit solutionem ad auctoritatem prophetæ inductam quam *Quidam* ponunt ; *secundo*, *ex incidenti*, qualis esse debeat qui recte debet potestate clavium uti, ibi : « Qualem autem oporteat etc. » (9).

Hic est duplex quæstio

Prima de habentibus claves.

Secunda de correptione! fraterna.

## QUÆSTIO I

Circa primum tria quæruntur

*Primo*, quorum sit habere claves.

*Secundo*, qui possunt clavibus uti.

*Tertio*, in quem possit sacerdos uti clavibus.

### ARTICULUS I

[I]

**12. — AD PRIMUM SIC PROCEDITUR.** Videtur quod SACERDOS LEGALIS<sup>2</sup> CLAVES HABUERIT.

1. Clavis enim est sequela ordinis. Sed ipsi habuerunt ordinem ex quo sacerdotes dicebantur. Ergo habuerunt claves sacerdotes legales.

2. **Præterea.** Sicut supra (d. 18, 2) Magister dicit<sup>3</sup>, claves sunt duæ : scilicet « *scientia discernendi et potentia judicandi* ». Sed ad utrumque<sup>4</sup> auctoritatem sacerdotes legales hebebant. Ergo habebant claves.

3. **Præterea.** Sacerdos legalis<sup>5</sup> habebat aliquam potestatem super reliquum populum. Non temporalem ; quia sic potestas

1. Ed. « correctione ». — 2. N. « legis ». — 3. Ed. « dixit ». — 4. Ed. « utramque ». — 5. N. proprio Marte « Sacerdotes legales habebant ».

regia non fuisset distincta a sacerdotali. Ergo spiritualem ; et hæc est clavis. Ergo habuerunt elavem.

**13. — SED CONTRA.** Claves ordinantur ad aperiendum regnum cælorum : quod aperiri non potuit ante Christi passionem. Ergo sacerdos legalis elavem non habuit.

**14. — Præterea.** Sacramenta veteris legis gratiam non conferebant. Sed aditus regni cælestis aperiri non potest nisi per gratiam. Ergo per illa sacramenta non poterat aperiri. Et sic etiam sacerdos qui minister eorum erat, claves regni cælestis non habebat.

**15. — ULTERIUS.** Abdetur quod Christus non habuerit CLAVES.

1. Clavis enim characterem ordinis consequitur, ut prius dictum est (d. 18, **31**). Sed Christus non habuit characterem, ut supra d. 4 (**80**) dictum est. Ergo non habuit elavem.

2. **Præterea.** Christus habuit in sacramentis potestatem excellentiæ, ut effectum sacramenti sine sacramentalibus posset conferre. Sed clavis est quoddam sacramentale. Ergo non indigebat clavi. Et sic frustra eam habuisset.

**16. — SED CONTRA** est quod *Apoc.*, m, 7, « *Hæc dicit qui habet elavem David* », etc.

### [III]

[*Supra* d. 7, **171** ; d. 18, **157**, **161** ; *Infra*, d- 20, **97-8** ; **123** ; d. 21, **146** ;  
*Mat.*, c, 16, n. 2.]

**17. — ULTERIUS.** Videtur quod non soli sacerdotes CLAVES HABEANT.

1. Dicit enim *Isidorus* (lib. VII *Etymol.*, c. 12; L. 82, 293), quod « *ostiarii inter bonos et malos habent iudicium; dignos recipiunt et indignos rejiciunt.* » Sed hæc est definitio clavium, ut ex dictis (d. 18, 2) patet. Ergo non solum sacerdotes, sed etiam ostiarii claves habent.

2. **Præterea.** Claves sacerdotibus dantur, dum per unctionem potestatem divinitus accipiunt. Sed reges etiam potestatem divinitus accipiunt. Sed reges etiam potestatem in populum fidelem divinitus habent et unctione sanctificantur. Ergo habent claves non soli sacerdotes.

3. **Præterea.** Sacerdotium est ordo uni singulari personæ conveniens. Sed elavem aliquando videtur habere tota una con-

1. Ed. « *Apoc.* m dicitur ».

gregatio ; quia quædam capitula excommunicationem ferre possunt : quod ad potestatem clavium pertinet. Ergo non soli sacerdotes elavem habent.

4. **Praeterea.** Mulier non est sacerdotalis ordinis susceptiva ; quia ei docere non competit, secundum Apostolum *I Cor.*, xiv, 34. Sed aliquæ mulieres videntur habere elavem, sicut Abbatissæ quæ habent spiritualem potestatem in subditos. Ergo non solum sacerdotes elavem habent.

18. — **SED CONTRA** est quod Ambrosius dicit (lib. I *De pœnil.*, c. 2, n. 7 ; L. 16, 448) : « *Hoc jus* », scilicet ligandi et solvendi « *solis sacerdotibus est concessum.*2. »

19. — **Praeterea.** Per potestatem clavium efficitur aliquis medius inter populum et Deum. Sed hoc tantum sacerdotibus competit, qui « *constituuntur in his quæ sunt ad Deum, ut offerant dona et sacrificia pro peccatis* », ut dicitur *Hebr.*, v, 1. Ergo soli sacerdotes elavem habent.

20. — **RESPONSIO.** Dicendum **AD PRIMAM QUÆSTIONEM** quod Quidam dixerunt quod in veteri lege erant claves apud sacerdotes, quia eis erat commissum imponere poenam pro delicto, ut dicitur *Leo.*, v : quod ad claves pertinere videtur. Sed fuerunt tunc incompletæ, nunc autem per Christum in sacerdotibus novæ legis perfectæ sunt.

21. — **Sed hoc videtur esse contra intentionem** Apostoli in *Epistola ad Hebræos*, ix, ubi3 sacerdotium Christi præfertur sacerdotio legali per hoc quod Christus assistit Pontifex futurorum bonorum, ad tabernaculum cæleste introducens per proprium sanguinem, non manufactura, in quod introducebat sacerdotium veteris legis per sanguinem hircorum et taurorum. Linde patet quod potestas illius sacerdotii non se extendebat ad cælestia, sed ad figuras cælestium.

22. — **Et ideo secundum Alios dicendum quod non habebant claves, sed in eis figura clavium præcessit.**

23. — **AD PRIMUM** ergo dicendum quod clavis regni cælestis consequitur ad sacerdotium quo homo in cælestia introducit. Non autem talis erat ordo sacerdotii levitici. *Et ideo claves cæli non labuerunt*, sed claves terreni tabernaculi.

24. — **Ad secundum.** Dicendum quod *sacerdotes veteris legis habebant auctoritatem discernendi et judicandi ; sed non ut admitteretur homo ab eis iudicatus in cælestia*, sed in figuras cælestium.

25. — **Ad tertium** dicendum quod habebant spiritualem potestatem, qua per sacramenta4 legalia non a culpis, sed ab

1. Ed. « subditas ». — 2. Ed. « permissum solis sacerdotibus est ». — 3. Ed. « ibi enim ». — 4. ζη N. « sacramentalia ».

irregularitatibus homines purgabant, ut ad manufactura tabernaculum aditus purgato per ea pateret.

**26. — AD SECUNDAM QUÆSTIONEM** dicendum quod virtus aliquid agendi est in instrumento et in per se agente, non eodem modo ; sed in per se agente perfectius. Potestas autem clavium quam nos habemus, et aliorum sacramentorum virtus est instrumentalis. Sed in Christo est sicut in per se agente ad salutem nostram : *per auctoritatem* quidem, *inquantum est Deus* ; sed *per meritum, inquantum est homo*.

**27. —** Clavis autem de ratione sua exprimit potestatem aperiendi et claudendi, sive aliquis aperiat quasi principale agens, sive quasi minister. Et ideo in Christo oportet ponere elavem, sed altero modo quam sit in ejus ministris. **Et ideo dicitur, quod habet elavem excellentiæ.**

**28. — AD PRIMUM** ergo dicendum quod character de sua ratione dicit aliquid ab aliquo derivatum. Et ideo *potestas clavium* quæ est in nobis a Christo derivata, sequitur characterem quo Christo conformamur. Sed *in Christo non sequitur characterem*, sed principalem formam.

**29. — Ad secundum** dicendum quod *clavis illa quam Christus habuit, non erat sacramentalis, sed sacramentalis clavis principium.*

**30. — AD TERTIAM QUÆSTIONEM** dicendum quod clavis est DUPLEX.

Una quæ se extendit ad ipsum cælum immediate, removendo impedimenta introitus in cælum per dimissionem peccati. Et hæc vocatur **clavis ordinis. Et hanc soli sacerdotes habent, quia ipsi soli ordinantur populo in his quæ directe sunt ad Deum,**

**31. —** Alia clavis est quæ non directe se extendit ad ipsum cælum, sed mediante militante Ecclesia per quam aliquis ad cælum vadit, dum per eam aliquis excluditur vel admittitur ad consortium Ecclesiæ militantis per excommunicationem et absolutionem. Et hæc vocatur **clavis jurisdictionis** in foro causarum. **Et ideo hanc etiam non sacerdotes habere possunt,** sicut archidiaconi vel clerici et alii qui excommunicare possunt, ut supra (d. 18, 159) dictum est. *Sed non proprie dicitur clavis cæli, sed quædam dispositio ad ipsam.*

**32. — AD PRIMUM** ergo dicendum quod *ostiarii* habent elavem custodiendi ea quæ in templo materiali continentur, et habent judicium a tali templo excludendi et admittendi, non quidem sua auctoritate judicantes qui sunt digni vel indigni, sed judicium sacerdotis exequentes ; *ut sic quodammodo executores potestatis sacerdotalis videantur.*

**33. — Ad secundum** dicendum quod reges non habent aliquam potestatem in spiritualibus. Et ideo elavem regni cælestis non accipiunt. Sed solum in temporalibus [quæ] etiam nisi a Deo non esse potest, ut patet *Rom.*, xm, 1. Nec *per unctio-nem* in aliquo sacro ordine consecrantur. Sed *excellencia potes-tatis ipsorum a Christo descendere significatur*, et ut ipsi sub Christo in populo chritiano regnent.

**34. — Ad tertium** dicendum quod *sicut* in politicis *quandoque* iudex habet potestatem totam, sicut rex in regno ; *quandoque* autem multi in diversis officiis constituti, vel etiam ex æquo, ut patet in VIII *Eth.* (θ 12. 1160% 31 sq. ; l. 10 sq.) ; *ita* etiam spiri-tualis jurisdictio potest haberi ab uno solo, sicut ab Episcopo, et a pluribus simul, sicut a capitulo. *Et sic habent elavem juris-dictionis*, non tamen elavem ordinis *omnes simul*.

**35. — Ad quartum** dicendum quod mulier, secundum Apo-s-tolum (I *Tim.* n, 11 ; *Tit.* n, 5), est in statu subjectionis. Et ideo ipsa non potest habere aliquam spiritualem jurisditionem ; quia etiam secundum Philosophum in VIII *Eth.* (θ 12. 1161a, l sq. ; l. 10, n. 1685) et I *Polit.*, e 11. 1313, 34 ; l. 11, p.) « *corruptio urbanitatis est, quando ad mulierem dominium pervenit.* » *Unde mulier non habet neque elavem ordinis nec elavem juris-dictionis*. Sed mulieri committitur aliquis usus clavium, sicut habere correptionem in subditas mulieres, propter periculum quod imminere posset si viri mulieribus cohabitarent.

## ARTICULUS 11

### [I]

**36. — AD SECUNDUM SIC PROCEDITUR.** Videtur quod ETIAM SANCTI HOMINES NON SACERDOTES USUM CLAVIUM HABEANT.

1. Absolutio enim et ligatio quæ fit per claves, efficaciam habet ex merito passionis Christi. Sed illi maxime passioni Christi conformantur qui per patientiam et alias virtutes Christum passum sequuntur. Ergo videtur quod etiamsi non habeant sacerdotalem ordinem quod2 possint ligare et solvere.

2. **Præterea.** *Hebr.*, vn, 7, dicitur : « *Sine ulla contradictione, quod minus est, a majori benedicetur*3. » Sed in spiritualibus secundum Augustinum (VI *De Trinit.*, c. 8 ; L. 42, 929), « *hoc est majus esse quod melius esse* ». Ergo meliores, qui scilicet habent plus de caritate, possunt alios benedicere absolvendo. Et sic idem quod prius.

1. Cod. « qui ». — 2. Ed. *om.* « quod ». — 3. Ed. « benedicitur ».

**37. — SED CONTRA.** » *Cujus est potentia, ejus est actio* », secundum Philosophum, *De somn. et vig.* (c. 1, 454a, 8; l. 1.) Sed clavis, quæ est potestas spiritualis, est tantum sacerdotum. Ergo et usus ejus non nisi sacerdotibus convenire potest.

## [II]

[Joan. c. 20, l. 4.]

**38. — ULTERIUS.** Videtur QUOD MALI SACERDOTES USUM CLAVIUM NON HABEANT.

1. Joan., xx, 22-23, ubi usus clavium Apostolis traditur, Spiritus sancti donum præmittitur. Sed mali non habent Spiritum sanctum. Ergo non habent usum clavium.

2. **Præterea.** Nullus sapiens rex dispensationem sui thesauri suo inimico committit. Sed usus clavium in dispensatione consistit thesauri cælestis Regis, qui est ipsa sapientia. Ergo mali qui per peccatum sunt ejus hostes non habent usum clavium.

3. **Præterea.** Augustinus dicit (lib. V *De bapt. contra Donatistas*, c. 21; L. 43, 191), quod « *sacramentum gratiæ dat Deus etiam per malos; ipsam vero gratiam non nisi per seipsum vel per sanctos suos. Et ideo remissionem peccatorum per seipsum facit, vel per ipsius Columbæ membra.* » Sed remissio peccatorum est usus clavium. Ergo peccatores qui non sunt Columbæ membra, usum clavium non habent.

4. **Præterea.** Intercessio mali sacerdotis non habet aliquam efficaciam ad reconciliandum; quia secundum Gregorium (*Pastor.*, part. 1, c. 10; L. 77, 23) « *cum is qui displicet ad intercedendum mittitur, irati animus ad deteriora provocatur.* » Sed usus clavium fit per quamdam intercessionem, ut patet in forma absolutionis, sicut supra (Infra, d. 22, 133) dictum est. Ergo non habent efficacem usum clavium.

**39. — SED CONTRA.** Nullus potest scire de alio an sit in statu salutis. Si ergo nullus posset uti clavibus in absolvendo nisi existens in statu salutis, nullus sciret se esse absolutum: quod est valde inconveniens.

**40. — Præterea.** Iniquitas ministri non potest auferre liberalitatem domini. Sed sacerdos est solum minister. Ergo non potest sua malitia donum a Deo transmissum per eum nobis auferre.

## [III]

**41. — ULTERIUS.** Videtur QUOD SCHISMATICI ET HÆRETICI, EXCOMMUNICATI ET SUSPENSII ET DEGRADATI, USUM CLAVIUM HABEANT.

1. *Sicut* enim potestas clavium dependet ab ordine, *ita* et potestas conficiendi. Sed non possunt amittere usum potestatis conficiendi ; quia, si conficiunt, confectum est, quamvis peccent conficientes, ut supra d. 13 (q. 1, a. 1, sol. 3 et 4) dictum est. Ergo etiam non possunt amittere usum clavium.

2. **Præterea.** Omnis potestas spiritualis activa in eo qui habet usum liberi arbitrii, exit in actum quando vult. Sed potestas clavium adhuc manet in prædictis ; quia cum non detur nisi in ordine, oporteret reordinari eos, quando ad Ecclesiam redeunt. Ergo cum sit potentia activa, possunt in actum ejus exire cum voluerint.

3. **Præterea.** Spiritualis gratia magis impeditur per culpam quam per pœnam. Sed excommunicatio et suspensio et degradatio sunt pœnæ quædam. Cum ergo propter culpam non amittat aliquis usum clavium, videtur quod nec propter ista.

42. — **SED CONTRA.** Augustinus dicit (*in Joan*, tract. 121. η. 4 ; L. 35, 1958), quod « *Ecclesiæ caritas peccata dimittit* ». Caritas autem est quæ facit Ecclesiæ unionem. Cum ergo prædicti sint ab Ecclesiæ unione divisi, videtur quod usum clavium non habeant in remittendis peccatis.

43. — **Præterea.** Nullus absolvitur a peccato secundum hoc quod peccat. Sed aliquis a prædictis absolutionem peccatorum petens, peccat contra præceptum Ecclesiæ faciens. Ergo per eos a peccato absolvi non potest. Et sic idem quod prius.

44. — **RESPONSIO.** Dicendum **AD PRIMAM QUÆSTIONEM**, quod agens per se et agens instrumentale in hoc differunt quod agens instrumentale non inducit in effectum similitudinem suam, sed similitudinem principalis agentis. Principale autem agens inducit similitudinem suam. Et ideo ex hoc aliquid constituitur principale agens quod habet aliquam formam quam in alterum transfundere potest. Non autem ex hoc constituitur agens instrumentale, sed ex hoc quod est applicatum a principali agente ad effectum aliquem inducendum.

45. — Cum ergo in actu clavium principale agens sit Christus, ut Deus per auctoritatem et ut homo per meritum, ex ipsa plenitudine divinæ bonitatis in eo et ex perfectione gratiæ consequitur quod possit in actum clavium.

46. — Sed homo alius non potest in actum clavium sicut per se agens ; quia nec ipse alteri gratiam qua remittuntur peccata dare potest, nec sufficienter mereri. Et ideo non est nisi sicut agens instrumentale.

47. — Unde et ille qui effectum clavium consequitur, non assimilatur utenti clavibus, sed Christo. **Et propter hoc quantumcumque aliquis habeat de gratia, non potest pertingere ad**

**effectum clavium, nisi applicetur ad hoc quasil minister per ordinis susceptionem.**

**48. — AD PRIMUM** ergo dicendum quod *sicut* inter instrumentum et effectum non exigitur similitudo secundum convenientiam in forma, sed secundum proportionem instrumenti ad effectum; *ita* etiam nec inter instrumentum et principale agens. Et talis<sup>2</sup> similitudo est in sanctis hominibus ad Christum passum. *Et talis similitudo eis usum clavium non confert.*

**49. — Ad secundum** dicendum quod quamvis purus homo non possit alteri ex condigno gratiam mereri,<sup>1</sup> tamen unius<sup>1</sup> meritum potest cooperari ad salutem alterius. Et ideo *duplex* est benedictio.

**50. — Una quæ est ab ipso homine puro**, sicut merente per proprium actum. Et talis potest fieri a quolibet sancto, in quo Christus habitat per gratiam. *Et hæc requirit majoritatem bonitatis* ad minus in quantum meretur hujusmodi.

**51. — Alia est benedictio qua homo benedicit** ut benedictionem quæ est ex merito Christi instrumentaliter alicui applicans. *Et quantum ad hanc requiritur majoritas ordinis*, et non virtutis.

**52. — AD SECUNDAM QUÆSTIONEM** dicendum quod *sicut* participatio formæ quæ est inducenda in effectum<sup>3</sup>, non facit instrumentum; *ita* nec subtractio talis formæ tollit usum instrumenti. **Et ideo**, cum **homo** sit tantum instrumentaliter agens in usu clavium; **quantumcumque per peccatum sit gratia privatus**, per quam fit remissio peccatorum, **nullo tamen modo privatur usu clavium.**

**53. — AD PRIMUM** ergo dicendum quod *donum Spiritus sancti exigitur ad usum clavium* non ut sine quo fieri non possit sed *quia sine eo incongrue fit ex parte utentis*; quamvis subiciens se clavibus effectum clavium consequatur.

**54. — Ad secundum** dicendum quod *rex terrenus* in thesauro suo defraudari et decipi potest. Et ideo hosti dispensationem ejus non committit. Sed *Rex cælestis* defraudari non potest, quia totum ad ipsius honorem cedit, etiam quod<sup>4</sup> aliqui male clavibus utuntur<sup>5</sup>; quia novit ex malis bona elicere et per malos etiam multa bona facere. *Et ideo non est simile.*

**55. — Ad tertium** dicendum quod **Augustinus** loquitur de remissione peccatorum secundum quod sancti homines cooperantur ad ipsam non ex vi clavium, sed ex merito congrui. Et ideo *dicit quod etiam per malos sacramenta ministrat*. Et inter alia sacramenta etiam absolutio, quæ est usus clavium, compu-

1. Ed. «ut». — 2. Ed. «Talis autem». — 3. Ed. «effectu». — 4. ζ «in quantum». — 5. F. «utantur».

tari debet. Sed per « *membra Columbæ* », idest per *sancias homines*, facit remissionem peccatorum in quantum eorum intercessionibus peccata remittit.

**56.** — **Vel potest dici** quod « *membra Columbae* » nominat *omnes ab Ecclesia non præcisos*. Qui enim ab eis sacramenta recipiunt, gratiam consequuntur; non autem qui recipiunt ab illis qui sunt ab Ecclesia præcisi, quia hoc ipso peccant, excepto baptismo, quem in casu necessitatis licet etiam ab excommunicato recipere.

**57.** — **Ad quartum** dicendum quod intercessio quam sacerdos malus *ex propria persona* facit, non habet efficaciam; sed illa quam facit *ut minister Ecclesiæ*, habet efficaciam ex merito Christi. *Utroque tamen modo debet intercessio sacerdotis populo subjecto prodesse.*

**58.** — **AD TERTIAM QUÆSTIONEM** dicendum quod in omnibus prædictis manet clavium potestas quantum ad essentiam, sed usus impeditur ex defectu materiæ. Cum enim usus clavium prælationem in utente requirat respectu ejus in quem utitur, ut supra dictum est (d. 18, 36-7); propria materia in quam exercetur usus clavium, est homo subditus. Et quia per ordinationem Ecclesiæ subditur unus alii, ideo etiam per Ecclesiæ prælatos potest subtrahi alicui ille qui erat ei subjectus.

**59.** — Unde cum Ecclesia hæreticos et schismaticos et alios hujusmodi privet subtrahendo subditos vel simpliciter vel quantum ad aliquid; **quantum ad hoc quo privati sunt, non possunt usum clavium habere.**

**60.** — **AD PRIMUM** ergo dicendum quod materia sacramenti Eucharistiæ, in quam suam potestatem exercet sacerdos, non est homo, sed panis triticeus, et in baptismo homo simpliciter. Unde *sicul* si subtraheretur *haeretico* panis triticeus, conficere non posset; *ita nec si subtrahatur prælatio, absolvere poterit*. Potest tamen baptizare et conficere, quamvis ad sui damnationem.

**61.** — **Ad secundum** dicendum quod *propositio habet veritatem, quando non deest materia*, sicut est in proposito,

**62.** — **Ad tertium** dicendum quod ex ipsa culpa non subtrahitur materia, sicut per aliquam pœnam. Unde *pœna non impedit per contrarietatem ad effectum inducendum, sed ratione dicta.*

## ARTICULUS III

## [I]

*Supra* d. 17, 446-53; *Infra* d. 20, 24-31; d. 24, q. 3, a. 2, sol. 1; IV Cg., c. 72; *Quodl.* q. 19].

**63. — AD TERTIUM SIC PROCEEDITUR.** Videtur quod SACERDOS POSSIT UTI CLAVE QUAM HABET IN QUEMLIBET HOMINEM.

1. Potestas enim clavium in sacerdotes descendit ex illa Domini auctoritate qua dixit (Joan., xx, 22) : « *Accipite Spiritum sanctum. Quorum remiseritis peccata, remittentur eis* ». Sed illud indeterminate dixit de omnibus. Ergo habens elavem indeterminate potest ea uti in quoslibet.

2. **Præterea.** Clavis corporalis quæ aperit unam seram, aperit omnes alias ejusdem modi. Sed omne peccatum cujuslibet hominis est ejusdem rationis obstaculum respectu introitus cæli. Ergo si potest unum hominem sacerdos per elavem quam habet absolvere, poterit et quoslibet alios.

3. **Præterea.** Sacerdotium Testamenti novi est perfectius quam veteris. Sed sacerdos veteris Testamenti poterat uti sua potestate quam habebat discernendi « *inter lepram et lepram* », (*Deui.*, xviii, 8), indifferenter in omnes. Ergo multo fortius sacerdos evangelicus potest uti sua potestate in omnes.

**64. — SED CONTRA** est quod dicitur xvi, q. 1 (in *App.* ad cap. « *Adjicimus* », L. 187, 996) « *Nulli sacerdotum licet parochianum alterius absolvere aut ligare.* » Ergo non quilibet potest quemlibet absolvere.

**65. — Præterea.** Judicium spirituale debet esse ordinatius quam temporale. Sed in judicio temporali non debet quilibet judex quemlibet judicare. Ergo cum usus clavium sit judicium quoddam, non potest sacerdos quilibet sua clavi in quemlibet uti.

## [II]

**66. — ULTERIUS.** Videtur quod sacerdos non possit SEMPER SUUM SUBDITUM ABSOLVERE.

1. Sicut enim Augustinus in *Littera* (9) dicit : « *Nullus officio sacerdotis uti debet, nisi immunis ab illis sit quæ in aliis judicat.* » Sed quandoque contingit quod sacerdos est particeps criminis quod subditus suus commisit : sicut cum mulierem subditam

1. Ed. « *quæ dicit* ».

cognovit. Ergo videtur quod non possit semper in suos subditos potestate clavium uti.

2. **Præterea.** Per potestatem clavium homo ab omnibus defectibus curatur. Sed quandoque alicui peccato annexus est irregularitatis defectus, vel excommunicationis sententia, a qua simplex sacerdos liberare non potest. Ergo videtur quod non possit uti clavium potestate in illos qui talibus irretiti sunt.

3. **Præterea.** Sacerdotii nostri iudicium et potestas per iudicium veteris sacerdotii figuratum est. Sed minoribus iudicibus secundum legem non omnia competebat discutere, sed ad superiores recurrebant, ut dicitur *Exod.*, xxiv, 14 : « *Si quid ortum fuerit inter vos quæslionis, etc.* » Ergo videtur quod nec sacerdos de gravibus peccatis possit subditum suum absolvere, sed debeat ad superiorem remittere.

67. — **SED CONTRA.** « *Cuicumque committitur principale, committitur et accessorium.* » (Gap. *Prudentiam luam*, de Offic. et Potest. jud. deleg.). Sed sacerdotibus committitur quod subditis suis eucharistiam dispensent, ad quam ordinatur absolutio a peccatis quibuscumque. Ergo sacerdos ab omnibus peccatis potest subditum suum absolvere, quantum est de clavium potestate.

68. — **Præterea.** Gratia omne peccatum tollit, quantumcumque sit parva. Sed sacerdos sacramenta dispensat, quibus gratia datur. Ergo, quantum est de potestate clavium, de omnibus peccatis absolvere potest.

### [III]

[*Supra* d. 18, 175-76.]

#### 69. — **ULTERIUS. VIDETUR QUOD ALIQUIS NON POSSIT UTI CLAVIBUS IN SUUM SUPERIOREM.**

1. Actus enim sacramentalis quilibet requirit propriam materiam. Sed propria materia usus clavium, ut dictum est (58), est persona subjecta. Ergo in eo qui non est subditus, non potest clavibus sacerdos uti.

2. **Præterea.** Ecclesia militans imitatur triumphantem. Sed in cælesti Ecclesia inferior angelus nunquam *purgat* aut *illuminat* aut *perficit* superiorem. Ergo nec aliquis sacerdos inferior potest uti actione hierarchica quæ est per absolutionem, in superiorem.

3. **Præterea.** Iudicium conscientias debet esse ordinatius quam iudicium exterioris fori. Sed in exteriori foro inferior non potest excommunicare aut absolvere superiorem. Ergo videtur quod nec in foro pœnitentiali.

**70. — SED CONTRA.** Superior prælatus etiam « *circumdatus esi infirmitate* » (*Heb.*, v, 2), et contingit ipsum peccare. Sed remedium contra peccatum est potestas clavium. Ergo, cum ipse non possit in seipsum uti clave, quia non potest esse simul iudex et reus, videtur quod possit inferior in ipsum clavis potestate uti.

**71. — Præterea.** Absolutio quæ fit per virtutem clavium, ordinatur ad perceptionem Eucharistiæ. Sed inferior potest superiori Eucharistiam dispensare, si petat. Ergo et clavium potestate in ipsum uti, si se ei subjecerit.

**72. — RESPONSIO.** Dicendum **AD PRIMAM QUÆSTIONEM**, quod ea quæ circa singularia operari oportet, non eodem modo omnibus competunt. Unde, *sicut* post generalia medicinæ præcepta oportet adhiberi medicos, quibus præcepta universalialia medicinæ singulis infirmis, secundum quod debent, aptentur; *ita* in quolibet principatu præter illum qui universaliter præcepta legis tradit, oportet esse aliquos qui eal singulis, secundum quod debent, adaptent. Et propter hoc etiam in cælesti hierarchia sub *Potestatibus* qui indistincte præsumt, ponantur *Principatus* qui singulis provinciis distribuuntur; et sub his *angeli* qui singulis hominibus in custodiam deputantur, ut patet ex his quæ d. II2 (q. 1; a. 1, 2) dicta sunt in II lib. Unde et ita esse debet<sup>3</sup> in prælatione Ecclesiæ militantis, ut apud aliquem esset prælatio indistincte in omnes, et sub hoc essent alii qui super diversos distinctam potestatem acciperent.

**73. —** Et quia usus clavium requirit aliquam prælationis potestatem per quam ille in quem usus clavium communicatur, efficitur materia propria illius actus; ideo **ille qui habet indistinctam<sup>4</sup> potestatem super omnes, potest uti clavibus in quolibet.**

**Illi autem qui sub eodem distinctas potestates acceperunt, non in quoslibet uti possunt clavibus, sed in eos tantum qui eis in sortem venerunt, nisi in necessitatis articulo, ubi nemini sacramenta sunt deneganda.**

**74. — AD PRIMUM** ergo dicendum quod ad absolutionem a peccato requiritur *duplex* potestas: scilicet *potestas ordinis*, et *potestas jurisdictionis*.

**75. — Prima** quidem **potestas est aequaliter in omnibus sacerdotibus, non autem secunda.** Et ideo ubi Dominus, *Joan.*, xx, 22, dedit *omnibus Apostolis communiter* potestatem remittendi peccata, intelligitur de potestate quæ consequitur ordinem. Unde et sacerdotibus, quando ordinantur, illa verba dicuntur.

1. F. *ad.* « in ». — 2. Ed. « d. 20 ». — 3. Ed. « debuit esse ». — 4. Ed. « distinctam ».

**76.** — *Sed Petro dedit singulariter* potestatem remittendi peccata, *Mat.*, xvi, 19, ut intelligatur quod ipse præ aliis habet potestatem jurisdictionis.

**77.** — *Potestas autem ordinis*, quantum est de se, se extendit ad omnes absolvendos. Et ideo indeterminate *DOMINUS* dixit : « *Quorum remisistis peccata* », intelligens tamen quod usus illius potestatis esse deberet præsupposita potestate Petro collate secundum ipsius ordinationem.

**78.** — **AD SECUNDUM** dicendum quod etiam clavis materialis non potest aperire nisi seram propriam, nec aliqua virtus activa potest agere nisi in materiam propriam. Materia autem propria potestatis ordinis efficitur aliquis per jurisdictionem. *Et ideo non potest aliquis clave uli ad eum in quem jurisdictio non datur.*

**79.** — **AD TERTIUM** dicendum quod populus Israel unus populus erat, et unum tantum templum habebat. Unde non oportebat sacerdotum jurisdictiones distingui, sicut in Ecclesia, in qua congregantur diversi populi et nationes.

**80.** — **AD SECUNDAM QUÆSTIONEM** dicendum quod potestas ordinis, quantum est de se, extendit se ad omnia peccata remittenda ; sed quia ad usum hujus potestatis, ut dictum est (73), requiritur jurisdictio quæ a majoribus in inferiores descendit, ideo potest superior aliqua sibi reservare, in quibus iudicium inferiori non committat. Alias de quolibet peccato potest simplex sacerdos jurisdictionem habens absolvere.

**81.** — **Sunt autem quinque casus in quibus oportet quod simplex sacerdos ad superiorem pœnitentem remittat.** *Primus* est, quando est solemnis pœnitentia imponenda, quia ejus minister proprius Episcopus est, ut supra d. 14 (q. 1, a. 5, sol. 3, ad. 2) dictum est. *Secundus* est de excommunicatis, quando inferior sacerdos non potest absolvere. *Tertius*, quando invenit irregularitatem contractam, pro cujus dispensatione debet ad superiorem remittere. *Quartus* de incendiariis. *Quinius*, quando est consuetudo in aliquo episcopatu quod enormia crimina ad terrorem Episcopo reservantur ; quia consuetudo dat vel aufert in talibus potestatem.

**82.** — **AD PRIMUM** ergo dicendum quod *in tali casu nec sacerdos deberet audire confessionem* mulieris cum qua peccavit de illo peccato, sed deberet ad alium remittere. *Nec illa deberet ei confiteri*, sed deberet petere licentiam ad alium eundi, vel ad superiorem recurrere, si ille licentiam denegaret, *tum* propter periculum, *tum* quia est minor verecundia.

**83.** — *Si tamen absolveret, absolutum esset.* Quod enim *AUGUSTINUS* dicit quod non debet esse in eodem crimine, intel-

ligendum est secundum congruitatem, non secundum necessitatem sacramenti.

**84.** — **Ad secundum** dicendum quod pœnitentia ab omnibus defectibus culpæ liberat, non autem ab omnibus defectibus pœnæ ; quia adhuc post peractam poenitentiam de homicidio aliquis remanet irregularis. Unde sacerdos potest de crimine absolvere et pro pœna amovenda ad superiorem remittere, nisi in excommunicatione, quia absolutio ab ipsa debet præcedere absolutionem a peccato ; quia *quamdiu aliquis est excommunicabis non potest recipere aliquod Ecclesiæ sacramentum*.

**85.** — **Ad tertium** dicendum quod ratio illa procedit quantum ad hæc<sup>1</sup> in quibus sibi superiores potestatem jurisdictionis<sup>2</sup> reservant.

**86.** — **AD TERTIAM QUÆSTIONEM** dicendum quod potestas clavium, quantum est de se, extendit se ad omnes, ut dictum est (80); sed quod in aliquem sacerdos non possit potestate clavium uti, contingit ex hoc quod ejus potestas est ad aliquos specialiter limitata. **Unde ille qui limitavit, potest extendere in quem voluerit.** Et propter hoc etiam potest sibi<sup>3</sup> dare potestatem in seipsum, quamvis ipse in seipsum uti clavium potestate non possit, quia potestas clavium requirit pro materia aliquod subjectum, et ita alium. Sibi ipsi enim aliquis subjectus esse non potest.

**87.** — **AD PRIMUM** ergo dicendum quod quamvis *Episcopus quem simplex sacerdos absolvit*, sit superior eo simpliciter, tamen est inferior eo, *inquantum se ei ut peccatorem sacerdoti subjicit*.

**88.** — **Ad secundam** dicendum quod *in angelis* non potest accidere aliquis<sup>4</sup> defectus, ratione cujus inferioribus suis superiores subdantur, sicut accidit in hominibus. Et ideo *non est simile*.

**89.** — **Ad tertium** dicendum quod iudicium exterius est secundum homines ; sed iudicium confessionis est quoad Deum, apud quem aliquis redditur minor<sup>5</sup> ex hoc quod peccat, non autem apud hominum prælationes. Et ideo in exteriori iudicio *sicut* nullus in seipsum sententiam dare potest excommunicationis, *ita* nec alteri committere nec se excommunicare<sup>6</sup>. *Sed in foro conscientiæ potest alteri committere suam absolutionem, qua ipse uti non possit*.

**90.** — **Vel dicendum** quod absolutio in foro confessionis est principaliter potestatis<sup>7</sup> clavium, et ex consequenti respicit juris-

1. N. « illa », F. « ea ». — 2. Ed. « potestatis juridictionem ». — 3. N. « ei ». — 4. F. « aliquid ». — 5. F. « inferior ». — 6. F. « ut se excommunicet ». — 7. Ed. « potestas ».

dictionem. Sed excommunicatio respicit totaliter jurisdictionem. *Quantum autem ad potestatem ordinis omnes sunt æquales, non autem quantum ad jurisdictionem.* Et ideo non est simile.

## QUÆSTIO II

Deinde quæritur de correptione fraterna

Et circa hoc quærentur tria

*Primo*, quid sit.

*Secundo*, cujus sit.

*Tertio*, de modo et ordine ipsius.

### ARTICULUS I

[II-II q. 32, a. 2, ad 3 ; q. 33, a. 1, a. 3.]

**91. — AD PRIMUM SIC PROCEDITUR.** Videtur quod male ASSIGNETUR QUÆDAM DEFINITIO DE CORREPTIONE FRATERNA :

1. « *Correptio fraterna est admonitio fratris de emendatione delictorum fraterna caritate.* » Admonere enim videtur esse idem quod ad mentem reducere ; et sic non est nisi oblitorum. Sed correptio fraterna non est tantum de peccatis oblitis. Ergo male ponitur in definitione ejus « *admonitio* ».

2. **Præterea.** Correptio inl quamdam violentiam sonat; quia idem videtur esse *corripere* quod *simul rapere*. Ergo cum admonitio in quamdam lenitatem sonet, videtur quod correptio non sit « *admonitio* ».

3. **Præterea.** Ejus videtur esse correptio cujus est corrigere. Sed hoc est solius Dei ; cum *corrigere* dicatur *simul regere* ; quod solius Dei est, ut patet *Prov.*, xvi, 1 et 9 : « *Hominis est animam præparare ; et Dei est dirigere gressus suos*2. » Ergo non debuit dicere quod sit « *fratris* ».

4. **Præterea.** Admonitio videtur pertinere ad aliquid faciendum vel evitandum. Sed emendatio delictorum pertinet ad aliquid factum jam vel omissum. Ergo videtur quod correptio non possit esse « *de emendatione admonitio* ».

5. **Præterea.** Quæ graviora sunt, magis indigent emendatione. Sed transgressiones sunt graviore omissionibus, in genere loquendo. Cum ergo nomine delicti importetur *omissio*, nomine

1. F. *om.* « in ». — 2. N. « ejus ».

autem peccati *transgressio*, ut in II lib. d. 42 (q. 2, a. 2, qia 3, arg. 3) dictum est, videtur quod magis debeat dici de emendatione peccatorum quam « *deliciorum* ».

6. **Praeterea.** Fraternalis correptio videtur esse opus iustitiæ, ut patet secundum Glossam Rabani (L. 114, 146) Mat., xviii, 15 super illud : « *Si peccaverit in te* », etc. Dicit enim : « *Peccantem zelo iustitiæ corrigamus, et pœnitentiæ viscera misericordiæ pandamus.* » Ergo deberet dicere : « Ex iustitia procedens, magis quam ex « *caritate* ».

92. — **RESPONSIO.** Dicendum ad hoc quod homo recte gradiatur in via salutis, *tria* sunt ei impendenda ab eo qui ipsius curam gerit. *Primo ut in finem rectum ordinetur.* Et quantum ad hoc dicitur superior inferiorem sibi commissum dirigere. *Secundo ut ei cautelam adhibeat,* ne a via ad finem ducente discedat. Et quantum ad hoc dicitur eum regere. *Tertio ut si contingat eum discedere, quod ad viam rectam reducat.* Et quantum ad hoc dicitur ipsum corrigere : *quandoque* quidem ut rectitudo iustitiæ fiat ab eo, quando scilicet ille qui deliquerat, emendatur ex cura sibi impensa ; *quandoque* autem ut rectitudo iustitiæ de eo fiat per poenas inflictas, etiamsi ille non corrigatur ex parte sua.

93. — Sed aliquis a via rectitudinis discedens, *duplíciter* potest ad viam rectitudinis reduci, secundum Philosophum in X *Eth.* (k 10. 1179b, 11 ; l. 14, n. 2141). *Uno modo per timorem turpís,* aut odium ipsius : ut cum quis turpitudinem peccati abominatur et confusionem exinde consequentem. *Alio modo per timorem et odium tristis* : sicut cum quis propter poenas illatas pro peccatis vel quas timet inferri, resilit a peccato. Et quia iste secundus modus est cum quadam<sup>2</sup> violentia, ideo correctio dicitur, quasi usque ad rectitudinem perducens. Sed primus modus proprie dicitur correptio. Illa enim rapi dicuntur quæ subito auferuntur. Unde etiam syllaba corripitur, quæ raptim et quasi subito pronuntiatur. **Et propter hoc quando homo ex hoc solum quo ei turpitudine peccati ostenditur, et ad meliora quis eum hortatur, ipse per se ad viam rectitudinis revertitur, corripitur.**

94. — Ex quo patet quod [secundus<sup>3</sup>] modus solis prælati competit, quorum verba vim coactivam habent per inflictionem poenarum ; sed [primus<sup>4</sup>] modus prælationis ordinem non requirit, quamvis etiam prælationis ordo ipsum requirat ; quia [secundus<sup>5</sup>] modus adhiberi non debet, nisi ubi [primus<sup>6</sup>] locum non habet, etiam a prælati.

1. Ed. *ad.* « modo ». — 2. N. *om.* « quadam ». — 3. Cod. « primus ». — 4. Cod. « secundus ». — 5. Cod. « primus ». — 6. Cod. « secundus ».

95. — Et ideo correptio, quando præter ordinem praelationis fit, vocatur fraterna, quæ in prædicta assignatione notificatur per *tria*, quæ ibi ponuntur : scilicet actus ipse, cum dicit : « *Admonitio fratris* » ; finis cum dicit : « *de emendatione delictorum* » ; principium cum dicit : « *fraterna caritate procedens.* »

96. — **AD PRIMUM** ergo dicendum quod aliquis potest reduci ad mentem suam *dupliciter*. *Uno modo* quantum ad cognitionem speculativam ; *alio modo* quantum ad cognitionem practicam, quæ per ignorantiam electionis intercipitur. Et sic *dupliciter* aliquis ad mentem reducitur.

97. — **Uno modo cum coactione quadam** : vel factis, sicut cum quis punitur ; vel verbis habentibus vim coactivam, sicut cum aliquid alicui præcipitur ; et hoc ad corrigendum perlinet.

98. — **Alio modo per verba tantum quæ vim coactivam non habent.** Et talia verba *admonitoria* dicuntur. Et ideo, cum *hic modus ad corripientem* pertineat, correptio nihil est aliud quam admonitio. Et ejusdem potentiae actus est admonitio cujus est imperium.

99. — **Ad secundum** dicendum quod *corripere dicitur a rapiendo quantum ad hoc quod statim et subito rapina exercetur* ; non autem in quantum rapina habet aliquam violentiam, nisi quantum ad hoc quod corripens a sua voluntate qua peccavit, avertere peccantem nititur. *Et sic aliquid est ibi simile violentiæ*, secundum quod id quod est contrarium voluntati violentum dicitur.

100. — **Ad tertium** dicendum quod jam ex dictis (94) patet quod alicujus potest esse corripere cujus non est corrigere, sed omnis cujus est corrigere, etiam est dirigere, si quidem dirigere importet solum ordinationem alicujus in finem.

101. — Si autem importet perductionem ad finem, sic solius Dei est ; quia ejus solius est impedimenta auferre, ut aliquis ad finem non impeditus perveniat.

102. — **Ad quartum** dicendum quod de peccato præterito potest esse aliquis actus præsens vel futurus. Et ideo quamvis emendatio sit de peccato præterito, tamen ipsa emendatio aliquando potest esse facienda adhuc. *Ei ideo de ipsa emendatione potest esse admonitio*, ut dicatur emendatio reversio peccatoris ad statum rectæ operationis quæ est correptionis finis.

103. — **Ad quintum** dicendum quod nullus movetur ex odio vel timore turpis, nisi ille cui jam inest aliquo modo voluntas pulchri et boni. Et ideo, cum *correptio ex hac via procedat*, ut dictum est (93) ; proprie illi competit ut corripiatur qui habet propositum boni, a quo tamen vel propter ignorantiam vel propter aliquam desidiam avertitur. Et ideo *magis proprie respicit*

*omissionem* quæ etiam in ipsa transgressione considerari potest, quam transgressionis perversitatem. Et propter hoc convenientius dicitur « *deliciorum* » quam peccatorum.

**104.** — **Ad sextum** dicendum quod in hoc quod aliquis peccat, læditur justitia et læditur peccans. Et secundum hoc ille qui peccantem arguit, ad *duo* potest attendere : scilicet *ad læsionem justitiæ* — sed hoc proprie est ejus cui commissa est custodia justitiæ<sup>2</sup> quæ est commune bonum, scilicet prælati, qui est persona publica — et iterum *ad læsionem peccantis* ; et hoc est proprie ejus cui competit defectibus ejus subvenire. Et quia hoc est proprium amicitiae, quæ, secundum Philosophum in IX *Eth.* (t 3. 1165b, 19 ; l. 3, n. 1792), magis subvenire facit amico in damnis virtutum quam in damnis exteriorum rerum, ideo *directe pertinet ad caritatem*. Unde quamvis correctio<sup>3</sup> sit actus justitiæ, tamen correptio est actus caritatis, sive misericordiæ.

**105.** — Quia tamen bonum privatum debet ad bonum publicum ordinari sicut ad finem, ideo etiam *corripit ex caritate ad læsionem justitiæ aliquo modo respicit*. Et secundum hoc intelligenda est Glossa inducta.

## ARTICULUS II

### [I]

[II-II, q. 33, a. 2 ; *Viri.* q. 3, a. 1.]

**106. — AD SECUNDUM SIC PROCEDITUR.** Videtur quod NON QUILIBET EX PRÆCEPTO AD CORREPTIONEM FRATERNAM TENEATUR.

1. Dicit enim Hieronymus<sup>4</sup> (*Horn. 7 in Josue*, n. 6 ; G. 12, 861) : « *Sacerdotes studeant illud euangelicum implere : Si peccaverit in te frater tuus, etc.* » Ergo videtur quod soli sacerdotes ad hoc teneantur.

2. **Præterea.** Quicumque aliquem corripit, curam illius gerit. Sed soli prælati tenentur ex præcepto curam de subditis habere. Ergo soli ipsi tenentur ex præcepto ad corripendum.

3. **Præterea.** Ad præcepta obligatur aliquis semper ; ad consilia autem non, nisi in aliquo casu speciali. Sed ad corripendum non obligatur aliquis nisi in casu necessitatis ; alias oportet hominem omnia negotia sua dimittere ut correptioni insisteret, cum quotidie corripendi occurrant. Ergo correptio fraterna non cadit sub præcepto, sed sub consilio.

1. ζη om. « ad ». — 2. ζη om. « justitiæ ». — 3. ζη « correptio ». — 4. Ohigenes.

4. **Præterea.** Homo propter votum religionis non absolvitur a præceptis Dei. Si ergo homo quilibet ex præcepto teneretur fratrem corripere, videtur quod religiosi deberent de claustro suo exire ad corripiendum sæculares delinquentes : quod falsum est, quia sic religionis observantia periret.

5. **Præterea.** Homo non debet sibi excitare odium proximi ; quia Gregorius dicit (VIII *Moral.*, c. 42, n. 67 ; L. 75, 842) : « *Non est timendum ne is qui arguitur contumelias inferat ; sed timendum ne tractus ad odium deterior fiat.* » Sed frequenter ex correptione odium generatur, quia veritas odium parit. Ergo non tenetur homo ad corripiendum.

6. **Præterea.** Ibi debet homo corripere ubi habet arbitrium. Sed sicut dicit Glossa (Mat., xviii, 15, L. 114, 146) super illud : « *Si peccaverit in te, etc.* » « *Si enim in Deum peccaverit, non est nostri arbitrii.* » Cum ergo omne peccatum sit in Deum, non possumus de peccato corripere<sup>3</sup>.

107. — **SED CONTRA.** Super illud Mat., xviii, 15 : « *Si peccaverit in te, etc.* », dicit Glossa, (L. 114, 146) : « *Ita peccat qui fratrem suum peccare videt et tacet, sicut qui pœnitenti non indulget.* » Sed ad indulgendum peccanti omnes ex præcepto caritatis tenentur. Ergo et ad corripiendum delinquentes.

108. — **Præterea.** Eleemosynæ spirituales sunt magis necessariae quam corporales. Sed eleemosyna corporalis est sub præcepto ; ut supra d. 15 (223-35) dictum est. Ergo et correptio peccantium, cum sit spiritualis eleemosyna, ut ibi (273) dictum est.

## [II]

[II-II, q. 33, a. 5 ; q. 60, a. 2, ad 3 ; *Virtut.* q. 3, a. 1, ad. 15, 16 ; *Joan.* c. 8, l. 1 ; *Rom.* c. 2, l. 1.]

109. — **ULTERIUS.** Videtur quod peccator corripiens NON PECCET.

1. I *Joan.*, i, 8 : « *Si dixerimus quod peccatum non habemus, etc.* » Si ergo peccatoris non est corripere, nullus poterit alterum corripere.

2. **Præterea.** Nullus propter peccatum excusatur ab observatione præcepti. Ergo peccator tenetur ad corripiendum, cum sit in præcepto ; et si non corripiat, peccat. Si ergo peccando corripere, esset perplexus : quod est inconveniens.

3. **Præterea.** Eleemosyna corporalis est minus necessaria quam spiritualis. Sed peccator dans eleemosynam corporalem non peccat. Ergo nec corripiendo, cum correptio sit spiritualis eleemosyna, ut dictum est (108).

1. F. om. « Sed ». — 2. Ed. « peccavit ». — 3. Ed. « corrigere ».

4. **Præterea.** Majus est docere sacram Scripturam quam aliquem singulariter admonere ; quia hoc cujuslibet est, sed non illud. Sed, ut *Quidam* dicunt, docens sacram Scripturam non peccat, quamvis in peccato existât. Ergo multo minus corripiens ex caritate fratrem peccat, quamvis ipse in peccato existât.

110. — 5. **SED CONTRA.** Quicumque aliquem corripit, quodammodo ipsum judicat. Sed qui judicat in altero quod commisit, seipsum condemnat, ut patet *Rom.*, n. 1. Ergo peccator corripiendo alterum peccat.

111. — 6. **Præterea.** Philosophus dicit in *X Eth.* (k 1. 1172a, 34 sq. ; l. 1, n. 1960-2), quod sermones qui sunt de moribus, cum dissonant his quæ videntur secundum sensum in eo qui eos dicit, contemnuntur et veritatem interimunt. Sed in peccatore qui corripit alterum de peccato, ea quæ videntur de ipso ad sensum, dissonant sermonibus. Ergo interimit, in quantum in se est, veritatem. Sed hoc est peccatum. Ergo talis corripiendo peccat.

## [III]

[II-II, q. 33, a. 4 ; *Virg.* q. 3, a. 1, ad 18.]

112. — **ULTERIUS.** Videtur quod aliquis non teneatur CORRIPERE PRÆLATUM SUUM.

1. *Galat.*, n. 11, super illud : « *In faciem ejus restiti* », dicit Glossa (L. 114, 574), « *utl par* ». Ergo si par non fuisset, non potuisset eum corripere. Et ita videtur, quod fraterna correptio non se extendit ad prælatos.

2. **Præterea.** Dionysius in epistolis suis (G. 3, 1091 ; n. 3 et 4) arguit Demophilum monachum de hoc quod sacerdotem corripuerat, quia erat eo superior. Ergo fraterna correptio non se extendit ad superiores.

3. **Præterea.** *II Regum*, vi, 6-7, Oza legitur percussus a Domino, quia arcam tetigit. Sed per arcam significatur prælatus, per Ozam subditus. Ergo peccat subditus corripiendo prælatum.

4. **Præterea.** Gregorius dicit in *Pastorali* (p. 3, admon. 5 ; L. 77, 55) : « *Admonendi sunt subditi, ne praepositorum suorum vitam temere judicent, si quid eos fortasse agere reprehensibile vident.* » Ergo videtur quod sit temeritatis<sup>3</sup> prælatum arguere delinquentem.

5. **Præterea.** Gregorius<sup>4</sup> dicit : « *Sanctorum vitam corrigere non præsumat, nisi quis de se meliora sentiat.* » Sed hoc videtur esse præsumptuosum quod homo de se sentiat meliora quam de prælato suo. Ergo non sunt corripiendi.

1. Ed. « tanquam ». — 2. Ed. « extendat ». — 3. F. « temeritas ». — 4. N. *ad iterum* ». — 5. Ed. « quis non præsumat nisi de se ».

**113. — SED CONTRA.** Correptio fraterna, cum sit spiritualis eleemosyna, opus misericordiæ est. Sed misericordia maxime prælato debetur, qui in maximo periculo constitutus est. Unde Augustinus dicit in *Regula* (n. 11 ; L. 32, 1384) : « *Non solum autem vestri, sed etiam ipsius* », scilicet prælati, « *miseremini, qui inter vos quanto in loco superiore, tanto in periculo majore versatur.* » Ergo correptio fraterna se extendit etiam ad prælatos.

**114. — Praeterea.** *Eccli.*, xvii, 12, dicitur quod Deus « *mandavit unicuique de proximo suo* ». Sed prælatus noster proximus est. Ergo eum corripere debemus si delinquat.

**115. — RESPONSIO.** Dicendum **AD PRIMAM QUÆSTIONEM** quod per legis divinæ præcepta homines sufficienter in hac vita ordinantur. Sicut autem in exercitu, ut Philosophus dicit in *XII Metaph.* (λ 10. 1075% 12 sq. ; l. 12, n. 2629-31), est duplex ordo : *unus* quo totus exercitus ad ducem ordinatur ; *alius* quo singuli de exercitu ordinantur ad invicem ; *ita* et in conversatione hujus vitæ, omnium qui in aliqua communitate congregantur, est duplex ordo : *unus* ad prælatum, *alius* singulorum ad invicem. Unde uterque ordo debet præcepto divinæ legis institui.

*Ordo autem prælati ad subditum* in hoc consistit ut omnes subditi ad bonum commune quod prælatus intendere debet tendant<sup>2</sup>, et quod prælatus eos ad hoc dirigat.

*Ordo autem singulorum ad invicem* est ut unusquisque alteri auxilium præbeat ad bonum suum consequendum.

**116. —** Unde *sicut* prælatis ex præcepto incumbit ut subditorum curam gerant, et subditis ut prælatis obediant ; *ita* et cœqualibus ad invicem, ut sibi invicem auxilium ferant non solum in corporalibus, sed etiam in spiritualibus magis. Et ideo cum maximum auxilium homini per correptionem in spiritualibus adhibeatur, **præceptum divinæ legis ad hoc se extendere debet.**

**117. — AD PRIMUM** ergo dicendum quod Hieronymus (*Origenes, Decret*, d. 46, c. 17 ; L. 187, 241) loquitur de correptione cui adjungitur correctio : quod patet ex hoc quod subiungit : « *Quæ est enim misericordia parcere uni, et omnes in discrimen adducere ?* » Et talis correptio solum prælatis competit.

**118. — Ad secundum** dicendum quod curam alicujus aliquis simpliciter habere potest, et secundum quid.

*Simpliciter* quidem curam alicujus habet, cujus dispositioni totum regimen vitæ ipsius subditur ; quia providentia et cura respiciunt ordinem ad finem, ad quem homo per totam vitam suam tendit<sup>3</sup>. Et sic curam alterius non habet aliquis nisi

1. Ed. « quia ». — 2. Ed. « intendant ». — 3. Ed. « intendit ».

prælatus, qui habet propter hoc super subditum imperium.

**119.** — *Sed secundum quid* quantum ad aliquid ; ut ad subveniendum in aliquo particulari casu quilibet habet curam alterius ; quia « *unicuique mandavit Deus de proximo suo* » ; *Eccl.*, xvii, 12 ; et secundum Apostolum *I Cor.*, xii, 25, « *pro invicem sollicita sunt membra* ».

**120.** — **Ad tertium** dicendum quod etiam præcepta affirmativa non obligant ad semper, quamvis semper obligent. Et ideo ad illud ad quod in aliquo casu implendum obligamur et non in alio, non est consilium, sed præceptum ; quia *consilium nunquam obligat nisi per hoc quod in præceptum transiit ex aliquo accidenti*.

**121.** — Tempus autem ad quod obligat est cum delinquens occurrit ipsi, et corripitur potest commode, et speratur emendatio, et non est alius cui ex officio incumbat corripere vel si ille cui incumbit, negligens appareat in corrigendo.

**122.** - - *Si enim non speraretur emendatio*, sed magis deterioratio propter impatientiam corripiendi, *excusaretur a præcepto*.

**123.** — Similiter si prælatus diligens appareret ad corrigendum subditum suum.

**124.** — **Ad quartum** dicendum quod *Quidam* dicunt quod monachus non debet claustrum exire ut corripiat delinquentes, quia vacat operi meliori, scilicet contemplationi.

**Sed hoc non videtur verum** ; quia etiam aliquis a contemplatione abstrahitur, ut saluti proximorum subveniat.

**125.** — **Et ideo dicendum** quod *si monacho opportunitas corripienti advenerit, ipse etiam corripere tenetur* ; sed non tenetur quærere delinquentem exiens claustrum, aut ordinis sui statuta frangere, ne ipse in periculum incidat a quo alium liberare tenetur.

**126.** — **Ad quintum** dicendum quod semper vitandum est ne ex correptione sequatur odium nostra culpa, scilicet ex indiscreta correptione. Si autem ad odium provocetur ex quo deberet ad dilectionem incitari, non est curandum, præcipue quando ejus peccatum in damnum aliorum vergit, vel etiam damnum sequens, vel peccatum ipsum est gravius odio quod in nos excitamus ; vel quando speramus quod odium paulatim tepescet, et tamen correctio sequetur ; quia, sicut dicit Chrysostomus (In *II ad Tim.* hom. 7, n. 2 ; G. 62, 639), « *melius est odium propter Deum quam amicitia quæ est propter ipsum. Cum enim propter ipsum amamur, debitores Dei sumus ; cum odio propter ipsum habemur, debitorem eum nobis facimus.* »

1. Ed. *ad.* « corripienti ». — 2. F. « qui ». — 3. Ed. « corrigendi ». — 4. Ed. \* correctione ». — 5. F. *om.* « vel ». — 6. Ed. « tandem ».

**127.** — **Ad sextum** dicendum quod *Glossa* intelligenda est, quando peccatur in Deum, idest solo Deo sciente. *Vel loquitur* non quantum ad correptionem, sed quantum ad remissionem qua; sequitur; quia *illud quod esi ex parte nostra, possumus remittere*, sed non quod est ex parte Dei.

**128.** — **AD SECUNDAM QUÆSTIONEM** dicendum quod circa hoc *est duplex opinio*.

Quidam enim dicunt quod ille qui est in peccato simili vel majori, non potest alium corripere, sive illud sit notorium sive occultum; propter hoc quod alterum judicans, contra seipsum sententiam profert.

Alii autem dicunt quod si sit peccatum occultum, absque peccato potest corripere; non autem si sit notorium.

**129.** — **Utraque autem opinio quantum ad aliquid vera est.** *Dupliciter* enim aliquis corripere, potest. *Uno modo ex officio*, sicut prælati corripiunt. Et sic videtur *prima opinio* habere veritatem; quia quandocumque aliquis indigne utitur officio suo, peccat; ille autem qui est in peccato mortali, etiam occulto, indigne utitur officio praelationis. Unde peccat corripendo, vel quidquid alii proprii officii exequatur.

*Alio modo* aliquis corripit *ex zelo caritatis*, non ut Ecclesiæ minister. Et tunc in correptione non potest esse peccatum nisi ratione scandali, quod non consurgit nisi de peccato notorio. Et secundum hoc *secunda opinio* habet veritatem. Unde sive prælatus, sive subditus etiam in peccato notorio existens, aliquem peccare viderit, potest eum admonere non per modum corripientis, sed per modum rogantis ut exemplo suo non incitetur ad malum.

**130.** — **AD PRIMUM** ergo dicendum quod peccatum veniale non reddit aliquem indignum executione officii sacri, sicut peccatum mortale; nec ita natum est scandalizare, quia ab eis nullus invenitur immunis. Et ideo existens in peccato veniali non peccat, etiamsi de eodem corripiat, nisi probabiliter ex correptione scandalum sequi videatur. *Et de hoc peccato, scilicet veniali, loquitur auctoritas inducta.*

**131.** — **Ad secundum** dicendum quod *peccator non est perplexus*; nec tamen absolvitur a praecepto corripienti. Potest enim peccatum dimittere vel officium resignare, aut etiam humiliter peccatum suum recognoscens alium admonere rogando; et tunc non peccat.

**132.** — **Ad tertium** dicendum quod *in eleemosyna corporali non invenitur aliquis dissensus ad vitam qua quis<sup>3</sup> in peccato*

1. *βη om.* « ex ». — 2. F. « excitetur ». — 3. Ed. *om.* « quis ».

*vivitur*, sicut de correptione dictum est. Et ideo peccator eleemosynam dans, non scandalizat, sicut corripiendo scandalum generat.

**133.** — **Ad quartum** dicendum quod docere sacram Scripturam contingit *dupliciter*.

*Uno modo ex officio praelationis*, sicut qui prædicat, docet. Non enim licet alicui prædicare, nisi officium praelationis habeat, vel ex auctoritate alicujus praelationem habentis ; *Bom.* x, 15 : « *Quomodo prædicabunt, nisi mittantur ?* »

**134.** — *Alio modo ex officio magisterii*, sicut magistri Theologiae docent.

**135.** — Dicunt ergo *Quidam* quod ille qui primo modo docet, peccat mortaliter, si sit in peccato mortali notorio ; non autem ille qui secundo modo docet.

**Sed hoc est falsum** ; quia eorum qui docent sacram Scripturam est idem finis et eorum qui ipsam Scripturam ediderunt. Unde cum ad hoc ordinetur Scripturæ editio ut ad vitam æternam homo perveniat, ut patet *Joan.*, xx, quicumque impedit finem doctrinæ, docendo peccat. Impedit autem qui sacram Scripturam in peccato docet, quia ore confitetur se nosse Deum, factis autem negat.

**136.** — **Et ideo dicendum** quod *ille qui est in peccato notorio, peccat sive sic, sive sic doceat* ; sed *ille qui est in peccato occulto, peccat si primo modo doceat*, non autem si secundo.

**137.** — Et quia aliæ rationes videntur concludere quod nullo modo corripere liceat ei qui est in peccato ; ideo dicendum **ad quintum**, quod ex hoc ipso quod aliquis alium corripiendo iudicat, si in eodem peccato sit ; seipsum condemnat, id est condemnabilem se ostendit, non tamen novam causam damnationis semper adjicit.

**138.** — **Ad sextum** dicendum quod *ratio illa procedit de peccato manifesto*.

**139.** — **AD TERTIAM QUÆSTIONEM** dicendum quod *Quidam* dicunt quod correptio fraterna non se extendit ad prælatos ; *tum* quia non debet homo os ponere in cælum ; *tum* quia de facili scandalizari possunt prælati, si a subditis corripiantur.

**140.** — **Sed hoc nihil est** ; quia prælati, inquantum peccant, non sunt cælum, et secundum hoc eis correptio debetur. Nec iterum qui eos caritative corripit, in eos os ponit, id est contra eos, sed pro eis, quia ad utilitatem eorum eos admonet. Nec iterum præsumere quis debet de prælato quod injuste scandalizetur, nisi contrarium constet, quia ipsi sunt in statu perfectionis,

1. Ed. « sacram ». — 2. Ed. « Inde ». — 3. *ζη om.* — 4. Ed. « profitetur ». — 5. Ed. « seipsum ». — 6. Ed. « super ».

scandalum autem passivum non convenit perfectis, sed pusillis.

**141.** — **Et ideo dicendum** est quod prælatus ex hoc quod est persona publica, et vicem Dei super subditos gerens, non amittit ea quæ sunt propria illius singularis personae. Et ideo omnia illa quæ debentur alicui ex affectu fraterno, qui ad omnes homines habendus est, etiam prælato debentur, sicut etiam ipse aliis debet ea quæ affectus caritatis expostulat; nec ab his ratione prælationis excusatur.

**142.** — Et ideo, secundum **Al i o s**, **præceptum de fraterna correptione etiam ad prælatos se extendit, ut corripiantur a subditis.** Et *sicut* ea quæ sunt caritatis ad subditos prælatus taliter gerere debet, ut nullum auctoritati præjudicium generetur; « *ne dum nimium servatur humilitas, regendi frangatur auctoritas* », ut **Augustinus** dicit (in *Regula*, n. 10; L. 32, 1384); *ita correptio ad prælatos taliter debet fieri, ne aliquid reverentiæ subtrahatur.* Et ideo dicitur / *Tim.*, v, 1: « *Seniorem ne increpaveris, sed obseca ut patrem.* »

**143.** — **AD PRIMUM** ergo dicendum, quod Paulus in faciem Petro coram omnibus restitit, sicut ibidem dicitur. Hoc autem excedit modum fraternæ correptionis quæ prælatis a subditis debetur. Non enim *prælali* a subditis coram multitudine, sed *humiliter in privato corripiendi sunt, nisi immineret periculum fidei.* Tunc enim prælatus *minor* fieret, si in infidelitatem laberetur, et subditus fidelis *major*.

**144.** — **Ad secundum** dicendum quod monachus ille arguitur de hoc quod injuste corripuit sacerdotem recte agentem, et hoc quod correptionem usque ad correctionem extendit poenam inferendo, quia sacerdotem percussit et eum ab Ecclesia amovit. *Quamvis autem praelati sini corripiendi a subditis; non tamen est eis pœna infligenda,* sed recurrendum ad superiorem denunciando; vel si non habet superiorem, recurrat ad Deum, ut eum emendet vel de medio subtrahat.

**145.** — **Ad tertium** dicendum quod tangere arcam non erat levitarum, sed sacerdotum. Et ideo *Oza percussus fuit, quia officium superioris usurpavit.* Sed fraterna correptio non sequitur officium sed affectum caritatis. Et ideo non concludit ratio de correptione fraterna, sed de correctione quæ est a prælatis adhibenda, quam subditis prælatis adhibere non potest.

**146.** — **Ad quartum** dicendum quod **Gregorius** *prohibet iudicium temeritatis,* ne scilicet aliquis prælatorum facta de facili in malum convertat, vel de eis coram aliis obloquatur. *Non autem iudicium fraternæ correptionis prohibet cum reverentia facium.*

1. ζη « servetur ».

**147.** — **Ad quintum** dicendum quod quamvis præsumptuosum sit *quod aliquis simpliciter se alteri praeferat in bonitate*, præcipue sancto viro ; tamen *non est præsumptuosum quantum ad aliquod factum*, si prælatus non faciat illud, de se meliora sentire.

### ARTICULUS III

#### [I]

(II-II, q. 33, a. 7 ; *Virtid.*, q. 3, l. 2 ; *Quodl. I*, q. 8, a. 2 ; *XI*, q. 10, a. 1, 2 ; *Mat.* c. 18.]

**148.** — **AD TERTIUM SIC PROCEDITUR.** Videtur quod NON OPORTEAT QUOD FRATERNA ADMONITIO PRÆCEDAT DENUNTIATIONEM Ecclesiæ faciendam.

1. Quia secundum Augustinum in lib. *De mendacio* (c. 15 ; L. 40, 506), ex factis sanctorum colligimus quid in Scripturis sentire debemus. Sed Christus denunciavit Judam discipulis ante admonitionem factam, ut patet *Joan.*, xiii, 26. Similiter Petrus damnavit Ananiam et Saphiram ante aliquam admonitionem, ut patet *Act.*, v. Similiter Paulus reprehendit Petrum coram omnibus, nulla monitione secreta præcedente. Ergo videtur quod non semper admonitio fraterna debet præcedere denuntiationem Ecclesiæ faciendam.

2. **Præterea.** Majori periculo magis debet homo obviare. Sed aliquando majus<sup>1</sup> periculum imminet, si peccatum non publicetur, quam sit malum infamatio unius hominis ; quia peccator latens potest multos corrumpere in fide vel moribus : quod non posset facere in publicum ejus peccato deducto. Aut etiam infamatur multitudo, si peccatum unus de multitudine committat. Nec talis infamia aboletur nisi per pœnam peccati, quæ non potest inferri, nisi peccatum ad publicum deducatur. Ergo nec semper debet denuntiationem admonitio præcedere.

3. **Præterea.** Accusare in capitulo est dicere Ecclesiæ. Sed religiosi frequenter se invicem accusant in capitulo nulla admonitione præcedente. Ergo non oportet quod semper admonitio denuntiationem præcedat.

4. **Præterea.** Gravior via procedenti contra crimina est si per accusationem vel etiam per inquisitionem procedatur, quam si per denuntiationem ; quia etiam major pœna infligitur. Sed aliquis potest procedere ad accusationem non præcedente admonitione, inscriptione<sup>2</sup> tamen facta, sicut *Innocentius III* dicit in *Decretali* (*Qualiter*, Extra. De accusationibus). Ergo nec denuntiationem oportet quod admonitio præcedat.

1. F. « magis ». — 2. RANVP. « inquisitione ».

5. **Præterea.** Nullus tenetur alteri obedire contra praeceptum divinum. Sed si praelatus praeciperet alicui scienti crimen fratris sui quod ei diceret, teneretur dicere ante admonitionem. Et similiter si praeciperet illi qui crimen commisit. Tamen praelatus peccaret quaerendo, quia secundum ordinem juris petitur juramentum de veritate dicenda etiam in causa criminali ab eo qui accusatur. Ergo videtur quod non sit de necessitate praecepti quod admonitio denuntiationem praecedat.

149. — **SED CONTRA** est quod dicit GLOSSA Mat., xviii, 15, super illud : « Si peccaverit in te, etc. » (L. 114, 146) : « Hoc ordine vitare scandala debemus. » Sed debitum est ex praecepto obligante. Ergo ordo correptionis est in praecepto.

150. — **Præterea.** Propter hoc fraterna correptio est in praecepto, ut homo fratrem suum a peccato eripiat. Sed quandoque fratri daretur peccati occasio, si statim in publicum proderetur. Unde GLOSSA dicit ibidem : « Corripe ipsum inter te, etc. » Ergo secundum necessitatem praecepti debet admonitio privata denuntiationem praecedere.

## [II]

[II-II, q. 33, a. 8; Virtul. q. 3, a. 2, ad 2, 24 sq.; Quodl. XI, q. 10, a. 1; Mal. c. 18.]

151. — **ULTERIUS.** Videtur quod inconvenienter in ORDINE CORREPTIONIS PONATUR TESTIUM INDUCTIO.

1. Quia aut iste correptionis ordo intelligitur de peccato publico, aut del occulto. Si de publico, non oportet inducere testes, quia manifestum est. Si de occulto, non oportet manifestari nescientibus, quia sic esset homo proditor criminis. Ergo videtur quod nullo modo testium adhibitio requiratur.

2. **Præterea.** Augustinus<sup>2</sup> in Regula (n. 7; L. 32, 1381), ubi ordinem fraternae correctionis ponit, dicit quod « aliis, scilicet testibus, peccatum fratris demonstratur, per quos convincendus est, si negaverit. » Sed aliquis non potest convinci per unum testem, quia « in ore duorum vel trium testium debet stare omne verbum » (Mat., xviii, 16). Ergo inconvenienter dicitur quod testis unus vel duo adhibeantur; quia semper debent esse duo ad minus.

3. **Præterea.** Correptio etiam debet fieri de peccato semel facto. Sed ad illud quod jam factum est, non possunt adhiberi testes, ut videant qui non viderunt. Quandoque etiam non reiteratur de facili; aut si reiteratur, peccator sibi a corripiente cavet, ne etiam ipse videre possit peccantem, nedum nec<sup>4</sup> alios

1. F. om. « de ». — 2. Ed. ad. « dicit ». — 3. Ed. om. « dicit ». — 4. RANVP. om. « nec », F. « nisi ».

inducat ad videndum. Nec iterum debet ille qui peccatum fratris scit, ei dare aliquam occasionem peccatum iterandi, ut deprehendi possit, quia sic ipse esset peccati particeps. Ergo videtur quod testium inductio non requiratur ad correptionem.

4. **Præterea.** Dicere prælato, est dicere Ecclesiæ. Sed Augustinus dicit in *Regula* (L. 32, 1381), quod « *antequam aliis demonstretur, per quos convincendus est, si negaverit, prius præposito debet ostendi, si admonitus neglexerit corrigi.* » Ergo videtur quod testium adhibitio non debeat præcedere denuntiationem, sed sequi.

## [III]

**152. — ULTERIUS.** VIDETUR QUOD CORREPTIO QUANTUM AD MONITIONEM<sup>2</sup> SECRETAM DEBET ESSE DURA.

1. Mat. 3 m, 7, Joannes Baptist a dixit : « *Genimina viperarum* » : quæ fuit durissima correptio. Ergo videtur quod debeat aliquid alterum dure corrigere.

2. **Præterea.** *Tit.*, i, 13, dicitur : « *Argue illos dure.* »

3. **Præterea.** Ad correptionem fraternam incitat ira per zelum. Sed ira asperitatem habet. Ergo debet aliquis aspere corrigi.

**153. — SED CONTRA.** *Gal.*, vi, 1 : « *Vos quis spirituales estis, instruite, hujusmodi in spiritu lenitatis.* » Ergo videtur quod non debeat dure corripri.

**154. — Præterea.** Augustinus dicit {*In ps. cxl, 5*; L. 36, 1826) : « *Corripiat justus in misericordia, et arguat.* » Ergo debet esse levis correptio.

**155. — RESPONSIO.** Dicendum **AD PRIMAM QUÆSTIONEM** quod secundum Philosophum in *V Eth.* {*e 7. 1131*», 20-23 ; l. 5, n. 946), minus malum, ex hoc quod præeligitur respectu magis mali, accipit rationem magis boni. Et ideo medicus corporalis hominem, si potest, ab infirmitate totaliter liberat ; si autem non potest, negligit<sup>4</sup> minus malum, ut occurrat magis malo : sicut amputat<sup>5</sup> unum membrum, ne totum corpus inficiatur.

**156. —** Et hunc ordinem Dominus servari præcepit, cum peccatoribus corripiendo spiritualiter medicamur. Peccator autem ex peccato *duo* mala incurrit : innocentiae damnum et famæ dispendium. Et ideo prius tentandum est ut taliter innocentia restituatur quod fama etiam conservetur. Sin autem, debet negligi fama, ut conscientia reparetur, famæ etiam dis-

1. *θκ F. om.* 4 ipse ». — 2. *ζηθι* « admonitionem ». — 3. *F.* « *Lucæ* », ubi adest sententia ad verbum. — 4. *Ed.* « *eligit* ». — 5. *Ed.* « *amputare* ».

pendio si subveniri aliter non potest, debet quantum potest ; ut scilicet primo paucis, et postea multis crimen prodatur.

**157.** — Et ideo Dominus hunc ordinem corripiendi statuit, ut primo frater corripiatur secreto, ut sic et innocentiam recuperet et famam non perdat ; quia<sup>2</sup> si hæc medicina non fuerit efficax, debet paucis ostendi, ut non totaliter fama prodatur. Et deinde si non corrigitur<sup>3</sup>, debet omnino fama negligi, et in publicum prodi. Quod si etiam publica correptio vel admonitio non profuerit, debet omnino abscindi iudicio Ecclesiæ, ut « *sit sicut ethnicus et publicanus* », Mat., xviii, 17.

Et ideo dicendum, quod *sicut correptio fraterna cadit in præcepto, ita et correptionis ordo.*

**158.** — **AD PRIMUM** ergo dicendum quod in observatione præceptorum semper ad intentionem præcipientis et rationem præcepti attendendum est. Ideo autem Dominus præcepit ut secreta admonitio publicam denuntiationem præcederet, ut expectaretur emendatio vitæ, et famæ parceretur peccatoris.

**159.** — Et quia Dominus sciebat Judam non emendandum fore, si ipsum admoneret, sed magis exasperandum — quia non est probabile quod verba moverent quem tot miracula visa non moverant<sup>4</sup> — ideo ipsum non præmonuit. Et quia etiam sciebat ex hoc forte magis exasperandum et deteriore fieri.

**160.** — Nec tamen est simile de ipso et de nobis ; quia ipse secreta cordium sciebat et futuros eventus, non autem nos. Et ideo, nisi certissimis signis appareat incorrigibilitas et exasperatio ipsius futura, non debet fraterna admonitio prætermitti.

**161.** — *De Petro* autem dicendum est quod forte peccatum eorum erat publicum, vel statim publicandum ; vel forte sciebat monitionem ipsis non valituram ; vel etiam consilio Spiritus sancti fecit ad terrorem, quia hoc competebat statui primitivæ Ecclesiæ, ne veniret ejus auctoritas in contemptum.

**162.** — *De Paulo* autem patet responsio. Quia Petrus coram omnibus peccavit, et<sup>6</sup> ideo oportebat ipsum<sup>7</sup> coram omnibus redargui. Hic autem ordo servandus est in peccatis occultis. Unde dicitur : « *Si peccaverit in te* », idest *le solo sciente*.

**163.** — **Ad secundum** dicendum quod in peccatis denuntiandis considerandum est utrum peccatum *sit* omnino occultum, *aut* ad notitiam aliorum devenerit, *aut* in promptu sit ut deveniat.

*St enim<sup>9</sup> peccatum jam ad aliorum notitiam devenerit, tunc*

1. Ed. « subvenire si ». — 2. Ed. « quod ». — 3. Ed. præter N. « corripitur ». — 4. Ed. « moverent ». — 5. Ed. *om.* « de ». — 6. Ed. *om.* « et ». — 7. Ed. « eum ». — 8. Ed. « autem ».

debet denunciari ei qui habet potestatem corrigendi, ut qui sunt scandalizati de culpa, aedificentur de poena.

**164.** — *Si autem* nondum in publicum devenit, sed *esi in via deveniendi* ; tunc etiam denunciandum est, ut scandalo futuro occurratur.

**165.** — *Si autem sil omnino occultum*, tunc considerandum est utrum emendatio peccantis expectari probabiliter possit, aut non. Quod quidem facile adverti poterit, si consideretur utrum aliquis ex electione vel passione peccavit, sive ex malitia vel infirmitate, quod idem est. Quod quidem perpendi potest ex conditione peccantis, et ex iteratione actus.

**166.** — Quia si aliquis frequenter et quasi improhibite sine freno in aliquod peccatum lapsus est, signum est quod ex malitia vel electione peccat, et non facile emendetur.

**167.** — Si autem semel occasione peccandi oblata, in peccatum ruit, et postea tristitiam et verecundiam de peccato ostenderit, signum est quod sit peccatum ex passione velle infirmitate, et quod de facili emendetur.

**168.** — *Si ergo emendatio speretur*, debet admonitio praecedere, et denuntiatio differri quousque videatur quod non<sup>2</sup> emendetur<sup>3</sup> peccator ; nisi forte immineret occasio similis in peccatum ruendi, quam tamen declinare non vellet admonitus ; tunc enim deberet praelato denunciari, ne in praecipitium iret.

**169.** — *Si autem non speretur emendatio*, tunc considerandum est an illud peccatum sit infectivum aliorum, sicut est hæresis vel fornicatio vel aliquid hujusmodi ; aut etiam cedat in aliquod damnum alterius, sicut furtum vel homicidium et hujusmodi.

**170.** — *Si enim non cedat in damnum alterius* nec sit infectivum peccatum, tunc potest denuntiatio differri quousque videatur admonitionis effectus, præcipue si emendationem promittit.

**171.** — *Si autem est infectivum aliorum*, debet denunciari praelato, ut gregi suo caveat. Sicut enim dicit Hieronymus (Origenes, *Horn*, vu in *Josue*, η. 6; G. 12, 861), « *Quæ misericordia est parcere uni et multos in discrimen adducere ?* » Polluitur populus ex uno peccatore, sicut ex una ove morbida universus grex. Semper enim bonum multorum debet præferri bono unius. Unde et<sup>4</sup> fama unius negligi debet, ut innocentia vel fama multitudinis conservetur.

**172.** — *Si autem vergat in damnum corporale alterius*, debet fieri comparatio illius damni ad damnum famæ istius, et illi damno quod præponderat obviandum magis.

1. Ed. *ad.* « ex ». — 2. Ed. « quomodo ». — 3. Ed. « emendatur ». — 4. Ed. « etiam ».

**173.** — **Ad tertium** dicendum quod de levibus peccatis non surgit infamia nec scandalum. Et ideo de talibus non est vis, si quis in capitulo accusetur admonitione prætermissa ; nisi forte probabiliter credi possit quod tali accusatione magis deterioratur qui corrigitur, et collegio etiam non multum prosit, cujus bonum semper præponendum est bono unius. Unde et aliquando, etiam si peccantis emendatio non expectetur, potest aliquis coram multitudine accusari, si profectus multitudinis credatur.

**174.** — Sed de peccatis ex quibus posset infamiam surgere, non deberet aliquis in publico accusari, nisi aliis præmissis quæ ordo fraternæ correptionis deposcit. Et graviter peccaret accusans, sicut fratrem suum infamans.

**175.** — **Ad quartum** dicendum quod etiam ad accusationem, ut *Quidam* dicunt, procedi non debet secundum forum conscientiæ, monitione non præmissa, nec emendatione expectata, nisi forte majori periculo obviandum videatur, aut peccatum sit publicum ; quamvis secundum forum causarum non requiratur quod accusationem præcedat admonitio, sed solum inscriptio<sup>2</sup>. Inquisitio vero non est facienda nisi de notorio peccato ; quia oportet quod inquisitionem præcedat clamosa insinuatio ; et ideo secreta admonitio non requiritur de necessitate.

**176.** — **Vel dicendum** secundum *Alios*, quod in accusatione non agitur ad emendationem peccantis, sed ad bonum commune, scilicet justitiam conservandum per punitionem delinquentis. *Et ideo accusatio in iudicio bona conscientia potest fieri, etiam si admonitio non præcedat ; nec est contra præceptum Domini : quod intelligitur, quando agitur ad emendationem peccantis.*

**177.** — **Ad quintum** dicendum quod præceptum alicui factum a prælato suo de peccato alterius publicando in eo casu in quo publicari non debet, potest fieri *vel in iudicio, vel extra iudicium. Si extra iudicium, peccat præcipiens ; nec ille cui præcipitur, obedire tenetur. Si autem in iudicio, ordine juris exigente, iudex alicui præcipiat ut peccatum suum vel alterius confiteatur, non peccat præcipiendo, quia ipse non exigit, sed accusans cui iudex jus reddere debet. Et tunc tenetur quis profiteri ad præceptum iudicis peccatum suum, vel alterius, vel appellare, si contra ordinis jus<sup>3</sup> ei præcipiatur.* Et tunc publicans peccatum occultum vitat majus malum, scilicet disciplinæ juris enervationem.

**178.** — Tamen iudex deberet dissimulare quantum posset, ne tale præceptum faceret salvo ordine juris, et præcipue in capitulo, ubi magis per æquitatem procedendum est quam secundum rigorem juris.

1. N. « deterioretur ». — 2. N. « inquisitio ». — 3. Ed. « ordinem juris ».

**179.** — **AD SECUNDAM QUÆSTIONEM** dicendum quod quando medicina levis, a qua incipiendum est non proficit, tunc debet medicus efficaciorē medicinam apponere; non tamen statim efficacissimam, sed paulatim procedendum est, ut quam minus potest fieri gravetur ille cui medicari volumus.

**180.** —<sup>1</sup> Et ideo si prima medicina, scilicet admonitio præcedens secreta, non prosit, quia peccatum iterari videtur, oportet ad ulteriora procedi, ut paucis ostendatur, et talibus qui possunt prodesse, et de quibus non creditur quod obsint diffamando. Et illi *principaliter* adhibentur ut admoneant; *secundo* ut admonitionis factae sint testes; *tertio* ut negantem coram Ecclesia convincant. Unde<sup>2</sup> Augustinus in *Regula* dicit (n. 57; L. 32, 1581): « *Prius tamen* », scilicet quam in publicum prodatur, « *alteri vel tertio demonstretur ut duorum vel trium possit ore convinci.* »

**181.** — **AD PRIMUM** ergo dicendum quod Quidam dicunt quod iste modus corripiendi servandus est, quando peccatum non est omnino publicum nec omnino occultum, sed ab aliquibus scitum. Unde dicunt quod non possunt alii advocari, nisi qui sciunt, ad quos etiam correptio pertinet. Sic enim exponunt: « *Si peccaverit in te* », idest te solo sciente, « *frater tuus, corripe eum inter te et ipsum solum. Si te audierit, lucratus es fratrem tuum. Si te non audierit* », et nullus alius sciat, non debes ultra procedere. Si autem aliqui<sup>3</sup> alii sciant, « *adhibe tecum, etc.* »

**182.** — **Sed hoc non videtur esse secundum intentionem Evangelii**; quia si illi qui adhibentur, alias scivissent, non oporteret eos adhibere ad videndum, sed statim per eos posse convinci.

**183.** — **Et præterea.** Hieronymus (117) dicit quod « *non est misericordia parcere uni, et omnes in discrimen adducere* »: quod fieret, si peccatum quod est aliis nocivum, non publicaretur ad correptionem.

**184.** — Unde patet quod si peccatum in aliorum detrimentum vergat, debet aliis dici, quantumcumque sit occultum; et etiam si non vergat in alterius detrimentum nisi in illius qui peccat, ut patet secundum Augustinum in *Regula* (loc. cit.), ubi sic dicit: « *Innocentes non estis, si fratres vestros quos iudicando corrigere potestis, tacendo perire permittitis.* »

Nec ex hoc aliquis efficitur proditor criminis; quia non manifestat crimen ad infamandum, sed ad corrigendum.

**185.** — **Ad secundum** dicendum quod unus testis inducitur ad admonendum, sed duo ad convincendum.

**186.** — **Vel dicendum** quod ipse denuntians cum uno teste

1. F. om. « de ». — 2. Ed. « ut » — 3. F. « aliquid ».

sufficit ad denuntiandum, quia per hoc fit aliqua præsumptio iudici ; sed ad decisionem causæ requiruntur duo testes.

**187.** — **Ad tertium** dicendum quod non potest intelligi quod aliquis ex præcedenti monitione non sit emendatus, nisi per hoc quod actum iterat. Unde ad hoc inducendi sunt testes, ut actum iteratum videant, ut<sup>1</sup> patet per Augustinum qui dicit (ubi supra) : « *Prius alteri vel tertio demonstrandum* », scilicet actum peccati.

**188.** — Non<sup>2</sup> debet aliqua occasio præberi ut peccatum iteret, intentione convincendi ; quia non sunt facienda mala ut veniant bona (*Bom.*, ni, 8). Si tamen actus iterati ostendi testibus non possint, debent tamen adhiberi, ut coram ipsis recognoscat, vel saltem ut ipsi admoneant, ut objurgatio plurimorum eum corrigat, ut ibidem Glossa dicit ; et has duas causas Glossa tangit ibidem super illud : « *Adhibe tecum, etc.* » ; « *studio scilicet corrigendi vel convincendi* ».

**189.** — **Ad quartum** dicendum quod prælatus potest *duplīciter* considerari : *aut secundum quod iudicio præsidet*. Et sic dicere prælato est dicere Ecclesiæ. *Ei sic prius debent lestes adhiberi quam prælato dicatur*.

*Aut extra iudicium existens*. Et sic dicere prælato non est dicere Ecclesiæ, sed personæ quæ potest prodesse et non obesse ; quia nullus magis potest prodesse quam prælatus. *Et secundum hoc debet prius dici prælato quam testibus ostendi aliis*, ut quanto minus potest fieri, publicetur ; et<sup>3</sup> tunc prælatus adhibetur quasi unus de testibus.

**190.** — Talis enim debet esse ordo correptionis fraternæ, quem Augustinus in *Begula* tradit<sup>4</sup> ; ut « *cum quis oculi petulantiam* », vel aliud peccatum quodcumque « *in fratre suo advertit, statim admonere debet, ne cæpta progrediatur*<sup>5</sup>, *sed de proximo corrigatur*<sup>6</sup>. » Quod si post admonitionem iterum vel tertio id facere videatur, tunc debet quasi vulneratus sanandus manifestari. Sed antequam in publicum prodatur, quod fit cum Ecclesiæ dicitur, « *prius debet alteri vel tertio demonstrari* », quod est adhibere unum vel duos testes. Et inter eos quibus ostendi debet, antequam aliis ostendatur, *per quos convincendus est, si negaverit prius præposito debet ostendi post admonitionem, ut secretius, correptus non innotescat ceteris*. » Et ita primo debet admoneri ; secundo prælato ostendi ; tertio testes adhiberi ; quarto in publicum produci convincendus, si negaverit.

Sed duo media Dominus sub uno comprehendit.

**191.** — **AD TERTIAM QUÆSTIONEM** dicendum quod secun-

1. ζη « quod ». — 2. Ed. *ad.* « tamen ». — 3. F. om. « et ». — 4. N. « dicit ».  
— 5. Ed. « progrediatur ». — 6. Ed. « corrigantur ».

dum Gregorium in *Pastorali* (p. 2, c. 10 ; L. 77, 46), « *nonnulla peccata sunt leviter corrigenda. Nam cum non malitia, sed sola ignorantia vel infirmitate delinquitur, necesse est ut magno modamine ipsa delicti correptione temperetur... Nonnulla autem sunt vehementer increpanda, ut cum culpa ab actore non agnoscitur quanti sit ponderis, ab increpantis ore sentiat ; et cum quis sibi malum quod perpetravit levigat, hoc contra se graviter ex corripientis asperitate pertimescat.* »

**192.** — Et quamvis ille loquatur de correptione quæ prelati competit, tamen etiam in correptione quæ ab aliis fit, hoc etiam<sup>2</sup> est observandum ; quamvis fraterna correptione semper magis debeat ad lenitatem accedere ; quia non ex auctoritate officii, sed ex caritatis affectu exhibeatur<sup>3</sup>.

Et per hoc patet solutio ad objecta.

## EXPOSITIO TEXTUS

**193.** — « Moyses et Aaron sacerdotes. » (**5a**) Moyses sacerdos dicitur non officio oblationes offerendi, sed quia sacra primitus populo dedit immediate a Deo accepta, *ps. xcvm, 6* : « *Moses et Aaron in sacerdotibus ejus.* » (**5b**)

**194.** — « *Cum esset pontifex anni illius, prophetavit.* » (**5b**) **Sciendum** quod in verbo Caiphæ fuerunt *quatuor*. *Primo* inspiratio immissa, per quam utilitas passionis Christi cordi ejus inspirata fuit a Spiritu sancto ; *secundo* intellectus quem ipse ex illa inspiratione concepit ; *tertio* intentio exprimendi intellectum suum et ad effectum perducendi<sup>4</sup> ; *quarto* verba ipsa prolata.

*Primum* quidem fuit quædam participatio prophetiæ ; *secundum* fuit falsus intellectus a seipso ; *tertium* fuit iniqua intentio ; *quartum* fuit vera locutio, quamvis non secundum intellectum ejus.

Et ideo *primum* fuit a Spiritu sancto, non autem *secundum*, neque *tertium*, sed *quartum* aliquantulum fuit a Spiritu sancto regulante verba illius ut consonarent inspirationi ab eo factæ.

**195.** — « Nullus officio sacerdotis etc. » (**8a**) Hoc intelligendum est de mortalibus ; quia sacerdos potest sine peccato de illis venialibus absolvere in quibus ipse est, quia per ea non redditur executione officii indignus.

**196.** — « Ideo liberavit peccatricem etc. » (**9a**) idest, ex hoc occasionem liberationis ejus sumpsit.

**197.** — « Diligens ergo investigator etc. » (**9b**) **Sed contra.** « *Defecerunt scrutantes scrutinio qui scrutati sunt iniquitates* »,

1. F. « auctore ». — 2. F. *om.* « etiam ». — 3. N. « exhibetur ». — 4. βζη « produculi ».

ut dicitur in *ps.* 1 x iii, 7. Ergo videtur quod sacerdos non debeat scrutari conscientiam subditorum.

**198.** — **Et dicendum** quod sacerdos debet perscrutari conscientiam peccatoris in confessione quasi medicus vulnus et iudex causam ; quia frequenter quæ præ confusione confitens taceret, interrogatus revelat.

Sed tamen in interrogationibus faciendis *Iria* sunt attendenda. *Primo* ut quilibet peccator interrogetur de peccatis quæ consueverunt in hominibus illius conditionis abundare. Non enim oportet quod a milite quaeratur de peccato clericorum aut religiosorum, aut e converso. *Secundo* ut non fiat explicita interrogatio de peccatis, nisi de illis quæ omnibus manifestanda<sup>2</sup> sunt. De aliis autem adinventionibus peccatorum ita debet a longinquo fieri interrogatio, ut si commisit, dicat ; et si non commisit, non addiscat. *Tertio* ut de peccatis præcipue carnalibus non descendat nimis ad particulares circumstantias ; quia « *hujusmodi delectabilia quanto magis in speciali considerantur, magis concupiscentiam nata sunt movere* », ut dicitur in III *Elh.*, (*γ* 15. 1119a, 31-2 ; l. 22, n. 641). Et ideo potest contingere ut confessor talia quærens et sibi et contenti noceat ; et sic quandoque deficiant in suo scrutinio iniquitates scrutantes.

**199.** — « *Maledicam benedictionibus vestris* », (10) quæ scilicet ita sunt vestræ quod non Dei.

1. Ed. « perscrutari », — 2. N. « manifesta ».

## DISTINCTIO XX

De his qui in fine pœnitent

1. — Sciendum est etiam quod tempus pœnitentiæ est usque in extremum articulum vitæ.

Unde Leo Papa (*Ep.* 167, c. 7 ; L. 54, 205) : « *Nemo est desperandus dum in hoc corpore constitutus est ; quia nonnunquam quod diffidentia ætatis differtur, consilio maturiore perficitur.* »

2. — Augustinus tamen de pœnitentiam differentibus ita scribit (*Serin.* 393 ; L. 39, 1713) : « *Si quis positus in ultima necessitate, coluerit accipere pœnitentiam, et accipit et mox reconciliatur et hinc cadit ; fateor vobis, non illi negamus quod petit ; sed non præsumimus quia bene hinc exit. Si securus exierit, ego nescio. Pœnitentiam dare possumus, securitatem vero non. Numquid dico : Damnabitur ? Sed nec dico : Liberabitur. Vis ergo a dubio liberari ? Age pœnitentiam dum sanus es. Si sic agis, dico tibi quia securus es, quia pœnitentiam egisti eo tempore quo peccare potuisti. Si vis agere pœnitentiam quando jam peccare non potes, peccata te dimiserunt, non tu illa.* »

a. — Item (*ibid.*) : « *Duæ res sunt. Aut ignoscitur tibi, aut non ignoscitur. Quid horum tibi sit futurum, nescio. Ergo tene certum, et dimitte incertum.* »

3. — Sed quare hoc dixit Augustinus ? cum pœnitentia quæ in fine agitur, in psalmo (cxi, 12) appelletur « *sacrificium vespertinum* », quod erat acceptabilius in lege : et in *quacumque die invocetur*, Deus adsit ; et quacumque hora ingemuerit et conversus fuerit peccator, « *vita vivet et non morietur* ». (*Ezech.*, xviii, 21.)

Sed illa dixit Augustinus propter illos qui pœnitentiam usque in finem vitæ protrahunt, et tunc non ex Dei amore videntur pœnitere, sed timore mortis, quasi ex necessitate.

a. — Unde idem (*De vera et falsa pœnit.* c. 17, n. 33 ; L. 40, 1127) quasi aperiens quare superiora dixerit, ait : « *Nullus expectet quando peccare non potest. Arbitrii enim libertatem quaerit Deus, ut deleri possint commissa, non necessitatem, sed caritatem, non tantum timorem ; quia non in solo timore vivit homo. Quem ergo sero pœnitet, oportet non solum timere iudicem, sed diligere ; quia sine caritate nemo salvus esse potest. Non ergo tantum timeat pœnam qui pœnitet, sed anxietur pro gloria. Quæ conversio si contigerit alicui etiam in fine, desperandum non est de ejus remissione. Sed quoniam vix vel raro est tam justa conversio, timendum est de pœnitente sero, maxime cum filii quos illicite dilexit, sint pressentes, uxor et mundus ad se vocet. Multos solet serotina pœnitentia decipere. Sed quoniam Deus semper potens est, semper etiam in morte juvare valet quos placet. Cum ergo opus sit non hominis, sed Dei fructifera pœnitentia, inspirare eam potest quodcumque vult sua misericordia, et remunerare ex misericordia quos damnare potest ex justitia. Sed quoniam multa sunt quæ impediunt, et languentem retrahunt, periculosum est et interitui vici-*

1. Quar. *om.* « et ». — 2. Quar. « quærat ». *om.* « Deus ». — 3. Quar. *ad.* « et ».  
— 4. Quar. « quibus ». — 5. Quar. « igitur ». — 6. Quar. « periculosissimum ».

*num ad mortem protrahere pœnitentiæ remedium. Sed magnum est cui Deus tunc inspirat, si quis est, veram pœnitentiam.*

4. — *Sed si etiam sic conversus, « vita vivat et non moriatur » ; non tamen promittimus quod evadat omnem pœnam. Nam prius purgandus est igne purgationis, qui in aliud sæculum distulit fructum conversionis. Hic autem ignis, etsi æternus non sit, miro modo gravis est ; excellit enim omnem pœnam quam unquam passus sit aliquis in hac vita. Nunquam in carne tanta inventa est pœna, licet mirabilia Martyres passi sint tormenta, et multi nequiter iniqui quanta sæpe sustinuerunt supplicia. »*

Ex his satis ostenditur quam periculosum sit differre poenitentiam usque in finem vitæ. Si tamen etiam tunc vera habeatur pœnitentia, hominem liberat et vitam mortuo impetrat, non sic tamen ut nullam sentiat pœnam, nisi forte tanta sit vehementia gemitus et contritionis, quæ sufficiat ad delicti punitionem.

« *Licet ergo sit difficile ut tunc sit vera pœnitentia, quæ tam sera venit, quando cruciatus et membra ligat et dolor sensum opprimit, ut vix homo aliquid cogitare valeat, melior est tamen sera quam nulla.* » (HUGO, II de Sacram., p. 14, c. 5 ; L. 176, 560.) « *Pœnitentia enim si in extremo vite hiatu advenit, sanat et liberat.* » (AUGUSTINUS, De vera et falsa Pœnit., c. 17, n. 33 ; L. 40, 1127.) « *Multum sera fuit latronis pœnitentia, sed non fuit sera indulgentia.* » (HUGO, l. cit.) Sed « *licet latro veniam meruisset in fine de omni crimine, non tamen dedit baptizatis peccandi et perseverandi auctoritatem.* » (AUGUST. loc. cit.)

#### DE HIS QUI PŒNITENTIAM NON COMPLENT

5. — Si vero quæritur de illis qui in hac vita pœnitentiam non complent, utrum transituri sint per ignem purgatorii, ut ibi quasi compleant quod hic minus fecerunt, idem dicimus et de istis esse sentiendum, et de his qui in extremis poenitent.

Si enim tanta fuerit cordis contritio et delicti exprobratio, ut sufficiat ad puniendum peccatum, liberi ab aliis poenis transeunt ad vitam, etsi inexplata fuerit pœnitentia, quia perfecte pœnituerunt et ingemuerunt corde.

a. — Qui vero non adeo conteruntur corde et ingemiscunt pro peccato, si ante expletionem pœnitentiæ decesserint, ignem purgatorium sentiant et gravius punientur quam si hic impressent pœnitentiam : « *Horrendum est enim incidere in manus Dei viventis* » (Hebr., x, 31). Deus enim, cum sit misericors et justus, ex misericordia pœnitenti ignoscit, non reservans peccatum ad pœnam æternam ; ex justitia vero impunitum non dimittit delictum. Aut enim punit homo, aut Deus. Homo autem punit poenitendo, Deus autem pœnam exigendo<sup>3</sup>.

Et est pœnitentia interior et exterior. Si ergo interior poenitudo fuerit tanta ut sit sufficiens ultio peccati, Deus qui hoc novit, ab illo qui taliter poenitet, ulterius pœnam non exigit. Si vero interior poenitudo non sufficit in vindictam peccati, nec exterior pœnitentia impletur. Deus qui modos et mensuras peccatorum et poenarum novit, addit pœnam sufficientem.

↳. — « *Studeat ergo quisque sic delicta corrigere ut post mortem non oporteat pœnam tolerare. Quaedam enim peccata mortalia in pœnitentia fiunt venialia, non tamen mox sanantur. Sæpe enim infirmus moreretur, si non medicaretur ; non tamen statim medicatus sanatur. Languet victurus, qui prius erat moriturus. Qui autem impœnitens moritur, omnino moritur*

1. Quar. « intenta ». — 2. Quar. « quando ». — 3. Quar. om. » Deus autem pœnam exigendo ». — 4. Quar. om. « enim ».

*et aeternaliter cruciabitur. Si enim semper viveret, semper peccaret.* » [*Decret, de pœnit.* d. 3, c. « Nullus expectet » ; L. 187, 1642.)

De illo cui sacerdos indiscretus injungit parvam pœnitentiam

6. — Si vero de illo quæritur qui satisfactionem injunctam impleverit, quæ ignorantia vel negligentia sacerdotis peccato condigna non fuit, utrum de vita migrans ab omni pœna liber sit, idem respondeo quod supra de illo qui pœnitentiam non complevit dixi. Quod si tantum est lamentum interioris doloris ut sufficiat in vindictam peccati, omnino liberatus est. Si vero non sufficit dolor interior simul cum pœna injuncta, addet Deus pœnam.

a. — Quod autem interdum sufficiat dolor interior ad vindictam peccati, certum documentum habemus in illo latrone qui sola mentis contritione et confessione statim ut conversus fuit, paradisum ingredi meruit (Luc., xxii, 43).

Sed quia dispensatores Ecclesiæ contritionis quantitatem non perpendunt, quibus non est datum intelligere occulta cordium, omnibus leges pœnitentiæ constituunt tam magis quam minus de peccato dolentibus. Quorum studium ad hoc præcipue tendere debet, ut cordis dolorem, quantum fas est, cognoscant, et secundum ipsius modum satisfactionem injungant.

Unde Augustinus (*Enchirid.*, c. 65 ; L. 40, 262) : « *In actione pœnitentiæ, ubi tale quid commissum est, ut is qui commisit, a Christi etiam corpore separetur, non tam consideranda est mensura temporis quam doloris.* » « *Cor enim contritum et humiliatum Deus non despicit* » (ps. 1, 19). *Verum quia plerumque dolor alterius cordis occultus est alteri, nec in aliorum notitiam per verba vel alia quæcumque signa procedit cum sit coram illo cui dicitur* » (ps. xxxvii, 10) : « *Gemitus meus a te non est absconditus* » ; *recte constituuntur ab his qui Ecclesiis præsunt, tempora pœnitentiæ, ut satisfaciatur etiam Ecclesiæ, in qua peccata ipsa remittuntur ; extra eam quippe non remittuntur. Ipsa enim Spiritum sanctum pignus accepit, sine qua non remittuntur ulla peccata.* »

Item<sup>3</sup> Hieronymus (*Decr. de pœnit.*, d. i, c. 86 ; L. 187, 1554) : « *Mensuram temporis in agenda pœnitentia ideo non satis aperte præfigunt canones pro unoquoque crimine, ut de singulis dicant qualiter unumquodque emendandum sit ; sed magis in arbitrio sacerdotis intelligentis relinquendum statuerunt\**, quia apud Deum non tantum<sup>^</sup> valet mensura temporis, quantum<sup>\*</sup> doloris ; nec abstinentia tantum ciborum, quantum mortificatio vitiorum. Ideoque tempora pœnitentiæ pro fide et conversatione fidelium<sup>^</sup> pœnitentium abbrevianda præcipiuntur, et pro negligentia protelanda ; pro quibusdam tamen culpis modi pœnitentiæ sunt impositi. »

Quod morientibus non sit imponenda satisfactio,

SED INNOTESCENDA

7. — Solet etiam quæri utrum satisfactionis lex morituris sit imponenda.

a. — De quo Theodorus Cantuariensis Episcopus in pœnitentiali suo (c. 48 ; L. 99, 977) sic ait: « *A6 infirmis in periculo mortis positus pura inquirenda est confessio peccatorum ; non tamen est illis imponenda quan-*

1. Quar. *ad.* « et ». — 2. Quar. « satisfiat ». — 3. Ed. *om.* » Item ». — 4. Quar. « statuunt ». — 5. Quar. « tam ». — 6. Quar. « quam ». — 7. Quar. *om.* « fidelium ».

*titas pœnitentiæ, sed innotescenda; et cum amicorum orationibus et elemosynarum largitionibus pondus pœnitentiæ sublevandum, si forte migraverint. Si vero convaluerint, pœnitentiæ modum a sacerdote impositum diligenter observent. »*

Aliis vero pro qualitate peccati poenitentia decernenda est præsentium arbitrio.

Unde Leo Papa (*Ep.* 159, c. 6; *L.* 54, 1138) : « *Tempora poenitentis habita moderatione constituenda sunt tuo iudicio, prout conversorum animos perspexeris esse devotos. Pariter etiam habere debes ætatis senilis intuitum, et respicere periculorum quorumcumque vel ægritudinum necessitates. »*

In necessitate non est neganda pœnitentia vel reconciliatio

**8.** — Sciendum etiam quod tempore necessitatis non est neganda pœnitentia vel reconciliatio poenitentibus.

Unde Leo Papa (*Ep.* 108, c. 4; *L.* 54, 1012) : « *His qui tempore necessitatis et periculi urgentis instantia præsidium pœnitentiæ et munus reconciliationis implorant, nec satisfactio interdicenda est nec reconciliatio deneganda; quia misericordiæ Dei nec mensuras possumus ponere, nec tempora definire. »* « *Quod si ita aliqua ægritudine aggravati sunt ut quod paulo ante poscebant, sub præsentia sacerdotis significare non valeant, testimonia eis fidelium circumstantium prodesse debebunt, ut simul poenitentia et reconciliationis consequantur beneficium. »* (ibid. c. 5.)

Item Julius Papa (*Decr.*, c. 26, q. 6, c. 12; *L.* 187, 1362) : « *Si presbyter poenitentiam abnegaverit morientibus, reus erit animarum; quia Dominus ait (Ezech., xvm, 21, 27) : « Cum conversus fuerit, tunc salvus erit. » Vera enim confessio ultimo tempore potest esse, quia non modo temporis, sed etiam cordis Deus inspector est, sicut latro probat. »*

Quod presbyter non reconciliet inconsulto Episcopo nisi  
in necessitate

**9.** — Non debet tamen presbyter pœnitentem reconciliare inconsulto Episcopo, nisi ultima necessitas cogat.

Unde in *Cartaginensi Concilio* (*Decr.*, c. 26, q. 6, c. 14; *L.* 187, 1363) : « *Presbyter inconsulto Episcopo non reconciliet pœnitentem, nisi absente Episcopo, si ultima necessitas cogat. Cujuscumque pœnitentis publicum crimen est quod universam commoverit urbem, ante absidem, scilicet introitum Ecclesiæ, manus ei imponantur.* »

Item Aurelius Episcopus dixit : (Ibid. col. 1358) : « *Si quis in periculo constitutus fuerit et se conciliari divinis altaribus petierit, si Episcopus absens fuerit, debet presbyter consulere Episcopum, et sic periclitantem ejus præcepto reconciliare. »*

Inconsulto vero Episcopo non potest excommunicatos vel publice pœnitentes presbyter reconciliare.

Unde in *Carthaginensi Concilio II* (c. 3; *L.* 187, 1357), statutum est « *ut chrisma vel reconciliatio pœnitentium et puellarum consecratio a presbyteris non fiat. »*

Item (ibid.) : « *Reconciliare quemquam in publica Missa presbytero non liceat. »*

**a.** — Puellarum tamen consecratio consulto Episcopo per presbyterum fieri valet<sup>4</sup>.

1. Quar. « mox ». — 2. Quar. « sub præsentem ». — 3. Quar. « imponatur ». — 4. Quar. « valet ».

Unde in *Carthaginensi Concilio II* (c. 36 ; L. 187, 1358) : « *Presbyter inconsulto Episcopo virgines non consecret; chrisma vero nunquam conficiat.* » Sicutl præcepto Episcopi potest presbyter consecrare virgines, sic et reconciliare pœnitentes.

AN OBLATIO EJUS SIT RECIPIENDA QUI CURRENS AD PÆNITENTIAM PRÆVENITUR MORTE

Si autem quæritur de illo qui ad pœnitentiam festinans, sacerdotem invenire non potuit et ita decessit, utrum oblatio ejus sit recipienda, dicimus, quia est.

Unde in *Concilio Epaunensi* (L. 187, 1361) : « *Si aliquis fuerit mortuus qui non confessus sit et testimonium habet bonum, et non poterat venire ad sacerdotem, sed præoccupavit eum mors in domo vel in via; faciant pro eo parentes ejus oblationem ad altare et dent redemptionem pro captivis.* »

### DIVISIO TEXTUS

**10.** — « Sciendum est etiam quod tempus pœnitentiæ, etc. » (1)  
Postquam determinavit Magister de pœnitentia et de potestate ministrorum quibus competit dispensatio hujus sacramenti, hic determinat quædam quæ pœnitentiam consequuntur.

Et dividitur in partes duas. In prima determinat tempus pœnitentiæ. In secunda determinat quædam quæ ad effectum<sup>3</sup> pœnitentiæ pertinent, 22 d., ibi : « Cumque multis auctoritatibus, etc. »

Prima in duas. In prima ostendit tempus pœnitentiæ usque ad finem vitæ esse. In secunda movet quasdam quæstiones quæ ex prædictis ortum habent, 21 d., ibi : « Solet etiam quæri, etc. »

Prima in duas. In prima ostendit quod tempus pœnitentiæ durat usque ad finem vitæ. In secunda ostendit qualiter sit agendum cum illis qui in fine pœnitent, ibi : « Solet etiam quæri, etc. » (7).

Prima in duas. In prima ostendit quod<sup>3</sup> hi qui in fine vitæ pœnitent, consequuntur remissionem peccatorum, quamvis adhuc sint debitores pœnæ temporalis, quam in purgatorio post mortem sustinebunt. In secunda ostendit quod eadem pœna debetur eis qui qualitercumque in hac vita condignam satisfactionem non implent, ibi : « Si vero quæritur de illis, etc. » (5)

Circa primum tria facit. Primo ostendit quod usque ad finem vitæ manet pœnitentiæ locus. Secundo objicit in contrarium; ibi : « Augustinus tamen de pœnitentiam differentibus, etc. » (2) Tertio solvit, ibi : « Sed quare hoc dixit, etc. » (3)

Ubi ex verbis Augustini ostendit quare non sit pœnitentia differenda usque ad finem vitæ, propter duo : primo propter poenitendi difficultatem; secundo propter pœnam purgatorii quæ restat, ibi : « Sed si etiam sic conversus peccaverit, etc. » (4)

1. Ed. om. « sicut ». — 2. Ed. « defectum ». — 3. Ed. « quomodo ».

« Si vero quæritur de illis, etc. » (5) *Hic ostendit quod pœna purgatorii restat post hanc vitam eis qui hic condignam satisfactionem non agunt.* Et circa hoc duo facit. *Primo* ostendit hoc de illis qui poenitentiam injunctam non explent. *Secundo* ostendit idem de illis quibus condigna satisfactio non est injuncta, ibi : « Si vero de illo quæritur, etc. » (6)

« Solet etiam quæri, etc. » (7) *Hic ostendit qualiter sit agendum cum illis qui in fine pœnitent. Et circa hoc duo facit. Primo* ostendit hoc quantum ad satisfactionis injunctionem ; *secundo* quantum ad reconciliationem ibi : « Sciendum etiam quod tempore, etc. » (8)

Ubi duo facit. *Primo* ostendit quod tempore ultimæ necessitatis non est reconciliatio deneganda pœnitenti. *Secundo* ostendit quod alio tempore simplex sacerdos reconciliare pœnitentem non potest inconsulto Episcopo, ibi : « Non debet tamen, etc. » (9)

#### Hic quærentur quinque

*Primo*, utrum aliquis in extremo vitæ suæ per poenitentiam possit consequi veniam peccatorum.

*Secundo*, de pœna quam sacerdos ad satisfaciendum imponit.

*Tertio*, de relaxatione hujusmodi pœnæ per indulgentias.

*Quarto*, quis possit indulgentias facere.

*Quinio*, quibus prosint.

### ARTICULUS I

[1]

**11. — AD PRIMUM SIC PROCEDITUR.** Videtur quod in EXTREMO VITÆ SUÆ ALIQUIS PœNITERE NON POSSIT.

1. II *Machab.*, ix, 13, dicitur de Antiocho : « *Orabat scelestus Dominum, a quo non erat misericordiam consecuturus.* » Hic autem in fine vitæ suæ erat. Ergo videtur quod in fine pœnitentes veniam non consequuntur.

2. **Præterea.** Omnis vere pœnitens peccata dimittit. Sed ille qui in fine vitæ pœnitet, non dimittit peccata, sed a peccatis dimittitur ; quia tunc vult poenitentiam agere, quando peccare non potest, ut in *Littera* (2) dicitur. Ergo videtur quod tunc non consequatur veniam.

3. **Præterea.** Contritio quæ est pars pœnitentiæ, habet annexum propositum confitendi et satisfaciendi. Sed hoc propositum habere non potest qui in fine pœnitet ; quia nullus

1. Ed. *om.* « ibi ». — 2. Ed. « dare ».

proponit quod scit sibi impossibile. Ergo non potest contem-  
 ri. Et ita non consequitur veniam.

**12. — SED CONTRA** est, quia latro in fine vite suæ pœni-  
 tens misericordiam invenit, audiens (Luc., xxm, 43) : « *Hodie  
 mecum eris in paradiso* ».

**13. — Præterea.** Sapientia Dei et misericordia vincit huma-  
 nam malitiam. Sed homo potest usque ad extremum vitæ  
 peccare. Ergo potest usque tunc de peccatis per divinam mise-  
 ricordiam veniam consequi.

## [II]

[*Supra* d. 18, q. 2, a. 5, sol. 1 ; d. 19, q. 1, a. 3, sol. 1.]

**14. — ULTERIUS. VIDETUR QUOD IN FINE VITÆ PŒNITENS  
 NON POSSIT A QUOLIBET SACERDOTE ABSOLVI.**

1. Quia ad absolutionem requiritur aliqua jurisdictio, ut  
 dictum est (d. 19, **73**). Sed sacerdos non acquirit jurisdictionem  
 super illum qui in fine pœnitet. Ergo non potest eum in fine  
 absolvere.

2. **Præterea.** Ille qui sacramentum baptismi in articulo  
 mortis ab alio quam proprio sacerdote recipit, non debet ite-  
 rum a proprio sacerdote baptizari. Si ergo quilibet sacerdos in  
 articulo mortis posset absolvere a quolibet peccato, non debe-  
 ret pœnitens, si evadit, ad suum sacerdotem recurrere : quod  
 falsum est ; quia alias sacerdos non haberet cognitionem de  
 vultu pecoris sui.

3. **Præterea.** In articulo mortis sicut licet sacerdoti alieno  
 baptizare, ita et non sacerdoti. Sed non sacerdos nunquam  
 potest absolvere in foro pœnitentia. Ergo nec sacerdos in arti-  
 culo mortis eum qui non est sibi subditus.

**15. — SED CONTRA.** Necessitas spiritualis est major quam  
 corporalis. Sed aliquis in necessitate ultima potest aliorum rebus  
 uti, etiam invitis dominis, ad subveniendum corporali necessi-  
 tati. Ergo et in articulo mortis ad subveniendum spirituali  
 necessitati potest a non suo sacerdote absolvi.

**16. — Præterea.** Ad idem sunt auctoritates in *Littera* (9)  
 posite.

## [III]

**17. — ULTERIUS. Videtur QUOD PŒNITENTIBUS IN FINE  
 NON RESERVETUR ALIQUA PŒNA POST MORTEM.**

1. Deus enim, cum sit summe misericors, non exigit ab homine  
 plus quam facere possit. Sed iste qui in fine vitæ suæ pœnituit,

1. βζζηθ ad. « ut », β supra et e in marg., insuper « videtur ».

nihil aliud facere potuit pro tempore illo quam conteri et confiteri : quod etiam fecit. Ergo videtur quod nihil ab eo post hanc vitam requiratur pro peccatis de quibus pœnituit.

2. **Præterea.** Pœna purgatorii excedit omnem pœnam hujus mundi, ut in *Littera* (4) dicitur. Sed pœna ad quam obligatur pœnitens post confessionem et absolutionem, non est tanta quantæ sunt multæ pœnæ aliæ hujus vitæ. Ergo injuste cum pœnitente agitur, si post hanc vitam puniatur in purgatorio post absolutionem.

3. **Præterea.** Non est aliquod peccatum tam grande quod per pœnas in hac vita inflictas non posset totaliter expiari, dummodo aliquis patienter sustineret ; quia « *tribulatio purgationem facit* », ut patet *Bom.*, v, 4. Sed mors est maxima poenarum. Ergo si aliquis contritus patienter mortem sustinet, non remanet ei aliqua pœna post hanc vitam.

18. — **SED CONTRA.** Justitia divina exigit ut peccatum aut a Deo aut ab homine puniatur. Sed hujus peccatum qui in fine pœnitet, non punitum est nec a Deo nec ab homine in hac vita. Ergo oportet quod post hanc vitam puniatur.

19. — **Præterea.** Nullus ex negligentia debet commodum reportare. Sed iste qui in finem pœnitentiam distulit ex negligentia, si statim post peccatum adhuc sanus pœnituisset, sustinisset pœnam. Ergo multo fortius, quando pœnitentiam distulit usque in finem vitæ, adhuc reus est pœnæ.

20. — **RESPONSIO.** Dicendum **AD PRIMAM QUÆSTIONEM** quod Deus qui dat omnibus abundanter, nulli gratiam denegat qui quod in se est facit ut se ad gratiam præparet. Hæc autem præparatio, sicut supra d. 17 (q. 1, a. 4, sol. 2 et 3) dictum est, fit per motum liberi arbitrii. Unde **quamdiu manet homini usus liberi arbitrii in hac vita**, in qua nondum est confirmatum<sup>1</sup> ad malum, **potest se præparare ad gratiam**, de peccatis dolendo ; et gratiam remissionis peccatorum consequitur.

21. — **AD PRIMUM** ergo dicendum quod veniam consecutus fuisset si vere pœnituisset. Sed *non habuit veram pœnitentiam* ; quia non ex amore justitiæ de peccatis commissis dolebat, sed timore pœnæ quam expectabat vel dolore pœnæ quam sustinebat.

*Et hoc etiam multis in fine pœnitentibus contingit* ; quia non est facile ut affectus quem homo toto tempore vitæ suæ inclinavit in aliquid, subito ad contrarium retrahat ; nec tamen est impossibile, quia liberum arbitrium non cogitur ex habitu acquisito, nec providentiæ Dei potest terminus præfigi, per

1. Ed. « confirmatus

quam etiam in extremo vitæ veræ pœnitentiæ motus inspiratur quandoque.

**22.** — **Ad secundum** dicendum quod Augustinus in verbis illis ostendit quod pœnitentia quam aliquis in fine vitæ agit, *non esi certum signum salutis*, et non quod non possit esse etiam tunc efficax ad salutem ; quia incertum est, quando aliquis de peccato quod facere jam non potest pœnitet, utrum voluntatem peccandi amiserit : quod magis manifestum est de illo qui peccare adhuc potest, si pœniteat, quod voluntatem mutavit.

Tamen etiam quando aliquis non potest ultra peccare, potest voluntatem mutare, ut nolit quod prius voluit, etiam si posset.

**23.** — **Ad tertium** dicendum quod *in contritione sufficit propositum conditionatum satisfactionis et confessionis*, ut scilicet velit, si posset. Et tale propositum etiam de impossibili esse potest.

**24.** — **AD SECUNDAM QUÆSTIONEM** dicendum quod *quilibet sacerdos, quantum est de virtute clavium, habet potestatem indifferenter in omnes, et quantum ad omnia peccata* : sed quod non possit omnes ab omnibus peccatis absolvere, hoc est quia **per ordinationem Ecclesiæ habet jurisdictionem limitatam, vel omnino nullam habet.**

**25.** — Sed quia necessitas legem non habet ; ideo *quando articulus necessitatis imminet*, per Ecclesiæ ordinationem non impeditur quin absolvere possit, ex quo habet claves etiam sacramentaliter ; et tantum consequitur ex absolute alterius sicut si a proprio sacerdote absolveretur.

**26.** — *Nec solum a peccatis potest tunc a quolibet sacerdote absolvi, sed etiam ab excommunicatione, a quocumque sit lata* ; quia hæc absolutio etiam ad jurisdictionem pertinet, quæ per legem ordinationis Ecclesiæ coarctatur.

**27.** — **AD PRIMUM** ergo dicendum quod aliquis potest uti jurisdictione alterius ex ejus voluntate ; quia ea quæ jurisdictionis sunt, committi possunt. Unde *quia Ecclesia acceptat ut quilibet sacerdos absolvere possit in articulo mortis, ideo ex hoc ipso quis usum jurisdictionis habet* quamvis jurisdictione careat.

**28.** — **Ad secundum** dicendum quod non *oportet eum recurrere ad proprium sacerdotem*, ut iterum a peccatis solvatur, a quibus in articulo mortis absolutus est, sed *ut innotescat ei quod est absolutus.*

**29.** — Nec similiter oportet quod absolutus ab excommunicatione ad judicem vadat, qui alias absolvere potuisset, absolute petens, sed *satisfactionem offerens.*

**30.** — **Ad tertium** dicendum quod *baptismus habet efficaciam ex ipsa sanctificatione materiæ*. Et ideo a quocumque confertur alicui, ille sacramentum recipit.

**31.** — *Sed vis sacramentalis pœnitentiæ consistit in sanctificatione ministri*. Et ideo ille qui laico confitetur, quamvis impleat quod ex parte sua est de sacramentali confessione, tamen sacramentalem absolutionem non consequitur. Et ideo aliquid valet ei quantum ad diminutionem pœnæ quæ fit per confessionis meritum et pœnam; sed non consequitur diminutionem illam pœnæ quæ est ex vi clavium. **Et ideo oportet quod iterum sacerdoti confiteatur**. Et magis sic confessus decedens punitur, post hanc vitam, quam si sacerdoti fuisset confessus.

**32.** — **AD TERTIAM QUÆSTIONEM** dicendum quod poena post remissionem culpæ exigitur, ut inæqualitas injustitiæ commissæ ad æqualitatem reducatur; æqualitas autem quantitatem consequitur. Unde *sicut* ad ordinationem culpæ exigitur quod pœna pro culpa inferatur; *ita* exigitur quod pro tanta culpa tanta pœna.

**33.** — Et ideo cum peccatum inordinatum remanere non possit, quamvis reatus pœnæ sit diminutus per contritionem et confessionem et absolutionem, **oportet quod adhuc in fine pœnitens quicumque satisfactionem non implet in hac vita, post hanc vitam puniatur**, nisi tanta fuerit contritio quod totaliter a pœna purgetur: quod quandoque contingere potest, ut supra d. 17 (335) dictum est.

**34.** — **AD PRIMUM** ergo dicendum quod *ille qui in fine vitæ pœnilel, non punitur post hanc vitam quia non satisfecit quando satisfacere non potuit; sed quia peccavit, et quia satisfacere neglexit quando potuit. Unde non sequitur quod Deus requirat ab homine ultra posse*.

**35.** — **Ad secundum** dicendum quod justitia assimilatur mensuræ, ut dicit Philosophus in V. *Eth.* (8 1. 1129a, 34; l. 1, n. 896). Unde *sicut* in diversis terris sunt diversæ mensuræ rerum venalium, *ita* et diversæ pœnæ secundum justitiam pro eisdem culpis inferuntur. Et similiter pro eadem culpa gravius punitur quis in purgatorio quam in hac vita ratione alterius fori. *Tamen illa aggravatio proportionaliter respondet pœnæ, cujus homo in hac vita reus erat*. Et hoc debet homo sibi imputare, quia illuc reservavit sibi pœnam pro culpa accipiendam.

**36.** — **Ad tertium** dicendum quod mors naturalis est pœna consequens originale peccatum, ut quasi jam in naturam sit versa, sicut et originale peccatum. *Et ideo per mortem natu-*

*ralem non purgatur aliquis de peccato actuali, sed per mortem illatam bene potest purgari.* Unde si aliquis mortem illatam patienter sustineat, etiamsi pro aliis criminibus sit illata, valet ad diminutionem pœnæ et ad liberationem a tota pœna, secundum quantitatem culpæ et patientiæ et contritionis.

## ARTICULUS II

[I]

[I-II, q. 105, a. 2, ad 9 ; *Quodl. I, q. 9, a. 2.*]

**37. — AD SECUNDUM SIC PROCEDITUR.** Videtur quod  
**PœNA TEMPORALIS HUIUSI CUIUS REATUS POST PœNITENTIAM  
 MANET, NON TAXETUR SECUNDUM QUANTITATEM CULPÆ.**

1. Taxatur enim secundum quantitatem delectationis quæ fuit in peccato, ut patet *Apoc.*, xviii, 7 : « *Quantum glorificavit se et in deliciis fuit, tantum date illi tormentum et luctum* ». Sed quandoque ubi est major delectatio<sup>2</sup>, est minor culpa ; quia peccata carnalia quæ plus habent delectationis quam spiritualia, minus habent de culpa, secundum *Gregorium* (lib. XXXIII *Moral.*, c. 16, n. 25 ; L. 76, 638). Ergo pœna non taxatur secundum quantitatem culpæ.

2. **Præterea.** Eodem modo aliquis obligatur ad præcepta moralia in nova lege sicut in veteri. Sed in veteri lege debetur pro peccatis pœnitentia septem dierum, ut scilicet septem diebus immundi essent. Cum ergo in novo testamento imponatur pœna septennis pro uno peccato mortali, videtur quod quantitas pœnæ non respiciat quantitatem culpæ.

3. **Præterea.** Majus est peccatum homicidii in laico<sup>3</sup> quam peccatum fornicationis in sacerdote ; quia circumstantia quæ sumitur ex specie peccati, magis aggravat quam quæ sumitur ex conditione personæ. Sed laico pro homicidio imponitur septennis pœnitentia, sacerdoti pro fornicatione decem annorum, secundum canones<sup>4</sup>. Ergo pœna non taxatur secundum quantitatem culpæ.

4. **Præterea.** Maximum peccatum est quod in ipsum corpus Christi committitur ; quia tanto gravius quis peccat, quanto major est in quem peccatur. Sed pro effusione sanguinis Christi in sacramento altaris contenti, injungitur pœnitentia quadraginta dierum, vel parum amplius ; pro fornicatione autem sim-

1. δ debet « hujus » ; ζ « hujusmodi » ; ηθι om. — 2. L. ad. « ibi ». — 3. Ed. om. « in laico » et ζη ; sed. 77 ad. supra. — 4. Cap. « Si quis homicidium », d. 50 ; L. 187, 287 et cap. « Presbyter », d. 82 ; L. 187, 398.

plici injungitur pœna septennis secundum canones<sup>1</sup>. Ergo quantitas pœnæ non respondet quantitati culpæ.

**38. — SED CONTRA.** Is., xxvii, 7 : « *In mensura contra mensuram, cum abjecta fuerit, judicabo eam* ». Ergo quantitas iudicii punitiois peccati est secundum quantitatem culpæ.

**39. — Præterea.** Homo reducitur ad æqualitatem justitiæ per pœnam inflictam. Sed hoc non esset, si quantitas culpæ non sibi responderet. Ergo unum alteri respondet.

[II]

**40. — ULTERIUS.** Videtur QUOD PœNITENS NON SIT DEBITOR MAJORIS PœNÆ QUAM ILLIUS QUÆ A SACERDOTE EST SIBI INJUNCTA.

1. Sacramentum enim semper consequitur effectum suum, nisi sit defectus ex parte recipientis, vel ex parte conferentis. Sed quandoque imponitur minor pœnitentia quam sit condigna. Et non est defectus ex parte recipientis, quia paratus esset omnem poenitentiam sibi injunctam facere. Nec est defectus ex parte conferentis sacramentum, quia secundum conscientiam suam et discretionem talem pœnam taxat. Ergo videtur, cum sacramentum pœnitentiæ sit ordinatum contra peccatum totaliter destruendum, et quantum ad pœnam et quantum ad culpam, quod non remaneat debitor alicujus pœnæ, pœnitentia injuncta peracta.

2. **Præterea.** Deus est pronior ad remittendum pœnam quam ad exigendum. Sed si iste<sup>2</sup> sacerdos majorem pœnam satisfactoriam injunxisset, pœnitens obligaretur ad eam faciendam. Ergo videtur quod si insufficientem pœnam injungat, non exigatur aliquid amplius ab eo.

3. **Præterea.** In purgatorio aliquis gravius punitur quam in hac vita. Si ergo post peractam poenitentiam a sacerdote injunctam, adhuc manet pœna purgatorii, videtur quod multum noceat sacerdos pœnitenti levem poenitentiam injungendo. Et ita videtur quod sit valde periculosum confessiones audire, cum non de facili<sup>3</sup> possit sciri quantitas pœnæ debitæ pro peccato. Immo sit impossibile, quia sacerdos non potest scire neque quantitatem contritionis, neque quantitatem affectionis quam peccator habuit in peccando.

**41. — SED CONTRA.** Secundum quantitatem delicti debet esse plagarum modus ex præcepto legis, *Deut.*, xxv, 2. Si ergo minus imponatur, residuum ab eo in purgatorio exigetur.

1. Gap. « Si per negligentiam », *de consecr.* d. 2 ; L. 187, 1742; et cap. « Presbyter », ut supra. — 2. *η* « ille ». — 3. Ed. *om.* « de facili ».

**42. — Præterea.** Error sacerdotis non potest pœnitenti prodesse. Prodesset autem, si non teneretur ad plus quam sibi per errorem imponit. Ergo videtur quod sit adhuc debitor majoris pœnæ.

## [III]

[III, q. 48, a. 2, ad 1 ; III Cg., c. 158 ; IV, c. 55, n. 20 ; Ver. q. 29, a. 7.]

**43. — ULTERIUS.** Videtur quod pœnam satisfactoriam **NON POSSIT UNUS PRO ALIO EXPLERE.**

1. Quia ad satisfactionem meritum requiritur. Sed unus pro altero non potest mereri vel demereri, cum sit scriptum, (ps., Lxi, 13) : « *Tu reddis unicuique secundum opera sua.* » Ergo unus pro alio non potest satisfacere.

2. **Præterea.** Satisfactio contra contritionem et confessionem dividitur. Sed unus pro alio non potest conteri aut confiteri. Ergo nec satisfacere.

3. **Præterea.** Unus orando pro alio etiam sibi meretur. Si ergo aliquis pro alio satisfacere potest, satisfaciendo pro alio, pro se satisfacit. Et ita ab eo qui pro altero satisfacit non exigitur alia satisfactio pro peccatis propriis.

4. **Præterea.** Si unus pro alio satisfacere potest, ergo ex quo unus sibi suscipit debitum pœnæ, alius statim a debito liberatur. Ergo si moriatur postquam tota pœna sibi debita ab alio suscepta est, statim evolabit. Vel si adhuc puniatur, duplex pœna reddetur pro eodem peccato : scilicet illius qui satisfacere incipit, et illius qui punitur in purgatorio.

**44. — SED CONTRA.** *Galai.*, vi, 2, dicitur : « *Alter alterius onera portate.* » Ergo videtur quod unus possit onus pœnitentiæ impositæ pro alio suscipere.

**45. — Præterea.** Caritas magis potest apud Deum quam apud homines. Sed unus potest apud homines pro alterius amore debitum ejus solvere. Ergo multo fortius hoc in divino iudicio fieri potest.

**46. — RESPONSIO.** Dicendum **AD PRIMAM QUÆSTIONEM** quod pœna post dimissionem culpæ exigitur ad duo : scilicet ad debitum solvendum, et ad remedium præstandum. *Potest ergo taxatio pœnæ considerari quantum ad duo.*

*Primo quantum ad debitum. Et sic quantitas pœnæ radicaliter respondet quantitati culpæ, antequam de ea aliquid dimittatur.* Sed tamen quod per primum eorum quæ pœnam nata sunt remittere plus remittitur, secundum hoc per aliud minus remit-

1. Ed. om. « etiam ». — 2. Ed. « quantum ».

tendum vel solvendum restat ; quia quanto per contritionem plus de pœna dimissum est, tanto per confessionem minus dimittendum restat.

47. — *Secundo quantum ad remedium vel illius qui peccavit, vel aliorum. Et sic quandoque pro minori peccato major injungitur pœna* ; vel quia peccato unius difficilius potest resisti quam peccato alterius : sicut juveni pro fornicatione imponitur major pœnitentia quam seni, quamvis minus peccet ; vel quia in eo peccatum est periculosius : sicut in sacerdote quam in alio ; vel quia multitudo magis prona est ad illud peccatum. Et ideo per pœnam unius alii sunt exterrandi.

48. — *Pœna ergo in foro pœnitentiæ quantum ad utrumque taxanda est.* Et ideo non semper pro majori peccato major pœnitentia imponitur.

49. — *Sed pœna purgatorii solum est ad solvendum debitum,* quia jam ulterius non manet locus peccandi.

50. — **Et ideo illa pœna taxatur solum secundum quantitatem peccati, considerata tamen contritionis quantitate et confessione et absolutione ;** quia per omnia hæc aliquid de pœna dimittitur. *Unde etiam a sacerdote, injungendo satisfactionem, sunt consideranda.*

51. — **AD PRIMUM** ergo dicendum quod in verbis illis *duo* tanguntur ex parte culpæ : scilicet *glorificatio* et *deliciæ*. Quorum *primum* pertinet ad elationem peccantis qua Deo resistit ; *secundum* ad delectationem peccati.

Quamvis autem sit minor delectatio quandoque *in majori culpa*, tamen *est ibi semper major elatio*. Et ideo ratio non procedit.

52. — **Ad secundum** dicendum quod *illa pœna seplem dierum non erat expiativa* a pœna debita peccato. Unde etiam si post illos dies moreretur, in purgatorio puniretur. Sed expiabatur *ab irregularitate*, a qua omnia sacrificia legalia expiabant.

53. — *Nihilominus tamen ceteris paribus plus peccat homo in nova lege quam in veteri* propter sanctificationem amplio-rem qua sanctificatur in baptismo, et propter beneficia Dei potiora humano generi exhibita. Et hoc patet ex hoc quod dicitur *Hebr.*, x, 29 : « *Quanto putatis deteriora mereri supplicia etc.* »

54. — *Nec tamen hoc est universaliter verum quod exigatur pro quolibet peccato mortali septennis pœnitentia ;* sed hoc est quasi quædam regula communis, ut in pluribus competens : quam tamen oportet dimittere, consideratis diversis peccatorum circumstantiis.

55. — **Ad tertium** dicendum quod *Episcopus vel sacerdos*

1. Ed. « expiabat ».

*cnm majori periculo suo et aliorum peccat.* Et ideo sollicitius retrahunt ipsum canones a peccato quam alios, majorem poenam injungendo, secundum quod est in remedium, quamvis quandoque non debeatur tanta ex debito. Unde et in purgatorio non tota ab eo exigitur.

**56. — Ad quartum** dicendum quod *pœna illa esi intelligenda. quando nolente sacerdote hoc accidit*; si enim sponte effunderet, multo graviori pœna dignus esset.

**57. — AD SECUNDAM QUÆSTIONEM** dicendum quod *actus ministri bonus vel malus nihil diversificent in efficacia sacramentorum.* Unde sive sacerdos discrete se habeat in injunctioe pœnitentiæ, sive non, nihil diversificatur quantum ad efficaciam absolutionis et confessionis et contritionis. Et ideo sive discrete poenitentiam injungat, sive non, semper remanet reatus ad quantitatis ejusdem pœnam. **Et ideo si eam hic non explet, ab eo in purgatorio exigitur.**

**58. — AD PRIMUM** ergo dicendum quod *quandocumque injungitur pœnitentia minor condigno, defectus est ex parte imponentis vel ex parte recipientis.* Sed *quandoque* potest esse *sine culpa utriusque*: sicut quando imponens debitam diligentiam adhibet, et recipiens paratus est ad implendum. *Et propter hoc non est inconueniens, si totaliter a reatu pœnæ non liberetur.*

**59. — Ad secundum** dicendum quod pœnitens cui major condigno pœnitentia injuncta est, tenetur eam explere ex sacerdotis injunctioe, qui non solum debitum pœnæ considerat, sed peccato remedium adhibet. Unde *post hanc vitam non exigitur ab eo tota, sed solum quantum sufficit ad debitum solvendum.*

**60. — Ad tertium** dicendum quod *sacerdos minorem condigno poenitentiam injungens, non semper peccat, tum* quia non potest determinate quantitatem pœnæ debitæ cognoscere, quamvis aliquid proprie consideratis regulis Patrum determinare possit; *tum* quia quandoque etiam ex industria minorem poenitentiam imponens, plus prodest pœnitenti quam noceat, qui forte magnitudine pœnæ posset a pœnitentia peragenda impediri propter debilitatem virtutis adhuc in eo de novo recuperatæ. Et ideo negligit minus damnum, ut majus evitet. Et iterum paulatim confortatus in eo divinus amor ad plura pœnitentiæ opera peragenda ipsum incitabit propria sponte quam sacerdos sibi secundum quantitatem peccatorum injungere potuisset.

**61. — AD TERTIAM QUÆSTIONEM** dicendum quod *pœna satisfactoria est ad duo*: scilicet ad solutionem debiti, et ad medicinam pro peccato vitando.

*Inquantum ergo* *esi ad remedium sequentis peccati, sic satisfactio unius non prodest alteri* ; quia ex jejuniis unius caro alterius non domatur, nec ex actibus unius alius bene agere consuevit, nisi secundum accidens, inquantum aliquis per bona opera potest alteri mereri augmentum gratiæ quæ efficacissimum remedium est ad peccatum vitandum. Sed hoc est per modum meriti magis quam per modum satisfactionis.

**62.** — *Sed quantum ad satisfactionem debili unus potest pro alio satisfacere, dummodo sit in caritate*, ut opera ejus satisfactoria esse possint.

Nec oportet quod major pœna imponatur ei qui pro altero satisfacit, quam principali imponeretur, ut *Quidam* dicunt, hac ratione moti, quia pœna propria magis satisfacit quam aliena ; quia pœna<sup>2</sup> habet vim satisfaciendi, maxime ratione caritatis qua homo ipsam sustinet. Et quia major caritas apparet in hoc quod aliquis pro altero satisfacit quam si ipse satisfaceret ; ideo minor pœna requiritur in eo qui pro altero<sup>3</sup> satisfacit, quam in principali requireretur. Unde dicitur in *Vitis Patrum* (l. V, libell. v, n. 27 ; L. 73, 880), quod propter caritatem unius, qui alterius fratris sui caritate ductus poenitentiam fecit pro peccato quod non commiserat, alteri peccatum quod commiserat, dimissum est.

**63.** — Nec etiam exigitur quantum ad solutionem debiti, quod ille pro quo fit satisfactio, sit impotens ad satisfaciendum ; quia etiam si esset potens, alio satisfaciente pro ipso, ipse a debito immunis esset. Sed hoc requiritur inquantum pœna satisfactoria est in remedium. **Unde non est permittendum ut aliquis pro alio poenitentiam faciat, nisi defectus aliquis appareat in pœnitente** ; *vel corporalis*, per quem sit impotens ad sustinendum ; *vel spiritualis*, per quem non sit promptus ad portandum pœnam.

**64.** — **AD PRIMUM** ergo dicendum quod *præmium essentielle redditur secundum dispositionem hominis* ; quia secundum capacitatem videntium erit plenitudo visionis divini. Et ideo, *sicut* unus non disponitur per actum alterius, *ita* unus alteri non meretur præmium essenziale, nisi meritum ejus habeat efficaciam infinitam, sicut Christi, cujus merito solo pueri baptizati ad vitam æternam perveniunt.

Sed pœna temporalis pro peccato debita post culpæ remissionem non taxatur secundum dispositionem ejus cui debetur ; quia quandoque ille qui est melior, habet majoris pœnæ reatum. *Et ideo quantum ad pœnæ dimissionem unus alteri mereri potest.*

1. Ed. *om.* « ergo ». — 2. Ed. *om.* « pœna ». — 3. L. « alio ».

et actus unius efficitur alterius, caritate mediante, per quam « *omnes unum sumus in Christo* » (*Gal.*, m, 28).

**65.** — **Ad secundum** dicendum quod *contritio ordinatur contra culpam*, quæ ad dispositionem bonitatis vel malitiæ hominis pertinet. Et ideo per contritionem unius alius a culpa non liberatur.

*Similiter per confessionem homo se sacramentis Ecclesiæ subijcit.* Non autem potest unus sacramentum pro alio accipere ; ■ quia in sacramento gratia suscipienti datur, non alii. *Et ideo non est similis ratio de satisfactione, contritione et confessione.*

**66.** — **Ad tertium** dicendum quod in solutione debiti attenditur quantitas pœnæ ; sed in merito attenditur radix caritatis. Et ideo ille qui ex caritate pro alio meretur saltem merito congrui, etiam sibi magis meretur. Non autem *qui pro alio satisfacit*, pro se satisfacit ; quia illa quantitas pœnæ non sufficit ad utrumque peccatum. Tamen sibi *meretur majus quid quam sit dimissio pœnæ, scilicet vitam æternam.*

**67.** — **Ad quartum** dicendum quod si ipsemet ad aliquam poenitentiam se obligasset, non prius a debito esset immunis quam eam solvisset. Et ideo pœnam ipse patietur, quamdiu ille satisfactionem pro eo fecerit. Quam si non fecerit, tunc uterque est debitor illius pœnæ ; unus pro commisso, alius pro omisso. Et ita non sequitur quod peccatum unum bis puniatur. »

### ARTICULUS III

[I]

[*Expos. Orat. Dom. c. 6 ; Quodl. II, q. 8, a. 2.*]

**68.** — **AD TERTIUM SIC PROCEDITUR.** — Videtur quod PER INDULGENTIAM NON POSSIT ALIQUID REMITTI DE PœNA SATISFACTORIA.

1. Quia Super illud *II Tim.*, u, 13 : *Negare seipsum non potest*, dicit Glossa : « *Quod faceret si dicta sua non impleret* ». Sed ipse dixit *Dei.*, xxv, 2 : « *Secundum mensuram delicti erit plagarum modus.* » Ergo non potest aliquid remitti de pœna satisfactionis taxata secundum quantitatem culpæ.

2. **Præterea.** Inferior non potest absolvere ab eo ad quod superior obligavit. Sed Deus absolvendo a culpa ligat ad pœnam temporalem, ut dicit Hugo de Sancto Victore (*Tract. vi, Summ. Sent.*, c. 11 ; L. 176, 148). Ergo nullus homo potest absolvere a pœna illa, aliquid inde dimittendo.

1. η om. responsionem, ad. 4.

3. **Præterea.** Hoc ad potestatem excellentiæ pertinet, ut sine sacramentis effectus sacramentorum tradatur. Sed nullus habet potestatem excellentiæ in sacramentis, nisi Christus. Cum ergo satisfactio sit pars sacramenti operans ad dimissionem pœnæ debitæ, videtur quod nullus homo purus possit dimittere debitum pœnæ sine satisfactione.

4. **Præterea.** Potestas ministris Ecclesiæ non est tradita in destructionem, sed in ædificationem. Sed hoc ad destructionem pertinet, si satisfactio quæ ad utilitatem nostram inducta est in quantum remedium præbet, tolleretur. Ergo potestas ministrorum Ecclesiæ ad hoc non se extendit.

69. — **SED CONTRA.** *II Cor.*, n, 10 : « *Nam et ego quod donavi, si quid donavi propter vos in persona Christi* » ; *Glossa* : « *Idest ac si Christus donasset* ». Sed Christus poterat relaxare absque omni satisfactione pœnam peccati, ut patet *Joan.*, viii, 11, de muliere adultera. Ergo et Paulus potuit. Ergo et Papa potest, qui non est minoris potestatis in Ecclesia quam Paulus fuit.

70. — **Præterea.** Ecclesia generalis non potest errare ; quia ille qui « *in omnibus exauditus est pro sua reverentia* » (*Heb.*, v, 7) dicit Petro, super cujus confessione Ecclesia fundata est : « *Ego pro te rogavi, Petre, ut non deficiat fides tua* » ; *Luc.*, χχii, 32. Sed Ecclesia generalis indulgentias approbat et facit. Ergo indulgentiæ aliquid valent.

## [II]

[*Quodl. II, q. 8, a. 2.*]

71. — **ULTERIUS.** Videtur quod non valeant tantum QUANTUM PRONUNTIANTUR.

1. Indulgentiæ enim non habent effectum nisi ex vi clavium. Sed ex vi clavium non potest habens elavem dimittere de pœna peccati nisi aliquid determinatum, considerata quantitate peccati et contritionis pœnitentis. Ergo cum indulgentiæ fiant pro libito instituentis indulgentiam, videtur quod non valeant tantum quantum pronuntiantur.

2. **Præterea.** Per debitum pœnæ homo a gloriæ adeptione retardatur, quam summe appetere debet. Sed si indulgentiæ tantum valent quantum pronuntiantur, in brevi homo per indulgentias discurrens, posset ab omni reatu temporalis pœnæ immunis reddi. Ergo videtur quod deberet his acquirendis, omnibus aliis operibus dimissis, homo vacare.

1. Ed. *om.* « Petre ».

**3. Præterea.** Aliquando datur indulgentia quod qui dat auxilium ad aliquam fabricam erigendam, tertiam partem remissionis peccatorum consequatur. Si ergo indulgentiæ tantum valent quantum prædicantur, tunc qui dat unum denarium et secundo unum et iterum tertium, plenam absolutionem ab omni peccatorum poena consequitur : quod videtur absurdum.

**4. Præterea.** Quandoque datur hoc modo indulgentia quod qui vadit ad aliquam Ecclesiam, septem annos remissionis consequatur. Si ergo tantum valet indulgentia quantum prædicatur, ille qui habet domum juxta Ecclesiam, vel clerici Ecclesiæ qui quotidie vadunt, consequuntur tantum quantum ille qui a remotis partibus venit : quod videtur injustum. Et iterum, ut videtur, pluries illam indulgentiam consequitur in die, cum pluries vadat.

**5. Præterea.** Idem videtur remittere alicui pœnam ultra justam æstimationem quam remittere absque causa ; quia quantum ad hoc quod excedit, non recompensatur. Sed ille qui facit indulgentiam, non posset remittere absque causa pœnam in toto vel in parte alicui : ut si Papa diceret alicui : « *Ego remitto tibi omnem pœnam tibi debitam pro peccato* ». Ergo videtur quod nec possit aliquid dimittere ultra justam æstimationem. Sed indulgentiæ plerumque prædicantur ultra justam æstimationem. Ergo non tantum valent quantum prædicantur.

**72. — SED CONTRA.** Job, xii, 7 : « *Numquid Deus indiget oestro mendacio, ut pro eo loquamini dolos ?* » Ergo Ecclesia prædicando indulgentias, non mentitur. Et ita tantum valent quantum prædicantur.

**73. — Præterea.** I Cor., xv, 14, dicit Apostolus : « *Si inanis est prædicatio nostra, inanis est et fides oestra.* » Ergo quicumque in prædicatione falsum dicit, fidem, quantum est in se, evacuat ; et ita mortaliter peccat. Si ergo non tantum valent indulgentiæ quantum prædicantur, omnes mortaliter peccant indulgentiam prædicantes : quod est absurdum.[III]

[III]

**74. — ULTERIUS.** Videtur quod pro temporali subsidio  
**NON DEBEAT FIERI INDULGENTIA.**

1. Quia remissio peccatorum est quoddam spirituale. Sed dare spirituale pro temporali est simonia. Ergo hoc fieri non debet.

**2. Præterea.** Spiritualia subsidia sunt magis necessaria quam temporalia. Sed pro spiritualibus subsidiis non videntur fieri

1. Ed. « dari ».

indulgentiae. Ergo inulto minus pro temporalibus fieri debent.

**75. — SED CONTRA** est communis Ecclesiae consuetudo, quæ pro peregrinationibus et eleemosynis faciendis indulgentias facit.

**76. — RESPONSIO.** Dicendum **AD PRIMAM QUÆSTIONEM** quod **ab omnibus conceditur indulgentias aliquid valere** ; quia impium esset dicere quod Ecclesia aliquid vane faceret.

Sed *Quidam* dicunt quod non valent ad absolvendum a reatu pœnæ quam quis in purgatorio secundum iudicium Dei meretur, sed valent ad absolutionem ab obligatione qua sacerdos obligavit pœnitentem ad pœnam aliquam, vel ad quam etiam ordinatur ex canonum statutis.

**77. — Sed hæc opinio non videtur vera.** *Primo*, quia est expresse contra privilegium Petro datum ut quod in terra remitteret, et in cælo remitteretur. *Unde remissio quæ fil quantum ad forum Ecclesiae, valet etiam quantum ad forum Dei.*

**78. — Et præterea.** Ecclesia hujusmodi indulgentias faciens magis damnificaret quam adjuvaret ; quia remitteret ad graviores poenas, scilicet purgatorii, absolvendo a poenitentiis injunctis.

**79. — Et ideo aliter dicendum quod valent et quantum ad forum Ecclesiae et quantum ad iudicium Dei ad remissionem pœnæ residuæ post contritionem et absolutionem et confessionem. sive sit injuncta sive non.**

**80. — Baii** autem quare valere possunt, est unitas corporis *mystici*, in qua multi in operibus pœnitentiæ supererogaverunt ad mensuram debitorum suorum ; et multas etiam tribulationes injuste sustinuerunt patienter, per quas multitudo poenarum poterat expiari, si eis deberetur : quorum meritorum tanta est copia quod omnem pœnam debitam nunc viventibus excedunt.

**81. — Et præcipue propter meritum Christi**, quod etsi in sacramentis operatur, non tamen efficacia ejus in sacramentis includitur, sed sua infinitate efficaciam sacramentorum excedit.

**82. —** Dictum est autem supra (62) quod unus pro alio satisfacere potest. Sancti autem in quibus superabundantia operum satisfactionis invenitur, non determinate pro isto qui remissione indiget, hujusmodi opera fecerunt : alias absque omni indulgentia remissionem consequeretur ; sed communiter pro tota Ecclesia, sicut *Apostolus* dicit, se « *implere ea quæ desunt passioni Christi in corpore suo pro Ecclesia* » ad quam scribit ad *Colos*, i, 24. Et sic prædicta merita sunt communia totius Ecclesiae. Ea autem quæ sunt communia multitudinis alicujus,

distribuuntur singulis de multitudine secundum arbitrium ejus qui multitudini præest. Unde *sicut* aliquis consequeretur remissionem pænæ, si alius pro eo satisfecisset ; *ita* si eil satisfactio alterius sibi per eum qui potest, distribuatur.

**83.** — **AD PRIMUM** ergo dicendum quod *remissio qua per indulgentias fit, non tollit quantitatem pænæ ad culpam* ; quia pro culpa unius alius sponte pœnam sustinuit, ut dictum est (79).

**84.** — **Ad secundum** dicendum quod iste *qui indulgentias suscipit*, non absolvitur, simpliciter loquendo, a debito pænæ ; sed *datur sibi unde debitum solvat*.

**85.** — **Ad tertium** dicendum quod effectus sacramentalis absolutionis est diminutio reatus. Et hic effectus non inducitur per indulgentias. *Sed pro eo faciens indulgentias solvit poenam quam debebat, de Ecclesiæ communibus bonis*, ut ex dictis (**82**) patet.

**86.** — **Ad quartum** dicendum quod *majus remedium praebeatur contra peccata vitanda ex gratia quam ex assuetudine nostrorum operum*. Et quia ex affectu quem accipiens indulgentiam concipit ad causam pro qua indulgentia datur, ad gratiam disponitur ; ideo etiam per indulgentias remedium ad peccata vitanda datur. *Et ideo non est in destructionem indulgentias dare, nisi inordinate dentur*.

**87.** — *Tamen consulendum esi eis qui indulgentiam consequuntur, ne propter hoc ab operibus poenitentiae injunctis abstineant*, ut etiam ex his remedium consequantur, quamvis a debito pænæ essent immunes ; et præcipue, quia quandoque sunt plurimum debitores quam credant.

**88.** — **AD SECUNDAM QUÆSTIONEM** dicendum quod *circa hoc esi multiplex opinio*. *Quidam enim dicunt quod hujusmodi indulgentiæ non tantum valent quantum prædicantur, sed unicuique tantum valent quantum fides et devotio sua exigit*. Sed dicunt quod Ecclesia ad hoc ita pronuntiat, ut quadam pia fraude homines ad bene faciendum alliciat ; sicut mater quæ promittens filio pomum, ipsum ad ambulandum provocat.

**89.** — **Sed hoc videtur valde periculosum dicere**. Sicut enim dicit Augustinus in *Epistola vñ ad Hieronymum* (c. 3; L. 33, 112), « *si in sacra Scriptura deprehenditur aliquid falsitatis, jam robor auctoritatis sacrae Scripturae perit*. » Et similiter si in prædicatione Ecclesiæ aliqua falsitas deprehenderetur, non essent documenta Ecclesiæ alicujus auctoritatis ab roborandum fidem.

**90.** — Et ideo Al ii dixerunt quod valent quantum pronuntiantur secundum justam æstimationem, non tamen dantis indui-

gentiam, qui nimis forte æstimat quod dat; aut secundum æstimationem recipientis, qui nimis parum æstimare posset quod datur; sed secundum æstimationem quæ justa est secundum iudicium bonorum, pensata conditione personæ et utilitate et necessitate Ecclesiæ; quia uno tempore Ecclesia plus indiget quam alio.

**91. — Sed hæc etiam opinio non potest stare**, ut videtur. *Primo* quia secundum hoc indulgentiæ non valerent ad remissionem sed magis ad commutationem quamdam.

**92. — El præterea.** Prædicatio Ecclesiæ a mendacio non excusaretur, cum quandoque indulgentia prædicatur<sup>1</sup> longe major quam justa æstimatio possit requirere omnibus prædictis conditionibus pensatis: sicut quando Papa dat indulgentiam quod qui vadat<sup>2</sup> ad unam Ecclesiam habeat septem annos de indulgentia: cujusmodi etiam indulgentiæ a beato Gregorio in stationibus Romæ institutæ sunt.

**93. — Et ideo Al ii dicunt** quod quantitas remissionis in indulgentiis non est mensuranda secundum devotionem tantum suscipientis, ut *prima opinio* dicebat, neque secundum quantitatem ejus quod datur, sicut dicebat *secunda*; sed secundum causam pro qua indulgentia datur, ex qua reputatur dignus ut talem indulgentiam consequatur. Unde secundum quod accedit ad causam illam, secundum hoc consequitur remissionem indulgentiæ, ut<sup>3</sup> in toto vel in parte.

**94. — Sed hoc iterum non potest salvare consuetudinem Ecclesiæ**, quæ interdum majorem pro eadem causa, interdum minorem<sup>4</sup> indulgentiam ponit: sicut rebus eodem modo se habentibus, quandoque datur unus annus visitantibus Ecclesiam unam, quandoque quadraginta dies, prout gratiam Papa facere voluerit indulgentiam constituens. Unde quantitas remissionis non est mensuranda ex causa quæ facit indulgentia dignum.

**95. — Et ideo aliter dicendum** quod quantitas effectus consequitur quantitatem suæ causæ. Causa autem remissionis pœnæ in indulgentiis non est nisi abundantia meritorum Ecclesiæ, quæ se habet sufficienter ad totam pœnam expiandam; non autem causa remissionis effectiva est vel devotio aut labor aut datum recipientis aut causa pro qua fit indulgentia. Unde non oportet ad aliquod horum proportionare quantitatem remissionis, sed ad merita Ecclesiæ quæ semper superabundant. Et ideo secundum quod applicantur ad istum, secundum hoc remissionem consequitur. *Ad hoc autem quod applicentur isti, requiritur auctoritas dispensandi hujusmodi thesaurum; el unio ejus*

1. Ed. « prædicetur ». — 2. Ed. « vadit » — 3. Ed. « vel ». — 4. L. om. « interdum minorem ».

*cui dispensatur ad eum qui merebatur, quod est per caritatem ; et ratio dispensationis secundum quam salvetur intentio illorum qui opera meritoria fecerunt ; fecerunt enim ad honorem Dei et utilitatem Ecclesiæ in generali. Unde quæcumque causa adsit quæ in utilitatem Ecclesiæ et honorem Dei vergat, sufficiens est ratio indulgentias faciendil.*

**96. — Et ideo secundum Alios dicendum quod indulgentiæ simpliciter tantum valent quantum prædicantur, dummodo ex parte dantis sit auctoritas, ex parte recipientis caritas, ex parte causæ pietas quæ comprehendit honorem Dei et proximi utilitatem. Nec in hoc « nimis fit magnum forum de misericordia Dei », ut Quidam dicunt, nec justitiæ divinæ derogatur; quia nihil de pœna dimittitur, sed unius pœna alteri computatur.**

**97. — AD PRIMUM** ergo dicendum quod *clavis*, sicut supra dictum est (d. 19, **30-31**), *est duplex* : scilicet ordinis et jurisdictionis. *Clavis ordinis sacramentale quoddam est.* Et quia sacramentorum effectus non sunt determinati ab homine, sed a Deo ; ideo non potest taxare sacerdos quantum per elavem ordinis in foro confessionis de pœna debita dimittat, sed tantum dimittitur quantum Deus ordinavit.

**98. —** Sed *clavis jurisdictionis non est quid sacramentale*, et effectus ejus arbitrio hominis subjacet. Et hujus clavis effectus est remissio quæ est per indulgentias, cum non pertineat ad dispensationem sacramentorum talis remissio, sed ad dispensationem bonorum communium Ecclesiæ. Et ideo etiam legati non sacerdotes indulgentias facere<sup>2</sup> possunt. *Unde in arbitrio dantis indulgentiam est taxare quantum per indulgentiam de pœna remittatur.*

*Si tamen inordinate remittat, ita quod homines quasi pro nihilo ab operibus pœnitentiæ revocentur, peccat faciens tales indulgentias ; nihilominus quis plenam indulgentiam consequitur.*

**99. — Ad secundum** dicendum quod quamvis hujusmodi indulgentiæ multum valeant ad remissionem pœnæ, tamen *alia opera satisfactionis sunt magis meritoria respectu præmii essentialis*, quod in infinitum melius est quam dimissio pœnæ temporalis.

**100. — Ad tertium** dicendum quod quando datur indulgentia indeterminate : « *Qui dat auxilium ad fabricam Ecclesiæ* », intelligitur tale auxilium quod sit conveniens ei qui auxilium dat ; et secundum quod accedit ad hoc, secundum hoc plus vel minus de indulgentia consequitur. *Unde etiam aliquis pauper dans unum denarium consequitur totam indulgentiam*, non autem dives, quem non decet ad opus tam pium et fructuosum, ita

1. Ed. « elargiendi ». — 2. Ed. « concedere ».

parum dare : sicut non diceretur rex alicui homini auxilium facere, si ei obolum daret.

**101.** — **Ad quartum** dicendum quod ille qui est vicinus ecclesiæ et etiam sacerdotes et clerici, consequuntur tantam indulgentiam sicut illi qui venirent a mille dietis ; quia *remissio non proportionatur* labori, ut dictum est (95), sed *meritis quæ dispensantur*, ut dictum est (95). *Sed iste qui plus laboraret, acquireret plus de merito.*

**102.** — Sed hoc intelligendum quando indistincte indulgentia datur. Quandoque enim distinguitur. Sicut Papa in generalibus absolutionibus illis qui transeunt mare, dat quinque annos ; aliis qui transeunt montes, tres ; aliis unum.

**103.** — Nec tamen quotiescumque vadit infra tempus indulgentiæ, toties eam consequitur. Quandoque® ad determinatum tempus datur ; ut cum dicitur : « *Quicumque cadit ad ecclesiam talem usque ad tale tempus, habeat tantum de indulgentia* » : intelligitur semel tantum. *Sed si in aliqua ecclesia sit indulgentia perennis*, sicut in ecclesia beati Petri quadraginta dierum, *tunc quoties vadit aliquis, toties indulgentiam consequitur.*

**104.** — **Ad quintum** dicendum quod causa non requiritur ad hoc quod secundum eam debeat mensurari remissio pænæ, sed ad hoc quod intentio illorum quorum merita communicantur, ad ipsum pervenire possit. *Bonum autem unius continuatur alteri dupliciter. Uno modo per caritatem.* Et sic etiam sine indulgentiis aliquis est omnium bonorum particeps quæ fiunt, si in caritate sit. *Alio modo per intentionem facientis.* Et sic per indulgentias, si causa legitima adsit, potest intentio illius qui pro utilitate Ecclesiæ operatus est, ad istum continuari.

**105.** — **AD TERTIAM QUÆSTIONEM** dicendum quod temporalia ad spiritualia ordinantur, quia propter spiritualia temporalibus uti debemus. Et ideo pro temporalibus simpliciter non **potest fieri indulgentia**, sed **pro temporalibus ordinatis ad spiritualia** : sicut repressio inimicorum Ecclesiæ, qui pacem Ecclesiæ perturbant<sup>3</sup> ; sicut constructio ecclesiarum et pontium et aliarum eleemosynarum<sup>4</sup>. Et per hoc patet quod non fit ibi simonia, quia non datur spirituale pro temporali, sed pro spirituali<sup>5</sup>.

**106.** — Unde patet solutio **AD PRIMUM**.

**Ad secundum** dicendum quod *etiam pro pure spiritualibus potest fieri indulgentia*, et fit quandoque : sicut quicumque orat pro rege Franciæ habet decem dies de<sup>6</sup> indulgentia a Papa Innocentio IV.

1. L. « ecclesiæ ». — 2. Ed. *ad.* « autem ». — 3. Ed. *ad.* \* vel ». — 4. Ed. *ad.* « collatio ». — 5. L. *om.* « pro spirituali ». — 6. L. « pro ».

Et similiter crucem prædicantibus datur quandoque eadem indulgentia quæ crucem accipientibus.

#### ARTICULUS IV

##### [I]

**107. — AD QUARTUM SIC PROCEDITUR.** Videtur quod **QUILIBET SACERDOS PAROCHIALIS POSSIT INDULGENTIAM FACERE**<sup>1</sup>.

1. Indulgentia enim habet efficaciam ex meritorum Ecclesiæ abundantia. Sed non est aliqua congregatio in qua non sit aliqua abundantia meritorum. Ergo quilibet sacerdos potest facere<sup>2</sup> indulgentiam, si habeat plebem subjectam; et similiter quilibet prælatus.

2. **Præterea.** Prælatus quilibet gerit personam totius multitudinis, sicut unus homo gerit personam suam. Sed quilibet potest alteri communicare bona sua pro altero satisfaciendo. Ergo et prælatus potest communicare bona multitudinis sibi commissæ; et sic videtur quod possit indulgentias facere<sup>3</sup>.

**108. — SED CONTRA.** Minus est excommunicare quam indulgentias facere<sup>4</sup>. Sed hoc non potest sacerdos parochialis. Ergo nec illud.

##### [II]

[Supra, 98; Quodl. II, q. 8, a. 2, ad 2.]

**109. — ULTERIUS.** Videtur quod diaconus non possit **INDULGENTIAS FACERE**<sup>5</sup> **VEL ALIUS NISI**<sup>6</sup> **SACERDOS.**

1. Quia remissio peccatorum est effectus clavium. Sed non habet claves nisi solus sacerdos. Ergo ipse solus potest indulgentias facere<sup>7</sup>.

2. **Præterea.** Plenior remissio pœnæ est in indulgentiis quam in foro pœnitentiali. Sed hoc non potest nisi sacerdos. Ergo nec illud.

**110. — SED CONTRA.** Eidem confertur dispensatio thesauri Ecclesiæ cui committitur regimen Ecclesiæ. Sed hoc committitur quandoque non sacerdoti. Ergo potest indulgentias facere quæ<sup>8</sup> ex dispensatione thesauri Ecclesiæ efficaciam habent.

##### [III]

[Quodi. II, q. 8, a. 2.]

**111. — ULTERIUS.** Videtur quod etiam Episcopus non **POSSIT FACERE**<sup>9</sup> **INDULGENTIAM.**

1. Ed. « dare ». — 2. Ed. « elargiri ». — 3. Ed. « dare ». — 4. Ed. « dare ». — 5. Ed. « concedere ». — 6. L. « non ». — 7. Ed. « dare ». — 8. Ed. « dare; nam »; — 9. Ed. « elargiri ».

1. Quia thesaurus Ecclesiæ est communis toti Ecclesiæ. Sed id quod est commune toti Ecclesiæ, non potest dispensari nisi per illum qui toti Ecclesiæ præest. Ergo solus Papa potest indulgentias facere<sup>1</sup>.

2. **Præterea.** Nullus potest remittere pœnas a jure determinatas nisi ille qui habet potestatem jus condendi. Sed pœnæ satisfactoriæ sunt pro peccatis determinate in jure. Ergo remittere hujusmodi pœnas potest solus Papa, qui est conditor juris.

**112. — SED CONTRA** est consuetudo Ecclesiæ secundum quam Episcopi dant indulgentias<sup>2</sup>.

[IV]

**113. — ULTERIUS.** Videtur quod ille qui est in peccato **MORTALI, NON POSSIT FACERE<sup>3</sup> INDULGENTIAS.**

1. Quia rivus cui fons non influit, nihil profluere potest. Sed prælato in peccato mortali existent! non influit fons gratiæ, scilicet Spiritus sancti<sup>4</sup>. Ergo non potest in alios profluere faciendo<sup>5</sup> indulgentias.

2. **Præterea.** Majus est facere<sup>6</sup> indulgentiam quam recipere. Sed ille qui est in peccato mortali non recipit, ut dicitur (138). Ergo nec facere<sup>7</sup> potest.

**114. — SED CONTRA,** quia<sup>8</sup> indulgentiæ fiunt per potestatem prælatis Ecclesiæ traditam. Sed peccatum mortale non tollit potestatem, sed bonitatem. Ergo potest aliquis in peccato mortali existens facere<sup>9</sup> indulgentias.

**115. — RESPONSIO.** Dicendum **AD PRIMAM QUÆSTIONEM** quod indulgentiæ effectum habent secundum quod opera satisfactoria unius alteri computantur, non solum ex vi caritatis, sed ex intentione operantis aliquo modo directa ad ipsum. Sed *intentio alterius potest ad alterum dirigi tripliciter : aut in speciali, aut in generali, aut in singulari.*

**116. — In singulari quidem :** sicut cum quis pro alio satisfacit determinate. Et sic quilibet potest alteri sua opera communicare.

**117. — In speciali autem :** sicut cum quis orat pro congregatione sua et familiaribus et benefactoribus, et ad hoc etiam ordinat sua opera satisfactoria. Et sic ille qui congregationi præest, potest opera illa alii communicare applicando intentionem illorum qui sunt de congregatione sua ad hunc determinate.

**118. — Sed in generali :** sicut cum quis opera sua ordinat ad

1. Ed. « dare », — 2. Ed. « indulgentiam ». — 3. Ed. « dare ». — 4. L. « Spiritus sanctus ». — 5. Ed. « dando ». — 6. Ed. « dare ». — 7. Ed. « dare ». — 8. L. *om.* « Quia ». — 9. Ed. « dare ».

bonum Ecclesiæ in generali. Et sic ille qui præest Ecclesiæ generaliter, potest opera illa communicare applicando intentionem suam ad hunc vel ad illum.

Et quia homo est pars congregationis et congregatio<sup>2</sup> est pars Ecclesiæ, ideo in intentione privati boni includitur intentio boni congregationis et boni totius Ecclesiæ. Et ideo ille qui præest Ecclesiæ potest communicare ea quæ sunt congregationis et hujus hominis; et ille qui præest congregationi, ea quæ sunt hujus hominis, sed non convertitur.

**119.** — Sed neque prima *communicatio* neque secunda *indulgentia dicitur*, sed *solum tertia, propter duo*.

*Primo*, quia per illas communicationes quamvis homo solvatur a reatu pænæ quantum ad Deum, tamen non solvitur a debito faciendi satisfactionem injunctam, ad quam obligatus est ex præcepto Ecclesiæ. Sed per tertiam communicationem homo etiam ab hoc debito absolvitur.

**120.** — *Secundo*, quia in una persona vel in una congregatione non est indeficientia meritorum, ut sibi in omnibus aliis valere possit. Unde iste non absolvitur a pænâ debita pro toto, nisi tantum determinate pro eo fiat quantum debebat<sup>3</sup>.

Sed in Ecclesia tota est indeficientia meritorum præcipue propter meritum Christi. *Et ideo solus ille qui præficilur Ecclesiæ potest indulgentiam facere*<sup>4</sup>.

**121.** — Sed cum Ecclesia sit « *congregatio fidelium* »; congregatio autem hominum sit *duplex*: scilicet *oeconomica*, ut illi qui sunt de una familia; et *politica*, sicut illi qui sunt de uno populo; Ecclesia similatur congregationi politics, quia ipse populus Ecclesia dicitur; sed conventus diversi parochiæ in una dioecesi simulantur<sup>5</sup> congregationi in diversis familiis vel in diversis officiis. **Et ideo solus Episcopus proprie prælatus Ecclesiæ dicitur.** Et ideo ipse solus quasi sponsus anulum Ecclesiæ recipit. Et ideo solus ipse habet plenam potestatem in dispensatione sacramentorum, et jurisdictionem in foro causarum quasi persona publica; alii autem secundum quod ab eo eis committitur.

**122.** — Sed *sacerdotes qui plebibus præficiuntur*, non sunt simpliciter prælati, sed *quasi coadjutores*. Unde in consecratione sacerdotum Episcopus dicit: « *Quanto fragiliores sumus tanto magis his auxiliis indigemus.* » Et propter hoc etiam non omnia sacramenta dispensant. **Unde sacerdotes parochiales vel Abbates, aut alii hujusmodi prælati non possunt hujusmodi indulgentias facere**<sup>6</sup>.

1. L. « commune ». — 2. Ed. *om.* « et congregatio ». — 3. Ed. « debebatur ». — 4. Ed. « elargiri ». — 5. L. « assimilantur ». — 6. Ed. « dare ».

Et per hoc patet solutio ad objecta.

**123. — AD SECUNDAM QUÆSTIONEM** dicendum quod potestas faciendi indulgentias sequitur jurisdictionem, ut supra (98) dictum fuit. Et quia diaconi et alii non sacerdotes possunt habere jurisdictionem vel commissam, sicut legati, vel ordinariam, sicut electi, **ideo possunt indulgentias facere<sup>1</sup> etiam non sacerdotes**; quamvis non possint absolvere in foro pœnitentiali, quod est ordinis.

**124. —** Et per hoc patet solutio ad objecta. *Indulgentias enim facere<sup>2</sup> pertinet ad elavem jurisdictionis*, non ad elavem ordinis.

**125. — AD TERTIAM QUÆSTIONEM** dicendum quod Papa habet plenitudinem pontificalis potestatis, quasi Rex in regno. Sed Episcopi assumuntur» *in pariem sollicitudinis* », quasi iudices singulis civitatibus præpositi : propter quod etiam solos eos in suis litteris « *fratres* » vocat, reliquos autem omnes vocat « *filios* ». Et ideo **potestas faciendi indulgentias plene residet in Papa**, quia potest facere prout<sup>4</sup> vult, causa tamen existente legitima. Sed **in Episcopis est taxata secundum ordinationem Papæ**. Et ideo possunt facere<sup>5</sup> secundum quod eis taxatum est, et non amplius.

.Et per hoc patet solutio ad objecta.

**126. — AD QUARTAM QUÆSTIONEM** dicendum quod facere<sup>6</sup> indulgentias pertinet ad jurisdictionem. Sed per peccatum homo non amittit jurisdictionem. **Et ideo indulgentiæ æque valent si fiant ab eo qui est in peccato mortali, sicut si fierent ab eo qui est sanctissimus**; cum non remittat poenam ex vi suorum meritorum, sed ex vi meritorum reconditorum in thesauris Ecclesiæ.

**127. — AD PRIMUM** ergo dicendum quod *iste prælatus in peccato mortali indulgentias faciens<sup>7</sup> non profluit aliquid de suo*. Et ideo non requiritur quod influxum recipiat a fonte ad hoc quod ejus indulgentiæ valeant.

**128. — Ad secundum** dicendum quod *majus est facere<sup>3</sup> indulgentias quam recipere quantum ad potestatem*; sed est minus quantum ad propriam utilitatem.

1. Ed. « concedendi ». — 2. Ed. « concedere ». — 3. Ed. « concedere ». — 4. ζ et ed. « quod ». — 5. Ed. « dare ». — 6. Ed. « largiri ». — 7. Ed. « dans ». — 8. Ed. « dare ». —

## ARTICULUS V

## [I]

[Quodl. II, q. 8, a. 2.]

**129. — AD QUINTUM SIC PROCEDITUR.** Videtur quod **INDULGENTIA VALEAT EXISTENTIBUS IN PECCATO MORTALI.**

1. Quia aliquis potest alteri mereri, etiam in peccato mortali existenti, gratiam et multa alia bona. Sed indulgentiæ habent efficaciam ex hoc quod merita sanctorum applicantur ad istum. Ergo habent effectum in illis qui sunt in peccato mortali.

2. **Praeterea.** Ubi est major indigentia, magis habet locum misericordia. Sed ille qui est in peccato mortali, maxime indiget. Ergo ei maxima debet fieri misericordia per indulgentias.

**130. — SED CONTRA.** Membrum mortuum non suscipit influentiam ex aliis membris vivis. Sed ille qui est in peccato mortali est quasi membrum mortuum. Ergo per indulgentias non suscipit influentiam ex meritis vivorum membrorum.

## [II]

**131. — ULTERIUS.** Videtur quod indulgentiæ non **VALEANT RELIGIOSIS.**

1. Non enim competit eis supplere ex quorum superabundantia aliis suppletur. Sed ex superabundantia operum satisfactionis quæ sunt in religiosis, aliis suppletur per indulgentias. Ergo eis non competit per indulgentias suppleri.

2. **Praeterea.** In Ecclesia non debet aliquid fieri quod inducat religionis dissolutionem. Sed si religiosis indulgentiæ prodesent, esset occasio dissolutionis disciplinæ regularis; quia religiosi nimis vagarentur per hujusmodi indulgentias et pœnas sibi impositas in capitulo negligerent. Ergo religiosis non prosunt.

**132. — SED CONTRA.** Nullus ex bono reportat damnum. Sed religio bonum est. Ergo religiosi non consequuntur hoc damnum, ut eis indulgentiæ non valeant.

## [III]

**133. — ULTERIUS.** Videtur quod ei qui non facit hoc **PRO QUO** indulgentia datur, possit quandoque indulgentia **DARI.**

1. Quia ei qui non potest operari, « *voluntas pro facto repu-*

1. L. « ab aliis vivis ». — 2. F. « religiosos in ». — 3. Ed. « potuit ».

*talur* ». Sed aliquando fit indulgentia pro aliqua eleemosyna facienda, quam aliquis pauper facere non potest, et tamen libenter faceret. Ergo indulgentia ei valet.

2. **Præterea.** Unus potest pro alio satisfacere. Sed indulgentia ad remissionem pœnæ operatur, sicut et satisfactio. Ergo unus pro alio potest indulgentiam accipere. Et sic ille consequitur indulgentiam qui non facit hoc pro quo indulgentia datur.

**134. — SED CONTRA.** Remota causa removetur effectus. Si ergo aliquis non facit hoc pro quo indulgentia datur, quod est indulgentiæ causa, indulgentiam non consequitur.

[IV]

**135. — ULTERIUS.** Videtur **QUOD INDULGENTIA NON VALEAT EI QUI FACIT.**

1. Quia facere<sup>2</sup> indulgentias est jurisdictionis. Sed nullus in seipsum potest exercere ea quæ sunt jurisdictionis, sicut nullus potest se excommunicare<sup>3</sup>. Ergo nullus potest indulgentiæ a se factæ particeps esse.

2. **Præterea.** Secundum hoc, ille qui facit indulgentiam, posset pro aliquo modico facto sibi pœnam remittere omnium peccatorum suorum, et ita impune peccaret : quod videtur absonum.

3. **Præterea.** Ejusdem potestatis est facere<sup>4</sup> indulgentias et excommunicare. Sed aliquis non potest excommunicare seipsum. Ergo nec indulgentiæ quam facit particeps esse potest.

**136. — SED CONTRA**<sup>5</sup>, quia tunc esset ipse peioris conditionis quam alii, si ipse non posset uti thesauro Ecclesiæ, quod<sup>6</sup> aliis dispensat.

**137. — RESPONSIO.** Dicendum **AD PRIMAM QUÆSTIONEM** quod *Quidam* dicunt indulgentias valere etiam existentibus in peccato mortali. Non quidem ad dimissionem pœnæ, quia nulli potest dimitti pœna, nisi cui jam dimissa est culpa ; qui enim non est consecutus operationem Dei in remissione culpæ, non potest consequi remissionem pœnæ a ministro Ecclesiæ neque in indulgentiis, neque in foro pœnitentiæ : valet tamen eis ad acquirendam gratiam.

**138. — Sed hoc non videtur verum ;** quia quamvis merita illa quæ per indulgentiam communicantur possent<sup>7</sup> valere ad merendum gratiam, non tamen propter hoc dispensantur<sup>8</sup>, sed determinate ad remissionem pœnæ. **Et ideo non valent existen-**

1. Ed. *om.* « aliquis ». — 2. Ed. « dare ». — 3. L. *om.* « sicut nullus potest se excommunicare ». — 4. Ed. « concedere ». — 5. L. *ad.* « est ». — 6. Ed. « quem ». — 7. Ed. « possunt ». — 8. Ed. « dispensatur ».

**iibus in mortali.** Et ideo in omnibus indulgentiis fit mentio de « *vere contritis et confessis* ».

**139.** — Si autem fieret communicatio per hunc modum : « *Facio te participem meritorum totius Ecclesiae, vel unius congregationis, vel unius specialis personae* », sic posset valere ad merendum aliquid illi qui est in peccato mortali, ut prædicta opinio dicit.

Et per hoc patet solutio **AD PRIMUM.**

**140.** — **Ad secundum** dicendum quod quamvis sit magis indigens qui est in peccato mortali, tamen est minus capax.

**141.** — **AD SECUNDAM QUÆSTIONEM** dicendum quod **tam saecularibus quam religiosi valent indulgentiæ, dummodo sint in caritate et servant ea quæ pro indulgentiis indicuntur**! Non enim religiosi sunt minus adjuvabiles meritis aliorum quam saeculares.

**142.** — **AD PRIMUM** ergo dicendum quod quamvis *religiosus* sit in statu perfectionis, tamen ipse *sine peccato vivere non potest. Et ideo* si aliquando propter peccatum aliquod commissum sit<sup>2</sup> reus alicujus pænæ, *potest per indulgentiam ab hoc expiari.* Non enim est inconveniens, si ille qui est simpliciter superabundans, aliquo tempore indigeat et quantum ad aliquid ; et sic indiget supplemento quo sublevetur. Unde dicitur *Gal.*, vi, 2 : « *Alter alterius onera portate.* »

**143.** — **Ad secundum** dicendum quod propter indulgentias non debet dissolvi regularis observantia ; quia *religiosi magis merentur religionem suam servando, quantum ad præmium vite æternæ, quam indulgentias*<sup>4</sup> exquirendo ; quamvis minus quantum ad dimissionem pænæ, quod est minus bonum.

**144.** — Nec iterum *per indulgentias* dimittuntur pænæ injunctæ in capitulo ; quia in capitulo agitur forum quasi iudiciale magis quam pœnitentiale ; unde etiam non sacerdotes capitulum tenent. Sed *absolvitur a pœna injuncta vel debita pro peccato in foro pœnitentiali.*

**145.** — **AD TERTIAM QUÆSTIONEM** dicendum quod *non existente conditione non consequitur illud quod sub conditione datur.* Unde cum indulgentia detur sub hac conditione quod aliquid aliquid faciat vel det, **si illud non exercent, indulgentiam non consequitur.**

**146.** — **AD PRIMUM** ergo dicendum quod *hoc intelligitur quantum ad præmium essentielle ; sed non quantum ad acci-*

1. Ed. « inducuntur ». — 2. L. « fit ». — 3. Ed. « hac ». — 4. Ed. « indulgentiam ».

dentalia aliqua præmia, sicut est dimissio poenae vel aliquid hujusmodi.

**147.** — **Ad secundum** dicendum quod opus proprium potest quis applicare per intentionem cuiuscumque voluerit; et ideo potest pro quocumque vult satisfacere. Sed *indulgentia non potest applicari ad aliquem nisi ex intentione ejus qui dat indulgentiam*; et ideo cum ipse applicet ad facientem vel dantem hoc aut illud, non potest ille qui hoc facit, ad alterum hanc intentionem transferre<sup>3</sup>.

**148.** — Si tamen fieret sic indulgentia: « *Ille qui facit vel pro quo hoc fit, habeat tantam indulgentiam* », tanta<sup>5</sup> valeret ei pro quo fit; nec tunc iste qui facit hoc opus, daret alteri indulgentiam, sed ille qui indulgentiam sub tali forma facit.

**149.** — **AD QUARTAM QUÆSTIONEM** dicendum quod indulgentia debet ex aliqua causa dari ad hoc quod aliquis per indulgentiam ad actum aliquem provocetur qui in utilitatem Ecclesiæ et in honorem Dei vergat. **Praelatus** autem, cui cura Ecclesiæ utilitatis propagatione<sup>6</sup> et honoris divini propagandi est commissa, non habet causam ut seipsum ad hoc provocet. Et ideo **non potest facere<sup>7</sup> indulgentiam sibi tantum, sed potest uti indulgentia quam pro aliis facit**, quia aliis subest causa faciendi.

**150.** — **AD PRIMUM** ergo dicendum quod actum<sup>8</sup> jurisdictionis non potest aliquis in seipsum exercere. Sed eis quæ auctoritate jurisdictionis dantur aliis potest etiam praelatus uti tam in temporalibus quam in spiritualibus: sicut etiam sacerdos sibi eucharistiam [accipit<sup>9</sup>] quam aliis dat. *Ei ita etiam Episcopus potest accipere sibi suffragia Ecclesiæ quæ aliis dispensat, quorum effectus immediatus est remissio poenæ per indulgentias, et non jurisdictionis.*

**Ad secundum** patet solutio ex dictis.

**151.** — **Ad tertium** dicendum quod excommunicatio profertur per modum sententiæ quam nullus in se<sup>10</sup> ferre potest, eo quod in iudicio non potest idem esse iudex et reus. *Indulgentia* autem non per modum sententiæ datur, sed *per modum dispensationis cujusdam, quam homo potest facere ad seipsum.*

1. L. « alterum ». — 2. Ed. « hic autem ». — 3. Ed. *ad.* « non potest ». — 4. Ed. « fecit ». — 5. Ed. *om.* « tanta ». — 6. Ed. « procurandæ »; L. *om.* — 7. Ed. « præbere ». — 8. Ed. « actus ». — 9. *ζη om.* « accipit ». — 10. Ed. « seipsum ».

## EXPOSITIO TEXTUS

152. — « Tene certum. » (2a) Loquitur de certitudine conjecturae, non de certitudine scientiæ; quia « *nemo scit utrum sii dignus odio vel amore* » : *Eccl.*, ix, 1.

153. — « Arbitrii libertatem quærit, » (3a) idest liberam electionem, ut scilicet homo non dimittat peccatum quia jam non potest peccare, sed quia non vult Deum offendere, etiamsi posset : quod etiam in tarde pœnitentibus contingit quandoque, ut dictum est (22).

154. — « *Horrendum est incidere in manus, etc.* » (5a) Aerum est quantum ad statum futuræ vitæ, ubi habet locum principaliter justitia; quia in hac vita, ubi est locus misericordiæ, est verum quod dicitur II *Beg.*, ult., 14 : « *Melius est mihi incidere in manus Dei quam in manus hominis.* »

155. — « Si enim semper viveret, semper peccaret »; (5b) idest. semper in peccato permaneret; quia de se non posset a peccato liberari, cum sit « *spiritus vadens et non rediens* » (ps. I x v i i, 39); non quod semper actum peccati exerceret.

156. — « Statim ut conversus fuit, paradisum ingredi meruit. » (6a) Hoc non est intelligendum de terrestri, ut *Quidam* dicunt; quia passio Christi non reducit ad illum paradisum, sed ad cælestem : qui quidem paradisus potest accipi *dupliciter* : scilicet *secundum gloriam fruitionis*, et sic statim moriens in paradiso fuit; *vel quantum ad locum gloriæ convenientem*, et sic nullus intravit ante ascensionem.

157. — « Non est imponenda in articulo mortis pœnitentia, sed innotescenda. » (7a) *Ideo non est imponenda quia* per hoc quod imponitur aliqua pœnitentia alicui, obligatur ad illam faciendam. Nullus autem debet ab aliquid obligari quod non potest facere. *Sed est innotescenda*, ut procuret per amicos et eleemosynas eam expiare<sup>3</sup> et ut ejus complendæ propositum habeat, si evadat. Tamen est confortandus ex divina misericordia, ne in desperationem cadat.

158. — « Non enim debet presbyter, etc. » (9) Hoc intelligendum est de ligato ab Episcopo per excommunicationem, vel de agente pœnitentiam solemnem.

159. — « Puellarum consecratio per presbyterum fieri valeat consulto Episcopo. » (9a) Hoc non est de jure communi; quia

1. *αβ* « si ». — 2. Ed. *om.* « Ideo non est imponenda ». — 3. N. « expiari ».

solis Episcopis qui sunt vicem sponsi gerentes, competit desponsari et « *uni viro virginem casiam exhibere Christo* », *II Cor.*, xi, 2. Unde modo non habet locum, sed fuit ex aliqua dispensatione factum in aliquo loco<sup>2</sup>.

*Vel* loquitur de benedictione viduarum, quæ per presbyteros fieri valet.

1. F. « desponsare ». — 2. Ed. « casu ».

## DISTINCTIO XXI

De peccatis quæ post hanc vitam dimittuntur

1. — Solet etiam quæri utrum post hanc vitam aliqua peccata remittantur.

2. — Quod aliqua post hanc vitam remittantur, Christus ostendit in Evangelic (Mat., xii, 32) uhi ait : « *Qui peccaverit in Spiritu sancto, non remittetur ei neque in hoc sæculo, neque in futuro.* » Ex quo datur intelligi, sicut Sancti Doctores tradunt, quod quædam peccata in futuro dimittentur. « *Quædam enim culpæ in hoc sæculo relaxantur; quædam vero parvæ etiam in futuro; quæ quidem post mortem gravant, sed dimittuntur, si digni sunt, si bonis actibus in hac vita meruerunt ut dimittantur eis.* » (Gregorius, IV Dial. c. 39; L. 77, 393.)

De illis etiam qui « *ædificant lignum, fenum, stipulam* », dicit Augustinus (lib. XXI de Civi. Dei, c. 26, n. 4; L. 41, 745), quod ignem tribulationis transitorie invenient cremabilia ædificia, quæ secum portaverunt, cremantem.

a. — Ait enim sic : « *Post istius sane corporis mortem, donec de igne purgatorio veniatur ad diem damnationis et remunerationis, si hoc temporis intervallo spiritus defunctorum qui ædificaverunt lignum, fenum, stipulam, hujusmodi ignem dicuntur perpeti, quem alii non sentiunt qui hujusmodi ædificia non portaverunt, ut inveniant ignem transitorie tribulationis venialia concremantem; non redarguo, quia forsitan verum est.* » « *Sed quia dicitur : « Salvus erit quasi per ignem » (7 Cor., m, 15), contemnitur ille ignis. Gravior tamen erit ignis ille quam quidquid potest homo pati in hac vita.* » (Enar. in ps. xxxvii, n. 3; L. 36, 397.)

Hic aperte insinuat quod illi qui ædificant lignum, fenum, stipulam, quædam cremabilia ædificia, idest venialia peccata, secum portant, quæ in igne emendatorio cremantur. Unde constat quædam venialia peccata post hanc vitam deleri.

Quod alii citius, alii tardius, purgantur in igne

3. — In illo autem igne purgatorio alii tardius, alii citius purgantur, secundum quod ista pereuntia magis vel minus amaverunt.

Unde Augustinus (Enchirid., c. 69; L. 40, 265) : « *Post hanc vitam incredibile non est nonnullos fideles per ignem quemdam purgatorium, quanto magis minusve bona pereuntia dillexerunt, tanto tardius citiusque salvari.* »

a. — « *Unde non frustra illa tria distinxit Apostolus, lignum, fenum, stipulam, quæ illi ædificant, qui etsi aliena non rapiunt, rebus tamen infirmitati concessis aliqua dilectione inhærent; qui secundum suos amandi modos, vel diutius, ut lignum, vel minus, ut fenum, vel minimum, ut stipulam, ignem sustinebunt. Qui vero superaedificant aurum, argentum, lapidem pretiosum\*, de utroque igne securi sunt, non solum de illo aeterno,*

1. Quar. « Dominus ». — 2. Ed. om. « parvæ ». — 3. Quar. om. « vel ». — 4. Quar. « lapides pretiosos ».

*qui cruciaturus est impios in æternum, sed etiam de illo emendatorio, quo purgabuntur quidam salvandi.* » (*Enor, in ps. txxx, n. 21 ; L. 37, 1044 ; et in ps. xxxvu, n. 3 ; L. 36, 397.*)

Oppo s i t i o

4. — Hic obijci potest. Si per lignum, fenum, stipulam venialia intelliguntur peccata, et nullus adeo perfectus est qui venialiter non peccet, ergo qui ædificant aurum, argentum, lapidem pretiosum<sup>1</sup>, ædificant etiam lignum, fenum, stipulam ; ergo per ignem transibunt.

Ad quod dicimus, quia non omnis qui venialiter peccat, lignum, fenum, stipulam ædificat ; sicut e converso non omnis qui contemplatur Deum et diligit proximum et opera bona facit ædificat aurum, argentum, lapidem pretiosum<sup>2</sup> ; et tamen in auro intelligitur contemplatio Dei, in argento dilectio proximi, in lapide pretioso bona opera. Sed<sup>3</sup> illi qui ædificant lignum, fenum, stipulam, Deum contemplantur et proximum diligunt et opera bona faciunt ; nec tamen ædificant aurum, argentum, lapidem pretiosum\*.

a. — Hæc enim ædificat qui sic illa tria facit ut cogitet quæ Dei sunt et quomodo placeat<sup>4</sup> Deo, non mundo<sup>5</sup>. « *Lignum vero et fenum et stipula accipi possunt saecularium rerum quamvis licite concessarum tales cupiditates, ut amitti sine animi dolore non possint.* » (*August., Enchirid., c. 68 ; L. 40, 264.*) Hæc ergo ædificat is qui cogitat quæ mundi sunt<sup>6</sup>, quomodo placeat mundo ; « *qui circa divitias suas quodammodo carnali affectu tenetur, et tamen ex eis multa beneficia facit, nec pro eis aliquid fraudis vel rapinae molitur.* » (*August., De fide et operibus, c. 16, n. 27 ; L. 40, 215.*)

Ex his ergo<sup>8</sup> patet quod non idem homo simul hæc et illa ædificat. Illa enim ædificatio perfectorum tantum est, qui non cogitant placere mundo, sed tantum Deo ; qui etsi venialiter aliquando peccant, fervore tamen caritatis ita absumitur in eis peccatum, sicut gutta aquæ in camino ignis ; et ideo nunquam secum portant cremabilia. Hæc autem inferior ædificatio minorum est, qui non tantum Deo, sed etiam mundo placere cogitant, Deum tamen præponunt. Si vero mundum præponerent, non superædificarent, sed destruerent fundamentum.

b. — Affectiones ergo<sup>8</sup> carnales quibus dediti sunt domibus, conjugibus, passionibus, ita ut nihil præponant<sup>10</sup> Christo, illis tribus significantur quæ in mentes perfectorum non cadunt, etsi alia venialia admittant. In cordibus vero minorum interdum durant usque in finem, qui cum talibus ædificiis transeunt, sed dissolventur in igne. Ipsi vero merito fundamenti salvi erunt, gravissimam tamen pœnam sentient. Ex quo apparet quantam hic misericordiam exhibet Deus, et quantam ibi exerceat severitatem, cum pro eodem peccato multo gravius ibi puniat quam hic.

Opinio quorundam cum objectione

5. — Sed forte dices illud esse accipiendum de pœna peccati, non de ipso peccato, quod Gregorius dicit (*lib. IV, Dialog., c. 39 ; L. 77, 393*), quædam levia in futuro dimittenda. Si enim veram pœnitentiam habuerit

1. Quar. « lapides pretiosos ». — 2. Quar. « lapides pretiosos ». — 3. Quar. *ad. et* ». — 4. Quar. « lapides pretiosos ». — 5. Ed. « pareat ». — 6. Quar. *om.* « non mundo ». — 7. Ed. *ad.* « et ». — 8. Quar. « igitur ». — 9. Quar. « igitur ». — 10. Quar. « præponatur ».

■quis, peccata omnia dimissa sunt ei ; sed pœna forte remansit. Ideoque si vere pœnitens obiit, sine peccato transiit. Si autem vere pœnitens non est in obitu, maculam portat quæ nunquam delebitur. Qui vero ædificat lignum, fenum, stipulam, vere pœnitet, quia bonus est et caritatem habet, et in caritate de hac vita transit. Ergo sine peccato transit ?

Non sequitur. Verum quidem est quia bonus est et caritatem habet et vere pœnitet ; et tamen cum veniali peccato transit, quod non delevit pœnitentia. Pœnitentia enim non delet nisi peccatum illud quod deserit homo. Tale autem peccatum sæpe in hac vita non relinquitur ab homine ; et tamen vere pœnitens est, etsi non de omnibus venialibus pœniteat. Potest enim quis de omni mortali et de omni veniali pœnitere, excepto uno vel pluribus venialibus quidem : sicut habet quis caritatem et unum vel plura venialia ; quod de criminalibus nullatenus esse potest. Est enim aliquis bonus caritatem habens, sed adhuc quodam cupiditatis affectu amans hæc sæcularia. Talis existens subita morte opprimitur ; in illo terreno affectu mortuus est, et tamen salvabitur, a quo non se hic absolvit. Ergo post hanc vitam ab illo purgabitur.

Constat ergo quædam peccata, sed levia, post hanc vitam dimitti. Si vero de pœna peccati illud intelligi voluissent auctores, cur magis commémorassent levia quam gravia, cum etiam gravium pœna hic inexpléta post hanc vitam restet ?

#### De generali confessione, quid prosit

6. — Post hæc considerandum est quid prosit confessio illa ubi singula peccata quæ quisque fecit, non exprimuntur.

a. — Sane dici potest quod omnia criminalia semel saltem oportet in confessione exprimi, nisi aliqua a mente exciderint. Sed quia nemo delicta intelligit omnia, generaliter saltem ea confitere quorum memoriam non habes ; et sic nihil celasti de sceleribus tuis.

b. — Venialia vero, quia innumerabilia sunt, sufficit generaliter confiteri, nisi aliqua sint frequenter iterata ; perfectius est tamen etiam illa exprimere, si vales. Ideoque quotidie generaliter fit confessio in Ecclesia, pro venialibus scilicet peccatis quæ quotidie admittimus, et pro illis mortiferis quorum notitiam non habemus.

Unde Augustinus (lib. V, *Hypogosticon*, c. 1, n. 1 ; L. 45, 1649) : « Veritatem dicit Deo pœnitens, quod nihil illi de commissis sceleribus celat ; non quod si veritatem celaverit, Deus ignoret, sed veritatem sibi dici vult ab eo ut veniam consequatur. Si vero mente aliqua exciderint, confitetur veritatem Deo, cum generaliter dixerit : « Deus qui nosti occulta cordis, tu scis opera mea, et delicta a te non sunt abscondita » ; quibus veniam largiaris precor\*, et hæc est veritas confitentis quam diligit Deus. » Unde (ps. L, 8) : « Ecce enim veritatem dilexisti. »

Hic insinuatur quod generalis confessio etiam mortalia delet, quorum intelligentia non habetur.

#### Nemo confiteatur peccata quæ non fecit

7. — Sicut autem pœnitens celare non debet peccatum suum, quia superbia est ; ita nec humilitatis causa fateri se reum illius quod se non commisisse noscit, quia incauta est talis humilitas et peccatorem constituit.

1. Quar. « utrum ». — 2. Quar. « quis ». — 3. Quar. om. « tu scis » et habet « et ». — 4. Quar. om. « precor ». — 5. Quar. om. « suum ».

Unde Augustinus (*Serm.* 181, c. 4, n. 5 ; L. 38, 981) : « *Cum humilitatis causa mentiris, si non eras peccator antequam mentireris, mentiendo efficeris quod vitaras. Veritas in te non est, nisi ita te dixeris peccatorem, ut etiam esse cognoscas. Veritas autem ipsa est ut quod es, dicas. Nam quomodo est veritas, ubi regnat jalsitas ?* »

#### De PŒNIS SACERDOTIS QUI PECCATUM PUBLICAT CONFITENTIS

**8.** — Caveat autem sacerdos ne peccata confitentium aliis prodat, alioquin deponatur.

Unde Gregorius (*Decr. de pœn.* d. 6, cap. « Sacerdos » ; L. 187, 1640) : « *Sacerdos ante omnia caveat ne de his quæ ei confitentur peccata alicui recitet, non propinquis, non extraneis, nec, quod absit, pro aliquo scandalo. Nam si hoc fecerit, deponatur, et omnibus diebus vitæ suæ ignominiosus peregrinando pergat.* »

**9.** — « Quod vero dictum est (d. 17, **7a**), ut pœnitens eligat sacerdotem scientem ligare et solvere videtur contrarium ei quod in canonibus reperitur, ut nemo scilicet alterius parochianum judicare præsumat.

**a.** — Sed aliud est favore vel odio proprium sacerdotem contemnere : quod canones prohibent ; aliud cæcum vitare : quod Urbanus facere monet, ne si cæcus cæcum ducat, ambo in foveam cadant. Ait enim (in *Decret.*, d. 6, *de pœnit.*, cap. « Placuit » ; L. 187, 1640) : « *Placuit ut nulli sacerdotum deinceps liceat quemlibet commissum alteri sacerdoti ad pœnitentiam suscipere, sine ejus consensu cui se prius commisit, nisi pro ignorantia illius cui prius confessus est. Qui vero contra hoc facere lentaverit, gradus sui periculo subiacebit.* »

#### DIVISIO TEXTUS

**10.** — « Solet quæri utrum post hanc vitam, etc.<sup>1</sup> » **(1)**

Postquam determinavit Magister de tempore pœnitentiæ, *hic movet quasdam quæstiones contra determinata et eas solvit.*

Et dividitur in partes duas. *In prima* movet quæstionem circa tempus pœnitentiæ ; *in secunda* circa confessionem quæ a pœnitentibus requiritur, ibi : « Post hoc considerandum est, etc. » **(0)**.

*Prima in tres.* *In prima* movet quæstionem circa determinata. Dixerat enim quod tempus pœnitentiæ usque ad finem vitæ durat ; et cum omnia per pœnitentiam in hac vita dimittantur peccata, inquit utrum post hanc vitam aliqua peccata dimitti possint. *Secundo* determinat veritatem secundum auctoritates Sanctorum, ibi : « Quod aliqua post hanc vitam, etc. » **(2)** *In tertia* refellit quorundam responsionem ad auctoritates inductas, ibi : « Sed forte dices, etc. » **(5)**

Circa secundum *duo* facit. *Primo* determinat veritatem quæstionis motæ. *Secundo* ex veritate determinata quamdam dubitationem movet, ibi : « Hic objici potest. Si per lignum<sup>2</sup>, etc. » **(4)**

Circa primum *duo* facit. *Primo* ostendit quod post hanc vi-

1. Ed. *om.* « Solet quæri », — 2. Ed. *om.* \* si per lignum ».

tam aliqua peccata dimittuntur in purgatorio. *Secundo* ostendit quod quidam tardius a peccatis ibi purgantur, ibi : « In illo autem igne citius quidam! etc. » (3)

« Post hæc considerandum est, etc. » (6) *Hic movet quæstiones circa determinata prius de confessione.* Et *primo* ex parte confitentis ; *secundo* ex parte confessoris, qui scilicet confessionem audit, ibi : « Caveat autem sacerdos, etc. » (8)

Circa primum *duo* quærit. *Primo* utrum quis debeat singula peccata confiteri quæ fecit ; *secundo* utrum debeat confiteri quæ non fecit, ibi : « Sicut autem pœnitens, etc. » (7)

« Caveat autem, etc. » (8) *Hic etiam duo* determinat ex parte confessoris : *primo* ut peccatum celet ; *secundo* quod non quilibet<sup>3</sup> sacerdos confessionem cujuslibet audiat, ibi : « Quod vero dictum est, etc. » (9)

Hic est triplex quæstio.

Prima de purgatorio.

Secunda de confessione generali.

Tertia de sigillo confessionis quo peccata celantur.

## QUÆSTIO I

Circa primum quærentur tria

*Primo*, de ipso purgatorio.

*Secundo*, de ligno, feno et stipula, quæ in purgatorio purgantur.

*Tertio*, de effectu purgatorii.

### ARTICULUS I

[I]

[*V Cg.* c. 91 ; *Contra error. Grecæ.* c. 32 et ult. ; *Compend. Theol.* c. 181,182 ; *Contra error. Arm. et Sar.* c. 9.]

**11. — AD PRIMUM SIC PROCEDITUR.** Videtur quod **PURGATORIUM NON SIT POST HANC VITAM.**

1. *Apoc.*, xiv, 13, dicitur : « *Beati mortui qui in Domino moriuntur. A modo jam dicit Spiritus ut requiescant a laboribus suis.* » Ergo his qui in Domino moriuntur, non manet aliquis

1. Ed. *om.* « citius quidam ». — 2. Ed. *om.* per *homot.* « fecit ; *secundo* utrum debeat confiteri quæ ». — 3. Ed. « quisque ».

purgatorius labor post hanc vitam. Nec illis qui non in Domino moriuntur, quia illi purgari non possunt. Ergo purgatorium post hanc vitam non est.

2. **Præterea.** *Sicut* se habet caritas ad præmium æternum, *ita* peccatum mortale ad supplicium æternum. Sed decedentes in peccato mortali statim ad supplicium æternum deportantur. Ergo decedentes in caritate statim ad præmium vadunt. Et *ita* non manet eis aliquod purgatorium post hanc vitam.

3. **Præterea.** Deus qui est summe misericors, pronior est ad præmiandum bona quam ad puniendum mala. Sed *sicut* illi qui sunt in statu caritatis, faciunt aliqua mala quæ non sunt digna supplicio æterno, *ita* illi qui sunt in peccato mortali, interdum faciunt aliqua bona ex genere, quæ non sunt digna præmio æterno. Ergo cum illa bona non præmientur in damnandis post hanc vitam, nec illa mala debent post hanc vitam puniri. Et sic idem quod prius.

12. — **SED CONTRA**, II *Mach.*, xu, 46, dicitur : « *Sancta est ei salubris cogitatio pro defunctis exorare, ut a peccatis solvantur.* » Sed pro defunctis qui sunt in paradiso, non est orandum, quia illi nullo indigent. Nec iterum pro illis qui sunt in inferno, quia illi a peccatis solvi non possunt. Ergo post hanc vitam sunt aliqui a peccatis nondum absoluti qui solvi possunt. Et tales caritatem habent, sine qua non fit peccatorum remissio ; quia « *universa delicta operit caritas* » ; *Prov.*, x, 12. Unde ad mortem æternam non devenient, quia « *qui vivit et credit in me, non morietur in æternum* » ; *Joan.*, xi, 26. Nec ad gloriam inducentur nisi purgati ; quia nihil immundum ad illam perveniet, ut patet *Apoc.*, ult. 15. Ergo aliqua purgatio restat post hanc vitam.

13. — **Præterea.** Gregorius Nyssenus dicit<sup>2</sup> : « *Si aliquis Christo amico consentiens in hac vita purgare peccata minus potuerit, post transitum hinc per purgatorii ignis conflationem expeditur.* » Ergo post hanc vitam restat aliqua purgatio.

## [II]

14. — **ULTERIUS.** Videtur quod non sit idem locus  
**QUO ANIME PURGANTUR ET QUO DAMNATI PUNIUNTUR.**

1. Quia poena damnatorum est æterna, ut patet<sup>3</sup> *Mat.*, xxvi, 46 : « *Ibunt hi in ignem æternum* ». Sed purgatorius ignis est temporalis, ut supra (2a, 3) Magister dixit. Ergo non simul puniuntur hi et illi eodem igne. Et sic oportet loca esse distincta.

2. **Præterea.** Poena inferni nominatur pluribus nominibus, ut in *ps.* x, 7, « *ignis, sulphur et spiritus procellarum, etc.* » Sed

1. Ed. *om.* « illi ». — 2. Ed. *ad.* « quod ». — 3. Ed. « dicitur ».

pœna purgatorii non nisi uno nomine nominatur, scilicet « *ignis* ». Ergo non eodem igne et eodem loco puniuntur.

3. **Praeterea.** Hugo de Sancto Victore dicit (lib. II *De sacram.*, p. 16, c. 4; L. 176, 586) : « *Probabile est quod in his locis puniuntur in quibus commiserunt culpam.* » Gregorius etiam in *Dial.* (lib. IV, c. 40; L. 77, 396), narrat quod Germanus Episcopus Capuanus Paschasium qui in balneis purgabatur, invenit. Ergo in loco inferni non purgantur, sed in hoc mundo.

15. — **SED CONTRA** est quod Gregorius (Augustinus *De civ. Dei*, c. 8; L. 41, 20) dicit quod « *sicut sub eodem igne aurum rutilat et palea fumat; ita sub eodem igne peccator crematur, ei electus purgatur.* » Ergo idem est ignis purgatorii et inferni. Et sic in eodem loco sunt.

16. — **Praeterea.** Sancti Patres ante adventum Christi fuerunt in loco digniori quam sit locus in quo purgantur animæ post mortem; quia non erat ibi aliqua pœna sensibilis. Sed locus ille erat conjunctus inferno, vel idem quod infernus; alias Christus ad limbum descendens non diceretur « *ad inferos* » descendisse. Ergo et purgatorium est in eodem loco, vel juxta infernum.

### [III]

17. — **ULTERIUS.** Videtur quod pœna purgatorii non EXCEDAT OMNEM PœNAM TEMPORALEM HUIUS VITÆ.

1. Quanto enim aliquid est magis passivum, tanto magis affligitur, si sensum læsionis habeat. Sed corpus est magis passivum quam anima separata; *lum* quia habet contrarietatem ad ignem agentem; *tum* quia habet materiam quæ est susceptiva qualitatis agentis: quod de anima non potest dici. Ergo major est pœna quam corpus patitur in hoc mundo, quam pœna qua anima purgatur post hanc vitam.

2. **Praeterea.** Pœna purgatorii directe contra venialia ordinatur. Sed venialibus, cum sint levissima peccata, levissima pœna debetur, si « *secundum mensuram delicti sicut plagarum modus* ». (*Dei.*, xxv, 2) Ergo pœna purgatorii est levissima.

3. **Praeterea.** Reatus, cum sit effectus culpæ, non intenditur nisi culpa intendatur. Sed in illo cui jam culpa dimissa est, non potest culpa intendi. Ergo in eo cui culpa mortalis dimissa est, pro qua non plene satisfecit, reatus non crescit in morte. Sed in hac vita non erat ei reatus respectu gravissimæ pœnæ. Ergo pœna quam patietur post hanc vitam non erit ei gravior omni pœna istius vitæ.

18. — **SED CONTRA** est quod Augustinus (*Serm. suppos.* serm. 104; L. 39, 1947) dicit in quodam sermone: « *Ille ignis*

*purgatorii durior erit quam quidquid in hoc saeculo poenarum aut sentire aut videre aut cogitare quis potest.* »

**19. — Præterea.** Quanto pœna est universalior, tanto major. Sed anima separata tota punitur, cum sit simplex. Non autem ita est de corpore. Ergo illa pœna quæ est animæ separatæ, est major omni pœna quam corpus patitur.

## [IV]

**20. — ULTERIUS.** Videtur quod illa pœna est<sup>2</sup> voluntaria.

1. Quia illi qui sunt in purgatorio, rectum cor habent. Sed hæc est rectitudo cordis, ut quæ voluntatem suam voluntati divinæ conformet, ut Ambrosius (II *De vocatione Geni.*, c. 2; L. 51, 649) dicit. Ergo cum Deus velit eos puniri, ipsi illam pœnam voluntarie sustinent.

2. **Præterea.** Omnis sapiens vult illud sine quo non potest pervenire ad finem intentum. Sed illi qui sunt in purgatorio, sciunt se non posse pervenire ad gloriam nisi prius puniantur. Ergo volunt puniri.

**21. — SED CONTRA.** Nullus petit liberari a pœna quam voluntarie sustinet. Sed illi qui sunt in purgatorio, petunt liberari, sicut patet permulta quæ in *Dialogo* (lib. IV, c. 40 et 55; L. 77, 397, 417) narrantur. Ergo non sustinent illam pœnam voluntarie.

## [V]

**22. — ULTERIUS.** — Videtur quod animæ in purgatorio **PER DÆMONES PUNIANTUR.**

1. Quia, sicut infra d. 473 dicit Magister, « *illos habebunt tortores in pœnis quos habuerunt incitores in culpa.* » Sed dæmones incitant ad culpam non solum mortalem, sed etiam venialem, quando aliud non possunt. Ergo etiam in purgatorio ipsi animas pro peccatis venialibus torquebunt.

2. **Præterea.** Purgatio a peccatis competit justis et in hac vita et post hanc vitam. Sed in hac vita purgantur per pœnas a diabolo inflictas, sicut patet de Job. Ergo etiam post hanc vitam a dæmonibus punientur purgandi.

**23. — SED CONTRA.** Injustum est ut qui de aliquo triumphavit. ei subjiciatur post triumphum. Sed illi qui sunt in purgatorio, de dæmonibus triumphaverunt sine peccato mortali decedentes. Ergo non subjicientur eis puniendi per eos.

**24. — RESPONSIO.** Dicendum **AD PRIMAM QUÆSTIONEM** quod ex illis quæ supra (d. 14, q. 2, a. 1, sol. 2) determi-

nata sunt, **satis potest constare purgatorium esse post hanc vitam.** Si enim per contritionem deleta culpa non tollitur ex toto reatus pœnæ, nec etiam semper venialia dimissis mortalibus tolluntur; et justitia Dei hoc exigit ut peccatum per pœnam debitam ordinetur; oportet quod ille qui post contritionem de peccato decedit et absolutionem ante satisfactionem debitam, quod post hanc vitam puniatur.

**25. — Et ideo illi qui purgatorium negant, contra divinam justitiam loquuntur.** Et propter hoc erroneum est et a fide alienum. Unde Gregorius Nyssenus post prædicta verba subiungit: « *Hoc prædicamus, dogma veritatis servantes, et ita credimus.* »

**26. — Hoc etiam universalis Ecclesia tenet,** « *pro defunctis exorans ut a peccatis solvantur* »: quod non potest nisi de illis qui sunt in purgatorio intelligi. Ecclesiæ autem auctoritati quicumque resistit, hæresim incurrit.

**27. — AD PRIMUM** ergo dicendum quod *auctoritas illa loquitur de labore operationis ad merendum* et non de labore passionis ad purgandum.

**28. — Ad secundum** dicendum quod « *malum* » non habet causam perfectam, sed « *ex singularibus defectibus contingit* »; sed « *bonum ex una causa perfecta consurgit* », ut Dionysius dicit (*De div. nom.*, c. 4, n. 30; G. 3, 730). Et ideo quilibet defectus impedit a perfectione boni; sed non quodlibet bonum impedit consummationem aliquam mali; quia nunquam est malum sine aliquo bono. Et ideo peccatum veniale impedit habentem caritatem ne ad perfectum bonum deveniat, scilicet vitam æternam, quamdiu purgatur. Sed *peccatum mortale non potest impediri per aliquod bonum adjunctum, quominus statim ad ultimum malorum perducatur.*

**29. — Ad tertium** dicendum quod ille qui in peccatum mortale incidit, omnia bona ante acta mortificat; et quæ in peccato mortali existens facit, mortua sunt; quia ipse Deum offendens, omnia bona meretur amittere quæ a Deo habet. *Unde ei qui in peccato mortali decedit, non manet aliquod præmium post hanc vitam* sicut manet aliquando pœna ei qui in caritate decedit, quæ non semper delet omne malum quod invenit, sed solum hoc quod est sibi contrarium.

**30. — AD SECUNDAM QUÆSTIONEM** dicendum quod de loco purgatorii non invenitur aliquid expresse determinatum in Scriptura, nec rationes ad hoc possunt efficaces induci. **Tamen probabiliter, et secundum quod consonat magis Sancto-**

**rum dictis et revelationi factæ multis, locus purgatorii est duplex.**

**31.** — *Unus secundum legem communem.* Et sic locus purgatorii est locus inferior inferno conjunctus, ita quod idem ignis sit qui damnatos cruciat in inferno et qui justos in purgatorio purgat; quamvis damnati secundum quod sunt inferiores merito, et loco inferiores ordinandi sint.

**32.** — *Alius est locus purgatorii secundum dispensationem.* Et sic quandoque in diversis locis aliqui puniti leguntur, vel ad vivorum instructionem, vel ad mortuorum subventionem, ut viventibus eorum pœna innotescens, per suffragia Ecclesiæ mitigaretur.

**33.** — *Quidam tamen dicunt quod secundum legem communem locus purgatorii est ubi homo peccat: quod non videtur probabile,* quia simul potest homo puniri pro peccatis quæ in diversis locis commisit.

**34.** — *Quidam vero dicunt quod puniuntur supra nos secundum legem communem; quia sunt medii inter nos et cælum quantum ad statum.*

**Sed hoc nihil est;** quia non puniuntur pro eo quod supra nos sunt, sed pro eo quod est infimum in eis, scilicet peccatum.

**35.** — **AD PRIMUM** ergo dicendum quod ignis purgatorius est æternus quantum ad substantiam, sed temporalis quantum ad effectum purgationis.

**36.** — **Ad secundum** dicendum quod *poena inferni esi ad affligendum.* Et ideo nominatur omnibus illis quæ hic nos affligere consueverunt. *Sed pœna purgatorii est principaliter ad purgandum reliquias peccati.* Et ideo sola pœna ignis purgatorio attribuitur, quia ignis habet purgare et consumere.

**37.** — **Ad tertium** dicendum quod *ratio illa procedit secundum dispensationem specialem*<sup>1</sup>, et non secundum legem communem.

**38.** — **AD TERTIAM QUÆSTIONEM** dicendum quod in purgatorio erit *duplex* pœna: *una damni*, in quantum scilicet retardantur a divina visione; *alia sensus*, secundum quod ab igne corporali punientur. **Et quantum ad utrumque pœna purgatorii minima excedit maximam pœnam hujus vitæ.**

**39.** — Quanto enim aliquid magis desideratur, tanto ejus absentia est molestior. Et quia affectus quo desideratur summum bonum, post hanc vitam in animabus sanctis est intensissimus<sup>2</sup>, quia non retardatur affectus mole corporis, et etiam quia terminus fruendi summo bono jam advenisset, nisi aliquid impediret; ideo de tardatione maxime dolent.

**40.** — Similiter etiam cum dolor non sit læsio, sed læsionis

1. Ed. om. « specialem ». — 2. ζη « intensius ».

sensus ; tanto aliquis magis dolet de aliquo læsivo, quanto magis est sensitivum. Unde læsiones quæ fiunt in locis maxime sensibilibus, sunt maximum dolorem causantes. Et quia totus sensus corporis est ab anima ; ideo si in ipsam animam aliquid læsivum agat, de necessitate oportet quod maxime affligatur. Quod autem anima ab igne corporali patiatur, hoc ad præsens supponimus, quia de hoc infra 44 d2. (q. 3, a. 3, sol. 3, c.) dicitur.

Et ideo oportet quod pœna purgatorii quantum ad pœnam dampni et sensus excedat omnem pœnam istius vitæ.

**41.** — *Quidam* autem assignant rationem ex hoc quod anima tota punitur, non autem corpus.

**Sed hoc nihil est** ; quia sic pœna damnatorum esset minor post resurrectionem quam ante : quod falsum est.

**42.** — **AD PRIMUM** ergo dicendum quod quamvis *anima* sit minus passiva quam corpus, tamen *est magis cognosciliva passionis*. Et ubi est major passionis sensus, *ibi est major dolor*, etiamsi sit minor passio.

**43.** — **Ad secundum** dicendum quod *acerbitas illius pœnæ non est tantum ex quantitate peccati, quantum ex dispositione puniti* ; quia idem peccatum gravius punitur ibi quam hic : sicut ille qui est melioris complexionis, magis punitur eisdem plagis impositis quam alius ; et tamen iudex utrique easdem plagas pro eisdem culpis inferens juste facit.

Et per hoc etiam patet solutio **ad tertium**.

**44.** — **AD QUARTAM QUÆSTIONEM** dicendum quod aliquid dicitur voluntarium *dupliciter. Uno modo voluntate absoluta*. Et sic nulla pœna est voluntaria, quia ex hoc est ratio pœnæ quod voluntati contrariatur.

**45.** — *Alio modo* dicitur aliquid voluntarium *voluntate conditionala* : sicut ustio est voluntaria propter sanitatem consequendam.

**46.** — Et sic *aliqua pœna potest esse voluntaria dupliciter*.

*Uno modo, quia* per pœnam aliquid bonum acquirimus ; et sic ipsa voluntas assumit pœnam aliquam, ut patet in satisfactione. *Vel etiam quia* ille libenter eam accipit, et non vellet eam non esse ; sicut accidit in martyrio.

**47.** — *Alio modo, quia* quamvis per pœnam nullum nobis bonum accrescat, tamen *sine pœna ad bonum pervenire non possumus*, sicut patet de morte naturali. Et tunc voluntas non assumit pœnam, et vellet ab ea liberari, sed eam supportat ; et quantum ad hoc voluntaria dicitur. **Et sic pœna purgatorii est voluntaria.**

48. — Quidam autem dicunt quod non est aliquo modo voluntaria, quia sunt ita absorpti pœnis quod nesciunt se per pœnam purgari, sed putant se esse damnatos.

49. — **Sed hoc est falsum** ; quia nisi scirent se liberandos, suffragia non peterent : quod frequenter faciunt.

Et per hoc patet solutio ad objecta.

50. — **AD QUINTAM QUÆSTIONEM** dicendum quod *sicut* post diem iudicii divina justitia succendet ignem quo damnati in perpetuum punientur ; *ita* etiam nunc **solâ justitia divina electi post hanc vitam purgantur** ; *non ministerio dæmonum*, quorum victores exstiterunt ; *nec ministerio angelorum*, quia cives suos non tam vehementer affligerent.

*Sed tamen possibile est quod eos ad loca pœnarum deducant.* Et etiam ipsi dæmones qui de pœnis hominum lætantur, eas concomitantur<sup>1</sup> et assistunt<sup>2</sup> purgandis, *tum* ut de eorum pœnis satientur, *tum* ut in eorum exitu a corpore aliquid suum ibi reperiant.

51. — *In hoc autem sæculo*, quando adhuc locus pugnæ est, *puniuntur homines et a malis angelis*, sicut ab hostibus, ut patet de Job (I et II) ; *et a bonis*, sicut patet de Jacob (Gen., xxxn, 25), *cujus nervus femoris angelo percussente emarcuit.*

Et hoc etiam expresse Dionysius dicit in 4 cap. *De dic. nom.* (n. 22 ; G. 3, 723) quod boni angeli interdum puniunt.

Et per hoc patet solutio ad objecta.

## ARTICULUS II

[I]

[*Infra*, d. 46, q. 2, a. 3, sol. 3. ad 3 ; I-II, q. 89, a. 2 ; *I Cor.* c. 3, l. 2.]

52. — **AD SECUNDUM SIC PROCEDITUR.** Videtur quod **LIGNUM, FENUM ET STIPULA QUÆ SUPERÆDIFICARI DICUNTUR SUPRA POSITUM FUNDAMENTUM, NON SINT PECCATA VENIALIA.**

1. Quia supra id quod est summum, nihil potest ædificari. Sed fundamentum spiritualis ædificii, est in summo, ut Glossa dicit. Ergo non potest super ipsum ædificari.

2. **Praeterea.** Ædificium per fundamentum sustentatur. Sed peccata venialia non sustentantur per fundamentum spirituale quod est fides per dilectionem operans. Ergo lignum, fenum et stipula quæ ædificantur, non sunt peccata venialia.

3. **Praeterea.** Is., v, 8, super illud : « *Væ qui conjungitis domum ad domum* », dicit Hieronymus (L. 24, 79) : « *Hæretici dogmata dogmatibus conjungunt ; et qui per fundamentum debuerunt ædi-*

1. Ed. « comitentur ». — 2. Ed. « assistant ».

*ficare aurum, argentum el lapides pretiosos, ædificant lignum, fenum el stipulam.* » Sed hæretici dogmata falsa confingentes, non peccant venialiter, sed mortaliter<sup>1</sup>. Ergo lignum, fenum et stipula non sunt peccata venialia.

4. **Præterea.** Secundum Ambrosium (*I Cor.*, c. 3 ; L. 17, 210) apostolica doctrina est fundamentum. Ille autem superædificat qui veniens post Apostolos docet, sive malus sive bonus sit. Sed bene docentes post Apostolos ædificant aurum, argentum et lapides pretiosos, in quibus doctrina praeclara significatur<sup>2</sup>; mali autem lignum, fenum et stipulam in quibus vana et frivola doctrina significatur; sed vana doctrina et frivola est peccatum mortale. Ergo per lignum, fenum et stipulam, mortalia peccata intelliguntur, et non venialia.

**53. — SED CONTRA** est quod dicitur in *Littera* (2a) per verba Augustini.

## [II]

[I-II, q. 89, a. 2; *I Cor.*, c. 3, l. 2.]

**54. — ULTERIUS.** Videtur quod udem sint qui utraque **SUPERÆDIFICANT.**

1. Quia, secundum Augustinum (4), per aurum significatur<sup>3</sup> Dei contemplatio; per argentum dilectio proximorum; per lapides pretiosos bona opera. Sed illi qui inordinatos affectus aliquos habent ad res temporales, qui dicuntur lignum, fenum et stipulam ædificare, contemplantur aliquando Deum et diligunt proximum et aliqua bona opera faciunt. Ergo iidem sunt qui ædificant utraque.

2. **Præterea.** Sicut in *Littera* (4aj) dicitur, « *illi ædificant aurum, argentum el lapides pretiosos, qui cogitant quæ Dei sunt, quomodo placeant Deo.* » Sed tales etiam aliqua venialia committunt, ut patet *I Joan.*, i, 10, qui per lignum, fenum et stipulam intelliguntur. Ergo iidem sunt qui utraque superædificant.

**55. — SED CONTRA** est quod Augustinus dicit<sup>4</sup> (3a), quod « *illi qui ædificant aurum, argentum et lapides pretiosos, sunt securi* »; sed illi qui ædificant lignum, fenum et stipulam, non sunt securi. Ergo non sunt iidem qui utraque ædificant.

## [III]

[I-II, q. 89, a. 2; *I Cor.*, c. 3, l. 2.]

**56. — ULTERIUS.** Videtur quod venialia etiam mortali **ADJUNCTA SINT LIGNUM, FENUM ET STIPULA, UT NON PUNIANTUR ETIAM .ETERNALITER IN DAMNATIS, SED TEMPORALITER.**

1. Ed. *om.* « sed mortaliter ». — 2. Ed. « signatur ». — 3. Ed. « signatur ». — 4. Ed. *ad.* « in *Littera* ».

1. Quia secundum distantiam culparum debet esse distantia poenarum. Sed culpa mortalis in infinitum excedit venialem. Ergo et pœna poenam. Sed hoc non potest esse secundum acerbitatem, quia acerbitas utriusque pœnæ est finita. Ergo oportet quod hoc sit secundum ducationem : quod non esset, si veniale æternaliter puniretur.

2. **Præterea.** « *Non est personarum acceptio apud Deum* », ut dicitur *Rom.*, n, 11. Sed videretur esse, si pro eadem culpa unum plus et alium minus puniret. Cum ergo pro culpa veniali justus temporaliter puniatur, etl damnatus non æternaliter, sed temporaliter punietur.

57. — **SED CONTRA.** *Mat.*, v, 26 : « *Non exies inde, donec reddas novissimum quadrantem* ». *Glossa*<sup>2</sup> : « *idest minuta peccata.* » Sed ille qui in peccato mortali decedit, nihil<sup>3</sup> potest redere. Ergo pro peccatis venialibus punietur æternaliter.

58. — **RESPONSIO.** Dicendum **AD PRIMAM QUÆSTIONEM** quod venialia caritati adjuncta possunt per aliquam pœnam consumi. Et ideo convenienter secundum metaphoram significantur<sup>4</sup> illa quæ per ignem consumuntur. Et quia quanto aliquod peccatum est gravius, tanto difficilius purgatur — in peccatis autem venialibus invenitur alterum altero gravius — ideo convenienter eorum diversitas significatur<sup>5</sup> per diversitatem eorum quæ facilius et tardius consumuntur ab igne.

59. — Et quia perfectio cujuslibet quantitatis ternario comprehenditur, propter principium, medium et finem ; ideo triplex differentia ponitur. Quia *quædam sunt gravissima* in genere venialium et difficillime purgabalia, et hæc per **ignum** significantur<sup>6</sup> ; *quædam minima*, quæ per **stipulam** ; *quædam media*, quæ per **fenum** significantur<sup>7</sup>.

60. — **AD PRIMUM** ergo dicendum quod *sicut* fundamentum transsumitur ad spiritualia *ratione prioritatis* et non ratione inferioritatis ; *ita superædificari dicuntur* non quæ superius, sed quæ posterius fiunt.

61. — **Ad secundum** dicendum quod venialia non dicuntur superædificari quasi ex fundamento stabilitatem habentia. Dicitur<sup>8</sup> aliquid super fundamentum poni *tripliciter*.

*Uno modo directo situ*, quod supra fundamentum firmatur ; et sic solum bona opera fidei formate quæ fundamentum dicitur, superædificantur.

*Alio modo dicitur esse super*, quod est *juxta*, sicut patet in

1. Ed. « etiam ». — 2. Ed. *om.* « Glossa ». — 3. Ed. *om.* « nihil ». — 4. Ed. « signantur ». — 5. Ed. « signatur ». — 6. Ed. « signantur ». — 7. Ed. « signantur ». — 8. Ed. *ad.* « enim ».

ps. (cxxxvi, 1) : « *Super flumina Babylonis* ; » et sic venialia superædificantur, quia fundamentum non destruunt, sed simul cum fundamento sunt.

*Alio modo* dicitur esse super, quod est post ; sicut Ezech., ult. 3 : « *Super terminum Aser* », idest post, ut Glossa dicit ; et sic etiam mortalia possunt superædificari, quæ fundamentum destruunt.

62. — Vel, secundum Quosdam, per lignum, fenum et stipulam non intelliguntur ipsa venialia, sed opera bona quibus aliquis motus venialis peccati se immiscet ; et hæc superædificantur quantum ad id quod est boni in eis, et non quantum ad id quod habent de veniali.

63. — **Sed hoc non videtur esse secundum intentionem** Apostoli et Augustini ; quia tunc non esset distinctio inter lignum, fenum et stipulam et aurum, argentum et lapidem pretiosum.

64. — **Ad tertium** dicendum quod **in sacra Scriptura præter principalem sensum quem Auctor intendit, possunt alii sensus non incongrue aptari.** Et sic Hieronymus per adaptationem quamdam loquitur et non secundum intentionem Apostoli.

65. — **Ad quartum** dicendum quod **aliqui etiam male docentes quandoque non mortaliter, sed venialiter peccant** : sicut quando aliqua inutilia docent, vel aliquis motus inanis gloriæ eis insurgit.

*Vel dicendum* quod loquitur secundum eundem modum sicut Hieronymus.

66. — **AD SECUNDAM QUÆSTIONEM** dicendum quod aurum, argentum et lapis pretiosus et lignum, fenum et stipula, possunt *dupliciter* exponi.

*Uno modo* ita quod *quælibet bona opera* dicantur aurum, argentum etc. ; et *quælibet venialia* dicantur lignum, fenum et stipula. **Et sic non est dubium quod iidem ædificant utraque** ; sed quidam dicuntur hæc et quidam illa ædificare, secundum quod eis magis insistent : sicut etiam activi a contemplativis distinguuntur, quamvis et contemplativi aliquid agunt et activi aliquid contemplentur aliquando.

67. — *Alio modo* ita quod per aurum, argentum et lapidem pretiosum intelligantur *solum opera perfectorum* ; et per lignum, fenum et stipulam superædificata intelligantur *venialia eorum qui sollicitudinem de rebus temporalibus gerunt*, non soli Deo vacantes. **Et tunc patet quod non sunt iidem qui utraque ædificant** ; quia *imperfecti*, et si bona opera faciunt, tamen obscurantur ex sollicitudinibus hujus mundi, ut claritatem auri et

argenti et lapidis pretiosi non habeant. Et similiter *perfecti*, etsi aliqua venialia habeant, tamen ex fervore caritatis in eis consumuntur, et ex sollicitudine continua quam de purgatione propria habent. **Et ideo non dicuntur ea supraedificare**, quia habitualiter in eis non manent. Et tales secuti sunt, quia nihil est in eis purgabile.

Et secundum hoc patet solutio ad objecta.

**68. — AD TERTIAM QUÆSTIONEM** dicendum quod *culpa non potest ordinari nisi per pœnam*. Et quia Deus nihil inordinatum relinquit, ideo nunquam culpam sine pœna dimittit. In illis autem qui damnantur, non potest aliqua culpa dimitti, nec aliquis reatus tolli, cum caritate careant, per quam et culpa purgatur et reatus tollitur. Et ideo culpa venialis in eis semper manebit, vel reatus ejus, si etiam ante peccatum mortale veniale dimissum fuisset quantum ad culpam, manente reatu. **Et propter hoc aeternaliter damnati de venialibus puniuntur.**

**69. — AD PRIMUM** ergo dicendum quod peccatum mortale meretur pœnam æternam<sup>3</sup> in quantum gratiam tollit et a Deo æterno separat. Et secundum hoc in infinitum distat a veniali. In illo ergo qui gratia caret et a Deo in perpetuum separatus est, *per accidens* veniali æterna pœna debetur *ratione subjecti*, quæ per se debetur mortali.

**70. — Ad secundum** dicendum quod non est ibi aliqua personarum acceptio; quia in justo est gratia, cujus virtute culpa ejus purgatur vel reatus, quæ caret damnati. Et ideo eorum culpa vel reatus per pœnam expiari non potest. Et sic patet quod venialia *per accidens* habent, mortalibus adjuncta in damnatis, quod non sunt lignum, fenum et stipula.

### ARTICULUS III

#### [I]

[Supra d. 16, q. 2, a. 2, sol. 2; *Compend. Theol.* c. 182; *Mat.* c. 12.]

**71. — AD TERTIUM SIC PROCEDITUR.** Videtur quod **PER PŒNAM PURGATORII NON EXPIETUR PECCATUM VENIALE QUOAD CULPAM.**

1. Quia super illud I *Joan.*, v, 16: « *Est peccatum ad mortem,* » etc., dicit Glossa (Gregorii, xvi *Mor.*, c. 68; L. 75, 1160): « *Quod in hac vita non corrigitur, frustra post mortem ejus venia postulatur.* » Ergo nullum peccatum post hanc vitam quoad culpam dimittitur.

1. Ed. « etiamsi ». — 2. Ed. *ad.* « illis ». — 3. Ed. *om.* « æternam ».

2. **Præterea.** Ejusdem est labi in peccatum et a peccato liberari. Sed anima post mortem non potest peccare venialiter. Ergo nec a peccato veniali absolvi.

3. **Præterea.** Gregorius dicit (*IV Dial.* c. 39 ; L. 77, 396), quod talis in judicio quisque futurus est, qualis de corpore exivit ; quia « *lignum ubi ceciderit, ibi erit* » ; *Eccli.*, xi, 3. Si ergo aliquis in hac vita exit cum veniali, in judicio cum veniali erit. Et ita per purgatorium non expiatur a culpa veniali aliquis.

4. **Præterea.** Supra (d. 17, q. 2, a. 2, sol. 2) dictum est quod culpa actualis non deletur nisi per contritionem. Sed post hanc vitam non erit contritio, quæ est actus meritorius ; quia tunc non erit meritum neque demeritum, cum secundum Damascenum (lib. II *De fide orthod.*, c. 4 ; G. 9, 878), « *hoc sit hominibus mors quod angelis casus* ». Ergo post hanc vitam non dimittitur in purgatorio veniale quoad culpam.

5. **Præterea.** Veniale non est in nobis nisi ratione fomitis ; unde in primo statu Adam venialiter non peccasset, ut in II lib. d. 211 (q. 2, a. 3, c.) dictum est. Sed post hanc vitam in purgatorio non erit sensualitas fomite corrupto in anima separata, quia fomes dicitur « *lex carnis* », *Rom.*, vn, 18. Ergo non erit ibi venialis culpa. Et ita non potest expiari per purgatorium ignem.

72. — **SED CONTRA** est quod Gregorius dicit in *IV Dial.* c. 39 ; L. 77, 393) et Augustinus *De vera poenitentia* (d. 20, 4), quod quædam culpæ leves in futuro remittuntur. Nec potest intelligi quoad pœnam ; quia sic omnes culpæ, quantumcumque graves, quantum ad reatum pœnæ per ignem purgatorium expiantur. Ergo venialia quantum ad culpam purgantur per ignem purgatorium.

73. — **Præterea.** *I Cor.*, m, 12, per *lignum, fenum et stipulam*, ut dictum est, venialia intelliguntur. Sed lignum, fenum et stipula per purgatorium consumuntur. Ergo ipsæ veniales culpæ post hanc vitam remittuntur.

## [II]

[*Compend. Theol.* c. 181.]

74. — **ULTERIUS.** Videtur quod ignis purgatorius non **LIBERET A REATU PŒNÆ.**

1. Omnis enim purgatio respicit fœditatem. Sed pœna non importat aliquam fœditatem. Ergo ignis purgatorius non liberat a pœna.

2. **Præterea.** Contrarium non purgatur nisi per suum contra-

1. Ed. om. « d. 21 ».

rium. Sed pœna non contrariatur pœnæ. Ergo per pœnam purgatorii non purgatur aliquis a reatu pœnæ.

3. **Præterea.** *I Cor.*, iii, 15, super illud : « *Salvus erit, sic tamen, etc.* », dicit Glossa : « *Ignis iste est tentatio tribulationis, de qua scriptum est : « Vasa figuli probat fornax » ; Eccli.*, xxvii, 6. Ergo homo expiatur ab omni pœna per pœnas hujus mundi, saltem per mortem quæ est maxima pœnarum, et non per purgatorium ignem.

75. — **SED CONTRA.** Pœna purgatorii est gravior quam pœna quælibet hujus mundi, ut supra (38) dictum est. Sed per pœnam satisfactoriam quam aliquis in hac vita sustinet, expiatur a debito pœnæ. Ergo multo fortius per pœnam purgatorii.

### [III]

[*Infra d. 46, q. 1, a. 3.*]

76. — **ULTERIUS.** Videtur quod ab illa pœna unus non LIBERETUR ALIO CITIUS.

1. Quanto enim gravior est culpa et major reatus, tanto acerbior pœna imponitur in purgatorio. Sed quæ est proportio pœnæ acerbioris ad culpam graviorem, eadem est proportio pœnæ levioris ad culpam leviolem. Ergo ita cito liberatur unus a pœna illa sicut alius.

2. **Præterea.** Inæqualibus meritis redduntur æquales retributiones et in caelo et in inferno, quantum ad durationem. Ergo videtur esse similiter in purgatorio.

77. — **SED CONTRA** est similitudo *Apostoli ii Cor.*, m, 18), qui differentias venialium per « *lignum, fenum et stipulam* » significavit. Sed constat quod lignum diutius manet in igne quam fenum et stipula. Ergo unum peccatum veniale diutius punitur in purgatorio quam aliud.

78. — **RESPONSIO.** Dicendum **AD PRIMAM QUÆSTIONEM** quod *Quidam dixerunt quod post hanc vitam non dimittitur aliquod peccatum quoad culpam.* Et si cum mortali culpa quis decedat, damnatur et remissionis capax non est. Non autem potest esse quod cum veniali decedat sine mortali, quia ipsa gratia finalis culpam purgat venialem. Veniale enim peccatum contingit ex hoc quod aliquis Christum habens in fundamento, nimis aliquod temporale diligit : qui quidem excessus ex concupiscenti® corruptionem contingit. Unde si gratia omnino concupiscenti® corruptionem vincat, sicut in beata Virgine fuit, non manet aliquis locus veniali. Et ita, cum in morte omnino diminuatur et annihilatur ista concupiscentia, potentiæ animæ totaliter gratiæ subjiciuntur, et veniale expellitur.

**79. — Sed hæc opinio frivola est et in se et in causa sua.**

**In se quidem, quia dictis** Sanctorum et Evangelii *adversatur*, quæ non possunt exponi de remissione venialium quantum ad pœnam, ut Magister in *Littera* (5) dicit; quia sic tam levia quam gravia in futuro dimittuntur. Gregorius autem (IV lib. *Dial.*, c. 39, L. 77 393) leves culpas tantum post hanc vitam remitti perhibet.

**80. — Nec sufficit quod** dicunt quod hoc dicitur specialiter de levibus, ne putetur nihil grave pro eis nos passuros; quia remissio pœnæ magis aufert gravitatem pœnarum quam ponat.

**81. — Quantum ad causam** autem frivola apparet: quia *defectus corporalis*, qualis est in ultimo vitæ, non *aufert concupiscentiæ corruptionem vel diminuit*, quantum ad radicem, sed *quantum ad actum*: sicut patet etiam de illis qui graviter infirmantur.

**82. — Nec iterum** tranquillat potentias animæ, ut eas gratiæ subjiciat; quia tranquillitas potentiarum et subjectio earum ad gratiam est, quando inferiores vires obediunt superioribus, quæ « *legi Dei condelectantur* » (*Rom.*, vu, 22): quod in statu illo esse non potest, cum actus utrarumque impediatur; nisi tranquillitas dicatur privatio pugnæ, sicut etiam in dormientibus accidit. Nec tamen propter hoc somnus dicitur concupiscentiam diminuere, aut vires animæ tranquillare, aut eas gratiæ subdere.

**83. — Et præterea.** Dato quod concupiscentiam radicaliter diminueret defectus ille et vires animæ subderet gratiæ, adhuc hoc non sufficeret ad purgationem culpæ venialis jam commissæ, quamvis sufficeret ad vitiationem futuræ; quia culpa actualis, etiam venialis, non remittitur sine actuali contritionis motu, ut supra d. 164 (q. 1, a. 2, sol. 3) dictum est, quantumcumque gratiæ habitualiter intendatur.

Contingit autem quandoque quod aliquis dormiens moritur in gratia existens, qui cum veniali aliquo obdormivit. Et talis non potest actum contritionis habere de veniali ante mortem.

Nec potest dici, ut dicunt, quod, si non penituit actu vel proposito in generali vel speciali, sit versum in mortale, propter hoc quod « *veniale fit mortale dum placet* », quia non quælibet placencia venialis facit peccatum mortale, alias omne veniale esset mortale, quia quodlibet veniale placet, cum sit voluntarium; sed talis placencia quæ ad fruitionem spectat, in qua « *omnis humana perversitas consistit dum rebus utendis fruimur* », ut (lib. LXXX, Oq. c. 30; L. 40, 19) Augustinus dicit. Et sic

1. Ed. « *cujus dicta* ». — 2. Ed. « *hic* ». — 3. Ed. « *dimittitur* ». — 4. Ed. *om\** « d. 16 »; L. « d. 17 », cf. (q. 2, a. 2, sol. 3). — 5. Ed. *om.* « *gratia* ».

placencia illa quæ facit peccatum mortale, est actualis placencia, quia omne peccatum mortale in actu consistit.

Potest autem contingere quod aliquis postquam veniale peccatum commisit, nihil actualitèr de peccato cogitet vel dimittendo vel tenendo ; sed cogitet forte quod triangulus habet tres angulos aequales duobus rectis ; et in hac cogitatione obdormiat, et moriatur. **Unde patet quod hæc opinio omnino irrationalis est.**

**84. — Et ideo cum Aliis dicendum quod culpa venialis in eo qui cum gratia decedit, post hanc vitam dimittitur per ignem purgatorium ;** quia poena illa aliquantulum voluntaria, virtute gratiæ habebit vim expiandi culpam omnem quæ simul cum gratia stare potest.

**85. — AD PRIMUM** ergo dicendum quod *Glossa loquitur de peccato mortali.*

**86. — Vel dicendum** quod quamvis in hac vita non corrigatur in se, *corrigitur tamen in merito* ; quia hoc homo meruit ut ibi illa pœna sit meritoria sibi.

**87. — Ad secundum** dicendum quod *peccatum veniale contingit ex corruptione fomitis*, qui in anima separata in purgatorio existente non erit. Et ideo non poterit peccare venialiter. Sed *remissio culpæ venialis est ex voluntate gratia informata*, quæ in purgatorio erit in anima separata. *Et ideo non est simile.*

**88. — Ad tertium** dicendum quod *venialia non variant statum hominis* ; quia neque tollunt neque diminuunt caritatem, secundum quam mensuratur quantitas gratuitæ bonitatis animæ. Et ideo per hoc quod venialia dimittuntur, talis manet anima qualis prius.

**89. — Ad quartum** dicendum quod post hanc vitam non potest esse meritum respectu præmii essentialis. Sed respectu alicujus accidentaliter potest esse quamdiu manet homo in statu viæ aliquo modo. Et ideo *in purgatorio potest esse actus meritorius quantum ad remissionem culpæ venialis.*

**90. — Ad quintum** dicendum quod quamvis veniale ex proinitate fomitis contingat, tamen *culpa in mente consequitur. Et ideo etiam destructo fomite, culpa adhuc manere potest.*

**91. — AD SECUNDAM QUÆSTIONEM** dicendum quod quicumque est debitor alicujus, per hoc a debito absolvitur quod debitum solvit. Et quia reatus nihil est aliud quam debitum pœnæ, per hoc quod aliquis pœnam sustinet quam debebat, a reatu absolvitur. **Et secundum hoc pœna purgatorii a reatu purgat.**

**92. — AD PRIMUM** ergo dicendum quod *reatus*, quamvis non importet foeditatem quantum in se est, tamen *habet ordinem ad faditalem ex causa sua.*

**93.** — **Ad secundum** dicendum quod *pœna*, quamvis non contrahetur pœnæ, tamen *contrariatur reatui ad pœnam*. ; quia ex hoc manet obligatio ad pœnam quod pœnam non sustinuit quam debebat.

**94.** — **Ad tertium** dicendum quod *in eisdem verbis sacre Scripturæ latet multiplex intellectus*. Unde et ille *ignis* potest intelligi tribulatio præsens, vel pœna sequens. Et per utramque venialia purgari possunt. Sed quod mors naturalis ad hoc non sufficiat, supra d. 20 (36) dictum est.

**95.** — **AD TERTIAM QUÆSTIONEM** dicendum quod quædam venialia sunt majoris adhærentiæ quam alia, secundum quod effectus magis ad ea inclinatur et fortius in eis figitur. Et quia ea quæ sunt majoris adhærentiæ, tardius purgantur, **ideo quidam in purgatorio diutius quam alii torquentur**, *secundum quod affectus eorum ad venialia fuit magis immersus*.

**96.** — **AD PRIMUM** ergo dicendum quod acerbitas pœnæ proprie respondet quantitati culpæ ; sed diuturnitas respondet culpæ radicationi in subjecto. Unde *potest contingere quod aliquis in purgatorio diutius moretur qui minus affligitur, et e converso*.

**97.** — **Ad secundum** dicendum quod peccatum mortale cui debetur supplicium inferni et caritas cui debetur præmium paradisi, post hanc vitam radicanter immobiliter in subjecto. *Et ideo quantum ad omnes est eadem diuturnitas utrobique. Secus autem est de peccato veniali, quod in purgatorio punitur, ut ex dictis (84) patet*.

## QUÆSTIO II

Deinde quæritur de confessione generali  
Et circa hoc quærentur tria

*Primo*, utrum virtute confessionis generalis venialia deleantur quoad culpam.

*Secundo*, utrum peccata mortalia oblita.

*Tertio*, utrum aliquis possit licite confiteri peccata quæ non fecit.

### ARTICULUS I

**98.** — **AD PRIMUM SIC PROCEDITUR.** Videtur quod **PER CONFESIONEM GENERALEM QUÆ FIT IN COMPLETORIO ET** Prima, non dimittantur venialia.

1. Ed. om, « in purgatorio ».

1. Confessio enim qua dimittuntur peccata est quoddam sacramentale. Sed illa generalis confessio non est sacramentalis, quia potest fieri etiam non sacerdoti. Ergo non valet ad peccatorum venialium dimissionem.

2. **Præterea.** Confessio per hoc ordinatur ad peccatorum dimissionem in quantum per eam peccata confitentis manifestantur. Sed post confessionem generalem *ita* remanent occulta peccata confitentis respectu ejus cui fit confessio, sicut et prius : *tum* quia quandoque ille cui fit confessio non potest distinguere voces singulorum, quando plures simul confessionem generalem faciunt ; *tum* quia in illis generalibus quæ in confessione generali dicuntur, non est aliquis qui non peccet. Ergo confessio generalis non valet ad dimissionem venialium.

3. **Præterea.** Contritio directius ordinatur ad remissionem culpæ quam confessio. Sed contritio generalis non sufficit ad remissionem venialium ; quia quandoque cum generali contritione simul stat habitualis placentia alicujus venialis. Ergo multo minus confessio generalis peccata venialia quoad culpam delet.

4. **Præterea.** « *Si dixerimus quodl peccatum non habemus, nos ipsos seducimus* », ut dicitur *I Joan.*, i, 8. Sed aliqui qui non habent peccata mortalia frequenter confessionem generalem faciunt. Si ergo talis confessio sufficit ad delendum venialia, frequenter sunt sine peccato aliquo : quod videtur esse contra auctoritatem inductam.

**99. — SED CONTRA.** Nihil in Ecclesia frustra agitur. Sed post generalem confessionem sequitur secundum usum Ecclesiæ oratio qua sacerdos dimissionem peccatorum confitentibus precatur. Ergo confessio generalis valet ad dimissionem peccatorum saltem venialium.

**100. — Præterea.** Sacerdos accedens ad Missam celebrandam, confessionem generalem facit, ut purius accedat. Sed hoc non esset, si talis confessio non purgaret. Ergo purgat saltem a peccatis venialibus.

**101. — RESPONSIO.** Dicendum quod ista est ratio quare per infusionem gratiæ et caritatis peccata venialia non dimittantur, quia non opponuntur caritati quantum ad habitum sed magis quantum ad actum ejus quem impediunt vel retardant. Et ideo, *quando actus caritatis contra venialia dirigitur, ea quasi suo contrario delet.* Nec oportet quod contra singulorum eorum actus caritatis feratur ad eorum deletionem ; quia nullum eorum de se habet specialem rationem qua caritati aliquo modo

1. Ed. « quoniam ».

contrarietur, sicut est de peccatis mortalibus ; sed omnia *secundum unam rationem* disponunt ad contrarium caritatis, in quantum nimis temporalibus rebus inhseretur.

**102.** — Unde cum **confessio generalis** sit actus ex caritate procedens in eo qui caritatem habet, in venialia directus ; constat quod **valet ad venialium peccatorum dimissionem quantum ad culpam, et quandoque quantum ad pœnam** ; tanta potest devotio confitentis adesse.

**103.** — **AD PRIMUM** ergo dicendum quod confessio generalis *quandoque* est sacramentalis, et *quandoque* non.

*Sacramentalis quidem est, quando aliquis in secreto* sacerdoti confitetur quædam quæ meminerit<sup>1</sup> et alia venialia in generali. *Et tunc illa generalis confessio ex quatuor habet quod ad remissionem valeat venialium, quantum ad culpam, et etiam pœnam vel in parte vel in toto : scilicet ex contritione confitentis, ex humilitate confessionis, ex oratione<sup>2</sup> sacerdotis, in quantum est quædam persona ; et ex vi clavium.*

**104.** — *Quando autem fit publice* coram multis et cum multis in Ecclesia, *non est sacramentalis.* Unde *tunc habet efficaciam ex tribus primis, et non ex quarto.* Et propter hoc etiam non subjungitur in Prima et Completorio absolutio, nec satisfactionis injunctio, sed solum oratio « *Misereatur* ».

**105.** — **Ad secundum** dicendum quod *ratio illa procedit de confessione sacramentali, quæ iudicium sacerdotis expectat.* Et ideo requiritur aliqualis peccatorum manifestatio.

**106.** — **Ad tertium** dicendum quod *contritio generalis sufficit ad peccatorum venialium dimissionem quoad culpam ; sed illud quod habitu retinetur in affectu, excluditur ab illa generalitate.* Unde illud *non deletur* per talem contritionem, neque etiam *per generalem confessionem.*

**107.** — **Ad quartum** dicendum quod *non fuit intentio* Apostoli dicere quod non sit aliquod momentum in quo homo non sit sine peccato quoad culpam ; sed quia *ista vita a nullo sine peccato agitur, et quandoque<sup>3</sup> etiam dimissa culpa reatus aliquis manet.*

## ARTICULUS II

**108.** — **AD SECUNDUM SIC PROCEDITUR.** Videtur QUOD CONFESSIO GENERALIS NON SUFFICIAT AD DELENDUM PECCATA MORTALIA OBLITA.

1. Peccatum enim quod per confessionem deletum est non est necesse iterum confiteri. Si ergo peccata oblita per confessio-

1. Ed. « quorum meminit ». — 2. F. « orationis ». — 3. Ed. « quia ».

nem generalem dimitterentur, non esset necessarium quod cum ad notitiam redeunt, aliquis ea confiteretur.

2. **Præterea.** Quicumque non est sibi conscius alicujus peccati, *vel* non habet peccatum, *vel* est oblitus sui peccati. Si ergo per generalem confessionem factam peccata oblita mortalia dimituntur, quicumque non est sibi conscius de aliquo peccato mortali, quandocumque generalem confessionem facit, potest esse certus quod sit immunis a peccato mortali : quod est contra Apostolum *I Cor.*, iv, 4 : « *Nihil mihi. conscius sum, sed non in hoc justificatus sum* ».

3. **Præterea.** Nullus ex negligentia reportat commodum. Sed non potest esse sine negligentia quod aliquis peccatum mortale obliviscatur antequam ei dimittatur. Ergo non reportat ex hoc tale commodum, quod sine speciali confessione de peccato ei dimittatur.

4. **Præterea.** Magis est elongatum a cognitione confitentis illud quod est omnino ignoratum, quam illud cujus est oblitus. Sed peccata per ignorantiam commissa generalis confessio non delet ; quia tunc, hæretici qui nesciunt aliqua peccata, in quibus sunt, esse peccata, aut etiam aliqui simplices, per generalem confessionem absolventur : quod falsum est. Ergo generalis confessio non tollit oblita peccata.

109. — **SED CONTRA.** *Ps.* xxxm, 6 : « *Accedite ad eum, et illuminamini et facies vestrae non confundentur.* » Sed ille qui confitetur omnia quæ scit, accedit ad Deum quantum potest. Plus autem ab eo requiri non potest. Ergo non confunditur, ut repulsam patiatur ; sed veniam consequitur.

110. — **Præterea.** Ille qui confitetur, veniam consequitur, nisi sit fictus. Sed ille qui confitetur, omnia peccata quæ in memoria habet, aliquorum oblitus est, non ex hoc est fictus ; quia ignorantiam facti patitur, qua a peccato excusat. Ergo veniam consequitur. Et sic peccata\* oblita sibi relaxantur ; cum « *impium sit a Deo dimidiam sperare veniam* », ut d. 15 (15b) supra Magister dixit<sup>4</sup>.

111. — **RESPONSIO.** Dicendum quod *confessio operatur præsupposita contritione*, quæ culpam delet. Et sic confessio ordinatur directe ad *dimissionem pænæ* : quod quidem facit et ex *erubescencia* quam habet, et ex *vi clavium* cui se confitens subjicit.

112. — Contingit autem quandoque quod per contritionem præcedentem peccatum aliquod deletum est quoad culpam *sive in generali*, si ejus tunc memoria non habeatur, *sive in speciali*,

<sup>1</sup>. Ed. om. *i sibi* ». — 2. Ed. om. « mihi ». — 3. Ed. om. per *homoi.* « excusat. Ergo veniam consequitur. Et sic peccata ». — 4. Ed. « dicit ».

et tamen ante confessionem aliquis illius peccati oblitus est. **Et tunc confessio generalis sacramentalis operatur ad dimissionem pœnæ ex vi clavium**, quibus se confitens subjicit, nullum obstaculum quantum in ipso est ponens.

**113.** — Sed ex illa parte qua erubescencia confessionis peccati pœnam minuebat, **pœna istius<sup>1</sup>, de qua quis specialiter coram sacerdote non erubuit, non est diminuta** ».

**114.** — **AD PRIMUM** ergo dicendum, quod in confessione sacramentali non solum requiritur absolutio, sed iudicium sacerdotis satisfactionem imponentis expectatur. Et ideo quamvis iste absolute sit functus, tamen *tenetur confiteri ut suppleatur quod defuit sacramentali confessioni*.

**115.** — **Ad secundum** dicendum quod confessio non operatur, ut dictum est (**111**), nisi contritione præsupposita. De qua quando vera fuerit, non potest aliquis scire<sup>2</sup>, sicut nec scire potest an gratiam habeat per certitudinem. *Et ideo scire<sup>3</sup> non potest utrum per confessionem generalem sit sibi peccatum oblitum dimissum per certitudinem*; quamvis, possit per conjecturas aliquas æstimare<sup>4</sup>, de quibus supra d. 9 (**97-99**) dictum est.

**116.** — **Ad tertium** dicendum quod *iste non reportat commodum ex negligentia*; quia non ita plenam remissionem consequitur, sicut alias consecutus fuisset. *Nec tantum meretur. Et tenetur iterum confiteri, cum ad memoriam peccatum reduxerit<sup>5</sup>*.

**117.** — **Ad quartum** dicendum quod ignorantia juris non excusat, quia ipsa peccatum est; sed *ignorantia facti excusat*. Unde aliquis de hoc quod non confitetur peccata quæ nescit esse peccata propter ignorantiam juris divini, non excusatur a fictione. Excusaretur autem, si nesciret ea esse peccata propter ignorantiam particularis circumstantiæ; ut si cognovit alienam quam credidit esse suam. *Sed oblivio de actu peccati habet ignorantiam facti. Et ideo excusat a peccato fictionis in confessione, quod fructum absolutionis et confessionis impedit*.

### ARTICULUS III

**118.** — **AD TERTIUM SIC PROCEDITUR.** Videtur **QUOD ALIQUIS LICITE POSSIT CONFITERI PECCATUM QUOD NON HABET.**

1. Quia, sicut dicit<sup>6</sup> Gregorius (lib. XI; ep. 64; L. 77, 1195) « *bonarum mentium est ibi culpam agnoscere ubi culpa non est* ». Ergo ad bonam mentem pertinet ut de illis culpis se accuset quas non commisit.

1. Ed. « ipsius ». — 2. Ed. « sciri ». — 3. Ed. « sciri ». — 4. Ed. « æstimari ». — 5. Ed. « reduxit »; L. « venerit ». — 6. L. « ut dicit », F. om. « dicit ».

2. **Præterea.** Aliquis per humilitatem se reputat deteriorem aliquo qui est manifestus peccator; et in hoc commendandus est. Sed quod corde quis æstimat, licet ore confiteri. Ergo licite potest se confiteri habere gravius peccatum quam habeat.

3. **Præterea.** Aliquis quandoque dubitat de aliquo peccato, utrum sit mortale vel veniale. Et talis debet, ut videtur, de illo confiteri ut de mortali. Ergo aliquis debet confiteri aliquando peccatum quod non habet.

4. **Præterea.** Satisfactio ex confessione ordinatur. Sed aliquis potest satisfacere de peccato quod non commisit. Ergo potest etiam confiteri peccatum quod non fecit.

119. — **SED CONTRA.** Quicumque dicit se fecisse quod non fecit, mentitur. Sed nullus in confessione mentiri debet, cum omne mendacium sit peccatum. Ergo nullus debet confiteri peccatum quod non fecit.

120. — **Præterea.** In iudicio exteriori non debet aliquod crimen alicui impingi quod non potest per testes idoneos probari. Sed testis in foro pœnitentiæ est conscientia. Ergo aliquis non debet se accusare de peccato quod conscientia sua non habet.

121. — **RESPONSIO.** Dicendum quod per confessionem debet pœnitens se confessori suo manifestare. Ille autem qui aliud de se sacerdoti loquitur quam sua conscientia habeat, sive in bonum sive in malum, non se sacerdoti manifestat, sed magis occultat. Et ideo non est idonea **confessio**; sed **ad hoc quod sit idonea requiritur quod os cordi concordet**, ut solum hoc nos accuset quod conscientia tenet.

122. — **AD PRIMUM** ergo dicendum quod agnoscere culpam ubi non est, potest esse *duplitter*.

*Uno modo* ut intelligatur *quantum ad substantiam actus*. *Et sic non est verum*. Non enim ad bonam mentem pertinet, sed ad errantem, ut se actum aliquem commisisse cognoscat quem non commisit.

123. — *Alio modo, quantum ad conditionem actus*. *Et sic verum est* quod Gregorius dicit, quia justus in actu qui de se bonus videtur, formidat ne aliquis defectus ex parte sua fuerit. Et sic dicitur Job, ix, 28 : « Verebar omnia opera mea. » Et ideo ad bonam mentem etiam pertinet ut hanc formidinem quam corde tenet, lingua accuset.

124. — Et per hoc patet solutio **ad secundum**; quia *justus qui est vere, humilis*, non reputat se deteriorem quantum ad perpetrationem actus qui sit pejor ex genere; sed *timet ne in*

*his quæ bene agere videtur, per superbiam gravius delinquat.*

**125.** — **Ad tertium** dicendum quod *quando aliquis dubitat de aliquo peccato an sii mortale, tenetur illud confiteri dubitatione manente* ; quia qui aliquid committit vel omittit in quo dubitat esse mortale peccatum, peccat mortaliter, discrimini se committens. Et similiter periculo se committit qui de hoc quod dubitat esse mortale, negligit confiteri.

Non tamen *debet* asserere illud esse mortale! sed *cum dubitatione loqui* et iudicium sacerdotis expectare cujus est discernere « *inter lepram ei lepram* ». (*Deui.*, xvii, 8).

**126.** — **Ad quartum** dicendum quod ex hoc quod homo satisfacit pro peccato quod non commisit, non incurrit mendacium, sicut cum quis confitetur peccatum quod non credit se fecisse. Si enim dicat peccatum quod non fecit, tamen credit se fecisse, non mentitur. *Ei ideo non peccat si eo modo dicat sicut est in corde suo.*

### QUÆSTIO III

Deinde quæritur de sigillo confessionis  
Et circa hoc quærantur tria

*Primo* utrum in quolibet casu teneatur homo celare ea quæ sub sigillo confessionis habet.

*Secundo*, utrum possit alii revelare de licentia confitentis.

*Tertio*, utrum teriatur ea celare, si etiam alias ea novit.

#### ARTICULUS I

[I]

[II-II, q. 70, a. 1, ad 2; *Quodl.* V, q. 7, a. 1; *XII*, q. 11, a. 2.]

**127.** — **AD PRIMUM SIC PROCEDITUR.** Videtur quod **NON IN QUOLIBET CASU TENEATUR CELARE SACERDOS PECCATA QUÆ SUB SIGILLO CONFSSIONIS NOVIT.**

1. Quia, sicut dicit Bernardus (*De præcepto ei dispens.*, c. 2, n. 5; L. 182, 864) « *quod est institutum pro caritate, contra caritatem non militat* ». Sed celatio confessionis in aliquo casu contra caritatem militaret : sicut si aliquis in confessione scit aliquem hæreticum, quem non potest inducere ad hoc quod desistat a corruptione plebis ; et similiter de illo qui scit per

1. Ed. om. « mortale ». — 2. Ed. om. \* ex hoc quod ». — 3. Ed. om. « si ».

confessionem affinitatem esse inter aliquos qui contrahere volunt. Ergo talis debet confessionem revelare.

2. **Præterea.** Illud<sup>1</sup> ad quod quis obligatur ex præcepto Ecclesiæ tantum, non est necesse observari mandato Ecclesiæ in contrarium facto. Sed celatio confessionis introducta est ex statuto Ecclesiæ tantum. Si ergo per Ecclesiam præcipiatur quod quicumque scit aliquid de tali peccato dicat, ille qui scit per confessionem dicere debet.

3. **Præterea.** Magis debet homo servare conscientiam suam quam famam alterius, quia caritas ordinata est. Sed aliquando aliquis peccatum celans incurrit propriæ conscientiæ damnum : sicut cum in testimonium adducatur<sup>2</sup> pro peccato illo et jurare cogitur de veritate dicenda ; vel cum aliquis Abbas scit per confessionem alicujus Prioris sibi subjecti peccatum cujus occasio inducit ipsum ad ruinam, si ei prioratum dimittat ; unde tenetur<sup>3</sup> ei auferre propter debitum pastoralis curæ ; auferendo autem videtur confessionem publicare. Ergo videtur quod in aliquo casu liceat confessionem publicare<sup>4</sup>.

4. **Præterea.** Aliquis sacerdos per confessionem alicujus quam audit, potest accipere conscientiam quod sit prælacione indignus. Sed quilibet tenetur contradicere promotioni indignorum, si sua intersit. Cum ergo contradicendo suspicionem inducere videatur de peccato, et sic quodammodo confessionem revelare, videtur quod quandoque oporteat confessionem revelare.

**128. — SED CONTRA** est quod dicit *decretalis de pœnit. et remis*, (cap. « Omnis utriusque sexus ) : « *Caveat sacerdos ne verbo vel signo vel alio quovis modo prodat aliquatenus peccatorem.* »

**129. — Præterea.** Sacerdos debet Deo cujus est minister conformari. Sed Deus peccata quæ per confessionem panduntur, non revelat, sed tegit. Ergo nec sacerdos revelare debet.[II]

[II]

**130. — ULTERIUS.** Videtur quod sigillum confessionis SE EXTENDAT AD ALIA QUAM ILLA QUÆ SUNT DE CONFESSIOE.

1. Quia de confessione non sunt nisi peccata. Sed aliquando aliquis cum peccatis multa alia narrat quæ ad confessionem non pertinent. Ergo, cum ea sacerdoti dicantur<sup>5</sup> ut Deo, videtur quod ad illa etiam sigillum confessionis se extendat.

2. **Præterea.** Aliquando aliquis dicit alicui aliquid secretum, et ille recipit « *sub sigillo confessionis* ». Ergo sigillum confessionis se extendit ad illa quæ non sunt de confessione.

1. Ed. « Id ». — 2. Ed. « adducitur ». — 3. Ed. « debet ». — 4. Ed. *om.* per *homot.* « Ergo videtur quod in aliquo casu liceat confessionem publicare ». — 5. Ed. « dicuntur ».

**131. — SED CONTRA.** Sigillum confessionis est aliquid annexum sacramentali confessioni. Sed ea quæ sunt annexa alicui sacramento, non se extendunt ultra sacramentum illud. Ergo sigillum confessionis non se extendit nisi ad ea de quibus est sacramentalis confessio.

## [III]

[*Infra*, 155.]

**132. — ULTERIUS.** Videtur QUOD NON SOLUM SACERDOS SIGILLUM CONFESSIONIS HABEAT.

1. Quia aliquando aliquis confitetur sacerdoti per interpretem necessitate urgente. Sed interpret, ut videtur<sup>1</sup>, tenetur confessionem celare. Ergo etiam non sacerdos aliquid sub sigillo confessionis habet.

2. **Præterea.** Aliquando aliquis in casu necessitatis potest laico confiteri. Sed ille tenetur peccata celare, cum sibi dicantur sicut Deo. Ergo non solum sacerdos sigillum confessionis habet.

3. **Præterea.** Aliquando aliquis se sacerdotem fingit<sup>2</sup> ut conscientiam alicujus exploret per hanc fraudem. Et ille etiam, ut videtur, peccat, si confessionem revelet. Ergo non solus sacerdos sigillum confessionis habet.

**133. — SED CONTRA** est quod solus sacerdos est minister hujus sacramenti. Sed sigillum confessionis est annexum sacramento. Ergo solus sacerdos habet sigillum confessionis.

**134. — Præterea.** Homo tenetur ea quæ in confessione audit, celare ; quia nescit ea ut homo, sed ut Deus. Sed solus sacerdos est minister Dei. Ergo ipse solus tenetur occultare.

**135. — RESPONSIO.** Dicendum **AD PRIMAM QUÆSTIONEM** quod in sacramentis ea quæ exterius geruntur sunt signa rerum quæ interius contingunt. Et ideo confessio qua quis sacerdoti se subjicit, signum est interioris qua quis Deo subjicitur. *Deus autem peccatum illius qui se sibi subjicit per pœnitentiam, legit.* Unde et hoc oportet in sacramento pœnitentiæ significari. **Et ideo de necessitate sacramenti est quod quis confessionem celet ;** et tamquam violator sacramenti peccat qui revelat.

*El præter hoc sunt aliee. utilitates hujus celationis ;* quia per hoc homines ad confessionem magis attrahuntur, et simplicius peccata confitentur.

**136. — AD PRIMUM** ergo dicendum quod *Quidam* dicunt quod sacerdos non tenetur servare sub sigillo confessionis nisi peccata de quibus pœnitens emendationem promittit ; alias potest ea dicere ei qui potest prodesse et non obesse.

1. Ed. *om.* « ut videtur ». — 2. Ed. « finget ». — 3. Ed. « figura ».

**137.** — **Sed hæc opinio videtur erronea, cum sit contra veritatem sacramenti.** *Sicut enim baptismus est sacramentum, quamvis quis fictus accedit, nec est mutandum propter hoc aliquid de essentialibus sacramenti ; ita confessio non desinit esse sacramentalis quamvis ille qui confitetur emendationem non proponat* *Ei ideo nihilominus sub occulto tenendum est.*

**138.** — **Nec tamen sigillum confessionis contra caritatem militat ;** quia caritas non requirit quod apponatur remedium peccato quod homo nescit. Illud autem quod sub confessione scitur, est quasi nescitum, cum nesciat<sup>2</sup> ut homo, sed ut Deus.

**139.** — Tamen aliquod remedium adhibere debet in prædictis casibus quantum potest sine revelatione confessionis : sicut monendo eos qui confitentur et aliis diligentiam apponendo ne corrumpantur per hæresim. Potest etiam dicere prælato quod diligentius invigilet super gregem suum, ita tamen quod non dicat aliquid per quod verbo vel nutu confitentem prodat.

**140.** — **Ad secundum** dicendum quod præceptum de confessione servanda<sup>3</sup> consequitur ipsum sacramentum. Et ideo *sicut præceptum de confessione sacramentali facienda est de fure divino*, et non potest aliqua dispensatione vel jussione humana homo ab eo absolvi ; *ita* nullus ad revelationem confessionis potest ab homine cogi vel licentiarum. Unde si præcipiatur sub pena excommunicationis jam<sup>4</sup> latæ quod dicat si aliquid scit de peccato, non dicat<sup>5</sup> ; quia debet æstimare quod intentio præcipientis sit, « si *sciat ut homo* ». Sed<sup>6</sup> etiam expresse<sup>7</sup> de confessione interrogatus, non deberet dicere. Nec excommunicationem incurreret ; quia non est subjectus superiori suo nisi ut homo ; hoc autem nescit<sup>8</sup> ut homo, sed ut Deus.

**141.** — **Ad tertium** dicendum quod *homo non adducitur in testimonium nisi ut homo*. Et ideo absque læsione conscientie potest jurare se nescire quod scit tantum ut Deus.

**142.** — *Similiter* autem absque læsione conscientie potest prælatus impunitum dimittere peccatum quod scit ut Deus, vel sine aliquo remedio ; quia non tenetur adhibere remedium nisi eo modo quo ad ipsum defertur. Unde in his quæ deferuntur ei in foro pœnitentie in eodem foro debet quantum potest adhibere remedium : ut Abbas in casu prædicto admoneat<sup>9</sup> eum ut Prioratu<sup>10</sup> resignet ; vel si noluerit, potest ex aliqua alia occasione absolvere a cura Prioratus, ita tamen quod omnis suspicio vitetur de confessionis revelatione.

1. Ed. « tenenda ». — 2. Ed. « non sciat ». — 3. Ed. « celanda ». — 4. Ed. om. « jam » et ad. « sententie » post « latæ ». — 5. Ed. « debet dici ». — 6. Omnes codices præter  $\mu$  « Si » ; L. « Et si ». — 7.  $\zeta\eta\beta$  « exprimeret ». Codices præter  $\mu$ , L. « exprimeret ». — 8. Ed. « non scit ». — 9. « adinonere debet ». — 10. Ed. « Prioratum ».

**143.** — **Ad quartum** dicendum quod *ex nullis aliis causis aliquis redditur indignus ad praelationis officium quam ex peccato* : sicut ex defectu scientiæ vel ætatis vel alicujus hujusmodi. Et ideo qui contradicit, nec suspicionem de crimine facit, nec confessionem revelat.

**144.** — **AD SECUNDAM QUÆSTIONEM** dicendum quod **sigillum confessionis directe non se extendit nisi ad illa quæ cadunt sub sacramentali confessione. Sed indirecte id quod non cadit sub sacramentali confessione, etiam ad confessionis sigillum perlinet** : sicut illa per quæ posset peccator vel peccatum deprehendi. Nihilominus etiam alia<sup>2</sup> summo studio sunt celanda, *tum* propter scandalum, *tum* propter pronitatem quæ ex consuetudine accidere posset.

Et per hoc patet responsio **AD PRIMUM**.

**145.** — **Ad secundum** dicendum quod *homo non de facili debet aliquid recipere hoc modo*. Si tamen recipiat, *ex promissione tenetur hoc modo celare ac si in confessione haberet, quamvis sub sigillo confessionis non habeat*.

**146.** — **AD TERTIAM QUÆSTIONEM** dicendum quod *sigillum confessionis* competit sacerdoti in quantum est minister hujus sacramenti : quod nihil est aliud quam *debitum confessionem celandi*, sicut clavis est potestas absolventi. Tamen *sicut* aliquis qui non est sacerdos, in aliquo casu participat aliquid de actu clavis, dum confessionem audit propter necessitatem ; *ita* etiam participat de actu sigilli confessionis et tenetur celare, quamvis, proprie loquendo, sigillum confessionis non habeat.

Et per hoc patet solutio ad objecta.

## ARTICULUS II

[I]

**147.** — **AD SECUNDUM SIC PROCEDITUR.** ATDETUR QUOD DE LICENTIA PœNITENTIS NON POSSIT SACERDOS PECCATUM QUOD SUB SIGILLO CONFESSIONIS HABET, ALTERI PRODERE.

1. Quod enim non potest superior, non potest inferior. Sed Papa non posset aliquem licentiare ut peccatum quod scit in confessione, alteri diceret. Ergo nec ille qui confitetur potest ipsum licentiare.

2. **Præterea.** Illud quod est intutum propter bonum commune, non potest ex arbitrio unius mutari. Sed celatio confes-

1. Ed. om. « non ». — 2. Ed. « illa ».

sionis est instituta propter bonum totius Ecclesiæ, ut homines confidentius ad confessionem accedant. Ergo ille qui confitetur non potest licentiarum sacerdotem ad dicendum.

3. **Præterea.** Si posset sacerdos licentiarum, videretur dari palium malitiæ malis sacerdotibus; quia possent prætere sibi licentiam datam, et sic impune peccarent: quod non est conveniens. Ergo videtur quod non possit a confitente licentiarum.

4. **Præterea.** Ille cui iste revelabit, non habebit hoc sub sigillo confessionis. Et sic poterit publicari peccatum quod jam deletum est: quod non est conveniens. Ergo non potest licentiarum.

148. — **SED CONTRA.** Superior potest remittere peccatorem cum litteris ad inferiorem sacerdotem de voluntate ipsius. Ergo de voluntate confitentis potest alteri peccatum revelare.

149. — **Præterea.** Qui potest aliquid facere per se, potest etiam per alterum facere. Sed confitens potest per se peccatum suum quod fecit, revelare. Ergo potest internuntium sacerdotem facere.

150. — **RESPONSIO.** Dicendum quod *duo* sunt propter quæ sacerdos tenetur peccatum occultare.

*Primo et principaliter*, quia **ipsa occultatio est de essentia sacramenti**, in quantum scit illud ut Deus, cujus vicem gerit ad confessionem.

*Alio modo propter scandalum vitandum.*

151. — *Potest aulem pœnitens facere ut illud quod sacerdos sciebat ut Deus, sciat etiam ut homo*: quod facit dum eum licentiat ad dicendum. **Et ideo si dicat, non frangit sigillum confessionis.** Tamen debet cavere scandalum dicendo, ne fractor sigilli prædicti reputetur.

152. — **AD PRIMUM** ergo dicendum quod *Papa non potest licentiarum eum ut dicat*; quia non potest facere ut sciat ut homo: quod potest qui confitetur.

153. — **Ad secundum** dicendum quod *non tollitur illud quod est propter bonum commune institutum*; quia sigillum confessionis non frangitur, quia dicitur quod *alio modo scitur*.

154. — **Ad tertium** dicendum quod *ex hoc non datur aliqua impunitas malis sacerdotibus*; quia imminet eis probatio, si accusantur, quod de licentia confitentis revelaverunt.

155. — **Ad quartum** dicendum quod ille ad quem notitia peccati devenit mediante sacerdote ex voluntate confitentis, participat in aliquo actum sacerdotis. *El ideo simile est de eo et de interprete*; nisi forte peccator velit quod ille absolute sciat et libere.

## ARTICULUS III

## [II]

**156. — AD TERTIUM SIC PROCEEDITUR.** Videtur quod ILLUD QUOD QUIS SCIT PER CONFESIONEM ET ALIO MODO<sup>1</sup>, NULO MODO POSSIT REVELARE.

1. Non enim frangitur sigillum confessionis nisi dum peccatum quod in confessione habetur revelatur. Si ergo iste revelat peccatum quod in confessione audivit, qualitercumque aliter sciat, sigillum confessionis frangere videtur.

2. **Præterea.** Quicumque confessionem alicujus audit, ei obligatur ad hoc quod peccata ipsius non revelet. Sed si aliquis alicui promitteret tenere privatum quod ei dicitur, quantumcumque postea sciret, deberet privatum tenere. Ergo quod in confessione quis audit, quantumcumque alias sciatur, debet privatum haberi.

3. **Præterea.** Duorum quod est altero potentius trahit ad se reliquum. Sed scientia sua qua scit peccatum ut Deus, est potentior et dignior illa qua scit ut homo. Ergo trahit ad se eam. Et ita non poterit revelari, secundum quod scientia qua scit ut Deus, exigit.

4. **Præterea.** Secretum confessionis institutum est ad vitandum scandalum, et ut homines a confessionibus non retraherentur. Sed si aliquis posset dicere illud quod in confessione audivit, etiam si alias sciret, nihilominus scandalum sequeretur. Ergo nullo modo potest dicere.

**157. — SED CONTRA.** Nullus potest alium obligare ad quod non erat obligatus, nisi sit suus prælatus qui obliget cum præcepto. Sed ille qui sciebat alicujus peccatum per visum, non erat obligatus ad celandum. Ergo ille qui ei confitetur, cum non sit prælatus suus, non potest eum obligare ad celandum hoc quod sibi confitetur.

**158. — Præterea.** Secundum hoc posset impediri justitia Ecclesiæ, si aliquis, ut evaderet sententiam excommunicationis quæ in ipsum ferenda erat propter aliquod peccatum de quo convictus est, confiteretur ei qui sententiam ferre debet. Sed justitiæ executio est in præcepto. Ergo non tenetur celare peccatum quod quis in confessione audit, si alias sciat<sup>2</sup>.

**159. — RESPONSIO.** Dicendum quod circa hoc est *triplex* opinio.

Quidam enim dicunt quod illud quod quis audit in confessione,

1. *η* « aliter »; L. *ad.* « etiam ». — 2. Ed. « scit »; L. « si alias ipsum scit ».

non potest aliquo modo dicere, si sciat alias, sive ante sive post.

**160.** — *Quidam* vero dicunt quod per confessionem præcluditur sibi via ne possit aliquid dicere quod prius scivit; non autem quin possit dicere, si postea alio modo sciat.

**161.** — **Utraque autem opinio**, dum nimium sigillo confessionis attribuit, **præiudicium veritati et justitiæ servandæ facit**. Posset enim aliquis ad peccata esse proclivior, si non timeret ab illo accusari cui confessus est, si coram ipso peccatum iteraret.

**162.** — Similiter etiam multum justitiæ perire poterit, si testimonium ferre non possit aliquis de eo quod vidit propter confessionem de hoc factam.

**163.** — Nec obstat quod *Quidam* dicunt quod debet protestari se non tenere privatum hoc; quia hoc non posset protestari nisi postquam peccatum esset sibi dictum. Et tunc quilibet sacerdos posset, cum vellet, revelare peccatum, protestationem faciendo, si hoc ipsum ad revelandum liberum redderet.

**164.** — **Et ideo alia opinio est et verior quod<sup>2</sup> illud quod homo alias scit**, sive ante confessionem sive post, **non tenetur celare quantum ad id quod scit ut homo**. Potest enim dicere: « *Scio illud quod<sup>3</sup> vidi* ». Tenetur tamen celare illud, in quantum scit ut Deus. Non enim potest<sup>4</sup> dicere: « *Ego audivi hoc in confessione.* » *Tamen* propter scandalum vitandum<sup>5</sup> debet abstinere ne de hoc loquatur, nisi necessitas immineat.

**165.** — **AD PRIMUM** ergo dicendum quod quando aliquis dicit se vidisse quod in confessione audivit, non revelat quod in confessione audivit, nisi per accidens: sicut qui scit aliquid<sup>6</sup> per auditum et visum, non revelat quod vidit<sup>7</sup>, per se loquendo, si dicat se audisse; sed per accidens, quia dicit auditum cui accidit visum esse. *Et ideo talis sigillum confessionis non frangit.*

**166.** — **Ad secundum** dicendum quod non obligatur audiens confessionem<sup>8</sup> quod non revelet peccatum simpliciter, sed prout est in confessione auditum. *Nullo enim casu dicere debet se audisse<sup>9</sup> in confessione.*

**167.** — **Ad tertium** dicendum quod *hoc<sup>10</sup> intelligendum est de duobus qui habent oppositionem*. Sed scientia qua scit aliquis peccatum ut Deus, et illa qua scit ut homo, non sunt opposita. *Et ideo ratio non procedit.*

**168.** — **Ad quartum** dicendum quod *non debet ita vitari peccatum ex una parte quod ex alia justitia relinquatur*. Veritas enim non est propter scandalum dimittenda. Et ideo quando imminet periculum justitiæ et veritatis, non debet dimitti reve-

1. Ed. « posset ». — 2. Ed. « quia ». — 3. Ed. « quia ». — 4. L. ad. « hoc ». — 5. Ed. om. « vitandum ». — 6. Ed. om. « aliquid ». — 7. ζη « videt ». — 8. Ed. ad. « ad hoc ». — 9. Ed. « audivisse ». — 10. Ed. om. « hoc ».

latio ejus quod quis in confessione audivit, si alias scit, propter scandalum ; dum tamen scandalum, quantum in se est, evitare nitatur.

## EXPOSITIO TEXTUS

**169.** — « Non redarguo, quia forsitan verum est. » (2a) Hoc non dicit Augustinus quasi dubitans an purgatorium sit ; sed an de hoc igne Apostolus intelligat.

**170.** — « Quod omnia criminalia semel saltem oportet in confessione exprimi. » (6a)

**Contra.** Contritionem non oportet quod sit singillatim de omnibus. Ergo nec confessio.

**171.** — **Et dicendum** quod contritio est in conspectu Dei qui uno intuitu omnia videt, sed confessio fit homini cui oportet singillatim omnia exponi.

**172.** — **Et præterea.** Oportet de omni peccato mortali quod memoriae occurrit singulariter dolere, ut prædictum est. (171)

173. — « Nisi aliqua<sup>2</sup> frequenter iterata. » (6b)

**Contra.** Iteratio non trahit ea extra genus venialium peccatorum.

**174.** — **Et dicendum** quod loquitur quantum ad dispositionem ; quia frequens venialium iteratio disponit ad illam placentiam venialium in qua consistit<sup>3</sup> peccatum mortale ; quia secundum quod habitus ex consuetudine generatur et augetur, secundum hoc delectatio et pronitas crescit.

**175.** — « Sed aliud est favore vel odio, etc. » (9a)

**Contra.** Ergo secundum hoc videtur quod aliquis possit cui vult confiteri, quando habet sacerdotem ignorantem.

**176.** — **Et dicendum** quod hoc intelligendum est, quando sacerdotis ignorantia posset hominem inducere in errorem ; tunc enim de licentia sacerdotis vel sui<sup>4</sup> superioris debet alium petere prudentiorem. *Quinque* tamen casus ponuntur<sup>5</sup> quibus licet alii confiteri quam proprio sacerdoti sine ejus licentia. *Primus* est, si sit vagabundus ; *secundus*, si mutavit domicilium ; *tertius*, si offendit in aliena parochia ; *quartus* propter malitiam sacerdotis qui revelat confessiones vel incitat ad malum ; *quintus* in articulo necessitatis.

1. Ed. « contritio ». — 2. Ed. *ad.* « sint ». — 3. η « sistit », ζ *om.* — 4. Ed. *om.* « sui ». — 5. Ed. *ad.* « in ».

## DISTINCTIO XXII

### Si peccata dimissa redeant

1. — Cumque multis auctoritatibus supra d. 14 et d. 17 sit assertum, in vera cordis contritione peccata dimitti ante confessionem vel satisfactionem, ei etiam qui aliquando in crimen relapsurus est, quæritur si post cordis contritionem confiteri contempserit, vel in peccatum idem vel simile reciderit, an peccata dimissa redeant.

2. — Cujus quæstionis solutio obscura est et perplexa, aliis asserentibus, aliis e contra negantibus peccata semel dimissa ulterius replicari ad pœnam.

### Aliorum sententia

3. — Qui vero dicunt peccata dimissa redire, subditis se muniunt testimoniis.

a. — Ambrosius ait {*In Epist. ad Ephesios*, iv, 32 ; L. 17, 393) : «*Donate invicem, si alter in alterum peccat! ; alioquin Deus repetit dimissa. Si enim in his contemptus fuerit, sine dubio revocabit sententiam per quam misericordiam dederat, sicut in Evangelio (Mat., xviii, 33), de servo nequam legitur, qui in conservum suum impius deprehensus est.* »

b. — Item Rabanus {*Decr., de pœnit.* d. 4, cap. 1 «*Si Judas* » ; L. 187, 1618) : «*Nequam servum tradidit Deus tortoribus quoadusque redderet universum debitum ; quia non solum peccata quæ post baptismum homo egit, reputabuntur ei ad pœnam, sed etiam originalia quæ in baptismo sunt ei dimissa.* »

Item Gregorius (IV *Dialog.*, c. 60 ; L. 77, 428) : «*Ex dictis evangelicis constat, quia si ex corde non dimittimus quod in nos delinquitur, et hoc rursum exigitur quod jam nobis per poenitentiam dimissum fuisse gaudebamus.* »

Item Augustinus {*Serm.* 83, c. 6, n. 7 ; L. 38, 518) : «*Dicit Deus : «*Dimitte, et dimittetur tibi.* » (Luc. vi, 37.) Sed ego prius dimisi, dimitte vel postea. Nam si non dimiseris, revocabo te, et quidquid dimiseram, replicabo tibi.* »

Item : «*Qui divini beneficii oblitus suas vult vindicare injurias, non solum de futuris peccatis veniam non merebitur, sed etiam præterita quæ jam sibi dimissa credebatur, ad vindictam ei replicabuntur.* » (August., *ibid.*)

Item BEDA {*In Luc.*, xi, 24, lib. IV, c. 9 ; L. 92, 478), super illud «*Revertar in domum meam, etc.* » «*Timendus est ille versiculus, non exponendus, ne culpa quam in nobis extinctam credebamus, per incautelam nos vacantes opprimat.* »

Item (*ibid.*, v. 26) : «*Quemcumque enim post baptisma sive pravitas hæretica, seu cupiditas mundana arripuerit, mox omnium prosternet in imavitiarum.* »

Item Augustinus (lib. I, *De bapt. contra Donatistas*, c. 12, n. 20 ; L. 43, 120) : «*Redire dimissa peccata ubi fraterna caritas non est, apertissime Dominus in Evangelio (Mat., xviii, 33) docet in illo servo a quo dimissum*

1. Quar. «*peccet.* »

*Dominus debitum petiit, eo quod ille conservo suo debitum nollet dimittere.* »

His auctoritatibus innuntur qui dicunt peccata dimissa, si replicantur, redire simpliciter!

#### Objectio

4. — Quibus opponitur. Si quis pro peccato de quo pœnituit et indulgentiam accepit, iterum punitur, non videtur justum. Si punitur pro eo quod peccavit et non emendavit, justitia est aperta. Si vero requiritur quod fuerat condonatum, vel justitia non est, vel justitia est<sup>2</sup> occulta. Videtur etiam Deus « *bis in idipsum judicare, et duplex tribulatio consurgere* » : quod Scriptura negat (Nahum, i, 9).

#### Responsio

5. — Sed ad hoc potest dici quod neque duplex tribulatio consurgit, neque judicat Deus his in idipsum. Hoc enim fieret, si post condignam satisfactionem et sufficientem pœnam iterum puniret ; sed non satisfacit digne<sup>3</sup> et sufficienter qui non perseveraverit\*. Debit enim jugem peccati habere memoriam non ad faciendum, sed ad cavendum ; debuit non « *oblivisci omnes retributiones Dei* » [Ps. cii, 2), quæ tot sunt, quot sunt peccatorum remissiones. Tot ergo debuit cogitare dona Dei quot mala sua, ac pro illis usque in finem gratias agere. Sed quia ingratus « *ad vomitum sicut canis rediit* » (II Pet. u, 22), anteacta bona mortificavit, et peccatum dimissum revocavit, ut cui humiliato ante Deus peccatum dimiserat, eidem postea elato et ingrato imputet.

#### Aliorum sententia

6. — Sed quia absonum videtur ut peccata dimissa iterum impudentur, placet Quibusdam neminem pro peccatis semel dimissis iterum a Deo puniri. Sed ideo dicuntur dimissa redire et imputari, quia propter ingratitudinem ita reus et peccator constituitur, ut ante fuerat. Sic enim quod dimissum<sup>5</sup> fuerat, dicitur exigi, quia remissionis perceptæ ingratus ita reus fit ut ante fuerat.

Utrique parti quæstionis probati favent doctores. Ideoque alicui parti non præjudicans, studioso lectori judicium relinquo, addens mihi tutum fore ac salutem prosequum sub mensa dominorum micam edere.

#### Quid sit sacramentum et res

7. — Post prædicta restat investigare quid in actione pœnitentiæ sit sacramentum et res. Sacramentum enim signum est sacræ rei. Quid ergo<sup>7</sup> hic signum est, et quæ est res sacra hujus signi ?

8. — Quidam dicunt sacramentum hic esse quod exterius tantum geritur, scilicet exterior pœnitentia, quæ est signum interioris pœnitentiæ, scilicet contritionis cordis et humiliationis.

9. — Quod si est, non omne sacramentum evangelicum id efficit quod figurat. Exterior enim poenitentiam non afficit interiorem, sed potius interior causa est exterioris.

1. Quar. » peccata dimissa redire, si replicantur ». — 2. Quar. om. « est ». — 3. Ed. om. per homot. « et sufficientem poenam iterum puniret ; sed non satisfacit digne ». — 4. Quar. « perseveravit ». — 5. Ed. « missum ». — 6. Quar. « igitur ».

10. — Sed ad hoc inquirunt illi, hoc esse intelligendum de illis sacramentis quæ in novo testamento instituta sunt, ut est sacramentum baptismi, confirmationis et Corporis Christi. Sacramentum<sup>1</sup> vero pœnitentiæ sicut et conjugii, ante tempus gratiæ etiam a primordio humani generis luit. Utrumque enim institutum luit in primis parentibus.

11. — Item. Si exterior pœnitentia sacramentum est, et interior res sacramenti, sæpius præcedit res sacramentum quam sacramentum rem.

12. — Sed nec hoc inconueniens est; nam et in aliis sacramentis quæ efficiunt quod figurant, hoc sæpe contingit.

13. — Quidam autem dicunt exteriorem pœnitentiam et interiorem esse sacramenta, sed duo sacramenta, sed unum, ut species panis et vini non duo sunt sacramenta, sed unum. Et sicut in sacramento corporis, ita etiam in hoc sacramento dicunt aliud esse tantum sacramentum scilicet exteriorem pœnitentiam, aliud<sup>2</sup> sacramentum et rem, scilicet interiorem pœnitentiam, aliud rem et non sacramentum, scilicet remissionem peccatorum. Interior enim pœnitentia et res est sacramenti, idest exterioris pœnitentiæ, et sacramentum remissionis peccati quam significat<sup>3</sup> et facit. Exterior quoque pœnitentia et interioris signum est, et remissionis peccatorum.

#### DIVISIO TEXTUS

14. — « Cum multis auctoritatibus, etc.<sup>4</sup> » (1)

Postquam determinavit Magister de tempore pœnitentiæ quod concomitatur ipsam pœnitentiam, *hic determinat quædam quæ. perlinent ad effectum ipsius qui est remissio peccatorum.*

Et dividitur in partes duas. In prima inquit utrum remissio peccatorum sit irrevocabilis, an peccata dimissa quandoque redeant; in secunda, quia in quolibet sacramento effectus est res ipsius, inquit quid sit sacramentum et res in pœnitentia. ibi : » Post prædicta restat investigare, etc. » (7)

Circa primum tria facit. Primo movet quæstionem. Secundo ponit diversas opiniones circa solutionem ipsius quæstionis, ibi : « Cujus quæstionis solutio, etc. » (2) Tertio opiniones prosequitur, ibi : « Qui vero peccata dicunt, etc. » (3)

Et circa hoc duo facit. Primo prosequitur primam opinionem; secundo secundam, ibi : « Sed quia absonum videtur, etc. » (6)

Circa primum tria facit. Primo ponit auctoritates quibus confirmatur prima opinio. Secundo objicit in contrarium; ibi : « Quibus opponitur, etc. » (4) Tertio ponitur eorum solutio, ibi : « Sed ad hoc potest dici, etc. » (5)

« Post prædicta restat investigare, etc. » (7) Hic inquit quid sit sacramentum et quid res in pœnitentia. Et circa hoc duo facit. Primo movet quæstionem. Secundo solvit eam, ibi : « Quidam<sup>5</sup> dicunt sacramentum, etc. » (8)

Et dividitur in partes duas secundum duas opiniones quas

1. Ed. om. per homot. « baptismi, confirmationis et corporis Christi. Sacramentum ». — 2. Ed. om. per homot. « sacramentum, scilicet exteriorem pœnitentiam aliud ». — 3. Quar. « et signat ». — 4. Ed. om. « Cum multis... » — 5. Ed. ad. « enim ».

ponit. *Secunda* incipit, ibi : « Quidam autem dicunt, etc. » (13)

Circa primum *duo* facit. *Primo* narrat opinionem. *Secundo* ponit objectiones in contrarium, ibi : « Quod si est, non omne sacramentum, etc. » (9)

Et dividitur in partes *duas* secundum duas solutiones<sup>2</sup> quas ponit. *Secunda* incipit, ibi : « Item si exterior poenitentia, etc. » (11)

Et utraque dividitur in objectionem et solutionem ; per se patet. (10, 12)

Hic est duplex quæstio

Prima de reditu peccatorum.

Secunda de eo quod est sacramentum vel res in poenitentia.

## QUÆSTIO I

Circa primum quæruntur quatuor<sup>3</sup>

*Primo*, utrum peccata dimissa redeant.

*Secundo*, de ingratitude, per quam peccata redire dicuntur.

*Tertio*, quæ peccata per ingratitude redire possunt.

*Quarto*, utrum recidivans teneatur confiteri peccata de quibus prius confessus fuerat<sup>4</sup>.

### ARTICULUS I

[III, q. 88, a. 1 ; *Mal.* c. 18, in fine.]

#### 15. — AD PRIMUM SIC PROCEDITUR. VIDETUR QUOD PECCATA DIMISSA REDEUNT IN EO QUI RECIDIVAT.

1. Dicit enim Leo Papa : « *Quæ divina misericordia solidavit in ea revolvit prurigo ; quoniam iterata iniquitas misericordiam concessam exinanivit.* » Ergo videtur quod per recidivum peccata dimissa redeant.

2. **Præterea.** Remoto operculo apparet quod operiebatur. Sed « *caritas operit multitudinem peccatorum* » ; 1 *Petr.*, iv, 8. Ergo remota caritate per peccatum sequens peccata dimissa redeunt.

3. **Præterea.** *Ezech.*, xviii, 24, dicitur : « *Si averterit se justus a justitia sua, ... omnes justitiæ suæ quas facerat, non recordabuntur.* » Ergo in eodem statu est ac si nullam justitiam fecisset. Sed si non fecisset justitiam poenitentiae, non essent ei peccata dimissa. Ergo dimissio illa annullatur. Et sic peccata dimissa redeunt.

4. **Præterea.** Magis peccat qui offendit Deum quam qui offendit hominem. Sed si aliquis est ab aliquo domino manu-

1. Ed. « narrat ». — 2. Ed. « objectiones ». — 3. ζ(τ) « tria ». — 4. ζηλοχ om. « Quarto... ».

missus per offensam in ipsum commissam, iterum reducitur in servitutem. Ergo multo fortius, si aliquis divina gratia a servitute peccati liberatus Deum per recidivum peccati offendant, in pristinam servitutem peccati revocatur. Et sic peccata dimissa redeunt.

5. **Præterea.** Esto quod aliquis post veram contritionem de peccatis præteritis cadat in peccatum et moriatur statim; constat quod in infernum descendit. Ergo de peccatis quæ sibi dimissa fuerunt, ibi punitur, cum non sit sibi pœna totaliter remissa. Ibi vero punietur æternaliter, quia « *in inferno nulla est redemptio* ». Ergo similem reatum incurrit ei quem habebat. Et ita videtur quod in isto peccata dimissa redeunt. Et similis ratio est de illo qui confessus est et non satisfecit plene.

6. **Præterea.** *Sicut* per poenitentiam remittuntur peccata, *ita* per peccatum actuale mortificantur merita præcedentia. Sed per poenitentiam quæ peccatum destruit, priora merita reviviscunt. Ergo per peccatum quod poenitentiam destruit qua remittebatur peccatum, peccata dimissa reviviscunt.

16. — **SED CONTRA.** Augustinus in lib. *de responsionibus Prosperi (ad Capit. Gallor., respons. u; L. 51, 1834)*: « *Qui recedit a Christo et alienatus a gratia finit hanc vitam, quid nisi in perditionem vadit? Sed non in id quod dimissum est redit, nec originali peccato damnabitur.* » Ergo peccata dimissa non redeunt.

17. — **Præterea.** Eodem peccato et æquali unus non fit alio deterior. Sed contingit innocentem et poenitentem eodem et æquali peccato mortali peccare. Ergo poenitens non fit deterior per hoc peccatum quam innocens. Fieret autem, si peccata dimissa redeant. Ergo non redeunt.

18. — **Præterea.** Contrarium non reducit suum contrarium. Sed contingit quandoque quod peccatum quod aliquis post poenitentiam committit, est contrarium peccato quod per poenitentiam deletum est, sicut avaritia prodigalitati. Ergo peccatum sequens non reducit peccatum præcedens.

19. — **Præterea.** Nullus incurrit peccati maculam vel reatum, nisi ex commissione ipsius peccati. Sed poenitens antequam faceret simplicem fornicationem, non habebat maculam vel reatum homicidii quod sibi jam dimissum erat<sup>2</sup>. Nec postea fornicando homicidium committit. Ergo non redit homicidium sibi dimissum quantum ad culpam, neque quantum ad reatum.

20. — **RESPONSIO.** Dicendum quod nliquo modo peccata redire oportet dicere; quia Auctores<sup>3</sup> expresse hoc dicunt.

1. In VII responsorio officii Defunctorum. — 2. Ed. ad. « Ergo ». — 3. Ed. « auctoritates ».

**Quidam** ergo hoc simpliciter concesserunt in omni qui patitur recidivum. Nec fuit intentio eorum dicere quod actus ille peccati idem numero revocaretur, vel eadem numero macula quæ prius ablata fuerat per poenitentiam ; quia quod omnino in nihilum decidit idem numero resumî non potest ; sed ita quod *sicut* per peccata commissa aliquis impediëbatur, ante peractam poenitentiam de eis, ne gratiam a Deo reciperet ; *ita* eisdem impeditur postquam a statu poenitentiaë decidit per peccatum mortale, quo récidivât. Sic enim dicitur peccatum<sup>2</sup> manere quantum ad culpam, in quantum ex actu qui jam præterit, impeditur aliquis a gratiaë receptione, sicut a quodam obstaculo posito inter Deum et animam ; remitti autem quoad culpam, quando ratione actuum præteritorum aliquis gratia non privatur.

**21. — Sed hæc opinio non potest stare** ; quia ad causandum tenebras utrumque duorum per se sufficit, scilicet indispositio recipientis et interpositio obstaculi. Unde si tenebræ debeant amoveri, oportet et indispositionem tolli et obstaculum amoveri. Et ita poenitentia quæ tenebras peccati tollebat, non solum removebat indispositionem quæ erat in anima ad gratiam suscipiendam, sed etiam removebat obstaculum præcedentis peccati, non quidem ita quod actus ille non præcesserit, sed quod non haberet vim impediendi gratiam actus præcedens ; quæ quidem vis prædicto actui restitui non potest, nisi iteretur ; quod est impossibile. *Et ideo non potest dici quod prædicto modo peccata quoad maculam redeunt.*

**22. — Et ideo Alii dixerunt quod non redit peccatum dimissum per quodlibet<sup>3</sup> peccatum sequens, sed per<sup>4</sup> quatuor tantum** : scilicet per odium fraternum, per apostasiam a fide, per contemptum confessionis per hoc quod aliquis dolet se poenituisse. Unde fecerunt versus :

Fratres odit, apostata flt, spernitque fateri,  
Poenituisse piget ; pristina culpa redit.

**23. — Sed hæc opinio minus habet de ratione quam prima** ; quia non<sup>6</sup> potest assignare causam quare per hæc peccata redeant magis peccata dimissa quam per alia, cum etiam alia contingat quandoque esse graviora ; nisi quod ex auctoritatibus et quibusdam *rationibus frivolis* inducebantur ad dicendum quod per hæc peccata redirent peccata dimissa. Et videbatur eis absurdum quod per omne peccatum sequens præcedentia redirent.

**24. — Nec sufficit quod dicunt quod Deus dimittat peccata**

1. Ed. om. « ergo ». — 2. Ed. ad. « mortale ». — 3. Ed. « quolibet ». — 4. Ed. om. « per ». — 5. Ed. ad. « magis ».

sub conditione vitandi ista quatuor ; quia causa sufficiens inducit effectum suum absolute, nihil expectans a futuro. Gratia autem et passio Christi ex cujus virtute sacramenta efficaciam habent, sufficientissime se habent ad omnem culpam delendam.

**25. — Et præterea.** Nulla est ratio quare magis sub conditione vitandi hæc peccata, priora remittantur quam sub conditione vitandi alia ; cum omne peccatum contrarietur gratiæ per quam fit remissio peccatorum.

**26. — Et ideo dicendum est cum** Aliis quod aliquid potest redire *duplíciter. Vel in se.* Et sic peccata dimissa nullo modo redeunt quantum ad maculam, et per consequens nec quantum ad reatum. *Vel in suo effectu.* Et hoc modo peccata dimissa redeunt, in quantum ex peccatis dimissis aliquid in sequentibus relinquitur. Ex hoc enim quod homo Deum per peccatum offendit post remissionem præcedentium peccatorum, quamdam deformitatem ingrati tudinis actus sequentis peccati acquirit. **Et ideo dicitur communiter quod redeunt quantum ad ingrati tudinem.**

**27. — AD PRIMUM** ergo dicendum quod misericordia Dei per quam fiebat remissio peccatorum, ad *duo* ordinatur. *Ad unum in præsentem* : scilicet remissionem peccatorum præcedentium. *Et quantum ad hunc effectum non exinanitur per peccatum sequens*<sup>2</sup>. *Ad aliud in futuro* : scilicet ad vitam æternam consequendam ; quia gratia per quam fiebat remissio peccatorum, faciebat dignum vita æterna. *Et quantum ad hunc effectum exinanitur per sequens peccatum.*

**28. — Ad secundum** dicendum quod caritas dicitur operire peccata Deo qui omnia videt. Unde oportet quod ea destruat, non quidem faciens ut actus non præcesserit, sed quod vim impediendi gratiam non habeat. *Sed coram oculis hominum potest aliquid operiri quod de se manet. Et de tali operimento objectio procedebat.*

**29. — Ad tertium** dicendum quod *justitiæ* ejus non rememorabuntur quantum ad effectum qui ex eis expectabatur in futuro, quia per eas ad vitam æternam non perveniet ; sed *rememorabuntur quantum ad hunc effectum qui est peccata præterita abolere*, quem in præsentem faciebant.

**30. — Ad quartum** dicendum quod quamvis aliquis manumissus reducat in eandem servitutem de qua liberatus fuerat, non tamen ut sit ex eadem causa servus, ex qua primo fuerat, sed ex alia, scilicet *offensa post manumissionem commissa.*

*Ei similiter qui récidivât reducit in servitutem peccati, non tamen ut sit servus peccati ex actibus peccatorum ex quibus prius erat, sed ex actu istius peccati sequentis.*

1. Ed. « ratione ». — 2. Ed. *ad.* « et ».

*Unde peccata dimissa non redeunt, sed novum inducitur.*

**31.** — **Ad quintum** dicendum quod pro illa parte pœnæ quæ sibi dimissa est in confessione vel contritione, nunquam punitur, sed pro residua. *In æternum* tamen, ut *Quidam* dicunt; quia ratione fori in quo punitur, æterna pœna debetur: sicut est del venialibus quæ in purgatorio puniuntur pœna temporalis, et in inferno æterna.

**32.** — **Sed hoc non videtur simile**; quia veniale ideo in inferno æternaliter punitur, quia semper manet, cum non sit ibi aliquid quod culpam delere possit; sed pœna ex hoc ipso quod solvitur, expiatur.

**33.** — Et ideo *Alii* dicunt quod pœna cujus est aliquis debitor post culpam remissam, in inferno punitur temporaliter.

**34.** — Nec propter hoc sequitur quod sit « *in inferno redemptio* »; quia pœna quæ solvitur, non redimitur.

**35.** — Nec est inconveniens quod *quantum ad aliquid accidentale* pœna inferni minuatur usque ad diem iudicii, sicut etiam augetur.

**36.** — **Ad sextum** dicendum quod peccatum mortale non mortificabat merita præcedentia quin in se essent viva, unde in gloriam electorum cedebant. Sed mortificabantur solum quantum ad illum cujus erant qui impediabatur a consecutione effectus ipsorum. Et ideo, remoto impedimento, in sua efficacia remanent quoad istum.

**37.** — Sed peccatum per pœnitentiam non solum mortificatur quoad peccantem, sed etiam in se. Remissio enim peccatorum est principaliter opus Dei; sed mortificatio meritorum præcedentium est opus hominis. Homo autem sua actione non potest evacuare simpliciter opus Dei, quamvis possit impedire ne sibi prosit. Et ideo homo per peccatum sequens non potest remissionem præcedentium peccatorum annullare<sup>2</sup>, potest autem sua actione evacuare quod per ipsum factum est. *Et ideo potest mortificationem meritorum præcedentium per merita sequentia penitus annullare, præcipue gratia adjutus*<sup>3</sup>.

## ARTICULUS II

[I]

[II-II, q. 107, a. 2, ad. 1; III, q. 88, a. 4.]

**38.** — **AD SECUNDUM SIC PROCEDITUR.** VIDETUR QUOD INGRATITUDO NON SIT SPECIALE PECCATUM.

1. Ed. « in ». — 2. η « adnichilare ». — 3. ζ(ι) « adjunctus », sed ζ expungit in « adjutus ».

1. Quod enim invenitur in omni peccato, non est speciale peccatum. Sed ingratitude incurrimus per quodlibet peccatum, quia Deum nobis maxime beneficium offendimus quolibet peccato, quantum in nobis est. Ergo ingratitude non est speciale peccatum.

2. **Præterea.** Omne peccatum speciale alicui virtuti speciali opponitur. Sed non est assignare aliquam virtutem specialem cui ingratitude opponatur, cum sit contra omnes, quia omnes ex Dei gratia nobis conferuntur. Ergo ingratitude non est speciale peccatum.

**39. — SED CONTRA.** Ubi cumque est invenire specialem rationem deformitatis, est invenire speciale peccatum. Sed hoc habet ingratitude. Ergo est speciale peccatum.

[II]

**40. — ULTERIUS.** Videtur quod non minus sit ingratus INNOCENS, SI PECCAT, QUAM PŒNITENS.

1. Ille enim per offensam fit magis ingratus qui ad majores gratiarum actiones tenetur. Sed magis tenetur ad gratiarum actiones innocens quam pœnitens, in quantum nobilius donum a Deo habet. Ergo magis est ingratus, si peccat.

2. **Præterea.** *Sicut* homo per gratiam Dei relevatur a casu, *Ha* per gratiam tenetur ne cadat. Sed ingratitude gratiæ contemptum importat. Ergo *ita* est ingratus innocens dum peccat contemnens gratiam sustentantem, *sicut* pœnitens contemnens gratiam relevantem.

**41. — SED CONTRA.** Rectum iudicium est ut ille plus diligat cui plus est dimissum, ut patet Luc., vi, 47. Sed plus dimissum est innocenti quam pœnitenti. Ergo plus tenetur diligere. Ergo magis est ingratus, si peccat.

[III]

[III, q. 88, a. 3.]

**42. — ULTERIUS.** Videtur quod ex ingratitude recidivantis consurgat tantus reatus quantum fuit prece-dentium peccatorum.

1. Quia quantum est beneficium præstitum, tanta est ingratitude contemnentis. Sed quantum est peccatum commissum, tantum est beneficium remissionis peccati. Ergo tanta est ingratitude. Et ita videtur quod consurgat aequalis reatus peccatis dimissis secundum ingratitude peccati sequentis.

2. **Præterea.** Non possunt aliqua commensurari nisi secundum quantitatem quam habent. Sed reatus ex ingratitude

recidivantium mensuratur secundum quantitatem peccatorum dimissorum; quia quanto plura et majora peccata sunt alicui dimissa, tanto magis efficitur ingratus contemnendo. Ergo reatus totus præcedentium peccatorum redit per ingratitude[m] recidivantis.

**43. — SED CONTRA.** Quantitas reatus est secundum quantitatem deformitatis in culpa. Sed quandoque non est tanta deformitas in peccato recidivantis, quanta fuit in multis aliis quæ prius sibi dimissa fuerunt. Ergo non redit æqualis reatus.

**44. — RESPONSIO.** Dicendum **AD PRIMAM QUÆSTIONEM** quod *ingratitude gratiarum actionis privativa est*: quæ quidem gratiarum actio dationem respicit. Est autem *duplex datio*.

*Una* quæ respicit debitum *vel jam existens*: sicut cum quis alicui reddit quod debet; *vel ut fiat*: sicut cum quis emit vel dat aliquid ut alterum sibi debitum fiat. **Et hæc datio ad justitiam pertinet.**

**45. —** *Alia* autem est *quæ neutro modo respicit debitum*. **Et hæc proprie donatio dicitur. Et ad liberalitatem pertinet.** Et quia ad hanc dationem nihil inclinatur nisi voluntas dandi, ideo gratuita dicitur. Et tali dationi gratiarum actio proprie debetur, ut quis gratiæ factæ retributionem faciat secundum suum modum. Ex hujusmodi ergo gratiarum actionis defectu aliquis ingratus dicitur; et tanto magis, quanto magis ad hoc discedit.

**46. —** Unde *primus gradus ingratitude* est, cum quis effectu pro beneficiis acceptis retribuere aliquid negligit; *secundus* cum affectu contemnit; *tertius*, cum etiam intellectu obliviscatur<sup>2</sup>; *quartus* et maximus, ut contra beneficientem aliquid operetur indebite.

**47. —** *Ingratitude* autem *quantum ad tres primos gradus semper est peccatum speciale*; sed **quantum ad quartum est deformitas annexa peccato**; quia ex hoc ipso quod ponitur aliquid indebite fieri, ponitur peccatum esse; sed ex hoc quod dicitur fieri contra beneficientem, additur circumstantia aggravans, quæ est ingratitude.

**48. —** Unde cum omne peccatum contra Deum sit, ex quolibet peccato homo ingratitude[m] incurrit, quia ipse est nobis summe beneficus. **Et per hunc modum quodlibet peccatum post beneficium remissionis peccatorum ingratitude[m] habet annexam.** Et ideo ingratitude, secundum quam peccata redire dicuntur, **non est speciale peccatum**, quamvis aliqua ingratitude sit speciale peccatum.

**49. — AD PRIMUM** ergo dicendum quod de ratione generalis

1. Ed. « modus ». — 2. Ed. « obliviscitur ».

peccati est non solum quod inveniatur cum omnibus peccatis, sed etiam quod nunquam<sup>1</sup> inveniatur sine aliquo aliorum peccatorum ; quia nihil est in genere quod non sit in aliqua ejus specie. *Unde quatenus invenitur ab aliis peccatis separatim, dicitur peccatum speciale, quamvis quandoque etiam aliis adjungatur.*

**50. — AD SECUNDUM** dicendum quod *ingratitude*, ut dictum est (44), gratiarum actionem tollit quæ est actus justitiæ ; quia ille qui prius dedit, debitorem sibi constituit illum qui retribuit, quamvis hoc non intenderet. *Unde opponitur justitiæ.*

**51. — AD SECUNDAM QUÆSTIONEM** dicendum quod loquendo per se de pœnitente et innocente quantum ad bonum remissionis peccatorum et innocentiae conservatæ, donis aliis prætermisissis, sic quodammodo plus tenetur ad gratiarum actionem innocens quam<sup>2</sup> pœnitens. Gratiarum enim actio respicit et quantitatem doni et modum gratuitæ donationis, et ex utroque mensuram recipit, quia tam majori dono quam magis gratis dato major gratiarum actio debetur. *Considerando ergo quantitatem doni, sic innocens magis tenetur*, quia majus est quod accepit, *Sed considerando hoc quod est gratis dare, magis tenetur pœnitens* ; quia quanto aliquis est magis elongatus a debito recipiendi, tanto datio fit sibi magis gratis ex parte sua, quamvis non ex parte dantis, qui omnibus æquali liberalitate dat. Magis autem elongatur<sup>3</sup> a debito consequendi remissionem peccatorum quam innocens a debito conservationis. **Et ideo uterque aliquo modo plus tenetur ad gratiarum actionem, et aliquo modo æqualiter.**

Et per hoc patet solutio ad objecta.

**52. — AD TERTIAM QUÆSTIONEM** dicendum quod *Quidam* dixerunt quod per ingratitude redivantis redit tantus reatus quantus fuit omnium peccatorum præcedentium.

**53. — Sed hoc non potest esse** ; quia quantitas reatus sequitur quantitatem peccati ; quantitas autem peccati per quod quis redivât, est multo minus quandoque ex genere suo quam peccata quæ prius erant dimissa. Et non potest esse quod ingratitude circumstantia det sibi tantam quantitatem ; quia hæc ingratitude consurgit ex hoc quod aliquid indebite fit contra Dei præcepta. Unde secundum mensuram indebiti est mensura ingratitude. Et sic quantitas peccati quam habet ex suo genere, dat quantitatem ingratitude. *Unde quantitas ingratitude non potest esse major quam sit quantitas peccati.*

**54. — Et ideo aliter dicendum quod non redit æqualis reatus**

1. Ed. « nonnunquam ». — 2. ζη « quodammodo ». — 3. Ed. ad. « peccator ».

**secundum quantitatem absolutam, redit autem æqualis secundum proportionalitatem** ; quia quanto fuerunt peccata dimissa graviora, tanto fuit beneficium remissionis majus ; et quanto beneficium fuit majus, tanto ingratitude major. Et sic aliquo modo quantitas reatus præcedentium peccatorum manet in ingratitude recidivi, non autem secundum æqualitatem absolutam, sicut nec beneficium est æquale peccato dimisso in quantitate, sed multo majus. Nec ingratitude secundum quantitatem absolutam est tanta quantum beneficium.

Et secundum hoc patet solutio ad objecta.

### ARTICULUS III

#### [I]

[III, q. 88, a. 2 ; *Mat.* c. 18, in fine]

**55. — AD TERTIUM SIC PROCEDITUR.** Videtur quod **PER INGRATITUDINEM NON REDEANT PECCATA VENIALIA.**

1. Quia peccatum veniale *sicut* per ingratitude redit, *ita* et facit alia redire per ingratitude. Sed peccatum veniale non facit alia redire per ingratitude ; alias tota die peccata dimissa redirent. Ergo nec ipsum per ingratitude redit.

2. **Præterea.** Ex hoc aliquid peccatum per ingratitude redit quod majorem ingratitude facit. Sed peccatum veniale dimissum non facit majorem ingratitude ; quia non dimittit caritatem. Ergo nec redit per ingratitude.

**56. — SED CONTRA.** Peccata venialia inter *debita* computantur in *oratione dominica*, quæ specialiter contra venialia valet. Sed in *Littera (3b)* dicitur quod « *universum debitum exigitur ab eo qui recidivât* ». Ergo et venialia etiam redeunt.

#### [II]

**57. — ULTERIUS.** Videtur quod originale non redeat.

1. Quia si morbus redit et medicina redire debet. Sed baptisimus qui est singularis medicina contra originale, non reiteratur aliquo modo. Ergo nec peccatum originale redit.

2. **Præterea.** Omne peccatum quod per actum incurrimus, actuale est. Sed originale peccatum non est actuale. Ergo peccatum originale per actum peccati sequentis non redit.

**58. — SED CONTRA** est quod expresse in *Littera (3b)* dicitur.

[HI]

**59. — ULTERIUS.** Videtur **QUOD PER ILLA QUATUOR PECCATA NON MAGIS REDEANT PECCATA DIMISSA QUAM PER ALIA.**

1. Quia ex hoc aliquis est ingratus Deo quod contra Deum facit. Sed sicut illa quatuor, ita et alia contra Deum sunt. Ergo omnibus per ingratitudinem peccata dimissa redeunt.

2. **Præterea.** Peccatum in Spiritum sanctum est gravius quam aliquod prædictorum. Ergo per ipsum magis deberet dici quod peccatum rediret.

**60. — SED CONTRA** est quod **Auctores** maxime loquuntur de illis peccatis.

**61. — RESPONSIO.** Dicendum **AD PRIMAM QUÆSTIONEM** quod eo modo quo peccata mortalia per ingratitudinem redeunt, et venialia similiter. *Sicut* enim beneficio Dei adscribenda est remissio mortalium peccatorum ; *ita* et venialium. **Et secundum hoc quod beneficium remissionis contemnitur quodammodo in peccato sequenti, secundum hoc peccata dimissa per ingratitudinem redire dicuntur.**

**62. — AD PRIMUM** ergo dicendum quod *peccatum veniale*, quamvis non tollat gratiam, tamen per gratiam tollitur. *Peccatum autem mortale* et gratiam tollit et per gratiam tollitur. Et ideo peccatum mortale et ingratitudinem causât per quam alia peccata redeunt, et ipsum per ingratitudinem redit ; sed *peccatum veniale redit quidem, sed alia redire non facit, quia<sup>2</sup> ingratitudinem non causal.*

**63. — Ad secundum** dicendum quod quamvis non diminuat gratiam, *relinquit tamen majorem ingratitudinem*, in quantum beneficium gratiæ tollitur.

**64. — AD SECUNDAM QUÆSTIONEM** dicendum quod eodem modo originale etiam redit quod beneficio gratiæ tollitur.

**65. — AD PRIMUM** dicendum quod ratio illa procederet, si *originale* per se rediret. Nunc autem non *dicitur redire* in se, sed *in alio* in quo quodammodo quantitas ipsius manet, ut dictum est (63).

Et simiter dicendum **ad secundum.**

**66. — AD TERTIAM QUÆSTIONEM** dicendum quod *sicut* per ista peccata redeunt peccata<sup>3</sup> dimissa ex ingratitudine, *ita* etiam per alia.

1. Ed. om. ' peccata ». — 2. ζη ad. « per », sed ζ deletiv. — 3. Ed. om. per homot « redeunt peccata ».

67. — Tamen in istis est aliquid speciale præ aliis ; quia non solum sunt contra ipsum remittentem peccata, quod etl in omnibus aliis peccatis est, sed etiam sunt contra remedium quo peccata dimittebantur. Remissio autem peccatorum attribuitur primo fidei, secundo caritati, tertio pœnitentiæ. Et ideo apostasia a fide quæ opponitur primo, et odium fraternum quod opponitur secundo, et alia duo quæ opponuntur tertio, *specialem habent rationem ut faciant redire peccata*, non ratione gravitatis majoris, sed *ratione prædicta*.

Et per hoc patet solutio ad objecta.

#### ARTICULUS IV

68. — **AD QUARTUM SIC PROCEDITUR.** Videtur quod **RECIDIVANS TENEATUR PRIORA<sup>3</sup> PECCATA CONFITERI DE QUIBUS PRIUS CONFESSUS FUIT.**

1. Ingratitudo enim videtur esse gravissimum peccatum, cum per eam quodammodo alia<sup>4</sup> redeant. Sed ingratitude non confitetur, nisi<sup>5</sup> confiteatur alia<sup>6</sup> peccata ex quorum remissione factus est ingratus. Ergo oportet quod recidivans priora peccata confiteatur.

2. **Præterea<sup>7</sup>**. Per confessionem debet innotescere sacerdoti quantitas peccati. Sed quantitas<sup>8</sup> peccatorum prius dimissorum quodammodo manet in peccato quo quis<sup>9</sup> recidivavit, ut prius<sup>10</sup> dictum est. Ergo ille qui confitetur hujusmodi peccatum, debet<sup>11</sup> et alia confiteri.

3. **Præterea<sup>12</sup>**. Secundum Gregorium (lib. XXV *Morat.*, c. 9; L. 76, 334), unum peccatum disponit ad aliud, et sic<sup>13</sup> unum erit<sup>14</sup> causa alterius. Sed morbo non potest sufficienter remedium adhiberi nisi cognita causa morbi. Cum ergo ad hoc fiat confessio, ut exposit<sup>15</sup> morbo adhibeatur remedium, videtur quod recidivans teneatur peccata præterita confiteri.

4. **Præterea**. Contingit aliquando<sup>16</sup> post confessionem ante peractam poenitentiam recidivare. Constat autem quod postquam de recidivo poenitentiam egerit, tenetur pro peccatis prioribus. satisfacere Ergo videtur quod saltem in hoc casu teneatur peccata priora confiteri.

1. Ed. *om.* «et». — 2. Plures codices hunc articulum omittunt, alii addunt in ima pagina, κνπρω. — 3. Ed. *om.* « priora ». — 4. Ed. *ad.* « peccata ». — 5. Ed. *ad.* « simul ». — 6. Ed. « illa ». — 7. Ed. « Item ». — 8. Ed. « quantitas peccatorum prius dimissorum quæ ». — 9. Ed. « aliquis ». — 10. Ed. *om.* « prius ». — 11. F. « tenetur ». — 12. Ed. « etiam ». — 13. Ed. *om.* « disponit ad aliud et sic ». — 14. Ed. « est ». — 15. v « opposito », alii codices præter π qui expungit « ex opposito ». — 16. Ed. *ad.* « aliquem ».

**69. — SED CONTRA** est quod dicitur Nahum, I, 9 : « *Non iudicabit Deus bis in idipsum* ». Ergo si aliquis semel<sup>2</sup> in foro conscientiae<sup>3</sup> iudicatus est de aliquo peccato, non oportet quod iterum iudicio se exponat<sup>4</sup>.

**70. — Præterea.** In *Decretis* dicitur d. 1, (de *peen.*) : « *Non necesse est quod semel sacerdotibus confessi sumus, denuo confiteamur ; sed lingua cordis, non carnis apud verum iudicem ea confiteri debemus.* » Ergo idem quod prius.

**71. — RESPONSIO.** Dicendum quod secundum illam opinionem quæ ponit peccata dimissa redire sive quantum ad culpam, sive quantum ad reatum, necesse est dicere quod recidivans tenetur ad priora peccata iterum confitenda, cum eis ita<sup>6</sup> subiaceat post recidivum sicut prius.

**72. —** Sed secundum aliam opinionem quæ dicit quod peccata dimissa non redeunt<sup>6</sup> nisi quantum ad ingratitude<sup>m</sup> *duplex* est opinio.

**73. —** Quidam enim dicunt quod si recidivans confiteatur eidem sacerdoti cui ante fuerat confessus, habenti plenam memoriam priorum peccatorum, non tenetur ei priora peccata repetere, nisi in generali, ut se de ingratitude accuset, dummodo ante recidivum de prioribus peccatis satisfecerit.

Sed si<sup>7</sup> ante peractam poenitentiam recidivaret, teneretur iterum priora peccata confiteri etiam in speciali, ut iterato satisfactionis modum pro eis accipiat. Si autem<sup>8</sup> alteri sacerdoti confiteatur, vel eidem jam priora peccata obli<sup>o</sup>, sive ante recidivum satisfecerit, sive non ; tenetur iterum<sup>9</sup> omnia peccata in speciali confiteri, *tum* ut ingratitude<sup>m</sup> quantitas innotescat sacerdoti ex consideratione peccatorum prius dimissorum, *tum* ut ipse cognoscat vultum pecoris sui : quod fieri non posset, nisi mores ejus præteritos cognosceret, utrum scilicet innocenter an<sup>10</sup> injuste vixisset.

**74. — Sed ista opinio non videtur rationalis.** Ex quo enim priora peccata<sup>11</sup> dimissa sunt, nec secundum se redeunt, est necesse quod<sup>12</sup> iterum in iudicium adducantur ; quia nec ea Deus in iudicium adduceret, si aliquis<sup>13</sup> [inconfessus<sup>14</sup>] moretetur post recidivum, sed damnaretur solum pro peccato quo recidivavit.

**75. —** Et si etiam pro peccatis<sup>15</sup> non satisfecisset plene<sup>16</sup>, non

1. Ed. « quando ». — 2. Ed. *om.* « semel ». — 3. Ed. « pœnitentiæ ». — 4. Ed. *ad.* « idem peccatum confitendo ». — 5. Ed. « ut quæ ». — 6. Ed. *ad.* « per recidivum ». — 7. Ed. « Si enim ». — 8. Ed. « Sed si ». — 9. Ed. *om.* « iterum ». — 10. Ed. « aut ». — 11. Ed. *ad.* « simpliciter ». — 12. Ed. « ut ». — 13. Ed. « quis » — 14. Omnes codices « confessus ». — 15. Ed. *ad.* « prioribus ». — 16. Ed. *om.* « plene ».

videtur necessarium quod ea post recidivum confiteatur in speciali ; quia post<sup>1</sup> recidivum reatus eorum non est mutatus<sup>2</sup>. Unde eadem satisfactio<sup>3</sup> pro eis debetur quæ etiam<sup>4</sup> prius. Unde pœnitens tenetur post recidivum poenitentiam sibi prius injunctam peragere, non autem aliam pro eis satisfactionem accipere.

**76.** — Similiter etiam non oportet ut denuo confiteatur, ut cognoscatur ingratitude<sup>5</sup> quantitas. *Sicut* enim quantitas peccati augetur per ingratitude<sup>6</sup> de peccatis dimissis, sic<sup>5</sup> etiam augetur per ingratitude<sup>6</sup> de beneficiis acceptis. Unde pari ratione confitens omnia Dei beneficia sibi exhibita deberet<sup>6</sup> exponere sacerdoti : quod nullus dicit.

**77.** — *Similiter* etiam non oportet quod<sup>7</sup> sacerdoti confiteatur quis<sup>8</sup> totum statum suum, ut cognoscat vultum pecoris sui, sed solum de quibus debet ab eo judicari. Alias oporteret innocentem sacerdoti cui confitetur exponere venialia<sup>9</sup>, omnes pronitates suas ad peccandum et totam conditionem suam : quod nullus dicit.

**78.** — **Unde Aliquorum opinio** est quod post recidivum non tenetur aliquis priora peccata confiteri nec in generali nec in speciali ; quia ingratitude, ratione cujus peccata priora redire dicuntur, est quædam peccati circumstantia nec trahit ad<sup>10</sup> aliud genus peccati. Hujusmodi autem circumstantiæ non sunt necessario confitendæ, ut supra d. 16 (216-23) dictum est.

**79.** — **Sed ex hac opinione videtur relinqui** quod non possit plenarie recidivantis morbo remedium adhiberi. Multa enim expediunt ad spiritualem salutem recidivantis<sup>11</sup>, quæ non sunt innocenti necessaria, ut scilicet circa ea<sup>12</sup> majorem cautelam adhibeat.

**80.** — **Et ideo videtur distinguendum esse** quod in confessione est aliquid confitendum<sup>13</sup> *dupliciter*.

**Uno modo directe.** Et sic exponitur<sup>14</sup> illud cujus abolitio per confessionem quæritur. Et sic peccata dimissa recidivans nullo modo confiteri tenetur nec in generali nec in speciali, cuicumque confiteatur.

**81.** — **Alio modo indirecte** : sicut id<sup>15</sup> sine quo non potest sciri debitus satisfaciendi modus. Cum enim contritio, secundum quod est de necessitate salutis, [votum<sup>16</sup>] pœnitentiæ, confessionis et satisfactionis debitæ includat, tenetur ille qui confitetur sacerdoti exponere ea quibus sacerdos possit scire quæ

1. Ed. « per ». — 2. Ed. « immutatus ». — 3. Ed. *ad.* « nunc ». — 4. Ed. « et ». — 5. Ed. « ita ». — 6. Ed. « teneretur ». — 7. Ed. « ut ». — 8. Ed. « aliquis ». — 9. Ed. « cui venialia confitetur, exponere ». — 10. Ed. « in ». — 11. Ed. « récidivant! ». — 12. Ed. « eum ». — 13. Ed. « exponendum ». — 14. Ed. « expon-dicitur ». — 15. Ed. « illud ». — 16. Codices *om.* « votum »

satisfactio sit congrue injungenda : sicut confitens interdum sacerdoti confitetur se esse infirmum, ut ei jejunium non imponat. Et per hunc modum recidivans tenetur peccata dimissa notificare quantum sufficit ad hoc quod sciatur quæ sit ei poenitentia injungenda. Ut si ipse frequenter lapsus carnis passus est ex aliqua occasione, illa occasio præscindatur per satisfactionem, et sic de aliis peccatis. Et ad hoc sufficere videtur confessio dimissorum peccatorum in generali.

**82.** — Tamen quandoque ad aliqua specialia oportet descendere, secundum quod confitens viderit opportunum ; non enim potest in his aliqua mensura præfigi.

**83.** — **AD PRIMUM** ergo dicendum quod *ingratitude secundum quod hic accipitur, non est peccatum, sed circumstantia peccati*<sup>2</sup>, nec est circumstantia addens novam speciem peccati, cum<sup>3</sup> quilibet peccans ingratitude incurrat, saltem de beneficiis a Deo acceptis.

**84.** — **Ad secundum** dicendum quod *quantitas culpæ quæ est ex specie peccati, debet innotescere sacerdoti per confessionem* ; non tamen hoc<sup>4</sup> oportet de quantitate quæ est ex circumstantiis quibuscumque, ut supra d. 16 (**218**) dictum est.

**85.** — **Ad tertium** dicendum quod *auctoritas Gregorii non est ad propositum*. Gregorius enim loquitur de peccatis quæ per poenitentiam non delentur ; » *illa enim suo pondere mox ad aliud trahunt* ».

**86.** — **Et præterea**. Non est necessarium omnes occasiones peccati confiteri, sed solum illas sine quarum abscissione non potest sufficiens peccato remedium adhiberi<sup>5</sup>.

**87.** — **Ad quartum** dicendum quod *etiam in illo casu non tenetur iterum*<sup>6</sup> peccata prius dimissa confiteri ; sed sufficit sibi facere<sup>7</sup> prius injunctam satisfactionem, ut dictum est (**75**).

## QUÆSTIO II

Deinde quæritur de eo quod est res et sacramentum in poenitentia.

Et circa hoc quærentur tria

*Primo*, quid sit ibi res et quid sacramentum.

*Secundo*, de unitate hujus sacramenti.

*Tertio*, de institutione ipsius.

. 1. Ed. « alia ». — 2. Ed. *ad.* « ut dictum est ». — 3. Ed. *om.* « peccati » et habent « dum ». — 4. Ed. *om.* « hoc ». — 5. Ed. « sine quarum abscissione sufficiens remedium adhiberi non potest ». — 6. Ed. *om.* « iterum ». — 7. Ed. « explere ».

**ARTICULUS I**

[I]

[III, q. 65, a. 1 ; q. 84, a. 1.]

**88. — AD PRIMUM SIC PROCEditur.** Videtur quod  
**EXTERIOR PœNITENTIA NON SIT SACRAMENTALE SIGNUM.**

1. Signum enim sacramentale, secundum Hugonem (lib. I *De sacramentis*, p. 9, c. 2; L. 176, 317), est materiale elementum. Sed pœnitentia exterior non est elementum, sed actus. Ergo non est sacramentale signum.

2. **Præterea.** Signa sacramentalia novæ legis aliquo modo sunt causa gratiæ. Si ergo exterior pœnitentia est signum sacramentale, erit gratiæ causa ; et sic gratia erit ex actibus nostris quod est hæresis Pelagiana.

3. **Præterea.** Omne sacramentale signum est verbo vitæ sanctificationum. Sed exteriori pœnitentiæ non adhibetur aliqua forma verborum ad sanctificationem ejus. Ergo non est sacramentale signum.

**89. SED CONTRA.** In quolibet sacramento oportet esse aliquod signum. Sed signum est aliquid sensibus apparens. Cum ergo in pœnitentiæ sacramento nihil appareat extra nisi exterior pœnitentia, videtur quod ipsa sit sacramentale signum.

[II]

[III, q. 84, a. 1, ad 3.]

**90. — ULTERIUS.** Videtur quod interior pœnitentia  
**NON SIT RES HUIUS SACRAMENTI.**

1. Quia res sacramenti nunquam est causa sacramentalis signi, sed e converso quandoque. Sed pœnitentia interior est causa exterioris. Ergo non est res ejus.

2. **Præterea.** Exterior pœnitentia significat interiorem naturaliter. Sed res sacramenti significatur per sacramentum ex institutione, ut ex definitione Hugonis (loc. cit.), patet. Ergo pœnitentia interior non est res exterioris.

3. **Præterea.** Pœnitentia interior videtur esse idem quod contritio. Sed contritio non est res huius sacramenti, cum sit pars sacramenti. Ergo interior pœnitentia non est res huius sacramenti.

**91. — SED CONTRA.** Baptismus interior est res exterioris. Ergo eadem ratione et pœnitentia interior exterioris.

1. Ed. « signatur ». — 2. Ed. ad. « huius ».

**92. — Præterea.** Illud quod immediate causât effectum sacramenti, est res exterioris sacramenti, sicut patet de charactere. Sed pœnitentia interior est quæ immediate causât remissionem peccatorum, quæ est ultima res hujus sacramenti. Ergo, etc.

## [III]

[III, q. 84, a. 1, ad 3.]

**93. — ULTERIUS.** Videtur quod remissio peccatorum **NON SIT RES HUIUS SACRAMENTI.**

1. Quia ad idem se extendit efficacia sacramenti, et ministerium dispensatoris ipsius. Sed ministerium sacerdotis non se extendit ad remissionem culpæ ut supra d. 18 (**81**) Magister dixit. Ergo remissio culpæ non est res hujus sacramenti.

2. **Præterea.** In quolibet sacramento signa exteriora habent aliquam similitudinem cum re sacramenti. Sed confessio et satisfactio et contritio non videntur habere aliquam similitudinem cum remissione peccatorum. Ergo non est res in hoc sacramento.

3. **Præterea.** In baptismo res sacramenti non semper præcedit sacramentum, etsi aliquando præcedat. Sed remissio peccatorum semper præcedit sacramentum pœnitentiæ, ad minus quantum ad aliquas sui partes; quia satisfactio non potest esse nisi existentis in gratia, cum jam peccata remissa sunt; « *a mortuo etiam perit confessio* », ut dicitur *Eccli.*, xvii, 26. Ergo remissio peccatorum non est res ultima istius sacramenti.

**94. — SED CONTRA.** Pœnitentia dicitur secunda tabula post naufragium, sicut baptismus prima. Sed baptismi res ultima est remissio peccatorum. Ergo et pœnitentiæ.

**95. — Præterea.** Curatio morbi illius est res in sacramento ad quod curandum institutum est. Sed pœnitentia est instituta ad curandum morbum actualis peccati. Ergo remissio ejus est res hujus sacramenti.

**96. — RESPONSIO.** Dicendum **AD PRIMAM QUÆSTIONEM** quod in quolibet sacramento fit quædam promotio vel motus suscipientis ad aliquam sanctitatem.

**97. —** In motibus autem corporalibus *quandoque* illud quod movetur non cooperatur ad motum nisi recipiendo impressionem agentis tantum: sicut contingit in generatione qua aliquid acquirit primam perfectionem sui esse, quæ est etiam primum principium activum in ipso. Et similiter etiam quando acquirit aliquam perfectionem superadditam quæ limites suæ formæ

excedit, sicut cum paries depingitur vel cum aer illuminatur.

**98.** — *Quandoque* autem perfectio prius suscepta est sufficiens principium illius motus. Et tunc operatur motum illum : sicut patet in motu locali naturali et in sanatione quæ fit virtute naturæ tantum.

**99.** — *Quandoque* autem perfectio habita non sufficit ad operandum effectum, sed cooperatur agenti exteriori : sicut patet cum ars naturam adjuvat.

**Et secundum hos tres modos etiam est motus ad sanctitatem.**

**100.** — Unde **in baptismo** qui est spiritualis vitæ regeneratio, tota sanctificatio ex exteriori est. Nec suscipiens sacramentum se habet active ad illam sanctificationem, sed ut recipiens tantum. Unde signum sacramentale ibi est materia exterius apposita, non autem aliquis actus ex parte baptizati.

**101.** — **Et similiter est in confirmatione, eucharistia et extrema unctione et ordine** quæ ordinantur ad aliquam sanctitatem superadditam primæ sanctitati in baptismo susceptæ. Unde etiam conservata gratia baptismali illa locum habent.

**102.** — **Sed in promotione ad sanctitatem per viam merendi sufficit** principium quod intus habetur, scilicet **gratia**. Et ideo sine aliquo exteriori adjuncto ad hanc promotionem habens gratiam per actus suos pertingit, quia in eo spiritualis vita est integra.

**103.** — **Sed in eo qui post baptismum mortaliter peccat**, spiritualis vitæ firmitas tollitur, quia gratia et caritas tolluntur ; sed tamen *adhuc spiritualis vita manet in radice sui, scilicet in fidei sacramento* : sicut in eo qui infirmatur perniciose, adhuc manet radix vitæ in corde. Et ideo ad reparationem pristinæ integritatis in baptismo susceptæ homo cooperari potest per id quod adhuc retinet.

**104.** — Nec tamen sufficit, nisi exterius adjuvetur; propter quod vita spiritualis non est integra. Et ideo **in sacramento pœnitentiæ** quod ad prædictam reparationem ordinatur, **sacramentale signum non est** aliqua materia exterius apposita, sed **exteriores actus quibus homo ad salutem suam cooperatur. Et complementum reparationis ab extrinseco significatur per absolutionem sacerdotis** : sicut materia in aliis sacramentis per ministri sanctificationem efficaciam sacramentalem recipit. **Et ideo exterior pœnitentia est sacramentale signum in sacramento pœnitentiæ.**

**105.** — **AD PRIMUM** ergo dicendum quod *elementum large sumitur pro quolibet sensibili*. Exterior autem pœnitentia consistit in actibus qui sentiri possunt.

**106.** — **Ad secundum** dicendum quod materia quæ est in aliis sacramentis signum sacramentale, in quantum ab exteriori datur, repræsentat exterius agens in sanctificatione. Et ideo aliquo modo competit ut gratiam causet, sicut in l d.1 (23) dictum est. Sed pœnitentia exterior quæ est signum sacramentale in hoc sacramento, repræsentat cooperationem recipientis, et non influentiam quæ est ex parte agentis extrinseci. *EI ideo non competit ei quod gratiam aliquo modo causet.*

**107.** — **Ad tertium** dicendum quod sacramentalibus signis in aliis sacramentis adhibetur forma verborum ad eorum sanctificationem, quia gratiam continent et causant. Sed *exterior pœnitentia est signum gratiam causans.* Et ideo non oportet quod sanctificetur per aliquam formam verborum ; sed verba quæ a sacerdote absolvente proferuntur immediate feruntur ad eum qui se subjicit sacramento. Unde ipse sanctificatur virtute absolutionis et gratiam suscipit. *Non autem sanctificatur ejus confessio,* ut ex ea gratiam accipiat, sicut erat in baptismo de sanctificatione aquæ.

**108.** — **AD SECUNDAM QUÆSTIONEM** dicendum quod res sacramenti cujuslibet suo sacramento cujus dicitur res proportionatur. **Exterior autem pœnitentia** quæ est sacramentum tantum in pœnitentia, *est sacramentum* ut signum tantum ex parte actus pœnitentis, sed *ut signum et causa simul, si conjungatur actus pœnitentis cum actu ministri.*

**109.** — Et ideo **interior pœnitentia est res exterioris pœnitentiæ ; sed ut significata tantum per actus pœnitentis ; ut significata autem et causata per actus eosdem, adjuncta absolutione ministri, per quam aliquo modo homo ad gratiam disponitur :** sicut etiam in sacramento eucharistiæ corpus Christi verum est res significata tantum per species panis et vini, sed causata per verba ministri. **Et illa duo simul conjuncta sunt signum et causa.**

**110.** — **AD PRIMUM** ergo dicendum quod pœnitentia interior potest considerari *dupliciter.*

*Uno modo prout esi quidam actus virtutis.* Et sic interior pœnitentia est omnino causa exterioris : sicut etiam in aliis virtutibus actus interiores sunt causæ exteriorum.

**111.** — *Alio modo prout est actus operans ad sanationem peccati.* Et sic pertinet ad pœnitentiæ sacramentum. Et ita *interior pœnitentia* non est causa exterioris, sed effectus vel signatum ipsius. *Non enim habet efficaciam operandi* contra morbum peccati, *nisi ex suppositione propositi exterioris pœnitentiæ et abso*

*lationis desiderio; quamvis pœnitentia interior contra morbum peccati operans præcedat tempore exteriorem poenitentiam : sicut justificatio a peccato interdum præcedit sacramentum baptismi propter ipsius propositum.*

**112.** — **Ad secundum** dicendum quod quamvis *pœnitentia interior*; ut est actus quidam virtutis, naturaliter significetur per exteriorem, tamen *inquantum est sanativus morbi, sic ex institutione habet per hæc signa significari et causari.*

**113.** — **Ad tertium** dicendum quod *lres paries pœnitentiæ sunt et in pœnitentia exteriori et in interiori*; quia *confessio et satisfactio* quæ videntur tantum ad exteriorem pœnitentiam pertinere, inveniuntur in interiori pœnitentia quantum ad propositum et præmeditationem eorum. Et etiam *contritio* quæ videtur tantum interioris pœnitentiæ esse, invenitur in pœnitentia exteriori secundum quædam signa quibus sensibiliter manifestatur vel aliis vel saltem ipsi pœnitenti qui dolorem sensibilem percipit in seipso.

**114.** — **AD TERTIAM QUÆSTIONEM** dicendum quod res sacramenti alicujus ultima est non tantum quam efficit actualiter dispensatum, sed etiam quam efficit in proposito existens; sicut patet de baptismo in adultis. Et ideo cum pœnitentia in proposito existens sacramentum efficiat remissionem peccatorum *non solum quoad pœnam, sed etiam quoad culpam*; **remissio peccatorum utroque modo est res ipsius pœnitentiæ sacramenti**; quæ aliquando tempore præcedit sacramentum exterius, aliquando autem in ipso sacramento efficitur; quia quando aliquis accedit ad confessionem attritus, non plene contritus, si obicem non ponat, in ipsa confessione et absolute sibi gratia et remissio peccatorum datur.

Unde dicit Glossa super illud ps. (xcv, 6): « *Confessio el pulchritudo in conspectu ejus : « Si amas pulchritudinem, confitere, ut sis pulcher* » id est justus.

**115.** — **AD PRIMUM** ergo dicendum quod etiam *potestas clavium* aliquo modo *se extendit ad remissionem culpæ, secundum quod est in proposito*, ut supra d. 182 (79) dictum est.

**116.** — **Ad secundum** dicendum quod *remissio peccatorum habet aliquam similitudinem cum his quæ in pœnitentia aguntur*; quia *gratiæ infusio* quæ remissionem peccati causât, significatur *per absolutionem sacerdotis; præparatio ad gratiam* quantum ad motum liberi arbitrii in peccatum, *per contritionem*; quantum vero ad motum liberi arbitrii in Deum, *per confessionem*, per quam Deo se committit sanandum; sed *curatio*

*reliquiarum peccali per satisfactionem* et significatur et efficitur.

**117. — Ad tertium** dicendum quod aliquando remissio peccatorum in ipsa confessione et absoluteione fit, ut dictum est (**114**). Et tunc non præcedit res sacramentum.

## ARTICULUS II

[I]

**118. — AD SECUNDUM SIC PROCEDITUR.** Videtur quod **PENITENTIA NON SIT UNUM SACRAMENTUM.**

1. Sacramentum enim est in genere signi. Sed sunt plura signa in pœnitentia, scilicet confessio et satisfactio. Ergo plura sacramenta.

2. **Præterea.** Diversorum agentium diversi sunt actus. Sed ad confessionem concurrunt actus pœnitentis qui conteritur et confitetur et satisfacit, et actus sacerdotis qui absolvit. Cum ergo pœnitentia in actu consistat, videtur quod non sit unum, sed multa.

3. **Præterea.** Genus non prædicatur in singulari de suis pluribus speciebus, sed in plurali. Sed supra d. 161 (7) sunt assignatæ tres species pœnitentiæ : scilicet pœnitentia ante baptismum et pœnitentia post baptismum de venialibus et pœnitentia de mortalibus. Ergo prædictæ species pœnitentiæ sunt plura et non unum sacramentum.

**119. — SED CONTRA.** Sacramenta sunt tantum septem. Sed si pœnitentia esset plura sacramenta, essent plura sacramenta quam septem. Ergo est unum tantum sacramentum.

**120. — Præterea.** Ex unitate effectus colligitur unitas causæ. Sed pœnitentia ordinatur ad unum effectum : scilicet remissionem peccati actualis. Ergo est unum tantum sacramentum.[II]

[II]

**121. — ULTERIUS.** Videtur **QUOD HOC SACRAMENTUM MAGIS CONSISTAT IN HIS QUÆ GERUNTUR A SACERDOTE QUAM IN HIS QUÆ GERUNTUR A PENITENTE.**

1. Quia sacramentum a sacrando dicitur, ut supra dictum est (d. 1, **21**). Sed consecrare sacerdotis est, qui ex hoc sacerdos dicitur quod sacra dat. Ergo hoc sacramentum magis consistit in absoluteione sacerdotis quam in actu pœnitentis.

2. **Præterea.** Quicumque accedit ad sacramentum dicitur sacramentum suscipere. Sed pœnitens non dicitur suscipere

confessionem, sed absolutionem. Ergo magis consistit sacramentum in absolutione quam in confessione.

**122. — 3. SED CONTRA.** Totum est congregatio partium. Sed partes pœnitentiæ sunt accepta ex parte pœnitentis : scilicet contritio, confessio et satisfactio. Ergo sacramentum pœnitentiæ magis consistit in actu pœnitentis quam in sacerdotis absolutione.

## [III]

[III, q. 84, a. 3 ; de forma absol.]

**123. — ULTERIUS.** Videtur quod verba sacerdotis **ABSOLVENTIS DEBEANT ESSE PER MODUM DEPRECATIONIS.**

1. Quia Leo Papa dicit (*Epist.* 108 ad Theodorum Foroliviensem Episcopum ; L. 54, 1011) quod « *indulgentia Dei nisi supplicationibus sacerdotum nequit obtineri.* » Et loquitur de absolutione per sacerdotes facta. Ergo absolutio debet fieri per modum deprecationis.

2. **Præterea.** Solus Deus remittit peccata. Sed pœnitentia est ad remissionem peccatorum ordinata. Ergo absolutio ex qua pœnitentia efficaciam habet, debet fieri per modum orationis ad Deum.

**124. — SED CONTRA** est, quia pœnitentia habet certum effectum, sicut et alia sacramenta. Sed propter certitudinem effectus in aliis sacramentis utimur verbis indicativis. Ergo et similiter debet esse in pœnitentia.

**125. — RESPONSIO.** Dicendum **AD PRIMAM QUÆSTIONEM** quod quando aliquis effectus procedit ex multis causis simul aggregatis, tunc nulla earum est causa per se, sed omnes sunt una causa, sicut patet de trahentibus navem. Unde cum effectus pœnitentiæ non sequatur nisi aliquo modo existentibus omnibus quæ ad pœnitentiam requiruntur, omnia illa habent rationem unius causæ respectu illius effectus. Et quia sacramenta efficiunt significando, ideo omnia etiam habent rationem unius signi, dum unumquodque incomplete significat illum effectum. **Et propter hoc omnia sunt unum sacramentum.**

**126. — AD PRIMUM** ergo dicendum quod non *repræsentatur sufficienter effectus pœnitentiæ* per quodlibet illorum plurium, sed *per omnia simul.* Et ideo omnia sunt unum signum.

**127. — Ad secundum** dicendum quod actus pœnitentis, ut dictum est (104), sunt materia hujus sacramenti, sicut materiale elementum in aliis. Unde *sicut* ex materia et forma in aliis

1. Ed. « absolutionem ». — 2. Ed. « quod ». — 3. Ed. om. « et ».

sacramentis efficitur unum sacramentum ; *ita* hic ex actu pœnitentis et absolutione sacerdotis.

**128.** — **Ad tertium** dicendum quod pœnitentia ante baptismum non est sacramentum. *De mortalibus autem et venialibus pœnitentia post baptismum est sacramentum, non duo, sed unum ;* quia principaliter ordinantur hoc sacramentum ad mortale, et per consequens ad veniale.

**129.** — **AD SECUNDAM QUÆSTIONEM** dicendum quod in sacramentis in quibus est materia et forma, significatio est ex parte materiæ principaliter, sed efficacia ex parte formæ. Et ideo cum actus pœnitentis in hoc sacramento sint sicut materia, et absolutio sacerdotis sicut forma, *principaliter hoc sacramentum quantum ad rationem significandi consistit in actu pœnitentis ; sed quantum ad efficaciam, in absolutione sacerdotis.*

Et per hoc patet solutio **AD PRIMUM.**

**130.** — **Ad secundum** dicendum quod *illud quod est materia in aliis sacramentis, est elementum exterius exhibitum. Hic autem quod est loco materiæ et signi, est actus ex interiori procedens* Et ideo non est simile quantum ad susceptionem in hoc sacramento et in aliis.

**131.** — **Ad tertium** dicendum quod in baptismo multiplicatio non fit ex parte formæ, sed ex parte materialis in baptismo, scilicet immersionis. Et ita etiam *partes pœnitentiæ assignantur ex parte pœnitentis* magis quam ex parte absolventis. Et *sicut* prolatio formæ non dividitur contra tres immersiones, *ita* absolutio sacerdotis non ponitur pars contra tres alias pœnitentiæ partes.

**132.** — **AD TERTIAM QUÆSTIONEM** dicendum quod quædam sacramenta sunt, in quibus ex administratione sacramenti semper consequitur aliquis effectus in suscipiente, nec impeditur propter indispositionem voluntatis suscipientis : sicut est in omnibus sacramentis quæ imprimunt characterem. Et ideo in illis verba propter certitudinem expriment præsentialiter effectum sacramenti : *vel* per modum indicativum, sicut in baptismo et confirmatione ; *vel* per modum imperativum, sicut in ordine.

**133.** — **In pœnitentia** autem impeditur omnis effectus absolutionis per indispositionem voluntatis. Et tamen ipsa absolutio, quantum est de se, sufficienter et certitudinaliter inducit effectum suum, nisi sit aliquod impedimentum. **Et ideo absolutio per modum indicativum** fit, sed præmittitur deprecatio, scilicet « *Misereatur* », ut effectus absolutionis non impediatur.

Tamen non **est** de esse sacramenti, sed **de bene esse ipsius.**

Et per hoc patet solutio ad objecta.

**ARTICULUS III**

[I]

[III, q. 84, a. 7.]

**134. — AD TERTIUM SIC PROCEDITUR.** Videtur quod **SACRAMENTUM PŒNITENTIÆ NON HABEAT INSTITUTIONEM.**

1. Quia illud quod est de jure naturali, non indiget institutione. Sed de dictamine juris naturalis est quod homo pœniteat de malefactis. Ergo non debet habere institutionem,

2. **Præterea.** Pœnitentia eadem est quæ est sacramentum et virtus. Sed pœnitentiæ virtus non habet institutionem, sicut nec aliæ virtutes. Ergo nec pœnitentiæ sacramentum.

**135. — SED CONTRA** est quod institutio ponitur in definitione sacramenti ab **Hugone** data, ut supra l d. (20), patuit.

[II]

**136. — ULTERIUS.** Videtur quod ante Christum fuerit hoc sacramentum institutum.

1. Pœna enim gehennalis præparata est peccatoribus ante peccatum, ut patet per hoc quod dicitur Is., xxx, 33 : « *Praeparata est ab heri Trophel* » : id est, ab initio præparata est pœna prædicta impiis. Sed Deus est pronior ad miserendum quam ad puniendum. Ergo etiam ante peccatum præparatum est remedium contra peccatum, quod est pœnitentia. Et sic ante Christum pœnitentia est instituta.

2. **Præterea.** Dominus sacramentum eucharistiæ instituit conficiendo. Ergo pœnitentiæ sacramentum similiter instituit pœnam imponendo. Sed statim post peccatum in lege naturæ pœnam peccato imposuit, ut patet *Gen.*, m. Ergo in lege naturæ ante Christi adventum sacramentum pœnitentiæ fuit institutum.

3. **Præterea.** Partes pœnitentiæ sacramenti sunt contritio, confessio et satisfactio. Sed ante Christum, tempore legis Moysi, præcipitur contritio ; *Joel.*, ii, 13 : « *Scindite corda vestra* », et confessio, *Prov.*, xxviii, 13 : « *Qui abscondit scelera sua, non dirigitur ; qui confessus fuerit, et reliquerit ea, misericordiam consequetur* » ; et satisfactio *Lev.*, iv et v, ubi præcipitur quid pro quolibet peccato offerendum sit. Ergo pœnitentiæ sacramentum institutum fuit ante Christi adventum.

**137. — SED CONTRA.** Pœnitentia est sacramentum perfectionis ; quia per eam consequimur remissionem peccatorum.

Sed ante Christi adventum non erant aliqua sacramenta perfectionis ; quia « *neminem ad perfectum adduxit lex* » ; *Hebr.*, vu, 19. Ergo pœnitentiæ sacramentum non fuit ante adventum Christi institutum.

**138. — Præterea.** Sacramentum pœnitentiæ efficaciam habet ex clavibus Ecclesiæ. Sed claves non fuerunt ante Christi adventum. Ergo nec pœnitentiæ sacramentum.

[III]

**139. — ULTERIUS.** Videtur quod non sit institutum in **NOVA LEGE POST CHRISTI ADVENTUM.**

1. Quia lex nova est lex remissionis et gratiæ. Sed pœnitentia est sacramentum punitionis ; quia est vindicta quædam, ut Augustinus (*De ver. et fals. pœnit.* c. 8 ; n. 22 ; L. 40, 1120) dicit. Ergo non debuit in nova lege institui.

2. **Præterea.** Institutio sacramentorum cum pertineat ad potestatem excellentiæ, soli Christo competit. Sed Christus non legitur instituisse hoc sacramentum. Non enim potest dici quod instituerit ubi dicit Mat., iii, 2 : « *Pœnitentiam agite* » ; quia eadem ratione Joannes instituisset, qui prius hoc prædicavit. Et etiam nondum erant claves Ecclesiæ quæ efficaciam sacramento isti præbent. Nec iterum potest dici quod instituerit quando misit leprosos ad sacerdotes ; quia dispensatio hujus sacramenti non pertinet ad sacerdotes legales, ad quos leprosi missi fuerunt. Ergo hoc sacramentum non est in nova lege institutum.

3. **Præterea.** Sacramento eucharistiæ quod Christus instituit, ipse etiam est usus. Sed nunquam legitur usus hoc sacramento, quia? *Joan.*, vili, peccatum adulteræ remisit sine hoc sacramento, quia pœnam satisfactoriam non injunxit. Ergo ipse non instituit.

**140. — SED CONTRA.** Pœnitentia est sacramentum novæ legis. Sed sacramenta alicujus legis in illa lege habent institutionem. Ergo in nova lege est institutum.

**141. — RESPONSIO.** Dicendum **AD PRIMAM QUÆSTIONEM** quod sacramentum pœnitentiæ consistit in determinato modo agendi pœnitentiam : qui quidem modus non est similiter apud omnes, nec in omni tempore. Et ideo obligatio ad illum modum est ex aliqua institutione. Et propter hoc, **sacramentum pœnitentiæ institutionem habet.**

**142. — AD PRIMUM** ergo dicendum quod lex naturalis

dictat homini quod sit poenitendum ; sed *modus talis pœnitentiam agendi qui observatur in sacramento pœnitentiæ, non est ex legis naturalis dictamine, sed ex institutione.*

**143.** — **Ad secundum** dicendum quod *pœnitentia* est virtus quantum ad hoc quod est de dictamine legis naturalis. Et ideo non *habet institutionem* in quantum est virtus, sed *quantum ad modum determinatum ex quo habet quod sit sacramentum.* Et utrumque in una pœnitentia invenitur. Et ideo eadem pœnitentia est sacramentum et virtus, et quantum ad aliquid de jure naturali, et quantum ad aliquid ex institutione.

**144.** — **AD SECUNDAM QUÆSTIONEM** dicendum quod quando variatur aliquid quod est de essentia rei, non est eadem res numero. Unde cum determinatus modus qui in Ecclesia a pœnitentibus observatur, sit de essentia hujus sacramenti, hoc sacramentum non fuit antequam iste modus poenitendi esset.

**145.** — Et quia iste modus non fuit *ante Christi adventum*, ideo nec sacramentum pœnitentiæ antea fuisse debet dici ; quamvis esset aliquid simile etiam ante Christi adventum, et aliquis modus pœnitentiam agendi.

**146.** — *Sed in lege Moysi* erat determinatus modus ; sed alius quam modo sit ; sed *tempore legis naturæ* non erat aliquis modus determinatus, sed quilibet, secundum quod sibi veniebat in cor, modum poenitendi sibi determinabat ; quia sacramenta omnia illius temporis voto celebrabantur, secundum Hucorem (lib. I. *De sacramentis*, p. 11, c. 3 ; L. 176, 343).

*Et sic pœnitentia est sacramentum et veteris legis et novæ et legis naturæ.*

**147.** — Et in quantum est sacramentum novæ legis, non fuit ante Christi adventum institutum. In quantum fuit sacramentum legis naturæ, non fuit determinate institutum, sed admonitus fuit homo ut sibi determinaret aliquem poenitendi modum : quæ quidem admonitio esse non debuit ante culpam, post quam magis medicinæ necessitas cognoscitur.

**148.** — **Et sic pœnitentia**, etsi non in quantum est sacramentum novæ legis, tamen **aliquo modo fuit instituta ante Christi adventum ; sed nullo modo ante peccatum.**

**149.** — **AD PRIMUM** ergo dicendum quod *sacramentum etiam pœnitentiæ præparatum erat in Dei prævisione ante peccatum*, sed non institutione : sicut et pœna inferni non erat ordinata ad hominis pœnam ante peccatum, sed ad pœnam dæmonis qui jam peccaverat, erat etiam actu ordinata.

1. Ed. « Et ». — 2. Ed. ad. « quidem ». — 3. Ed. om. « sed », et habent « tempore autem ». — 4. Ed. ad. « legis ». — 5. Ed. om. \* lacramentum ».

**150.** — **Ad secundum** dicendum quod *illa impositio pœnæ non fuit pœnitentiæ sacramenti, sed magis actus vindictivæ justitiæ*, cum ad pœnitentiam admonuit, ubi dixit : « *Adam ubi es ?* » Ubi secundum **Glossam** inducitur ad recognitionem peccati.

**151.** — **Ad tertium** dicendum quod *in lege Moysi* erat aliqua confessio ; quia in generali profitebatur peccatum suum oblationem in lege faciens pro peccato statutam, non autem in speciali, sciut est in nova lege. Nec iterum fiebat sacerdoti habenti claves, quæ confessio est sacramentalis. Nec satisfactio erat secundum arbitrium talis sacerdotis. Nec contritio cum proposito talis confessionis et satisfactionis. Et ideo *aliqua pœnitentia erat tunc, sed non quæ nunc est sacramentum.*

**152.** — **AD TERTIAM QUÆSTIONEM** dicendum quod **pœnitential in diversis locis est a Domino<sup>2</sup> instituta** quantum ad diversa. **Quantum enim ad utilitatem** est instituta **Mat.**, iii, 2, ubi dixit<sup>3</sup> : « *Pœnitentiam agite* ». Unde sequitur : « *Appropinquabit enim, etc.* » Sed **quantum ad necessitatem**, ubi dixit **Luc.**, xin, 5 : « *Nisi pœnitentiam egeritis, omnes simul peribitis* ». Sed **quantum ad potestatem clavium** **Mat.**, xvi, 19, ubi dixit Petro : « *Quodcumque ligaveris etc.* » et **Joan.**, xx, 23, ubi dixit omnibus : « *Quorum remiseritis peccata, etc.* » Sed **postea Jacobus expressit aliquid de pœnitentiæ modo**, **Jacobi**, v, 16, ubi dixit : « *Confitemini alterutrum peccata vestra* ».

**153.** — **AD PRIMUM** ergo dicendum quod pœna quæ assumitur in pœnitentia est quasi nihil respectu pœnæ quæ remittitur<sup>4</sup>. Et ideo *pœnitentia est magis remissionis sacramentum quam punitionis.*

**154.** — **Ad secundum** dicendum quod Dominus primo<sup>5</sup> instituit **Mat.**, iii, 2, pœnitentiæ sacramentum, ut dictum est (**152**), cum dixit : « *Pœnitentiam agite* ». Non est enim idem pœnitere et pœnitentiam agere ; quia agere pœnitentiam est exterius pœnitentiam interiorem demonstrare. Nec Joannes instituit, quamvis similiter prædicasset ; quia Joannes prædicavit ut præco Regis, Christus ut Rex et legifer noster, cujus erat sermo potestatem habens, ut dicitur **Mat.**, vii, 26. Sed ubi ad sacerdotes remisit, non instituit, sed præfiguravit sacramentum pœnitentiæ.

**155.** — **Ad tertium** dicendum quod *Christus nullo sacramento usus est, nisi sibi assumendo ut exemplum aliis daret.* Unde etiam ipse non baptizabat, sed discipuli ejus, ut dicitur **Joan.**, iv, 2. Et ideo quia pœnitentiæ usus quantum ad ipsum

1. Ed. < pœnitentia ». — 2. Ed. < Deo ». — 3. Ed. < dicit ». — 4. Ed. < dimittitur ». — 5. Ed. < prius ».

non competebat ei qui peccatum non fecit, ideo nec quantum ad alios eo usus est ; sed sicut sacramentorum. Dominus effectum sacramenti sine sacramentalibus praebebat.

## EXPOSITIO TEXTUS

**156.** — « Revocabit sententiam, etc. » **(3a)** Hoc intelligendum est quantum ad ultimum misericordiae effectum, qui est vita aeterna.

**157.** — « Sed originalia », **(3b)** pluraliter dicit propter hoc quod ad diversa peccata actualia inclinatur, ut in II lib. d. 33<sup>1</sup> (q. 1, a. 3, ad 1.), dictum est.

**158.** — « Sed non<sup>2</sup> satisfecit digne et sufficienter. » **(5)** Verum est, si intelligatur de sufficientia respectu consecutionis gloriae ; alias falsum est. Et procedit hic secundum errorem qui in 14 d.3 (183-6) improbatum est, ut scilicet a poenitentia non cadat aliquis, si vera sit.

**159.** — « Et ita reus constituitur. » **(6)** Li « ita » non dicit aequitatem, sed similitudinem.

## EXPLICIT VOLUMEN QUARTUM.

1. Ed. om. « d. 33 ». — 2. Ed. « ut ». — 3. Ed. om. « iu 14 d. ».



# INDEX

## EORUM QUÆ IN PRIMA PARTE QUARTI LIBRI CONTINENTUR

Prologus Sancti Thomæ et Divisio Textus.....	1
--	---

### DISTINCTIO I

#### De Sacramentis in communi

De Sacramentis et signis sacramentalibus.....	5
Quid sit sacramentum .....	5
De causa institutionis sacramentorum.....	6
In quibus consistat et conficiatur sacramentum.....	6
De differentia sacramentorum veterum et novorum.....	6
De circumcissione.....	7
De viris qui fuerunt ante circumcissionem et de feminis quæ fuerunt ante et post.....	7
De institutione et causa circumcissionis.....	7
Quare die octava et petrino cultro.....	8
Quare per baptismum mutata sit circumcisio.....	8
De parvulis defunctis ante diem octavam.....	8

### Quæstio I

#### DE DIFFERENTIA INTER SACRAMENTA VETERIS ET NOVÆ LEGIS 9

I. <i>Quid sit sacramentum</i> .....	9
1. An convenienter definiatur sacramentum per hoc quod dicitur : « <i>Sacramentum est sacræ rei signum</i> ».	9
2. An bene definiatur signum cum dicitur : « <i>Signum est res præter speciem quam ingerit etc.</i> ».....	9
3. An hæc definitio bene detur : « <i>Sacramentum est invisibilis gratiæ visibilis forma ; ut imaginem gerat et causa existat</i> ».....	10
4. An definitio quam ponit Augustinus sit compe- tens, scilicet : « <i>Sacramentum est in quo sub</i>	

	<i>legumento rerum visibilium divina virtus secretius operatur salutem</i> >.....	10
5.	An definitio Hugonis de Sancto Victore sit competens.....	11
II.	<i>De necessitate sacramentorum</i> .....	16
1.	An sacramentis humanum genus etiam post lapsum indigeat.....	16
2.	An etiam ante peccatum homo eis indiguisset.....	17
3.	An in statu legis naturæ sacramenta fuerint necessaria .....	18
4.	An debuerint supra illa sacramenta legis naturæ alia superaddi in lege Moysi.....	19
5.	An in lege nova debuerint aliqua sacramenta remanere .....	19
III.	<i>Ex quibus consistat sacramentum</i> .....	24
1.	Utrum sacramenta consistant in verbis et rebus .....	24
IV.	<i>De efficacia sacramentorum novæ legis</i> .....	26
1.	An sacramenta novæ legis sint causa gratiæ.....	26
2.	An in sacramentis sit aliqua virtus specialis ad gratiam inducendam.....	27
3.	An hæc virtus sit in sacramentis a passione Christi.....	29
4.	An sacramenta novæ legis contineant gratiam.....	29
5.	An gratia quæ est in sacramentis differat ab illa quæ est in virtutibus et donis.....	30
V.	<i>De efficacia sacramentorum veteris legis</i> .....	39
1.	An sacramenta veteris legis gratiam conferebant ...	39
2.	An eorum usus erat meritorius.....	40
3.	An purgabant ab immunditiis carnis.....	40
	Expositio Primæ Partis Textus .....	44
	Divisio Secundæ Partis Textus .....	45
	<b>Quæstio II</b>	
	<b>DE CIRCUMCISIONE</b> .....	45
I.	<i>De necessitate circumcisionis</i> .....	45
1.	An fuerit necessarium circumcisionem dari.....	45
2.	An debuerit dari ante legem scriptam.....	46
3.	An debuerit differri usque ad tempus Abrahæ.....	46
II.	<i>Quibus competeret</i> .....	48
1.	An omnibus populis circumcisio dari debueri.....	48
2.	An debuit hoc remedium etiam mulieribus communiter dari.....	49
3.	An Christo circumcidi competebat.....	49
III.	<i>De his quæ ad circumcisionem requirebantur</i> .....	52
1.	An octavus dies requireretur ad circumcisionem. ...	52

2. An determinatio membri fuerit de necessitate circumcissionis.....	52
3. An cultellus lapideus sit de necessitate circumcissionis .....	53
IV. <i>De efficacia circumcissionis</i> .....	56
1. An circumcisiocharacterem imprimebat in anima..	56
2. An circumcisio a peccato purgaret.....	57
3. An circumcisio gratiam conferret.....	57
V. <i>De mutatione circumcissionis</i> .....	61
1. An circumcisio cessare debuerit.....	61
2. An et alia legalia cessare debuerint.....	62
3. An tempore gratiæ poterant sine peccato observari.	62
4. An usque modo teneamur aliqua legalia observare.	63
VI. <i>De remedio quod circumcissionem præeessit</i> .....	68
1. An ante circumcissionem valebat ad remissionem originalis peccati pro parvulis sola fides.....	68
2. An fides suffecerit sine aliquo exteriori signo.....	68
3. An in adultis requireretur sacrificium vel aliud hujusmodi.....	69
Expositio Secundæ Partis Textus	71

## DISTINCTIO II

### De quibusdam quæ præexiguntur ad Sacramenta novæ legis

De sacramentis novæ legis.....	72
Quare mox post hominis casum, non fuerint instituta.....	72
Quod sacramentum conjugii fuit ante peccatum.....	72
De baptismo .....	72
Quid utilitatis habebat baptismus Joannis.....	73
De forma baptismi Joannis et de baptizatis ab eo.....	73

### Divisio Textus

73

### Quæstio I

#### DE SACRAMENTIS NOVÆ LEGIS IN GENERALI

74

1. <i>De distinctione sacramentorum quantum ad effectum</i> ..	74
1. An omnia sacramenta sint instituta in remedium contra aliquem animæ defectum.....	75
2. An aliquod sacramentum sit tantum in remedium, scilicet matrimonium.....	75

3. An sacramenta sint in remedium contra pœnam, vel solum contra culpam.....	76
4. An aliquod sacramentum ordinetur contra culpam venialem .....	76
II. <i>De distinctione eorum quantum ad numerum</i> .....	80
III. <i>De ordine ipsorum</i> .....	85
IV. <i>De institutione eorum</i> .....	88
1. An debuerint in nova lege aliqua sacramenta de novo institui.....	88
2. An hæc eadem debuerit a principio mundi post peccatum instituere.....	88
3. An statim Christo nato sacramenta institui debue- rint .....	89
4. An sacramenta novæ legis sint omnia a Christo instituta .....	89

## Quæstio II

### DE BAPTISMO JOANNIS

I. <i>Utrum fuerit sacramentum</i> .....	92
1. An baptismus Joannis fuerit sacramentum.....	92
2. An baptizaverit sub hac forma : « <i>Ego baptizo te in nomine venturi</i> ».....	93
3. An fuit institutus a Deo.....	93
4. An debuerit statim Christo baptizato cessare.....	94
II. <i>Utrum baptismus Joannis gratiam contulerit</i> .....	96
III. <i>Quibus competeat</i> .....	98
1. An Christo competeret baptizari baptismo Joannis..	98
2. An aliqui alii hoc baptismo debuerunt baptizari....	98
3. An debuerunt illo baptismo pueri baptizari.....	98
IV. <i>Utrum baptizati a Joanne essent baptismo Christi baptizandi</i> .....	100

### Expositio Textus

102

## DISTINCTIO III

### De Baptismo secundum se

104

Quid sit baptismus.....	104
De forma baptismi.....	104
Si in nomine Patris tantum vel Spiritus sancti possit tradi baptismus.....	105
Quæstio Ambrosii .....	105

Perstringit præmissorum intelligentiam cum determinatione cujusdam dicti.....	105
De institutione baptismi.....	106
De forma in qua baptizaverunt Apostoli ante passionem Christi.....	106
Quare in aqua tantum fiat .....	106
De immersione, quoties fieri debeat.....	107
Quando circumcisio amisit vim suam.....	107
De causa institutionis .....	108
Quæritur an baptismus aperuit coelum quod non aperuit circumcisio .....	108

## Divisio Textus

108

L. <i>Quid sit baptismus</i> .....	109
1. An convenienter sit assignata definitio baptismi quæ in Littera ponitur.....	109
2. An etiam convenienter assignetur definitio Hugonis.	110
3. An etiam convenienter assignetur definitio Dionysii.	110
4. An convenienter assignetur definitio quam Damas-cenus ponit .....	111
II. <i>De forma ipsius</i> .....	117
1. An integritas formæ baptismalis contineatur in his verbis : « <i>Ego te baptizo</i> etc. ».....	117
2. An liceat ea quæ in hac forma ponuntur mutare sine præjudicio baptismi.....	118
3. An possit aliquid addi vel minui.....	119
4. An possit fieri interruptio vel transpositio.....	119
III. <i>De materia ejus</i> .....	127
1. An baptismus debeat fieri in aqua.....	127
2. An debeat fieri in aqua simplici.....	128
3. An in qualibet aqua simplici possit fieri baptismus. .	129
IV. <i>De intentione</i> .....	132
1. An immersio sit de necessitate baptismi.....	132
2. An debeat esse trina.....	133
3. An trina immersio sit de necessitate sacramenti....	133
V. <i>De institutione</i> .....	136
1. An fuit necessarium instituere baptismum post circumcisionem.....	136
2. An fuerit ante passionem institutus.....	136
3. An statim in sua institutione fuit obligatorius. . .	137

## Expositio Textus

138

## DISTINCTIO IV

## De effectu baptismi per comparationem

ad recipientes 140

Quod alii suscipiant sacramentum et rem ; alii sacramentum et non rem ; alii rem et non sacramentum.....	140
De ficte accedentibus.....	140
Quomodo intelligatur illud : « <i>Quotquot in Christo baptizati estis, Christum induistis</i> ».....	141
De illis qui suscipiunt rem et non sacramentum.....	141
Quæ videntur obviare prædictis.....	142
Quid prosit baptismus his qui cum fide accedunt.....	144
Cujus rei baptismus qui datur jam justo sit sacramentum. . .	145
Si parvulis datur in baptismo gratia qua possunt in majori ætate proficere .....	145
Divisio Textus .....	146

## Quæstio I

## DE EO EFFECTU QUI EST IN BAPTISMO SACRAMENTUM

ET RES, SCILICET DE CHARACTERE 147

I. <i>An sit character</i> .....	147
II. <i>Quid sit</i> .....	152
1. An definitio quæ attribuitur Dionysio de characterem bene assignetur.....	152
2. An bene assignetur quædam alia definitio magistralis .....	153
III. <i>In quo sit</i> .....	156
1. An character sit in essentia animæ quasi in subjecto.....	156
2. An sit in una potentia vel in pluribus.....	156
3. An sit magis in affectiva quam in cognitiva.....	157
4. An character indelebiter insit potentiæ cui inest. . .	157
5. An Christus habuit characterem.....	157
IV. <i>A quo sit</i> .....	161
1. An solum in sacramentis novæ legis character imprimatur .....	161
2. An per omnia sacramenta legis novæ imprimatur character .....	161
3. An in sacramento baptismi character imprimatur. . .	162
4. An character sit sicut a causa efficiente prima a solo Filio .....	162

**Quæstio II****DE EFFECTU BAPTISMI QUI EST RES  
ET NON SACRAMENTUM**

165

- |      |   |     |
|------|---|-----|
| I.   | <i>De effectu ipsius quantum ad remotionem mali</i> .....                             | 165 |
| 1.   | An baptismus tollat actuale culpam.....   | 165 |
| 2.   | An tollat omnem poenam temporalem debitam<br>actuali peccato.....                     | 166 |
| 3.   | An tollat etiam omnem poenam originalis peccati. . .                                  | 166 |
| II.  | <i>De effectu ipsius quantum ad collationem boni</i> .....                            | 170 |
| 1.   | An per baptismum conferantur pueris gratia et<br>virtutes .....                       | 170 |
| 2.   | An in adultis virtutes per baptismum augeantur . . .                                  | 171 |
| 3.   | An baptismi effectus sit illuminatio.....   | 171 |
| 4.   | An fecundatio sit effectus baptismi.....  | 172 |
| 5.   | An incorporari Christo sit effectus baptismi.....                                     | 172 |
| 6.   | An apertio januæ sit effectus baptismi.....   | 172 |
| III. | <i>Utrum effectus ejus aequaliter participatur</i> .....                              | 177 |
| 1.   | An baptismus æqualem effectum habeat in omnes<br>quantum ad remotionem mali.....      | 177 |
| 2.   | An etiam æqualis gratia omnibus in baptismo<br>conferatur qui non flete accedunt..... | 177 |
| 3.   | An etiam pueri in baptismo consequantur æqualem<br>gratiam .....                      | 178 |

**Quæstio III****DE RECIPIENTIBUS BAPTISMUM**

180

- |      |   |     |
|------|---|-----|
| I.   | <i>De pueris et aliis usu rationis carentibus, quos constat<br/>sacramentum et rem sacramenti percipere..</i>   | 180 |
| 1.   | An pueri baptismi sacramentum suscipere possint...  | 180 |
| 2.   | An melius sit baptismum differri quam statim in<br>pueritia dare, nisi necessitas mortis emergat.....           | 181 |
| 3.   | An adultis usu rationis carentibus baptisma dari<br>debeat .....  | 181 |
| II.  | <i>De fictis qui recipiunt sacramentum et non rem sacramenti</i>  | 184 |
| 1.   | An aliqua indispositio voluntatis humanæ possit<br>effectum baptismi impedire.....                              | 184 |
| 2.   | An hujusmodi voluntatis indispositio debeat dici<br>fictio.....   | 185 |
| 3.   | An recedente fictione baptismus effectum conse-<br>quatur .....   | 186 |
| III. | <i>De baptizatis baptismo fluminis et sanguinis qui non<br/>recipiunt sacramentum, sed rem sacramenti</i> ..... | 189 |
| 1.   | An præter baptismum fluminis debeant alia bap-<br>tisma esse .....  | 189 |

2. An pœnitentiæ baptismus sufficiat ad salutem.....	190
3. An baptismus sanguinis suppleat vicem baptismi aquæ.....	191
4. An baptismus aquæ sit potior quam baptismus sanguinis.....	191
Expositio Textus	195

## DISTINCTIO V

<b>De baptismo per comparationem ad dantes</b>	197
Quod baptismus æque bonus est, a bono et a malo datus..	197
De potestate baptismi et ministerio.....	198
Quæ fuit potestas baptismi quam potuit Christus dare servis.	198
Divisio Textus	199

### Quæstio I

<b>DE POTESTATE BAPTIZANDI</b>	199
I. <i>Utrum Christus, secundum quod homo, habuerit potestatem dimittendi peccata.....</i>	202
II. <i>Utrum ministris contulerit potestatem cooperandi ad interiorem mundationem.....</i>	202
III. <i>Quam potestatem Christus conferre potuerit, sed non contulit .....</i>	204
1. An ministris conferri potuerit a Deo potestas cooperationis .....	204
2. An potestas excellentiæ.....	205
3. An potentia creandipotuerit creaturæ communicari	206

### Quæstio II

<b>QUI POSSINT BAPTIZARE</b>	212
I. <i>Utrum possint baptizare tam ordinati quam non ordinati..</i>	212
1. An aliquis possit baptizare si non habeat ordinem. . .	212
2. An baptizare sit proprium ordinis diaconi.....	212
3. An non baptizati baptizare possint.....	213
II. <i>Utrum possint baptizare tam boni quam mali.....</i>	215
1. An mali sacramentum baptismi conferre possint. . .	215
2. An per eos conferatur res sacramenti.....	215
3. An per meliorem ministrum baptismus datus majorem effectum habeat.....	216

	INDEX	1115
	4. An malus minister peccet baptizans.....	216
	5. An recipiens in se vel in alio sacramentum a malo sacerdote peccet.....	217
III.	<i>Utrum possint baptizare tam homines quam Angeli.....</i>	220
	1. An daemon in figura hominis apparens possit baptizare .....	220
	2. An bonus angelus in figura hominis apparens baptizare possit.....	221
	Expositio Textus	223

## DISTINCTIO VI

### Qui et qualiter congruebaptizent 224

Quibus liceat baptizare.....	224
Quod nullus in materno utero baptizetur.....	225
Si baptismus sit, verbis corrupte prolatis.....	225
De illo qui pro ludo immergitur.....	226
De tempore deputato ad baptismum.....	226
De responsione patrinorum.....	226
De catechismo et exorcismo.....	227

Divisio Textus	228
----------------	-----

### Quæstio I

#### DE HIS QUÆ REQUIRUNTUR AD BAPTISMUM

#### EX PARTE BAPTIZANTIS ET BAPTIZATI 229

L.	<i>Utrum requiratur in baptizando nativitas ex utero.....</i>	229
	1. An nativitas ex utero sit expectanda.....	229
	2. An aliquis etiam in materno utero possit sanctificari per gratiæ gratum facientis donum.....	230
	3. An sanctificati in utero sint baptizandi.....	231
II.	<i>Utrum requiratur in utroque intentio et voluntas.....</i>	234
	1. An intentio baptizantis requiratur ad baptismum . . .	234
	2. An requiratur intentio recta.....	235
	3. An intentio vel voluntas requiratur in baptizato . . .	236
III.	<i>Utrum requiratur fides .....</i>	239
	1. An in baptizato fides requiratur ad hoc quod sacramentum suscipiat .....	239
	2. An requiratur fides in baptizante.....	240
	3. An recipientes baptismum ab hæreticis consequantur rem sacramenti.....	240

**Quæstio II****DE RITU BAPTISMI**

	243
I. <i>De ritu ipsius baptismi</i> .....	243
1. An baptismus iterari possit. ....	243
2. An debeant esse illa duo tempora determinata ad baptismum, scilicet sabbatum Paschæ et Pentecostes.....	244
3. An sacramentalia baptismi bene ponantur a Dionysio.	244
II. <i>De ritu catechismi</i> .....	249
1. An catechismus baptismum præcedere debeat.....	249
2. An catechizare sit officium sacerdotis.....	250
3. An pueri debeant catechizari.....	250
III. <i>De ritu exorcismi</i> .....	253
1. An exorcismus in eodem debeat præcedere bap- tismum .....	253
2. An exorcismus habeat aliquem effectum, vel sit ad significandum tantum .....	254
3. An exorcizare sit officium eorum qui in sacris ordi- nibus constituuntur.....	254
Expositio Textus	258

**DISTINCTIO VII****De sacramento confirmationis**

	260
De confirmatione.....	260
De ministro confirmationis .....	260
De effectu hujus sacramenti .....	260
Utrum hoc sacramentum sit dignius baptismo .....	260
De ritu hujus sacramenti.....	261
Divisio Textus	261

**Quæstio I****DE IPSO SACRAMENTO CONFIRMATIONIS**

	262
I. <i>Utrum confirmatio sit sacramentum per se</i> .....	262
1. An confirmatio sit sacramentum .....	262
2. An sit sacramentum necessitatis.....	263
3. An baptismus sit nobilius sacramentum quam confir- matio .....	263

II. <i>De materia ejus</i> .....	267
1. An sacramentum istud materiam habeat .....	267
2. An chrisma sit materia competens.....	268
3. An exigatur materia prius sanctificata.....	269
III. <i>De forma</i> .....	273
1. An sacramentum confirmationis habeat formam ...	273
2. An illa forma verborum sit competens .....	274
3. An forma ista habeat in hoc sacramento aliquam efficaciam.....	274

### Quæstio II

#### DE EFFECTU CONFIRMATIONIS

	278
I. <i>De effectu qui est res et sacramentum scilicet character</i> .....	278
1. An in confirmatione character imprimatur.....	278
2. An idem sit character confirmationis per essen- tiam et baptismi .....	279
3. An character confirmationis præsupponat charac- terem baptismalem .....	280
II. <i>De effectu qui est res tantum, scilicet gratia</i> .....	283
1. An gratia gratum faciens in confirmatione confe- ratur .....	283
2. An sit eadem cum gratia baptismali .....	284
3. An gratia confirmationis perficiat gratiam bap- tismalem .....	284

### Quæstio III

#### DE CELEBRATIONE HUIUS SACRAMENTI

	288
I. <i>Quis possit conferre hoc sacramentum</i> .....	288
1. An quilibet non ordinatus possit alium confirmare. . .	288
2. An sacerdos simplex etiamsi non sit episcopus possit confirmare .....	289
3. An sacerdos simplex ex commissione Papæ possit confirmare .....	290
II. <i>Quis debeat recipere</i> .....	293
1. An Christus debuerit sacramentum confirmationis accipere .....	293
2. An hoc sacramentum pueris sit conferendum.....	294
3. An debeat dari omnibus adultis.....	294
III. <i>De ritu et modo recipiendi</i> .....	296
1. An exigatur quod aliquis tangat aliquem ad confir- mationem .....	296
2. An debeat fieri linitio chrismatis tantum in fronte . .	297
3. An confirmatio possit iterari .....	297

**DISTINCTIO VIII****De eis quæ requiruntur ad Eucharistias**

	<b>sacramentum</b>	300
De sacramento altaris et Eucharistiae.....		300
De institutione sacramenti .....		300
De forma .....		301
De sacramento et re.....		302.

Divisio Textus	303
----------------	-----

**Quæstio I****DE IPSO EUCHARISTIÆ SACRAMENTO** 303

I. <i>Utrum Eucharistia sit sacramentum</i> .....	303
1. An Eucharistia sit sacramentum.....	304
2. An sit unum sacramentum vel multa.....	304
3. An convenientibus nominibus nominetur.....	305
II. <i>De significatione ejus</i> .....	310
1. An huic sacramento figuræ assignari debeant ....	310
2. An Magister convenienter assignet figuras hujus sacramenti.....	311
3. An in lege Moysi expressius fuit figuratum hoc sacrificium quam in lege naturæ .....	312
III. <i>De institutione</i> .....	316
1. An aliqua fuerit necessitas instituendi hoc sacramentum .....	316
2. An ante adventum Christi debuerit institui .....	316
3. An post passionem institui debuit.....	317
IV. <i>De ordine sumendi hunc cibum respectu aliorum ciborum.</i> .	321
1. An hoc sacramentum a non jejunis licite sumi possit .....	321
2. An quaelibet cibi sumptio perceptionem hujus sacramenti impediat.....	322
3. An homo statim debeat comedere post Corporis Christi sumptionem.....	323

**Quæstio II****DE FORMA HUIUS SACRAMENTI** 326

I. <i>De forma qua corpus Christi consecratur</i> .....	326
1. An hæc sic forma consecrationis : « <i>Hoc est corpus meum.</i> ».....	326

2. An tantum in his verbis consistat forma : « <i>Hoc est corpus meum.</i> ».....	326
3. An forma hæc sit conveniens.....	327
4. An hæc verba sine aliis quæ in canone Missæ dicuntur habeant vim conficiendi.....	327
5. An verba quæ circa formam dicuntur convenienter ponantur.....	349
<b>Expositio. Textus..... 352</b>	
II. <i>De forma qua consecratur ipsius sanguis.</i> .....	337
1. An deficiente sacerdote post Corporis Christi consecrationem debeat alius procedere ad consecrationem verborum : « <i>Hic est calix sanguinis mei</i> » hoc quod additur non sit de forma.....	348
2. An hæc verba de necessitate ponantur : « <i>Hic est calix sanguinis mei</i> ».....	348
3. An etiam de verba quæ sequuntur Entcharisticè ponantur.....	338
3. An etiam de verba quæ sequuntur Entcharisticè ponantur.....	359
De duobus modis manducandi.....	349
IV. <i>De comparatione unius ad alium.</i> .....	349
De errore quorundam qui dicunt a bonis tantum Corpus Christi sumi.....	359
De intelligentia quorundam verborum.....	360
<b>Divisio Textus..... 361</b>	
I. <i>De ipsa manducatione Corporis Christi.</i> .....	361
1. An Corpus Christi debeat sumi per modum manducationis.....	361
2. An manducatio Corporis Christi sit de necessitate salutis.....	362
3. An bene distinguantur duomodi manducationis.....	362
II. <i>Qui possint manducare.</i> .....	366
1. An peccator manducet Corpus Christi sacramentaliter.....	366
2. An infideles sacramentaliter comedunt.....	366

3. An creatura irrationalis sumat aliququaliter corpus Christi .....	367
4. An qui non manducat sacramentaliter manducet spiritualiter .....	368
5. An etiam angelus possit Corpus Christi manducare spiritualiter.....	368
III. <i>Utrum peccatoribus liceat Corpus Christi manducare.</i> .	373
1. An peccet quis cum conscientia peccati mortalis Corpus Christi manducans.....	373
2. An etiam ille qui non habet conscientiam peccati mortalis, in peccato mortali existens peccet Corpus Christi sumendo.....	374
3. An manducans indigne Corpus Christi magis peccet quam quodcumque aliud peccatum committat ....	374
4. An minus peccat hæreticus manducans Corpus Christi quam fidelis peccator.....	375
5. An subjacens peccato carnis magis peccat accedens ad hoc sacramentum quam subjacens peccato spirituali .....	375
6. An peccator peccet videndo Corpus Christi.....	376
IV. <i>Utrum corporaliter pollutis</i> .....	383
1. An nocturna pollutio quæ in somnis accidit sit peccatum.....	383
2. An impediatur a sumptione Corporis Christi.....	384
3. An propter immunditiam pure corporalem aliquis a perceptione hujus sacramenti impediatur.....	385
V. <i>Quibus sit dandum ad manducandum</i> .....	392
1. An sacerdos dare debeat Corpus Christi petenti, si sciat ipsum esse peccatorem.....	392
2. An suspectis de crimine etiam dari debeat .....	393
3. An amentibus Corpus Christi dari debeat.....	393
4. An etiam pueris dandum sit Corpus Christi.....	394
Expositio Textus .....	397

## DISTINCTIO X

### Ostendit verum corpus Christi contineri

#### sub sacramento 398

De hæresi illorum qui dicunt Corpus Christi non esse in altari nisi in signo .....	398
Determinatio præmissorum .....	398
Quæ sit intelligentia præmissorum .....	399
Auctoritatibus probat verum Corpus Christi esse in altari et in id panem converti .....	400

I. <i>Utrum in sacramento altaris contineatur verum Corpus Christi</i> .....	402
II. <i>Utrum totus Christus contineatur in sacramento sub speciebus quæ manent</i> .....	406
1. An Christus contineatur sub sacramento quantum ad animam.....	406
2. An sub specie panis Christus contineatur solum quantum ad carnem animatam.....	407
3. An sit ibi Corpus Christi secundum propriam quantitatem .....	407
4. An sit ibi secundum totam quantitatem suam ...	408
III. <i>Qualiter sit ibi</i> .....	412
1. An Corpus Christi contineatur sub sacramento circumscriptive .....	412
2. An contineatur sub eis saltem definitive.....	413
3. An Corpus Christi possit esse totum sub qualibet parte specierum .....	414
4. An Corpus Christi moveatur ad motum hostiæ .....	415
IV. <i>Quomodo possit agnosci Corpus Christi secundum quod est sub sacramento</i> .....	420
1. An oculus glorificatus possit videre ipsum verum Corpus Christi sub speciebus existens.....	420
2. An quando apparet in specie carnis vel pueri in altari, videatur in specie propria.....	420
3. An in hoc casu debeat sumi .....	421
4. An et angelus possit videre Corpus Christi sub sacramento .....	421
5. An comprehendi possit intellectu viatoris .....	422
Expositio Textus .....	426

## DISTINCTIO XI

<b>De conversione panis in Corpus Christi</b> .....	428
De modo conversionis.....	428
Oppositio.....	428
Quomodo dicitur Corpus Christi confici de substantia panis...	428
Asserunt dictum panem transire in Corpus Christi.....	429
Quare sub alia specie sumatur.....	430
Quare sub duplici specie.....	430
Quare aqua admisceatur .....	431
Divisio Textus .....	431

### Quæstio I

#### DE CONVERSIONE PANIS IN CORPUS CHRISTI ET VINI IN SANGUINEM

	432
I. <i>Utrum post consecrationem remaneat ibi panis</i> .....	433
1. An substantia panis remaneat post consecrationem, ut dicit tertia opinio .....	433
2. An debeant species panis remanere.....	434
3. An etiam forma substantialis panis debeat remanere.	435
II. <i>Utrum panis facta conversione annihiletur</i> .....	439
III. <i>Utrum convertatur in Corpus Christi</i> .....	442
1. An panis possit converti in Corpus Christi.....	442
2. An ista conversio sit successiva .....	443
3. An hæc conversio sit miraculosior alia mutatione..	444
IV. <i>De locutionibus quæ in hac materia concedendæ sunt</i> .	453
1. An prædicta conversio possit exprimi per verbum substantivum alterius temporis quam præsentis. ,	453
2. An hæc sit falsa : « <i>Panis fit Corpus Christi.</i> »... .	454
3. An hæc sit vera : « <i>De pane fit Corpus Christi.</i> » .	454
4. An hæc sit falsa : « <i>Panis potest esse Corpus         Christi</i> ».....	454

### Quæstio II

#### DE MATERIA HUIUS SACRAMENTI

	457
I. <i>Utrum panis et vinum sint materia hujus sacramenti</i> .	457
1. An debeat esse duplex materia hujus sacramenti ..	457
2. An debeat esse materia hujus sacramenti panis et vinum .....	458
3. An panis et vinum possint esse materia hujus sacra- menti solum sub determinata quantitate.....	459
II. <i>Qualis panis</i> .....	463
1. An oportet quod sit panis triticeus .....	463
2. An si grano tritici admisceatur aliud frumentum possit panis exinde confectus esse materia hujus sacramenti.....	464
3. An debeamus conficere in azymo vel in fermentato . .	465
III. <i>Quale vinum hujus sacramenti materia esse possit</i> ....	471
1. An solum de vino vitis debeat sanguis Christi consecrari.....	471
2. An possit etiam confici de aceto.....	472
3. An de agresta possit sanguis Christi consecrari.....	472
IV. <i>De aquæ admixtione</i> .....	474
1. An aqua vino admiscenda sit.....	474
2. An absque ea possit sanguis consecrari.....	475

3. An debeat aqua artificialis apponi..... 475  
 4. An debeat in magna quantitate apponi..... 476

### Quæstio III

#### QUOMODO CHRISTUS HOC SACRAMENTO USUS SIT IN IPSA PRIMA SUI INSTITUTIONE 480

- I. *Utrum, ipse Christus corpus suum manducaverit.....* 480  
 II. *Utrum Judæ dederit.....* 482  
 1. An Christus corpus suum Judæ dederit..... 482  
 2. An sub buccella corpus suum ei dederit..... 483  
 III. *Utrum Christus in cæna discipulis suis corpus impassibile dedit.....* 484  
 IV. *Utrum, si in pixide reservatum fuisset Corpus Christi, ibi moreretur .....* 486  
 1. An Corpus Christi, si fuisset in pixide servatum, ibi moreretur..... 486  
 2. An si post mortem Christi aliquis Apostolorum confecisset hoc sacramentum fuisset ibi anima Christi ..... 486  
 3. An Deus facere potuerit quod tunc anima esset Corpori Christi in sacramento existenti unita..... 487  
 Expositio Textus ..... 489

### DISTINCTIO XII

#### De eo quod est sacramentum tantum

#### et de eo quod est res tantum 491

- Ubi illa accidentia fundentur..... 491  
 De fractione et partitione..... 491  
 Aliorum opinio ..... 491  
 Aliorum opinio ..... 491  
 Sententia probabilior..... 492  
 Quid illæ partes significant..... 492  
 Si Christus in altari immolatur quotidie et an sit sacrificium quod a sacerdote geritur..... 493  
 De causa institutionis ..... 494

#### Divisio Textus

**Quæstio I****DE ACCIDENTIBUS**

	495
I. <i>Utrum accidentia sint hic sine substantia</i> .....	495
1. An accidentia esse sine substantia Deus facere possit	496
2. An sit congruum huic sacramento quod accidentia sint sine substantia.....	497
3. An accidentia sint in hoc sacramento sine substantia	497
II. <i>De operatione illorum accidentium</i> .....	504
1. An accidentia quæ remanent in hoc sacramento possint immutare aliquid extrinsecum.....	504
2. An possint aliquid extrinsecum immutare substantialiter .....	505
3. An ista accidentia aliquo modo possint corrumpi ...	505
4. An ex eis possit aliquid generari.....	506
5. An possint nutrire .....	507
6. An aliquis liquor possit speciebus illis permisceri ...	507
III. <i>De fractione quæ in eis fundatur</i> .....	517
1. An ipsum verum Corpus Christi frangatur in sacramento .....	517
2. An etiam species frangantur .....	518
3. An convenienter assignetur in Littera significatio partium fractionis.....	518

**Quæstio II****DE EFFECTU HUIUS SACRAMENTI**

	522
I. <i>De effectu quantum ad consecutionem boni</i> .....	522
1. An per hoc sacramentum augeantur virtutes.....	522
2. An hoc sacramentum prosit etiam beatis ad augmentum gloriæ .....	523
3. An effectus huius sacramenti possit impediri solum per peccatum mortale .....	523
II. <i>De effectu ejus quantum ad remotionem mali</i> .....	527
1. An virtute huius sacramenti venialia peccata dimittantur .....	527
2. An etiam virtute huius sacramenti dimittantur mortalia .....	527
3. An remittat pœnam peccati mortalis.....	528

**Quæstio III****DE FREQUENTATIONE HUIUS SACRAMENTI** 531

I. <i>De frequentatione</i> .....	031
1. An debeat homo frequentare hoc sacramentum, vel	

INDEX

1125

semel tantum in vita sua sumere.....	531
2. An qualibet die.....	532
3. An sit semel in anno communicandum tantum.....	532
4. An homo possit una die pluries communicare.....	532
II. <i>De cessatione</i> .....	535
1. An liceat omnino a communione cessare.....	535
2. An ille qui consecrat possit a communione cessare..	535
3. An laudabilius sit abstinere ab hoc sacramento quam accedere.....	536
Expositio Textus	539

**DISTINCTIO XIII**

**De ministris hujus sacramenti** 542

Si hseretici et excommunicati hoc sacramentum conficiant . . .	542
Quid faciat hæreticum et quid sit haereticus.....	543

Divisio Textus	544
----------------	-----

**Quæstio I**

**DE MINISTRO CONSECRANTE** 544

I. <i>Quis possit consecrare</i> .....	545
1. An etiam laicus possit consecrare.....	545
2. An solus episcopus possit consecrare.....	545
3. An hæretici et schismatici et excommunicati conse- crare possint.....	546
4. An degradatus possit consecrare.....	546
5. An missa mali sacerdotis minus valeat quam boni . . .	547
II. <i>De ritu consecrandi</i> .....	551
1. An liceat sacerdoti omnino a consecratione abstinere	551
2. An possint plures simul eandem hostiam consecrare.	551
3. An debeat quotidie missa in Ecclesia celebrari.....	552
4. An hora vespertina debeat missa celebrari.....	552
5. An oporteat in loco sacro celebrari.....	553
6. An aliquo prædictorum omissio sit consecratio.....	553
III. <i>De dispensatione sacramenti</i> .....	559
1. An laicus possit dispensare Corpus Christi.....	559
2. An diaconus possit dispensare .....	559
3. An aliquis possit licite recipere dispensationem sacra- menti a fornicario vel excommunicato vel hære- tico sacerdote.....	560

**Quæstio II****DE HÆRESI**

563

- |      |   |     |
|------|---|-----|
| I.   | <i>Utrum hæresidicat perversitatem fidei.....</i> | 563 |
| II.  | <i>Utrum hæresissit maximum peccatum.....</i>     | 566 |
| III. | <i>Utrum haeretici sint sustinendi.....</i>       | 568 |

Expositio Textus

570

**DISTINCTIO XIV****De potentia quæ ordinatur ad remotionem mali** 573

- |  |     |
|--|-----|
| De pœnitentia .....                                | 573 |
| Determinatio intelligentiæ dicatorum.....          | 575 |
| De solemnî et unica pœnitentia.....                | 576 |
| Quod peccata sæpe dimittantur per pœnitentiam..... | 576 |

Divisio Textus

577

**Quæstio I****DE IPSA PŒNITENTIA**

579

- |      |  |     |
|------|--|-----|
| I.   | <i>Quid sit pœnitentia.....</i>  | 579 |
|      | 1. An pœnitentia sit sacramentum .....   | 579 |
|      | 2. An pœnitentia sit virtus .....  | 580 |
|      | 3. An sit virtus generalis.....  | 581 |
|      | 4. An sit virtus theologica.....   | 582 |
|      | 5. An reducatur ad justitiam.....  | 582 |
|      | 6. An sit competens definitio pœnitentiæ quam Gregorius et Ambrosius ponunt..... | 583 |
| II.  | <i>De comparatione ipsius ad alia .....</i>                                      | 593 |
|      | 1. An virtus pœnitentiæ timore concipiatur.....                                  | 593 |
|      | 2. An pœnitentia sit prima virtutum.....   | 594 |
|      | 3. An pœnitentia sit fundamentum.....  | 595 |
|      | 4. An sit secunda tabula .....   | 595 |
| III. | <i>De subjecto ipsius.....</i>   | 600 |
|      | 1. An pœnitentia sit in qualibet vi.....   | 600 |
|      | 2. An in innocentibus pœnitentia esse possit.....                                | 601 |
|      | 3. An sancti homines qui sunt in gloria habeant pœnitentiam .....                | 601 |
|      | 4. An etiam angelus bonus seu malus sit susceptivus pœnitentiæ .....             | 602 |
| IV.  | <i>De continuatione .....</i>  | 607 |

1. An de ratione veræ pœnitentiæ sit quod usque in finem vitæ continuetur .....	607
2. An necesse sit dolorem pœnitentiæ per gaudium interrumpi.....	607
3. An pœnitentia iterari possit.....	608
V. <i>De solemnitate ejus</i> .....	612
1. An debeat aliqua pœnitentia publicari vel solemnizari .....	612
2. An solemnis pœnitentia iterari possit .....	612
3. Quæritur de ritu solemnis pœnitentiæ.....	613
An mulieribus sit imponenda (obj. 1).....	613
An clericis sit imponenda (obj. 2).....	613
An a quolibet sacerdote possit imponi (obj. 3)..	613

## Quæstio II

### DE EFFECTU PŒNITENTIÆ

615

I. <i>Utrum pœnitentia peccata tollat</i> .....	616
1. An per pœnitentiam semper peccata tollantur .....	616
2. An etiam totaliter reatum tollat .....	616
3. An per pœnitentiam etiam reliquiæ peccati actualis tollantur, sicut pronitas ad malum, hebetudo et hujusmodi .....	617
II. <i>Utrum per pœnitentiam virtutes restituantur</i> .....	
III. <i>Utrum opera præcedentia vivificet</i> .....	623
1. An per pœnitentiam etiam bona opera prius in statu peccati mortalis facta ad vitam reputentur .	623
2. An opera in caritate facta, per peccatum sequens mortificari possint .....	624
3. An opera mortificata per peccatum, per pœnitentiam vivificentur.....	624
IV. <i>Utrum prædicti effectus sint pœnitentiæ in quantum est virtus</i> .....	627
V. <i>Utrum sine pœnitentia peccatorum remissionem quis consequi possit, et prædictos effectus omnes ; et ita non erit necessaria ad salutem</i> .....	630

Expositio Textus

631

## DISTINCTIO XV

### De pœnitentia quantum ad sui integritatem

634

Quod pluribus irretitus peccatis non potest poenitere de uno vere, nisi de omnibus pœniteat.....	634
Quæ sit intelligentia præmissorum .....	635
Quomodo accipienda sint præmissa .....	635

Secundum, quosdam fuit satisfactio .....	637
Perstringit dictorum summam ut alia addat.....	638
Auctoritates alias inducit contra eos qui dicunt de uno peccato pœnitentiam agi, altero tacito .....	639
Repetit de vera pœnitentia ut addat .....	639

## Divisio Textus

640

## Quæstio I

## DE IPSA SATISFACTIONE

641

I. <i>Quid sit satisfactio</i> .....	642
1. An satisfactio sit virtus vel virtutis actus.....	642
2. An sit actus justitiæ .....	642
3. An definitio satisfactionis in Littera convenienter ponatur ab Augustino.....	643
II. <i>Utrum homo possit Deo satisfacere</i> .....	648
III. <i>Qualiter homo satisfacere possit</i> .....	650
1. An homo possit de uno peccato sine alio satisfacere.	650
2. An qui de peccatis omnibus contritus fuerit prius, et postea in peccatum incidit de aliis peccatis quæ sibi per contritionem dimissa fuerant, satisfacere possit extra caritatem existens.....	651
3. An postquam homo caritatem habuerit, valere inci- piat satisfactio præcedens.....	652
4. An opera extra caritatem facta sint alicujus boni meritoria, saltem temporalis.....	652
5. An opera prædicta valeant ad pœnæ infernalis mitigationem.....	653
IV. <i>Per quæ</i> .....	659
1. An satisfactionem oporteat fieri per opera pœnalia ..	659
2. An flagella quibus a Deo in hac vita punimur, possint satisfactoria esse .....	659
3. An convenienter enumerentur opera satisfactoria, cum dicitur quod sint tria : eleemosyna, jejunium et oratio .....	660
V. <i>Utrum restitutio sit pars satisfactionis</i> .....	664
1. An restitutio sit satisfactionis pars.....	664
2. An ablatum semper debeat restitui .....	664
3. An solus ille qui accipit ad restitutionem teneatur ..	665
4. An sit semper restitutio facienda ei qui damnum passus est.....	666

**Quæstio II****DE ELEEMOSYNA**

	671
I. <i>Quid sit</i> .....	671
1. An definitio eleemosynæ quam Quidam assignant sit convenienter assignata.....	671
2. An eleemosyna sit satisfactionis pars.....	672
3. An eleemosyna sit actus virtutis.....	672
4. An eleemosyna cadat in præcepto .....	673
II. <i>De effectu sive fructu ejus</i> .....	680
1. An eleemosyna decedentem in peccato mortali a pœna infernali liberet.....	680
2. An eleemosyna sit satisfactoria plus quam alia opera satisfactionis.....	680
3. An virtus eleemosynæ magis consistat in dato exteriori quam in affectu interiori.....	681
III. <i>De partibus ejus</i> .....	684
1. An superflue assignentur eleemosynæ corporales septem .....	684
2. An etiam eleemosynæ spirituales convenienter numerentur .....	684
3. An eleemosynæ corporales præmineant spiritualibus.....	685
IV. <i>De quo sit danda eleemosyna</i> .....	689
1. An de necessitate sit danda eleemosyna.....	689
2. An etiam de male acquisito et possessio possit eleemosyna fieri.....	690
3. An de turpi lucro possit fieri eleemosyna .....	690
V. <i>Quis possit eam dare</i> .....	694
1. An uxor possit de rebus mariti facere eleemosynam ..	694
2. An filius familias possit etiam dare .....	694
3. An servus vel ancilla possint facere eleemosynam de rebus dominorum .....	695
4. An monachi possint eleemosynas facere sine licentia abbatis.....	695
VI. <i>Cui debeat dari</i> .....	697
1. An aliquis possit sibi eleemosynam facere .....	697
2. An malis sit eleemosyna danda.....	698
3. An meliori sit magis subveniendum semper.....	698

**Quæstio III****DE JEJUNIO**

	700
I. <i>Quid sit jejunium</i> .....	700
1. An Isidorus convenienter definiat jejunium .....	701
2. An jejunium sit actus virtutis.....	701
3. An jejunium sit actus temperantiæ .....	702

4. An jejunium cadat in præcepto .....	703
3. An jejunium sit satisfactorium .....	703
II. <i>Quis teneatur ad jejunium</i> .....	709
1. An ad jejunium ab Ecclesia institutum omnes teneantur absque dispensatione .....	709
2. An justi teneantur ad jejunium Ecclesiæ.....	710
3. An etiam pueri teneantur ad jejunium .....	711
4. An proveci et sani excusentur a jejunio propter peregrinationem (obj. 1) .....	711
An ratione paupertatis (obj. 2).....	712
An ratione operis alicujus servilis a jejunio excusetur (obj. 3) .....	712
III. <i>De tempore jejunii</i> .....	716
1. An debeant hujusmodi tempora esse ad jejunium determinata sicut Ecclesia instituit.....	716
2. An in aliquo tempore jejunium sit interdictum.....	716
3. An hora nona debeat esse tempus determinatum ad manducandum in diebus jejunii .....	717
IV. <i>De solventibus ipsum</i> .....	721
1. An post unam comestionem jejunium solvatur.....	721
2. An esus carniū jejunium solvat.....	721
3. An anticipatio temporis jejunium solvat .....	722

### Quæstio IV

#### DE ORATIONE

725

I. <i>Quid sit oratio</i> .....	725
1. An oratio sit quidam affectivæ partis actus .....	726
2. An sit actus doni vel virtutis .....	726
3. An oratio sit actus cadens in præcepto .....	727
II. <i>De modo orandi</i> .....	734
1. An oratio debeat esse vocalis vel mentalis tantum .	734
2. An oratio debeat esse diurna..... ;.....	734
3. An aliquando debeat aliquis ab oratione cessare . . .	735
4. An actualis intentio sit de necessitate orationis ..	735
5. An attentio orationi noceat .....	736
III. <i>De speciebus orationis</i> .....	741
1. An convenienter species orationis distinguantur . . .	741
2. An etiam distinctio partium orationis quam ponit Ambrosius sit competens.....	742
3. An etiam partes quas Hugo de Sancto Victore assignat sint convenienter positæ .....	742
IV. <i>Quid sit in oratione petendum</i> .....	747
1. An homo debeat aliquid determinate petere in oratione .....	747
2. An in oratione sint temporalia petenda.....	747
3. An homo debeat pro alieno bono orare.....	748

V. <i>Quis possit orari</i> .....	750
1. An solus Deus debeat orari.....	750
2. An possit oratio dirigi etiam ad sanctos non in patria existentes .....	750
3. An oratio fiat ad Deum ratione essentiae vel magis ratione personae.....	751
VI. <i>Cui competii orare</i> .....	754
1. An divinæ personæ sit orare .....	754
2. An sanctis qui sunt in patria competat orare ...	754
3. An etiam brutorum animalium sit orare.....	755
VII. De <i>efficacia orationis</i> .....	757
1. An oratio sit satisfactoria.....	757
2. An oratio sit meritoria .....	757
3. An convenienter assignentur conditiones quæ præstant efficaciam orationi.....	758
Expositio Textus .....	762

## DISTINCTIO XVI

### Pœnitentiæ partes 765

De tribus quæ in pœnitentia consideranda sunt.....	765
Quæ sit falsa satisfactio.....	767
De tribus actionibus pœnitentiæ.....	767
De satisfactione venialium.....	768

### Divisio Textus 768

#### Quæstio I

### DE PARTIBUS PœNITENTIÆ 769

I. De <i>partibus quasi integralibus</i> .....	769
1. An pœnitentia partes habeat.....	769
2. An convenienter assignentur et hæ tres partes : scilicet contritio, confessio et satisfactio .....	770
3. An sint partes subjectivæ.....	770
4. An sint partes etiam pœnitentiæ virtutis .....	771
II. De <i>partibus secundo assignatis</i> , .....	116
1. An pœnitentia ante baptismum debeat poni pars pœnitentiæ .....	776
2. An pœnitentia ante baptismum solum sit de actuali vel et de originali peccato .....	777
3. An debeat post baptismum aliqua pœnitentia venialium distingui.....	777
4. An teneamur ad pœnitentiam venialium.....	778
5. An partes istæ tres sint sufficientes.....	778

**Quæstio II****DE REMISSIONE VENIALIUM**

782

- |   |     |
|---|-----|
| I. <i>De modo remissionis</i> .....   | 782 |
| 1. An peccatum veniale possit dimitti voluntate manente ad illud .....                              | 782 |
| 2. An unum peccatum veniale possit dimitti sine alio ..   | 783 |
| 3. An veniale peccatum possit remitti sine mortali ....   | 783 |
| II. <i>De causa remissionis</i> .....   | 786 |
| 1. An veniale peccatum dimitti possit sine gratiæ novæ infusione.....                               | 786 |
| 2. An gratia sine contritione possit peccatum veniale remittere.....                                | 787 |
| 3. An de peccato veniali teneatur homo etiam confiteri .....  | 787 |
| 4. An per benedictionem episcopalem, aquam benedictam et hujusmodi peccatum veniale remitti possit. | 788 |

**Quæstio III****DE CIRCUMSTANTIIS PECCATI**

792

- |   |     |
|---|-----|
| I. <i>De ipsis circumstantiis secundum se</i> .....                                 | 792 |
| 1. An circumstantia sit proprietas moralis actus sive ejus conditio.....            | 792 |
| 2. An convenienter enumerentur circumstantis .....                                  | 793 |
| 3. An circumstantiæ quæ ab Augustino dicuntur, convenienter dicantur.....           | 793 |
| II. <i>Qualiter se habeant ad peccatum</i> .....                                    | 798 |
| 1. An circumstantiæ peccatum aggravent .....  | 798 |
| 2. An inter omnes circumstantias magis aggravent tempus et locus .....              | 799 |
| 3. An circumstantia possit trahere in aliam speciem vel in aliud genus peccati..... | 799 |
| 4. An circumstantia aggravet in infinitum.....                                      | 800 |
| 5. An omnis circumstantia sit confitenda.....                                       | 801 |

**Quæstio IV****DE IMPEDIMENTIS VERÆ PŒNITENTIÆ**

808

- |   |     |
|---|-----|
| I. <i>De hypocrisi quæ impedit interius</i> .....                           | 808 |
| 1. An hypocrisis sit peccatum .....   | 808 |
| 2. An sit speciale peccatum .....   | 808 |
| 3. An semper sit mortale peccatum .....                                     | 808 |
| 4. An hypocrisis debeat poni impedimentum pœnitentiæ præ aliis vitiis ..... | 808 |

	INDEX	1133
II.	<i>De exterioribus impedimentis</i> .....	812
	1. An ludi poenitentiam exterius impediunt.....	812
	2. An spectacula impediunt poenitentiam.....	812
	3. An exercitium militiæ vel negotiationis poenitentiam impediunt .....	813
	Expositio Textus	815

## DISTINCTIO XVII

	<b>Movet quasdam quæstiones de partibus illis</b>	817
	Utrum sine confessione dimittatur peccatum .....	817
	Cui sententiæ potius consentiendum sit .....	818
	An sufficiat soli Deo confiteri.....	819
	Quod non sufficit soli Deo confiteri, si tamen homini possit ...	820
	De tertio articulo, scilicet an sufficiat confiteri laico.....	821
	Hic aperit qualiter supradictæ auctoritates intelligendæ sunt	823
	Divisio Textus	824

### Quæstio I

#### DE JUSTIFICATIONE IMPII

	<b>DE JUSTIFICATIONE IMPII</b>	825
I.	<i>Quit sit justificatio impii</i> .....	825
	1. An assignatio quæ ponitur Rom. vm, in Glossa sit competens .....	825
	2. An justificatio sit aliud quam vocatio .....	825
	3. An justificatio sit idem quod renovatio mentis et sanatio .....	826
	4. An justificatio reducatur ad attributum misericordiæ	827
II.	<i>Quæ præexiguntur ad ipsam</i> .....	831
	1. An præparatio per quam aliquis facit quod in se est, ad justificationem præexigatur.....	831
	2. An aliquid sit in homine quod facere possit ut ad gratiam habendam se præparet.....	832
	3. An sit necessarium eum qui facit quod in se est justificari .....	832
III.	<i>Quæ concurrunt ad ipsam</i> .....	837
	1. An gratiæ infusio requiratur ad justificationem.....	837
	2. An sit necessarius ad justificationem motus liberi arbitrii in Deum .....	837
	3. An iste motus liberi arbitrii in Deum sit motus fidei ..	838
	4. An requiratur motus liberi arbitrii in peccatum sive contritio.....	838

5. An debeat addi quartum, scilicet peccatorum remissio.....	839'
IV. <i>De ordine ipsorum</i> .....	843
1. An culpæ remotio naturaliter præcedat gratiæ infusionem .....	843
2. An motus liberi arbitrii præcedat gratiæ infusionem .....	844
3. An motus liberi arbitrii in peccatum præcedat motum liberi arbitrii in Deum.....	845
V. <i>Qualis sit</i> .....	848
1. An justificatio impii sit miraculosa.....	848
2. An infusio gratiæ et remissio culpæ sint in eodem instanti .....	849
3. An sit successiva .....	850

## Quæstio II

### DE CONTRITIONE

	855
I. <i>Quid sit</i> .....	855
1. An contritio sit « dolor pro peccatis assumptus cum proposito confitendi et satisfaciendi » .....	855
2. An contritio sit actus virtutis.....	856
3. An attritio possit fieri contritio.....	862
II. <i>De quo esse debeat</i> .....	862
1. An homo debeat confiteri de poenis et non solum de culpis.....	863
2. An contritio esse debeat de originali .....	863
3. An de omni peccato commisso a nobis debeamus conteri.....	864
4. An etiam de peccatis futuris aliquis debeat conteri .	865
5. An homo debeat conteri de peccato alieno .....	865
6. An requiratur de singulis peccatis mortalibus contritio .....	810
III. <i>Quanta esse debeat</i> .....	870
1. An contritio sit major dolor qui esse possit in natura .	811
2. An possit esse nimis magnus contritionis dolor .....	871
3. An debeat esse major dolor de uno peccato quam de alio.....	876
IV. <i>De duratione ipsius</i> .....	876
1. An tota hæc vita sit contritionis tempus.....	877
2. An expediat continue de peccato dolere.....	878
3. An etiam post hanc vitam animæ de peccatis conterantur.....	881
V. <i>De effectu ejus</i> .....	881
1. An peccati remissio sit contritionis effectus.....	882
2. An contritio possit totaliter tollere reatum pœnæ.	882
3. An contritio parva sufficiat ad deletionem magnorum peccatorum .....	882

## Quæstio III

## DE CONFESIONE

	885
I. <i>De neccessilate confessionis</i> .....	885
1. An confessio sit necessaria ad salutem .....	885
2. An sit de jure naturali.....	886
3. An omnes ad confessionem teneantur .....	886
4. An statim teneatur confiteri.....	887
5. An possit cum aliquo dispensari ne confiteatur homini.....	888
II. <i>Quid sii confessio</i> .....	894
1. An Augustinus convenienter confessionem definiat ..	894
2. An confessio sit actus virtutis.....	895
3. An confessio sit actus pœnitentiæ virtutis .....	895
III. <i>Cui sil facienda</i> .....	899
1. An sit necessarium sacerdoti confiteri.....	899
2. An in aliquo casu liceat aliis quam sacerdotibus confiteri .....	899
3. An extra casum necessitatis possit aliquis non sacerdos confessionem venialium audire .....	900
4. An sit necessarium quod homo confiteatur proprio sacerdoti .....	900
5. An possit aliquis alteri quam proprio sacerdoti confiteri, etiam ex privilegio vel mandato superioris .....	902
IV. <i>Qualis esse debeat</i> .....	909
1. An confessio possit esse informis .....	909
2. An oporteat confessionem esse integram, ut scilicet omnia peccata uni sacerdoti confiteatur aliquis .....	909
3. An possit per alium quis confiteri vel per scriptum ..	910
4. An condiciones sexdecim quæ a magistris assignantur, requirantur ad confessionem .....	911
V. <i>De effectu confessionis</i> .....	915
1. An confessio liberet a morte peccati.....	915
2. An confessio aliquomodo liberet a pœna .....	916
3. An aperiat paradisum .....	916
4. An confessionis effectus poni debeat quod tribuat spem salutis .....	916

## DISTINCTIO XVIII

<b>De potestate quæ claves Ecclesiæ dicuntur</b>	922
De remissione sacerdotis.....	922
De clavibus .....	922
De usu clavium.....	922
Si sacerdos potest dimittere vel retinere peccata .....	922
Quod sacerdotes etiam dimittunt peccata, et tenent peccata suo modo.....	924
Quomodo sacerdotes ligant et solvunt a peccatis.....	925
Alius modus ligandi et solvendi .....	926
Quomodo secundum hos modos intelligendum sit : « <i>Quodcumque solveris etc.</i> ».....	926
Quæ sint interiores tenebræ et interior macula.....	926

Divisio Textus	927
----------------	-----

## Quæstio I

<b>DE CLAVIBUS</b>	928
I. <i>De clavibus secundum se</i> .....	929
1. An claves in Ecclesia esse debeant .....	929
2. An clavis sit « <i>potestas ligandi et solvendi qua ecclesiasticus iudex dignos recipere, indignos excludere debet a Regno</i> ».....	929
3. An sint duæ claves vel tantum una .....	930
II. <i>De remissione peccatorum ad quam ordinantur claves</i> .	935
1. An macula aliquid positive in anima sit .....	935
2. An peccatum aliquando possit remitti quoad maculam .....	935
3. An si remittatur peccatum quoad maculam, remittatur quoad omnem pœnam .....	936
III. <i>De effectu clavium</i> .....	939
1. An potestas clavium se extendat ad remissionem culpæ.....	939
2. An possit remittere peccatum quoad pœnam .....	939
3. An sacerdos per potestatem clavium ligare possit ...	940
4. An possit ligare et solvere secundum proprium arbitrium .....	941

**Quæstio II****DE EXCOMMUNICATIONE**

	942
I. <i>De ipsa excommunicatione</i> .....	943
1. An competens sit definitio excommunicationis .....	943
2. An Ecclesia aliquem debeat excommunicare.....	943
3. An aliquis pro aliquo temporali damno debeat excommunicari.....	949
4. An excommunicatio injuste lata aliquo modo effectum habeat.....	949
II. <i>Quis possit excommunicare</i> .....	954
1. An quilibet sacerdos possit excommunicare.....	954
2. An sacerdotes excommunicare possint .....	954
3. An excommunicatus vel suspensus excommunicare possit.....	955
III. <i>De modo excommunicationis</i> .....	957
1. An aliquis possit seipsum vel æqualem vel superiorem excommunicare .....	957
2. An in aliquam universitatem sententia excommunicationis ferri possit.....	957
3. An ille qui semel est excommunicatus ulterius excommunicari possit.....	958
IV. <i>De communicatione cum excommunicatis</i> .....	960
1. An liceat excommunicato communicare in pure corporalibus.....	960
2. An participans excommunicato sit excommunicatus	960
3. An participare cum excommunicato in casibus non concessis semper sit peccatum mortale.....	961
V. <i>De absolute ab excommunicatione</i> .....	964
1. An quilibet sacerdos subditum suum possit ab excommunicatione absolvere.....	964
2. An aliquis possit absolvi invitus.....	964
3. An aliquis possit absolvi ab una excommunicatione, si non absolvatur ab omnibus.....	964
Expositio Textus .....	967

**DISTINCTIO XIX****Quorum sit habere claves**

	968
Quando istæ claves dantur et quibus.....	968
Si alteram elavem omnes habeant, scilicet potentiam ligandi et solvendi.....	968
Aliorum sententia verior.....	969

Quomodo intelligendum : « <i>Maledicam maledictionibus vestris.</i> » .....	970
Qualis esse debeat iudex ecclesiasticus .....	970

Divisio Textus .....	971
----------------------	-----

### Quæstio I

#### DE HABENTIBUS CLAVES 972

I. <i>Quorum sit habere claves</i> .....	972
1. An sacerdos legalis claves habuerit.....	972
2. An Christus habuerit claves.....	973
3. An soli sacerdotes claves habeant.....	973
II. <i>Qui possunt clavibus uti</i> .....	976
1. An etiam sancti homines non sacerdotes usum clavium habeant.....	976
2. An mali sacerdotes usum clavium habeant.....	977
3. An schismatici et hæretici, excommunicati et suspensi et degradati usum clavium habeant.....	977
III. <i>In quem possit sacerdos uti clavibus</i> .....	981
1. An sacerdos possit uti clave quam habet in quemlibet hominem .....	981
2. An sacerdos possit semper suum subditum absolute .....	981
3. An aliquis possit uti clavibus in suum superiorem .. .	982

### Quæstio II

#### DE CORREPTIONE FRATERNA 986

I. <i>Quid sit</i> .....	986
II. <i>Cujus sit</i> .....	989
1. An quilibet ex præcepto ad correptionem fraternam teneatur.....	989
2. An peccator corripiens peccet .....	990
3. An aliquis teneatur corripere prælatum suum .. .	991
III. <i>De modo et ordine ipsius</i> .....	997
1. An oporteat quod fraterna admonitio præcedat denuntiationem Ecclesiæ faciendam .....	997
2. An convenienter in ordine correptionis ponatur testium inductio.....	998
3. An correptio quantum ad monitionem secretam debeat esse dura.....	999

Expositio Textus .....	1005
------------------------	------

## DISTINCTIO XX

<b>Tempus pœnitentiæ</b>	1007
De his qui in fine pœnitent.....	1007
De his qui pœnitentiam non complent .....	1008
De illo cui sacerdos indiscretus injungit parvam pœnitentiam	1009
Quod morientibus non sit imponenda satisfactio sed inno- tescenda .....	1009
In necessitate non est neganda pœnitentia vel reconciliatio.	1010
Quod presbyter non reconciliet inconsulto episcopo nisi in necessitate.....	1010
An oblatio ejus sit recipienda qui currens ad pœnitentiam prævenitur morte .....	1011
 D i v i s i o T e x t u s	 1011
 L <i>Virum aliquis in extremo vitæ suæ per pœnitentiam possit consequi veniam peccatorum .....</i>	 1012
1. An in extremo vitæ suæ aliquis pœnitere possit.....	1012
2. An in fine vitæ pœnitens possit a quolibet sacerdote absolvi .....	1013
3. An pœnitentibus in fine reservetur aliqua pœna post mortem.....	1013
II. <i>De pœna quam sacerdos ad satisfaciendum imponit.....</i>	1017
1. An pœna temporalis hujus cujus reatus post pœni- tentiam manet, taxetur secundum quantitatem culpæ .....	1017
2. An pœnitens sit debitor majoris pœnæ quam illius quæ a sacerdote est sibi injuncta .....	1018
3. An pœnam satisfactoriam possit unus pro alio ex- plere .....	1019
III. <i>De relaxatione hujusmodi pœnæ per indulgentias.....</i>	1023
1. An per indulgentiam possit aliquid remitti de pœna satisfactoria .....	1023
2. An valeant tantum quantum pronuntiantur.....	1024
3. An pro temporali subsidio debeat fleri indulgentia ..	1025
IV. <i>Quis possit indulgentias facere .....</i>	1031
1. An quilibet sacerdos parochialis possit indulgentiam facere.....	1031
2. An diaconus possit indulgentias facere vel alius non sacerdos.....	1031
3. An etiam episcopus possit facere indulgentiam.....	1031
4. An ille qui est in peccato mortali possit facere indulgentias.....	1032



INDEX	1141
2. An ignis purgatorius liberet a reatu pœnæ.....	1007
3. An ab illa pœna unus liberetur alio citius .....	1058

## Quæstio II

### DE CONFESSIOE GENERALI 1061

I. <i>Utrum per confessionem generalem quæ fit in completorio et prima dimittantur venialia .....</i>	1061
II. <i>Utrum confessio generalis sufficiat ad delendum peccata mortalia oblita .....</i>	1063
III. <i>Utrum aliquis licite possit confiteri peccatum quod non habet.....</i>	1065

## Quæstio III

### DE SIGILLO CONFESSIONIS 1067

I. <i>Utrum in quolibet casu teneatur homo celare ea quæ sub sigillo confessionis habet.....</i>	1067
1. An in quolibet casu teneatur celare sacerdos peccata quæ sub sigillo confessionis novit.....	1067
2. An sigillum confessionis se extendat ad alia quam illa quæ sunt de confessione.....	1068
3. An solum sacerdos sigillum confessionis habeat.....	1069
II. <i>Utrum de licentia pœnitentis possit sacerdos peccatum quod sub sigillo confessionis habet, alteri prodere ....</i>	1071
III. <i>Utrum illud quod quis scit per confessionem et alio modo, aliquo modo possit revelare .....</i>	1073

Expositio Textus	1075
------------------	------

## DISTINCTIO XXII

### De remissione peccatorum 1076

Si peccata dimissa redeant.....	1076
Objectio .....	1077
Responsio .....	1077
Aliorum sententia .....	1077
Quid sit sacramentum et res.....	1077

Divisio Textus	1078
----------------	------

## Quæstio I

## DE REDITU PECCATORUM

1079

- |      |   |      |
|------|---|------|
| I.   | <i>Utrum peccata dimissa redeant in eo qui récidivai</i> .....                                      | 1079 |
| II.  | <i>De ingratitude perquam peccata redire dicantur</i> .....   | 1083 |
|      | 1. An ingratus sit speciale peccatum.....   | 1083 |
|      | 2. An minus sit ingratus innocens, si peccat, quam pœnitens .....                                   | 1084 |
|      | 3. An ex ingratitude recidivantis consurgat tantus reatus quantum fuit præcedentium peccatorum .... | 1084 |
| III. | <i>Quæ peccata per ingratitude redeant possunt</i> .....  | 1087 |
|      | 1. An per ingratitude redeant peccata venialia.....   | 1087 |
|      | 2. An originale redeat.....   | 1087 |
|      | 3. An per illa quatuor peccata magis redeant peccata dimissa quam per alia.....                     | 1088 |
| IV.  | <i>Utrum récidivons teneatur peccata confiteri de quibus prius confessus fuit</i> .....             | 1089 |

## Quæstio II

## DE EO QUOD EST RES ET SACRAMENTUM

## IN PœNITENTIA

1092

- |      |  |      |
|------|--|------|
| I.   | <i>Quid sit ibi res et quid sacramentum</i> .....  | 1093 |
|      | 1. An exterior pœnitentia sit sacramentale signum ..   | 1093 |
|      | 2. An interior pœnitentia sit res hujus sacramenti ..  | 1093 |
|      | 3. An remissio peccatorum sit res hujus sacramenti ...   | 1094 |
| II.  | <i>De unitate hujus sacramenti</i> .....   | 1098 |
|      | 1. An pœnitentia sit unum sacramentum.....   | 1098 |
|      | 2. An hoc sacramentum magis consistat in his quæ geruntur a sacerdote quam in his quæ geruntur a pœnitente ..... | 1098 |
|      | 2. An verba sacerdotis absolventis debeant esse per modum deprecationis.....                                     | 1099 |
| III. | <i>De institutione ipsius</i> .....  | 1101 |
|      | 1. An sacramentum pœnitentiæ habeat institutionem. .   | 1101 |
|      | 2. An ante Christum fuerit hoc sacramentum institutum  | 1101 |
|      | 3. An sit institutum in nova lege post Christi adventum  | 1102 |

Expositio Textus

1105

**Index eorum quæ  
in prima parte quarti libri continentur**

1107

